







136  
64

Library  
of the  
University of Toronto

*J. 11. 13. Lib.*



STILLMAN DRAKE



Walter Pagel  
MCH L

35 CF 190  
68 + 218  
70  
88  
18  
71

istius libri folia sunt 350

36, 4"

~~f. 6, 16.~~

See Bayle's Dictionary  
under the article Merigardie







SERENISSIMO

FERDINANDO II.

MAGNO DVCI HETRVRIAE

CIRCVLVS I.

IN PRIOR. LIBR. PHYS.

DEDICATVS

SERENISSIMO

CAROLO

CARDINAL. AB HETR

CIRC. VI.

IN LIB. DE ANIMA

D.

SERENISSIMO

IOAN. CAROLO

CARDINAL. AB HET

CIRC. II.

IN LIB. VIII. PHYS.

D.

CIRCVLVS

PISANVS

SERENISSIMO

LAVRENTIO

AB HETRVRIA

CIRC. V.

IN LIB. METEOR.

D.

SERENISSIMO

MATTHIAE

AB HETRVRIA

CIRC. III.

IN LIB. DE COELO

D.

SERENISSIMO

LEOPOLDO

AB HETRVRIA

CIRC. IV.

IN LIB. DE GENER.

D.



Digitized by the Internet Archive  
in 2024 with funding from  
University of Toronto

<https://archive.org/details/circuluspisanus00brig>



CIRCVLVVS PISANVS  
CLAVDII BERIGARDI  
MOLINENSIS

Olim in Pisano, iam in Lyceo Patauino  
Philosophi primi parisi

De veteri & Peripatetica Philosophia  
*In priores libros Phys. Arist.*

SERENISSIMO  
FERDINANDO SECVNDO  
MAGNO HETRVRIAE DVCI  
dedicatus.



V T I N I, MDCXLIII

---

Ex Typographia Nicolai Schiratti.  
SVPERIORVM PERMISSV.



CIRCVLVVS PISANVS  
CLAVDII BERIGARDI  
MOLINENSIS

Omni in Milano, tam in Lyceo Patavino  
Philosophi primum prae

De veteri & Peripatetica Philosophia

In praelectionibus Praefatus

SERENISSIMO

FERDINANDO SECVNDO

MAGNO HETVARIAE DVCI

dedicatum.



V. T. N. I. M. DC. XLII

Ex Typographia Nicolai Schmitt

in Editione perperam





S E R E N I S S I M O  
FERDINANDO SECVNDO  
MAGNO HETRVRRIÆ DVCI  
Claudius Berigardus F. P.



N Nemeo certamine licebat  
Herculem inuocare , sed non  
alium , in Isthmio Neptunum ,  
in Pythio Apollinem , in Olym-  
pio apud Pisam Iouem solum .  
Sic ego nefas existimaui , SE-

RENISSIME FERDINANDE , in hoc certami-  
ne philosophico Pisis inito aliud inuocare no-  
men quàm Mediceum , cuius auspicijs palæstra  
Pisana Pisæ Olympiæ parentis suæ splendorem  
& gloriam superauit , non pugilatione , luctatio-  
ne , curriculisq; equorum , sed quod præstantius  
est literaria concertatione. Quippe tales hîc spe-



stantur disceptationes, quas Pisanos circulos  
iam appellant, ut iurisprudencia demonstratio-  
nibus mathematicis vix concedat, medicina non  
iam facultas videatur, sed scientia, philosophia  
verò diuina, atque humana mirum in modum il-  
lustrior euaserit, & copiosior. In hac palæstra  
duodecim annis exercitatus non minus duxi re-  
ligioni hoc certamen philosophicum Pisis habi-  
tum SERENISSIMO FERDINANDO summo  
eius parenti non consecrare, quàm veteres ath-  
letæ nefas arbitrabantur desudatos Pisæ labores  
Ioui Olympio non offerre. Quamobrem hanc  
gratiam enixè oro, quæsoque ut in clientelam sui  
nominis, ac patrocinium admittat veluti rem si-  
bi sacram, votamque hanc philosophiæ natura-  
lis primam partem, vnde dependent cæteræ om-  
nes, quæ non aliud quàm Medicum nomen in  
fronte ferent, sicut aliud non erit vnquam altius  
infixum animo, quo Serenissimæ Celsitudini tuæ  
felicitatem summam exopto, & precor.

Patauij Kal. Ian. MDCLXIII.



## PRO IMPRESSIONE.

**C**irculum hunc ab Excellentissimo Claudio Berigardo delineatum peruenusta sapientiæ arcana completentem, ac tamquam Solem radios orbi porrigentem, ego infrascriptus inspexi. nil impuri in illo est. imò tenebrarum ignorantiam pellit, peripateticas veritates ab errorum caligine vindicat, noui Veris delicias orbi prægeminat: prelo orienti studiosorum perpetuò committatur, ac stabiliatur.

Ego F. Franciscus Bettotus Doctor Theologus,  
primæ Sedis in Vniuersitate Patauina Logicus  
vidi, &c.

*Die 2. Iulij 1643.*

**C**irculus Pisanus præfens Excellentiss. D.D. Claudij Berigardi Molinensis in Lyceo Patauino Philosophi primi parisi, cuius initium, Sapienter Democritus, &c. & finis, reijci debent, fuit pro impressione admissus, & approbatus stante suprascripta attestatone, cum nihil contra fidem, Principes, ac bonos mores in ipso reperiatur. In fidem, &c.

Ego F. Antonius Vercellus à Lendenaria Inquisitor Generalis Paduæ manu propria.

*Die 14. Iulij 1643.*

Visis attestatationibus suprascriptis conceditur licentia imprimendi Vtini.

Ita est, F. Ludouicus Syllanus de Gualdo Inquisitor Generalis Aquileiæ, & Concordiæ.



*Noi Reformatori dello Studio di Padoua*

**H**Auendo veduto per fede del M. R. P. Inquisitor di Padoua; che nel libro intitolato *Circulus Pisanus Claudij Berigardi De veteri, & Peripatetica Philosophia in priores libros Phys. Arist.* non si troua cosa alcuna contra la santa Fede Cattolica, e parimente per attestato del Segretario nostro, che non vi sia cosa alcuna contra Prencipi, e buoni costumi, concedemo licenza, che sia stampato, douendosi offeruar quanto per legge in proposito di stampe; con conditione, che non sia venduto se prima non vien portato vno legato per la libreria publica giusta la Parte dell'Eccellentiss. Senato de' 2. Decembre 1622. In quor. fid. &c.

Dat. a' 5. Lnglio 1643.

[ Battista Nani Reform.

[ Aluise Valareffo Cau. Proc. Reform.

Aluise Querini Seg.




1	20	fin	fin
2	33	quòd	quod
9	2	differentiam	differentia
11	25	definit	definit
14	35	indagarer	indagaret
20	11	quia ab	qui ab
24	22	in proxima	in proximo
26	42	a 63.	ad 63.
30	9	materia primam	materiam primam
31	8	secundùm	secundum
33	8	conferuetur	conferuetur:
38	41	misterijs	mysterijs
42	29	tibo	tibi
48	28	extiterunt	extiterunt:
52	7	remaneret	remanerent
54	35	redigistis	redegistis
57	34	conatur	conatur:



# INDEX

## CIRCVLORVM.

<b>P</b> Ræludia Physica . Circulus Primus .	pagina 7
Proœmium physicæ . Circulus Secundus.	10
De principijs secundùm veteres. Circulus Tertius.	13
De principijs secundùm Aristotelem. Circ. Quartus.	19
De natura & caussis . Circulus Quintus.	35
De motu . Circulus Sextus.	42
De infinito . Circulus Septimus .	46
De loco . Circulus Octauus .	53
De vacuo . Circulus Nonus.	57
De tempore . Circulus Decimus.	62
De speciebus, vnitate, & oppositione motus. Circ. XI.	66





# CLAVDII BERIGARDI MOLINENSIS CIRCVLVS PISANVS

De veteri & Peripatetica Philosophia.

P R O O E M I V M.



*S*apienter Democritus gauisus est, cum Athenas venisset, a nullo se fuisse cognitum, sapientius fortasse si scriptis suis agnosci ab omnibus non quaesivisset, nihil enim, si credimus morienti Theophrasto, inanius est amore gloriae, cui velificatur & Democritus, & quisquis futilis gloriolae desiderio libros edit, atque in ijs ipsis, ut ait Cicero, quos scribit de contemnenda gloria, nomen suum inscribit. Ego verò non modò latitiam hanc haurire possum quòd vixi ignotus Academijs quibus interfui, sed etiam quòd libris a me de veteri & peripatetica philosophia conscriptis obscurior sin remansurus & mecum ipse ac pauculis amatoribus veritatis locuturus ea quorum alij ne inscriptionem quidem audire dignabuntur. Acclamationes & applausus illis relinquo, qui syllabatim Aristotelis expendunt verba & artificium, nec ei contrarium quidquam inveniunt, nisi ut illud statim amoliantur, & velut ἀνδράποδα καλὰ καὶ ἀγαθὰ, vnius domini placitis mancipientur. Ea contentus sum in medium proferre quæ siue Aristoteli, siue alijs sint consentanea, conferant aliquo modo ad veritatem e latebris eruendam: nam eo tempore quo in Academijs Parisiensi, Pisana, & Patauina rei philosophicae operam dedi, semper attendi quid diceretur potius, quàm quis diceret. Quæ verò ibi partim audiui a viris doctis, partim ipse comeditatus sum, Circuli Pisani nomine potius, quàm alio quolibet insignita publici iuris esse volui, quoniam ut ad octauum Physicorum dicam apertius duodecim illis annis, quibus in acerrimis illius Circuli Pisani disceptationibus mentem exercui, alium non vidi modum breuiorem, faciliorem, ac tutiorem manifestandæ veritatis, quàm qui eo genere disputationis conficitur: breuiorem quidem eò quòd statim respondetur argumentis citra repe-



tionem importunam : faciliorem verò , quia familiaris ille modus colloquendi reddit animos attentiores , atque inuitat vt fingant seipsos esse disceptatores , & liberè suscipiant alterius partis defensionem : denique tutiorem , quia more Platonico dum in vtrunque partem disputatur , non caditur in eorum offensionem , quibus integrum relinquitur , vt ipsi statuunt & amplectantur quod consentaneum est veritati . Hanc amicitio rem oportet esse quàm Aristotelem & antiquos , neque tantum illius auctoritati deferendum , vt istos rationis expertes fuisse credamus , neque omnino tribuendum antiquitati , vt iure in multis Aristoteles eam non reprehendat . Vt verò magis elucescat quidquid veritatis est in vtraque philosophia , operæ pretium existimaui duos introducere philosophos Charilaum , & Aristæum , quorum ille placita peripatetica , iste veterum opinionem tueatur . Neque putavi quenquam antiquorum opponi debere Aristoteli , non Empedoclem , non Anaxagoram , non Democritum , quoniam singuli aliquid habent quod Aristoteles argumentis suis facile euertit , maximè si eorum sententias accipiamus vt ipse refert : quin potius ex omnibus quæ ab antiquis præclare dicta videri possunt , malui seligere placita inter se magis coherentia , vnde doctrina conficeretur , quam Aristoteles non ita facile suis machinis labefactaret , & quæ vicissim arcem peripateticam aggredi auderet . Ex Anaximandro tamen , & Anaxagora plura deprompsi , quàm ex alijs , neque aliud attendi , nisi vt referrem quid dicere possent veteres , vt se ab Aristotelis aggressionibus tuerentur . Quòd cum apud me tacitus meditarer , in limine operis audire mihi videbar Sophiam ipsam huius rei difficultates summas , quibus ad cumulum accederet odium , atque inuidia , exaggerantem , cui ego constanter eadem referebam , quæ olim Aeneas perdifficile , & inaccessum iter ingressus Sybillæ dicebat .

————— Non vlla laborum

O virgo noua mi facies , inopinave surgit ,

Omnia præcepi atque animo mecum ante peregi .

Sic animo comparatus fortasse peruincam difficultates , odium verò , atque inuidiam , quæ vt , ait Seneca , consequuntur philosophiam , etiam si modestè tractetur , parui facio , contentus clarè & ingenuè profiteri me nulli doctrinæ , nisi Christianæ veritati esse addictum , proinde quæ citra prauaricationem tam pro Aristotele , quàm pro antiquis in medium afferam , non propono vt vera , sed quid in ijs sit veritatis , sacris theologis ac philosophis doctioribus examinanda , ac indicanda . Verùm ne idem

mibi



mibi contingat atque illi qui conquerebatur accipi sinistra quòd ipse dextra porrigebat, opera pretium est mentem hic meam aperire paulò explicitius ut cùm alicuius philosophi dictum occurrerit a veritate longè alienum, sciatur quo sensu illud accipi debet. Cùm Aristotelem & Peripateticos eius assecclas viderem in simulari, quòd olim veterum doctrinam flammis dederint, & nunc semustulatas eius reliquias pedibus proterant, primùm afferre volui Aristotelis opinionem ex communi sensu interpretum, atque illi unam opponere ex varijs antiquorum dictis expressam, quàm omnium difficillimè possit amoliri. Neque opus fuit ut veram usquequaque doctrinam obicerem Aristoteli, cùm & ipse in multis longè desciscat a veritate. Quamobrem clarè pronuncio tam Aristotelis quàm veterum a me propositam opinionem in ijs omnibus quæ aduersantur Christianæ veritati, falsam esse, in alijs verò de quibus iudicium philosophis relinqui solet, sententiam meam proferre non debeo, ne cùm Aristotelis interpretandi munere tandiu perfunctus sim, in magistrum despuere, & apolactizare, ut ait Plautus, aut antiquorum cineribus insultare velle videar. Explicare debet autor suam opinionem in ijs qua pietati ac bonis moribus officere possunt: at utrum ex Aristotelis, vel antiquorum principijs philosophemur, ijs exemptis quæ, ut dixi, fidei repugnant, nihil refert: quare liberum omnibus relinqui potest ut de utraque parte iudicium ferant. Atque ut apertius euadat quid in Aristotele & antiquis sit reiiciendum, quid verò relinquendum eorum disputationi cui Deus mundum dicitur tradidisse, illud imprimis occurrit reprehendendum, quòd Aristoteles posuit mundum eiusque materiam primam æternam, primum motorem supremæ duntaxat sphaera medio circulo insistentem, libertatis expertem, nihil aliud aptum intelligere nisi seipsum, nec aliud efficere quàm motum æternum, proinde nec mundum, nec aliud quidquam ex nihilo creare posse: item de reliquis intelligentijs, quarum infimam videtur facere intellectum agentem, & animam unam communem toti speciei humanæ, unde consurgit innumerabilium errorum seges, quibus damnatis retinere possumus eius principia ad normam sacrae theologiæ castigata. Aristoteli materiam æternam & res abstractas a materia longè aliter, quàm sint falsò asserenti opponere decuit antiquos qui omnia corporea esse statuerent, & primum motorem ab vniuerso non distinguerent, ut palam fieret quinam propius abessent a veritate, & quorum principia demptis erroribus retineri possent ad rerum naturalium declarationem.



Nec dubium quin *Aristoteles* ut defendit *Charilaus* lib. 8. *Phys.* in ijs quæ ad animam & Deum attinent, partes obtineat potiores, si spectetur tantum eorum sententia qui nihil esse putarunt quod non esset corpus. Sed quoniam *Aristæus* hoc intuens, dixit corporibus infinitis & æternis posse adijei mentem *Anaxagoræ*, quæ melius refert Dei naturam quàm primus motor *Aristotelis*, hypothese sic reconcinnata, difficile est statuere grauioresne sint errores *Aristotelis* an antiquorum. Hi tamen perinde atque ille sunt reprehendendi, quod substantias simplices corporeas æternas esse docuerunt, quantumvis mentem unam aut plures posuerint uniuersi gubernatricem. Quare superest ut eorum erroribus amputatis, videant philosophi an principia rerum naturalium possint esse corpuscula tenuia a Deo creata, quorum sola congregatione, & secretionem omnium ortus & obitus, ut plerique ex Sanctis Patribus censuerunt, perficiatur, & an ille corporum consensus atque dissensus nihil repugnans doctrinæ sacræ, præstabilior sit quàm materia prima *Aristotelis*. Quando igitur in his Circulis quispiam defendi videbit errores *Aristotelis*, id fieri non alia mente sibi persuadeat, quàm ut ostendatur eam esse eius doctrinam, licet eumentem ac mendosam, quæ veterum placitis inanioribus antepositur. Similiter quod antiquorum explicantur, laudanturque falsa decreta, sciat hoc non fieri simpliciter, sed comparatè, neque aliud velle *Aristæum* veterum causam suscipiendo, quàm ostendere ex corporibus primis æternis, & infinitis mutua consensione ac repugnantia temperatis minus difficulter explicari nodos omnes philosophiæ quàm ex æterna materia *Aristotelis*, nec ullis argumentis posse veteres ab eo reuinci: ut inde conspiciam fiat quod vulgo iactatur, an *Aristoteles* vetustiore philosophiam euerterit. Quoniam autem in ijs quæ pertinent ad diuinam philosophiam nunquam satis explicatè loqui possumus, & si putem hæc pauca sufficere, ut quomodo quidque sit accipiendum intelligatur, tamen quia dum brevis esse laboro obscurus fio, ut ijs etiam consulatur qui vel minus philosophicè sciunt vel minus latine, hoc prolixè de mea voluntate polliceor statim atque dubitantem audiero de ijs quæ hìc ingenuè disputantur, ea me pro virili parte explanaturum, & si minus ad sacræ doctrinæ lineam æquari poterunt, emendaturum. Quippe malim cum *Augusto* ut meus *Ajax* in spongiam incumbat, quàm ut inconsideratè porcos *Epicureos* persequendo misera prolapsione in profundam erroris alicuius foveam incidat. Interea ne videar falsas allinere sententias



*Aristoteli, non dicam ut consulatur Franciscus Piccolomineus libro de Cælorum motoribus, sed nihil aliud velim quàm ut legatur Thomæ Campanella theologi de Reductione ad religionem liber a Magistris S. Officij Romæ approbatus an. 1630. Nam loquendo de Aristotele cap. 2. num. 19. Is, inquit, mundum æternum docet. Deum non esse factorem mundi, neque hominum, neque doctorem qui communicet nobiscum vel in somno, vel vigilia (ut dicit in libro de Somnis, & in Ethicis) nec beatorem ante & post mortem. Quippe qui ut docet 8. Ethic. nobiscum nec habere potest commercium. Et 12. Metaph. t. 5 1. nec curat, nec intelligit inferiora. Item animas humanas esse corporum formas corruptibiles, vnā verò vniuersalem semper viuere, quia non est actus corporis ut dicit 2. de Anima t. 11. iuxta expositionem Theophrasti, Alexandri, Themistij, Simplicij, Philoponi, Auerrois, Auicennæ, & aliorum Græcorum Arabum, & Latinorum, quos verisimilius est, aiunt, intellexisse mentem Aristotelis magis, quàm intellexerit D. Thomas non græcus, aliter exponens libros de anima græcos, cui non Scotus modò, sed Caietanus etiam suus contradicit. Præterea idem Aristoteles negat pœnas & præmia post mortem 1. Ethic. c. 14. & 15. Et 12. Metaph. fabulas vtilis legislatorum esse putat quæ dicuntur de Superis, & inferis: vnde Auerroes scripsit contra tres legislatores Christum, Mosem, & Mahometum, deditque materiam scriptori impio de tribus Impostoribus. Præterea Aristoteles 7. & 8. Politic. religionem esse inuentionem politicam, non autem natura constare: proptereaque sacerdotium militibus dat veteranis reuera ad quietem sub prætextu diuini cultus, quem vanum putat. Amplius negat extare demones, & angelos, nisi eos qui affixi cælo mouent orbes. Aliasque alij enumerant contra Christianam religionem sententias. Idem autor cap. 11. agens de caussa mali, Alij, inquit, negarunt prouidentiam Dei, ut Aristoteles & Auerroes. Ac ne quis putet hoc illi tribui non a Campanella, sed ab impijs, respondet in his omnibus Aristotelis philosophiam esse sophisticam, parui faciendam eius autoritatem, cum habeamus Sanctos Patres & D. Thomam ingeniosiores, & doctiores, nec philosophiam contradicere theologiæ, sed Aristotelem & Auerroem. Errant igitur, inquit, illi qui asserunt theologiam in Aristotele fundari quæ in diuinarum reuelationum notis inhaeret. Denique ut constet ea quæ dicuntur in nostris Circulis permissa iam fuisse a S. Officio, libet pauca subiungere, maxime ne cui durum videatur quòd introduco Aristoteli*



statum defendentem sententiam Iacobi Zabarella viri in hoc Lyceo celeberrimi. Hac sententia libro de Inventione æterni motoris approbato sæpius a S. Officio, docet unicum medium philosopho naturali ad demonstrandum dari primum motorem a materia abiunctum esse motus aternitatem, quæ quia non datur, ut fide divina certi sumus, sequitur primum motorem demonstrari non posse naturaliter, sed ad hoc opus esse Dei contactu peculiari. Neque propterea Zabarella putat eam quam vocat demonstrationem primi motoris ex motu æterno, esse veram demonstrationem, utpote cuius medium falsum est, sed loquitur ex falsis principijs Aristotelis, nempe si verus esset motus æternus, inde solùm ostendi posse primum motorem. Hanc Zabarella opinionem iam permissam si tuerer; id fortasse tutò facere possem, verùm contrariam existimo magis esse consentaneam pietati, propterea illi oppono Charilaum qui Circ. II. & XV III. comendit Deum verum cognosci posse naturaliter, & licet rationes illæ seorsum acceptæ non videantur sufficere ad convincendos pertinaces Epicuræos, ut concludit ultimis verbis, omnibus tamen simul instructis, ait intellectum rectè dispositum posse cleuari ad hanc cognitionem naturaliter, sed absque merito gratiæ & gloriæ, ut sic inexcusabiles verè dicantur a Diao Paulo qui contemptis his rationibus ad falsas & irreligiosas opiniones delapsi sunt. Zabarellam tamen sequi videtur Campanella cap. 9. n. 2. ubi ait religionem veram (ac proinde Deum) citra fidem cognosci non posse: quin etiam apud philosophos plus valere fidem quàm rationem. Observari quoque velim in his Circulis nunquam proponi sustinendam opinionem damnatam a S. Officio, sed permissam agitari in utranque partem; neque enim a Charilao & Aristao disputari volo an detur Deus, quam quæstionem impiam vocant, neque an sit expers libertatis, & an mundus sit æternus, an ex nihilo creatus, sed quari volo an melius de hoc senserit Aristoteles, an philosophi vetustiores, & quæ sit eorum sententia licet impia. Verùm ad eorum opiniones declarandas interdum, ut fit in dialogis, assero non pro philosopho naturali, sed pro theologo rationes antiquis ignotas exercitationis tantum & uberioris doctrinæ causa, quod mihi perinde ac multis alijs condonari potest. Si quid aliud videbitur addubitandum, sub operis finem apponetur.



Prælia physica.

CIRCULVS PRIMVS.

CHARILAVS. ARISTÆVS.



**C**HAR. Opportuna dies illuxit tandem, optime vir re & nomine Aristæ, qua iam pridem conditam a nobis disputationem auspicemur, ego Aristotelis, tu veterum placita defendendo, non clamorosa contentione, vt in nostris Circulis Pisanis sæpe fieri solet, sed amica voluntatum consensione ad veritatem indagandam. **ARIST.** An quidquam mihi iucundius accidere possit & exoptatius, quàm cum alumno Gratiarum Charilio inuestigare quid veritatis sit in veteri, & peripatetica philosophia? Si placet, vt iam statuimus, rem aggredere missis longioribus præludijs, quæ apud alios videri possunt. **CHAR.** De philosophia rerum humanarum diuinarumque scientia locuturis primùm nihil est quod in eius celebrationem teratur tempus: leuiorum est vbique commendari: satis celebratæ sunt ab alijs eius dignitas, vtilitasque, ex quo Pythagoras philosophiam nuncupauit, quæ prius Sophia dicebatur, prudenter auersatus inuidiosum, & vt ait Marcialis, *nomen semper inane Sophos*. Nam si philosophi nomen, quod tantùm amatorem Sapientiæ sonat, odium, atque inuidia consequitur, quid putamus si quis inter insipientes sapiens, vt Democritus inter Abderitas, audiretur? De eius initijs & progressu missa eorum opinione qui a primo parente posteris traditam putant, & superstitione Iosephi primo antiq. de columnis marmorea, & lateritia, Senecam audiamus in fragmentis apud Lact. diuin. inst. lib. 3. c. 16. vbi ait, nondum sunt mille anni ex quo initia sapientiæ nota sunt. Græcorum enim inuentione philosophiam habemus. *Graijs ingentum, Graijs dedit ore rotundo Musa loqui*. Nam Dialectica a Zenone ortum duxit, a Platone perfectionem habuit, moralis a Socrate, naturalis a Thalete, iuxta Aristotelem 1. Metaph. c. 4. aucta verò a Pythagora, vt ibidem dicitur c. 5. At inter Iudæorum somnia illud est quod scribit Iosephus lib. contra Apionem, Pythagoram Nazaræi cuiusdam in literis apprimè versati fuisse discipulum, quod illius fide referunt etiam Clemens Alexandrinus, & Ambrosius: sed quæ fides ei qui vt accomodet ad aures vulgi sacras paginas, non veretur compluribus locis sensum peruertere. Credibile est tamen prius aliquam fuisse philosophiam, sed valde rudem & inconditam apud Chaldæos, Ægyptios, Hebræos, Persas, & Gallos, moralem præcipuè, naturalis enim erat obscurior, vt patet ex ijs quæ ab Hebræis accepimus. Ea porrò duas sectas habuit nobilissimas Ionicam, & Italicam: huius princeps Pythagoras in Italiam venit regnante Tarquinio illius autor fuit Thales Milesius qui floruit in Ionia regnante Croeso. Successit Anaxi-

man-



mander, deinde Anaximenes, tum Anaxagoras, quem audiuit Archelaus. Hic relicta Ionia transtulit Athenas Philosophiam, diciturque fuisse magister Socratis post quem in quatuor præcipuas sectas diuisa fuit, Academicam, Peripateticam, Stoicam, & Epicuræam, ex quibus aliæ subinde prodierunt, quod breuiter dictum sit, vt ex interitu tot sectarum constet Peripateticam solam superstitem optimam esse, ego enim non id fortunæ ascribi velim, qua factum sit vt Carolus Magnus & alij Academiæ instauratores publicè legendos proposuerint codices solos Aristotelis, cum alij omnes integri non reperirentur, quippe Gothorum, Hunnorum, Vandalorumque incendijs maxima parte conflagrant, id enim vix fieri potuit, nisi quia digni habitus sunt qui a flammis potissimum inter cæteros seruari. Ex quadringentis autem voluminibus, quæ scripsit Aristoteles teste Suida, vix habemus absolutam naturalem philosophiam, quæ quidem postquam Aristoteli successit Theophrastus, Theophrasto Eudemus & aliquot alij, velut inter mortua filuit aliquandiu, sed eam iacentem exsuscitauit Alexander Aphrodisæus, qui tantum nomen est consecutus, vt si credimus Auerrois 3. de anima com. 14. nemo suo tempore philosophus haberetur, nisi qui Alexandri, hoc est Aristotelis doctrinam profiteretur. De hac inter nos sumus imposthærum disputaturi, an aliqua ex antiquorum monumentis ei sese conferre possit: quod pro nostra dicendi libertate velim ita præstemus, vt tamen non prohibeamus interdum digredi, vbi res postulat, præcipuè octauo physicorum, & primo de cælo, ad ea quæ sunt scientiæ superioris: neque propterea, vt quidam verentur, Aristotelem ex elemento suo educemus, non enim putamus eum esse piscem qui assurgere non possit paulò altius quàm illi credunt. Auspicemur tandem, vt moris est, ab ijs libris, quorum vera inscriptio est *φυσικῆς ἀκροάσεως* de physico auditu, quoniam *ἀκροαματικὸν* significat perfectum doctrinæ modum per causarum cognitionem, cui Aristoteles opponit *ἐξωτερικὸν* rude & vulgare, scripsit enim de philosophia alio genere, quod ita appellat 1. ethic. cap. vi. & 1. de ani. 54. *τῆς ἐν κοινῷ λεγόμενης λόγος*, quasi ad populum habitos sermones, qui tamen non exstant. Præcipua tamen ratio huius inscriptionis, vt ait Simplicius, ea est quod significare voluit philosophus hos libros potissimum esse conscriptos in eorum gratiam, qui ipsum in Lyceo auscultauerant, ac propterea teste Plutarcho, cum Alexander quereretur, quod eos fecisset publici iuris, respondit esse vulgatos, & non esse. Quod verò reperiuntur etiā inscripti *περὶ ἀρχῶν* de principijs, & *περὶ τῆς κινήσεως* de motu, atque ita nonnunquam ab ipso Aristotele nuncupentur, hoc tantum ostendit inscriptionem peti posse ex diuersa auctoris intentione circa idem subiectum, & quanquam vera inscriptio sit de physico auditu, vocari tamen de principijs a parte præcipua, licet minore, quæ habetur primis duobus libris, de motu verò a parte maiori licet minus præcipua, quæ continetur reliquis libris; nam etiam octauus, quidquid dicat Simplicius, Porphyrius, & Ioannes Grammaticus, est de æterno motu, propter quem motor æternus consideratur, non vt subiectum,

sed

De inscri-  
ptione.



sed principium. Ut autem intelligamus quid sit physica, statuendum est primum eius genus, & differentiam. Genus est habitus contemplatiuus, utpote acquiescens in sola veritatis cognitione. Differentia petitur a subiecto, cuius principia species, & affectiones ita considerat, ut ab alijs scientijs distinguatur. Subiectum enim duabus partibus constat, re considerata, & modo considerandi. Omnes conueniunt in eo quod subiectum physica sint res naturales prout habent aliquod internum principium suæ mutationis: quia tamen illud diuersis nominibus appellatur ab Aristotele, ideo eius interpretes diuersa quoque nomina, licet eidem subiecto, imposuerunt: melius tamen declaratur per corpus naturale, ut naturale est, quam per alia, clarius enim exprimitur radix unde proximè oritur prima affectio physica, scilicet motus, cuius principium proximum est natura, non autem ens, vel substantia, alioquin omne ens, omnis substantia, ac proinde motor primus esset mobilis. Melius igitur assignatur physica subiectum corpus naturale, quam ens mobile, substantia naturalis, vel corpus mobile. Quod si quis cum Heraclito, ut refert Aristoteles 4. Metaph. dicat non dari scientiam de corpore naturali, utpote caduco, indefinito, & singulari: respondendum est dari tantum scientiam de rebus naturalibus vniuersè sumptis, ita enim saltem non corrumpuntur. Quamquam Aristoteles 1. Poster. c. 7 cum ait non dari scientiam de ijs quæ corrumpi possunt, intelligit tantum de subiecto, quod necessariam connexionem non habet cum prædicato, nec ipse in scientia requirit subiectum, quod semper sit, sed quod non possit esse sine prædicato, quemadmodum corpus naturale compositum esse non potest, quod non sit caducum, hoc ipsum igitur de eo demonstratur. Videamus nunc quo ordine usus fuerit Aristoteles, is enim etiam ab eius aduersarijs laudari solet. Actiuæ disciplinæ postulant ordinem dissolutionis, contemplatiuæ verò compositionis, quare tex. 1. ait a primis principiis esse auspicandum, quia talis scientia nihil aliud postulat quam perfectam notitiam sui subiecti, quæ habetur ex principiis. Cum autem ordine doctrinæ sit prius agendum de genere, quam de speciebus, & hic corpus naturale cognoscendum proponatur tum secundum communem rationem, tum secundum proprias singularum specierum rationes, dicendum est totius scientiæ naturalis subiectum esse corpus naturale cum tota suarum specierum collectione, octo verò librorum ipsum corpus naturale vniuersè sumptum absque specierum consideratione, reliquorum librorum corpus naturale sumptum pro sola specierum omnium collectione, singulorum verò librorum aut singulas species corporis naturalis, aut aliquas eius affectiones, iuxta varias intentiones Aristotelis. Ita Auerroes, & Latini, longè melius, quam qui dicunt in octo libris physicorum agi tantum de principiis, in alijs verò de singulis corporis speciebus: sic enim nusquam tractaretur de corpore naturali vniuersè sumpto, cui competunt affectiones de quibus agitur in his octo libris, ergo & ibidem de eo tractatur, agere enim de aliquo nihil aliud est, quam inuestigare eius principia, & affectiones. Hoc egregiè præstat Aristoteles. Duo primi libri sunt de principiis, cæteri de affectionibus. Primus quidem de principiis rei, nempe materia, & forma, alter de principiis cognitionis, sci-

*De genere  
& differen-  
tia physio-  
logia.*

*De ordine.*



licet natura, quæ ibi non definitur vt principium corporis naturalis, sed affectionum motus, & quietis. Quare iuxta Auerroem verum initium physiologiæ est liber secundus, vbi a definitione naturæ sumit exordium, tamen secundum faciliorem nostram cognitionem præmittendum fuit aliud exordium de principijs corporis caduci; quia cum corpus naturale sumptum vniuersè non habeat principia rei, sed tantum cognitionis, nempe naturam ipsam, non poterat satis intelligi quid esset natura, nisi prius egisset de materia, & forma. Neque enim satis est scire naturam esse principium motus, & quietis, nisi sciatur præterea quodnam sit istud principium, an materia, vt antiqui volebant, an potius forma, certè ni ita est, physicorum liber primus spectaret ad libros de ortu, & illis tantum esset anteponendus. Cætera de ordine, & alijs quæ hic præmitti solent, filere præstat, vt ad rem ipsam veniamus, atque ibi velim mihi præscribas modum, quo Aristotelis dicta proponam, an singulos contextus percurrendo, an libri cuiusque doctrinam breuiter comprehendendo. **ARIST.** Hoc ad institutum nostrum videtur magis accommodatum, quàm in singulis contextibus immorari, quod profectò & nimis operosum, & superfluum est. In hoc primo libro satis erit ostendere breuiter an Aristoteles rectè confutarit omnes antiquos, & sua ipsa principia confirmarit.

## Prooemium physicæ.

## CIRCULVS SECVNDVS.

## CHARILAVS. ARISTÆVS.



**CHAR.** Vt rem propositam mihi demonstrem, ab Aristotelis via non recedam. Ac primum occurrit prooemium totius scientiæ naturalis, in quo continentur intentio auctoris, via doctrinæ, atque eiusdem ordo. Intentio manifesta est vbi ait determinanda esse principia, vt scilicet perfectam scientiam rerum naturalium acquiramus. Via doctrinæ est processus per syllogismum a noto ad ignotum, quæ duplex est, primaria per causam, secundaria per effectum, vtraque hic proponitur, primaria quidem contextu primo in intentione perfectè sciendi naturæ effectus ex cognitione principiorum, quæ sunt causa omnium affectionum; secundaria verò tex. 2. vbi docet esse progrediendum a notioribus nobis, nempe compositis. Ordo doctrinæ hic sequitur ipsius doctrinæ viam, est enim conueniens dispositio, qua partes scientiæ ita collocantur, vt quàm facillimè possit addisci. In hoc igitur prooemio, quod quinque primis textibus comprehenditur docet a principijs scientiæ naturalis esse auspicandum determinando quænam ea sint, vt in omnibus scientijs fieri solet. Quoniam verò principia interna, siue elementa rei physicæ scilicet materia, & forma

sunt



sunt nobis ignota, licet quatenus sunt partes compositi, dicantur priora, & notiora secundum naturam, docet procedendum esse a principiis quæ sunt notiora nobis adhuc ignatis. Hæc autem principia cognitionis ait esse confusa quædam, nempe compositos effectus, quibus diuisis in suas partes, cognoscimus eas partes esse principia rei physice materiam & formam. Quare concludit tex 4. siue de via, siue de ordine doctrinæ intelligatur, siue de utroque, procedendum esse ab vniuersalibus, scilicet compositis illis confusis, eorum mutationes nobis notas tanquam principia cognitionis accipiendo, ut faciet tex. 11. Sunt enim ea composita vniuersalia physica, quæ multa ut partes comprehendunt, proinde confusa cognitione nobis notiora suis partibus. Artificium Aristotelis est ut nos doceat ordinem doctrinæ debere esse conformem naturali: ut quemadmodum ordine naturali in infantia cognitionem confusam acquirimus primum magis vniuersalium, deinde minus vniuersalium, sic ordine artificioso, quo volumus acquirere distinctam cognitionem, eundem procedendi modum sequi debemus, non tantum vniuersæ accipiendo composita corruptibilia, & ea resoluendo in suas partes & elementa, sed etiam præmittendo quæstiones magis generales videlicet quot, quæ, & qualia sint principia, utrumque præstare incipit tex. 6. & 11. ut videri potest. Hic multis disputari solet de cognitione singularium, & vniuersalium, quæ quoniam ad rem nostram parum conferunt, breuiter dico cognitione prima illa confusa, quam de rebus acquirimus in infantia, prius a nobis cognosci singularia, quam vniuersalia, ut probat Scotus contra D. Thomam. Primum quoniam vniuersalium cognitio tantum habetur abstrahendo naturam communem a singularibus, proinde necesse est singularia prius cognosci. Deinde ubi definit facultas inferior, inde superior initium habet: sed sensus facultas inferior in singulari præsentia definit: ergo hinc incipit intellectus facultas superior, & ea omnia percipit quæ sunt subiecta sensibus. Propterea Aristoteles 3. de anima 10. Intellectus, inquit, cognoscit carnem, id est singulare beneficio solius sensus, at verò esse carnis, id est vniuersale non nisi ope intellectus, proinde difficilius, quod etiam declarat exemplum de recta linea, qua singulare ferri videtur ad intellectum, cum tamen vniuersale reflexa quadam ferri videatur, licet alij contrario modo textum explicant. Præterea in libris Poster. docet demonstrationem pendere ex cognitione primorum principiorum, quæ nobis pueris licet non aduerentibus nota sunt per inductionem in singularibus. Quod autem dicunt singularia non posse recipi in intellectu, respondendum est hoc ipso recipi, quod species eorum seu formæ ut vocat Aristoteles, sine materia sunt in intellectu, etiam si ipse sit abiunctus ab organo, & a materia. Habet quidem Aristoteles 1. phys. 49. & 2. de ani. 60. intellectum esse vniuersalium, sensum verò singularium. Item 3. de ani. 15. & 16. res materiata percipi sensu, vniuersales intellectu: sed non negat intellectui cognitionem tam rei singularis, quam materiatae, quamuis proprium eius obiectum, quo distinguitur a sensu, sit vniuersale. Iam ergo cum prima nostra cognitio confusa sit singularium, alia difficultas est postquam abstrahendo a singularibus acquirimus primas cognitiones confusas vniuersalium, an maximè vniuersale nobis sit notum

*De cognitione vniuersalium & singularium.*



prius quàm minus vniuersale, vt ait D. Thomas, an verò contra, vt docet Scotus. Hic viceversa probabilius videtur sententia D. Thomæ: atque ita intelligendus est Aristoteles quòd a magis vniuersalibus ad minus vniuersalia progrediendum sit, tanquam a notioribus nobis prima cognitione nostra confusa, quoniam, inquit, omne totum notius est nobis, quàm suæ partes. Vbi patet triplici exemplo quod ipse affert præcipuè verò de infantibus, sermonem esse de confusa cognitione, non autem de distincta, qua hic incognita statuuntur magis & minus vniuersalia. Putat igitur infantium intellectui prius offerri magis vniuersalia, quoniam accidentia magis vniuersalium facilius, ac proinde prius sentiuntur, quàm accidentia minus vniuersalium: mouent enim sensum latius, & intensius, vt accidentia corporis latissimè sensum afficiunt in animatis, & inanimis, accidentia animalis in omnibus animalium speciebus, accidentia verò leonis in leone solo. Intensius etiam mouent, quia sunt simpliciora, vt conceptus animalis simplicior est quàm leonis, ergo facilius cognoscitur animal, quàm leo, hoc est vnum, quàm duo, animal enim vnum est, leo verò præter animal est etiam leo. Hoc manifestum est in rebus longè visis. Ita pro longinquitate prospectus Alcyone primum in mari iudicabat procul fluctuare corpus, deinde animal, postea hominem, tandem virum suum Ceycem naufragum esse cognouit, secundum accidentia communiora, & minus communia, quorum ordinem seruat intellectus iudicando prout a sensu exhibentur. Dicit Scotus nihil concludere argumentum, quia non est iusta distantia. Sed hoc ipso probatur efficaciter, quoniam eodem posito intervallo accidentia quæ agunt sunt validiora non agentibus. Quòd verò magis vniuersalia prius mouent sensum & intellectum, non prouenit, vt credit Scotus, ex ipsorum maiori perfectione, sed ex maiori proportionem obiecti, & facultatis, vnde fit vt rudis infantium intellectus rudia facilius apprehendat. Præterea Scotus hallucinatur, dum ait magis vniuersalia difficilius abstrahi minus vniuersalibus, proinde cognosci difficilius genus quàm speciem. Contra res se habet: nam facilitas abstrahendi consistit in pluribus relinquendis, & paucis accipiendis, vt qui ex acervo lapidum paucos accipit, plures relinquit. At ipse putat speciem facilius abstrahi, & cognosci, quia pauca relinquuntur, genus difficilius quia multa, quasi verò cognoscenda essent inferiora quando abstrahimus, cum abstrahere sit animo concipere naturam superiorem nihil de inferioribus cogitando. Præcipuum verò Scoti argumentum quo contendit primò cognitum esse minus vniuersale facile soluitur. Agens naturale, inquit, idonee patienti applicatum producit effectum quem potest perfectissimum, vt equus prope hominem constitutus cum mouere possit quatenus est corpus animalequus, mouebit vt equus, hoc est vt hæc omnia simul. Hoc certè verum est in nobis grandioribus, quando intellectus per habitum iam est dispositus, vt circa rem sensibus præsentem operetur: secus verò se habet in prima cognitione nostra confusa, cum rudis intellectus gradatim procedere debet, ita vt equum apprehendat primum vt corpus, deinde vt animal, tandem vt equum, quo habitu iam comparato sic instructus est intellectus, vt tamen re ipsa cogitare non possit de re vlla, nisi vel a rei simulacro, vel a re ipsa



ipsa præfente moueatur. Si a simulacro, potest omnia contemplari pro arbitrio, vniuersalia, & singularia prius aut posterius, equum, animal corpus. Si verò a re ipsa præfente sensibus, iam primo cognitum erit minus vniuersale, hic enim tantum valet argumentum Scoti, quòd intellectus instructus habitu siue simulacro rei alicuius eam perfectè apprehendit, quo argumento probatur rem huiusmodi non modò vt minus vniuersalem, sed vt singularem apprehendi hoc est non tantum equum, sed Bucephalum. At verò cognitione prima illa rudi quæ sit absque habitu nunquam probabit Scotus abstrahi minus vniuersale ante magis vniuersalia. Quare hic Aristoteles optimè docet vt sequendo naturam ducem a magis vniuersalibus procedamus, quod ipse facit, nam tex. 6. & 7. facta generali diuisione principiorum, colligit non esse disputandum in eos qui dicunt dari principium vnum, & immobile, sed accipiendum inductione velut notissimum, vt ait tex. 11. corpora naturalia esse mutabilia. Et hæc sunt vniuersalia nobis manifestiora suis partibus materia, & forma, in quas ipsa mutabilia corpora resolui debent. Vide nunc an velis vt impugnem veterum opiniones eo ordine quem hic habemus, vt illi primùm confutentur qui tollunt motum, mox alij qui motu admissio perperam tamen philosophantur.

## De principijs secundum veteres.

### CIRCVLVS TERTIVS.

#### ARISTÆVS. CHARILAVS.



**ARIST.** Referam primo breuiter omnium sententias, ex quibus vnā concinnabo, quā velim oppugnes machinis omnibus Aristotelicis. Principia vel sunt vnum, vel plura: si vnum, vel finitum, vel in finitum, vtrumque vel mobile, vel immobile. Iam verò si plura, vel numero finita, vel infinita, si finita vel binario, vel quaternario, vel alio numero comprehensa: si infinita vel essentia inter se distincta, vel figuris tantum. Hanc quidem principiorum partitionem affert Aristoteles cont. 6. sed 32. citat aliquos qui partim vnum principium esse dicebant, partim plura, Anaximandrum, Parmenidem, Empedoclem, Anaxagoram, quibus adiungere debebat Xenophanem, qui, vt refert Theophrastus, vnum dicebat esse nec mobile, nec quiescens, nec finitum, nec infinitum. Ex ijs omnibus proponam opinionem Anaximandri Milesij antiquissimi, vtpote qui fuit Thaletis socius, & quod in aliorum placitis ad rem videbitur, illuc referam, vt sic instructa fidentius cum Peripatetica congregari possit, nec tamen quidquam asciscat sibi, nisi prius ad normam legis Christianæ castigetur. Sed quoniam hic primùm inuestigamus quæ sint principia rerum naturalium, diligenter aduertendum est quid intelligamus per principium, hoc enim



enim omnia virtute, & facultate complectitur, & quod in ipso modicum est, in fine sit perquam magnum, ut dicitur 1. cœli 33. Cum autem principium habeat varias notiones, significat enim tam causas externas efficientem, & finem, quam internas materiam & formam, hic accipiam principia tantum iuxta veteres 1. Phys. 48. pro causis internis, siue elementis primis & simplicibus quibus corpora mista componuntur, & in quæ ultimum resolvuntur, ita ut ea deinceps appellare possimus substantias primas & simplices, vel corpora indiuidua, non quod infinitè diuidua non sint in partes similes, atque etiam fortasse in puncta, sed quod in alia corpora diuersæ naturæ resolui non possint. Neque hic indagamus principia corporis quatenus habet trinam dimensionem, an videlicet punctis, & lineis constet, ac superficiebus mathematicis, hoc enim examinabitur ad libros de Ortu, satis sit inuestigare quæ sint illius corporis partes internæ propriè dictæ, quales non sunt superficies lineæ & puncta, quanquam forte dici possunt principia trinae dimensionis. Antequam autem sententiam Anaximandri, Xenophanis, Parmenidis aut aliorum in medium afferro, velim ut ea perpendatur ex ijs potius quæ credibile est sensisse viros tam graues, quam ex verbis Aristotelis, qui propriæ laudi velificans illam impugnat, vel ex plebis opinione, quam veteres ut ab adyis philosophiæ procul arcerent, sua dogmata quibusdam obscuris integumentis inuoluebant, atque ita vulgus indignum, quod nihil aliud esse philosophiam præter hæc inuolucra suspicabatur, ad artes sordidas, & illiberales remittebant, perinde ac iuuenis ille Romanus callidissimè delusit mulierculam scire cupidam quid in Senatu ageretur. At, inquis, Aristoteli saltem erat facile reconditos eorum sensus perscrutari. Hoc quidem licet suspicari: sed forte offendebarur huiusmodi loquendi genere minimè proprio, quod multis errandi præbebat occasionem, & cum haberi cuperet autor nouæ doctrinæ, eam stabilire maluit, quam obscuritatem veterum illustrare. Longè modestior fuit Plato veritus, ut ait in Theæteto, Melissum exagitare atque alios insectari qui dicunt vniuersum esse vnum immobile, præcipuè verò Parmenidem. Nam Parmenides, inquit, ut cum Homero dicam, acer mihi videtur ac venerandus: olim peradolescens locutus sum cum illo sene, & mihi visus est præditus sapientia profunda, ac generosa: itaque vereor ut satis eius verba capiamus, quod autem sub verbis tegitur multò magis nobis lateat. Ex quibus inferre possumus ea quæ Plato non intellexit, Aristoteli non tam fuisse curæ ut indagarer, quam ut rejicerer. Eadem est ratio non tantum de Pythagora, quem constat mysteria potius vulgasse, quam philosophiam, sed etiam de Epicuro, & alijs antiquis, nec hoc scire quisquam potest, inquit Seneca, nisi interius fuerit admissus. Cum igitur perdifficile sit assequi mentem veterum philosophorum, ex ijs paucis quæ de ipsorum opinionibus nobis supersunt, nihil aliud præstare possumus quam inquirere non quid senserint, sed quid debuerint sentire conuenienter & appositè ad sua principia. Ac primùm Anaximander, inquit Plutarchus lib. 1. de Plac. Phil. dixit omnium principium esse infinitum, ex hoc omnia fieri, & in illud idem interire, propterea mundos ex ipso igni infinitos, & iterum in hoc resolui, atque ita generationem nunquam deficere. Quale sit

autem



autem illud corpus infinitum Porphyrius ait explicatum non fuisse ab Anaximandro: Galenus suspicatur fuisse ætherem, Themistius corpus quoddam aere tenuius, crassius igne, alij materiam primam: sed cum ex Aristotele 1. Phys. 32. habeamus Anaximandrum ex vno contraria secreuisse, certè vnum illud nec materia prima, nec simile corpus esse potuit, ex ijs enim nihil fit secretionem, quare oportuit esse velut seminariū, seu *παρασπέρμια* corporum simplicium infinitorum, & quidem vnum dici propter omnium ordinem, & consensum, plura verò propter simplicium naturarum diuersitatem, quarum nullus esset ortus, & interitus, earum tamen congregatione orirentur multa corpora, & secretionem interirent. Xenophanes vti habemus 1. Metaph. c. 5. nihil aliud ausus est pronunciare, quàm vnum illud esse Deum: addebat tamen, inquit Theophrastus nec mobile, nec immobile, nec finitum, nec infinitum: puta nec mobile, nec finitum secundum totam immensitatem, vt nec immobile, nec infinitum secundum partes. Eius auditor Parmenides ait vnum quidem esse secundum rationem, hoc est ordinem, plura verò secundum sensum, quæ tamen ad duo possent reuocari, scilicet ignem, & terram, seu calidum & frigidum, quoniam vtriusque temperatione constabant omnia. Finitum autem illud & immobile dicebat esse, nihil aliud considerans præter hunc mundum, quem putabat secundum se totum immobilem, & incorruptum, licet mobilem secundum partes. Eadem est ferè sententia Melissi eius discipuli, vnum esse secundum materiam, non illam Aristotelis, sed τὸ πᾶν ἐξ ἑός, quod cumulus esset primarum omnium substantiarum. Infinitum autem esse dicebat, quoniam vt Anaximander spectabat mundorum infinitatem. Quod verò per vnum veteres intelligerent totum vniuersum corporeum, non autem Deum incorporeum, vt ipsis tribuunt Theophrastus, Simplicius, Plotinus, Auerroes, Cardinalis Bessarion & alij, colligimus ex Aristotele 3. de coelo tex. 2. vbi ait Parmenidem, & Melissum dixisse nihil reperiri in vniuerso præter substantias sensibus subiectas, præterea nihil interire, sed tantum videri, quod de Deo incorporeo dici non potest, neque enim ille sentiretur, aut videretur interire: Restat igitur vt dixerint hoc vniuersum esse Deum ex quo omnia oriebantur, & in quem omnia desinebant, vt eleganter expressit Virgilius 4. Georg.

*His quidam signis, atque hæc exempla secuti,  
Esse apibus partem diuinæ mentis, & haustus  
Æthereos dixere. Deum namque ire per omnes  
Terrasque, tractusque maris, cælumque profundum.  
Hinc pecudes, armenta, viros, genus omne ferarum,  
Quemque sibi tenuēs nascentem arcessere vitas.  
Scilicet huc reddi deinde, ac resoluta referri  
Omnia, nec morti esse locum.*

Pererius lib. 4. cap. 16. suspicatur Aristotelem non fideliter retulisse veterum sententias. Parmenidem, inquit, impugnauit non secundum reconditum sensum, siue iniquum erga eum se præbuerit, cum tamen eius mentem calleteret, siue rectè id fecerit, vt vulgo errandi occasionem præcideret. Quare



Pererius eò leuitatis, atque inuidiæ contra veteres existimat Aristotelem processisse, ut cum probè nouisset Parmenidem, & Melissum per id quod asseriebant vnum esse, Deum a materia seiunctum intellexisse, tamen eos increpauerit, quòd per illud vnum immobile res omnes naturales intelligerent; Hæc leuitas, & maleuolentia procul aberat a Platone, qui tantopere commendat Parmenidem, nihilominus in dialogo Parmenidis nomine inscripto, & in Theæteto ostendit per vnum immobile intelligi res naturales, seu vniuersum in seipso consistens & locum non habens in quem moueatur, contra eos qui dicebant cuncta fluere, & interire. Plutarchus etiam de Placitis lib. 1. cap. 24. Parmenidis, Melissi, & Zenonis opinionem interpretatur non de substantijs abstractis, sed de vniuerso. Ne igitur Platonem, Plutarchum, & alios viros celebres dicamus inuidos & maleuolos, fatendum est potius, ut aiebat Plato, mentem Parmenidis vix vlli satis fuisse perspectam: si tamen sunt eius rationes, quas afferunt Plato, & Aristoteles ad probandum omnia esse vnum, & immobile, constat sermonem esse tantum de vniuerso. Has rationes Alexander ita colligit apud Simplicium 3. de coelo tex. 2. Ea sunt tantum quæ sub sensum cadunt: datur scientia tantum eorum quæ sunt, ea quorum est scientia sunt immobilia, quod est igitur immobile est. Quis non videt ea dici de vniuerso cuius principia inquirebant, non autem de mente diuina quæ sensum fugit? Anaximander clarius locutus est, quàm Xenophanes, Parmenides, Melissus, & Zeno, nam apertè motum admisit in partibus illius corporis infiniti, ut infinitæ rerum generationes propagarentur secretionem partium, non autem raritate, & densitate, credibile est tamen ipsos verbis potius, quàm re ipsa dissentire, nec vllum ex viris tantæ autoritatis apud antiquos alium negasse motum quàm vel totius vniuersi in alium locum, vel quo eius aliqua pars in nihilum abit. Sequuntur opiniones Parmenidis & Anaxagoræ, quæ quatenus principia ponunt vnum & multa superioribus possunt annumerari. Ille enim principia dixit vnum sphaerum, quòd per amicitiam quatuor elementa conuenirent, & per inimicitiam separata mundum componerent: hic verò chaos, in quo partes similes rerum omnium, quæ tota æternitate confusæ fuerant, a mente in huius mundi æternam fabricam sunt coagmentatæ, & ordinatæ. Horum opiniones quoniam in multis discrepant a sententia Anaximandri, sicut aliorum qui admittunt vnū, vel plura principia, singulæ suo loco sunt breuiter considerandæ. Thales Milesius Ionicæ sectæ coryphæus aquam dixit esse principium omnium, Deum autem esse eam mentem quæ ex aquis cuncta fingeret, ut ait Cicero 1. de Nat. 25. Quod si ita est, falsò legimus apud Laertium fuisse primum Anaxagoram, qui materiæ quam ὕλη appellat mentem adiecit, ac propterea ῥήσ cognominatus est, quòd scripsisset principio sui operis, Omnia simul erant, deinde accessit mens, eaque composuit. Thalem secuti sunt Hippon, & Hippias, simulque dixerunt mundum a Deo fuisse conditum non ex nihilo, sed ex illa materia, informi quidem, sed tamen æterna. Quod etiam Moyse tribuere videtur Marfilius Ficinus lib. 2. epist. de comparatione lucis Dei cum umbra materiæ. Materia, inquit, apud Moysem tenebrarum abyssus est, formarumque informe subiectum. Verum si abyssus illa significat materiam



teriam ex qua factus est mundus, non propterea apud Moysen æterna est, potuit enim & ipsa creari a Deo, ut inde res omnes corporeæ conformarentur, infinita nihilominus extra cœli spatia remaneret, ut indicant verba Genesios de cœli cataraëtis, de fontibus abyssi magnæ, & alibi de aquis super cœlos existentibus, quas Marius Victor dicit se credere tantò facilius, quanto magis incredibile videtur ibi aquas esse. Cur autem illi materiam universi dixerint aquam, rationem affert Aristoteles 1. Metaph. c. 3. quia nutrimentum omnium videtur humidum, ac propterea, inquit, quidam exillimant veteres theologos ita sensisse. Oceanum namque & Tethyn generationis parentes esse cecinerunt: Iusurandum quoque Deorum aquam esse Stygem ab ipsis poetis appellatam. Ioannes Picus ait hanc opinionem ab Ægyptijs ortum habuisse, dum ex Nilo inundante fecunditatem augurabantur, proinde tam Hebræos, quam Thaletem non fuisse huius sententiæ primos autores. Hæc sententia potest ad Anaximandri opinionem revocari, si per aquam non intelligitur corpus simile, sed infinitum quidpiam in quo permixtæ sunt omnes substantiæ simplices, quarum illud sit vehiculum. Nec certè Thales potuit aliter rem intelligere, nam oportuit ut mens ex illa aqua secerneret omnes substantias ad huius mundi constructionem, non enim quidquam ex nihilo fieri putavit; neque per transmutationem, ex materia, quam ante Platonem nemo, somnauit, immo Aristoteles hæc tex. 78. præripiens hanc laudem Platoni, & omnibus alijs, ait ipsos attigisse tantum superficie tenus essentiam materiæ primæ. Eadem est ratio de ijs qui dixerunt principium omnium esse ignem, aerem, aut terram. Heraclitus enim, Hippasus, & Stoici cum Zenone dicere debent ignem esse principium efficiens potius, quam materiam, ob vim eius admirabilem agendi, & omnibus se permiscendi cum sit tenuissimus. Eos autem ita sensisse argumento est, quod Solem, stellas, & cœlum ipsum esse ignem existimarunt. Sic laudantur interdum ab Aristotele qui dixerunt ignem esse principium, scilicet causam efficientem, reprehenduntur verò qui censuerunt esse materiam. Anaximenes ut magistrum sequeretur Anaximandrum, nec non Diogenes, & qui putarunt aerem esse principium accipere debuerunt aerem pro spiritu, qui in se continet omnes alias substantias simplices, & semina fecunda reddit velut efficiens principale, non quòd in alia se vertat, sed quòd interuentu suo cuncta perficiat. Sic Hesiodus, Pherecides Chius, & Pronopides atque alij veteres theologi, qui dixerunt terram esse principium, eam considerarunt non tanquam materiam (ut enim habemus primo Metaphysicæ a nullo philosopho pro materia fuit assumpta) sed veluti matrem quæ suo finu prima rerum omnium initia complecteretur. Qui autem posuerunt plura principia siue finita, siue infinita, multa habent quæ ad Anaximandri opinionem reduci possunt. Pythagorici imprimis qui 1. Metaph. cap. 5. dicuntur expressisse numeris respondentes affectiones rerum naturalium non tantum huius mundi, sed etiam aliorum corporum & alterius cœli, ut habemus 14. Metaph. c. 5. infinitas rerum essentias optimè numeris infinitis adumbrarunt, non quòd illas crederent esse numeros, sed quoniam neque numeris, neque essentijs quidquam potest addi, vel detrahi quin destruantur 8. Metaph.



tex. 10. Atque ita vulgus ignauum arcebat a mysterijs philosophicis, quæ solis initiatis conspicua erant. De Platone nihil aliud dicendum occurrit, quàm eius philosophiam partim esse similem Pythagoricæ, vt dicitur 1. Metaph. c. 7. partim Peripateticæ: Sublatis enim ideis, quas impugnat Aristoteles, ferè in cæteris videntur differre verbis & varia ratione considerandi. Sic tex. 79. huius libri arguit Platonem quòd putarit materiam non distinguì a priuatione, & esse non ens, vnde sequebatur omnia fieri ex non ente & præterea materiam esse malam ex se; postea verò dicit eum vocasse materiam matrem, & causam eorum quæ fiunt, priuationem verò neglexisse vt maleficam, & non ens, quod intelligi nequit nisi diuerso sensu materia dici possit priuatio, mater, ens, & non ens. Vt etiam quod habetur 2. de Ortu 5. & 13. Metaph. principia rerum apud Platonem esse numeros, & figuras, contra vero cont. 50. & 80. magnum, & paruum esse materiam, vnum autem ideam, siue formam, nonne hoc ostendit litem in verbis tantum esse positam? alioquin & Aristoteles sibi repugnaret, & Platonem calumniaretur. Empedocles quatuor elementa dicebat esse principia, sed ante elementa ponebat minuta quædam partium similarium, vt inquit Plutarchus de Placitis c. 13. & vnum quidem mundum, sed non idem esse ac vniuersum, extra enim reperiri materiam infinitam. Vnde patet ita reduci posse ad opinionem Anaximandri, vt illa minuta sint primæ substantiæ simplices, ac corpora prima, quæ in alias essentias non diuiduntur, & quibus elementa quatuor tanquam seminaria referta sunt: similiter & quæ existunt extra hunc mundum oportuit se habere eodem modo, licet de ijs nihil dixerit. Litem verò & amicitiam dicere debuit nihil aliud esse, quàm naturarum omnium consensum, atque dissensum ad permissionem, & secretionem efficiendam, vnde alternis oritur sphaerus, & mundus. Democritus & Epicurus hoc differunt ab Anaximandro, quòd prima corpora simplicia solida faciunt, non essentia distincta, sed figuris tantum, & inter ipsa vacuum ponunt. Anaxagoras verò quòd dixerit mentem a rebus ipsis separatam ordinasse chaos & vnum hunc mundum æterno tempore duraturum coagmentasse. In cæteris nihil ferè dissentit: etenim vterque ponit infinitas rerum naturas simplices essentia distinctas, & liquidas omnes, ac dissipabiles, vt misceri possint citra vacuum, ita vt dictum sit in omnibus omnia reperiri, non eo modo quo arguit Aristoteles tex. 38. quasi nulla esset particula substantiæ simplicis, in qua aliarum omnium particula non existerent, sed quòd innumerabiles permisceantur, quas ob exiguitatem neque sentimus, neque possumus separare. Diuiduæ sunt omnes ea ratione, qua Aristoteles putat corpora naturalia diuidi posse, neque his magis quàm illis repugnat habere puncta, lineas, & superficies mathematicas. Qualitates & alia quæ Aristoteles vocat accidentia ab ijs distinguuntur sola ratione, & nihil aliud sunt, quàm earum consensus naturalis & dissensus ad varios motus efficiendos. In eo consistit omnis rerum lis & amicitia, qua omnia inter se dicuntur vel contraria, vel amica. Hinc tantopere ab Hesiodo, Parmenide, & Empedocle celebratus est Amor ille rerum omnium effector, cuius nomine significatur naturale desiderium permissionis, quo substantiæ primæ seipsis copulantur, & coeunt in mundos infinitos,



finitos, in genios, in animas, in lapides, in metalla, & alias concretionis species innumerabiles, ita ut ortus omnium mistorum & interitus sit corporum indiuiduorum, siue simplicium perpetua compositio & dissolutio, præter quem motum nullus datur alius in vniuerso. Quæ quoniam vberius suis locis declarabuntur, nunc ea fusius non persequar, & alijs omissis opinionem Anaximandri sic obiter expositam argumentis omnibus, quæ Aristoteles affert contra veteres, incessendam tibi propono. Firmiorem aliquis fortasse volet, sublata mundorum infinitate, ponendo cum Anaxagora mentem, siue Deum distinctum, & separatum ab alijs omnibus. Sed ne frustra cadant argumenta quibus Aristoteles octauo Physicorum nititur probare naturaliter dari primum motorem incorporeum, & non esse plures mundos primo de coelo, his omnibus telis obijcere volui Anaximandrum potius, quam Anaxagoram. Experire tandem num ille daturus sit manus Aristoteli primo conflictu, an verò toto philosophiæ campo decertaturus. CHAR. De his in crastinum. ARIST. Interea nox consilium dabit.

## De principijs secundum Aristotelem.

### CIRCULVS QVARTVS.

#### CHARILAVS. ARISTÆVS.



**CHAR.** Cum ex omnibus veterum sententijs eam opponas Aristoteli, quæ statuit vnum in finitum dissimulare, & mobile secundum partes, nihil opus est argumentis quibus inructur in Parmenidem, Melissum, & alios quorum sententias accipis longè diuerso sensu, quàm verba sonant. Sed vtrunque tandem accipiantur, eam habent ambiguitatem, & procliuatatem ad multos errores, ut meritò reprehendantur. Hæc verò sententia de infinito dissimilari, quæ non est Anaximandri, nec Anaxagoræ, sed potius ex vtriusque dictis obscuris coagmentata, non potest commodius refelli, quàm si ipsam comparemus cum doctrina Aristotelis, siquidem videbimus quàm luculentius & illuminatius ista declararet causas, & affectiones rerum naturalium, atque ex ipso textu quinquagesimo huius libri rationes hauriemus, quibus illa omnino profligata videri possit, sin minus, persequemur vtriusque doctrinæ comparisonem, & in singulis partibus philosophiæ videbimus vtra melius difficultatibus obortis satisfaciatur. Tu igitur dum rem aggredior, vt re philosophica libertate reprehendendi, qua Aristoteles alios insectans eidem subijci doctrinam suam non recusauit. Post diuisionem principiorum quam attulit cont. 6. ut demonstret ea male fuisse assignata ab antiquis, asserit non esse disputandum in eos qui negant principia physica, cum aiunt omnia esse vnum inmobile: Quoniam tamen & ipse disputat, aduertendum est alia esse principia solius



cognitionis, scilicet effectus & proprietates, alia cognitionis, & essentia simul, nempe causas internas, quae sunt materia & forma. Rursus principia cognitionis vel esse omnium prima, ut motum in Physica, vel secundaria, ut locum, & tempus. Vult ipse tantum non posse disputari contra negantem prima principia cognitionis, scilicet motum. Quare tex. 11. accipit ut per se notum dari mutationem, siue corpora mutabilia: soluit tamen argumentum Zenonis 6. Phys. 19. negantis motum, quoniam id Zeno probare nitebatur per continui diuisionem naturalem, debet autem, inquit, solui difficultas quae prouenit ex principijs. Iam concessa mutatione, quae citra compositionem esse non potest, ut neque compositio siue principijs, potest conuinci quia ab Aristotele posita essentiae principia negat. Nam quando videmus aquam verti in aerem, vel tota aquae substantia remanet, vel tota vertitur, vel pars tantum. Si tota maneret, esset adhuc aqua; si tota verteretur, in nihilum abiret, & totus aer fieret ex nihilo. Deinde frustra sumeretur aqua ut fieret aer, si aqua perit ita ut eius nihil supersit. Ergo pars aquae altera remanet, altera perit; illa est materia quae suscipit formam aeris; ista vero forma ipsius aquae, in cuius locum succedit forma aeris. Vnde palam est principia essentiae ab Aristotele probari non per causam, sed per effectum, scilicet motum. **A R I S T.** Si Aristoteles tex. 11. nihil aliud accepit, quam dari motum ad locum, ex eo principio cognitionis inferre non potest materiam & formam suam esse principia vera essentiae: nam, ut dixi, veteres admittunt motum huiusmodi, ponunt tamen essentiae principia longe diuersa. Quod si per motum accepit eam transmutationem qua dicit aquam verti in aerem, verum est ea concessa concedendam esse materiam & formam. Sed quod mirum est hanc transmutationem non aliter probat, quam dicendo videmus aquam verti in aerem. Veteres non habent oculos ita perspicaces, ut illam tam facile contueantur, quare putant id quod aqua est, semper esse aquam, dissipari quidem per aerem, sed non interire, congregari vero, ac cogi in guttas quando rursus fieri videtur. Ut igitur Aristoteles non possit ultra producere disputationem, non opus est vniuersè negare motum, sed tantum illam substantiae transmutationem, quam ad secundum librum de ortu veteres ut commentitiam amolientur. Hoc obiter admonere volui, ut aduertat quo fundamento peripatetica substructio tota nititur, quo vacillante vacillat, & labefactato collabitur. Ne igitur tibi, ut aiunt, hæreat aqua statim initio, quam volebas in aerem verti, nunc Vertumnalia tua non morabor, ea commodius celebrabimus ad transmutationem elementorum, ubi fortassis abs te dicar *Vertumnus quotquot sunt natus iniquis*, & Veneri Verticordiae deuoueor. **C H A R.** Quod una substantia mutetur in aliam tunc multis exemplis comprobabitur. Videamus interea nam Aristoteles sua principia declararet artificiosius, quam antiqui. Reiectis veterum sententijs, ut ostendat tunc tantum esse principia tex. 41. iacit hoc fundamentum, nempe quod principia secundum philosophos omnes sint contraria. Nam & ipse Parmenides vnum quidem ratione, sensu tamen plura, nempe calidum & frigidum esse dicebat. Ceteri ad illud vnum quod dicebant esse principium, addebant densitatem, & raritatem. Qui vero plura statuebant prin-



principia pluribus quoque contrarijs locum dederunt. **ARIST.** Vel ex eo videre potes antiquos qui dicebant omnia esse vnum immobile, reconditum habuisse sensum, quem Aristoteles non impugnauit. Nam si principia contraria sunt apud omnes fatebantur dari motum aliquem contrariorum, nec vnum omnino esse, immobile. **CHAR.** Saltem reprehendi meruerunt, ne dictis suis obscuris, & repugnantibus in errorem multos inducerent. Sed hic quia rectè videntur philosophari, merito veteres, inquit tex. 42. principia contraria posuerunt. Ratio est quoniam principia sunt quæ neque ex alijs, neque ex alterutris, & ex ijs omnia: sed prima contraria sunt eiusmodi, ergo prima contraria sunt principia, & conuertendo, principia sunt contraria prima. Deinde probat singulas partes. Non constant ex alijs, quia sunt prima, non ex alterutris, quia contraria: nam vnum contrarium ex altero non componitur, licet ex eo fieri possit tanquam ex termino, vel subiecto: ita forma fit ex priuatione & ex materia, sed ex ijs non componitur. Et ex ijs, inquit, omnia constant: nam licet forma quæ fit ex priuatione ex ea non componatur, tamen compositum naturale fit & constituitur ex priuatione, non tanquam parte, sed tanquam accidente, quod inest materiæ, id est ex materia priuata, cui scilicet inest accidens priuationis. Quæ expositio tollit omnem ambiguitatem particulæ (ex) & videtur ad mentem Aristotelis, qui assignans causam cur non fiant ex alterutris, eam esse ait quod contraria non componantur ex se inuicem, ita vt fieri in tota definitione principiorum idem significet quod componi. Simplicius tamen quem ferè omnes sequuntur, putat nihil componi ex priuatione secundum accidens, proinde particulam (ex) quando sermo est de priuatione significare duntaxat rem ex ea fieri velut termino, vbi verò de materia, & forma, significare rem ex ijs fieri vt partibus ipsam componentibus. Sed quoniam oppositorum apud philosophos quatuor sunt genera, quæ vulgo dicuntur priuatiua, relatiua, contradictoria, & contraria, palam est hic per contraria quæ non fiunt ex alijs, & proinde sunt principia, intelligi prima contraria, nempe priuatiua. Nam contraria propriè dicta, quæ vocantur positiua, fiunt ex priuatiuis, vt calidum ex non calido: at priuatiua non fiunt ex priuatiuis, neque enim dicimus non calidum fieri ex non calido. Dicuntur autem priuatiua contraria prima, non quod maximè sibi sint opposita, nam contradictoria magis opponuntur, sed quod in omni mutatione naturali priuatio reperiatur, & ex ea fiant omnia per se, vt ostendet Aristoteles textu sequenti, atque ex eadem componantur, saltem secundum accidens. At non in omni mutatione naturali necesse est dari contraria positiua, vt patet in aere qui ex tenebroso fit luminosus, tamen vt plurimum forma quæ introducitur aliam reperit in subiecto sibi repugnantem, vt frigus calorem, sed hoc non requiritur ad essentialiam mutationis, quæ tamè sine priuatione necesse, nec concipi potest. Quod vt ostendat a t. 43. ad 48. varijs exemplis demonstrat non quodcunque fieri ex quocunque, aut corrumpi in quodcunque, sed fieri ex contrario, id est ex propria priuatione, & corrumpi similiter in contrarium, vt album fit ex non albo, & hoc non ex quolibet, sed ex nigro: eodem modo album corrumpi non in quodcunque non album, sed in nigrum. Neque tamen Aristoteles ad essentialiam



tiam generationis requirit contraria positiua, quale est album & nigrum: nam exempla nigri, immusci, & alia ponuntur ad explicandam propriam priuationem, quæ alioquin per puras negationes, seu pura contradictoria declarabatur. Quædam autem hic obseruauit scitu digna, nempe dici posse quodlibet fieri ex quolibet, non per se, sed ex accidenti, vt musicum fieri ex albo, vel ex dulci, quia per se fit ex immusico, cui accidens est esse album, vel dulce. Secundò album fieri ex nigro, vel ex medijs quatenus media participant rationem vtriusque contrarij extremi. Quare album & nigrum fieri possunt ex fusco, quatenus fuscum continet album & nigrum: fiet enim album ex fusco prout subnigrum est, & nigrum ex fusco vt subalbidum est. Tercio notat omnia fieri ex priuatione sua, licet in multis careamus propria nomenclatione: sic enim cum deberemus dicere domum fieri ex indomo, ad ostendendam propriam domus priuationem, cogimur penuria vocum dicere fieri ex non domo, quo dicto tamen domus priuationem intelligimus. Priuatio igitur principium generationis esse dicitur, quoniam sine ipsa nec esse potest, nec intelligi. Est autem principium non modò ante generationem, & dum fit generatio, sed etiam post generationem, compositum enim ex ea constat, vt dictum est, saltem secundum accidens. Propterea priuatio non est merum nihil, quia dicit subiectum aliquod, est enim negatio rei in subiecto apto: ex quo patet male philosophari, qui dicunt eam non esse principium, quia nihil est. Laudantur enim ab Aristotele qui principiorum oppositionem reducerunt ad genus priuatiuorum: nam tex. 48. ait antiquos contraria principia ponendo discrepasse, quòd alij priora, alij posteriora contraria ponerent: priora sunt habitus, & priuatio ad quæ posteriora reuocantur, vt calor, candor, grauitas, densitas, quæ sunt contraria propriè dicta reducuntur ad habitum, frigus verò, nigror, lenitas, & raritas ad priuationem, quanquam sunt veræ qualitates physicè loquendo. Discrepasse præterea docet, quòd alij ponerent contraria notiora secundum rationem, seu intellectum, vt pote vniuersalia & continentia, sicut Plato magnum & paruum, Pythagoras par, & impar, Empedocles litem, & amicitiam: alij verò ponerent contraria minus vniuersalia & contenta, notiora secundum sensum, vt Parmenides calidum & frigidum. Ergo, inquit tex. 49. partim differunt inter se, vt patet, partim dicunt idem secundum proportionem, quoniam omnes contraria principia sumunt ex eadem ordinatione oppositorum, quorum alia posteriora sunt, alia priora. Qui priora ponunt & vniuersalia, melius opinantur, qui verò posteriora, & minus vniuersalia, non ita rectè: ratio enim, inquit, vniuersalium est, sensus singularium: atque ita habemus priuationem esse principium. ARIST. Hoc fundamentum Arist. quòd principia sint contraria non magis sustinet eius doctrinam, quàm antiquorum: nam & ipsi dicere possunt priuationem esse principium eorum etiam quæ fiunt sola primorum corporum congregatione, vt enim partes alicuius mixti dissimilares adueniunt, oportet prius non esse congregatas, quemadmodum inquit vt ex aqua fiat aer, oportet aquam non esse aerem. Vique adeone hoc abstrusum erat vt lateret viris ingeniosissimis? Nam quid aliud docet Aristoteles varijs exemplis ad nauseam ingellis, vt ostendat ex priuatione fieri omnia, quàm



oportere rem quæ sit prius non esse? Estne aliquis ex vulgo tam hebes, qui nesciat oportere lucernam non esse accensam, vt accendatur, vestem non esse consutam, vt consuatur, apparatus non esse mensam, vt apparetur? Quis Architectus principia traditurus ædificandi docuit oportere ante omnia non esse domum, quæ fieri debet? Hoc quidem ad rerum omnium ortum ita necessarium est, vt aliter intelligi non possit, sed non propterea reponi debet inter principia quæ inuestigabantur ab antiquis: nam Plato despexit priuationem, vt dicitur tex. 79. quærebant enim illi tantum quibus principijs internis constitueretur corpus naturale, quod autem esse non debeat antequam fiat, vt rem quæstione indignam reliquerunt. Distinctio illa contrariorum in priora, & posteriora nihil aliud ostendit quam omnem oppositionem aliquo modo posse reduci ad habitum, & priuationem, atque ita cum oppositio principiorum apud veteres consistat in substantiarum consensu atque dissensu, qui ratione tantum distinguuntur a rebus ipsis, consensus erit instar habitus, dissensus instar priuationis, propriè tamen neuter est principium, sed res ipsæ quæ consentiunt atque dissentiunt. Verum etiam si darent priuationem esse principium, hinc tamen nihil petere potest vnde veterum opinione profligata suam stabiliat. CHAR. Audi ergo textum quinquagesimum, vbi iacto illo fundamento quod principia sint contraria vult ostendere principia esse tantum tria: quoniam, vt hic docet, non est vnum, nec infinita: tex. 51. & 52. sunt plura duobus: tex. 56. non sunt plura tribus. Probat non esse vnum, quia vnum sibi non est contrarium, principia verò contraria sunt. Probat non esse infinita quatuor rationibus. ARIST. Distinctè quæso singulas examinemus: nam hic locus est opportunus ad infinitas substantias simplices, quarum permissione concresecunt omnes compositæ, de medio tollendas, ita vt ne mutire quidem audeant antiqui. At si quatuor his rationibus, veluti quadrigis vehens nihil aliud conficiat, quam ille qui apud Virgilium *deserto in puluere currum versabat*, licebit opinor tantisper non modò animam reciprocare, sed etiam resumere vocem, ac spiritum largiorem, vt institutam disceptationem persequamur. CHAR. Prima est, principia non esse infinita, quoniam infiniti nulla est scientia: vnde sequeretur physicam non esse scientiam, vt pote cuius principia nesciuntur. ARIST. Nihil inanius dici potest. Vt physica sit scientia satis est vniuersè scire principia rerum esse substantias infinitas reductas ad vnum infinitum dissimulare, quod Aristoteles definiuit lib. 3. 63. proinde quodammodo sciri concessit: neque opus est singulas intelligere sigillatim, vt neque Aristoteles mente comprehendit formas omnes, sed eas ad vnam reuocauit. Quid si principia veterum finita essent, sed tamen comprehensa numero quem efficerent centena millia myriadum centies millies multiplicata, an propterea Aristoteles hæc principia sciri putaret? Certè non magis scirentur quam infinita, nam vbi numerus excedit aliquot myriades, licet verbis & literis exprimatur, tamen non potest animo concipi. Sed quale obsecro est illud argumentum, rerum primordia non sunt infinita, quoniam illa non possemus reuocare ad vnam scientiam. Quasi verò natura in vniuersa molitione hoc sibi potissimum proposuerit, nihil efficiendum, quod huma-



nam superaret intelligentiam, & veluti secum volutando diuerſa conſilia an principijs finitis vteretur, an infinitis, tandem ſtatuiffe infinitum eſſe amouendum, propterea quòd ſciri non poſſet. An non eodem modo manifeſtare debebat hominibus abſtruſiſſimos rerum effectus, quorum obſcuritas nulum ſcientiæ lumen admittit? Et tamen non ignoramus modò quæ extra nos ſunt, ſed etiam quæ penitus nobis inſident, vni & modum cogitandi, ſentiendi, procreandi, ſed ne vnius quidem pili ſtructuram comprehendimus. Inunc, & dic infinitum non eſſet ſcibile Penpareticis, qui naturam cogere volunt vt non plura principia ponat, quam ipſi poſſint intelligere. Veteres fateri malunt ſe nihil aliud ſcire, quàm principia eſſe infinita, quòd ſi Ariſtoteles hoc vocat nihil ſcire, gloriabuntur cum Socrate ſe quidem nihil ſcire præter hoc ipſum quòd nihil ſciant, *πλὴν αὐτὸ ἔστω μὴ εἰδέναι*: Gloria-buntur vt Antalcidas Spartanus, quòd ſaltem nihil mali didiciſſet ab Athenienſi, qui eum indoctum appellabat. Ignorantia rerum quas animo capere nequimus vitioſa non eſt, nec ei Theophrastus inter vitiorum characteres locum dedit, ſed earum rerum quas & diſcere poſſumus, & tene-mur, vt ait Plotinus, ideoque vocatur ab Hippocrate mala poſſeſſio, *κακὸς θησαυρὸς καὶ κακὸν κοιμῖλιον τοῖσιν ἔχουσιν αὐτήν*. Non tamen de malignitate naturæ queri poſſumus, inquit Seneca lib. 7. de beneficijs c. 1. quia nullius rei difficilis inuentio eſt, niſi cuius hic vnus inuentæ fructus eſt inueniſſe. Quidquid nos meliores, beatosque facturum eſt aut in aperto, aut in proxima poſuit. De hac veri boni cognitione accipi debet illud dictum Heracliti, qui iuuenis aiebat ſe nihil ſcire, vir autem factus ſe nihil ignorare, & a ſe omnia didiciſſe, boni quippe & honeſti quiuſ eſſe poſeſt *αὐτοδίδακτος*: Ita de D. Hieronymo dicebatur quæ ipſe ignoraret, neminem ſcire. At ſi aliquis hoc dictum putet de ſcientia principiorum naturalium, non tam ſcientia videri poſſit, quàm ſuperbia ſcientiæ inimica. Iſis græca voce apud Ægyptios a ſcientia dicitur, Typhon eius hoſtis inſenſiſſimus factum ſignificat: videamus ne factu quodam perduelli verè philoſophicæ eorum nobis ſcientiam arrogemus quæ ſciri non poſſunt, & ea quæ ſciri poſſunt, aſpernemur: ſcire poſſumus principia rerum ad vnum infinitum reduci poſſe, cur vltra quærimus illius infiniti cognoscere ſingulas partes, quas non capiunt anguſtiæ mentis noſtræ. Iniquior eſt Ariſtoteles ſi hoc exigie ad principiorum cognitionem, niſi & ipſe cognoscat omnes formas que ſunt in vniuerſo; quòd ſi contentus eſt dicere fieri corpora omnia naturalia ex formis quas ignorat, ſuccenſere non debet antiquis, quòd ea concreſcere dicant ex ſubſtantijs ſimplicibus infinitis quarum numerum & diuerſitatem humanus intellectus non comprehendit. Si reſponder omnes formas ad vnā communem reduci poſſe, referent idem antiqui de ſubſtantijs ſuis. Sed quaſo profer iam alteram rationem, an plus aliquid habeat momenti. C H A R. Nititur eodem fundamento, quòd principia contraria ſint: Quoniam, inquit, in vnoquoque genere ſummo vna eſt oppoſitio habitus & priuationis, ſubſtantia quæ eſt genus continens principia phyſica eſt inſtar habitus, & priuationem habet ſibi oppoſitam: oppoſitio enim tantum eſt in-



ter duo extrema, proinde infinita principia contraria esse non possunt. A R I S T. Ad summum conficitur hoc argumento principia reduci posse ad substantiam, & eius priuationem, quod veteres non inficiantur: quamuis enim corpora simplicia sunt infinita, tamen omnia reuocantur ad genus substantiæ, ita ut qui volet annumerare priuationem inter principia, dicat ex priuatione, siue ex absentia substantiarum, quæ requiruntur ad compositionem alicuius mixti, fieri aptam illarum omnium congregationem, hoc est procreationem ipsius mixti, verbi gratia aurum ex non auro. C H A R. Eludantur licet potius, quam refutentur priores duæ rationes, ad rem conficiendam satis est tertia, nimirum quod finitis principijs, ut quatuor elementis Empedoclis, explicantur æquè commodè naturales omnes mutationes, ac infinitis a comis Democriti, vel partibus similaribus Anaxagoræ: sic infinita principia frustra essent. A R I S T. Hæc ratio iam nihil concludit, sed nos remittit ad discutendas totius physiciæ difficultates, ut tandem constet an eas dirimat accuratius Aristoteles, an antiqui: & verè opinio cuiuscunque philosophi nihil est aliud quam hypothesis, qua posita videndum est an facilius enodentur omnes difficultates scientiæ naturalis, ut fieri solet in astrologia quæ varios statuit epicyclos, concentricos & excentricos, ut ijs quæ apparent in cœlo respondeatur: sic arbitrandum est de opinione Aristotelis & antiquorum, nec ante sententiam ferre oportet, quam præcipuis dubitationibus responsum fuerit. Sed ego iam auguror, & si mihi cum Achille dicturus, sis *μάντι κακῶν*, fore ut Aristoteles nunquam ostendat dari materiam & formam, sed tantum ijs positis quid sit dicendum: operam perdit nisi probet aquam verti in aerem, hoc est dari substantiarum transmutationem: hæc sola demonstrat materiæ & formæ necessitatem, aliæ rationes nescio quid mendosum tinniunt, maximè verò quarta illa cuius explanationem iam afferre debes. C H A R. Ostendit infinita contraria non esse principia, quoniam dulce & amarum, album & nigrum non sunt principia, eò quod non omnibus insunt compositis: at oportet, inquit principia semper manere, id est in omni mutatione reperiri, licet altero veniente recedat alterum, ut accedente forma priuatio perit, & vice versa occidit forma. Illæ in omni procreatione reperiuntur, quod de contrarijs infinitis dici non potest. A R I S T. Negant veteres ad rei cuiuscunque procreationem principia infinita esse necessaria; compactio cuiusque mixti finitis constat primordijs, tamen infinita requiruntur ad mistorum infinitas procreationes, quæ quotidie fiunt. Sed neque Aristoteles ad singulorum corporum productionem vult impendi totam materiam primam, ita neque debet exigere ut omnes substantiæ veterum exhauriantur in vnius mixti coagmentatione. Quod ergo ait dulce & amarum non esse principia, rectè iuxta suam hypothesim, malè secundum hypothesim antiquorum, nam si quæ sint substantiæ simplices per se dulces, vel amaræ, illæ dicentur principia mistorum dulcium, & amarorum. Vides tandem ex quatuor rationibus illius textus argumentosi nihil aliud confici posse, quam optimam esse philosophiam ex cuius principijs optimè declarantur naturæ effectus. Quare nunc verè apertus mihi videtur campus vniuersæ philosophiæ naturalis, in quo liceat hoc experiri: nec te



diutius tenebo, sed audire expeto quæ deinceps in medium afferes ad Aristotelis hypothesim corroborandam. **CHAR.** An sit hypothesis uti fieri solet apud Astronomos rationum momenta satis ostendent, neque in ijs argutiolis immorabor. Tres affert rationes ut principia probet esse plura duobus. Prima habetur tex. 51. Præter duo contraria debet esse subiectum aliquod unde illa vicissim sese expellant, alioqui nihil fieret, quia contrarium vnum non facit alterum, sed potius destruit. Secunda ratio tex. 52. ostendit non omnia principia esse contraria, sed admitti debere tertium neutri contrarium, nempe materiem, quæ cum altero constituat essentiam rei: quia contraria quæ se interimunt nullius rei substantia, siue essentia esse possunt: principia tamen sunt essentia rei, alioquin essent accidentia subiecto cui debent inhærere posteriora, & ita subiectum quod principium est diceretur ipsum principium: absurdum est autem dari principium principij. Tertia ratio continetur eodem textu: Substantia, inquit, non fit ex non substantijs, quod tamen accideret si omnia principia essent contraria, non enim substantiæ, sed sola accidentia contraria sunt: at verò accidentia non possunt esse principia substantiæ, alioqui non substantia diceretur prior substantia. Quare præter duo principia contraria concludit admittendum esse subiectum, quod sit tertium principium, ut fecerunt veteres illi qui præter contraria statuebant aquam aut ignem, eos tamen præcipuè laudat tex. 54. qui ponebant elementum medium pro subiecto & materia, ut aerem potius quam ignem, qui non tam materies, quàm efficiens aptus est esse ob vim eximiam dissoluendi omnia, eoque nomine laudat Heraclitum qui ignem principium omnium constituebat. **ARIST.** His rationibus nihil conficitur, nisi prius accredatur Aristoteli, formam, & priuationem esse principia rerum eo modo quo ipse docet: nam ex substantijs primis apud veteres licet infinitæ contrariæ sint, tamen ad mixtorum compactionem non indigent vlllo subiecto, sed seipsis coagmentantur. **CHAR.** Idem censebis, opinor, de tex. 56. vbi colligit principia non esse plura tribus. Nam si plura requiruntur, vel quia subiectum vnum minimè sufficit, quod dici non potest, ad patiendum enim sufficit vnum: vel quia duo contraria prima non sunt satis, sed opus est quatuor: & hoc rejicitur, sic enim duæ primæ darentur oppositiones, quarum vtraque deberet habere proprium subiectum, quod Aristoteles vocat naturam mediam. At hoc absurdum est: nam si alterum subiectum cum sua oppositione ad omnia producenda sufficiens est, frustra datur aliud subiectum. Si verò non sufficit, iam non est principium, etenim principium est illud ex quo omnia fiunt. Sed præterea non est possibile ut plures dentur oppositiones primæ, nam in vnoquoque prædicamento, veluti substantiæ de qua tantum hic disputatur, vna est oppositio prima, scilicet habitus, & priuationis, ad quam aliæ omnes oppositiones reuocantur, ut supra dictum est. **ARIST.** Ita tuam hypothesim bellè concinnat, ut nihil deflorandum videatur. **CHAR.** A tex. 57. a 63. ut clarius probet non dari principia plura tribus, ostendit dari commune subiectum in accidentali mutatione tam simplici, quàm composita, deinde in mutatione substantiali, & in vtraque subiectum illud esse materiam permanentem, transeuntem tamen a pri-



uatione ad formam, vel a forma ad priuationem quæ non permanent, vt docet tex. 59. sed hoc non prohibet quin priuatio post generationem maneat saltem ex accidenti, vt dictum est ratione materiæ: nam tex. 60. ait subiectum, & priuationem esse vnum numero, differre autem ratione, seu definitione. Præcipuè verò textus sexagesimus secundus considerandus est, vbi agitur de subiecto mutationis substantialis in qua solum dicitur aliquid fieri simpliciter, vt fieri hominem: in mutatione enim accidentali, inquit, dicitur hoc fieri aliquid id est alterari, vt hominem fieri album. In accidentali ergo mutatione ponimus pro subiecto substantiam completam, vt hominem, at in mutatione substantiali debet esse subiectum aliud ex quo ipsa substantia fiat, vt plantæ & animalia ex semine, non quod semen sit illud subiectum omnino informe ex quo illa fiunt, sed assertur exempli gratia. Hoc exemplo contentus hinc fuit ad probandam mutationem substantialem, quæ in libris de ortu, & interitu ostenditur enucleatius, palam est enim cum dicimus hominem fieri album, & fieri hominem absolute, longè aliam esse mutationem, nempe ibi accidentalem, hinc substantialem. Vt verò constet generatim omnia quæ fiunt oriri ex aliquopiam subiecto, demonstrat hoc inductione. Fiunt enim, inquit tex. 63. transfiguratione, vt statua ex ære, appositione vt pictura, subtractione vt ex lapide Mercurius, compositione, vt domus, alteratione, vt panis. Propterea tex. 64. & 65. concludit quidquid fit esse compositum, id est habere duo, alterum quod permanet sub forma adueniente, nempe materia, alterum quod perit, scilicet priuatio & opposita forma quæ recedit: remanet enim materia æris, & lapidis, recedit infiguratio, inordinatio, & similia. Quare tex. sequenti docet materiam ad rei vnus veræ naturam magis accedere quàm priuationem, licet idem esse videantur, quia materia dicitur priuata, ac propterea similis est quodammodo priuationi. Hinc colligit tex. 67. & 68. dici posse principia duo, vel tria, contraria, vel non contraria: erunt enim duo principia numero si materia & priuatio sunt vnum, si differunt, tria: contraria sunt forma & priuatio, non contraria materies, & forma. Atque vt essentia materiæ iam per transmutationem substantialem inuentæ melius internoscatur, ostendit illam adumbrari proportionem quadam ad materiam rerum artificialium, vt sicut æs se habet ad statuam aut lignum ad lecticam, ita materia prima ad compositum substantiale, differunt tamen, quia lignum est corpus perfectum & compositum, materia prima imperfectum, simplex, complemento carens. Postquam autem cognouimus materiam primam esse formarum subiectum sicut materiam artificialium, vtendum est negatione, dicendo ipsam in nullo rerum esse genere, non substantiæ, non quantitatis, non qualitatis, aut alio quopiam, vt ait Aristoteles 7. Metaph. 8. & planum fiet materiam esse potestatem puram, hoc est aliquid potens omnia fieri. Ad eam igitur declarandam necessarium est vti hac negatione: non enim satis est comparatio rerum artificialium, quarum materia est corpus completum, & facit vnum accidentale, cum non ordinetur ad formam ad quam artifex eam accommodat, vt lignum ineffigiatum, aut aliud quidpiam inelaboratum non ordinatur ad formam statuæ. Sic Platonem sequens Augustinus lib. 12. Confess. docet



*Solutio difficultatum quas veteres afferunt.* materiam ignorando cognosci, & cognoscendo ignorari: nam qui dicit illam non esse in villo genere rerum, videtur ignorare quid sit, & tamen declarat eius naturam, qui verò eam certo genere vult circumscribere, dum intelligenter venari se putat eius essentiam, planè ignorat quid sit materia. Nunc ditimendæ sunt litigiosæ veterum contentiones quòd nihil generetur & corrumpatur: hoc vt explicatè fiat a tex 71. ad 79. affert distinctionem quas velut securi caudicali quiddid asperum videbatur, læuigat, atque abnodat. Asperum enim imprimis erat quod aiunt, si quid generaretur, vel fieret ex eo quod est, vel quod non est: non primum, quia iam illud existit, non secundum, quia nihil potest esse ex nihilo: atque ita nihil verè generatur aut corrumpitur, sed rerum ortus & obitus sola iunctione, & secretionem perfici debet. Contendit nihilominus Aristoteles fieri posse id quod est, & id quod non est tam ex eo quod est, quàm ex eo quod non est. Vt hoc explanet, obseruat posse dici non ens duobus modis: primò non ens ex accidenti, seu non ens aliquatenus, seu non ens actu: secundò non ens per se, seu non ens simpliciter, seu non ens tam actu, quàm potestate. Materia primo modo est non ens, non autem secundo: est enim non ens ex accidenti ratione priuationis quæ ei accidit, vt lignum inflammandum, est non ignis, non ignis autem videtur non ens, & sic materia est non ens aliquatenus, nam saltem non est illud quod fieri debet. Est etiam non ens actu, quia cùm sit imperfecta secundum se caret omni complemento, & perfectione. Negat autem materiam esse non ens secundo modo, hoc est nihil omnino. Sic aliquid fit ex ente, & ex non ente: fit enim ex materia quæ dici potest ens, & non ens, quoniam est ens potestate tantum, sed actu non ens. Id verò quod fit ex hac materia dici potest tam ens, quàm non ens, vt quando lignum fit ignis, ipsum lignum quodammodo est, & non est: est enim quatenus lignum, non est autem quatenus ignis, satis est enim vt id quod fit non sit id quod fieri debet. Tex. 73. & 74. affert exempla, vt ostendat ex eo quod est aut non est, aliquid facere & pati, tam per se, quàm ex accidenti. Verbi gratia ex eo quod est medicus medetur per se, & ædificat ex accidenti. Ex eo quod non est, ex immedico fit medicus per se, albus verò ex accidenti. Tex. 75. docet aliquid fieri ex materia tanquam ex eo quod non est ex accidenti ratione priuationis quæ materiæ accidit, non autem ratione substantiæ quæ inest ipsi materiæ. Quoniam autem iam dictum est quodlibet fieri per se ex peculiari suæ priuatione, & non ex alio, docet tex. 76. quomodo res fiat ex materia, nimirum quatenus materia non est id quod fieri debet, & sic includit priuationem rei faciendæ, quamobrem exemplum affert vt pro et ens fieri ex ente, non per se, sed ex accidenti. Vt si animal, inquit, fiat ex animali, verbi gratia vermis ex equo, fiet ex animali non per se, sed ex accidenti, debet enim fieri ex eo quod non est, at iam erat animal, quare vermis fit per se ex non verme, seu ex equo quatenus est non vermis: & ita res sunt ex materia quatenus ipsa non est id quod fieri debet. Cauendum est tamen, vt admonet tex. 79. ne Platonem assectemur qui materiam superficie tenus attingit non satis distinguens illam a priuatione: nam quia sunt vnum subiecto, docere videtur vnam esse earum naturam, quod falsum est, quia materia dicitur non ens ex acci-



accidenti, priuatio verò non ens per se : materia est propemodum substantia perfecta, utpote pars substantiæ primæ, & perfectæ, at priuatio nullam habet substantiæ appellationem. Quoniam tamen, ut aduertisti, Aristoteles textu sequenti ait priuationem a Platone fuisse contemptam atque reiectam a numero principiorum, eò quòd ad rerum interitum spectare tantùm videatur, materia verò cum forma sit veluti mater, & causa eorum quæ fiunt, credibile est Platonem obscurius duntaxat fuisse locutum, nec reuera confudisse materiam, & priuationem : illud tamen reprehendi potest quòd hanc inter principia non numerarit, proinde tria principia alijs omnibus incomperta Aristoteles iure merito sibi vendicat. Rursus tex. 81. ut planior euadat distinctio materiæ & priuationis, hoc discrimen affert quòd appetitu non animali quidem, sed naturali materies appetit formam ut foemina marem, & turpe pulchrum quidpiam, & diuinum, nam materia ratione priuationis turpis est tantùm ex accidenti. Forma verò seipsam appetere nequit, quoniam seipso nihil indigens est. Sed neque priuatio formam appetit, quod tamen dicere debent qui materiam & priuationem vnum efficiunt: nam cum sint contrariæ & sese perimant, si priuatio est idem ac materia quæ formam appetit, priuatio sui ipsius appetet destructionem, quod est absurdum. Tandem contex. 82. probat materiam ortus, & interitus expertem esse, quia substantia eius, atque essentia quæ est potentia ad formas recipiendas semper manet. Dicitur tamen corruptibilis ex accidenti ratione priuationis : ut qui ex paupere fit diues, non perit absolutè, sed desinit esse quatenus pauper, sic materia non est corruptibilis simpliciter, ita ut dicamus materia non est amplius, licet non sit amplius materia priuata. Quod autem materia non fiat, neque corrumpatur simpliciter, probat ex eius definitione : est enim primum subiectum vniuscuiusque, ex quo fit aliquid, cum insit, non ex accidenti, & si corrumpitur aliquid, in hoc abibit vltimum. Si ergo materia ortum haberet, fieret ex subiecto aliquo, nam ex nihilo nihil fit: hoc autem subiectum esset materia, quæ existeret antequam fieret. Si verò corrumpetur, desineret in aliquid, non enim resoluitur quidpiam in nihilum : illud autem erit materia, quæ proinde antequam planè corrumpatur, corrupta erit. Est igitur materia prima subiectum natura sua omnino informe, potens in omnia transformari. Dicitur subiectum primum, ut excludatur materia secunda, quæ est eadem materia, sed iam instructa & præparata, ut sunt elementa respectu mixtorum. Dicitur (cum insit) ut excludatur materia transiens, quale est vinum respectu aceti, fit enim acetum ex vino, sed vinum in aceto non permanet. Ex ea fiunt omnia corporea tanquam ex parte essentiali, & in eandem resoluuntur, non quod aliquando maneat informis, sed quod vna forma pereunte suscipiat aliam, & incorrupta permaneant. Sic Aristoteles nos tandem quasi manu deduxit ad cognitionem trium principiorum, vbi cum ordo naturæ postulare videretur, ut primum ageret de materia utpote quæ est aliorum subiectum, & basis, maximamque, ut ipse ait, affert necessitatem, ordinem tamen doctrinæ sequi maluit, ac primum de forma & priuatione nobis notioribus agendum putauit : forma etenim & priuatio cum sint contrariæ satis innotescunt inductione qua ostendimus

*De materia  
prima.*



omnia fieri ex suo contratio: at verò materia reconditoris intelligentiæ non nisi demonstratione ab effectu inueniri potuit, qua dicitur ubi est mutatio substantialis ibi est materia. Dari mutationem probauit a communioribus & notioribus progrediendo, cum ostendit requiri subiectum in generatione vniuersè sumpta, quòd quia manifestius est nobis in mutatione accidentali tam naturali, quàm artificiali, de ea primùm fecit inductionem, postea demonstrauit eandem esse rationem in mutatione substantiali, quæ sola via est ad materiam inueniendam, vt cum ex ligno fit ignis, & ex semine planta, ne res fiat ex nihilo, & in nihilum abeat, fatendum est dari materia primam, quæ sic inuenta mox declaratur similitudine quadam rerum artificialium, vt sicut fabricatio domus habet materiam, ita & plantæ, & animalis: deinde manifestior adhuc redditur negatione qua dicimus eam non reduci ad vllum genus rei perfectæ, vt sicut lignum transfigurandum in effigiem est ineffigiatum, sic materia prima quæ in omnia debet transformari, nihil est eorum quæ ex ipsa sunt, id est nullam penitus in se formam includit actu, sed potestate. Vnde consequens est eorum quæ transmutantur vnā esse materiam communem, vt ait Aristoteles 1. de ortu 53. vnā inquam quæ in plures species non diuidatur, quoniam eadem numero reperiri debet sub omnibus formis cum sit informis natura sua, ac propterea pura potentia. Scotus tamen lib. 2. sent. dist. 12. q. 1. & 2. ait habere actum, quem vocat entitatum, proinde nihil ob stare quin existat absque vlla forma. Ad hoc stabiliendum excogitauit duas potentias, primam subiectiuam appellat, qualem habet materia respectu formæ, alteram obiectiuam, qua potest aliquid poni extra suas causas, cum prius non esset, vt ipsa materia dicitur habuisse potentiam obiectiuam antequam a Deo crearetur: huic autem potentia ait respondere actum entitatum quo materia certam aliquam naturam habet licet imperfectam. Hæc tamen opinio aduersatur Aristoteli, & veritati: nam hic actus entitatus cum sit essentia ipsa materiæ aliud esse non potest quàm substantia, quæ ab Aristotele diuiditur in materiam, formam & compositum. Substantia autem materiæ appellari non debet actus, quia non est species vlla rerum, sed omnium principium: alioquin eodem iure quo vocatur actus entitatus, dici posset asinus Apulei, Mestre Erisichthonis, vel Proteus Virgilianus, qui in se habet certam naturam, velut actum entitatum, quò subinde refertur, postquam se in formas innumerabiles transfigurauit.

*Omnia transformat sese in miracula rerum,*

*Ignemque, horribilemque feram, fluuiumque liquentem.*

Nec agnoscì potest eius natura, inquit Poeta,

*Donec talis erit mutato corpore qualem*

*Videris incepto tegeret cum lum. in a somno.*

Ira planè quisquis materiæ dat actum quantumvis imperfectum, & existentiam propriam sine forma, Procreum facit naturam alicuius determinatam, licet versatilis, nec vllum corpus est aspectabile quod suspicari non possit esse materiam primam, & cæteras illi formas non dicat aduentitias, hanc autem vnā naturalem, siue ea sit ignis, siue aqua iuxta veteres: Sic quidquid di-



cat Aristoteles 2. de ani. tex. 1. materia non erit potentia, sed hoc aliquid, & substantia indiuidua, quæ digito demonstrabitur, si habet actum, maxime verò si etiam corpus est in recta linea, vt existimat Zabarella. Verum hoc præcipuè labefactat fundamenta Scoti quòd commentitia est ac prorsus inanis potentia eius obiectiua: nam Aristoteles 9. Metaph. non aliam agnoscit quàm actiuam & passiuam, non alium actum quàm primum, & secundum: passiuam respicit primum actum quem recipit, scilicet formam, actiuam secundum quem efficit, nempe actionem, quia materiæ est pati, formæ est agere: id verò quod non est habere nequit potentiam sibi inharentem. Nam si credis hominem generandum habere potentiam obiectiuam ratione materiæ ex qua fit, iam dictum est materiæ esse potentiam passiuam: si verò sumatur pro re possibili, vt mundo creando, potentia obiectiua erit ipsa, vt aiunt possibilitas: hanc autem Aristoteles 5. Metaph. 17. docet non esse veram potentiam, erit igitur imaginaria, cui proinde nullus actus entitatus respondebit. Superest vt essentia materiæ consistat in potentia passiuam ad formam quamlibet substantialem recipiendam, siquidem materiæ finis est facere compositum substantiale, quod præstat formæ interuentu: atque hæc potentia receptrix substantia est, sicut effectrix est qualitas. Quomodo autem distinguatur ab existentia sua, & a forma qua perficitur, verisimile est distinctionem, quam Aristoteles affert essentiæ & existentia, peti duntaxat ab intellectu separante, qua sunt eadem, ob faciliorem intelligentiam, vt patet in actione & perpeffione, quæ cum sint motus vnus, & simplex, diuersam tamen habere dicuntur essentiam, ac definitionem, & ad diuersa prædicamenta pertinere: sic igitur opinandum est de essentia, & existentia. Mundus antequam fieret dici poterat natura quædam possibilis, sed quæ reuera tunc nihil erat: postquam conditus est, illa natura verè existit, non quòd modus quidam existentia aduenerit ipsi qui tunc nihil erat, ac proinde non poterat esse eius subiectum, sed quòd ex nihilo totus emerferit ratione prorsus ineffabili. Existentia igitur materiæ cum ratione tantum distinguatur ab ipsa materia subiecta formis, quoties illa transformatur, toties variatur existentia, quam a forma habere dicitur, hoc ipso quòd existere non potest sine forma; eius enim essentia est natura quædam potens conformari omnibus modis, ita vt semper aliquem habere debeat, & tot diuersis modis existat quot formas recipit. Perperam autem aliqui fingunt formas communicare materiæ suam existentiam, sic enim forma petente periret materia, præstat dicere mutationem illam existentia in materia non variare eius essentiam, sed esse ipsammet essentiam sub diuersis formis, perinde ac si quis sub diuersis vestibis existere diceretur alio atque alio modo, sed hoc est discrimen, quòd ille planè nudus existere potest, materia minimè: sic non tenemur dicere existentiam esse formam aliquam distinctam ab eo quòd existit, nec materiæ habere talem existentiam qua possit esse absque vlla forma. Sit ita sanè, vt multi volunt, possit existere sine quantitate, & forte sine qualitate, non potest tamen etiam a Deo spoliari omni forma substantiali, sic enim haberet certam naturam quòd repugnat eius essentia. An autem forma possit ab ea separari, ita vt separata conseruetur, hoc quidem repugnat

*De distinctione materiæ a forma, & existentia.*



naturaliter, vt docet Aristoteles, quoniam perfectio substantialis rei alicuius non potest existere separata, alioqui iam non esset perfectio, sed res perfecta. Quod verò theologi docent separari posse saltem diuinitus, dicere debent sicut Philoponus contra Proclum disp. 9. c. 11. ex nihilo creari formas illas quas ipsi putant separari: alioqui tam forma, quam materia secundum se ipsas essent res actus: At ex Aristotele 2. de anima tex. 2. materia potentia est, forma verò actus, id est perfectio, vt ex ijs vnum fiat, quoniam vt ait 7. Metaph. 49. fieri non potest vna substantia ex ijs substantijs quæ actu sunt seorsum acceptæ. Hæc est opinio Aristotelis de materia prima atque forma, quæ perscipienter intellecta dirimit omnes veterum controuersias, reteggit eorum inscitiam, & solertiam mirabilem illius, qui primus rem tam obscuram & tenebricolam tam illuminatè declarauit. A R I T S. Pene dixeris materiam illam esse aurum irreperitum, inexploratum, inexcogitatum, quod tamen alius dixerit melius conditum & damnatum perpetuò suis tenebris, quam vt informe illud cadauer veluti Cacus in medium protraheretur. Neque enim circa monstrum illud ita differenauit, vt Peripatetici tentabundi non oberrent adhuc, tam horribilis bestię nec caput, nec pedes reperiendo cuiuscunque rationis prætentatu. Hanc vnā beluam obijcit Aristoteles ad veterum difficultates exorbendas, & verè si reperiretur huiusmodi natura triuenefica quæ omnia fieri posset, & ipsa nihil esset eorum omnium in quæ transfiguratur, ne verbum quidem adderem amplius in antiquorum defensionem, sed cum eius essentia sit inanior ventre Chimæræ, vt hic & in libris de Ortu videri potest, haud temere factum arbitror perquisitius, rem indagare. Iam in confesso est apud te si materia propriam habet existentiam seorsum ab omni forma, perinde esse ac si illam diceres esse equum, vel asinum, qui in omnia transformaretur, ac tandem suæ se naturæ restitueret: non habet ergo existentiam nisi quatenus est coniuncta formæ, id est nisi quatenus conformatur hoc, vel illo modo, vnde confici debet materiam & formam non esse duas res, nec alterutram posse existere separatim secundum doctrinam Aristotelis, distingui tamen ab intellectu varias in eis rationes ac definitiones excogitante. Hoc clarè habetur 8. Metaph. 16. his verbis, Materia autem vltima & forma, vt dictum est, idem sunt, vbi per materiam vltimam intelligit materiam instructam & præparatam. Tex. 60. huius libri materia & priuatio sunt idem subiecto, differunt ratione, quod etiam de forma intelligi debet. 2. Phys. 12. dicitur forma non separabilis existens, nisi secundum rationem, & 19. sicut simitas quæ a naso auferri nequit. 2. de anima 7. non oportet querere si vnum est anima & corpus, sicut neque cera, & figura: at figura ratione tantum differt a cera, ergo vult animam & formam quamcunque a materia distingui ratione sola. Hoc verò præcipuè declarat cum passim ait formam esse rei essentiam, quod sic intelligi debet vt forma nihil sit aliud quam perfectio materiæ, quæ vt potentia dicitur materia, vt perfecta dicitur forma. Ergo iuxta comparisonem Aristotelis sicut cera, vel ferrum prout varijs modis transfigurantur, varios edunt effectus, ferrum enim pungit, terebrat, secatur, contundit, limatur, nemo tamen dixerit figuram re ipsa distingui a ferro, & separari, ita cum materia subiecta causæ



efficienti varias induit formas tam substantiales, quàm accidentales, non videntur hæ formæ magis distinctæ & separabiles a materia quàm figura a cera, aut ferro. Quod probatur, quia si materia, & forma reipsa distinctæ sunt & separabiles, forma fiet ex nihilo, vt coactus est fateri Philoponus a te citatus contra principium omnium antiquorum: atque vt id plenius demonstretur statuamus exemplum in materia grani alicuius hordeacij, in quam continenter introducat formam ignis, & continenter hæc forma separetur a Deo, & conseruetur ex eadem quoque materia, si vis aliæ omnes formæ excuscentur, infinitus formarum substantialium euadet thesaurus, quo mundos infinitos collocupletet minimo sumptu, quippe ex eadem materia extensionem seu quantitatem educendo materia quoque fiet infinita, cui si restituantur omnes formæ naturaliter ex eaeductæ, ad mundos infinitos sufficiet vnum hordei granum. Iam verò si licet ita materiam deglubere, vt formæ seorsum existant veluti stirpes eradicatæ & illa remaneat instar glabreti, quæritur vnde illæ formæ substantiam suam acceperint, non enim ortas dicitis ex nihilo. Respondetis a materia ex quaeductæ sunt. Hoc certè superat fidem quam iureiurando obligastis Aristoteli, tot substantias e folliculo materiæ deglubi, nec illius partem vllam ad eas transire, illa enim remanet integra perinde ac si nihil ab ipsa prodijisset, & quod incantamento simile est, emedullata non emaciatur, non inabitur euacuata, multiformi partu nunquam est effoeta, spoliata non pauperatur, mirabilior oue Phryxi, quæ de-ronsa fit lanatior, foecundior arbore Iunonis infernæ, cuius ramo *uno anulso non deficit alter*, progemmans semper ac progerminans nouis formarum veluti pappis, iulis, flocculis, & nucamentis emanantibus. Rem oppidò monstrosam & prodigiosam, videre formas innumerabiles separatas, quæ nec ex materiæ, nec ex efficientis substantia particulam vel minimam decerpserunt, & tamen sunt veræ substantiæ, immo plusquam ipsa materia, vt ait Aristoteles lib. 2. ne quis dicat esse cauas & inanes formas Virgilij,

*Morte obita quales fama est volitare figuras.*

*Aut qua sopitos deludunt fomina sensus.*

Cum ergo illius substantiæ quæ est in formis separatis nulla particula decerpta fuerit a substantia materiæ & efficientis, sequitur vt tota prodeat ex nihilo: ac propterea, vt ait Aristoteles, oportet dari materiam ab eo quod fit non separabilem, sed permanentem. Dices & si forma non fit a materia separabilis, tamen vt fiat nullam in se habet partem materiæ, sed ab ea distinguitur tota essentia, quare superest eadem difficultas ex quo fiat substantia formæ. Respondendum est superesse quidem indissolubilem, si quis putat vtranque reipsa distingui, non autem si ratione tantum, vt iam dictum est. Etenim si reipsa differunt, & ad sui constitutionem forma nullam particulam accipit a materia, sequitur ad educationem formæ non magis assumendam materiam primam, quàm mistum quodlibet, equum, vel asinum: perinde enim responderi posset formam fieri ex quocunque misto, licet in forma nulla misti pars remaneret: nam eodem iure defendi posset mistum quoduis esse potentiam ad huiusmodi formam educendam. At verò qui dicit formam a materia distingui ratione sola, non ita difficulter ab his scopulis eremigat,



dicat enim solum energia naturalis efficientis materiam informari, & alio quodam modo transfigurari, ita ut cum dicitur forma fit ex materia, sensus sit tantum, materia remanens eadem alio modo conformatur & perficitur, & quidem modo substantiali, si conformetur ad aliquid efficiendum, quod satis esse videatur nobis ad aliquam speciem constituendam, ut cum terra mutatur in herbam: modo vero accidentali, si conformetur ad aliquid efficiendum, quod speciem non constituat, sed speciei iam constitutæ superaddatur, ut videtur in aqua suffernefacta. Probatur eodem modo formam in nihilum reuerti, si reipsa distinguitur, & separatur a materia, quoniam ita perit ut ex ea nihil omnino supersit. Neque iuuat hilum quod non sit res completa, nam difficultas antiquorum est, quomodo id quod verè exiit distinctum ab omnibus alijs in nihilum abit. Nec melior est eorum responsio qui dicunt formam quidem fieri ex nihilo sui, non autem ex nihilo subiecti, & sic abire in nihilum sui, sed non in nihilum subiecti, quia subiectum, nempe materia prima semper manet. Quid enim refert materiam primam remanere, si forma reapse ab ea differens in nihilum abit? eodem quippe modo dicere poterant antiqui quidpiam verti in nihilum, & satis esse si id ex quo sit remaneret, ut si Empedocles, & Anaxagoras dixissent extingui penitus sua elementa, sed sphaerum & chaos, unde ipsa proeunt, superesse. Quæ afferuntur ex Aristotele facile dilui possunt, primo Phys. constituit materiam principium a forma distinctum, hanc fluxam, & caducam facit, illam incorruptam. Lib. 2. diuidit naturam in materiam & formam ut in duo membra planè diuersa: idem facit loquendo de causis, hanc quoque appellat finem, & terminum generationis, illam subiectum. Hæc & alia id genus nihil aliud ostendunt quàm idem prout accipitur diuersis modis, ita & posse definiri, ut de actione & passione iam dixisti, sic de materia & forma sentiendum est, earumque distinctionem ita esse accipiendam, ut materia formata vno modo distinguatur a seipsa conformata alio modo. Sed aliunde videtur res incredibilis, ut idem nihil acquirendo distinctum a se, transformetur ea ratione, qua modò sit ignis, modò aqua, modò equus, modò lapis. Infatuare prius oportet hominem, quàm hoc credat. Quid enim est formari materiam, certè non est solum transfigurari, sicut ceram, sed transire in aliam substantiam, ut ex igne in aquam, quare necessarium est, ut noua aliqua substantia accedat. Siue hoc igitur dicatur siue illud, habetis doctrinæ vestræ fundamenta malè materiata, & si non melius frumentarentur Peripatetici, quàm materiarentur, longas haberent ferias esuriales.

CH A R. Melius constabit quàm firma sit peripatetica materiatio, libris de Ortu & interitu, vbi opus integrum exædificatur. A R I S T. Missa igitur hac materiatura videamus quid iam sequatur.



## IN LIB. II. PHYS.

## De natura &amp; causis .

## CIRCULVS QVINTVS.

CHARILAVS. ARISTÆVS.

**C**HAR. Egit Aristoteles lib. I. de principiis rei, scilicet materia, & forma, hoc secundo tractat de principiis cognitionis, nempe natura, quam considerat non ut principium corporis naturalis, sed affectionum motus & quietis, ac propterea verum initium scientiæ naturalis habetur hoc libro secundo, ut sub principium nostri congressus obseruavi. Tanti verò momenti est pernoscere quid sit natura, ut vel ex eo contentio nostra dirimi possit. Ac primum obseruari debet naturæ varias esse notiones, interdum enim idem est ac Deus, quem propterea veteres appellabant *μυτροπάτορα*, Orpheus. n. dixit *οὐσιν θεόν*, Epictetus *δαίμόνιον φύσιν*. Trismegistus, & Soranus Medicus apud Augustinum naturam vocant marem, & foeminam, forte quia sub figura Hermaphroditi, & *πολύμασος* nomine colebatur. Interdum sumitur natura pro rebus creatis, pro vniuerso, pro agentibus sine intellectu, pro cuiuscunque generatione, pro rei essentia, atque alijs modis, ex quibus illum duntaxat considerabimus, quem affert Aristoteles cont. 3. Sed ne reprehensetur quòd definierit naturam, priusquam ostenderet eam esse, per se notum est, inquit tex. 6. dari naturam, & qui id demonstrare tentat, videtur cæcus ab vtero, qui de coloribus sermonem habet. Sensus est autem id demonstrari non posse per causam, utpote primum physicæ principium, tamen non negat quin ab effectu, scilicet motu, dari naturam ostendamus. Verùm antequam definiat quid sit natura, discrimen affert rerum naturalium, & artificialium, nimirum quòd illæ habent in se principium motus & quietis, istæ nequaquam quatenus sunt ab arte, licet habeant quatenus naturales: lectus enim ut res naturalis mouetur deorsum, non autem ut artificialis. Ex hac differentia tex. 3. colligitur naturæ definitio, principium, & causa motus & quietis eius in quo est primum, & non ex accidenti. Principium & causa idem significant. Dicitur tamen causa, ut ostendatur naturam esse id quod verè dat rei essentiam, & sic distinguitur a priuatione. Dicitur (motus) id est mutationis a principio interno provenientis, nempe motus generationis, accretionis, alterationis, & lationis. Dicitur (quietis) non illius quæ est opposita motui, tanquam priuatio, quemadmodum est quies in termino a quo lapis moueri cœpit, quando detentus in aere violenter quiescebat, sed intelligitur quies in termino



ad quem tendit motus, illa enim motui non est contraria, siquidem motus ad ipsam ut ad terminum ordinatur. Sed demus motum, & quietem hoc loco esse opposita, nihil prohibet tamen utriusque principium esse naturam: illud enim 2. de ortu 36. Idem & similiter se habens semper idem natum est facere, intelligi debet prout idem est, non prout est virtute multiplex, uti natura, quod indicat tex. 30. Docet quidem contrarias causas, ut calidum, & frigidum habere contrarios effectus, puta calorem, & frigus, non tamen ait contrarios effectus oriri semper a contrariis causis, cum gaudium, & tristitia, velle & nolle eiusdem animæ sint effectus. Cum ergo dicitur motus & quietis, particula (&) vim habet coniunctionis in quibusdam, ut elementis, quibus natura est principium motus, quando sunt extra proprium locum, quietis verò, quando sunt in proprio loco: In quibusdam tamen eadem particula (&) disjunctionis vicem obtinet, ac si esset (vel) ut in cœlo, cui natura principium est motus, non autem quietis. Dicitur (eius in quo est) ut ostendatur motum naturalem esse a principio interno, sicut violentum ab externo. Dicitur (primum) scilicet principium, ut excludantur potentia, & qualitates, quæ non sunt primum, & principale mouendi principium, sed secundum, ut intellectus respectu intellectiois, cuius anima est primum principium. Denique dicitur (non ex accidenti) ut excludantur ea quæ ex accidenti sunt principia motus in eo in quo sunt, ut medicina, quæ motum sanationis facit in medico, cui inest, cum æquè sanitatem ferre possit ei in quo non est. Natura verò, ut natura, non dicitur principium motus, nisi eius in quo est. Si quis hic obijciat naturam definiri non potuisse, quoniam vniuoca non est respectu cœli, & corporum inferiorum, sed neque respectu materiæ, & formæ, respondendum est saltem esse analogam, quod satis est ut possit definiri: in cœlo enim est substantia simplex æquiualens materiæ, & formæ: Quare nihil obstat quòd Aristoteles tex. 4. post allatam definitionem, ait naturam semper esse subiectum, & in subiecto, id est materiam, & formam, quibus proportionem quadam responder substantia cœli. Sed aduertendum est formam esse quidem in subiecto, cui adueniens ipsa constituit compositum, non propterea tamen censerī accidens, nam accidens aduenit subiecto iam constituto, ut calor homini. Deinde contex. 5. declarat quamnam dicantur esse secundum naturam, nempe ea quæ insunt rebus naturalibus secundum se, ut leuitas igni, grauitas terræ: natura autem inquit tex. 10. non solum est materia, sed etiam forma substantialis, & tex. 12. forma est magis natura quam materia, quia per formam res dicitur esse actu, per materiam potestate, compositum verò ex materia & forma non est natura, sed a natura, quare spectat ad physicum de ijs agere, ut probat vsque ad tex. 27. ubi de causis. Sic habemus ex Aristotele quid sit natura omnino veteribus incomperta. A R I S T. De naturæ definitione disputent alij, contendo tantum eam non conuenire materiæ, & formæ, sed substantijs primis antiquorum, quæ sunt principium primum motus, & quietis, ut postea dicam. Si enim substantia cœli simplex apud Aristotelem est ipsa cœli natura, cur non & veterum substantia simplices idem obtinent? Materia verò quam dixisti esse potentiam, non potest esse principium motus efficiens, sed tantum



patiens, quod non sufficit ut aliquid dicatur natura, per quam, ut ait Philo-  
 ponus intelligimus virtutem internam motus effectricem. Propterea melius  
 loquuntur, qui dicunt formam duntaxat esse naturam, & illa verba Aristo-  
 telis καὶ μᾶλλον φύσις αὐτὴ τῆς ὕλης, non esse vertenda ( & magis natu-  
 ra hæc est quàm materia ) sed esse legendum ( & potius natura hæc est quàm  
 materia ) ita enim sensus erit naturam esse substantiam ea ratione confor-  
 matam, ut sit principium motus efficiens, quod etiam veteres admittunt in  
 substantijs simplicibus, & compositis, in quibus formam reipsa distinctam  
 a materia non agnoscunt. CHA R. Et quod turpius est neque Deum  
 reipsa distinguunt a natura, ut Stoici quorum affectator Seneca secundo de  
 beneficijs dicit naturam esse Deum, diuinamque rationem toti mundo &  
 partibus eius insertam. Sed ut palam fiat materiam & formam esse natu-  
 ram, ac proinde causam motus, & quietis, non est ignorandum quid sit caus-  
 sa, inquit tex. 27. Consideratur enim a physico causa generationum, a logi-  
 co demonstrationum, a metaphysico essentiarum. Sumitur autem potissi-  
 mum tribus modis, nempe pro conditione necessaria, ut pecuniæ sunt caus-  
 sa belli: deinde pro sola causa efficiente: denique pro causa cuiusque gene-  
 ris. Hoc verò genus quadruplex est 5. Metaphys. c. 2. penes quatuor modos  
 diuersos producendi effectus, & respondendi ad quæstionem propter quid res  
 est: nam τὸ διὰ τί latè sumptum conuenit omnibus causis, non fini tan-  
 tùm, ut videri potest etiam hic tex. 68. Sic domus est propter lapides quibus  
 componitur, propter formam quam habet, propter architectum, qui eam  
 struxit, & propter commoditatem habitandi. Ad hos quatuor modos re-  
 uocari possunt omnes alij, suntque causa ut materia, vel forma, vel efficiens,  
 vel finis. Causa ut materia definitur tex. 28. Id ex quo fit aliquid, cum in-  
 fit, ut ostendatur materiam debere esse permanentem, qualis non est priua-  
 tio ex qua aliquid fit. Non dicitur tamen ( ex quo fit aliquid primo, & non  
 ex accidenti ) ut supra in definitione materiæ, quoniam hic non tantùm in-  
 telligitur materia prima, sed etiam secunda, ut lapis, atque etiam materia  
 artificialis, & ex accidenti, ut aceruus. A R I S T. Sic opinor non exclu-  
 ditur veterum materiam, nempe substantias primas & simplices, quæ non  
 minus quàm vestra materia secunda in compositionem mistorum venire  
 possunt, & inesse, citra modum quendam coniunctionis gerris siculis vanio-  
 rem, atque hoc solum commendabilem quòd vnionis nomen obtinet, velut  
 pretiosi cuiusdam glutinamenti, quo Scotus impleuit subtiliter hiantes iun-  
 cturas materiæ & formæ, ut iam ungues rimam quærentes effundantur. Ve-  
 terum substantiæ simplices iunguntur seipsis, ad mistorum omnium concre-  
 tionem. CHA R. Hoc ipsum possumus affirmare de materia, & forma,  
 non enim sequi tenemur Lycophronem, & alios glutinatores, qui inter ani-  
 mam ac corpus ponunt copulam, & coniunctionem reipsa distinctam, quos  
 reprehendit Aristoteles 8. Metaph. tex. ultimo. A R I S T. Sed ita repre-  
 hendit, ut dicat materiam ultimam & formam esse idem, nec inter vtrunque  
 aliam esse copulam, quàm inter æs, & triangulum, inter superficiem, & can-  
 dorem, inter animam & sanitatem, & omnino inter potentiam & actum  
 nul.

De causis

De causa  
ut materia.



nullam copulam esse quærendam, sunt enim, inquit, vnum quodammodo. Ex quo potissimum loco contendebam libro primo materiam & formam non esse duas res: sed qui dicunt reipsa differre & separatas a Deo conseruari posse, si congruenter loqui volunt, necessum est vt admittant copulam Lycophronis, vel omnino tollant suas hæceitates, inhærentias, subsistentias, existentias, & complures alios, vt vocant, modos, quibus hodie philosophia peripatetica strigosa penitus euasit, & retorrída, suoque parenti non agnoscenda. CHA R. Non desunt insignes philosophi, & theologi, qui sublati tot appendiculis, sartam & rectam nihilominus doctrinam habent. Nec verò qui eas admittunt ad faciliorem intelligentiam, aliud perficiunt, quàm vt confusior reddatur, & obscurior: nam si materia & forma indigent copula a se distincta, non minus ipsa copula debet alterius interuentu copulari, hæceitas postulabit aliam hæceitatem, & subsistentiam subsistentiam. A R I S T. Vos vrget vehementer argumentum Scoti, quo probat fieri non posse vt materia, & forma, non coniunctæ prius, mox coniunctæ sint, nulla re, quæ prius non fuisset, adueniente. CHA R. Satis est præsentia formæ aduenientis ipsi materiæ quæ idoneè sit præparata. A R I S T. Quid si plures animæ simul eidem materiæ infunderentur? CHA R. Vel omnes illi coniungerentur, vel nulla omnino, si subiectum non est idoneum ad aliud quàm vt vnum vni copuletur. A R I S T. Hoc irrideret Aristoteles, & alij, qui non admittunt nisi formam vnā assistentem, & immortalem in tota specie humana, cæteras animas diceret a materia sola ratione distinctas esse. Sed qui putant separabiles, vt dixisti, rationem oportet afferant, cur equo viuenti alia anima infusa non copularetur, si copulari nihil aliud est, quàm præsens esse: & cur potius vnā quàm altera materiam informaret: si verò simul informant eandem materiam, ille equus non erit vnus, sed duplex, & confusus, vt si fingamus triangulum informari duplici figura triangulari, nam forma quæ aduenit alteri eiusdem generis eam infuscat, & obliuerat. Hoc nunquam Plato ausus esset affingere suis ideis, vt plures solo numero distinctæ eidem materiæ singulari coniungerentur: immo Aristoteles 7. Metaph. 49. & 50. probat ne vnā quidem ita coniungi posse, quoniam, inquit ex duobus actu separatis, & suam distinctionem retinentibus, vt sunt ideæ, & singularia apud Platonem, nunquam fit vnum, ad hoc enim requiritur vt alterum sit potentia, alterum actus. At materia formaque vestra non modò seiugatæ, sed etiam coniunctæ, ac ferruminatæ retinent suam distinctionem, ita vt actu, siue energia sint duæ res, non minus quàm substantiæ simplices antiquorum. Miror igitur cur formas illas separatas vocatis actus, quicum materia vestra vnum efficiant: utimini quidem verbis Aristotelis, sed aliam potentiam & alium actum, quem ipse non nouit, somniastis. CHA R. Respondent theologi neoterici non esse alium, sed incompetam Aristoteli fuisse illam materiæ & actus seiunctionem, quæ nunc ex misterijs diuinis pernotescit. A R I S T. Sequantur ergo vetustiore philosophiam, cui non repugnat hæc seiunctio, peripateticam enim planè subuertit. Nunc

*De causa* age quæto de causa vt forma. CHA R. Hæc causa dicitur tex. 28. ratio constituens essentiam cuiusque rei. Alia definitio formæ erui potest ex  
3. de



2. de Anima, nam sicut anima definitur actus primus corporis organici, sic forma substantialis actus primus corporis physici, id est substantia simplex, & incompleta quæ ut actus materiæ constituit essentiam substantiæ compositæ. Quæ definitiones conueniunt tantum formæ substantiali: ut verò conueniant etiam accidentali, forma generaliter accepta dici debet actus simplex alteri tanquam subiecto inexistens. Ad hoc genus causæ Aristoteles hoc textu reuocat exemplar, siue ideam, qua intellectus velut ab imitabili forma determinatur ad aliquod opus, tamen prout est conditio necessaria ad agendum, reduci potest ad causam efficientem. A R I S T. Agedum audiamus quid sit causa efficiens, nam forma apud veteres est essentia cuiusque rei, simplex simplicis, & compositæ composita. Nec quæro iam ut probes dari formam substantialem, cum enim ostendi non possit nisi ex transmutatione substantiali, & redintegratione corporum naturalium se se ad proprias qualitates reducentium, ut aquæ sufferuefactæ ad pristinum frigus, de hac re commodius agetur libris de Ortu. C H A R. Efficiens tex. 29. definitur id unde principium primum mutationis aut quietis, finis verò id cuius gratia aliquid est. Sensus est efficientem ordine suo esse primam originem, & causam, a qua incipit motus executionis, sicut finis est prima a qua incipit motus intentionis: sic enim distinguitur a priuatione, materia & fine: nam priuatio potest dici principium, sed non causa prima unde motus est: materia quoque non est id unde, sed potius in quo fit motus. finis verò est quidem prima origo, unde incipit motus intentionis, sed non executionis. Cum autem dicitur principium primum, intelligendum est ordine suo, alioqui Deus solus esset efficiens. Dicitur etiam principium primum motus, & quietis, quoniam efficiens imprimit materiæ formam, a qua motus & quies proficiscitur. Cum autem apud omnes in confesso sit eiusdem effectus esse posse plures causas ex parte, docet tex. 30. esse quoque plures causas integras diuersi generis, ut eiusdem statuæ lapidem esse materiam, statuarium verò efficientem. Id etiam fieri potest in causis eiusdem generis, modò non sint eiusdem ordinis: ut leo leonis est causa integra in genere efficientis, & in ordine causæ secundæ, eiusdemque causa integra Deus est, & Sol in genere efficientis, & in ordine causæ primæ, quia virtus hominis est etiam Dei & Solis, qui eam ipsi communicant. At ut duo homines sint causæ integræ eiusdem effectus, fieri non potest; quoniam integra causa est a qua sola dependet effectus. Inde colligimus effectum productum ab vna causa non posse produci ab alia naturaliter, modò non sit sermo de effectu priuationis, veluti morte & cæcitate, vel de causa quæ applicat tantum agens patibili, ut sigillum ceræ, sed de effectu physico, & physica causa per materiæ transmutationem. Propterea 8. Phys. 49. ad vnitatem motus requiritur vnitas motoris, de quo nihil dictum fuerat lib. 5. tex. 34. ubi quærebantur duntaxat ea quæ sunt interna motui, nimirum vnitas mobilis subiecti, vnitas formæ, siue termini, & vnitas temporis non interrupti. At veteres qui congregatione & secretionem omnia fieri putant, quemadmodum statuas, & domos, dicant etiam oportet eundem effectum ab hac, vel illa causa fieri posse, mortuosque naturaliter exsuscitari sola partium seingatarum applicatione.

*De causa efficiente.*



neque enim apud ipsos alia opus est efficientia, nec quidquam prohibet eundem effectum semel productum iterum produci, quod inficiamur, quoniam ad singulos effectus dicimus necessariam esse actionem physicam, quæ ita est sui agentis ut alterius esse non possit, immo neque bis eadem oriri potest a suo agente iuxta Durandum. **A R I T S.** Sed si actio illa nihil est omnino, ut videbitur ad 18. tertij Phys. & 50. primi de Ortu, fateri necesse est veram causam efficientem reperiri tantum apud antiquos, quibus absurdum non videtur eadem redire sapius, quorum partes omnes eodem situ, & ordine restituantur: sed quoniam illud in particularum, & principiorum infinitate non est possibile, propterea negant eosdem effectus naturaliter redire posse. Actionem aliam non agnoscunt, quam motum, quo substantiæ simplices, & mixtæ mutuo consensu feruntur ad rerum compositionem, ac dissolutionem: quare illæ si eodem modo applicabuntur, siue a se, siue a Deo, constituent semper eundem effectum quocunque tempore, nec quidquam apertius dici potest. At difficultas quæ apud vos reperitur in explicando quid sit agere, coegit quosdam e theologis, ut Gabrielem 4. sentent. dist. 1. q. 1. sequi Mauros Algazelem, & Auicembrontem, qui dicebant causas secundas nihil efficere, sed Deum solum ijs præsentibus. Cur verò non producit lapidem præsentem lapide, ut ignem præsentem igne, dictum perdifficile est non illis tantum, sed etiam vobis, nisi cum Philopono dicatis a Deo liberè creari formas in sinu materiæ, quæ nec illas accipit transfusas ab efficiente, nec ex suæ substantiæ particulis concretas habet. Verum organa quibus viuentia constant satis ostendunt aliquam esse rerum naturalium efficientiam, qua impedita, aut peruersa quidpiam monstrosum fieri contingit, & indignum quod credatur opus Dei solius. Auicenna quoque cum expedire nequiret modum quo agens naturale formam substantialem educit e materia, nullam aliam vim tribuit causis secundis, nisi ut materiam præparent, formam verò ab intelligentia quadam vult introduci. Alij alia comminiscuntur, sed eò res tandem recidit, ut vel omnia fiant ex nihilo, vel eò modo quo dicunt antiqui. **C H A R.** De hoc videbitur ubi de actione. Aristoteles hoc ipso textu docet duas causas eiusdem generis sibi inuicem causas esse non posse, ita ut vel se efficiant, vel sint sibi formæ, vel materiæ, vel fines: alioquin idem esset causa suiipsum, quod enim producit suam causam, seipsum producit. Nec dicat aliquis duos calores in manibus iunctis, vel ignes in duobus lignis, quæ proxima comburuntur, esse sibi inuicem causas; non enim mutuò se producant, sed coniuncti fortius resistunt contrario. De fine morali potest esse aliqua difficultas, ut si quis equum permutat boue, dat equum ut habeat bouem, & alter bouem ut habeat equum: verum neque sic finis est causa alterius, non enim dat equum ut alter habeat finem dandi bouis, sed ut bouem habeat, nihil cogitans de eius fine. Sed quidquid sit de fine morali, nos agimus tantum de fine physico, ut si forma est finis materiæ, materia non poterit esse finis formæ. Dicendum tamen est cum Aristotele duas causas diuersi generis sibi inuicem causas esse posse: nam exercitatio est causa efficiens sanitatis, & sanitas exercitationis. Quod verò dicitur, idem non potest esse causa suiipsum, intelligendum est in eodem causa genere, non in diuerso.



ubi potest idem seipso esse prius, & posterius: finis enim dicitur causa prout est in intentione, seu quando nondum est, atque idem finis dicitur effectus ut praesens est in executione. Praeterea docet hic Aristoteles idem diuerso modo sumptum posse esse causam contrariorum, ut regis praesentiam salutis, absentiam ruinæ: confirmatque id quod dictum est de natura, quæ est principium motus, & quietis, quatenus est virtute multiplex. **ARIST.** Multò magis corroborat id quod veteres docent, nempe substantias primas inuicem causas esse motus, quo permiscentur vario consensu, dissensuque. Nunc quoniam multi fortunam & fatum causam esse putant, de ijs agendum erat cum Aristotele, sed quoniam pauca sunt in quibus dissentit ab antiquis ea considerabimus libro octauo loquendo de libertate primi motoris: aboluamus tantum si quid de fine dicendum restat. **CHAR.** Finis tex. 29. definiebatur, id cuius gratia aliquid fit, aut est, quod nihil aliud significat quam effectum sic dependere a fine, ut non fieret nisi esset agenti conueniens, & bonum. Quare quidquid est in gratiam finis est effectus finis, ut sunt ea omnia quæ dicuntur media ad finem. Nec dubium esse debet quin finis sit propriè causa, nam licet, ut ait Aristoteles, agat metaphoricè, non est tamen causa metaphorica, quoniam sua bonitate allicit agens ad operandum, quod est esse propriè causam: etenim quærenti propter quid res est, assignando finem, credimus attulisse veram causam, licet ea impropriè dicatur agere. Si quis obijciat finem esse vltimum, non autem principium primum, proinde non esse causam. Respondendum est esse vltimum in executione, sed primum in intentione, atque ita habere veluti duplicem naturam, quarum vna est causa alterius: nam finis in intentione est causa finis eiusdem in executione, ut sanitas quam intendimus, est causa sanitatis quam obtinemus. Expendamus tantum quòd ait Aristoteles a textu 75. ad 87. naturam semper agere propter finem. Hoc egregiè demonstrat, quoniam natura semper, vel ut plurimum agit eodem modo, prout vnumquodque fieri debet, ut patet tam in animatis quam inanimis, atque etiam in arte quæ naturæ est imitatrix. Quoniam verò in multis effectis non videtur esse finis, docet formam semper esse finem generationis, scilicet proximum: sunt enim & alij naturæ fines, ut germinationis proximus finis est germen, alij autem fines sunt conseruatio speciei, & nutrimentum animalium. In his & si aliquando monstra contingunt, non inde tamen tollitur natura finis, sicut artis peccata non impediunt quin artifex agat propter finem: nihil obstat etiam quòd natura non deliberat, nam & ars quæ dicitur semper agere propter finem, sæpe non deliberat, ut videre licet in citharistis artis suæ scientissimis. Hunc naturæ finem non tollit necessitas quæ in rebus naturalibus esse videtur, & cuius causas inquirat physicus, tam secundum materiam, quam secundum finem, seu formam, ut ferram secare quia ferrea est, sed præcipuè quia dentes habet: vnde palam fit quod dixerat tex. 74. physicum demonstrare per omnes causas, veteres tamen qui veram formam non admittunt, ostendere quidem possunt necessitatem in natura, sed non finem. **ARIST.** Ea quæ motu naturali simul & necessario modis inter semiscuntur infinitis ad infinitas multorum formas efficiendas, non minus habere



possunt formas ipsas veluti fines, quàm illa quæ Aristoteles agere dicit propter finem. Similiter & quod de necessitate dicitur, & de monstris, in utraque opinione eandem habet difficultatem, qua omnia veluti causarii milites ab hoc causarum campo discedamus.

## IN LIB. III. PHYS.

## De motu.

## CIRCULVS SEXTVS.

## CHARILAVS. ARISTÆVS.



**H**AR. Postquam Aristoteles ostendit quid sit natura, declarat primam eius affectionem, scilicet motum, quo ignoto, inquit, ipsa ignota est. Non quòd ad naturæ definitionem intelligendam præmittenda fuerit definitio motus, sed quòd rudis saltem cognitio motus sit animo prius informanda, quàm intelligatur quid sit natura, propter summam vtriusque connexionem. Accepit Aristoteles vt principium omnium notissimum 1. Phys. 11. dari motum, & lib. 2. tex 6. dari naturam principium motus, nec contrarium sentientes esse audiendos, nec immorandum in soluendis eorum argumentis, nisi quæ ex principijs physicis petebantur. Huiusmodi sunt rationes Zenonis, quas Aristoteles multis in locis sibi proposuit diluendas: sed quoniam satis superque cum ab ipso tum ab eius interpretibus sunt explosæ, si quid superesse putas difficultatis hanc ego tibo relinquo proponendam, atque enodandam. Definitur motus tex. 6. Eius quod potentia existit actus, quatenus huiusmodi: id est motus est actus qui conuenit potentiæ, vt potentia est, seu ad quem potentia vt potentia proximæ instituta est. Nam ille debet censerī actus potentiæ vt potentia est, quem proximè potentia respicit: at potentia proximè respicit motum per quem forma acquiritur, & motionis interuentu respicit formam: ergo motus erit actus potentiæ vt potentia est. Patet exemplis Aristotelis tex. 6. & 7. alterabilis, inquit, quatenus alterabile actus est alteratio, ædificabilis ædificatio, medicabilis medicatio. Et tex. 11. cum proposuisset vtrum actus ædificabilis esset ædificatio, an domus, concludit esse ædificationem, quia posita domo non est amplius ædificabile, at dum ædificatur, est adhuc ædificabile: motus igitur est ædificatio. Vnde palam fit motum nihil aliud esse quam productionem, vel receptionem formæ in subiecto, scilicet actionem, vel perpeffionem, nec constituere diuersum ab ijs prædicamentum. Dicitur autem motus reduci ad prædicamentum sui termini, hoc est sumere distinctionem a termino suo, vt motus ad qualitatem est alteratio, ad vbi latio, & penes hos terminos distinguuntur, constituuntque diuersum prædicamentum.

*Quid sit  
motus.*



mentum. Maxima porrò controuersia est inter nos quomodo distinguatur *Distinctio*  
 motus physicus a termino suo, probabilius tamen est verè distingui tanquam *motus a*  
 modum a re cuius est modus. Neque aliud volunt Aristotelis verba tex. 4. *termino.*  
 Non est motus præter res ipsas, quàm motum non posse existere separatum  
 a rebus ipsis. Contra verò multi contendunt actionem nihil aliud esse quàm  
 ipsum terminum connotantem suum principium, seu causam efficientem,  
 ut actionem qua Marcus a Paulo generatur, esse Marcum ipsum, quatenus  
 connotat Paulum generantem. Sed reijcitur hic modus philosophandi,  
 quoniam poterant esse Marcus, & Paulus neutro alterum connotante, ergo  
 quòd Marcus connotet Paulum, debet esse aliquid ab ipsis distinctum. Ne-  
 que dicas fore tunc ut Marcus non connotet Paulum, propterea quòd ab ip-  
 so non dependet, nam hoc quidem verum est, sed qui ita respondet suis se  
 compungit acuminibus: quæro enim an Marcum pendere a Paulo sit aliquid  
 ab ipsis distinctum, si concedit, certè hoc pendere nihil aliud erit quàm actio,  
 qua Paulus genuit Marcum; si negat, cur igitur Marcus Paulum non con-  
 notaret, cum ad hoc ipsi nihil deest: quod si quid deest, assignetur, semper  
 enim oportebit illud esse distinctum, maximè verò in eorum sententia, qui  
 dicunt illud idem quod producit a rebus creatis, a Deo solo potuisse fieri  
 proximè, & conseruari. Alia non minor difficultas est, in quo sit motus, in  
 mouente scilicet, an in mobili. Hanc Aristoteles soluit 2. de Anima 139. *Actio, &*  
 Actio, inquit, & perpeffio est in eo quod mouetur, & patitur, vnde non ne- *perpeffio est*  
 cesse est mouens moueri. At si actio esset aliquid internum agenti, quid- *in patiente*  
 quid agit etiam primus motor, in se reciperet motum, & sic mutaretur. *non in agen-*  
 Idem quoque docet hoc libro a tex. 18. ad 24. ubi declarat quomodo idem *te.*  
 motus est actus duorum, nam actio est actus agentis, ipsum agens a quo fluit,  
 denominando, est etiam actus patientis, in quo recipitur. Actio tamen non  
 est perpeffio, quamuis vtraque sit idem motus, etenim ratione differunt id est  
 definitione, sicut ascensus, & descensus, quod quidem spatium reipsa idem  
 est, sed diuersam rationem habet. Non desunt tamen qui putant actionem  
 esse in agente, ut Auicenna, Caietanus, & Scotus, qui dicit actionem nihil  
 aliud esse, quàm respectum agentis ad patiens, sicuti perpeffionem respec-  
 tum patientis ad agens, atque hos respectus appellat extrinsecus aduenien-  
 tes, quia nimirum fieri potuit ut illi respectus non consurgerent, etiamsi po-  
 natur tam res quæ est causa, quàm ea quæ est effectus. Sed hæc sententia  
 non est admittenda, quoniam actio non est respectus causæ ad effectum, sed  
 potius fundamentum talis respectus, ut docet Aristoteles 5. Metaph. con-  
 tra id quod aiunt Scotistæ, nempe respectus extrinsecus aduenientes nullum  
 habere fundamentum præter subiectum. Ad rationem Caietani, qua dicit  
 actionem esse in agente, utpote eius perfectionem, respondendum est esse  
 tantum externam perfectionem ab agente, ut dictum est, procedentem.  
 Quòd verò ait actionem esse accidens, cui subiecto opus est, neque aliud as-  
 signari posse, quàm agens ipsum, quoniam patiens est subiectum perpeffio-  
 nis. Dicimus actionem natura sua subiecto non indigere, sed termino ad  
 quem tendit: etenim creatio subiectum non habet; nec accidentis natura  
 in eo consistit, ut inhæreat ei, cuius esse dicitur accidens, nam hoc ipso tan-



tum quòd actio fluit ab agente, est eius accidens. **ARIST.** Sciebam me auditurum mira de illa actione, quæ est quodammodo vehiculum quo effectus fluit ab agente. Non erat satis calorem fluere a calido, oportebat saltem prius natura manare quandam calefactionem, quæ non esset propriè effectus calidi, sed effectio: quanquam de hac non minus ambigi potest, quomodo proximè fluat a causa sua, si est aliquid distinctum a calore, nec aliud habetis, quàm talem esse naturam calefactionis, & cuiusvis motus, ut proximè fluat, calorem verò actionis interuentu fieri debere, nec aliter intelligi posse formas educi de sinu materiæ, aut quidpiam generari eo modo quo docuit Aristoteles. Sic obfirmato animo quòd falsa non possint esse vestra principia, exforbetis omnia quæ de motu & actione vestri interpretes comminiscuntur, cum potius is modus agendi de medio tollendus esset. Actio secundum vos est via qua effectus fluit, & pendet ab agente, quasi verò effectus æquè ac ipsa via pendere non possit ab efficiente. Quòd verò dicis actionem distingui a termino, nec ab eo posse separari, ostendit apud vos esse quasdam formas velut anguinam venerationem separabiles, alias verò sicut Herculis vltimam tunicam ita tenaciter adhærentes, ut omnino deglutinari nequeant, nec deglubi. Sed quæ ratio est ut calor separari possit a subiecto, non possit autem calefactio? an quoniam calefactio est veluti modus, cuius natura est ut non sit separabilis a re cuius est modus? atqui ipsum est quod quærebatur, nam illi modi sunt formæ, vel nihil omnino: cur ergo contra doctrinam Aristotelis quædam formæ sunt separabiles, quædam minimè? Deinde si putas actionem distinguendam esse a termino suo veluti modum, cur non datur actio ad actionem, & cur etiam non admittis inter materiam, & formam modum huiusmodi, tanquam coniunctionem, vel ut aiunt vnitio-nem? **CHARR.** Iam ostendi actum & potentiam seipsis coniungi, & ad summum non alia iunctione opus esse quàm actione illa, qua forma educitur e materia, eidemque simul coniungitur. At verò effectus, ob rationem quam attuli, procedere non potest ab agente, nisi actionis interuentu, actio verò cum sit ipsa processio effectus, non indiget alia actione, nec potest ab effectu separari. **ARIST.** Id fortasse magis constabit ex libris de Ortu, ubi declarabis quomodo physicum agens aliquid efficiat, quod tamen neque ab ipso, neque a materia quidquam accipit, & quomodo actio fluat ab agente, quæ in agente nunquam fuit. Nunc ut iuxta veteres paucis absolvam quid sit motus, nihil aliud esse videtur quàm continua corporis alicuius ad corpus aliud applicatio, quæ & motum vniuersè sumptum, & singulas motus species comprehendit, prout corporum, applicationisque ratio diuersa est. Generationis quidem motus est aut corruptionis, cum applicantur idoneè, vel dissoluuntur ea corpora quæ pertinent ad rei ortum, vel interitum: accretionis, & diminutionis cum accedunt, vel decedunt ea vnde res obtinet maiorem vel minorem molem: alterationis, vnde qualis denominatur: lationis, vnde totum corpus locum mutat, quòd paulò fusus explanabitur, ubi sermo erit de singulis speciebus motus. Hac autem applicatio cum a re applicata sola ratione distinguatur, nihil laborandum est in quo sit motus, aut quomodo differat a termino, siquidem motu illo non oritur aut occidit

sub-

*Quid sit  
motus secū-  
dum vete-  
res.*



substantia simplex, sed composita, ita ut nihil fiat in vniuerso præter huiusmodi congregationem, & secretionem. Solùm hic oportebat priusquam diceretur quid sit motus, ut monuisti, soluere Zenonis, & aliorum argumenta, quibus probatur omnino non dari motum; fidenter quidem cum Diogene potuimus accipere dari motum ambulationis, breuiter tamen respondebo: ac primum ad illud quod ait Zeno 6. Physic. 19. Si daretur motus, fore ut infinitum spatium transiretur, concedi potest transiri puncta infinita non modò potestate, sed etiam reipsa, nego tamen spatium illud esse infinitum simpliciter, nam clauditur duobus extremis, quæ quidem inter se puncta infinita comprehendunt; at non quæuis infinita multitudo punctorum efficit spatium infinitum, verum ea tantùm quæ caret extremis. Si quis huiusmodi puncta non admittit, dicat cum Aristotele 8. Phys. 68. transiri spatium non reipsa infinitum, sed potestate, quatenus sine fine diuidi potest. Altera Zenonis ratio quæ 6. Phys. 78. vocatur Achilles paulò difficiliorem habet intelligentiam. Contendit motu fieri non posse ut Achilles velocissimus tardissimam testudinem assequatur. Hypothesis est vtrunque moueri continenter eodem tempore, præcedere testudinem aliquot passibus, Achillem sequi. Accipitur autem velut notissimum non posse testudinem apprehendi ab Achille, nisi Achilles prius conficiat spatium interiectum, nec spatium illud momento decurri posse, sed aliquo tempore, licet breuissimo, quo tempore testudo continenter incedens conficit aliud breuissimum spatium percurrendum similiter aliquo tempore, priusquam Achilles eam consequatur, & sic infinite: vnde conficitur fore ut eam nunquam apprehendat. Sed neganda est consequentia, quanquam enim dum Achilles conficiet spatium decursum a testudine, testudo relinquet aliud conficiendum, & sic eam nondum assequetur, tamen toto spatio confecto eam apprehendet. Vnde falsa est illa propositio, nunquam Achilles assequetur testudinem, si dum percurrit spatium ab ea confectum, ipsa facit aliud absoluendum priusquam apprehendatur, & sic infinite. Falsa quoque est illa nunquam absoluet totum spatium, si dum conficit prius, superest posterius: absoluet enim totum spatium, sed non quando conficit illud prius, verùm quando & illud, & alia deinceps post se reliquerit. Error Zenonis est quòd spatium potestate duntaxat infinitum, putauit reipsa esse infinitum. Quando igitur ait (& sic infinite) distinguendum est, si enim sensus sit, & sic infinite procedet motus, negatur: si verò sensus sit, & sic infinite diuisio procedere potest in partes spatij semper minores, conceditur, sed Achilles non debet assignare omnes diuisiones spatij notando singula puncta, sed tantùm ea percurrere continenter. Quare, ut obseruat Aristoteles 6. Phys. 79. non est maior difficultas, quàm si quis probaret bipartitam quancunque magnitudinem non posse transiri, quoniam eo tempore quo prior pars transitur, altera diuiditur bipartitò, rursusque tempore quo prior transitur, altera secatur, & sic infinite superest aliquid diuidendum & transeundum. Assertur aliud argumentum a recentioribus non minus contra motum, quàm infinitam continui diuisionem. Peritur autem ex eo quòd angulus rectilineus quantumuis exiguus maior est quocunque angulo qui sit a circulo & linea ipsum contingente,



iuxta Euclid. 3. Elem. prop. 16. Quare si linea tangens circulum intelligatur moueri, nullum potest assignari tam breue tempus, quo angulum contactus non pertranseat, vt videri potest apud Clauium. Motus igitur ille fiet puncto temporis: atqui eadem est ratio cæterorum: sic videtur destrui natura continui, motus, & temporis. Sed respondendum est primo angulum non esse spatium determinatum, nisi claudatur altera linea: at cum aliquid dicitur percurri motu, debet esse certo spatio circumscriptum: propterea argumentum illud non militat aduersus physicos. Deinde addendum est hunc angulum momento non pertransiri, sed tempore indefinito, & quemadmodum nulla est proportio anguli ad angulum, ita nullam esse temporis ad tempus. Aliæ rationes minoris sunt momenti apud antiquos, vt quod dicitur non dari motum & tempus, quoniam nulla pars eorum tota simul existit, sed tantum momenta, quæ non sunt motus, & tempus. Responderis quidem partes illas existere fluendo, non permanendo, sed restat semper difficultas, siquidem non videtur esse quod nunquam permanet. Antiqui verò qui tempus & motum distinguunt a mobili sola ratione, respondent hoc argumento tantum inferri motum re ipsa non esse distinctum ab ijs quæ loco moventur, proinde vanas esse partes illas fluentes, quas Peripatetici putant oriri & interire. Sic tollitur omnis difficultas, si motum omnem ratione tantum distinguimus a latrone, quæ reuera nihil aliud sit quam continua rerum permittio. Sed de his alibi, nunc quoniam vt monet Aristoteles tex. 24. magnitudo, motus, & tempus vel finita sunt, vel infinita, conueniens est vt obseruemus hîc, an sit, & quid sit infinitum. CHARR. Hoc perbreuiter fieri velim, & quantum pertinet ad nostram disceptationem.

## De infinito.

## CIRCULVS SEPTIMVS.

## ARISTÆVS. CHARILAVS.



ARIST. Non aliam putem esse viam magis compendiarîam, quam si vniuersum infinitum, prout admittitur ab antiquis, refellendum tibi propono. Experiri potes omnia quæ Aristoteles profert argumenta tam hîc, quam i. de cælo præcipuè contra infinitum in numero, & magnitudine. De infinita qualitatum intensiõne nihil dicendum est, cum id genus intensiõis, & qualitatis locum non habeat apud veteres. De infinito simpliciter in essentia, qualis esse creditur primus motor, disputabimus libro octauo. Infinitum tempus commune est veteribus, & Aristoteli: superest vt impugnes vniuersum illud corpus dissimulare, quod secundum se totum dicitur infinitum simpliciter, continet autem infinitas species corporum simplicium, quarum rursus singulæ sunt infinitæ, & si ali.

qua



qua particula singularum accipiat, idem potest de ea dici quod de elementis Aristotelis, scilicet vel constare infinitis re ipsa punctis, vel saltem diuiduam esse in partes infinitas potestate: placet tamen magis veteribus in sic corporibus vera puncta mathematica, ut sic vniuersi infiniti qualibet particula sit quodammodo infinita. Ad hanc veterum opinionem confutand. m. memineris afferre primùm rationes Aristotelis, easque videbis ipsi magis quam veteribus incommodare, tum adiungere poteris si quam habes aliorum rationum accessionem. C H A R. Accipio primùm ex Aristotele tex. 63. infinitum esse illud cuius secundùm magnitudinem accipientibus semper aliquid accipere est ultra. Vnde prima conditio infiniti videtur esse ut ipso nihil sit maius: si enim ponamus duas lineas parallelas in finitè protendi versus orientem, & occidentem, ita tamen ut vna sit altera maior, ea quæ minor erit finem habebit in eo puncto quo superatur a maiori, proinde non erit infinita. Secunda conditio infiniti est ut quandoquidem nihil eo maius esse potest, nihil etiam possit illi addi, nam cui sit additamentum, illud finitum est, & vnum quodque ibi terminatur ubi exceditur. Tertia conditio est ut ab infinito nihil detrahi possit, alioqui iam esset minus, & deinde maius addendo quod detractum est. Vltima conditio est ut non habeat partes, etenim in illas diuidi posset, & sic fieri maius & minus. Quatuor hæc conditiones infiniti repugnant corporeæ magnitudini, quæ diuina est in ea quæ insunt, & alteri semper æqualis, vel inæqualis; non potest ergo dari corporeum illud vniuersum dissimulare, nam maius esset singulis speciebus, quas in se continet, licet infinitis, cum tamen infinitum aliud alio maius esse non possit. A R I S T. Tres primæ conditiones quas attulisti sunt tantùm infiniti simpliciter omnia continentis, quale est vniuersum apud antiquos, cui nihil addi potest, nihil detrahi: quod verò non habeat partes, hoc veteres nunquam admittent. At ex conditiones cæteris infinitis, quæ vniuerso comprehenduntur, non conueniunt: etenim duo habent valde obseruanda, primum quod sint infinita, alterum quod non sint infinita simpliciter, sed tantùm ex parte, & comparatè, id est si comparentur rebus finitis. Hac vltima ratione potest aliquid ipsis addi, vel detrahi, non tamen quod mutet essentiam infiniti in eo positam, ut quantumvis accipientibus semper aliquid restet accipiendum, sed quod ostendat ea non esse simpliciter infinita, ut pote membra vniuersi. Quis autem non demiretur Peripateticos negantes quidquam posse infinito addi vel detrahi, cum videant hoc falsum esse in annis, diebus, formis, hominibus, & alijs infinitis, quæ Aristoteles fuisse concedit? Immo illud est magis inconueniens, quod præterire potuit infinitum tempus & motus, atque adeo formæ omnes, quæ ortæ sunt tota æternitate; sic enim terminatur iam & finem habet ex vna parte infinitus ille numerus formarum, quæ cum omneseductæ sint ex materie, nulla ipsarum est æterna, quomodo igitur formæ sunt æternæ? Certè nodus hic solui non potest, si motus, tempus, & aliæ formæ re ipsa distinguuntur a materie: contra verò in antiquorum opinione, quæ ratione sola distinguit tempus & motum a rebus ipsis, & nihil fieri concedit nisi congregatione, & secretionem, omnia sunt æterna, nihil verè ortum, & corruptum, sed duntaxat loco mutatum.

Quare



Quare minus absurdum est dari infinitatem rerum corporearum semper existentium iuxta veteres, quàm formarum secundùm Aristotelem corruptibilium. **CHARR.** Docet Aristoteles tempus infinitum non pertransiri, sed semper fuisse, transitus enim est eorum quæ principium & finem habent: similis est ratio de formarum serie, nam quamvis singulæ ortum habuerint, tamen ait totam seriem esse æternam. Nec minor est difficultas apud antiquos, nam & si leo fiat sola rerum æternarum congregatione, tamen assignari non potest primus leo, sed quocunque dato prior aliquis semper inueniatur: quomodo igitur leones veterum sunt æterni, quorum nullus omnino est æternus? **ARIST.** Hoc saltem habet veterum opinio quòd partes omnes leonum sunt æternæ, & infinitæ, atque ex earum confociatione fieri non potest ut leones non extiterint, quemadmodum si infiniti tali agitentur æterno motu, fieri non posset ut seniones non essent æterni: sic cùm iuxta veteres substantiarum simplicium & æternarum sit æternus motus, eas inter se varijs modis coniungi & permisceri necesse fuit: atqui hæc varia coniunctio nihil aliud est quàm generatio: proinde facilius est ex hac doctrina leones æternos imaginari, quàm dicendo cùm Aristotele leonum formas omnes substantiales ortum habuisse, nec tamen dari primum leonem. Finge substantias omnes veterum æternas esse & immobiles, sed tamen permittas, in vniuerso illo infinito leones essent æterni, & immobiles, sic in vniuerso mobili mobiles erunt. Hoc autem non sequitur siingas materiam Aristotelis esse æternam, sed oportet dari efficiens, quod educat ex eius potestate formam leonis prius non existentem, atque ita leones non erunt æterni. **CHARR.** Facile est respondere non magis dari primam educationem e materia, quàm primam substantiarum simplicium apud veteres coniunctionem. Sed de his explicitius ad lib. 1. de coelo: nunc aduerte quanquam ex vtraque opinione datur rerum numerus infinitus, tamen secundùm Aristotelem res illæ non existunt, sed extiterunt quòd enim inquit D. Thomas, ex infinitis hominibus immortales animæ superessent infinitæ, videbimus 3. de Anima deceptum fuisse Aristotelem vnâ immortalē intelligentiam toti humanæ speciei attribuendo. Alij respondent eum admisisse numerum infinitum in rebus incorporeis, quoniam hic tex. 39. dicit se loqui tantùm de re sensibili, non autem de abstractis a materia & mathematicis: Textu verò 40. fateatur rationem esse logicam tantùm, id est probabilem, qua vniuersè ostenditur infinitum non esse numerum, nempe quoniam numerus omnis numerari potest, & pertransiri: nam facilè referet aliquis numerabilem tantùm esse numerum finitum, at infinito non conuenire propriè numeri appellationem, sed infinitatem, & innumerabilitatem potius dici debere. Propterea hic cum Aristotele contendere volo duntaxat res corporeas simul existentes tam specie, quàm numero infinitas esse non posse, ut probatur tex. 42. & sequentibus. Præcipua ratio est, quoniam in infinito dissimilari species omnes corporum, vel sunt infinitæ, vel vna aut plures: non omnes, quia quodlibet infinitum corpus occupat omnem locum, ita ut iam locus non esset alijs in vniuerso: non vna aut plures propter hanc eandem rationem. **ARIST.** Veteres concedunt ab infinito simpliciter occupari omnem locum,



cum, non autem ab infinito ex parte, & comparatè. Vniuersum Anaximandri, & Democriti comprehendit mundos infinitos specie, & numero: specie quidem, si ab oriente ad occidentem intelligamus per rectam lineam reperiri mundos infinitos, ita differentes inter se natura, ut nulla species quæ in vno est, sit in altero: numero verò si a singulis versus meridiem, & septentrionem concipiamus per lineas parallelas existere mundos infinitos, qui similes rerum species contineant. Non dicunt veteres hunc esse mundorum ordinem in vniuerso, sed affertur tantum ut intelligamus ab illis mundis infinitis specie, & numero locum omnem non occupari, sed solum ab infinito simpliciter, idest vniuerso. **CH A R.** Vide nunc quid absurdi sequatur ex ea mundorum serie infinita: cogitemus illos omnes a Deo coniungi simul versus orientem, & occidentem, ita ut se tangant, nos verò in spatio vtrinque relicto constituamur: hoc quidem spatium finitum est, quia clauditur duobus extremis, & tamen non est minus spatium quod occupant mundi, si quidem constat ex omnibus spatijs quæ erant inter singulos mundos, quæque non minus infinita dicebantur quàm ipsi mundi: erit igitur hoc spatium infinitum, & non erit. **A R I S T.** Idem argumentum non minus contra Aristotelem retorquetur, si quis leones infinitos qui tota æternitate fuerunt, dicat iterum a Deo produci secundum eandem lineam mundorum, vel si sublati noctibus, dies omnes intelligantur efficere tempus vnum, de quo quaeretur finitumne sit, an infinitum, æquale tempori æterno, an verò minus. Sed tam Aristoteles, quàm antiqui negant huiusmodi potentiam diuinam, quæ ista fiant, immo Gregorius Ariminensis theologus eam non admittit, negat enim mundos, leones, vel lateres infinitos inter se distantes posse coniungi vlllo impulsu versus orientem, aut occidentem. At veteres qui nullam vim agnoscunt a corporibus vniuersis separatam, id multò magis inficiabuntur, ac propterea dicent mundos illos non posse in vnum cogi, nisi motu, qui nunquam absolueretur, quoniam infinitum spatium transiri debet. Sed, inquis, saltem intellectu concipiamus illos omnes in vnum cogi: respondent ab intellectu quoque si rectè percipit rem ut est, debere cognosci quis motus ad hoc sit necessarius, nempe infinitus. **CH A R.** Dicam saltem ex principijs theologorum seriem illam mundorum in nihilum reduci posse, atque iterum creari, ita ut se tangant, & sic fore idem absurdum, immo maius, si qui prius erant constituti recta linea creentur a Deo conglobati, vel enim fiet globus finitus, vel infinitus vnde quaque: non finitus, alioqui constaret certo mundorum numero, ergo infinitus, proinde infinitum simpliciter fiet ex infinito comparatè, & sic vniuersum non erit maius parte, quàm cum alijs infinitis similibus in se continet. **A R I S T.** Gregorius negat in infinito propriè reperiri totum, vel partem, æquale, vel inæquale, maius vel minus, quæ sunt proprietates rei finitæ, ita ut datis hominibus infinitis non sint plures digiti, vel capilli, quàm homines. His verbis tamen aliud non intelligit quàm naturam infiniti cuiuscunque talis esse, ut ab eo finitum aliquid detrahendo, semper aliud, æque aliud supersit accipiendum. Alii respondent vnum infinitum esse maius alio, non secundum rationem infiniti, sed hoc sensu tantum, quòd in se continet quidquid habet aliud, & alia prete-



rea, quale est vniuersum respectu hominum infinitorum. Admissa igitur illa Dei potentia, quam veteres ignorabant, duæ sunt responsiones: alij putant mundos quidem coniungi posse, sed ea ratione qua infiniti ratio non destruat: propterea dicunt post coniunctionem fore vt adhuc longitudo mundorum sit infinita, vel eam coniunctionem a Deo fieri non posse: multò minus conglobationem, qua infinitum ex parte fit infinitum simpliciter, oportet enim vt Deus determinet rerum productionem, prout expostulat eorum natura. Quare si velit mundos illos destructos iterum creari, necesse est disponi secundum longitudinem infinitam saltem ex vna parte, non autem in globum. Si verò linea infinita mundorum a Deo diuisa destruat, & iterum alibi pars vtraque seorsum producat, non fient duæ lineæ infinitæ ex vtraque parte, sed terminatæ sicut erant post sectionem; ad Deum autem pertinebit locum terminis constituere. Alij vt Vasques hac admissa Dei potentia, concedunt fidentius quàm oporteret, ex illa longitudine fieri posse infinitum vnde quaque, non tamen, inquit, occupabit maius quàm ante spatium, quoniam vnum infinitum non est maius alio, & eius forma atque essentia consistit in eo tantum vt terminis careat, quod in omnibus infinitis reperitur. **CHAR.** An non terminos habet illa multitudo quæ exceditur, & ad cuius finem deuenitur, vt sunt homines, vel anuli, quos veteres dicunt infinitos? Nam si singuli vnum quem habent anulum abijciant, & eorum aliquis ex illo communi aceruo decem tollat, supererunt adhuc anuli, vt ait Gregorius, infiniti: reliqui tamen homines non poterunt amplius vnum accipere, sed nouem carebunt anulis, & sic infinitum exhaurietur saltem ab alio infinito. **ARIST.** Satis est quòd a nullo finito exhauriatur, nam vnum infinitum potest habere quidquid aliud habet, & alia præterea, ita vt maius dici possit secundum materiam, non verò formam, & essentiam, quemadmodum dixi de vniuerso. **CHAR.** Non dicam iam in quocunque infinito fore plures binarios numeros, quam octonarios: respondebis enim non esse numerum, sed infinitatem tam binarij, quàm octonarij, etiam apud Aristotelem in multitudine præteritorum, futurorum, & possibilem. Verum in vniuerso illo infinito considero duas lineas infinitas ab eodem puncto ductas, & quantumuis exiguum angulum comprehendentes, cum infinitè protendantur spatio infinitè distant, & tamen spatium ab illis interceptum finitum est, nam clauditur vbique duobus extremis, ergo finitum est, & infinitum. **ARIST.** Spatium illud est infinitum, licet assignari non possit vnquam in vtraque linea pars vlla certa quæ comprehendat spatium infinitum, sicut nullum in ijs punctum ostendi potest quòd infinitè distet ab eo puncto vnde ducuntur. Negandum est etiam spatium claudi duabus lineis, nisi ductæ ab eodem puncto redeunt ad aliud commune punctum; quare apud mathematicos spatium non comprehenditur angulo, sed triangulo, aut alia figura terminata. **CHAR.** Aliud notat Aristoteles hic & 1. de Coelo, nempe quòd vniuersum illud infinitum nusquam esset, & immobile defectu loci, omnem enim locum occuparet: non ergo moueri posset motu recto, quo locus vnus deseritur, alter acquiritur; non motu in orbem, quia sic terminatum esset, & spatium transiretur com-



prehensum duabus lineis, quod infinitum esse dixisti. ARIST. Gregorius Ariminensis, & Maior concedunt corpus illud in orbem moueri posse, quoniam, inquit, vbicunque designabitur interuallum finitum erit. Verum & si finitum sit vbicunque designatur, spatium tamen inter duas lineas quas diximus, est infinitum, proinde non potest absolui. Dicendum est igitur vniuersum secundum se totum non posse moueri in orbem, singulas tamen eius partes finitas sic moueri posse, vt alia in aliarum locum succedant, quemadmodum in vase partes aquæ miscentur & reuoluuntur. Atque hinc videre licet quàm implacabiliter antiquos insectatur Aristoteles qui 1. Physic. 24. impugnans Melissi vnum infinitum & immobile, dicit saltem partes infiniti velut aquam moueri posse: at verò hîc & 1. de Coelo vbi videt antiquis satis esse si infinitum mouetur sicut partes aquæ, immobile penitus esse contendit, tam natura, quàm præter naturam, tam in tempore, quàm sine tempore, & velut immemor eorum quæ dixerat contra Melissum vocat Anaxagoræ dictum inconueniens, scilicet infinitum manere in seipso, si enim, inquit tex. 52. infinitum in seipso manet se firmans, sic & quacunque pars accipiatur, in seipsa manebit: totius enim & partis eiusdem sunt speciei loca: sic infiniti partes negat moueri, ac mutare locum vt partes aquæ. Certè ignoscentior erga veteres esse debebat, sed mauult sibi repugnare quàm eos immisericorditer non persequi: eosdem tu quoque putas vsque adeo immiserabiles, vt adhibeas infinitam Dei potentiam, quam neque ipsi, neque Aristoteles agnouerunt, ad conuellendam infinitatem vniuersi: proinde si eadem vrò ad infiniti saltem possibilis defensionem, limare me non debes obliquo oculo. Contendo imprimis eos omnes qui statuerunt vniuersum a nullo creatum, & æternum, philosophari conuenientius infinitum esse dicendo, quàm finitum, & si credimus Plinio, furor est mensuram eius animo quosdam agitaſſe, atque prodere ausos: vt mirum videatur cur Aristoteles extremam oram, & determinationem solidi corporis veluti carcerem vniuerso circumiecerit, absque libera causa efficiente, quæ terminos illos constituerit. Nos recurrere possumus ad liberam Dei potentiam, ille verò nihil aliud referre potest, quàm vniuersum, veluti carcerem Iouis, seipso nec maiorem esse, nec minorem; & qui prius ab Anaxagora tex. 51. rationem extorquere volebat, cur infinitum manet in seipso, quod per se clarum est, ne vmbram quidem rationis afferre potest, non modò cur alijs terminis vniuersum non circumscribitur, sed etiam cur ibi sit potius quàm alibi. Veteres autem incomprehensum vsquequaque & infinitum esse sibi persuaserunt vel ex eo quòd alienum putabant ab vniuersi dignitate, angustioribus ipsum claudi terminis, quàm intellectum. Etenim intellectus ultra fines ab Aristotele constitutos quærit alias spatiorum immensitates, neque potest sibi fingere limites extra quos nihil reperitur. Infinitum quidem ipsum perfectè animo informare non possumus, vtpote finiti homunciones, tamen per negationem finis illud, quoad eius fieri potest, apprehendimus, & spatia extra hunc mundum infinita imaginamur, quæ omnino repleri possunt, si vbicunque Deus est, potest esse corpus. Atque vt ijsdem armis quibus infinitum oppugnasti, defendatur, obseruat Gregorius omnia ab-



furda, quæ afferuntur contra infinitum reipsa, soluenda esse ijs qui Deo tribuunt cognitionem distinctam omnium cogitationum tota æternitate futurarum, atque etiam possibilem, ita ut nulla sit penitus quæ Deo lateat. Illæ profectò sunt infinitæ, non enim plures cognoscere potest futuras quam cognoscit: omnes quoque sunt præsentæ diuinæ cognitioni: proinde quæritur an ijs quas Deus videt futuras, aliqua possit addi, vel detrahi: si dimidium auferretur, an remaneret adhuc infinitæ: an plures in ijs sint numeri binarij, quàm octonarij, an videat aliquam esse omnium ultimam?

**CH A R.** Respondendum est Gregorio Dei quidem cognitionem esse totam simul, sed obiectum illud cogitationum infinitarum ab ipso iudicari simul poni non posse. Atque ut videas istud argumenti nihil concludere, solui debet in diuisione continui ab ipso Gregorio: nulla enim est diuisione continui possibilis, quam Deus non videat, & tamen iudicat simul omnes diuisiones fieri non posse. **A R I S T.** Qui putant continuum constare punctis, videntur hoc argumento ad infinitam diuisionem comprobendam. Alij verò dicunt diuisionem hanc repugnare ex parte obiecti, infinitum verò non repugnare. **CH A R.** Immo est eadem omnino ratio, sicut enim nulla est diuisione possibilis hoc momento, quæ seorsum poni non possit, & tamen omnes simul diuisiones poni non possunt, ita est de rebus futuris, & possibilibus. Quare negandum est Deum facere posse simul quicquid est possibile seorsum. Sed inquis, faciat quicquid est possibile simul, an illud erit infinitum? Dico nihil esse possibile simul, nisi Deus numerum & per-

fectionem finitam determinet rei possibili: nihil enim est possibile, nisi quia Dei decreto possibile est, ut dicam lib. 8. de vi infinita

primi motoris. **A R I S T.** Eodè relabimur, nam idem

quæretur de rebus infinitis, quas Deus posibles

voluit suo decreto. Deinde quòd terra sit pos-

bilis, non autem chimæra, certè hoc r

videtur pendere ab ullo decreto. Sed

ne infinitè progrediar ultra do-

ctrinam antiquorum, qui

fortasse negabant hanc

Dei potentiam,

& cogni-

tio-

nem infinitam ob difficultates quas

proponimus, finem hinc fa-

ciam, & si quid super-

est, absoluemus

primo de

Cœ-

lo.



## IN LIB. IV. PHYS.

## De loco.

## CIRCULVS OCTAVVS.

## CHARILAVS. ARISTÆVS.



**C**HAR. Antequam redeamus ad motum superest nobis agendum de loco, vacuo, & tempore, quæ pertinent ad perfectam motus cognitionem. Ac primum locus qui tex. 40. videbatur antiquis vacuum quoddam spatium a singulis corporibus occupatum, melius

*De loco externo.*

ab Aristotele definitur tex. 41. continentis terminus primus immobilis, seu ut iam vulgo dicitur superficies corporis continentis prima immobilis: ut aeris superficies quæ turrim ambit, quanquam mutatur assidue flante vento, atque aliæ succedunt superficies non aeris modò, sed etiam aquæ, vel ignis, tamen omnes illæ superficies dicuntur immobiles & constituunt turrim in eodem loco, quatenus seruant eundem distantiam respectum ad partes fixas vniuersi. Locus igitur non est vnum aliquid, sed conflatum ex superficie continente, atque distantia. **ARIST.** Hæc Aristotelis sententia de loco frustra videtur ponere superficiem illam immobilem, nam turris in spatio quod occupat ita constituitur ut ablata quacunque superficie ambiente seruet eandem distantiam, etiam in vacuo, si dari posset: vnde miror quod ais hanc distantiam haberi a superficie aeris vel aquæ circumfluentis. Propterea Scaliger exercit. 5. n. 2. mavult dicere cum antiquis esse spatium quod occupatur, ut si e vase concipiamus effundi aquam, & nullum aliud corpus ingredi, spatium intus relictum est ipse locus. Melius hoc modo declararet Aristoteles qua ratione cœlum etiam vltimum sit in loco ut ait tex. 32. nec cogeret interpretes in opiniosissimas abire sententias, ita ut Themistius dixerit cœlum esse in loco ratione superficie concavæ, Gilbertus Porretanus ratione conuexæ, Auerroes ratione centri, D. Thomas ratione partium suarum quæ aptæ sunt esse in loco, Alexander verò & Avicenna ipsi omnino negant locum, ut etiam Aristoteles non satis sibi consentiens tex. 45. ubi ait non esse in loco, propterea quod nullum corpus ipsum continet. **CHAR.**

Facile sibi conciliatur dicendo cœlum vltimum reipsa non esse in loco. sed potentia. Quod verò dicis sublata superficie cuiuscunque corporis ambientis, turrim adhuc fore in eodem loco, hoc demonstrat apud Aristotelem non tantum esse locum externum iam descriptum, sed etiam internum, quod est prædicamentum ubi, ab alijs verò dicitur ubicatio, seu forma quadam interior, qua res habet ut sit hic, vel ibi. Huius formæ beneficio non modò cœlum vltimum, sed etiam intelligentiæ incorporeæ sunt alicubi, nec aliter

*De loco interno, sine ubi.*

in-



intelligi potest a theologis quomodo plura sunt ibidem, vel vnum in pluribus locis, nisi quoniam est vnum, vel plura vbi. **ARIST.** Hoc est vestro dicendi more rem esse talem, propterea quod formam habet per quam est talis: sic enim aliquid docere velle videmini, sed reuera nihil docetis: nec illud vbi commentitium aliud esse potest quàm præsentia rei in spatio iam dicto, quare frustra illi formam confingunt a rebus distinctam. Sed habeant sibi suam inuentionem, nam neque veteres ea opus habent, neque Aristoteles eius vnquam mentionem fecit. In prædicamentis explicat vbi per locum externum, vt in Lyceo, in foro. Hic verò tex. 45. negat cœlum esse alicubi, quoniam alio corpore non continetur: cur hoc negaret, si datur vbi illud internum, quo cœlum est hîc potius quàm alibi? & cur 8. *Phys.* 59. diceret latione sola rem non mutari, si latione res acquirit formam internam vbicationis? **CHAR.** Quanquam Aristoteles distinctè non separauit locum internum ab externo, & maximè in prædicamentis de eo loquatur rudi Minerua, tamen ex eius doctrina conficimus hunc locum internum esse vbi, ad quod ait 5. *Phys.* 18. dari motum propriè dictum, non minus quàm ad quantitatem, & qualitatem: terminus igitur lationis est vbi, quod non potest esse locus externus, quia superficies confinis non producitur, latione, est igitur vbi forma quædam rem constituens hîc vel ibi, quamuis nullum sit corpus ambiens. **ARIST.** Detur, vt vult Aristoteles, motus ad vbi, non est necesse motu illo quidquam produci, sed satis est huic, vel illi termino rem quæ mouetur, applicari quemadmodum veteres docent, & ipse fatetur latione nihil mutari. **CHAR.** Intellige nihil mutari, nempe qualitatem aliquam acquirendo, vt contingit in alijs motibus, nam solùm intendit ostendere post lationem idem esse quod erat prius: & si enim latione res acquirit formam qua est alicubi, tamen nihil videtur immutata. **ARIST.** Sed quomodo producitur illud vbi, tempore scilicet, an momento? non tempore, quia dum ambulaui nihil fuit productum illius vbi quod nunc habeo: non momento, quia fit motu. **CHAR.** Dicendum est esse duplex vbi, vnum fluens, alterum permanens: tempore fluens acquiritur, permanens verò statim pullulat eo momento quo res quiescit. **ARIST.** Non producitur ergo a motu qui non est amplius: nam & si res ex nihilo fieret sine motu, perinde pullularet vbi permanens. **CHAR.** Saltem motus est conditio necessaria vt emanet e subiecto naturaliter. **ARIST.** Ad quas nunc argutiolas inanes redigitis philosophiam, putauit Aristoteles satis declarari quid sit vbi per exempla Lycei, & fori, quò aliquis tendit occupando spatium cum certa distantia ad partes ceteras vniuersi, vos in homine ambulante pullulare vultis formas infinitas vbicationum: vt Suares disp. 51. sect. 5. vult non modò substantiæ, sed vnicuique accidenti respondere proprium vbi; & sic homine ambulante musica per se ambulat, quoniam habet suum vbi, contra Aristotelem 5. *Phys.* tex. 1. **CHAR.** Hoc Suares dicit pene solus, alij verò putant accidentia esse alicubi per vbi substantiæ, nisi forte sint separata, tunc enim vbi proprium habere debent. Quò autem non sufficiat locus externus Lycei, & fori, aut distantia quæuis externa mutatio sic ostendi potest, quia dum ambulo, non solùm extrinsecus respon-



deo varijs partibus loci, sed etiam intimè mutor, alioqui dicerer perinde mutari loco, si me ibidem permanentem assidue corp ora circumirent, vt accidit ei qui immotus lauat in fluuio: Neque verò Aristoteles tantopere contenderet motum non esse in agente, nisi quia agens, prout agens est, non se habet aliter quàm prius, facta in alio mutatione; nec eius doctrina quidquam concluderet, si aliquid in se potest habere motum, & tamen aliter non se habere. Oportet igitur, si ambulando, me habeam aliter quàm prius motum esse aliquid a me distinctum, proinde & terminum motus, hoc est vbi. A R I S T. Nodus difficultatis in eo consistit, vt ostendatur latione rem non mutari, nisi quatenus alteri applicatur, & cum applicatio illa fieri possit siue fluuius ad lauandem, siue lauans ad fluuium accedat, cur potius in fluuio sit motus quàm in lauante. Quanquam Aristoteli forte sit indissolubilis nisi lationem, & vbi re ipsa distinguat a mobili, tamen antiqui in eo dissoluendo nihil laborant: nam cum res ita se habeant, vt motus vnus sit causa necessaria motus alterius, illa quæ mouetur habet causam suam motionis priorem motum, quæ verò quiescit hanc causam non habet. Quæ ergo mouetur illa propriè applicatur, sed quoniam applicatio duorum est, etiam illa quæ non mouetur, applicari dicitur, sed non propriè. Nec refert quòd aliquis fortasse videns duas rotas, quarum exterior moueretur, interior verò quiesceret, iudicare non posset vtra moueretur, nisi causam motus interno-sceret, ita fit vt sæpe de motu simus certi, de mobili tamen dubitemus. Cur autem motus aliquis sit causa motionis in hoc, non autem in alio, petendum est ex rei natura. CHAR. Hoc est velle nodum conscindere potius quàm dissoluere vt constabit agendo de tempore, & motu ad locum. Verùm faciamus apud Aristotelem prædicamentum vbi nihil aliud esse quàm locum externum, hoc saltem habent theologi ex eius doctrina, vt inquit Suares, nihil repugnare inter tot accidentia quæ ex sinu materiæ educuntur, dari accidens illud quod vocant vbi: at ex veterum sententia quæ nihil admittit præter motum, & eum quidem a subiecto sola ratione distinctum, intelligi non potest quid sit vbi: præcipuè verò illud quod minus latinè, propriè tamen vocant vbi miraculosum, quippe res eadem tam incorporea, quàm corporea potest esse Patauij & Romæ, si habet vbi quo præsens Patauij & Romæ simul constituitur, vt legimus de Ambrosio, Nicolao, & Bernardino. Item plura corpora vi alterius vbi in sese penetrant, penitusque subeunt, ac peruadunt, adeo vt quidam non dubitent affirmare totam vniuersi molem ad granum milij reduci posse. A R I S T. Eset istud quidem granum oppidò substantiale, quo quis ali posset diutissimè. Sed quoniam consulere vis etiam theologis tractantibus res miraculo plenas, vide nunc quid opportunitatis sit in vetustiori philosophia. Vis vnum corpus esse vbi que, & plura ibidem, hoc ipso tantum quòd habent in se vbi nescio quod prodigiosum: cur eodem iure non dicant veteres, posita in ijs diuinitus corporea quadam substantia, hæc omnia fieri? nam cum aliquis ad miraculorum aram se recipit, perinde est illud vbi esse corpus, vel accidens, non enim res alterutro modo fit euidentior. Dices si vbi esset corpus, deberet & ipsum esse alicubi, sed idem referam de tuo vbi, quod fingis seipso esse alicubi. Quòd si dicamus

*An vnum corpus possit in alterum penetrare, & esse in pluribus locis.*

cum D. Thoma, Bonaventura, & Durando ne diuina quidem potentia fieri posse vt idem corpus simul existat pluribus locis circumscriptum, licet multis corporibus possit esse præsens, facile erit respondere hanc corporum præsentiā similem esse illi quam D. Thomas tribuit intelligentijs, quas præsentes facit duntaxat vbi operantur, itavt præsentiā sit eadem atque operatio. De corporibus quæ penitus in sese penetrant, & tota totis inducuntur quoquouersum, itavt vniuersum contrahi possit, vt dixisti, hoc Durandus absurdum reputat, quia ratio quantitatis est habere partes extra partes, nec magis in sese penetrant duo corpora, quàm duo tempora. Ad difficultates autem soluendas, concedit Durandus corpora posse penetrari modo alterum careat propria quantitate; item hominem exire domo vndique occlusa non transeundo per medium, sed itavt domi esse desinat, & eodem momento producatur a Deo extra domum. Hoc si quis sentit esse temerarium, dicat ad hæc miracula diuinitus infundi corpus aliquod, vt ante monui, non minus potens quàm vbi theologicum: nam siue accidens sit, siue corpus, credi potest, sed non intelligi eundem hominem existere in glacie, & igne, esse Romæ ieiunum, frigidum, pallidum, sedentem, ignatum, improbum, catenis grauatum, ægrum, mutilum, atque etiam mortuum, & addictum poenis æternis, Patauij verò saturum, calidum, rubicundum, stantem, doctum, probum, liberum, sanum, integrum, viuum, ac plenum meritis: quin etiam eundem sibi ipsi occurrere, atque in sese penetrare, penitusque partes partibus introferre ac confundere, & viuens seipsum mortuum exsuscitare, quod theologis relinquendum est. CH A R. Quippe illi instructi philosophia peripatetica facillè soluunt vtranque difficultatem. Ad primam de corpore in pluribus locis contra Durandum, præsentiā, inquirunt, rei alicuius in foro non excludit aliam eiusdem præsentiā in agro, licet vtranque naturaliter habere non possit; atque eidem rei vbicunque tandem constitutæ non conueniunt quidem ea quæ pendent a loco, vt ambulare, sedere, claudi carcere: neque enim si Patauij sedet in cathedra, in eadem sedebit Romæ: conueniunt tamen ea omnia quæ non pendent a loco, vt videre, audire, velle, intelligere, calefieri: quod igitur videbit alicubi, videbit vbicunque erit, & idem calor vi suæ productionis, & vnitatis subiecti quod est hîc & Romæ, incipiet esse hîc & Romæ: at si eodem momento tantum calefiat alicubi, quantum alibi refrigeratur erit teporatus. Cùm itaque non possit simul velle, & nolle, neque potest esse probus, & improbus, multo minus viuus & mortuus, alioqui posset idem esse & non esse, quæ contradictio non tollitur locorum diuersitate, contradictio enim tempus importat, sed non locum, nam dicitur 1. Elench. c. 4. affirmatio & negatio eiusdem rei de eodem subiecto eodem tempore. Est igitur contradictio si eodem tempore dicatur Socrates est albus, Socrates non est albus, quamuis respectu diuersorum locorum: cùm enim dicitur Socrates est albus, non est sensus Socrates est albus hoc loco, sed hoc tempore, vbicunque tandem reperiatur. Ad secundam difficultatem respondent duas esse quantitatis proprietates, prima est circumscribi loco, & illi conquiri, secunda expellere aliam quantitatem ab eo loco, ita vt quauis neutra proprietas sit a materia separabilis, vtriusque tamen energia, siue actus



actus separaretur. Ad hoc igitur ut duæ quantitates in sese penetrarent, satis est si Deus impediatur hunc ultimum actum qui est expellere corpus aliud e suo loco. Ad rationes Durandi dicunt naturam quantitatis non esse ut habeat partes extra partes in loco, sed in suo toto, ita ut quamuis homo sex pedum reducatur ad iuglandis exiguitatem, nec dici possit caput esse potius hinc quam alibi, singule tamen partes eundem habeant ordinem in toto, caputque collo iungatur, collum pectori, pectus abdomini & sic de reliquis. Non sequitur tamen, quod ait Durandus, hoc posito duo tempora præfens scilicet & præteritum posse esse simul, quoniam natura temporis posterioris necessario requirit ut tempus prius non existat. **ARIST.** Nihil est quod magis indaganter ea persequamur quæ tam antiqui, quam Aristoteles irrideant, præstat ut quid de vacuo sentiendum est, perquisitius inuestigemus.

De vacuo.

CIRCVLVVS NONVS.

CHARILAVS. ARISTÆVS.

**C**HAR. Sententia Aristotelis est 4. Phys. a tex. 50. ad 86. vacuum naturaliter dari non posse: per vacuum autem non intelligit spatia quæ extra coelos inania imaginamur, sed locum corpore priuatum, inquit tex. 60. ut si intra concavum Lunæ nihil esset. Præcipua ratio petitur a bono vniuersi, cuius partes non minus quam animalis debent esse continuæ, ut coelesti virtute gubernentur. Hinc illæ omnes experientiæ quas affert Cardanus 1. de subtil. de fistulis aquam haurientibus, de clepsydris hortensibus unde nihil effluit, si foramen superius obstruatur; de cucurbitulis medicorum quæ carnem attrahunt; de omnibus denique instrumentis pneumaticis & hydraulicis. Tribus autem modis prohibetur vacuum: vel enim corpora resistunt mouenti, ut cum quis duo marmora absolute plana, & sibi proximè iuncta diducere conatur vel vltro accurrunt, ut aqua fistulis sublata ad decem & octo cubitos; vel rarefiunt, ut aer inclusus obstructo siphone, cuius capulus longus vi magna trahitur: Hæc omnia probant naturaliter non dari vacuum: an autem diuinitus inferri possit, non videtur omnino negandum, præsertim cum nulla ratio efficax contrarium probet: futilis enim est quam affert Gulielmus Parisiensis, nimirum quod latera corporis vacui distarent, & non distarent, distarent quidem, inquit, quoniam interciperetur certa distantia, non distarent autem propterea quod illa non distant inter quæ nihil est. Multò minus, inquit, duo corpora spherica, ut duo mundi possunt esse in vacuo, nam sese tangerent, non tantum in puncto, sed etiam secundum conuexas superficies, quod est absurdum. Respondendum est distantiam quam haberent corpora in vacuo (ut

H si duo

*An motus  
in vacuo fieri  
possit.*

si duo constituerentur, inter quæ posset interijci tantum cubitus vnus, & alia duo inter quæ cubiti quatuor) non peti a spatio vero vnus, aut quatuor cubitorum, siquidem nullum corpus interponitur, sed ab vbi, siue præsentia quam habent illa duo corpora, vnde oritur respectus talis distantiae tam in corporibus, quam in rebus incorporeis, vt dicam ad octauum Physicorum de loco & motu intelligentiarum. Itaque potest vacuum vnum dici maius alio, non ratione nihili quod in se includit, sed ob distantiae respectum quem habent corpora. Ex quo patet motum in vacuo fieri posse, propterea quod res quæcunque finita potest continenter acquirere aliud atque aliud vbi, quod distantiae respectum includit natura sua. Neque hoc aduersatur Aristoteli physicè disputanti contra physicos vacuum naturaliter esse non posse. Ad rationes autem quibus probat dato vacuo motum fore puncto temporis, dicendum est cum Philopono, D. Thoma, Scoto, & alijs eas concludere non simpliciter, sed tantum aduersus antiquos, qui cum admitterent vacuum, dicebant tamen motum omnem fieri impulsu medij, & simul totam repugnantiam motus ad locum sumebant a medio, vt ex ipsis rationibus videre licet. Prima est quam affert tex. 64. Vacuum nihil est, in nihilo autem nulla est differentia positionis sursum aut deorsum, quare dato vacuo corpora non magis mouebuntur, aut quiescent in hac, quam in illa parte. Hoc argumentum valet agendo de illo inani quod esse fingitur extra coelum, vbi graua & leua moueri non possent naturaliter, sed diuinitus tantum, nisi forte essent animalia quibus etiam ibi motus aliquis non est negandus. Sed idem argumentum nihil conficit agendo de vacuo Democriti, per quod subtilia corpuscula moueri possent tangendo semper alicuius corporis superficiem. Altera ratio qua infert tex. 68. proiecta in vacuo moueri non posse, quoniam a nullo medio impellerentur, vim habet contra eos qui proiecta ferri putant a solo medio, sed facile soluitur si quis dicat ad motum in vacuo sufficere impetum, seu qualitatem proiectis impressam, de qua lib. octauo disputabitur. Deinde fateri videtur ad finem eiusdem textus saltem motum vectionis in vacuo fieri posse. Tertia ratio quæ habetur tex. 71. est tantum contra eos qui dicunt moram & successionem in motu prouenire tantum ex tenuitate, vel crassitudine medij, cum tamen oriatur etiam ex intervallo tam pleno quam vacuo, nam quo maius est, hoc ipso motus est diuturnior: moram affert etiam magnitudo corporis mori, cuius partes nulla ratione respondere possunt eidem puncto, quare oportet vt priores ad terminum aliquem perueniant ante quam posteriores. Si igitur demus spatium plenum quod quatuor horis conficiatur, ita vt tres horæ ob medij repugnantiam consumantur, & ob longitudinem vna hora si detur spatium aliud vacuum æquale huic pleno, pertransibitur vna hora, dempta nimirum repugnantia quæ a spatio pleno oriebatur. Negandum est igitur eandem esse proportionem celeritatis ad celeritatem, quæ tenuitatis vnus spatij ad alterius tenuitatem, vnde infert Aristoteles cum pleni ad vacuum nulla sit proportio, si in pleno mouetur corpus aliquo tempore, fore vt in vacuo moueatur nullo tempore, quod dici non potest. Quod deinde ait si motus fiat in vacuo, proportionem fore vacui ad plenum, nihil obstat quin vtriusque sit



fit proportio in distantia & interuallo, non tamen in crassitudine, & tenuitate: propterea conceditur eodem tempore quo percurritur spatium aliquod inane magnum, aliud paruum transmitti posse. Aristoteles autem contra veteres illos ostendit fore ut æquali tempore decurratur ab eodem lapide spatium idem vacuum & plenum: nam inquit, si vacuum pertransitur vna hora, exempli gratia, plenum autem aere tribus horis, si repleatur idem spatium corpore quod fit aere triplo subtilius, descendet lapis perinde ac in vacuo, vna hora. Vbi manifestum est ipsos admittere moram aliunde non ori quam a medij tenuitate, vel densitate: sed respondendum est dato corpore illo triplo subtiliori quam fit aer, fore ut lapis non conficiat spatium vna hora, sed maiori tempore, verum tanto minore tribus horis, quanto medium est subtilius: at tempus quod ratione distantiae consumitur, semper idem erit, scilicet vnus horæ. Denique quod vacuum nihil resistat, & æquè facilè diuidatur a graui, & minus graui, vnde sequi videtur, si motus esset in vacuo, fore ut corpora ponderis inæqualis descendant æquè velociter, quoniam inquit Aristoteles, vnum corpus velocius alio descendit, quia facilius diuidit medium: hanc rationem non profert ex propria sententia, sed vitur contra antiquos illam admittentes: nam ipse concedit corpora cœlestia quæ nullum diuidunt medium obfistens, alia alijs moueri celerius: mouetur igitur vnum corpus alio velocius quia vim motricem maiorem habet tam in spatio pleno, quam in vacuo. Ex quibus tandem confici potest ab Aristotele quidem negari vacuum, non propter has rationes quibus vitur contra antiquos, sed propter bonum continuationis in vniuerso: Maximè verò debemus a philosopho penitus abiudicare, ac rejicere ineptam ratiocinationem, quam illi attribuunt neoterici, quasi doceret tex. 74. omnia corpora quæ eandem habent specie grauitatem moueri deorsum proportionem suarum magnitudinum: ut si eodem tempore quo globus plumbeus vnus libræ descendit vno cubito, alter plumbeus globus centum librarum descendere deberet centum cubitis, quod repugnat experientiæ. Vocatur autem grauitas eadem specie quæ idem pondus efficit in pluribus sub eadem mole, & pondus auget secundum molis proportionem, siue eadem sit rerum substantia, siue diuersa: quare duo globi æquales, quorum alter plumbeus est, alter lapideus, si æqualiter ponderant, dicuntur habere grauitatem eandem specie, perinde ac si vterque plumbeus esset. Aristoteles quidem tex. 74. docet huiusmodi corpora moueri secundum excessum. Videmus, inquit, ea quæ maiorem impetum habent, aut grauitatis, aut leuitatis, si eadem sit figura, citius ferri per æquale spatium, & secundum rationem quam habent inuicem magnitudines, quare & per vacuum. Idem affirmat lib. 1. de Cœlo 89. & lib. 3. 16. Verum non intendit his omnibus locis corpora moueri secundum excessum, & rationem molis, accuratè seruata molis ad molem proportionem, sed vult ostendere tantum corpora maiora plus aliquid celeritatis obtinere, quam minora, quoniam maiorum motus non ita facilè obturbatur a medio propter multitudinem partium, quibus difficilius repugnatur quam paucioribus. Vnde fit ut ex duobus globis plumbeis ab eodem loco simul demissis, maior minorem anteuertat, licet exiguu admodum interuallo: sed hoc suffi-



cit vt si les sic dicto Aristotelis maiora minoribus eandem specie grauitatem  
 habentibus ferri velocius: ex eo quippe contra antiquos moram omnem in  
 motu petentes a medij tenuitate, & crassitudine, colligit sequi graue illud  
 absurdum, nimirum in vacuo omnia fore æque velocia. Sed de his plura  
 tertio de Coelo. A R I S T. Illic igitur videbimus quàm id rectè dictum  
 ab Aristoteli: nunc illud vehementer mirari subit, quod ipse non probat hoc  
 libro non dari vacuum, nisi contra illos qui moram omnem a medio pete-  
 bant: ac si vt narras sensisset de impetu, seu qualitate impressa, & præterea  
 recepisset illud vbi fluens, nunquam negasset motum in vacuo naturaliter  
 fieri posse, negat tamen pertinaciter: qualitatem igitur impressam, & vbi  
 distinctum a loco externo non agnouit. Sed nihil est quod pro vacuo auer-  
 runcando tantopere sudēs, hypothesis enim quam defendo, non admittit  
 vacuum. Verùm ad illud improbandum non vtar experiētijs quas vulgo  
 affertis de corporibus vltro ad prohibendum vacuum accurrentibus: cū  
 enim, vt dicam ad libros de Ortu, substantiæ primæ nec condensentur, nec  
 rarefiant, natura non abhorret vacuum quod dari non potest, propterea  
 quod nihil mouetur, nisi aliud succedat in eius locum, adeo vt motio sit  
 loci quadam permutatio. At Aristoteles qui corpora densari putat, &  
 minorem locum occupare nulla eorum particula decedente, vel acceden-  
 te, maximè sibi cauere debet a vacuo, si enim exiguum admittitur, augeri  
 potest absque vlla difficultate: quo argumento contra recentiores demon-  
 stratur non dari vacuum. Nam si in tubo longo altera parte obstrueto, vt  
 fit in siphonibus medicorum, tractu interioris manubrij fiat vacuum, cor-  
 pora iam tenuia quæ tubo includebantur, diuulsa sunt, tam secundum Ari-  
 stotelem, quàm Democritum: quare natura victa est, nec quidquam ob-  
 sistit amplius, nisi insulsè dicamus vacuum, quod nihil est, prohibere ne  
 quis ipsum maius efficiat. Oportet igitur vacuo intra tubi capacitatem  
 inducto nullam amplius vim esse, qua manubrium a fundo distractum, rur-  
 sus eodē retrahatur: illuc quippe reuocabatur a corporibus rarefactis  
 ad densitatem sese reducentibus secundum Aristotelem, vel a corporibus  
 diuulsis maius spatium efficientibus, quàm exposulabat eorum natura,  
 iuxta Democritum: verùm vbi omnino distracta sunt a manubrio, vis om-  
 nis abscissa est, propterea manubrium per tubi longitudinem licet im-  
 mensam vltro citroque duci posset nullo negotio, & vbi relinquitur, ibi  
 consistere, nec ad fundum trahi, priusquam ad eum locum rediret vbi con-  
 iunctus aer intra tubum rursus ipsum adduceret. Hoc tamen ita fieri re-  
 centiores qui vacuum admittunt, fateri non audent, sed modum tradunt,  
 quo deprehendamus in tubo illo, si vitreus sit, & non nihil aquæ contineat,  
 aquam ipsam non rarefcere, nec vlla corpuscula tenuissima intrò subire per  
 vitri meatus. Manubrium C. inquit, in illo tubo proximè coniunctum  
 aquæ B. si tanta vi trahatur vt fiat vacuum, facile erit visu obseruare an  
 aqua B. distrahatur, ac rarefcat, & an aerea corpuscula introferantur, quip-  
 pe illa conuolarent supra aquam ad A. partem tubi superiorem. His expe-  
 rimentis a recentioribus nondum accuratè factis, sed si Deo placet, facien-  
 dis respondere possum pro Anaximandro, Anaxagora, & alijs antiquis va-





cum non admittentibus, in illo tubo vitreo, quantumvis operculum, siue manubrium C. diuellatur, nec aerem, nec aquam, nec aliud corpus rarefcere, aut condensari eo modo quo docet Aristoteles, nec corpuscula distrahi ad Democriti vacuitates efficiendas, sed attrahi per vitri meatus substantias tenuissimas, quarum natura est alijs corporibus permisceri: reducto tamen obturamento C. cum nullæ aliæ crassiores quæ sunt extra tubum, subire possint locum C. necesse est vt tenues eò ferantur, verùm sibi relictæ ad permissionem sibi naturalem statim foras auolant, atque ita obturamentum C. ad aquam B. statim reuocatur, neque est vlla ratio, vel sensus qui contrarium possit demonstrare. Nam quòd recentiores dicunt si corpus aliquod subtile permea-

ret vitrum, fore vt supra aquam emeretur in A. idem potest dici de vacuo, quoniam aqua laberetur ad operculum C. deinde lumen, aut alia qualitas quæ apud ipsos corpus est, vacuum partem A. statim impleret. Quòd autem aqua B. comprimi nequeat in tubo, velut aer, ostendit tantùm aquam non habere permista corpora tenuia tam multa vt eorum expulsionem minor ad sensum moles efficiatur: quare vacuum probari non potest a neotericis hoc instrumento. Inanius est quod aiunt vesicam multo aere violenter ingesto tumefactam plus ponderare quàm prius, quoniam & si aer in aere nihil ponderat, inclusus tamen non premit aerem separatum & est, inquiunt, veluti in vacuo: vnde contra sua principia fatentur res in vacuo pondus habere, cum tamen omne pondus oriatur ab effluuiis corpusculorum prodeunte tam a terra, quàm a grauibz quæ ad ipsam tendunt: hoc autem effluuium in vacuo vix fieri potest. Plus ponderat igitur vesica sic inflata viginti & amplius granis, vt expertus sum, quoniam impulsione violentæ inflationis extrusa sunt leuiora, & subtiliora corpuscula, remanserunt autem crassiora quæ per vesicæ meatus exire non possunt, & plus ponderant, quia cum terra maiorem habent consensum, hoc est grauitatem. Quare falsum est etiam quod illi asserunt, sublata medijs repugnantia fore vt æqualiter omnia moueantur: nam in pleno non solùm est considerata medijs tenuitas, aut crassitudo, sed etiam corporum consensus qui ad motus celeritatem maximè facit: in vacuo autem si nulla sunt effluuia corpusculorum, quorum interuentu fiat motus, nihil mouebitur, siquidem motus est continua corporis ad corpus applicatio: cum igitur in vacuo nullum sit corpus, non possunt in eo moueri grauia, & leuia vt illi volunt. Nihil prohibet tamen quin e pleno in vacuum, si daretur, baculus aut aliud corpus simile quod manu tenemus, immitti possit, & longè protendi, atque retrahi: quare ea quæ veluti radios ex se fundunt, ita vt partes aliæ alias protrudant, idem fortassis in vacuo præstare possent, licet difficilior: contendo tantùm corpus graue, vel leue citra effluuium illud radiorum in vacuo moueri non posse, vbi nullum aliud est corpus, cui applicetur. Denique quòd aiunt corporum adhesionem, motum,

tum, & raritatem absque vacuo fieri non posse, satis refelletur in libris de Ortu. Si verò raritas, & densitas eo quo dicam ibi modo fieri non posset, vacuum potius admitterem cum illis, & Democrito, quàm sentire cum Aristotele aliquid fieri rarius, aut densius nulla substantia accedente vel decedente. Sed præterquam quòd satis commodè ea declarantur, & alia quæ pertinent ad actionem reiecto vacuo, alienum planè videtur ab vniuersi dignitate vacuum esse, & imperium cum nihilo habere diuisum, ita vt tantum sit nihili quantum rei, vnde consequens est vniuersum illud semiplenum non esse perfectum, nec infinitum vsquequaque, quippe multa desiderantur quæ in eo non sunt, & nihilum quod abhorret natura, reperitur, & quo admissio æquè poterant omnia nihil esse. Cæterum vel ipsa intellectus humani natura quæ vacuum nequit concipere nisi instar spatij cuiusdam veri, nec mundum ita terminatum, vt extra illum spatia non quærat infinita, satis argumenti est illis omnibus, qui nec vacuum, nec finem statuunt in vniuerso, & quemadmodum in eorum sententia qui dicunt Deum esse vbique, repugnat dari spatium aliquod, licet inane, vbi non sit Deus, sic antiquis illis absurdum videretur dari spatium inane vbi non sit corpus. Et hæc de vacuo: ne verò in re inani inaniter teramus tempus, temporis ipsius naturam potius inuestigemus.

## De tempore.

## CIRCULVS DECIMVS.

## CHARILAVS. ARISTÆVS.



**C**HAR. Rectè mones de tempore nunc agendum esse, sed cauendum simul ne in quæstiunculis inanibus quæ de ipso fieri solent, faciamus iacturam temporis, quæ maxima omnium a Zenone dicebatur. Videamus imprimis quid sit tempus, deinceps quomodo a motu & ab æternitate distinguatur. Tempus ab Aristotele tex. 101. definitur numerus motus secundum prius, & posterius, id est perperuitas & continuatio, qua motus est numerabilis in partes priores, & posteriores: per numerum enim Aristoteles non intelligit numerum mathematicum abstractum a quacunque materia, vt cum dicimus vnum, duo, tria, sed intelligit numerabilitatem, vt ita dicam, hoc est motum ipsum quatenus est aptus numerari, ita vt tempus nihil aliud sit quàm partes motus numerabiles, quamuis in se non sint diuisæ. Ex quo patet etiam hic non accipi numerum pro mensura qua metimur aliud: nam & si tempus est mensura qua vtimur ad motum metiendum, hoc tamen non est eius essentia, sed proprietas: sensus ergo est tempus esse numerum, siue mensuram, qua motus habet vt sit numerabilis. Idem significat Plato dum ait tempus esse motus intervallum

apud



apud Plur. de Placitis. Dicitur præterea numerus motus, non cuiuscunque sed continuas partes habentis, siue ille sit accretio, siue alteratio, siue motus ad locum. In quolibet autem motu tria possunt considerari, primum transitus ab vno termino ad alium, qui transitus fieri potest vno momento: secundum est habere partes respondentes partibus termini, qui motu acquiritur, siue ille terminus sit quantitas, siue qualitas, siue vbi: tertium est continua successio partium, ita vt nulla possit assignari quæ sit tota simul, hæc autem successio non habetur nisi a tempore: propterea quædam mutationes non includunt tempus vt substantiæ cuiusuis procreatio, & alteratio illa quæ contrario caret, verbi gratia productio luminis. Continuitas igitur & mora illa differt a motu saltem ratione: quod etiam voluit Aristoteles hic dum ait tempus non esse motum, sed aliquid ad motum pertinens, & motum quidem dici velocem, tempus verò minimè, quod indicium est alicuius distinctionis. Atque hinc conficimus tempus non esse rem fictam: nam quod dicit Aristoteles tex. 131. si non daretur intellectus habilis ad numerandum, non fore numerum, ac proinde tempus, intelligi debet de proprietate temporis, prout eo vtimur tanquam externa mensura motus, & quietis, non autem de essentia temporis, quæ est ipsa, vt dixi, numerabilitas non dependens ab intellectu. Quamuis autem tempus a motu distinguatur ratione tantum, textu tamen 94. opinio Pythagoræ dicentis tempus esse spheram coelestem, meritò stulta vocatur, quia motum a sphaera non distinguebat: at caruisset reprehensione si dixisset esse motum sphaeræ coelestis: nam tex. 133. videtur, inquit Aristoteles, tempus esse sphaeræ motus, vnde qui motum non distinguunt a re mobili hac inconsiderantiæ, & insensitatis, ne dicam stultitiæ nota afficiuntur. Motus primi mobilis est illud tempus quod adhibemus vt mensuram aliorum motuum, vt pote notissimam, breuissimam, & vniusmodi: nihilominus omnis motus continuus habet suum proprium tempus. An verò inquit Augustinus, si cessarent coeli lumina & moueretur rota figuli, non esset tempus? sed illud cum sit incertum, & inæquabile, ad communem vsum non adhibetur. Concludit tandem Aristoteles tex. 120. quæ temporis subiiciuntur fluxa esse & mortalia: temporis autem subiiciuntur quæcunque mouentur, vel quiescunt, quæ verò neque mouentur, neque quiescunt non sunt in tempore, quemadmodum & illa quæ semper sunt, & semper non sunt, vt diametrum esse costæ commensurabilem, atque incommensurabilem: quoniam, inquit, esse in tempore non est tantum esse, quando est tempus, neque esse simpliciter dicit esse in tempore, sed oportet illud moueri, vel quiescere, tempus enim est numerus motus. Dicuntur autem quiescere quæ mouentur aliquando, non autem quæ penitus sunt immobilia, vt primus motor, propterea ipsius permansio non dicitur tempus, sed æternitas. Quod si quæritur qualis sit permansio rei creatæ incorruptibilis, quam theologorum æuum appellant, ferè omnes asserunt contra Bonauenturam illam ratione tantum distingui a re permanente, proinde non esse fluentem, vt motum, sed totam simul. Quamuis autem sit permanens, virtute tamen ad tempus infinitum sese extendit, dummodo a Deo non destruat: quare & si aliqua intelligentia plus duraret quàm alia, non sequitur eam quæ interit, deterius æuum



æuum accepisse, etenim illud erat eiuldem rationis atque aliud quod adhuc permanet. Vrgent hîc vehementer, & quærunt ratione cuius vna respondet maiori tempori quàm altera, nisi quia fluxum, & continuationem habet longiorem: respondendum est ab illa diuturnitate non argui diuersam æui naturam, sed aliquid externum, nempe quòd a Deo certo temporis puncto destruat, seipso enim nunquam desineret, nec vnum esset altero diuturnius. Si quid autem euinceret ratio Bonauenturæ, probaret Dei æternitatem esse fluentem, perinde enim quærere potest ratione cuius diuturnior est omni æuo: si dicat cum Boetio lib. 3. de consol. philos. prosa 2. æternitas est interminabilis vitæ tota simul & perfecta possessio, æuum similiter dici potest vitæ possessio tota simul, sed non interminabilis, atque in hoc tantum est differentia. Quin etiam res caducæ si absque motu perdurarent, non haberent in se tempus, nec a sua permansione re ipsa distinguerentur: fieri tamen posset si daretur cœli motus, vt aliæ ante alias a Deo destruerentur: quòd si nullus esset omnino motus, intelligi non potest vnā durare plus quam aliam, nisi interemptio illius quæ a Deo destruitur, motum includat. Tempus autem non eodem modo mensura est motus atque quietis, est enim interna mensura motus illius a quo ratione tantum distinguitur, aliorum autem omnium motuum est mensura externa, quietis verò tex. 118. dicitur mensura ex accidenti, id est externa: quare si res caducæ tota æternitate non mouerentur, subinde tamen destruerentur a Deo, dici non posset ratione cuius longior foret permansio vnus, quàm alterius, nisi singularum interemptio motum includeret. Obijcitur præterea pro Bonauentura actionem qua Deus continenter res caducas conseruat, esse fluentem, & res ipsas a Deo fieri semper, vt ait August. lib. 8. de Gen. ad lit. c. 19. proinde nullum æuum esse permanens. Sed respondendum est actionem qua fluentia conseruat, esse fluentem, & qua permanentia, permanentem, nec quidquam ob stare quominus res a Deo semper fiant, & permaneant. Ad illud denique quòd aiunt sicut idem non potest percurrere diuersa loca, nisi obtinet vbi fluens, sic neque diuersa tempora, nisi habet æuum extensum, & fluens: negandum est parem esse rationem, nam vt res sit nihil aliud requiritur, quàm vt eius permansio respondere possit tempori externo, at verò necesse est rem quæ mouetur, modò esse hîc, modò alibi, quod absque vbi fluente fieri non potest. Attulisset statim initio dubitationes an detur tempus propositas ab Aristotele tex. 88. nisi iam illas diluisses agendo de motu: nam quæ argumenta probant non dari tempus, eadem euincunt non dari motum. Nodus erat ille præcipuus nullam partem temporis vnquam existere totam simul, proinde tempus nihil esse: præteritum enim non est amplius, futurum nondum existit, præsens autem nullum est præter momentum, quod non est tempus: vnde Seneca lib. 6. qq. natur. nec quòd futurum est, inquit, meum est, nec quòd fuit, in puncto fugientis temporis pendeo. Respondemus nullam quidem partem motus, aut temporis esse totam simul, quia talis est eius natura, vt iugiter fluat; proinde negatur vt aliquid sit, oportere saltem particulam eius existere totam simul, alia enim existunt permanendo, alia fluendo: fateor huius loci difficult-



cultatem esse adeo grauem, vt eam aliter eluclari non possimus: te verò vsque adeo irrausisse iam ante vidi, vt quid clarius diceres non audierim. **ARIST.** Irraucire oportet qui ad raium susceperunt defenditandum Aristotelem, tamen nihil dignum tanto conatu expectorare possunt, aut extusfire. Nunc enim vero licet Aristoteles opinionem Pythagoræ stultam appellet, dignus fortasse cui referret ille

*O maior tandem parcas insanæ minori.*

Possumus dicere tempus esse sphæram cœlestem, non quèd tempus commune sit sphæra cœlestis seorsum accepta, sed quatenus mouetur, vt Eratosthenes dixit tempus esse Solis motum. Pythagoras etiam sic locutus est, quia tempus, & motus ratione tantùm differunt a rebus ipsis successione continua sibi applicatis: in ea autem applicatione fingitis esse aliquid distinctum quod reuera non est, ac propterea tantopere dubitatis quomodo illud potest esse cuius nulla pars simul existit. Hoc vobis est, indissolubile, neque hoc tantùm, sed etiam quidquid de motu & tempore dixisti prius: nam si ratione duntaxat tempus distinguas ab ipso motu, & æuum ab intelligentijs, cur actionem & motum aliter distinguas a termino suo, & subiecto? quod si hæc omnia re ipsa distinguas inter se, vt debes, laquei sunt inextricabiles, vt vidisti. Nec eos euadis respondendo alia existere permanendo, alia fluendo: scio quædam fluere, veluti fluuium, sed si tempus hoc modo flueret, pars eius aliqua simul existeret: illud autem fluere quod dicis est omnino non existere, nam existentia est permanens rei in vniuerso vel secundùm se totam, vel secundùm sui aliquam partem. Sed vt reuertar ad Pythagoram, crediderim hoc eius dictum non aliò pertinere, quàm vt notaret inanem eorum doctrinam, qui motum & tempus veluti Saturnum quendam re ipsa distinguunt a remobili. De eo satis obscurè locuti sunt omnes antiqui. Simonides dixit tempus sapientissimum, quia tempore acquiritur prudentia, rerum vsus, ac tandem honor: propterea Æschylus ei suas tragœdias sacrificauit: at Paro Pythagoreus indoctissimum vocabat tempus, quoniam inducit obliuionem. Huius inopiam maximam nos perpeti dicebat Zeno: Theophrastus vocabat *πολυτελὲς ἀνάλωμα* sumptum pretiosissimum: Pittaci vero Mitylenæi sententia erat *γνῶθι χρόνον* nosce tempus. Proinde in eius inuestigatione non inutilem operam arbitrabor me posuisse, declarando ad hæc & alia quæ ab antiquis de tempore circumferuntur, intelligenda, rem esse planiorem si motus & tempus eo quo dixi modo accipiantur: quod vt liquidius euadat, transeamus ad librum quintam vbi Aristoteles regreditur ad tractatum de motu, quem ob explicationem infiniti, loci, vacui, & temporis interruperat.

## IN LIB. V. VI. ET VII. PHYS.

## De speciebus, vnitate, &amp; oppositione motus.

C I R C V L V S X I.

CHARILAVS. ARISTÆVS.



H A R. Agitur libro quinto de speciebus vnitate, & oppositione motus: vbi obseruandum est ante hunc librum promiscue sumptum fuisse nomen motus: interdum pro mutatione & transitu ad formam cuiuscunque prædicamenti 11. Metaph. sum. 4.c.1. interdum ad substantiam, quantitatem, qualitatem, & locum 3. Phys. 4. hic verò pressius ad quantitatem, qualitatem, & locum tex. 18. ita vt motus sit productio quantitatis, qualitatis, & loci: mutatio enim ad substantiam quæ contrario caret, non est motus propriè dictus, quia potest fieri puncto temporis, & si qua est mora, ea præparationum est, non autem substantiæ. Cum etiam non detur motus ad motum, vt fusè probat a tex. 9. ad 18. neque dabitur motus ad actionem, & perpeffionem, vtraque enim motus est. Accidentia reliquorum prædicamentorum licet reipsa distinguantur inter se, tamen a subiecto distinguuntur sola ratione: ad ea igitur non est verus motus. Vt autem ad aliquid sit verus motus debet esse a contrario in contrarium, quod non est necesse mutationi, vt cum vermis ex terra procreatur. Hic verò termini contrarij dicuntur, inter quos aliqua distantia interiecta est, quæ tota simul pertransiri nequit: atque ita datur motus propriè dictus ad quantitatem, id est motus quo producitur vera quantitas: nam inter magnitudinem vnus palmi & trium palmarum aliqua est distantia & oppositio, cum fieri nequeat vt aliquid sit vnus tantum & trium palmarum. Eadem est ratio de qualitatibus, in quibus est graduum latitudo: similiter de loco interno, duo enim loca cum in eodem subiecto naturaliter esse non possint, physicam habent oppositionem, & præterea latitudinem quæ tota momento percurri nequit. Quod autem motus ad locum sit actio vera quæ terminum habet locum internum, siue vbi (nam locus externus acquiritur tantum ex accidenti) iam dictum est supra. Sit certè motus, vt ais, applicatio corporis ad corpus, dummodo illa applicatio sit actio distincta tam a subiecto quam a termino: alioqui cum ambulando non magis appliceris parieti quam paries tibi, paries æquè ac tu moueri dicetur. Neque satisfacit quod dicebas applicationem illi tantum conuenire, quod causam habet necessariam huius applicationis: oportet enim motum esse aliquid distinctum a mouente & mobili: nam cum prius esset mouens & mobile citra vllum motum, nisi motus ab ijs distinctus emanasset, semper vt prius sese haberent. Nunc



videamus vnde motus sumat vnitatem qua dicitur vnus specie, vel numero, & oppositionem, qua dicitur alteri contrarius. Vnitas qua constituitur species motus ex Aristotele desumitur magis ex termino ad quem, quàm ex termino a quo tex. 4. & 1. de Cœlo 86 omnino, inquit, quod mouetur ex quodam in quiddam mouetur, vbi etiam comprehendit motum ad locum, quem ait fieri alicunde aliquò. Vt si aer linea recta per aquam ascendens, eademque linea per ignem descendens perueniret ad suum locum qui est superficies aquæ, motus illi sursum, & deorsum essent contrarij, quatenus habent diuersos quodammodo terminos ad quem & a quo: nam eadem superficies aquæ respectu ascensus sursum est, respectu descensus est deorsum, quemadmodum fuscum rationem habet albi, & nigri, ita vt motus quo aliquid fit fuscum ex albo sit contrarius ei quo aliud fit fuscum ex nigro. Quoniam autem fuscum includit essentiam albi & nigri, & sic ex virtute duplex, hinc fit vt oppositio sit essentialis inter motus qui fiunt in fuscum ex albo, & nigro: at quia superficies aquæ re ipsa eadem est, & ratione tantum diuersa, siue ad eam perueniatur ex cœlo, siue ex centro terræ, inter ascensum illum aeris & descensum est tantum oppositio accidentalis, quæ non impedit quin duo motus hac ratione contrarij conueniant eidem corpori simplici, & ab eius natura simplici ortum habeant. Quòd autem Aristoteles 1. de Cœlo tex. 9. docet vni corpori simplici conuenire motum vnum simplicem, deinde tex. 10. vnum vni contrarium esse, & motum deorsum esse contrarium motui sursum: postea tex. 11. motum sursum esse aeri naturalem, & lib. 4. tex. 29. 30. 39. etiam motum deorsum esse aeri naturalem: hæc omnia quæ videntur sibi repugnare, conciliantur ex tex. 38. libri quarti: ibi enim ait nihil prohibere quin vni plura sint contraria, quemadmodum in coloribus, puta contraria vbi non reperitur oppositio essentialis, sed accidentalis, qualis est illa motuum aeris sursum & deorsum: nam eius natura est tendere ad superficiem aquæ quòd verò illuc feratur ex loco superiori, vel inferiori, hoc fit ex accidenti. Lationes quidem accipiunt distinctionem non modò a termino, sed & a medio, vt docet Aristoteles proponens de ea re dubitationem hinc tex. 32. sed nisi sint termini omnium extremi, nempe centrum mundi, & cœli ambitus, ea diuersitas quæ petitur a terminis spatij diuersis non arguit oppositionem motuum essentialem, sed ad summum accidentalem. Iam si quæ- ratur ratione cuius sit illa oppositio accidentalis in motibus qui fiunt a duobus extremis lineæ punctis ad idem medium, respondendum est non sufficere terminum ad quem, sed præterea assignandum esse terminum a quo: nam si moueantur duo corpora, vnum ascendendo, alterum descendendo ad eundem locum, si isti duo motus considerentur quatenus sunt transitus a priuatione huius loci ad hunc locum, sunt eiusdem speciei metaphysicæ: sin autem considerentur quatenus sunt transitus alter a loco sursum, alter a loco deorsum, sunt diuersæ speciei physicæ, quia vnus est descensus, alter ascensus, quamuis sit idem locus qui acquiritur: motus enim speciem non capit a termino ad quem nisi quatenus acquiritur per recessum a termino a quo: cum igitur a diuersis terminis perueniatur ad eundem locum, ille acquireretur motibus diuersis, proinde talis præsentia erit quodammodo multiplex ratione



## 68 De speciebus, vnitate, & oppositione

termini. Et hoc est quod quidam Pisis in publico circulo non aduertens, defendit olim speciem motus peti duntaxat a termino ad quem: sed cum fieret illi obiectio de ascensu illo aeris & descensu, qui sunt contrarij motus, & tamen fiunt ad eundem terminum: respondit terminum ad quem vtriusque motus esse eundem reipsa, diuersum tamen quodammodo ratione spatij quod decurritur. Et cum quæreretur quiderat aliud in illo spatio propter quod terminus ad quem diuersus esset, nisi vterque terminus a quo: dixit nihil facere terminum a quo, sed terminum ad quem esse diuersum, quia terminat diuersos motus: cumque se circulo, vel potius rota Ixionis rapi videret, dicendo motus esse diuersos quia sunt ad diuersum terminum, & deinde terminum esse diuersum quia terminat motus diuersos, arripiens occasionem exempli allari de duobus veruecibus contrario motu in se mutuò incurrentibus longè velocius quàm si alter staret, quod Aristoteles docet in duabus lineis 1. Cœli 37 item de duobus ollis mutuò allisis, de duobus ventis contrarijs, & alijs id genus: Hic agendo de veruecibus dignam attulit responsionem quæ in veruecina membrana scriberetur, primum non esse sermonem de motu animalium, quoniam ille est motus proiectorum: deinde motus illos quidem esse contrarios, non a termino a quo, sed ab imaginatione veruecum, sic & ollarum motus esse contrarios ab imaginatione illius qui eas mutuò collidebat. Quam solutionem prosecutus est magno applausu, qui tunc erat præses peripathicus, & perinde ac si certatum fuisset iudice *Tmolo*, quamquam exclamabatur aerem, ventos, & ollas contrario motu agitas nullo animalis impulsu, sed vi propria, imaginationis esse expertes, hoc mansit in re velut approbatum Veruecis Ammonis oraculo de ollis esse philosophandum more fabulatoris, qui in narrationibus apologorum eas inter se colloquentes introducit, quod citra imaginationem fieri non potest. Accedo ad vnitatem indiuiduam motus, quam appellamus numericam. Ad hanc vnitatem Aristoteles hic tex. 34. & 35. tria requirit, nempe vnum numero mobile, vnum numero terminum ad quem siue formam quæ producitur, & vnum numero tempus continuum absque vlla interruptione. Sed præterea 8. Phys. 49. requirit vnum mouens, ac propterea ibidem tex. 82. motum proiectorum negat esse continuum, quia non fit ab vno mouente. Ratio est quoniam actio pendet ab agente, proinde hæc actio ab hoc agente: quod Aristoteles considerat tantum lib. 8. vbi agitur de motore: at hoc lib. quinto spectat motum quia motus est, & essentialem respectum habet duntaxat ad suos terminos a quo & ad quem, non autem ad causam efficientem. Requiritur autem vnum mobile, quia naturaliter non potest vnum accidens esse in duobus subiectis: quare si animal ex turre proiectum extinguatur in medio motu, non erit idem numero motus, vti nec motus rami partim viridis, partim emortui. Terminus quoque seu forma quæ acquiritur, debet esse vna, quia motus nihil est aliud quàm via ad formam. De tempore verò probatur, quia si fiat vel minima temporis interruptio, ita vt inter eius partes detur quies, iam motus non erit continuus, & vnus, vt docet hic Aristoteles tex. 39. vnitatis enim est negatio diuisionis. Sed aduertendum est cum tempus vnitatem habeat a motu tanquam a causa, motum ipsum non posse vicissim



cissim habere unitatem a tempore tanquam a causa, sed tantum velut a signo, quod nobis manifestat esse unum motum: & hoc sufficit ut a tempore motus unitas esse dicatur. Ita grauiissima controuersia de vniuersa motus natura, quas ne digito quidem attingunt veteres, secundum doctrinam Aristotelis dirimi possunt. **ARIST.** Nihil vitiligandum pro antiquis, vbi litigia illa vestra non mouentur: de ijs tritari liceat vobis atque altercari ad libitum. Vnus est, ut saepe dixi, motus ad locum in vniuerso, qui tamen seruando communem loquendi modum reuocari potest ad eas species quas Aristoteles refert, sed ratione longè diuersa. Nam apud veteres generatio est motus quo plures substantiæ essentiales alicui mixto concurrunt ad illud constituendum: corruptio verò quo a se inuicem dissoluuntur. Accretio est motus quo pluribus partibus quàm fuerint deperditæ accedentibus, mistum fit maius quoquoersum seruata semper eadem figura: ex quo patet quid sit decrementum. Alteratio est motus contingentis substantiæ aduenientis alicui, vel ab eo recedentis, vnde quale denominatur. Qui verò simpliciter dicitur motus ad locum est continua corporis ad corpus applicatio. Ex quibus palam est ad quæ prædicamenta, & quomodo detur motus, quæ sint eius species, oppositio, & unitas indiuidua. Hoc vnum vobis dolendum venit, quòd si ea doctrina veterum admitteretur, frustra caderent tot vestræ captiunculæ de materia prima, de forma, de specie motuum, tot interpretum demortuæ commentationes interciderent, paucisque verbis totam philosophiam complecteremur, quod maximè offenderet eam gentem contentiosam, quam patritius quidam Venerus mediam quodammodo inter homines & bestias esse dicebat, quæq; philosophiam verè clitelariam nobis inuexit. Sed quoniã nihil actum videtur pro antiquis, nisi ostendatur quæ sit ratio totius motionis in vniuerso, rem paucis absoluo. Veterum sententia est primas substantias simplices seipsis moueri ad omnigenam permissionem efficiendam: quod accipere possunt illi non minus fidenter, quàm Arist. accipit sua elementa propria virtute permisceri: nam quod ille qualitates ad hoc exigit, veteres respondent substantias primas esse ipsas virtutes, & qualitates. Quod si quæris principium primum huius motionis, similiter respondent non esse petendum aliunde, quàm ab ipsis substantijs simplicibus, seu indiuiduis, quarum singulæ hoc habent a se ut pro conuenientia vel dissensione alteram amplectantur, vel fugiant. Cùm autem illæ sint infinitæ, nihil est periculi ne omnes aliquando moueri desinant, ita ut vniuersi motus intercidat & planè aboleatur, nec possit amplius reuocari, quemadmodum accideret si darentur tres aut quatuor substantiæ tantum, quæ postquam inter se consociarentur, nec vlla esset causa dissocians, immotæ tota æternitate permanerent. In infinito necesse est semper dissidentem aliquam substantiam, aut amiciores intercurre, cuius appulsu quies illa prohibeatur. Non datur autem vllus motus quin alius præcesserit tanquam eius causa, vel conditio sine qua ille non esset, neque absurdum est apud antiquos hac ratione dari motum ad motum, quoniam illi non distinguunt re ipsa motum a re mobili, nec aliud est esse causam motus, quàm rem aliquam ita moueri, ut necessario sequatur motus alterius. Et reuera nihil aliud di-

*De speciebus motus iuxta veteres.*

cit Aristoteles, dum ait procedere motum a vi motrice velut a causa, verbis enim illis vos lactat, & falsa spe producit, immo infatuat, si creditis vos esse veteribus sapientiores, dicendo vim motricem esse causam motus, cum hoc nihil aliud sit, quam posita nescio qua chimæra qualitatis, oriri motum, antiqui verò docent moto vno moueri aliud ob necessariam rerum consecutionem. Hic motus permissionis primus est omnium apud veteres, ex quo dependent cæteri omnes: quippe mista inde concreta retinent naturam suorum principiorum, & ipsa quoque totius substantiæ consensione, aut repugnantia inter se mutuo componuntur vel dissoluantur. Non aliunde procedit motus grauium, & leuium, atque adeo ipsorum animalium, quam quia constant primis substantijs indiuiduis, ex quarum proprio motu resultat alter, quem cogitationem, visionem, aut saltationem appellamus. Nec vlli figmentum videri debet quod aiunt Fracastorius, & Gilbertus de magnete atque alijs mistis naturæ conuenientia quadam ad amplexus mutuos ruentibus, effluuium substantiæ tenuissimæ radiorum instar manare iugiter, quibus ea se tanquam polypi cirris & brachiorum flagellis implicant, vt vel naturæ consensu ad se accedant, vel dissensu recedant tanto velocius, quanto propius acceditur ad fontem illius effluuij, vel ab eo longius receditur. Cui sententiæ astipulatur acutissimus rerum naturalium indagator Cabaus lib. 4. de maghere, vbi etiam ait magnetem & ferrum non se trahere, sed rueri in mutuos amplexus, nec spirituum effluuium negandum esse, haud dubiè dicturus cum antiquis, si licuisset. Hæc pauca sufficiant in librum quintum, atque adeo in sextum, & septimum Phys. Aristotelis: in sextum quidem, propterea quòd ea quæ ibi tractantur, commodius a nobis libro primo de Ortu disputabuntur, quæ verò habentur libro septimo in librum octauum reijci debent.

F I N I S.









CIRCVLVVS PISANVS  
CLAVDII BERIGARDI  
MOLINENSIS

Olim in Pisano , iam in Patauino Lyceo  
Philosophi primi paris

De veteri & Peripatetica Philosophia  
*In octauum librum Physicorum Aristotelis.*

SERENISSIMO  
IOANNI CAROLO  
AB HETRURIA  
dedicatus.



V T I N I, MDCXLIII.

---

Ex Typographia Nicolai Schiratti.  
SUPERIORVM PERMISSV.

CIRCULARS DISAMV

CLAVDII ERICARDI

1611

Com in Regem, Com in Regem, Com in Regem

1611

De vobis & de vobis, de vobis & de vobis

1611

1611

TO ANN CAROL

1611



1611

1611

1611





S E R E N I S S I M O  
IOANNI CAROLO

A B H E T R U R I A

Claudius Berigardus F. P.



A M illi qui in Hetruria viuam,  
spirantemque refert imaginem  
Primi Motoris, principium  
huius operis consecraui; hanc  
verò partem de æterno motu  
non minus ad eum pertinen-

tem, deberi quoque putauì Celsitudini tuæ Se-  
renissimæ, cuius eadem est fortitudo, fides, con-  
stantia, cæteræque virtutes, vt facilè quivis in-  
telligat Serenissimos omnes Hetruriæ Principes  
vnam esse Intelligentiam. Quod enim de mul-  
tis orbium Motoribus philosophi quidam illu-

stres prodiderunt, effici quodammodo ex omnibus vnum supremum & æternum moderatorem, hoc ego summa cum admiratione perspicio, ac veneror in Serenissima stirpe Medicea, cuius consentiens & conspirans in vnum animus vna videtur Intelligentia; ac proinde gloriari potest de regno suo vt ille Sapiens, qui aiebat se quidem habere chorum minorem quibusdam alijs, sed omnibus consonantior, & pulchrior. Hanc admirabilem in terris Intelligentiam vt mihi, meisque semper benignam & propitiam expertus sum, ac deinceps fore confido, sic vt aliquod extet summæ erga ipsam obseruantia meæ, & singularis reuerentiæ monimentum, istud operis, quantuluncunque est, Celsitudini tuæ Serenissimæ libens offero, ac trado in eam manum victoria & fide præstantem quæ imperat mari, addo felix augurium, quod Deus firmet, vt semper valeat, & vincat.

Patauij Kal. Ian. CIO IO CXLIII.



## PRO IMPRESSIONE.

Perillustreis, ac Excellentiss. D. Lelius Mancinus, pro sua benignitate dignetur videre, & ponere approbationem.

Fr. Antonius Vercellus Inquisitor Generalis Paduæ.

Reuer. Pater legi doctissimum opus Excellentiss. Philosophi Claudij Berigardi, neque offendi aliquid, quod vel Fidei, vel bonis moribus contrariari videatur.

Obseq. Lelius Mancinus.

*Die 12. Maij 1642.*

**P**Ræfens opus Excellentiss. Philosophi Claudij Berigardi diligenti cura visum & approbatum ab Excellentiss. D. Lelio Mancino, vt in superscripta attestatone, fuit etiam pro impressione Paduæ approbatum cum nihil ipsum contra regulas, & etiam Principes contineat. initium operis de veteri &c. & finis habemus &c.

Ita est, Ego F. Antonius Vercellus à Lendenaria Inquisitor Generalis Paduæ manu propria.

*Die 20. Februarij 1643.*

Visis attestatationibus superscriptis conceditur licentia imprimendi Vtini.

Ita est, F. Ludouicus Syllanus de Gualdo Inquisitor Generalis Aquileiæ, & Concordiæ.

*Noi Reformatori dello Studio di Padoua*

**H**Auendo veduto per fede del M. R. P. Inquisitor di Padoua, che nel libro intitolato *Circulus Pisanus Claudij Berigardi De veteri, & Peripatetica Philosophia in octauum lib. Phys. Arist.* non si troua cosa alcuna contra la santa Fede Cattolica, e parimente per attestato del Segretario nostro, che non vi sia cosa alcuna contra Prencipi, e buoni costumi, concedemo licenza, che sia stampato, douendosi offeruar quanto per legge in proposito di stampe; con conditione, che non sia venduto se prima non vien portato vno legato per la libreria publica giusta la Parte dell'Eccellentiss. Senato de' 2. Dicembre 1622. In quor. fid. &c.

Dat. a' 9. di Settembre 1642.

[Anzolo Contarini Cau.Proc.Reform.]

[Zuanne Pesarò Cau.Proc.Reform.]

Aluise Querini Seg.



*Pagina linea errores aliquot sic emendantur.*

7	6	non erat primum	non erat primus
34	6	præcertum	præceptum
37	2	damnandum iri.	damnatum iri
58	40	quod	quòd
61	7	offerre	efferre
68	44	pater	patet
69	30	propriæ	proprie
70 & alibi	8	Orpheum	Orpheum
72	11	Ecc. 2.	Et c. 2.
73	40	fece	fece
73	26	At ille	At illi
80	45	promemodum	propemodum
84	34	essent capaces idoneæ	essent idoneæ
88	9	connaturale.	connaturale
88 & alibi	24	seorsim	seorsum
88	25	in subiecto.	in subiecto
96 & alibi	21	Rabini	Rabbini
100	45	impuberos	impuberes
103	44	in Æn.	in Æn.
106	25	Topatio	topazio
112	24	τοπωτος	τρωτος
116	17	scit	sic
120	12	experire	experiri
120	39	se iudica	te iudica
124	33	est miraculosa	est, ut aiunt, miraculosa
133	29	Exauritque	Exhauritque

# INDEX

## CIRCULORVM.

<b>D</b> E intentione & ordine Aristotelis in hoc libro	
Circulus Primus.	pag. 3
De medijs ad primum motorem demonstrandum. Circulus II.	6
De motu projectorum. Circ. III.	9
De quiete in motibus contrarijs. Circ. IV.	15
De modo quo quidquid mouetur ab alio mouetur. Circulus V.	19
De immobilitate primi motoris. Circ. VI.	21
De vi infinita primi motoris. Circ. VII.	22
De ratione qua Aristoteles probat primum motorem non esse corporeum. Circ. VIII.	24
De vi efficiente primi motoris. Circ. IX.	26
De concursu diuino & libertate hominis. Circ. X.	33
De libertate primi motoris. Circ. XI.	36
De intellectu diuino. Circ. XII.	54
De incorporeis. Circ. XIII.	59
De loco primi motoris, & aliorum. Circ. XIV.	67
De loco, & motu intelligentiarum. Circ. XV.	77
De speciebus intelligentiarum. Circ. XVI.	84
De Genijs secundū philosophos antiquos. Circ. XVII.	95
An Deus verus sola fide, an etiam ratione naturali cognoscatur. Circ. XVIII.	106
De rationibus ab effectis Deum distinguuntibus ab vniuerso. Circ. XIX.	112
De Prouidentia Diuina. Circ. XX.	120



CLAVDII BERIGARDI  
CIRCVLVS PISANVS

De veteri & Peripatetica Philosophia  
In octauum lib. Phys. Arist.

PROOEMIUM.



*Apium vallum, ut aiebat Cicero, contra  
transgressionem Gallorum positum, ne-  
scio an haëtenus prohibuerat ne quis ex  
Gallicis Academijs in hanc Patauinam  
celeberrimam accederet: certè mihi ex  
Parisiensi in Pisanam olim accito obsta-  
re non potuit, quin ad Patauinam Philo-  
sophiæ cathedram nulli secundam gra-  
dum fecerim. Quæ in re non aliud mihi  
magis, ac patriæ dolendum venit, quàm*

*quòd ex tot viris omni doctrina, ac eruditione instructissimis, quos ad  
Gallici nominis splendorem huc aduocari oportebat, mihi omnium te-  
nuissimo id muneris demandatum est. Quanquam autem nolim vt ex  
mea tarditate iudicium feratur de alijs, qui hanc Prouinciam sustinere  
poterant honorificè, tamen facere non potui dum expectatam pacem  
opperiens patriam cogito, quin monumentum aliquod philosophicæ con-  
certationis hîc relinquerem, vt dum omnia bello exercentur, etiam Phi-  
losophi moueant lacertos, & cum Diogene potius dolium conuoluant,  
quàm ferientur. Veterum Philosophiam cum Peripatetica commit-  
tere volui, vt ex utriusque conflictu absistant veluti quædam scintillæ,  
vnde veritas tenebris inuoluta quodammodo deprehendatur. Sed vt  
illa vetustior iam ferè explosa pugnet in alteram non tantùm viribus  
integris, sed etiam autoris & interpretum suorum nomine fauorabi-  
lem, non putavi producendam esse separatim Anaximandri, Democriti,  
Anaxagoræ, Empedoclis, aut alterius veluti delumbem, Philosophiam,  
sed quod ex singulis visum est non indignum, quod Aristoteli opponere-  
tur.*

tur, siue ita, siue aliter intellexerint, in unum contuli velut militem interpo-  
 lem rationibus suis instructum tanquam armis, quibus Peripateti-  
 cum aduersarium petendo vehementer, & eius tela cautè declinando,  
 videatur vter victoriæ palmam referre debet. Id verò maximè bene-  
 uolis omnium animis penitus infixum hæere velim, ut si vtraque pars  
 a veritate longè desciscit, cum agitur de primo motore, de anima, de  
 infinito, de mundo æterno, & alijs, quæ tam in antiquis, quàm Ari-  
 stotele vulgo reprehenduntur, ne minimam quidem inde fieri decessio-  
 nem doctrinæ Christianæ, quæ nullius profani Philosophi nititur som-  
 nijs, sed diuinæ solùm autoritati. Quoniam autem pugna cuiusdam  
 hîc speciem instruxi, necesse visum est ultro citroque dimicantes intro-  
 ducere, quod ita præstare conatus sum ut vanos dialogorum sermones  
 amputans, ea quæ faciunt ad rem breuiter & citra partis alterius præ-  
 uaricationem comprehenderim, ac nisi eo dicendi genere usus fuisset,  
 euassisset concertatio duplo longior in aduersarijs rationibus afferendis  
 ac refellendis. Nec verò aliud patiebatur inscriptio Circuli Pisani, in  
 quo Doctores Collegæ veluti totidem paria nobilium Gladiatorum de-  
 scendunt in arenam philosophicam, non ut alibi conflictum discipulo-  
 rum spectaturi, sed ipsi inter se alternis inuehendo, propugnandoque  
 acerrimè disceptant de rebus suis, non minori interdum contentione,  
 quàm quos aiebat olim Statius Papinius, Pisæa lege trementes Curre-  
 re, & Oenomai fremitus audire sequentis. Ne quis igitur inanes Dia-  
 logi colloctiones hîc expectet, sed Pisani Circuli asperissimam decerta-  
 tionem, in qua tamen concisam disceptandi legem non seruo, ne oratio  
 toties interrupta molestam afferat confusionem. Illud quoque mihi  
 purgandum venit, quòd in hoc libro non modo physica cum metaphy-  
 sicis, sed etiam cum theologicis permiscetur. Scio non esse Physici  
 agere de primis Intelligentijs, nisi quantum sufficit ad explicandam  
 motus æternitatem, sed quoniam & ipse Aristoteles existimauit hoc  
 fieri non posse nisi considerando an primus motor esset vnus, immobi-  
 lis, infinitus, intelligens, incorporeus, hanc opinor veniam dabunt  
 Theologi, ut saltem in hoc libro pro libertate qua in dialogis aliquan-  
 tum digredi fas est, accedere liceat ad fontes Theologiæ, sine quibus  
 sicca remanet tractatio de primo motore. Ceteræ partes scientiæ na-  
 turalis id auxilij non efflagitant, proinde suis terminis, quantum fie-  
 ri poterit, continebuntur. Accedit illud quoque venia dignum, quòd  
 octauum librum phys. libros duos de ortu, & interitu, & tres de anima  
 pri-



primos emittam, ut tentamentum fauoris publici, quo si benignè excipiantur, in promptu sunt aliæ partes in priores phys. de principijs, de cælo, & de meteoris, in quibus duos Philosophos, quos appellare libet Charilaum, & Aristæum, illum Aristotelis, hunc antiquorum causam agentem introduco. Eos ego non pro mea, quæ nulla est, dicendi facultate, sed pro dignitate rei, & propensa omnium in Philosophos synceros benignitate sic audiri velim, ut si qua lux inde affulget, ea nos damnatis tenebris ignorantia superstitione ad perfectæ veritatis fontem deducat.

## De intentione & ordine Aristotelis in hoc libro.

### C I R C V L V S P R I M V S.

#### CHARILAUS. ARISTÆVS.

**C**HARILAUS. Tandem ad librum octauum physicæ ascultationis deuenimus, ex cuius doctrina quàm vana sit opinio antiquorum de indiuiduis corporibus, vel, ut ais, substantijs primis, & simplicibus, demonstrabitur: in alijs enim fortasse licet tergiuersari, hic autem nullus videtur subterfugiendi locus, nisi quis humanæ simul, ac diuinæ philosophiæ fidem abrogandam existimabit. **ARIST.** Gratulandum igitur tibi potius, quàm vltèrius contradicendum, elinguem enim me magis, quàm inuium & irreligiosum haberi cupio. **CHAR.** Immo quàm maxima potest contentione repugnes oro, quæsoque, ne saltem antiquorum prauaricari causæ videaris, cuius tu te non affectatorem & assensorem præbes, sed defensorem. **ARIST.** Age sis ergo nunc, ut par est ante congressum, mihi Aristotelis mentem in hoc libro atque intentionem aperias velim, oportet enim hoc opus artificio mirabili limatum, atque elaboratum esse, quo veteres irretiti ne hiscere quidem audeant. **CHAR.** Mirabili prorsus, ac lane diuino, ut si nihil aduersarijs nostris in doctrina Aristotelis laudandum occurrit, in ordine tamen quem tenet, non modò quod carpant ipsi nihil habent, sed eum præcipuè mirantur, & obseruant. Perfecta, ut dixi, tractatio corporis naturalis consistit in declarandis eius principijs, & accidentibus: cum ergo Aristoteles egisset lib. i. de principijs rei physicæ, secundò de principijs cognitionis, reliquis vsque ad octauum de motu vniuersò, usque speciebus, & continuitate, atque alijs accidentibus physicis consequentibus motum, supererat ut tractaret de motus æternitate præcipua cer-



tè ipsius affectione, quæ physico maximè consideranda est, ac proinde per causam cognoscenda, quemadmodum sibi proposuerat Aristoteles 6. phys. tex. ultimo, qui optimè connectitur cum octauo, propterea quòd liber septimus est tantum introductio ad octauum vbi clarissimè statuit agendum sibi de motus æternitate: Quare hic liber intelligi non potest nisi positis, & probè perceptis ijs omnibus de quibus libris præcedentibus disseruit. Hæc ratio permouit nonnullos vt dicerent priores omnes libros conscriptos esse ab Aristotele propter octauum, vbi de primo motore agitur, ad quem cætera omnia referantur. Vt vt sit certè de septimo dubitari non potest, quin sit propter octauum, ad quem est veluti præparatio, vt optimè notarunt Alexander, & Simplicius longè perspicacius quàm Eudemus, qui septimum superuacaneum esse dixit, non aduertens licet in vtroque sint eadem theoremata, in septimo tamen rudè quodammodo adumbrata, in octauo verò diligenter & exquisitè, vt a facilioribus nos ad maiora, & mirabiliora deduceret. Notandum est hîc aliud esse loqui de subiecto, aliud de intentione: subiectum statuitur notum, intentio est de ijs quæ ignoramus, & inquirimus: Quare in hoc libro octauo non est quærendum aliud subiectum a subiecto aliorum septem librorum, sed sola Aristotelis intentio: & perperam illi philosophantur qui dicunt subiectum huius libri esse motum æternum, ita enim intentionem cum subiecto confundunt. Male etiam qui dicunt subiectum esse corpus naturale mobile motu æterno: Nam si intelligant idem corpus naturale, quod est subiectum octo librorum, proprium subiectum non determinant: si verò intelligant speciem corporis naturalis, nempe cælum, hoc falsum est, quoniam hîc agitur tantum de corpore naturali vniuersè, non de speciebus. Male denique illi qui dicunt subiectum esse primum motorem, ducti autoritate Auerrois, qui deceptus hîc ait Aristotelem loqui de æterno motore, & propter hunc de motu æterno. Quia quod nobilius est habet rationem finis, & præcipuè consideratur. Sed negandum est huiusmodi principium in scientijs contemplatiuis, in quibus rerum omnium cognitio per se expetitur & quæritur, maximè verò quando alicuius rei non sit perfectæ tractatio, vt primi motoris hîc, sed tantum in metaphysicis. Dicendum itaque est primo intentionem Aristotelis esse, vt agat de motu æterno, tanquam de affectione corporis naturalis, de primo motore verò quatenus est principium æterni motus, quo manente, vt dicitur tex. 52. necesse est manere quidquid principio continuum existit; & ex 12. metaph. t. 56. nisi darentur substantiæ abstractæ, nihil esset. Ratio est, quia cum in scientia non tantum subiectum consideretur, sed etiam principia, & affectiones, primus motor hîc consideratur vt principium affectionis naturalis, non autem vt subiectum physicum quod in se principium motus habere debet. Ita motus ipse, locus, vacuum, tempus, & alia, quæ non habent in se principium motus considerantur in physica non vt subiectum, aut principium, sed sicut accidentia subiecti. Ex quo intelligitur quod ait Philosophus tex. 71. secundi phys. Quæcunque mota mouent sunt physica considerationis, quæcunque verò non mota mouent, non amplius. Et 73. Duplicia autem sunt, inquit, principia mouentia physice, quorum alterum non est phy-



physicum , non enim habet motus principium in seipso : vult enim tantum  
 primum motorem non esse physice considerationis , vt subiectum . Dicen-  
 dum secundò demonstrari hinc primum motorem secundum existentiam ,  
 non autem essentiam . Probatur prius assumptum , quia naturalis ita argu-  
 mentatur , datur corpus naturale mobile motu æterno , ergo datur motor  
 æternus huius affectionis causa pertinens ad naturalem philosophum , qui  
 affectionem per causam vult cognoscere , & ita demonstrare primi motoris  
 existentiam saltem confusè . Alterum assumptum ostenditur , quia & si na-  
 turalis demonstret dari motorem æternum , non tamen ex motu æterno spe-  
 ctat ad naturalem progredi ad inuestigandum quid sit primus motor , sed ad  
 metaphysicum , qui vtens conclusionem iam probata a naturali , quod ex mo-  
 tu æterno detur motor æternus , progreditur ad inuestigandum numerum ,  
 & conditiones essentielles æternorum motorum , ad cognoscendum non iam  
 confusè vt naturalis , quòd sint , sed distinctè quòd sint , & quid sint , nempe  
 æternus , vnus , immateriatus , immobilis , & intelligens . Potest tamen phy-  
 sicus attingere omnia attributa primi motoris , quæ faciunt ad declarandum  
 quomodo sit principium æterni motus . v.g. quòd sit immobilis & a materia  
 abiunctus , sic enim demonstratur non defatigatum iri mouendo . Ex his  
 colligitur veram esse sententiam Auerrois 1.phys.comment.vlt.& 8.phys.3.  
 demonstrationem de primo motore æterno omnino esse naturalem , non mo-  
 dò quia sit medio naturali , scilicet motu æterno , sed etiam quia subiectum  
 in scientia sua neque a priori , neque a posteriori demonstrari potest : At pri-  
 mus motor continetur sub metaphysice subiecto , vnde Aristot. 6. metaphys.  
 initio aiebat si non darentur substantiæ separata , non esset metaphysica .  
 Ergo cum primus motor non possit demonstrari a metaphysico restat vt a  
 physico demonstretur , proinde fusius lib. 8. phys. breuius verò in metaphy-  
 sica lib. 12. hæc demonstratio repetitur . Colligitur secundo falsam esse eo-  
 rum opinionem qui dicunt demonstrationem de existentia primi motoris  
 esse metaphysicam , probatam tamen medio naturali , quia ex primo posse-  
 riorum non potest fieri transitus a genere in genus , id est non potest conclu-  
 sio vnius scientiæ probari medio alterius scientiæ diuersi omnino generis ,  
 nam cuius est medium , non cuius est quæsitum , eius est demonstratio . Ita-  
 que conclusio quæ in aliqua scientia demonstrari non potest medio proprio ,  
 cum alio vt non liceat , in ea est absolutè principium quod non demonstra-  
 tur . Metaphysicus igitur ad probandum primum motorem esse substan-  
 tiam immobilem accipit naturalem conclusionem . Quod deur æternus  
 motus , proinde motor æternus : ex ea conclusione naturali progreditur ad  
 cognoscendam essentiam æterni motoris : nam ex eo quòd æternè mouet  
 concludit separatum esse a materia , quoniam nulla virtus materiata æter-  
 num motum ciere potest . Ex eo autem quòd sit expers materiæ , cognoscit  
 esse substantiam incorpoream , actum purum , & intelligentem . Atque ex  
 his tandem habebimus contra eos , qui nihil præter corpora recipiunt in  
 vniuerso dari res aliquas a materia separatas , ac proinde dari ipsam mate-  
 riam primam , qua admissa frustra omnino indiuidua corpuscula comini-  
 scuntur . A R I S T . Nimum opinor immoramur in ijs minutis curcu-  
 lium

liunculis de intentione Aristotelis, & de scientia ad quam pertinet cognitio primi motoris. Nunc pro libertate nostra disputandi consideremus hanc, quam dixisti, necessitatem tam materiæ, quàm primi motoris Aristotelici, hac enim concessa indiuidua corpuscula valere iubebimus. Sed vereor ne in limine ipso sit hærendum, nam vnicum illud medium ad probandum primum motorem, scilicet motus æternus ab omnibus non recipitur.

CHARR. Tanto validius probabitur seiunctio primi motoris a materia, quoniam motus qui iuxta multos initium habuit, habere profectò non potuit nisi a motore separato. Ideo laudatur Anaxagoras 8.phys.37. qui mentem a Chao posuit separatam vt esset principium motus. Multò minus potuit ex nihilo creari mundus, nisi principium a materia secretum constituatur. ARIST. Non igitur versamur amplius in philosophia naturali, nam vestra metaphysica de substantijs abstractis erit mera Theologia, quæ non est habitus scientiæ, sed medius inter scientiam, & fidem, vtpote cuius conclusiones innituntur semper propositioni sola autoritate cognitæ: atque ita fatendum tibi est primum motorem a materia secretum non posse demonstrari a philosopho naturali, sed neque a metaphysico, qui sumit a physico motum æternum tanquam principium, quod nulla ostendi potest demonstratione. CHARR. Fateor primum motorem non posse demonstrari a Metaphysico Christiano affirmante motum æternum esse vnicum medium ad hanc demonstrationem: sed dicent alij esse quidem optimum medium posita opinione Aristotelis de ipsius æternitate, esse tamen alia non aspernanda, quibus hoc ipsum probari potest.

## De medijs ad primum motorem demonstrandum.

### CIRCVLVS SECVNDVS.

#### ARISTÆVS. CHARILAVS.



ARIST. Certe Auerroes 8.phys.com.3. ait cæteris medijs leuioribus, quæ alij laudant, posse nos tantum eleuari ad cognitionem primi corporis. Atque illa media vel sunt physica & proinde motum præmittunt, vel sunt diuina & a materia abstracta, quæ est principij petiti manifesta. Quare Aristoteles solo motu æterno continuo & vno, puta coeli motu vti videtur, quod non faceret, si alia media existimaret efficacia. Optimè enim vidit philosophus non posse demonstrari primum motorem ex quocunque motu etiam æterno, qualem admittebat Empedocles, qui vicissim mundum, & sphærum esse volebat, ita vt motum subinde quies interromperet. Nam ex tali motu nihil aliud concluditur, quàm dari primum motorem immobilem, eo modo quo animæ animalium di-



## Motorem demonstrandum. Circ. II.

7

dicuntur immobiles, hoc est non per se mobiles, sed ex accidenti ad motum corporis quod informant. Itaque cum aduersarij ita argumentantur, datur motus qualiscunque sit, ergo ab alio, & ita sistendum est in aliquo primo immobili, de quo quæritur an sit æternus, an non: si primum habetur intentum: si secundum debet interiri ab alio priori motore contrario, ac proinde non erat primum contra hypothesim. Ad quæsitum aduersariorum responderi potest ipsorum primum motorem esse mortalem sicut animas caducorum animalium, & eodem modo atque ipsas corrupto subiecto deficere, licet contrarium non habeant: Ita primum ipsorum motorem esse formam cœli compositi ex elementis, vt multi dixerunt ex antiquis. Ergo nisi Aristoteles intelligatur de cœli motu æterno continuo & vno non rectè inferetur ex quæstione proposita dari primum motorem æternum. Iam verò cum non detur hic motus, quod medium efficax supersit, non video. Fortasse dicet aliquis cum Auicenna datur bonum, ergo melius, ac tandem optimum. Vel perfectum perfectius perfectissimum. Vel datur ens ab alio pendens, ergo & aliquod supremum, ne processus in infinitum admittatur. Respondet optimè Auerroes ostendi tantum dari ens ab alio non pendens, sed non propterea a materia abiunctum: Immo philosophi illi qui res solas corporeas agnoscebant, vt ait Plato in Sophista, dicerent illud optimum esse cœlum, nec alium esse primum motorem. Igitur recurrere debes ad motum cœli continuum, & æternum, qui tamen neque hic, neque primo de cœlo rectè ostenditur. Deinde debes inferre omne corporeum esse mobile, ita vt quidquid mouetur ab alio moueatur, nec dari processum in infinitum, nec regressum in mouentibus & motis, quod falsum tamen esse videtur, & per hæc ad cognitionem primi motoris vnus, æterni, immobilis, a materia separati & intelligentis vis peruenire? CHA R. Quid igitur dicerent antiqui de argumentis Aristotelis ad probandam motus æternitatem? A R I S T. Dicerent valida esse non ad probandam in cœlo motus æternitatem, ex quo solo primum motorem separatum a materia fortassis inferre poterat, sed ad probandam æternitatem motus in corporibus indiuiduis a quibus inquirunt, primum motorem nec esse separatum, nec distinctum. CHA R. Ne dixerint esse valida argumenta ad probandam æternitatem motus, quem initium habuisse certò credimus: non est veritati diuinæ contraria veritas naturalis. A R I S T. Istud considerabimus commodius ad primum de cœlo, ne sæpius idem repetatur, interea profer alia media quæ putas idonea ad probandum dari primum motorem a materia separatum. CHA R. Non adeo leuia, vt videntur Auerroi, dixerim alia media, quibus id potest demonstrari. Mitto Stoicorum opinionem, qui dicebant nos ad diuina subleuari catena quadam ex subordinatis causis contexta, qua sicut omnia descendunt ex primis, ita & ad prima ascendunt. Trilicem viam ad id ostendebant Academici. Prima est per diuinam quamquam motionem, qua excitamur ad sublimia contemplanda, vi cuius Iamlicus, qui inter Academicos diuini cognomen obtinuit, ait in nobis insitam esse cognitionem diuinitatis. Verùm ista motio potius excitat desiderium cognoscendæ diuinitatis, quàm vt de ea certam vllam pariat cognitionem.



nem. Secunda via est per negationem, vehementer laudata a Dionysio, qui nimirum de diuinitate omnem imperfectionem negamus, sed cum negatio excludat tantum, & nihil in re ponat, non potest sine affirmatione ducere nos ad vllius rei perfectam cognitionem. Tertia via quæ sola videtur esse certa est ea quæ per opera causam primam nobis ostendit. Opera vel interna sunt, vel externa. Interna nimirum intelligere & velle nihilo sunt notiora nobis, quam ipsa causa, a cuius natura non distinguuntur. Externa sunt ipse motus, quo regitur vniuersum, imò ipsum vniuersum est maximè externum illud opus; quod primam causam abstractam a materia manifestat, cum ab ipsa ex nihilo sit productum. Vt igitur per motum huiusmodi ad primam causam eleuemur, sic argumentari debemus cum Aristotele 7. & 8. phys. Quidquid mouetur ab alio mouetur. At in mouentibus, & mobilibus utpote causis subordinatis non datur processus in infinitum. Ergo datur primus motor. Iam ille vel est immobilis, vel a se mouetur: si primum, habetur intentum: si a se mouetur, includit partem immobilem, ratione cuius moueatur: Quidquid enim a se mouetur, a tali principio moueri debet. Rursus de illo motore immobili quæritur an sit æternus, an non: si istud dicis, ergo non erit primus, sed ab alio priori generabitur. Dicendum est igitur esse æternum, ingenitum, a nullo finitum, sed a se, ac proinde & incorporeum, infinitum, quod ab alio non pendens, totum vniuersum a se dependens ex nihilo produxit. A R I S T. Vt video conglobatio isthæ argumentorum nititur huic principio. Quidquid mouetur ab alio mouetur, quod propterea nobis est accuratius discutiendum. C H A R. Dicam igitur quid de ea re sentiam cum optimis Peripateticis, antiquorum quoque ipse opinionem declarabis. Ac primum ea quæ mouentur violenter, constat ab alio moueri. A R I S T. In proiectis corporibus, vel extrusis ab alio fortiori locum occupante, concedi potest: at in ijs quæ mouentur ad se inuicem sympathia, negari debet: Vtrumque enim cæteris paribus æquali velocitate mouetur sponte versus alterum cognationis necessitate, quemadmodum videre licet in magnete & ferro supernatantibus, nam vtrumque arietantium in morem accedit modò, modò recedit. Neque etiam facile concesserim in proiectis & extrusis omnino motum fieri ab alio, nisi vt a conditione. Cur enim non dicam pari iure posito impulsu contrario corpus quod impulsus dicitur, ferri a se tam naturaliter, quam duo magnetes contrarijs punctis oppositi a se discedunt, desinere autem moueri vel ob vim oppositam, quam habet cum alijs corporibus se coniungendi, vt in lapidibus in aerem proiectis & terram amicam appetentibus, vel ob medijs resistentis impedimentum? Sed nunc parum refert an acta violento motu ab alio, an a se moueantur. C H A R. Refert sanè quam maxime, quando quidem illi qui materiam Aristotelis, & qualitates, atque affectiones ab ea distinctas non recipiunt in motus violenti explicatione violentam afferant expositionem necesse est, tam in declarando quid sit ille motus, quam in causa illius afferenda. A R I S T. Tibi ergo materia & qualitatibus illis instructo cum perfacile sit rem totam aperire, quæso breuiter ediffere quæ si causa illius motus violenti.

*Quidquid  
mouetur ab  
alio mouetur.*



## De motu proiectorum.

## C I R C V L V S T E R T I V S.

CHARILAVS. ARISTÆVS.

**C**H A R. Nomine motus violenti intelligendus est quicumque motus ad locum factus ab externo principio in corpore repugnante, qualis est motus in sagitta deorsum vibrata maiori quam exigit velocitate qua ratione est illi violentus, quatuor deorsum ferri sit illi naturale. Huius motus hic queritur causa: nec deest ratio dubitandi, cum mouens, & motum debeant esse simul & se inuicem tangere, vt docet hic Aristoteles, arcus tamen iam vibrata sagittæ non est coniunctus. Opinio philosophi videtur esse tam hic, quam 3. de coelo tex. 28. & 4. phys. tex. 68. Simplicij, Auerrois, ac Themistij fieri motum huiusmodi ab aere pulso ita vt manus primo moueat arcum, arcus sagittam, & aerem circumstantem qui aliam impellit a quo deinceps sagitta ferrur, cui adiungenda est circumobstantia, vt aiunt, idest impulsus accurrentis a tergo aeris metu vacui, quæ vis est supra quam credi potest idonea ad impellendam sagittam, ad quam subinde alius atque alius aer accurrit, ne detur vacuum, minori tamen paulatim velocitate, donec sagitta moueri planè desinat. Huic circumobstantiæ, vel potius concursationi tantum tribuit Aristoteles, vt dicat 8. phys. t. 82. circumobstantia simul omnia moueri facit & mouere. De aere verò proiecta deferente sic habet 3. de coelo tex. 28. Ad ambo autem tantquam instrumento vtitur aere, natus est enim hic & levis esse & grauis. Eam igitur quæ sursum est faciet lationem, quatenus levis est, cum pulsus fuerit, ac sumpserit principium ab ipsa potentia: eam verò quæ deorsum, rursus quatenus grauis est: veluti enim imprimens tradit vtrique. Ob hanc causam Aristoteles negat motum proiectorum in vacuo fieri posse, aere scilicet quo proiecta feruntur, deficiente. A R I S T. Hæc omnia si nihil aliud habes ad proiecta sustinenda, ruunt vel vnica experientia sapius a me obseruata. Glans plumbea acta sclopo mediocri trium passuum distantia tabulam ligneam vnus digiti facile perforabat, at ex editissimo loco in eandem displosa nihilo magis tabulam perforabat, quam dum suo motu prolabi sinebatur. Quæ ratio plane destruit illam circumobstantiam non modo in proiectis deorsum, sed etiam in accelerantibus motum naturalem descensus, debebat enim glans illa plumbea accurrente a tergo aere metu vacui moueri semper velocius. C H A R. Ita est si sola concursatio siue impulsus aeris metu vacui accurrentis, causa esset. Sed accedit præterea deferens aer, qui impulsus a primo mouente proiectum deferit, & paulatim moueri desinit. A R I S T. Sed quis est ille aer deferens? An qui a primo mouente impulsus



proiectum amplectitur & comitatur? at de eo redibit eadem difficultas ac de proiecto, a quo scilicet deferatur. An est alius atque alius aer impulsus? At aer qui ne vnciam quidem plumbi sustinet, etiam vento flante vehementius, quomodo globos centum librarum ad quinque milliaria deferre potest etiam aduerso spirante vento, contra quem incredibile est aerem ipso vento celerius manu propelli cum projicitur lapis? Iam quid de nucleis dices compressu digitorum etiam sub aqua expulsi, a quo aere deferuntur? Trochus politissimus circumactus aerem mouere potius quam ab eo moueri videtur, sentitur enim in aere paulatim maior quædam motus acceleratio. In aqua vero, a quo aere circumfertur? Cur floccus laneus proiectus non fertur longius ab aere, quam lapis? Cur ferrea cuspis lanceæ infixæ, aut lancea cuspidi longius quam si solæ essent, projiciuntur? Cur appensus funiculo lapis, si remouetur a perpendiculari vltro citroque diu vibratur, minimè verò laneus floccus? Ne dicas fieri ob mediæ repugnantiam, quæ a graui, non autem a leui faciliè superatur: nam etiam aer proiectum deferens facilius leue, quam graue sustinet, & quæ difficultas est in resistendo eadem reperitur in impellendo. CHA R. Propter hæc argumenta Niphus vult Aristotelem concessisse non modo aerem deferentem, & concursiōem alterius aeris a tergo accurrentis, sed etiam qualitatem secundæ speciei, quam alij virtutem impressam, alij impetum appellant. Vult, inquam, illa verba 3. de cœlo t. 2. (Veluti enim imprimens tradit vtrique) ita accipi, vt per (vtrique) tum proiectum, tum aer intelligatur, & per (imprimens) virtus impressa designetur. A R I S T. Velit hoc quidem Niphus, sed Aristoteles vult illud (vtrique) intelligi tantum de aere ipso, prout modo grauis est & tantum inseruit motui deorsum, modò leuis est, & motui fursum tantum inseruit. Sed quidquid sit de mente Aristotelis quem pro arbitrio vestro quocunque deducitis: Imprimi non potest proiecto qualitas illa: Non enim eo instanti quo res a projiciente separatur, nam sequeretur contra quam existimatis, motum turbinis in principio, quam medio fore velociorem. Sed neque vllō tempore potest imprimi: certe non eo quo proiectum iam separatum est: sed neque quo mouenti coniungitur: lapis enim diu multumque agitato si tunc gradatim impetum acquisiuisset; quid est quod aperta manu defluit in terram immotus? a quo corrumpitur momento citius quod gradatim productum est? nihil enim successione quadam genitum, maximè cuius conseruatio a causa sua primaria non dependet, vno instanti perire potest, a quo contrario igitur non paulatim sed tam violenter opprimitur, vt ne transfuersum quidem vnguem excurrat? Quare cum iuxta productionis suæ naturam interire deberet, accidere videremus lapidi ex velocissimo motu represso, quod aibus in ipso volatu interceptis, quæ sibi relictæ statim auolant. CHA R. Responderi faciliè potest hanc qualitatem & tempore produci, & momento: momento quidem vbi primum incipit esse, tempore vero, cum iam perfectior euadit, & paulatim diffunditur in totum corpus: Imprimi-  
tur enim partibus pellenti vicinioribus, deinde cum sit qualitas agens paulatim se se extendit ad partes profundiores rei projectæ. Et hinc fit vt trochus aut turbo initio proiectus quasi vacillans moueatur, quia nimirum im-



petus est fortior ex vna parte, quàm ex alia, in medio verò motus trochus velocissimè fertur, ita vt sensu vix motus deprehendatur, sed videatur dormire, quia impetus æqualiter possidet omnes partes. Posset etiam huius rei alia afferri ratio, quòd nimirum initio duplex impetus trocho sit impressus, vnus quo circumuoluitur in seipsum, alter quo longiori circuitu agitur: Hic autem posterior impetus quodammodo priorem remoratur, quia partes aeris occurrentes impediunt alium motum circumuolutionis in seipsum, desinente autem hoc impetu posteriori, solus prior iam dominatur.

A R I S T. Mira narras de ista qualitate: sed illud incredibile, quòd cum instar luminis careat contrario, per totum corpus non producat puncto temporis, sed paulatim, vt ais, extendatur. Ergo veleadem de subiecto in subiectum transit, vel pars imbuta hac qualitate aliam similem producit in reliquis, cum tamen qualitas secundæ speciei non sit sui similis procreatrix, velemanat a subiecto sine causa externa efficiente. Res auditu dura, sed illud durius, quòd assignari non potest a quo corrumpatur illa qualitas maxime in illa glande plumbea sclopo deorsum extrusa, non enim a grauitate plumbi qua potius adiuuatur vt feratur velocius, adiuuante præsertim vtriusque aeris comitatu.

C H A R. Qui paulatim eam qualitatem produci volent, dicant id fieri per emanationem.

A R I S T. Profecto nihil insulsius dicere possunt, vt ostendam cum de emanatione sermo erit: Et verò si res ita emanant, nunquam deberent interire in subiecto tam copiosè fruticante, præcipuè verò qualitas illa deficere non deberet in plumbeis glandibus deorsum actis.

C H A R. Necesse est interire, quoniam & si grauitas fert deorsum, opponitur tamen qualitati, qua graue velocius quàm par est impellitur.

A R I S T. Opportunè qualitatis illius emplastrum doctrinæ vestræ de motu proiettorum imponitis, nam concursio sola aeris effecisset semper motum velociorem in ijs quæ deorsum vibrantur: huic malo, inquam, commodè qualitatem licet putidiorem adhibuistis.

C H A R. Nec tu habes suauioris quidquam odorationis. Iam verò qui putant qualitatem impressam instar luminis momento produci totam, vtantur secunda responsione de impetu duplici, quo fit vt turbo velocius in medio, quàm in principio moueatur. Ita sagittæ quæ initio feruntur titubanter, leuius feriunt propinquiora, quàm remotiora aliquantò, quoniam aerem secando diriguntur, & contrarium perdunt impetum. Dubitari tamen potest an absolutè proiecta quocunque modo feruntur initio tardius, et ex velocius: Omnibus ferè ita videtur, nam inquit lapis grauius ferit ad quinque passus, quàm ad tres digitos, sic etiam globi tormentorum, gladius quoque ad vulnus inferendum libratus altius descendit in remotum, quàm in propinquum, & calcibus fortius appetuntur ij qui vno passu distant ab equo, quàm qui ab eo propius absunt. Hæc satis bellè declarantur admissa qualitatis impressione, quæ quidem, vt aliqui dicunt, se extendit, vele etiam si ab efficiente tota imprimitur eo vltimo tempore quo emittitur proiectum, quoniam tamen initio medium immotum reperitur, duo sunt illi munera obeunda, scilicet proiectum deferre, & medium aliquam in partem concitare, vbi verò aer facillè permeabilis impulsus est, iam vltro accurrit, & dum



metu vacui rem a tergo prosequitur, ipsam propellit. Quare & si qualitas paulum hebetior reddita est in medij difficultate peruincenda, maior tamen est opportunitas ex eiusdem medij concitatione, atque ita proiectum ea difficultate superata fertur velocius, quàm initio, & nisi qualitas illa paulatim intercideret, semper motus esset velocior. A R I S T. Si admittis proiectum plus acquirere velocitatis ex aeris concitatione, quàm deperdere ex remissione qualitatis, paulatim aeris agitatio tantum inualefcet, vt penitus extincta qualitate sufficiat ad proiectum deferendum, nisi grauitas esset impedimento, ita vt si impelleretur corpus expers grauitatis, aut eiusdem omnino atque ipse aer, excurreret infinite propter vim aeris semper ipsum a tergo insequentis, quod etiam de aere pulso verum esset, cur enim potius sagittam, quàm aerem aer sequeretur? Vnde potius confici debet proiecta ab aere non propelli, quippe tantum officit diuidendus ille qui antecedit, quantum iuuat qui subsequitur. Quod autem proiecta non tardius initio moueantur, sed citius postquam omnino separantur ab impellente, probatur vel ex eo quod ab ea disunctione semper occurrit nouum impedimentum resistentis medij, in quo penitus superando sicut perit tota velocitas motus, ita in singulis partibus medij necessum est perire partem aliquam velocitatis. Si quæ autem segnius initio ferri videntur, oportet vel duos esse motus diuersos, quorum alter alteri incommodat, vel nondum omnino separari ab impellente. Motus quidem diuersi cernuntur in iaculis, sagittis, igne missili, dum initio ob impressionem motus multi ex recto, & circulari vacillant non mediocri velocitatis dispendio, donec compresso motu circulari ab aere, citius feruntur, & directius. Non omnino eadem est ratio de orbibus ligneis qui circumacta fascia longè emittuntur, quandiu enim voluuntur per aerem tardius procedunt praua lente motu circulari, vbi verò terram attingunt non exquisita politura lauigatam, sed tamen æquabilem & stratham arena solidata, tum demum excurrunt velocissimè, tardato videlicet ob terræ asperitatem circulari, & in lineam rectam se se effundunt. Qui dicunt globos tormentis bellicis emissos primum impetum habere remissiorem, oportet loquantur de ea distantia qua globus nondum est omnino a vi propellente separatus, nam spiritus e tormento prodiens non modo intus, sed etiam extra ad breue spatium globo iungitur, eumque pellit, quare cum est in ore tormenti forte nondum habet vltimum gradum velocitatis, quem ab igneo spiritu concipit. Quod si referant machinis illis distantia passus vnus muros labefactari minus, quàm si quingentis remouerentur, hoc primum temere dictum videtur, viri enim bellicosi & experientissimi rei militaris, cum possent longius recedere, admovent tormenta quàm proximè possunt ad fossas, & si non propius, ratio est, aut quia non licet, aut quod a ruina murorum sibi cauent. Deinde concedatur tormentum illud muro pene commissum minus celeriter globum emittere, nam sic manifestum est spiritum igneum præpediri defectu spatij, quod minus directò vim suam in globum exerit, quare tam versat in tormentum ipsum, quod propterea longius retroagitur, si quid impedimento est, aut desijcit omnino murus, aut tormentum dirumpitur. Mirum est autem tam multos fidenter asserere proie-



Et tardius initio ferri, qui legitimam huius rei experientiam nullam habent, neque enim valet allatum exemplum de sagittis, igne missili, globis bellicis. Obseruent potius globulos terreos missos ab arcu quo utimur in aucupio & directos in argillam mollem altius infigi distantia vnus digiti, quàm decem pedum, vbi nullo spiritu, sed solo neruo propelluntur: item pila ferrea sæpius illuc eadem manu, cominus, eminusque coniiciatur, neque inanes afferantur experientiæ de gladio, & de calcibus, leuiori siquidem plaga defungitur qui propior est manui vel pedi ictum libranti, quia tota vis spirituum non exeritur statim atque partes illæ moueri incipiunt, sed potius iuxta terminum ad quem feruntur, at in proiectis separatis totum illud est quod imprimere potest efficiens, quare nisi aliunde impediuntur, principium motus habere debent velocissimum. CHA R. Si pro tuenda qualitate impressa non sufficit motus directus proiettorum, considera reflexum ad quem illa penitus necessaria est. Finge pilam lusoriam percussam a pariete reflecti ad parem angulum, deinde vbi terram attigit, subsultim resilire, percussus illi in pavimento non fiunt secundum planum lineæ reflexæ a pariete, sed secundum planum parallelum lineæ incidenti, quod lusores apprimè norunt; puta si pila incidat in parietem per lineam meridianam, & reflectatur ad occidentem, percussus in terra non fiet ad occidentem, sed ad meridiem, propterea quod qualitas impressa, qua pila dirigebatur meridiem versus, occursum parietis præpedita produxit motum in aliam partem, vbi verò motus ille primum reflexus frangitur ad pavementum, quasi libera restituitur naturæ suæ, atque iterum pilam dirigit ad meridiem. A R I S T. Hoc perinde intelligitur, si respondeas motum impressum a lusore mox impediri a pariete, a quo alter imprimitur, eo verò deficiente priorem adhuc dominari, quemadmodum dictum est de duplici motu circulari, aut de circulari simul & recto: neque propterea necesse est re ipsa distinguere motum a mobili, aut qualitatem impressam confingere, neque aliud est intelligendum, quàm proiectum hoc ipso quod impullum est ad meridiem, eò tendere, deflectere verò atque tardari pro diuersis impedimentis, sed tamen abs te audire velim, quid ad motum reflexum confert ista qualitas? CHA R. Vt quæ maximè tam in motibus violentis, quàm naturalibus. Nam proiciens pilam in parietem, producit in illa impetum, quo poterat longius ferri: At ille impetus qui est potentia mouens, non corrumpitur a pariete, sed tantum actus eius secundus impeditur, nimirum motus quo verius illam partem ulterius procederet. Facit igitur impetus ille percussu, quod directè fecisset, ac proinde paries dicitur reflectere, sed improprie: Nam Aristoteles hoc lib. tex. 32. ait reflexam spheram non a pariete motam esse, sed a proiciente. A R I S T. Facile etiam tibi erit dicere cur hac pila proiecta in lanam non reflectatur, sed subito euascat illa qualitas, quæ tamen opprimi non debet nisi a contraria grauitate, vel leuitate. Cur ergo vbi quis pilam vibratam manu excepit, si eam ex porrecta manu liberam firat, non excurrit? Oportebat non opprimi vno momento qualitatem, quæ habet gradus, & amplius a proiciente non dependet, vnde lumine putatis, & tamen cum defrigit moueri pila, simul interit illa qualitas, quod ostendit eam a motu non distingu-

gui,



gui, cur enim pereat necessariò potestas cessante actu, non video. CHA R. Pèrit illa virtus impressa non momento, vt putas, sed breuissimo tēpore, quo mollicies lanæ pilam retardat, & impetus paulatim euanescit. Non tamen correpta in aere pila rursus exiliet aperta manu, quoniam hoc tempore licet breuissimo vis corrupta est. A R I S T. Quid vero si haberemus pilam contrariorum expertem, & eam in vacuo non resistente moueremus? CHA R. Tota moueretur æternitate, nisi aliunde motum in vacuo fieri prohibeatur. Aliqui tamen putant hanc qualitatem talis esse naturæ vt paulatim a se ipsa deficiat. A R I S T. Sed quomodo potest esse causa contrariorum motuum, directi scilicet, atque reflexi? CHA R. Posito parietis impedimento reflexè producit quod debuerat directè, cum ad vtrunque sit indifferens. A R I S T. Dic obsecro nunc de motu naturali, cū n pila decidens in terram resilit, etiamne reflectitur ab hac dardala qualitate? CHA R. In corporibus quæ motu naturali ciuntur emanat continuus impetus diuersus ab impetu proiectorum, eo quòd ille est secundum inclinationem rei motæ, hic vero contra, ille magis, ac magis inualescit, hic diminuitur. Neque nouum videri debet in corporibus motis per emanationem prodire nouam qualitatem mouentem, in ijsdem enim non alio modo pullulat calor. Hoc illis negari non debet, vt posita subiecti præparatione ad aliquam formam, illa statim emanet: Ab hoc impetu fit pilæ repercussus. Addunt alij vim aeris inter pilam terramque condensati, qui dum ad raritatem solitam redit, pilam subleuat, nec non ipsius pilæ partes, quæ compressæ terram comprimunt, vt cum quis pedibus solum pulsans saltu se in aerem subijcit. A R I S T. Non video hîc cur glandes plumbeæ sclopo deorsum expulsæ, corrumpant impetum sibi initio impressum, & post quinquaginta passus tardius descendant, mox impetum nouum in se producant, quo velocius longè ferrentur ad finem, quàm initio, si ad centrum terræ, aut adhuc longius via pateret. CHA R. Talis est natura illius qualitatis. A R I S T. Sed neque video cur in leuibz sursum latis idem impetus non emanet, ita vt fumus velocius semper moueatur, qui tamen ex aqua celeriter erumpens tardè per aerem & æqualiter fertur. CHA R. Idem etiam fumo atque igni vsu veniret quod grauibz, nisi per aerem dissiparentur. A R I S T. Pudet aliquid opponere compresso aeri pilam, vt dicunt illi, subleuanti, cum aer sub pila tangente terram sit instar puncti. De pila verò quæ locustarum in morem se attollit longe res est ingeniosior, nisi solidissima corpora citra hanc compressionem resilirent, quod etiam de lumine ipso dicendum puto. Quare consultò facietis si ab ara illius qualitatis impressæ, quid quid sentiat Aristoteles, non recedatis. Non possum tamen hîc dubitationem, quæ nunc occurrit, dissimulare. Ex Aristotele hoc lib. t. 67. datur quies in puncto quo quid reflectitur, saltem breuissimo tempore: At tale sufficit ad opprimendam hanc qualitatem impressam, vt diximus de pila vibrata quæ si manu correpta subsistat paulisper, totum impetum amittit: Ergo proiectus lapis, aut sponte decidens ab hac qualitate non reflectitur.



## De quiete in motibus contrarijs.

## CIRCULVS QVARTVS.

## CHARILAVS. ARISTÆVS.

**C**HAR. Quanquam Auer. putat intercipi quietem in motibus reflexis naturalibus, alij verò existimant in omni motu reflexo dari tempus aliquod quo mobile non moueatur, non aliam tamen dari quietem necesse est, quàm cessationem a priori motu nullo tempore interposito. Hoc enim sufficit ad hoc vt motus reflexus contrarius esse dicatur motui directo, quæ ratio vna erat quietis illius inducendæ. Exemplo sint duo motus contrarij calefactionis & refrigerationis qui possunt esse ita sibi contigui, vt inter vtrunque non sit medium: ergo pari modo motus ab A. ad B. & a B. ad A. poterunt ita sibi esse contigui, vt nullum tempus sit interpositum quo subiectum ad alterutrum terminum non moueatur. Ergo non necesse est in motibus contrarijs dari quietem tempore, sed momento cessationis, quo licet continui non sint, sunt tamen contigui motus contrarij & sibi proximè succedentes. **ARIST.** Pace ergo Aristotelis dictum sit: nam ille hic tex. 71. infert esse absurdum dicere non intercipi tempus aliquod in motu a nigro ad album, & mox ab albo ad nigrum, quia eodem momento tria illa reperirentur interitus non albi, generatio albi, & mutatio ex albo in non album, atque ita simul idem destrueretur, & fieret. **CHAR.** Rationem hanc affert Aristoteles, vt probabilem: nam tex. 70. hanc & sequentes appellat dialecticas. Caterum mens eius est ostendere inter motus contrarios tempus intercedere, sed non semper. Quare in fine tex. 71. docet & tempus continuum sit in motibus contrarijs, non tamen ipsos motus esse continuos, ob formæ varietatem, tuncque vnum instans dici debet virtute duplex, quo prior forma perit, & alia contraria ei succedit. Ita in motu reflexo idem punctum est finis motus directi, & reflexi principium in exemplo quod vulgo affertur de lapide molari, qui si ex edito loco descenderet, & illum e terra subiecta sagitta vibraretur, nullo tempore quiesceret ipsa sagitta, sed illi vltimum punctum ascensus esset descensus principium. **ARIST.** Hanc responsionem excludit Aristoteles clarissimè tex. 67. Nam, inquit, non est eadem ratio puncti vltimæ lineæ in quo aliquid reflectitur, & puncti medij in eadem linea per quod fit motus rectus. Non est enim necesse vt mobile quiescat in medio puncto, quanquam illud sit finis vnius metietatis & principium alterius, quoniam est tantum finis, & principium potestate. At in puncto quo quid reflectitur, necesse est inquit illud stare super recta, quia hoc punctum est re ipsa finis motus recti & principium reflexi. Ergo ex Aristotele datur semper quies aliquo tempore in motibus reflexis,



flexis, nisi aliquando interueniat causa potentior hanc quietem euertens, vt in exemplo tuo de lapide molari, & in pila a ludentibus percussa. Eo verò tempore quo quiescit proiectum in puncto, quo reflectitur, perire debet impressa qualitas non aliter quàm si detineretur manu, atque ita nihil reflectetur, nisi fuerit reperlum. Quare dicendum tibi est imprimi nouum impetum ab immoto reflectente. **CH A R.** Quin potius dicat aliquis tam breue esse tempus, vt prior impetus non intereat. Sed a responsione superiori non discedo, scilicet intercipi tantum quietem cessationis a priori motu, non temporis. Ad tex. 67. respondeo hanc differentiam medijs, & vltimi puncti afferri tantum ab Aristotele vt ostendat motum continuum super recta in nullo puncto medio interrumpi quiete propriè, vel impropriè dicta, in vltimo verò, si corpus moueri pergat, interrumpi quiete impropriè dicta semper, aliquando tamen quiete propriè dicta quæ tempus includit. Vt si sagitta sursum vibrata habeat grauitatem vt tria, & impetum impressum vt sex, aer verò virtutem sustentandi vt duo, quando sagitta eò peruenit vt sit tanta grauitas, quantus impetus, consistet in aere habente vim aliquam sustentandi illud pondus quod habet tantum leuitatis aduentitiæ, quantum grauitatis innatæ. Quiescet ergo sagitta donec innata ipsi grauitas tertium gradum impetus corruerit. **A R I S T.** Quare non adducis exemplum manifestius de arteriæ pulsu? Dicunt enim Medici pullantem arteriam in vtroque termino conquiescere, & duplicem dari quietem, quarum interdum vna sit altera maior. Vnde in Synocho putrida sensu deprehendunt in depressione arteriæ minorem esse quietem illam externam, vt vocant, quàm in dilatatione, quia natura plus festinat ad putridas fuligines expellendas, quàm ad frigidum spiritum attrahendum: In Synocho verò non putrida obseruant minorem esse quietem internam in dilatatione arteriæ, quàm in depressione ob contrariam rationem, quod experimentum Aristoteli maximè fauet. **CH A R.** Exemplum hoc non attuli, quia & si rem ita fieri fortassis ratione comprobetur, sensu tamen exactè posse id deprehendi, vt multos fidenter asserentes audiui, circulatorum mihi videtur, non medicorum. Quod verò non sit necesse dari aliam quietem in motibus contrarijs, quàm impropriè dictam, id est cessationem ab aliquo motu, probatur ex intentione Aristotelis a 64. textu ad 75. Vult enim tantum ostendere motum circularem esse perpetuum: Quod sic probat, quia in motu alterationis & augmentationis quando acquisita est forma, tunc cessat motus. Motus verò ad locum qui fit per lineam rectam non potest esse perpetuus, alioqui lineam infinitam habere oporteret: Quod intelligendum est modò per partes proportionales non fiat motus. Iam si quis dicat sufficere lineam finitam, quia ad finem poterit retrocedi, respondet Aristoteles non propterea motum fore perpetuum, quem in puncto quo reflectitur, necesse est interrumpi, ac proinde motum directum, & reflexum non esse vnum. Quæ ratio vt sit efficax non est necesse vt detur quies intermedia, sed satis est si vnus motus vterius non procedat, alter verò proximè subsequatur. **A R I S T.** Sit ita, sufficiat hoc Aristoteli probaturo motus circularis perpetuitatem mihi verò liceat etiam argumentari ex eius intentione tex. 23. vbi contr-



Heraclitum & Cratylum affirmantes omnia ita moueri, vt nunquam cessarent, licet ad sensum quiescere interdum viderentur, respondet omnino dari quietem in accretione, alteratione, & motu ad locum. Quare dicere (inquit) continenter alterari, valde manifestis est aduersari, in contrarium enim est alteratio: igitur eò quòd aliquid mouetur ex contrario in contrarium, vult illud quiescere in termino opposito. Nec dicere potes eius intentioni sufficere illam quietem improprie dictam, quæ est cessatio vnius motus & principium alterius, ita vt vnum motum alter proximè subsequatur: nam si sufficeret illa quies, nihil probaret contra Cratylum, cui satis erat omnia ita moueri diuersis motibus, vt nunquam in vlla re esset priuatio omnis motus: ergo in motibus contrarijs Aristoteles vult dari quietem proprie dictam.

CHARR. Vult quidem, sed non semper: hic satis est illi contra Cratylum, quòd necesse est motus contrarios habere aliquando quietem proprie dictam, sic enim non omnia semper, vt ille volebat, mouebuntur.

ARIST. Vereor ne dum quærimus an detur quies in puncto repercussus, oporteat potius inuestigare an pila possit parietem contingere, & rursus ab eo diuelli. Nam cum idem momentum sit initium contactus, & principium repercussus, oportet vno momento fieri duplicem motum, nimirum recessus aeris ad contactum, & accessus ad repercussum.

CHARR. Ad hoc respondit Aristoteles 2. de anima tex. 113. & 114. in aqua & in aere corpora se contingentia vtriusque elementi particulam aliquam intercipere, quæ condensatur in contactu, rarefit in disiunctione. Si quæ autem nullo mediante se continent, in omni disiunctione præterquam in ea quæ sit per tractionem, particulam aliquam eorum rarefieri aut defringi, aerem vero aut aquam ingredi necesse est. Neque propterea dabitur quies proprie dicta in puncto repercussus, quoniam pila aeris condensati & rarefacti sequitur motum, ita vt citra quietem reflectatur.

ARIST. Vide quantis adminiculis ad motum relexum opus habetis, quod vobis accidit partim quia doctrinam antiquorum horretis *Cane prius & angue*, partim quia vestram materiam & formam inquam simioli suos foetus amplectimini. Quid tamen tanto formarum inpressarum apparatu perficitis? nihil aliud certè, nisi vt res quæ prius aliquid efficere non poterat, id præstet alio modo conformata, vt pila quæ ex se moueri non poterat, posito in ea impetu moueatur. An non commodius est dicere tale esse vnumquodque licet simplex quale id vultis esse cum forma? an vt vno posito ex necessitate sequatur aliud, quia talis est eorum natura, vò primo principio altius quærere non oportet, neque aliam affert Aristoteles hoc lib. tex. 321. Cur grauius deorsum, leuius sursum moueantur, quam quia talis est eorum natura, licet tex. 15. reprehendat Democritum qui pro ratione ad rei naturam & necessitatem confugiebat. Dico igitur singula corpuscula talia esse ab æterna necessitate naturali ad operandum, qualia factis vestra corpora informata. Ex ijs per amicitiam coniunctionis (non im cum Empedocle loqui lubet) generantur composita quæ pro ratione irritum quibus constant, varias habent effectiones, hoc est varios motus in loco, vel ad locum, quem motum a rebus ipsis motis non distinguo, nisi ratione cum nihil aliud sit, quam continua corporis ad corpus applicatio; Id



tamen noui solum est quod reperitur in vniuerso. Si talis est ergo natura rerum, vt vna mota necessariò moueatur altera, accedendo per amicitiam, per inimicitiam recedendo, absque opera vllius qualitatis impressæ motus violenti tam directi, quàm reflexi fieri poterunt, & satis est dicere posito in aliquo corpore tali motu, talem in alio idoneè applicato fieri motum, vt motis a lumine oculis mouetur phantasia, qua mota mouetur manus, manu mota pila directè mouetur, pullans parietem, reflexè, tanta velocitate & distantia iuxta motum ipsius manus, ita vt nihil fieri noui videatur præter continuam rerum aliarum ad alias applicationem, ad quam necessarium non est quidquam ab ipsis distinctum: Nam si applicari sibi non possunt, nisi noua forma ipsis applicata, de hac virtute applicante quæretur vnde id habeat, a se, an ab alio: Si ab alio proceditur in infinitum, si a se, perinde res a se moueri possunt. Et certè vos aliud quidem verbis dicitis, re autem ipsa nihil aliud. Obiectæ enim pilæ species ita mouetur ad oculum, vt oculus fiat imago pilæ, ita phantasia, hinc mouentur spiritus ad manum, cui motus ab ijs imprimitur, & pila a manu, ita vt hæc omnia ordine suo vel intentionaliter vt dicitis, vel re ipsa moueantur. Neque video quid sit aliud in eo ordine vestro, quàm vt posito vno sequatur aliud: Pilæ color mouens oculum, in eum nihil sui transmittit, sed de oculi potestate sui excitat imaginem, hoc est mouetur oculus non a pila, sed a seipso obiecta pila. Ita excitato oculo informatur phantasia alia imagine, cuius nullam partem ab oculi specie mutuatur. Phantasia mouet manum & manus pilam nihil sui in eam transmittendo, sed tantùm, vt dicitis de potestate subiecti nouam formam educendo. Ergo omnia fieri censetis non vera communicatione substantiæ, sed sola formarum educatione, ita vt posita vna consurgat altera. Quare ergo sublatis tot formarum quicquid non dicam meliori iure posito vno motu, hoc est corporis alicuius applicatione, sequi alium motum in corpore rectè applicato? **CHARR.** Hoc dicendo nihil docere videberis quod quiuis philosophiæ rudis non sciat. Quis enim ignorat ad motum arcus moueri sagittam, aerem, auem? sed philosophi est horum afferre causam cognitu perdifficilem. **ARIST.** Vide ne philosophi difficile reddant quod natura est facillimum. Dico facilius esse vt cum aliquid loco mouetur, aliud quoque locum mutet, nulla alia facta mutatione, nisi loci, quàm vt posito agente materia transmutetur in finitis propemodum actionum modis. Sed de ea re satis. Nunc quia dixi non videri necesse, vt omnia quæ moueri dicuntur præter naturam ab alio moueantur, cum principium internum habeant a contrario fugiendi, negare tamen nolim communem loquendi modum multa ab alio moueri, vt in vectione, non quòd motum vllum, aut qualitatem vecto, vt dicitis, imprimat vehens, sed quòd ad motum vehentis pondere grauati ob consensum adhesionis vectum se moueat, licet causa motus alteri tribuatur. Ita qui vehitur naui ad eius cursum acquirit in se motum similem, cuius causa dicitur naui, quia posito naui motu similis oritur in ipso consecutione naturali: vnde fit vt saltans in ea naui recadat in eundem locum, & demissi lapides ex summo malo labantur ad pedem mali perinde ac si naui non moueretur. Idem accidit glandibus plumbeis missis



tubo a neo directo, & conſequentē motum auis præteruolantis, illæ enim in aere per lineam incuruam ſequuntur auem, eamque configunt non aliter quàm ſi directæ eſſent in ipſam ramo ſedentem. Ratiō generalis eſt quia moto vno mouetur aliud aptum ad illam motionem naturali neceſſitate. Vt ſi globus concitatiffimo curru veſtus in terram excidat, ad multos paſſus excurrit: neque tamen ſeparatus iam currus poteſt illi imprimere motum de genere actionis tranſeuntis; neque fertur ab aere, quin potius ipſum impellit, neque a qualitate fruſtra impreſſa, cum poſito alterius motu corpora illi adhærentia talis ſint naturæ ad ſe mouendum, ac ſi haberent qualitatem a ſe diſtinctam. Quare dictum illud Ariſtotelis Quidquid mouetur ab alio mouetur, multo minus erit verum in ijs quæ mouentur naturaliter. Nam cum natura ſit principium internum motus, & quietis, non apparet quomodo ea quæ mouentur a natura, ab alio moueantur, niſi per illud aliud intelligas formam ſubiecti; animam v.g. quæ corpus mouet, ad eiusque motum mouetur, aut formam ignis vel lapidis qua ſuſum & deorſum mouentur.

## De modo quo quidquid mouetur ab alio mouetur.

### CIRCVLVS QVINTVS.

#### CHARILAVS. ARISTÆVS.

**C**HAR. Non loquitur Ariſtoteles de forma ſeu principio quo res mouetur, ſed de principio quod rem mouet actione tranſeunte. Nam in animalibus non aſſignat animam quæ moueat corpus, ſed cor ipſum, quod immiſſione ſpiritus moueat reliquas partes, ac proinde cum dicit ea quæ a ſe mouentur, habere partem per ſe mouentem, & per ſe motam, intelligit de partibus integrantibus. Item non dicit lapidem moueri ab alio, quia mouetur a ſua forma, ſed quia mouetur a generante. Pater igitur Ariſtotelem requirere ad omnem motum phyſicum, vt mouens ſit diſtinctum reipſa a mobili, idque omnino ſeparatum, vt generans a lapide, vel certè tanquam pars aliqua integrans. Scotus, Gregorius, & Ianſſonius negant hanc propoſitionem Ariſtotelis eſſe veram. Nam anima inſe mouet & mouetur, dum producit & recipit ſuas intellectiones: Sic aqua calida in ſe producit frigus. Ita cor ipſum a ſe mouetur: Vera eſt tamen ſi ita intelligatur: Primo quidquid mouetur, moueatur motu phyſico propriè dicto, nempe accretionis, alterationis, & lationis, vt ſic excludantur animæ motus, vt dicunt, intentionales. Secundo vt moueatur tanquam mobile totum ad motum cordis excludendum. Tertio vt id a quo res moueri dicitur, ſit principium, vt quod, non autem, vt quo, vt euadatur difficultas de aqua reducēte ſe ad priſtinum frigus, cuius quidem principium,

ut quo, forma est; principium verò, ut quod, est generans. Ita de grauib. & lenib. quæ acceperunt virtutem a generante. Dicimus enim cum Scotus tam corpora naturalia, quæ se reducunt ad pristinum statum, quàm quæ mouentur naturaliter ad suum locum, id facere a principio interno per actionem emanationis, sed quia quæcunque agunt per emanationem causam habent, nimirum generans, a quo huiusmodi virtutem acceperunt, hinc est quod dicuntur moueri ab alio: Mens enim Aristotelis hæc non est ostendere nihil moueri a se quocunque modo, sed nihil moueri, quod non acceperit hanc virtutem a generante, ubi ne procedatur in infinitum, ad primum motorem immobilem deueniendum est. **A R I S T.** Quanquam ista actio emanationis est contra doctrinam Aristotelis 12. metaph. 30. dicentis, non enim materia mouebit seipsam, verum opifex virtus, per quam intelligit agens a quo materia transmutatur, ita ut nihil esse possit principium seipsam transmutandi quocunque modo, alioqui sufficeret substantia vna, ex cuius foecundo sinu omnia sine agente externo per emanationem pullularent: Nunc ea admissa, similiter dicent antiqui primum motorem esse agens per emanationem, & moueri a se, saltem eo modo, quo cor a se mouetur. Frustra est effugium quod huiusmodi agentia accipiant hanc virtutem a generante, nam possunt esse ipsa agendi virtus: neque Aristoteles poterit afferre rationem cur suæ intelligentiæ immobiles non acceperint ab alio virtutem immobilitatis, omnia verò agentia per emanationem mouendi se virtutem accipere debuerint a generante. Poterat ergo clarius dicere, quid quid habet virtutem se mouendi, eam accepit ab alio: sed hoc negatur. nam corpuscula indiuidua sūt æterna, & sola ratione a suis virtutibus distinguuntur. Quod si nihil aliud velit illa propositione quàm quidquid mouetur, non nisi alio moto moueri, id est dato quocunque motu, dari motum priorem, qui nisi præcessisset, alter non fuisset factus, id ipsum dico, ita ut si nunc simul cessaret ex se omnis motus, etiam si res eadem remanerent, nihil tamen vnquam moueretur. **C H A R.** Hoc sensu ergo concedis Quidquid mouetur ab alio mouetur. Sed in causis subordinatis per se non datur processus in infinitum. Ergo dandus est aliquis primus motor. Et sic recte concludit Aristoteles. **A R I S T.** Falsum est non dari processum motus in infinitum ubi infinita sunt indiuidua, quorum si duo quauis accipiantur, coniungunt se natura sua, vel separant. At verò in causis subordinatis quas fingitis, ita ut A. pendeat tantum a B. B. a C. C. a D. & ita in infinitum, absurdus est profecto ille processus: vel enim tota collectio rerum illarum pendet ab alio, vel non pendet. Si primum, datur igitur aliqua causa mouens immota ratione cuius dici non possit totam seriem esse dependentem. Si secundum, ergo extra totam seriem causarum dependentium datur aliqua causa a qua pendet tota hæc series. Hæc autem non poterit esse dependens ab alia, quia est extra seriem dependentium: erit igitur prima. **C H A R.** Pulcherrimè egisti pro me causam Aristotelis. Quare nunc in infinitis indiuiduis non putant idem concludendum? **A R I S T.** Quoniam non datur hic ordo primi ad secundum, secundi ad tertium, & ita consequenter, sed necessitate naturali coniunctionis aut secretionis indiuidua illa æterna



variè inter se complicantur, ad omnia quæ sunt in vniuerso conformanda. Cum igitur pari iure ad se accedant inuicem vel recedant, tota collectio quidem infinita ab alio non pendet, cæterum species illius collectionis in suis motibus a se inuicem pendent: Quare inter ea non potest assignari primum mouens, illud enim primum a quo motum imprimi dices secundo, iam a secundo cui aliquot alia coniuncta erunt, moueri videbitur: Sic nulla est necessitas deueniendi ad primum mouens immobile, omnia enim ita mouentur vt detur processus, & regressus in infinitum. Ergo neque necesse erit primum motorem a collectione omnium indiuiduorum distinguere. Ne tamen seriem argumentorum tuorum interrompam, commodius sub finem seruare poteris quidquid memineris ad necessitatem primi motoris asserendam. Nunc eo concesso, quid sit habendum de ipsius immobilitate videamus.

## De immobilitate primi motoris.

### C I R C V L V S S E X T V S.

CHARILAVS. ARISTÆVS.



**H** A R. Hanc probat Aristoteles a tex. 45. ad 54. Quia cum illud mouens sit primum, vel immobile est, quod intenditur, vel mouetur a se, quod falsum est, quia quidquid mouetur ab alio mouetur. **A R I S T.** Quid si dicat aliquis idem euenire primo motori quod animalibus, in quibus vna pars præcipua reliquas mouet, ipsa autem ex accidenti ad illarum motum mouetur. **C H A R.** Respondet Aristoteles hoc dici non posse, quia quidquid ita mouetur ex accidenti, languescit paulatim, vt animalia, nec potest motum perpetuare, debet ergo esse immobile. **A R I S T.** Antiqui concederent non dari vnum motum perpetuum, sed confici ex pluribus motibus æternitatem, ac propterea, vt ante dicebam, primum illum motorem suo tempore cum orbe deficere, atque alium exoriri. Sed quia ad primum de cœlo motus illam perpetuitatem remisimus, dicat nunc aliquis hoc peculiare esse primo motori vt totus moueat, & totus moueatur. **C H A R.** Hanc dicendi rationem refutat Aristoteles tex. 41. quia si idem secundum se totum esset mouens, & motum, idem esset actu & potestate ad vnam formam, quod Aristoteli videtur per absurdum. **A R I S T.** Sed non ita videtur Scoto & Theologis, qui propterea dicunt intelligentias ad suas intellectiões actum simul habere, & potestatem, cum eas producant simul & recipiant. Sed fortasse non concederet Aristoteles substantias immateriatas a suis intellectiōibus distinguere, & moueri loco. **C H A R.** Omnino Scotus vt Christianus Theologus philosophatur: sed quidquid sit, saltem optimè conficit Aristoteles primum

## 22 De immobilitate primi motoris. Circ. VI.

motorem non moueri motu physico. Quia si mouetur, vel per se, vel ex accidenti, non per se: nam quidquid per se mouetur, habet partem per se mouentem, & partem per se motam: Iam accipio istam quæ est per se mouens, & quærø vtrum ipsa moueatur: Si non, habeo intentum, erit enim ipsa primum mouens immobile. Si moueatur, vel per se, vel ex accidenti, non per se, quia rursus oporteret illam diuidere in partem mouentem, & motam, & sic in infinitum: sed neque ex accidenti, quia quod ita mouetur, non potest esse causa motus perpetui, vtpote quod defatigatur. Iam ex hac doctrina Aristotelis probari potest primum motorem esse immobilem tam motu physico, quam omni alia mutatione. Primus motor mouet, nec ab alio mouetur, ergo neque habet ab alio mouendi virtutem, proinde neque suum esse, quare est infinitus, igitur & expers omnis mutationis. **ARIST.** Sed vnde habes quod si non est ab alio, est infinitus? **CHAR.** Quoniam omne finitum tantum est, eò quod agens tantum esse dedit, & non plus. **ARIST.** Mendosè hoc in indiuiduis colligeretur, quæ quidem singulatim finita sunt, licet a nullo. Sed de hoc posterius. Nunc quomodo physice probas primum motorem esse vnum? **CHAR.** Ex motu demonstro id cum Aristotele tex. 48. & 49. Quia motus continuus & perpetuus est tantum vnus: ergo sufficit vnus motor. **ARIST.** Ista ratio non conficit. Nam idem effectus esse potest a duobus agentibus ex parte, vt motus rotæ a duobus equis. Deinde sicut Aristoteles ex numero coelorum colligit numerum intelligentiarum, ita dicet aliquis tot dari primos motores, quot dantur coeli mobiles. Præterea si valet hoc argumentum, non debet admitti rerum multiplicatio citra necessitatem: vnus ergo sufficit primus motor, dicet ad mouendos omnes coelos sufficere vnā intelligentiam, quod cum Aristoteles non admittat, fateatur suas rationes non euincere. **CHAR.** Rectè, nisi aliter hæc veritas ex doctrina Aristotelis erueretur. Nam cum detur primus motor immobilis, qui ex primo coeli tex. 100. est ens æternum vnde cæteris pendet esse & viuere, non habet virtutem mouendi ab alio, nec esse: est igitur infinite perfectus. At infinite perfectum est tantum vnus: si enim duo essent, neutrum foret infinite perfectum, quia id per quod differrent inter se alteri eorum deesset.

---

## De vi infinita primi motoris.

### CIRCVLVS SEPTIMVS.

#### ARISTÆVS. CHARILAVS.



**ARIST.** Versamur adhuc in primo limine quòd ens ab alio non productum infinite perfectum sit, oporteret enim habere summam vsque quaque virtutem, quam in primo motore non agnouit Aristoteles, qui primo coeli apertè negat Deum posse producere plures mundos. **CHAR.** Saltem demonstrat tex. 78. habere vim mouendi



## De vi infinita primi motoris. Circ. VII. 23

infinitam, quia mouet infinito tempore, quod virtus finita præstare nequit,  
 ut patet, alioqui si sumatur alia dimidio minor, hæc iam mouebit finito tem-  
 pore, & si postea fiat duplo maior, mouebit tantum duplo maiori tempore:  
 Arquæst æqualis virtuti quæ mouet tempore infinito: Ergo dantur duæ  
 virtutes finitæ æquales, quarum vna potest mouere tantum finito tempore,  
 alia verò tempore infinito. **A R I S T.** Quid colligis ex hoc argumento  
 nisi infinitatem tempore, tam in primo motore, quàm in cæteris intelligen-  
 tijs? alioquin erit fallacia figuræ dictionis, dum ab infinitate temporis con-  
 cluditur absolutè virtutis infinitas. **C H A R.** At quia sic mouet ut pri-  
 mus motor, inquit Scotus & Caietanus, habet vim omnino infinitam.  
**A R I S T.** Nempe quia a nullo acceptam habet? o crambem repetitam!  
 Verum si ratio illa Aristotelis procederet tantum de primo motore, quid  
 opus erat ad infinitam eius virtutem astruendam argumentum petere a  
 tempore infinito? licet enim moueret tantum per vnum diem, modò moue-  
 ret ut primus motor, etiamnum infinita virtus argueretur. Ergo nihil aliud  
 colligitur ex ratione Aristotelis, quàm dari motorem temporis infiniti,  
 quem 12. metaph. tex. 43. ait non vnum esse, sed plures, & de omnibus id  
 quod ostensum est, ob eandem rationem esse verum. **C H A R.** Ne dixe-  
 ris quælo Aristotelem tex. 78. ostendere tantum primum motorem vim ha-  
 bere ad mouendum tempore infinito, nam primi motoris æternitatem  
 tex. 49. iam demonstrarat. Eccui dubium est a motore finitæ virtutis secun-  
 dum tempus, non posse effici motum æternum? nugaretur profectò qui hoc  
 probare vellet: Intendit ergo Aristoteles demonstrare primum motorem  
 esse robore infinitum. **A R I S T.** Imò vult ostendere primum motorem  
 neque finitum, neque infinitum esse eo modo quo res materiata dicuntur,  
 a quibus existimat nullum motum æternum effici posse, siue ex infinita sint,  
 siue finitæ, posse verò effici a virtute seiuncta ab omni materia cuiuscunque  
 gradus fuerit illa virtus, propterea quod non moueatur, non patiatur, non  
 laboret. Putat itaque motum infinitum, hoc est æternum a quouis  
 æterno & separato effici posse. **C H A R.** Sed nisi intelligatur  
 Aristoteles de robore infinito, frustra erit regula quam assi-  
 gnat, quod virtus maioris corporis diutius moueat, ac  
 velocius: Quod mouere per maius tempus maio-  
 rem indicat virtutem, & per infinitum, infi-  
 nitam. **A R I S T.** Hæc regula in ma-  
 teriatis tantum afferri debet, ab-  
 iunctæ enim virtutes a ma-  
 teria cuiuscunque  
 gradus sint, ut di-  
 xi, æterno  
 tem-  
 pore secundum Ari-  
 stotelem mo-  
 uere pos-  
 sunt.



## De ratione qua Aristoteles probat primum motorem non esse corporeum.

C I R C V L V S O C T A V V S.

CHARILAVS. ARISTÆVS.



**C**H A R. Errant igitur non parum quicunque formant ita rationem Aristotelis ex tex. 78. & 79. Primus motor est infinitus virtute & robore, ea virtus non potest esse in magnitudine, neque enim in magnitudine infinita, quæ ex lib. 3. non datur, sed neque finita, quoniam momento eam moueret. Omnis enim virtus merè naturalis quò maior est eò minori tempore mouet idem corpus æquali spatio. Ergo si detur virtus infinita, mouebit illud nullo tempore: Quod est absurdum. Igitur primus motor virtutis infinitæ non est corporeus, sed abiunctus ab omni materia. **A R I S T.** Omnino vehementer hallucinantur qui Aristotelis rationem ita conficiunt, accipiunt enim primum motorem eo modo esse infinitum, quo in ijs textibus infiniti nomen vsurpatur, vbi Aristoteles agit de materiatis, volens ostendere motores separatos nec finitos esse, nec infinitos eo modo, inquit Auerroes, quo dicuntur res materiata, quibus ex 1. phys. 15. finitum, & infinitum propriè competunt. Quare potius hoc modo concinnanda est ratio Aristotelis. Primus motor infinitus est productione, & conseruatione motus vnius cœlestis, de quo videbimus primo de cœlo. Ergo non est virtus materiata, quia huiusmodi virtus vel infinita est, vel finita, non infinita, illa enim conuenit tantum infinitæ magnitudini, quæ non datur: non finita existens in magnitudine finita, quoniam ex tex. 78. non est idonea ad semper mouendum. **C H A R.** Quænam igitur & cuius est ea vis expressa tex. 79. quæ si esset in magnitudine, momento eam moueret, an non est ea vis primi motoris? **A R I S T.** Minimè verò, sed rei materiata, vt ostendat Aristoteles motum æternum effici non posse a quacunque re materiata, nam si ea sit finita virtutis non semper mouebit, si infinita mouebit nullo in tēpore, alioqui si determinas tempus, reperiri poterit finita virtus quæ eodem tempore moueat, atque ita virtus finita & infinita eodem tempore mouebunt, quod rectè Aristoteles absurdum putat. At si illa vis infinita de qua agitur tex. 79. dicatur esse non rei materiata sed primi motoris, ille mouebit semper nullo in tempore hoc est momento si careat magnitudine, siue eam habeat, quoniam secundum Aristotelem minus agit necessariò quàm res naturales. Quænam igitur cum sit infinita virtutis cur non moueat velocius. An quia non potest? ergo non habet vir infinitam, si autem potest, profectò & mouet, nam esse & posse idem est i æternis. **C H A R.** Negat Simplicius fore motum nullo in tempore, &



## Primum motor non esse corp. Circ. VIII. 25

primus motor sit infinita virtutis. Et certe quidquid sit an secundum Aristotelem primus motor agat libere, vel non agat, non est eadem ratio virtutis mere naturalis, & intelligentis; illa enim tota necessario applicatur, hæc vero secundum quod res expostulat. **ARIST.** Falsò igitur pronunciauit absolute 3. phys. 32. esse & posse idem esse in æternis, debebat enim addere nisi res aliter expostulet. Oporteret deinde ut primus motor actionem suam sustineat quodammodo & cohibeat, quod agentis est maxime liberi: Atque idem de alijs orbium inferiorum motoribus dici poterit, qui proinde erant virtutis infinitæ. Nam quod Aristoteles 8. phys. docet de primo motore, de omnibus motoribus idem affirmat 12. Metaph. 43. ubi cum ex motu æterno probatum fuerit primum motorem abiunctum, ait non esse unum sed plures inferiorum orbium motores perpetuos, immobiles, & absque magnitudine ob eandem rationem, videtur ergo omnibus finitam virtutem tribuere: Nam hæc eadem ratio est motus æternus quo probat omnes æqualiter abiunctos a materia, neque ea ratione aliud inferri potest quam omnes æternos esse, non autem virtute infinitos. Admittit tamen Vicomercatus hanc vim infinitam in omnibus secundum Aristotelem, & sic oporteret omnes unum esse, nec inter se differre, quomodo enim vnus quidquam haberet quod alterius non esset? cum virtus vsquequaque infinita omnes includat perfectiones. **CHAR.** Propterea malim ego cum Scoto philosophari asserendo ea ratione colligi tantum ab Aristotele omnes motores esse expertes magnitudinis, infinitam autem virtutem primi motoris non ab æterno motu, sed ex eo potissimum colligi quia est ex se, a nullo finitus, & limitatus, & proinde agendi virtute infinitus, quia & æternorum motorum causa est, & passus æterni motus. **ARIST.** Miror quomodo potius inde non colligis Aristoteli non videri primum motorem roboris infiniti: Nuspiam enim hanc Scoti rationem attigit, ad ostendendam differentiam primi a cæteris motoribus, quod ille sit ex se, hi verò minime; quare cum ostenso a motu æterno petita eandem vim habeat in omnibus, aut nullus, aut omnes erunt inmensa virtutis. Quod autem tam saepe inculcasti, ens ex se a nullo habere terminos, proinde esse infinitum, repugnat ipsi Aristoteli: nam velut aurans aliquando fore Scotum qui hoc assereret, eum confutat 1. phys. 23. ubi paralogismi arguit Melissum, qui unum immobile infinitum sic ostendebat. Si quod factum est habet principium, quod factum non est non habet principium, ergo neque finem, proinde infinitum est enim incomprehensibile, & sic immobile. Sed quidquid senserit Aristoteles de hoc argumento, vera nihil est. **CHAR.** Itane vero? habeat igitur primus motor certis virtutis limites & terminos, puta gradus centum, Quare cur non sexcentos aut mille habeat: nihil aliud referre potes, quam quia his terminis circumscribitur, ergo ab alio, omne enim terminatum ab alio pendet & limitatur. At cum a nullo finiatur, nihil prohibet quin plures habeat virtutis gradus: habet igitur non modò quia in æternis idem est esse & posse. 3. phys. 32. sed etiam quia in natura id quod melius est, semper arbitramur esse, si possibile est. 8. phys. 56. **ARIST.** Hoc nihil est, inquam, quoniam natura laus, iuxta antiquos, est sibi ipsi terminus definitus, ultra quem ad eius



perfectiōem nihil requiritur, neque propterea est infinita, sed consistit in indiuiduo, sicut numerus, cuius perfectiōi vt nihil addi vel demi potest, ita nec formæ cuiuslibet, vt dicitur 8. Metaph. tex. 10. Meo etiam iure quærere possum, si quoniam primus motor est ex se, habetur infinitus, & secundum Aristotelem agens necessarium, cur ita insidet spheræ primæ, vt extra illam mundos infinitos non produxerit, vt omnia quæ possunt esse in vniuerso reperirentur, nec vis illa agens immensa frustra esset, cui patiens immensum non respondeat, nam ex 3. de anima 17. tam in arte, quam in natura materia debet agenti respondere. Quam verò nihil laborarent antiqui in hac difficultate superanda, qui primum motorem ab vniuerso non distinguunt, vltro illum dabunt ex se, a nullo finitum, immensum, vnum, intelligentem, atque adeo incorporeum eo modo quo corporea ex materia & forma conflare vultis: At Aristoteli primum motorem spheræ suprema coarctanti non licet ita philosophari.

## De vi efficiente primi motoris.

C I R C U L V S N O N V S.

CHARILAVS. ARISTÆVS.



**C**H A R. Vtunque dixerit de primo mouente immobili atque a materia seiuncto, certè sapientius quàm illi antiqui crassæ & verè corporeæ philosophiæ: Vnum desiderari potest, vt magis dilucidè de summa eius libertate, & vi infinita ex qua ab æterno emanarunt res creatæ, locutus esset. Optimi tamen quique interpretes volunt eum ab opinione Christiana non recedere. A R I S T. Imò Ioannes Grammaticus vellet esse plusquam Christianum, dum quotidie formas oriri putat ex materia per creationem, hoc est productionem ex nihilo, & similiter in nihilum abire, ex quo vis infinita primi motoris longè melius quàm ex æternitate motus ostendi potest. C H A R. Non placet Simplicio, nec alijs Peripateticis hæc Ioannis opinio: Quia licet formæ fiant ex nihilo sui, tamen ex potestate subiecti, ortum habent: difficultas sola est quomodo forma quæ est perfectior ex potestate materiæ oriri possit, cum formæ nulla pars in materia præfuerit, nec ad formam producendam materia vllam sui partem concedat. A R I S T. Propterea dicendum est secundum Aristotelem formam, vtpote perfectiōem, a materia sola ratione distinguui: Ita enim non fiet ex nihilo, imò nihil noui produceretur, sed materia prima alio tantum modo se habebit, ita vt secundum suam substantiam nihil variata, dicatur tamen formam acquirere, dum transmutatur. Quòd cum rursus intelligi non possit, idq. ex principijs Aristotelis proficiatur, tam forma, quàm materia κατὰ τὰς χελιδῶνας ableganda est. C H A R. At saltem probabiliter dicat



dicat aliquis animæ humanæ creationem ab Aristotele fuisse cognitam docente eam extrinsecus aduenire 2. de gener. animal. c. 3. & 4. A R I S T. Quin potius dicet eam ingentam esse & immortalem. Nam Aristoteles primo de coelo probat æternum ex vna parte, esse æternum ex altera, quod de anima genita dici non potest: docet ibidem omne genitum esse mortale, quod in anima creata falsum esset. Neque dicas de propriè genitis sermonem esse hîc, non de creatis: de vtrisque enim eandem vim habet ratio quam affert, nimirum quod genitum est, potest non esse, ponatur ergo non esse, tunc idem simul erit & non erit: at anima creata potest non esse, erit igitur æterna & non erit. Quod si verò neque animæ, neque rei ullius ex nihilo creationem agnouerit, videri potest ex argumentis, quibus probat libro octauo motus æternitatem, illa enim admissa creatione, nihil concludunt: nam dum ait omnem motum requirere tam mobile, quàm motorem, si quis Aristoteli respondeat fuisse quidem motorem liberum ab æterno, non autem mobile, sed illud per creationem fuisse productum, non modò omnia eius argumenta subuertit, sed etiam destruit ab ipso receptum axioma toties ab antiquis decantatum: *Gigni ex nihilo nihil, in nihilum nil posse reuerti*. Hanc responsionem non ignorauit Aristoteles, sed cùm non putaret esse philosophicam, eam omisit, quare neque animam humanam, neque aliud quidquam aut liberè, aut ex nihilo a primo motore produci voluit. C H A R. Quidquid sit de noua creatione, satis est quòd Aristoteles æternam agnouerit, ad probandam virtutem infinitam primi motoris. Agnouisse autem testatur Auicenna, Algazel, Philoponus, Simplicius, D. Thomas, Scotus, & alij præclari peripatetici. A R I S T. Imprimis Auicenna vult ex mente Aristotelis a primo motore manare primam intelligentiam, a prima secundam & sic deinceps, ita vt virtutem hanc creandi alijs etiam concedat intelligentijs, & a postrema formarum datricè formas infundi. Scotus ex Aristotelis sententia vult omnes a primo motore absque medio produci, illis autem medijs cætera omnia. At D. Thomas & alij multi secundùm Aristotelem omnia sine medio manasse a Deo ab æterno. Simplicius Platonice philosophiæ nimis addictus, vt vtrunque conciliet, vult ex Aristotele primum motorem esse causam efficientem mundi, non quòd ab æterno quidquam ex nihilo produxerit, sed quatenus ab eo tanquam a fine vltimo omnia pendent, ita vt continenter fieri videantur. Quare ipse Simplicius commentario vltimo octauæ physicorum ait Alexandrum, & cæteros Peripateticos existimare non dari causam efficientem substantiæ cælestis, sed tantùm efficientem motus, & finem vltimum: Hoc tamen satis est vt a primo motore dicatur omnibus dari esse, inquit Auerroes, dare etenim videtur esse, qui dat motum. Concedi igitur potest ex Aristotele dari causam efficientem mundi, quatenus est in motu, quo cessante ordo omnis euerteretur, quatenus autem est æternus, non aliam dari causam efficientem, quàm improprie dictam, quæ idem est ac inis, & forma assitens, atque conseruans. Hoc diserè explicat Auerroes lib. 3. in solut. 18. dubij: Declaratum est, inquit, a philosophis quòd dans finem separatis, dat formam, forma enim, & finis in eis sunt idem, propterea dans finem dat formam, dans formam est agens, ita primum principium

est separatorum causa ut forma, finis, & agens. Quibus verbis non aliam tribuit æternis causam efficientem, quam per similitudinem, & prout idem est ac forma & finis, unde omnia quidē pendent, sed in eo genere causæ quod dixi. Hanc ait Averroes considerari a metaphysico, quamvis alias neget efficientem a metaphysico considerari. Hanc quoque intelligit Aristot. 8. phys. 15. dum ait contra Democritum dari causam æternorum, & 5. metaph. 6. aliud esse necessarium præditum causa, aliud verò sine causa. Primus motor omnino est sine causa, cæterorum autem ita causa est, ut si eum non esse imaginemur, nihil eorum quæ ponit Aristoteles servari possit, quemadmodum sublata terra, terræ quoque figura tollitur, & si eam terra non producat, ita tolluntur omnia sublato primo motore, non tanquam causa efficiente propriè dicta, sed sine ultimo ac forma assistente, & conservante. Denique Simplicius ut melius Platonem cum Aristotele conciliet 1. de cælo 100. ait ex sententia Platonis rectius dici semper fieri mundum, quam semper esse, proptereaque ab eo dici genitum, quia semper fit, & verè non est, puta quatenus motum includit. Hoc autem solum ostendit ex summo opifice & motore pendere mundum, non tamen ex nihilo constitutum, etiam ab æterno, multo autem minus in aliquo temporis principio, cum animam, materiam, exemplar, & rationem æternam ponat. Quod verò Plato inordinatam primo, mox ordinatam materiam dixerit, ut ei tribuit Aristoteles 1. de cælo 106. dictum illud intelligi oportet iuxta conditionem & naturam materiæ secundum se considerata, non autem secundum temporum distinctionem. Longè aliter Plutarchus de placitis, ubi hæc habet: Nam quod Plato ait Deum seipso usum exemplari condidisse mundum & ordinasse, redolet nugæ priscae antiquitatis. Sed mittamus Platonem, ex cuius ambiguitate ad summum nihil aliud colligi potest, quam mundum non ex nihilo creatum, sed ex materia, quæ primum inordinatè movebatur. Deum quippe ait esse principium mentis non participatæ, de qua Platonici controuersantur an a Deo ipso distinguatur. Ab hac mente vult prodire animam & materiam, ita ut ab animæ vi seminaria in materiam semina effundantur, quibus quasi facta & grauidata formas emittit materiatas. Quæ cum ita a Deo emanent, potius dicenda est secundum Platonem Dei participatio, quam creatio, quo sensu dicta est anima ab antiquis *Divina particula aurea*, veluti quædam lucis effusio: aut quemadmodum Eugubinus in Cosmopœia somniavit cælum empyreum esse æternum, & increatum ex Dei essentia manans, ad cuius participationem tam angeli, quam homines iusti admittantur. Ita antiqui materiam admiserunt Deo coævam, ex qua alij ab æterno, alij principio temporis mundum esse dixerunt, cum omnes teste Aristotele 1. physicor. ex nihilo nihil fieri contenderent. Quin etiam verba Mosis, & *tenebra erant super faciem abyssi*, nonnulli in eandem sententiam trahere voluerunt, ut illa materia esset antiquorum chaos, de quo Hesiodus in Theogonia πάντων μὲν ἀρχαία χάος γένετο, ubi γένετο non significat factum est, sed erat. Trismegistum quoque & Orpheum, qui mundum a Deo ex materia factum volunt, sequi videtur Augustinus lib. 1. de Genesi contra Manichæos. Prima materia, inquit, facta est confusa & inanis unde omnia sic-



ferent quæ distincta atque formata sunt, quod credo a Græcis chaos appellari, sic enim alio loco credimus dictum in laudibus Dei, *Qui fecisti mundum de materia informi*, quod aliqui codices habent de materia inuisa. Alludit Augustinus ad illud Sapientis 1.18. Non enim impossibilis erat omnipotens manus tua quæ creauit orbem terrarum ex materia inuisa. In græco est *ἐξ ἀνόρου ὕλης*. At non negat hanc materiam ex nihilo fuisse creatam. Augustinum sequuntur Magister sententiarum, Eucherius, Hugo de Sancto Victore, Abulensis, & alij. Sed cum de aquis creatis non meminerit Moses expressè, putarunt aliqui, falsò tamen, hanc esse æternam abyssum omnium principium secundum opinionem Thaletis. Nam & Theodoretus q. 5. in Genesim ait aquas significari verbis illis, & tenebræ erant super faciem abyssi: Basilus verò hom. 2. ait aquas prætermittas a Mose exercendæ solertia causa. Dicendum est tamen hanc abyssum esse aquam a Deo creatam. In quam sententiam Marsilius Ficinus lib. 2. epist. de comparatione lucis Dei cum vmbra materiæ; Materia, inquit, apud Moysen tenebrarum abyssus est, formarumque informe subiectum, Deus lux abyssus luminum, formaque fons formarum: materia infinita est patiendi potentia, Deus infinita est virtus agendi: materia ob nimias tenebras ignota est, Deus ob nimiam lucem est incognitus. Ultra promectus Alexander quidam Epicureus, Dauid de Diuinando, & alij impiè dixerunt Deum nihil aliud esse quàm materiam primam. CHA R. Redeamus quæso ad Aristotelem & quid ex eius principijs de creatione æterna dicendum sit, videamus. A R I S T. In secta peripatetica philosophos hæreticos falsò appellat Auerroës Auicennam, Algazelem, cæterosque omnes qui philosophia simul, ac Sacerdotum Theologiæ nauantes operam, cum ab illa mundi æternitatem, ab hac creationem didicerint, vtrunque permiscentes, inquit, omnia confuderunt. Nihilominus D. Thomas res tam fluentes, quàm permanentes docet ab æterno creari potuisse, si tamen conditio creationis, inquit, non importat transi- tum a non esse ad esse. Durandus hanc negat rebus fluentibus, permanentibus verò concedit: Albertus cum Alexandro ab virisque creationem æternam abiudicat: Sed quid de Scoto dicendum est, qui ait vtrunque partem posse probabiliter suslineri? an non ostendit vir ingenij perspicacissimi ex principijs Aristotelis nihil certi deduci posse, ex antiquorum verò tolli has omnes difficultates, cum neque generatio illa, neque creatio admittatur? Nam Aristoteles qui recipit generationem substantiæ ab æterno, sicut & motus & luminis productionem, si formam substantialem, motum, & lumen non sola ratione, sed re ipsa distinguit a materia, concedere debet efficientem causam rei æternæ: Qui vero admittunt sola corpora indiuidua, ex quorum varia permixtione omnia fiunt, facile ab his scopulis enauitant. CHA R. Audire expeto cur in sententia Aristotelis potissimum repugnet dari causam efficientem, quæ res æternas produxerit ex nihilo, & est ex nulla materia, non enim est sensus, quòd res æterna aliquando fuerit nihil, vt optimè aduertit Sanctus Doctor. A R I S T. Repugnat vel eo maximè quod Aristoteles 3. de gener. anim. cap. vlt. negat dari primum hominem, aut leonem, quod tamen necesse est, si æterna creatio conceditur.



CHARR. Non video cur magis hoc sequatur, quàm ex æterna generatione. ARIST. Ita est si forma, vt dixi, reipia distinguitur a materia, vt enim optimè arguit Philoponus proximè a Deo pendere debet & ex nihilo produci. Hoc tamen non sequitur, si generari nihil est aliud, quàm materiam alio modo conformari, atque perfici. CHARR. At illud perfici tandem ad Deum reuocandum est perficientem, quoniam generationes secundùm Aristotelem sunt æternæ, & omne æternum proximè ex Deo prodit, vt etiam in Timæo docuit Plato: Cùm ergo omnia genita proximè a Deo non prodeant, sed intermedijs causis secundis, pendere debent ratione alicuius proximè a Deo prodeuntis. ARIST. Iam dictum est omnia prodire & pendere a Deo tanquam causa efficiente latè sumpta. CHARR. Quid ergo erit aliquod genitum carens efficiente propriè dicto? ARIST. Nullum penitus, neque tamen in infinitis leonibus genitis secundùm Aristotelem vnus magis quàm alter propius a Deo prodit, sed ob motum æternum quem ciet, materia prima ab æterno secundùm sui aliam atque aliam partem semper habuit formam leonis, quæ sola ratione ab ipsa distinguitur: Atque ita licet tota series leonum fuerit æterna, nullus tamen ex ijs fuit æternus, quemadmodum licet æterna deinceps futura sit, non tamen vllus ex ijs erit æternus. Quod rursus confirmat generationem fieri per solam indiuiduorum mixtionem, non autem per alicuius rei a materia distinctæ productionem, quæ secundùm sui aliquam partem prius non erat actu: Nam quis intelligat animas distinctas & separabiles a materia omnes esse productas consequenter, totam earum seriem esse æternam, nullam tamen ex ijs æternam esse? quod tamen in indiuiduorum corporum mixtione perfacilem habet intelligentiam, atque etiam in materia Aristotelis, vt exposui, licet multò difficilior, defendi potest. Nunc videamus, si admittitur creatio æterna, primum leonem esse admittendum. Nam materia quæ proximè a Deo prodijt si nulla sui parte prædita erat forma leonis, prius tempore fuit, quàm ipse leo, qui proinde non est æternus, neque dici potest a quo deinde fuerit productus. Si dicas a Sole, & quidem ab æterno, eadem est atque de Deo ratio: quia dabitur primus ille leo cæterorum parens: si verò a Sole in aliquo temporis principio, generationes non sunt æternæ. Iam ergo cùm tota series leonum tota æternitate productorum sit clausa duobus extremis, nempe leone proximè a Deo producto, & vltimo qui hodie produci-  
tur, profectò finita est, cùm aliunde ratione æternitatis sit infinita. Respondent hîc aliqui in æternitate non dari primum: sed dicant ipsi quomodo species leonum a Deo manat, nisi aliquis leo manet a Deo? Ostendo præterea omnem creationem pugnare cum principijs Aristotelis. Primò quoniam ea concessa, negare non deberet plures mundos posse creari, quia noster hic, inquit, includit omnem materiam possibilem. Secundò creatio est quædam rei efficientia, & tamen euertit causæ efficientis definitionem, quam vnâ agnoscit Aristoteles 2. phys. 29. & 9. metaph. 2. nimirum principium transmutationis, quod materiam requirit, vt potenti omnia facere non desit potens omnia fieri: Cùm ergo id quod creatur possit creari, illud posse, secum importat materiæ potestatem, quæ proinde præcurrere debet



creationem. Respondet Scotus rei creandæ sufficere potestatem, quam vocat obiectiuam seu ipsam rei nondum existentis possibilitatem, quæ res cum adhuc nihil sit, & ipsa profectò potestas obiectiuam nihil erit, quare Aristoteles 9. metaph. diuidens potestatem in actiuam, & passiuam, nuspiam de hac fecit mentionem, vt mirum sit Theologos affirmare physicam dari in rebus mutationem, posito decreto diuino de re creanda die crastini, propterea quod ea res ob illud decretum de non possibili sit possibilis & potestatem obiectiuam sibi vendicat. Neque dicant elementum quod ex alio fieri debet, habere tantum hanc potestatem obiectiuam, habet enim ratione materiæ ex qua fit, potestatem passiuam verè physicam, quæ in re creanda non reperitur: Cum ergo illa nihil sit omnino ante creationem, intelligi non potest ex principijs Aristotelis quomodo ex nihilo fiat aliquid: Nam primus motor simplex eodem modo semper se habet, nihil suæ substantiæ communicat. Vnde ergo oritur ex nihilo vnus mundus potius quàm infiniti? maximè verò in aliquo principio temporis id planè repugnat, inquit Philosophus, vt posita re simplici eodem modo se habente quidquam prodeat ex nihilo: Nam, vt ait Auerroes disp. 2. contra Algazelem in solut. dubij 5. oporteret vt actio agentis penderet ex nihilo, quod in aliquid conuertatur. At omnis actio est deductio rei de potestate ad actum, non potest igitur actio pendere ex nihilo quod veram non habet potestatem. Tertiò si daretur creatio fallax esset Aristotelis consequentia, qua probat 1. phys. 82. materiam æternam nec fieri posse, nec interire, propterea quod ex alia materia gigni non potest, quæ consequentia inanis esset, si per creationem alter daretur modus productionis. Sed imprimis insulsus esset Aristoteles qui creatione nunquam vlus est ad ostendendam primi motoris secretionem a materia, hac enim ratione longè melius eam ostendisset, quàm motu æterno, siquidem a materia liberum esse oportet, quod eam in rebus producendis non requirit. Quartò repugnat creatio rebus æternis, quibus aduersatur causa efficiens, propriè dicta. CH A R. Hanc causam Aristoteles non videtur negare rebus æternis, saltem vt sunt continenter, nam a Sole æterno æternum lumen & motum vult fieri, factum enim non negat omnino, sed ita factum vt prius aliquando non fuerit. Quod de lumine & motu dices, nimirum non competere illis causam efficientem vt sunt æterna, sed vt sunt continenter, hoc idem dicam de omnibus creatis ab æterno, semper enim a Deo conseruantur, quod est fieri continenter sicut mundus ex sententia Platoniorum propriè non est, sed fit semper. A R I S T. Quod produciens & productum possint esse coæua non satis demonstratur illo exemplo Augustini lib. 6. de Trin. c. 1. Splendor, inquit, qui gignitur ab igne est coæuus igni, & esset coæternus, si ignis æternus foret. Nam si intelligit de splendore existente in ipso igne, vel Sole & ab ijs non distincto, perinde ridiculum est ac si diceret cælum producere ab æterno suam figuram Si verò intelligit de splendore quo cætera illuminantur, non maior erit difficultas quàm de motu, nimirum materiam ab æterno esse subiectum luminis, sicut & motus, atque ita dari æternam rei perpetuæ transmutationem. Sed, inquis, Sol in ligno æterno & incorrupto calorem æternum produxisset, qui absen-



absente contrario etiam nunc conseruaretur. Pateor hanc difficultatem inenodabilem ijs esse qui Aristotelis formas reipsa distinguunt a materia, ijs autem qui sola ratione distinguunt nihil aliud erit quam lignum ipsum ad praesentiam Solis ita formatum. At illud formari, dices, est effectus aeternus. Respondeo formas proprie neque vocandas esse res, neque effectus, cum sint potius materiae diuersi modi se habendi, quare illis petentibus, nulla iactura fit in vniuerso, & hoc maxime de motu dici debet, cum sit solum rei ad rem perpetua quaedam applicatio. Vt vero aliquis effectus dicatur aeternus non a formis exemplum sumendum est apud Aristotelem, sed a perfectis substantiis aeternis, quas ipse contendit non esse factas. Si cum non satisfacit hac responsio, imputet principis ex quibus emergit difficultas illa de aeterno calore & lumine, quae profecto nulla est in sententia antiquorum nihil noui fieri asserentium. CHAR. Quid vero habes quominus in sententia Aristotelis res aeternae a Deo sit ita creata, vt etiam nunc creetur & fiat continenter, cuius conseruatio est continuata quaedam creatio? ARIST. Multa ex eo sequuntur quae repugnant Aristoteli. Si enim Deus cuncta ex nihilo produxit, & perpetua creatione conseruat, ad minima quaeque opera requiritur eius concursus, cuius sola subtractione posset omnes impedire, immo etiam omnia ad nihilum reducere. At secundum Aristotelem Deus proxime solius primi motus est effector, quo posito cetera iuxta suam naturam ita agunt, vt tamen omnia in ipsum tanquam in vltimum finem referantur. Deinde perpetuus ille concursus non ob aliam necessitatem videtur induci, quam vt explicetur quomodo ex nihilo factum in nihilum reduci possit, quod omnibus philosophis aduersatur, iuxta quos si Dei actio ad res singulas descenderet, frustra in omnibus reperiretur agendi virtus, sed quemadmodum dixerunt Mauri omnia ipse solus ad rerum praesentiam efficeret. Dices opinor causas vniuersales ab Aristotele recipi, ita est sed quae agant tantum per motum & lumen, alioquin abs te quaro cum perspicacissimo Durando. An actio causae primae, & secundae sit eadem, an diuersa? Non eadem quia oporteret vtriusque esse eandem virtutem effectricem: Non diuersa, quia vel vna esset prior alia, vel ambae simul: non primum, alioquin posteriori nihil efficeretur: non secundum, quoniam vna sufficit, altera ergo esset superflua. CHAR. Respondeo causam primam agere eadem plane actione qua agit causa secunda, & concursam, quem causa prima dat secundis nihil esse aliud, quam ipsammet actionem causae secundae, quatenus ita est a causa secunda, vt fit etiam a prima; est enim hac actio id quo effectus dependet ab omnibus suis causis efficientibus. Neque absurdum videri debet eandem actionem esse a pluribus agentibus proxime, & perfecte, quando sunt sibi inuicem subordinata: vnde Sol & homo generant hominem in suo ordine proxime & perfecte, Sol vt causa vniuersalis, homo vero vt singularis. Funditus autem negandum est causam secundam esse sufficientem ad aliquam actionem se sola absque diuino concursu exercendam. Ratio est manifesta, quoniam omne ens participatum pendet ab ente per essentiam necessario non solum ratione inceptionis suae, sed etiam ratione sui esse, non minus quam lumen a Sole, species ab-



obiecto, actus vitales a vita, quæ ita pendent a suis causis, vt toto tempore quo durant efficienter producantur. A R I S T. Si hæc exempla quicquam probant, ostendunt res creatas non esse easdem vlllo momento: nam sicut nunquam est idem lumen in sententia Aristotelis, ita si illæ semper fiant actione continua quæ nunquam eadem est, cælum quotidie nobis, & elementa diuersa erunt: si verò eadem est actio perpetuata quæ a termino permanente non distinguitur, non video quid sit hæc conseruatio, & profectò cum ipse terminus sit ab æterno aliam non requirit actionem nisi qua remoueantur contraria, nam actum ageretur, si quod productum est productione indigeret. Mirum est præterea effectum vnum totum esse a causa secunda, & rursus totum esse a causa prima, cum tamen generatio sit sola materiæ transmutatio ad quam videtur sufficere causa secunda. Ad has falabras nos deducunt Aristotelis principia, nam qui omnia fieri putant ex concursu indiuiduorum facile ab hac creatione & conseruatione se expediunt. Mitto nunc quòd concursus ille diuinus hominis libertatem vehementer labefactat.

## De concursu diuino & libertate hominis.

### C I R C V L V S D E C I M V S.

#### CHARILAVS. ARISTÆVS.



**H**A R. Nequaquam libertatem infringit Dei concursus, si ille, vt par est intelligatur, est enim præsentia diuinæ potentiæ vbi que secundum naturam rerum operantis liberè cum liberis, vt necessariò cum necessarijs. Explicari autem debet modo opitulantis cuiusdam & assistentis qui ex se motum non inchoat, sed comitatur, nec magis cogit quàm si omnino non esset, quamuis alter absque hoc adiumento non moueretur. Ita dicamus voluntatem humanam parato Dei auxilio vt ac sæpe abuti in prauis actibus, & licet a Deo non minus quàm ab ipsa procedat actio, ipsam tamen actionis dici causam liberam, quatenus ad talem actum determinat diuinum concursum, a quo ipsa adiuvatur quidem sed non determinatur: Quare liber est actus voluntatis licet idem simul a Deo & a voluntate procedat: Nam loco diuini concursus fingamus habitum sine quo ipsa operari non possit, neque tamen ei vis vlla inferatur, tunc actio libera procedet ab habitu, & voluntate, & sicut voluntas absque concursu istius habitus nihil posset, ita absque diuino nihil potest. Non est tamen existimandum determinationem illam voluntatis esse aliquid distinctum ab actu qui dicitur liber, sed est ipse actus procedens a facultate cuius talis est natura vt possit se ad talem actum nullo superaddito determinare, & diuino vt concursu perinde ac ad respirandum aere vtamur. Vel igitur

E

Deus



Deus concurrit ad liberos actus voluntatis, vel ad nullius rei actiones planè concurrit. A R I S T. Nunc pro Durandi opinione illud occurrit, quòd admissò illo concursu, vel nullus datur actus liber, vel nulla facta in rebus mutatione Deus, vt aiunt, contradictoriè denominatur. Potest enim Deus habere decretum de concursu præbendo Socrati ad hoc, vt ipse certo tempore sibi præcertum aliquid exequi velit, & tamen Socrates cùm tunc liberè id velle posset eo concursu non vtatur, atque ita grauissimam incurrat culpam, propterea quod positis omnibus necessarijs ad volendum id, ad quod præcepto tenebatur, voluntatis illum actum sciens omisit, sed nihil cogitans de concursu Dei parato: Vnde si Deus habuisset decretum de non præbendo concursu Socrati ad eundem actum voluntatis, tunc perinde Socrates actum illum omisisset, fortassis non sine culpa, cur enim potius sine culpa, quàm prius? Sed hoc non disputo, verùm illud contendo, nullam sequi mutationem in voluntate Socratis, siue Deus habeat decretum de dando concursu, siue habeat decretum de non dando. Nulla ergo facta in rebus mutatione Deus contradictoriè denominatur, vnde sequitur vel factam esse in Deo mutationem, vel falsum esse peripateticum axioma transiri non posse a contradictorio in contradictorium nulla facta mutatione. C H A R. Certum est Deum per idem velle, per quod non vult, atque ita velle, & nolle in ipso nullam mutationem efficere, eamque in rebus externis esse quærendam. Habes autem mutationem & quidem physicam in exemplo a te allato: Nam posito Dei decreto de præbendo concursu, actus ille voluntatis in Socrate fit possibilis, ac proinde verum ens physicum, cui existentia tantùm deest: Posito autem Dei decreto de non dando concursu, redditur actus ille non possibilis, atque adeo non ens physicum. Dubitari tantùm posset, an tunc Socrates culpa vacaret: Nam si Deus negaret concursum suum paratæ voluntati Socratis, vel imparatæ, omissio illius actus non erit libera, ac proinde non culpanda. Sed inquis cùm Deus habet concursum paratum quo Socratis voluntas non vtitur, omissio libera est & culpanda, ergo & si non habet paratum, quia de hoc nihil scit Socrates, & voluntas eius se habet eodem modo, omissio quoque libera erit & culpanda. Quod verò voluntas se habeat eodem modo, probatur eò quòd dici non potest in quo consistat illa diuersitas. Sed respondendum est vt prius hanc esse mutationem physicam quòd parato Dei concursu actus fiat possibilis, & voluntas potens, at imparato minimè possibilis actus, & voluntas impotens. Multi vt se ab hac difficultate liberent dicunt nullam esse culpam in ommissione, sed in actu physico quo voluntati placet talis omissio. Ita Magister, Bonauent. Capreol. Henr. Caiet. & alij, contra Richardum, Durand. Marsil. & Thomistas ferè omnes docentes posse esse culpam in sola ommissione, quoniam, inquiunt, potest esse omissio libera præcepti absque actu, igitur in ea consistet culpa, alioqui Deo actum imperante liceret quiescere liberæ voluntati. Hanc ego sententiam probabiliorem, & satis ex responsione quam attuli solutas difficultates existimo. A R I S T. At ego existimabam intelligi non posse Deum contradictoriè denominari, nimirum volentem, & non volentem, nisi in ipso vel in rebus sequeretur aliqua mutatio actu, ita vt reipsa aliquid existeret



in vniuerso, quod non erat: In hoc enim consistit difficultas quomodo substantia diuina simplex, & purus actus in quo nihil est ab eo distinctum, possit dici volens & non volens nulla alia facta mutatione, quam quia possibile, vel non possibile reddatur aliquid, quod tamen reuera nunquam erit, vt actus ille voluntatis. Nam res possibilis, sed nunquam futura omnino nihil est, quomodo igitur ratione ipsius datur mutatio physica? an illud physicum censendum est quod nunquam erit magis, quam chimara? CHA R. Ita cogimur philosophari ad saluandam simplicitatem & libertatem diuinæ voluntatis: Nam cum decreta ipsius omnia sint æterna, si mutatio, quam dixi, non sufficeret, profectò vel res omnes essent æternæ, vel Deus ipse mutaretur. A R I S T. De hoc postea videbitur, nunc vt creationem æternam absoluamus, dic si quid superest ad eam ex Aristotelis doctrina comprobendam. CHA R. Perillustris est locus ille 9. metaph. 17. si substantiæ separatæ non essent, nihil esset: Id maximè de Deo dici putandum est, qui proinde dicitur causa cur omnia sint, nihil præter se ad omnium molitionem requirens, ac propterea vniuersum maximo amore prosequens. Diligunt quidem artifices suum opus, inquit Platonici, sed eo minus quo plura iam effecta prærequirunt: Diligunt magis parentes filios suos, quo pauciora ad eorum generationem efflagitant. Nos autem Deus maxime amat, cum nullius rei omnino ad nostri creationem indigeat. Ex nihilo igitur est mundus a Deo pendens totus, non a seipso, alioqui seipsum formaret, quod non pertinet ad corpus sed ad primum incorporeum. Hinc est quod 12. metaph. 39. cœlum & natura vniuersa ex Deo pendet, & 1. cœli 100. omni-  
bus tributum est esse a primo, alijs clarius, alijs obscurius. 2. de gen. 59. compleuit omnia Deus, ijs æternitatem dando quæ a se non longius absunt, æteris autem continuam faciendo generationem. 2. Rhet. c. 2. Damores appellantur Dei opus. 1. Polit. c. 5. omnia propter hominem fecit Deus. Quid multa? ex innumeris alijs locis hoc ipsum ex Aristotele probari potest. A R I S T. Sed his omnibus iam responsum est, cum ex doctrina Philosophi declarata Deus non possit esse rei in ex nihilo productarum effector, esse tamen causam efficientem latè sumptam iuxta Auerroem, quæ idem est ac omnium finis vltimus, forma assistens & conseruans. Quoniam igitur omnia quæ afferre videris argumenta eandem habent solutionem, videamus nunc quid senserit de libertate primi motoris, si enim liber est quamuis infinita virtute pollens, eam tamen ita temperat, vt motus infinitæ velocitatis non sequatur: At si non est liber, neque vim illam immensam habere debet, ne momento citius omnia moueat, vt dicitur  
tex. 79.

## De libertate primi motoris.

C I R C U L V S X I.

CHARILAVS. ARISTÆVS.



**C**H A R. Rem arduam omnino & operosam aggredimur, ad quam superandam notandum est primo libertatis nomen non vno modo vsurpari, sicuti neque nomen necessitatis, quæ libertati opponitur; ac proinde quoniam ex regula topica quot modis dicitur vnum contrarium, totidem dicitur, & alterum, quàm varia erit significatio liberi, tam varia erit necessarij. Videamus imprimis quot modis dicitur aliquid liberum. Primò quidem liberum dicitur id quod potest non esse, & oppositum necessarium quod non potest non esse, qualis est solus Deus. Secundò dicitur liberum quod non coactum est, necessarium verò quod coactum & violentum. Tertiò quod est spontaneum aut voluntarium; illud autem ex 3. ethic. 1. definitur cuius principium est in ipso agente sciente singula in quibus est actio. Neque verò satis est voluntario quæcunque cognitio, sed quæ est causa actionis. Huic oppositum necessarium inuoluntarium est. Quartò & propriè liberum est quod positis omnibus ad agendum necessarijs, ita ponitur, vt possit non poni ijsdem positis permanentibus: necessarium autem est quod licet nec coactum sit, nec violentum non potest tamen non esse positis omnibus requisitis ad agendum, & hac ratione dicuntur agentia naturalia agere necessariò. A R I S T. Hæc est libertas quæ ab Aristotele non admittitur, hæc necessitas quæ primo motori ascribitur, vt probari facillè potest vel ex prima ostensione quam Aristoteles format tex. 9. 20. & 51. pro æternitate motus. Nam, inquit, si agens æternum quod prius non mouebat mouere incepit, oportet vt præcurrente aliqua motione ad id fuerit determinatum & redactum de potentia remota ad proximam. Ratio alia esse non potest quàm quia idem eodem modo se habens semper idem facit: At hæc ratio non valet in agente libero, quoniam, vt dixisti, positis omnibus necessarijs ad agendum, agere potest, vel non agere: vnde primus motor si fuisset liber, nulla facta mutatione se ad mouendum determinare potuisset. Igitur Aristoteles non agnoscit vllam potentiam quæ citra motionem præcedentem de non agente fiat agens, & sic tam in Deo, quàm in homine tollit libertatem illam præse acceptam, vt potentiæ omni contradicentem quæ ex remota ad proximam per aliquam mutationem reducitur. Neque Aristoteles vnquam concedet positis omnibus ad formam aliquam necessarijs, ipsam abesse vt dicimus posse abesse actionem liberam voluntatis nam 8. metaph. tex. vltimo materia, inquit, vltima, & forma, vt dictum est idem sunt, vbi significat positis præmunitionibus, formam nunquam abesse

Quæ



Quæ enim est ratio cur actio illa libera voluntatis nunc fiat, quæ prius omnibus eodem modo se habentibus non fiebat? Nec dicas prærequiri cognitionem in intellectu: nam primum in Deo sciebat Aristoteles cognitionem & decreta omnia esse æterna quærit tamen quomodo ijs tota æternitate eodem modo se habentibus absque motu, postea citra mutationem ullam incepit motus. Deinde in homine eadem est difficultas: Quoniam posita cognitione in intellectu sufficiente ut actio aliqua libera in voluntate consequatur, voluntas ipsa nihil legit duabus horis, tandem hora tertia incepit agere, nulla mutatione facta tam in intellectu, quàm in corpore. CH A R. Id saltem in homine negant Thomistæ 1. parte q. 36. a. 3. ad 4. Caiet. Capreol. Ferrar. Durandus & alij, quorum aliqui dicunt si liberè pars vna oppositionis eligatur, necessarium esse, ut ipsa magis attendatur, quàm opposita: Alij exigunt iudicium practicè practicum, ut aiunt, idest efficax proponens hinc & nunc istud faciendum esse potius quàm oppositum, esse istud medium illi anteponendum. Alij saltem ad præuè agendum errorem exigunt in intellectu, sine quo peccare non possit, & cum quo libertas ad oppositum esse non videatur. A R I S T. Illi profectò dum Aristotelis rationi iam allatæ, ut par est satisfacere cupiunt assignando quid potissimum requiratur, ut voluntas ad vnam partem determinetur, ipsius libertatem ac naturam planè destruant. Quod ut demonstrum iuxta eorum doctrinam, hoc positum imprimis velim actioni liberæ necessarium esse actum intellectus proponentem obiectum quod moueat voluntatem, quoniam nullum voluntarium est quod non sit præcognitum. Secundò requiri actum intellectus non dependentem ab actu libero voluntatis, & priorem omnino, quo posito actus voluntatis esse possit, quàm non esse: Illud autem non pendet ab alio quod eo non existente esse potest æquè ac existente. Tertiò ad liberè non agendum opus esse actu intellectus: nam qui liberè non agit, potest agere, ergo habet actum intellectus actioni voluntatis necessarium. His positis dicendum videtur id quod ex parte intellectus requiritur ad agendum liberè, sufficere nullo alio intellecto ad liberè non agendum, ex quo sequitur libertate contradictionis eodem momento posse voluntatem agere vel non agere in sensu diuiso: Nam qui agit liberè, agit indifferenter per facultatem qua æquè potest non agere, itaque si tunc agit liberè, potest quoque non agere in sensu diuiso. Confirmatur, quia si haberet prius aliquid determinans, ut illi volunt, ad agendum, quo posito non posset non agere, nulla deberet ei culpa imputari pro eo tempore & ea actione. Dicendum est secundo posse intellectum habere simul duas actiones duabus actionibus voluntatis oppositis necessarias. v. g. simul esse posse in intellectu cogitationes quæ solæ sufficiant ad agendum temperanter, & agendum intemperanter, ad eligendum hoc medium potius, quàm illud, & contra: ex quo sequitur eodem tempore, vel momento intelligi potestatem voluntatis, & libertatem oppositionis, neque requiri ad hoc ut vna pars potius quàm altera eligatur, aut maiorem attentionem, aut iudicium efficax, siue practicum, aut errorem, sed omnibus eodem modo se habentibus voluntatem liberè alteri parti adhærere, quod sic luculenter declaratur. Intellectus videat iucundum, & honestum, vtrunque prout est, &



ad neutrum magis quam ad alterum attendat, si feratur voluntas in iucundum, non feretur in incognitum: Cur alia cognitio necessaria videbitur, & non poterit voluntas amplecti pro arbitrio, vel iucundum, vel honestum?

**CHARR.** Thomistæ propterea iudicium practicum requirunt, ne voluntas, ut aiunt, feratur in incognitum. Addunt ipsi si intellectus utranque partem æqualiter cognoscit, & neutram alteri anteposit, voluntas autem alteram eligit, illa fertur in incognitum, quia anteposit, quod non iudicatur antepositum. **ARIST.** Hoc certè non est ferri in incognitum, quia totum obiectum quod voluntas anteposit notum est, & iudicatur bonum, & amabile. **CHARR.** Confirmant eo quod intellectus mouet voluntatem, specificatiuè ut aiunt, hoc est ad actum talis speciei exercendum, ergo debet illi dictare quam partem oppositionis amplectatur, & quæ species actionis sit alteri antepositenda. **ARIST.** Intellectus mouet specificatiuè voluntatem hoc sensu tantum quod proponat ei pro vna parte cognitionem vnā, & pro altera cognitionem alterā, dando illi ut possit, non autem ut faciat actu vnum potius quam alterum. Sed clarius videamus quid sequatur ex responsione Thomistarum ad rationem Aristotelis: Posito iudicio efficaci, siue practico in intellectu, quo res hinc & nunc agenda esse censetur, necessariò voluntas amplectitur id quod proponitur ab intellectu; contra verò non posito tali iudicio non potest voluntas quicquam velle aut nolle; Hoc quidem videtur esse verissimum, sed inde sequitur voluntatem non esse liberam, quia illa facultas tantum libera dicitur, quæ positis omnibus requisitis ad agendum, potest agere, vel non agere: atqui certè voluntas nunquam est sic indifferens, quia sine iudicio efficaci, siue practico nihil prosequi potest, ut quicuis in seipso experitur, & illo posito non potest non prosequi, ergo nulla ratione est libera. Nam quemadmodum manus non est libera, eò quod non agit nisi mota voluntatis imperio, ita neque voluntas si nihil agit nisi efficaciter, siue practice determinata ab intellectu, ut quidam Thomistæ philosophantur. Eorum sententiam rejicit Scotus: vel enim tale iudicium est liberum ex se, vel non, primum non dicent Thomistæ qui propriè libertatem ponunt in sola voluntate: si secundum, non potest dici a quo sit liberum nisi a voluntate a qua fuit imperatum: sed rursus redibit quaestio de actu illo voluntatis a quo fuit imperatus, an requisierit iudicium practicum, & utrum illud fuerit liberum, & sic in infinitum. Sin verò actus iudicij quo res hinc & nunc facienda iudicatur nullo modo est liber, & tamen eum voluntas sequitur necessariò, nulla planè remanet libertas, cum ea nec in intellectu, nec in voluntate reperiatur. **CHARR.** Dicent Thomistæ posito quidem tali iudicio practico non posse voluntatem non amplecti obiectum in sensu composito, hoc tamen non tollere libertatem, quia libertas consistit in indifferentia voluntatis, qua potest quantum est de se facere, & non facere, licet posito tali iudicio iam non possit non facere quod proponitur faciendum.

**ARIST.** Refelluntur, quia dicunt beatos amare Deum necessariò ex hypothesi visionis diuinæ, & in sensu composito, ergo si iudicium practicum non minus quam visio diuina affert necessitatem voluntati, tollit necessariò libertatem. **CHARR.** Quid si Durandus respondeat libertatem non in



sola voluntate, sed in voluntate simul ac intellectu consistere, proinde culpam non minus esse intellectus male iudicantis, quam voluntatis turpia amplectentis. **A R I S T.** Idem est ac si Durandus diceret non dari nisi vnam facultatem, quæ simul sit intellectus, & voluntas, ita vt rem apparere hic & nunc faciendam, sit actus simul intellectus, & voluntatis, quo posito subiectæ facultates manus v.g. vel pedis necessario operentur: Sed cum hoc iudicium practicum sit planè necessarium, multo magis tollitur omnis libertas, maximè verò in intellectu diuino qui omnia facienda intelligit necessario, ergo & necessario faceret infinita. Nulla est igitur in intellectu libertas specificationis, aut exercitij. Ac primum non est liber ad hanc vel illam speciem actus exercendam, quia cum sit facultas merè naturaliter agens, vt oculus apertus ad videndum, si iudicat necessario assentitur obiecto, quod proponitur vt verum, & dissentit ab eo quod vt falsum proponitur. Neque dicas id esse verum quando obiectum clarè & euidenter proponitur, cum autem est obscurè propositum, tunc posse intellectum pro arbitrio determinari ad assensum, vel dissensum. Contra enim est, quia nisi maior ratio appareat in vnam partem, quàm in aliam, nunquam se determinabit intellectus, sed absque omni actu suspensus remanebit. Huiusmodi autem suspensio non oritur ex dominio aliquo quod habeat intellectus in suum actum, sed tantum ex insufficienti applicatione obiecti: at verò voluntas sufficienter proposito obiecto, adhuc remanere debet libera, & indifferens vt se ad hanc potius partem, quàm ad illam determinet: vnde licet diuinus intellectus omnia euidentissimè proponat voluntati diuinæ, debet tamen illa manere libera ad hoc vel illud faciendum, vel non faciendum. Difficile autem est asserere rationem huius discriminis, quod nimirum intellectus non possit se determinare ad speciem actus, nisi quatenus mouetur ab obiecto sufficienter proposito, voluntas verò ex se, & liberè id præstet; atque id forte Durandum maximè opere cruciabat, vt etiam in intellectum transuersam ageret libertatem; nam profecto si voluntati id concedimus, vt positis omnibus necessarijs ad operandum circa bonum & malum, sit libera, quare id circa verum & falsum intellectui non concedetur? **C H A R.** Rationem hanc asserere possumus, quòd res non possit esse nisi vno modo vera, possit autem pluribus modis esse bona, vel mala: vnde voluntas proposito aliquo obiecto bono, illud amplecti potest ob tale bonum, & illud fugere propter malum illi coniunctum, quia verè illud obiectum & bonum est & malum. At verò quando rationes probabiles in vtramque partem intellectui proponuntur, ex non faciunt vt obiectum sit verum, & falsum; vnde cum intellectus lumine naturali iudicet non posse vtramque partem esse simul veram, non potest esse liber ad amplectendam vtramvis partem, sed eam potissimum in quam magis impelletur a rationibus propositis. Potest quidem voluntatem magis in vnam partem inclinari, id tamen non fiet ex libertate ipsius intellectus, sed voluntatis. **A R I S T.** Primum in Deo istud quid est rationis locum non habet, æquè enim proponitur eius voluntati summum bonum agendum, ac intellectui summum verum cognoscendum, & istud igitur necessario cognoscit, ita vult illud, proinde necessario vult & facit



facit quod est optimum, atqui illud optimum vnum est, non est ergo indifferens eius voluntas ad vtrumque: nam si potuit nolle mundum producere optimum est tam esse mundi, quam non esse. Respondebis Deum non velle semper efficaci voluntate quod est optimum, sed tantum voluntate, ut aiunt, simplicis complacentiæ. Sed afferenda est ratio cur possit non velle efficaci voluntate quod est optimum, & vnum, non possit autem non cognoscere quod est verum, dicendum est igitur totam rationem petendam esse a natura ipsa liberæ voluntatis quæ posito etiam iudicio practico & omnibus ad agendum necessarijs, potest agere, vel non agere. Superest tamen integra difficultas quomodo Deus summè bonus non semper vult efficaci voluntate quod est optimum. Dices præter Deum non dari optimum secundum se, sed vocari illud optimum quod vult Deus: sit ergo optimum velle fieri scelera, & puniri ad Dei iustitiam demonstrandam, quæro an potuerit Deus velle ut non fierent scelera? certè potuit, atque etiam ut non esset mundus, optimum est ergo fieri scelera, & non fieri, quandoquidem velle vtrumque potuit Deus, qui semper optimum velle debet etiam efficaci voluntate. Præterea non potest optimum sumi a Dei voluntate, nam prius est saltem ratione intellectum diuinum proponere voluntati quod est optimum, quam voluntatem illud amplecti vel relinquere. Subtilior est responsio non posse Deum facere quod melius est vel optimum, quoniam meliori datur melius in infinitum, sic optimum in vnoquoque genere deberet esse infinitum v. g. infinita substantia, quantitas, qualitas, & alia id genus, quæ cum dari non possint, spectat ad Dei voluntatem determinare suam unicuique perfectionem. Consideremus etiam in homine rationem quam attulisti, nimirum rem esse posse bonam vel malam pluribus modis: illa non mouet voluntatem, nisi ut bona voluntati ab intellectu repræsentatur actu practico, si ergo iudicium illud practicum sit necessariū, & eo posito voluntas non possit non agere, nulla omnino datur libertas. Quare fateamur vix posse afferri discrimen cur voluntas agat liberè, & intellectus liberè non iudicet. Superest v. ostendam intellectum non habere libertatem exercitij, quoniam eius actu non est voluntarius secundum se, sed tantum quatenus a voluntate applicatur ad intelligendum, ut oculus ad videndum. At omnis actus liber ex sua natura debet esse voluntarius, nullo igitur modo liber est intellectus, quantum sit potentia ratiocinandi, ac propterea ipsa voluntate perfectior. Ostendendum est tandem ad hoc ut voluntas prauè operetur non requiri errorem hoc est falsum iudicium in intellectu: concedo quidem prauitate voluntatis nasci errorem practicum, sed nego errorem exigi ante prauam operationem voluntatis, & sic demonstro ex eo quod supra probatum est posita cognitione boni honesti & boni delectabilis, quod honesto aduersatur, liberam esse voluntatem ad vtrumlibet: Itaq. nullus error requiritur, quia sine errore indicari potest bonum rationi aduersum esse delectabile, quod satis est ut voluntas in illud liberè feratur, non enim, ut ostendi, feretur in incognitum. Idem de omissione culpanda dicendum est: sit enim intellectus sine errore, ac voluntas possit amare liberè temperantiam (quod sine errore potest, tum etiam cum amandi præceptum est, quia præceptum non tollit facultatem



si autem potest amare liberè posito præcepto, potest non amare liberè: sed posito præcepto amandi culpa est omissionis, quæ proinde absque vlllo errore intellectus committi potest. Neque obstat illud 3. ethic. 1. omnis peccans ignorans. nam si quæ est ignorantia antecedens, illa est negationis, id est non cognitio, quæ licet non sit necessaria ad bene agendû, si tamen adesset omnino peccatum impediret, satis est autem quod verus error antecedens non est necessarius ad peccatum. Ex his patet quid sit dicendum ad difficultatem propositam nimirum etiam posito illo iudicio practico voluntatem non necessariò determinari, sed liberam remanere, tam ad speciem actus, quàm ad exercitium, & si quis dicat quotidie se contrarium experiri, statimque ac iudicatur hic & nunc expedire sic operari, hoc ipso sequi voluntatem, atque adeo operationem externam, nisi aliunde impediatur; id penitus est inficiandum ijs qui defendere volunt libertatem, dicendumque potius tunc summi actum voluntatis pro iudicio ipso practico, qui enim iudicat malum esse furari, expedire tamen furari hîc & nunc forte idem est ac si diceret iudico quidem non esse furandum, sed tamen volo furari. Alij dicunt a voluntate trahi intellectum ad iudicandum, sed hoc non decet, potestatem cæcam, quæ ad nihil mouetur, nisi intellectus lumine præeunte, vt igitur ita traheret intellectum, deberet ab ipso prius illuminari, ad hanc tractionem efficiendam, unde iterum tota res in iudicium practicum refunderetur. Duæ superant grauissimæ difficultates, vna in voluntate humana, altera in diuina, si nullam admittimus præcedentem mutationem qua se determinent, vt vult Aristoteles textibus supra citatis, quæritur enim Deo habente decretum de non præbendo concursu voluntati paratæ quantum est ex se, vel imparatæ ad volendum etiam dato concursu, per quid intelligitur ipsa voluntas parata vel imparata, cum in se non sit omnino variata? an & ipsa denominatur contradictoriè absque vlla mutatione? non enim iam valet tua responsio, quòd concessio diuino concursu fiat potens ad volendum, eo autem negato fiat impotens, quam mutationem dicebas prius esse physicam: Nam quòd voluntas sit parata vel imparata ad volendum, hoc non pendet ex concursu diuino, quandoquidem tam concessio, quàm negatio, nihilominus quantum est ex æquè parata esse potest atque imparata. Vide omnino dicendum esse circa vllam mutationem tam Dei quàm voluntatis contradictoriè ipsam denominari, ac propterea hanc libertatem ab Aristotele non admitti. Quod dicas hoc paratum & imparatum non esse quicquam re ipsa inter se nec a voluntate distinctum, sed esse ipsammet naturam voluntatis, quæ est potentia indifferens ad operandum, ita vt eadem forma inuariata contrarias denominationes dare possit, propterea quod illud axioma (idem manens semper idem facit) verum est tantum in rebus necessarijs, non autem in liberis, im talis sit natura rei liberæ, vt sine mutatione sui nunc potius quàm ante factum inferat, si inquam hoc dicas, habebis Aristotelem acerrimè repugnantem tex. 9. 20. & 51. vbi vult omnia quæ liberè videntur agere, prius moueri extrinsecus. Sed in diuina voluntate præcipua videtur esse difficultas. dictum est posita cognitione sufficienti ad hoc vt voluntas liberè operetur, liberè quoque posse voluntatem non operari: Deus ergo liber circa rem ali-

quam purè possibilem potest habere decretum de ipsa non creanda, potest quoque de ea nihil omnino decernere: sed siue habeat hoc decretum, siue nihil decernat, nulla sequitur rei mutatio physica quam ante afferebas, nam res illa perinde non est amplius possibilis utroque modo, ergo vel Deus mutatur, vel siue mutatione contradictoriè denominatur. CHA R. Si totam vim difficultatis in eo positam existimas, facile responderetur voluntatem quidem humanam posita cognitione sufficienti ad aliquid liberè volendum, posse tunc liberè non operari, in diuina tamen voluntate id esse negandum, neque enim potest habere se negatiuè, ut aiunt, ita ut de re cognita nihil omnino decernat, sed debet habere decretum de existentia ei neganda vel concedenda, alioquin sequeretur absurdum quod intulisti. A R I S T. Aristoteles non admitteret hanc methodum respondendi, nimirum hominem posse ob suam libertatem de re cognita nihil decernere, Deum verò non posse, quoniam in Deo tantum absurdum quod intuli, sequeretur: sed propterea diceret vel vtrunque non esse liberum, vel cum sit eadem ratio libertatis, vtrunque similiter posse de re cognita nihil decernere. Audirem autem libenter ex te quare id in homine non sit absurdum. CHA R. Quoniam si homo denominatur volens & non volens negatiuè, ut aiunt, idest per cessationem voluntatis, assignari potest vera mutatio, nam actus voluntatis humanæ est res vera & a suo principio distincta, cessatio verò ab hoc actu est pura priuatio & non res vera, ergo dum voluntas humana denominatur contradictoriè volens & non volens, datur mutatio. Atqui non daretur in diuina voluntate, neque in rebus externis si circa rem possibilem creandam Deus habere se potest negatiuè nimirum cessando ab omni actu: Ponamus enim Deum habere decretum de re illa nunquam creanda, res illa nunquam futura se habebit eodem modo, atq; si Deus se haberet negatiuè cessando ab omni decreto, vtrunque enim habet quod nunquam futura sit. At possibile non est Deum suscipere contrarias denominationes verè volentis rem non esse, & non volentis quicquam circa rem illam, hoc est nihil omnino statuentis, nisi fiat aliqua mutatio vel in Deo vel in re: Quare ut Dei libertatem, & immutabilitatem tueamur, dicendum est Deum non posse sicut hominem, de re aliqua nihil statuere, sed decernendum illi esse de re creanda, vel non creanda: Nam & si res ut non sit non requirat actum Dei, tamen cum sit infinitè prouidus, eius est de singulis vero decreto decernere. Vnde intelligimus Deum necessariò circa rem quamlibet bonam licet purè possibilem, habere saltem actum simplicis complacentiæ, ut aiunt, circa malam autem, displicentiæ: quemadmodum intellectui soli a Deo producto placeret ordo mundi etiam non existentis, eiusdemque confusio displiceret: at si posset Deus res purè possibles non diligere, rebus non mutatis denominaretur contradictoriè: neque contrarius est D. Thomas asserens Deum necessariò se diligere, liberè verò res creatas, nam intelligi debet de amore efficaci, qui liber est, eo enim vult rerum creatarum existentiam, & in hoc solum liber est Deus ut rem velit esse, vel nolit. A R I S T. Velim nunc audire ex te aliquem modum quo Deus rem velit esse vel nolit, nulla mutatione, ut ait Aristoteles, præeunte, non enim satis capere possum quomodo actus



actus purissimus, & simplicissimus semper se habens eodem modo, non semper eundem effectum habet, & quomodo velle eius & non velle distinguuntur, ita vt altero ponatur mundus, altero verò destruat. CHARR. Et si nihil habeo quod mihi, ac multò minus tibi satisfaciat, dicam tamen quid grauissimi autores super ea re iudicant. Capreolus censet nolle & velle Dei esse tantum aliquid extra Deum, puta rem non productam, aut productam. Reijcitur vel ex eo quòd nolle & velle Dei sunt actus vitales & interni. Neque dicat eos dici liberos denominatione petita extrinsecus, sunt enim liberi priusquam mundus sit productus, nam velle Dei est omnium causa. Alter modus est Caietani, nimirum esse perfectionem aliquam liberè in Deo existentem, ita vt omnino potuerit abesse, licet vbi semel extitit, desinere non possit amplius. Sed repugnat Concilio Remensi dicenti nihil esse in Deo quod non sit Deus: Nam in Deo reperiretur compositio ex re ab ipso distincta, & proinde creata quæ potuit esse & non esse, vt fatetur Caietanus. Alij dicunt hanc perfectionem a Deo non distingui, posse tamen non esse, in quo est manifestissima contradictio. Alij putant superaddere tantum respectum quendam rationis, hoc est in Deo nullum esse voluntatis actum, nemine cogitante, nullum fuisse ab aeterno, cum nullus esset intellectus. Atque vt breuiter te absolua Scoti modus est probabilior, nempe velle & nolle liberum Dei esse actum diuinæ voluntatis, quo Deus necessario se amat, prout tamen extenditur & terminatur ad res creatas, ad quas posset non extendi & terminari, seu prout eas infert, respicit, atque efficit. Hoc modo actus ille Deo erit internus, & nihil eius voluntati necessaria superaddet: ratio verò peti debet ex sola natura libertatis, quæ non mutata fundat vel non fundat diuersos respectus rationis ad res productas. Sic etiam Dei scientia circa res creatas est scientia, qua Deus se scit necessario, non quomodocunque, sed prout fundat hunc aut illum respectum ad hanc aut illam rem creatam, ad quem fundandum vel ei oppositum Dei voluntas est indifferens: nam sicut scientia Dei simplex æquiualeat nostris distinctis, & posita re creata futura, vel non futura, sine mutatione intelligitur esse huius, aut illius cognitio, ita actus ille quo se vult Deus intelligitur esse actus quo vult, vel non vult esse rem creatam, eò quod eius existentiam infert, cum posset non inferre, ea tantum est differentia quod scientia sit rei posita, voluntas autem eam inferat, atque efficiat. ARIST. Breuiter quidem hac omnia comprehendisti, vt ex eo colligi possit eundem actum voluntatis quo Deus se amat esse summè necessarium, eundem rursus esse summè liberum prout extenditur ad res creatas, ita vt tota libertas consistat in illo extendi, terminari, inspicere, inferre, atque fundare. At illa omnia verba si Aristoteli non erant nota, Dei libertatem non agnouit, si nota erant sufficere non putauit, alioquin tam pertinaciter non contenderet, si primum mouens erat æternum, & non mouit, nisi in aliquo temporis principio, oportere ante illum primum motum dari alium motum priorem, quod mouens de potestate remota ad proximam reduceretur, non putauit igitur sufficere voluntatis actum æternum & necessarium quo se vult primus motor, eumque esse simul liberum prout inferit, vel exten-

ditur ad res creatas, alioquin idem quod non potest non esse, posset non esse. Quod si respondeamus non posse quidem non esse secundum substantiam, posse autem non esse in ratione principij inferentis effectum, negabit quicquam sine mutatione posse nunc effectum inferre, quem prius non inferbat. Si vrgeamus idem dici posse de scientia qua Deus se cognoscit, hac enim eadem cognosci mundum, & quatenus est mundi cognitio posse non esse, sicut & mundum: Referet Aristoteles necessarium esse tam mundum, quam cognitionem primi motoris, hanc autem non esse singularem veluti nostram, qua Deus descendat ad res minutas, sed eminentem quandam cognitionem, imò Deum ipsum, qui simul æterna sit cognitio, voluntas, & necessitas: atque ita licet admittat agens liberum, nunquam tamen concessit liberum illud pressius dictum, quod sine vlla sui mutatione nunc inferat effectum, ut dicis, nunc non inferat, alioquin Aristoteli perfacile respondisset Anaxagoras & Empedocles cur aliquando mundus post chaos & sphaerum extitisset, mente nimirum libera, aut lite & amicitia sic ordinante. Vide porro quam male habeatis indiuiduorum assertores, vultis rem liberam non mutatam nunc inferre effectum, nunc non inferre, succensetis tamen miseris illis antiquis, si dicunt omnia fieri indiuiduorum concursu, nulla alia, quam loci mutatione. Nunc verò ut absoluamus importunam illam rationem Aristotelis mutationem exigentis in primo mouente quod post quietem æternam mouere cœpit, num possemus dicere cum Caietano quandam illi accedere perfectionem, & sic mutationem esse noui decreti, si vis, a Deo non distincti? C H A R. Non vult Caietanus Deo noui quicquam aduenire, sed perfectionem illam liberam esse æternam, licet tam in Deo esse potuerit quam non esse: nam si haberet nouum decretum, quantumuis illud nihil superaddat, Deus tamen saltem moraliter ut ita dicam, mutaretur, & leuis esset, contrarium volendo nulla apparente ratione, quam ab æterno non præuidisset, quod cum voluntatem dicat imperfectam, Deum quoque physicè mutabilem demonstraret. A R I S T. Spes igitur omnis excidit ut vnquam intelligam hoc vestrum extendi, terminari, respicere, inferre atque fundare. Sed neq; hoc intellexit vnquam Aristoteles qui 12. metaph. 30. ait potestatem non competere primo principio, sed eius substantiam esse actum, & In æternis esse & posse non distingui. 3. phys. 32. Hinc actio Dei est ipse Deus, ille est idem qui fuit semper, ergo & actio, ac proinde effectus vnus & idem, scilicet non alius, quam motus æternus. Ad hoc dicitis esse vnā quidem internam actionem necessariam qua se amat Deus, eandem tamen esse liberam prout inferit mundum quem poterat non inferre. magna sanè vis est in illo, prout, quod sine vlla mutatione Deum volentem facit, & non volentem. C H A R. Et si modus quo Dei liber actus exprimi debet, sit difficilis, atque Aristotelis ratio illa non nihil obturbet, grauioribus tamen argumentis videre licet Aristoteli notam fuisse libertatem primi motoris. Ac primum tex. 56. Quod melius est, inquit, semper arbitramur in natura, si possibile est: Optimus igitur & præstantissimus operandi modus cum libertate Deo conuenit: nam ille principatum absolutum ostendit in res creatas, quas ita producit, ut simul possit non producere, ab eo illa pen-



dent ut summo bono propterea omni cultu & ueneratione prosequendo, ab  
 is ille non pendet, neque cum vlla habet connexionem necessariam. Hoc  
 operandi genere homo etiam est insignitus, quo cæteris animantibus est su-  
 perior, quare multo magis Deo rerum omnium domino tribui debet.  
**A R I S T.** At contra Aristoteles contendit præstantissimum operandi mo-  
 dum ducem, & principem cæterorum esse penitus necessarium. Nam id quod  
 inducit quamplurimos, ut credant perfectius esse agere liberè, quàm neces-  
 sariò, est illud, quod putant omne necessarium esse coactum & violentum:  
 sed illi vehementer hallucinantur, necessarium enim quod primo motori  
 attribuit Aristoteles est voluntarium, quia sequitur mentem, & volunta-  
 tem, ac proinde modo aliquo liberum, nempe coacto oppositum, vocari po-  
 test. Ita modus ille operandi est eminentissimus qui fit præeunte certa co-  
 gnitione boni quod faciendum iudicatur, voluntate optima ita constanter  
 adhærente cognitioni, ut citra vllam ambiguitatem feratur in illud bonum  
 effundendum per actionem, quæ cum sit Dei optimi essentia, non potest non  
 effundere. Talis est secundum Aristotelem modus operandi primi moto-  
 ris, qui non propterea necessitate comprehenditur, sed lex est omnium alio-  
 rum, & necessitas simul, atque libertas, inquit Plotinus Enn. 6. lib. 8. c. 12.  
 Sed præclare imprimis obseruauit c. 21. Non ita Dei voluntatem accipien-  
 dam esse, ut ferri possit in oppositum, sed quoniam constanti & immutabili  
 fruatur potestate, quæ maximè est potestas, cum ab eo quod est vnum, nullo  
 modo digrediarur, nam opposita posse infirmitatis est conditio, non valen-  
 tis in optimo permanere. Putat ergo voluntatem quæ præeunte cognitione  
 remanet indifferens ad operandum, esse imperfectam, inconstantem, & in-  
 definitam, bono non satis euidenter proposito, talem autem esse humanam  
 voluntatem, atque eius libertatem non in eo consistere, quod posita suffi-  
 cienti cognitione ad agendum, possit agere, vel non agere, sed quod obiecto  
 non satis clarè ab intellectu exhibito, voluntas incerta pendere videatur,  
 dum varia inquiruntur media, vbi verò quod optimum apparet iudicio effi-  
 caci, vel practico, ut aiunt, tale esse statuitur, hoc ipso per electionem velle  
 censetur homo, qui perinde necessariò vellent ac ipse Deus, si intellectu cla-  
 rissimo vteretur. Propterea autem animantes non dicuntur libera, quod  
 ad varia media inquirenda versatilem illam & multiplicem non habent fa-  
 cultatem, ut appetitui quod optimum est, proponatur, etsi quam habent  
 adumbratam, vestigium etiam libertatis præ se ferunt. Cætera verò quæ  
 merè naturaliter agunt, ut ignis, & lapides, ne vmbra quidem habent li-  
 bertatis, quia cognitionem non participant. At Deus vtriusque modi in-  
 cludit perfectiones, agit enim summa necessitate per naturam suam quæ est  
 rerum omnium necessitas consimiliter operans, agit & summa libertate per  
 cognitionem perfectissimam, & voluntatem omnis erroris & inconstantia  
 plane expertem. **C H A R.** An non vidit Aristoteles miserum esse omni-  
 no ita alligari vni operi, ut neque ab eo desistere, neque oppositum præstare  
 possis, sed Ixionis fatum quodammodo subire videaris, præstantius autem  
 esse, sic in opus incumbere, ut ius tibi serues destruendi quod fabricasti, &  
 imperium quo te dominum absolutum omnes agnoscant? **A R I S T.** Mi-  
 serum



ferum quidem esset, si quis ad opus malum, contra ac vult, atque intelligit externæ necessitatis vinculis adigeretur: at verò cuius natura est summum bonum, clara cognitio boni communicandi, voluntas simul ac necessitas effundendi, actio bonum illud effundens, nullius miseræ, sed summa felicitatis est particeps. Quid enim felicius, quam bono ita adhærere ut nunquam ab eo dimouearis? quid inconstantius & imbecillius quam modò hoc volendo, modò illud, aut non cognoscere perfectè bonum, aut in bono cognito non permanere? CHA R. Cur igitur homines ita pro libertate pugnant, ita de ea gloriantur? A R I S T. Pugnatur meritò pro libertate, quæ violentiæ & abiectæ servituti est contraria, non autem pro ea quæ posita sufficienti cognitione ad agendum, potest agere vel non agere, hanc enim Aristoteles pugnam Bellerophonis in Chimæræ teretisinata appellaret. CHA R. Quin immò reperiēs qui ita sibi de hac libertate adblanditur, ut dicat, ecce habeo clarissimam cognitionem melius esse mihi hîc & nunc hostem interficere, quam dimittere, nihilominus ut ostendam me esse liberum, nolo interficere: ille habet cognitionem sufficientem ut velit occidere, non vult tamen: ergo non immeritò sibi de libertate pressè accepta gloriatur. A R I S T. Putat quidem tuus ille miles gloriosus habere se cognitionem sufficientem ut velit hostem conficere, nec aduertit hoc esse falsum, ob iudicium efficax latens, quo absolute iudicat melius esse libertatis illius inane nomen ostentare, quam de medio tollere aduersarium. Et sic quicumque prædicat ita se velle aliquid, ut velle possit oppositum, animi pendere debet, & fluctuare in eo quod potissimum sit agendum determinando, & si quando dicit, nunc volo interficere, quia sum liber, hoc tamen vult necessario, quoniam tunc habet iudicium efficax, siue ideam, quæ rem ita sibi repræsentat, & cuius ipse non est dominus: quare si dicat itatim, & quia sum liber nolo contrucidare, illa idea siue cognitio practica ob inconstantiam humanæ mentis iam mutata est, & proponit melius esse non occidere. Quod si certa & immutabili cognitione boni faciendi vteretur, nunquam titubanter ad hoc & illud propenderet, vacillat enim ob ignorantiam, ita ut velle apud Aristotelem ratione quidem differat, reipsa autem nihil aliud sit, quam rem ita esse faciendam, iudicare. CHA R. Contra stat ratio illius dicti: *Video meliora proboque, Deteriora sequor*. Ita senex Olympius irrisus in ludis propterea quod loco careret, cum se recepisset ad Spartanos, ac primùm pueri ei statim assurgerent, nonnulli etiam ex viris locum offerrent, plaudentibus alijs Græcis exclamauit ô calamitatem! omnes Græci, honestatem norunt, soli Lacedæmonij ea vtuntur. Nemo est qui non experiatur quotidie se multa probare ut meliora, nihilominus contrarium, velle. Tam certam cognitionem habemus, quam si esset mathematica demonstratio, esse obseruanda Dei præcepta, quod licet nihil addubitando, optimum etiam hîc & nunc iudicemus, ea tamen obseruare non volumus. A R I S T. Sic certa quantum voles illa cognitio, in hac tamen mortalitate est obscura, cum talparum oculos ad hanc lucem contuendam admoueamus, accidit ex ea caligine, ut licet speculando præceptorum obseruationem potiorem esse iudicemus, lateenter tamen obrepat iudicium efficax, quo ea obseruare alijs quidem opti-

imum,



um, aut etiam nobis alio tempore, sed hinc & nunc ea violare nobis esse melius videatur: nam quomodo possumus nunc illa violare, nisi quia putamus nunc esse violanda, & si hoc putamus, quomodo illa non violamus? CHA R. Iam respondisti latens illud quod vocant iudicium practicum non esse actum intellectus, quo iudicamus hinc, & nunc melius esse nobis precepta violare, sed voluntatis, quo ijs obtemperare non volumus: dico enim intellectum citra vllam addubitationem saepe proponere hinc & nunc mandatorum obseruationem vt optimam, licet cum aliqua difficultate, voluntatem tamen ob eam difficultatem agere contra, cuius actionem cum iudicio practico confundimus, culpa haec est voluntatis, non intellectus. A R I S T. Vide ne intellectus practice iudicet maius esse malum praesens difficultatis, quam bonum futurum obseruationis. Cæca est voluntas, non nritur seipsa, sed ducem sequitur intellectum: nam si contra rationem ab intellectu propositam operatur, cum hæc ratio eius actioni incommodet, multo facilius aget cognitione nulla præcedente, ita vt planè ipso intellectu non indigeat. CHA R. Indiget cognitione tanquam conditione necessaria obiectum proponente, non tamen vbiq; sequi tenetur illud optimum, quod cognitio representat, vt tu etiam supra dicebas: ita aduerso flumine nauigium saepe contendit, quod sine aqua non efficeret: voluntas ferri non potest in incognitum, cognitioni tamen vsquecunque non alligatur. A R I S T. Officium aquæ manifestum est in sul leuando nauigio ne terræ adhærescat, sed ad quid inferuit illa cognitio, quæ si in præcepto solam rationem boni proponat, illud voluntas non auersatur, quæ auersatur tantum rationem mali? dum igitur peccat, vel cognoscit ex se præceptum aliquid mali includere, vel certè præceptum violando fertur in incognitum, tanquam cæca. Hoc manifestius est quando intellectus damnata a Deo, propositioni assentitur, culpam non contrahit intellectus, cum sit potentia necessaria, quam culpam autem habet voluntas si cæca est, & eius operatio non magis hic desideratur, quam cæci ad iudicandum de coloribus? Quare necesse est vt intellectus iudicio practico tam mali fugiendi, quam boni amplectendi determinet voluntatem, & hac determinatione posita, nihil opus est voluntate, cuius nullum officium esse videtur. CHA R. Explicatur eius officium modo cuiusdam ponderis liberi, quod accedente lumine necessario, ponte in hanc vel illam lancem illabens, eam mouet: ita voluntas licet cæca lumine intellectus collustrata, sua actione in qua consistit culpa, tanquam pondere trahit intellectum, atque impellit. A R I S T. Sic ita, dum modo illud pondus ab intellectu sola ratione distinguatur. CHA R. Hoc est vt vno verbo tollere omnem libertatem, maximam Dei, atque hominis perfectionem. A R I S T. Saltem ne dixeris maximam: agere enim ex necessitate voluntaria, cum cognitione scilicet, & amore longè est præstantius in troque. Fateris operationes Dei nobilissimas esse maximè necessarias, quibus nimirum se intelligit atque amat, & longè nobiliores ita consideratas, quam prout mundum inferunt, & respiciunt, cum possint non respicere, atque inferre, nihil ergo erit imperfectionis, si etiam illud (prout) est necessarium. In homine suprema facultas intellectus est necessaria, quidni &



pondus illud voluntatis ignobilius quo mouetur? Quin etiam ipsa voluntas humana in qua tanquam in sede curuli constituitur libertatem, si clara Dei cognitione illuitretur in beatis, non potest non amare, & in hac vita circa quodcunque bonum, quatenus ut bonum cognoscitur, hanc habet necessitatem ut non possit illud odio prosequi, in his omnibus necessitas perfectionem magnam includit, cur igitur liberum illum, hoc est inconstantem agendi modum qui consistit in iudicii titubatione, esse præstantissimum arbitraris? **CHARR.** Eo ipso quod Deus sit ens maximè necessarium, quod non potest non esse, etiam quocunque alio ab eo distincto non existente, probat Scotus conuenire illi modum agendi liberè, nam si aliquid efficit necessariò, ita ad illud refertur, ut eo effectù non existente non esset Deus, sicque esset eas necessarium, & non esset. **ARIST.** Dicendum est sublato motu ut primo eius effectù necessario, tolli primum motorem, tanquam signo, non tanquam causa; motus enim non habet hanc a se necessitatem, sed a Deo: hoc autem sufficit ut dicatur semper ens necessarium; propterea quod consideratus ut causa prima, in priori illo signo quo consideratur non dependens, quocunque ablato per intellectum, non aufertur. **CHARR.** Si ageret necessariò, inquit Algazel, produceret quidquid cognoscit: ac proinde infinita contraria, atque opposita, ut stellam eandem simul ad ortum & occasum. **ARIST.** Non sequitur; Deus enim cum sit eminens ipsa boni cognitio, non efficit nisi bonum, & secundùm Aristotelem motum, quo omnia conseruantur. Hæc ratio contra Algazelem validius retorquetur: si Deus liber est, & cognoscit omnia singulatim, vidit res omnes tota æternitate possibles, maximè verò homines infinitos, ut cætera mittamus, de quibus est eadem ratio: atque inter ipsos perspexit nominatim penetrando arcana humanæ libertatis, quinam boni futuri erant liberè, quinam improbi: tam facile, & promptum erat perficere ut illi soli, quam isti nascerentur, spectabat igitur ad eius prouidentiam, ut non nisi bonis æterna felicitate remunerandis lucis vsuram concederet, quam si largiri voluisset etiam ijs qui toti ad vitium propendebant, vidit tamen in thesauris infinitis opum suarum et auxilia diuinæ beneficentiæ quæ si præberet suauiter ut omnino præbere potuit, nullam vim inferendo libertati probos omnes fecisset ex improbis: ita se gereret pater in filios, si posset, & artifex in statuas quas elaborat. Dices maius esse bonum ut in pœnis infligendis exempla diuinæ iustitiæ sanctiantur: bonum hoc ad nos magis, quam ad Deum pertinet, proinde si manifestasset se ita cum hominibus agere, ne improbi euaderent, exemplum diuinæ clementiæ cuiusvis iustitiæ pœnis luculentius extitisset. **CHARR.** Hoc est vnum ex ijs de quibus in hac vita nihil aliud habemus dicendum quam sic voluit, & cuius cognitionem secundùm obitum beatis omnibus promittunt Sancti Patres: Quòd planè idem est ac si quis quæreret, cur cùm Deus videret infinita præcepta quæ si dedisset Angelis & primo parenti liberè obtemperassent, & felicitatem æternam fuissent consecuti, præceptum tamen illis imposuit quod sciebat liberè violaturos. Nihil est quod nunc afferam rationem Rabbi Mossei, qui ait sublata Dei libertate motuum coelestium tam diuersorum nullam rationem afferri posse, dices enim Deum

agere



agere per intellectum, & voluntatem summè bonam, hinc motum tribui vnicuique conuenientem. Difficilius varijs Aristotelis locis respondere, 4. Top. c. 5. Potest Deus, inquit, & studiosius praua agere, nec ob id sunt praua. A R I S T. Loquitur hic probabiliter, de homine perinde ac Deo quibus tribuendo eundem modum agendi contingenter, patet ipsum de Deo loqui, vt de Ioue, & Saturno apud antiquos. C H A R. Sed 8. Eth. c. 7. vbi proprius est de libertate agendi locus, ait bonos a Deo amari, & c. 14. Deum honoribus esse colendum. A R I S T. Hoc populariter est intelligendum, cum & ipse dicat eodem libro Dei cum homine non esse commercium: consilium autem ille amor in aliqua similitudine quam viri boni cum Deo habent, ac propterea cultu præcipuo & laudibus eum prosequi debent, vt ea pietate reddantur ipsi similiores. C H A R. Alexander, opinor, doctrinam Aristotelis probè intelligebat: at in epilogo libri de fato ad Antonium, & Seuerum Imperatores, ait a Deo postulandum vt beneficia largiatur, quoniam ipsi dandi & non dandi facultas inest. A R I S T. Ita loquendum erat Philosopho ad Principum institutionem, non enim omnes capere possunt hanc dandi facultatem consistere in voluntate necessaria largientis & dispositione recipientium: dispone te ad virtutem a Deo accipiendam, inquit philosophus, hoc ipso dedit, quidquid enim est in mundo, Dei est munus. Ita intelligendi sunt antiquiores Aristotelis interpretes, qui de Deo interdum oratoriè, & populariter loqui solent. De Platone dubium est quem operandi modum tribuit Deo. Marsilius tamen 10. de Rep. & alij omnes Academici qui ex mente Platonis mundum putant esse æternum, tribuunt illi necessitatem, quæ cum voluntate reciprocatur. C H A R. Incredibile est Aristotelem eam de Deo opinionem animo informasse, quæ non ex arte, sed vsquequaque tolleretur religionem. Si Deus non est liber, nec colendus est, nec magis orandus quam Sol, aut ignis quorum beneficijs vtimur continenter, ab ijs tamen nihil precibus efflagitamus: At Aristoteles testamento quod ante obitum condidisse dicitur apud Laertium non modo Deum orasse, sed & aliqua fertur religionis monimenta reliquisse. A R I S T. Quod Aristoteles orarit Deum ac coluerit, a doctrina sua non scessit. Colendum imprimis Deum putauit qui summè constanti & necessario amore omnium bonorum largitor est, colendum inquam, non superstitiosis & anilibus cerimonijs, sed cultu atque exercitatione virtutum, quibus ei pro viribus similes fieri studeamus. Satis Deum coluit inquit Seneca, quisquis imitatus est, gratitudo in Deum est tantum grata beneficiorum repletio. Neque minus grati esse debemus quod ex inmensa & necessaria bonitate non possit non dare beneficia: hoc enim apud nos filij amorem magis accendit erga patrem, quo paternæ indulgentiæ maiorem perspicit necessitatem: neque quod augendo nos commodis nihilo sit indigentior: nam maiestatis est non vocare beneficium, nisi quod dantem aliquo incommodo decit: neque quod dentur omnibus minus nos obligant beneficia, cum primum beneficium sit in solitudine dari socios. Orandum etiam Deum existimauit Aristoteles, non vt mutetur precibus ad eum fufis, sed vt hoc pietatis testimonio, & rerum honestarum consuetudine boni euadamus ex im-

*De pietate  
Aristotelis.*

probis. Hoc luculentè declarans Simplicius in Epiſt. cap. 70. Deus, inquit, neque cum peccamus auerſatur, aut irafcitur, aut recedit a nobis, nec poenitentes respicit eorum oratione placatus: humana ſunt hæc nequaquam diuinæ eminentiæ congruentia, ſed nos errore vitati in id labimur quod eſt præter naturam, & diuino bono diſſimiles reddimur, ab eoque ſeiuungimur; reddimur autem familiares cum ei per virtutes aſſimilamur. Si autem, & igni hæc laudes & gratias refundere non oportet, neque enim de nobis optimè dicuntur promereri, quippe cognitione carent & amore: beneficium nullum eſt niſi quod ad nos primum aliqua cogitatio deſert. Hoc igitur non euertit religionem & pietatem in Deum quam more veterum philoſophorum Ariſtoteles ſibi propoſuerat obſeruandam. CHAR. Quocunque modo orandus ſit Deus vt vitam in melius referamus, tribuere videtur Ariſtoteles homini perfectionem libertatis, proinde multo magis eam in Deo recognoscit. 3. Eth. c. 5. totam ſcientiam moralem, omneſque deliberationes, & conſultationes in hoc vno principio fundat, Quod, inquit, in noſtra poteſtate ſitum eſt agere, ſitum eſt etiam non agere: & 1. mag. moral. c. 9. Si in nobis ſitum non ſit agere, aut non agere, omnes legiſlatores, qui penas infligunt, iniuſtos eſſe: Poterat dicere Deum longè iniuſtiorẽ poenas æternas improbis & acerbiffimos cruciatus decernentem. Quamobrem rectè ait Euſebius eos qui grauiter ferunt iniurias ſibi illatas, velint nolint confiteri libertatem: ſi enim contumeliam neceſſariò ſibi inuſtam putant quid irascuntur in inferentem? Hinc Theologi noſtri docent eos qui negant libertatem illam preſſè acceptam tandiu virgis eſſe cædendos, donec ſupplices fateantur in nobis ſitum eſſe vt ab ijs manus abſtineamus: quod fateri nolint, vrgeantur, atque ijs conquerentibus, reſponde, nequaquam aliter facere poſſum. A R I S T. Quam malè igitur habitus fuiſſet Ariſtoteles, ſi incidiſſet in plagoſos illos Orbilios. Recepit ille libertatem a conſultationes, deliberationes, & electiones ſufficientem, qua in nobis ſitum eſt agere, aut non agere, verum ea non perfectioni, ſed noſtræ mentis inconſtantiæ aſcribenda eſt, & penitus a Deo remouenda, quippe conſiſtens in ancipiti & volubili facultate rationum inquirendarum ad id quod optimum eſt cognoscendum, & mediõrum ad idem obtinendum, Atque armum nunc huc celerem, nunc diuidit illuc, In partesque rapit varias, per quæ omnia verſat. Quoniam autem hæc facultas iuxta diuerſas imagines, quæ obuerſantur tam veri & falſi, quàm boni & mali apparentis, nos ducit hanc, vel in illam partem, dicitur in nobis poſitum eſſe vt agamus, vel non agamus, quanquam vbi ſtat iudicium ſufficiens ad operandum, quod actu voluntatis ſola ratione diſtinguitur, nobis operandum eſt voluntas ſimul & neceſſariò. Hic caderet Ariſtoteles in offenſionem Athenienſium qui poſitis omnibus ad agendum requiſitis volunt hominem eſſe indifferenterem. At ille ita ponit indifferentiam in poteſtate rationum indagatricis vt poſtquam alicui potiffimum rationi adhæſit, eadem neceſſaria voluntas appelletur: atque hæc quoniam mutis animalibus non competit, niſi obſcuriſſima, propterea non dicuntur agere ex electione, neque libertatem participare. In Deo verò libertas longè eſt eminentior vt quæ perfectionem libet



bet cognitionis clarissimæ, & amoris voluntarij non minus quàm necessarij, caret autem imperfectione dubiæ consultationis & electionis. Ad infirmandum autem id quod opposuisti ex Aristotele iniustos fore legislatores, *De pœnatura: stè sancta: a legistato-* dico sufficere hunc modum a me declaratum quo agere possumus & non *ribus.* agere, vt illi iniusti non censeantur, quod ex duobus principijs elicio. Primum est rebus omnibus siue liberis siue necessarijs statutum esse aliquem modum agendi quo finem suum assequi possint, & iuxta quem rectè dicuntur operari: secundum est priuatum bonum cedere publico. Humanus autem agendi modus est ex ratione quam quisque prudens habet a natura ipsa expressam, quare perficere debent viri prudentes, quorum est studere bono publico, vt humana illa agendi ratio quantùm fieri potest obseruetur. Sed quoniam neque corpus nascitur morborum expers, neque mens vitiorum, illis mederi debet medicus, his legislator, vterque quod contra naturam est, præsens quidem auferendo, futurum autem auertendo: sicut ergo ille corruptas amputat corporis partes ad totius conseruationem, & seueram præscribit rationem viuendi; ita iste & sceleratos de medio tollere, & pœnas in improbos sancire debet ad normam æquitatis vitam ciuilem reuocando; neque est quod illi ea quam dixi necessitate agentes magis de iudice conquireantur, quàm membra putrida de medico. Sed inquis etiam irrogatis, & propositis pœnis, nihilominus illi qui iudicium efficax habent sibi contra leges agendum esse, leges violabunt necessariò, & sic iniustè puniuntur, ac frustra minæ suppliciorum intentantur. Dico tamen iustas esse pœnas atque leges, quibus promulgatis & probè intellectis qui eas infringent posito prauo iudicio id quidem efficiunt necessariò, sed longè erunt pauciores, multos enim legum ac pœnarum metus coercebit, qui cum iudicent melius se obtemperare, quam discrimen adire supplicij, necessariò leges obseruant. Obtinet tantùm illa necessitas, vt scelera non puniantur seuerius quàm satis est ad vitæ humanæ societatem, & conseruationem boni publici: Quocirca 1. ethic. c. 14. & 15. vltra hanc vitam non putauit Aristoteles extendi pœnas, neque Philosophi antiqui: vnde Seneca epist. 24. Nemo, inquit, tam puer est vt Cerberum timeat, & tenebras, & larnarum habitum ludis ossibus coherentium: mors nos consumit, aut emittit: emissis melior restant onere detracto, consumptis nihil restat, bona pariter, malaque subacta sunt: & epist. 65. Mors quid est? aut finis est, aut transitus: nec definere meo, idem enim est quod non cœpisse, nec transire quia nusquam tam antè ero. Hoc ipsum alijs verbis cum dixisset ante M. Tullius lib. 1. Tusc. qq. idem concludit: Profectò fuit quædam vis quæ generi consuleret humano, nec id gigneret, aut aleret, quod cum exantlauisset omnes labores, tum inderet in mortis malum sempiternum, portum potius paratum nobis & periculum putemus. Et 2. de nat. Deor. Quæ anus, inquit, tam excors inueniri potest quæ illa quæ quondam apud inferos credebantur portenta eximebat? Idem Seneca 2. de ira c. 26. Quædam sunt quæ nocere non possunt, nullamque vim nisi beneficam, & salutarem habent, vt Dij immortales qui nec volunt obesse nec possunt: Natura enim mitis & placida est, tam longè nota ab aliena iniuria, quàm sua. Dementes itaque & ignari veritatis



illis imputant sauitiam maris, immodicos imbres pertinaciam hyemis, cum interim nihil eorum quæ nobis nocent, profuntve ad nos propriè dirigatur: non enim nos causa mundo sumus hyemem æstatemque referendi: suas ista leges habent, quibus diuina exercentur. Nimis nos suspicimus si digni nobis videamur propter quos tanta moueantur. Nullum ex sapientibus hoc sibi persuasisse ostendit Iuuen. Sat. 2.

*Et contum & stygioranas in gurgite nigras*

*Nec pueri credunt nisi qui nondum are lauantur.*

Hoc auaritiæ & superstitionis monumentum ait Virg. Geor. 2.

*Felix qui potuit rerum cognoscere causas,*

*Atque metus omnes, & inexorabile fatum*

*Subiecit pedibus strepitumque Acherontis auari.*

Pythagoras prope solus vidit in inferis animam Homeri ex arbore pendentem & serpentibus implicatam, Hesiodi verò columnæ æreæ astrictam vinculis, tridentemque propter ea quæ de Dijs confinxerant, ut refert Laertius lib. 8. in eius vita. Sed ista a sapiente viro dicta sunt populariter, ut & de poenis eorum qui vxorum amplexus & concubitus aspernabantur: quo splendido mendacio a Crotoniatis vxoribus summo in honore habitus est. Ratione autem quam Tullius afferunt & Seneca persuaderi potissimum videbantur & sententiam summæ iustitiæ indignam existimabant, poenam delicto non respondere: ut cum propter furtum viginti trium librarum v. g. breuem subeas poenam (breue enim appello quod tempore finitur) ob furtum tamen viginti quatuor librarum, in quo non est culpa infinitè maior, poenam tamen subeas infinitam; nec cum plecteris tam acerbè, magis videaris esse ille idem qui deliquisti, quàm si papilio poenas eorum dependere quæ bruchus fecit, ita ut non multò iustius puniatur anima separata ob culpam hominis, quàm si homo puniretur ob ea quæ commisit anima priusquam corpori coniungeretur, iuxta Origenis opinionem. Tam inconstans esse videbant iudicium humanum, tamque necessariò adhærens apparenti magis, quàm vero bono, ut hanc fragilitatem dignam æternis cruciatibus non putarent, nec referre si qui offenditur legislator sit infinitus, quem homines, ut infinitus est, nec cognoscunt propriè, nec offendunt, sed ut si vermiculus quicquam de Rege Persarum audire potest, ac sibi illum ut lumbricum grandiore informans, conuitijs, & contumeliarum aculeis insectaretur. Cum igitur id vix pueri, & anus extimescerent, fictam opinionem esse credebant ab hominibus sapientibus Reip. causa, ut quos ratio non posset eosdem ad officium supersticiosus duceret timor: propterea, inquit Tullius 2. de diuin. Retinetur & ad opinionem vulgi & ad magnas vtilitates Reip. mos, religio, disciplina, ius augurum, collegij autoritas: licet aliunde conqueratur quòd superstitio fusa per gentes oppressit omnium ferè animos atque hominum imbecillitatem occupauit. Quàm autem is poenarum metus apud inferos parum antiquis profuerit ex eo videre licet, quod Reip. publica Spartana & aliæ seueris legibus institutæ plus ad hominum improbitatem coercendam potuerunt, quàm Acherontis auari superstitiones.

C H A R. Parum iam refert quid de hac re senserint antiqui, qui cruciar



tur ubi sunt, & laudantur ubi non sunt. Malim ex te audire an cum illa necessitate tam diuinæ quàm humanæ voluntatis stare possit fortuna & casus, ut admittuntur ab Aristotele lib. 2. phys. atque etiam providentia diuina quæ omnino eueri videtur,

*Si figis adamantinos.*

*Summis verticibus dira necessitas*

*Clauos.*

inquit Horatius. Quid enim providere quicquam opus est, ubi aliter agi non possunt quæ aguntur necessitate? Quid fortuitum dici potest, si omnia habent causam necessariam, & fatalem? A R I S T. Neque fortunæ & casui, neque diuinæ providentiæ fati necessitas incommodat, si hæc omnia prout accepit Aristoteles vsurpentur. Fortunam aliam non admittit, quàm causam effectus raro euenientis præter agentis intentionem, ut cum quis vitem fodiens reperit thesaurum: inuentio illa fortuita dicitur tantum respectu intentionis illius qui terram fodit, nam hæc occultatio thesauri, effusio, atque inuentio sunt necessaria secundum se, fortuita tamen dicuntur respectu intentionis quæ erat de colenda vite, & non de thesauro inueniendo. Tota res igitur vno verbo concluditur ab Aristotele fortunam & casum reperiri, cum effectus raro eueniens coniungitur effectui intento siue a natura siue a mente. Quod verò aliquid fortuito ceciderit præter intentionem agentis est tantum denominatio petita extrinsecus, & sola ratione consistens, qua sublata omnia sunt ita necessaria ut aliter fieri non potuerint; Deus necessario vult mouere coelum ex Aristotele, sic a coelo mouentur alia, necessario fiat ventus, lapis excutitur, vulneratur Socrates, medicus eum sanat: si causarum omnium spectemus connexionem tam necessarij sunt omnes effectus, quàm motus innumerabilium rotarum quarum dentes variè inter se implicantur, ita ut ad primæ motum omnes certo motu cieri necesse sit, sic enim confertè contextèque fiunt omnia colligatione naturali. Iam si quid vim diuinæ providentiæ labefactat id potius est desultoria fortunæ volubilitas, quæ consilium eludit, quàm ineluctabilis fati clauus trabalis, quo ea quæ sapientissimè decreta sunt confirmantur. Prouideri melius non potest quàm consilio extra omnis inconstantia aleam constituto. Sapientis viri sententiam, inquit Seneca, negaris posse mutari, quanto magis Dei? Quare Pythagoras apud Phocium biblioth. pag. 774. Providentiam aiebat omnium gubernatricem consilio ipsi ac fato assidentibus, & hanc esse mundo circumdatam necessitatem: hac Parmenides & Democritus omnia fieri dicebant, eandemque esse fatum, iustitiam, & mundi effectricem providentiam, Heraclitus semen rationis vniuersi, Plato legem naturæ æternam, Chrysippus facultatem qua ordine disponitur totus mundus, Stoici seriem causarum teste Plut. de plac. phil. vnde Seneca lib. 2. qua st. nat. c. 36. fatum, inquit, existimo necessitatem rerum omnium, actionumque quam nulla vis rumpat; & lib. 4. de benef. c. 7. de Deo loquens ait, hunc eundem & fatum si dixeris non mentieris, nam cum fatum nihil aliud sit quàm series implexa causarum, ille est prima omnium causa, ex qua cætera pendent. Hinc Thaletis antiquissimi sententia est apud Plut. nihil esse fortius necessitate, per quam

*De fortuna  
& fato.*

Deum



Deum intelligebat; *το χρὸν ἄναγχι, κρατεῖ γὰρ τὸ παντός.*  
 Atque hæc necessitas, inquit Seneca, pietatem in Deum non impedit, mul-  
 to minus prudentiæ & consilij humani lucubrationes quæ huius necessitatis  
 sunt effectus nobilissimi, nulli enim fatum pusillanimitatis, & ignaviæ pul-  
 uillus esse debet, ut ait Langius apud Lipsium lib. 1. de const. c. vlt. sed per-  
 ficere debent magistratus ut omnes intelligant in quo positum sit verum &  
 bonum quod ad se pertinet & ad communem hominum societatem, adhibi-  
 tis ad hoc duobus: Democriti Dijs, Poena scilicet, & Beneficio. Sed de his  
 nimis multa.

## De intellectu diuino.

6: I R C V L V S X I I.

ARISTÆVS. CHARILÆVS.

**A**RIST. Præstabat forte prius considerare quid Aristoteles cense-  
 ret de primo intellectu, quam immorari tandiu in voluntate, non  
 inuuliter tamen, ut puto, siquidem ex ea necessitate voluntatis, in-  
 tellectus naturam quam Aristoteles 12. metaph. 51. declarat, ma-  
 nifestiorem habebimus. Ibi enim docet primum intellectum non esse di-  
 uersum ab eo quod intelligitur, & quæcunque, inquit, non habent materiam  
 idem erunt ac intellectio vna eius quod intelligitur: vult igitur Deum seip-  
 sum tantum intelligere & nihil aliud, alioquin male diceret eius intellectum  
 non esse diuersum ab eo quod intelligitur. Vnde non putauit eius cognitio-  
 nem alio modo sese extendere ad res alias, quam quoniam est sui ipsius co-  
 gnitio qua se optimum intelligens, cætera quoque dicitur eminenter intelli-  
 gere, non autem singularim. Quare fugiendum hoc est, inquit, etenim qua-  
 dam melius est non videre quam videre, alioqui non fuerit quod optimum  
 intellectio. Iam si Deus est liber, ut dicis, multa potuit decernere quæ non  
 decreuit, sed quæ decreuisset, si aliqua conditio posita fuisset quæ posita non  
 est: cum igitur hæc decreta conditionata & possibilis in Deo non sint, ea ip-  
 se non intelliget, quia ex Aristotele cognoscit tantum quod in se est, siue se-  
 ipsum; At videtur absurdum Deum potuisse aliquid decernere, quod ipse  
 nesciat: quare si Aristoteles non putauit Deum esse causam necessariam, de-  
 buit ei tribuere alium modum intelligendi, quo suas & aliorum actiones li-  
 beras cognosceret. Huius a te dubitationis sitienter expecto solutionem, si  
 minus secundum Aristotelis, saltem secundum mentem tuam. CHA R.  
 Memineris id præstare me non posse, sicut multa quæ iam diximus, nisi in-  
 ductum habitu metaphysico. A R I S T. Indue te, si lubet, etiam habitu  
 Theologico. CHA R. Ut ordine & breuitate quam fieri potest maxima  
 procedamus, accipio ut probabiliorem sententiam D. Thomæ, quod nimi-



rum Deus essentias rerum omnium in se cognoscit; quia cum se perfectissime comprehendat, & se cognoscit, & omnia quæ continet ut aiunt, eminenter, hoc est effectus suos, hoc enim primum habet cognitio, quam dicunt comprehensivam, secundum ut sit una omnium cognitio, tertium ut effectus posterior ratione causæ prioris cognoscatur, nam ut aliquid cognoscatur in alio, satis est si eminenter in eo continetur. Hæc scientia Dei non est causa physica rerum omnium, sed idea dirigens effectum, atque ita habet pro obiecto res possibiles, quæ possibiles non sunt nisi per omnipotentiam, & sic prius est Deum esse omnipotentem, si ut agens physicum sumatur, si vero ut intelligens, prius erit Deum res cognoscere, quam eas actu producere, eod quod actu non producit, nisi quia novit. Hæc igitur signa rationis ordinanda sunt, primum in quo Deus esse concipiatur, secundum in quo physice potens producere; tertium in quo potens se intelligere causam physicam rerum omnium, quas proinde cognoscat in se, velut effectus in causa: quartum in quo potens eas producere ut agens non modo physicum, sed & intelligens: quintum in quo potens dirigi in earum productione: sextum in quo potens eas actu producere. Præcipua difficultas est quomodo Deus videat futura contingentia. Notandum est primo ex D. Thom. q. 2. de verit. art. 12. Deum non cognoscere futura ut futura, quemadmodum nos cum dicimus rem modo non esse, sed postea futuram, nam Deus dicit semper res est in differentia temporis ubi illam videt simul præsentem, præteritam, & futuram: præsentem quidem respectu temporis in quo illam videt, præteritam respectu sequentis, futuram respectu præcedentis, tempus verò ipsum, cum nulli alij sit præsens cognoscit in ipsa eius ratione individua, qua tale est. Notandum secundò dubitationem hic esse de actibus voluntatis, & de certa Dei cognitione, non autem coniecturali. Quibus positis dicendum videtur primo Deum id cognoscere non posse in voluntate libera nude considerata, quia unum non magis respicit, quam oppositum: neque in voluntate hoc vel illo modo disposita ab intellectu, sic enim ut prius libera relinquitur: neque in voluntate proximè se determinante ad agendum, quia de hac determinatione quæ libera est idem quæretur: neque in divino decreto concurrendi ad actum liberum, quia decretum hoc pendet a conditione quæ tam esse potest, quam non esse, nimirum ab inclinatione voluntatis: ita qui dicit cras ædificabo, si factum erit, se ædificaturum omnino nescit. At Deus dicit concurrere cum Socrate, si ipse velit, in illo ergo suo decreto non videt quid Socrates sit acturus. Propterea Vasques unus contra omnes vult hoc Dei decretum esse absolutum, & adhuc voluntatem liberam dici posse, eod quod antequam Deus illud formet, ex nostro concipiendi modo præscit quid factura esset voluntas, si hoc & illud circa ipsam ageret. Sed contra quia Deus non videt voluntatem liberè acturam, nisi se ponente aliquem concursum, nam absque eo nihil agere potest: atque ita hunc suum concursum videt vel cum aliqua conditione, vel absolutum & efficacem; quo posito videt voluntatem vel necessariò acturam, & sic tollitur libertas, vel liberè; atque ita tale futurum est postea decretum in statu absoluto, quale erat in præscientia illa conditionali, nempe vel absolutum tollens libertatem, vel ut ita dicam, condition-



tionatum illam relinquens. Quanam ergo ratione Deus certò cognoscit futura contingentia? Cognoscit ea Deus proximè, quia cum verè futura sint, & propositiones contradictoriæ de illis absolute veræ sint, aut falsæ, hoc ipso sunt obiectum quod ab intellectu infinito percipi potest. Oportet ergo concipere Deum quasi prius videre quid sit facturum Socrates, si Deus ipse concurreret, non tamen quid absolute faciet, quia nihil potest sine decreto efficaci, quod intelligitur fieri statim post illam scientiam, quare in hac scientia, atque decreto simul sumptis videt Deus futura contingentia.

**A R I S T.** Næ ille Vasques admodum naris alterius emunctæ mihi videtur, si putauit Deum nihil cognoscere nisi in decreto suo absolute, non enim satis capere possum quomodo actus humanæ voluntatis si inconstans est & incertus, certæ cognitionis obiectum esse possit: ex quo enim antecedenti sciri potest voluntatem se determinaturam ad hoc vel illud? Vix scimus ipsi etiam post determinationem quid facturi simus. Si voluntatis natura prout est libera consideretur, aliud in ea cognosci non poterit, quàm indifferentia; unde si ex Aristotele Deus præter se quicquam intelligeret, id cognoscere in decreto suo absolute libertatem omnem tollente, vt contra Vasquem altera nare balbutientem intulisti. Sed dic obsecro quomodo Deus cognoscit proximè futura contingentia, si vt prius dicebas ex D. Thoma res cognosci non in ipsis, sed in seipso? **C H A R.** Hoc est videt rerum omnium essentias quas eminenter continet in seipso, non negat autem Deum videre etiam in ipsis, nisi forte eo modo imperfecto quo accepta obiecti specie illas videmus, id enim Deus non exigit, quia & obiecti & speciei continet perfectiorem. Nunc ostendo hac Dei scientia hominis libertatem non tolli, cum dicitur Si Deus vidit damnandum Socratem, non potest non damnari. Ratio in eo consistit quòd res prius est futura contingenter, vt dicunt, id est non necessario, quàm a Deo cognoscatur: Nam cum Dei scientia simplicis, vt aiunt intelligentiæ, habeat res possibles pro obiecto, & scientia omnis potum velit obiectum, Dei scientia priores erunt; atqui in illo priori possibile erunt contingenter, sic ergo Deus qui res vt sunt intelligit, eas cognoscet, neque talis scientia destruet rerum contingentiam, vt ita dicam, alioquin obiectum suum destrueret: At perinde se habet, atque si non esset scientia se veluti cognitio qua quis videt alium liberè ambulantem. Nam & si Dei nihil videret, tamen Socrates multa faceret, quæ dum fiunt, verum est Socratem ea facere: ergo & ante verum erat ea facturum: iam ponatur aliqui præiuderit ea facturum, præuidebit quidem, sed non coget, ita & Deus. Ad difficultatem igitur quòd si præiuderit Deus damnandum Socratem damnabitur necessario: aduertendum est duplicem esse necessitatem: Ali enim est necessitas simpliciter, siue antecedens, quæ nulla spectata libertate aut fortuna, cogit rem ita fieri, vel esse: Alia est necessitas secundum quid siue consequens, siue ex hypothesi, qua dicimus rem futuram necessario, se facta prius hypothesi quòd ipsa res futura sit licet liberè, & non necessario. Scientia ergo Dei est quidem necessaria, sed ex hypothesi quòd effectus futurus sit liberè, vel quòd Deus ita futurum absolute decreuerit. Ita Socrates damnabitur necessitate ex hypothesi, non autem necessitate simplici.



antecedente. Non errabit igitur, & dampnabitur quia prauidit Deus, sed quoniam errabit liberè, prauidit Deus dampnandum iri. At dices cognoscit Deus futura vt præterita; sed præterita non sunt amplius contingentia, igitur neque futura. Ita est vtraque cognoscit Deus æquè certò, & hanc in ijs esse similitudinem, inquit Anselmus, quòd sicut præteritum ex hypothesi quod præterierit, non potest non esse præteritum, ita & futurum. At differentia est quòd citra illam hypothesim præteritum non subiaceret amplius nostræ voluntati liberæ, sicut futurum vbi nondum ad actum se reduxit: quare Socrates nunc efficere potest vt Deus ipsum non erraturum præsciuerit, non tamen in sensu còposito, seu ex hypothesi quòd sit erraturus, sed in sensu diuiso, & vt simpliciter secundum se consideratur: futurum ergo licet contingens & mutabile, potest certò sciri, vt dictum est. A R I S T. Nihil est quod diuinus in istis immoreris, non est enim ea difficultas inenodabilis, sed potius quomodo tam Deo, quàm Socrate liberè operantibus has actiones liberas & contingentes prauideat Deus. Et quoniam satis multa dixisti de scientia eorum contingentium quæ verè aliquando existent, audirem libenter quomodo Deus cognoscat futura liberè contingentia, quæ tamen omnino non erunt defecta alicuius conditionis, vt quid fecisset Deus cum filio Iustyanactis, si fuisset. C H A R. Idem omnino dicendum est quod de contingentibus absolutis. A R I S T. Negant tamen quidam Thomistæ recentiores de ijs haberi certam à Deo cognitionem. C H A R. Non sunt audiendi illi Thomistæ contra illud 1. Reg. 23. vbi Deus ait Dauid de Iseilanis, & Saule, *Veniet, tradent.* & 3. Reg. 11. de mulieribus alienigenis, *abuerterent corda vestra.* Sic Luc. 10. si in Sidone & Tyro hæc acta fuissent olim in cinere & sacco poenitentiam egissent. A R I S T. Respondent valde probabiliter tantum id conijci. C H A R. Atqui hoc diuinæ perfectioni non conuenit: nam sic Dauid absolutè manere poterat Seilæ & dicere id non constat planè Deo, neque enim quod probabilius est, semper uenit. Præterea Gregorius Nyssenus Orat. 1. catechetica, Hieron. contra Iulag. August. lib. 7. de Nuptijs & concup. c. 7. & alij Patres ad questionem cur Deus voluerit producere Angelos & homines, quos sciebat in ea conditione peccaturos, non respondent Deum futura eorum peccata non cognoscisse, quæ tamen erat responsio commodissima. Quin potius dicunt esse imperuium Dei iudicium, quòd alios vocet ea vocatione, cui sciebat non consensuros, alios contra, vt ait Aug. lib. 1. ad Simplic. q. 2. post medium, & b. 2. de bon. perseuer. c. 9. quosdam a Deo e viuis tolli immatura morte, ne deceant, alios verò relinqui. A R I S T. Hoc quoque iudicium illis non minus imperuium videri debuit, quòd si omnia possibilia quæ nunquam fiunt, sunt tamen vt præsentia Deo cognita, clarissimè vidit reprobatorum infinitas actiones honestas, sicut & prauas electorum, quæ omnino sequentur data ea occasione quam scit Deus, cum ergo nullus sit de quo non habeat præsentem infinitatem culparum, & meritorum, cur illos æternis supplicijs afficit, illos præmijs? Nos etenim iniustissimi mortales si augurari possemus fore vt aliquis in grauissimo nostro periculo libenter pro nobis mortem acerbissimam subiret, etiam atrociter ab eo laceßiti, iniuriam ta-

men condonaremus. Neque dicas ex eo sequi iudicem in hac vita non debere in vllum animaduertere, quia nullus est improbus qui data certa occasione probis ipsis honestius non se gessisset: Ne inquam hoc dicas, mortalis enim debet solum iudicare de externis ad commune bonum & societatem conferuandam: Et ex eo tantum sequitur, quod si reum aliquem efficere posset immortalem, vt eum torqueret cruciatibus sempiternis, id tamen prastare non deberet vel ob solam rationem bonorum operum, quæ facere potuisset idem reus. CHA R. Hoc quoque Patres fatentur sub secretis Dei iudicijs contineri: quare arguunt Massilienses qui aiebant Deum premio, aut poena quosdam afficere ob prauis bona opera quæ fecissent, si conditio aliqua posita fuisset: Patres autem negant hæc opera fuisse præscita. præscientia, vt aiunt, absoluta qua posita, illa esse debuissent ad meritum, non negant autem præscientiam cum aliqua conditione citra meritum. Ita exponendus est August. lib. de prædest. sanct. c. 14. vbi de Deo loquens ait, Hoc præsciuit quod futurum erat, non quod futurum non erat. Damascenus Dial. contra Manich. 8. col. ante finem, & Prosper epist. ad August. circa medium, vbi ait, Nouo quodam absurditatis genere & non agenda præscita dicuntur, & præscita non acta esse. A R I S T. Profectò si hæc cognoscit Deus potiori ratione cognoscit sua decreta quæ habere quidem potuit, tamen non habet, vt mirum sit Aristotelem id non vidisse. CHA R. Certum est primò ea cognoscere, vt dicitur Ierem. 15. *Si steterint Moyses, & Samuel coram me, non est anima mea ad populum istum.* Et alioquin scire non posset Deus quid absolutè sit futurum, cum id esse non possit, nisi dependens a eius decreto, quod nisi cognoscat, neque eam rem futuram, noscet. Deinde istæ propositiones sunt absolutè veræ, vel falsæ, si Deus mundum non creasset, tale vel tale aliud decretum habuisset: igitur intelligi debent a Deo. Ea tamen decreta non cognoscuntur vt futura, quia sunt æterna, ac proinde Deo semper actu præsentia. Soares autem qui putat etiam cognosci vt futura, solum euincet, Deum in illo priori quo dicit quid faceret Socrates, tale decretum haberem de concursu ipsi præbendo in ea occasione, cognoscere decretum illud quodammodo, vt aiunt, abstractiuè, secundum esse possibile quod habet in sua causa, in posteriori verò quodammodo intuitiuè secundum esse actuale quod in seipso habet. Hoc vtroque modo cognosci potest res quæ præsens est & nullo modo futura: quare non inferet decretum cognosci vt futurum, sed solum non cognosci vt præsens, seu nihil negari aut affirmari quod præsens sit, vel futurum, verum abstrahi ab vtroque.



## De incorporeis.

## C I R C U L U S XIII.

## ARISTÆVS. CHARILÆVS.

**A**RIST. Multa hætenus disputata subtiliter ex te audiui de diuino intellectu & voluntate, quæ utinam nota fuissent Aristoteli; ex cuius doctrina nondum percepi ullam rationem, qua contra antiquos indiuiduorum assertores probaretur dari primum motum immobilem, & a corpore separatum: negant enim principium illud, Quidquid mouetur ab alio mouetur, & similiter motum vnum æternum cœli: neque id ostendi potest ex vi infinita, libertate, & intellectu eo modo quo hæc agnouit Aristoteles; non conuicit igitur antiquos illos qui omnia corporea esse dicebant, non ex materia & forma composita, ut ipse putat, volebant enim esse simplicia corpora nulli generationi, aut corruptioni obnoxia, sed duntaxat loco mobilia, quorum varia complicatione & solutione multa dicuntur generari atque corrumpi. His positis, nequicquam effunditur omnis labor Aristotelis in excogitandis substantijs a materia sua abstractis, isthæc enim materia non admittitur. Et sic ad argumentum 12. metaph. 30. ubi probat dari debere substantiam quæ non sit potestas, alioquin non esset motus perpetuus, quod enim, inquit, potestas est contingit non esse, oportet igitur esse tale principium, cuius substantia actus sit, item has portet esse substantias absque materia. Respondebunt antiqui indiuidua habere tantum potestatem ut loco moueantur. Si opponat quod dixit prius ex. 10. Cuncta verò quæcunque mutantur materiam habent, sed diuersam: nam & ipsorum sempiternorum quæcunque non sunt generabilia, sed latiora mobilia, materiam habent, attamen non generabilem, sed vnde quod. Revertent antiqui indiuidua vocari posse materiam non caducam, ut ipse vocat ætherem, sed nihil esse opus ut dentur substantiæ ab ea materia separatæ. Nam ratio Aristotelis cur illæ dentur, est ad motum vnum circulare perpetuum efficiendum, qui sit causa perpetuæ generationis: sed hoc præstare possunt indiuidua, frustra igitur aliæ substantiæ excogitantur. Corporea omnia dicet esse imperfecta, ita sanè eo modo quo illa ponit, non quo antiqui, carent enim omni imperfectione quam attribuit materiæ, & plures habent perfectiones, quàm quas attribuit substantijs separatis; nam simul impta sunt vnum continuum infinitum non minus extensione, quàm virtute; horum motu efficitur quidquid est possibile, ita ut nulla species desiderari possit quæ in infinitate non reperiatur: neque est quod formas abesse caratur, cum ipsa sint forma simul atque materia & ipsum principium feruendi. Quod infinitum indiuiduorum ob effectus mirabili ratione pro-

cedentes appellari potest ab antiquis intellectus ipse & actus purus qui suis actionibus & effectis simul sumptis non distinguitur: ita ut intelligere & velle perinde in eo reperiatur, atque in substantijs separatis. Hoc enim genus intelligendi tam antiquorum quam Aristotelis nomine quidem, & leni aliqua similitudine idem esse dicitur ac nostrum, cæterum re ipsa adeo diuersum, ut si suppleretur aliud nomen proprium longè aliter nuncuparetur: nam quomodo nostræ similis potest esse illa cognitio quæ non acquiritur non deperditur, nec a re ipsa intelligente distinguitur? Satis fuit Chrysippo hoc appellare *ἔλον τὸ ἐμψυχόν ἢ λογικόν*. Obijcere potest antiqui singulas partes illius infiniti non esse intelligentes si seorsim sumantur, neque enim lapis, aut arbor est intelligens, unde igitur totum intellectu præditum erit? Respondebunt intellectum infinitum consistere in harmonia totius infiniti, cuius partes prout sumuntur, lapis aut arbor, illius quoque partem repræsentant. Ex Aristotelis quoque sententia nescitur quid si aliud hoc intelligere & velle, quam quia positus ijs substantijs simplicibus & puris actibus absque potentia recta ratione omnia administrantur in vniuerso, ac propterea eas mentes esse affirmat, quæ sint sua ipsarum cognitio & optimam agentes vitam ac per se sufficientissimam perseuerent toto æu absque vlla transmutatione, aut senectute, ut dicitur i. de cælo 100. quam Alexander hunc locum non de intelligentijs, sed de cælis ipsis interpretatur. Atqui hæc omnia antiquorum infinito conueniunt, quod mouetur quidem secundum partes, sed hoc perfectioni eius non officit, cum a hoc motu noua perfectio oriatur. Neque obest quod partes illæ ita locum occupent, ut se penetrare non possint, nam illi contendunt quidquid in loco non est, nihil esse. Neque etiam imperfectioni ascribendum est, quod muta quæ ex ijs partibus coalescunt, dissoluantur: nihil enim propterea per in vniuerso, & id longè præstantius est quam si omnia, ut sunt nunc, absque motu consisterent, quemadmodum Aristotelis intelligentiæ. Ita de diuisione partium habendum est, summæ potius id esse perfectionis ad bonitatis communionem, nam propterea continuata rerum cognatio non magis interrumpitur, quam cum aeris aut aquæ partes vltro citroque commeano locum permutant. Quod verò ab indiuiduis longè absit imperfectio materiæ primæ, satis patet: illa enim non est ens actu, sed potestate appetit formam, ut foemina marem, & turpe pulchrum, patitur tantum, nihil agit, nullam denique habet perfectionem: contra indiuiduorum species singulæ sunt totidem perfectiones ex quibus vnum infinitum intelligens conficitur. Hoc infinitum cum sit tantæ perfectionis, frustra existimant antiqui abstrahere aliam substantiam & quæri aliquid nobilius, cui nihil sit commune cum cæteris: Nam cum Aristoteles abstrahendo a corporeis, dari dicit incorporeas sue intelligentias, quarum naturam prorsus ignorat, pari iure abstrahere potest iterum ab intelligentijs quærendo substantias ab ijs differentes quæ nihil habeant in se substantiæ illius spiritualis, sicut hæc corporeæ nihil habent: atque ita in infinitum chimæras substantiarum, quæ nec corporeæ sint, nec spirituales, fabricare. Quare antiqui illi, de quibus Plato in Sophista, nulli dari primum motorem incorporeum existimarunt, alij verò item & amittiam,



tiam; alij præterea mentem addebant respondentem primo motori, quem cum Arist. putet esse finitæ virtutis, sui ipsius tantum intelligentem, præsentem vni circulo æquatoris ad orientem, proximè solius motus circularis effectorem, non rectè videtur antiquos confutare. CHA R. Lampridius in Alexandro Seuero ait cum Christiani & popinarij de certo loco contenderent, tum dixisse, melius est vt quoquo modo Deus ibi colatur, quàm vt dedatur popinarijs, hoc ipsum de Aristotele & antiquis illis corporeis offerre licet; melius est vt secundum Aristotelem Deus vtcunque cognoscatur, quàm vt iuxta veteres illos plimbeos deformetur: Ille quidem longo intervallo abest a veritate, sed isti infinito. Quare non possum non succensere huiusmodi philosophis. A R I S T. Nihil est quod stomachosius excandescas in philosophos qui solam ducem naturam sequebantur, ne simul exagites, & inseceris plerosque ex Sanctis Patribus, cum Græcis, tum Latinis qui intelligentias siue angelos putarunt esse corporeos, vnde sequeretur secundum Aristotelis doctrinam omnia esse corporea, animam humanam, intelligentias, atque adeo ipsum primum motorem. Nam cum 12. metaph. 43. dicat eandem esse rationem de omnibus, si quæ intelligentia corporea est, primam similiter esse corpoream oportebit. Mitto Tertullianum qui etiam Deum corporeum faciebat, de quo Augustinus lib. 10. de Gen. ad lit. c. ult. ait timuisse, ne si Deus corpus non esset, nihil esset: Idem enim verebatur, quod Anthropomorphita; vt refert Epiphanius hæc. 70. qui ab Audæo acceperant Deum esse humana specie, hominemque creasse ad sui similitudinem, hinc vox illa cuiusdam apud Cassianum Collat. 10. qui condocesatus Deum vt spiritum non vt hominem sibi in precationibus esse representandum, Heu me, inquit, tulerunt a me Deum meum & quem nunc teneam non habeo. Sequebantur illi ad literam verba Mosis, qui Deo passim humanam formam videtur attribuire, vt Exodi c. 33. vbi Deus Mosi se ostensurus, ait, *Est locus apud me, & stabis supra petram. Cumque transibit gloria mea, ponam te in foramine petra, & protegam dextera mea, donec transeam: tollamque manum meam, & videbis posteriora mea, faciem autem meam videre non poteris.* Quemadmodum ex hoc & similibus locis Geneleos isti Deum corporeum faciebant, ita alij corporeos angelos ex Gen. c. 6. vbi filij Dei dicuntur ex virginibus gigantes procreasse: plerique enim non filios Dei, vt vertit Aquila *ὄγκος τῶν δαιμόνων*, sed angelos legunt. Athenagoras in legatione pro Christianis versus finem, quæ habetur to. 9. Biblioth. patrum, ait ex angelis amatoribus virginum gigantes natos esse, cum alioqui res diuinitus concreditas male in terris administrassent, atque ideo reditu in cælum negato circa aërem & terram solitos obuersari: animas item gigantum Dæmones circa mundum oberrare, & libidinis curam gerere. Idem habet Methodius Olympi Episcopus in ser. de resur. vt refertur a Sixto Sen. lib. 5. annot. 77. Iustinus Martyr in prima pro Christianis apologia quæ est ad Senatum Romanum. Angeli, inquit, Dei dispositionem transgressi, mulieribusque mixti filios procrearunt, qui Dæmones sunt dicti. Ita Clemens Alexandrinus, Tertullianus, Cyprianus, Origenes, Cassianus, & Iosephus lib. 1. antiq. c. 4. Multi, inquit, angeli Dei cum mulieribus congressi progeniem procrea-



crearunt insolentem, & fiducia roboris omne ius, ac fas contemnentem, quorum facinora non absimilia ijs quæ de gigantibus Græci memorant, posteritati sunt tradita: Sic D. Ambrosius secutus Philonem, qui legit angelos Dei, & quos Philosophi Genios vocant, ait Mosem vocare angelos, quare nobis etiam impostèrùm licebit Genios appellare. Lactantius quoque lib. 2. c. 15. ait Deum misisse angelos in terram ad tutelam cultumque generis humani, sed ipsos consuetudine paulatim ad vitia pellectos sese mulierum congressibus inquinasse, & qui ex his procreati essent, neque angelos, neque homines fuisse, sed mediam quandam gessisse naturam. Hinc Iulianus apud Cyrillum lib. 9. ridet angelos coeuntes, eosque omnino ait a Mose intelligi, quoniam non homines, sed gigantes ait progeneratos a Dei filiis, de quibus etiam legitur apud Iob c. 2. Cum quadam die venissent filij Dei coram Domino, venisset quoque Sathan inter eos. At præcipuè vim facit autoritas Ioannis Ihesalonicensis citati in septima Synodo, cuius verba cum referret Tarasius dicit videri Ioanni angelos pingi posse, quia circumscribi possunt, & hominibus apparuerunt: responditque tota Synodus etiam Domine. C H A R. Nihil aliud hac responsione dicere voluit Synodus, quàm etiam Domine ea est mens Ioannis angelos depingi posse, & nos etiam pingi posse censemus, non tamen eius rationem probando quòd sint corporei; & licet approbaretur, satis est tamen quod expressè non definitur ita esse, non enim an essent corporei, sed an depingendi essent quærebat. Multò clarius Concilium Lateranense sub Innoc. III. c. firmiter, ait, Deum vtramque de nihilo condidisse creaturam spiritalem & corpoream, angelicam videlicet, & mundanam, deinde humanam, quasi communem ex spiritu & corpore constitutam: ait ergo Concilium naturam angelicam esse spiritalem, etiam ut spiritale opponitur cuicunque corpori siue simplici, siue mixto ex spiritu & corpore composito. A R I S T. Cur eodem iure quo septima Synodus exponitur, huius etiam Concilij verba non licebit ita accipere ut natura spiritalis significet corpus purissimum, quo nullum datur subtilius, natura vero corporea significet longè crassius, humanam autem naturam ex utroque componi, atque hanc esse differentiam inter Genios & animas nostras, quòd istæ ex naturali sua constitutione ad corpus organicum perficiendum ordinentur, illi minimè, vtrique tamen compositionem habeant soli Deo dissolubilem. C H A R. Animas atque angelos hoc modo dicere spiritales & corporeos fidei legibus non prohibemur, id tamen multi existimant temerarium ob consensum ferè omnium doctorum. Quòd autem patres illi angelorum connubia admiserint, cum nihil de ea re statutum esset, dicendum est eos bona fide id protulisse tanquam historiam, & opinionem plebeiam ortam ex apocrypho Enochii libro, cuius fragmenta refert Scaliger in notis ad Eusebium: sed refutatur ab August. lib. 15. de Ciuit. c. 23. & Chrysost. hom. 22 in Gen. quod nulla esse possint angelorum connubia cum virginibus, ne quis etiam dicat cum Valentino animas nostras fore vxores angelorum ut refert Tertull. cap. 27. Illi igitur Dei filij probabiliter erant Sethi, & hominum filia, Caini: cur verò ex ijs orti sint gigantes Dei consilio relinquendum est. Eugubinus quidem ait filios Sethi fuisse excelsos, Caini humiles:



unde hoc habet? debebant ergo illi Sethini multò magis esse gigantes, quam qui ex humilibus istis foeminis nasci cæperunt, & tamen prius non erat mentio de gigantibus. De Tertulliano nihil mirum est tam crassam formasse de Deo opinionem, cum aliæ id genus falebræ apud ipsum reperiuntur. A R I S T. Non debes igitur acerbius antiquis succensere quòd omnia putarint esse corporea, sed potius sortem eorum deplorare, ut Xenocranis apud Cic. acad. qq. lib. 2. dicentis omnia esse vnum ingenitum, sempiternum, immutabile, atque id esse Deum: Chrysippi lib. de prouid. vniuersi rationis particeps affirmantis: Plinij statim initio sui operis mundum finitum Deum esse exclamantis, furor est, inquit, mensuram eius quosdam imò agitas, atque prodere ausos, & illis, ait aut nullum esse Dei respectum, aut pudendum. Nunc quæramus rationes quibus ipsis probemus saltem Intelligentias siue Genios esse incorporeos. C H A R. Primum illud currit primis motoribus tribuendam esse perfectissimam rationem substantiæ quæ non reougnat: at nihil obstat quin possit esse substantia incorporea omnium perfectissima, quare rebus æternis, quibus idem est esse & posse, concedi debet. Neque dicant sufficere substantiam corpoream nobilissimam, & ea quam coelo tribuit Aristoteles longè præstantiorem incorruptam, & ingenitam, nulli enim corpori competere potest intellectio, & vis la mouendi indefessa. A R I S T. Contra illi defendunt nullam esse necessitatem excogitandæ substantiæ, quam animo informare non possumus, ab ea auferamus locum & extensionem. Genijs qui loco mouentur dicent conuenire intellectionem, sed eam non distingui ab imaginatione corporea immam tamen in ijs excellentiam obtinere: si qui autem loco non mouentur, ijs conuenire tantum intellectionem eminenter, hoc est esse substantias, inde oritur ordo melior, quam qui a sapientissimi hominis intellectu posset excogitari. Ad mouenda verò corpora non concedent quicquam aptius esse, quam corpus, ut ostendunt iactus fulminum, & motus terræ: quin etiam tetur Aristoteles lib. 2. meteor. agens de terræ motu: in animalibus ceteris quin imbecillis a corporeo spiritu concitato fieri aliqua quæ a robustissimis nunquam possent. *Quantam, inquit, habeat spiritus virtutem, non solum ex qua in aere fiunt, oportet speculari (hic enim propter magnitudinem existimabis etiam aliquis talia posse facere) sed in corporibus animalium: tentiones enim & conuulsiones, & spiritus quidem sunt motus, tantum autem robur habent, ut multi simul tentantes vi tenere non possunt dominari motui agrotantium. Tale itaque oportet intelligere fieri & in terra ut comparatur ad paruum maius. Hinc est quòd malis Genijs multi existimant torqueri corpora quæ morbo naturali constantur.* C H A R. Efficacius ergo probatur Genios non esse corporeos, constarent enim partibus homogeneis, vel heterogeneis: Non primum, nequin vnus in mille diuidi posset, neque esset aptus ad quicquam imaginandum, utpote carens organis corporeis. A R I S T. Qui dicent Genios constare partibus homogeneis, respondebunt diuidi non posse ob naturam illis substantiæ indiuiduæ; neque admittent omne corporeum esse diuinitum, & hoc oriri ex ratione corporis, cum etiam secundum Theologos motus rei spiritualis diuidi possit licet ipsa sit indiuidua; neque propterea recurrere



currere oportebit ad hypostasim, siue personam qua diuifio prohibeatur sed potius ad naturam ipsius rei. Huic autem substantiæ attribuent intellectum eminentem, perinde atque Aristoteles suis attribuit. Ita illi Genios suos dicunt esse intelligentias, siue intellectiones quæ nullo organo indigeant. Verum quoniam ipsis tribuebant vim imaginandi dicunt potius ipsos constare partibus heterogeneis. CHARR. Oportet huiusmodi Genios esse persimiles Idolo magno Alexandria in templo Serapidis euerfo a Theodosio Imperatore, quod Clemes Alexandrinus ad Gent. ait ex tritum omnium metallorum, & lapidum pretiosorum a Sefestre Rege Bryaxis artificis opera fuisse confectum, quare eodem fato defungi oportet tales Genios & resolui tandem in partes ex quibus componuntur. Ita vt narrat Plutarchus de orac. defectu cum Tiberius Caesar Thamum illum accersiuisset quæ exclamaret ad Palodes magnum Panem mortuum esse, a doctis audiuit aliquid quando Genios interire. Circa Britanniam, inquit, sunt insulæ, vt Sporades quarum nonnullæ Heroum & Geniorum dicuntur, quod cum Demetrius Tiberio missus esset, ventorum procellæ, & igni vortices apparuerunt, dixeruntque incolæ occidisse magnum aliquem Genium: nam sicut lucernæ extinctæ sequitur foetor, ita magnæ animæ viuentes lucent, extinctæ vero, tempestates, interdum pestilentiam inferunt. Sic apud Ciceronem lib. Tusc. qq. Stoici vsuram nobis largiuntur tanquam cornicibus, diu mansuros aiunt animos, semper negant. ARIST. Qui Genios mortales existimant iidem & mundos putant singulos interire iuxta Democritum, atque ita nihil opus esse perpetuis cœlorum motoribus, cum illa quæ cœlos arbitramur sint alij mundi, qui sicut orti sunt, ita & aliquando finem sunt habituri. At qui Genios faciunt immortales & corporeos tam potentem esse dicunt partium cognationem, vt non magis dissolui possit quàm cœlum Aristotelis, quod tamen partibus constat dissimilaribus. Quomodo autem phantasiam, quam dicunt esse intellectum, operentur, non admittent a rebus corporeis prodire tantum ea quæ sensibus nostris percipiuntur, afferent enim multa alia manare ad mouendos diuersos sensus nobis incognitos proinde in illis esse longè nobiliorem vim imaginandi: vt enim si omnia animalia essent cœca non excogitarent vnquam possibilem esse sensum visu neque ea quæ sub terra viuunt repræsentarent sibi formas illorum quæ liquidis elementis natant, aut volant: ita non tenemur adducere verum mundum quo Genij intelligunt, & operantur, cum & ipsi vix sensuum nostrorum rationem percipiamus. Sed quid aliud dixit Aristoteles de suis Intelligentijs, quàm eas esse actus puros, atque adeo ipsam intellectiorem, cum idem affirmet de omnibus, primus motor non erit substantiæ simplicioris & nobilioris, cum non magis abstrahat a materia, quàm reliqui, alioquin infinitæ darentur abstractiones. CHARR. Physicè illi quidem sunt æquè simplices atque ipse Deus, neque magis ex materia componuntur, sic eos dicere possumus, vt Trismegistus in Pimandro Deum appellat *Ἐδεν ὕλας, ὅλοι μορφῶν*, nihil prohibet tamen ex Aristotelis sententia primi motoris substantiam esse diuiniorē, cum Intelligentias omnes putet esse specie distinctas, ac proinde alias alijs perfectiores. ARIST. C



Aristoteles in Intelligentijs negat multitudinem indiuiduorum sub eadem specie? **CHAR.** Quia multitudo indiuiduorum notat imperfectionem, & a diuisione materiae proficiscitur, quae multitudo admitti tantum debet in rebus caducis ad speciem conseruandam, in æternis autem materia carentibus satis in vno species conseruatur: vnde 5. metaph. 12. vnum numero esse docet id cuius materia est vna, & 1. de cœlo 92. ait cœlum significare formam, hoc autem cœlum, formam cum materia. Quorum Aristotelis verborum sensus est illud esse numero vnum, cuius materia per formam facta est vna. Ita Auerroes in prima disputatione contra Algazelem in solutione octauæ dubij, causa inquit multitudinis numeralis est materia, sed causa distinctionis in multitudine numerali est forma: nam multitudo notat imperfectionem, & provenit a materia, distinctio autem & determinatio a forma, nec potest fieri nisi a forma, & ab actu. Ratio huius dicti petitur ex Aristotele 7. metaph. 49. actus est qui separat & distinguit. Quare eadem forma quatenus essentiam constituit non dat unitatem numeralem, sed potius efficit ut omnia singularia in ea essentia conueniant: quatenus verò tribuit existentiam, dat singularitatem & separat indiuidua. **ARIST.** Lapides loqui mihi videris, ut ait Plautus, quibus nihil durius vnquam audiui. Num facilius esset dicere compositum esse tale numero a tali materia & forma numero, & has esse tales seipfis, nisi Scoti somnium malis admittere, quo ex duplici partium hæcitate fiat vna totius hæcitas? Nam si dicas singularitatem procedere a forma dante existentiam, quæro per quid ipsa forma est hæc numero, cum aliæ formæ eiusdem rationis in eadem numero materia esse potuissent, ut docent Theologi, qui propterea ad vnius Dei determinationem confugiunt dum quærimus cur ex infinitis ignis possibilibus formis hæc potius quam illa in materiam introducitur. Quod si dicas, ut debes, formam esse hanc numero seipsa, idem de quacunque parte materia dici poterit: in sententia verò antiquorum quod infinita sint corpora simplicia specie distincta, & cuiusque speciei partes numero infinita, vno verbo dicitur hæc omnia seipfis tam specie, quam numero esse talia, neque repugnare dari plures Genios cum specie, tum numero distinctos, ut & multi Theologi affirmant, qui propterea negant illud principium petiitum ex 2. de gener. 59. & 2. de anima 34. atque alijs locis quod multitudo indiuiduorum solum adhibetur ad speciei conseruationem, volunt enim præterea esse ad ornatum vniuersi, & diuinæ bonitatis commendationem: neque concedunt illud dictum Aristotelis 12. metaph. 49. quæcunque sunt multa numero, materiam habent, ubi videtur negare plures cœlos & intelligentias solo numero distinctas esse posse. Hic mirari iubet cur Aristoteles tanto labore venetur intelligentias incorporeas omnes specie differentes, cum longè facilius sit incipere in rebus corporeis alios sentiendi modos specie distinctos a nobis, quam in incorporeis, quorum ne vmbra quidem habemus, confingere varias intelligendi rationes, quæ sufficiant ad diuersas species intellectus constituendas. Quare ut dicebam supra si omnes intelligentiæ eodem modo sunt incorporeæ, & actus puri, non video vnde Aristoteles probare possit vnum motorem esse alijs præstantiorem. Propterea aliquorum sententia



ria est per primum motorem intelligi ab Aristotele vniuersum genus motorum coeli, quod considerat vt vnum corpus. Nam 12. metaph. 43. quot sunt coeli lationes, eundem ait esse motores, atque easdem omnibus affectiones competere: tex. 47. plures sphaeras admittit, & lationes: nihilominus tex. 49. concludit vnum tantum esse coelum & vnum primum mouens: ergo sicut coelum est ex pluribus sphaeris, ita plures motores dicuntur primum mouens. Quod ni ita sit debuisset Aristoteles dicere primum mouens virtutem communicare alijs coelorum motoribus, atque illis esse perfectius: at contra 12. metaph. 43. ait esse eandem rationem de omnibus: eodem ergo modo putat esse vnum motorem, quo vnum coelum. CHARR. Hæc ratio fortasse permouit Simplicium vt diceret per primum motorem non designari Deum ab Aristotele, sed mentem primam sub Deo positam: sed refellitur 12. metaph. 43. vbi Deo tribuit quæ de primo motore dixerat 8. phys. concluditque illud esse principium & primum entium immobile. Quamquam autem multas affectiones quas ostendit competere primo enti, vult quoque extendi ad ceteros motores, hoc ipso tamen quod dicit esse principium & primum entium, docet ceteris esse præstantius, quemadmodum 2. de coelo 68. ait primum mobile præstare ceteris secundum ordinem vita & principij. ARIST. Difficile est ostendere aliud quicquam intelligi ab Aristotele per principium illud & primum entium, quam vniuersum motorum genus, nisi quis malit eum sibi ipsi contradicere. CHARR. Hoc esset aristocratiam in coelum inducere, non monarchiam semper laudatam ab Aristotele celebrante illud Homericum Non est bona multitudo principatum, vnus ergo princeps. quibus verbis claudere voluit duodecimum librum metaphysicæ, vbi de primo motore propriè tractat. Quod verò dixerari tantum vnum coelum, & vnum primum mouens, ita exponitur vt veli nec plures mundos, nec plures motores primos esse posse. Cæterum quantum sit primi motoris supra reliquos eminentia, luculentius dictum habemus a Theologis quam ab Aristotele, qui de ea re pauca conscripsit. Solus Deus est, in quo tanquam in actu purissimo, nihil distinctum reperitur, nullæ ipsius partes physicæ, nullæ metaphysicæ: cæteræ intelligentiæ cum non sint aliquid infinitum, constant partibus metaphysicis, scilicet ex genere & differentia, constant ex esse, & essentia, quia esse possunt & non esse: ex natura, & subsistentia, & præterea in illis admittitur compositio physica ex subiecto & accidentibus distinctis physicè dum intelligunt & volunt, ac omnium ferè sententia locum mutant. De actionibus intellectus, & voluntatis constat, quia obiecto externo non mutato mutantur actus & affectus, qui proinde re ipsa ab ijs distingui debent contra Auer. commentario 25. in 12. metaph. ARIST. Theologi hæc omnia fidenter dicere possunt, modò se a Aristotele ita dissentire fateantur, vt quas ille substantias probat a materiæ seiunctas, iisdem rationibus faciant ipsi corporeas: quas verò corporeas esse probat, has rursus ita concinnent, vt incorporeæ & abstractæ a materia videantur: Maximè verò corporeas ostendunt Auicembron, Richardus, & Bonauentura in 2. dist. 3. art. 1 qui dicunt Angelos componi ex potestate & actione re ipsa distinctis, sed spiritualibus: imò Bonauentura dubitat an eorum materia



ria nostra distinguatur: Nam si Genij illi loco mouentur, & cum intelligunt rebus non mutatis habent aliam denominationem eo tempore quo possent non habere, puta si intelligere nollent, ita ut intellectio ab ipsis reapse distinguatur, profecto materiam habent ex Aristotele 12. metaph. 10. Quæcunque mutantur, inquit, materiam habent, sed diuersam: & 1. celi 99. motus sine naturali corpore non est. Multò verò magis substantias illas censeret esse corporeas quibus ignis corporeus inurit apud inferos qualitatem, quam vocant doloriferam, & foedantem, præter vermis, ac frigoris morsum acerbissimum. Quòd verò substantias corporeas a materia separare videantur, patet eò quòd volunt corpus pluribus in locis esse posse simul, immo ubique, atque etiam cum alio corpore, cui ita præsens sit ut totum singulis partibus respondeat. Id cum corpori tribuatur, quod Aristoteles substantijs abstractis concedere non auderet, excusandi sunt illi patres qui Genios, & animas corporeas esse dixerunt, & quòd oculo corporeo tantum permittit Augustinus lib. 22. de ciuit. c. 49. ut Dei visionem ei concedere videatur. Nam & si corpori decora & ornamenta huiusmodi diuinitus accidere dicamus, non alios spiritus requirunt illi qui credunt Deum rerum omnium esse tutorem; alij verò dicent frustra spiritalia excogitari, si quædam corporea subtilioris naturæ seipsis hæc omnia præstare possunt. Pingamus omnia corpora si non a se, saltè diuinitus habere ut se penetrare possint, simulque nomento temporis varijs in locis reperiri tota in singulis loci partibus, hoc est non esse in loco circumscriptiue, ut dicunt, sed definitiue, simplici quædam præsentia non ab simili intelligentiarum præsentia: præterea nec pati posse, nec corrumpi, nec generari: Hæc contuens aliquis intellectus, ad quem vsum substantias incorporeas requireret? CH A R. Oportet intellectum hæc perspicientem, cognitam simul habere naturam corporis secundum se, cui huiusmodi facultates non debentur, sed tantum rebus abstractis a materia, proinde ad summum iudicaret corpus his diuinis instrumentum ornamentis aliqua ex parte munus intelligentiarum obire posse, requireret tamen substantias incorporeas quibus naturaliter debentur hæc ornamenta.

## De loco primi motoris, & aliorum.

### C I R C U L U S XIV.

ARISTÆVS. CHARILAVS.

**A**RIST. At illi contenderent deberi naturaliter, & hanc ipsam nonnullorum corporum naturam esse, ut ea præstent quæ Genijs attribuebant, atque imprimis notarent Aristotelem qui hic tex. 84. æquinoctiali circulo primum motorem circumscribit, propterea quòd celerrimè mouentur quæ proxima sunt mouenti, illic ergo, inquit,



ipsum mouens; notarent inquam; quoniam illud videtur finitum, corpus  
reum, & mobile quod vni loco finito præsens est, & ad eius motum moueri  
debet, nam si remanet immobile, nulla esset ratio cur huic coeli parti, potius  
quàm illi præsens esset, sed per eius substantiam immobilem æquinoctialis  
partes reuoluerentur; vnde aliquis similiter fingere posset dari animam im-  
mobilem per quam animalium corpora mouerentur. Atque vt id de primo  
motore non concedatur, de cæteris intelligentijs sic habendum est, illæ enim  
præsentes sunt vni loco finito, vt anima corpori humano, extra quod sicut  
illa non reperitur, & si corpus sphæricum esset, conciperemus animam sphæ-  
ricè quodammodo præsensem esse, ita oportet motores orbium existimare  
præsentes non toti cœlo, sed parti certo ambitu terminatæ, qui ambitus om-  
nium iudicio sphæricus esse debet, vt pote perfectissimus: quare secundum  
Aristotelem concipiendi sunt illi motores sic in aliquo spatio sphærico præs-  
entes esse, vt nusquam alibi reperiuntur. Hoc autem spatium quod attine-  
ad primum motorem cum existimetur esse ad orientem; quoniam hic est  
principium motus primi, oportebit ob eandem rationem alios motores rele-  
gare ad occidentem, simulque determinare vnde illud orientis, atque occi-  
dentis punctum sumi debet: respectu cœli non potest, quia perpetua verti-  
gine circunvoluitur, restat igitur vt ab habitabili terra petatur, Asia scilicet  
& extrema Europa, quemadmodum fingeant illi qui orientales occidenta-  
libus magis ingeniosos & perspicaces esse dicebant. *Æneid. 1.*

*Non obtusa adeo gestamus pectora Porri,*

*Nec tam auersus equos tyria Sol iungit ab urbe.*

Ita oportebit concipere lineam quæ a centro terræ ducta per felicem ali-  
quam Asiæ partem solertium & versatilium ingeniorum feracem, puta Ara-  
biam, aut aliam id genus ad primum motorem Aristotelis sphærico, vt di-  
ximus, præsensem spatio producat; præterea aliam lineam per Thulen  
aut insulas fortunatas ad cæteros orbium motores similem illi qua Astron-  
omi dicunt Solem & Lunam esse in iugo. Hæc series motorum ordinati  
dispositorum videtur ad mouendum ineptior Genijs corporeis antiquo-  
rum, cum enim ibi stent immobiles, varietatis omnis expertes, & se habei-  
tes semper eodem modo, etiam secundum intellectum & voluntatem qu-  
bus mouent, quis dicat rationem capi posse qua moueant? Tu si quem m-  
dum habes commodiorem, ediffere. **CHARR.** Quanquam paucis i-  
verbis quibus Aristoteles assignat locum primi motoris, videtur esse tan-  
tùm in circulo æquinoctiali tex. 84. huius libri. Item 1. cœli 22. commu-  
nem esse opinionem locum sursum, nempe cœlum Deo deberi, & lib. 2. 6  
terram minimè moueri quia maximè distat a primo motore. 2. de gener. 5  
hæc inferiora non semper existere, quoniam a principio longius distant: r-  
hilominus indignum videtur ingenio Aristotelis, vt Deum hic tantum pr-  
sentem esse putauerit: Ad hæc igitur communis est responsio primum m-  
torem quasi excellenter in cœlo poni, quia ibi per effectus præcipuos, m-  
tum scilicet sempiternum, qui inde principium habet, manifestatur. Qu-  
verò non in cœlo tantùm, sed supra, atque adeo vbiue reperiatur pater  
a cœli 100. vbi agnoscit aliqua esse supra cœlum, & ea non esse corpor-  
sunt



untigitur spiritus : maximè autem omnium debet ibi esse primus motor ,  
 mo ex Auerrois sententia solus ille ibi est , Aristoteles enim dum ait nullam  
 transmutationem eorum esse , quæ super extrema disposita sunt latrone , utitur  
 numero plurali pro singulari . A R I S T . Iam innui supra , hunc locum ex-  
 òni ab Alexandro de cœlis ipsis qui ratione intelligentiarum dicuntur op-  
 imam agere vitam corruptionis & senectutis omnis expertem ; quod verò  
 oquatur de corpore cœlesti ostendit his vltimis contextus verbis Et irre-  
 quieto vtiq̃ue motu mouetur , ita enim motui subijci primum motorem  
 porteret . Dicuntur substantiæ illæ nullis transmutationibus , aut affectio-  
 nibus subijci , puta corruptricibus . Extrema latio super quam disponuntur  
 non est conuersio octauæ sphæræ , sed motus ignis . Denique ex eo loco ni-  
 hil aliud concludi potest quàm primum motorem , & alios omnes esse in ex-  
 ima superficie octauæ sphæræ , siue vt ait Plutarchus de placidis Philof. vni-  
 uersi globo Deum insistere , quod rem magis inenodabilem efficit . Nam si  
 licis esse supra cœlum , vbi nihil est , oportebit , vt Deus sit ipsum spatium ac  
 proinde corpus . Si in superficie cœli vltima constituis , certè non in superfi-  
 cie Platonica , quæ nihil est : igitur in superficie physica , quæ a corpore non  
 distinguitur ; atque ita motores omnes , vt dixi , tantùm intra substantiam  
 cœlorum esse oportet , non autem vbique , vt concludebas , incomprehenfos .  
 C H A R . Cur ergo lib. 1. de part. anim. c. 5. laudat dictum Heracliti seden-  
 tis in humili tuguriolo caloris gratia , dicentisque ne huic quidem loco Dij  
 lesunt immortales . A R I S T . Hoc ipsum quòd numero plurali Dij im-  
 mortales appellantur , ostendit popularem hanc esse locutionem , quā aut de  
 Genijs sermo est , aut significatur vim diuinam ad omnia pertinere beneficio  
 motus primi quem proximè solùm efficit Deus . Alia verò loca vbi propriè  
 loquitur de primo motore cuius distantia attribuit terræ quietem , & corru-  
 ptionem non admittunt expositionem quam attulisti . C H A R . Obean-  
 dem igitur distantia rationem materia prima , atque anima immobiles sunt  
 & corrumpuntur , non enim minus distant a primo motore , quàm terra ipsa .  
 A R I S T . Neque materia , neque anima propriæ mouetur ex Aristotele ,  
 sed illud quod actu est , nempe compositum de quo loquitur , quod & solum  
 corrumpitur propriè ; materia verò & forma quatenus separantur , sal-  
 tem secundum compositionem , quam prius efficiebant , corrumpuntur .  
 C H A R . Optimi tamen interpretes nolunt Aristotelem loqui de distantia  
 loci , sed naturæ , ita enim quidquid natura maximè distat a primo motore ,  
 corrumpitur . A R I S T . Mirum est interpretes nolle Aristotelem dixisse ,  
 quod clarè dixit tex. 84. quæ proxima sunt mouenti celerrimè moueri , & 2.  
 celi 62. primum motorem nihil opus habere motu & actione , cum sit ipse  
 inis , at propinquissimis vnum motum satis esse , vnde concludit tex. 66. re-  
 notioribus plures motus conuenire , puta tardiores , nullum verò penitus  
 terræ remotissimæ . Certè hic loquitur de loci distantia , cum sphæra octaua  
 proxima mouenti propterea celerrimè moueatur vno motu , pluribus aliæ  
 sed tamen tardius , quia plus distant ; ita & ignis raptus in orbem , deinde  
 ier , donec ad terram immobilem peruenitur . Si autem de distantia naturæ  
 & perfectionis loqueretur materia prima maximè esset corruptibilis : si di-



cas esse sermonem de compositis, homo cuius natura propinquior est Deo quam quercus, minus quercu caducus esset. CHA R. Satis est apud maiorem auctoritatem grauium interpretum ita Aristotelis mentem exponentium Longè aliter quam Auerroes qui disp. 14. metaph. dub. vlt. eos qui asserunt Deum esse vbique & omnia tangere, ait esse pueros & causarum ordinem destruere. Quin ille potius pueriliter de Deo sentit contra Alexandrum Simpl. Themist. Philop. contra Platonicos, Iamblichum, Plotinum, Proclum, & ijs omnibus antiquiores Musæum, Orphaum, Trismegistum in cuius Pimandro habemus mundum esse vas Deo plenum, Deum esse circum cuius centrum vbique, ambitus nuspiam est. Idem quoque dixit Empedocles de quo fit mentio lib. de mundo. Thales, inquit Cicero lib. 2. de leg. quod sapientissimus inter septem fuit, aiebat Deos omnia cernere, Deorum omnia esse plena: ac propterea Magis Persarum auctoribus Xerxem in flammam templum Græciæ, quod parietibus includerent Deos, quibus omnia deberent esse patentia, & libera, quorumque hic mundus omnis templum esset & domus. Stoici apud Plutarchum de placitis dicunt esse spiritum intelligentem præditum igneum, omnia permeantem, formæ expertem, in quam velit speciem se mutantem, ac rebus quibusuis assimilantem: ex quorum sententia Seneca epist. 41. Prope est a te Deus, tecum est, intus est. Ita dico, Lucili, sacer intra nos spiritus sedet malorum bonorumque nostrorum obseruator, & custos. Quid prodest ab homine aliquid esse secretum, nihil Deo clausum est. Hoc etiam Poetis ipsis non fuit ignotum, Lucano,

*Iuppiter est quodcunque vides:*

Virgilio, *Iouis omnia plena.*

----- *Deum namque ire per omnes*

*Terrasque, tractusque maris, cælumque profundum*

*Principia cælum, ac terras camposque liquentes*

*Spiritus intus alit, totamque infusa per arces*

*Mens agitat molem, & magno se corpore miscet.*

Non est igitur puerorum arbitrari Deum vbique existere. ARIST. Hoc fortasse dixit Auerroes propter inconstantiam philosophorum in assignando modo quo Deus vbique reperiretur: Alexander id explicat per intellectum agentem, Simplicius dicendum putat Deum vbique esse & nuspiam. Si vero omnium dicta expendamus, videbimus alios nihil aliud velle, quam Dei supremo loco existentis vim in vniuersum mundum emanare. Ita autem lib. de mundo c. 7. perperam affertur contra Auerroem, nam Deum comparat Cambisi, Dario, & Xerxi, qui non per se minuta obeunt: respectu verò mundi ait esse sicut lapidem qui totum fornicem ligat, & sustinet: sicut Phidiae imaginem Minervæ clypeo sic insertam, ut eam refigere nemo posset, qui vniuersum opus non conuelleret, & quod caput est non esse in hac turbida regione, sed in coelo. Alios verò videbimus vltro fateri Deum esse vbique & infinitum, quoniam ipsum a rerum & mundorum infinitorum natura non distinguunt. Sic Varroni Deus est ipsum totum, cuius pars omnis coli potest teste August. lib. 4. de ciuit. c. 31. Ita Cicero lib. 1. de nat. Deor. ex sententia Epicuri ipsum mundum Deum dicit esse, & eius animi fusionem esse vni-

uer-



uersam. Docuit nos idem qui cætera, natura effectum esse mundum, nihil opus fuisse fabrica, eamque rem ei esse tam facilem, quàm vos negatis effici sine diuina posse solertia, vt innumerabiles natura mundos effectura sit, efficiat, effecerit, quod quia quemadmodum natura efficere sine aliqua mente possit, non videtis, vt Tragicæ Poetæ, cum explicare argumenti exitum non potestis, confugitis ad Deum. Plinius lib. 2. cum Dei vim & mundi eandem putet, Deum vbique esse, & operari asseuerat. Seneca quem laudasti lib. 4. de benef. c. 7. Quid aliud est, inquit natura, quàm Deus & diuina ratio toti mundo, & partibus eius inserta? Quoties voles tibi licet aliter hunc tutorem rerum nostrarum compellare: & Iouem illum opt. ac max. rite diceres, & tonantem & statorem, qui non, vt historici tradiderunt, ex eo quod ost votum susceptum acies Romanorum fugientium stetit, sed quod stant beneficio eius omnia, stator, stabilitorque est. Hunc eundem & fatum si dixeris non mentieris: nam cum fatum nihil aliud sit quàm series implexa causarum, ille est prima omnium causa ex qua cætera pendent: Tot appellationes eius possunt esse quot munera. Et c. 8. Nec natura sine Deo est, nec Deus sine natura, sed idem est vtrunque nec distat. Hinc Orphæus primus appellauit naturam φύσιν Θεόν, Epictetus δαιμόνιον φύσιν; Deum ὑπερπάτορα dixerunt antiqui, quem simul naturam esse arbitrabantur; et patres, matresque Deos vocat Lucretius. Trismegistus Iouem siue naturam marem & foeminam esse dixit, vt & Soranus medicus antiquissimus ab Augustino citatus, hinc appellabatur πολυµατος, & specie Hermæ Throditi colebatur. Atque huc fortasse pertinet illud Lucani,

----- Superos quid quarimus ultra?

*Iuppiter est quodcunque vides quodcunque mouetur.*

Quare de modo quo Deus sit vbique nihil certi ab antiquis haberi potest, vt primè notauit Nicolaus Leonicens in Bembo. CHAR. At cum Seneca in ratione lib. 1. qq. nat. fateatur, sicut antiqui, Deum esse mentem vniuersi, excusatione omni carere videntur, vt ait Apostolus, qui vim illam diuinam rerum natura non distinguunt. Hanc certè distinxit egregiè De prouid. 1. Superuacaneum est, inquit, in præsentia ostendere non sine aliquo custodit tantum opus stare, nec hunc siderum certum discursum fortuiti impetus esse, & quæ casus incitat sæpe turbari, & cito arietare; hanc inoffensam velocitatem procedere æternæ legis imperio. A R I S T. Nullum præsumum ad tuendam veritatem a Seneca peti debet, aut ab alijs qui pro re & tempore discrepantes sententias enunciant. Nam ipse qui lib. 4. de benef. 4. Deos esse colendos dixerat ob consensum multitudinis, quod profectò non fieret, inquit, nec in hunc furorem omnes mortales consensissent. Idem Arist. 1. 17. multum dare solemus præsumptioni omnium hominum: Apud eos veritatis argumentum est aliquid omnibus videri, tanquam Deos esse propter alia sic colligimus, quod omnibus de Dijs opinio insita est, nec vllæ eius vsquam est adeo extra leges, moresque profecta, vt non aliquos Deos credat. Cum de animarum æternitate differimus, non leue momentum pud nos habet consensus hominum, aut timentium inferos, aut colentium.

At



At epist. 24. irridet larvas inferorum & tenebras, quas antiquitas horrescebat. Et 33. ait, ego verò vtar via veteri, sed si propiorem planioremque inuenero, hanc muniam. Qui ante nos ista monuerunt, non domini nostri sed duces sunt. Patet omnibus veritas: nondum est occupata: multum ex illa etiam futuris relictum est. De vita beata c. 1. Nihil ergo magis prastandum est, quàm ne pecorum ritu sequamur antecedentium gregem, pergentes non qua eundum est, sed qua itur. Nemo sibi tantum errat, sed alij erroris causa, & autor est: nocet enim applicari antecedentibus, & dum vnus quisque mauult credere, quàm iudicare, nunquam de vita iudicatur, semper creditur, versatque nos, & præcipitat traditus per manus error, alienis que perimus exemplis: sanabimur si modò separemur a cœtu. Ecc. 2. Cùm de beata vita agitur non est quòd mihi illud discessionum more respondeas hæc pars maior esse videtur, ideo enim peior est, non tam bene cum rebus humanis agitur, vt meliora pluribus placeant; argumentum pessimi, turba est. Sic in fragmentis apud August. lib. 6. de ciuit. c. 10. Nemo fuerit dubitaturus furere eos si cum paucioribus firrent, nunc sanitatis patrociniū est insanientium turba. Ciceronem hac in re Seneca videtur imitatus qu. lib. 1. de nat. Deor. hoc primo & vnico ferè nititur argumento, Quæ est gens aut quod genus hominum, quod non habeat sine doctrina anticipationem quandam Deorum. De quo autem omnium natura consentit, id verum est necesse est. Lib. 1. de diuin. Vtar igitur, nec abducar vt rear, aut in extis terram Hetruriam delirare, aut eandem gentem in fulguribus errare, aut fallaciter portenta interpretari. Defendo vnum hoc nunquam illud oraculum Delphis tam celebre & tam clarum fuisset, neque tantis donis refertum omnium populorum, atque regum, nisi omnis ætas oraculorum illorum veritatem esset experta. Propterea inquit lib. 3. de nat. Deor. nec ex ea opinio quam a maioribus accepi de cultu Deorum vllius vnquam oratio aut doctrina inuolabit. At meminisse debuerat dictorum lib. 1. Non pudeat physicum, id est speculatorem, venatoremque naturæ ab animis consuetudine imbutis petere testimonium veritatis? Et 2. de diuin. Retinetur & opinio vulgi, & ad magnas utilitates reip. mos, religio, disciplina, ille augurum, collegij autoritas. At omnes Reges, populi, nationes vtuntur aspicijs: quasi verò quicquam sit tam valde, quàm nihil sapere, vulgare, aut quasi tibi in iudicando placeat multitudo. Nam vt verè loquamur superstitio fusa per gentes oppressit omnium fere animos, atque hominum imbecillitatem occupauit. Ita & alij antiqui in rebus ad Deum & religionem pertinentibus maximam ostendunt inconstantiam. CH A R. Omnino superstitionis illis ritibus viri prudentes meritò tergiuersari, fluctuare, animi pendere visi sunt: at quod sit Deus vnus immensus purissimus, & fece rerum naturalium distinctus sapientissimi quique non dubitarunt, ad vt pauci sint qui dicendo Deum & naturam idem esse, ipsum a vi corporum vniuersorum non distinguerent. Quàm verò iuxta Apostolum non videatur excusandi, ostendit anticipatio illa nobis innata de Deo summè bono rerum omnium moderatore, quem cùm ipsi a virtute corporum non distinguant, nec virtutem a corporibus, quemadmodum Epicurus verbis reli-

quunt



quunt Deum, re auferunt . Propterea non placet hæc philosophia quæ affe-  
 ctiones omnes sola ratione separat a substantijs quantitatem, qualitatem,  
 motum, & ubi, neque formas ipsas substantiales aliter distinguit a materia,  
 mō forma & materia ablegatis ait vniuersum constare infinitis corporibus  
 indiuiduis quæ simul sint agendi virtus, hoc est ita mouendi se & adhiben-  
 di, vt citra vllius ipsorum iacturam multa corrumpi dicantur, & generari:  
 ic enim Epicureorum sententiam longè difficilior est conuellere, nam cum  
 ex specie & ornatu totius vniuersi, ex animalium partibus scitè dispositis, ex  
 elementorum mirabili constitutione, ex motu cœlorum perpetuo, summi ar-  
 tificis naturam ab omni iniquatione corporea diremptam arguemus, di-  
 cent vim ipsam simplicium corporum hæc omnia perficere, neque opus esse  
 alio artifice sapientiori, ne in infinitum procedatur: etenim artifex ille sa-  
 pientissimus longè pulchrior erit vniuerso opere suo, proinde quærent a quo  
 hanc pulchritudinem obtinuit. Dicemus a se, idem illi de vniuerso affirma-  
 bunt, nec ab obfirmata sua pertinacia dimouebuntur. A R I S T. Male  
 nobiscum ageretur si veritas omnis, vt supersticiosi quidam arbitrantur,  
 penderet ex principijs Aristotelis, in cuius verba proinde non minus iurant,  
 quàm in sacros canones, nec minus materiam primam esse credunt, quàm  
 Deum ipsum. At illa peræquè incommodat tibi, ac doctrina de indiuiduis,  
 quam respuis, opiniosissimus enim quisquis dicet non alio autore atque ar-  
 tifice opus esse quam forma atque materia. C H A R. Facilius ille con-  
 utabitur ob imperfectionem materiæ, quæ proinde ens a se summè perfe-  
 ctum esse non potest. Præterea admissa materiæ & formæ compositione  
 nihil repugnat, imò necessarium est huius compositionis dari causam omni-  
 o simplicem, ac corporeæ molis expertem, absque penetratione totum vni-  
 uersum sua præsentia peruadentem. At ille plumbei qui corporata omnia  
 esse censent, iam Deo ipsi locum non reperiunt, nisi barbatum aliquem Io-  
 em aquila vehentem, lustrantemque omnia comminiscantur, aut certè tan-  
 quam nodum in tabula in centro vniuersi cum Pythagoricis illum affigant.  
 A R I S T. Male illi quidem hoc modo, nec multò præstabilius Aristoteles,  
 vt ait Plutarchus, constituit primum motorem globo vniuersi insistentem;  
 nam si finita aliqua mundi parte comprehenditur, parum refert an corpo-  
 reus, necne esse dicatur, rationes enim Aristotelis, vt fateris ipse, finito mo-  
 tore posito, nihil conficiunt, adeo vt motum quem præstare dicitur vniuer-  
 so, hunc ipsum cæleste corpus ciere possit. Atque id antiquos illos miseros  
 transuersos egit, quòd Deus incorporeus, omnipotens, & liber debet esse  
 ubique præsens, indignum enim est illum æquinoctiali circulo concludere,  
 ergo & in hoc mundo toto, & in infinitis alijs, si qui sint, reperitur. Si verò  
 omnes destruat præter hunc nostrum, putabant fore vt vel Deus remaneret  
 extensus in infinitis illis spatijs, atq; ita esset corporeus, vel quod magis cor-  
 pori conuenit, testudinum more in locum angustiores contraheretur. Cum  
 vitur ab his tricus expedire se nō possent, vniuersū ipsū esse Deū pronuncia-  
 bant. C H A R. Argumentum hoc modo confici potest, si Deus esset incorpo-  
 reus, omnipotens, & liber, non tantum deberet esse veris corporibus intimè  
 præsens, sed & spatijs illis infinitis quæ extra cœlum imaginamur: hoc fal-



sum est, ergo & illud. Nunc ad maiorem veritatis illustrationem, & si cu  
 Caietano, Molina, & Aualentia Deum in vacuo, si datur, & spatijs ex  
 coelum, hoc est vbiq; esse affirmo, quia tamen Bonaventura, Scotus, D  
 randus, Capreolus, & alij plurimi Peripatetici contrariam opinionem tue  
 tur, ostendamus antiquos illos occasionem nullam habuisse Deum cum v  
 uerso confundendi, etsi ante mundum conditum non fuerit alicubi, nec  
 vacuo nunc quod fieret, nec in spatijs extra coelum esse possit. Dei imme  
 fitas, inquiunt, talis est, vt citra vllam sui mutationem, vbicunq; spatiu  
 corporeum reperitur, hoc ipso sit illi præsens, eo verò sublato remane  
 quidem eadem immensitas, nuspiam tamen esse dicatur, quoniam ijs aut  
 ribus esse alicubi est alicui corpori esse præsens, si igitur nihil est extra co  
 los, præter spatiij corporei negationem, non magis ibi putant esse Deum  
 quam in hominis negatione: Quare iuxta eos creato ibi vel destructo co  
 pore, vbi inciperet, vel desineret esse Deus, non tamen ipse mutaretur  
 nouam præsentiæ denominationem, requiritur enim præterea noua for  
 verè inhærens, qualem admittunt in angelis, puta vbi, de quo postea nol  
 agendum erit: at immensitas sola denominat Deum præsentem, vt cand  
 parietem similem, si adsit terminus. Licet ergo ante mundi procreatione  
 Deus nuspiam esset, a creato tamen postea corpore abesse non potest, cū  
 sit immensus. At verò angelus qui ante mundum productus nuspiam f  
 ret, neque iam alicubi erit mundo genito: imò si in medio templo solus i  
 se destructo aere relinqueretur, non reperiretur tamen in templo etiam e  
 dem aere restituto, nisi forte Deus illi nouum vbi concederet; & tamen a  
 lato aere verum esset dicere angelus est, licet neque intra, neque extra tem  
 plum, vtrumque enim significat vbi, & locum verum: at ille ablato ae  
 nuspiam erat, non ergo in templo inueniretur, vt neque si ante mundum pr  
 ductus esset, in mundo postea creato reperiretur, & quamuis Deus æ  
 ternitate crearet mundos, nunquam tamen huiusmodi angelum conclu  
 ret. Denique si ab omnibus Deus auferat vbi, nuspiam erunt, & si cui plu  
 vbi largiatur, vbiuis erit. **ARIST.** O cæcam antiquitatem quæ vim  
 credibilem illius vbi non agnouit tantum rebus creatis necessariam, min  
 verò Dei ipsius immensitati. **CHAR.** Ita est, nam si caderet lapis e  
 næ concauo per vacuum, Deus in vacuo non esset, sed in lapide, in eo tam  
 ob immensitatem suam non moueretur, sicut anima, & angelus, atque alia  
 nita, in quibus motus recipitur. Sed neque lapis, inquiunt illi, per vacu  
 mouetur propriè, sed ipse cadendo spatium & extensionem veram produc  
 quam si Deus conseruare posset, lapis a coelo ad terram cerneretur: dicu  
 autem angelum non posse huiusmodi extensionem facere suo motu, nec  
 coelo ad terram per vacuum ferri. **ARIST.** Sed antiqui percuntabu  
 tur vnde lapis habet vt producat minorem extensionem e concauo Lun  
 quam è concauo Saturni cadens, dicent hoc prouenire a spatio corpor  
 quod Deum esse contendebant. **CHAR.** Nihil obtusius, nihil insulsi  
 dici potest: hoc enim prouenit, ab vtroque vbi terræ & Saturni, quæ fi  
 dant respectum maioris distantiae quam duo vbi terræ & Lunæ. Vide nu  
 quanti refert vbi, atque motum, & alias affectiones reipsa a substantiæ  
 di



distinctas, vix enim aliter importunis illis satisfaceret. **ARIST.** Ita si  
 uo globi tantum sint in rerum natura, a suo vbi obtinebunt ut corpus trium  
 edum verbi gratia inter vtrumque creari possit, non autem quatuor: ipsa  
 erò vbi unde hoc habent? **CHAR.** A se: substantiæ verò id non ha-  
 ent, quia aliò transferri possunt, at vbi, minimè, alioqui per idem vbi plu-  
 ribus in locis inuenirentur. **ARIST.** Quid si Deus duos illos globos  
 epius destruat & similes iterum creet, unde habent ut ibidem & eadem  
 emper distantia producantur, si nullum est spatium corporeum ratione  
 uius hìc potius, quàm ibi esse dicantur? **CHAR.** Habent hoc ab alijs  
 bi, non numero, sed specie iisdem. **ARIST.** At illa vbi globorum non  
 ntum constituunt ipsos tribus pedibus distantes, sed etiam hìc potius  
 uam alibi, nam alij duo aut plures similiter distare possunt, in quorum lo-  
 is priores illi poterant esse: Igitur vbi non tantum habent respectum ad  
 lobos, sed etiam ad spatium in quo ipsos constituunt; sed nullum spatium  
 i possumus imaginari, nisi saltem Deum tam in globis, quàm extra globos  
 Te dicamus. Et verò si daretur tantum vnus globus, atque ille moueretur,  
 nde habet illud vbi, nisi ex alicuius rei præsentia, ut globum potius hìc,  
 am ibi constituat. **CHAR.** Necessarium est ut illi dicant globum hunc  
 ouiri non posse, neque habere diuersa vbi, quòd si mox duo sint globi, iam  
 rerum alteri fieri posse propiorem. Difficultas autem præcipua in quo  
 tterat vbi vnus globi ab altero, & quare si permutarentur, non essent ibi-  
 am solui debet ex natura ipsorum vbi, nullo habito respectu ad spatium  
 od imaginamur: res certè captu perquam difficilis. Planior autem red-  
 tur in sententia Caietani, imò Sanctorum Patrum, qui Deum neque a va-  
 o, neque a spatijs quæ fingimus supra cælos abesse volunt, id enim opti-  
 è declaratur respectu diuinæ immensitatis, hoc est virtualis, ut dicunt,  
 iusdam infinitæ extensionis, ratione cuius globi hìc potius quàm ibi esse  
 centur, quemadmodum respectu ipsius æternitatis duo globi ita creari po-  
 erunt, & statim destrui ut inter primi procreationem & mundi ortum in-  
 cipi possent mille anni, centum verò tantum inter secundi globi, & mun-  
 initium. Hæc omnia non videntur posse intelligi absque virtuali illa tam  
 imensitatis, quàm æternitatis extensione, quæ quidem non est extensio ve-  
 , sed tanquam extensio. **ARIST.** Mirum est Epicuræis ignotam fuisse  
 am, non extensionem, sed tanquam extensionem, cum dicerent Deum non  
 bere corpus, sed tanquam corpus, non sanguinem, sed tanquam sangui-  
 em, ἡ γὰρ οἷός τε πρὸς τὴν πρὸς μακάρεσσι θεοῖσι. Ita enim non videren-  
 t fecisse Deum planè corporeum, ut immeritò illis obtreçtet Tullius lib. i.  
 nar. Deor. Mirabile videbatur Catoni, quòd non rideret Haruspex Haru-  
 ricem cum videret, hoc mirabilius, inquit, quòd vos inter vos risum tenere  
 ossitis, cum dicitis Deum non habere corpus, sed tanquam corpus.  
**HAR.** Nihil refert quid intellexerint Epicuri de grege porci. Interim  
 co cum Theologis immensitatem Dei, atque æternitatem hoc habere com-  
 une, quòd licet vtraque sit indiuidua & tota simul, virtute tamen id præ-  
 at quòd res diuidua. Vnde sicut dicimus Deum hodie habere totam suam  
 ternitatem qua respondet huic diei: ita & in hac vrbe dicimus esse totam







## De loco, &amp; motu intelligentiarum.

## CIRCULVS XV.

## ARISTÆVS. CHARILÆVS.

**A**RIST. Quid iam dicendum erit de alijs motoribus, quos nisi fateamur esse corporeos, nullum motum, nullum locum Aristoteles eis concedet, immo neque intellectiōem distinctam ab ipsis: nam 12. metaph. 5. l. docet ea quę materiam non habent a sua intellectiōe non differre, & tex. 10. quęcunque loco mouentur materiam habere: Qua ratione materiam quoque habent illa quę ita a sua intellectiōe distinguuntur, vt eam habere possint, & amittere, neque per materiam aliud intelligitur ab Aristotele, quam subiectum quod perfectionem aliquam acquirere potest, & amittere, siue illa sit motus, siue intellectiō, siue calor. Atque eadem difficultas est de anima intelligente, quod si ipsa subiectum est, ac proinde materia suarum operationum, quomodo materia ipsa cū sit, in alia materia reperitur. Dicimus quidem aliud esse subiectum vniuersę, aliud materiam primam, sed superest adhuc soluendum cur Aristoteles vult ea quę materiam non habent, esse suam ipsorum intellectiōem permanentem, nec vnquam ab ea desistere, & sic esse penitus immobilia. **CHAR.** Ex Theologis, qui intelligentias vocant angelos, multi vt Aristotelis doctrinam tuerentur simul & Christianam conari sunt ipsorum immutabilitatem ostendere, tam loci, quā intellectiōis, sed frustra; nam hoc etiam admisso, inficiari non possunt, quin mali doloris acerbitate crucientur, boni verō diuinis muneribus afficiantur. Quare cū in rebus ad religionem pertinentibus parui facienda sit autoritas Aristotelis, satis erit nobis ostendere non propterea corporeos esse angelos, quod sint loco & intellectiōe mutabiles, & quod totum se totum moueat, sitque idem simul actu, & potestate contra Aristotelem hęc tex. 41. **ARIST.** Hoc tamen verebatur Herueus qui negauit angelum loco & spatio esse pręsentem, timidior Aristotele intelligentias saltem in circulo collocante, timidior Diuo Thoma qui per actionem angelum loco pręsentem facit. **CHAR.** Angelum esse alicubi, ratio suadet, primū exemplo animę quę verē est in corpore humano, exemplo Dei qui verē est in vniuerso secundū potentiam, essentiam, & pręsentiam. Deinde exemplo corporis; non enim magis repugnat spiritum esse pręsentem suo modo, quam corpus suo: & nullo argumento probari potest oppositum, nisi ostendatur extensionem esse de ratione pręsentię, quod nunquam fiet: & falsum est apertissimē si pręsentia sumatur latius, ac diuidatur in pręsentiam per modum indiuiduum, & pręsentiam, vt aiunt, coextensionis. **ARIST.** Aristoteli fauent Thomistę qui Angelum per  
actio.



actionem tantum in loco statuunt. **CHAR.** Contraria Scoti sententia fauet veritati. Nam Intelligentia non est in toto coelo, tamen in toto coelo producit motum, & angelus est in coelo beatorum in quo certe nihil producit, ergo per actionem transeuntem non est in loco: sed neque est per immanentem de se abstrahentem ab omni loco, verbi gratia per amorem, & cognitionem Dei, qua non magis hic praesens, quam alibi constituitur. Neque etiam per actum voluntatis circa locum, aut actum intellectus circa eundem; nam potest angelus concipere distantem locum, & velle esse ubi non est: ergo per illam cogitationem & hanc voluntatem praecise non est in eo loco. Velit angelus esse in toto mundo, aut concipiat totum mundum, propterea ne erit in toto mundo? Adde actionem quancunque transeuntem & immanentem esse formam ineptam ad aliquid in loco constituendum: nam & corpora suis actionibus transeuntibus & anima suis immanentibus non sunt in loco, sed prius est corpus esse alicubi, quam operari, neque anima propterea ibi est, quia vult esse. Multo minus angelus in loco erit per qualitatem nescio quam ab Alexandro excogitatam, si enim illa transferatur, non statuit subiectum in loco determinato, si non transfertur & constituit angelum hic potius, quam alibi, iam ista qualitas est verum ubi quod admittimus. Quod vero neque angelus in loco fit per connexionem cum corpore, ut ait Vasques, probatur facile, quia si quis concipit tantum connexionem rei unius cum alia, concipit quidem ad motum unius moveri alteram, sed nisi aliud addat, non intelligit istam moveri motu illius absque sui mutatione, quare praeter connexionem aliquid intelligendum est, quo angelus coniunctus corpori sit in loco, & moveatur, quia non minus ipsi convenit esse alicubi praesens absque extensione, quam corpori cum extensione. Et alioquin si quis traheret corpus cui angelus alia cogitans est coniunctus, ipsum reluctantem & nolentem secum traheret, nisi subito hanc coniunctionem abrumperet. **ARIST.** Vide in quas difficultatum salebras res in corporeae adurgent Theologos: Nec adhuc video cur magis angelus sit in corpore quod penetrat, quam corpus in angelo. **CHAR.** Neuter proprie est in altero, sed cum altero, nisi quantum ad sensum, & modum loquendi, solemus enim quae magis sensibilia sunt continentia appellare, maxime si ulterius extenduntur, quam ea quae dicuntur contineri. Angelus itaque est in loco per proprium ubi a se distinctum, cum neque coniunctio, neque qualitas vlla sufficiat. **ARIST.** At sufficiet angelica substantia & spatium, ut ille dicatur esse potius in hoc spatio, quam in alio per mutuam scilicet angeli & spatij applicationem. **CHAR.** Sed quaeram quid sit applicari angelum uni potius spatio, quam alteri, si hoc non ponit in ipso formam aliquam translationis expertem. Quaeram quid sit aliquid moveri in vacuo, vel extra mundum, ubi nulla est applicatio. Quaeram cum duo corpora possint applicari sibi tribus modis, per motum unius, alterius, & utriusque, quid sit applicari vno istorum modorum, potius quam alijs? Si respondeas est habere suam substantiam cum negatione distantiae ab alio corpore, ibidem existente; quaeram quid sit ibidem existere? Cur potius negationem distantiae proximè oriri intelligis, quam propinquitatem, & cur est potius negatio



gatio distantia, quam distantia quæ prius erat, si nulla in rebus mutatio finita mutatio igitur admitenda est, cuius terminus est ubi rei in loco posita. **ARIST.** Iam vidimus hoc argumentum nihil habere roboris contra antiquos qui infinitum plenum admittunt, cuius species indiuiduæ amicitia vel contrarietate, ut dictum est, simul mouentur, neq; aliud est moueri, quam corpora seipsis successione quadam applicari, ita ut posito vnius motu necessario alter sequatur motus. Hinc est quod duo corpora possunt sibi applicari per motum vnius, alterius, & vtriusque si præcesserit motus quo necessario efficitur ut vnum, alterum, vel vtrumque moveatur, non in spatijs inanibus extra cælum quæ antiqui non recipiunt, sed in pleno. In vacuo autem Democriti non admitterent fieri motum corpusculi, nisi quod alia contingeret, & per ipsa quodammodo deflueret. Ad hanc verò successionem & continuam partium applicationem quæ fit necessitate naturali rerum ipsarum, nihil opus est formas vlicationum somniare adeo immobiles, ut si quis in se producere posset vlicationem cœlestem, hoc ipso in cœlo reperiretur immobilis, neque inde posset euadere, quin prius illam destruxisset. Et mirum est quod illa vlicatio quæ est aliquid distinctum ab vlicato pullulare tantum possit hic, & non alibi, neque alia indigeat vlicatione, qua affixa vni loco constituitur. Hoc tamen est commune omnibus modulis, aut tibicinibus quibus fulcitur isthæ cœdificatio philosophica, ut sint ratio ipsa cur res ita se habeat, neque aliam in infinitum rationem expostulent. Perge itaque & illa adhibe columnina, modulos, parastatas, ruinosæ substructioni nunquam satis consuli potest. **CH A R.** Fulcienda certè non est aduersariorum fabrica male materiata, quæ fallacibus subnixæ fundamentis iam pridem collapsa est, & solo æquata. Pergo igitur, & de vbi angelico probabilius dicendum puto esse absolutum, & non dependens a corpore, atque adeo angelum sine corpore alicubi esse posse, puta extra cælum, aut in vacuo: non enim minus angelo conuenit esse alicubi, quam corpori, quia ratio corporis acit quidem ut corpus in loco esse possit extenso modo, sed hoc non officit ei incorporea, quin indiuiduo modo sit in loco. Hoc ipsum confirmat exemplum de rerum permanentium duratione: potest lapis esse, potest item angelus propria & indiuidua duratione absque tempore, atque etiam cum tempore, ut si tempus poneretur, essent tota toto tempore, & tota qualibet temporis parte: pari igitur ratione id quod habet vbi indiuiduum potest esse sine spatio extenso, & rursus ita esse in spatio extenso, ut totum in toto sit, & totum in qualibet parte: nam si duratio non penderet a tempore, vbi non penderet a spatio, si spiritus durat sine tempore, potest esse alicubi sine spatio. Præterea confirmatur exemplo Dei, quem patres extra mundum esse volunt, & quem Dionysius de diuinis nom. c. 9. ait extrinsecus fundi super omnem magnitudinem. Aug. 7. conf. c. 5. esse ut infinitum quoddam mare, quod intra se tanquam spongiam mundum contineat: qui autem negant in alio fuisse quam in se, non negant alicubi fuisse, sed tantum in alio ambiente. **ARIST.** Hoc præcipue in illo vbi mihi videtur admirabile, quod cum re ipsa, ut dicis, a corpore distinguatur, auferri poterit omne vbi corpore vel angelo, atque ita licet verè sint, tamen nusquam erunt. Qui



modus esset commodissimus ad improbos homines, & malos demones coercendos, ita enim nulli negotium facerent. **CHAR.** Non sequitur aliquid esse posse sine vbi, etsi ab eo distinguitur; nam angelus non potest esse sine creatione a se distincta. Quidquid est creatum, alicubi est: & sicut cogitatio de re nunquam existente, id est existente nullo tempore, seipsam destruit, ita & cogitatio de re nusquam existente. Quæro enim cur non potest aliquid existere nunquam, siue ita existere, ut quantuncunque temporæ essent ab æterno, & in æternum, nulli eorum parti responderet? Ratio est quod tempora illa sunt semper, eo modo quo spatium possibile omnia implet, & ubique esse intelligitur: si ergo propter illud res extra omne tempus poni non potest, neque poterit extra omne vbi, atque ita cogitatio, siue conceptus de re nusquam posita, nullus erit. **ARIST.** At si neque corpus neque angelus prorsus vbi carere potest, saltem tot vbi poterit acquirere ut non minus quam Deus sit ubique. **CHAR.** Angelus vnus in pluribus locis naturaliter esse non potest: certè non in maioribus adæquato, quia si angelus habet adæquatum, quo maiorem nequit occupare, neque poterit cum adæquato simul propinquum locum obtinere, multò minus duo adæquata loca a se distantia obtinebit, quoniam hoc superiori nouum addit in commodum. Sed neque in locis adæquato loco minoribus a se mutuò distantibus esse potest, sumpto argumento a corporibus quæ simul in duobus locis esse non possunt, quod sanè non oritur ex eo quod partibus constent aut sint corpora, igitur neque angelis conueniet occupare loca distantia, licet plures in eodem loco esse possint contra Bonauenturam, & Ægidium. Cuilibet autem definitus est locus adæquatus quo maiorem habere nequit, aliàs posset esse in toto mundo: Id verò patribus repugnat manifestè quia propterea ipsis motum assignant, quòd ubique non sunt præsentēs. Restringeri tamen potest angelus ad quamlibet partem loci proprii, & ad punctum, datur: etsi enim corpora quoniam egent extensione non possunt pati quancunque diminutionem, & restrictionem, quia tamen hoc oritur ab ipsorum natura ut corporea est & partibus constans, nihil simile de angelo concludi potest. Anima humana restringitur cum angustii corporis compagibus includitur, cur ergo angelo restringi repugnabit? Anima quidem quia præparationes exigit, & organa, non potest fieri restrictior infinite etiam ad punctum: At angelus his legibus non tenetur. Concedo tamen si punctum non datur, angelum esse oportere in partibus, quia inter partes esse non potest etenim illæ a se mutuò non distant: ex quo non sequitur angelicum vbi perdere a corpore; quemadmodum non sequitur angeli durationem pendere tempore, & si nullum detur momentum, nec momento angelus esse possit. **ARIST.** Si hac vi restringendi se mirabili pollet angelus, iam ubique præsens esse poterit absque motu, nam si breuiter restringendo secundum latitudinem breuis illi conceditur productio longitudinis, magis restringendi productio maior consequetur, ut accidit in parallelogrammis quæ super eadem basi, & in iisdem parallelis constituuntur, sunt enim inter se æqualia. Ita angelus latitudinem longitudine compensando simul in cælo esse poterit & in terra, absq; motu, imò ubique promodum in varios circa terram



et cœlum circulos suam substantiam restrictam conformando. CHA R. Iste, corpori concedatur illa dilatatio, non videtur tamen hoc angelo concedendum, ne contra patrum auctoritatem dicamus angelum ubique esse: Damascenum 2. de fide c. 3. affirmantem non esse in cœlo angelum cum veratur in terris. Ambros. lib. 1. de Spir. San. c. 10. asserentem Seraphim transire e loco ad locum, non enim, inquit, replent omnia. Chrysost. hom. 3. ad Hebr. distinguentem hac in re missionem filij a missione angelorum, quod filius loco in locum non transeat. Greg. secundi Moral. 2. ceterosque dicentes angelos circumscribi. Hinc fit ut locus angelo adæquatus sit tantum sphaericus, quia in omnem partem æqualiter extendi potest, & cum restringitur ab vna parte, compensatio non sequitur ab altera, unde fieret alia figura quam sphaerica. A R I S T. Possumus ergo motores Aristotelis imaginari sphaerico ambitu comprehensos, uti dicebam, sed immobiles probabilius quam Herueus, & Durandus, si ille putat angelum nusquam esse, iste verò esse ubique. CHA R. Non possumus immobiles existimare, nisi sacris patris refragando, ubi circuire terram, ingredi corpora, ire atque exire dicuntur, immo facultas eorum motrix distingui debet ab intellectu, & voluntate, quoniam habet aliud obiectum atque effectum. A R I S T. Audiamus nunc, si mouetur angelus qua velocitate id præstet. CHA R. Nemoquit angelus momento transire ad locum distantem, quia media non participantia percurrenda sunt, non possunt autem ea simul percurri, & simul obtineri locus distans, alioquin eodem momento esset in loco maiori quam sibi debeatur, ut si a globo sibi proportionato transfiret ad alium æqualem, & vno eade verbi gratia distantem: si verò duo globi se contingerent, posset, quia nulla media vera interiecta sunt inter angelum, & locum quem accipit, cum simul sint locorum extrema. Percurrenda autem esse media non participantia exemplum corporum probat: nam quod percurri debeant a corpore non videtur præcisè ex natura corporis, & partium, nec est ratio cur si angelus transferri posset ad distantem locum suo modo, corpus idem non posset suo. Non potest tamen corpus eodem momento a proximo loco ad proximum ferri, quia pars eius transfiret a loco distante ad distantem medijs veris non percursis, quod incommodum in angelo incorporeo non reperitur. Potest tamen ferri, si velit, continuata motus successione; nihil enim vetat rousi loci partes ita acquiri alias atque alias, & deperdi. A R I S T. Sed qua tantam summa celeritate fertur angelus incorporeus? CHA R. Nulla est celeritas motus quam nequeat superare. Ponamus angelum sphaerico, ut diximus, spatio præsentem toti signo Arietis, & velle Zodiacum decurrere minuto decimo vnius horæ. In illo minuto, sicut & in minima quavis parte temporis, tot assignari possunt partes quot necessariae sunt, ut in singulis multiplicato suo loco adæquato totum Zodiacum emetiatur, ita hoc præstabit breuissimo quoque tempore. Cum igitur angelus duodecim habeat signa percurrenda, diuidatur horæ minutum illud in duodecim partes, in quarum prima intelligatur angelus esse in Ariete, in primo momento secundæ partis totum signum Tauri occupabit, ibique quiescet usque ad primum momentum tertiæ partis, quo se extendet ad Geminos, & similiter ibi consistet



stet vsque ad momentum primum quartæ partis quo toti Cancro insisteret quiescendo tamen post singula illa momenta, ne duo dentur sibi proxima. Certè nulla est repugnantia quin minimo tempore feratur quòd volet, cùm momento transire possit a loco sibi adequato ad proximum illi æqualem, atque etiam reducere se ad punctum si datur commune vtrique loco, deinceps totum ipsum locum, & sic alia consequenter occupare, non enim verendum est ne tempus diuidi non possit in tot partes & momenta quibus opus habet vt terminum suum consequatur. Nec dicat aliquis repugnare ex parte motus qui habeat certos limites velocitatis: nam etiam in corpore non potest assignari tam velox motus, quin agentibus multiplicatis velocior fieri possit: quod probat motum a natura nullos habere præscriptos limites velocitatis. Vnum fortassis obturbare videbitur, quod maioris sit perfectio velocior motus, quàm tardior, & perfectio motus ita respondeat perfectio virtutis quæ mouet, vt a finita virtute certa tantum perfectio motus, & ne maior oriri possit. Verum omnis velox motus est imperfectior motui quo momento fit, virtus ergo hunc motum faciens, & illum faciet. Sanè in corporibus quæ momento non possunt moueri, nec se determinare ad certam celeritatem, oportet certam esse proportionem inter gradus virtutis quæ mouet, & motus velocitatem, saltem si motus in vacuo fieri potest, & a medio non habet totum impedimentum, & successionem: in angelo verò quæ vim habet momento efficiendi motum, & qui liber est ad determinanda velocitatem, non est necessitas vlla certæ proportionis excogitandæ inter vim motricem & velocitatem motus. Ratio igitur adequata cur angelus quacunque velocitate moueri potest, est quòd nullum sit impedimentum nulli termini velocitatis, libertas angeli, & vis ad motum vno momento efficiendum. Vide quàm commodius naturis incorporeis hæc omnia contingunt, quàm corporibus. **A R I S T.** Nihil audiui hætenus quod corpus præstare non possit: nam saltem diuinis quibusdam qualitatibus ornatum potest secundum Theologos penetrare aliud corpus, constitui in locis inneris eodem tempore per solam vbi acquisitionem, atque ita nihil opus motu, cum momento possit vbi que reperiri maiori aut minori spatio respondens, prout suam præsentiam contrahere aut extendere voluerit. Quòd verò dicis totum Zodiacum ab angelo decurri posse naturaliter, dum transire a globo in globum & in singulis tantisper interquiescit, est quidem ille motus mirabilior quàm bruchorum aut serpentium, propterea quod illi se promouent contractione & productione corporis, non tamen cogere se possunt in vnum punctum, nec momento sese extendere: verum hoc non impedit quin excogitare possimus corpus quod naturaliter decurrat totum Zodiacum eodem tempore atque angelus etiam ipso serpentium modo: nam quæ repugnantia afferri potest quin diuiso eodem minuto horæ in viginti quatuor partes, tantæ agilitatis sit corpus aliquod vt prima parte se effundat in totum Arietem, secunda contrahatur, tertia per Taurum sese explicet, quarta iterum colligatur, & sic vicibus alternando totum peruadat Zodiacum. Rides hanc inuentionem serperastram, sed opinor si Genij illi pollerent dendi facultate clariorem cachinnum tollerent ad dædalum inuentionem qua



ua ipsos quidam Theologi nihil ignorantes progredi volunt. Satis fuit antiquis modestioribus velocem eis motum tribuere, modum autem curiosius inuestigare, quo moueantur, sentiant, intelligant peræquè temerarium arbitrabantur, ac si lumbricus sub terris semper delitescens rationem entaret adinuenire qua homines, pisces, & aues progrediuntur. Sed vnde læ inextricabiles difficultates, quòd totus angelus se totum moueat, idemue totus sit actu simul & potestate, res quæ tex 41. Aristoteli monstrum videtur, vt id quod aliqua perfectione secundum se totum priuatum est, iam in se producat & sit artifex suiipsius. Sed angelus, inquiunt, eminenter continet motum, & vbi, & alias id genus perfectiones, quare ijs sese orare potest vt voluerit. Eodem iure dicant dari materiam primam aut aliud aliud quod virtute contineat omnes formas, & ijs absque agente externo per emanationis somnium se conuestiat, atque ita totam funditus abuertant doctrinam Aristotelis. Ignaros quidem fateri oportet illos antiquos qui potentiam Dei & vniuersi non distinxerunt, nihil de incorporeis, de vocationibus, de mille alijs formis pulcherrimis audiuerunt, vtrum hoc vno fortunatos, quòd breuiter se expedirent dicendo Genios corporeos alijs penitus vti sensibus, veris ijs quidem, sed homini mortali incois. **CHAR.** Propterea minimus Theologus habet quod gloriatur non crassis illis antiquis modò, sed & Aristotele ipso doctorem. **RIST.** Quin audiui alium vetulis plaudentibus pro concione exaggerantem aliculas Christianas esse Socrate sapientiores, Platone, & Aristotele doctiores. **CHAR.** Quod igitur superest agamus, & ex intelligendi modo ostendamus incorporeas esse intelligentias. Vltro enim fateris antiquos illos non admissuros alium intellectum, quàm phantasiam corpoream bestiis imperfectam, perfectiorem in hominibus, in Genijs perfectissimam, vtpote quorum imagines formantur nobilissimis corpusculis, quæ licet a nostris substantijs emanent, non tamen cadunt sub sensus nostros. **ARIST.** Audebit aliquis Theologus inficiari sensus alios esse possibiles, & innumerabiles esse substantias quas defectu sensuum non percipimus? Nimium arrogamus nobis si credimus naturam in nostri fabrica vim omnem suam & industriam exhaustisse. Et si admittimus angelos omnes intellectum habere specie distin-  
ctum,  
cur in phantasia & sensibus corporeis idem fateri tergiuersamur?

## De speciebus intelligentiarum.

C I R C U L V S XVI.

CHARILAVS. ARISTÆVS.



**C**H A R. Sinthæc omnia possibilia quæ dixisti, hoc vnum contem-  
dimus angelis incorporeis conuenire vim incorpoream intelli-  
gendi. Ac primum, vt dicis, fatehdum est intellectus angelicos di-  
stingui natura inter se, & ab humanis, alioqui vix assignari poteri-  
penes quid angeli specie distinguantur, maximè in sententia D. Thomæ exi-  
stimantis nullum esse angelum possibilem qui non sit ab alijs specie distin-  
ctus. Sed in ea re dubij admodum sunt Theologi. Solo numero differ-  
putant Athanasius, Basiliius, Gregorius Nic. Anselmus, Damascenus: A-  
Scotus multos solo numero, multos specie, & gratis dictum arbitratur di-  
stinctionem numericam peti a sola materia. A R I S T. Rectè, cur eni-  
in composito non petitur etiam a forma, & cogitationes multæ eiusdem ar-  
geli solo numero differentes, vnde petentur? Sed hæc cogitationes non ac-  
mitteret Aristoteles qui 12. Metaph. 49. ait quæcunque sunt multa numeri-  
materiam habent: Mirum est tamen cur propterea D. Thomas facit omnes  
angelos posibles specie distinctos, & multas de eadem re cogitationes ar-  
gelicas solo numero differentes. C H A R. De substantijs intelligi debet  
illud axioma 12. Metaph. non autem de actionibus. Neque hic loquimur  
de incorporeis omnino iuxta mentem Aristotelis. Præterea dicendum e-  
intellectum angelicum sicut & humanum non foreabilem ad diuinam v-  
fionem, si corpus essent. Corporeus intellectus non magis Deum intue-  
valet, quàm oculus, qui sicut nec saporem, nec sonum videre potest, ita ne-  
Deum, quo nihil est purius, nihil magis abstractum a materia. Et alioqui  
possemus Deum gustare, tangere, odorari: nec minus brutæ animantes esse-  
capaces idoneæ ad tantam beatitudinem, atque earum sentiens appetitu  
posset ad Deum amandum eleuari. A R I S T. Quidquid sit de oculo  
nam valde dubitat August. lib. 22. de ciu. c. 49. an Deum videat: Patresq  
angelos faciunt corporeos oculo præferendum dicent intellectum, eò quò  
imaginem aliquam corpoream, qua Deus vtcunque repræsentatur, recipe-  
potest, ad hanc autem recipiendam oculus non est idoneus. Cognitio qua  
de Deo beatæ mentes habere possunt, perfectissima, iuxta Theologos intue-  
est, sed non comprehendens; est ergo finita; sit quidem perfectior cogniti-  
ne illa quam habuit Moyses, cum Dei vidit posteriora, tamen visio Moysis p-  
ruit ita perfici, vt quancunque aliam cognitionem finitam superaret: Hæc  
rei finitæ conditio est, vt ab alia minori multiplicata superetur. C H A  
Ita est si sint eiusdem generis, non autem si diuersi, alioquin bestia perfecti

*Corpus non  
est capax di-  
uine cogni-  
tionis.*



homine fieri posset , & homo angelo . A R I S T. Non erit hoc absurdum apud eos qui omnia dicunt esse corporea , neque etiam fortasse apud Patres illos qui negarunt haberi posse claram & intuentem diuinæ essentia cognitionem , dicent enim bestiam tot perfectionibus insignitam non esse amplius bestiam , sed aliquid homine fortassis & angelo præstantius : maximè cum Theologi fateantur quodcunque corpus vilissimum , si Deus velit , assumi posse , ut subsistat aliqua ex tribus diuinis personis , atque ita appelletur , & verè sit Deus . C H A R. Ijdem docent rem huiusmodi assumptam , nisi sit intellectu prædita , ad visionem diuinam non fore aptam : illa autem habilitas , & proportio ad Deum videndum non petitur ex rei præstantia qualis esset lapis verbi gratia si Deo hypostaticè coniungeretur , sed ex ratione virtutis , & obiecti : quare etsi daretur corpus intellectu humano perfectius , non esset tamen habile ad Dei visionem recipiendam . Patres qui videntur negare intuitum diuinæ essentia propter illud ad Timoth. c.6. Quem nullus hominum vidit , sed nec videre potest , benignè exponendi sunt de oculo corporeo , de statu naturali , aut de cognitione Deum comprehendente , cuius solus intellectus diuinus est potens . Hos malè Vasques ait lapsos in errorem Armenorum , qui negabant beatos intueri posse diuinam essentiam , sed fulgorem tantum aliquem ex ea prodeuntem . Præcipuè verò Chrysostomus , & Theodoretus Dei visionem deprefferunt , quod agerent contra Anomæos , de quorum grege Eunomæus authore Theodoreto lib.4. hæret. fab. eandem se de Deo cognitionem habere dicebat , quam Deus habet de seipso . Quòd autem haberi possit clara & intuens Dei cognitio etiam ratione naturali probant Scotus , & D. Thomas . A R I S T. Probare quidem nituntur , sed nihil probant : nam quòd ait beatitudinem in Deo repositam consistere in actu perfectissimo nempe in intellectione , concedent Armeni , sed claram Dei visionem esse negabunt . Quod ait de desiderio essentia diuinæ cognoscendæ , dicent , ut verè est , illum non esse appetitum naturalem innatum , qui cognitionem non prærequirit , ut lapidis grauitatem , ergo , ut aiunt , elicatum , quem simplicis complacentia , seu inefficacem esse contendunt , non autem efficacem , qui fertur tantum circa rem possibilem . Nam etiam possumus desiderare notitiam comprehendentem , quam Deus habet de se , nec dare potest . Ita Sinarum populi in hac vita quærunt immortalitatis poculum , & auri faciendi scientiam , ex quo desiderio inefficaci nihil probatur : nam & animæ ipsius immortalitas , ut ait Scotus , non potest demonstrari naturaliter ex solo desiderio secundum hanc vitam permanendi . C H A R. Et si ratione naturali clara Dei cognitio non probetur , sufficit autoritas diuina 1. Cor. c. 13. Nunc cognosco ex parte , tunc autem cognoscam sicut & cognitus sum , sicut ergo Deus cognoscit nostram essentiam , ita & nos diuinam cognoscemus . Nec quicquam efficit argumentum pro Armenis quòd cognitio clara diuinæ essentia deberet esse infinita , ad quam finitus intellectus non est habilis . A R I S T. Saltem habet solutionem longè difficiliorem , quam quo D. Thomas & Scotus putant ostendi posse ratione naturali Dei visionem esse possibilem . Nam cognitio quæ totam suam naturam sumit ab obiecto pari proportionem crescere debet atque ipsum obiectum :

Quare



Quare enim si singulæ perfectiones diuinæ quæ sunt infinitæ perficerent separatim aliquam cognitionem, illa esset infinita, at cum simul instar vnius perficiant, non erit infinita, sicut ille peccaret infinitè qui nummos, si posset, infinitos furaretur. **CHAR.** Respondendum est tamen cognitionem quæ de Deo haberi potest non pari proportionem crescere atque obiectum ipsum: cum enim cognitio perfectionem suam accipiat, tam a virtute, quam obiecto, ab illa habet semper ut finita sit, nec causa sua potest esse perfectior, erit tamen infinita quodammodo ratione obiecti, ut ait D. Thomas. **ARIST.** Hoc ergo etiam soli beati intelligent, qui fieri potest ut si Deus intellectui communicaret primò vnam tantum suam perfectionem verbi gratia iustitiam, deinde misericordiam, postea immensitatem, & alias ab alijs perfectiones infinitas, illius cognitionis perfectio cresceret in infinitum: At verò ex eo quòd Deus se totum simul communicat intellectui, non facit cognitionem infinitam. Dicis id oriri ratione virtutis finitæ, qua utpote causa sua, cognitio perfectior esse non potest: sed propterea probatur potius a virtute finita non posse fieri, quia nulla facultas versatur extra obiectum, & ex 1. *Phys.* infinitum qua infinitum notitia ignotum est. **CHAR.** Nec ignotum est infinitum, nec extra obiectum virtutis a Deo eleuata, eleuatur autem virtus hoc ipso quod Deus infundit illi lumen gloriæ, hoc est qualitatem supra naturam permanentem quæ facit intellectum principium, ut aiunt, connaturale visionis Dei, & eiusdem ordinis: quanquam absque vilo lumine gloriæ potest illa eleuatio, id est auxilium de diuino concursu explicari, concursu inquam non generali illo, sed peculiari quo vim omnium causarum supplere potest. Præterea ad hoc auxilium eleuans Scotus requirit speciem impressam intellectui Deum clarè prout in se est repræsentantem, de qua sicut & de lumine gloriæ occurrit illud admirabile, quòd res finita possit infinitam repræsentare, non tamen cognitionem adæquare quam de seipso habet Deus, ob potestatis finitæ, cui inseruit, imperfectionem. Hæc Scoti species impressa concedi potest, ea tamen non est opus, quia Deus est in intellectu beatorum instar speciei, id est concurrat ad cognitionem sui ipsius per id ipsum quod cognoscitur, non verò ut species, quæ incognita obiectum exprimit, si tamen species ipsa cognosceretur, ut fit in angelis, etiam species instar speciei cognosceretur. Iam intellectus habens lumen gloriæ & Deum instar speciei sibi coniunctum dicitur connaturaliter elicere speciem expressam, seu verbum essentiam diuinam prout in se est repræsentans, ut ait Scotus contra Caietanum, Zumel, & Henricum. Nam aut in nulla cognitione formatur verbum, aut formatur in Dei intuentem, siue sumatur pro intellectione ut est actio, siue ut est qualitas & terminus per eam actionem productus: est enim par ratio in omni sentiente cognitione, ubi similitudo generatur, quæ in intellectu & sensibus verbum, in voluntate pondus dici potest. Neque opus est ut obijcit Zumel verbum illud fore infinitum, non enim est æquale verbo diuino ob finitæ potestatis, ut diximus, debilitatem. **ARIST.** Certè si lumen gloriæ non est omnino necessarium, neque verbum mentis, quando obiectum est præsens & per se terminat, ut ait Caietanus, consequens est ut videre Deum nihil sit aliud quam



præsentiam Dei ipsi facultati. Proinde quid refert an facultas illa sit corporea, poterit enim eleuari tam intenso Dei concursu, ut superet vim omnem luminis gloriæ, & impressæ speciei, si quæ datur. Immo cum & Dei concursus, & lumen gloriæ, & species impressa, atque etiam expressa sit aliquid finitum, quo perfectius dari potest, & aliunde corpus corpore detur perfectius in infinitum, tale poterit esse corpus cui Dei visio dicatur, ut ipsi aiunt, connaturalis. CHA R. Nunquam poterit: propterea quod & si forte ratione entis maior sit proportio inter Deum, & corpus illud perfectissimum quod est substantia, quam inter Deum, & lumen gloriæ, ac speciem impressam, & diuinum ipsum concursum quæ omnia sunt accidentia: tamen minor est proportio ratione & latitudine potestatis atque obiecti: corpus enim nullo modo aptum est ad Dei visionem eleuari, multò minus proximè Deum ipsum videre potest. A R I S T. Principium est apud vos hoc corpori nolle concedere. Sed dicite obsecro, res quæ non est corporea potestne produci tam perfecta ut ei clara Dei visio sublato omni lumine gloriæ & specie impressa, sit naturalis? CHA R. Id quidem asserunt Maior, & Molina, sed potius negandum est cum D. Thoma, alioqui præterquam quod beatitudinem haberet sibi naturalem, esset impeccabilis. Nec dicas ad eam visionem Dei concursum negari posse, & sic peccatò fore subiectum: sic enim peccaret cum miraculo, quod repugnat sanctis Patribus, qui volunt eam nasci peccatis obnoxiam, quia de nihilo est, ut aiunt Prosper, & Augustinus. Rationem verò affert egregiam D. Thomas: Cum essentia modum sequatur modus operandi, & quælibet res creata componatur saltem ex actu & potestate, hinc fiet ut semper ad modum sui Deum concipiat compositum: quod intelligi debet cum inferior cognoscit superiorem: nam angelus potest rem materiata quam continet eminenter cognoscere prout in se est: non sequitur etiam perfectiorem angelum ab eo cognosci non posse, nam satis est quod sit eiusdem ordinis compositi ex actu, & potestate, ut existentia & essentia, genere & differentia, natura & subsistentia, accidente & substantia. A R I S T. Vide ergo quid censendum sit de cognitione & modo quo Deus representatur, de specie tam impressa, quam expressa, de lumine gloriæ, & concursu ipso diuino, hæc enim omnia sunt res creatæ compositæ ut dixisti, quibus proinde Deus non potest perfectè representari. Siquid res corporea aut incorporea habens Deum sibi coniunctum instar speciei non potest ex se sola eum cognoscere, neque poterit beneficio creati luminis substantia longè imperfectioris. Versamur adhuc in eo quod nunquam probari potest substantiam absque qualitate nihil agere: nam cur ea substantia perfectissima non poterit ex se proximè videre Deum? CHA R. Quia ipsa quoque substantia, ut dicunt, supernaturalis esse deberet, oportet enim esse proportionem inter substantiam rei, & eius naturalem facultatem: At supernaturale tantum potest esse accidens latè sumptum, quia substantiam quæ est ens naturale perficit supra id quod postulat substantia vlla creata ex se suæque naturæ principiis: Quare Theologi dicunt Deum non esse supernaturalem nisi obiectiue, quatenus beatæ visionis est terminus. A R I S T. Hoc etiam principium assumunt suo iure substantiam aliam



a Deo non posse præstare se sola, quod perficit instructa varijs qualitatum mercibus. Non est hoc de ratione substantiæ, alioqui Deus absque perfectione a se distincta non ageret, ac propterea fortasse Scotus pro sua auctoritate vult Dei perfectiones omnes reipsa inter se & a Deo esse distinctas. Neque est de ratione substantiæ creatæ saltem iuxta eos qui admittunt actiones emanantes. Si ergo substantia finita lumine gloriæ ornata est principium secundum ipsos connaturale videndi Deum, quare aliqua non reperietur adeò perfectæ quæ sola sit idem principium connaturale. CHA R. Quia substantia hæc semper erit ordinis naturalis qui est inferior, lumen verò est superioris ordinis supernaturalis, A R I S T. Nihil audio hic præter verba, ex quibus etiam sequitur Deum quem dixisti non esse supernaturalem, inferioris ordinis censerem, quàm lumen ipsum. CHA R. Maximè, nisi obtineret alias perfectiones quibus istos omnes ordines longè superat. Omnino ita habendum est contra Maiorem, & Molinam nullam substantiam creari posse tam perfectam, cui clara Dei visio sit connaturalis: alioqui cum substantia illa creata & Dei concursus sint res finitæ, aliquid tantæ perfectionis dici posset vt Dei concursu non indigeret, & ei naturalis esset Dei visio. A R I S T. Durandus in 2. d. 1. q. 5. docet res non indigere alio Dei concursu, quàm eo quo acceperunt a Deo suam naturam. CHA R. Periculosa est hæc Durandi sententia: nam similiter dicat aliquis temerarius posse hominem perfectissimum absque gratia diuina placere Deo, & saluari: cur enim substantia, inquit nobilissima non magis placebit Deo, quàm gratia quæ est accidens, & cui ipsa gratia extra subiectum seorsim sumpta licet infinita non tantopere placeat Deo, quàm mediocris in subiecto. A R I S T. Difficile est opinor tantarum questionum satisfacere, cum Theologi velint gratiam esse qualitatem quæ a potestate subiecti obediens educatur, sicut & lumen gloriæ, & ab eodem possit separari, ac proinde separatum a Deo seorsim conseruari, non minus quàm corporeæ qualitates, aut lux illa quæ omnium prima a Deo producta est, quam Dionysius vult esse *φῶς ἀσχηματίστον* lumen a subiecto separatum, & informe, suffragante D. Thoma: Theodoretus verò lucem prius a Deo seorsim creatam postea in luminaria parua & magna pro arbitratu suo distributam: vt ergo lux illa seorsim placuit Deo, quidni & gratia a subiecto separata, & subiectum ipsum absque gratia si per se sit substantia nobilissima? CHA R. Vtrunque placebit physicè, non moraliter. Accidit enim gratiæ quod margaritis quæ tantum ad aliorum ornamentum expetuntur: Ex quo etiam videre licet quàm tutius est sentire cum Aristotele de subiecto & accidentibus ab eoeductis; qui enim omnia corporea esse affirmant, quid dicent esse lumen gloriæ, speciem impressam, & expressam Devisionem, & præcipuè gratiam illam cæleste donum sine quo nullus Deo placere potest, ac multas alias qualitates quæ in rebus sacris absque subiecto reperiuntur? A R I S T. Fortasse Theologi non ita alligant fidem diuinam doctrinæ Aristotelis, vt credere teneamur has omnes quas enumerat qualitates educi de subiecto iuxta modum quem docet Aristoteles, quòd scilicet subiectum prius tantum potens fieri perfectum mox perfectum reipsa

*An corpora  
quadā sint  
qualitates,  
et accidentia.*



fiat virtute agentis, & ita substantia fiat luminosa, videns, Deo grata per  
 uctionem perfectionum non in ipsa creatarum aut aliunde in ipsam trans-  
 ufarum, sed quoniam id quod latebat in potestate obediēte, eductum est.  
 Hanc tamen uctionem Philoponus creationem appellaret, qui docet om-  
 nes formas in materia non alio modo, quā per creationem ex nihilo produ-  
 i posse, eamque propterea ab Aristotele, si Deo placet, vult admitti. For-  
 tasse, inquam, Theologi nolunt tantum concedere doctrinā Aristotelis, ut ex  
 ius principiis sacrorum omnium mysteriorum interpretatio peti debeat :  
 hoc enim esset damnare Patres omnes qui ex Democriti, Empedoclis, &  
 liorum principiis legem diuinam explanarunt, ac proinde animas, & ange-  
 os corporeos esse dixerunt, de quibus aliter sentire fidei præceptis non te-  
 emur. Cum igitur tutò aliquis credere possit tam animas, quā angelos  
 esse corporeos, nec derogabit rebus diuinis, si dixerit lumen gloriæ, speciem,  
 ratiā, visionem Dei, quæ a beatis haberi potest, & alias qualitates, quæ in  
 ebus sacris in subiecto & absque subiecto reperiuntur, verè appellari, ac es-  
 e qualitates & accidentia, non quòd secundum mentem Aristotelis de  
 omniata quadam potestate educantur, sed propterea quòd licet sint veræ  
 substantiæ corporeæ, tamen sua natura sunt ita natæ & institutæ ad subie-  
 tum exornandum, ut cum in illo producantur idoneè, aut applicantur ve-  
 x sint qualitates & accidentia. Ita penes diuersos modos perficiendi qua-  
 sam omnino dicuntur substantiæ, quadam accidentia : anima humana tri-  
 uens corpori organico perfectionem viuētis substantia appellatur ; calor  
 cet corpus sit, sed specie longè imperfectius, quā anima tribuens eidem  
 corpori organico perfectionem quæ adesse & abesse potest absque subiecti  
 orruptione, dicitur accidens. Atque idem calor, aut frigus, color, sapor,  
 dor, & alia id genus quæ naturaliter alteri corpori inhaerent, verbi gratia  
 substantiæ panis, si ab ea substantia abstracta reperiuntur, & nihilominus  
 onfistunt eodem modo ad aspectum, atque etiam perinde nutriunt, ac si  
 defflet ipsa substantia panis, id maximo miraculo diuinæ omnipotentiae  
 scribi debet. Quid inde rebus theologicis detrahatur? CHA R. Nun-  
 am hoc admittent Theologi, ne viam munire videantur Tertulliano etiam  
 eum corporeum facienti, atque ita vel negetur eius immensitas, ne detur  
 enetratio, vel ab vniuerso illo infinito antiquorum non distinguatur.  
 R I S T. Licebit semper cum Anaxagora credere mentem omnia quo-  
 ouersus permeantem, sed ut dixi tuius est sentire cum Aristotele, nisi  
 eo quòd putat formas a subiecto sola ratione distinctas nulla posse virtu-  
 separari, quod tamen in doctrina antiquorum est perfacile. CHA R.  
 ideamus ergo breuiter, quantum ad institutum nostrum attinet, ex modo  
 o angeli res creatas intelligunt, ipsos esse planè incorporeos. Arabes illi  
 ai dixerunt in coelis omnia conscribi & orbium conuersione deferri legen-  
 a singulatim, mysterij fortassis integumento voluerunt inuoluere modum  
 o angeli omnia in Deo possunt contueri. A R I S T. Hoc mysterium  
 on absimile videtur illi quo obsessus quidam Græculus, inquit Polyænus  
 p. 3. stratagematum, ex arce summa laternam erexit igneis characteribus  
 llucentem, ut si defflet panis. A P T O Σ in ea legeretur, atque ita conuer-



sione quadam laternaria procul omnia quæ vellet legenda Atheniensium oculis obuerteret. **CHAR.** De cœlo quidem res videtur perridicula. At in Deo res creatæ videri possunt tanquam effectus in causa quæ eas omnes, inquit D. Thomas, virtute continet. Propterea Augustinus beatis angelis tribuit cognitionem matutinam siue in verbo, & vespertinam; sic Bernardus vident verbum, inquit, & in verbo facta per verbum. Ratio est quia Deus vi suæ visionis in se ea omnia cognoscit etiam secundum esse quod habent extra ipsum & cum se comprehendit, & se, & omnia quæ continet cognoscit, hoc est effectus suos, ergo etiam beati hæc in essentia diuina videre possunt. **ARIST.** Vasques tamen contrariam tuetur opinionem, & obijcit ex eo sequi vt omnia creata necessariò videantur, quoniam in Deo sunt eminenter. **CHAR.** Videri omnia concedit Durandus contra Patres qui dicunt Deum esse speculum voluntarium, & animam Christi videri plus cæteris. Respondendum est tamen etsi vnus plus alio videt, id non oriari ab essentia diuina res diuersas repræsentante, nec a specie creata, nec a Deo voluntate, sed a lumine moderato, non per modum distinctum, sed differentiam numericam intra eandem speciem, ita vt harum differentiarum aliæ homogeneæ sint aliæ heterogeneæ ratione quarum respicitur Deus, vt autem huius vel illius rei creatæ, cuius cognitionem vult concedere. **ARIST.** In verò totum Vasques ait esse commentitium, vt posito diuerso lumine eadem diuinæ essentia simplex modò rei vnus, modò alterius principium appareat idem enim quatenus idem semper idem facit. **CHAR.** Verum est cum omnia ad actionem concurrentia se habent eodem modo, hæc verò lumen gloriæ ad diuersa concurrens reperitur. Et multò maior est difficultas quomodo Deus videre possit decreta libera suæ voluntatis, quæ nihil diuinæ essentiae superaddunt. Dicendum est igitur iuxta Patrum doctrinam Deum quidem esse speculum, sed voluntarium: ex quo intelligitur illud Danielis 10. vbi vnus Angelus resistit alteri, quòd, vt omnes exponunt, ignorare quid Deus decreuisset: sicut etiam ignorant extremum iudicii diem, quem nemo scit, nisi pater Matth. 24. & Marci 13. neque filius. **ARIST.** Ex capite nihil omnino scient mali Genij, qui Deum non vident, nisi verò per suam substantiam res cognoscant, aut per species a rebus acceptas, omninè planè cognitionis erunt expertes. **CHAR.** Per suam substantiam non possunt esse determinati ad cognoscenda tam præterita, quàm præsentia, & futura, nihil enim illis lateret, nisi Deus concursum subtraheret, quod esse violentum. Propterea D. Thomas ijs, dum crearentur, ait infusas esse rerum species, quas natura ipsorum expostulat. **ARIST.** Implicamur semper ijsdem meandris, cur species ipsæ per se videntur ab angelis, res verò non possunt absque speciebus: saltem si species corporeas haurirent a rebus quemadmodum sensus animalium accipiunt lumen, calorem, odores, & alia corpora tenuissima, ex quibus antiqui putant confici rerum imagines in ipsis sensibus, intelligi posset a nobis aliquo modo qualis sit cognitio Geniorum. Quid est autem angelo dari omnium species, quàm angelum fieri omnia imagine, sicut materia fit omnia re? vnde iam sub fidei præceptis comprehendetur quod Aristoteles tradidit de potestate ad formas recipiendas



Deinde nihil actum est tot specierum apparatus, oportet enim ut facultas instructa specie impressa speciem expressam eliciat ex seipsa, id est rei in quam fertur cognitionem, quare ergo dici non poterit substantiam angeli absque specie ob proportionem quam habet cum obiecto cognito fingi & formari omni genere cognitionum: nam ubi semel recepta est potestas illa ad formas, nulla est perfectio quam in morem Protei assumere non possit. At dum substantiæ angelorum non permittitur quicquam absque speciebus primum a Deo datis intelligere, nimium ipsis angelis detrahatur, aut conceditur: nimium conceditur si species acceperunt infinitas ad res novas infinitas quæ tota accident æternitate intelligendas, neque enim sufficiunt finitæ species nisi ad finitum rerum numerum percipiendum. Nimium detrahatur, si quamplurima tandem occurrent ad quæ eorum species finitæ non se extendunt, ac propterea necesse sit ut eorum nihil intelligant, nisi Deus continenter novas species etiam malis Genijs subministret. Quis non dicat eos hac in re inferiores esse hominibus qui ut sensa mentis aperiant, & quæ ab alijs cogitantur participant, huiusmodi auxilium non efflagitant. CHAR. Hæc & alia quæ contra has species afferri possunt ex doctrina D. Thomæ solvi debent: Quod Deus in angelorum creatione species eis omnium infuderit, non tamen actuum liberorum voluntatis, aut intellectus, multò minus Dei & rerum omnium purè possibilium ac supernaturalium: Quare necesse est ut pro re Deus illis infundat species quarum quotidie indigent & quæ supernaturales dici non debent, quia fiunt prout res exigit. Eum quidem hominem diceremus trunco similem, quem quotiescunque vellemus compellere, toties illi audiendi facultas esset a Deo mendicanda: At non ita est in angelis quorum natura hanc opem a Deo sibi vindicat. Nam ut vnus alterum alloquatur, nihil imprimere potest in audientem, alioqui distando magis ac magis in infinitum omnia replet qualitate, cuius neque subiectum posset assignari, neque causa: sed & omnia ab omnibus audirentur, ob quam rationem nec in se vlla signa ad mentem aperiendam efficere dicendum est. Multò verò facilius & sine incommodis angelum loquentem affirmamus dirigere liberè cogitationem suam ad audientem, qua directione posita Deus, ut natura postulat, in audiente locutionis speciem producat. Huius ope angelus citra ratiocinationem intelligit: At circa ea quorum proprijs speciebus caret potest cogitare, componere, dubitare, errare, eadem enim ratio est atque hominis. Quoniam autem loquentem audit quem prius non audiebat, patet eum non omnia semper actu cognoscere, quæ potest, & alioquin ut agenti necessario cogitatio ei culpæ verti non posset. Semper tamen aliquid cogitat: nam vel cessaret omnino ita volens ad quam voluntatem necessaria esset cogitatio prior, & ab ea non dependens, vel cessaret negatione voluntatis, & sic cogitatio penderet a voluntate: Non posset autem redire ad cogitationem, opus enim esset ut vellet, & ut velit deberet prius cogitare, quod non posset si cogitatio penderet a voluntate. Neque cessare potest a cogitatione sui, suorumque actuum & specierum, illa enim ipsi sunt instar speciei, habentque omnia requisita ad cognitionem necessariam. Deinde nisi angelus haberet cogitationem necessariam qua cognoscit se posse vii



fuis omnibus speciebus ad cognitionem distinctam eorum quæ tunc tantum confusè videt, temere & fortuito circa objecta versaretur. Nam si diceret volo cogitare de tali objecto hora tertia, fieri posset ut omnia alia cogitanti obliuio subreperet. Sed præcipuè quomodo posset, si vellet liberè cogitare de rebus nouis, non enim eò deducitur ordine rerum præcedentium, ut cum alter ei loquitur. Fatendum est tamen angelum non intueri species reflexarum cognitionum: daretur enim processus infinitus si speciem reflexæ cognitionis videret, & hæc visio speciem produceret, quam rursus ipse videret, & ita in infinitum. Quare vel dicendum est angelum circa has species versari fortuito, vel cognitionem esse suiipsius cognitionem.

**A R I S T.** Inextricabilis est nobis iste specierum labyrinthus, unde se vix explicare possunt ipsi angeli. Quarendum hic vnum occurrit, cum tot specierum formæ de angeli potestate educantur, ac multæ ex ijs intereant, ne prouentus excrescat in infinitum, an etiam de potestate angeli inferioris educi potest forma perfectior, qua supremi saltem ordinis constituatur?

**C H A R.** Hæc potestas est solius materiæ corporeæ, qua terra dicitur fieri homo, & homo terra: at substantia angelica est tantum potestas ad formas accidentium.

*Mutatio in melius, vel peius est rei corporeæ.*

**A R I S T.** Sic quidquid volunt Theologi. Cur angelus optauit fieri Deus, si neque materiam, neque corpus habet quod formæ nobilioris faciat accessionem?

**C H A R.** Quin potius noluit humili famulatu mereri beatitatem, sed statim sibi absque meritis dari voluit. At non potuit velle fieri Deus, hoc enim ipso sui destructionem exoptasset: Nam si Socrates cupit fieri Deus, vult existendo non exiltere, nimirum vult existere Deum & Socratem non existere, quod per æquè sapientiam ac si vellet Deum remanere & se destrui. Angelus autem rerum scientissimus non potest appetere quod subiectum destruit, dum aduenit, ut multi qui ob ignorantiam, cum sapientiores fieri velle deberent, fieri angeli desiderant.

**A R I S T.** Hoc certè desiderium in quocunque reperitur, ostendit compositionem ex partibus indiuiduis quæ separari quidem possunt & miris coniungi modis, sed non destrui penitus & in nihilum verti. Usque adeo ne mori miserum est, si mors nihil est aliud quam partium iunctarum solutio, non destructio. Obseruasti neminem esse, cui si membrum deforme sit aut caducum, non velit aliud aptari sibi vnde cunque tandem asciscatur, & si liceret unicuique pulchriora & robustiora membra assumere, corpus sibi nouum conformaret. Iam verò qui sensus habet retusos & hebetes, qui labilem memoriolam, qui vim intelligendi tardiolem, qui animæ facultates omnes deterrimas, libenter has facultates, atque adeo animam ipsam permutarit: si non omnia simul, ne alius repente sibi cæterisque videatur, at saltem paulatim & sine sensu. Ille igitur si fieret voti compos, quid rei esset?

**C H A R.** Næ ille inter mortuos esset penitus, atque eius loco alius felicior exsuscitatus. **A R I S T.** Optamus nos instar nauis Salaminæ refarciri, & melioribus, si fieri posset, compingi tabulis, vestiri forma & aspectu illustriori, nec aduertimus id ipsum esse mortem, qua solutione partium facta, alij meliores progenerantur. Quid enim refert an repente, an paulatim toti mutemur? mortis hæc sunt diuersæ species, quæ si optabiles videntur mul-

tis,

*Quomodo mors desideratur.*



nis, credibile est nihil interire penitus & destrui, sed solui tantum, & quod tradidit Aristoteles de formis eductis & deperditis huic desiderio naturali non consentire. CHA R. Perinde est ei qui meliorem animam desiderat, an sua deperdatur, aliove recedat, & noua vndeunque accedat, id enim totum procedit ab ignorantia, ex qua nihil pro corporibus indiuiduis concludi potest. At verò angelus, vt dixi, nunquam aliquid istiusmodi concupit. A R I S T. Quid angelorum lapsus præcipitans e coelo, nonne corpoream molem indicat, qua instar Enceladi terra oppressi, & cum gigantibus ab alto deturbati infimæ regioni incubuerunt? CHA R. Ceciderunt tanquam fulgur e coelo: fulguris autem non est lapsio sed iactus, vt vi suprema huc detrutos esse intelligamus. A R I S T. Deerant foras se spacia magnitudinibus immensis in quæ procul amandarentur, vt nulli molestiam facerent. Cur non in Lunam potius, Venerem, aut Mercurium præcipitarunt? CHA R. Optimè Chrysostomus de prouid. lib. 1. c. 4. id factum ait ob nostram victoriam, ne sicut athleta abique aduersario inglorij essemus: his etiam portentis, inquit, Deus ad se filios in sinum inuitat, vt mater quæ in filium nullis blanditijs, aut cupedijs ad se venire volentem, laruas immittit. A R I S T. Monitrosus illè aduersarius nobis additus ne agat in distans debet esse capiti nostro intimè præsens, vt & angelus custos, ac Deus ipse: Ita circa imbecillum & desultoriam vim intelligendi qua vix quicquam habemus comprenens eidem cerebro ad laborâtes Deus, angelus, & dæmonium occupantur: nec mirum si eos non sentiat anima quæ seipsam non sentit neque agnoscit. CHA R. Hoc maximè probat dari substantias incorporeas Deum, angelum, dæmonium, & animam, cum simul eidem cerebro sint præsentēs. A R I S T. Ita, nisi Theologi docerent ipsa quoque corpora se penetrare diuina vi, & simul, & multis in locis esse posse. CHA R. Iam responsum est hoc ipsis naturaliter non conuenire, nam corpora quæ die suprema inferni poenis addicentur, terram habitabilem ex qua facta sunt longè superabunt magnitudine, omnia tamen compagibus inferni maioris cruciamenti causa coarctabuntur, non naturaliter, sed Deo ita improbos coangustante. A R I S T. Quid iam habendum erit de igne inferni, quærit enim Augustinus 10. de ciuitate quomodo spiritus torquere possit cum sit corporeus, & miris, inquit sed veris modis: nulla erit autem difficultas si animæ & dæmones sunt corporei; nec dicendum erit cum Origene ignem inferni non punire in supplicijs sed in conscientia; aut cum Boetiaura & Scoto produci speciem & cogitationem ab illo igne in qua posita est omnis cruciatuum acerbitas, quæ cum ex cogitatione sola procedat, poena erit error in intellectu, veluti delirantium & se in eculeum conijci ac excarnificari somniantium, Ægidius enim ait totum dolorem esse in intellectu: Aut cum Thomistis produci qualitatem quam vocant detinentem, & poenis addictos certo loco concludentem, licet ea non accedat ad minimam partem carnificinæ & laniatus horribilis, quem Patres exerceri apud inferos contestantur: quippe leuius esset tormentum vno loco distineri, nec dæmonijs terram circuncursantibus conueniret. Sic porro inter se dissident Theologi, quod non satis appareat quid ignis imprimat dæmonijs; vnde Ambrosius



sius & Augustinus ignem quidem inferni corporeum, flammam verò incorpoream esse dixerunt, sed quæ sit ea flamma non declarant, nec an eodem modo torqueantur spiritus, ac anima in corpore quod exurit, quo argumento multi animam corpoream iudicarunt. Certè non magis exuruntur spiritus, quàm secantur; si tamen ad poenam assumitur ignis, dicentur vri, si gelu congelare, si vermis rodi, si vinum inebriari, nec grauius ex se supplicium spiritibus irrogatur ab igne, quàm a rosis. Propterea Vasques negat ignem agere physicè in spiritus, nec quenquam ait fide teneri vt sentiat eum esse corporeum; nam Græci, inquit, in Concilio Florentino non fuerunt dampnati quod ignem purgantem animas non esse corporeum affirmarent. CHA R. Fidentius agit Vasques & sibi, suoque ingenio nimium asciscit contra Patrum expositionem, & sacrarum literarum sensum obuium, a quo non est sine graui incommodo discedendum. A R I S T. An non incommodum graue videtur tibi fidei legibus astringi nos, vt credamus actionem distinguere a termino, vt ille ignis quicquam producere in spiritibus intelligatur. Hoc enim vero negat Vasques, ac proinde ignem corporeum posse eleuari a Deo ad poenas spiritibus irrogandas, vt enim aliquid eleuetur a Deo ad miraculum, requirit potestatem inchoatam, qualem non habet ignis ad torquendos spiritus: ynde rectè concludit producto cruciatu a Deo & igne eleuato, nullam esse rationem cur ille dolor ab igne dicatur dependere, si actio a termino non distinguatur. CHA R. Dicat pari iure nullam esse rationem cur dicatur pendere a Deo: Sed vel maximè propter hoc distinguere deberet actionem a termino, ne Patribus & sacris paginis aduersaretur. Frustra autem ad hoc vt aliquid eleuetur requirit potestatem inchoatam, veritus ne quis dicat posse etiam a lapide videri Deum, & angelum fieri nigrum; aliunde enim repugnat, nimirum quod nigror in sola re extensa, & actio vitalis in principio solo vitali reperiatur, atque illud solum denominet. A R I S T. O minimè tutum diuerticulum, si visio distinguitur tam ab anima vidente quàm a termino puta specie expressa, aut alia re quam volles, cur a Deo in lapide poni non potest, imò cur lapis ipse eleuatus non poterit eam visionem elicere, & ab ea forma quam recipit, denominari? CHA R. Quod vitale non est vitali modo nunquam aget, nisi prius vita hoc est anima informetur. Verum & si faterer ad videndum Deum opus esse potestate inchoata qualis est intellectus ad visionem in communi, talem in igne dicam potestatem ad spiritus cruciandos, quoniam ignis vim habet ad alterationem, ac proinde ad qualitatem spiritalem demonijs inurendam. Hanc autem virtutem inchoatam non requiri ostenditur etiam in igne, qui a Deo eleuatus potest calorem, vel ignem, vel aliud extra sphæram suam quacunque distantia producere, atque etiam vt Dei instrumentum ex nihilo creare, quod negans Vasques, neget etiam posse intellectum videre Deum. Quare dicendum est in substantia spiritali produci ab igne corporeo qualitatem turpificantem ac foedantem, vnde in voluntate oritur dolor miris, vt ait Augustinus, sed veris modis. A R I S T. Hanc igitur gratiam philosophi ac medici theologis acceptam referre debent, quod iam certi sint dolorem in solutione continui non consistere, sed in sola receptione molestæ qua-



qualitatis : Ita vt inquit Suares, & si calor immoderatus a corpore nihil auferret, ob repugnantiam tamen sentiretur, iuxta Augustinum qui 4. de ciuit. c. 15. ait torqueri animam in corpore quod exurit : Sed non video quid anima possit ab igne recipere præter calorem aut eius speciem extensam, quæ proinde in subiecto extenso & corporeo recipi debet. Huic doctrinæ de dolore illato sola receptione qualitatis absque continui diuisione nonnihil incommodat, quod sicut ignis eorum non extinguitur, ita vermis eorum non moritur, cuius vermis actio, siue is de genere ascaridum fuerit, siue lumbricorum, intelligi non potest sine corrosione, diuisione, ac diminutione cruciatorum corporum quæ crescunt in poenas instar Tityi, & Promethei, nec fibris requies datur vlla renatis. CHAR. Patres pauci verum vermem admittunt, plurimi conscientiam arguentem cum Hieronymo : Quid enim vermi vero & viuenti cum igne sempiterno, & æternitate ? ita de niue & grandine habendum est : ignis verò corporeus absque incommodo admitti potest.

## De Genijs secundum philosophos antiquos.

C I R C V L V S XVII.

ARISTÆVS. CHARILAVS.

**A**RIST. Nihil est quod plura a Theologis de Geniorum natura mutuemur, suam & ipsi habent ambiguitatem & salebras in quas periculosius est incurrere, quàm in veterum philosophorum quantumuis eminentibus, & commentitijs opinionibus, quippe quarum aspectus vsque eò non præpedit animos, vt & ipsas fidenter impugnare & liberè refellere non valeamus. CHAR. At ego subuereor ne inexplicabiles labyrinthos subeamus, vnde filo sacræ doctrinæ destitutis non facile it remeare : Rem tamen arbitror vacare culpa & periculo, si quid duntaxat latuendum sit ex antiquorum principijs inquiramus. ARIST. Non aliud est huius nostri congressus institutum, quàm explorare quid veritatis a Aristotelis, & antiquorum principijs deduci possit. Vt verò a principe Peripateticorum auspicemur, paucis omnino rem absoluemus, nec aliud de Genijs occurrit enunciandum, quàm esse intelligentias immobiles, incorporeas, nulli quantumuis exiguæ mutationi obnoxias, beatas & immortales, uæ proinde nec habent, nec exhibent cuiquam negotium. Cui doctrinæ .Phys. & 12. Metaph. celebratæ nihil officere potest si quid alibi profert in medium ex aliorum sententia, vt Pythagoreorum, & Heracliti lib. 1. de part. 3. sedentis in casa furnaria, cuius cohonestandæ gratia hæc quoque dixit desse Deos immortales, puta Genios, Lares, Penates, de quorum natura nucleatius egisset alicubi, si admittendam existimasset, maximè verò libello

*Quid de  
Genijs sen-  
serit Ari-  
stoteles.*



de diuinatione per somnum, vbi insomnia negat a Deo mitti, alioqui prudentissimis, inquit, obuenirent potius quàm ijs quorum natura loquax est & melancholica. Atqui omnino Genios loco mobiles, & eorum quæ hic geruntur procuratores admittere non potuit philosophus, nisi suis principijs aduersaretur: Nam cum sola corpora moueri puer, eos non alia materia quàm elementari concretos & verè animatos esse dixisset: At cum sentiat vnum hunc esse mundum ab orbium motoribus abundè procuratum superstitione imbecillitatis arbitratus est tumultuosam dæmonum turbam introducere, vnde prauitatis erroribus mens imbuitur, vanis opinionibus implentur animi, domus facultatibus exhauriuntur. CHA R. Incredibile est Aristoteli commentitium esse visum quidquid dicitur de dæmonibus, non latebant illi effecta illa portentosa confirmata autoritate fide digna, quæ non nisi in dæmones refundi possunt. Quod verò de eorum natura nihil prodidit, probabile est virum prudentem cum nihil certi haberet, super sedendum potius sibi putasse, quàm aliquid vulgando nouæ superstitionis præbere occasionem, & in offensionem omnium cadere. Neque est quod propterea Aristotelem insectemur, ne simul & Mosi videamur succensere qui de creatione, & lapsu angelorum nihil conscripsit, veritus ne Hebræi εἰδωλουανεις (ita eos vocat Clemens Alexandrinus) idola sibi aliquando confingerent. Hanc vnam rationem ex antiquis Patribus refert Glyca annalium prima parte. Hic Rabini, qui Mose doctiores videri volunt, Ca codæmonum principem eiusque consortes die sexta creatos fuisse somniant, sic & voraginem qua Core, Dathan, & Abiron absorpti sunt, arcum diluij, virgam Mosi, manna, tabulas legis, caput asinæ Balaami, & alia ingenus. Nos verò non a Mose, nec a Rabinis, sed a Concilio Later. sub Innoc. III. c. firmiter, didicimus a Deo conditam fuisse ab initio temporis vtraque de nihilo creaturam spiritalem, & corpoream, angelicam videlicet & mundanam, deinde humanam quasi communem ex spiritu, & corpore constitutam, diem autem certum non assignamus: Nec assignatur ab Origene, Basilio, Nazianzeno, Hieronymo, Ambrosio, Damasceno, Cassiano, & alijs affirmantibus Mosem de Angelorum creatione nihil scripsisse, quod ante orbem conditum extiterint, quasi vererentur ne Deus omni famulatu tot æternitate destitueretur. A R I S T. An etiam propterea filet de animæ immortalitate, ne quis in numerum deorum referret animas? At curiosum & scitu non adeo necessarium videtur, quod aquas supra cælum docuit reperiri. Totus est in promittenda terræ pinguedine, liberis, imperio; de contracta labe primorum parentum culpa, & de altera vita secundum obitum nihil dicit, mala simul ac bona morte videtur terminare: Ita Cainus cum morte finire vellet calamitates, id Deus signo homini impresso prohibuit & ipse Moses Num. c. 11. frustra obsecrat Deum se interfici potius, quàm tantis inducendo populo affici malis. CHA R. Non placent hinc qui respondent Hebræos non fuisse auditores idoneos eorum quæ a Mose cum angelis, tum de alterius vitæ statu dici poterant: Quis enim credat ad Mosi tempora vixisse Dei populum pecudum ritu, & omnium quæ ad animam pertinent prorsus ignarum? Quare verisimile est hæc ita ab Adamo fuisse

*Cur de Geniorum or-  
tu filet Mo-  
ses.*



adita, vt tunc omnes satis de ea re condocerentur maiori declaratione Moysi non indigerent. Frustra quidam citant illud Gen. 13. dictum Abrahamo: ibis ad patres tuos, quasi significatum fuerit locum esse vbi patres illi vitam ducerent: nam primò Abrahamus ad locum impiorum detruderetur, Nachor enim fuit Idolis addictissimus, vnde Gen. 31. Laban inuocat Deum Nachor, quem Abrahami Deo opponit. Deinde Christus in Sadducæos ex doctrina Moysi negantes posse ostendi animæ immortalitatem, hunc locum non omisisset, nec laudasset alium vbi dicitur Ego sum Deus Abrahami, qui poset locum debuit esse omnium efficacissimus, saltem ad hominem aduertentem Deum solùm esse viuentium: potest tamen alienari sensus & intelligi, Ego sum Deus Abrahami qui fuit olim, vnde de equo dicitur, iste est filius Bucephali, puta qui fuit. Nihil aliud ergo significatur verbis illis abire ad patres, quàm suprema die suo iustis exequiarum persolutis efferrì in maiorum sepulcrum, quod etiam intelligebat Iacob per inferos, dum eò deductum iri cum dolore canos suos lamentabatur. De Caino verò & Mose dicendum est eos tantùm de fugiendis huius vitæ molestijs cogitasse.

ARIST. Quandoquidem ab Aristotele nihil de natura Geniorum loco nobilium proditum est, quæ ratio mouit antiquos philosophos, vt eam de demonibus doctrinam inueherent, quæ etiam Aristotelem non conuicerit? Titio certè quæ primum locum apud omnes obtinet, petitur ab effectis prodigiosis, quæ in solos daemones referri possunt: Huiusmodi erant apud antiquos oracula, spectra horrenda non vni sed compluribus simul visa, ne quis ad vim imaginandi læsam recurrat, voces, & sonitus audite in loco solo, homines cuiusquemodi occulto spiritu ita concitati, vt nullo naturali morbo aut furore correptos dixisse sufficiat, cum non modo varijs, quas ante ignorabant, vtantur linguis, sed & procul facta ac facienda denuncient, cogitationes ad se directas perlentiant, & quod nullo signo, sed solo mentis imperio præcipitur, statim perficiant, in aerem sublimes attollantur: mortui petere ad vitam exsuscitati, morbi insanabiles subito percurati, alij increduli pari facilitate immixti: familiaritas præterea quorundam daemonum, qualem habuisse ferunt Socratem, Plotinum, Apollonium: Denique artis præstigiorum ratio, & arte magica cum daemone parata necessitudo, qua legimus aliquos in igne volutatos non vri, statuas animare, volare per aerem, ex lapidibus panes facere, montes ac flumina aliò vertere, totum vniuersum conturbare. Id genus monstra philosophis antiquis non latebit, cum teste Diodoro Siculo lib. 1. magicæ artes excultæ fuerint ab Cyarte, alij volunt a Zoroastre antiquissimo rege Bactrianorum. Hæc ars, inquit Plinius lib. 30. c. 1. in tantum fastigium adoleuit, vt hodie etiam in magna parte gentium præualeat, & in oriente Regum Regibus imperet: addit ad Persarum reges qui huiusmodi titulo gloriabantur: vnde subdit, si dubio illic orta est a Zoroastre vt conuenit inter autores. Mosem quoque magum facit cum Iamne & Iotape Iudæis, & multis millibus annorum a fuisse post Zoroastrem. Quod verò sæpe legimus expulsos magos, & thematicos a multis Principibus, atque adeo philosophos a Nerone, quoniam, vt dicebat philosophia diuinandi scientiam adumbrat, teste Philo-



firato in apol. lib. 4. hoc non arguit commentitium esse quidquid dicitur  
 demonibus, sed nefariam esse eorum societatem atque commercium ac  
 quirsuum, omnemque prastigiarum rationem in extremam hominum pe-  
 niciem esse inuectam. Nero itaque magos expulit quod ab ijs esset de-  
 ptus; cum enim ut refert Plinius lib. 30. c. 49. supra omnes Principes fauif-  
 inagiæ, ac primùm dijs imperare concupiuiisset, tamen magorum compli-  
 rium vltus opera, ne vnum quidem dæmonem videre potuit, quod & m-  
 ris alijs accidit, Deo percuriosis hominibus frustrationem iniiciente. D-  
 monum autem negare effecta eum ab antiquis conscripta, tum a recentio-  
 bus Volfango, Spina, Grillando, & alijs fide dignis autoribus, propter  
 quod non omnium oculis subiecta sunt, eiusdem ferè est obstinationis, a-  
 quis negaret esse Babylonem eò quod ipsam nunquam viderit. Irrident  
 men non pauci quidquid habetur de dæmonibus, & cum Democriton  
 los alios esse dicunt, præter Poenam, & Beneficium. Ita Anaxagoras  
 non Clasomenius, sed Abdera oriundus apud Lucianum in Philops. ha-  
 bat in monumentis nocte ac die, inibi scribebat veneficiorum securus  
 spectrorum, cumque adol-scentes laruati quasi nigros lemures incuss-  
 hominem lacerarent, desinite ineptire, inquebat, *πῶς αὖτε παίζοντ*  
 Idem ferè de Socrate scriptum legimus. Mirabilius est Pomponatium  
 Agrippam, Cardanum, Paracelsum, Mirandul. & alios cum per ludum,  
 vero propius est, multa de dæmonibus dixerint, vniuersum tamen hoc ne-  
 tium ut meras fabulas eleuare: quasi verò ea omnia quæ enarrantur de  
 monibus a melancholia fieri possint, & paucis ijs comprehendere, quæ Ari-  
 oteles loquens de terræ motu ait accidere in corporibus animalium. Faten-  
 quidem Lamias deludi cum se opera demonum transferri putant, sem-  
 tamen eodem carcere concluduntur, ut ait Concilium Ancyranum: at vi-  
 obstinata diffidentia aut pertinacia deputamus alios demonum effectus  
 pra memoratos inficiari omnino, vel inter affectiones melancholicas an-  
 merare. Altera ratio quæ philosophos hos induxit ut dæmones esse credere  
 ea est, quod indignum oppidè videatur totam naturæ industriam in ani-  
 lium quæ cernimus conformatione esse consumptam: homines sibi nimi-  
 arrogant, cum nullum alium modum intelligendi aut sentiendi, quem  
 non habeant, esse possibilem arbitrantur. Spectant rerum admirabili m-  
 rietatem, quarum aliam alia cogitatione non comprehenderet, nisi vide-  
 at extra hæc elementa defixis altius oculis, vbi nulla est insatiabilior spec-  
 nulla pulchrior, ab ijs omnem vitæ ornatum abiudicare non dubitant.  
 dent omnes quantum intersit hominis inter excelsum ac sublime ingeniu-  
 & vilissimæ bestiolæ animulam & quàm multa medio quodam modo se-  
 beant, reliquas tamen mundi immensitates, ut Libyæ deserta, nihil hor-  
 prastantius habere putant. Tot rerum cœlestium effectus admirantur  
 ne suspicantur quidem vltro citroque dari cœnmercium alijs causis inex-  
 cabili vita præditis, quæ nos homines, ut ait Plautus, sicut pilas habe-  
 Quare nisi velimus haberi similes illi lumbrico, ut supra dixi, qui cæteras  
 ventium species dari negaret, fatendum est innumerabiles alias rerum in-  
 ligentium formas reperiri nobis ignotas, atque in earum numero esse



mones. Illos Hesiodus Deum inter & homines medios statuit, quos tollere  
 perinde est atque aerem, quo fit communicatio inter coelum ac terram, pror-  
 us auferre apud Plut. de orac. def. Pythagorę placitum affert Laert. lib. 8. non  
 ob simile viso magni Antonij, animis scilicet plenum esse totum aerem, eos-  
 demque dæmones, & Heroas existimari, atque ab his immitti somnia homi-  
 nibus, necnon etiam cunctis animantibus signa & morbos tanquam a Dei  
 militibus, dæmones enim *σπασιώτας θεῶν* Pythagorici nuncupabant,  
 Platonici Deos minores, vulgus Heroas, Clemens Alexandrinus *ἡμιόνης*  
*ἡ δαίμων* iniuriosius. Hinc Tertullianus apud Aug. de hæres. 86. docuit  
 effimas animas post mortem conuerti in cacodæmones. Eas Origenes si-  
 non dæmones, saltem dæmonum socias & consortes esse dicebat, cum ijs de-  
 quisse, supplicij loco in corpora detrudi: vt non mirum sit a Valentino di-  
 ctum animas tandem dæmonibus nuptui tradendas. Optimas quasque  
 animas vocat dæmones, alias superstiosas, vel populares. Redeamus ad  
 Platonem a quo plura quàm ab alijs philosophis hauriemus: Sub Dijs sum-  
 mis vltimundanis qui omnibus sapienter prouident, nobis tamen non im-  
 miscentur, ait esse dæmones ex æthere, aere, & aqua quibus rerum omnium  
 cura singulariter demandatur, & commercium omne inter nos & Deum ab-  
 hincitur. Tercio loco Heroas, qui sunt hominum eximiorum animarum corpo-  
 ris compagibus expeditæ, alias imbecilliores post obitum Stoici negabant  
 peresse: Ex dæmonibus prauos quosdam esse dixerunt Plato, & Empedo-  
 cles teste Plut. de orac. def. proinde fortunata esse ea loca quæ bonos dæmo-  
 nes nanciscuntur, non minus quàm gregem qui optimo pastori subijcitur.  
 Hinc meliores aut deteriores homines procreari, & similiter omnia bonis  
 et prauis legibus administrari. Neque regnis tantum aut ciuitatibus præ-  
 sit dæmones, sed & familijs, & singillatim unicuique summa assignat in  
 Thædone, quem tota vita comitem habeat, atque hinc emigrans ad iudicij  
 decem eius ope, ac tandem ad inferos traducatur. Illos Latini Deos pa-  
 trocos, Penates, Lares, hos verò Genios appellabant: De quibus Seneca Epist.  
 10. Sepone in præsentia quæ quibusdam placent unicuique nostrum pæda-  
 gogum dari Deum, non quidem ordinarium sed hunc inferioris notę ex eo-  
 rum numero quos Ouidius ait de plebe Deos. Ita tamen hoc seponas volo,  
 memineras maiores nostros qui hoc dixerunt Stoicos fuisse, singulis enim  
 & Genium & Iunonem dederunt. Hic notat Lipsius Genios viris attribui,  
 Iunones foeminis, vt ait quędam apud Petronium *Iunonem meam, tratam ha-*  
*bem*; & amator ad suam in Tibullo,

*Hæc per sancta tuæ Iunonis nomina iuro.*

Quæritur eos qui de natura Deorum exactissimas & probatissimas exigunt  
 demonstrationes Plato in Timæo, Theæteto, & Phædone grauissimè repre-  
 hendit, aitque detestabilem ac fugiendam esse eorum indagationem, qui de  
 reus adeo abstrusis non vt homines decet probabili ac vendibili doctrina  
 sit contenti sed veluti eas se apprehendere & in manibus habere vendi-  
 tur: incertum ac instabile videri omne illud de dæmonibus quod nititur  
 in contemplatione naturali, & vt fatetur etiam Aristoteles in Metaphysi-



cis esse supra captum humanæ mentis. Quare in Gorgia dictorum tam a se  
quàm ab alijs inanitatem ipse deplorans, fidem potius adhibendam ait Dio  
timæ mulieri fatidicæ de Thijs & dæmonibus citra ullam rationum inuesti  
gationem multa narranti, quàm contentiosis disceptationibus philosopho  
rum. CH A R. Autore igitur Platone inanem hanc de dæmonibu  
disquisitionem producimus, maximè verò cùm ex Democriti & Epicu  
principijs natura dæmonum explodatur, vt mirum sit quòd non subierit  
poenam Anaxagoræ a Pericle discipulo vix defensi, & quinque talentis at  
que exilio ab Atheniensibus damnati, ob doctrinæ, vt credibile est, quan  
profitebatur impietatem. A R I S T. Non quæramus quid de dæmonibu  
tenserint Democritus & Epicurus, sed potius quid ex suis principijs sentiri  
debuerint: Quanquam verisimile est non aliud irrifisse Democritum quàm  
vanam & superstitiosam sui temporis religionem, qua gentilitijs sacrificij  
Deos quosdam elicios sibi propitios reddere, aut eorum iram auertere pro  
curabatur: Hæc philosophis videbantur fabularum proscenia quæ magis a  
morem, quàm ad rem pertinerent, vt quæ non ratione, sed veruecinæ plebi  
opinionem sunt introducta, & inueterata tandem aliquando obsolescunt. V  
debant tot sacris & cerimonijs non magis conciliari deorum gratiam, nequ  
felicius res cedere, quàm si eorum cultus omitteretur: proinde in animu  
induxerant homines inter & dæmones nullum commercium esse debere, a  
que eorum ritus & sacra ad plebem in officio continendam instituta, ne  
profusis impensis Atheniensium more procuranda esse, sed potius exiguis,  
puris muneribus instar Lacedæmoniorum vt religiosæ consuetudini fieri  
satis: His porrò honoribus colendos esse & ceremonijs, modò barbaræ ne  
sint, quas omnes a maioribus suis acceperunt, nec referre qua quisque pr  
dentia verum requirat, non enim posse ad tam grande secretum vno itinere  
perueniri, inquit Symmachus pro ara victoriæ: neque contentiosè vnqua  
de religionibus digladiandum, de ijs enim idem habendum esse cersebant  
de militia autore Themistio oratione de pace ad Valentem, vt sicut exerci  
tum optimum constant diuersæ nationes Quam *varia linguis, habitu, tam  
stis & armis*, ita religionem instaurarent diuersi ritus introducti paulatim,  
qui ratione non possent, ijdem religione vtcunque ad officium ducerent  
Herodotus lib. 3. reprehensum ait Cambisem quòd sacra omnia irrifisse  
quæ optima se putant omnes elegisse. Sic Darius dixit Græcis qua pecu  
vellent edere parentes mortuos, at illi nulla: & coram ijs per interprete  
Indis Callatiæ quibus id moris est, qua mercede vellent cremare parente  
at illi meliora quæso; ita inquit, mos est omnium Rex ex Pindaro. Bœ  
tij quoque vt refert Athen. lib. 6 mirantibus quòd anguillas Copidas in  
fitatæ magnitudinis hostiarum modo coronarent aspersa mola, ijsque res  
uinæ procurarent, nihil aliud responderunt quàm pias consuetudines si  
uandas esse, *ὅτι δὲ τὰ ἀπορογόνικα νόμιμα, καὶ ὅτι μὴ καθήκον  
τοῖς ἄλλοις ὑπὲρ αὐτῶν ἀπολογίζεσθαι*. Quare ex tam varijs sacri  
rum procuracionibus, & ceremonijs victores orbis Romani sola impia sac  
ficia sustulerunt, quibus homines etiam impuberos vt victimæ immolabatur.



tur. Sed videamus hunc quos dæmones non admisit, admittere tamen debuit doctrina Democritea. Recipit illa mundorum infinitatem quorum alij oriantur, alij intereant, recipere debuit igitur infinitas rerum species, quæ non minus quàm mundus suus orirentur & occiderent; ita vt interitus expers nihil esset, præter indiuidua corpora quibus mundi, & quæ in mundis sunt componuntur, cætera verò serius ocysus resolverentur in partes suas. In ea rerum infinitate reperiri necesse est innumerabiles viuientium formas, quorum vniuersa viuendi atque agendi ratio tam sit nobis inexpli- cabilis, quàm quæ apud nos geruntur ijs qui in subterraneis locis perpetuò delituisse. Quoniam igitur inæstimabilis est rerum varietas in vniuerso, quasdam viuientium species oportet suis mundis ita coerceri vt nulla ad alios migratio detur, quasdam verò instar luminis vltro citroque per inter- mundia commeare, alias esse conspicuas sensibus eorum qui illic habent, alias minimè, quin & propitias, aut sinistras, hebetes, aut ingeniosas, fa- tuas, aut sapientes, debiles, aut robustas, consortij amantes, aut inimicas, & alijs innumeris modis variatas, vt nihil sit quod non reperiatur in vni- uerso. Hæc siue dæmonum, siue alia appellatione nuncupentur, potiori iu- re dixerint antiqui ab alijs mundis migrare in hunc nostrum, aut etiam in eodem nobis incijs generari & interire, quàm quòd dixit Heraclides apud Laert. lib. 8. ab orbe Luna primum hominem cecidisse, aut ea de quibus Se- neca, sublimis alias Luna concipiat feras: vbi notat Picus Mirand. Comes in opere contra astrologos quosdam existimare omnia quæ apud nos sunt reperiri in orbe Luna. Neque opus est illa ad nos ferri per radios, vt de ani- mis huc & illuc delatis Thespeus delirabat vir perditus apud Cilices. (di- xeris id ab aliquo quæsitum inuidè in D. Paulum origine Cilicem) Ille, in- quit Plutarchus de ijs qui ferò a numine puniuntur, cum ex alto loco præci- pitans expirasset, tertio post die vita redditus est, atque interea mente ra- ptus ad cælum mira vidit quæ ad nos a cælo per radios traducebantur: nihil inquam opus est dæmones ita deferri, cum multi sint alij modi quibus res corporeæ locum mutant. His iam positis haud difficile erat aut cum Platone sentire de dæmonibus, quibus ob curam quam illis tribuit libro 4. de leg. ait a viro mentis compote sacrificijs esse litandum, aut cum alijs phi- losophis curam huiusmodi negantibus supersticiosum eorum cultum plebi ad multas vtilitates relinquendum. Omnium porrò sapientissimi iudica- runt huiusmodi cultu quàm parcissimè fieri potest desurgendum, neque no- uas necessitudines quauis arte cum dæmonibus obstringendas, sed veterum potius religionum superstitiones reuocandas ac quoad eius fieri potest con- formandas ad bonum vitæ communis, quippe vanas esse aut perniciosas eas omnes, de quibus ait Lucretius

*Religio peperit scelerata atque impia facta.*

Cuiusmodi fuerunt veterum Aegyptiorum, Chaldaeorum, Persarum, Indo- rum, atque vtinam hodie non extarent quibus nihil est religione pernicio- sus. Sapientes illi omnia, vt decet, metientes experientia & ratione, quo- niam ex societate cum dæmonibus verè aut falsò inita nullum aliud in ho- mines commodum deriuari posse videbant, quàm quod pertinet ad effrena-

tam



tam plebem continendam, primum captiosas omnes artis magicæ præstigas quibus percuriosi homines irretiuntur, tanquam pestiferam humani generis labem censuerunt extirpandas ac penitus auerruncandas, ceteros vero cultus, ritusve in procuratione & administratione sacrorum, unde doctrinæ humanioris informatione salutariter mansuescunt animi, retinendo moderatè, atque etiam intra modum exillimarunt. De his ita Cicero 2. di leg. Athenæ nihil attulere melius illis mysterijs, quibus ex agresti vita ex culti ad humanitatem sumus, Initiaque ut appellantur, ita reuera vitæ principia cognoscimus. & 4. de nat. Deor. diligentius ait urbem religione cing quam ipsis moenibus. Democritus igitur & Epicurus ex suis principijs demones negare non debuerunt, sed perniciosum duntaxat eorum cultum, & curiosam illam indagationem qua scriptores aliqui singula tam minute persequuntur, quam qui socius & consors demoniorum semper fuisset.

CHAR. Intelligis opinor Agrippam & Paracelsum qui dum horrendis nominibus & figuris promittunt subigi posse demones & in nostram potestatem redigi, nihil aliud quam curiositatis humanæ poenas exposcere videntur, sibi que ac viris intelligentibus ridendi occasionem propinare. Non ita sacri Exorcistæ qui tractant de demonibus austri, aquilonis, orientis & occidentis, de terreis, aqueis, aereis, & igneis, quibus verbis obiurgatorijs sint increpandi, cuius suffimenti odore perfundendi, in quæ mundi loca relegandi: nam hæc omnia non ab hominum superbia, aut auaritia, sed ab afflatu diuino proueniunt, sicuti ea quæ de spiritibus scripsit Dionysius Areopagita magistri ad tertium cœlum rapti necessitudine condocfactus.

ARIST. Vix adducor ut credam hæc a tanto magistro deriuari, nam verba quæ audiuit in orbe Veneris 2. Corinth. 12. ea non licet homini loqui, non Paulo ipsi, multo minus Dionysio, ἀρρήτα ῥήματα αὐτὸν ἐξὸν ἀνθρώπῳ λαλῆσαι. Hinc est quod a demone quantumuis familiari apud Cardanum & alios nemo potuit fieri certior de quibusdam arcanis, quin potius huiusmodi quæstionibus offensus plerunque aut responsis mendacibus induxit hominem, aut indignans ab eius consuetudine se subtraxit. Genius pueri per familiaris inductione parentum auarorum quæsitus de modo conficiendi auri arte chymica, pueri parentumque curiositatem fuga elusit. Ita & alij de Dei natura curiosius interrogati, de mundorum numero, creatione, syltemate, de maris æstu reciproco, de ventis, de statu animorum ante & secundum obitum, de rebus præteritis, & futuris, de religionibus, de thesauris abditis, de ipso Geniorum, ut sunt aspectu, quærentibus frustrationem maximam iniecerunt. Vnde creditum est ab antiquis vel Genios familiares hæc ignorare, & verecundari suæ nos esse testes ignorantie, vel quia capaces non sumus tantarum rerum, deesse modum quo de abditis rerum causis nos informet, vel quod vero propius est a potentiori causa retineri, ne perturbent ordinem vniuersi, ut neque nobis, neque Genijs omnibus quidquid collibitum est, facere liceat. Sed ut redeamus ad libros qui extant sub nomine Dionysij Areopagite, Caietanus suspicatur esse commenticios ob verborum ampullas & meandros quibus speciem & aspectum



Illustrum rerum mirabilium promittit, reuera tamen nihil dicit quo aliquis  
 lat intelligentiior. Propterea Eusebium secutus Hieronymus in lib. de scri-  
 ptoribus phil. hunc autorem non numerauit, Erasmus omnino reiecit. Il-  
 lum quidem citat Athanasius lib. qq. ad Antiochum q. 80. sed quia hic liber  
 nemini Panarij Epiphanij qui nondum scripserat, fides græca desideratur.  
 Quod si in autore tantæ fidei Leo Papa octauus, vel nonus legisset distin-  
 ctionem Spirituum in nouem ordines, nunquam dixisset angelos non ex no-  
 uem ordinibus, sed decimum ordinem cecidisse cap. si duo de consecrat.  
 ist. 1. CHA R. Respondet Glossa benignè exponendum, quod Papa ex  
 omnibus angelis qui ceciderunt decimum ordinem factum vellet, alioquin &  
 aulum non legisset ad Ephes. 6. ubi inter spiritus damnatos recenset Princi-  
 patus, & Potestates. Verum libros Dionysij Areopagitæ citat Gregorius  
 papa homil. 34. in Euang. cuius autoritas iam pridem fuisse receptos satis  
 emonstrat. Hæc autem arcana de cœlesti hierarchia nunquam vulgasset  
 Dionysius, nisi afflatu diuino mentem concitante (sine quo ea non licet ho-  
 mini loqui) fuisset impulsus: At hoc instinctu destituti philosophi vete-  
 res nihil certi de demonibus profundere potuerunt, maximè Democritus  
 Epicurus, qui cum præter corpora nihil agnoscerent, viderunt naturam  
 demonum explicatu perdifficilem, oportet enim eos vel esse substantiæ  
 continuatæ, vel poris confertæ & interruptæ: si primum, non poterit lumen  
 corporeum, aut alia qualitas eorum substantiam permeare, nisi eo modo quo  
 vinum aquæ miscetur, in tenuissimas se mutuò particulas diuidendo, unde  
 tim sequetur geniorum dissolutio: Quod si eos lumen non peruat, re-  
 cusetur ad nos, atque ita nobis demones velint nolint, erunt conspicui.  
 Quin etiam si certam retinent semper figuram & magnitudinem, puta spha-  
 ram cuius sit diameter trium cubitorum verbi gratia, moueri non pote-  
 rent, nisi corpora solida per quæ transeunt eadem qua sunt ipsi dimensione  
 præsumendo: si verò mutata figura latitudinem compensent longitudine  
 sicut fumosa exhalationis, intelligemus quidem quo pacto se per tenues  
 corporum meatus insinuant, sed necesse est confundi sursum deorsum partes  
 omnes, nec magis seruari viuientis harmoniam, quàm in homine qui per for-  
 men acus transmitteretur. Quæ ratio facit etiam contra id quod secundo  
 loco dici poterat demonum substantiam poris alio corpore plenis aut va-  
 cis esse refertam, oportebit enim huiusmodi poros omnes confundi ad fi-  
 gura mutationem, quod magnopere viuentibus aduersatur. ARIST. Hæc  
 omnia Patribus qui demones corporeos faciebant diluenda sunt. Perinde  
 est an eorum substantia sit continua, an meatibus ad lumen recipiendum  
 dispersa, eamque videri aliquando nihil prohibet: Nam Plato in Epino-  
 nide ait genus demonum quod ex aqua est terui visu interdum percipi, &  
 aectui nostro se subducere, puta vel in latebram se coniiciendo, vel reper-  
 cussum luminis prohibendo. At qui omnino conspectum nostrum & curio-  
 sitatem oculorum indagationem videntur auertere: Ille qui tota nocte cum Ia-  
 cob luctabatur Gen. 32. *Dimitte me*, inquit, *tam enim ascendit aurora*, Solem  
 tuebat, vt apud Virg. in Æn.

*Et me sauis equis oriens afflavit anhelis.*



Poetæ veteres dicebant dæmones noctu tantum in terras descendere : Hoc Silua prima significat Statius,

----- *sub nocte silenti*  
*Cum superis terrena placent, tua turba relicto*  
*Labetur cælo.* -----

Sed non placet quod nocturnum illum confectum odio generis humani fieri putabant, quin potius ex hominum obseruatione diligenti in sui nos maiorem venire cognitionem non permittunt. Non dico iam quod vereantur clara die ne quis Diomedes stricto ense Venerem aut Martem transfuerberet, quanquam familiariter usus sum viri non minus docti, quam præfractæ ad dædis consuetudine, qui hoc solo nomine larvas omnes nocturnas & lemure aspernabatur, quod diceret se gladio obuia eorum corpora concisurum: vult olim Caunij agebant apud Herod. lib. 2. & Æneas 6. lin.

----- *strictamque aciem venientibus offert*  
*Et ni docta comes tennes sine corpore vitas*  
*Admoneat volitare caua sub imagine forma,*  
*Irruat, & frustra ferra diuerberet auras.* -----

Hoc solum contendo sapientius ex antiquorum doctrina dici hominum consuetudinem meridiana luce potissimum reformidari a dæmonibus, ne tamen saltem visu, ut aiebat Plato, naturam ipsorum deprehendant, quam ut odio hominum alienati, vel turbulentis rerum diurnarum fragoribus exagitati noctis quietem ament placidissimam. At corpora, inquis, non possunt per angustiores quam sint ipsa aditus irrumperere, nisi vel obuia quæque perfringendo, vel suas partes confundendo. Hic non modò inficiantur antiquorum corporum a dæmonibus penetrationem, sed etiam ipsos per meatus quorumuis angustos transire posse, dicunt enim eandem esse rationem atque animalium quorundam quæ & in orbem se colligunt & mox ita se explicant, citra ullam partium suarum confusionem per arctiorem longè aditum quæ videntur ipsa, traducantur, non tamen per tenuissimam quacunque rimam. Miramur quædam fulmina quibus moles solidissimæ confringuntur, exili foramine subducere, & negamus corpora viuentia quæ idem præstent a natura creari posse. Non verentur Theologi affirmare Spiritus suos ita præsentem esse corporibus cuiuscunque figuræ, ut extra illa non sint omnino adeo ut videantur accommodare se ad quancunque figuram & magnitudinem quæ tamen certos limites non excedat: At hoc longè impeditiores habet intelligentiam, quam corpus viuens excogitare, quod instar fulminis animati effectus edat mirabiles, quodque ex motu orbium alias percipi utilitates quas ignoramus, dum veluti culices in multo geniti, aut ranunculi palustres multo nihil melius, & vligine; atque adeo omnia propter nos a bitramur. Difficiliter naturam dæmonum imaginamur, at fortasse illi naturam non facilius, cum alijs utantur sensibus, quibus hauriunt rerum omnium notitiam, sed a nostra magis discrepantem, quam qui haberet cognitionem hominis per olfactum tantum, vel per auditum. CHARR. Nunquam id admittent Theologi absque ubi illo admirabili, & qualitatibus cuius de quibus supra meminimus, quippe ijs omnibus instructa corpora nihil



hil concedere videntur spiritibus. Nam vbi multiplicato, simul erunt  
ultis in locis, omni verò sublato vbi, nusquam reperientur ex sententia  
omplurium Theologorum: subtilitate communicata omnia corpora se  
enetrabunt, & totum vniuersum grano sinapi concludetur: alia qua-  
tate reddentur luminosa, alia naturam obtinebunt impatibilem.

RIST. Næ illæ qualitates a substantijs distinctæ videntur pannosæ  
adædam reliquiæ quibus multi malè sarcunt centonem philosophicum ad  
am ignorantiam obtegendam, cum enim substantias per se efficientiam  
am habere negent, eam habere dicunt per qualitates, hoc est per nescio  
quid. Nam quo, malum, pacto fio doctior, vbi accepi rem esse impati-  
blem quoniam habet qualitatem qua redditur impatibilis, esse grauem  
aut leuem quia grauitatem habet, aut leuitatem: Ista non sunt res, sed no-  
mina vanitatis & fastus plenissima; quibus nihil aliud docetur, quam rem  
esse talem, propterea quod nescio quid habet quo talis est, lapidem verbi  
gratia ferri deorsum, quia nescio quid habet, quo ita fertur. Sic tam faci-  
videntur dirempturi omnes philosophiæ controuersias, ac medicus qui  
centi, Nescio quis vult curari morbo, nescio quali, responderet: Recipe  
nescio quam herbam, quæ nescio quo tempore crescit, nescio vbi, applica  
nescio qua parte, curabitur nescio quando. CHA R. Ridiculum igitur  
videtur tibi respondere per causam vt formam, rem esse calidam quia ca-  
lorem habet. An putas minus inscienter dictum ab antiquis calorem ip-  
sum, grauitatem, subtilitatem, perspicuitatem esse substantias, & scien-  
torem philosophum qui sic respondet? Age igitur quibus substantijs, &  
qua forma præditi sint illi damones edissere.

ARIST. Ego cum The-  
spesio neque tam profundè descendi, neque tam altè euectus sum, vt  
hæriolari didicerim: satis sit ostendisse insimulandos non esse Pa-

tres antiquos & philosophos qui damones corporeos esse  
dixerunt, cæterum accuratam eorum nouitiam inge-

nua ac viro sapiente digna confessione se ignora-

re professi sunt. Opportunius factum arbi-

trior siquam distulimus ad calcem hu-

ius libri congressionem nunc au-

spicemur. Ea erat iuxta.

Auerroem motus pri-

miæternitatem.

esse medium

solum

ef-

ficax ad primum motorem demonstnan-

dum vnum, immobilem, incor-

poreum, intelligentem, ex-

pecto ecquod aliud na-

turale medium ip-

se profe-

ias.



## An Deus verus sola fide, an etiam ratione naturali cognoscatur.

C I R C U L V S X V I I I.

C H A R I L A V S. A R I S T Æ V S.



**C**H A R. Indignum illud imprimis occurrit ratione naturali proba-  
ri posse dari da mones, siue mortales illi sint, siue immortales, pri-  
mum verò motorem hoc est Deum opt. max. Da monum atque  
adeo totius vniuersi conditorem ac moderatorem sapientissimū  
nullo naturæ lumine, sed solius fidei diuinæ impulsu posse cognosci: Nar-  
cū primi motus æternitas a nobis non admittatur, & aliud medium no-  
suppetat, nihil aliud restat quàm vt piè credamus primum motorem ab vni-  
uerso esse distinctum. A R I S T. Mirum videri non debet, quod commu-  
ne est alijs quamplurimis. Non demonstramus, sed credimus Deum esse  
trinum & vnum, naturam humanam assumpsisse, mortem oppetiisse. Qui  
& Scotus in 4. d. st. 43. q. 2. dicit animæ immortalitatem non posse demon-  
strari, sed piè credi. C H A R. Detur non posse conuinci ratione natura-  
li, qui immortalitatem animæ negat, at tanta est diuini luminis exuperantia  
vt omnium percellat oculos, ac propterea anteponatur Topatio Æthiopi-  
co, qui terra occultari non potest, inquit Nilus,

----- *lucetque latetque*

*Calculus & viridem distinguit glareamuscum.*

A R I S T. Omnino nihil notius est quàm Deum esse, nihil ignotius quàm  
ostendere quid sit Deus, vnde Athenis inscriptio omnium sapientissima ha-  
bita est *Ignoto Deo*. Iam quærimus vnde notissimum est nobis Deum esse  
Academici docuerunt supra esse triplicem viam, nempe diuinum a flatum  
negationem, & opera: primam viam vnā esse arbitror, & tutissimā, rel-  
quas verò non satis efficaces ad reuincendam obstinationem Democriti  
Epicuri, Varronis, & Plinij: Præcipuè verò ex motu, & operibus quæ primo  
motori attribuuntur, nihil aliud concludi dicent, quàm admitti debere alia  
viuentia nobis incognita huiusmodi effectuum causas, & perinde esse siue  
ea Genios, siue da mones, siue alia appellatione nuncupemus, nimirum ca-  
duca esse omnia viuentia, ac tandem longo interuallo resolui in ea ex quibus  
concreuerunt, vniuersum infinitum permanere, ac proinde Dei supremi me-  
reri nomen, quare si destituantur diuino illo contactu, quo ad veri Dei co-  
gnitionem astringimur, nullis argumentis a sua peruicacia abducentur. Hoc  
doctrinæ Theologorum videtur maximè consentaneum, nolunt enim absque  
coelesti dono fidei posse nos assentiri ijs omnibus quæ diuinitus credenda  
proponuntur, & absque auxilijs diuinæ gratiæ boni quicquam operari, nisi

quis



uis Pelagianus, aut Semipelagianus haberi velit. At si naturaliter Deum unum omnisium opificem agnosceremus, quoniam nihil magis est necessarium, quàm cognitum bonum amare, naturaliter quoque Deum amaremus, & medijs naturalibus felicitatem æternam consequeremur. CHAR. Theologi volunt tantum absque fidei & gratiæ diuinæ donis non posse cognosci Deum, aut bonum fieri ad meritum vitæ æternæ, non negant tamen quin sola natura duce aliquam de Deo notitiam habeamus, & morale aliquod bonum operemur, nam & cacodæmoni non negatur cessare aliquando, si velit, damno mortalibus inferendo, quod præferre videtur speciem boni.

RIST. Id quidem dicunt aliqui Theologi, quos pudet se cognosci & amari a suis canibus naturaliter, Deum verò ab hominibus non cognosci naturaliter atque amari, tamen ferè omnes volunt id totum haberi beneficio dei & gratiæ vnius, quam Christus nobis conciliauit, vt maior eius in nos beneficentia & liberalitas eluceat. Quamobrem asserunt solius fidei diuinæ instinctu nos credere, non aliam ob causam, quàm propter Dei ita credendi iubentis autoritatem, non autem propter rationes naturales a nobis cognititas, quas ipsi quidem volunt esse id quo mouemur aliquo modo, non tamen causam potissimam cur credamus.

CHAR. Quomodo igitur tam multæ gentes olim græcæ ac barbaræ absque fidei illustratione aliquos habuere, qui Deum vnum agnouerunt, atque etiam nunc vnum agnoscunt & volunt Turcæ, Tartari, Persæ, & alij plurimi religionis nostræ perduelles?

RIST. Si illi omnes habent Dei veri cognitionem, id fit ope solius diuini instinctus, non efficacitate vllius rationis naturalis: si verò, vt res est, hallucinantur, non agnoscunt Deum sed dæmonem aliquem sibi fabricant, cui potius vniuersi moderatio committatur, hoc vno reliquis sapientiores, quòd aristocratix monarchiam dæmonum ipsi præferunt: Quam porro nihil rationibus humanis conficiatur ad veri Dei cognitionem adipiscendam, vel ex eo pater, quòd Turcæ maximè qui illis vtuntur, omnium difficillimè ad Christianam religionem pelliciuntur: atqui oportebat vt huiusmodi rationes, si quid efficiunt, redderent intellectum aptiorem ad veritatem cognoscendam, ita vt Mahometani citius quàm olim Ethnici veri Dei cultum amplexerentur.

CHAR. Aliud est natura duce Deum vnum, aliud eius cultum profiteri, illud præstant Turcæ diuina fide destituti, hoc verò minimè id quod diuina fides est necessaria. Quod si Dei gratia quam semper paratam habent opitulante, rectè adhiberent cognitionem eam naturalem quam habent de Deo vno, neque ea abuterentur ad res turpissimas, consequerentur sine dubio aliam gratiam, qua veræ religionis participes euaderent. Sic enim habendum est de philosophis antiquis Heraclito, Socrate, Platone, Epicuræto, & alijs quos Patres non dubitant appellare Christianos, illa enim cognitione naturali sic vsi sunt Deo adminiculante, vt fidem in Christum implicitam fortasse obtinuerint, quod Paulus videtur indicare ad Gal. 3. cum ait fuisse concludos in eam fidem, quæ erat aliquando reuelanda. Augustinus hæc verba interpretans lib. 19. ea fide dicit inuolutos quemadmodum infantes fasciis. Ita Theologi communiter ad 2. 2. q. 2. interpretantur dictum Iustini apol. 1. Christum non minus Socrati, quàm Christia-



## 108 An Deus verus sola fide, an etiam ratione

nis ipsis fuisse cognitum, & apol. 2. omnes qui vixerunt iuxta rationem *μετα λόγον* verè Christianos esse censendos, quoniam in animo *λόγον* habebant. Clementis Alexandrini 1. Peristr. Græcos olim philosophiæ virtute fuisse iustos *ἐδικαίει ποτὲ ἡ φιλοσοφία τὰς Ἑλλήνας*, & lib. 7. legem & Prophetas ad salutem datam Hebræis, philosophiam ac philosophos Græcis. Chrysostomi hom. 38. in Matth. eos omnes qui Deum vnum coluerunt natura duce, & Christianæ legis ignari probè vixerunt, non minus quàm Christianos fore beatos. Hinc dicendum est Deum vnum cognoscei naturaliter ab Hæreticis, qui in errore educati, non vafri, & callidi vereratores, sed decepti potius probè viuunt, & si Diuæ Brigitiæ visis credimus, Deo miserante & gratiam vberiolem largiente salutem æternam consequuntur. Propterea eos alloquens Augustinus epist. 161. ait se non appellare Hæreticos qui errorem acceptum a parentibus syncera mente defenderent. Contra verò de Hæresiarchis fraudulentis intelligendum est illud Tertulliani lib. de proscript. Si Hæretici sunt, Christiani esse non possunt, cùm exierunt a nobis, deserunt esse de nobis. Neque verò dicendum puto a Turcis, & Tartaris alium coli, quàm verum Deum, nam cùm ille sit vnus, cultus omnis qui ab ijs summo numini exhibetur ad eum pertinet non ad dæmonem, vt quem olim Deo celi exhibebant Cyrus, Darius, Nabuchodonosor, Assuerus, eum enim tanquam sibi redditum accipit Deus, vt legimus in sacris literis. **A R I S T.** Si nihil aliud intendis quàm naturali ratiocinatione posse aliquem sibi persuadere dari vnum primum motorem opificem ac moderatorem vniuersi, vltro conceditur: Quid enim est quod in animum hominis induci non possit, maximè vbi rationes sunt plausibiles, & populares: Quod verò hîc quarimus est an sint aliqua tantæ efficacitatis argumenta a motu vel aliunde petita, quibus absque fidei diuinæ impulsu antiqui illi conuinci possint ad Deum vnum qualem nos profitemur agnoscendum. Defendo enim hîc deficere rationem humanam, ita vt ad diuinum contactum Academicorum recurrendum sit, sine quo ea cognitio nullam firmitudinem ac stabilitatem habere potest. Hanc vnâ causam esse arbitror cur philosophi naturales, & illi hodie qui licet inter infideles recensentur, colunt tamen supremum numen, & piè viuunt, Christianis Patrum iudicio annumerantur. Hinc maius pretium exsurgit, & gloria magnificentior diuini instinctus sine quo nostra de Deo cognitio nullam obtinet firmitatem, quibuscunque tandem argumentis naturalibus innitatur. Contra verò de eius pretio ac gloria multum detrahunt, qui Deum & religionem tolli verentur, nisi ratione naturali eam demonstrent. Atqui his praesidijs non indiget diuina veritas, quæ neque contrariam habet veram philosophiam, neque ab ea opem efflagitat, multo minus indiget officiosis mendacijs quibus multo contendunt naturaliter probari posse Deum non tantum vnum, sed etiam trinum, mundi conditorem ex nihilo, & humanæ salutis instauratorem. Quamobrem in hac nostra inuestigatione nunc statui velim an ijs æsentatoribus putamus adhærendum, an Theologis & philosophis ingenuis qui suiponderibus rem expendunt, & cum Aristotele fatentur diuinorum cognitionem



ionem extra sensus esse, & supra captum humanæ mentis, neque eò pertinere demonstrationem, aut cum Platone de his a mortali natura nihil certi comprehendì, aut doceri nisi Deus adiuerit, ut habetur in Epinomide & Timæo, proinde mortalem debere probabilibus esse contentum, & in epist. ad Dionys. eos non minus quàm voraginem declinandos, qui de Deo ut re tractabili, atque aspectabili exactissimas & probatissimas exigunt demonstrationes. CHARR. Absit ut veritati putemus arcessendum patrocini-um a mendacio, quo utens vir perditus in Græcorum Anthologia, hoc emplastrum malorum vocat honoris causa, eoque nequitia ac ignorantia li-tere putat *ἐμπάττεισθαι*. Hæc olim fuit doctrina quorundam in The-opaide Monachorum veteratoria calliditatis, qui non iniuriosè Sigma ap-pellabantur, propterea quòd instar litteræ Σ. cum viderentur rectà progre-ri, in aliam atque aliam partem dissimulanter flectebantur: Fuit & falsorum philosophorum in Reuiviscentibus Luciani, quorum fronti Veritas iubet nuri notam Simia, aut Vulpis accusante Parrhisiade. Turpe est, inquit, Se-æca, aliud loqui, aliud sentire, quanto turpius aliud scribere, aliud sentire. Quare euolutus ego & enudatus politica dissimulationis integumentis ra-ones sine fuce & fallacijs in medium profundam hodierna concertatione ad probandum solo naturæ lumine posse cognosci vnum primum motorem opificem ac moderatorem vniuersi. Atque ut singula separatim considera-æ vendibiles quidem, sed minus efficaces videantur, si tamen congloben-ur, contendo earum coaceruatione colligi argumentum quod apud intelle-ctum ad pietatem rectè dispositum sit demonstratio. Sed ante congressum scire expeto quos philosophos mihi proponis reuincendos. ARIST. Ana-ximandrum, Xenophanem, Democritum, Epicurum, Varronem, Plinium, & alios qui dicunt vniuersum ipsum esse Deum vnum continuatione, infinitum extensione, immobile secundum totum, mobile secundum partes, incorru-ptum & necessarium utroque modo, intelligens eminenti quadam, & a no-stra cognitione longè diuersa. CHARR. Mallem opponeres Diagoram Milesum, Theodorum Cyreneum, & Euemerum Tegeatam, & alios ino-minatos, qui apertè negabant Deum esse, quàm eruditos illos artifices simu-lationis Democritum, & Epicurum, qui ut ait Tullius verbo tenus relin-quunt Deum, re tamen auferunt, M. Varronem Romanorum sapientiam cognominatum, quem Tertullianus lib. 4. Apolog. ex eius scriptis quæ nunc exciderunt subtilem Atheum esse demonstrat, Plinium qui licet initio se-cundi libri exclamet mundum videri Deum, alijs nullum esse Deorum re-spectum, alijs pudendum, dicitur tamen piè vixisse. Nihil perniciosius est eo genere hominum qui dum aliud agnoscunt atque dicunt, & faciunt con-tra ac sentiunt, fucum allinunt veritati. Nolo hic cum ipsis ementiri quas-dam interpretationes ut dicta tantorum virorum ad veritatem detorquea-mus, quasi dum aiunt vniuersum esse Deum intellexerint illud τὸ πᾶν inscriptum in fano Minervæ apud Ægyptios, ibi enim legebatur teste Plu-tarcho de Iside & Osiride *ἐγὼ εἶμι πᾶν τὸ γεγονὸς καὶ ὄν καὶ ἐσόμενον*. Qualem se esse Moyse dixerat Deus Pan ille magnus, quem postea mortuum ad



## 110 An Deus verus sola fide, an etiam ratione

ad generis humani salutem voces luctuosæ, iuxta Palodes insulas annunti-  
runt. Neque verò cadere videretur in philosophum naturalem non modo  
ut ore, sed etiam ut cum Impiis corde dicat eum non esse qui solus est, iux-  
sapientissimum illud EI. inscriptum foribus Delphici Apollinis, quasi dic-  
remus Deo, Tu es, nos verò non sumus: nam ut ait Heraclitus apud Pluta-  
chum ignis mors ortus est aeris, & aeris mors est ortus aquæ, sic de infanti  
pueritia, & iuuentute habendum est, ita ut propriè nihil sit præter Deum.  
At quid aliud est dicere vniuersum esse Deum, ut illi volunt, quam dari qu-  
dam mundos infinitos, substantias innumerabiles diuerso viuendi gene-  
præditas, plantas, animantes, homines, Heroes, Genios, Lemures, dæmo-  
nes, & alia quæ cogitatione informare non possumus, omnia inter se apta  
harmonia necessaria coagmentata, sed nullum præter hæc esse Deum, sit  
omnino non esse qui solus est. Usque adeo alienum est hoc a ratione natu-  
rali, ut tametsi nulla est deliratio quæ non reperiatur patrociniū apud philo-  
sophos Ægroti veteris meditantēs somnia, tamen eorum sit summa pauc-  
tas qui tam malè de Deo sentiunt & vniuerso. Ridiculè quidem Lucianus  
passim philosophos introducit Deum eiusque prouidentiam negantes: se  
hoc ex hominis impij genio profectum est, qui philosophis ascribit quod sen-  
tiebat, dum Iouem ipsum irridet fulmen in philosophos illos vibrantem, &  
fallente manu templum filiorum Pollucis, & Castoris concremantem.  
Nihil enim sapientes antiqui negabant, quàm Deos commentitios, im-  
pij tamen eo nomine audiebant ut Socrates & Anaxagoras, nec eis li-  
cebat rudi vulgo vnius Dei naturam declarare. Ita Stilpo Megarensis phi-  
losophus cum Crates quæreret an Dij precationibus, & diuinis hono-  
ribus gaudeant, noli me, inquit fatue in via de hisce rogare, sed solum a-  
seorsum. Hoc ipsum & Bionem interrogatum an sint Dij dixisse tradunt  
*Οὐκ ἀπ' ἐμῆ σκεδάσεις ὄχλον ταλιπεῖρει πρέσβυ* apud Laert.  
Sed Plato in Timæo sapientissimè, huius vniuersitatis, inquit, autorem ac pa-  
rentem inuenire operosum est, & ut inueneris in vulgus tamen dicere non  
possis. Propterea autem videbantur negare diuinitatem, quòd citra vulg-  
offensionem naturam eius exprimere non poterant, aut quòd certa definitio-  
ne comprehendere non posse significabant, ut de Simonide refert Tullius lib. 1.  
de nat. Deor. qui ab Hierone de ea re quæsitus, diem vnum postulauit, mo-  
biduum, postea triduum, ac tandem ingenuè fassus est quò magis quæreret  
eò se minus inuenire quid esset Deus. Hillel autem senior inter Hebræos  
magni nominis discipulo curiosius definitionem Dei expostulanti, si scirem  
inquit, o fili, tamen maximè cauere ut nunc quicquam de ea re dicerem ti-  
bi. Nos verò hîc non contendimus naturaliter haberi posse perfectam De-  
cognitionem, sed cognosci saltem Deum esse primum agens per intellectum  
& voluntatem, conditorem ac moderatorem vniuersi, quod qui negat, pa-  
rum abest quin ipsam quoque neget diuinitatem, ut potè nullo nobis lumine  
naturali conspicuam. A R I S T. Videamus igitur, ut hæc indagatio sit  
maximè circumspecta & eò tantum pertinens, ut quod controuertitur apud  
Theologos, & philosophos inuestigemus, an scilicet Deus ab vniuersitate  
distinctus naturaliter cognoscatur, non autem absolutè an detur Deus, hanc  
enim



nim quaestionem ut impiam rejicere debemus, & concludere cum M. Tullio de nat. Deor. malam & impiam esse consuetudinem contra Deum disputandi, siue animo id fiat, siue simulatè. At rei a nobis propositæ disquisitio, ummodo non fiat irreuerenter, sed modestè, ut monebat Iulius Cæsar in omnibus quæ ad Deum pertinebant, non videtur indigna philosopho, maxime si in mentem reuocemus Aristotelis dictum sapiens apud Senecam l. 7. q. nat. c. 30. nunquam verecundiores nos esse oportere, quam cum de Deo verba facimus. CHA R. Ut ostendam ex doctrina Aristotelis primum motorem separatim ab vniuerso demonstrari posse aliunde quam ex æternitate primi vnius motus, qui neque a Democrito, neque a nobis admittitur, uti possem affectionibus primi principij cum Platone 10. de rep. & Simplicio in Epict. c. 67. necnon Algazele & Auicenna, quod nimirum in ordinatis secundum essentiam non datur progressus in infinitum, ergo datur primum ens, quod propterea non debet esse ex alio pendens, sed simplex, immutabile, nullius egens, sine imperfectione, omnium perfectiones in se continens. Hinc cum Scoto metaphysicis utendo medijs videmur eleuari a multitudine ad vnum, ex composito ad simplex, ex contingente ad necessarium, ex dependente ad independens, ex eo quod est per participationem ad quod est per essentiam: nam hæ perfectiones vniuerso corporeo competere non possunt, quippe non vnum est corpus, sed plura, ex substantia & varijs accidentibus componitur, motui subijcitur, loco indiget. Necesse est ergo præter vniuersum corporeum dari huiusmodi primum motorem incorporeum. A R I S T. Ut quidem potes ijs affectionibus primi principij ostendendum eius ab vniuersis corporibus distinctionem, modò non merneris hanc esse petitionem principij, non enim illæ affectiones cognosci possunt, nisi posita motus vnius æternitate, ut obseruatum legitur in glossa apud Scotum, alioquin ad earum probationem male Aristoteles ab eo motu in physicis, quam metaphysicis auspicaretur. Neque audiendi sunt qui respondent non tantum ex æternitate primi motus, sed etiam ex motu generaliter, & confusè cognito posse nos eleuari naturaliter ad cognoscendas affectiones primi motoris, satis enim dictum est initio huius libri ex illo motu nihil aliud conuinci posse, quam dari corpora quæ sympathia & cooperatione naturæ moueantur, nec vberius declarandum est, quo sensu apud antiquos dici debeant vnum & plura, simplicia & composita, contingencia, necessaria, pendentia, & independentia, per participationem, & per essentiam, hæc enim in corporibus indiuiduis antiquorum, ex quibus per naturæ consensum omnia constitui volunt, planam & facilem habent intelligentiam. Quinetiam illud adiungi potest, & si concedatur Aristoteli primi vnius motus æternitas, non tamen satis efficienter concludi opus esse motum aliquo distincto a corporibus indiuiduis, ex ijs enim dicitur constare ceterum quod natura sua conueritur, quemadmodum recentiores quidam Peripatetici a propria forma moueri dicunt, nec ad id necessariam esse intelligentiam, atque ita ratio omnis deficeret Aristotelem: Verum quia hanc æternitatem non recipimus, nihil est quod in argumento ab ea deducto terat tempus.



## De rationibus ab effectis Deum distinguendis ab vniuerso.

C I R C V L V S X I X.

C H A R I L A V S. A R I S T Æ V S.



*De ordine  
vniuersi.*

**C**HAR. Vt nullus cauillationi supersit locus, expendamus rationes quæ deducuntur ex effectis primi motoris: ea reducuntur ad ordinem vniuersi, & summam vbique prouidentiam. Hinc præcipuè D. Thomas ostendit vnum principium rerum omnium esse Deum a concretionem corporea separatam, nec in ea re concedam vnquam tantum Doctorem hallucinari, maximè 3. contra Gentes c. 119. vbi Plato nem secutus ait ex instinctu naturæ esse orationem, & sacrificium. Ordinem imprimis vniuersi artificem suum prædit, ac manifestat si non ex nihilo creantem omnia, at saltem consilio admirabili & prouidentia disponentem & hoc satis est vt naturali instinctu assurgamus ad principium huius ordinis quod non modo esse debet supra omnia quæ ordinauit, sed etiam a materia abiunctum, alioqui non daretur ordo, inquit Aristoteles 12. Metaph. § 6. ordo enim vniuersi sequitur cognitionem vt dirigentem, quæ alterius esse non potest, quàm mentis a materia abiunctæ: Ita aiebat Anaxagoras mentem chaos separatam, vt ei ordinem tribueret: & ille quidem principio sui operis ita scripsit. Omnia simul erant, deinde accessit mens, eaque composuit propterea Νῶς cognominatus est ex Laert. lib. 2. Eadem ferè sententia fuit Stoicorum apud Senecam epist. 54. Dicunt, vt scis, Stoici nostri deum esse in rerum natura ex quibus omnia fiant, causam, & materiam. Mater iacet iners, res ad omnia parata, cessatura si nemo moueat: Causa autem id est ratio materiam format, & quocunque vult versat, ex illa varia opera producit. Et epist. 107. Hic est magnus animus qui se Deo tradidit, at contra ille pusillus ac degener qui oblectatur, & de ordine mundi male existimat & emendare mauult Deos, quàm se: At de Prouid. c. 1. Superuacaneum est inquit, in præsentia ostendere non sine aliquo custode tantum opus stare nec hunc siderum certum discursum fortuiti impetus esse, & quæ casus incitat sæpe turbari, & citò arietare, hanc inoffensam velocitatem procedere æternæ legis imperio. Mentem illam omnia ordinantem ostendit Thales apud Laert. Κάλιστον κόσμος, ποιητα γὰρ θεῶν. Thales Milesius inquit M. Tullius 1. de nat. aquam dixit initium rerum (puta materiam Deum autem esse eam mentem quæ ex aquis cuncta fingeret. Hæc mens celebratur ab Orpheo in Argonautis Καὶ μήτις τορῶτος γενέτωρ ἅπρωος πολυτέρπεις. Nec minus a Trismegisto in libro quem inscripsit



ἱερός λόγος. Ἀρχὴ γὰρ ὄντων ὁ θεός, καὶ ὁ νοῦς καὶ φύσις, καὶ ὕλη.  
 Sed exquisitius Plato lib. de Rep. Pictori, inquit, licebit & cœlum facere &  
 Deos, & terram, & mare, & homines, & bruta, & inanimata, Deo autem  
 hæc facere non erit possibile? O singularem inscitiam & imperitiam erga  
 Deum. Socrates, ut refert Xenophon lib. 1. de Socr. cum videret Aristodemum negligentem Deos, explicat illi rerum omnium fabricam, præcipuè ve-  
 rò hominis atque animalium, ut inde diuinitatis aliquam hauriret cognitio-  
 nem: Tum ille, non negligo Deos, sed maiores existimo quam ut cultu meo  
 indigeant: Imò, inquit Socrates, quantum maiores sunt, tantò magis puta  
 colendos tibi, & adorandos. Hanc hominis atque animalium structuram  
 & coagmentationem tam aptam, tamque suis omnibus numeris absolutam  
 considerans Galenus Genio planè Socratico exclamat eam ab alio esse non  
 posse quam a summo artifice potèntissimo simul ac sapientissimo: Quis verò  
 hic sit, inquit, pronuntiare non audeo, consilij inopia obmutescens. Vide-  
 runt sagacissimi illi naturæ indagatores hanc cum magni, tum parui mundi  
 harmoniam absque industria summi opificis intelligi non posse ne ab Epi-  
 cureis quidem ipsis, qui fortuito mundos fieri dicunt, ut mirum sit ea for-  
 tuitò cecidisse, quorum diuina planè constructio, ordo, & dispositio inasti-  
 mabilis, qua nihil potest excogitari præstantius arguit infinitam vim intel-  
 ligendi, & potentiam operandi, omnia quæ intelligit, libros verò Epicureo-  
 rum licet inordinatos & inconditos ab intellectu perspicaci & artifice ma-  
 nu prodijisse. Nemo quantumuis eloquens persuaferit Iliadem Homeri or-  
 tam ex temerario literarum coniectu, urbem descriptione ædificiorum ma-  
 gnificam ex ruina & prolapsione montium surrexisse, picturam eleganter  
 excussis tenere coloribus deformatam. Spongia quidem pigmentorum plea-  
 na in tabulam ab irato Protogene coniecta canis anhelantis spumam perfe-  
 cit: similis & Nealcem successus in spuma equi spongia impacta secutus.  
 Igitur, hoc de spuma Plinius, de equo vero aut cane picto neque Plinius,  
 eque alius sanæ mentis vnquam dixerit. Ideo Plutarchus agens de fortu-  
 na, hic vnus, inquit, narratur fortunæ effectus, τὸ ἐντεχνον τύχης μό-  
 νον ἔργον ἰσορεῖται. Quis ergo cœli stellarumque descriptionem, quas  
 Pisides vocat ὑφανώδη γράμματα, & quarum lectione Iosephus ait  
 Abrahamum cognouisse dari potentiam, quæ hæc omnia administraret:  
 quis totum vniuersum librum Antonij magni, Dei atque hominum ædifica-  
 tionem eximiam, picturarum omnium archetypum existimet concursu for-  
 tuito concreuisse? Præcipuè verò partium in plantis atque animalibus stu-  
 enda concinnitudo, in quarum minima fabricanda aptandaque intellectus  
 humani perspicacitas tota, quàm longa est, æternitate non sufficeret, quem  
 non cogat exclamare cum Galeno tam admirabilem fabricam absque sum-  
 mi artificis opera stare non posse? Nam ut ait Manilius lib. 1. Astron. Si  
 fors ista dedit nobis, fors ista gubernat, At cur dispositis vicibus consurgere  
 igna, Et velut imperio præscriptos reddere cursus Cernimus. Idem admi-  
 ns Claudianus lib. 1. in Ruf. Cum ordinem, inquit, vniuersi considerare,  
 nunc omnia rebar Imperio firmata Deum. Usque adeo naturale est homi-



ni supremum architectum ex operibus dignoscere. Augustinus se conuersum affirmat his psalmi 94. verbis *Ise fecit nos, & non ipsi nos*. Idem de se ipso testatur Hilarius auditis verbis 3. Exod. *Ego sum qui sum*. Vniuersum igitur Antonius magnus, & Prosper de vocat. Gent. c. 1. non immeritò librum dixerunt doctis pariter atque indoctis concessum a Deo, ut in paginis elementorum, & in voluminibus temporum communis & publica diuinæ institutionis doctrina legeretur, Pifides vocauit scholam ubi homo discit singulis in rebus creatoris sui legere nomen, Philo Iudæus magistrum a quo Dei cognitione informamur, Hugo a S. Victore scalam qua ad Deum ascendimus, Trismegistus, & Clemens Alexandrinus instrumentum musicum tot si libris artificis sui nomen resonans, quot res in eo variæ conspiciuntur, Basilus Echo & vocem clarissimam diuinitatis, Theophilus Antiochenus Dei velum, Paulus eiusdem speciem atque imaginem. Et hæc quidem dicta de magno mundo, paruo quoque possunt accommodari, cum Sybilla Erythrea apud Lactantium prædicet hominem sui exemplum auctoris esse, atque immortale diuinæ sapientiæ simulacrum, quod & Paulus ipse ex Arato desumens in Areopago pronunciauit. Propterea Mercurius ter maximus dicebat viam ad Deum per accommodam esse hominis contemplationem, in eo quippe Dei imaginem accuratius expressam intuemur. Ad quod demonstrandum perappositè Ephrem oculorum obtutum in meretriculam defigens, ut habetur in eius vita, percunctanti quid rei quæris in facie mea? Dei, inquit, imaginem quam penè fuco & vitijs obliterasti. Nec minus hominem appellare possumus Dei umbram, iuxta textum hebraicum faciamus hominem ad umbram & similitudinem nostram, quam umbræ appellationem omnibus a Deo creatis concedit Trismegistus in Pimandro, ut intelligamus non magis umbram absque corpore reperiri, quam magnum & paruum mundum absque Deo. Hac vna ratione clarissima viri sapientes ostendunt naturalem esse homini cognitionem primi motoris ab vniuersi corporibus separati, ut qui eam non intelligit, is nihil omnino intelligere videatur, & eorum numero ascribendus sit quos Tertullianus aduersus Valentinum c. 2. ait conuinci potuisse, sed non suaderi, aut quos Irenæus lib. 3. c. 2. vocat lubricos angues spiris inflexos, vndique captantes latebras & qui pressi fallerept vngues, manus eluderent. ARIST. Sint angues, sint viperæ, aut feræ philosophi illi de quibus forte Paulus in quiebat *ἐθνερομαχνοῦ* Ephesi pugnaui ad bestias, tamen quia non argumentis, sed diuino impulsu ad veritatem compelluntur, ex eo potius confirmatur non solum in quæstione a nobis proposita sed & in alijs quæ credimus, deficere rationes naturales. Hoc impulsu Paphnutius Episcopus teste Sozomeno l. 1. c. 11. philosophos in Concilio Nicæno congregatos compescuit, & petulantiores obiecta maiestate Christianorum mysteriorum ad fidem conuertit, vir adeo simplex ut Episcopus ipse oues pasceret. Eosdem philosophos ab homine laico simplici confutatos ait Socrates l. 1. c. 5. Id verò non ad rationem, sed ad instinctum quendam occultum referri debet, quemadmodum Polemon iuuenis extremi luxus ingressus scholam Xenocratis de continentia dicentis, inquit Horatius lib. 2. Sat. 3.



# Distinguentib. ab vniuerso. Circ. XIX. 115

*Dicitur e collo furtim carpsisse coronas,*

*Postquam est impræsi correptus voce magistri.*

**Fateor** rationem ab ordine vniuersi & a continua rerum generatione peritram illustrem habere aspectum, vt quis sibi persuadeat præter res corporeas dari summum vniuersi moderatorem, sed secluso diuino contactu Academicorum, contendo eam solam non habere efficacitatem ad ita stringendos Epicureos, vt veluti angues, quemadmodum dixilli, non elabantur. Dicat enim aliquis hunc rerum ordinem pulcherrimum non posse ab alio procedere quàm ab intellectu infinito, concedent ultro, modò ille intellectus sumatur latè, sitque vis quædam eminens rerum omnium ordinandi se quàm optimè fieri potest, quæ vis licet ab ipsis rebus non distincta propterea vocetur intellectus, quòd longè melius disponat omnia, quàm mens Anaxagoræ separata: Atque ideo digniorem nomine mentis aut intellectus dicent esse virtutem illam, quàm sit facultas ratiocinandi quæ format in se rerum imagines, in quibus fabricandis, exercendisque sæpenumero hallucinatur. Simplices autem illas Intelligentias Aristotelis & mentem ipsam Anaxagoræ aut ad eandem suam virtutem reuocabunt, aut tanquam mera commenta reijcient, neque admittent alio modo fieri posse intellectiõem mentis humanæ atque diuinæ, quàm per species corporeas hoc & illud repræsentantes, imò nihil aliud esse quàm vim multiplicem imaginandi, quæ cum sit finita infinitum vniuersum ab ea non potest ordinari: at verò res ipsæ æternæ, & infinitæ propria se virtute accommodant, atque disponunt: neque ad hoc opus habent mente distincta: nam vel illa esset necessaria ad res ipsas ex nihilo creandas, quod neque Anaxagoras, neque vllus antiquorum admiserit, vel ad ordinandas, quod superuacaneum esse defendent. Præterquam quòd versatur eadem difficultas circa hanc mentem, vnde scilicet eius infinitæ perfectiones ordinem habent. Si dicat esse simplicem Intelligentiam cuius perfectiones sola ratione distinguantur, cæterum nemine cogitante idem esse illius nolle & velle, amare, & odisse, idem esse potentiam ac sapientiam, iustitiam & misericordiam, & cætera quæ menti illi attribuuntur, rideret profectò Democritus idem videri simplex & compositum: quod etiam Scotum vsque adeo transuersum egit in 1. dist. 2. & 8. vt docuerit Dei perfectiones nemine cogitante distinctas esse: Iam si quæratur in sententia Scoti causa ordinis quem habent illæ perfectiones, dicaturque causam non esse quærendam extra ipsas, idem referri poterit de singulis partibus vniuersi. Dicat alius nunc cum Aristotele moueri ab alio quicquid mouetur, non posse idem esse totum mobile, & totum seipsum mouens, ne simul actu sit & potentia. Scotus 9. Metaph. q. 14. falsum hoc principium putauit in elementis, alij in cœlo, alij in angelis vt supra dixi. Maxime verò fauet antiquis opinio Durandi in 2. dist. 1. q. 5. & aliorum Theologorum apud Albertum existimantium Deum per se proximè nõ concurrere ad actiones agentium creatorum, sed tantum quatenus vim ijs agendi præbuit, quod vbi præstitit, finite eas seipsis operari: Nam si ponamus cum Anaxagora ex nihilo nihil oriri, rerum virtutem esse æternam & nullo adminiculante conseruari, nihil erit opus mente illa Anaxagoræ, seipsis enim omnia non minus quàm in ten-



sentia Durandi operabuntur. Id iam vidimus obseruatum ab Epicuro apud  
 Cicer. lib. 1. de nat. Deor. affirmante natura effectum esse mundum, nihil  
 opus fuisse fabrica, eamque rem ei esse tam facilem, quam vos negatis effici  
 sine diuina posse solertia, vt innumerabiles natura mundos effectura sit, ef-  
 ficiat, effecerit: quod quia quemadmodum natura efficere sine aliqua mente  
 possit, non videtis vt Tragici Poetae, inquit, cum explicare argumenti exi-  
 tum non potestis, confugitis ad Deum. Sublata igitur rerum omnium ex  
 nihilo creatione non videtur ostendi posse quæ sit necessitas separatae mentis  
 in vniuerso. Firmamentum autem nullum petendum contra philosophos  
 ab autoritate philosophorum, cum non satis constet quid intellexerint no-  
 mine mentis, alij verò alios reprehendant & insectentur. Plutarchus de  
 placitis c. 7. Quod Plato, inquit, dicat Deum seipso vsum exemplari condi-  
 disse mundum & ordinasse, redolet nugas priscae antiquitatis. Seneca, vt vi-  
 dimus Deum & naturam non distinguit, Epicuri sententias epistolis omni-  
 bus inserit, vnde epist. 26. ait Lucilio Scis cuius arca vtar, & si rectè intelli-  
 gatur eiusdem est cum Epicureis opinionis. Ferè autem cæteri philosophi,  
 si excipias Anaxagoram, non declarant an Deus scit a rerum omnium natu-  
 ra separatus. Afferri solet in hanc sententiam consensus gentium dari gu-  
 bernatricem vniuersi diuinitatem. Seneca epist. 117. Multum dare solemus  
 præsumptioni omnium hominum: Apud nos veritatis argumentum est ali-  
 quid omnibus videri, tanquam Deos esse inter alia sic colligimus, quod om-  
 nibus de Dijs opinio insita est, nec vlla gens vsquam est adeo extra leges,  
 moresque proiecta, vt non aliquos Deos credat. Et lib. 4. de ben. c. 4. Nec  
 in hunc furorem omnes mortales consensissent alloquendi furda numina &  
 inefficaces Deos, nisi nossent illorum beneficia nunc vltro oblata, nunc oran-  
 tibus data, magna tempestiua, ingentes minas interuentu suo soluentia.  
 Idem est primum & ferè vnicum Ciceronis argumentum lib. 1. de nat. Deor.  
 Quæ est, inquit, gens, aut quod genus hominum, quod non habeat sine co-  
 ãtrina anticipationem quandam Deorum. De quo autem omnium natura  
 consentit, id verum esse necesse est. Et lib. 2. Etenim videmus cæteras opi-  
 niones fictas, atque vanas diuturnitate extrahuisse: opinionum enim com-  
 menta delet dies, natura iudicia confirmat. Hanc præsumptionem omnium  
 hominum, hanc Deorum anticipationem recipiebat Epicurus, quem pro-  
 pterea Tullius ait verè fateri Deos esse. Idem apud Plutar. de plac. tribuit  
 omnibus Dijs formam humanam, sed quæ ob partium tenuitatem cerni non  
 possit. Cum igitur mundos innumerabiles admitteret, Deorum nomine in-  
 telligebat alia viuientia corporata hominibus præstantiora, atque aui lon-  
 gioris, iuxta Hesiodum, licet finiti, & quorum cultus non pertineret ad nos,  
 nisi quatenus hæc opinio, inquit Tullius, affert religionem vtilem ciuitati-  
 bus: Quare diceret hinc colligi tantum Deos huiusmodi qui sint vniuersi  
 partes esse admittendos. Sed quam parum sit efficax argumentum petitur  
 a iudicio multitudinis fatetur ipse lib. 2. de diuinat. Quasi verò quicquam  
 sit tam valde quam nihil sapere, vulgare, aut quasi tibi in iudicando placeat  
 multitudo. Et lib. 2. Tusc. qq. Est enim philosophia paucis contenta iudici-  
 bus, multitudinem consultò ipsa fugiens, eique ipsi & suspecta & inuisa.

Osten-



Ostendit multis in locis non esse temeritatem contradicere multitudini : nam & si omnes aliquid sentire videantur & loqui palam , nunquam tamen desunt sapientes qui secus autumant , pacis tamen & concordie causa silendo cum Platone ἐσιᾶσαι τὰ ῥήματα. Quorum alij hac vulgi opinione ad diuitias & honores euecti , cum nihil melius aut certius videant nolunt , stultè multitudinem dedocere , sed potius sibi dicendum putant , Quandoquidem populus iste vult decipi , decipiat. Alij vulgus , vt verè est , indignum putant doctrinæ reconditionis , propterea Numa libros suos terra defodit. Alij poenarum formidine retinentur , quemadmodum habetur 1. de natur. Deor. Ex quo quidem existimo tardiores ad hanc sententiam profitendam multos esse factos , quippe cum poenam ne dubitatio quidem effugere potuisset : Ita Protagoras Sophistes cum in principio libri sui sic poluisset , De Dijs neque vt sint neque vt non sint habeo dicere , Atheniensium iussu vrbe atque agro est ex terminatus , librique eius in concione combusti . Si autem illi omnes qui aliud ac vulgus sentiunt scriptis consignatam suam opinionem reliquissent , iam contradicere vulgo non diceretur temeritas : at parum hic differt sentire & scribere , proinde argumentum a communi illo consensu petatum contra Epicureos parum concludit . Nec valde vrget ratio vnde consensus iste petitur , quod scilicet vniuersum sine procreatore separato non magis esse possit , quàm liber , pictura , aut domus absque artifice : ad hæc enim coagmentanda si naturalem haberent inclinationem characteres , pigmenta , lapides , tam necessariò ea conficerent , quàm primæ substantiæ diuersos mundos . Sed quod caput est negabunt hanc esse rationem cur omnes habeant anticipationem quandam diuinitatis . Stultorum non est , quorum maxima fuit semper multitudo ex harmonia vniuersi ad rerum omnium moderatorem eleuari , quod neque sapientes absque diuino contactu præstare possunt . Verùm stolidi multitudo quæ solo naturæ impulsu habet aliquam Deorum præsumptionem , id potius animi perturbatione , quàm ratione constanti sibi persuadet . Neque intelligi potest cur olim omnes ferè populi in plurium Deorum cultum , quàm in vnius religionem consenserunt , nisi quia ista cognitio ratione naturali non acquiritur , sed naturæ domino accepta referri solet . Maximè verò timor vehemens conceptus ex occursum rerum terribium , quarum naturalem causam ignorat , bonorum & malorum Geniorum erè omnibus iniicit opinionem . Multi Indiæ populi varijs morbis & calamitatibus oppressi cum eorum causam arbitrentur esse malos Genios , eos olos precibus & sacrificijs venerantur .

*Tunc nigri Lemures , cuq. pericula rupto*

*Incussere Deos instantes corpora , --- inquit Persius Sat. 5. & alibi,*

*Hic auia & metuens Diuûm mater tera cunis*

*Exemit puerum , ----*

*vt de Dijs commentitijs verè*

ictum videatur a Capaneo 3. Theb. Primus in orbe Deos fecit timor , qui ὕψος a Græcis dicitur , & Deus θεός . Humanus ille timor quem infantes um lacte fugunt , si diuino afflatu destituatur , occupat animorum imbecillitatem , & ad stultas pudendasque religiones impellit . Fulgetras popylimis  
ado-



adorare consensus gentium est inquit Plinius lib. 28. c. 2. Thulci vt refert Seneca lib. 2. qq. nat. c. 32. existimabant nubes collidi vt fulmina emitterentur quasi quia significatura sunt, fiant. & eodem autore in fragmentis de ciuit. Dei lib. 6. c. 10. Tullus Hostilius pauorem, atque pallorem Deos fecit. Pythagoras hoc metu abutens ad publicam vtilitatem, teste Æliano lib. 4. terræ motus nullam aliam causam esse dicebat, quàm conuentum mortuorum, & lib. 12. ait Romanos sub Pallantio colle Febri templum & aram ædificasse. Tertullianus apol. c. 48. loca ignem eructantia dicebat esse portas inferni per quas animæ inferrentur. Idem habendum est de Rubigine, de Furijs, de Orco & alijs quæ trepidatio hausta cum lacte nutricis & rerum ignorantia naturales effectus non agnoscit. Mirabilius quod timor panicus etiam Christianorum animos incessens adementientes & superstitiosas deducit opiniones, nisi diuini contactus, vt piè credendum est, interuentu res in melius conuertatur. Apud Lactantium de ira Dei c. 23. Cùm iam mons Vesuius incendio duas vrbes ex improviso absumpsisset, & vt ait Dio in Tito incendio coelitus immisso templum Iouis Capitolini tribus diebus totidemque noctibus, aliaque plura delubra consumpta fuissent, gentes innumerae tot malis perterritæ se Christianis aggregarunt. Sic vt ait Chrysostomus hom. 46. in acta, & Aug. de excidio vrb. c. 6. publicata cuiusdam vaticinatione Ionæ non absimili delendam esse funditus Constantinopolim, cùm nubecula ignea paulatim supra urbem ascendisset, & mox longè latèque diffunderetur, omnes metu exanimati ad templa confugerunt vt sacris aquis initiarentur, Arcadius Imperator cum ciuibz vrbe migravit ad aliquot milliaria, donec nube euanescente recollegerunt animum, & missis in urbem speculatoribus, tandem certi rem saluam esse, redierunt. Sub Iustiniano verò Imperatore cùm dies iudicij vltimus instare diceretur, omnes consternati vacare caperunt pijs operibus, mox posito metu reuersi sunt ad ingenium. Mos enim fuit primorum Christianorum vt orta graui aliqua calamitate mundi finem clamarent, & de regno Christi mille annorum perpetuò loquerentur, quos propterea Gentiles varijs supplicijs afficiebant, eosque defectionem parare existimantes, iurare cogebant in Genium Imperatoris, aitque Tertullianus apolog. c. 2. 35. & 40. habitos esse omnium scelerum reos Deorum, Imperatorum, legum, morum, naturæ totius inimicos, publicos hostes, omnis cladis, omnis popularis incommodi causam, adeo vt si Tiberis ascenderet, si Nilus non ascenderet, si arua, si coelum staret, si terra moueret, si fames, si lues, statim Christiani peterentur, damnarenturque ad leonem & alia supplicia. Hi sunt effectus superstitiosi timoris miserabiles, ex quibus videre licet ad quas opiniones, sublata motione diuina, metus naturalis nos impellit. Libet iterum exclamare cum Virgilio

*Felix qui potuit rerum cognoscere causas*

*Atque metus omnes, & inexorabile fatum*

*Subiecit pedibus, strepitumque Acherontis auari.*

Felix profectò, quippe non minoris est animi atque constantiæ omnem huiusmodi metum conculcare, quàm patriæ religioni constantissimè adharere: vtrunque cadere non potest nisi in mentem fortissimam. Atque vt timor non



semper illam superstitionem ingeneret, alia perturbatio id molietur. Sua cuique Deus fit dira cupido. Subibat antiquos Solis, Lunæ, ignis, terræ, ferri, & aliorum admiratio, hæc omnia statim adorabantur. Antequam ars quicquam fingeret, inquit Clemens Alexandrinus ad Gent. Scythæ adorabant acinacem, Arabes lapidem, Persæ fluuium, alij antiquiores columnas. Olim Romæ statua Martis erat hasta, vt ait Varro. Apud Iustinum verò lib. 43. Veteres nihil aliud quàm arma spirantes pro Dijs hastas coluere, vnde adhuc Deorum simulacris adduntur, & Reges tempore Romuli pro diademate hastas habebant. Mendefij quibus caprarum studium cordi erat, colebant Pana hircina facie, caprinis pedibus. Alijs arridebat cœpa & porrum, O sanctas gentes quibus hæc nascuntur in hortis Numina. Quidam Indiæ populi amaracum herbam odoratam pro numine venerantur. Barbaris circa paludem Mœotidem Petrus Venerabilis Abbas Cluniacensis ait suo tempore non perpetuos & annuos, sed diarios & horarios Deos habitos esse, maximè verò quod cuique surgenti obuium erat, Deum fuisse, vt etiam si laterna primum occurreret, Deus Laternarius, si sterco, Deus Stercutius coleretur. De his Seneca in fragmentis libri de superst. apud Aug. lib. 6. de ciuit. c. 10. Habitus illis hominum, ferarumque & piscium, quidam verò multos e diuersis corporibus induunt: numina vocant, quæ si accepto spiritu subito occurrerent, monstra haberentur. Nemo fuerit dubitaturus furere eos si cum paucioribus fuissent, nunc sanitatis patrociniū est insanientium turba. Et Cicero lib. 5. Tusc. qq. Ægyptiorum morem quis ignorat, quorum imbutæ mentes prauitatis erroribus quamuis carnificinam prius subierint, quàm aut Ibin, aut aspidem, aut fœlem, aut carem, aut crocodilum violent, quorum & si imprudentes quicquam fecerint, pœnam nullam recusent. Eos Lucianus de Sacrificijs ait non indigere aliquo qui reprehendat, sed Heraclito qui fleat & Democrito qui rideat. Sapientius Seneca de tranquill. c. 15. satius esse putat publicos mores, & humana vitia placidè accipere, nec in ritum, nec in lacrymas excidere: Nam alienis malis torqueri æterna miseria est, alienis delectari malis voluptas inhumana. Denique, nisi quid aliud afferatur, Epicurei a sua sententia non recedent. Non enim solum negabunt ex ordine vniuersi vnum inferri moderatorem a rebus corporatis separatim, sed defendent huius ordinis considerationem ad paucos sapientes pertinere, proinde anticipationem illam diuinitatis quam omnes habent, oriri potius a perturbatione aliqua naturali, qua miseri mortales (nisi diuina vt credimus aspiratione dirigantur) non tendunt ad vnum mundi artificem, sed ad Omnigenūque Deū monstra, scrofaeque diuinitatis conmentitiam, vt loquitur Tertullianus, & veluti nauigia ventorum impulsu ac procellarum turbinibus agitata mille superstitionum scopulis affliguntur.



## De Prouidentia Diuina.

C I R C V L V S X X.

C H A R I L A V S . A R I S T Æ V S .



**C**HAR. Quamquam viris sapientibus sufficere videtur hæc prima ratio, tamen volo nunc experire an altera, quæ petitur a diuina prouidentia, silentium imponere possit Epicureis. Missis autem infinitis eius effectis satis sit de duobus, quæ ad nos magis attinent pauca breuiter delibare: vnum de hominibus bonis & malis, alterum de eorum religione. Negari non potest quod bonos præmijs, & malos poenis afficere; non sit supremi vnius moderatoris a corporibus vniuersis abiuncti, intelligentis, liberi, omnipotentis: Sicut ergo de beneficijs diuinis ac poenis certi sunt omnes, ita dubitandum non est de summo rerum omnium gubernatore. Quam in sententiam nunquam satis laudari potest libellus secundus Iusti Lipsij de constantia atque opus eloquentissimi Caussinij de pietate fortunata, & politico infelici, cuius exempla statuit in Herode, & Theodosio. **A R I S T.** Eloquentiæ pigmentis nunquam dabunt manus Epicurei, sed rationibus philosophicis. Nolo nunc vt replicemus, de quæ iam satis supra disputatum est, quod cum ipsi omnia inexpugnabili necessitate fieri putent, dicunt beneficentiam & poenam diuinam non magis ac homines pertinere, quàm ad equos: cum enim inquiunt, felicitas animalium in eo posita sit vniuersè, vt secundum suam quæque naturam viuant, inter homines leges conduntur de poenis & beneficijs, vt si non omnes, saltem plurimi necessariò intra rationis humanæ cancellos contineantur, quo alioquin effrenato cupiditatum impetu conuellerent. In cæteris animantibus ad terrorem similiter & amorem, poenæ ac beneficentiæ obseruatu quædam similitudo, proinde volunt poenam propriè dictam, & beneficium ab animalis affectione proficisci. Atque omnia hæc licet summa necessitate fieri putant, credibile est tamen Dei prouidentiam non negaturos si eiu in bonos perpetuum beneficium, & in malos poena constaret. **C H A R.** An non maximum & perpetuum Dei beneficium in virum bonum virtus est qua Deo redditur similis, inquit Seneca, ac proinde beatus? Tunc beatus esse se iudica cum tibi ex te gaudium omne nascetur: & Augustinus, Hoc est bonum quod non potes inuitus amittere, quodque sapiens pulcherrimè iug conuiuium appellauit. An non etiam perpetua illa improbi poena censeri debet,

*Nocte dieque suum gestare in pectore testem,*

*inquit Poeta.*

*Euasisse putas quos diri conscia facti*

*Mens habet attonitos, & surdo verbere cadis*

*Occultum quantente animo tortore flagellum?*

**A R I S T.**



ARIST. Epicurus qui beatitatem ponit in voluptate, non illa quæ ex luxu, sed quæ ex virtute percipitur, non putat virtutem esse Dei beneficium, sed viri boni propriam actionem. Huius interpretes Tullius 3. de nat. Deor. audiendus est. Hoc quidem, inquit, omnes mortales sic habent, externas commoditates, vineta, segetes, oliueta, vbertatem frugum, & fructuum, omnem denique commoditatem, prosperitatemque vitæ a Dijs se habere, virtutem autem nemo acceptam vnquam Deo retulit: nimirum rectè, propter virtutem enim iure laudamur, & in virtute rectè gloriamur, quod non contingeret si id donum a Deo, non a nobis haberemus. Nunquid quèd bonus vireffet gratias Dijs egit vnquam? Hæc Epicureorum fuit opinio de virtute, & vitio: quare si quis inde diuina beneficia & pœnas inferre velit, dicente esse principij petitionem: nam cuius est virtus, inquit, eiusdem est virtutis accessio voluptas, animi quies, & quod omnia ferè comprehendit, forte sua esse contentum, id verò a nobis & in nobis totum habetur. Ad diuinam autem prouidentiam demonstrandam, ea quæ sita non sunt in potestate nostra produci debent, nimirum viro bono semper accedere beneficia anitatis, honoris, amicorum, commoditatum, & opportunitatum omnium, improbis verò contrarium accidere, quod non videmus: proinde eos conuincere non possumus virtutem & animi bona quæ eâ consequuntur, esse a Deo. CHAR. Nō miror si qui rerum omnium negant gubernatorem, negent etiam virtutem ab eo deriuari, cui tamen philosophiam ipsam Seneca sectator Epicuri studiosissimus acceptam refert, dum ait epist. 90. plus deberetur philosophiæ quàm Deo, quanto maius est beneficium bona vita, quàm vita, propterea deberetur, nisi ipsam Dijs philosophiam tribuissent. Quoniam verò quæcunque sumpsimus principia, statim illi nituntur extorquere e manibus, nolo hîc temere principium aliud in medium afferre, vbi maximè omnium exclamatur, nimirum prouidentiam diuinam extendi etiam ad quasunque pœnas externas & beneficia, nisi prius modum illum adhibuerò, quòd si non semper bonis & malis ita cedat, recurrendum sit ad occulta Dei iudicia, ut ait Augustinus, occulta quidem sunt, sed non iniusta. ARIST. Atque ita rationes omnes occultæ erunt, nec quicquam erit amplius quod vltro citroque referri possit. CHAR. Non est hoc superstitionis & ignorantia diuerticulum, vt multi putant, sed humanæ sapientia terminus, & propugnaculum tutissimum. Intolerabilis est arrogantia, & dementissima temeritatis ad improbum examen iudicij humani reuocare diuinam prouidentiam, & eam emendare velle potius, quàm seipsum, atque eò insaniam decurrere, vt stupor mentis humanæ a leioribus consilijs, quàm quibus ordinatus est mundus, vti velit. Dementia planè similis illi qua Rex quidam Aragonum iactabat fore vt si affedisset Deo creanti mundum, suis consilijs omnia longè melius successissent. Velint nolint Epicurei, oportet fateantur uamplurima eorum, quæ ante pedes versantur nobis, esse occulta, quanto magis diuina consilia & recessus imperscrutabiles prouidentia qua vniuersum gubernatur? ARIST. Quoniam igitur occultorum nulla potest afferri ratio, satis erit præcipua ex ijs in medium proferre, & qua par est reuerentia venerari. Dementis quidem esset, vt ais, cum Deus sit arguere quòd

*De occultis  
Dei indicij.*



ita se gerat, sapientis tamen est inuestigare an ex eo quòd ita se gerat, fieri possit ut ad eius cognitionem naturaliter perueniamus. Primum illud occurrit, si Deus liber est atque omnipotens, ut verè creditur, cur noluerit clariora prouidentiae suae signa in rebus humanis elucere, & omnem de ea dubitandi occasionem remouere, Ita enim impiorum contumeliae in coelum non audirentur, ut apud Martialem lib. 4.

*Nullos esse Deos, inane coelum*

*Affirmat Silius probatque quod se*

*Factum, dum negat hæc, videt beatum;*

Apud Claudianum:

*Sape mihi dubiam traxit sententia mentem*

*Curarem superi terras, an nullus inesset*

*Rektor & incerto fluerent mortalia casu:*

neque viri graues, & sapientes, sed fidei lumine destituti de prouidentia diuina conquererentur: quod Pompeio post cladem Pharsalicam accidisse & ea de re cum Cratippo Philosopho vehementer disputasse narrat Plutarchus in eius vita. Sed neque viri sanctimonia & religione conspicui eandem prouidentiam pene in dubium reuocarent, quorum maximè pius impiorum prosperitatem admirans, Pene, inquit, moti sunt pedes mei. Eadem quæmonia legitur Ieremiæ 12. Quare via impiorum prospera est? Abac. 1. Taces oppugante impio iustiorum se. Et 4. Elidræ 3. Pepercisti impiè agentibus, & perdidisti populum tuum, & conseruasti inimicos tuos. nunquid meliora facit Babylon, quàm Sion? cui Vriel c. 4. quasi hic omnis humanaratio deficiat, non respondet Iudæos fuisse magis poenæ obnoxios ob beneficia, ceteras verò gentes maclari in alia vita, sed ait Dei vias esse impersectabiles. Hoc Iudæis sufficere debebat amissis arca, templo, & libertate, debet & Christianis a Turco oppressis amisso cum sanctis omnibus locis etià sepulcro Dei sui. Alterum quod ad occulta Dei iudicia reuocatur implacatos animos stupore vehementi. Cur Deus infinitè bonus & potens tam culpæ quàm poenæ malum permiserit: culpæ quidem cum ex infinito numero rerum possibilium præuiderit quæ bonæ vel malæ nulla vi, sed sponte sua futurae essent, plures tamen malas quarum scelera prænouerat, quàm bonas creauit: Deinde cum ea scelera posset, nullam vim afferendo libertati, gratiarum donis efficacibus impedire, non impedit, sed largitur gratias, quas prouidet fore non efficaces. Efficaces certè meruit, easque potuit a patre postulare Christus, qui ad salutem omnium venit, cur non postulauit, cur tam grauius adhuc peccant homines, & poenas luunt criminum quæ prohiberi videtur melius? Si verò ea non prohibet cum possit, cur adeo ijs offenditū nec ut Diogenes dicere potest, isti me volunt offendere, sed ego propterea non offendor? & cur ea peccata non dimittit per actum amoris, aut attritionis, ut aiunt, naturalem homini in puris naturalibus existenti? Id enim omnino fieri potuisse nulla infusa gratia docet Suárez de poenit. q. 86. disp. sect. 3. immo ut ait sect. 4. peccatum remitti poterat a Deo sine mutatione physica peccatoris, iuxta Gabriel Ocham, Medin. Scot. Bonauent. Quicum Deus sine gratiæ habitu id possit per solum actum, poterit etià sine

actus

De malo  
culpa.



est; nam dormienti peccatori potest Deus gratiæ habitum infundere, & rursus auferre, atque ita ille remaneret sine peccato, & gratia, ergo ille status est possibilis. Scotus verò addit in peccato solum esse ordinari a Deo ad poenam ratione peccati præteriti. Quod indicari videtur Leuit. c. 5. vbi qui ignorantia delinquit oblato sacrificio veniam obtinet. Vnde Deus potuit ab æterno habere hanc voluntatem, ordinaberis ad poenam ob illam actionem, nisi respueris, aut alius pro te orauerit, neque alia mutatio quærenda est, & sicut hanc poenam Deus potuit leuissimam statuere, atque omnino condonare, cur ab æterno noluit homini velle remittere grauissima peccata absque infusione gratiæ concessæ Christi meritis, quibus sciebat fore, vt tam multi ad sui damnationem abuterentur, remittere inquam per solam poenæ condonationem, vt nunc Corduba leuiora peccata remitti censet? Iam de malo poenæ non minus occulta sunt Dei iudicia, quare tanta bonitas non fuit contenta leuissimis poenis, sed primum in hac vita intolerabili dolore ludi ac frangi saepe permittit homines & secundum obitum cadere in cruciatus sempiternos, vt si homini creando proponi posset an vellet in lucem nasci, renueret omnino, neque tantum spe gloriæ cœlestis aliceretur, quantum reformidaret supplicium horribile, malletque nihil esse, quam vitam ingredi tanto periculo circumfessam? Cur ad remittendam poenam statuit hanc vitam, & in alia nunquam accipit preces, quibus æquè non oueri poterat, si voluisset? Quid verò Adam poena qua scelera parentum liberorum malis vindicantur, & quam iudicii diuini ignarus Bio magis ridiculam licebat medico, qui ob patris, vel aui morbum nepoti medicinam achilæ et. Delicta maiorum immeritis lues Romane. Reges quidem in perduellum liberos animaduertunt ad terrorem, ne vitam, aut regnum amittant, quod metuendum non erat Deo. Cur tantopere odit animam, qui in hodie creat, nihil trahentem ab Adamo præter corpus, cui si mortui alicuius anima infunderetur primi peccati maculam non contraheret, at illa contrahit quoniam via ordinaria infunditur? Cur adeo displicet via ordinaria, vt propterea tot infantes damnationis æternæ poenam subeant, de qua dicitur ezechielis 18. Filius non portabit iniquitatem patris sui: nam quod Exod. 10. ait se castigaturum iniquitates patrum ad tertiam, & quartam generationem de huius vitæ poenis intelligitur: & si verum est quod ait Iobius Monachus in bibliot. Phocij lib. 9. de incar. c. 39. damnationem & salutem ad vniuersos homines, non ad angelos pertinuisse, ob illorum in specie vitiæ, istorum verò diuersitatem, cur animas specie diuersas non produxit, ne massa illa perditionis efficeretur? Hoc quidem reprehendere summum est nefas, summæ quoque est pertinaciæ ex hoc inferre Dei prouidentiam cognosci naturaliter. Sic cum a libero artifice, non a naturæ necessitate uncta procedant, cur animalium alia in aliorum perniciem armauit, venena induxit, & saltem bestiis quibus nulla peccati labe allini potest vitam concessit, quam si fieri posset, ingredi nollent. Neque obstat illud Rugerij lib. 3. c. 22. Si fideles, inquit, fuissent primi parentes, soli fideles nati fuissent, de bestiis enim restat eadem difficultas. Verum si bona, ac mala naturam animalium consequuntur, cur iustus arbiter ea pro meritis non diuisit, sed

De malo  
poenæ.



ut dicitur 3. de nat. Deor. ab oratore, Ut plurimum malis bene euenit, & bonis male. Dionysius cum fanum Proserpinæ Locris expilasset, nauigabat Syraculas, isque cum secundissime cursum teneret, viderisne, inquit, amicum quam bona a Dijs immortalibus nauigatio sacrilegis datur, idque hominibus acutus cum bene planeque percepisset, in eadem sententia perseverabat. Diagoras cum Samothraciam venisset, atheos ille qui dicitur, atque ei quidam amicus, tu qui Deos putas humana negligere, nonne animaduertis tot tabellis pictis, quam multi votis vim tempestatis effugerint, in portum que salui peruenierint: ita fit, inquit, illi enim nunquam picti sunt, qui naufragium fecerunt, in marique perierunt. Vectoribus querentibus eius causam tempestatem excitatam, ostendit ijs in eodem cursu multas alias laborantes, quæsiuitque num etiam in ijs nauibus Diagoram vehi crederent, sic enim sese res habet, ut ad prosperam aduersamve fortunam qualis sis, aut quæ admodum vixeris, nihil intersit. Interesse tamen volebat Sylla Dictator licet tyrannus, qui sibi hoc epitaphium condiderat: In amicis bene habendis & inimicis male multandis nemo me vnquam superauit. Cur tanta bonis propensior ad poenas, quam ad beneficia videri voluit? unde illa Taciti lib. querimonia: Tot Romanæ reip. cladibus manifestum est fuisse curæ Diuini vindictam, non fuisse salutem: & Lucani, Felix Roma quidem ciuesque habitura superbos, Si libertatis superis tam cura fuisset, quam vindicta placeat. Cur hic non punit delinquentes, sed in alia vita differt poenas, quæ ad presentis vitæ emendationem parum conferunt, Vindicem quidem hic se propter cum Abrahamo pro dilatione terræ promissæ hoc vnum dicat, quod nondum impleta sint peccata Amorrhæorum, Iudæi tamen & Amorrhæi hac vita ipsæ bonis ac malis afficiuntur, in altera vix vllus est cuius salus dubium non reuocetur. Hinc oratores nostri arctant, & dilatant, ut volunt Dei iusticiam & misericordiam, dum alij dicunt vsque adeo angustam et portam quæ ducit ad vitam ut ex ijs qui sacris aquis sunt expiati vix minimus quisque eam ingrediatur, alij ex reuelationibus Sanctæ Brigide cuiuscunque religionis homines naturæ legem obseruantes beatos fore ut etiam habetur in Alcorano Mahometi. Nec minus occultum est et ipsæ supplicij in hac vita reum inuoluit, atque innocentem, maxime ubi poena est miraculosa, Sæpe Diespiter Neglectus incesto addidit integritatem. Ut cum duodecim exploratorum culpa Num. 14. in omnes irascitur, Et a vigesimo anno & supra, inquit, in terram promissam non introibunt. Quot innocentes supra vigesimum in illa solitudine perierunt, quot rei contumaces infra eundem annum terra qua indignierant, potuerunt? Recurrere ad imaginariam hominum veluti corporis alicuius unitatem non est hoc diuini intellectus, sed humani nescientis distinguere dignum ab indigno. Nec magis audienda est calunnia Manethonis Ægyptij, Iymachi, & Apionis Grammatici apud Iosephum, hæc omnia Iudæorum et gentium, perinde enim fingere poterant Deum in deserto bonis & malis iuxta cuiusque merita retribuisse, ne quidquam occultis eius iudicijs relinqueretur. At Iosue c. 12. dicitur, Nonne Achan filius Zare præterijt mandatum Domini, & supra omnem populum Israel ira eius incubuit, & ille erat vnus.



homo, atque vti nam solus perijisset in scelere suo. Ita propter inanem Dauidis gloriolam in populo suo recensendo, innumeri passim boni, ac mali perierunt. Maxime verò propter aureum vitulum Exod. 32. caduntur promiscue tria, & viginti millia: Rabini ne quid iniustitiæ subesse videatur referunt ex Aben-Ezra & Salomone vitulum epotum nocentibus inflammationem & tumorem attulisse, bonis verò nihil mali, vt mox a Leuitis intersectoribus dignoscerentur. Abulensis refert ex Hebrais hoc potu barbæ colorem in flauum fuisse mutatum, sic vt qui magis fuissent in culpa eum colorem magis imbibere: sed potius recurrendum est ad ineffabilia Dei iudicia, quam ad nugas huiusmodi superstitiosas. Propterea non placet Epiphanius Hær. 29. & 30. vbi ait Christianos fuisse ab angelo pramonitos, vt Hierosolymis migrarent ob ruinam instantem, qua Iudæi, & alij eadem vrbe conclusi miserabiliter perierunt: aut quod putat Baronius anno centesimo, cum Antiochia tota corruisset terræ motu, & Traianus penè cum suis esset oppressus, Christianos similiter fuisse ab angelo pramonitos. In his & mille id genus exemplis ad sola Dei iudicia recurret, qui Saulis & Dauidis facta perlegerit. Saul 1. Reg. 13. non superbia, vt videtur, sed necessitate compulsus offerri permisit holocaustum: ibi enim dicitur, Et expectauit septem diebus iuxta placitum Samuelis, & non venit Samuel in Galgala, dilapsusque est populus ab eo. Modestè etiam se excusat apud Samuelem, Dixi nunc descendent Philisthim ad me in Galgala, & faciem Domini non placui, necessitate compulsus obtuli holocaustum, quia vidi, quod populus dilaberetur a me, & tu non veneras iuxta placitos dies: cui Samuel iratus pro imperio quod habebat in Regem: nequaquam regnum tuum ultra conseruet, quæ fuit Dominus virum iuxta cor suum. Nec iuuat quod cap. 15. dixisse fertur, Peccaui quia præuaricatus sum sermonem Domini, & verba tua timens populum. At Dauid adulter, & homicida vix dixerat peccaui, cum Dominus transtulit culpam. Ibidem Saul frustra dixit iterum se peccasse, forte quia non ex animo, sed tantum ad pœnam declinandam. Si rem duntaxat consideramus leuissima Saulis videtur culpa: quare ne quis dicat Iudæos crudelitatem suam tegere voluisse Dei mandato, Samuelem sibi vindicasse auctoritatem creandi Regis, apud ipsum ac Sacerdotes annalium scriptores Dauidis gratiam fuisse fauorabilem, vt sceleratissimæ Brunechildis apud S. Gregorium ob aliquot templa erecta; ad occulta Dei iudicia coniungendum est. Dixerat Deut. 25. Memento quid fecerit tibi Amalec in via quando egrediebaris ex Ægypto, propterea Samuel 1. Reg. 15. Sauli præceperat vade & percutere Amalec, & demolire vniuersa, interfice a viro vsque ad mulierem, & paruulum atque lactantem, bouem, & ouem, camelum, & asinum, precibus tamen populi Regem seruauit, & optima armenta ad sacrificium: vbi communior & verior opinio est Iosephi, & Theodoretii id fuisse Saulem pietate ductum, & rerum humanarum miseratione: cui tamen Deus pœnitet me, inquit, quod constituerim Saul Regem. Oportet hic fieri Dauidem lege anathematis a Domino fuisse solum, cum & ipse ab Amalecitis impune prædam abduxerit copiosam. Exclamet aliquis, huius tam fenerus Deus in nepotes Amalecitarum, qui diuini mandati olim igna-

v. 30

vid. 11  
dict. 13  
cap. 1  
1. 1. 1. 1.

5. 1. C  
v. 9. 9.



ignari pro libertate pugnaverant, & cum longius habitarent, eorum regie  
 nulla ex parte Hebraeis debebatur? & quid ad nepotes culpa patrum, a qui-  
 bus poenas debitas non exegit? Domini est terra & plenitudo eius, qui Exod  
 33 ait, Miserebor cuius voluero, & clemens ero in quem mihi placuerit: qua-  
 re ad occulta iudicia recurrendum est, & fatendum cum Catone res diuina  
 multum habere caliginis. Hic Caietanus iudicij diuini admirator ostendi  
 Dauidem esse Saule nequiores, quod Regi Achi ad quem confugerat pro-  
 misisset se pro eo pugnaturum in Iudaeos, sicque perfidum Regi, vel in-  
 gratum & impium in suos, & rationem affert, quia in Ionatham, & Vriam  
 fuit ingraticissimus, & iam cum praedas ageret, mentiebatur. Abulensis etiam  
 ob indignam mortem Vriae fidelissimi sic inuehitur in Dauidem. Quis te  
 non virorum indignissimum Rex improbe, & ipso regno indignum artire  
 tur, qui vt fera sauiens tanta probitati nocuisti? Quid enim tantum aut ta-  
 le Saul egit, qui miseranda calamitate cum tota sua progenie extinctus est  
 exclamare libet, quia profecto in rebus humanis nihil est nisi fauor Dei ma-  
 gni. Quid quod ipse Dauid contra legem de Idolis Deut. 7. victor Ammo-  
 nitatum 2. Reg. 12. tulit auream coronam, centum viginti quinque libra-  
 rum, vt interpretatur Epiphanius. Ibidem propter legatos suos contume-  
 lia a Rege affectos, populum vrbis Rabbath adducens ferrae supplicio affe-  
 cit, & circumegit super eos ferrata carpenta, diuisitque cultris, & traduxit  
 in typos laterum, additurque sic fecit Dauid cunctis vrbibus filiorum Am-  
 mon. Neque ratio Theodoretis satis excusat, quod olim eorum Rex effoderit  
 voluerit oculos dextros Israelitis, nam Regis erat culpa, deinde erat condi-  
 tio foederis quod non accidit. Nec minus horrendum videtur illud 2. Reg  
 21. vbi exorta fame oraculum Domini consuluit Dauid, dixitque Domini  
 propter Saul & domum eius sanguineam, quia occidit Gabaonitas, quo  
 Saul iniustus videtur persecutus, quam Dauid uxores & liberos Ammonita-  
 rum, ijs tamen postulantibus septem Saulis filios innocentes cruci iussit af-  
 figi, & contra legem Deut. 21. remanere donec super eos stillaret aqua, vt li-  
 pendentes quoquomodo pluiam inuocarent, subditur enim Leui pro-  
 pterea factum esse terrae propitium. At 1. Reg. 24. Dauid iurauerat Saul  
 se posteros eius non deleturum, idcirco non dicitur in crucem egisse filia  
 Saul, nec monstro penè similem Miphiboseth, & Micham eius filium qui a  
 regnum autum aspirare non poterant. Dices principes illos innocentes in  
 crucem rapi non debuisse a Dauide, nec decem filios Aman ab Elther femi-  
 na sancta, respondent interpretes esse filios irae & mortis reos coram Deo vi-  
 ta Domino: nam illud Ezechielis filius non portabit iniquitatem patris, al-  
 iis omnibus de poenis alterius vitae intelligitur, denique ad occulta Dei iudici-  
 recurrendum est: Dauide enim delinquenti semper lenis est & indulgens  
 2. Reg. 12. Natan enumerans accepta a Deo beneficia, Et si parua sunt, in-  
 quit, illa, adiciam tibi multo maiora: quin etiam passim in eius filios lic-  
 grauiter errantes, se semper futurum misericordem pollicetur, virga pater-  
 na eorum culpas emendaturum, nec regno finem impositurum, quod diffi-  
 lem omnino habet intelligentiam, neque vt Sauli auditur illud, poenitet mi-  
 licet dictum ἀὐθις πρὸς τὸν θεόν. Quid multa Dauid qui 2. Reg. 24 ob po-  
 pulum



ulum a se numeratum, ait peccari valde in hoc facto, dicitur 3. Reg. 15. a præceptis diuinis non declinasse, nisi sola in Vriam crudelitate. Cur eius regnum postea fuit omnium infelicissimum ac planè extinctum, de quo 2. Reg. 7. ait populum suum ubi amplius affligendum, nec loco mouendum: Psal. 88. Si dereliquerint filij eius legem meam, visitabo in virga iniquitates eorum, misericordiam autem meam non dispergam ab eo. Si dicimus ei successisse regnum Christianorum; id quidem accidit longo post tempore, nam sub Cyro nullus amplius de stirpe dauidica rerum potiebatur. Nec minus ipsi Christiani varijs calamitatibus sunt oppressi, atque vltima persecutione sub Diocletiano, quæ ad decem annos tenuit, Gentiles se fidem Christianam extinxisse credentes, columnas de subactis Christianis excitarunt. Has inscriptiones habet Aldus Manutius post Schol. in com. Cæsaris, & Adolph. Occ. de Numism. in Diocl. Quam parum abfuit rem Christianam collabi si vicisset Maxentius: Ita de Arianis cum miratus est orbis, vt ait Hieronymus, se esse Arianum. Mirum autem videri debet sub Commodio Imperatore sedam fuisse a Marcia eius concubina grauissimam persecutionem, cum mirifice faueret Christianis, vt ait Dio, & magna polleret apud Imperatorem auctoritate. Prope abest a summa rerum ignoratione negare hic promiscuè affligi bonos & malos, nec homini peruium esse quo Dei consilio id accadat. Iosias Rex Iuda bonus interficitur velut impius 4. Reg. 12. An non optimi uerunt Ezechias, & Iosias de quibus dicitur 4. Reg. 18. & 23. non fuit finis de cunctis Regibus Iuda, ille tamen quod inimicis thesauros suos ostendisset, audiuit nepotum suorum captiuitatem, & a Rege barbaro graui tributo oppressus est: hic quod Regi Ægyptio transitum copijs suis petenti bona fide se opposuisset anno 39. occiditur. Manasses sceleratissimus renauit post Ezechiam, eum Deus regno restituit, poenitentiam eius, ac sacrificia accepit, ob cuius scelera tot perdit, tot damnati, denique templum & urbs destructa erat. Huius nepos fuit Iosias iustissimus, cuius meritis Deus eadem hanc inferret, vt dicitur 4. Reg. 23. & 24. placari noluit: pacifice Manasses obiit, Iosias occisus est a Rege Ægypti, Sedecias eius filius quid non pertulit in quo tanquam extremo spiritu stirps Regum planè defecit, & a Iudæis intellectum est quod promissum erat Dauidi 4. Reg. 8. vt daret illi lucernam & filijs eius cunctis diebus, & Ierem. 28. cor vnum, & vnam animam. Hoc est malum Hierusalem, & Iuda propter quod amara uerba tinent 4. Reg. 21. Nec melius cessit Christianis aliquot Regibus iustissimis: correptus apud Ingulphum Rex Merciorum maxime pius in Anglia post vltima prælia cum Danis, tandem coactus cedere regno, & manebat, ubi orbius est, Regina vero eum secuta mortua est. Ficticia Gallia Christianissima misere vastata sunt a Gothis & Vandalis, ita vt Baronius miretur ei iudicium, recurritque ad Saluianum qui octo libros ea de re conscripsit, mores Gallorum præcipuè Aquitanorum ait deprauatissimos. Item de Goid. lib. 7. cum nihil adhuc haberet, quod in Hispanijs notaret, dicit fuisse bidinosos, ac propterea traditos a Deo Vandalis iniquissimis quidem, sed tamen castis. Melius esset certè ab oculis Dei iudicijs non recedere: in Ludouicus Nonus eximia vita sanctitate & castimonia memorandus



tam infelicitè bellum gessit in Saracenos libidinosos, vt in eius ruinam con-  
iurasse diceret coelum & terram. Gregorius Papa 4. epist. 34. indict. 1.  
scribit ad Constantiam Augustam crebro se pecunia redemisse vexationem  
vrbis a Longobardis, cum illi totam Italiam infestassent, & tamen 7. epist.  
23. indict. 1. totum id tribuit non largitioni pecuniarum, sed Petro Aposto-  
lo vigilanti super custodiam vrbis, quæ sæculi vnus spatium quater, aut quin-  
quies tantum capta fuerat. Ita cum barbari biennali prælio Gallæciam fe-  
ro, flammaque vastassent, & inter cætera Compostellam urbem destruxi-  
sent, præeunte tandem Iacobo Apostolo partim cæsi, partim in semiustis  
nauius dicuntur remeasse. ex Ambrosio Moral. lib. 16. c. 32. Sed quid hoc  
est ad sanctorum locorum & Christianorum orientalium seruitutem? neque  
hæc Principum, regnorumque calamitas est, sed etiam priuatorum. Quo  
anno Saraceni subactam Africam sibi tributariam fecerunt, vt refert The-  
ophanes, ventus vehemens Monachos Stylistas pietate, innocentia, castita-  
te conspicuos, qui in columnarum verticibus sibi habitacula construxeran-  
t præcipitauit. Hist. Societ. tom. 1. lib. 14. Antonius Fernandus vberes fru-  
ctus faciebat in India, a Mahometanis fustibus male acceptus, nihil sel-  
borare de plagis aiebat, modo vita superesset ad solatium Christianorum  
inter insulas Amboini naufragio periit, cum vectoribus pene omnibus, du-  
ad gentem fidei percupidam contenderet. & ille quidem aquis in Ind  
orientali, alter verò in occidentali periit ignibus, nam dum ad conciona-  
dum domo exiret, ictus fulmine animam egit. Lib. 15. Andreas Consalui-  
Paschalis, & Alfonsus Loppius facto naufragio, cum tandem cymba  
conscendissent, nec possent omnes ad insulam fructuosam appellere, depo-  
ti sunt cum media parte in parua insula, sed cum socij cibo refecti & grau-  
ferius ad illos reuerterent, extinctos reppererunt decimo ferè a naufragio  
mense. Hæc pauca ex innumerabilibus historijs sufficiant, vt discamus  
hac vita locum non esse, vbi ex beneficijs, & poenis in bonos, & malos, qui  
nam sint boni & mali cognoscamus. De poenis quidem tam ob frequen-  
culpas, quàm miseras huius vitæ securius illud dici videtur, Rarè ante-  
dentem scelestum Deseruit pede poena claudo: In quam sententiam Bi-  
cuidam improbo dixisse fertur, Non metuo ne non sis daturus poenas, sece-  
ego non sim visurus, vt ait Plutarchus de ijs qui serò a numine puniuntur.  
In huius rei confirmationem Bessum producit, qui cum patrem occidisset,  
nocturneque disturbasset hasta nidum hirundinis, quærentibus cur hoc faceret,  
nonne auditis, inquit, illas falso vociferari me occidisse patrem, quare  
Regem delata, & veritate extorta, poenas dedit. Referri tamen potest Iu-  
sum, & alios id genus qui rem aliquam ad speciem nefandam perpetrant  
diu pendere animi veritos se ab omnibus obseruari, atque ignaros quid  
dere debeant, aut facere, ac propterea temere se in diuersa pericula præ-  
pitare, vbi verò planè confedit timor, & interior ille tumultus, credibile est  
plura longè scelera impune abire, ita enim fit, vt de naufragis aiebat Iu-  
goras, qui poenas luunt depinguntur, latent qui consequuntur impuni-  
tem. Sit aliquis prædo, grassator, aut desertor patriæ religionis inter suos  
vix constat animo, vix viuunt, Districtus ensis cui semper impia Certe  
pen



endet, vt mirum sit nisi temeritatis suæ dependat poenas : at illi populi qui idem grassatores euaserunt, & amplexi sunt impiam religionem, quos cerpar erat acerbius puniri, viuunt mente tranquilla, neque eos Deus seueus adhibet, quam alios omnes Turcas, Tartaros, Christianos. Afferuntur cenæ multorum prodigiosæ, sed cum plures iisdem, ac grauioribus obstricti sceleribus eas effugerint, fidem desiderant, vt a Deo irrogata piè credantur, quæriturque cur ab his potius exposcuntur, quam ab illis. Non est hic mittendum Pauli dictum 1. ad Corinth. 15. Si in hac vita tantum sperans, inquit, omnium sumus hominum miserrimi : Fateatur clarè eorum vitam qui rigide cultus, religiones, sanctitates, ac ceremonias obseruant, esse plurimum infelicissimam, neque recurrit ad id, quod ante proferebas, manus hic torqueri saltem conscientia flagello, ac propterea miseros esse, bonos erò animo quieto ac contento felices viuere. Considerat enim hic felicitatem naturalem, quæ nimirum consistit in sensu voluptatum secundum naturæ leges unicuique convenientium præcisa spe alterius vitæ, non autem Xenocrates & Speusippus, qui putant beatum vel sola virtute fieri posse, ut Academici veteres qui Regulum beatum quidem inter cruciatu fatentur, sed non ad perfectum, & ad plenum, aut alij apud Senecam epist. 71. qui non beatum esse aiunt, tamen miserum negant. Paulus hic miseros vocat, si licet sint summa morum integritate, carèt tamen voluptatibus humanæ naturæ debitæ, & ijs premuntur incommodis, quæ nostris sensibus aduerantur : nam si felicem illum existimasset, qui sorte sua contentus viuit, nunquam viros illos insignes vitæ castimonia, & probitate omnium hominum felicissimos appellasset. Ex bonorum igitur in hac vita, malorumque conditione nullum argumentum desumi potest ad demonstrandam summius autoris prouidentiam. Quid verò non diceret hic natura, si loquisset, O stulti mortales qui de poenis, & beneficijs diuinis conquerimini, vitam non minus boni, quam mali feracem existis, vtrunque maxima ex parte pendet a vobis : cognitionem accepistis, qua leges ad beatè viuendum dicere oportet, vos conditis absurdissimas. Cur de poenis huius vitæ obliuimini, qui voluptates licitas prohibetis ? Contingitis esculenta cineribus, vos vltro verberibus excarnificatis, ad sepulcrum stabularij vos excarnificis, carnem conciditis ferro, virilitatem ipsam amputatis, ipsi miseros vocatis, & bestijs infeliciores. Sed quemadmodum olim rectis vitæ contenti erant, & beati, ita feliciores alij vitam suscipientem superstitiones vestras mirabuntur, & vix homines fuisse credent imbuitam stultis opinionibus, quæ summa tandem obliuione sepelientur. Illi quoque ad inenarrabilia iudicia referri debet, cur in lege condenda Deus eorum omnium occasionem non abstulit : vbi luce meridiana clarius apparet, solo instinctu fidei diuinæ mentibus nostris infusæ duci homines ad vnius primi motoris cognitionem, nec humana ratione tantum dignosci posse vnde Dei legem a falsa, quod, vt ante monui, non minus pretium fidei illius, quam necessitatem ostendit. Eam certè agnouissent antiqui Philolophi, si naturali lumine ad rem adeo obscuram perueniretur. Verum humanus intellectus nimis imbecillus, & ad errorem propensus sustinere debet assensionem,



nem, ne præcipitet in varios superstitionum labyrinthos, neque illi vitio vertendum est, quod solo naturæ fretus auxilio non assentitur nisi ijs quæ intelligit, & illud, crede & intelliges, si sermo est de fide humana, stolido ac seruo pecori dictum putat. Maximè verò philosophum naturalem morari debet, quod multi licere putant in rebus grauiissimis ad omnium vtilitatem & salutem fingere, dissimulare, falsa pro veris adducere: omnis enim rati dissimulantia eadem est quæ suprema lex populi salus, qua decipere lice quos fas est occidere: proinde honestius decipi possunt homines ficta doctrina, ne iniquè viuant, & occidantur. Quare legislator fidei lumine destitutus sibi licere putat multa fingere ad mores rectè instituendos, vt cùm nihil certi constet, honestè ficta pro certis habeantur, ne vulgus ignarum labatur ad impias consuetudines, & iniquiorem beluarum subeat sortem. Huiusmodi legislatorem appellare possumus cum Græcis ποιμένα λαῶν vt enim pastor gregem lanienæ destinatum fistulæ suauitate mulcet, cogit vnum diuque fallit pascuorum amœnitate, sic ille hominum societates, & necessitudines instituit ad vitæ communis vtilitatem, nec dubitat quin amantes ipsæ, si loqui possent, licet vltra hanc vitam nihil reliqui superesse ad bonum publicum multa fingerent. Quærat tamen ab ipso an liceat aliquid simulare, negabit oppidò coram plebe, quod fatebitur Aruspex idens Aruspice cùm viderit. Verùm neque ab ijs, si quid perperam statuerint, expectanda est retractatio, præterquam enim nihil commodius, & ceterius habent, periculosa est huiusmodi opinionum commutatio, qua paxcluditur, & infinitis calamitatibus via panditur: contra verò simulatio ille plebem continet, & magistris est altera Antigoni Carystij celeberrimi parafiti philosophia, qua licet δειπνεῖν ἀσυμβόλως, aut Musæum Alexandrinum quod Timon Phliagrius, caueam esse dixit, ijs inuidens, qui ibi alabantur, & tanquam aues maximi pretij saginabantur, vt refert Athen. lib. Hoc siue mendacium splendidum, siue simulationem officiosam, & vtile deceptionem legislatoribus non minus quam Medicis licitam esse putari. Plato, Varro, & Origenes, quos Græci patres sequi videntur cum Hieronymo epist. 88. Porro legislatores qui non aliud quàm naturæ lumen sequuntur, populi sibi proponunt felicitatem, cui ambitio humana, & inanis gloria, & cupiditas vt plurimum se se admiscet, atque huius dulcedine omnes superantur difficultates, non arummosa vitæ modo, sed mortis etiam violenta, namximè, si vt multi arbitrantur, secta illius patrociniū ad tempus damaliquis suscipiat. Gregorius Turonensis sub finem suarum historiarum vafrum quendam Bituricensem qui se Deum simulabat miris operibus conspicuum Episcopis fuisse infensum, discipulos habuisse penitus nudos, acdem confossum a sicario, quem veluti hominis adorandi gratia Episcopos quidam sum miserat, ceterum discipulos ita veteratoris illius dolis fuisse captos, vt nullis tormentis veritati manus dederint. Fraudulentus alter Ibraus Moysen se a Deo missum simulans, inquit Socrates lib. 7. c. 36. mulinduxit, vt relictis huius vitæ bonis fallacibus, se præcipitarent escopi in terram promissam secum ituri, atque complures miserabiliter fuisse si-



mersos, paucos a piscatoribus liberatos. Hoc semel Iudæis accidisse quis miretur, quod solitum est Iaponibus: illi enim se examinant in statera pendente ex altissima rupe, vbi animi noxas consentunt, inde se in mare subiectum dant præcipites, vt ad Deum Amidam transuehantur, Et repetant patrias per freta longa domos. Atque omnes huiusmodi simulationum inuentores aut se Deos, aut a Deo missos antiquorum exemplo mentiebantur. Pythagoras legibus suis vtili mendacio fidem asciuit: postquam enim latuisset duobus annis velut ab inferis emergens alterius vitæ narrauit; cænas & beneficia, ad effrenationem populi, quem alioqui retineri non posse putabat, coercendam. Zamolxis eius auditor in antro cum Dijs colloquia simulauit, vt Scythiis ferocibus legem ferret, sicut Minos Cretensisibus se cum Ioue parente in spelunca duodecim annis commoratum, iisdemque Epimenides annorum quinquaginta somnum finxit: Numa cum Dea Ægeria congressum, cuius astutia duabus arcibus lapideis in agro L. Petilij scribæ repertis deprehensa est. Mahometus Arabibus se Dei legatum, & Cinghus Tartaris se filium Solis esse persuasit. Nullius doctrina est, quàm a cælo descendisse non somniant. Hoc Manichei de epistola sua, Elcezeani de suo libello, Valentiniani de suo Alphabeto, Arthemion, & Theodorus discipuli Cenchinthe de suo paruo labyrintho. Hoc verò præcipuè retinet philosophum non alia ratione videntem, quàm naturali, quòd si omnes religiones fictæ essent, populum tamen absque religione viuere non oporteret. Et quanquam forte aliqua Respublica legum acerrima institutione gubernata; & ad exactam seueræ probitatis normam castigata, omni prorsus exclusa religione castius viueret more institutoque Spartanorum, quàm qui omnium ceremoniarum fucò illinuntur, tamen quia homini vt plurimum facilius est superstitiosè quàm iustè viuere, populi communitas, & consociatio vniuersè non videtur posse absque religione conseruari: neque reprehendendi omnino legislatores, qui diuinæ legis ignari, simulata quidem, sed vtili ratione institutiones vitæ salutares introduxerunt. Licet imponere plebi veruecinæ ad publicam vtilitatem, non ad quæstum sordidum Myltagogi, ad infringendam in more contumaciam, non ad animos monstris tam horrendis exagitandos, vt qui ea credit metu exanimetur, vitamque ducat luctuosam, & malit se nunquam esse natum, quàm his periculis circumfèderi. Restat vt ex mirabilis, vaticinatione, libris sacris, & alijs id genus diuinæ præuidentis operibus ad vnius supremi motoris notitiam perueniatur. Verum antiqui illi qui demonum varias species admittunt, eis attribuunt miracula, religionumque propagationem vt passim legimus apud Græcos, & Latinos autores. Neque enim tantùm sectæ omnes antiquæ sua dogmata, ritus, vestes, ceremonias e cælo missas, sed ad hoc ipsum altruendum multa miracula conuincuntur. His referta sunt Atheniensium, & Ægyptiorum mysteria. Hæta Romuli floruit. Cinghus cum suis, vt alter Moyse transit mare Caspium. Mahometus Lunam diruptam coagmentauit, lupos habuit vocales, qui frustra mysterijs initiari postularunt: omnia ad fictæ religionis stabilitatem. Sub Theodosio Secundo, vt refert Socrates lib. 7. c. 38. cum vrbs Constantinopolis horribili incendio deleta esset, templum Nouatianorum man-



fit intractum eadem fide, qua Plutarchus in Camillo ait Roma a Gallis incensa, lituum Romuli in templo Martis fuisse repertum. Et ex Seuero lib. 2 histor. dum in Magnentium tyrannum pugnaretur in Pannonia, Constantius Imperator non ausus adesse, orabat in basilica Martyrum, cui Valens Episcopus hæreticus primùm monitus ex composito dixit se ab Angelo vistoriam audiuisse, credidit Imperator, & se victorem Valentis merito affirmabat: non enim minus fictis, quàm veris miraculis mouentur animi. Huiusmodi sunt quæ leguntur in monumentis Gruteri pag. 71. In tabula marmorea trecentis circiter ab hinc annis inuenta de duobus cæcis ab vtero qui oraculi monitu ad aram accedentes vîsum obtinuerunt: item de pleuritide, de vena rupta. Vespasianus, vt ait Suetonius in eius vita c. 7. dum in Ægypto consuleret de imperij obtinendi firmitate, & plebe quidam luminibus orbatus, alius debili crure, moniti a Serapide si sedens pro tribunali inspiciisset, & calce contigisset eos, sanatum iri: quod cùm fecisset amicis hortantibus, res ita accidit. Baronius an. 71. n. 5. putat Vespasianum id fecisse ope Apollonij, atque ibidem mira patrasse, quanquam Tacitus ait hæc omnia a Medicis potuisse curari: non audierat igitur, quod de eo circumferti decem annis ipsis mortuum, quem credebatur suscitasse, versatum inter homines, & pro viuo habitum. Tantum dæmonibus a Deo conceditur, vt fictis miraculis præcipuum argumentum quod a mortuorum excitatione desumitur, labefactent, & suspicionem ingerant eandem in omnibus esse simulationem. Concessit Deus, inquit Anastasius Nicenus quæst. 25. vt Simo Magus statuas efficeret, quæ ambulant, in igne volutatus non vreretur, in aere volaret, ex lapidibus panes faceret, & si ex aërio volatu deiectus esset, in Nero factum vi potentioris dæmonis arbitrabatur. At Iustinus Apolog. ad Anton. Pium, Irenæus, Tertullianus, Eusebius aiunt Simoni Magoe Senatus consulto a Claudio Imperatore erectam statuam in Insula Tiberina cum hac inscriptione, Simoni Deo Sancto. Vide quàm parum absque fide dono viros prudentes iuuat humana ratio, & quàm prouidum sit suspicari non facile miraculis esse fidentum. Quare Mahometus, callidus & vaser simulator pauca confinxit. In Alcorano Deum introducit admonentem, si quod ab eo miraculum expostulet ad doctrinæ suæ confirmationem, respondet non esse necessarium Dei nuncio. Hoc ingenio Turcæ Christianis inopia miraculorum exprobrantibus non aliud se velle dicunt, quàm quòd ipsi tantis exiguis initijs aucti sibi sacra & profana loca Christianæ reipublicæ subicerunt, ac molles Asiaticos efficere abstemios potuerunt, quod a Romanis olim annis quadringentis frustra tentatum est. Hic aliquis ineptè conqueratur quòd Deus ad sui notitiam clariora miracula non ediderit. Verùm vix infinitè maiora fecisset, nihil aliud perficeretur, quàm vt illo tempore crederent homines ijs signis esse vim Genij alicuius potentissimi, qui verò multis post annis legerent ea publicis monumentis consignata, perinde venirent in fraudis suspicionem, ac si illa essent mera figmenta. Perpetuo igitur miraculo omnibus noto videtur opus, quale esset si omnes scelerum suorum darent præsentibus poenas, & ita violata legis admonerentur: cur autem Deus hoc non perficit, ipse nouit. Alia omnia signa exteriora semel edita non auferunt



ferunt dubitationem, quantumuis enim fuerint illustria, non deessent postea qui fabulas esse iactarent. Quippe nihil est quod magis prodigiorum fidem infirmet, quam natura humani ingenij prona ad figmentorum omnium machinationes, nunc ad veritatis ipsius, vt putant, honestam defensionem, nunc ad vtilitatem publicam, sed propriam sapius: accedit ambitio, vecordia, ignorantia, vnde fit vt sublato Dei contactu laboret intellectus vt veris autoribus assentiatur, & vix vlla cautione tolli possit ambiguitas humanæ mentis. Cum ad hæc dijudicanda tantopere sit necessarius Dei contactus, idem de sacrorum vatum oraculis arbitrandum est, quippe illa pertinent ad miracula, quibus & si fraudem omnem abesse iudicant homines, ad aliud tamen non eleuantur, quam ad naturam Geniorum, qui responsionum ambiguitate se aliqua scire ostendunt, & longè plura ignorare. Vt et im esset panomphæa vox vnus supremi omnia creatis ac moderatis architecti desiderabant antiqui sapienter, clarè, verè, & continenter enunciari omnia, Quæ sint, quæ fuerint, quæ mox ventura trahuntur: at obseruabant longè aliter rem euenire. Furorem vaticinantium miratur Tullius 1. de diuinat. Cur Cassandra furens futura prospiciat, Priamus sapiens hoc idem facere non queat? & lib. 2. Quid verò habet autoritatis furor ille, quem diuinum vocatis, vt quæ sapiens non videat, ea videat insanus, & is qui humanos sensus amiserit, diuinos assecutus sit? Quasi diceret, si vis Dei omnipotentis mentibus humanis illaberetur, eisque sanctitatem, ac scientiam rerum omnium impertiret, cum ea sit summa sapientia, atque potentia, non deesset illi ratio, qua citra insaniam inflatæ mentes oracula funderent. Quòd si ea vis fatidica procedit tantum a Genijs, qui aliter mouere non possunt mentes humanas, nisi reddant sui impotentes, melius est nullum querere commercium cum ijs, qui nos homines, vt ait Plautus, sicut pilas habent. Sit instar omnium ille descriptus 8. Thebaid. Prosiluit in medios visu, audituq. tremendus, Impatiensq. Dei fragili quem mente receptum Non capit, exundant sinuuli, nudusq. per ora Stat furor, & trepidas incerto sanguine tendit Exauritq. genas, acies huc errat & illuc, Sertaque mista comis sparsa ceruice flagellat. Hanc ab alienatæ mentis concitationem reperimus etiam in viris sanctis, ita vt vaticinari ponatur sæpe pro insanire: ne quis autem afflatus diuino spiritu videri fanaticis similes indignum putet, dicimus hoc fieri summo Dei consilio, ne diuinitatem sibi tribuat arrogantia mentis humanæ, quæ dum sapere videtur, nihil sapit, id verò cacodæmonem Dei simiam, vt alia multa in suos ministros transtulisse. Quærebatur secundo vt diuina responsa clara essent, obscuritas enim responsionum tenebricola ignorantia argumentum est aut malitiæ tam in Genijs, quam in hominibus, vnde fit vt in summam sapientiam, & bonitatem cadere posse non videatur. De ambagibus autem oraculorum nihil magis tritum est apud antiquos. Cræsus ex oraculo Delphico credens se Persarum imperium euersurum, euerit suum. Nero consulto Delphis Apolline caueret sibi septuagesimum ac tertium annum, de sua non de ætate Galba proditoris intelligebat. Et illa quidem videntur habere aliquid lucis, alia verò quamplurima dixisse conficta non minus inficenter, quam malitiosè. Propterea de Sybillis ait Tullius



2. de diuinat. Id certè magis est attentì animi quàm furentis, callidè enim qui illa composuit perfecit vt quodcunque accidisset prædictum videretur. Quamobrem, inquit postea, Sybillam quidem sepositam, & conditam habeamus, vt id quo proditum est a maioribus, iniussu Senatus ne legantur quidem libri. Mirum est autem quibùsdam placere hoc loquendi, scribendique genus vt mysterij plenum, & commentariorum farragine locupletandum, nec vident quàm ineptè in dubijs maiores afferantur responsionum dubitationes, quibus conuenit illud Horatij. Iam Saliare Numæ carmen qui laudat, & illud, Quod mecum ignorat solus vult scire videri. Non inutilis tamen antiquis videbatur obscurus ille modus vaticinandi, siquidem viri prudentes eo abutebantur ad rem bene gerendam, vel oracula confingendo, vel ea detorquendo ad suam mentem. At verò in nostris dicendum est verborum obscuritate rebus sacris maiestatem & venerationem conciliari, sed præcipuè effici vt homines agnoscant fidem esse donum diuinum, & eius lumine destitutos nullius vatis oraculis posse peruenire ad summi illius principij cognitionem. In tanta igitur rerum obscuritate veritas, quæ tertio loco desiderabatur, naturaliter cerni non potest. Pertinet ad ingenia plebeia quod ait Cicero lib. 1. de diuinat. Nunquam illud oraculum Delphis tam celebre & tam clarum fuisset, neque tantis donis refertum omnium populorum, atque regum, nisi omnis ætas oraculorum illorum veritatem esset experta: nam lib. 2. omnes reges, inquit, populi, nationes, vtuntur auspicijs, quasi verò quidquam sit tam valde, quàm nihil sapere vulgare, aut quasi tibi in iudicando placeat multitudo. Sit illud sanè quod ait; Collegi innumerabilia oracula Chrysippus, nec vllum sine locuplete autore, atque teste: quid aliud habetur quàm ob fallacem, & obscuram ambiguitatem ferè omnes in oraculis fuisse deceptos, dum superstitiosa, ac misera sollicitudine illis crederent. Vt cum Theodosius Imperator mirabile templum Serapidis destrui funditus iussisset, Gentiles irrisi de imbecillitate Deorum, dicebant id ab ijs fuisse prædictum, inquit Sardonius. Vt semel aliquis ambigua illa responsa videat euentis respondere, longè plura reperiet quæ *dispositæ*, Et dispersa volant rapidis ludibria ventis, siue quòd dæmones id faciant animo fallendi, siue quòd prædicant ea quæ putant probabiliter euentura; vnde fit vt multò melius sit ijs rebus non attendere: nam vt ait Plinius lib. 28. c. 2. In Augurum certè disciplina constat neque diras, neque vlla auspicia pertinere ad eos, qui quamque rem ingredienti, negauerint ea obseruare. Neque ita mirum videri debet quòd prædicta eueniant aliquando, quàm quòd ex tot ambiguis prædictionibus multò plures non possunt rebus ipsis accommodari, quòdque eæ voces quæ veridicæ debent esse non tam illustrent, quàm caligine inuoluunt veritatem. Ethnici quidem nihil habebant vnde tuerentur vatum suorum prædictiones: nos verò quicquid obscurum est in nostris luculenter exponimus, ita tamen vt fatendum sit ad eam interpretationem audiendam opus esse Dei afflatu illo, sine quo ad ipsum nemo assurgit: simul hæc duo accipienda, primum omnia quæ antiqua lege contingebant fuisse figuras nouæ legis, alterum ea quæ prædicuntur non semper absolute dici, sed quadam subaudita conditione, quæ



nisi ponatur, id quod Deus euenturum dixerat non accidet. Quærebatur quarto loco, vt fatidicæ voces illæ, quibus aliqui dicunt perueniri posse ad summi principij notitiam essent perpetuæ, quemadmodum dictum est de miraculis, ne quod fuit aliquando posteris videatur incredibile. Deficientibus oraculis paulatim defecit superstitio fusa per gentes, qua credebant dari *ἱρῶν*, qui e ventre sermonem fatidicum emitterent, creditumque est anhelitus quosdam fuisse terrarum, quibus inflatæ mentes oracula funderent, aut humorem melancholicum, quem Arist. censebat habere aliquid præfagiens, atq; diuinum. Quo tempore erant Prophetæ insignes, reperiiebantur & Arioli ita frequentes, vt Daniel. c. 2. dicatur princeps Ariolorum. Dæmones opposuerunt Apostolis Simonem magum, mox Apollonium Tyranum, cuius ea fuit vis augurandi, si credimus Philostrato l. 8. in eius vita, vt cum Domitianus Romæ cōfoderetur, ipse Ephesi inter concionandum præferit clamans, percutite tyrannum, percutite tyrannū, moxq; dixerit confidite viri tyrannus occisus est hoc ipso temporis momento. Quibus verò temporibus pauciores sunt clari miraculis, ac pietate, solent dæmones diuinorū opum assimulatione minus operā dare fictis prodigijs, quibus artificijs ne irasciamur, non satis tutum a natura præsidium habemus, sed tantum a diuino instinctu, quo freti dicimus perpetuam vim prædicendi, sicut & patrādi miracula minus videri necessariam & frequentem nunc confirmata religione, quæ iam editis miraculis vti debet, vbi tamē opus est, præcipuè in Indijs, non desse. Vltimo tandem ostendi potest absque eodem instinctu neminem posse eleuari ad tātum bonum etiam ex libris sacris, qui summum vnum artificem esse testantur, & perpetui miraculi locum obtinent: nam vt agnoscatur illud miraculum non minus opus est fide diuina, sacros. n. libros esse dicimus, quoniam credimus Ecclesiæ quæ tales nobis exhibet: vnde primis Apostolorum temporibus nonnulli erāt, vt ait Ignatius epif. 1. ad Philad. qui adeo suspecta haberent omnia, vt negarent se Euāgelia credituros, nisi in Ecclesiæ monimentis reperirētur, cuius dempta autoritate quid ni multa dicantur esse subiecta adē arte, qua olim vsus est Photius, aiunt. n. hunc Patriarchā Constantinop. a vetustissimis papyris scriptam Basilij Imperatoris genealogiā characteribus Alexandrinis, qua eum a Tiridate veteri Armeniorū rege descendere finiebat, in bibliotheca occultari fecisse ab amico, cūq. nullus id posset intelligere præter ipsum omnium doctissimū, ab Imperatore vocatum, ac sedi fuisse constitutum. Sic in Græcia, atq; Italia multa subdolè conficta veritatem ipsam a dubiā reddiderūt, vt si solā cognitione naturali niteremur, discernere non possemus speciē veri, & falsi. Adijciat hic aliquis naturalē hominibus videri diuinitatis alicuius cognitionem, ac proinde eiusdē cultum, qui cū sit multiplex, nihil obitare quin homo. contemplans naturaliter omnes religiones in optima tādē acquiescat. Hoc innuere videtur Paulus ad Rom. c. 2. Cū. n. inquit, gentes quæ legē non habēt, naturaliter ea quæ legis sunt, faciunt, eiusmodi legem non habētes ipsi sibi sunt lex, qui ostendunt opus legis scriptum in cordibus suis. Sed illud, naturaliter nō est intelligendū sine fide, & Dei gratia, alioquin esset Pelagianū, verū vt opponitur legi Iudaica, & quod a Patribus dicitur philosophos antiquos fuisse saluos, intelligēdum est de ijs qui



acceperant fidē diuinā, non de Seneca qui Apostolos non recepit, & Plotinō,  
 qui licet Aminonio philofopho, & Origene familiariter vteretur, fieri tamen  
 Chriftianus abhorruit. Obijci poffet etiā quod legis ipfius ſāctitas & mores  
 eorum qui legē feruant cognoscuntur naturaliter. Ita eſt omnino, ſed hoc non  
 ſufficit, vt homo non aliunde ſubnixus tam altē aſſurgat, & qui ſanctimoniā  
 ac vitæ probitatem extollit in ijs, qui ſeuere legē obſeruāt, vt veritatem eius  
 demonſtret, non aduertit in compluribus ſectis eſſe, qui aut probē viuant, aut  
 probitatem ita ſimulent, vt vix aliquid diſcerni poſſit. Myſteria Athenienſium  
 videbantur ſancta, vt nihil melius, inquit Tullius 2. de legib. initiaq. vt appel-  
 lātur, ita reuera vitæ principia: ferē omnes religiones ad rectē viuendū inſti-  
 tuta ſunt, paulatim tamen delabūtur in prauos vſus & impias cōſuetudines,  
 vt quid iudicandum ſit, non videatur. Statuamus. n. philoſophum ethnicum,  
 cui gentium ad Deum conuerſio proponatur, facilem eam fuiſſe dicet, cū ob  
 ſuperſtitionum, & morum prauitatem quæ cernebatur in gentibus, tum ob  
 Chriftianæ vitæ ſimplicitatē & puritatē, qua nihil videntes melius homine  
 inanium fabularū pertæſi obuium illū Dei cultum arripuerunt, quod Turca  
 nunc, Tartari, Sina, Iapones, & alij minus prauæ ſuperſtitionis non faciūt, li-  
 cet eadē ratio videatur. Non intelliget vnquam cur Deus vt hæreſes eſſēt ac  
 fidei probationē, inquit Paulus, legē obſcuram propoſuerit, nō autem clarā  
 vt quod de vxore ſua dicebat Cæſar, non modo pura eſſet, ſed etiā apud alio  
 extra omnē ſuſpicionē. Cur paulatim declarata eſt & amplificata tā in ceri-  
 monijs, quā in alijs vbi Spiritus Sāctus ſuauiſſe ſe moribus & temporibu  
 accommodat: nūc verō poſtquā ad maieltatis culmen peruenit, Chriftiani ſi  
 diſciplinæ ac vitæ ſolutioris, quod in ſectis omnibus animaduertitur, vbi de  
 eſt metus, & æmulatio: tyrones. n. cū priorū operum exercitatione meliore  
 fieri deberēt, deficiunt potius ab illo ardore nouæ pietatis, & ſæpe quō ata  
 magis procedunt, eò ſiunt nequiores, & minus credūt, vt apud Sinas dicitur  
 de literarijs. Nec magis eum mouebit quod dulcitudine quadā mirabili pe-  
 fundantur qui res ſacras percipiunt, & in earum meditatione verſantur di-  
 ac nocte: aliquid inde conficeretur niſi vis imaginandi etiam in ijs qui ad a-  
 mentarij veteratoris ſepulcrum ſe excacant quoduis genus felicitatis eme-  
 riretur. Vnde philoſophus noſter ethnicus tot difficultatibus oppreſſus, ni  
 afflatu diuino animetur ad cognitionem Dei vnus ſupremi ac diſtincti  
 vniverſo nunquam aſſurget. Et quoniam hīc eum voce video mihi Solē de-  
 cere ad occaſum inclinantem, cæteris quæ ad rem faciunt opportuniore lo-  
 referuatis, non poſſum quin patiētiam, & ſolitam tuam humanitatē inſim-  
 lem, quod cum tandiu, & me in dicendo, & te in audiendo defatigari perſi-  
 ſiſti, vix ſuperſit tempus vt aliquid referre poſſis. CHAR. Voluptas quidē  
 quam ex tua oratione percipiebam ita feſellit tēpus, vt ante elapſum, quā  
 elabi animaduertirim; optimē tamen arbitror collocatum, nec mihi vltius  
 produci velim, vt reſpōſiones alias afferam, quod. n. iam dixi, puto veriſſim,  
 nempe licet his rationibus ſeorſim ſumptis conuinci fortē non poſſit eth-  
 cus, omnibus tamen ſimul inſtructis intellectus rectē diſpoſitus poteſt eleui-  
 ri ad hanc cognitionem naturaliter, ſed abſque merito gratiæ, & gloriæ  
 quam per Chriſtum ſolum habemus.



**V**eniam & motus aternitas & alia, quæ ex Aristotelis falsa doctrina sequuntur remissa sunt ad libros de Cælo, & Mundo, ubi ostendetur rationes ad hanc aternitatem astruendam inanes esse, & palam fiet ostendi naturam unius primi motoris incorporei, infiniti, liberi, intelligentis ex ijs quæ Charitæ attulit Circ. 18. & 19. non autem ex motus aternitate; oportebat sanè ut disputationes in libros de Cælo simul fierent publici iuris, ut nihil deesset ad veritatem tuendam, sed hanc mihi iam veniam datam arbitror, quæ nulli negatur. Hoc solum consideratur ut solvantur dubitationes quæ ex ijs oriri possent, quod nunc ita perficeconabor, ut non illa modò, sed etiam alia tolli videantur.

Pagina 5. ex motu aeterno dicitur demonstrari primum motorem: rationes autem ibus Aristoteles frustra nititur ostendere motum aeternum remissa sunt ad primum Cælo, quare nihil est quod hic diluantur; aduertendum tamen ut obseruavi in præfatione ad primum Physf. nomine tenus duntaxat vocari demonstrationem quæ Aristoteles falsò putauit se ostendisse motum aeternum, cum enim falsum sit dari motum aeternum, nullis rationibus ostendi potest, ut dicitur Pag. 7. 106. & 111.

Pag. 22. Aristæus non negat Dei virtutem esse infinitam vsquequaque, sed dicitur hanc esse opinionem Aristotelis, qui primo Cæli falsò docet Deum non posse producere plures mundos: immo ipse Aristæus Pag. 89. ut ostendat ex veterum doctrina non sequi Dei vim esse infinitam quidem, sed corpoream, dicit licere semper aliquis cum Anaxagora credere Deum esse mentem omnia quoquouersus permeantem, quamuis reliqua præter ipsum sint corporea; quare etiam vtendo principijs veterum rectè de Dei infinitate sentire possumus; quidquid sit de Anaxagora.

Pag. 27. non soluuntur quadam rationes Aristotelis, quia omnino sunt inanes, & vari debent, ut palam falsa. Nempe aeternum ex una parte esse aeternum ex altera, de sequeretur animas nostras fuisse semper. Omne genitum esse mortale, & sic hominem animæ mortales essent. Item quod ait, omne genitum potest non esse, intelligitur de genito per transmutationem. Atque hinc non sequitur animam a Deo creatione posse.

Pag. 27 & 35. Aristæus contra Charilaum præbat ex Alexandro, Simplicio, & errore non aliter agnosci Deum ab Aristotele causam efficientem vniuersi, nisi quæ est causa motus, quo cessante ordo omnis euerteretur, atque ita non esse propriè mundi effectorem. Hanc quoque opinionem tribuit Aristoteli Franciscus Piccolomini in libro de Creatione, & Campanella citatus in præfatione primi Physf. quod tam si ipsis docere licuit, contraria tamen sententia quam defendit Charilaus magis est, optimisque rationibus ostendit Deum esse propriè causam mundi effectricem secundum Aristotelem, ut plerique viri grauissimi censent.

Pag. 33. & sequentibus Aristæus contra Charilaum negat Aristoteli cognitum esse Dei concursum ad singulas rerum actiones necessarium, item hominis ac Dei libertatem præse acceptam: hoc & ipsi tribuitur a Piccolomineo, & Campanella, ubi præbat ex 12. Metaphys. tex. 51. Deum nec curare, nec intelligere inferiora, proinde libertatem quam Aristoteles putauit Deo non conuenire, nulli penitus esse tribuendam, cum sit in omnibus eadem ratio. Verum ea ratio quæ petitur ex principijs Ari-



*Aristotelis optimè soluitur a Charilao. Principium Aristotelis 8. Phys. ut probet motum aeternum, est huiusmodi: id quod non mouetur, si omnia se habent semper eodem modo, neque extrinsecus aliquid accadat, nunquam motum iri: unde tex. 20. probat animalia quæ moueri videntur a seipsis habere causam motus externam, puta sonum vel odorem, quo vis sentiens excitatur. At si daretur libertas propriè dicta, men Anaxagora libera poterat mundum efficere quando voluisset: atque ita Aristoteles libertatem admittens frustra niteretur probare mundum esse aeternum. Eadem est ratio de voluntate hominis, Aristoteles enim dicere debet positis omnibus ad aliqui volendum necessarijs, si voluntas ad illud non mouetur, ijsdem similiter se habentibus fore ut nunquam moueatur: unde cum Dei concursus semper eodem modo sit paratus nulla videtur causa mutationis, quæ accidit in voluntate, propterea secundum Aristotelem liberè moueri non potest. Sed illud principium ex quo deducitur motus aeternus, & fatalis necessitas rerum omnium, falsum est in causis liberis, quippe libertas est potentia quæ positis omnibus requisitis ad agendum tam apta est ut agat, quàm non agit. Mutatio verò quæ ex Dei concursu sequitur in rebus externis non potest melius explicari quàm si dicamus eo posito reddi voluntatem physicè potentem, suble. verò reddi impotentem. Quod autem Aristaeus pag. 47. querit ut explicetur officium voluntatis quando culpa contrahitur assentiendo propositioni a Deo damnatæ: præclare respondet Charilaus cum Augustino, & optimis theologis voluntatem esse instans cuiusdam ponderis. Nec infirma responsio videri debet quæ consistit in comparatione ea siquidem perappositè declarat illud unum principium in quo secundum omnes theologos consistit vis libertatis, nempe voluntatem esse potentiam, quæ posita naturalitè cognitione intellectus tanquam lumine sufficiens ad agendum, possit tam agere quàm non agere, atque ita accedere intellectui veluti pondus. Neque refert, an voluntas rei sit idem ac intellectus, ut fateri timet Charilaus, multi enim facultates ab animis non distinguunt re ipsa, sed ratione: satis est si anima quatenus vult, sit libera, licet quatenus intelligit, sit necessaria. Sed neque ibidem Aristaeus negat libertatem e maximam perfectionem prout idem est ac ipsa voluntas diuina, sed tantum prout inspicit res externas, quas inferre potest vel non inferre. Afferit deinde Aristaeus pag. na sequenti rationes ab auxilijs diuinis petitas, quæ cognosci non potuerunt ab Aristotele, & alia quæ ponuntur ad exercitationem disputantium, ut ostendatur ad probandam Dei libertatem nihil valere argumentum Algazelis, dum ait si Deus ageret necessario produceret infinita contraria, atque opposita.*

*Pag. 40. ubi queritur an Deus faciat optimum, intelligitur de externis, ubi melius semper datur melius, itaque si Deus hoc modo faceret optimum, quidquid faceret esset infinitum. Quod autem dicitur: Sit ergo optimum velle fieri scelera, non est assertio sed hypothesis, cuius sensus est: Sit ergo optimum velle permittere ut fiant scelera.*

*Pag. 54. & sequentibus cum Deus omnia cognoscat, etiam futura liberè contingant, quæ nunquam erunt, ut demonstrat Charilaus, dum ait pag. 57. quæ tamen est responsio commodissima, sensus est: hæc responsio erat expeditissima ad soluendam questionem, nisi falsa sanctis patribus visa esset, qui propterea illa non vsi sunt. Aliqui sibi ipse Charilaus contradiceret.*

*Pag. 51. afferuntur opiniones falsa antiquorum negantium pœnas, & præmia eundem obitum, ut ostendatur eos nihilominus existimasse pœnas in hac vita a legistoribus iuste sanciri, licet alia vita non daretur.*



Pag. 53. *Quæ de necessitate & fato dicuntur secundum Aristotelem & Senecam non aliò pertinent quàm ut ostendatur quomodo consilia humana, fortuna, & casus cum hac necessitate stare possint, non reuera, sed iuxta sententiam Aristotelis.*

Pag. 54. *& sequentibus ubi Charilaus & Aristaus se loqui fateantur iam ut theologos, ea quæ dicuntur contra theologos recentiores ut dubia proponuntur usque ad determinationem sacri concilij.*

Pag. 62. *Opinio sanctorum patrum de angelis corporeis non est prohibita, modò teneatur cum timore.*

Pag. 97. *Abire ad patres Abrahami potest etiam exponi pè de itione ad patres viuentes animas, corpore mortuos, quia non erat sermo de itione ad patres viuentes in Mesopotamia, neque ad sepulcrum maiorem in Palestina ubi nullum erat. Ita de itione Iacobi ad inferos existimandum est.*

Pag. 108. & 124. *Quod habetur ex sanctis patribus & visis D. Brigida intelligi debet iuxta Augustinum de ijs qui secundum naturæ lumen viuentes sollicitè querunt veritatem, & parati sunt corrigi, ut docet Campanella lib. de reduct. ad relig. cap. 11. n. 7. ubi hoc & alia quæ de providentia Dei proponuntur ab Aristæo vocat occulta Dei iudicia.*

Pag. 123. *Deus in alia vita preces non accipit: intelligitur damnatorum, quorum preces non audiuntur ad meritum, & premium, occulto planè Dei iudicio. Ita quòd Deus dicitur odisse animam quam creat, intelligitur odisse tantùm postquam contraxit culpam.*

Pag. 124. *Cur Deus videri voluit Tacito, Lucano, & alijs impijs propensior ad iram quàm ad misericordiam, id est voluit permittere ipsorum defectu se talem videri; Deus enim reipsa non tantùm est propensior ad misericordiam, sed etiam propensior vult videri: nam sæpe innocentes videntur puniri, qui tamen grauiter peccauerunt, ut qui dicuntur ibi supra vigesimum annum in deserto male perijisse, licet forte multi infra eundem annum qui grauius peccarant ingressi sint terram promissam.*

Pag. 129 *Ili qui ad sepulcrum stabularij se excacant, cultris se concidunt, & alia septa peragunt sunt Mahometani, quorum Dux fuit stabularius & armentarius.*

Pag. 130. *Per splendidum mendacium, ut ait Horatius, non intelligitur verum mendacium, quod nunquam licet, sed ambiguum aliquod dictum diuerso sensu ab uno etque altero intellectum, quod autores ibi citati licere putant. De eodem etiam accipiendum est quod dicitur pagina sequenti, imponere licet plebi ab utilitatem: non enim accipitur (imponere) in proprio sensu, sicut nec mendacium, sed ut matres filijs, & medici agris multa dicunt alio sensu quàm ab ipsis accipiantur, ut dum sponsa cutem elinire velle videntur, & tamen occulto ferro vomerem aperiunt. Denique omnia uæ afferuntur ultimo circulo de occultis Dei iudicijs non pertinent ad negandam Dei providentiam, quam duobus circulis præcedentibus luculenter ostendit Charilaus, sed sputationis gratia proponuntur ad tuendam opinionem Zabarella permissam a Officio, nimirum sublatò motu eterno nullam esse rationem tantæ efficacitatis, quam monstrari possit naturaliter dari primum unum motorem, ut nos credimus, sed ad oc fide diuina opus esse, contrariam tamen sententiam Charilai, ut magis piam, dixi quendam in præfatione primi Phys. Reliqua pijs, & benignis lectoribus interpretanda relinquo, & emendanda.*







CIRCVLVVS PISANVS  
CLAVDII BERIGARDI  
MOLINENSIS

*Olim in Pisano, iam in Lyceo Patavino  
Philosophi primi parisi*

De veteri & Peripatetica Philosophia  
In Arist. libros de Cœlo

SERENISSIMO  
MATTHIÆ  
AB HETRVRIA  
Dedicatus.



VTINI, Ex Typographia Nicolai Schiratti. M DC XLVII.  
SVPERIORVM PERMISSV.



THE ALPINE HILLS

CLARK HILL

THE ALPINE HILLS  
CLARK HILL

THE ALPINE HILLS  
CLARK HILL

THE ALPINE HILLS

CLARK HILL



THE ALPINE HILLS  
CLARK HILL





SERENISSIMO  
M A T T H I Æ  
A B H E T R V R I A

Claudius Berigardus F. P.



V L T I vt ostendant homi-  
nes naturæ cœlestis esse  
participes, vnam ex stel-  
lis errantibus Terram es-  
se dicunt, quasi diuinum  
& cœleste nihil habeatur  
quod in cœlo non est.

Longè præclarius Sere-  
nissima Celsitudo tua vsu atque exercitatione  
continua virtutum heroicarum, demonstrat ibi  
cœlum esse vbi sunt virtutes, quas vt in suo pe-  
ctore, sic in totâ Hetruriâ regnare facit. Hoc

a 2 est



est Hetruriam inter astra collocare digniori loco, quàm qui Siciliae tribuitur. Hoc est facere ex Terrâ cœlum & comprobare suam originem esse diuinam. Idcirco Principi quem cœlestium virtutum circulus, tanquam anulis innexa corona mirificè ornat, hos Circulos de cœlo dedicati, cœlestia videlicet Heroi cœlesti. Eos ego a tam exaggeratæ virtutis Heroe spectari velim non ex verbis meis, sed ex re ipsâ quæ tractatu & potissimùm ex animi obseruantia singulari ac veneratione, quâ illos Serenissimæ Celsitudinis tuæ consecraui. Vale.

Patauij Kal. Ian. CIOIO CXLIII.



## PRO IMPRESSIONE.

**O**pus, quod titulum præfert (Circulus Pisanus, &c.) ab Excellentiss. Viro D. Claudio Berigardo concinnè elaboratum accuratè lustravi. In ipso nihil offendi, quod Catholicis præscriptis aut obtreçtet, aut dissonet bonis moribus. Imò unus, perpetuusq. eiusdem conatus est, ut Sacras Scripturas, Sanctorumque Patrum sensus industria, pietate ad Philosophiæ subsidium asciscat. Quocirca tanquam laborem de re Philosophica benè promeriturum, in communem omnium, Philosophorum præsertim lucem, edendū subscribo.

Ego Hieronymus Bendandus Mon. Cassin. dudum in Bononiensi Academia S. Theologiæ, modo in Patavina primæ Sedis Logicæ Professor.

---

**N**os F. Iulius Missinus Vrbenetanus Ordinis S. Francisci Minorum Conventualium Artium, & Sacræ Theologiæ Doctor in Ciuitatibus, & Diæcesibus Aquileiæ & Concordiæ Inquisitor Generalis à Sancta Sede Apostolica contra Hæreticam prauitatem specialiter delegatus, libenter annuimus ut typis demandetur Liber inscriptus Circulus Pisanus ab Excellentiss. D. Claudio Berigardo elaboratus, cum nihil in eo repertum sit vel contra Fidem, vel contra bonos mores. In quorum fidem, &c.

Datum in Ciuitate Vtinenſi apud Aedes Sanctissimæ Inquisitionis, infra septa Monasterij S. Francisci interioris, hac die 17. Aprilis 1647.

Ita est F. Iulius Missinus Inquisitor qui supra manu propria.



# Noi Reformatori del Studio di Padoua.

**H** Auendo veduto per fede del M.R.P. Inquisitor di Aquileia, & Concordia, che nel libro intitolato, *Circulus Pisanus Claudij Berigardi in Libros de Cælo, & Meteorologicos*; non si contiene cosa alcuna contro la Santa Fede Cattolica; e parimente per attestato del Segretario nostro niente contro Principi, e buoni costumi; concedemo licenza, che sian stampati; douendosi offeruar le leggi in questa materia e presentarne due copie per le librerie pubbliche di Venetia e di Padoua. In quor. fid. &c.

Data li 5. Genaro 1646.

§ Pietro Sagredo Procurator, Reformatore.

§

§ Bertucci Valier Cauallier, Reformatore.

*Aluise Querini Secretario*



Pag.	Lin.	Errata.	Emendata.
8	39	verò	vero
21	9	laudatur	laudator
28	12	flutu	fluctu
28	29	tactò	tactu
29	8	Arahamus	Abrahamus
28	25	prætermiffum, quod est in sacris	prætermiffum quod est in sacris,
38	27	Ciro	Cyro
39	20	sepulturam	sepultura
44	8	aquis,	aquis
44	16	adiunctè	adiunctæ
49	1	petit	peti
54	8	purum	puram
55	13	esse, igneum	esse igneum,
61	29	fi minus	fi minorem,
62	43	angulum rectilineum maius aut minus	triangulum rectilineum habens tres angulos maiores aut minores
92	36	vafis	bafis
96	21	quocunque	quacunque
105	12	demonftrat	demonftrant
107	16	illum	illud
103	30	exemplus	exemptus
116	18	epicycli	epicyclo
128	4	ratione	rationem
130	14	ſimus	ſcimus
131	8	omnes	omnis
132	36	exſuſcitari ad	exſuſcitari. Ad

# INDEX CIRCVLORVM.

<b>D</b> E perfectione , magnitudine & vnitate mundi. Circulus Primus.	pagina 1
De origine mundi. Circulus Secundus.	5
Digressio prima de literarum sacrarum autoritate circa mundi originem. Circulus Tertius.	22
Digressio altera de origine mundi ex literis sacris. Cir- culus Quartus.	40
An coelum sit solidum & incorruptum. Circulus Quin- tus.	48
De Terra. Circulus Sextus.	77
De Luna. Circulus Septimus.	103
De Sole & cæteris planetis. Circulus Octauus.	113
De Stellis inerrantibus. Circulus Nonus.	120
De motu astrorum. Circulus Decimus.	125
De immobilitate Terræ. Circulus XI.	133







# N ARISTOTELIS

## Libros de Cœlo

### Proœmium.



*Vi laxè & magnificè constructam domum ingreditur, nisi sit hebes aequè ac pecus, edificiij descriptionem & pulchritudinem demiratur, & alijs ostendit modo fenestras punicanas toris & corymbis exotico scalpro insignitas, modò solum ipsum versicoloribus quadris & tessellis asaroti specie belissimè coagmentatum, modò laquear picturis variegatum collucens, aliaque affabre facta, in quorum molitione mariam ars vicissè videatur: ita ut in aspectu domus illius extatae regijs sumptibus nihil habeatur admirabilius quàm genium architecti, cuius artificio & industria tam magnificum opus extructum est. Philosophus potiori iure debet hunc mundum aspectabilem intueri, & alios hortari ad intuendam quasi communem Dei atque hominum laxam & magnificam domum, quam summus artifex diuina plane solertia non modo*

## P R O O E M I V M.

modo descripsit & ordinavit, sed etiam tanti operis materiam condidit, ut illius species qua nulla est insatiabilior, nulla pulchrior, ad sui cognitionem omnes erigat. Hoc praestare conabor in hoc opere, ut quoniam admitti non debet motus aeternitas, quae sola, si Aristoteli credimus, eò nos deducit ad hoc adhibeamus alias rationes allatas octavo Phys. Circ. 18 & 19. Praecipua verò est contemplatio mundi, qui sui conditoris refert imaginem, sicut homo ipse est imago & Dei, et mundi. Quemadmodum autem architecti solers industria tanto melius innotescit, quanto perspicacius ratio totius descriptionis consideratur, sic virtutis & artificij diuini eò perfectior erit cognitio, quò impensius & accuratius inquiretur qualis fabrica sit uniuersi. Quare ut in alijs partibus philosophiae non indiligenter examinari quae sint Aristotelis et veterum opiniones, idem in praesentia mihi perficiendum est & erroribus utrorumque procul reiectis, quòd mundus sit aeternus, quòd Terra moueatur circa Solem, & alijs id genus nitendum ut palam fiat expurgata doctrinae praesidio, mundi constitutionem non aliam esse quàm Christiana veritas docet. Ex quo videri potest quàm sit homine digna haec contemplatio, propter quam sapientes aiebant datos esse nobis oculos in medio positos, ut omnia consideremus, quasi spectatores superarum rerum, atque caelestium, quarum spectaculum non pertinet ad animantes abiectas ad pastum, in quas natura solum hominem erexit, ad caelique quasi cognitionis, domicilijque pristini conspectum excitauit: atque ait Seneca, quidquid magnificum mirumque fecerat, a suspicientibus videri voluit, aurum verò & argentum, ac propter ista nunquam pacem agens ferrum, quasi male nobis committerentur, abscondidit, pedibus subiecit & calcandum dedit quidquid est propter quod calcamur & premimur. Quare & homini praedito hac oris specie concessit animam rerum



## PROOEMIUM.

elestium indagatricem, proinde diuersam a brutis animantibus, ut fateri coacti sunt Epicurei; quanquam hoc genus argumenti Galenus irridet, ob piscem vranoscopum, qui naturam cælum aspicit; sed ad eius contemplationem non est idoneus, homo. verò ad illam videtur natus, quia partem includit omnium quæ in vniuerso reperiuntur, cum mortalium, tum æternorum, ac propterea dicitur parvus mundus. Vnde elester inter latinus Astronomus,

--- Quid mirum noscere mundum

Si possunt homines, quibus est & mundus in ipsis  
Exemplumque Dei quisque est in imagine parua?  
ælestis igitur substantiæ videbitur magis particeps, & plus  
ius ignis ætheri, ut de Apollonio Thyaneo dicebatur, obtinebit, qui mentis acriori contentione in cognatorum sibi corporum studium incumbet. Nam huius ignis agitatione & impulsu præstantissima quæque ingenia nihil antiquius habuerunt quàm ordinem vniuersi peruestigare, ex quo dependent quæcunque docet philosophia. Illum ego hîc, qualis reuera est, si promitterem declarare, damnarer inconsiderata temeritatis & arrogantia, atque adeo furoris, non tantùm a Plinio, sed omnibus etiam philosophis, qui summam rei difficultatem se fatentur. Conabor ergo duntaxat ex veterum, & neotericorum observationibus ea proferre, quæ sunt ingeniosius excitata, velut hypotheses quadam ad diuinum opus supremi artificis adumbrandum, quemadmodum feci in alijs partibus philosophiæ. Me verò potissimùm ad hanc emittendam, quam inchoari suppressissem, exsuscitauit perhumana cohortatio excellentissimorum virorum, ex quorum scriptis, aut lectioibus, aut consuetudine quotidiana & familiari colloquutione non pauca didici. Vrgebat imprimis eximius utriusque iuris Doctor Primarius Lelius Mancinus Patauini Lycei non modo lumen, sed etiam columen omni laude maius. Sic delicie

## P R O O E M I V M.

*cix* Pisani Gymnasij Paganinus Gaudentius vir toto orbe natus, cuius celebre nomen & erudita scripta qui non nouit non nouit literas. Nec minus eiusdem Academia decus ingens & ornamentum Ioan. Bapt. Soncinus, e cuius dicentore catenulis aureis illigati pendere videntur, quicunque tantum Hippocratis interpretem Patanij & Pisis audierunt. Singulari quoque vir ingenio & penè diuino Ioan. Bapt. Ruschin. qui hanc adeo gloriam in patrio Lyceo sibi comparauit, ut si lus rem medicam & anatomicam, si forte aboleretur, suscitare possit. Illi me præcipuè viri cordati permouerunt, ut opus hoc exile meum in libros de cælo diutius in tenebris, quibus illud damnaueram, latere sinerem, monueruntque vide satis ingenuo scriptori, si placuerit tribus aut quatuor viris egregijs. Quapropter hoc ipsum tandem exire permisi, contentus vel vni placuisse, quem acris & limati iudicij virum agnouit.






## IN LIB. I. DE COELO ET MVNDO

De perfectione, magnitudine, & vnitatem  
Mundi.

## CIRCVLVS PRIMVS.

## CHARILAVS. ARISTÆVS.

 H A R. De motu, ceterisque corporis naturalis affectionibus ha-  
tenus differuit Aristoteles, nunc iuxta ordinem a se praescriptum  
initio primi Physic. transit ad corporis naturalis species inuesti-  
gandas, & quia simplicia compositis priora sunt, idcirco ab illis  
demonstrationem hanc de speciebus corporis naturalis exorditur. Libro pri-  
mo agit de mundo, quatenus ex corporibus simplicibus coagmentatur: se-  
cundo de corpore coelesti: tertio & quarto libro de elementis, quatenus  
sunt partes vniuersi. Subiectum his quatuor libris Simplicius ait esse cor-  
pus simplex, prout mouetur simplici motu, & conducit ad vniuersi con-  
stitutionem. Neque refert quod inscribuntur de coelo & mundo: perinde  
nunc est agere de simplicibus corporibus mundum constituentibus, ac age-  
re de ipso mundo. Missis autem varijs mundi acceptionibus de eo duntaxat  
loquemur, qui dicitur compages coelo Terraque coagmentata, atque  
suis naturis, quae intra eam continentur. A R I S T. Hoc non esset se-  
cundum veteres loqui de vniuerso, sed de hoc nostro mundo aspectabili,  
ceteros enim orbes Terrae circumiectos Aristoteles nomine coeli compre-  
hendit, quasi extremam oram & determinationem, ultra quam nihil repe-  
reretur. Antiqui verò quod coelum dicitur, putant esse spacia distincta  
mundis infinitis. C H A R. Nobis igitur agendum est non tantum de  
mundi perfectione, sed etiam de magnitudine & vnitatem. Frustra hic qui-  
dam vellicant Aristotelem, quod cap. 1. leuioribus argumentis mundi per-  
fectionem ostenderit quatenus est corpus, nimirum ex numeri ternarij om-  
nia comprehendens proprietate, missa ratione mathematica, quod cor-  
pus numero ternario continetur, quoniam ab vno puncto tres lineae duntaxat  
produci possunt ad angulos rectos, quae tres dimensiones determinant,  
& ostendunt plures esse non posse: alioqui sequeretur in eodem plano,  
versus eandem partem, ab eodem puncto posse duci duas perpendiculares,  
contra Euclidem prop. 4. lib. 1. 1. elem. Hanc demonstrationem, ut pueris  
eo tempore notissimam, non attulit, neque enim tam intendebat probare  
corpus esse perfectum, quatenus habet tres dimensiones, quam esse imper-  
fectum, quatenus ab alio finitur, & terminatur, ac propterea vniuersum  
quod a nullo comprehenditur, esse perfectum, iuxta doctrinam 5. Metaph.  
de perfecto, ubi ait perfectum esse id *extra quod non est accipere ullam parti-  
culam*. Superuacaneum verò putauit plura congerere ad demonstrandam

De magni-  
tudine mū-  
di.

perfectionem illius, cui primū autore Pythagora nomen est *κόσμος* ab ornatu, & omnium perfectiones in se continet, utpote Dei opus, inquit Thales. **A R I S T.** Vna igitur Aristotelis ratio est mundum esse perfectum, quoniam a nullo alio comprehenditur. Hæc verò multò illustrius est apud antiquos: nam Aristotelis mundus saltem ultimo quodam, ut putat, ambitu continetur, quantumvis extra illum non admittatur tempus & vacuum: at vniuersum apud veteres infinitum nec habet terminum, ne habere potest: hoc ergo nonne perfectius est, quod ab alio comprehenditur, & infinita alia, quæ non sunt in isto mundo, capere potest. **C H A R.** Infinitum apud Aristotelem lib. 3. Phys. nihil est, quare si vniuersum esset infinitum, nihil esset. **A R I S T.** Nos quidem congruenter dicimus mundum esse finitum, utpote ab efficiente libero creatum ex nihilo: at cum illi omnes hanc vim primæ causæ non agnoscant, consequenter fateri debent rerum naturam non esse finitam, nec ullam esse rationem cui certis limitibus circumscribatur, ut dixi loquendo de infinito, quod nulli hactenus argumentis labefactati. Ad summum nihil aliud conficis, quàm mundum hunc nostrum esse finitum, quod veteres ultro concedunt. Faue profectò antiquis Athanasius, Ambrosius, D. Thomas, Bonauentura & alii Theologi, qui asserunt mundum esse vnum, posse tamen dari plures, si Deus vellet: nam cum ex Aristotelis falsa doctrina in æternis idem sit esse & posse, dicerent antiqui, si plures esse possunt mundi, reuera sunt plures. Frustratur Guilielmus Parisiensis probare contrarium, sed tantum contendit plures mundos in vacuo fieri non posse, in spatio autem pleno nihil probat. Non inficior esse temerarium admittere plures mundos ab hominibus vniuersum habitatos, ita censent Hieronymus, Ambrosius, Augustinus, Albertus, & alij. At si quis non affirmaret quidem rem ita esse, sed dicere fieri posse, ut orbes illi innumerabiles, quos stellas vocamus, sint mundi habitabiles ab alio viuientium genere penitus a nostro discrepante, quodque cogitatione non magis assequi possumus, quàm culices nihil melius operantes multo, in quo sunt recens enati: an non ille diuinæ virtuti ac magnificentiæ non modò nihil detraheret, sed aliquid illustre, eximium, ac magnificum attribueret? **C H A R.** Ariolaretur ille quidem ut quàm maxime: nam mundum esse vnum vel ex eo satis conspicuum est, quod secum opinantes coguntur admittere res absurdissimas: Democritus mundorum ortus, & obitus ab infinitis atomis, Empedocles a lite, & amicitia, Stoici ab igne, quemadmodum videri potest apud Laetium, Plutar. & Cicer. ubi quidam affirmant alios mundos carere Sole, alios Luna, in alijs splendidius lucere sidera, alios esse immobiles. Quidam apud Plutarchum lib. de Oratore defectu volunt mundos esse centum octoginta tres, eo ordine collocatos, ut constituent formam trianguli æquilateri, cuius singula latera sexaginta mundos continerent, anguli vero singuli singulos: aream porrò contentam hisce lateribus esse campum veritatis & veluti communem focum, in quo essentia & formæ rerum conflarentur. Denique Talmuth Rabbinoꝝ conflauit decem & octo millia mundorum, quos inuisit Deus insidens alati Cherub tanquam equo. Parum esset si huiusmodi delirationes ad lacrymas

De unitate  
mundi.



nas tantum mouerent homines, ut Alexandrum audientem ab Anaxarcho  
 ple plures mundos, sed dubitationem iniiciunt eorum omnium quæ acce-  
 imus de vnius mundi creatione, de hominum salute, de sede beatorum, de  
 penarum locis: hæc enim & alia pia dogmata in illa mundorum multitu-  
 dine non mediocriter obturbantur. Quare tot euentientes sententias pro-  
 onere debemus ea mente qua Homerus Deorum commentitiorum descri-  
 fit fabulas: nam cum impune non liceret ipsi eas impugnare, omnes illa-  
 rum ineptias palam fecit, ut qui non est omnino hebes, damnata supersti-  
 tione, non aliam religionem sequeretur, quam rationem. A R I S T. Ob-  
 turbantur illi qui velut Stoicus nescio quis apud Senecam, ut refert Lactan-  
 tius Diuin. instit. lib. 15. c. 23. Soli ascribunt suos populos, alios Lunæ, alios  
 sibi suis omnes coloribus ita expressos, ac si in illis mundis diutissime ha-  
 uissent. At verò qui vniuersum intuentes cum Metrodoro, dicunt tam es-  
 e absurdum dari mundum vnum in infinito, quam in latifundijs vnicam  
 picam reperiri: cæterum non affirmant homines aut aliud certum animal  
 hic commorari, sed fieri posse credunt, ut multa sint ibi a Deo condita ni-  
 l ad nos pertinentia, quæ alio genere vitæ fruuntur, & autoris sui cele-  
 rent laudes, nihil est quod inde obrurbentur. Veteres autem, qui Deum  
 non distinguunt ab vniuerso infinito, errant illi quidem vehementer, quo-  
 iam admittere poterant mentem Anaxagoræ, sed in hoc melius philoso-  
 phantur quam Aristoteles, quod cum vniuersum a nullo finitum dicerent,  
 nem illi non tribuerunt. Sic Empedocles, & Diogenes vnum quidem di-  
 cit esse mundum, sed non esse idem ac vniuersum, cuius materia diffunde-  
 tur in finitè. Et forte etiam Pythagorici per illud inane, vnde & ex quo  
 spiraret mundus, materiam infinitam intelligebant. Alij dixerunt mun-  
 dum esse infinitum, ut Seleucus, alij mundos infinitos ut Orphei sectato-  
 res, Anaximander, Democritus, Epicurus, Metrodorus, Anaxarchus. Ari-  
 stoteles verò mundum a Deo creatum negat, statit tamen esse finitum, &  
 vnum, ita ut plures dari non possint. Sed fuit eius rationes: nam  
 quod a tex. 33. ad 76. ad nauseam multa congerit, ut probet dari non posse  
 corpus infinitum, nihil aliud efficit, quam nullum esse corpus infinitum mo-  
 bile in orbem secundum se totum, & hoc veteres etiam affirmant: at dicunt  
 illud corpus esse vniuersum, cuius partes sunt varij mundi, qui suis moti-  
 bus cieri possunt, ut dixi agendo de infinito. Deinde a tex. 76. ad 101. niti-  
 tur quidem ostendere mundum ita esse vnum, ut plures dari non possint:  
 ad huiusmodi sunt argumenta, quæ ut solutile nauigium non difficilius sit  
 dissipare, quam compingere. Si dantur, inquit, plures mundi, Terra vnius  
 eretur ad Terram alterius naturaliter, vel violenter: non primum, alioqui  
 violenter in proprio centro detineretur, violentus enim est ille terminus  
 inde fit motus naturalis: non secundum, quia si mouetur violenter, ibi etiam  
 quiesceret violenter, quod falsum est, siquidem ibi esset in centro. Respon-  
 dent veteres non dari centrum vnum commune toti vniuerso, quod Aristoteli  
 hic accipit confidentius, verum totidem centra esse dicunt quot sunt  
 mundi, quorum singulæ partes naturali consensione feruntur ad suum to-  
 tum, modò sint in eo spatio constitutæ, vbi vis effluuij sufficit ad mutuos

amplexus efficiendos, alioqui si pars Terræ nostræ longius hinc abesset effluuij mutuo consensu deficiente, nunquam huc rediret. Eadem est ratio d alij orbibus, qui non magis ad nostram Terram prolabi possunt, quàm illi ad ipsos. Quin etiam si duo mundi Terram haberent nostræ similem quidem, sed positam extra limites effluuij, non coirent in vnum, quod Aristoteles necessarium putat propter commune illud centrum vniuersi sui. Altera ratio est, quia si darentur elementa in altero mundo, vel essent eiusdem rationis ac nostræ, vel diuersæ: non eiusdem, vt iam dixit: non diuersæ alioquin hæc diuersa elementa constituerent æquiuocè mundum. Sed hoc negatur, erit enim mundus ille perfectior nostro, vel imperfectior secundum elementa quæ habebit. Tertia ratio est: si darentur plures mundi, darentur plures primi motores, cuius argumenti inanitas ex lib. octauo Phys. satis patet. Vltima ratio est hunc mundum constare omni materia possibili quod veteres negant. Aliæ rationes ex Aristotelis doctrina petitæ, sunt leuiiores, quàm vt referantur. CHA R. Sed multò leuiiores sunt quibus antiqui probant esse plures mundos. Hoc ad summum contra Aristotelem haberi potest, nihil ob stare quin Deus plures mundos ex nihilo creare possit, non autem quòd iam creauerit. Ratio Metrodori apud Plutarchum de placitis Phil. speciem aliquam illustrem habet, dum ait tam indignum esse vnum in infinito spatio mundum, quàm in latifundijs spicam vnã reperiri, proinde stellas aspectabiles, quarum alioquin numerus & magnitudo esset inutilis, videri totidem mundos: nam cum mundus vnus esse non possit infinitus, superest, inquit, vt spatium infinitum sit iouile, vel vt pleribus mundis decoretur. Verùm hæc ratio falsè assumit spatium infinitum, quod dari non potest: nec spatium illud, qualecunque sit, mundis splendendum est, vt ager spicis, sed potius stellis ornari debet, quarum utilitatem & si forte non satis percipit philosophus naturalis, nihil est quòd cum Orphei sectatoribus affirmet eas esse mundos citra rationem & experientiam, quæ certè nulla est, nisi fabulosè dicamus cum Seneca, *Sublimis alia Luna concipiat feras*. Videmus in stellis motum & lumen: quod verò aliqui putant ibi aliquid viuere, mera ariolatio videri possit. Quare sapientius dicitur mundum esse vnum ordine mirabili omnium partium ad eius constitutionem conspirantium: neque enim ad eam vnitatem distincta forma excogitanda est, qualem alij dixerunt animam communem, alij Deum alij figuram, ipsæ enim mundi partes seipsis ordinantur: at in vniuerso vterum, vt pote infinito, nullus ordo esse potest, superest ergo vt sit chaos. A R I S T. Non est ille quidem ordo numeri, proprius rei finitæ, sed consensu admirabilis partium seipsis conspirantium ad omnia quæ pertinent ad bonum vniuersi. Hic nihil opus est, vt dixisti, forma distincta, minus corporeis ligamentis, quemadmodum in partibus animalium. Quæ sic illigantur, nequeunt esse æterna, quoniam violentia quædam includit ligamentis; quæ verò naturali partium consensione citra violentiam aptæ & connexa in vnum conspirant, possunt esse æterna, quanquam partibus constant natura diuersis. Quare illi qui vel animam, vel formam exigunt ad mundi partes coagmentandas somnare mihi videntur, vt Philostratus




in vita Apollonij lib. 3. c. 14. dum ait Pantarbam lapidem fulgore esse mirabili, & disinctos inter se lapides coaceruare: continuatio enim partium omnium in vniuerso non aliunde petenda est quàm ab ipsis partibus, quæ aliæ alijs suo pte motu applicantur. Sed de continuo plenius dicetur in libris de Ortu. Nunc persequamur quæ ad mundum pertinent vniuersè, & ne sapius idem repetatur, ea quæ spectant ad motum in orbem, reijciamus ad librum secundum, vbi de cœlo & eius affectionibus differemus: interim videamus an de origine mundi Aristoteles melius senserit, quàm antiqui.

## De origine Mundi.

## CIRCVLVS SECVNDVS.

## CHARILAVS. ARISTÆVS.

 H A R. Nescio an aliam difficultatem laboriosius eluctari possit philosophus, quàm de mundi ortu & interitu. Plato in Timæo vt aliquid de ea re proferat, deos implorat omnes & deas, & quid afferat, animi pendere videtur. Aristoteles, Galenus & alij quod dicitur de mundi origine, problema vocarunt. Omnium tamen fuit vna consensus mundi æternam esse materiem, siue eam putarint manare a Deo æterna creatione, siue non. Quare alij dixerunt materiam esse quatuor elementa, alij vnum ex illis, alij atomos, alij alia. De mundi autem origine minus inter se consenserunt. Qui plures esse dicunt mundos, ortum eis ac interitum tribuunt, vt animantibus: qui verò vnum, vel illum cum Aristotele faciunt æternum ex vtraque parte, vel cum Orpheo & Hesiodo genitum, nunquam tamen interiturum, vel vt quos Auerroes ait, licet antistites suæ legis, ineptissimè dixisse mundum non ortum quidem, sed interiturum. Nos qui diuinitus accepimus mundum aliquando fuisse creatum, tanquam in portu collocati fluctuantes alios contemlemur & miserescamus. A R I S T. Conuenire debet inter nos primùm an mundus ex Aristotelis sententia sit æternus, veteres enim quos illi oppono, vniuersi quidem materiam æternam putant, sed nullum ex infinitis, qui in eo sunt mundis, esse æternum. C H A R. Sunt qui arbitrantur mundum ab Aristotele non statui æternum ex propria sententia, sed eum duntaxat impugnare veteres, qui mundum absurda quadam ratione genitum esse dicebant. Ita Albertus 8. Phys. tract. 1. c. 3. Rabbi Mosæus teste Burleo ibid. ad tex. 15. Ferrariensis 8. Phys. q. 5. Citatur etiam D. Thomas 1. par. q. 46. art. 1. sed frustra, solùm enim ait rationes Aristotelis non esse demonstrationes, at non negat pro demonstrationibus eas afferri. Dicunt illi 1. Top. c. 9. numerari ab Aristotele inter problemata, an mundus sit æternus: sed hoc fecit non quòd putarit id a se probabili ratione duntaxat esse probatum, sed quia

quia sciebat de eo varias esse philosophorum opiniones. Neque verò, ut illi dicunt, vititur tantum antiquorum autoritate, sed rationibus proprijs quibus a tex. 4. octavi Phys. incipit probare dari motum æternum, & nuppiam magis triumphat quàm eo libro, & primo de Cœlo, atque etiam 12. Metaphys. Quare non alia opus est probatione, quàm ut hi libri consulantur. Idcirco Auerroes 1. cœli com. 22. & 102. non solum vult Aristotelem ita sentire, verum etiam inter Græcos esse principem huius sententiæ. Sic Theophrastus, Alexander, D. Thomas 2. contra gentes c. 81. 12. Metaph. lect. 5. 8. Phys. 13. Hos sequuntur Peripatetici ferè omnes. Aristoteles autem ita sensit, quia duce natura nullam aliam mundi creationem etiam ab efficiente libero potuit agnoscere, quàm æternam, cum nulla ratio videretur cura a bono principio non produceretur bonum æternum. ARIST. Est illa certè de Aristotele opinio magis pia, & proinde publicè laudanda, quæ defendit Deum apud ipsum esse causam liberam & verè effectricem vniuersi, ob multa eius dicta quæ allegasti libro octauo Phys. Sed hoc posito simul fatendum est eum sibi ipsi repugnare, & destruere mundi æternitatem, quod patet ex tex. 102. huius libri, vbi reijcit æternam generationem his verbis. Genitum igitur esse, sempiternum tamen esse dicere, non est possibile. CHA R. Minus esset incommodi Aristotelis quædam dicta vix inter se conuenire, quàm ut ipse de Deo tam male sentiat. Verum excutiamus argumenta quibus probat mundum esse æternum, & videamus illuminatiùs an quidquam repugnet opinioni quam laudabilem esse dixisti. ARIST. Simul obseruare licebit id de quo octauo Physicorum contendebamus, nimirum ex vno cœli æterno motu inferri primum vnum motorem ab Aristotele, non autem ex alijs motibus, quales admisit Empedocles & Democritus quantumvis æternis. CHA R. Prima igitur ratio, ut Aristoteles probet mundi æternitatem, sit æternitas motus, quam sic ostendit 8. Phys. 4. accepta motus definitione deducens aduersarios ad absurdum. Motus, inquit, est actus mobilis, qui requirit mouens & mobile existens. Vel igitur motus semper fuit, vel incepit aliquando: si semper fuit, habetur intentum, semper enim mobile & mouens fuerunt simul vnà cum motu. Si aliquando incepit, antequam inciperet, mobile & mouens vel erant, vel non erant: si non erant, ergo facta sunt aliquo motu præcedente primum, & sic dabitur motus prior primo, quod est absurdum. Si erant, & tamen vnum non mouebatur & alterum non mouebat, vel vtrumque erat proximè potens, vel non erat: si erat, nulla videtur ratio cur mouens non moueret, & mobile non moueretur: si non erat, ergo redacta sunt ad potentiam proximam aliquo motu, & sic iterum dabitur motus prior primo. Dicendum est ergo motum esse æternum, simulque primum motorem & mobile ipsum, idest cœlum. ARIST. Hoc argumento, ut mouebam 8. Phys. & alijs omnibus non demonstratur vnus numero motus æternus & continuus, sed probatur ad summum fuisse semper aliquem motum in infinita corporum multitudine, neque fieri potuisse ut omnia simul quiescerent: quia si quies illa daretur in agentibus necessarijs, nulla esset ratio cur aliquid postea moueretur, sed ita quiescere deberent tota æternitate.

Cum

*Rationes  
Aristotelis  
pro æterni-  
tate Mun-  
di.*



Cum ergo ab vniuersali quiete non possit oriri motus, ante quemcunque motum assignatum necesse est motum aliquem præfuisse, vnde ille posterior oriretur. Hinc Aristoteles non rectè colligit dari primum vnum aliquem motorem & primum mobile: veteres enim dicent singula corpora indiuidua, seu primas substantias simplices esse æternas, per se mobiles, nec illam esse cuius assignari possit primus motus. Maximè verò Heraclitus & Cratylus dicent omnia esse in perpetuo motu, si quid enim quiesceret, cum sit eadem ratio cæterorum, omnia tandem sponte quiescerent, nec possent deinde motum interruptum instaurare: quare sicut motus quilibet sui causam habet priorem motum, ita necessarium est quemvis motum esse causam motus posterioris, atque ita omnia moueri æterno motu, licet sensus aliter iudicet. Si Terra ferretur eo motu quem Soli attribuimus, non tamen sensus, sed ratio tantum eum perciperet; sic quanquam omnia sunt in quiete, moueri tamen non sentiuntur. Eodem Aristotelis argumento si potuisset Empedocles ad probandam motus æternitatem, putabat tamen mundum subinde oriri & occidere, non infert igitur Aristoteles vnum numero motum æternum ac continuum, & vnum motorem, cum satis sit id mundorum ortus & obitus naturam corporum omnium talem esse ut semper moueri postulent, vnde totidem sunt motus & motores quot sunt corpora. Quod autem Empedocles & Anaxagoras posuisse dicuntur sphæram, & chaos citra vllum motum, credibile non est tam perspicaces philosophos sustulisse penitus omnem motum, ita ut toto quiescente & se habente semper eodem modo, nulla causa motus assignari possit, ut argumentatur Aristoteles. Sicut igitur Plato posuit æternam materiam, quæ inordinato saltem motu agitabatur, ita forte voluerunt sphæram & chaos non penitus quieuisse, sed tacitum habuisse motum aliquem ad mundi exortum tendentem, adeo obscurum ut quies dici debuerit potius quam motus: quemadmodum dicunt phœnicem solui in cineres, qui videntur quidem inolescere, tamen lento motu in alium phœnicem conformantur. Hoc colligitur ex eo quod dixisse fertur Anaxagoras omnia quieuisse in chaos æterno tempore, tempus enim esse non potest absque motu. Quod verò & ipse dixit tempus sequi chaos, intelligebat de tempore a sphæra cœlesti proveniente. Quod si illi per litem, amicitiam, & mentem Deum omnium rerum artificem intelligebant, mirum est quod Aristoteles hoc non viderit, vel dissimularit. CH A R. Ita omnino par est tales viros existimasse mundi siue vnius, siue plurium causam esse Deum, atque adeò verè liberrimum. Sic facilè responderetur Aristoteli querenti cum nullus existeret motus, vnde sit ut exiterit aliquando, & quæ eius causa esse potuit? Concesserim enim eius hypothese quod motus requirit mouens & mobile, dicendum est motum non semper fuisse, sed aliquando incepisse, & ante primum motum fuisse quidem primum motorem, non autem mobile: factum est enim antea, non motu aliquo, sed creatione, quæ subiectum non requirit, cum fiat ex nullo subiecto. Ad id quod queritur, an verumque priusquam daretur motus, esset proximè potens, respondendum est, mobile cum nullo motu existeret, non fuisse proximè potens, potentem verò fuisse motorem, quia sem-

semper habuit omnia requisita. Non sequitur tamen ex hoc motum semper fuisse, nam tale argumentum nihil concludit in agentibus liberis, quæ positis omnibus ad agendum, possunt non agere. Nec inde rectè inferitur primum motorem fuisse mutatum, quando ad actum redactus est, & ex non agente factus est agens, quoniam actio in agente nihil ponit. Nec sequitur fuisse otiosum æterno tempore, ut inferre videtur Aristoteles, tum quia sui ipsius habuit cognitionem 12. metaph. 51. tum quia Deus est in æternitate immutabili, non in tempore. **ARIST.** Hæc quidem est vera solutio difficultatis, sed vel Aristoteli incognita, vel ipsi repugnans. Nam cum videret referri posse pro Empedocle & Anaxagora motum originem posse a principio libero non mutato, conatur hanc responsionem euertere. **tex. 8. 9. 20. & 51.** ubi docet fieri non posse ut quidquam incipiat moueri cum prius non moueret, nisi per mutationem, quam ait fore priorem primam, si motus non est æternus. Idcirco exemplum affert de animalibus quod si quis dicat inchoare motum nulla præcedente mutatione, docet hoc esse falsum, quoniam ab aliquo obiecto prius excitatur sensus, & appetitus. Quod si existimasset Aristoteles dari causam liberam, quæ positis omnibus necessarijs ad agendum, posset agere, vel non agere, in quo credimus potam esse veram libertatem Dei & hominis, reprehendens Anaxagora nunquam negasset Deum, siue mentem, quæ prius non mouebat chaos non potuisse motum inchoare nisi prius chaos, aut ipsa mens fuisset mutata. Nam dicere Deum æternam voluntatem habuisse condendi mundum aliquando, & citra mutationem fuisse semper eandem voluntatem quæ postea mundum condidit, hoc non modo Aristotelis, sed humanam omnem superat intelligentiam. Quod igitur Aristoteles, ut aiebas, agnoscit Deo & homine libertatem, vel sibi repugnat, vel libertatem hominis, qua præcipuè loquitur, positam putat in multiplici & incerta consultatione, quam electio libera sequi videtur, propterea quod ex multis medijs credit aliquis se eo, quo voluerit, uti posse, cum tamen secundum hanc Aristotelis doctrinam eo utatur necessario, quod iudicium efficax tunc representat tanquam optimum. **CHAR.** Fortasse Aristoteles non negat omnino dari posse huiusmodi causam efficientem, quæ positis omnibus necessarijs ad actionem, esset indifferens tam ad agendum, quam non agendum, nec voluit tollere propriam hanc libertatem a primo motore, sed tantum ostendere, cum sit infinite potens & bonus, nullam esse rationem cur motus & mundus ab ipso emanans non sit æternus. **ARIST.** Nulla alia ab agente perfectè libero quaerenda est ratio, quam libertas ipsa sufficiens causa cur tota æternitate nihil produxerit, postea verò condiderit mundum: quare verò propius abest Aristotelem loquendo de libertate satis interdum sibi constare, aut si eam admittit, destruere mundi æternitatem. **CHAR.** Destruatur certè potius mundi æternitas, quam titur astruere ratione falsa, ut mirum non sit quod dixisti, ex ea non rectè colligi primum vnum motorem & primum mobile, sed potius ex ijs quæ attuli ad octauum Phys. Circ. 2. & 18. **ARIST.** Destruatur pariter Aristotelis Metaphysica, quæ non alia ratione probat dari primum motorem



rem & intelligentias , quàm æterno motu . Verùm & si ea prima ratio qua ostendit motum esse æternum , admittatur , respondere potest aliquis motum esse æternum eo modo quo vult Empedocles , aut alij veteres , vnde nullæ deduci possunt intelligentiæ . CHA R. Verum est ea prima ratione nuda probari non posse motum vnum æternum cœli , nec res abstractas a materia : si tamen ea quidquam efficeret ad demonstrandam motus æternitatem , dummodo ei addatur altera , quæ negat processum infinitum , tam rectè concludet . Dicit enim motum æternum oriri debere ab vno primo motore , ne procedatur in infinitum , vt fit in opinione veterum , qui dicunt motum consensus & dissensus esse æternum , nec vllam assignant primam causam . A R I S T. Lis & amicitia Empedoclis fortasse nihil aliud est quàm rerum consensus & dissensus , quo ille ex infinita materia dissimilari putabat vicissitudine necessaria constari mundum & dissolui , nec aliam causam agnoscebat , quàm rerum naturam , vnde fiebat vt mundus ipse paulatim consenesceret & rediret in sphaerum , in quo non omnino quiescerent elementa , sed occulto quodam motu præpararentur ad nouum mundum . Verùm missa eius opinione , melius veteres alij respondebunt infinitas vniuersi substantias tales esse natura sua vt cieantur æterno motu consensus & dissensus , & sicut vnaquæque æterna est , sic æternum esse eius motum , nec in illo infinito fieri posse vt quidquam ferietur ab omni motione : nonnulla quidem concreta mutuo consensu videri quiescere , quatenus se non separantur , vt Terræ partes , alio tamen motu cieri , veluti Terram circa Solem . Periculum quidem fortassis esset in mundo finito Aristotelis e paucæ illæ substantiæ interdum coirent eo ordine , quo nullus amplius esset dissensus , & sic æternum quiescerent : at in infinito ille ordo absolui nequit , & procedi potest in infinitum . CHA R. Nullam aliam affers causam motus æterni apud veteres , quam turbulentam concursationem corporum , quæ seipsis mouent & mouentur , cùm facilius esset admittere primum motorem incorporeum : vt ex alijs rationibus melius constabit . Altera ratio qua Aristoteles probat motus æternitatem petitur a temporis æternitate 8. Phys. 10. & 11. Tempus , inquit , semper fuit , ergo & motus . Consequutio patet , quia tempus est numerus motus . Assumptum , scilicet tempus esse æternum , ostenditur tribus modis : primo quia si tempus non semper fuit , aliquando incepit , si aliquando incepit , non fuit prius : at prius dicit tempus : ergo tempus non fuit , cùm fuit tempus . Secundo probat id Philosophorum autoritate , qui cum Democrito dicunt non omnia posse dici genita , quia saltem tempus gigni non potuit , ita vt qui asserit tempus aliquando non fuisse , dicat tunc fuisse tempus , quod ita perpetuum est , inquit Auicenna , vt ea ratione qua volumus illud destrui , ipsum astruamus . Solus Plato qui in Timæo dixit tempus esse genitum vñ in mundo , sua nos autoritate frangere posset , nisi ibidem diceret tempus esse imaginem æternitatis & effluuium a primo principio , ita vt tempus esse genitum secundum Platonem , ne secum pugnare videatur , nihil aliud sit , quàm æterna emanatione sicut mundum fluxisse a Deo , sic enim vs dicta interpretantur Plotinus , Numenius , Proclus , Simplicius & alij

*Secunda ratio quod motus sit æternus .*

complures. Denique probat Aristoteles tempus esse æternum, quia si incepit, momento incepit: at momentum siue nunc, ut ait, est medium inter præteritum, & futurum. Sed facile responderi potest Aristoteli, tempus & motum quæ ratione sola distinguuntur, simul incepisse. Ad id quod dicitur nomine (prius) designari tempus, verum est loquendo tam de tempore vero, quàm ficto, sicut (extra) significat locum verum, vel fictum. Vnde Aristoteles ipse ait extra coelum nullum esse corpus, licet extra significet locum: ita rectè dicere possumus priusquam tempus inciperet, non fuisse tempus, licet (prius) significet tempus fictum, quod verè non fuisse potuit tamen esse: eodem enim modo prius & extra significant interdum temporis & loci negationem. Autoritate Philosophorum niti non debet Aristoteles ad temporis æternitatem, cum omnes impugnet qui mundum genitum ex materia æterna esse dicebant. Quod autem ait (nunc) semper esse medium, hoc negari potest, sicut punctum in linea aliud est principium, aliud medium. A R I S T. Sit infirmum, ut volueris, argumentum, tamen plus aliquid roboris obtinet apud antiquos, quibus vniversum est infinitum: nam vel concedunt tam absurdum esse extra coelum nihil esse, quàm ante conditum hunc mundum non fuisse tempus. At Aristoteles nihil aliud respondere potest, quàm (extra) non semper significare locum verum, sed interdum loci negationem, (prius) autem significare semper tempus verum, cuius rei cum nulla sit ratio, illi omnino accedendum est. C H A R. Tertia ratio qua probatur æternitas motus & euersio contrariarum opinionum, dum ait tam Anaxagoram, quàm Empedoclem, Democritum & alios qui mundo tribuunt ortum & interitum nullam aliam asserre causam, nisi quod talis est rerum natura. At hoc non satis est: nam affectio quæ subiecto conuenit, etiam in æternis causam habet, per quam demonstrari potest, non priorem quidem tempore, sed naturam: sic enim homini competit ridere propterea quod rationalis est. Quare debent asserre causam cur res tantopere quiescant, postea incipiant moueri, cur inter ortum & occasum alicuius mundi tantum temporis intercedit. A R I S T. Quidquid sit de Anaxagora & Empedocle, certe eandem causam afferent quàm Aristoteles de motu sursum & deorsum, illam enim ab ipsa rerum natura, & non aliunde dicit esse petendam: imò dicent eandem qua viuientia generantur & intereunt in hoc mundo, & quem comparata sunt maiora, quàm singuli mundi respectu vniversi infiniti. Quemadmodum igitur huius mundi partes seipsis ordinantur ad motuum omnium procreationem, sic primordia totius vniversi ad mundorum ortus: sed iam hæc inania esse dixisti, & si nihil habes quod plenius videri possit. C H A R. Quartum argumentum Aristotelis habetur coeli 121. coelum, inquit, est incorruptibile, ergo & ingenerabile, proinde æternum fuit. Huic adiungi potest quod ait 1. Phys. materiam esse ingenerabilem, & cum esse non possit siue forma, sed exuens vnā, recipi aliam, sequitur generationem esse æternam, ergo & motum. Solui potest hæc ratio tantum ex principiis theologiæ, dicendo coelum & materiam primam non posse generari & corrumpi, sed tamen a Deo posse ex nihilo creari.

*Tertia ratio  
motus  
æterni.*

*Quarta ratio  
ad probandam  
motus æternitatem.*



uari & in nihilum verti. Neque est quòd Simplicius hæc & alia quæ do-  
nit Moses, dicat esse deprompta ex fabulis Ægyptiorum, nam & Aristot-  
eles ipse initio libelli de Xenoph. Zen. & Gorg. quem Laertius inter ipsius  
pera connumerat, admittere videtur aliquid ex nihilo fieri posse, nec  
contrarium vnquam affirmat, sed tantum commune illud dictum ex nihilo  
nihil fit, vt ab antiquis receptum affert. A R I S T. Quanquam hic liber  
non sapit doctrinam Aristotelis, ex eo tamen nihil aliud colligi potest,  
quam formas fieri ex nihilo sui, non autem ex nihilo subiecti, vt dictum est  
primo Phys. Argumentum autem de cœlo nullum est apud antiquos qui  
putant stellas esse mundos, quorum ortus est & interitus. Admittent ve-  
ro materiam ingenerabilem, sed eam quam dixi 1. Phys. C H A R. Quid  
quid sit de materia, probatur ab Aristotele cœli æternitas ex motu in or-  
em, quem 8. Phys. a contex. 53. ad 75. solum inter alios motus ostendit  
esse esse vnum, continuum, & æternum, ac propterea talem esse, quo-  
iam in æternis idem est esse & posse 3. Phys. 32 & quod melius est, arbi-  
trari debemus esse in rerum ordine, si fieri potest 8. Phys. 56. At multò præ-  
stantius est ita moueri, quam quiescere: mouetur enim cœlum, inquit  
Lucanus, vt moueatur, non vt obtineat locum in quo quiescat,  
circo debet semper moueri. Cæteri motus qui finem cum principio non  
connectunt, cessant aliquando: quamobrem Alcæon laudatur ab Aristot-  
ele lib. Probl. quòd propterea vitam hominis dixit non esse æternam.  
essent etiam alij motus, quia contrarium habent ille solus contrario ca-  
t & in se redit. A R I S T. Transigendum postea nobis erit tam de cœ-  
lo, quam de eius motu. C H A R. Præter rationes petitas a motus æter-  
nitate, habet alias Aristoteles a primo motore, quem veteres illi non agno-  
ebant, & a quo 12. Metaph. 30. ait excludendam esse omnem potentiam:  
autem aliquando non produxit mundum, fuit in ipso potentia, qua  
mundum produxit. Nos qui Deum dicimus esse actum simplicem & pu-  
m, referre possumus excludendam quidem ab ipso potentiam patiei di,  
non verò agendi, maximè eam quæ nullam includit imperfectionem: ha-  
uit enim Deus semper internam voluntatem, qua rem vnquamque fa-  
re voluit, eo tempore quo ipse fecit. Et quoniam est agens liberum,  
nihil roboris habet illud 2. de Ortu 56. Idem manens semper idem facit:  
ut quod alij dicunt naturam nihil facere sine ratione, nullam autem vide-  
rationem cur hoc potius quam alio tempore fiat mundus: hoc enim ipso  
mod Deus voluit, melius fuit. Sed vrget Auerroes 8. Phys. com. 15. Deum  
non potuisse facere mundum voluntate antiqua, seu æterna, quoniam vo-  
luntas antiqua non magis esse potest causa effectus noui, quam voluntas  
noua effectus antiqui. Hoc in nobis verum est, sed falsum in Deo, cuius  
voluntas manet æterna & immutabilis, tota mutatio est in rebus externis,  
quæ certis temporibus ad eius placitum fiunt, vel destruuntur: quod & si  
est supra philosophi naturalis intelligentiam, contrarium tamen nulla ra-  
tione potest euinci. At Proclus instat: si Deus potuit facere mundum  
æternum: & noluit, fuit inuidus & non summè bonus: dicitur tamen a  
theologis atque Platone in Timæo produxisse mundum, quia bonus est,

*Quinta ra-  
tio motus  
æterni.*

*Alia ratio-  
nes ad pro-  
bā dā mun-  
di æternita-  
tem.*

*Solutio rationum aduers.*

*Primæ ratio aduersus æternitatem rerum soluitur.*

nec vlla tenetur inuidia, inquit Aristoteles in proœmio Metaph. cùm ergo Deus sit ipsum bonum æternum & opus eius æternitas 2. de Cœlo 17 mundus debet esse æternus, vt sit imago perfectior & similior suo artifice, nã opus quò diuturnius eò melius. Hac ratione coactus Plato in Timæo, veluti secum pugnans, ait producta a Deo esse æterna, & tempus esse imaginem æternitatis. Si autem Deus, inquit Proclus, voluit quidem facere mundum æternum, sed non potuit, non est omnipotens: potuit igitur & voluit & fecit. Respondemus tamen quamuis potuisset & noluisset, nullam ipsi inuidiæ maculam allini posse, quoniam inuidia est boni alieni Deo autem nullum bonum alienum est. ARIST. Neque Proclus, neque Auerroes his rationibus magis inferre possunt hunc mundum esse æternum, quàm Socratem, aut Bucephalum. Ad summum probant prima vniuersi infiniti substantias æterna emanatione a Deo prodire, ex quibus mundi oriuntur & intereunt, & sic Aristoteli minus fauent, quàm antiquis, ab infinito enim artifice non vnus mundus, sed vniuersum infinitum prodire debuit. Verùm iam audisti Epicureos apud Tullium asserente naturæ rerum ascribendum esse, quod alij tribuunt diuinæ solertiæ, neque vniuersum pendere ab alio quàm a seipso, ita vt Aristoteles argumento quod petit a primo motore, nihil conficiat, siue ille consideretur vt finis siue vt efficiens. Sed mittamus has rationes & consideremus præcipuam quam omisisti, nempe solutionem difficultatum, quæ aduersus mundum æternitatem proponuntur, an Aristoteles eas facilius diluat, quàm antiqui: multum enim differt an mundus idem manens dicatur æternus, a alij ex aliorum interitu semper fuerint, sicut 1. Meteor. & hîc tex. 22. arte & scientiæ dicuntur æternæ, quarum non dantur primi inuentores, sed duratæ instauratores. In dubium tamen vocari potest quod habetur tex. 102. philosophos omnes dixisse mundum hunc nostrum fuisse genitum CHAR. Hoc intelligi debet de præcipuis philosophis qui eo tempore celebrabantur, paucis quibusdam neglectis, vt Xenophane qui apud Plutarchum de Placitis lib. 2. c. 1. statuit mundum æternum, nec genitum, nec interiturum: item Ocello Lucano Pythagoræ discipulo qui ante Aristotelem hoc ipsum scripserat. Quanquam (etsi hic autor citatur a Philone Iudæo lib. de mundo non interituro) aliquorum suspicio est hanc doctrinam ab Aristotele fuisse desumptam & ab inuido deinde subiectam ficto nomine Ocellii Pythagorei, vix enim fieri potuit vt ille liber Aristoteli fuerit ignotus vel despectus. Quod verò Aristoteles sibi omnino non arroget opinionem de mundo æterno & vno, patet ex tex. 22. vbi ait tam barbaros, quàm Græcos locum sursum tribuisse Deo immortali immortale aptantes, per barbaros intelligens Chaldæos, qui iuxta Auerroem 1. de Cœlo 102. posuerunt mundum æternum. Apud Græcos autem ostendit cœlum esse æternum ab ætheris etymologia, quod scilicet dicatur *αἰθήρ* non *ἀπὸ τῆς αἰθέρας* ardere secundum Anaxagoram, sed *αἰθεῖν* semper currere. Videamus nunc vtra rerum æternitas grauiores patiatur difficultates. Præcipua erant quam agitauimus ad 8. Phys. agendo de vi efficiente primi motoris, vbi con-

ten-



tendebam secundum Aristotelem Deum esse veram causam effectricem  
 vniuersi ab eo pendentis non tantum ratione motus, sed etiam æternæ pro-  
 ductionis, qua ipsum ex nullo subiecto, hoc est ex nihilo fecit, & adhuc ef-  
 ficat, ita vt æterna emanatione procedat a Deo, non tamen ex diuina ipsa  
 substantia, sicut Dei verbum esse credimus, aut vt veteres credebant ani-  
 mas particulam auræ diuinæ. Tu verò defendebas vel mundum non posse  
 dici æternum, vel a Deo non pendere tanquam a causa verè effectrice, sed  
 tanquam a mouente & conseruante, hoc est causa efficiente latè accepta.  
 Ego etsi parum referre putem quid de Deo senserit Aristoteles, ostendere  
 tamen volo non repugnare, quin Deus sit æterna & vera causa mundi æter-  
 ni, & rerum omnium tam permanentium, quàm fluentium. Hanc opinio-  
 nem defendit Gregorius Ariminensis, Gabriel, Ochamus, & Caietanus  
 cum D. Thoma 1. par. q. 46. art. 2. & alibi: quanquam Thomistæ dicunt hoc  
 ab ipso videri retractatum ad finem articuli in responsione ad octauum.  
 Tantorum virorum autoritas saltem excusat Aristotelem, quòd naturam  
 sequens posuerit mundum æternum. Nec refert quòd Alberius & alij con-  
 trarium omnino sentiant, aut quòd Durandus ait æternitatem non repu-  
 gnare rei permanenti, sed tantum fluenti: nam Scotus, Ægidius, & Pari-  
 sienses obseruarunt vtramque sententiam probabiliter defendi posse. Sed  
 quandoquidem primò soluendum habeo, quomodo potest Deus esse vera  
 causa effectrix mundi æterni, ostendo nullam in hoc esse repugnantiam:  
 nulla enim est in Deo creante, cum sit omnipotens, nulla in effectu coæuo-  
 suæ causæ, vt ostendunt Theologi in verbo diuino, quamuis ibi non sit  
 causa, sed est eadem ratio. Vnde Augustinus lib. 6. de Trinit. c. 1. decla-  
 rans hæc duo non pugnare inter se, Verbum diuinum esse productum a Pa-  
 tre, & esse Patri coæternum. Splendor, inquit, qui gignitur ab igne,  
 est coæuus igni, & esset coæternus, si ignis æternus foret. Neque hic  
 valet ratio quòd liberum agens præcedit effectum, non enim Deus requirit  
 deliberationem, nec prius tempore esse debet, sed ratione, alioqui posset  
 idem dici de æterna voluntate, qua Deus voluit producere mundum. Ex  
 hypothesi enim quòd produceretur mundus æternus, non potuisset non  
 produci, simpliciter tamen potuisset, nimirum quia Deus in signo, vt aiunt,  
 rationis antecedente creationem mundi, non fuisset determinatus ad eius  
 creationem. Sic etiam, vt docent Theologi, eo momento quo peccamus,  
 liberi sumus, & non tantum ante, posita tamen conditione quòd peccemus,  
 non possumus non peccare. Nulla quoque repugnantia videtur in creatio-  
 ne, quæ est productio rei ex nihilo: non enim est sensus rem illam prius fuisse  
 nihil, sed tantum produci ex nullo subiecto: itaque creatio illa æterna  
 quamquam haberet aliquid prius se natura, non magis tamen haberet ali-  
 quid prius se tempore, quàm generatio æterna Verbi diuini. Nulla denique  
 est repugnantia in re creata, cui satis est fieri ex nullo subiecto. Definitio  
 autem Augustini qua res creata dicitur ea quæ cum aliquando non esset,  
 Dei voluntate ad esse traducitur, intelligenda est ex hypothesi de rebus  
 creatis, quæ iam existunt. Quòd verò Sancti Patres disputantes contra  
 Arium asserunt nullam rem creatam potuisse æternitatis esse participem,  
 hoc

hoc ipso quod non est Deus, potest intelligi posito decreto diuino de rebus creandis eo modo quo habemus in sacris codicibus: hoc enim ad Arium reuincendum sufficebat. In cæteris quæ purè spectant ad naturalem philosophiam, ex qua nullus sequitur error in fide, vt an potuerit esse creatio rei æternæ, cum rationem nullam afferant, eorum dicta piè sunt exponenda. Quidam subiiciunt pro sanctis Patribus ex æterna creatione sequi hoc absurdum, quod Deus destruere non posset rem illam æternam statim atque eam produxisset, alioqui non esset æterna. Sed hæc ratio nullam vim habet: Deus enim non potest destruere ante tempus æternum, id quod iam voluit esse æternum: quemadmodum si velit producere tempus, debet expectare tantisper, antequam illud corrumpat, alioqui non esset tempus. Quare nihil ob stare videtur quin Aristoteles posuerit mundum æternum a Deo creatum. **ARIST.** Saltem ipse sibi vehementer obstat tex. 102. huius libri, vbi negat vlla ratione fieri posse, vt mundus sit genitus & sempiternus. Sed si autoritate virorum grauissimorum res transigeretur, longè plures afferrem qui sentiunt rem creatam dici æternam, idem esse ac Deum non haberi illius causam: Albertum, Henricum, Bonauenturam, Suarem, Tole-tum, Vasquem, & innumeros alios qui secuti sunt sanctos Patres. Ne verò dixeris nullam ab ipsis produci rationem, docent enim hoc ipso quod res creatur, non esse æternam, & soli Deo posse tribui æternitatem. Quam rationem explicans Vasques 1. parte q. 177. ait, dicere generationes ab æterno fuisse eo ordine quo posuit Aristoteles, ita vt nullum primum singulare naturæ generabilis & corruptibilis productum fuerit a solo Deo, perinde est ac si diceretur Deum non fuisse totam & primam causam vt generationes essent, sed in casu, vel natura contigisse. Nam qui fieri potuit, inquit, vt Deus ex nihilo fecerit esse in mundo generationes, neque tamen primam rem a se creatam assignare possit? Eodem ferè argumento vtitur Suares tanquam Achille diso. 9. si Deus creasset coelos æternos in motu, nesciret quod alitrum tunc fuisset in oriente vel occidente. Vis rationis, vt ostendi ad octauum Phys. de vi efficiente primi motoris, in eo consistit, quod si datur ex nihilo creatio æterna, illa esset creatio materiæ informis, vel formatæ: Si informis, generationes quæ ex ea sequerentur, essent tempore posteriores, & non æternæ: Si formatæ, v.g. forma leonis, dabitur primus leo contra Aristotelem 3. de Gener. anim. c. ult. Nam si Deus est effector omnium, concedendum est aliqua sic ab eo procedere causarum secundarum interuentu, vt tandem omnia ad ipsum, tanquam ad primam causam referantur. Tota igitur series leonum dici non potest infinita, vtpote clausa duobus terminis, scilicet leone quem Deus solus proximè creauit, & ultimo qui nunc generatur. Nullum subterfugium habet hæc ratio, vt ibi dixi, neque est quod rursus idem inculcem. Est igitur efficax argumentum Sanctorum Patrum rei æternæ non posse esse causam propriè dictam, vicius dicatur fieri ex nihilo, omnino enim oportet prius fuisse nihil, alioqui non fit ex nihilo, quoniam nihilum illud nunquam fuit. At inquis, fieri ex nihilo in rebus æternis non significat fieri post nihilum, sed fieri ex nullo subiecto. Verùm aduerte quæso, quod sicut a liquid fieri non potest ex subie-



iecto, nisi sit subiectum, ita nec ex nihilo, nisi sit nihil, at illud nihil ex quo omnia dicentur creata, nunquam fuisset, res igitur ex eo fieri non potuerunt, & si sunt æternæ, non aliter a Deo pendent, quàm a causa conferuante omnia ratione motus æterni, quem producit secundum Aristotelem. Dici tamen potest omnium causa efficiens fusa nominis appellatione, quatenus omnia ordinat & conferuat. Si tamen ex dictis Aristotelis ostendis Deum esse causam vniuersi, pietati faues, neque aliud sequitur quàm Aristotelem non satis sibi constare. Est & illud parum sibi cohærens, quòd & Deus est tantum causa conferuans hoc vniuersum, quoniam tamen Aristoteles facit generationes æternas, ut olim aduerti, fateri debet nullam esse formam quæ non inceperit, proinde formas non posse dici æternas. Dices hoc quoque veteribus esse soluendum, scilicet homines æternos esse, nullum tamen ex ijs esse æternum. At illi respondent nullum oportere hominem esse æternum, satis esse quòd eius singulæ partes sunt æternæ, quòdque motus, quo illæ coagmentantur ad aliquem hominem conformandum, non distinguitur re ipsa a partibus coagmentandis. Vos autem ferè omnes multis formas a materia distinguere re ipsa, & motum a re mobili: quare hoc vobis remanet indissolubile, quomodo illud æternum est, cuius nihil est quod non inceperit? Dicitis opinor saltem materiam Aristotelis non incepisse: sed hæc nihil facit ad formas, si ab ea distinguuntur, & omnes ortæ sunt. Quòd si in corpore naturali nihil esset præter materiam, res esset facilior: quemadmodum veteres dicunt in vniuerso nihil esse præter substantias primas & simplices, quarum motus æternus est, ab ipsis rebus sola ratione distinctus, cumque sint infinitæ, necesse est alicubi semper fuisse compositionem hominum, leonum, lapidum & aliorum. At hoc in Aristotelis mundo finito nullam habet necessitatem, nisi dicatis materiam, formam, & mutationem ratione sola distinctas esse, sed si hoc dicitis, vetemini ne iam ærum ortus & interitus sola cogitatione perficiatur. CHA R. Non est hæc difficultas ibi, quam animo fingis. Quòd enim vis primum aliquem leonem a solo Deo fuisse productum, a quo cæteri demum naturali generatione processerint, id in æternitate non est admittendum, licet tota species leonum a Deo procedat, non ratione alicuius primi, sed quia quidquid est in vniuerso semper a Deo secundum Aristotelem creatum est, & adhuc creatur. Neque difficilius est ut intelligamus omnia semper creari ex nullo subiecto, & simul æternam esse materiæ primæ transmutationem, quàm Verbum diuinum procedere semper ex substantia Patris æterni, citra ullam transmutationem. A R I S T. Immo illud habet peculiarem, quam dixi, repugnantiam, nempe quòd omnes formæ a materia prodeuntes naturali generatione ortum habuerint certo tempore, ita ut nulla prorsus earum sit æterna: at Verbum cum a substantia diuina non distinguatur, intelligi potest esse æternum. CHA R. Idem Aristoteles dicit de præteritis quòd de futuris, futura nimirum fore æterna: etsi nullum ex ijs vnquam erit æternum, sic præterita erunt æterna. A R I S T. Hoc tamen discrimen est, quòd præterita perinde se habent, ac si nunc existerent simul, nec aliud expectatur amplius ratione cuius dicantur æterna & infinita: at futura

omnia

*Secunda  
ratio contra  
motū eter-  
num solui-  
tur.*

omnia nondum existunt, nec dici poterit unquam ea existisse. CHAR. Sufficit quod in Dei cognitione sunt veluti presentia, nec tamen Deus ex omnibus futuris ullum videt ultimum & eternum. A R I S T. Hanc cognitionem propterea neque Aristoteles admittunt, neque antiqui. CHAR. Satis est nobis esse veram. A R I S T. Satis sit ergo credi omnia, nihil intelligi, si verum est quod dicebas agendo de infinito, nempe cogitationes infinitas tota eternitate futuras cognosci a Deo, infinitum tamen a Deo fieri non posse. CHAR. Ne iam eò relabamur, unde emerisimus, opera primum est alias persequi difficultates contra motum eternum propositas a Algazele & Philopono. Si res, inquiunt, essent eterne, iam infinitum tempus præterijisset, quod tamen pertransiri nequit & consumi. Ex quo probant ulterius cum futuri & præteriti sit eadem ratio, sicut istud præterijt ita & illud præteribit, & sic aliquando non erit tempus. Rursus quoniam omne præteritum aliquando futurum fuit, videtur aliquando non fuisse tempus, non enim est quod futurum est. Responderi facile potest tempus quidem esse infinitum, sed non huiusmodi infinitum quod dari negamus nempe illud cuius partes omnes simul existunt, temporis autem nulla pars simul existit. Sed neque conceditur tempus infinitum pertransiri: fallaci enim est in illo verbo tractatus, quod initium videtur significare: at tempus eternum hac ratione tantum transiit, quia semper fuit. Cum ergo dicunt omne præteritum aliquando futurum fuit, si sermo sit de quacunque parte temporis seorsum accepta, ita ut sit sensus quavis parte temporis tempus aliud fuisse prius, vera est assumptio: si autem sermo sit de eterno tempore simul sumpto, ut sit sensus illud propriè præteritum esse & sic fuisse tempus aliquod prius eterno tempore, falsa omnino est: atque ita sumitur ab acversarijs, quando dicunt tempus infinitum pertransiri, quemadmodum principium & aliquid aliud prius se haberet. A R I S T. Fatendum est tamen hoc argumento magis urgeri Aristotelem quam antiquos: ille enim a corpore mobili distinguit re ipsa tempus & motum, & stultam opinionem eam appellat quæ ratione sola discriminatuit inter tempus & sphaeram coelestem: quare ut sepe monui, ponit efficientem causam effectus eterni cuius nulla pars fuit eterna: at veteres nihil dicunt fieri propriè quod ante non esset, nam tempus ipsum quod fieri dicitur, & omnia mixta quæ simplicium substantiarum consensu oriuntur, sunt sola corporis ad corpus applicatione, quæ nihil aliud est quam res ipsæ, prout varia ratione sibi applicantur. Ita nullum in finitum gignitur, & perit, sed tantum eius partes mutant locum, situm, & ordinem. CHAR. Vtunque distinguatis mobili tempus & motum, iam observavi cum agebamus de infinito, non maiorem esse difficultatem, siue cum Aristotele ponamus eternas formarum eductiones e materia, siue cum antiquis primarum substantiarum coniunctiones, nam utrimque sunt eterne, nec ulla est prima, & quia semper fuerunt, principium non habent, sicque dicuntur infinitæ. Verum hoc infinitum quod re ipsa simul non existit, non reijcitur, sed admittitur ab Aristotele, & argumentis quæ contra fiunt, adhiberi debent responsiones quas attulisti pro infinito. Nec absurdum videri debet hæcenus fuisse die

& an-



& annos infinitos, in quibus si quis plures horas quàm dies esse contendat: dicendum est in huiusmodi æterno infinito reperiri quidem plus & minus improprie dictum, sed quod non tollit rationem æterni in eo positam ut semper fuerit, quemadmodum infiniti ratio in eo consistit, ut nunquam ad finem perueniatur: at plus & minus proprie dictum convenit tantum rei finitæ, quale non est tempus æternum. Veniamus ad tertiam rationem, quæ contra Aristotelis motum æternum petitur ex 8. Phys. 79. nempe quòd virtus infinita in corpore finito & composito esse non possit, & cum mundus sit corpus finitum & compositum, motus æterni vim infinitam habere nequeat. Responsum est hanc vim haberi ratione primi motoris a materia separati, cætera enim virtutes, seu formæ quæ sunt in materia, nec semper operari, nec semper contrarijs resistere possunt. Habetur etiam hæc vis ratione cæli quod secundum Aristotelem est corpus simplex contrariis carens. Nihil igitur refert illud esse corpus finitum, cum eius motor sit forma extra materiam, qui non potest unquam defatigari: quòd si cælum haberet formam illam in materia, de eo vera esset sententia qua dicitur virtutem corporis finiti esse finitam. Haud difficiliter respondetur ad id quod ex Platone & Averroë affecti solet, omne compositum & ligatum esse novum & solubile: hoc enim verum est de composito ex materia & forma, quale non est cælum, ratione cuius hæc inferiora conservantur, ob vim quam illi impertit primus motor, cuius virtute, inquit Averroës, ligatur mundus, ac propterea est indissolubilis. **A R I S T.** Veteres hoc ligamentum dicunt esse propriam rerum naturam, quod eiusmodi quidem putant ut totum univèrsum dissolvi non possit, singuli tamen mundi suisque tempore dissolvantur, atque ita minus vrgentur hoc argumento. Quare non mihi pro antiquis, sed tibi pro Aristotele respondendum est rationibus quas affert Lucretius ex Epicuri sententia lib. 5. & Theophrastus apud Philonem Iudæum lib. de mundo non interituro. Præcipua verò difficultas petita mihi videtur ab historijs, & artium omnium inventoribus: nam enim, si mundus hic est æternus, non extant antiquiora rerum monumenta? Non satisfacit Aristoteles hic & 1. Meteor. artes & scientias esse novatas infinite, nec verè referri primos inventores, sed duntaxat instauratores: oportebat enim causam asserre cur omnino pereant artes & historia, ad quod non sufficiunt rationes quas habet cap. de diluvijs, & permutatione regionum. Detur enim sterilitas, pestilentia, bello, diluvijs paucim deferi regiones & alias habitari, eamque vicissitudinem tam lentè iri ut nesciatur quando ab vno ad alium locum fiat transitus, tamen hoc non probat artes aboleri. Qui paulatim migrant, non omnes obliuiscuntur suarum artium: ut nunc cum typographiæ picturæque beneficio descriptionem habeamus maris & terræ, qui fieri potest ut ubique pereat usus illud artium? Fatetur Aristoteles diluvijs obrui tantum aliquam partem, non totam terram. Bello memoria loci alicuius aboleri potest, sed non omnium: victores enim hoc non patiuntur, artes verò perire, multo minus: idem est de sterilitate:

*Tertia ratio contra motum æternum solvitur.*

*Alia rationes Lucretij solvuntur.*

*Gracia victa suum victorem cepit & artes Traxit in Latium.*

C

*Ignorantia*



Ignauia quidem hominum pereunt interdum quædam artes, sed non apud omnes. Vt cum 1. Reg. 13. faber ferrarius non reperiebatur in omni terra Israel, ita vt descendendum esset ad Philisthæos vsque ad stipulum corrigendum. Caietanus rem admiratione dignam existimat, nec habet quod respondeat, maximè ad id quod postea dicitur: Cumque venisset dies praelij non est inuentus ensis & lancea in manu totius populi. Nam, inquit, vnde lex tam dura in Iudæos, quæ clades hoc fecit? Immo dicitur 1. Reg. 7. de Philisthæis; Nec apposuerunt vltra vt venirent in terminos Israel. Facta est itaque manus domini super Philisthæos cunctis diebus Samuelis & redditæ sunt vrbes quas tulerant. Cap. 11. ab Ammonitis Saul victoriam refert, cur non & arma? Cap. 13. Ionathas stationem Philisthæorum percutit, an non arma refert? Omnino res videtur incredibilis, nisi dicamus tam arma, quam artem ea fabricandi tunc a Iudæis fuisse prorsus abiectam. Ita fert rerum vicissitudo vt quibusdam locis artes etiam suum ortum habeant & occasum, eademque regiones ex desertis, populo repletæ, ex inopibus opulentissimæ, & contra euadant interdum vt ait Aristoteles longa temporum successione, interdum verò paucis annis, vt accidit olim Iudæis, quorum licet regio sit ita angusta, vt miretur Hieronymus tantopere eam extolli, rogetque viros doctos ne paruitatem eius diuulgent tamen in ijs asperis montium angustijs Iudæorum bellicosissimorum & electorum exercitus eodem tempore numerati sunt ad centum & viginti myriades, id est militum duodecies centena millia, vt constanter habetur Paralip. 13. in emendatissimis biblijs latinis, græcis, & hebræis, ipsoque Iosepho: quare corrigendi sunt illi qui chiliades sumunt pro myriadibus nec omnino videtur incredibile regem Persarum plures Iudæis habuisse cypias, nempe myriades centum septuaginta. Item 2. Paralip. 11. & 15. regno solo Iudæ sub Iosaphat recensentur vndecies centena & sexaginta hominum fortium millia, exceptis alijs quos posuerat in vrbibus muratis. Quod verò inferre volui mirabilius est, nimirum paulò post nulla accepta graui clade, ita collapsam fuisse multitudinem illam innumerabilem, vt pugnandum fuit Achab in Syros, vix vt reperta fuerint septem millia. Hoc & Philistæis videtur accidisse 1. Reg. 13. cum in Iudæam instruxissent triginta millia currum, quibus si quaterni equi assignarentur, exirent centum & viginti millia, quot vix tota regio aspera & montuosa pere posset, iidem postmodum euanuerunt. Hanc tamen populi Iudæi multitudinem non magis demiror, quam auri summas duas a Dauide & populo paratas ad templum construendum, nempe bis mille septingentos quadraginta quinque miliones quinquaginta & vnum millia, sexcentos & septinginta sex aureos, vt colligitur ex 1. Paralip. 22. & 29. Quanquam Iosephus qui passim res quas putat incredibiles, ad sensum faciliorem accommodat, lib. 7. c. 11. veritus vt tam immanis summa fidem haberet, ex decem partibus sustulit nouem: sic enim Salomoni filio patrem loquentem inducit. Scito sanè auri collecta decem millia, argenti verò talentorum centum millia. Rem verò, vt habetur, expendens Villalpandus to. 2. lib. 5. 44. Salomonis opes Assyriorum, Persarum, Græcorum, Romanorum etiam reditu



& opulentia longè præfert. Ex rerum vicissitudine tam prodigiosa, non est omnino incredibile, quin sterilitas præcipuè orta ob siccitatem, aut pestilentia toto orbe defæuiat & ita grassetur aliquando, vt pauci agrestes supersint, aut si qui alij sunt rerum intelligentes, ipsis ad alia omnia salutis suæ vtiliora incumbendum sit. Talem verò morbi contagionem oriri posse argumento sunt pestes illæ quibus proditum est maximam partem generis humani fuisse sublatam, si quæ autem atrociores extitere nullam sui memoriam reliquerunt. CHA R. Vides ergo ipse rationem, qua Aristoteles defendi possit, vt etiam si bella, & diluuiâ sola non possint artes abolere, tamen sterilitas & pestilentia ad hoc sit satis efficax: illa enim extrema fieri potest coniunctis omnibus causis, quarum nonnullæ iam sæpius horrendam vastitatem intulere, vt apud Virg. 3. Georg.

-- cœli morbo miserranda coorta est  
*Tempestas, totoque autumnu incanduit æstu,  
 Et genus omne neci pecudum dedit, omne ferarum,  
 Corripitque lacus, infecit pabula tabo.  
 Non lupus insidias explorat ouilia circum,  
 Nec gregibus nocturnus obambulat, acrior illum  
 Cura domat: timidi dama, ceruique fugaces  
 Nunc interque canes, & circum tecta vagantur.  
 Iam maris immensi prolem, & genus omne natantum  
 Littore in extremo, ceu naufraga corpora fluctus  
 Proluit, insolita fugiunt ad flumina phoca.  
 Interit & curuis frustra defensa latebris  
 Vipera, & attoniti squamis astantibus hydri.  
 Ipsis est aer auibus non æquus, & illa  
 Præcipites alta vitam sub nube relinquunt.*

Hæc olim & longè grauiora cùm acciderint, potest aliquando cœli morbus ille tam grauis incumbere toti Terræ, vt animalibus extinctis penè omnipotens, quidquid præteritum est longa obliuione sepeliatur. Ita secundum Aristotelem artes & historia citra mundi interitum perire possunt. A R I S T. Hanc quoque veteres causam agnoscunt, sed alias præterea multò maiores, quibus non animalia modò, sed totus Terræ globus dissoluitur. Quemadmodum enim ex minoribus pestilentijs colligis maximam, sic ex terramotu, discessuque maximum inferunt quo spiritus intrò conceptus perrumpit atque disijcit totam molem. Hinc noui montes exsurgunt prioribus dissipatis, noua rerum semina delitescencia prodeunt, vnde & illæ procreantur animantes ad recentem illam mundi faciem accommodatæ, hancque non minus opportunam & sibi convenientem admirantur, quàm nos eam in qua nati sumus. Vt enim ranis nulla videtur constitutio præstantior palude, vbi natæ sunt, sic ea quæ prodeunt ex ruina prioris mundi, nouam illam speciem rerum ita sibi congruam aptamque vident, vt eam propter se putent exortam, & nihil melius fieri posse. Neque verò necessarium credunt ex eadem Terra semper aliam similem conformari, sed interdum omnino dissipari eius partes, alijsque mundis aggregari, aut

pro rei natura diffimile quidpiam coalescere. Hanc opinionem secuti sunt Rabbini in suo Talmuth & in eo ab antiquis non longè absunt. Maximum autem arbitrantur illum interitum, quo dissoluitur corpus vnde cætera pendet, vt Terra & planetæ omnes a Sole, eo enim extincto necesse est maximam fieri mutationem. Extingui autem posse Solem non dubitabant, vt potè facem immensam, quæ accipit redditque perpetuum ignem intra se conceptum ex materia vnde quaque affluente. Eadem est ratio de stellis inerrantibus siue fixis, quæ totidem Soles esse videntur, circa quos oberant alij planetæ non magis conspicui nobis, quàm nostri planetæ ijs qui inde Solem nostrum intruerentur. Sed vt rem contrahamus ad Terræ dissolutionem, apud Theophrastum Terram hanc non esse æternam argumentum est, quòd iam montes solo penitus æquati essent, cùm enim ab aquis defluentibus plus deradatur, quàm apponatur, iam pridem collapsi esse debebant. Dices hoc damnum aliunde refarciri, quia tantum aeris & aquæ conuertitur in montes, quantum terræ ab ipsis defluit. Verùm & si hanc elementorum conuersionem reciprocam satis explodendam puto in libris de Ortu, tamen hic locum habere non potest, idem enim est ac si quis diceret attritos lapides incrementum capessere & aerem in se conuerrere. Vna est responsio vendibilior, si dicas lapides & metalla quæ sunt intra viscera montium, crescere perinde ac plantas, vt quorundam fuit opinio, sed eam reiicit Aristoteles, neque ipse potest explicare cur montes non diminuantur, nisi per inanem illam aeris & aquæ transmutationem. CHA R. Adde etiam si tibi tantopore displiceret mutua rerum transmutatio, responderi posse Terræ motibus alios montes enasci, alios concidere, idque ob vini spiritus concepti Terræ visceribus, vel ab ignibus subterraneis, vel a diluvijs & tempestatibus. Sed tu, dum contemptis rationibus Aristotelis, artium interitum difficile reperis extra mundi ruinam, iam non habes vnde homines artium inuentores enascantur, sed neque perfectum aliud animal, quòd oritur tantùm ex coitu maris & foeminæ, cum mundo igitur & artium & animalium irreparabilem iacturam facis. A R I S T. Immo cùm agemus de generatione viuientium lib. 2. de Anima, ostendam apud antiquos atque etiam ipsum Aristotelem 2. Polit. c. 6. & alibi noua & insolita quadam caussarum concursione, citra coitum maris & foeminæ, tam homines quàm cæteras animantes progenerari: quod etiam nunc indicat natura, cuius vi occulta producantur interdum serpentes & id genus animalia lapidibus ita conclusa, vt cùm viua inde extrahuntur perfracto lapide, palam fiat inibi fuisse concepta, nec cibo ordinario increuisse: quare putant hominibus quoque procreandis rationes alias nobis incognitas non deesse. CHA R. Tanto igitur facilius erit Aristoteli suam tueri de mundi æternitate opinionem: sed de his alibi. Nunc absolendum est argumentum quoddam popolare contra mundi æternitatem. Anilis & superstitiosa quædam opinio a primis vsque ducta temporibus inueterauit fenescere quotidie mundum, & omnia in deterius prolabi, animalia nunc præsertim homines longè quàm olim minores nasci ac debiliores: multum de virtute plantarum decessisse: omnibus corporis molem & vitam breuiorem



rem circumscribi, ac tandem mundo ad senium & decrepitam ætatem pro-  
perante, homines fore gruibus hodiernis non altiores, grues columbis,  
columbas muscis, muscas atomis pene similes procreandas. Atque ita  
probant contra ac dixit Aristoteles, neque semper fuisse, neque semper fu-  
turam hominum propagationem: ad eam quippe paruitatem deuenietur,  
qua minusculi homunciones cum pulvere volatilis per aerem circumfe-  
rentur. A R I S T. Hanc ego mundi senescentis opinionem crediderim  
a senibus ob elapsæ vitæ memoriam, & vicinæ mortis odium inuectam ef-  
se. Est enim senex *Laudatur temporis ætati Seiuuene*, sic antiquitatis solius  
admirator est senex, contemptor verò temporis quod iam decurritur: me-  
iura omnia & pulchriora putat superioribus sæculis extitisse, nec modò  
totius corporis habitum præstantiorem, sed etiam partus ingeniorum fe-  
liciores. Denique clamat & reclamitat cum poetis.

--- Omnia fatis

*In peius ruere, ac retro sublapsa referri.*

*Ætas parentum peior auis tulit*

*Nos nequiores, mox daturos*

*Progeniem vitiosorem.*

C H A R. Ego verò non tam a senio profectam huiusmodi opinionem esse  
arbitror, quàm a summa ignoratione doctrinæ peripateticæ de ortu & in-  
ritu, proinde non minus in iuuenes ignaros, quàm in senes hanc deliratio-  
nem cadere posse. Mirum autem est vnde illis tam inanis opinio inces-  
serit, cum artes ratione & experientia perficiantur quotidiana, naturam velint  
peruascere quodammodo, & industriam qua prius opera sua moliebatur,  
ediscere. Forte quod nata est deteriolem materiam elementorum? At  
certè ignem, quo fouemur, non puto frigidiorlem quàm Saturni & Iouis  
imporibus, non sicciorem aquam, non Terram humidiorlem. Nec minus  
sol cuiusvis adea quæ in Terra geruntur, pertinet, solstitiali se & brumali  
uocatione conuertit: nec minus reliqua sidera quæ naturam habent ef-  
ficacem, totius cæli descriptionem iisdem referunt interuallis. Qui pro-  
pterea doctrinam Aristotelis calluerit senex, aut iuuenis facile se eximet ab hac  
opinionem inanissima, & sicut iuuenis bene viuendi, ita & constanter mo-  
endi rationem inueniet senex. Causas perpetuæ generationis obserua-  
te esse tum materiam primam, quæ nunquam formam vnâ dimittit, quin  
terram suscipiat, tum superiorem lationem, quæ ut ait Philosophus, gene-  
rationem efficit perpetuam, quoniam adducit & abducit generatorem, ni-  
mirum Solem. A R I S T. Ad hoc principijs Aristotelis non est opus,  
inex veterum doctrinæ non modò rerum ortus quos ipse admittit, sed  
etiam mundorum perpetuæ generationes, quas non recipit, longè facilius  
telligantur, nisi aliud habes quod opponas. C H A R. Quid diutius  
inmoramur in falsis istis veterum & Aristotelis opinionibus adornandis?  
ætera fuscè videri possunt apud Pererium lib. 15. de Principijs vbi a capi-  
tulo 2 ad 9. diluit obiectiones 56. duodecim Aristotelis, duodecim Auerrois,  
ginti Procli, & duodecim a se inuentas. Præstat certè cum in ea re tan-  
tum otij impenderimus, proximum circulum vnum, aut alterum dare veri-  
tati,

tati, qua diuinitus instituti credimus ex nihilo mundum hunc a Deo fuisse creatum, & aliquando dissoluendum. Expendemus resumpto, si lubet, habitu theologico, quàm sit consentaneum rationi quidquid de origine & fine mundi accepimus a libris sacris, non inuiti, ut spero, digressione.

**A R I S T.** Audirem hæc libentius ab humanissimis omnique literarum præsidio instructissimis Viris Lelio Mancino, & Paganino Gaudenzio, quibus sacrarum literarum cognitionem non aliqua dedisse videtur institutio sed ipsa propemodum infuisse Sapiencia diuina. Nos interim eorum ex culti consuetudine nitentur ostendere veram originem mundi, in ijsque omnibus habebis me assensorem, ut si quid aduersarij nostræ Religioni contramoliuntur, eos facilius coniunctis viribus proturbemus.

**C H A R.** Contendam igitur aduersus difficultates, quas tantum exercitiationis causa adducebas 8. Phys. Circ. ult. ac demonstrare conabor ex lectione sacræ historiæ plenæ miraculis & diuinis prædictionibus, etiam naturaliter agnosci posse primum vnum mundi opificem & Creatorem.

**A R I S T.** Operam amicabilem præstiteris, qua nihil exoptatius accideri mihi potest, nihil iucundius.

## Digressio prima de literarum sacrarum auctoritate circa Mundi originem.

### C I R C U L V S T E R T I V S.

#### CHARILAVS. ARISTÆVS.



**C H A R.** Et si dogma fidei nostræ de origine & fine mundi non indiget rationis vllius adminiculo, permittit tamen ea considerari quæ Theologi vocant motiua credendi, ut ex ijs naturaliter videri possit, quàm longo interuallo doctrinas omnes profanas postrelinquat. Vnum hic præcipuè nobis spectandum est, Mosis scilicet auctoritas, vnde hanc doctrinam expressimus. Loquor de humana auctoritate iuxta philosophos, qui magistris suis viris grauissimis plurimum tribuunt vnde extrahit illud Ciceronis Lib. 1. de Diuin. ut rationem nullam afferret auctoritate tamen hos minutos philosophos vincerent. Quare obesse debet, quod dictum aiunt in Mosem virum sapientissimum, eum multa dicere, probare nihil, porior enim est eius auctoritas, quàm rationes Platonis & aliorum omnium philosophorum, qui licet cum Platone docent fortassis hunc mundum a Deo fuisse conditum, ex materia tamen æterna, non rem ex nihilo putant esse productum. Neque Plato rationem exigere debet potius a Mose, quàm a Chaldaeis & a Diotima, quibus ipse & Socrates etiam citra rationem assentiendum esse dicebant. Inter historias quibus



rurale lumen ostendit fidem esse habendam, principem locum tenet historia sacra, cum ob antiquitatem, tum ob scriptoris sanctimoniam. Et de antiquitate quidem Augustinus 18. de Ciuit. c. 8. Eusebius lib. 9. Præparationis, Lactantius de vera sententia c. 5. Theodoretus lib. 2. de curandis Græcorum affectionibus, docent Mosem fuisse ante profanos omnes, scilicet ante diluuium Deucalionis, Phaetontis incendium, Ianum, Herculem, Amphionem, Linum, Orpheum, Homerum. Vnde apud Eusebium c. 3. Numenius scriptum reliquit, Platonem nihil aliud esse, quàm Mosem atticè loquentem. Hoc tamen ita dixerim accipiendum, vt Chrysostomus hom. 3. in 1. ad Cor. ait apud ethnicos disceptatum fuisse, an Paulus Platoni præferendus esset, quod non de eloquentia, sed de scientia rerum diuinarum intelligitur, sermonis enim imperitiam excusant Moses & Paulus. Integritatem scriptoris testatur illud Ecclesiastici: Dilectus Deo & hominibus Moyse. Neque verò suis tantum, inquit Eusebius, sed etiam ethnicis fuit admirationi. Hinc sapientes Græciæ, Trismegistus, Pythagoras, Plato multa ab eo dogmata mutuati sunt, vt referunt Aristobulus, Eusebius, Atticus Plonicus & alij. Poetæ verò quæ inde acceperant fabularum integumentis inuoluerunt: diluuium sub Noë fabulis Deucalionis, Solis regressum sub Ezechia casu Phaetontis: pro turre Babel finxerunt Gigantes in coelum pugnantes. Cùm igitur ex tali autore habeamus mundum paulum ante sex mille annos esse conditum, proteruum videtur id negare. Audiendi non sunt Ægyptij, quorum etsi regio, vt inquit Aristoteles, manu videtur & arte facta, tamen se iactant habere historias annorum septuaginta & octo millium, & iam bis Solem occidisse vnde nunc oritur, quater cæcorum cursus esse peractos, sex annorum millibus se habuisse artem pingendi ante Græcos. Verùm quomodo id sciissent Ægyptij, nisi per literas, quarum inuentionem fatentur ab Iside profluxisse: hæc autem Alexandro vit antiquior tantum mille annis. Erroris originem aperit fortasse Plutarchus in Numa. Ægyptijs, inquit, annus initio tantum vno mense constabat, postea quatuor: hinc probatur error iactatæ antiquitatis suæ, cùm alioquin non sit gens adeo vetusta: Hæc ille. Diodorus etiam Augusti ætate cùm omnia eorum adyta peruestigasset, vix inuenit quatuor annorum millia: tamen lib. 1. Ægyptijs scientiam siderum tribuit, aitque Ægyptios Isidi, atque Osiridi duas columnas erexisse, in quibus rerum ab ipsis gestarum atque inuentarum fieret mentio. Contra verò Iosephus 1. Antiq. initio ait filios Sethi siderum scientiam inuenisse, fecisseque columnam æneam atque apideam, quas suis adhuc temporibus ait credi esse in Syria. Nec magis credendum est Chaldæis, qui vt vendibiliorem suam facerent astrologiam, se plura adhuc annorum millia posuisse iactabant in explorando puerorum die natali. Vnde Plinius lib. 7. c. 56. Epigenes, inquit, apud Babylonios septingentorum viginti annorum obseruationes siderum coctilibus laterculis inscriptas docet, grauis autor imprimis: qui minime n. B. rosus & Criodemus 480. annorum: ex quo apparet æternus literarum vsus. Ita Plinius, qui & addit se arbitrari literas Assyrias semper fuisse. Callisthenes tamen Aristotelis ex sorore nepos in Chaldæorum monumentis comperit tantum

tum annos mille nongentos tres ab ultima antiquitate qua principatur adepti fuerant. Eiusdem generis est illud Laertij somnium, quo mundi tribuuntur annorum quadraginta octo millia octingenti & sexaginta tres in quibus tamen ait extitisse tantum eclipses Lunæ octingentas triginta duas, cum tamen esse debuissent triginta octo millia trecentæ & octoginta. Sic & illud quorundam populorum orientalium, qui septingenta annorum millia se in historijs habere iactant. Quoniam verò quidquid hodierno circulo de initio mundi dicturi sumus, petitur tam a veteri quam noua historia sacra, liber hic tantisper digredi ad depellendas quasdam dubitationes, quæ a profanis & impijs autoribus excitatæ sunt. Imprimis Mosem veteris historiae scriptorem leprosum & magum ex Ægypto expulsum lepra atque alijs morbis virulentis infectos secum traxisse mentiantur. Quæ calumniæ fuerunt Manethonis Ægyptij, Lyfimachi, Apion grammatici & aliorum, qui fusè a Iosepho libris contra eundem Apion editis refutantur, præsertim sub finem libri primi: non enim inquit, Moses leprosus de leproso extra castra pellendo contra seipsum legem tulisse. Lyfimachus autem cum Apione scriptis prodidit pulforum ex Ægypto Hebræorum numerum fuisse vndecim nyriades. Charemon verò apud Iosephum 250. millia delectu morbidorum factò ab Amenophi pulsa firbus tradit, deinde ab eius filio Messene circiter ducenta millia: Manetho autem octoginta millia. Quod Diodoro Siculo, Tacito, Iustino Iudarum inimicis facile fuit persuadere. Ineptè Plinius lib. 30. c. 1. dicit ipsum artem magicam exercuisse cum Iamne & Iotape Iudaïs, multisque millibus annorum vixisse post Zoroastrem. Tot viri sancti & Christi ipse Mosem secuti satis eum vindicant ab hac calumnia, quidquid effusi contra liber impius de tribus impostoribus, omnia refundens in damonem potentiorum, cuius ope Magi alij alijs videntur præstantiores: quò etiam refertur illud fictum a Boccacio de tribus annulis. Impietas hæc maiore est quam eorum Gentilium, qui teste Augustino 18. de Ciuit. 53. dicebatur finem esse Christianorum ex quodam oraculo, Christum autem huius in munem criminis faciebant, sed Petrum veneficijs effecisse ut multis antecoleretur, quòd forte colorem sanguineum in eius oculis referrent ad verum rerum terribilium, non autem ad pias lacrymas iuxta Nicephorum lib. 6. c. 37. Non defuerunt tamen qui circumferrent librum de Christi magi quem turpissimi mendacij arguit Augustinus de consensu Euang. c. 8. & Quamquam autem non inficiamur inter veneficos videri quosdam alijs præstantiores, dicimus tamen Dei prouidentia deregi fraudem. Ita Anastasius Nicaenus q. 25. ait Simonem magum fecisse statuas ambulare, in igne volutatum non vri, in aere volare, ex lapidibus panes facere. Propterea Iustinus in Apolog. ad Anton. Pium, Irenæus, Tertullianus, Eusebius dicunt Simoni Mago ex Senatusconsulto a Claudio Imperatore erectam statua in insula Tiberina, cum hac inscriptione, *Simoni deo sancto*. At volante illum ad coelum Simonem ut suos bonis repleret, orante Petro reuocatum ex aërio volatu, & prolapsum cruribus confRACTIS coram populo ait Clemens Romanus 6. Const. 2. & Arnobius aduersus Gentiles lib. 2. Quæ



dem dicendum est de alijs id genus, vt Apollonio Tyanæo fictis prædictionibus & miraculis claro, foris autem Pythagoreum philosophum ostendente, a quo Philostratus in Apol. lib. 4. ait Romæ puellam pheretrompositam fuisse excitatam. Inde Hierocles vnus ex Areopagi iudicibus nihil magis demonstrare conatus est, quàm Apollonium fuisse Christo æquum: nam apud Lactantium lib. 5. c. 3. ait Ephesos eum coluisse vt Deum. Testatur hoc & de Alexandro Imperatore Lampridius, & de multis alijs Anastasius Nicænus q. 23. & post illius mortem plurima signa eius nomine edita. Quinetiam Iustinus q. 24. ait illius statuam ope dæmonum aliquamdiu responsa dedisse. Fraus verò tandem deprehensa est, Deo matrem fidei subministrante, ita tamen vt ficta a veris discerni possint. Ineum est omnino quòd aliqui vellent Mosem edidisse signa huiusmodi, quæ nulla arte magica confingi queant. Deus enim cui perinde facilia sunt magna & parua, facit quæ optima sunt ad hominum salutem, vim afferre non vult libertati, & fidei semper locum relinquit. Satis ei fuit quòd Magi se victos a Mose faterentur, dum sciniphes creare non potuerunt, sed tantum ranas: vnde Rabbinii dixere magicis artibus non posse produci animal minus grano hordei. Propterea Deus, vt Moses a Iudæis reciperetur, ita duntaxat signa dedit, nimirum virgam in serpentis formam vertere, manum in lepram, aquam fluuij in sanguinem. Hæc eadem facta a Magis applicantibus agens patienti, vera rei conuersione, docet D. Thomas q. 114. a. 4. sequens in ea re Augustinum. At Iustinus, Tertullianus, Ambrosius, Gregorius Nissenus Magorum præstigias & fictiones fuisse dicunt. Si quæ vò ab ethnicis illustriora signa videntur edita, vel ea conficta sunt, vel infcleratorum poenas a Deo facta. Præcipua siquidem apud antiquos contigisse dicuntur ob violatum ius humanum, atque diuinum. Ita cùm leimus propter Apollinis templum direptum, aut cærimonias & religionem ethnicorum contaminatas, prodigiosa quædam accidisse, non minus quàm si ageretur de Dei cultu, quanquam id cacodæmoni diuinitus concedi potest in poenam maiorem eorum qui impiam amplexi sunt religionem: probabilius tamen videtur etiam Deum verè vlcisci crimen illud quod suble potest homini suam, quæcunque illa sit, religionem contemnenti. Do enim sunt in huiusmodi religione, vnum impiū, vt quòd fictum Apollinem colunt, hoc si violatum est, Deus non vlciscitur: alterum pietatem aliquam habet, nempe quòd dicunt, licet falsò se colere verum Deum, ei quoque diuinum honorem & cultum decernunt, hoc violatum vindicat Deus, non perinde eum contemnunt, ac qui deserunt veram religionem. Quod si his non sufficiunt quæ fecit Moses coram Pharaone, & in deserto, neque si Deus crearet alium mundum, ipsis suffecerit, neque si Christus vt quidam aut, ex ipsa cruce vel sepulcro, cunctis spectantibus qui tunc in mundo erant hominibus, in coelum sublatus esset, defuissent postea qui fabulas se dixissent. A R I S T. Orationem tuam non interrumpam, sed adhibebo duntaxat eorum quæ dicebam ad octauum Phys. de prouidentia, quàm sit necessarius Dei contactus ad vera miracula discernenda, ad supremi vnus Creatoris cognitionem assurgamus, nec simul colatur

Sanctus Mandalus, Sancta Xynoris, Sanctus Vermius, sicut olim a Pionibus occasione veteris epitaphij, quod vix legebatur, *Vermibus hic ponor* &c. Vnde iam factum erat vt mulierculis lapidem hunc ad vermes encandos deradentibus, locus ille fictis miraculis celebraretur. Si tollis aflatum diuinum, & res vt sunt consideras tantum naturaliter, laborat intellectus vt veros autores distinguat ab ijs, qui sibi fidem quærunt falsi prodigijs. Oboriri potest eadem suspicio propter quam Theodosius Imperator vlt. Const. Theod. de sepulc. viol. vetuerat distrahi reliquias Sanctorum Martyrum, quod quidam pseudomonachi turpis lucri causa cursantes eas venditarent: & Concilium Casaraugustanum Secundum in Hispania iusserat vt quæ reperirentur in templis Arianorum, igne probarentur, & ex duntaxat quæ ab incendio illa sæ remanerent, seruari. Non omnes sunt eius fidei ac ille Sacerdos, quem Gregorius Magnus 3. Epit. 30. scribit petentibus ramenta catenarum D. Pauli, lima facile quibusdam abrasisse, alijs verò vel maximè nitentem non potuisse. Aut Monachi Turonenses a quorum stabulis equus Clodouei, quem ipsis post victoriæ dono dederat, eoque rursus indigens missis centum aureis, ac postea ductis repetebat, nulla vi, nullis blanditijs abduci potuit, nisi postquam ipse misit trecentos aureos, & bonus, inquit, auxilio Martinus, sed carus pretio. Dubium est an complures sint vt Sacerdotes, qui scripserunt olim Carolum Martellum virum insignem, qui Christianam rem. ab imminenti ruina liberauerat, raptum a cacodæmone, & eius corpus in sepulchro non fuisse repertum, idque ob leuem pecuniæ exactionem, quam in summis angustijs tam e bonis sacris, quàm profanis fieri iusserat. Quid aliud que fide diuina sciremus de Sanctæ Crucis inuentione & alijs id generis. Nam Eusebius de ea silet, Zonaras ait accidisse post baptismum Constantini, Ambrosius fuisse distinctam ab alijs titulo Pilati, Paulinus ex motui suscitatione, Ruffinus ex scæminæ nobilis sanatione, Nicephorus: utroque, Sozomenus contra Ambrosium separatim inuentum titulum, Baronius lignum etiam latronum post annos trecentos incorruptum, Paulinus & Cyrillus Hierosolymitanus frustum dari solitum peregrinis atque diminutione, totumque orbem sacro ligno esse repletum. Ita de ceteris, Ambrosius de altero frænum, de altero diadema confectum ab Helena & Constantino missum, tertium ab eadem in Adriaticum mare prolatum testatur Gregorius Turonensis, quartum Zonaras ait positum fuisse in Galea Constantini. Quod verò nunc plures reperiantur, eadem est ratio ac de cruce. Hæc prodigia quantumvis illustria, nihil aut parum mouerent sine fide quam habemus Ecclesiæ Sanctæ. Quare pluris faciendum est miraculum quodvis ab Ecclesia receptum & approbatum, vt briculæ curatio diuinitus facta, quàm si ab aliquo viderentur omnes ad tam reuocati qui hoc sæculo demortui sunt, quàm si montes eiectionibus, quàm si nouus orbis creatus appareret, quippe in ijs omnibus semper esset suspicio magicæ fraudis, quæ ea non verè facta, sed potius argumenta ac ludibria nostrorum sensuum crederentur. Tutius factis omnibus miraculis nunc vti debemus, quàm semper quærere noua signa more & dæ



drorum, de quibus propterea dictum est illud,

*Qualiacunque voles Iudai somnia vendunt.*

Omnibus ad audienda noua prodigia conspirantibus imponi solet, perinde ac auribus percuriosis auidè excipientibus ea quæ belli ac domi geruntur, ut nihil tale accidit ijs qui curiositatis & superstitionis sunt inimunes. Idcirco Græci sapientiam petebant. Vera sapientia est hominem esse contentum ijs signis, quæ Deus Ecclesiæ suæ singulis ætatibus iudicat esse necessaria, nec conqueri quòd iam minus illustria sint & rariora, quàm tempore Moïsis & Apostolorum. Eadem essent si opus foret. Ita respondere magis pium est, quàm vt alij dicunt non euenire nunc signa quæ fidem sequi debebant scilicet loqui nouis linguis, tollere serpentes, ægros curare, quoniam, inquiunt, necesse est vt qui montem vult aliò transferre, non hæsitet, sed certò credat se montem translaturum. Melius, inquam, est respondere iam non videri Deo necessarium quod olim erat vtile nascenti Ecclesiæ, ne aduersarij putent hoc a nobis callidè dictum, vt si mons suo loco non mouetur, hominis hæsitantia in fide, & titubatio causa dicatur, ut arrogantia: quemadmodum habetur apud Cassianum de Herone, qui cum fidenter in puteum se deiecisset, vt temerarius penè extinctus est. Suficit si quis non dubitat Deum posse hæc omnia facere, licet ambigat an facturum sit precibus suis, quas ea gratia non putat dignas, idque citra culpam. Arguere verò dubitantem non de potentia Dei, sed de effectu, est planè hominem arguere quòd non acceperit instinctum diuinum, quo id omnino sibi persuadeat. Quamobrem oportet Moïsem & alios in deserto de operibus Dei dubitantes ac propterea poenis affectos, quam dixi culpam incurrisse; non enim Deus eos ingressu terræ sanctæ prohibuisset, si dubitarent tantum de suis meritis, non autem de Dei promissione. Quòd igitur miracula rariora sunt etiam in ijs terris, vbi nunc ad fidem disseminandam non minus necessaria dixerit aliquis expers diuinæ fidei, quàm tempore Apostolorum, præclarè Iaponensis Martyr tyrannis postulantibus miraculum vel vnum, & se Christianos hoc ipso fore pollicentibus, dixisse fertur: Ecce vobis editum a me miraculum longè clarissimum, quòd em familiarem, liberos, & vxorem relinquo libens, vt pro Christo moriar. Idem dici potest de Sanctis aliquot religiosis in mare præcipitatis a Iaponibus hortantibus vt emergerent: eorum corpora ab vrinatoribus Christianis tandiu quæsitæ sunt, donec multis post diebus duo tantum ferè purgata more cadauerum emerferunt, ostenderuntque potissima miracula esse ea quæ prædicarat Sanctus Martyr. Stolidè igitur quærebant cur Deus tot annis ignotus ipsis non propria quadam & prodigiosa legatione, sed occasione mercium, *quo truna & coctona vento*, legis suæ dogmata illuc deferri voluit. Rixius Sinarum regnum ingressus nullo miraculo clarus e viuis excessit, & subinde duo eius focij iam ad id instructi magno labore. Ne verò populus ille nouitate mysteriorum offenderetur, non primùm arcana fidei propalam euulgarunt, sed industriè proposuerunt facilia, ac serico panno mutarunt vestem exoletam, omnibus omnia facti vt omnes Christo lucrifacerent. Quod illi non intelligebant, prodigiaque Mosaica legis ex-

petebant potius quàm ægrorum curationes, quas fraudibus magis opportunas arbitrabantur, ignari diuinorum mysteriorum, nempe quòd iam miracula maxima parte versantur in curandis corporis humani morbis, non in coeli terræque prodigijs tempore Mosi edi solitis, quoniam ex quo diuinitas humano corpore quodammodo se conclusit, eodem gloriosa miraculorum suorum opera concludere voluit. Sed persequere sermonem institutum. **C H A R.** Ostendebam Mosem signa edidisse quæ arte magica fieri non potuerunt, dum Magi ipsi vlcerosi victos se fassi sunt cum rege nequitia incredibili obdurato, vt ait Augustinus sermone 88. de tempore. *Quid est, inquit, indurabo cor Pharaonis, nisi quòd cum abfuerit gratia mea, induret illum nequitia sua?* Ita est omnino, quis enim nisi mente captus ausus esset ingredi sinum illum maris horrendum, assurgente hinc atque hinc flutu murorum instar, nec insidias timuisset a quo toties prodigia non minora fieri conspexerat. Solent illi qui rei magicæ dant operam, tandem a dæmonibus circumueniri ac male perire, quòd a Mose procul abfuit. Legimus quidem Exod. c. 4. *Cùm esset in itinere in diuersorio, occurrit ei dominus & volebat eum occidere.* Sed communis sententia est terrorem illum iniectum Mosi ob negligentiam in puero circumcidendo. Deuter. 32. mori dicitur in montibus Abarim, quorum Nebo altissimus est & a domino sepultus, ita vt nemo sciat eius sepulcrum. Caietanus ait Mosem a Deo per angelos fuisse sepultum, quod acceperat à Sancto Epiphanio hæresi 9. idque in valle Moab contra Phogor, nesciri tamen locum sepulcri, quia nubes vallem operuerat: nam & Iosephus in calce libri 4. ait Mosem nube circumdatum in hanc vallem fuisse delatum. Solent venefici terrere homines ipso aspectu & aliud quod horroris præferre signum: at Moses dicitur mitissimus omnium hominum, atque ex sermone & conspectu Dei non modò fuisse linguæ impeditioris, sed etiam lucem imbibisse, vnde cornuta, id est lucida facies appareret: nam si vera fuissent cornua, vt quidam dixere, propterea quòd lumen non videtur posse lumi pro cornibus, ipse profectò tacto ea sensisset dicitur tamen, *Et ignorabat Moyses quòd cornuta esset facies eius.* Quare non sunt audiendi qui dicunt hæc cornua fuisse vera ad legis diuinæ significandam vim & robur, cuius sunt signa in sacris literis, vt cùm dicitur *cornu Israel, cornu populi sui.* Quod non ignorans Sedecias licet falsus propheta 3. Reg. 22. fecit sibi cornua ferrea, dixitque regi Achabo, *his ventilabis Syriam, donec deleas ipsam.* Hoc ad Mosi cornua nihil attinet, nam Exod. 34. videtur ea potius ad reuerentiam habuisse, quàm ad terrorem. Propterea septuaginta interpretes, qui nonnulla solent immutare conuenienter, non legunt, quòd *cornuta esset facies eius*, sed *ὅτι δεδόξασαι ἡ ὄψις τῆ χρώματος*, id est quòd aspectus cutis gloriosus esset effectus. Ratio redditur ex consortio sermonis Domini, puta vt ait Abulensis ex illa visione posteriorum, vnde lumen hauserat e fronte emicans instar cornuum, quæ dicitur velo obtexisse, quoties populum alloquebatur. Solent præterea dæmones magicæ auctores hominem simulatione atque mendacijs impellere ad res nefarias a natura planè abhorrentes, hæc verò prohibet historia sacra, tam noua quàm vetus: nulla in ijs vmbra simulationis, sed docetur cultus diuinus omnino



naturæ consentaneus. Profani quidem legiflatores dissimulantias & figmenta quæ aliquo modo tendunt ad populi salutem, honesta putarunt & licita, quia veritatem quam docerent, ignorabant: at historia sacra fons veritatis nulla indiget simulatione. Permittit quidem ea dici quæ aliquis audiens accipit alio sensu, & sic a seipso hallucinatur, non permittit tamen ea dici fraudulenter & animo decipiendi ac simplicioribus imponendi. Quo nomine Patres e Societate Iesu, ab aliquibus notantur, sed immeritissimi, non enim docent esse licitum aliter loqui, quàm locuti sunt Moses, Abrahamus, Isaacus, Sara, Rebecca, Iacob, Iuditha, David, Apostoli, & Christus ipse. Cùm Moses Deo iubente petita Pharaone vt permittat populum ire viam trium dierum ad sacrificandum, ne peste aut gladio conficerentur, & se nescire quid ad sacrificium postularetur, aut cùm vasa mutua iussit accipi in iustam mercedem seruitutis, ita statuerente domino omnium bonorum, non fuit simulator, sed obediens præcepto diuino, quòd Ægyptij nõ intelligentes vecordia sua, non verborum fallacia decepti sunt: diciturque Deus indurasse cor Pharaonis. Nam vt Augustinus supra docebat, *cum Deus subtrahit gratiam suam, saepe dicitur id facere quod non prohibuit culpa solius hominis*, vt Ezechielis 14. *Si errauerit propheta, ego Dominus deceptus sum*: & 3. Reg. 22. *Spiritus mendax egredietur a facie Domini, vt propheta decipiantur*: sic Ezech. 20. *Dedi eis præcepta non bona*: Puta ob eorum malam voluntatem, quæ gratijs efficacibus non erat digna. Nihil fictum in alijs rebus, quæ erant figuræ nouæ legis, non autem vt aliqui putant, quòd specie religionis adumbrarentur ea quæ pertinent ad politicam. Vt totam domum destruere funditus ob parietes leprosos, & maculis infectos Leuit. 14. Vxorem suspectam adulterij ad sacerdotem ducere, vt biberet ab ipso tralitas aquas amaras maledictionis, & si erat in culpa, vterus eius computresceret, Num. 5. Examen virginitatis Deuter. 22. Nullum circa castra oleum relinqui, ne Deus obambulans offensus ea foeditate castra desereret, Deuter. 23. Sed neque illud per simulationem dictum arbitrandum est, quod ait Moses Deut. 7. loquendo de gentibus quas Iudæi funditus deleturi erant. *Non poteris, inquit, eas delere pariter, ne forte multiplicentur contrate bestia terra*. Cùm enim ex Plinio lib. 8. c. 29. habeamus ciuitates & gentes a minutis animalibus deletas, quanto facilius accidere potuit, oppressis hostibus, paucos Iudæos opprimi a lupis & vrsis desertam regionem instantibus. Quare præceptum de omnibus interficiendis Num. 33. intelligi debet vbi populus ita creuisset, vt nihil timendum videretur a bestiis terræ. Metuebat enim Moses, vt ipse ait, ne reuerterentur in Ægyptum, & propterea non duxit eos via rectissima per terram Philisthorum, quæ est terra Chanaan Abrahamo promissa, & nominatim Isaaco, cùm esset in Geraris apud regem Palesinorum. Philo quoque lib. 1. de vita Mosis ait illum metu hostium retrocessisse: quāquam Deus Philisthas perdere poterat, perinde ac Amalechitas, vt dicitur Exod. 23. *Terrorem meum mittam in praecursum tuum, & occidam omnem populum, ad quem ingrederis*. Ideo Iudicum cap. 1. irascitur quòd illi aduersarios omnes non deleuerint, & hanc ipsorum ait fore ruinam. Nihilominus populum ducere noluit per Philisthas,

stħæos, eosque perdere, cū præsciū esset Iudæos aliquando fore ingratos, ut ait Deuter. 31. & eos circumagendo p̄r desertum voluit ingratos sibi deuincire pluribus prodigijs, quā si Philistħæos statim oppressisset, vel vltro suis mandatis obtemperantes, & ad pietatem verumque Dei cultum reuocatos loco cedere voluisset. Quod si diuinitus aliquid interdum videtur dictum alio sensu quā audientes acceperint, non propterea simulationi vocari debet, ut cū n̄ Tobia c. 4. Raphael dicit se esse Azariam filium magni Anania, quoniam formam eius referebat: sic enim Angelus Deum repræsentans, Deus vocatur, ut notat Serarius. Ita sentiendum est in lege noua nihil fictum esse aut simulatum Dei iussu, sed ad summum alio sensu dictum, quā ab audientibus acciperetur. Christus Ioan. 7. dixit se non ascensurum ad diem festum, ascendit tamen & statim in templo docuit. Hieronimus lib. 2. contra Pelagianos refert hanc fuisse grauissimam Porphyrij obiectionem. Ut illi responderent Græci, varias lectiones commenti sunt. Alij legunt *ἐκ ἀναβαίνω νῦν*, alij *ἐπὶ ἀναβαίνω*. Sed ad quid ista? sensus enim est Christum dixisse se non ascensurum, ut multi putabant, ad se arroganter ostentandum, licet Apostoli longè aliter hoc acciperent. Visus est etiam ostendere se diem iudicij ignorare, ut suos in metu contineret. Matth. 24. *De die autem illa, inquit, & hora nemo scit, nec angeli cœlorum, nisi solus pater.* Et Marci 13. *Neque filius, nisi pater.* Ariani hīc instabant acriter. Nonnulli veteres difficultate pressi corruptum locum esse dixerunt, ut Hieronymus hīc & Ambrosius lib. 5. de fide cap. 8. Origenes verò tract. 30. in Matth. ait Christum hunc diem sciuisse tantū postquam a mortuis suscitatus est. At contra est illud Coloss. 2. *In quo sunt omnes thesauri sapientia & scientia absconditi.* Cū ergo Christus hoc verbo *nisi pater*, videatur etiam excludere Spiritum Sanctum, commodius responderi potest, voluisse ostendere non esse sui officij, diem hunc manifestare sed patris: atque ita non tantū ut hominem, verū etiam aliquo modo ut Deum, se diem hunc ignorare, ut eum discipulis declararet. Neque refert quòd ex alijs ipsius atque Apostolorum verbis primi Christiani in eum errorem inducti sint, ut diem illum instare existimarent: quippe dixerat quosdam ex astantibus non morituros, priusquam regni illius gloriam intuerentur. Prædixerat quoque Ioannes horam nouissimam imminere: propterea multi existimant quosdam ex ijs viuere ad prædictum illud tempus Deo breuissimum, cui mille anni sunt sicut dies vnus. Acerrimè contendant Augustinus epist. 10. & Hieronymus 88. an Paulus notauerit Petrum simulationis, sed hæc omnino fuit leuis non tam reprehensio, quā admonitio, ne subtrahendo se a mensa Gentilium, vbi Iudæos aduenire sentiebat, caderet in offensionem vtrorumque. Seniorum verò consilio idem fierè perfecit Paulus Act. 16. cū Timotheum circumcidit propter Iudæos & cap. 21. alijs cærimonijs Iudaicis dedit operam: tunc enim Petrus, Iacobus Episcopus, & alij fauebant legi retinendæ cum Christianismo. Adeo tamen simplex religio fuit initio, ut cap. 15. Gentiles iubeantur tantū abstinere ab immolatis, suffocato, sanguine & fornicatione. Vnde historicus Ammianus, quanquam ethnicus, accusat Constantium Imper.



rorem quòd religionem Christianam rectam & simplicem tot synodis congregatis, varijs quæstionibus & difficultatibus implexam reddiderit. Nulla verò simulatio fuit, sed summa prudentia in mysterijs paulatim aperiendis, prout homines coelestis doctrinæ sunt idonei. Ita Iesuitæ apud Sinas, cum viderent regem offendi visa imagine Christi de cruce pendentis, quæsi quis ille esset, non dixerunt esse Deum Christianorum, sed hominem Sanctum, qui pro salute suorum indigna morte peremptus esset, Petrum imitati qui Act. cap. 22. Christum appellat virum a Deo approbatum, & c. 10. ait Christum sanasse omnes, quia Deus erat cum illo. Hinc Ariani causam non intelligentes cur passim vocetur homo, & filius hominis, falsò negabant extare locum expressum vnde diuinitas eius argueretur. Cum autem nulla sit admittenda simulatio in rebus sacris, multò minus arbitrandum est falsi aliquid affirmari, & locum vllum esse mendacio, quod vel liquidius constet, obseruandum est ea quæ dicuntur in sacris literis, accipi vel allegoricè, tanquam figuras nouæ legis, vel subaudita conditione, vel secundum sensum rei præcipuæ quæ intenditur, potius quàm secundum verba. Mundus a Philone & Augustino allegoricè sex diebus dicitur creatus. Eugubinus & Caietanus accipiunt allegoricè quod dicitur de costa Adami. Poenam serpentis allegoricam putant Augustinus, Chrysostomus, Theodoretus, Rupertus, D. Thomas, Pererius. Arborem scientiæ & vitæ Philo & Origenes credunt esse allegoricam. Quòd animalia sint adducta coram Adamo, Caietanus id sola cogitatione factum putat. Filij Dei qui inierunt filias hominum, iuxta Symmachum sunt filij magistratum, non autem angeli, vt plerique patres existimarunt. Temporarius ut gigantes tantum fuisse tyrannos non maiores alijs hominibus. Quòd Osee propheta Dei iussu, ad fornicem diuertit & ex meretricula suscepit filios, hoc ad animi solam visionem refert Hieronymus, vt Cyprianus illud quòd cacodæmon dicitur Christum assumpsisse, & modò supra pinnas templi, modò supra montem valde excelsum statuisse. Quòd Nabuchodonosor Rex Babylonis dicitur Danielis 6. septem annis fœnum comedisse instar bouis, pluuias tulisse nec interea regnum alteri fuisse traditum, Origenes & eius sectatores absurdum id existimantes de quo silent alij omnes historici, vt ait Hieronymus, dicunt per Nabuchodonosorem cacodæmonem significari. Cauendum est tamen ab erroribus Origenis ideo damnati, quòd pleraque citra necessitatem intelligit allegoricè, id verò fieri non debet, quotiescunque res ad literam potest intelligi, alioqui tota historia sacra ad allegoriam traheretur. Tutius est affirmare cum D. Paulo 1. Cor. 10. omnia contigisse Iudæis in figura, sic enim plurima quæ cæteroquin ouerilia viderentur & inutilia, referuntur ad finem honestum, vt carimonia legis antiquæ. Abrahamus concubuit cum serua sua Agar, & corpore am mortuo, vt ait Paulus, cum Cethura. Id omnino erat figura, inquit Augustinus lib. 16. de ciuit. cap. 34. vbi illum excusat ab incontinentia, & recurrit ad sensum mysticum: nimirum vt ille concubitus carnales filios, nocet hæreticos, significaret. Proles illa numerosa & sancta promissa patribus, intelligitur Christiana, non tam in hac vita, quàm in futura. Ita quod

quod ait Zacharias cap. 8. *Venient ex omnibus linguis gentium & apprehendent fimbriam viri Iudæi*, id est Christiani. Illud Tobia 14. *Omnes gentes relictis idolis venturas Hierusalem, & inhabitaturas in ea, ut colant Deum Israel*. Ieremias 28. *Dabo eis cor unum & viam unam, ut timeant me uniuersis diebus & bene sit eis ac filiis ipsorum*, plurimæque aliæ prædictiones de noua hac Hierusalem æternum duratura, non possunt intelligi nisi de felicitate spiritali Christianorum. Neque obstant multorum scelera quæ virtutum puritatem non inficiunt, neque persecutiones, quæ inter flores numerantur. Isaia 7. cum duo reges Hierosolyma oppugnarent, Isaia dedit hoc signum Achaz regi timido, virginem grauidatum iri, & filium parituram, qui antequam patrem & matrem vocare sciret, ciuitas liberaretur, ait enim cap. 8. *& accessi ad prophetissam & concepit & peperit filium & dixit dominus ad me, voca nomen eius accelera spolia detrakere, festina prædari, quia antequam sciat puer vocare patrem & matrem suam, auferetur fortitudo Damasci & spolia Samaria coram rege Assyriorum*, quod accidit statim expugnato Damasco, & Samaria, 4. Reg. 16. & 17. Hæcerat figura Christi nascentis, licet ei Matthæus c. 1. det nomen Emanuel diuersum a nomine illius infantis. Osee 3 1. *Vox in Rama audita est*, dictum de tribu Iudæ & Beniamin ducta in captiuitatem, erat figura infantium ab Herode interfectorum Matth. cap. 2. Et cap. 4. quod ait Isaia de tribuum liberatione, Christum liberatorem significabat. Cap. 13 per illud Psal. 77. *Aperiam in parabolis os meum, id est breuib; & acutis sententijs dicam ea quæ præterita sunt ab orbe condito, intelliguntur obscuræ similitudines illæ quas Christus afferebat*. Cap. 21. Dictum Zacharia 9. & Isaia 62. *de asina & pullo simul miscentur, atque ob eam figuram videtur Christus insedisse etiam asinæ, licet Marcus, Lucas, & Ioannes solius pulli meminerint*. Act. cap. 1. Petrus tribuit Iudæ illud Psal. 68. *fiat habitatio eorum deserta*, licet reliquum versiculi ostendere videatur hoc dici de alio: atrexiturque Psal. 108. *& episcopatum eius accipiat alter*. Cap. 2. locus Ioelis, *Sol conuertetur in tenebras*, quem Rufinus exponens totum de Ezechia temporibus esse dicit, intelligitur a Petro de die iudicij. Sunt & alia quæ nesciremus esse figuras nouæ legis, nisi sacræ literæ hoc docuissent. Sed venio ad aliud quod admonebam, ut tu etiam loquendo de prouidentia diuina 8. Phys. ultimo circulo, nimirum ea quæ prædicuntur non semper absolutè dici, sed quadam subaudita conditione, quæ nisi ponatur, id quod Deus euenturum dixerat, non accidet. Ut quod sacerdotium æternum Aaronis familiæ promissum Num. 25. translatum fuerit in Samuelem, qui fuit verus Pontifex, inquit Augustinus, Gregorius, & Chrysostomus, ac postea ad alios. Quod stirps regia sempiterna Dauidi promissa sub Cyro defecerit, & tandem regnum Salomonis, in quem dixerat Deus se animaduersurum tantum virga paterna. Quoddque 2. Reg. 7. dicat populum suum non amplius affligendum, nec loco mouendum. Et Deuter 30. *si ad cardines cœli fueris dissipatus, inde te retrahet Dominus Deus tuus*. Intelligenda sunt hæc omnia sub conditione legis seruandæ. Quod verò Deus multa minatus sit quæ non acciderunt, respondet Polychronius in cap. 29 Ezechielis, Deum magna sæpe minari, non quod inferre velit, sed terrere



ut videtur in Ninivitis. Hoc fefellit Origenem, cumque permouit ut diceret infernum nec perpetuum fore, nec tam acerbum quam multi putant. Ezechielis 26. & 27. ait Tyrum a Nabuchodonosore penitus exterminandam, ut ne pulvis quidem remaneat, nec vltra exedificandam. Ieremias 5. cunctos reges Tyri & vniuersos reges Sidonis seruituros regi Babylonis & omnes nationes circum 70. annis. Isaia 23. in obliuione futuram Tyrum annis septuaginta: at idem Ezechiel c. 29. ostendit ne populatam quidem fuisse, vbi Deus ita loquitur. *Nabuchodonosor rex Babylonis seruire fecit exercitum seruitute magna aduersus Tyrum: omne caput decaluatum est, omnis numerus depilatus est, & merces non est reddita ei, neque exercitus eius de Tyro pro seruitute qua seruauit mihi aduersus eam: propterea hac dicit dominus Deus. Ecce ego dabo Nabuchodonosor regem Babylonis in terra Aegypti, & accipiet multitudinem eius & depraedabitur manubias eius & diripiet spolia eius & erit merces exercitus illius. Prius autem dixerat: Dabo terram Aegypti in solitudines gladio dissipatam a turre Sienes usque ad terminos Aethiopia. Non pertransibit eam pes hominis, neque pes iumenti gradietur in ea, & non habitabitur quadraginta annis. Et Cap. 30. Disperdam simulacra & effare faciam idola de Memphis, & dux de terra Aegypti non erit amplius. Ieremias 25. cum impleti fuerint septuaginta anni loquitur de Babylone) ponam illam in solitudines sempiternas, & cap. 50. adiuuata pulueri &c. Eadem & leuiora de Hierusalem dicta sunt, constat tamen eam a nonnullis fuisse semper habitatam. Quare dicendum est ut de Ninivitis, ob aliquam conditionem nobis ignotam, rem euenisse secus ac licebatur, neque propterea fidem abrogandam esse prophetis ex Deuteronomio ap. 18. vbi Moyses dedit hoc signum veri prophetae. Quod in nomine Domini propheta ille praedixerit & non euenierit, hoc dominus non est locutus. Dictum illud non tollit occultam conditionem, nec facit ut qua haecenus non acciderunt, falsa habeantur, siquidem multa ex ijs seruantur ad finem mundi. Legat aliquis Danielelem, mirabitur statim quod clarè loquatur de proximo futuris, de alijs obcurissimè. Nam caput vndecimum optimè explicatur de quarto rege Persarum, scilicet Xerxe, qui prouocaturus erat regem Graecorum, puta Lacedaemonum, Athenienses enim regem non habebant. Deinde v. 3. surget verò rex fortis, nempe Alexander. Diuidetur eius regnum in quatuor ventos, id est quatuor duces praecipuos Seleucum, Antigonum, Philippum, & Ptolemaeum. Et v. 4. laterabitur enim regnum eius etiam in externos, exceptis his, id est in Perdiccam, Craterum, & Lyfimachum. Sed in versu sexto nihil haecenus videtur clarè ex ijs omnibus accidisse. Quare ne quis putet hanc vaticinationem fuisse scriptam post Alexandrum, Macedoniae tempore confuto bellis Antiochi, dicendum est reliqua seruari ad finem mundi, sicut & quartam bestiam cap. 7. Eadem est ratio de Ioannis Apoc. lypsi, quae licet ab antiquis patribus continere dicatur euenta rei Christianae ad supremi vsque iudicii diem, vix tamen in ea quidquam repetimus ex ijs quae acciderunt: non septem Ecclesiarum quae erant in Asia missionem, non Christianorum oppressionem & Turcarum imperium, quod per Aethiopiā rousisse dicitur Heraclius in appendice ad Gregor. Turon. non recepta loca sancta a Gothofredo, non Indiarum orientalium*

& occidentalium nouas Ecclesias. Verùm necesse non est omnia dici, satis est aliquando euentura quæ prædicuntur, quod omnino fit, si dictum illud (*in nouissimis diebus*) interpretemur modò de fine legis Mosaicæ & temporibus Apostolorum, modò de nostris, modò de fine mundi. Ita cùm Christus affert obscurè signa iudicij extremi, loquitur de excidio vrbs simul & extremo iudicio, quod ex eius verbis putarunt Apostoli & primi Christiani secuturum statim post vrbs excisionem iuxta Hieronymum, Augustinum & Bedam. Chrysostomus tamen, Theophyl. & Euthymius ea omnia intelligunt de solo excidio Hierosolymitano. Irenæus verò, Hilarius & Gregorius de vltimo iudicio tantùm, quod & si Christus dicat Apostolis se prædixisse, nihil tamen intellexerunt. Atque inde ortus est error Chiliastarum credentium se statim regnatos cum Christo mille annis. Aduertimus autem iam supra, vt omnes in officio continerentur, non alia iudicii signa fuisse allata, quàm quæ singulis ferè sæculis accidere solent, nisi stellarum casum interpretemur de veris stellis, non minus quàm Solis & Lunæ defectiones. Non possum hîc agendo de prophetis approbare quod aiebat. Phyl. Circ. vlt. etiam viros sanctos vaticinantes fuisse mente abalienatos, nisi forte, vt arbitror, intelligebas secundùm speciem externam, & vulgi rudis opinionem: hoc enim discrimen esse puto profanos inter & sacros vates, quòd illi mente & corpore turbati in furorem & rabiem vertentur: vnde Virg. 6. Æn. de Sibylla.

*Et rabie fera corda tument.*

Isti verò extrinsecus turbati viderentur, ita tamen vt mens sibi constaret nec a rationis statu deijceretur, licet vulgus aliter iudicaret, ex cuius ista opinione, prophetare dicitur pro insanire, vt 1. Reg. 18. *inuasit spiritus domini malus Saul & prophetabat in medio domus sua*; Chaldaus vertit *insanabat*, vt falsò credebantur prophetae, qui propterea insani audiebant, sicut ille qui missu Elisæi regem inunxit Iehu 4. Reg. 9. De ijs etiam quia Saul ter missi sunt ad Dauidem comprehendendum, habetur cap. 19. *Factus est etiam spiritus Domini in illis & prophetare ceperunt*. De Saule quoque ipsos cuto milites: *Et expoliauit etiam ipse vestimentis suis & prophetauit cum ceterorum Samuele & cecinit nudus tota die illa & nocte*. Hoc loco Chaldaus Paraphrastes quem sequuntur Abulensis & Vatablus, prophetare explicat Deum laudare repentino afflatu. Augustinus lib. 2. ad Simplicium q. 1. spiritum prophetiæ Sauli datum non per modum habitus, sed actus traiecit, atque ita cessasse vbi Deus concurrere desijt, & iterum post aliquos annos incepisse. Neque dementia signum videri debet quòd prophetae & Samuel erant omnino nudi, licet Hieronymus in Tradit. dicat Saule se regalibus tantùm vestimentis expoliasse, secutus septuaginta & Iosaphum, qui forte indignum id reputans, non posuit illud (*etiam ipse*) Vatablus tamen & Tostatus dicunt planè nudos fuisse, quia Dei spiritus aufert omnem pudorem, vt ait Augustinus de Adamo: *Nuditas turpis non erat, quoniam nondum libido membra illa præter arbitrium commouebat*. Longè mirabilius Christum ipsum Marci 3. creditum a suis in furorem versum, ita vt deum iam ligando coram matre inter se agerent, Pharisei verò vi dæmonij a cuius



uius percussus dicerent, ignorantes quæ sit energia diuini spiritus. Propterea & illius discipulos iudicabant esse multo plenos profani homines, qui sciebant Bacchi sacerdotes nunquam magis fatidica dedisse responsa, quam ubi bene poti erant & temulenti. Tandem obseruandum est in sacris historicis nihil omnino falsi reperiri, licet Deus ad maius fidei meritum vocet uti vario ingenio, stylo, & ipsa imbecillitate humana ad libros huiusmodi exarandos: unde videntur alij ingeniosius & elegantius scripti, ut liber Iobi, alij minus eleganter & accuratè. Linguarum donum sic olim impartitus est, ut non ad vanitatem abuterentur: nam & Apostoli utebantur interpretibus, Petrus Marco, ut testis est Papias apud Euseb. lib. 3. list. c. vlt. Paulus Tito, inquit Hieronymus epist. 105. q. 11. Ipse Paulus 1. Cor. 11. fatetur se imperitum venisse sermone, licet non scientia: quare multi libentius audiebant Apollo eloquentem. Id quidem modestè dictum ab Apostolo defendit Augustinus 4. de doctrina Christ. sed verè dictum putat Hieronymus epist. 3. quoniam locutiones habet parum græcas, quin & solocismos & plurimos reperies hæbraismos, sed hæc Apostolo non rant curæ, immo Corinthios hortatur ut prophetare studeant, & linguas mittant. Hæc ingenij & styli diuersitas in agiographis accusanda non est, natura enim subseruit gratiæ, ut Dei spiritus ijs utatur perinde ac si proprio uti scriberent & conceptu, ut patet ex 2. Machab. c. 2. & Luc. 1. Plus aliquid dicam, nihil officere veritati, si quis eos dicat sæpe memoria lapsos, ut putarunt viri docti & catholici cum Hieronymo in epistola ad Pammachium, quod etiam asserit Campanella lib. de reductione ad relig. c. 15. n. 9. Nam fideiiores, inquit, habentur testes etiam in iure civili separatim aliquantulum in modo explicandi discrepantes, sed non in substantia. Hoc non modò non obest veritati, quam intendit declarare Dei spiritus, sed eam indicat ab omni fraudis suspicione. Ita enim constat scriptores sacros non conuenisse, ut eadem ratione atque iisdem omnino verbis aliquid confinnerent. Lapsus memoriæ non est mendacium, quod si vel vnum esset in libris sacris, inquit Augustinus, omnia in dubium reuocaret, ut dicitur de contentijs Mahometi, qui ex duodenis millibus in suo libro conscriptis, ait er mille duntaxat esse veras: unde fit ut Turcæ cum absurdi aliquid inferri vident, excusationem eam prætexant. Quod si lapsus ille, ut ait Hieronymus, toleratus est a Deo in leuioribus, id factum est ut in grauissimis abesset vel minima suspicio simulationis. Malim tamen respondere, pace Hieronymi & aliorum, hoc prouenire potius quòd historici sacri curant sapius sententiam quam verba, ut ait Origenes in Act. c. 2. vbi Ioel a Petro citatus non habet hæc tria verba, *Sursum, signa, deorsum*. Dum igitur ad sensum duntaxat attendunt, non ita exactè res afferuntur, & interdum nomina reticentur. 3. Reg. 13. in historia mirabili leonis & asini, duorum prophetarum nescitur nomen cap. 20. quidam propheta iubet se percuti. Iudic. c. 19. fuit quidam vir Leuites anonymus, ut adolescens, ille qui amictus linteis Christum sequebatur. Matthæus c. 2. afferens verba Micheæ, *Et tu Bethleem*, neque cum propheta conuenit, neque cum 70. interpretibus, inquit Hieronymus: sic neque cap. 12. cum testimonio Isaïæ 42. Et c. 21. ex Zachariæ



& Isaïę verbis diuersis efficit vnā sententiam. Cap. 27. Quod citat de Ieremia propheta est tantū apud Zachariam aliquid simile, non de figulo, neque de agro empto sed de statuario, vbi videtur clarē spectari sensum. Vnde Augustinus lib. 3. de consensu Euang. c. 7. & Beda in commentarij aiunt Matthæum tribuere Ieremię quod debet alteri, nec id referre, quoniam omnia dictata sunt a Spiritu Sancto. Alij dicunt Matthæum ex apocryphis prophetis hoc citasse. Sic Marcus c. 1. scriptum est, inquit, in Isaï propheta. *Ecce ego mitto angelum meum ante faciem tuam, qui preparabit viam tuam ante te. Vox clamantis in deserto, parate viam domini.* At Malachię 3 vbi habetur prima pars huius prophetię, legitur. *Ecce ego mitto angelum meum & preparabit viam ante faciem meam.* Secunda verò pars, *Vox clamantis*, reperitur Isaïę 4. Quod autem in nonnullis codicibus gręcis pro Isaï legitur *ἐν τοῖς προφήταις*, verisimile est aliquos ita scripsisse, vt Porphyrij obiectioni responderent, qui vt Chrysostomus & Hieronymus aiunt hunc locum Christianis opponebat: nam omnes alij habent in Isaïa propheta. Propterea Hieronymus veniam hęc deprecatur, quòd aliter loci ille solui non possit, nisi dicatur Marcum ex vtroque propheta vnā sententiam effecisse, & quia pars præcipua erat Isaïę, Malachiam non nominasse atque ita, vt dicebam, sensum potius quàm alia curauit. Hoc etiam exconstat, quòd non vno modo a scriptoribus sacris multa narrantur. Genes. 10. Arphaxat genuit Sale: at ex septuaginta & D. Luca genuit Caina de quo nihil Moses, quia mysticè voluit numerare decem tantū generationes a Noe ad Abrahamum, sicut decem numerarat ab Adamo ad Noe. I cum Mysterio Matthæus omisit tres reges, ait Iosiam genuisse Iechonia pro Eliacim, & ter quatuordecim numerat generationes, vbi sunt tantū vna & quadraginta. Ioannes in Apocal. numerando tribus Israeliticis, reliquit tribum Dan: Moses in Cantico prætermisit Simeonem. Hoc similiter mysterium est in Luca & septuaginta, quos Hieronymus dicit aut simonis gratia aut Spiritus Sancti afflictu multa immutasse. Act. 7. Stephanus ait sepulcri locum emptum ab Abrahamo a filijs Hemor: At Gen.: dicitur emisse ab Ephron: Et quoniam Gen. 33. Iacob dicitur emisse partem agri a filijs Hemor, censuit Beda & Rabanus Stephanum coniungi duas narrationes, nec id repugnare sapientię Stephani & spiritu quo est plenus. Aduertendum est etiam in numeris errorem posse obrepere, vt oriuntur quædam discrepantię. Gen. 11. Thare dicitur genuisse Abraham. 70. vixisse omnino 205. & c. 12. dicitur Abram cū Dei iussu egressus est de Haran fuisse annorum 75. vt iret in Chanaan. At D. Stephanus Act. Postquam, inquit, mortuus est pater eius, transtulit illum Deus in terram istam. Verum si Abram natus est anno 70. patris, eo moriente habuit 1. ergo iam genuerat Imaelem & Isaacum: nam priorem genuit anno 86. posteriore centesimo. At D. Stephanus translatus ait ipsum in terram Chanaan, eique promissionem factam, cū nondum haberet filium: r. Moses numerat 10 totā familiam, eos non omisisset, & promissio de fructu facta est in ingressu Cananitidis. Quare Hieronymus & Augustinus sequuntur eam sententiam, dicunt esse nodum indissolubilem. Potuit



men esse error librarij in numero annorum, ita vt Thare genuerit Abram anno 130. absoluto. Quod autem admiratur Abram ridens, *putasne centenario nascetur filius, & Sara nonagenaria pariet*, cum ipse natus esset anno 130. patris, dicendum est eorum vires fuisse tunc infirmiores, mox a Deo nouas accepisse, ex Cetura enim genuit sex filios. Ita Caietanus, Pontacus, Lyranus, & Torniellus. Error in numeris similiter apparet Ierem. c. 29. vbi dicitur vrbs capta quinta die mensis: at c. 52. & 4. Reg. 25. item apud Iosephum lib. 10. c. 11. in omnibus linguis constanter legitur nona mensis: Sic Ezechielis 33. vbi dicitur, *& factum est in duodecimo anno, in decimo mense, in quinta mensis transmigrationis nostre, venit ad me qui fugerat de Hierusalem, dicens vastata est ciuitas*. Mirum esset ruinam fuisse cognitam Babyloni, vt ait Hieronymus, non nisi post vnum annum, quatuor menses, & viginti quinque dies, cum omnes captiui simul intra duos menses potuerint Babylonem peruenire. Obseruandum est præterea cum aliquid narrari videtur varijs modis, hæc omnia contingere posse sine repugnantia, cum ab vno dicitur quod ab alio prætermisum est. Vt in libris Machab. Antiochus mori videtur tribus modis: lib. 1. c. 6. in suo lecto Babylone: lib. 2. c. 1. in Perside lapidibus oppressus cum suis in templo Nanræx: & c. 9. cum curru excidisset, reuertens e Perside, vermibus toto corpore manantibus in montibus moritur aduena. Omnes hæc calamitates illi acciderunt, sed referuntur separatim ab alijs historicis profanis, a quibus autor libri Machab. fateretur ea se compilasse. Veritatem, inquit, *de singulis, autoribus concedentes, ipsi autem secundum datam formam breuitati studentes*. Quamuis autem Babylon sit in planicie, possunt tamen esse aliqui montes, vbi ille pene extinctus est, atque inde relatus Babylonem metropolin regni sui, dicitur ibi mortuus aduena propter odium quod in se mouerat. In ijs quoque manifestus est librariorum error in numeris: nam hi libri numerant annos ab initio regni Græcorum in Asia, & lib. 1. c. 9. Iudas dicitur interfectus anno 152. at lib. 2. c. 1. Iudas scribit epistolas anno 188. hoc est anno ab obitu suo trigesimo sexto. Varios quoque narrandi modos videre licet in Euangelistis hinc repugnantia, vbi sensus tantum spectatur. Vt quod refertur Matth. 25. Marci 13. Lucæ 19. Hieronymus & Ambrosius commentar. in cap. 19. Lucæ dicunt esse eandem parabolam, Lucas tamen dictum narrat cum Christus prandisset apud Zachæum Hierosolymam veniens, antequam a sino insideret, Matthæus cum federet in monte Oliuarum, tertio post celebrem illum ingressum die. Lucas decem, Matthæus tribus seruis minas singulas dedisse, Matthæus vni quinque talenta, alteri duo, tertio vnum. Lucas primum seruum vna mina decem, secundum quinque lucrificasse: Matthæus primum quinque talentis alia quinque, secundum duobus quatuor. Lucas seruum illum pigrum minam suam in sudario ligatam habuisse, Matthæus in terram defodisse. Hæc omnia duobus in locis & diuerso tempore dici potuerunt, nisi quis respondere malit in ijs rebus nihil aliud spectari nisi sensum. Ita Matthæi 28. vbi dicitur de Magdalena & alijs foeminis: *Exierunt citò de monumento cum timore & gaudio magno surrentes nunciare discipulis, & in ipsa via Christo occurrerunt*. Lucas c. 24.

ait



ait ipsam & alias mulieres dixisse, ad sepulcrum se vidisse angelos, Petrum autem cucurrisse ad monumentum & se inclinasse, vt videret, ac abiisse mirabundum, cum Ioannes dicat ingressum esse & se simul iuisse. Proinde rem ita narrat, Magdalenam vidisse lapidem ablatum, monuisse Petrum & Ioannem, eos accurrisse, postea Magdalenam mansisse plorantem, mox vidisse angelos, postea Christum: Responsio communis & vera est, Ioannem non esse vsum eo ordine quo res gesta est, sed anticipasse narrationem, vt suo ac Petri testimonio potius quam soeminarum id confirmaret non gloriam ex facto quarens, vt qui ne se quidem nominat, nisi discipulum a Iesu dilectum, quem in fine ait esse eum qui hæc scripsit. Itaque hæc verba (*Maria autem stabat*) si ordine suo dicerentur, essent ponenda ante illud (*cucurrit ergo*) solum hoc difficile restat quod Magdalena postquam vidit angelos cum timore & gaudio magno, deinde semel aut bis conspexit ac tetigit Christum, dicere potuit. Ioanni & discipulis: *Tulerunt dominum meum & nescio ubi posuerunt eum*. Nihil obstat tamen quin hæc dixerit effusione gaudio turbata. Interdum verò narratio postponitur, quæ præponi debet, vt Marci 1. dicitur Ioannem coniectum fuisse in carcerem, deinde Christum venisse in Galileam & fecisse primos discipulos Simonem & Andream, quos tamen habuit antequam Ioannes captus esset: nam Ioan. 3. Christus dicitur habuisse discipulos & baptizasse viuentem Ioanne & baptizante. Ex his & alijs quæ apud sacrarum literarum interpretes videri possunt, satis apparet, vt inquit Campanella, quomodo leues quædam discrepantiæ conciliantur, in cæteris enim quæ pertinent ad essentiam religionis consensus est mirabilis, ac planè diuinus. Quod si quid in profanis historijs contrarium videtur aut prætermisum, quod est in sacris earum autoritas parui facienda est, vt Danielis c. 13. de Susanna, c. 14. de Idolo Bel, de Dracone, de Ciro adeo insulso vt obediret plebi Babyloniæ quam subegerat, de Nabuchodonosore, de Dario, de Alexandro magno moriente, de Perse rege Cætorum victo a Romanis 2. Machab. c. 8. De Augusti edicto Luc. 2. de piscina sanante omnes ægros Ioan. 5. Hoc abunde sufficit vt sacra historia præponatur omnibus profanis, quod istæ in rebus etiam grauissimis ferè ubique sibi repugnant, illa verò nec in leuissimis eas habet discrepantias quæ faciliè non possint conciliari: Hoc intellectus syncerus rectè considerans etiam naturaliter assentiri debet historiæ sacræ. A R I S T. Non video quid obijci possit, nisi forte quod admonebam 8. Phys. opus esse fide diuina, vt credamus eos omnes libros Dei afflatu fuisse conscriptos, quod non diceremus, nisi crederemus Ecclesiæ quæ illos approbat. Ignatius Epist. 1. ad Philad. ait primis etiam Apostolorum temporibus omnia quibuscumque fuisse adeo suspecta, vt negarent se Euangelia credituros, nisi in Ecclesiæ monumentis reperirentur. Hac fide destituti Manichæi apud August. lib. 33. contra Faustum c. 3. negabant hæc quæ habemus Euangelia ab ijs autoribus esse scripta, quorum nomina præ se ferunt, sed ab alijs posterioribus, qui nec ea vidissent quæ scribebant, quasi Apostoli nescientes consensum Iudæorum atque Gentilium initio nihil certi constituisset, sed obscura tantum quæ aliquo modo congruere possent, quocunque re-



andem cessisset. Habenda est igitur fides Ecclesiæ, cuius autoritas vna est & certissima, non quia vt aduersarij calumniantur, est voluntas vna Pontificis, qui in Concilijs omnia proponit & decernit, sed quoniam vnus veritatis diuinæ spiritu continenter animatur. Vnde fit vt etiam si singuli fideles seorsum accepti aliquo errore teneantur, quemadmodum dicitur de prius Christianis qui diem iudicij & Christi regnum instare credebant longe aliter quàm res erat, non possit tamen a Pontifice & Concilio legitime congregato decerni quidquam alienum a veritate. Hæc autoritas efficit vt in libris sacris non dubitemus, quod maximè de antiquis fieri posset: probabile est enim omnes perijsse in vrbs conflagratione sub Sedecia & ab Esdra iterum eructatos, vt ait Tertullianus, Eusebius, Hieronymus, Clemens Alexandrinus, Isidorus, Theodoretus & alij. Legimus enim 2. Machab. c. 2. Inferebantur in descriptionibus & commentarijs Nehemiæ hæc adem, & vt construens bibliothecam congregauit de regionibus libros prophetarum & Dauid & epistolas regum. Vnde sequeretur vt quàm delis fuit Nehemias & Esdra, qui dicitur Scriba velox, tam fideles libros habeamus. Non tamen omnes illi si extarent eximiam essent canonici, quippe hæc bibliotheca constabat etiam doctrina exotica. Hinc fit vt Esdras multa suppleuerit, vt quæ de morte Moysis habentur in fine Deuteronomij: item de morte ac sepulturam Iosue in fine ipsius libri: sic quæ habentur in fine prophetiæ, Ieremiæ, Tobię, Iudithæ. Quin etiam post Esdras aliqua hæc fuisse sacris libris colligi potest ex multis locis, vt cap. 3. 1. Parab. vbi longa genealogia Dauidis describitur & multo ultra Esdræ ætatem 12. generationes descenditur. Initium capitis 11. Esther ad Esdras pertinere non potest, quod enim ibi refertur de interpretatione Lysimachi remanentibus Ptolemæo & Cleopatra, diu post Alexandrum magnum contigit. His temporibus difficillimis multa fuisse deprauata quibuscumque intelligat in epistola Demetrii quæ legitur apud Aristam & Iosephum, vbi ait legimus iudaicarum librorum, quæ lingua constant literisque hebraicis, negligenter esse conscriptos, nec ita vt reuera se habent, propterea que regiam delectare prouidentiam. In summa rerum perturbatione nisi recurramus ad Ecclesiæ autoritatem, facile esset suspicari multa in ijs corrumpi potuisse. Et cum tempore Iosæ regis prodigij pene loco habetur, quod Helcias Sacerdos repererit librum legis, cuius rex ipse erat ignarus: non inuenti autem rationem afferunt Hebræi, quod Hamon pater Iosæ filius Manassis libros sacros combussisset. Multò verò magis quando, vt ait Iosephus, iuente Antiocho abolita sunt sacra volumina & flammis tradita 1. Machab. 1. Quare 2. Machab. c. 2. Iudas fecisse dicitur vt Nehemias: quidni dicitur fecisse vt Photius, dempta Ecclesiæ autoritate, qui subdole in vetustissimis papyris genealogiam Basilij Imperatoris confluxit & in bibliotheca occultari iussit. Plures quoque Euangelistas scripsisse minus accuratè statatur Lucas c. 1. Legimus apud antiquos scriptores Clementem Alex. enum & Ambrosium olim fuisse euangelium Hebræorum, Ægyptiorum, Nazaræorum, Ebionitarum, Iacobi, Philippi, Bartholomæi, Thome, Matthiæ, Iudæ etiam proditoris & 12. Apostolorum ac multa alia,

ex quibus Ecclesia diuino spiritu conscripta tantum quatuor admittit. Liberum Lucæ canonicum inter tam multa acta apocrypha variorum Apostolorum sola Ecclesia facit autoritas. Acta Barnabæ quæ extant, eo nomine tantum reijciuntur, quod in multis contradicunt actis Apostolorum scriptis a Luca. Aiunt præterea Barnabam primum Romæ fidem nunciasse, licet alij admittant Petrum iam secundo anno Romæ versatum. Eadem est ratio de scriptis sanctorum patrum, ut Clementis Tertij Pontificis & Clementis Alexandrini quæ apocrypha esse voluit Gelasius Papa. Sicut libris canonicis & sanctorum patrum codicibus expurgatis nihil afferri potest unde refellamur: expurgare verò Ecclesiæ est, non aliorum, ut Marcionis, cuius spongiam irridet Tertullianus lib. 5. quod non satis diligenter omnia ex quibus Marcion reuinci poterat, induxisset. **CHAR.** Quod de fide hæcenus dixisti, tam hæc, quam 8. Phys. non improbandum est, si vis eam ad meritum sicut & gratiam esse necessariam, verum etiam admittere debes, ea quæ nos mouent ad hanc fidem, non minus, immo plus aliquid habere roboris naturaliter, quam multa quæ nos mouent, ut rebus naturalibus assentiamur. Indignum enim esset credere naturaliter Romam a Romulo fuisse conditam, quoniam id habemus ex historijs fide dignis & eodem modo non posse credere mundum a Deo fuisse conditum, cum iustentur historia sacra digniores fide, utpote conscripta a Mose viro sanctissimo & sapientissimo, ab hominibus integerrimis custodita, nobisque tradita citra fraudis vilius suspicionem. **ARIST.** Sic omnino arbitror esse dicendum, nec quidquam attuli contra in alium finem, quam ut ingenua disputatione veritas magis innotesceret. Quare videamus quid de origine & fine mundi ab historicis sacris exprimi possit.

## Digressio altera de origine Mundi ex literis sacris.

### CIRCULVS QVARTVS.

#### CHARILAVS. ARISTÆVS.



**CHAR.** Deum æternum omnipotentem Moses satis ostendit vna mundi creatione, & Ioannes c. 1. vbi verbum λόγος pro filio ponitur, scribebat enim contra Cerinthum & Ebionem, qui sic Ariam hoc filij nomen irridebant. Platonici verò placuit quod scripserat λόγον, mirantibus vnde illud rudis piscator accepisset. Sensus autem Ioannis est, in creatione mundi iam erat verbum, ut veteris & noui testamenti initium simile esset, idem est ergo ac ὁ λόγος ἡ αἰδῖος verbum æter-

æter-



eternum. **ARIST.** Proponam breuiter ordine dierum quibus a Deo mundus fabricatus est, ea quæ videntur difficiliora. Primum verò illud occurrit, ante conditum orbem, vbi erat Deus, & quid agebat? **CHARR.** Præclare Tertullianus lib. contra Prax. c. 5. Ante omnia, inquit, Deus erat solus, & ipse sibi & locus & mundus & omnia. Bernardus lib. 5. de considerat. Non est quod quæras vltra vbi erat: præter ipsum nihil erat: ergo in seipso erat. Augustinus lib. 11. de Ciuit. c. 5. disputans aduersus antiquos. Quod respondent, inquit, de infinitis extra mundum locis, cur non ijs ab opere Deus cesset, hoc sibi respondeant de infinitis ante mundum temporibus: & 7. Confess. dicit Deum esse vt mare immensum, & mundum vt spongiam in mari. Hieronymus in 66. Isaia ait Deum forinsecus & intrinsecus mundo infusum & circumfusum. Athanasius in epist. Syn. Nicenæ: Deus, inquit, in omnibus est secundum suam bonitatem & potentiam, itemque extra omnia secundum propriam suam naturam. Basilus hom. 16. de varijs arg. Totum quodcunque noueris & quodcunque tuo spiritu penetraueris, Deo plenum est, simul & coniunctam hypostasim si inuenies. Verùm & si dicat aliquis antequam fieret mundus, Deum non fuisse alicubi & iam non esse extra mundum, hoc est Deum alicubi esse non posse in spatijs & temporibus imaginarijs, vt docent Bonauentura, Scotus, Durandus, Capreolus, Vasques, Moncaus, & D. Thomas questione quam facit ex professo de Dei immensitate, vbi eam explicat per formam ipsius præsentiam in rebus veris, nulla facta mentione spatij & temporis imaginarij, satis patet ex 8. Phys. Circ. de loco primi Motoris hoc eius immensitati & æternitati non officere. **ARIST.** Difficultas ergo superest quid ageret antequam crearet mundum. Cassianus enim dicit incongruum esse, quòd Deus tota æternitate non habuerit in quos suæ bonitatis beneficia exerceret. **CHARR.** Ea quæ Deus operatur extrinsecus, nihil sunt respectu actionis internæ, qua generat Filium tota æternitate, producitque Spiritum Sanctum, ita vt si nullum vnquam produxisset mundum, non tamen otiosus, aut minus beatus dici debuisset. Nec magis auidendi sunt, qui saltem vellent mundum hunc & plures alios prius fuisse creatos: nam si vnum condidit, quia bonus erat, & non inuidus, vt ait Plato in Timæo, cur non plures, aut cur saltem istum prius non produxit? Verùm si repugnat infinitum tam in tempore, quàm in numero & magnitudine, etiam si centies mille annis prius centena mundorum millia condidisset, semper eadem difficultas erat, cur non prius adhuc creasset & cur non plures. Hoc igitur ipso quòd vnum produxit certo tempore dicendum est id fuisse melius, ne arguere videamur summam bonitatem & scientiam, aut suspicemur cum Origene mundum ita productum ob pœnam hominum contra Prouerb. 16. vbi dominus vniuersa dicitur condidisse propter semetipsum. **ARIST.** Dubitatur etiam an Deus creauerit prius materiam informem, & ex ea mundum. Vnde Augustinus lib. 1. de Genes. contra Manich. Prima, inquit materia facta est confusa & informis, qua omnia fierent, quæ distincta atque formata sunt, quod credo a Graecis chaos appellari: sic enim alio loco credimus dictum in laudibus Dei, qui



fecisti mundum de materia informi: Et cap. 7. Informis ergo illa materia quam de nihilo Deus fecit, appellata est primò cœlum & terra, & dictum est, In principio creauit Deus cœlum & terram, non quia iam hoc erat sed quia esse poterat. Sed de his satis lib. 8. Phys. vbi de vi efficiente primi motoris disputatum est. CHAR. Hæc Augustini sententia parum conformis est scripturæ verbis, vbi dicitur, Terra autem erat inanis & vacua. Eos autem qui ita sentiunt arguit Basilius disp. 4. de mundi primo dijs, & veritatis appellat deprauatores, qui non suam mentem accommodant scripturæ, sed scripturæ mentem ad suam trahunt. A R I S T. Augustinus ergo multò magis arguendus esset, vbi lib. 4. de Gen. ad lit. a totum mundum creatum fuisse simul vno momento, & ad cognitionem angelorum refert quod dicatur creatus sex diebus, sicut Philo lib. 1. Alleg. hoc refert ad perfectionem senarij numeri, & ait esse rusticana simplicitatis credere sex diebus esse factum. Caietanus in hæc verba, *fiat lux* idem dicit. Contra Molina probat inde sequi hominem ex limo, cœlum & aqua non esse factum, sed ex nihilo, quod repugnat Concilio Lateranensi. CHAR. Non oportet omnino recedere ab historico sensu sine vlla necessitate, hinc enim possumus dicere mundum a Deo fuisse eductum ex suis causis, eo ordine qui a scriptura commemoratur: tres autem primos dies qui fuerunt sine Sole, dies vocari diuini operis, aut sic appellari ab alio lumine, cuius absentia nox dici potest. A R I S T. Iam damnata est eorum opinio qui dicunt cum Audæo apud Theodor. Hæret. fab. lib. 4. per illa verba (*Terra autem erat inanis & vacua & tenebra erant super faciem abyssi*) significari Terram tenebras & aquam fuisse æternam sed inordinatam, vt elementa & materiam Platonis, vel vt chaos Anaxagoræ, a Deo postea reconditam & ordinatam. Similiter de Angelis, iam ex Concilio Lateranensi certi sumus initio mundi fuisse creatos: quare superest vt quid singulis diebus fuerit productum consideremus. CHAR. Hanc certè cognitionem habemus a sacro Concilio, nam ante multi dicebant angelos ante mundum esse creatos. Hoc Basilius ait accidisse in loco quem vocat lucem spiritualementem: ita & plerique patres: vnde Beda lib. 70. qq. q. 9 cap. 40. Angli, inquit, ante omnem creationem mundi creati sunt, & ante omnem creationem angelorum diabolus est conditus. Augustinus ambiguus est lib. 1. Confess. c. 15. Illud enim Eccles. 1. *Prima omnium creata est sapientia*, de natura angelica interpretatur. Dicendum est igitur cum Molina in opere siderum disp. 2. ante sex primos illos dies creationis, angelos, cœlum & pyreum, Terram & aquam ex nihilo fuisse producta a Deo, deinde reliqua ex terra & aqua fabricata, etiam illud cœlum alpectabile quod ab aquis editum est die secundo. De aquis autem creatis & aere, quanquam non expressa mentio, non est tamen existimandum aquas apud Moysen æternas esse, ex quibus orta sint omnia, vt aiebat Thales, neque dicendum est aërem tanquam inane prætermisum: rectè enim Theodoretus q. 5. in Gen. a aquas significari per tenebras, quæ erant super faciem abyssi, & ab aquis ortas tenebras, cum illæ aquæ Terram inuoluerent. De aere nihil dictum est quoniam aquarum aspiratione fieri videtur. Guillelmus Parisiensis de vniuers.



er. par. 1. c. 34. dicit a Mose significari a Terra usque ad cœlum empyreum  
fuisse aquam, & totum hoc vocari abyssum, in medio verò factum esse cœ-  
um illud, quod firmamentum appellatur. A R I S T. Audiamus quid  
productum fuerit primo die. CHAR. Lux primo die post cœlum & terram  
icitur facta, sed vt Hebræorum more diem primum numeremus a princi-  
io noctis, oportet ante lucis creationem supplere duodecim horas noctis  
reatione Terræ, aquæ, & cœli empyrei: nam licet momento fuerint crea-  
ta, potuit tamen esse motus aliquis Terræ & aquæ, vnde sumantur duode-  
im horæ noctis. Ita Tostatus magis ad rem quàm Caietanus, qui contra  
scripturam diem incipit a prima luce creata, ne prima pars diei sine motu  
manca videretur, cùm tamen motus Solis triduo abfuerit. Deinde lumen

Deo creatum in oriente motu suo circa Terram diem illum primum  
orarum duodecim absoluit respectu Palæstinæ, vbi primum hominem  
creare volebat. Augustinus ait hoc lumen fuisse angelos bonos, & indicat  
nebras fuisse malos, ne Moses de angelis omnino tacuisse videatur: Ve-  
im hinc allegoria non est opus. Dionysius, & cum eo Theodoretus &  
Thomas vult esse *φῶς ἀσχημάτισον*, lumen informe & separatum a  
abiecto, vt deinde a Deo Soli, Lunæ & alijs stellis distribueretur. Gre-  
gorius Nissænus putat fuisse verum ignem. Sed quidquid fuerit, certum  
est hinc numeratum fuisse primum diem. A R I S T. Non minor est dif-  
cultas in ijs quæ producta sunt secundo die. CHAR. Die secundo fe-  
cit firmamentum in medio aquarum & diuisit aquas ab aquis, hoc est cœ-  
um ipsum secundum patres omnes fecit ex aquis; nam firmamentum ne-  
ue hîc, nec vsquam alibi accipitur pro infima regione aeris, sed nec aquæ  
pro fabuloso quorundam cœlo crySTALLINO accipi debent. Quare necesse est  
supra octauam sphaeram esse aquas non æquiucè dictas, sed propriè, quan-  
toquidem cœlum factum est in medio aquarum, de quibus etiam firmen-  
tio psal. 148. ita vt Augustinus asserat sic omnino habendum esse lib. 2. de  
gen. ad lit. c. 5. maior quippe est, inquit scripturæ huius autoritas, quàm  
mnis ingenij humani capacitas. Eas aquas Marius Victor dicit esse supra  
cœlos, & se id credere tanto facilius, quanto magis incredibile videtur  
si aquas esse. A R I S T. Nihil video quid aquæ illæ incommodent, dum-  
modo statuantur supra cœlum beatorum: nam si inferius collocentur, vel  
portebit. necessariò cœlos facere solidos, vel perpetuo miraculo opus esse.  
Nisi forte velimus philosophari cum Cæsario q. 68. vbi docet vsum aquarum  
esse, vt melius rotentur cœli, & Solis ardor temperetur. Ita & Theodo-  
retus q. 11. in Gen. omnes enim ferè patres existimarunt astra esse ignea,  
cœlum ex aquis sit eductum, quod quia parum sapit philosophiam  
eripateticam, Cæsarius in Dial. q. 71. & Emanuel Sa in notis Epist. Petri,  
dicunt parum esse curandum quid philosophi doceant. Moses ergo nos fe-  
cit certos de illis aquis, quod nemo vnquam suspicatus esset, nisi qui ratio-  
em pluuiæ non intelligit aliter fieri posse, quàm decussa veluti per cri-  
um aqua ibi recondita, ita vt ea quæ decedit tandem euanescat, & ita ad  
luuiam sit opus alias aquas e cœlo delabi. Hoc rudes Hebræi fortasse fini-  
ebant sibi, quanquam illud longè est a mente Mosis, qui sicut docuit ibi



## 44 Digressio altera de origine Mundi

aquas esse, poterat alia, si voluisset, euulgare nobis æquè curiosa, prodo-  
 strina coelesti qua erat prædictus, vestrarum motus, distantias & magni-  
 tudines, causas ventorum, ætusque marini, quod tamen non fecit, quo-  
 niam ea quæ dixit, rudi illi populo sufficiebant. Nunc de die tertio  
**CHAR.** Communis opinio est tertio die Terram, vt nunc est, fuisse di-  
 spositam, quæ creata fuerat æqualis & vniuersi modi, citra distinctionem mon-  
 tium, insularum & regionum, quanquam nunc longè minus est Terra aper-  
 ta & ab aquis, non occupata, quàm dicitur apud Esdram cap. 6. vbi ait  
*Et tertia die imperasti aquis congregari in septima parte Terra, sex verò partes sic-  
 casti & conseruasti.* Præterea de falsedine maris nihil habet Moses, quod in-  
 dicat tertio die tantum fuisse salsum, ne redderet agros steriles, eos enim  
 fecundos efficit sale ductum e viuentibus, contra verò sal marinum plan-  
 tas enecat, quanquam maritimis stirpibus quibus familiare est, valde con-  
 ducit. Hic sancti patres ob breuitatem narrationis de ortu mundi, multi-  
 dixerunt oratoriè. Basiliius hom. 5. Rosa, inquit, tum spinis carebat, po-  
 rea verò pulchritudini floris adiunctè sunt spinæ. Ita Ambrosius lib. 3.  
**Exam.** Damascenus & Procopius. Paradisum terrestrem alij ad tertium  
 coelum cum Paulo rapiunt, alij ad altissimas aeris regiones, alij aliò, ne-  
 que de eius loco quidquam certi habetur. De quatuor fluuijs Paradisi ol-  
 difficultatem quòd Tygris & Euphrates fonte differant, nec sciatur qui  
 fluuius erat Gehon & Phison, licet Iosephus lib. 1. c. 2. dicat Phison esse  
 Gangem & Gehon Nilum. Augustinus lib. 8. de Gen. ad lit. ait fontes quæ  
 erant in paradiso, Terra absorptos, vbi nunc sunt, emeruisse. Quia tamen  
 Moses scribit eorum situm, non quem habuerunt, sed quem habebant dur-  
 scriberet, nam regiones nominat, & populos Assyrios & Æthiopas, quæ  
 non erant ante Noemum, consequens est vt Phison, Gehon, Tygris &  
 Euphrates tempore Moysis eodem capite nascerentur, nec perturbati fuerint  
 diluuiò, vt putat Genebrardus in Chronol. Quòd verò dicunt aliqui para-  
 disum hunc angustiore quàm vt caperet stirpem quæ ab Adamo centum  
 annis orta fuisset, ignorare videntur Dei prouidentiam, & omnipotentiam  
**ARIST.** Velim nunc audire cur die quarto quo stellas creauit, dicitur  
 fecisse duo luminaria magna Solem & Lunam, cum tamen Luna sit ex mi-  
 nimis stellis. **CHAR.** Hoc dictum est secundum aspectabilem magni-  
 tudinem & ad vulgi intelligentiam, loquitur enim de stellis perinde ac  
 non essent maiores quàm apparent, dum ait fecit & posuit ea in firmamen-  
 to. Non est tamen sensus stellas esse minuta corpora lucida, quæ velut in  
 officina quadam fuerint a Deo fabricata, deinde translata in coelum, & eo  
 quo videmus ordine distributa, vt Rabbinus quidam fabulantur  
**ARIST.** Quid die quinto? **CHAR.** Pisces creat & aues ex aquis  
**ARIST.** Et die sexto? **CHAR.** Bestias quæ omnium patrum con-  
 sensu homini innocenti non nocuissent. Tandem ipsum hominem Trini-  
 tatis opus habemus his verbis, *faciamus hominem.* Tum demum habetur  
 Deum requieuisse die septimo, quem etiam Pythagorei sacrum & venera-  
 bilem dici putarunt *ἐπτά* quasi *σεντά*, inquit Eugubinus, qui & a  
 Hesiodum appellasse sacrum diem septimum, & Linum septima die or-  
 dia



nia opera creationis fuisse perfecta . Non igitur id factum est Iudæorum calliditate, quorum auaritia, vt aliqui putant, si vtile fuisset quiescere tantum decimo die, mundum a Deo nouem diebus creatum fuisse prædicassent . Hic tamen Rabbinii multa comminiscuntur, ac veluti si Deo creanti mundum astirissent, aiunt illum die sexto res decem a se fabricatas & de coelo in Terram deportatas clam habuisse . Primò voraginem qua Core, Dathan & Abiron absorpti sunt . 2. balænam Ionæ . 3. arcum coelestem diluuij . 4. arietem pro Isaaco sacrificato . 5. virgam Moïsis . 6. manna . 7. lapidem tabularum legis . 8. caceremonem & eius asseclas . 9. malleum & forcipem . 10. caput asinæ Balaam cerè Rabbinorum capite sanius, dum etiam addunt clauem qua vuluæ dicuntur concludi & aperiri . Inter animalia sexto illo die adducta Adamo, piscium quoque mentionem facit Chrysostomus *Ἐν τοῖς ὕδασι διῶνται πάντα*, in eoque diuinam sapientiam laudat, & nomina piscibus etiam imposita dicit . Moïses Bar-Cepha tradit modum quo id gestum videtur, nempe more principis suos recognoscentis voce præconis compellatos & ante se transeuntes ( ab Hetruscis vocantur Paleotti ) ita vt Adamus esset in loco edito, & cùm equus vel asinus nomine cierentur, statim audito nomine suo transirent demisso capite . Celeritate verò maxima opus erat, vt tot animalia, maximè verò pisces, e locis abditis ac remotis irent ordine suo atque redirent illo die sexto . Per ea initia cibus idem fuit homini & bestiis, nimirum herbarum & fructus, vt dicitur cap. 1. Caietanus ait tunc naturale fuisse omnibus vesci frugibus, vt & in arca tempore diluuij: multi enim dicunt post diluuium naturam esse mutatam, & hominem diuino permisso, feras instinctu carne vesci cepisse, quod approbat Beda in Hex. Atque inter tot animalia versabantur Adamus & Noe, iisdemque cibis reficiebantur, neque id obstabat quin agnoscerent animæ suæ immortalitatem, qua in cæteras animantes dominabantur . Animalibus enumeratis Caietanus miratur Dei inquisitionem, ubi dicitur *Adæ verò non inueniebatur adiutor ei similis*, sed rectè ait Fagius in Chaldaea paraphr. Adamum sibi ipsi non inuenisse . Propterea illi immisus est somnus, *ἔκστασις* vertit Hieronymus & Septuaginta . Bernardus ser. 2. de Septuages. & Chryl. hom. 15. somni causam esse dicunt ne dolorem sentiret . Costam Adami ex qua creata est Eua, superfluum fuisse putat D. Thomas, quia res paulatim sese perficiunt . Ita credere magis pium est, vt dicunt patres, ad charitatem viri & vxoris significandam, quam tenere contra scripturæ verba sentire cum Eugubino in Cosmopœia, & Caietano, qui puerile vocant hanc de costa Adami & historiam serpentis, vt sonat, intelligere: dicunt enim vel potius somniant eodem die duas luti statuas a Deo factas, quæ simul costa hærent . Eadem quorundam Hereticorum fuit opinio, quam Tostatus stultissimam vocat, nam si Eua creata non fuit ex vera costa Adami, quomodo quærebatur adiutorium simile ipsi & non esse bonum hominem esse solum? quomodo os ex ossibus meis? Irridebat hoc adiutorium Iulianus, eò quòd Eua virum non adiuuerit, sed deceperit: at respondet contra Cyrillus cap. 1. fuisse vtilem ad pro-



pagationem . Præceptum de non comedendo fructu vetito datum viti-  
 que negat Ambrosius , quia nondum Eva producta videbatur : Augusti-  
 nus de ea re incertus in vtrunque partem disputat . Ratio autem dandi  
 fuit , vt se dominum ostenderet & meriti causam præberet , inquit Au-  
 gust. lib. 8. de Gen. ad lit. c. 11. Quod verò ex infinitis præceptis alijs,  
 quæ Deus sciebat Adamum liberè obseruaturum , nullum ex ijs propo-  
 suerit , sed illud duntaxat quod præiuderat violandum , ad occulta Dei iu-  
 dicia referri debet . Iosephus vt probabiliorem reddat historiam , facit  
 Adamum & Euam rusticanae simplicitatis , ignaros & rudes antequam  
 scientiæ fructum edissent , quod ostendit eam fuisse tunc Iudæorum opinio-  
 nem . Videbantur , inquit , sibi feliciores , qui inuenissent quo prius care-  
 bant : nam aperti sunt oculi eorum , vt dixerat serpens . Propterea non pu-  
 tat ironiam , quod Deus ait . *Ecce Adam quasi vnus ex nobis factus est sciens  
 bonum & malum : nunc ergo ne forte mittat manum suam , & sumat etiam de ligno  
 vite & comedat & viuat in æternum : eiecitque Adam &c.* Patres contra Iose-  
 phum scientiam excellentem supra omnes homines tribuunt Adamo . Cy-  
 rillus tamen lib. 3. contra Iulianum hæc irridentem , mulier , inquit , im-  
 pendio simplex existimabat fortasse & alijs animantibus datum esse huma-  
 na voce loqui posse . Quare videtur Cyrillus existimasse saltem valde igna-  
 ram fuisse foeminam . Arbores scientiæ & vitæ Philo & Origenes expo-  
 nunt allegoricè . Melius Augustinus lib. 14. de Ciuit. c. 17. dicit verè fuis-  
 se arborem scientiæ boni & mali & apertos esse oculos amborum , non ad  
 videndum , nam ante videbant , sed ad discernendum inter bonum quod  
 amiserant , & malum in quod ceciderant . Fraudulenter igitur dixit ser-  
 pens mendax , *Eritis sicut Dii scientes bonum & malum* . Quid autem fuit il-  
 le serpens callidior cunctis animantibus Terra qua fecerat dominus Deus ? vt di-  
 citur c. 3. Iosephus lib. 1. Antiq. c. 1. nihil diabolo tribuit , serpentem tunc  
 loquentem & intelligentem dicit , mox ablatos pedes ac vocem , & datum  
 illi virus , iuxta illud Virgilij :

*Ille malum virus serpentibus addidit atris .*

Basiliius homil. de Paradiso : Serpens , inquit , tunc non erat horridus , se-  
 mitis ac mansuetus , nec terribiliter in telluris superficie velut natans reptab-  
 at , sed sublimis & erectus pedibus insitens gradiebatur . Cyrillus lib. 3.  
 contra Iulianum qui vocalem serpentem irridebat , ait eum absurdiorē  
 qui crederet quercus esse locutas . Eugubinus pulcherrimum draconem  
 fuisse dicit , quasi forma basilisci coronam gestantis : sed eum Pererius re-  
 fellit ex Plinio , qui non amplius duodecim digitorum eum esse refert , ideo  
 quæ mauult esse scytalem ob pulchritudinem , Delrio viperam , alij aliud  
 Procopius Gazæus ait aliquos esse qui serpentis fallaciam diaboli inter  
 nam suggestionem tantum esse dicunt , quos Caietanus sequitur , qui  
 Apoc. 12. non solum draco , sed etiam serpens appellatur : neque tamen si  
 Origenis errori viam munire dicit , quoniam , inquit , hæc in allegoriam  
 transferri possunt , sed non omnia . Sic Fonsæca in notis Caietani , & Eu-  
 gubinus in Cosmopœia , vbi serpentem quidem admittit , sed imaginariū  
 Communis tamen est doctorum sententia fuisse cacodæmonem loquentem  
 in



in vero serpente. Ita locutus est asinus Balaam, neque ipse ad hoc portentum magis exhorruit, quàm Eua, nam quòd putarent nihil inde mali sibi euenturum, fidenter loquuntur, ac si cum bestiis assueti essent quotidie sermocinari, veluti Achilles Homericus cum suis equis. Hoc tamen Eua curiositati & superbix potius, quàm ignorantix vel simplicitati tribuendum est: nam D. Thomas opusc. 2. c. 190. enumerat peccata superbix, curiositatis, gulæ, infidelitatis, inobedientix, quod etiam de Adamo existimandum est. Propterea fœminæ iuebantur olim, ut culpæ memores essent, collo gestare figuram serpentis, quam callidè tandem in monilia commutarunt, inquit Clemens Alexandrinus in Pædagogo. Hic Augustinus & omnes fatentur genus humanum veluti quandam perditionis massam esse factum, licet Moses, Iosephus & alij Iudæi originalem illam culpam non exaggerarint. Quare iustissimam ait esse pœnam lib. 14. de Ciuit. c. 15. Quisquis enim, inquit, huiusmodi damnationem vel nimiam, vel iniustam putat, metiri profectò nequit quanta fuerit iniquitas in peccando, ubi tanta erat non peccandi facilitas. Dictum est Adam o, *morte morieris*, id est redibis ad naturalem moriendi necessitatem, quod optimè intelligens Symmachus vertit, *ὄντος ἔσσι*, mortalis eris. Augustinus etiam lib. 1. de pecc. c. 2. si obedientes fuissent, putat immortalitatem consecutos. Rupertus lib. 3. c. 22. putat si fideles fuissent, non alios postea conceptos, quàm prædestinatos. Chrysostomus hom. 12. si non peccassent, ait virginitatem seruaturus. At Greg. Nyssænus lib. de opif. c. 17. existimat fine coniugio genus humanum multiplicandum modo penitus ineffabili. Dicitur est Eua *in dolore paries*: quanquam enim bestix cum dolore pariturae rant, tamen fœtus humanus sine dolore prodijisset, inquit Oleaster. Pœna verò serpentis est allegorica iuxta Augustinum, Chrysost. Theodoret. Rupertum, & si serpens non est allegoricus. Si quis pro Iosepho & Basilio, qui dicunt serpentem prius fuisse erecto corpore, sic obijciat, an non Adamus & Eua qui nouerant animalium naturam, pœnam illam inanem arbitrati essent, si serpens prius non habuit pedes? Respondendum est trique satis euidens fuisse, quod prius erat naturale serpenti, versum illi in pœnam, horrorem, & odium. In paradiso mansisse dicunt alij vno die, alij sex, alij quadraginta. Cherub procul hinc arcebat non modò Adamum, sed & Cacodæmonem, inquit Delrio, ne rapto fructu mortales viæ cupidos ad sui cultum pelliceret: hanc enim causam expulsionis affert Deus, *ne forte viuat Adam in æternum*. Disputari hinc solet an mundi exortum fuerit vere, an autumno, sed vtramque sententiam ut probabilem alijs excutiendam relinquamus, sicut & aliam valde controuersam de ætate mundi. A R I S T. Relinquamus similiter quod alij multis disputant de ultimo fine mundi & cœli, ob illud Ecclesiastici 3. *Quid lucidius Sole? Et sic deficiet*. Psal. 102. *cœli peribunt*. Idem 2. Petri 3. & alibi passim, ita ut merito Cæsarius & Emanuel Sa dicant parum esse curandum quid philosophi de ea re sentiant. Quare consultius factum videbitur, si ad naturam cœli contemplationem reuertamur.

## An cœlum sit solidum &amp; incorruptum.

## C I R C V L V S Q V I N T V S.

## CHARILAVS. ARISTÆVS.



**C**H A R. Quanquam misimus arduas illas quæstiones de ætate & fine mundi, quatenus a diuina voluntate circumscriptus est certo tempore, cum multo maiori, atque adeo infinito durare potuisset, prætereunda tamen non videtur illa, qua disputatur, an in corporibus cœlestibus perinde atque in Terra rerum ortus aliquis & interitus reperiatur. Hanc eò libentius tractare debemus, quòd maximè faci ad vniuersi constitutionem cognoscendam. Ego partes Aristotelis ita tuta bor, vt si quid certis experimentis ipsi incognitis contra cœli naturam afferatur, contendam Aristoteli nihil repugnare: quippe eius doctrina quæ asserit anteponendum esse sensum rationi (maximè in cœlis, de quibus propter incredibilem distantiam fatetur 2. Cœli 61. & 1. de Part. c. 5. oportet esse quidquam scire) potior est quàm alia eiusdem doctrina, qua dicit in cœlo nihil oriri & interire, propterea quòd eius temporibus nihil huiusmodi deprehensum erat. Quare iam inde contestor reiiciendam procul ab Aristotele eam pertinaciam, quam nonnulli conantur nobis allinere vt nullis cedendum sit experimentis: videndum est tantùm ne pro certa experientia quasdam inanes sensuum hallucinationes accipiamus.

A R I S T. Sic omnino habendum est de homine ingenuo & perspicaci, vt se naturæ potius, quàm naturam sibi velit accommodare. Sed cum de vniuerso agere cœpimus, ordo postulabat, vt postquam generatim de eo disputatum est, ad eius partes nobis notiores descenderemus, incipiendo a simplicioribus nostris elementis, vt ex eorum notitia eleuamur ad ea quæ sunt remotiora a nostris sensibus. Verùm quoniam Aristoteles exillimauit cœlestia corpora esse omnium simplicissima & nobilissima, de ijs prius nobis agendum erit. Neque videtur hic operæ pretium vt tempus teramus in disputatione de motu in orbem an ille sit omnium perfectissimus, an habeat contrarium, qua materia constet cœlum, an sit vnum ex nostris elementis an sit animatum, & alia id genus quæ satis intelligi nequeunt, nisi prius habeamus an cœlum sit expers ortus & interitus. Hoc ergo quæramus primum de corporibus cœlestibus, an saltem secundùm partes aliquas id accidat quod videmus in nostra Terra, multa generari & interire, licet forte tota simul perire non possit.

C H A R. Non afferam igitur ea quibus alij scribunt insignes commentarios in Aristotelem, nempe cœlum esse substantiam æternam & simplicem, quoniam illi conuenit simplex motus in orbem, qui caret contrario & corporibus caducis non debetur:   
enim



enim diceret petiit principium & de hoc ipso esse questionem . Quare duo tantum quæ maximè vrgent, depromam ex Aristotele : primum erit, cœlestis substantiæ soliditas plusquam adamantina ; vel ut alij malunt, natura quædam impenetrabilis, quæ corruptionis expers censei debet : alterum, quòd hæcenus nullum corruptionis vestigium in cœlo visum est . Soliditas in cœlis admittenda est, quoniam attrito aere ab eorum latione calor & lumen generatur, inquit ipse 1. Meteor. c. 4. & lib. 2. de Cœlo 42. Mundi verò figura tam perfectè sphaerica est tex. 32. eiusdem libri, ut nihil rotundius tornari possit, atque ita orbes in orbibus faciliè voluntur . Vnde tex. 46. ait circulos quidem moveri, astra verò quiescere & infixæ circulis ferri, *ἐνδιδεμένα τοῖς κύκλοις φέρεσθαι* . A R I S T. De hoc torno naturæ videbimus agendo de planetis, vbi fateberis eos non fore conspicuos oculis, si adeo tersam haberent superficiem . Quod pertinet autem ad soliditatem, & si ea cœlo concederetur, nihil esset quòd adamantibus perennius esse dicatur, nisi rursus petendo principium, dicamus aliam inesse cœlo longè perfectiorem soliditatem, quæ non oriatur ab iisdem causis, a quibus petitur soliditas nostrorum corporum . Si verò soliditas non conuenit cœlo, non habetur quidem propterea cœli substantiam esse caducam, sed saltem commodius intelligi potest, ea quæ cernuntur in liquidis illis spatijs, non minus quam Terram in aere libratam, secundum aliquas partes dissolui posse . At opportunitas illa soliditatis quam ex 2. de Cœlo & lib. 1. Meteor. attulisti, etiam Peripateticis ipsis pudorem imponit, ut videri potest ex eorum interpretatione, qua nullus verus sensus extundi potest . Ait enim corporum solidorum attritu etiam aerem verti in ignem, notu accendi sagittas, earumque mucrones plumbeos colliquefcere, quod glandibus nostris plumbeis non accidit, licet maiore impetu ab ignitis torrentis emittantur . Lucretius tamen lib. 6. id ab Aristotele accepit bona fide, dum ait

--Plumbea verò

*Glans etiam medio cursu voluenda liquefcit .*

Factas autem oportet esse sagittas illas Aristotelis, ut apud Virg. 5. Æn.

*Namque volans liquidis in nubibus arsit arundo,*

*Signantque viam flammis .*

Ille tamen inde concludit sphaeram Solis esse maximè aptam ad generandum in his locis calorem & ignem, quia satis velox est, & ab aere non distat longiori quàm par est, intervallo, quod de Saturno & Luna dici non potest : ille enim velox quidem est, sed longè remotus, hæc verò inquit, satis propinqua, sed tardior . Mirum certè videri debet cur dicat potius id fieri a sphaera Solis quàm a concauo Lunæ quod solum atterere potest elementa sibi subiecta, quodque viginti quatuor horis rapitur a primo mobili conuersione omnium celerrima . Quanquam & illud inanissimum est aerem attritu posse accendi, qui ne incalefcit quidem, quantumvis flagellis iuerberetur, obrationes afferendas in lib. de Ortu, cum de ignis generatione quaestio erit . Superest igitur ut calor a cœlo producat solo lumine, sed si illud est corpus subtile, ut ibidem dicam agendo de actione iuxta

antiquos, & lib. 2. de Anima loquendo de visu, longè melius per corpus liquidum propagatur, quàm per solidum tantæ immensitatis, ut vim eius omnem heberari oporteat, priusquam ad nos permeet, nec credibile est id quod retunditur a crystallo quatuor digitorum, non impediri ab immensa soliditate. Quare licet soliditas & figura sphaerica conueniat stellis, repugnat tamen spatium per quod feruntur. CHA R. Dicam aliquid primùm de loco illo Aristotelis obscurissimo. Elementorum attritus propriè dictus qui fit a solida cœli superficie, fieri non potest ab alia parte, quàm concava superficie infimi cœli: attritus verò per similitudinem & minime propriè dictus fit a lumine præcipuè Solis, quo omnia elementa quodammodo videntur atteri. Considerat autem Aristoteles sphaeras ipsas prout secundùm se videntur aptæ ad atterendum, ratione magnitudinis & celeritatis, non tamen ut verè atterunt, atque ita docet sphaeram Solis ad illum attritum esse aptissimam, quanquam ab ea non fit, sed dumtaxat ab eius lumine. Duobus his modis apud Aristotelem fit attritus, quo in hoc orbe nostro producit calor, non per solam secretionem, ut contendis, sed quoniam motus est conditio requisita ut emanet a suo subiecto, modò illud si subiectum sit idoneum. Huiusmodi non est aqua, multo minus glacies: aqua verò si conuenienter atteratur, incendi potest, ut fit a concava superficie ultimi cœli: quod enim agitur, ut ais, virga vel flagello non incalescit, dicendum est non satis atteri. Exemplum de plumbo liquato sagittarum populare est, pro re quæ motu incenditur: neque nouum videri debet Aristotelem uti falsis exemplis, in quibus veritas non requiritur. A R I S T. Ego verò sentio in me accendi bilem, dum audio aquam non esse aptam ut motu incalescat, posse tamen igne subiecto calefieri. An non planius est motum aquam non sentiri calidam, quoniam in ea non erat conclusus calor, qui motu separaretur, & feriret sensus, ut accidit quando calida est, aut cum aqua remis agitata lumen emittit noctu conspicuum, quod nihil aliud est quàm ignis motu secretus? Vide obsecro num alia maior necessitas cognoscere sphaeras cœlestes esse solidas. CHA R. Si non placet attritus ille: ignem in æthereâ regione conseruandum, atque etiam, si forte ibi deficere generandum, at certè solidæ & laues sphaerarum superficies necessariae sunt ad motum raptus, quo primum mobile sibi subiectos orbes circumducit non quòd vi quadam id efficiat, ut nomen raptus sonare videtur, sed qui solida superficie sic eos ambiat ut tanquam vnum corpus animalis sint participes eiusdem motus, ad quem naturalem habent propensionem, alioquin non esset perpetuus. Id verò fit quoniam primus motor non tantum impertit motum primo mobili, sed etiam omnibus orbibus ei subiectis: nam illi contractu solo superficiei primi mobilis conuerterentur, ut fit cum roter exterior interiorem circumuoluit, motus ipsorum esset violentus. A R I S T. Rationem igitur ipse attulisti cur solida superficies non sit necessaria: nam si primus motor omnibus cœlis imprimit motum diurnum, nec vitur si superficie primi mobilis ad rapiendas sphaeras inferiores, perinde est illi: solidæ sint, an verò liquidæ. Quenadmodum aqua illa, quæ vehit naues si ab aliquo moueri intelligatur, eò secum deuehit naues, quò ipsa mouetur.

*Secunda ratio pro soliditate cœli.*



ta sphaera coelestes etiam liquidæ motu accepto a primo motore possunt  
 cum deferre stellas, quibus nulla est repugnantia, sed potius propensio  
 quædam naturalis ad illum motum. CHA R. Nemo vnquam mente  
 comprehendet a primo motore posse imprimi sphaera octauæ liquidæ mo-  
 tum æquabilem viginti quatuor horarum, quo tam breui tempore stellæ in-  
 numerabiles iisdem semper interuallis inter se diremptæ, suos omnes cir-  
 culos simul absoluant, immensos in Æquatore, in polis minimos. Nec sol-  
 uit difficultatem, qui respondet stellas esse veluti naues, quæ sequuntur  
 quam, ac propterea stellas, quæ aliquando erant in Æquatore & modò  
 ab eo distant decem gradibus, conuerti circulo minori, & minimo si essent  
 in polis: nam si in tribus nauibus hanc motus æquabilis constantiam vix  
 uno die cernere possumus, quid erit de multitudine stellarum penè infini-  
 ta? Proinde veteres tam astronomi quàm philosophi stellas tanquam no-  
 los in tabula, vel clauos in rota volui dixerunt, propterea quòd sine tot  
 astrorum confusione perpetuari non potest motus ille proprius octauæ  
 sphaeræ, qui absolvitur tantum annorum triginta millibus ab occidente in  
 orientem, & simul alter impressus eidem sphaeræ a primo mobili, qui ab-  
 soluitur horis 24. ab oriente in occidentem: similiter in motu planetarum  
 per coelum liquidum necesse est multa turbari. A R I S T. Turbæ illæ  
 autem nullæ sunt in constitutione Copernicana, in qua motus diurnus ho-  
 rarum 24. est tantum Terræ, ita vt stellæ octauæ sphaeræ sint immobiles: in  
 Aristotelica verò, si intelligentiæ quæ mouent orbem, essent vt imperiti  
 auicularij, quorum ignauia multa turbantur, posset in cælis idem accide-  
 re: sed in huiusmodi substantijs intelligentibus & quæ mouent citra vllum  
 laborem, nullas oportet vereri perturbationes in sphaeris, quibus illæ sunt  
 optimè præsentis. CHA R. Vna intelligentia non videtur sufficere ad  
 stellas innumerabiles octauæ sphaeræ mouendas eodem tempore per circu-  
 los maiores & minores: nam vis eadem plus temporis requirit in maiori  
 circulo quàm in minori. At stellæ fixæ suas conuersiones simul absoluunt,  
 eandemque distantiam ac situm seruant: quod non modò in ijs stellis, sed  
 etiam in quibusdam coeli partibus obseruatum est. Vt enim notat Iose-  
 phus Acosta lib. 1. de rebus Indicis, & Clauius in sphaeram, ad polum an-  
 arcticum conspiciuntur duæ ingentes machinæ, quæ veluti voraginem &  
 iatum in coelo existentem præ se ferunt eodem situ, quod fieri non posset, si  
 coelum esset aere mobilius, nisi singulis stellis & coeli partibus suam assi-  
 gnemus intelligentiam, ita vt simul omnes conspirent ad tot astrorum con-  
 uersiones absoluendas eodem tempore, quod non modò videtur inutile, sed  
 etiam contra ordinem naturæ, quæ motui planetarum tantò plus temporis  
 attribuit, quòd illi vertuntur maiori circulo. A R I S T. Id quod in coelo  
 vocant alij machinas, alij verò nubeculas, vt Andreas Corsalius, nihil est  
 aliud quàm spatium stellis conspersum, nec dubito quin, si telescopio rem  
 obseruassent, idem ac in circulo lacteo compertum esset. Fateor in senten-  
 tia Aristotelis vix posse explicari, quomodo eadem intelligentia motum  
 imperiat omnibus stellis in coelo liquido, perinde ac si in solido forent af-  
 fixæ. Verùm non est difficile nostris Theologis, damnata Copernici con-



stitutione, concedere diuinitus tantam virtutem intelligentiæ, qua hunc motum & alios mirabiliores præstare possit. Et si quis plures requirat ad hoc ministerium, concedent ultro nobis tot intelligentias, quot sunt stellæ: depromptas scilicet ex eo numero, de quo dicitur Daniel 7. *Millia millium ministrabant ei.* CHA R. Nihil agent Theologi tam liberali concessione nisi dicant stellæ ab intelligentijs moueri per cœli spatium liquidum & immobile, quemadmodum ab auibus per aerem feruntur lapilli, vnde necesse erit intelligentiam deferentem moueri cum stella: quomodo enim posset motum imprimere stellæ, cui non esset præsens? Quod si respondean motum imprimi cœlo liquido, veluti Rhodano transeunti per lacum Lemannum, & consecutione necessaria deferri stellæ, vt naues quæ sunt in flumine, longè facilius est hanc motus impressionem admittere in cœlo solido quod astra deferat, quàm in liquido. Adde quod in sphaeris planetarium re aliter intelligi nequit: nam cum ad eorum motus lineis exprimendos, opus sit eccentricis & epicyclis, planetæ ipsi non possunt moueri veluti naues ad motum liquidæ sphaeræ, quoniam illa concipere nequit duplicem motum eccentrici simul & epicycli, superesset igitur vt instar illarum auium intelligentiæ per solos eccentricos deferrent stellæ. A R I S T. Hoc ipsi libentius dabunt, quàm vt sentiant cum Copernico. CHA R. Et si daretur illud, non est accipiendum: nam intelligentia quæ moueret aliquem planetam v.g. Solem, vel moueret illum eo duntaxat motu quem dicimus annuum per Eclipticam ab occasu ad ortum, vel tantum alio motu, quem diurnum appellamus ab ortu ad occasum. Si primo, necessarium erit vt motor supremus moueat totum illud cœlum liquidum Solis & simul tantam Ixionem intelligentiam quæ mouet Solem. Si secundo, motus illi debet esse spiralis, non redeundo ad idem punctum, sed ad aliud a lateri positum: vnde duo sequuntur absurda: primum est motum astrorum non esse in orbem absolutum & perfectum, atque ita non dari in astris motum circularem tantopere celebratum ab Aristotele & Astronomis. Secundum est, nullam videri rationem cur spiræ illæ Solis ab Æquatore ad Tropicos hinc atque hinc fiant arctiores ea omnino proportionem, ac si Sol motu annuo simul & diurno iuxta hypothesim Ptolemæi conuerteretur. In planisphaerio enim describuntur paralleli Solis perinde ac si Sol in cœlo solido moueretur per Eclipticam ab occasu in ortu, simulque raperetur quotidie ab ortu in occasum: quæro igitur si Sol mouetur per spiras in cœlo liquido, vel vt ait Claramontius, in cœlo solido saltatorio, quod ipse recens coflauit, cur eadem proportionem restringit spiras versus Tropicos, & eas dilatat versus Æquatorem, ac si moueretur in cœlo solido iuxta Ptolemæum. Quanquam enim euidentem est utilitas in mora Solis circa Tropicos, non apparet tamen cur natura eos parallelos fieri voluerit vnico motu spirali a ortu ad occasum, ea inter se distantia qua essent, si Sol, vt ait Ptolemæus, duplici motu in cœlo solido circumferretur: sic igitur moueri Solem & ceteros planetas arbitrandum est, nisi quis dicat hunc naturæ fuisse ludum. A R I S T. Hoc argumento, quod sciam, hætenus nemo vsus est ad probandam cœli soliditatem: vno verbo tamen solueretur a Copernico dicere,

*Tertia ratio pro soliditate cœli.*



te, posito Terrę annuo motu per Eclipticam & diurno circa proprium centrum, tuos illos parallelos eosdem omnino fore ac in hypothese Ptolemæi. Quare dum tu argumentum affers pro cęlo solido, illud destruis & potius confirmas Copernici positionem, in qua sola facilè soluitur hæc difficultas. Verùm ea positione si vis reiecta, quoniam, vt dixisti, motus ille spiralis multa secum inuehit absurda, potes respondere beneficio intelligentiarum planetas ferri duplici illo motu per cœlum liquidum, quo Ptolemæus dixit ferri per solidum, nec illæ cùm sint beatæ subire possunt fatum Ixionis.

C H A R. Facere cœlum liquidum est aperire viam absurdissimæ philosophiæ Tychonis existimantis astra non differre a cometis, nisi quod isti sunt minus perennes. Vnde sequitur nullum dari cœlum, sed solam aeris fusionem. Quæ doctrina vt temeraria & periculosa a quibusdam academijs est reiecta, forte quod videretur aduersari Sanctis Patribus, qui asserunt Christum ascendente penetrasse cœlum, proinde solidum, nam liquidum diuideretur. A R I S T. Quantumvis cœlum dicatur liquidum, nihil est quod sequamur fabulas Tychonis, sed neque etiam tenemur assentiri Sanctis Patribus in rebus physicis, vt illi dicunt parum esse curandum quid sentiant philosophi in rebus diuinis. Quid enim expectandum est astronomo ab ijs, qui quoniam legerunt in sacris paginis cœlum esse tabernaculum, siue tentorium, asseruerunt illud non esse rotundum, sed explere tantum vnum hemisphærium ad horizontem terminatum, & instar leberis inuerti operire Terram? Contra opinantes irridet Lactantius, Augustinus, Chrysostomus, Damascenus, & alij. Vnde Procop. Gazeus com. in Genes. c. 1. & 7. eos erroris damnauit, qui cœlum sphericum esse dixerunt. Volebant illi potius Solem & stellas omnes, postquam ab oriente peruenerunt ad occidentem, occultis vijs pone montes Hyperboreos rursus ad orientem remigrare singulis diebus, quam admittere Terram in medio aere libratam esse, & astra conuerti circa ipsam. Idem fingeant veteres poetæ, qui Solem ab occasu per Septentrionem in scapha redire ad orientem fabulabantur. Non defuerunt tamen complures qui dixerunt cœlum esse liquidum, propterea quod Gen. 1. cœlum stellatum dicitur productum fuisse in medio aquarum, earumque naturam retinere debet, vt hebræa voce sciamaim indicatur. Pererius in Gen. lib. 2. q. 9. ait hanc opinionem esse veterem, & celeberrimos eius autores citat, adeo vt Philastrius Brixienfis in catalogo hæreseum, sententiam contrariam de soliditate tanquam hæreticam condemnarit, durius certè, quam ob causam nescio. Vide quid ex ea ambiguitate colligi possit. C H A R. Si loquendo de natura cęli, non putas esse standum iudicio Theologorum, dic saltem magis sentiendum esse cum physicis, quàm mathematicis: soliditas enim & liquiditas sunt accidentia subiecta sensibus, proinde physica: Quocirca Ioannes Bodinus lib. 5. Theatri naturæ, carpit eos qui astrologiam mathematicis adiunxerunt: ij enim, inquit, non solùm decus scientiæ naturalis, quasi tectum ab ædibus detraxerunt, verùm etiam mathematicas artes conturbarunt: nam illæ abstrahunt a sensu, physica verò sequitur sensum. Iam verò si stemus decretis philosophorum, soliditas in cœlis admittenda est. A R I S T. Cuius obsecro

*Quarta ratio pro soliditate cœli.*

phi.

philosophi placitis standum esse putas? an illius qui ne apprehendit quidem philosophiæ ansas, id est, geometriam, cuius ignarum Xenocrates olim repulisse dicitur his verbis: *πορεύε, λαβὰς γὰρ ἐκ ἔχεις φιλοσοφίας*: an verò illius qui geometriæ simul & philosophiæ præceptis sit instructus? CHA R. Et si in alijs partibus philosophiæ naturalis existimaui semper geometriam multum conferre, in ea tamen quæ de cœlo est, dico esse prorsus necessariam, & solum philosophum geometriam audiendum esse, sed non eum qui ab omni philosophia imparatus, purum affert geometriam. Neque aliud volui significare, quàm pertinere potius ad philosophum loqui de cœlo, quàm ad geometram. ARIST. Dic ergo si quid aliud philosophus habet ad soliditatem cœli comprobendam. CHA R. Quod

*Quinta ratio pro soliditate cœli.*

legitur tex. 22. huius lib. 1. a Barbaris & Græcis Deo tribui cœlum tanquam immortalis immortale: si liquidum autem fingatur & caducum, omnia turbantur, iam enim non erit potior ratio, cur beata illa sedes esse dicatur inter sidera, quàm in aere. Hoc verò a Theologis nostris est ita receptum, ut ne id quidem probare contendant: unde Scotus in 2. dist. 14. q. 2. illud accipit tanquam principium, & D. Thomas nobilissimo Christi corpori locum assignans nobilissimum, ait illius plantas insistere convexæ superficier cœli supremi, & respondere ad lineam parti illi montis, ubi ex cruce pependit. ARIST. Loquantur illi ex communi & recepta opinione, cum ad beatorum locum nihil referat soliditas cœli, maximè cum præsentem Deum esse velint toti uniuerso. Ea est potius inanis opinio vulgi existimantis corpora gloriosa non satis commodè habere, nisi solidis ac firmis sedibus sustineantur, cum tamen illa non minus ac beatæ mentes consistere possint omnibus locis. CHA R. Addam igitur communem & receptam opinionem esse præferendam, nisi & tu afferas unde ea penitus labefacteretur. Simul adiungam aliam rationem petitam ex tex. 22. cœlum

*Sexta ratio pro soliditate cœli.*

non modò solidum dici debere, sed etiam interitus expers, quoniam nihil unquam in eo fuit observatum, siue in toto, siue in partibus, unde conficeremus ipsum esse caducum. Quæ ratio nititur longè firmissimo fundamento: nempe quòd physicus nihil asserere debet, quod experientia, vel ratione non sit comprobatum. Unde non admitteret materiam & formam, nisi videret ortus & interitus rerum elementarium. In cœlo igitur ubi nihil vidit huiusmodi, non debet admittere materiam primam, quæ sola principium est corruptionis, sed potius substantiam simplicem corpoream interitus planè immunem, proinde solidam. ARIST. Id argumenti temporibus Aristotelis valere potuit, cum nihil adhuc observatum esset, unde quæ sunt in cœlo corrumpi dicantur: at verò nostris, ubi hæc omnia quotidie videri possunt, Aristoteles ipse si adesset, sectatorum suorum, aut potius principiorum pertinaciam increparet, quòd cum ab ipso didicerint sensum esse rationi anteponendum, sensus tamen fidem non recipiunt, nisi quatenus accommodatur ad illud rationis simulacrum quantum vis inane, quod animo penitus informarunt. Si enim dicat aliquis admissa Copernici constitutione, lapidis motum, qui nobis apparet rectus, obliquum esse, respondent id fieri non posse, quia lenius cui credendum est, ostendit motum



rum esse rectum, si verò dicat in cœlo multa videri signa tam ortus, quàm  
 interitus: respondent oculis non esse fidendum: & huiusmodi hominibus vis  
 primùm vt ostendam cœlum liquidum, deinde non minus quàm elementa  
 nostra esse caducum? Animo vulgi penitus infitum est, mundum hunc in-  
 tar oui testa incrustati, determinationem aliquam habere & oram solidam,  
 & Terræ fundamentis firmiter iactis, rectum fluidum esse videatur, nam  
 putat ita aptè & conuenienter soliditate cœli concludi omnia, vt nihil inde  
 subripere possit, ac forte disperdi in infinita spatiorum inaniam, quæ ex-  
 tra cœlum sunt, vacuitate. Contendam tamen eas rationes in medium af-  
 ferre, vnde quivis intelligat astra quidem esse corpora solida, sed liquidum  
 esse cœlum in quo mouentur. Primam habemus a Sole clarissimo longè  
 clarissimam. Illum Aristoteles 2. cœli 42. & 1. Meteor. c. 4 ait videri ca-  
 idum, sed tamen non esse, igneum calorem verò sub eius præcipuè sphaera  
 produci attrito aere. Quem locum tu benignè exponens, intelligi dixisti  
 de attritu qui fit ab eius lumine: Deus scit an id ipse velit, & an aliquid  
 trahi possit a lumine, quo nihil est tenuius & suauius. Contra antiqui  
 Solem igneum existimabant, quos Sancti Patres secuti sunt, ita vt Ambro-  
 sius acerrimè inuehatur in Aristotelem, quòd ab eo nihil veritatis expe-  
 tandum sit, qui rei tam manifestæ aduersatur. Volebant nimirum lumen  
 esse ignem a Sole dispersum, quod præter rationes afferendas a me libris  
 de Ortu, & de Anima, comprobant maculæ quæ cernuntur in ipso Sole ge-  
 nerari atque dissolui, ac circumferri eo planè modo, quo descripsit Gali-  
 læus. Nam si quis rem obseruare velit vno aut altero mense, vt ego feci  
 varijs in locis, siue ad moto telescopio ipsis oculis (ita tamen vt inter ocu-  
 lum & telescopium sit charta densior & peruia foramine tenui ne lux vehe-  
 nentior hebetet & retundat aciem) siue excepta per telescopium imagine  
 solis in loco obscuro, videbit macularum motum esse eiusmodi, vt om-  
 nino necesse sit eas velesse in Sole, vel parum ab eo distantes, & tales in-  
 terdum, vt nudo oculo per exiguum densioris chartæ foramen intuenti sint  
 spectabiles. Cognosceret non esse multitudinem stellarum circa Solem  
 oberrantium, quia cùm Mercurius Soli coniunctus sub eius disco non mo-  
 etur plusquam sex horis, oporteret huiusmodi stellas eò citius transire, quòd  
 soli dicuntur viciniore. At maculæ morantur circiter quindecim diebus  
 in disco Solis decurrendo, essent igitur remotiores a Sole quàm sit Mercu-  
 rius, & sic aliquando nobis apparerent. Sed ubicunque sint, si certus est  
 earum cursus more stellarum, eo ordine quo inter se conueniunt ad forman-  
 dam in Sole maculam, necesse est eodem penitus a se disiungi, quod non vi-  
 letur: nam aliæ nascuntur interdum in media facie Solis, aliæ euanescent  
 priusquam totam eius faciem decurrerint, aliæ totam circumeunt magna  
 amen figuræ & magnitudinis mutatione. Omnes eundem cursum tenere  
 videntur: nempe si quis faciem Solis meridiani totam diuidat veluti balteo,  
 seu accentu acuto, vt ita dicam, quem intelligat esse velut Æquatorem in  
 planisphaerio, & duas alias lineas sibi fingat paulùm ab eo accentu remo-  
 iores hinc atque hinc, quàm sint Tropici ab Æquatore, obseruabit omnes  
 maculas ferri semper intra duas illas lineas a parte inferiori ad superiorem,  
 quan-

*Prima ra-  
tio contra  
cœli solidi-  
tatem.*

quanquam in charta res videbitur contrariomodo. Tardior apparebit earum motus & ipsæ quoque magis restrictæ versus extremam Solis oram quam circa medium. Vnde conficiet maculas illas vel esse densam caliginem elatam a Sole veluti nubes, vel esse materiam quæ in Sole prius nigrescit, deinde inflammatur, vel utrumque simul. Nam ubi maculæ diffunduntur, ibi statim locus apparet splendidior, ut fit in magnis incendijs. Subinde verò necesse est aliam materiam accumulari ac reparari quod continenter a Sole communicatur. Neque id incredibilius videri debet, quam in monte *Ætna* & alijs locis, qui ignes euomunt & aliunde materiam aliarum incendijs contrahunt, ita ut si tota Terra ijs penitus conferta esset, atque Luna tempore eclipsidis conspiceretur, appareret omnino instar, maximi Solis, materia verò quæ incenditur & fumus densior inde sublatus cerneretur instar macularum, quæ locum ubi sunt minus clarum videri sinerent, ne tamen omnino videri prohiberent. Quare satis mirari non possum virum geometriæ intelligentem abuti geometria, quando dicit, si corpora illa quæ maculant Solem, essent adeo ipsi propinqua non transmissura umbra usque ad nos, quoniam illa defineret in conum, ut ipse demonstrat, cui apex huc usque non perueniret. Hoc enim verum est, sed nihil aliud probat, quam ea corpora non posse nobis occultare totum lumen Solis, ne probat autem non occultare partem illam cui sunt affixa & quæ proinde non potest transmittere radios, atque ita nobis apparet obscurior. At quis esset intra conum umbræ quam emittit materia quæcunque sit tandem macularum, is omnino non videret Solem. Sed hoc ad rem nihil facit, contenditur enim duntaxat ab ijs corporibus abscondi lumen illi partis, quam obtegunt & cuius loco apparere debent, quemadmodum faciei natus in speculo apparet. Inanis est ergo triplex illa demonstratio, qua nititur ostendere maculas non esse Soli propinquas, sed sub Luna, nobisque vicinas, ut conus umbræ quam efficiunt, ad nos perueniat. Nam si maculæ prope nos forent, tanta esset earum paralaxis, ut is qui Solem respiceret orientem, meridianum & occidentem, non videret maculam semper respondentem eidem parti Solis, & multo minus eadem macula cerneretur ab urbibus procul inter se remotis. Quam consequentiam subterfugeret, quærir unde habeatur certitudo quòd sit eadem macula, posset enim, inquit, fieri ut aliæ atque aliæ maculæ veluti nubes permutentur quod certè nunquam quæ fuisset, si fecisset ipse, non autem reliquisset alii faciendam rei tam manifestæ experientiam. Interdum enim apparet tantum vna insignis macula, cuius figura, progressus & tempus ab omnibus cernitur tam conspicuè, ut illud in dubium non reuocasset. Abutitur quoque longa demonstratione geometrica, ut probet paralaxim corporum maculantium Solem, etiam si sub Luna statuantur, non fore quantam dicunt *Apelles* & *Galilæus*: sed ipsis satis est saltem fore tantam, ut macula quæ cerneretur in medio Solis orientalis, non videretur in occidentali, & tam videtur ibidem, nisi quantum importat motus quo ipsa progreditur. Sed ad illud quod caput est, nihil respondet, scilicet eandem maculam, ut antea monui, contratiorem & tardiozem videri prope oras, quam in medio Solis,



lis, ea proportione qua debet apparere corpus exiguum circa magnam sphaeram circumuolutum. Hoc autem vel vnum sufficit vt probent maculas a Sole non esse distantes, quod ipse silentio prætermittens dissimulante (neque enim aliud credere licet de viro geometriæ peritissimo) eas affirmat non modò esse in aere, sed etiam prope nos, exclamatque lib. de Vniuer. Facebant a cælestibus sordes, definat humana temeritas quas in mortali facie mulierculæ horret feditates, eas summi luminaris ori affigere & inurere. Quid aliud diceret si Sol haberet faciem iuuenis, qualem pictores nobis adumbrant? Sed cur ipse vtrurque discipulorum suorum experimentis potius quàm proprijs, nisi vt responsione ad hoc argumentum superederet? Sunt tamen & alia non contemnenda, nempe quòd si ea corpora essent in aere, oporteret illa paulatim a Sole attrahi ac circumduci, eiusque motum sequi tam annum, quàm diurnum, nec recedere ab ea parte Solis, in qua primùm apparuerunt, donec propius attracta tandem omnino evanescerent. Sed contra videntur ea transire sub Sole, vt supra dictum est, spatio circiter quindecim dierum. Deinde oporteret ea conspici non magis sub vna parte Solis, quàm sub alia: & tamen nunquam apparent nisi in obliquo spatio baltei iam descripti. Necessè est ergo ea conuerti non modò circa, sed prope Solem, vel quod omnino probabilius est, Solem circa se ipsum verti spatio vnus mensis & secum ea corpora ibidem producta atque dissoluta circumferre, atque hunc circumactum Solis planetas omnes illuminantis esse causam cur illi etiam circumagantur, tardius aut velocius, pro distantia qua recipiunt virtutis impressionem. Has igitur maculas non tam a cælo, quàm a doctrina peripatetica absterge si potes. CHAR. Abstergere possem cum Platone, qui de obscurioribus quibusdam stellis ait, non magis in cælo maculas quasdam eius nobilitati ac luminibus officere, quàm viticas in Terra pretio gemmarum. Abstergere possem cum philosophis recentioribus, qui super ea re multa ingeniosè excogitarunt, vt hanc orbem a cælo auferrent. Alij dixerunt Solem fortassis non esse vnum corpus, sed multiplex & veluti cæpam rotundam plurimas habere superficies acidas ac perspicuas alibi, alibi opacas, omnes autem circa commune centrum versatiles, ita vt quando plures opacæ simul coeunt, appareat macula, quoniam ex ea parte minus luminis effunditur a Sole, quando verò discedunt a se inuicem, vel quando accedunt aliæ superficies clarissimæ, eadem macula dissoluatur. Hinc ratio petitur cur appareant tantùm inter lineas obliquis a te descriptas, quoniam extra illud spatium superficies sunt huiusmodi. Et forte magis hic labores effodiendo in Sole crateres æternos, vnde vis ignium subsolarium, vt ita dicam, iugi deflagratione eructat corpora illa maculosa in vna parte & non in alia, cuius incendium semper quale est. Alij suspicati sunt superficierum loco, Solem esse cumulum plurimam globorum lucidiorum ac obscuriorum, qui præstarent quod iam dictum est: ne tamen inter eos daretur vacuum, circumfundunt substantiam quandam cælestem liquidam & incorruptam. Alij per huiusmodi substantias liquidas explicant omnia, sed longè minus probabiliter, nam præteream quòd aliquid admittunt in cælo liquidum, vix dici potest quomodo

illæ substantiæ opacæ atque perspicuæ a Sole circumactæ miscentur inter se, ac instar olei & aquæ separantur. Alij alia machinantur quæ referre non libet: quemadmodum enim varias motuum cœlestium fingimus hypotheses & veram nescimus, ita præstat respondere Solis maculas agitari modo aliquo hominibus incomprehenso, & satis esse si eum quantum fieri potest, adumbramus. **ARIST.** Vos quidem id quod per se clarum est, adumbratis: at qui dicunt Solem esse ignem continenter resicientem id quod alijs communicat, hanc umbram remouent. Iam confectum est maculas non esse in aere: nihil aliud prohibet illas suscitari ab igne Solis, quàm quia putatis actum esse de vniuerso, nisi mordicus defendatis cum Aristotele Solem lucidum esse, sed non igneum, & tunicatæ capæ potius similem quàm fornaci. O dignam hypothesim quam excogitaret sordidus ille apud Persium,

-- tunicatum cum sale mordens

*Cape & farratam, pueris plaudentibus ollam.*

Secunda ratio.

Nec minus ridiculi sunt aliorum globi, nisi forte velint ut attritu calorem excitent in illis substantijs liquidis, quibus permiscantur tanquam oleo incombustibili philosophorum, quo illinatur cœlorum solidus axis, ne aliquando adhærescat. Dum igitur aliquid ingeniosus comminiscitur, producam aliud, vnde conficere possumus easdem vicissitudines cadere in cœlum, atque in Terram: prius a Sole desumptum est, hoc verò a Luna mutabor. Docet Aristoteles lib. 1. de Ortu 43. & 53. ea quæ se mutuò afficiunt habere communem materiam: communis ergo erit materia Terræ atque Lunæ, nam vicissim sese afficiunt: quippe sicut Luna plena Terram illuminat, ita circa nouilunium medietas Terræ, quæ Lunæ obuertitur, est plena lumine, & in ipsam refundit lumen illud secundarium, quod videmus in orbe Lunæ nouæ & senescentis, ut apertius erit agendo de Luna. Eadem ratione non nihil luminis accipere potest a nostris ignibus, maximè secundum opinionem quæ constituit sphaeram ignis sub concavo Lunæ. Si verò illa recipit lumen, quod est ipse ignis, cur non & calorem? **CHAR.** Multa hic accipis nescio quo iure. Non est certum lumen secundarium Lunæ esse a Terra, & de hoc nobis transigendum erit. Sed sit a Terra, ut iam multorum est sententia, non magis in Luna producetur calor lumine reflexo quàm directo: quia cœleste corpus est subiectum idoneum recipiendo lumen: illud enim non est qualitas elementaris, sed communis cœlo & elementis: at cœlum non est aptum recipiendis qualitatibus primis. Vrautem ea haberent communem materiam, oporteret secundum Aristotelem quem citasti, ut sese afficerent non quocunque modo, sed reciproca qualitate primarum eff. ctione, quoniam illæ solæ materiam præparant a aliam speciem. Quòd verò contendis lumen & calorem esse ignem ipsum quàm fidenter id asseris, tam clarè negamus. **ARIST.** Quoniam id demonstrandum est in libris de Ortu & de Anima, iam non urgeo, sed quæ abs te de cometis, stellisque nouis in cœlo visis, an arbitraris fuisse veros ignes, an vero lumen aut aliam qualitatem peripateticam? **CHAR.** S de cometis ut voles, iam enim contra pertinaciam Tychonis ostensum e

Tertia ratio.

a Cla-



a Claramontio eos omnes fuisse sub Luna, quod ex silentio Galilæi manifestum est. De stellis autem tribus illis nouis facilè iam omnes adducuntur ut credant eandem esse rationem ac de cometis, quos tantopere mathematici contendebant esse supra Lunam: nam in vtrisque vñ sunt ijsdem rationibus & instrumentis, quorum tandem falsitas in cometis deprehensa est. **ARIST.** Ex silentio Galilæi nihil aliud habes, quàm ipsum breuitatis causa supersedisse longiori disputatione de cometis, satis enim erat ostendere stellam nouam Cassiopeæ fuisse cœlestem. Sed ne deesset quem Peripatetici sequerentur, insurgit extra præuaricationis suspicionem Peripateticus ipse Fortunius Licetus olim Philosophus Eminens in Lyceo Bononiensi, nunc Medicus Primarius in Patauino, qui pro singulari sua eruditione probat cometas alios esse elementares, alios cœlestes. Ac primùm ne a magistro discedere videatur, ostendit ex Aristotele multa in cœlo generari & interire, non transmutatione substantiarum, cum ibi non sit materia prima, sed congregatione & secretionem, secundum quas 8. Phys. 55. etiam generatio & corruptio fieri dicitur. Audi eius loca. 2. Cœli 41. ait *unumquodque astrorum esse faciendum ex eo corpore in quo existit*. Et 48. *Astra esse spherica consentaneum est nobis generantibus ipsa ex tali corpore*. Respondet Fromondus id intelligendum esse de omnibus astris, quæ æterna emanatione dicuntur genita. Sed hanc æternam emanationem ad octauum Physicorum ostendi repugnare Aristoteli dicenti 1. Cœli 102. *Genitum esse, sempiternum tamen esse dicere, non est possibile*. Alij respondent apud Aristotelem altra fieri & generari idem esse ac si dixisset altra constare substantia corporis in quo sunt, sed hoc non obstat quin Licetus tueatur suam opinionem, ut videri potest lib. de Lucidis in sublimi. Mox agens de motu regulari & paralaxi cometarum ait cometam anni 1577. cuius exortus fuit 13. Nouembris, obiit ad 26. Ian. 1578. fuisse cœlestem, quoniam ex Tychone 2. Progym. fuit regularis, ut eius motum reduceret ad canones, hoc autem dici non potest de phænomenis elementaribus, quorum motus est inconstantior. Atque hic cometa quanquam inæqualiter progressus est, ascendi tamen a Tropico Capricorni per Æquatorem vsque ad Cancrum, ubi euauit, & sicut planeta seruauit æquabilitatem, qua ex motu celeriori desinunt in stationes: ùmque velocissimus fuit, non multùm extra quinos gradus progressus est intra vnā primi mobilis reuolutionem: at Luna cum lentissima apparet, minus decem gradibus vno die absoluit: ergo fuit superior Luna, nam quò tardior eò remotior. Non contendit autem Tycho cometam fuisse perfectè regularem (hoc enim spectat tantùm ad primum mobile, ex Aristotele 1. Cœli 35.) sed sicut planetas fuisse huiusmodi qui ad normam reduci possunt. Quòd verò obijcitur lineam eius fuisse flexuosam quinis circiter minutis, hoc spreuit Tycho ut nimis exiguum: & omnino satis est quòd nulum phænomenon infra Lunam potuit esse tam regulare, est enim instabile & inconstans in proprio motu, licet forte constans in motu diurno. Alia ratio Tychonis est quòd ille cometa paralaxim habuit tantùm trium minutorum, proinde minorem quàm sit in Luna, sicque fuit in inferiori parte orbis Veneris distans a Terra 300. semidiametris. Hinc est quòd motu suo

descripsit in cœlo portionem circuli maximi sphaeram in duas æquales partes accuratissimè diuidentis : at si fuisset in aere accensus, vt alij dicunt, licet a sidere tractus, ob materiae tamen inconstantiam, ab hac norma longè aberrasset, cum ipsi quinque planetae cometarum duces non exactè semper suo motu maximum circulum describant. Sed opponitur, cum iuxta Tychonem cometa motus sit per circulum maximum motu vero, non potuit moueri per circulum maximum motu viso. Responso est, sicut cum eadem habetur paralaxis, idem est locus verus & visus, ita cum exigua & nullius momenti est paralaxis, pro vno sumi potest vterque locus, quoniam ex 2. Phys. 56. quod parum distat tanquam nihil distare videtur. Vult autem Tycho cometas omnes esse infra sphaeram octauam, & proprium aliquem habere motum, quare negat stellas novas Cassiopeae & Cygni fuisse cometas, quoniam immobiles videbantur. Ostendit præterea Licetus cometam anni 1618. caruisse paralaxi, quoniam ex obseruationibus Indicis Goë & Europæis Romæ, Parmæ, Antuerpiæ visus est eodem tempore apud eadem stellas teste Blancano. Quare licet Rhormannus dicat cometam anni 85. non fuisse regularem, & idem affirmet Keplerus de cometa anni 1607. Snellius de cometa anni 1618. qui & ait omnem ferme cometam ab initio velociorem postea lentescere : satis est quòd sint aliqui magis regulares quàm vllum phaenomenon elementare : non enim pugnatur quod ait Tycho, Snellius, Cysatus, Longomontanus omnes cometas esse cœlestes sed quod ait Mestlinus, Rhormannus & Keplerus aliquos elementares esse aliquos cœlestes. Hæc & alia Galilaus afferre poterat, sed ne daretur locus effugijs, rem totam contrahit ad stellam nouam Cassiopeæ, quam demonstrationibus astronomicis ostendit non longè abfuisse a sphaera octaua.

**C H A R.** Sed quæ tandem fides hac in re datur astronomis? Vix vlla ætate consenserunt in ordine & situ planetarum assignando, quod patens indicium est quàm procliuè sit errare turpiter in altitudine & distantia eorum deprehendenda. Hinc Bodinus lib. 2. Theatri naturæ pag. 118. scribit idem paralaxium esse fallacem, nec earum percipi differentiam vllam super Venerem, & contra iudicium astronomorum sui temporis ait stellam anni 1572. extitisse sub cœlo Lunæ. Ratio tot errorum provenire potest cum ex eorum paucitate qui huic rei dant operam : vnde necesse est eos sapelabi, quia vt plurimum Soli in suis ciuitatibus philosophantur, tum ex fallacia instrumentorum : minimus enim defectus in instrumento est causa maximi erroris in tanta distantia, quia paruus error in principio est magnus in fine, inquit philosophus. Quàm frequenter autem in his decipiantur vix est credibile, cum ne in Sole quidem conueniant, vt notat Bodinus pag. 564. Quocirca credi velim astronomis tantum quod communi illorum consensu firmatam erit, alioqui sua quisque commenta obtrudet pro demonstratione.

**A R I S T.** Quæramus igitur quis sit communis eorum consensus. Primum in inuelliganda distantia quam phaenomenon aliquod habet a Terra, conueniunt omnes doctrinam paralaxium esse certissimam modò neque in instrumentis, neque in eorum vñu contingat error.

**C H A R.** Hoc sufficere visum est Claramontio, tam insigni mathematico quàm



quàm peripateticæ sectæ defensori , vt probaret tres nouas stellas fuisse sub Luna : quod facit tribus supra quadraginta demonstrationibus . Nam inquit , si certæ sunt obseruationes astronomorum , stella noua Cassiopeæ fuit sub Luna , si verò incertæ aut falsæ , malè concludunt astronomi hanc stellam fuisse in cœlo : quare reprehendit Galilæum , quòd eas modò falsas appellet , modò certissimas . ARIST. Nunquam illas Galilæus falsas vocauit , eo sensu quo ipse sumit , nempe ita falsas , vt nihil veritatis deduci possit . Dixit tantum in omnibus subesse aliquid erroris , præcipuè in ijs quæ fiunt a duobus astronomis in diuerso loco , ac postea inter se sunt comparandæ , vix enim fieri potest vt vel in vsu , vel in instrumento leuis aliquis error non obrepat . Vnde fit vt in altitudine poli deprehendenda idem astronomus in eadem vrbe , eodemque vtens instrumento , de aliqua exigua particula semper dubitet : ille tamen error non impedit , quin appellentur certissimæ ad demonstrandum stellam Cassiopeæ fuisse cœlestem . CHARR. Quo tandem id pacto ? Claramontij demonstrationes deductæ ex ijs obseruationibus sunt tres & quadraginta , Galilæi certè non sunt plures : ergo cum huiusmodi sine principia , ex quibus non magis deducitur stellam fuisse cœlestem , quàm elementarem , dicendum est nihil certi colligi posse , saltem ex ijs quæ ex differentia paralaxium docent phænomeni altitudinem . ARIST. Quamquam hoc darent astronomi , superiunt tamen alia duo principia , quæ Galilæus meritò vocat certissima : nempe quòd stella noua eandem retineret a solo distantiam meridianam superiorem & inferiorem , similiter ab vndecima Cassiopeæ & ab ijs fixis . Sed neque tam faciliè quàm putas concedendum est ex differentia paralaxium non magis constare stellam nouam fuisse icinam octauæ sphæra , quàm infra Lunam . Quod vt planum fiat , aduertendum est primò distantiam phænomeni a Terra sic haberi ex magnitudine anguli paralaxeos , vt quò minorem habet illum angulum , eò sit a Terra remotius . Vnde si maiorem habet quàm qui terminatur ad centrum lunæ , est inferius Luna , si minus superius est . Ita concludetur ex magnitudine illius anguli phænomenon esse supra vel infra Saturnum & alios planetas . Quantuluscunque sit ille angulus , demonstrat semper phænomenon esse sub sphæra octaua : si verò lineæ quæ hunc angulum conficere debent , non coeant amplius , sed sint parallelæ , phænomenon est in sphæra octaua : & quamuis esset longè supra ipsam , cognosci tamen ultra non posset ex ijs parallelis : quanquam omnino non debent esse parallelæ , vt pote quæ in phænomeno terminantur & decussantur , sed ob immensam distantiam pro parallelis accipiuntur . Hoc autem accidit quando astronomi duo qui altitudinem poli habent longè diuersam , vnus v. g. triginta graduum , alter v. g. quinquaginta , obseruata distantia stellæ a suo vertice , vident tantam esse differentiam poli , quanta est differentia altitudinis ipsius stellæ . Accidere potest etiam errore aliquo , vt illæ lineæ ( quæ si non efficiunt angulum in stella , ad summum non possunt inter se plus dilatari quàm vt sint parallelæ constituendo angulos rectos ) nihilominus aliquanto plus a se discedant ultra terminum parallelarum , efficiendo angulos maiores duobus rectis . Aduertendum est secundò , vt ait Galilæus , de peritis astronomis ita sentien-



riendum esse, ut in accipienda stellæ altitudine, paucis minutis aberrare potius quam multis. Quare observationes illæ magis accuratæ censeri debent, quæ leuiori emendatione, id est pauciorum minorum additament vel detractone reducunt stellam ad locum quem probabiliter habere potuit, qualis est paulo infra Lunam, vel non longè a spheræ octaua. Non enim stella potuit distantiam habere infinitam, quia non fuisset visa: neque potuit esse in coelo planetarum, quoniam non alium habebat motum quam diurnum, planetæ verò duplicem habent: sed neque potuit distare a Terrâ quindecim aut viginti duntaxat Terræ semidiamentis, quoniam tanta fuisse paralaxis, tanta diuersitas distantia a polo in maiori ac minori eius altitudine meridiana, tanta denique diuersitas distantia ab vndecima Cassiopei & alijs fixis, ut vel oscitans astronomus id deprehendisset. Iam verò demonstrat Galilæus observationes quibus utitur Claramontius, quæ que reponunt stellam Terræ propinquiorem, corrigi debere, ut eam statuunt aliquanto altius in loco quem habere potuit, nempe duabus saltem & triginta semidiamentis a Terra distantem. Ut autem corrigantur, ostendit opus esse emendatione decies maiore, quam in emendandis observationibus, quæ statuunt stellam altiore Luna, sed tamen in locis quæ habere non potuit nempe vel ut distaret infinitè, vel esset in coelo planetarum: superest ergo emendationes accommodentur ad eam reponendam vel paulo infra Lunam, vel vicinam spheræ octauæ, hæc enim duo loca tantum sunt possible: & quia veriores sunt observationes quæ paucioribus egent emendationibus, concludit stellam fuisse vicinam spheræ octauæ. Ne quis autem si persuadeat errorem observationis ex qua sequitur infinita stellæ distantia esse infinitum, atque ut in emendabilem non debere recipi, ut ait Claramontius, explicat quomodo in stellæ situ altissimo & possibili, sufficit minimus error in instrumento, ut reddat situm iam infinitum, nec possibilem. v. g. observatio quæ stellæ dat altitudinem Saturni, adiecto vel detracto vno minuto poterit illi dare distantiam infinitam, ita ut lineæ quæ construere deberent angulum paralaxeos, non modo videantur parallelæ, sed etiam, ut dictum est, paulum ultra parallelas sint distractæ. Quare etiam ex illa distantia infinita reuocari potest stella ad Saturni distantiam addit vel detracto vno minuto & multò minus, quod fieri nequit ut stella Terræ propinquior, iuxta demonstrationes Claramontij, attollatur semidiamentis triginta duabus: sæpe enim non sufficiunt viginti minuta. Ad hoc respondet Claramontius se non indigere emendationibus: satis esse quòd demonstrarit vel observationes esse falsas, vel stellam fuisse sub Luna. Proinde percurasse videtur ut ex facili emendatione observationum astronomicarum, aliquid veritatis haberetur, sed hoc vnum studuisse, ut ostenderet illas esse fallaces. Cum autem impugnare debuisset, si fieri poterat, hanc emendationem, de ea silet, & tantum carpit Galilæum, quòd dum addit aliquid, vel detrahit angulo paralaxeos, non variatis angulis ad basim, efficiat angulum rectilineum maius aut minus duobus rectis. Hoc festinatione tribuendum est, non ignorantia: nam quis hoc nescit? & si Galilæus, ut debebat, variasset angulos ad basim, multò desperatior fuisset res Claramontij.



montij. CHA R. Laudo rationem emendationis ut ingeniosam, suspē-  
 ctæ tamen videntur observationes, unde totidem demonstrationes in  
 utramque partem desumuntur. Atque hoc satis est Claramontio, ut quod  
 astronomi certissimum asseriebant, iam fateantur cum Galilæo esse proba-  
 bilius. A R I S T. Probabilius dici potuit eo modo quo Aristoteles in  
 rebus certis utitur verbo (*videtur*) quod indicat probabilitatem, eius au-  
 tem interpretes hoc appellant modestè dictum, quo non tollitur certitudo.  
 Nam cum maxima pars observationum de stellæ novæ distantiam infini-  
 tam, quæ leuissima emendatione reduci potest ad spheram octauam, & aliæ  
 plurimæ observationes eam in coelo planetarum statuunt altissimam, quæ  
 similiter leui emendatione eam attollant prope ad spheram octauam, mo-  
 destè dictum est probabilius illam ibi esse, quàm paulo infra Lunam 32.  
 semidiametris, quo ut attollatur emendatis duodecim observationibus,  
 quæ statuunt illam Terræ propinquiorem, necesse esset augeri decuplo  
 emendationes. CHA R. Videris tu quoque cum Galilæo ex quadragin-  
 a tribus Claramontij demonstrationibus, asserre tantum duodecim, silen-  
 tio de alijs, in quibus tamen nihil est quod reprehendatur. A R I S T. So-  
 re duodecim erant afferendæ quæ sumuntur ex observationibus factis in  
 circulo meridiano, ubi certius & commodius fieri possunt, nam in alijs azi-  
 mutis extra meridianum parum est fidei ad tam immensam altitudinem  
 reprehendendam, & facilius errari potest, tam ratione instrumenti, quàm  
 multiplicis & variæ indagacionis. Sed si vis reiiciamus hanc primam viam  
 paralaxium, quæ pender a duobus astronomis & quatuor indagacionibus:  
 supersunt enim aliæ duæ certiores viæ, quæ non requirunt nisi vnum astro-  
 nomum, & quæ præcipuè mouerunt omnes, ut affirmarent stellam nouam  
 esse coelestem. Prima via est, quod stella noua retinuit semper eandem di-  
 stantiam ab vndecima Cassiopeæ, nempe gradus vnus circiter & medij,  
 præterea quod cum verteretur circa polum, non plus ab eo distare videbatur  
 in superna parte circuli meridiani, quàm in infima. At si stella extinisset  
 sub coelo Lunæ, tanta fuisset vtriusque distantie differentia, ut absque vilis  
 instrumentis eam oculus deprehendisset. Quippe cum iuxta Ptolemæum  
 paralaxis Lunæ sit vnus gradus, multo maior esse debet sub coelo Lunæ,  
 quinde differentia distantie illius visa fuisset maior duabus Lunæ diame-  
 tris. At Tycho & alij complures astronomi deprehenderunt vix quidquam  
 variatam fuisse distantiam illam, propterea non dubitarunt eam dicere al-  
 ternam Luna. CHA R. Dubitationem tamen haud parvam iniicit Cla-  
 ramontius, scilicet ob refractionem fieri posse, ut differentia illa distantie  
 non appareat. Nam paralaxis efficit ut stella videatur inferior, quàm re-  
 vera est, refractionis verò contrarium præstat: quare, inquit, tanta potest esse  
 refractionis, ut compenset omnino id quod efficitur a paralaxi. Responsum est  
 primum rationem habitam esse refractionis in altitudine stellarum acci-  
 penda. Nam Tycho lib. 1. pag. 14. & sequentibus ostendit se refractionum  
 accuratissimum observatorem, & eas in Sole alto gradibus 34. quamuis exi-  
 las, ait non esse negligendas. Præterea ex complurium annorum obser-  
 uacionibus se deprehendisse posita eadem altitudine, refractiones stella-  
 rum

rum maiores esse quam Solis, minutis quatuor & dimidio, ita ut elato Soli viginti gradibus, refractione stellarum sit nullius momenti: unde fit ut stella polaris apud ipsos non sit obnoxia refractionibus. Sol vero in horizonte ubi sunt maximae refractiones, ut plurimum oritur & occidat tardius ac citius quinque circiter scrupulis, ut inquit pag. 17. Hinc sumit Galilaeus ut plurimum concedatur aduersario, refractionem vix esse trium minutuum in altitudine graduum 23. aut 24. nam Francfordij minima stellae novae altitudo teste Camerario fuit grad. 24. m. 8. Contra ille defendit refractionem interdum accidere graduum quatuor & amplius ut cum Batavi in noua Zembla Solem viderunt tot gradibus existentem sub horizonte, totque gradibus refractionem in Venere observatam esse testatur Langrauii Hassii epistola quadam ad Tychonem. Hoc soluere putauit Galilaeus dicendo qualiscunque tandem sit refractione, fore ut aequaliter attollat stellam nouam & vndecimam Cassiopeae, atque ita distantiam eandem inter ipsas semper remansuram: sic etiam distantiam a polo supra & infra, propterea quod altitudo poli sumitur ut plurimum ex altitudine maiori & minori stellae alicuius in circulo meridiano, unde fit ut quae proportionem refractionis eleuat stellam plusquam oportet, eadem etiam polus eleuetur: refractione igitur, inquit, non potuit mutare distantiam quam stella noua habuit a polo. Sed ingeniosè refert Claramontius refractione aequaliter quidem attolli duas aut plures stellas octauae sphaerae in eadem altitudine horizonae, hoc vero nihil pertinere ad stellam nouam, quia si ipsa erat sub Luna, refractione plus eam attollebat quam stellas sphaerae octauae, siquidem iuxta doctrinam Tychonis pag. 280. maior est refractione phaenomeni vicinioris centro Terrae quam remotioris, ut Luna maior quam Solis, & Solis maior quam stellarum octauae sphaerae. Refractione etiam plus attollit eandem stellam cum vicinior est horizonti quam dum est altior. Namque ut affirmat Tycho aer qui Terram ambit, sexuplo densior est illo quia Terra triginta gradibus eleuatur, ubi vix vlla sunt siderum refractiones. Ex hac duplicis refractionis proprietate sic compensari potuit distantiae diuersitas, quam importat paralaxis in stella noua existente sub Luna, ut semper videretur aequalis distantia stellae novae tam a polo, quam ab vndecima Cassiopeae alijs fixis in superiori & inferiori parte meridiani. Atque hinc praeterea habemus rationem, cur adeo diuersae sint astronomorum observationes, quae sumvis diligentes & accuratae, nimirum quod pro diuerso tempore & loco maior aut minor est effectus refractionis, adeo ut Bodinus rectè monuerit doctrinam paralaxium esse fallacem. A R I S T. Summa igitur responsionis est tantam esse refractionem, ut cognitionem omnem quam habemus ex paralaxi, reddat incertam, ita ut astronomi iam fidem decoxerint quantum ad stellarum altitudines inuestigandas. Licebit dubitare an aliqua stella Vrsae maioris sit inferior Luna: nam si quis mathematicaster obiecit eam semper distare aequaliter tam a polo, quam a stellis fixis in superiori & inferiori parte meridiani, dicam hoc provenire a refractione. Quod ille instet refractionem quidem phaenomeni existentis prope horizontem densos vapores, habere aliquid momenti, sed non ubi aer est purior, quae



lo eleuatur ad gradus 24. quæ minima Francfordij stellæ nouæ fuit altitudo : dicam si refractione prope horizontem potuit esse graduum quatuor, & ut ipse ait vsque ad vndecim in maxima vaporum densitate, certè ad altitudinem graduum 24. vbi minor est densitas vaporum, poterit esse saltem minus gradus, aut quantum sufficit ad compensandam paralaxim. Si rursus asseret mirum videri ac incredibile, vt tam multi astronomi diuerso tempore & locis eam semper iniqua sorte nacti sint refractionem, quæ compensaret paralaxim, vnde stella Vrsæ maioris inferior Luna videri debebat inæqualiter distare a polo & stellis fixis : dicam penitus idem accidere quod contingit stellæ nouæ in Cassiopea. Nam licet duobus circiter annis quibus durauit, varij astronomi diuersis locis ac temporibus obseruarint eam æquater distantem semper a polo & stellis fixis, factum est tamen ad astronomiarum ludibrium, vt ea esset vbique gentium proportio vaporum, vnde omnis astronomis contingeret refractione nec maior, nec minor, quàm opus erat ad tollendam penitus paralaxim, quæ demonstrasset stellam nouam esse sub Luna. Vide nunc quàm sit verisimilis hæc mea responsio. CHAR. Ad questionem cur omnibus contigerit semper eadem refractione, responderet eandem semper esse, si serenum est cœlum, si verò turbidius, tunc astronomos nihil obseruare, vel obseruationes haberi suspectas. ARIST. Quomodo potuit hoc asserere? cum postea dixerit etiam sereno cœlo variam accidere refractionem ob vapores densos quidem, sed tamen occultos. Quæ fors sit vt vno quàm altero die vapores effecti crassiores non variarent paralaxim, præsertim tam longo tempore? CHAR. Oportet esse crassiores certe quàm putas, vt illa varietur. Deinde non videtur omnino par ratio stellæ veteris ac nouæ : nam si aliqua stella Vrsæ maioris esset sub Luna, fieri non potuit vt tot seculis vbique contingeret tam iusta refractione, quæ tolleret omnem eius paralaxim : at in stella noua, quæ vix apparuit duobus annis, licet hoc admodum probabile non videatur, satis est quòd sit possibile. Quia responsione videtur extinguere lumen illud exile quod astronomi denuntiant ex paralaxi, vt iam nihil clari & certi contra Aristotelem asserere possint. ARIST. Malum omen cum ab aliquo extinguatur lucerna, ne pedes eius & vinctæ manus deprehendantur, sed peius omen cum rationis lumen extinguatur ab eo, qui profitetur se veritatis indagatorem & philosophici criterij defensorem. Sed ne putes quòd etiam sublata luce stellarum nouarum, desint argumenta, quibus ostendatur cœlum esse liquidum instar aeris, in quo Terra suis momentis suspensa libratur, proinde in cœlo non minus quàm in aere, multa generari posse, multa corrumpi. Cogemus primùm illam vniuersi machinationem quam Arist. tribuit naturæ : nempe Terram instar puncti liquidis elementis circumvestitam vsq; ad Lunam, a qua distat duabus & quinquaginta, vel sexaginta semidiamentris. Liquidum est hoc exiguum spatium, quod respectu vniuersi totius est velut punctum, & minus quàm cavitatis iuglandis in medio monte, solidissima sit cætera corpora diuersis sphaeris coagmentata, quarum sola octaua continet Terræ semidiamentros innumerabiles. Quidquid sit autem de hac sphaera, quam dicitis esse concentricam Terræ, certum est Terram non esse

*Quarta ratio contra soliditatem cœli.*

centrum motus planetarum, propterea sphaerarum omnium compages n-  
fariam dirempta sunt ea ratione, ut media quæ defert planetam, sit æqual  
vbiq; crassitudinis, alioqui non posset habere proprium motum, alia di-  
inaequalem habent crassitudinem, ut ostendunt figuræ astronomicæ. Qu-  
niam verò non sufficiunt illæ machinæ ad errantium stellarum motus, pro-  
gressus, regressus, institutionesque declarandas, callidissimo artificio constr-  
cti sunt epicycli volubiles, in quibus tamen propter novas observation-  
semper aliquis clauus est refingendus, adeo ut poetæ merito dixerint cœlu-  
esse incudis filium. Ab his ut se eximeret Fracastorius septuaginta orbi-  
pari facilitate constat, ac totidem calices crystallinos. Sed nihil ad Petru-  
Abaillardum, qui quot in anno dies, totidem cœlos esse voluit. Dicer-  
hominem disciplinæ solutioris id perquam astute machinatum, ut secu-  
dum obitum saltem in cœlum aliquod incurreret. Et credemus natura  
molitam esse tot versatiliū sphaerarum moles, an potius molas cœlest-  
veluti pistrini, cum longè commodius potuerit stellas constituere in spat-  
liquido, non minus quàm Terram in aere? Ferri poterat olim hæc opin-  
ab ijs qui credebant cœlum esse hemisphaerium, veluti leberem inuersum  
ne Terra ab aquis quæ supra sunt, obrueretur, ipsam verò diuinitus sustine-  
ne præceps rueret: at cum iam constet ambiri vndique ab aere circumful-  
quid difficultatis est quominus de stellis idem asseramus, & ab ijs quæ h-  
bemus ab oculos, argumentum mutuemur? CHA R. Satis est Perip-  
reticis cœlum esse solidum atque sphaericum: quod pertinet ad constructi-  
nem sphaerarum & epicyclorum, imitantur Aristotelem qui 12. Metaph 4  
& 45. sequitur Eudoxum & Calippum: & 2. de Cœlo 34. non modò ne  
reijcit observationes astronomicas, sed laudat earum inuentores: *Certior-  
exim, inquit, necessitates quando quis fuerit affectus, tunc gratiam habere oport-  
inuenientibus*: & tex. 60. dicit ea in re fidem esse habendam Ægyptijs ac B-  
bylonijs, id est astronomis. Neque refert quòd illi sæpius immutant hyp-  
theses secundum novas observationes, non enim asserunt cœlum reipsa ei-  
ut illud describunt, sed figuras construunt & lineas, sine quibus astroru-  
motus in tabulas reduci non potest. Præclarè enim Aristoteles 1. Meteor-  
1.2. c. 4. de ijs, inquit, quæ sensui conspicua non sunt, iuxta rationem demonstratu-  
est, si ad possibilem reduxerimus. Quòd si cœli solidi substructiones minus cr-  
dibiles machinari compellimur ad siderum motus & cursus explicando  
& si reipsa non est in cœlis qualis excogitatur conformatio, satis sit verit-  
tem tali constitutione adumbrari: veram enim cœlorum descriptione-  
ne viuam si quisquam intelligit. A R I S T. Hoc audire licet ex ipsi-  
astronomis: Ptolemæus lib. 13. Mag. Comp. fatetur machinas ad explica-  
dos motus latitudinis planetarum sese impedituras, nec quidquam ap-  
nos esse quod seriem motus cœlestis referre possit. Tycho in suis epi-  
pag. 149. ait hypothèses omnes esse falsas, si sufficere mathematicis hypoth-  
sibus seruari calculum astronomicum, nec referre an illæ veræ sint, nil  
aliud curandum quàm ut phænomena seruemus, licet astra ferantur sic  
aues in aere, vel in aqua pisces, ut etiam dixit Seuerinus Longin. ontant,  
certè melius quàm assertores homocentricorum qui negant opus esse e-

De eccen-  
tricijs & epi-  
cyclis.




entricis & epicyclis, quos admittunt alij, tum ob inæqualitatem motus, tum ob planetæ, ut ait Ptolemæus lib. 3. de Sole, conficiunt arcus æquales tempore inæquali, tum ob diuersitatem distantia a Terra, ut probatur ex eclipsi, paralaxi, & magnitudinis apparentis mutatione. Claramontius lib. de vniuer. ad primum respondet motum inæqualem astrorum fieri ab intelligentia per electionem agente, quæ reprimat & incitat astrum, ob vniuersi bonum nobis ignotum, & sic tota destruitur astrologia. Ad secundum negat Lunam & alios planetas nunc propiores esse Terræ nunc remotiores, contra Ptolemæum, qui hoc obseruauit per dioptram & eclipses, in quibus nunc mediam, nunc tertiam Lunæ partem ait obscuratam. Sed Claramontius respondet oculo non posse cognosci præcisè quanta pars Lunæ sit obscurata, facile enim, inquit, potest errari visu, cum Ptolemæus fateatur errari dioptra. Expeditissima certè responsio, nisi ex iisdem eclipsibus haberemus variari planetarum distantiam a Terra, quod clarissimè probatur ex obseruatione Clauij in Sphær. c. 4. ubi ait se vidisse Romæ anno 1567. sicut & Keplerus Neapoli 1605. eclipsim Solis in qua eius ambitus instar aurei circuli circumfulgeret: Conimbricæ verò 1560. aliam eclipsim in qua Sol peritus defecit, nullo splendore flammeo Lunam ambiente. Idem confirmatur ex diuersis eclipsibus Lunæ, quarum aliæ alijs sunt longiores, licet eandem linea connectat Solis, Terræ & Lunæ centra, quod fieri non potest, nisi utrumque, aut saltem alterum sidus interdum propius accedat ad Terram, quod pertinet ad paralaxes, unde sumitur astrorum distantia, nihil certius putat haberi posse, contra Ptolemæum, qui docet rectè cognosci Lunæ distantiam a Terra ex paralaxi, sicut Solis distantiam ex eclipsi. Nam vsus Hipparchi dioptra tribuit Lunę perigeę maximam paralaxim grad. 1. m. 44. apogee vero m. 53. 34. Recentiores autem astronomi paralaxim deprehenderunt etiam in planetis superioribus. Tycho Progym. lib. 1. dat Saturno quartam circiter minuti partem. Blancanus ait ab eodem Tychone paralaxim Martis inuentam esse m. 4. ut videret an propior esset Terræ quàm Sol iuxta Copernicum. Sed Claramontius respondet non esse illis habendam, quia Tycho ad hoc vsus est sextante & quadrante azimuthali, cuius triæ sunt fallaciæ. Sic immanis ille quadrans, inquit, quem Geggingæ memorat constructum suo monitu a Paulo Hainzelio, non satis aptus erat actioni. Parum abest quin dicat Tychonem ignarum & rudem instrumentorum astronomicorum, nam ait potius accedendum Ptolemæo doctiori & speculanti in aere puro, quàm Tychoni in aere crasso. Denique negat Claramontius planetas videri maiores in perigeo: At Ptolemæus ex obseruatis duabus eclipsibus reperit diametrum Lunæ m. 35. 21. in minima epicycli longitudine, ex duabus autem alijs eclipsibus collegit diametrum esse m. 30. 20. in maxima longitudine epicycli: Albategnius Solis diametrum apparentem reperit duobus minutis & tertia minuti parte minorem in apogeo quàm in perigeo: Copernicus in apogeo dat m. 31. 40. & in perigeo m. 34. Tycho ponit differentiam vsque ad 4. m. apud Keplerum in optica. Sed quid plura, cum sufficiat argumentum sumptum ex circulo eclipticæ in eius eclipsi. Hoc saltem enitatur cum Aristotele ut hypothesim

ad possibile reducamus, quod in cœlo solido fieri nequit, vt ostendam ex eius doctrina 3. de cœlo 6. ibi enim aërea quæ incommodant mathematicis, incommodare etiam rebus physicis, sed non contra: & 12 metaph. 44. dicit multitudinem lationum cœlestium ex peculiarissima philosophia mathematicarum scientiarum, videlicet ex Astrologia considerandam esse. Si igitur soliditas cœli vsque adeo incommodat Astrologiæ, vt exprimere nequeat vlla hypothesi lationes sphaerarum cœlestium, nisi confringantur illæ penitus ac comminuantur, an non etiam physicus ita sibi dicit incommodari, vt substantiam cœli per quam astra commeant, liquidissimam esse fateatur? Hoc autem vt probem, quæro an accipis vt veras obseruationes quas affert Galilæus Dial. 3. scilicet ope telescopij Venerem videri falcatam? vnde conficitur tam ipsam quàm Mercurium verti circa Solem, quod ostendit etiam vtriusque paralaxis iuxta Tychonem, & cursus quem cum Sole absoluunt. **CHAR.** Id ipsum fateretur iam Aristoteles, & inuentori, vt dixit, gratiam haberet. **AKIST.** Quidam tamen eius interpretes scripserunt hoc nihil esse, quoniam & Luna videtur falcata, licet non vertatur circa Solem, neque tantam habent perspicientiam, vt videant Lunam tantum esse plenam, quando Soli opponitur, quod de Veneredici non potest, cum a Sole non recedat ferè vltra septem & quadraginta gradus ex Ptolemæo, quare vt videatur plena, debet esse supra Solem, infra verò esse debet, vt falcata nobis appareat. Sed quæro præterea vtrum admittis eiusdem ope telescopij abrafis fallacibus radijs, qui impediunt ne cognoscatur proportio, quam magnitudines stellarum habent inter se, Venerem falcatam videri quadragies maiorem, quàm dum est plena, proinde sexies magis vel minus a nobis distare. Claramontius quidem lib. 6. de Vnic. 4. ait Venerem non posse videri præcisè quadragies maiorem, nec possè apparere dimidiam, & multo minus amphicyrton, quoniam ad summum recedit a Sole gradibus 47. Sed hoc molitur irritò labore, sufficit enim Galilæo videri circiter quadragies maiorem, quod inficiari non debebat vingenus, vt faueret suæ positioni, adeo vt etiam dicat Venerem cerni falcatam fraude telescopij, eiusdemque fraude conspici sidera Iouialia & Saturnia tanquam imagines Iouis & Saturni multiplicatas ob fallaciam refractionis, alioqui viderentur, inquit, vt Galaxia sine tubo. Sed præcipuè vocat hoc instrumentum fallax, quia magnitudinem auget in errantibus, in fixis minuit. Verum, si rectè aduertisset, vtrarumque magnitudinem semper auget: quod enim planetæ maiores appareant & fixæ minores optimè notauit Galilæus hoc provenire ex radiofo capillamento, quod in fixis maius est quàm in errantibus habita ratione disci apparentis, quæ abrafo eo capillitio, discus vtrarumque minor quidem apparet, quàm dum oculo nudo conspiciebantur, sed reuera sub maiori videtur angulo, quæ dum interposito funiculo occultabatur. Inerrantium quoque minor apparet quàm planetarum, ob distantiam: non enim æqualiter augetur a telescopio magnitudo duorum corporum sub eodem angulo visorum, si vnus prope est, alterum verò longissimè distat. Hinc fit vt eius ope sidera Iouialia propinquiora, quæ prius ob paruitatem delitescabant, conspiciantur stel.



stellæ verò fixæ quæ ob capillamentum prius magnæ videbantur, eo abra-  
ta decrescant ob immensam distantiam, ut earum discus vix conspici possit.  
Conspicitur tamen etiam in stellis Galaxiæ prius confusis, quod argumen-  
to est non modò distinctiorem, sed etiam maiorem videri ope telescopi,  
sine quo cernimus quidem Galaxiæ stellas innumerabiles, sed confusas:



non videmus autem satellites Iouis, quia pauciores illæ stellæ candorem conspicuum non efficiunt: Saturni vero pueri sunt adeo propinqui, ut ab eo distingui non possint. Vellicat hanc egregiam doctrinam Claramontius, atque capillamentum hoc reperiri quidem in nostris ignibus, sed non in astris, veritus forte ne stellas igneas putaremus. Opticam quoque probationem obtrudit, ut ostendat hoc capillitium non provenire ab humore pupillæ & palpebrarum, quanquam videremus eò maius esse, quò oculi sunt lacrymosiores. Sed vndeunque tandem proveniat, inquit Galilaus, patet interpositu exigui funiculi stellam occultari, quam a decies maiori non credidissemus occultari posse: quæ experientia satis ostendit quanta sit astrorum radiatio. Vide nunc an sentire velis cum Claramontio.

**CHARR.** Inficiari non possum quod sæpe vidi, neque propterea recurrere velim ad fallacias telescopij, quia si in Terra nihil exhibet quod re ipsa non sit, sed tantum auget magnitudinem, ut si longè respicio canem, nunquam mihi equum exhibebit, sed canem maiorem quam nudo oculo videbatur, idem in cœlo præstare debet, servata semper proportione. Verum ex his nihil aliud habes, quam quod olim dixit Vitruvius lib. 9. c. 4. & Martianus Capella lib. 6. scilicet Mercurium & Venerem ferri circa Solem, & Solem cum ipsis ut unum globum circa Terram, quod ut facilius intelligatur, delineo figuram. Sit punctum M. Terra, punctum A. Luna, cui, ut tollantur eccentrici, tribuo duplicem epicyclum, ut volui possit circa Terram in cœlo Q. S. remotior aut propinquior Terræ iuxta observationes astronomicas. Punctum E. erit Sol cum epicyclo duplici: similiter Mercurius in puncto C. & Venus in puncto O. & quidem in punctis C. & O. Mercurius & Venus erunt a Terra remotiores quam in K. & L. idque magis vel minus pro ratione utriusque epicycli. Atque ita verrentur circa Solem E. & simul cum Sole in globo F. G. volventur circa Terram M. in cœlo P. Q. Quare illa Mercurij & Veneris intra & supra Solem maior aut minor a Terra distantia non destruit cœli soliditatem, nisi aliud obstat. **ARIST.** Ut ostendam aliud obstat, credo sicut de Venere mihi concessisti, sic etiam permitte ut sumam Marrem interdum esse ferè octies Terræ propinquiorem quam prius erat, quoniam adhibito simili ratione telescopio, videtur circiter sexagies maior, quod in cœlo solido fieri non potest. **CHARR.** Explanatur id quoque delineatis tribus sphaeris quæ comprehendant Solem & Terram, quoniam tres planetae superiores nunquam falcari apparent. Sit itaque R. T. sphaera Martis, D. V. Iouis, B. X. Saturni. Mars in R. erit octies Terræ M. vicinior, proinde apparebit maior sexagies quam in V. nec inde sequitur quidquam incommodi. **ARIST.** Non sequitur in figura quam delineasti, sed in vniuerso. An non existimas magnum incommodum, si Mars ex maxima distantia a Terra M. ad minimam se referre non possit, nisi perfringendo totum globum Veneris Mercurij & Solis? **CHARR.** Non perfringet quidquam, quia sphaera Martis R. T. vertitur extra totum spatium, per quod circumducitur globus F. G. in sphaera P. Q. Quòd si Mars moveri non posset, nisi impingendo in globum F. G. dicerem omnino cœlum non esse solidum. **ARIST.** Iam igitur hoc ipsum dices, nam Mars

*Mars octies  
propinquior  
Terræ.*



non modò est octies vna vice quàm alia Terræ propinquior, sed etiam propinquior est Terræ quàm Sol, & quàm Mercurius & Venus in punctis C. & O. hoc est quam globus F. G. Propterea non debuisti ponere minimam Martis distantiam in R. sed in S. Cùm igitur Mars se referet ad S. perfringet totam sphaeram P. Q. atque adeo ipsum globum F. G. si intra S. R. in eum impingat. CHA R. Hoc quidem eueniet, si, vt ais, Mars est aliquando propinquior Terræ quàm ipse Sol, sic enim incurrere debet in globum F. G. aut aliam partem sphaeræ P. Q. Sed quomodo probas eam Martis propinquitatem? A R I S T. Duplici ratione: prima est quòd Mars, Iuppiter, & Saturnus nunquam sunt Terræ M. proximi, nisi quando sunt oppositi Soli, vt hìc R. D. B. habent Solem oppositum in E. idque argumento est tres superiores planetas verti quidem circa Solem & Terram, sed illum potius quàm istam esse centrum huiusmodi conuersionis. Numquam verò accidit vt Mars si Terræ proximus, quando est Soli coniunctus, vt si Mars est in R. Sol non potest esse intra spatium S. R. ita enim homini existenti in Terra M. Mars appareret Soli coniunctus. Iam verò si Mars a coelo Lunæ remotus esset toto spatio S. R. quod satis amplum est vt globus F. G. per ipsum transeat, sæpe accideret vt Mars, Iuppiter, & Saturnus essent Terræ proximi in R. D. B. & simul coniuncti Soli, quippe spatium esset idoneum, vt Sol, Mercurius & Venus, hoc est globus F. G. reperiretur intra S. R. quod in omni æternitate non accidet. Proinde dicendum est angustius esse spatium S. R. quàm vt globus F. G. per ipsum transire possit: vnde sequitur in coelo solido Martem incursum in globum F. G. CHA R. Tota vis istius primi argumenti in eo consistit, vt afferatur ratio, cur Mars Terræ proximus nunquam sit Soli coniunctus, sed illi semper oppositus, & ita de planetis superioribus. Respondebit aliquis tales esse periodos singulorum motuum, vt sic inter se conueniant: quemadmodum enim Solis & Lunæ defectus accidunt in coelo quibusdam locis, ita superiores planetæ sunt Terræ proximi tantùm, quando sunt Soli oppositi. A R I S T. Ita certè non respondes, sed vt dicis, aliquis alius, officit enim tibi exemplum allatum de eclipsibus, nam illæ sunt in omnibus eclipticæ punctis ob inæqualitatem motus Solis & Lunæ: sic igitur, cùm Sol & tres planetæ superiores inæqualiter moueantur, non est necesse vt sint tantùm proximi Terræ quando sunt Soli oppositi, sed hoc accideret in omnibus eclipticæ punctis, si globus F. G. inter S. R. liberè comœare posset. Quare tollendus est solidus ille globus P. Q. quo deferuntur epicycli Solis, Mercurij, Veneris, & liquidum erit relinquendum, quo Mars ita conuertatur, vt aliquando sit propinquior Terræ M. quàm Sol E. ipsi oppositus. CHA R. Vis ergo vt ex propria sententia respondeam te protulisse argumentum non modò contra me, sed etiam aduersus te ipsum. Faciamus enim, vt vis liquidum coelum placitarum, nihil prohibet in coelo liquido quin Mars Soli coniunctus, atque adeo Solem nobis occultans, sit Terræ proximus: hoc enim, vt aiebas, in omnibus eclipticæ punctis fieri potest. Vnde verendum est in coelo tuone vel velocior in Martem impingat, dum iste ex superiori loco comœat ad illum Sole inferiorem. Præterea tibi dicendum est non vehi planetas

*Prima ratio qua probatur Martis propinquitas.*

a sua sphaera liquida, ut a flumine naues, sed ab intelligentia mobili, & sicut lapillos ab auibus per aerem ferri: alioqui Mars, qui cursum absoluit duobus annis, inæqualem haberet motum in sphaera Solis, cuius circuitus est vnus anni. Tu quidem difficultatem hanc effugere potes in cœlo liquido, sed incidendo in maiorem secundum positionem Copernici, qui dici nullum inconueniens sequi, si Terra M. moueatur circa Solem per circulum M N. sicut Mercurius & Venus. Nam, inquit, quando Terra erit in M. Mars erit in R. Terræ proximus & Soli oppositus, cum verò Terra erit in N. idem Mars in R. erit a Terra remotissimus, & Soli coniunctus. Neque periculum est, ut stellæ aliæ in alias incurrant, quoniam singulæ circa Solem habent sua spatia distincta, tollendo circulum P. & addendo circulum N. Quæ responsio tollit quidem, ut dixi, propositas a nobis difficultates, sed inuehit alias maiores ex motu Terræ. Satis est mihi quòd hoc tuum primum argumentum non magis incommodat mihi, quàm tibi, nisi sequi velis opinionem Romæ damnatam: & quoniam ea sola videtur satisfaciens tuo argumento, vehementer adhuc laboro ut credam Martem aliquando propinquiorem esse Terræ quàm Solem. Incredibile enim est non posse explicari nisi ex positione Copernicana, quomodo Mars sit nobis propinquior interdum quàm Sol, nunquam tamen existat inter nos & Solem. Quare velim audire alteram rationem, qua probas hanc Martis propinquitatem: quòd enim dicunt sexagesies aliquando videri maiorem, fortassis id accidet non ex maiori propinquitate, sed ex Solis oppositione, unde radio ampliores sibi alciscit, ac propterea maior apparet. A R I S T. Hoc dici non potest, quia telescopium tollit omnes radios ascititios, & relinquit purum orbem oculis cernendum, superest igitur iuxta Risnerum, ut Mars Soli oppositus maior euadat eo modo quo Cancræ augescunt quando Luna est opposita Soli: quòd fortasse libentius admittent philosophi quidam recentiores, quàm ut fateantur aliquando nobis propinquiorem esse Martem quàm Solem. Sed ecce alteram rationem qua id demonstratur, nempe quòd Mars Soli oppositus maiorem quàm ipse habet paralaxim, & hoc non tantum prope horizontem, ne quis recurrat ad insulsam refractionem, sed semper & in qualibet cœli parte, dummodo sit oppositus Soli: Martis enim paralaxis, ut dixi secundum Thyconem est quatuor minutorum, Solis vero duorum minutorum & 51. sec. iuxta Ptolemaum: tunc igitur Mars nobis est Sole vicinior. Iam verò post tot obseruationes, negare paralaxim in Luna Sole & Marte cognosci posse, videtur hominis parum ingenui. Cum autem ex ea doctrina paralaxium, Mars Soli oppositus sit octies ferè vicinior Terræ, quàm Soli coniunctus, necesse est describere circulum Martis ex vna parte longè remotiorem a Terra quam sit hic expressus, ita ut a puncto M ad T. spatium R. M. octies contineatur. Sicut spatium S. M. octies continetur inter M. & I. vbi Mars reponi debet: ergo qui non vult sphaeram Solis a Marte perfringi, necesse est concedat vtrique spatium liquidum, per quod ipsos intelligantia deferat ut Deo placet. Illud tantum inferre volui ut ostenderem cœlum non magis expers esse mutationis, quàm hunc orbem nostrum, non autem ut probarem Terram moueri circa Solem. Satis est

*Alteræ ratio probans Martis propinquitatē.*



Martem non habere iter impeditum, ut ad nos Sole propius accedat: quòd verò sit tantum proximus Terræ, quando est oppositus Soli, positio Copernici id quidem optimè declarat, mouendo orbem Terræ & Lunæ per circulum M. N. circa Solem E. sed nihil prohibet quin dicamus cum Theologis, ad Dei prouidentiam pertinere, ne Mars simul & Sol sint proximi nobis, impingatque alter in alterum. Quodenim singulari prudentia fieri videmus in Galliarum & Hispaniarum Legatis, ut nunquam simul accedant ad eundem locum: ita potest esse demandatum hoc munus intelligentijs, ut circa Terram ferant Martem & Solem, sed impedian eorum concursum & conflictum in eodem loco. CHA R. Iam ergo tui veteres, nisi velint sentire cum Copernico, ad nostros Theologos confugere debent: dicant igitur etiam cum illis ortus & interitus immunem esse cœli substantiam, siue ea liquida, siue solida censeatur. A R I S T. Nondum istud est commune eorum decreto sancitum: quare licet inferre pro veteribus non minus liquidum & caducum esse cœlum, quàm nostrum hunc orbem. offerri poterat & aliud aduersus cœli soliditatem, quod obseruabimus loquendo de singulis planetis, nimirum eos exactè non describere circulos absolutissimos, siquidem maxima declinatio Solis ab Æquinoctiali, quæ communiter esse dicitur graduum 23 cum dimidio, aliquando maior est, aliquando minor. Lunæ quoque latitudo quinque graduum non semper eadem est, & ita de alijs: quod ostendit non omnino ratos immutabilesque non omni æternitate planetarum cursus in orbem, proinde sphaeris solidis non esse conclusos, sed in liquido spatio ita circumagi, ut deflectere possint, prout expostulat consensus quem inter se habent. Claramontius tamen eo more reiicit hanc varietatem in diuersas refractiones, quia meridionales obseruatores faciunt distantiam Tropicorum maiorem gradibus 47. Septentrionales verò minorem: Sed hoc accidit potius quòd obseruationes istæ sint diuersis annis. CHA R. Saltem nihil huiusmodi potest inferri de sphaera octaua, quam philosophi defendunt esse solidam, quidquid sit de cœlo planetarum: & si nunc aliqui concedunt vltro cœlos omnes esse liquidos, eos tamen dicunt immunes omni interitus. A R I S T. Non detraherent animosius pro aris & focis, quàm pro solida & incorrupta cœli substantia. Atque hinc mihi videre videor gentem graui obsidione pressam, iam amissis primis propugnaculis, recipere se ad altissimam arcem, inde scandentem hostem summouere. Habent Peripatetici sphaeram octauam arcem sanè altissimam, quòd se recipiunt, cœlis planetarum iam propugnatis. Sed receptus hic habent parum tutos, cum ipsi fateantur eandem substantiam esse cœlorum omnium. CHA R. Propterea Claramontius de Vniuer. nullum cœlum vult esse liquidum, quod vtiuis suis rationibus euicisset, nec ad id necessarium fuisse negare tot astronomicas obseruationes & doctrinam ipsam Aristotelis, apud quem idem est sphaera octaua & primum mobile: ac ille supra fixas statuit aliud primum mobile astron., quod moueat perfectè in orbem ab ortu ad occasum oris 24. a cuius norma subiecti orbes plus minusve deficiant, non quòd ab eo rapiantur, sed quòd eius amore ducantur atque exemplo singuli a suis intelligen-

*Sphaera octaua  
ita facta  
est solida.*



tij, per lineas spirales, ita ut stellæ mutant declinationem, ac distantiam a polis mundi. Statio est cum æquat stella motum primi mobilis anastri. regressus verò cum superat, motus autem apparens ad ortum quando non æquat motum primi mobilis. Hæc ait repeti statim temporibus consilio diuinarum mentium ob bonum vniuersi agentium per cognitionem & exemplar. Quare fatetur earum motus esse inæquales, sed tamen ordinatos, v. muscos numeros in choreis ab humana mente libera conceptos, inquit, ac modulos saltationis. Nam Plato in Epin. & Tim. astrorum choream vocat sic autor libri de Mundo chorum appellat, & Statius poeta dum ait,

*Seruit & astrorum velox chorus.*

ARIST. Sed cur in ea saltatione vult ab intelligentijs nunc incitari, nun reprimi cursum astrorum, ut eorum progressus, regressus, institutionesque declarentur, quod sit ab alijs per epicyclos & eccentricos, non vult tamen quod maximè proprium est saltationi, scilicet in altum efferri magis & minus, ut explicetur ipsorum maior, ac minor a nobis distantia, quam cognoscimus ex eorundem eclipsi, paralaxi & aucta magnitudine apparenti? Si spicari posset aliquis hæc ab eo dicta non aliò pertinere, quàm ut labefactaret opinionem nouam de cœlis & recentiorum gloriam infringeret, nisi illud ab hac labe vindicaret pietas, qua sacerdotum multorum parens & ipse tandem grandæuus sacris ordinibus initiatus dicere potest cum Horatio

*— Musarum Sacerdos*

*Virginibus puerisque canto.*

In Copernicum tamen videtur iniquior, nam cum ad eius hypotesim scire calculum accommodari melius quàm ad suas saltationes, eam tamen damnat, quòd calculos & lineares demonstrationes, ut par est, expedire nequeat, nisi utendo eccentricis & epicyclis. Eorum inuentorem Proclus a esse Pythagoram, qui eos forte introduxit ob solam motus apparentis inæqualitatem, sed iam multò magis admittuntur ob distantiarum varietatem, quæ ab homine candido in ea siderum saltatione negari non debuit. CHAL. Miror etiam quòd ratio aduersus motum spiralem a me allata Circ. de cœli soliditate, non venerit illi in mentem: nam ad autoritatem Aristotelis admittentis in cœlo duos perfectos simplices motus in orbem, scilicet ab ortu ad occasum, & ab occasu ad ortum, ingeniosè respondet hoc negotium astronomos esse remissum 12. Metaph. 45. satis esse Aristoteli quòd mobile primum anastron habeat simplicem motum in orbem, cætera spiralem, qualis est motus Solis diurnus, quem tamen Aristoteles vocat circularem, vnde dicuntur paralleli Solis. Et cum Xenarchus tribuat etiam Helici simplicitatem, ait hunc motum planetarum posse dici simplicem, non tamen simpliciter simplicem, iuxta varias Aristotelis interpretationes. ARIST. A quid obsecro primum illud mobile anastron? quòd meritò reiecit olim Lucillus Philalthæus, quoniam, inquit, ignobilius esset inferiori tot stellis consperso, ipse tamen Lucillus ad maiores labitur ineptias, dum astra moueri putat in cauitatibus octauæ spheræ. Non melius Alpetragius posuit unicam virtutem siderum morricem, quæ labens sensim deficeret, sed neque Achillinus, neque alij omnes, qui vnicum motum ab ortu ad occasum



cœlo solido posuerunt, hoc enim commodius præstare poterant in spatio liquido, vt fecerunt Tycho & Seuerinus Longimontanus, quacunque tandem virtute & quocunque modo cœli moueantur. CHA R. Aut dicendum est sphaeram octauam non moueri omnino, aut esse solidam, vt tanquam clauos in rota multitudinem astrorum innumerabilem tam æquabili motu circunducat. A R I S T. Non desunt Theologis intelligentiæ, quæ id muneris obeant. Sed interim abs te audire cupio cur Peripatetici quidam recentiores admittunt cœlos planetarum liquidos, ab ijs tamen excludunt ortum omnem atque interitum. CHA R. Quoniam Aristoteles non ex propria sententia, sed ex astronomorum hypothese sumpsit hanc cœlorum soliditatem, quæ necessaria videtur vt siderum motus in tabulas reduci possit ope linearum: neque enim ipse Copernicus aliter operari potuit, neque ullus alius, qui hactenus construxit tabulas astronomicas. At verò germana est Aristotelis opinio cœlum esse quintam essentiam omnino distinctam ab elementis, aliam in cœlo materiam esse, quæ sit quidem subiectum motus, & luminis, sed non qualitatum primarum, nec ortus & interitus, cuius ipsæ sunt effectrices. A R I S T. Ad quid igitur referent ortus obitusque nouorum siderum, macularum Solis & cometarum eorumque omnium quæ nonnulli ex ipsis admittunt esse supra Lunam? CHA R. Referent ad id quod ipse prius attulisti ex perrecondita Liceti interpretatione, quæ nulli ante venerat in mentem, quantumvis Aristotelem peruoluisset: nimirum tam motu astrorum, quam ipsorum radijs atteri liquidissimos ætheris campos: hinc partes alias fieri magis densas & opacas, alias verò magis raras & perspicuas, non tamen calidas, immo neque graues aut leues: has enim qualitates elementares Philosophus in cœlis non recipit, licet admittat attritum corporum cœlestium. Hinc habetur ratio tam puorum siderum, quam macularum, quæ circa Solem concrescunt & dissoluuntur. A R I S T. Nihil aliud magis obstare video huic ingeniosæ interpretationi, quam quod attritus & lumen nihil huiusmodi præstant in nostris elementis, quantumvis enim atteratur aer aut aqua, non videtur concrescere nodus: superest vt dicat hoc esse proprium cœlesti substantiæ. Qui autem sic Aristotelem interpretatur, quam vellet alios esse locos illustiores ad fulciendam hanc opinionem: aut potius quam vellet Aristotelem dixisse non magis immune videri cœlum ab ortu & interitu quam elementa: & hoc omnino iam diceret Philosophus, si viueret nostra ætate. Quod si iam conceditur hoc in cœlo fieri sola raritate & densitate, non dubio quin sagax aliquis Peripateticus reperiatur apud Aristotelem alios locos, vnde probet & si ad eius ætatem cœlum visum sit expers omnis ortus & interitus, huiusmodi tamen constare materia, ex qua non minus quam ad nos, omnia fiant congregatione & secretionem. Si quis Peripateticus existens in Luna generari dissoluique videret nostras nubes, vt cernimus maculas circa Solem, concretionem caducam eas esse diceret, hoc ipsum erat de ijs quæ in cœlo concrescunt & dissoluuntur. Huic philosophiæ nihil magis obest, quam anilis & superstitiosa quædam opinio, qua homo se cognoscit esse mortalem, quam in se non potest, in alijs querit im-

*Astra non  
minus quàm  
Terra sunt  
caduca.*



mortalitatem, existimatque nobilissima corpora esse æterna, ignobilissima verò caduca. Hinc vulgus mortem exhorrescens vt summum malum, præclarius agi putat cum astris quàm cum hominibus, dignum hoc ipso commutari in vegramdem margaritam, aut crystum lucens, vt huius perpetuitatis felicitatem experiatur. Quid enim stultius est quàm rei nobilitatem æstimare tantùm ex eius statu immutabili, velex paucitate, vt fit in stellis & vnionibus? Illas vulgus æstimat ob immutabilitatem, istos ob paucitatem, vnde & vniones autore Plinio sunt appellati, neque cerni quantum decederet de vniuersi præstantia, si quidquid mutabile est vertetur in naturam, qualem sibi fingit esse cœlestem, aut si tanta paucitas esset aquæ & luti, quanta vnionum, tunc enim, vt gallus Æsopi, tribus aqua guttulis mille vniones permutaret. Ob insatiabilem illam rerum quæ passim nascuntur varietatem dicta est a Græcis Terra κέρη πολυποίκιλος puella varietate conspicua, πανβασίλεια omnium regina, καρποτόκος, αὐξιδάλης, βαθύπλετος, μεταλλόχρυσος, μήτηρ μακάρων. *Θνητῶν τ' ἀνδρωπῶν*, foeta frugibus, florida diuitiarum parens & mortalium, mater beatorum & mortalium hominum. Quamobrem sapientes muscam Sole nobiliorem dicere non dubitarunt, & proinde Terram viuentium procreatricem stellis omnibus præstantiorem (si illæ sunt steriles & desertæ moles, vbi ne musca quidem generatur) nobilior enim effectus oritur a causa nobiliori. Hoc facili quiuisset sibi persuaderet reputando secum, naturam esse principium perpetui motus, quo rerum primordium nunquam intereunt, licet ex eorum varia permissione omnia generentur. Neque est quòd mortalem se esse doleat, nunquam enim in vitam susceptus esset, si omnes qui prius vixerunt, fuissent immortales. Gaudet naturarum permutatione, nec ita firmis vinculis elementa connectit inter se, ut amplius dissolui non possint: in illa ius suum perderet, si ex ijs nihil nouum moliri posset. Quare veteres existimarunt esse conuenientius vniuersi bono & pulchritudini, oriri & interire, non ea modò quæ viuere dicuntur singulis mundis, verùm etiam ipsos mundos. Primus Architas & Aristoteles cœli naturam ab hac nostra mortali distinxerunt, vt ait Porphyrius lib. de abstinentia ab esu carniū. At inquires cum Aristotele, nullum vquam ortus & interitus signum in cœlesti corpore deprehensum est. Id quidem iam falsum vidimus nostra ætate: Sed detur ex mille & viginti duabus stellis in cœlo conspicuis nullam defecisse ab eo tempore, quo ex Terra e obseruamus, quid scimus de alijs infinitis aciem nostram fugientibus? Cuius vnā ex ijs interire volumus prius quàm Terram nostram caducam tamen, vt arbitramur? Qui dicit in cœlo nihil nasci, quoniam aliud non videt quàm maculas Solis, dicat & in Indijs nihil nasci, quia minus videt quàm nascuntur, quàm quæ in cœlo. Qui verò putat in corporibus cœlestibus nihil generari, propterea quòd nullum hinc commodum deriuari videt in hominem, qui est omnium finis ex Aristotele 2. Phyl. 24. nimium sibi arrogat, si aliter se finem omnium existimat esse, quàm quia ex omnium contemplatione summam vtilitatem percipere potest, perinde ac si omnia



eius commodum referrentur. Aſſeuerare in planetis & alijs orbibus quos intuemur, aurum, vniones, lactucas, quercus, homines, equos & alia quæ apud nos ſunt, reperiri, eiſdem eſt inconfiderantiæ ac dicere nihil eſſe non modò quod viuat aliud vitæ genus nobis penitus inenarrabile, ſed etiam quod immutetur, generetur, ac diſſoluatur. Quare ſapiens non confidentius debet iudicare de ijs quæ ſunt in alijs orbibus, quàm qui natus in obſcuriſſimo carcere, vbi nihil lucis vnquam effuſiſſet, iudicium ferret de ijs quæ ſunt in orbe noſtro. Vt enim ille quantumvis ingenio perſpicax informare non poſſet cogitatione mundi huius aſpectabilis pulchritudinem, non plantas, non varias animantes in aere, in aqua, in terra vitam degeneres, negare tamen non deberet extra carcerem ſuum alia viuere modo ſibi prorsus ineffabili, ita Philoſophus, quanquam non poteſt aſſequi mente ea quæ ſunt extra hunc mundum, tamen inficiari non debet naturam in illis ſpatijs immenſis, perinde ac apud nos, eſſe artificem atque fœcundam. Sed de his tum hic, tum alibi ſatis dictum eſt, videamus nunc an liquidum coelum, & mutabile ſaltem vt putat Licetus, faciliorem nobis viam aperiat ad vniuerſi conſtitutionem inueniendam, ea enim nos eximet a longis ambagibus, quibus implicaremur, ſi in ſingulis textibus librorum de coelo immorandum eſſet. Ordiamur a Terra & paulatim ad altiora contendamus.

## De Terra.

### C I R C V L V S S E X T V S.

CHARILAVS. ARISTÆVS.



**H A R.** Si receptam ab Ariſtotele, Ptolemæo, noſtrisque Theologis vniuerſi conſtitutionem vis impugnare, ſtatuendum eſt imprimis tibi, quod ſyſtema veterum illi opponas. Videne ſit veterum Pythagoreorum, Ariſtarchi Samij, Heraclidis, Philolai, Nicetæ, Cleanthis, ac recentiorum Copernici, Origani, Kepleri, Gilberti, Steuini & aliorum, quorum opinionem de motu Terræ impugnare licet, ſed non defendere. **A R I S T.** Eam igitur partem quæ eſt de Terræ motu circa ſe & Solem, refellemus ambo, ſi fieri poteſt, contendemusque tantùm, de alijs, in quibus veteres diſſentiunt ab Ariſtotele, vt de centro vniuerſi, aſtrorumque natura & affectionibus. **C H A R.** Meritò proponis ante omnia tranſigendum nobis eſſe de centro, ſiquidem ab eo deſumitur ratio triplicis motus corporum ſimplicium: nam vel ad illud tendunt, vel ab eo recedunt, vel circa ipſum conuertuntur: vnde Ariſtoteles probat eſſe vnum & immobile: vnum quidem vt pote in vno mundo, immobile verò, quoniam motus omnis ſit reſpectu cuiuſdam immoti. Hac Ariſtotelis methodus ad mundi ſyſtema inueſtigandum legitima eſt, quia firmatur

*De centro  
Terra &  
Mundi.*

iudicio perfecti sensus circa proprium obiectum in debita distantia & medio proportionato constitutum: talis est oculus qui tam grauium & leuium, quàm coelestium corporum motus respectu vnius centri fieri videtur. At peruersa est eorum methodus, quæ neglecto iudicio sensus, ex rationum plausibilium apparatu inquirunt vniuersi dispositionem. Quare Aristoteles primùm hac methodo rectè demonstrat idem esse nunc Terræ & mundi centrum, respectu cuius videmus tres fieri motus primos & simplices, scilicet a medio, ad medium, & circa medium. Quòd si Terra posset ab vniuersi centro remoueri, tunc, inquit, grauia non ad ipsam contenderent, sed ad mundi centrum. **A R I S T.** Si centrum mundi est illud circa quod omnes planetæ conuertuntur, iam non Terra, sed Sol erit huiusmodi centrum, vt ante vidisti. Nolim autem hic rem nobis esse cum quibusdam plumbeis physicis, qui de centro mundi multa effutiunt vsque adeo superstitiosè atque aniliter, vt eorum dicta mihi parum differre videantur ab eo quod refert Plutarchus de Orac. def. nempe duas aquilas ab extremis vniuersi partibus euolantes occurrisse sibi apud Delphos in loco quem appellant Omphalon, atque ibidem imperitos medium Terræ habitabilis collocasse. Sic Physici quidam barba tenus, sed qui ne pilum quidem sapientiæ habent, misere dilacerant philosophicum centonem, quem futilibus suis chartis sarcire volunt: nec miror Theophrasti discipulum Metroclem, quòd magno emeret huiusmodi hominum libros, vt in officina Vulcani omnes eorum nugas vix dignas lucubratione anicularum in lucem ederet. Aduertendum est diligenter quod sæpe inculcaui, secundum veteres aliud esse loqui de vniuerso, aliud de hoc mundo. Illud aiunt esse infinitum, proinde, vt inquebat Trismegistus, centrum eius vbique, peripheriam verò nuspiam esse: Nostrum mundum dicunt esse Terram, Lunam verò cæterosque planetas aliorum mundos. Quamobrem iuxta veteres frustra quaeritur an idem sit centrum Terræ ac mundi, cùm mundus noster & Terra non distinguantur. Obseruandum est tamen loquendo pressius, centrum accipi pro puncto quod exquisitè medium est in aliqua magnitudine: medium verò non semper est punctum, sed interdum habet latitudinem, præcipuè cùm agitur de medio virtutis, vnde procedit aliquis motus. Quòd igitur pertinet ad singulos mundos, omnes præter centrum magnitudinis, habent medium virtutis: Terra habet medium quoddam, vnde procedit effluuium admirabile spirituum corporeorum, quibus dirigitur & illigatur alijs spiritibus emanantibus ab ea parte Septentrionali quam semper aspiciunt, iisdemque motu consensus allectat sibi que coniungit omnia corpora, cum quibus conuenit; & fortassis a Copernico dici poterat causa motus mensuri in Luna, sicut conuersio Solis circa proprium centrum videtur causa motus omnium planetarum, velocioris aut tardioris, prout ab ipso minus vel magis distant. Quæ igitur hoc modo sunt causa motus in orbem, possunt dici centrum, vel medium illius motus tanquam principium, quo manente, vt ait Aristoteles 8. Phys. 52. necesse est manere quidquid ipsi continuum est. Hoc inter cæteros aduertens perspicacissimus Licetus egregiè carpit Claramontium non agnoscentem aliud medium mundi, quàm



punctum indiuiduum, quod non potest esse stabile fundamentum totius mundi, vt ab Orpheo dicitur Terra *ἔδραν ἀθανάτης κόσμου*. Quod si quæris an in Terra vbi est centrum magnitudinis, sit ibidem medium virtutis. Democritus & alij qui docent mundos omnes generari ac tandem dissolui, respondebunt videri conueniens vt ibidem sit medium molis & virtutis, quia cum singuli mundi fiant concretionem præcipuarum substantiarum, quæ sunt totius operis rudimenta & primordia, ita vt cætera consequenter naturali consensione ad eas accedant, conficiantque sphaeram illam quæ dicitur mundus, necesse est vt concludatur circa centrum quidquid maiorem habet efficientiam, & ad quod, propter vim effluuij inde manantis, tendunt omnes substantiæ illi mundo familiares, vt apud nos aqua, aer, ignis. Nam & ignis noster illuc tendit, quanquam recedere cogitur sæpius ob vim potentiorum aliorum corporum quæ eò feruntur, vbi verò plurimum recessit, se alijs orbibus aggregare potest. Hoc rationi magis consentaneum est, quam dicere corpora graua ferri ad centrum, quod est punctum indiuiduum, proinde nullius roboris & cuius obtinendi gratia corpus graue frustra moueretur: præterquam quod punctum illud corrupta particula cui inhaeret, perire potest, & quanquam aliud simile punctum illi succedit, dici tamen non potest quam ob causam omnia tendunt ad illa puncta. At verò medium virtutis contentum visceribus Terræ, comprehendit præcipuas substantias, ad quas propensionem habent corpora quæ feruntur illuc, non propter centrum molis, sed propter naturas sibi conuenientes circa illud centrum, quasque sequerentur, si ipsæ aliò migrarent. Cogitemus eas esse globum, cuius diameter sit centum milliarius, atque hunc globum intra Terram quidem contineri, sed extra centrum. Cogitemus præterea puteum ab vna Terræ superficie peruadentem hunc globum & centrum Terræ ad aliam vsque superficiem illi oppositam: demissus lapis in hunc puteum secundum Aristotelem feretur ad centrum Terræ, non quatenus Terræ, sed quatenus mundi: at secundum veteres lapis non consistet in centro Terræ, sed in globo centum milliarius, & ei se parti applicabit, vnde validius prodit effluuium. Quod si globus ille sit in Terræ centro, & puteus per vtrumque transeat, lapis demissus e medio putei tandem accedet ad eius latera, illisque adhaerescet, vt ferrum magneti, quando peruenietur ad globum, vnde manant spiritus allectores: Hoc autem non accidit in nostris puteis, quia non satis altè pertinent. Ex quibus pater inane prorsus esse argumentum, quo Peripatetici probant graua ferri ad centrum mundi, non autem ad Terram veluti partes ad totum orbem conficiendum: nam si hoc esset, inquiunt, lapis non caderet ad fundum putei, sed ateribus adhaereret, proinde tendit ad centrum mundi. Respondent veteres vim allicientem prouenire ex intimis partibus, non ex illis vbi est puteus. Idem sentiunt de alijs mundis, quæ enim sunt naturæ lunaris aut mercurialis, perinde recidunt in Lunam & Mercurium, ac terrena in Terram. Ecce quomodo veteres non minus quam Aristoteles sequuntur methodum ortam ex sensu. Vident omnes flammam ascendentem, sed nemo videt an extrudatur, an sponte ascendat. Vident omnes lapidem descendere



ad fundum putei non admodum alti, sed nemo videt, nec videre potest an lapis in puteo peruadente totam Terram, quiesceret in eius centro, an verò lateribus putei se applicaret. Quare nihil est quòd Peripatetici iactent suam methodum illam ex sensu circa motum grauium & leuium, vnde conficere non possunt Terræ ac vniuersi centrum esse vnum atque immobile.

**CH A R.** Saltem id conficiunt sapientius quàm qui nullo sensu, nullaque ratione duce fingunt nucleos quosdam substantiarum reconditarum in singulis mundis, quasi illi concreverent perinde ac renum calculi, in quorum medio veluti nucleus reperitur, verum rudimentum e renibus exturbatum, diuersi coloris & substantiæ quàm reliquum integumentum ac inuolucrum, vt inquit Fernelius. Peripatetici nihil rebus affingunt, cum ex motu grauium eodè tendentium, inferunt terminum illius motus esse centrum mundi: etenim natura corporibus naturalibus hunc ordinem statuerere debuit, vt ignobilissima quæque occuparent infimum locum, & eò superiorem quo nobiliora. **A R I S T.** Ex eo, inquam, grauium motu, qui non est totius Terræ, sed partium duntaxat, non ostenditur earum nobilitas aut ignobilitas, nihil enim aliud colligi potest, quàm ipsas ferri ad Terram vbicumque illa sit, velocius aut tardius iuxta maiorem vel minorem earum consensum: ita vt si intelligatur Terra moueri circa se, vel circa aliud, iam motus grauium, qui apparet rectus, sit tamen obliquus aut circularis. Gratis accipere vultis tanquam principium, graua tendere recto motu ad centrum mundi, nam illa potius feruntur ad Terram, vt magnes minor ac maiorem, & dicas licet me ariolari, si alia Terra multò maior consisteret in ære, graua omnia illuc ferrentur. **CH A R.** Non ita visum est Euclidemonstr. 1. Phenom. vbi ostendit Terram esse in medio mundi, eò quòd per dioptram horizontalem eodem tempore videntur semper opposita signorum puncta, vt principia Cancrì & Capricorni, vel Arietis & Libræ quam demonstrationem admittit Copernicus lib. 1. c. 6. **A R I S T.** Hoc loco maior est Euclidis auctoritas, quàm eius ratio: accipit enim quo probandum erat, nempe mundum esse finitum & rotundo ambitu circumscriptum, stellasque signorum in solidi cœli superficie descriptas esse. Quibus positis tamen nec Euclides, nec Copernicus aliud probare possunt quàm immensitatem sphaeræ octauæ tantam esse, vt Terra videatur in medio posita, etiam si moueretur circa Solem distantia semidiametrorum 1142. & interdum 1179. quod mox accuratius examinabimus. Sed hæc ratio Euclidis nulla est penitus apud veteres, quibus vniuersum est infinitum, proinde sine centro. Si quis in Saturno existeret, atque adeo in Canicula, vel alia stella, duodecim signa diuersa a nostris sibi designaret & per dioptram inspiciebat vt nos, se versari crederet in medio mundi. Ita si ingès hominum multitudo in immensa planicie faces haberet nocte accensas singuli se in medio positos arbitrarentur, & circa se faces æquali distantia velut in circulum dispositas sibi fingerent. Hoc idem accideret in maris clara die, si quis versaretur inter maximam classem, aut si quis esset in siluæ rara, nauium enim aut arborum circumductum intueretur. Denique Terra dicitur esse in medio vel respectu motus, quem efficiunt planetae circa Solem,



lem, vel respectu stellarum inerrantium, quæ sunt in spatijs liquidis velut arbores in immensa silua disseminatæ; & distantiam habent nobis incognitam: primum vidimus esse falsissimum, alterum est valde temerarium. Sed quandoquidem cœpi agere de Terra, ne sæpius ad eam redire compellar, persequamur quæ ad illam attinent: quanquam enim Aristoteles de elementis tractat duobus postremis libris de Cœlo, tanquam de corporibus simplicibus quidem, sed caducis: quia tamen opinione quorundam veterum non minus caducæ sunt stellæ, quàm Terra, de ea nunc agere possumus.

CHAR. Satis constat quid hæc senserit Aristoteles de elementis, quatenus sunt partes vniuersi, nam quatenus sunt partes mistorum, de ijs agitur in libris de Ortu. Si quid præclarius dictum putas a veteribus, tuum est asserere.

ARIST. Afferam, sed summa qua potero breuitate, multa enim iam dicta sunt ad primum Phys. nonnulla quoque dicenda supersunt in libris de Ortu. Terræ magnitudinem relinquo geometris examinandam, cuius circuitum recentiores aiunt esse miliarium 19080. ex quo facile confici potest quanta sit diameter ambitus, superficies & tota moles: venio ad physica. Terræ nomen toti globo impositum ab exiguo illo & lutulento tegumento quod pedibus teritur, multum detrahit apud vulgus de ipsius præstantia & nobilitate: quod enim suis oculis sordet, sordere putat oculis naturæ. Verùm aliter sentiret, si intueri posset in eo luto semina rerum pulcherrimarum innumerabilia, & primas substantias simplices ac incorruptas, quas cùm videret esse immunes omnis interitus, & ex earum missione cætera fieri, nec aliter interire quàm quia fit secretio partium, non requireret aliam in cœlis perennitatem, nec putaret Terram esse stellis ignobiliorē, & si non habet sideris appellationem. Hæc sola rerum primordia non continet Terra superficie tenus, sed intimo sinu alia penitus recondita comprehendit, ex quibus inde aliquando emergentibus, orientur species nostris penitus diuersæ. Vt si illa, quemadmodum aiunt quiddam Rabini, dissiliret ac subuerteretur, eo discessu alia viuientium genera prodirent nobis incognita. Cùm autem Terra rerum innumerabilium sit panspermia, veteres non putant eam esse corpus simplex, cui conueniat motus vnus simplex & rectus ad aliquod centrum: ad hoc enim asserendum neque ratio facit, neque sensus: quippe simplicem illam terram Aristotelis nullus vnquam vidit, neque si existeret, iudicaretur esse terra, vtpote corpus summè durum frigidum & graue, quod penitus expers humoris nullam haberet partium adhesionem, saltem ex Aristotele, qui lib. 4. Meteor. vult adhesionem tantùm fieri ab humido, diffunderet igitur illa terra, & vsque ad puncta mathematica dissolueretur, essetque aqua mobilior, vt alibi dicam. Neque soluius difficultatem, dicendo principia mistorum, quæ sunt elementa, non debere ita segregari, vt appareant pura & simplicia, quemadmodum materia prima nunquam ita separatur, vt nuda remaneat. Hoc vident veteres admittunt, sed ex eo negant vos inferre posse terram illam simplicem esse verum elementum, sensu enim non deprehenditur. Ratio erò non demonstrat dari tantùm quatuor vestra elementa, ex quorum missione tam diuersa corpora constituentur, sal, gemmæ, metalla, plantæ,

*Terra non  
est magnes.*

animalia, vt dicam in libris de Ortu: quin potius demonstrat innumerabilitatem primorum corporum, quæ ~~not~~ mistorum sunt elementa. Id ergo quod Aristoteles vocat terram, est potius corpus siccum & frigidum, qual agnoscitur a veteribus, non vnum tamen, sed multiplex intra & extra globum illum, quem Terram vocamus. Quid sit autem in ipsius meditullio quod alliciat ad se circumiecta omnia, difficile est assequi cogitatione. Gilbertus existimauit esse magnetem: sed non potest afferre rationem, cur aurum velocius descendit, quàm ipse magnes. Dicendum videtur potius esse substantiam a magnete distinctam, vnde oritur effluuium illud admirabile corpusculorum, seu mauius dicere qualitatum corporearum, quibus allectantur alia omnia fortius aut debilius pro consensu, quem cum ipsis habet effluuia a singulis emissa. Maiorem porrò habent quæ velocius descendunt, veluti aurum, cuius globulus vnus vnciæ celerius descendit globulo ferreo mille librarum. Magnes autem vim habet ferè similem meditullii terreno, sed propter admistionem ferreæ portionis & aliorum corpusculorum quibus constat, vis illa non est syncera, maiorem enim & finitatem habet cum ferro, quàm cum cæteris. Sed quod ostendit summam naturæ prouidentiam tam in Terra & Luna quàm in alijs orbibus dirigendis, est illi respectus, quo Terra certam sui partem conuertit ad quasdam stellas octauæ sphaeræ, & similiter Luna ad Terram. Ad hoc necessaria sunt effluuiumutua, quæ quidem a stellis fixis, ob earum magnitudinem, perueniunt ad Terram, sed non est opus vt a Terra tam longè pertineant, sufficit enim illi quodammodo Terram illigari, ne situm immutet vtriusque poli, quo velut filo suspensa librari videtur. Quoniam verò quæcunque ita suspenduntur vertiginem facillè concipiunt, Catæus, ne moueretur ab occidente in orientem, vt ait Copernicus, vult aliam qualitatem esse illi a Deo concessam, ratione cuius sit planè immobilis: non dicit tamen ad quam partem sphaeræ octauæ qualitas illa respectum habet: sed omnino necesse est vt dicat, præter polos, aliquam aliam partem sphaeræ octauæ esse immobilem, cui Terra possit illigari, nisi forte vir pius ad supremum & immobile beatorum colium dirigi putat. Nec minus conspicuum est Lunam similiter ad Terram dirigi, ita vt si quis e Terræ centro faciem eius aduersam intueri posset, nunquam videret plus aut minus de eius globo, nos verò qui sumus in superficie, possumus ope telescopijs obseruare quasdam partes lucidas in Luna quas prius non videbamus, cum enim est altissima in circulo meridiani alias cernitur, quàm vbi est infima in eodem circulo, quod ostendit eam vtriusque qualitatis allicientis dirigi ad Terram, quæ qualitas nihil aliud est quàm effluuium terrearum expirationum, quibus lunares consociantur. Sed non contemnenda est dubitatio de magnete, qui igne excoctus totam vim amittit, atque etiam vetustate longa, nisi ferro coniunctus seruetur in eo sit quem habuit olim in lapidicina, quod argumento est hanc vim a Terra fuisse expressam, & consistere in corpusculis quæ omnino deficere possunt. Quoniam autem virtus magnetis est ferè eadem atque illa quæ Terram dirigunt ad certam partem sphaeræ octauæ, videtur hinc sequi eò quoque magnetem dirigi debere, & tamen acus illita magnete non dirigitur ad sphaeram



ram octauam, sed ad polum Terræ, nam sub Æquatore parallela est horizonti, quò magis autem accedit ad Septentrionem, eò magis inclinatur ad Terram, cui tandem fieret perpendicularis, si propius ad moueretur Septentrioni. Item ferrum quodcumque suspensum & horizonti parallelum si affricetur magneti, statim incipiet inclinare. Sed respondendum est id accidere, tum quia magnetis qualitas, ut dixi, non est sincera, propterea que tendit ad eam Terræ partem, unde similis virtus emanat, tum quia ob propinquitatem maior est vis Terræ, quàm sphaeræ octauæ. Quòd autem eadem acus non rectè semper tendat ad polum, sed in varijs meridianis modò nullam, modò diuersam habeat declinationem (in quodam enim promontorio ad caput Bonæ Spei, & in meridiano Fortunatarum directè polum respicit, prope Brasiliam deflectit ad occidentem, Londini in Anglia, cuius longitudo est grad. 21. declinat 11. grad. at Patauij 5. circiter, cum deflectere deberet pluribus quàm Londini) dicendum est hoc non provenire a polo Terræ, sed a proximis regionibus ea virtute magis vel minus imbutis: nam si acus in oceano constituta habeat ad ortum & occasum terras a què distantes a se, eiusdemque virtutis, tunc lineæ meridianæ directè conueniet, si verò alterutrinque potentior sit terrarum virtus, a meridiana deflectet ad partem potentiolem. Hac industria oceani indagatores dicuntur cognouisse regionum propinquitatem, cum viderent acum eò deflectere. Cæterum si vis maior terrarum viciniorum non detorqueat acum, ea directè tendet ad polum Terræ, non autem ad cælum, nec ad ullos montes magneticos, ut optimè demonstrat Cabæus. Hoc autem ostendit qualitatem magnetis participem esse illius, qua Terra dirigitur ad sphaeram octauam, quaque omnia corpora graua alliciuntur, sed aliquam habere diuersitatem admittance ferri, cuius tanta est copia, ut Gilbertus dicere non dubitarit, si ignis trahi posse ferrum ex omni terra. Hæc diuersitas in eo præcipuè consistit, quòd effluuia Terræ ad graua pellicienda, ex intimis partibus emanant vnde quaque: at verò ea quæ sunt a magnete, vel ab ipsa Terra, quatenus magnetica corpora continet, prodeunt, inquit Cabæus lib. 3. ex utroque polo tam magnetis quàm Terræ, veluti lumen a duabus lucernis in orbem diffusum, unde fit ut ferrum supra magnetem positum acquirat directionem magneti contrariam, ac vim concipiat secundum sui longitudinem, quia sequitur emissos radios, & quanquam ferrum repelli videatur ab una parte magnetis, ab altera verò trahi, non repellitur tamen propriè, sed potius dirigitur ad suos polos. Propterea quæ eidem polo magnetis affricantur, ab eo remota, sibi que applicata se fugiunt, ut si lamella ferrea simul & acus applicetur polo magnetis, utraque acquirat directionem Septentrionalem & cuspidem contactam dirigit ad Septentrionem, at si lamellæ applicetur acus, statim eam fugit, similes enim facies se fugiunt, contrariæ amplectuntur, ut se disponant iuxta vim qua prodeunt a polo Terræ per medium effusa, illa autem respicit austrum. Hinc ferrum conuertit ad Septentrionem suam partem australem, & magnes in longitudinem factus contrariò situ partes accommodat, aliaque id genus admirabilia, quæ apud ipsum videri possunt. Sed quantumvis hæc virtus vocetur qualitas, est certè spi-

rituum effluuium ad cuius fontem illos vndeque diradantem accedunt ea quæ reciproca expirationis consensum habent, eoque fortius quod propius acceditur ad principium illius actionis. Accidit autem interdum ob nimiam distantiam, ut non fiat attractio corporum, sed tantum directio sicut in Terra respectu sphaeræ octauæ, & in acu pyxidis nauticæ respectu poli terrestris. Itaque Terra coniungeretur sphaeræ octauæ, & acus poli terrestris, si ea distantia qua par est, illuc accederent. Sic omnia quæ consensu vicissim operantur, immittunt corpoream aliquam expirationem qua interdum mutuos amplexus petunt, ut duo magnetes, vel magnes & ferrum quorum sit moles æqualis, sæpius autem minus videtur ad maius accurrere, vel saltem ad illud dirigi, si remotius est. Hæc breuiter de Terra centro, situ, ac virtute alliciendi graua, hoc est corpora naturæ consentientis, ex quibus facilius quam ex doctrina peripatetica intelligitur quis motus naturalis grauium & leuium, & an elementa grauitatem exerceant in proprijs locis, quod si secus tibi videatur, oppone iam præcipuas difficultates. CHA R. Quid opponam in id quod sponte ruit: dico tantum virtutem qua mouentur graua, nempe grauitatem, etiam apud vulgus tam facilem habere notitiam, ut quiuis intelligat ea motu recto tendere ad centrum mundi: at illa effluua non satis exprimunt quomodo graua deorsum feruntur. A R I S T. Audito nomine grauitatis vulgus quidem putat omnia scire, sed videamus quid tandem sciat. Habere grauitatem, est potius moueri deorsum, ergo vulgus scit lapidem posse moueri deorsum, quia potest moueri deorsum: similiter scit ignem posse calefacere, quia calorem habet, habere autem calorem est posse aliquid calefacere: quare ut plurimum qui se scire putat, nihil aliud habet quam effectum, & nomen causæ, qualis autem sit causa, vix percipi potest. Quod si tanta facilitate intelligitur graua ferri ad mundi centrum, hoc est punctum, cuius nulla est virtus, propterea quod ipsa habent grauitatem, siue potentiam eò tendendi, cur eadem facilitate non intelligetis corpora, quæ maximum habent consensum cum alijs quæ sunt in media Terra, ut mutua expirationis illuc tendere, eoque celerius, quod propius fontem acceditur. An ideo reiicitis hanc doctrinam, quia vis effluuij illius occulta est? ostendite igitur aliquid apertius de grauitate. CHA R. Si omnia corpora consensum hunc haberent cum aditæ Terræ substantijs, illum eundem haberent inter se, proinde vicissim accederent, lapis ad lapidem, lignum ad lignum. A R I S T. Hoc ipsum concurre poteras de centro mundi, ad quod lapides & ligna tendunt. Verum etiam veteres vltro concedent singulorum quidem mundorum corporum mutuam habere consensionem, sed dicent longè maiorem habere cum primis illis corporibus, vnde facta est primaria concretio cuiusque mundi, propterea moueri ad ipsa. Ut autem obserues an sit aliquis consensus inter singulorum corporum aquis innatantium, ita ut simul coniungi possint, vide puteis & lacubus ea quæ innatant adherere tum inter se, tum proximis & ripis, ut illa inde amoueri non sit facile. Sed ne putes hanc vim esse tantum magnetis, audi Cabaum. Electricè, inquit, trahit resina durior, arsenicum, lapis specularis, sal gemma, alumen rupeum, sulfur, mastiche, vitru-

*Democriti  
naturalis gra-  
uium.*



**crystallus, opalus, amethystus, adamas, sapphirus, carbunculus, iris gemma, cera alba, gummi elemi, pix hispana, gypsum non coctum, & ea trahunt non tantum paleas, sed omnia siue arida, siue humida. Consensu denique omnium corporum, ut videbimus in libris De ortu, sunt mista quarum particula firma adhaesione connectuntur, ut cum argilla miscetur terra pars cineris quem hic *sodam* vocant, alibi cinerem Tripoli, seu cinerem herbæ chali, fitque vas fictile, vel signum quodcumque durius ferro. Haud ab similis est illa virtus quæ efficit ut graua ferantur ad Terram eique adhaereant.**

**CH A R.** Hæc philosophia tollit omnino leuitatem, nam si corpora mista & simplicia atque adeo ipse ignis tendit ad Terram, habebit grauitatem, & ita nihil feretur sursum naturaliter, sed duntaxat motu violento. Quæ paradoxa si vis defendere, per me licet, audiam libenter quibus ea rationibus adornabis.

**A R I S T.** Paradoxa videntur ijs qui in Aristotelis verba iurarunt, is enim 4. de Coelo 30. ait in sua regione omnia grauitatem habere præter ignem: propterea tex. 39. docet sublato aere non descensurum ignem naturaliter, sed vi tantum, puta metu vacui, neque id aliter probauit tex. 33. quàm dicendo videri ad similes angulos ignem quidem sursum ferri, terram autem deorsum, hoc est ad mundi centrum, ut inquit tex. 22. vbi reprehendens antiquos, quod dicerent simile ferri ad simile, ait si quis transponeret Terram vbi nunc est Luna, fore ut glebæ terreæ non ad ipsam ferantur, sed ad mundi centrum, proinde graua non ferri ad Terram tanquam ad simile. Per simile autem veteres intelligebant ea quæ consensum habent; & quoniam corpora cuiusque mundi consentiunt inter se, hinc est quod dicebant illa moueri ad totum: Aristoteles verò dicit videri contrarium, nempe ignem tendere sursum. Sed hoc nihil aliud probat, quàm ignem cæteris elementis esse minus grauem: nam ea quæ cum Terra maiorem habent conuenientiam, ei se fortius, & citius applicant, ita ut alia videantur tendere sursum: quemadmodum lapides & clauis ferrei in vase, cui infunderetur argentum viuum, sursum emicarent, quoniam hydrargyrum grauius occupat locum inferiorem: neque alia ratione per aquam aer ascendit, per aerem fumus, per fumum ignis. Quod autem graua non capebant medium vniuersi, sed moueantur ad Terram sola vi consensus, tres afferam rationes pro antiquis, cum aduersus ipsos Aristoteles nullam afferre possit. Prima est qua dicere possumus certius quàm Aristoteles, videmus omnia naturaliter moueri ad Terram, & si quid sursum ferri apparet, videmus illud in altum extrudi potius quàm ascendere proprio motu. Nam ex Aristotele eodem modo feruntur leuia sursum, quo graua deorsum, hæc autem ceterem habent motum in aere tenui, tardiorum verò in aqua crassa: ergo si ignis aut fumus tenderet sursum naturaliter, deberet per medium densius moueri tardius, quàm per medium tenuius, & tamen contrarium videtur. Hoc quicquid obseruare potest, ut ego Parisijs in deflagratione pondium, qui absorpti aquis longo post tempore crassum fumum & ignis vortices emittebant. Erumpebat fumus ex aquis velocissimè, sed in aere lentè ascendebat, & quod altius eò lentius, contra id quod docet Aristoteles accelerari motum corporum leuium. Vnde consequens est fumum ab aquis fortioribus celeriter

*Graua feruntur ad Terram, & ad mundi centrum.*

*Prima ratio.*

expulsum fuisse, non sponte ascendisse, in aere verò debiliore minus celeriter fuisse expulsum: vt enim si multitudo virorum simul atque puerorum in locum aliquem irrumperent, dum illi prius locum occuparent, isti recedere viderentur in contrariam partem, ita planè leuibus accidit, quæ veluti puer debiliores coguntur grauioribus cedere loco. CHARR. Et fortassis inde fit (si mihi etiam iocari licet) vt multæ substantiæ tam longè recedant: Terra, vt cum exigua ac penè nulla sit vis consensus, viam dediscant, desperentque reditum, & in intermundijs vagando, velut extorres a patria vel cedant in cometas, vel adiungantur alijs mundis, vel conferant ad nouorum orbium fabricationem. Et quis scit an Luna, quæ dicitur a Seneca *Sidus post veteres Arcadas editum*, aliæque stellæ nouæ ita concreuerint &

--qualis cum fessa iuuenctum

*Per nemora atque altos quærendo bucula lucos,*

*Propter aquæ riuum viridi consedit in vltimæ*

*Perdita, nec fera meminit decedere nocti.*

ARIST. Quantum vis hæc rhinocerotis naso suspendas, eleuando quæ aliter refelli non possunt, ad alteram tamen rationem accedo. CHARR. Refellisti tu ipse dicendo fumum velocius ferri per aquam, quoniam pellitur ab aqua, sic enim duplici motu fumus ascendit, vno a se, altero ab aqua: vnde motus naturalis acceleratur in aqua, sed non in aere. ARIST. Hoc diuerticulum Aristoteles ipse sibi præcludit 1. de Cælo 89. vbi negat grauius & leuia moueri ab alio sursum aut deorsum. *Neque vi*, inquit, *quemadmodum aliqui dicunt, per extrusionem, tardius enim moueretur maior ignis sursum, & maior terra deorsum, nunc autem contra semper maior ignis velocius fertur, & maior terra in suum locum.* Quibus verbis videtur negare fumum ab aqua extrudente ferri velocius, alioqui maior fumus, siue maior ignis, vt ipse inquit, extrusus tardius ascenderet, putat autem se vidisse contrarium, in quo maxima est eius hallucinatio, vt ex sequenti ratione manifestum erit.

*Secundaria ratio quod grauiora non ferantur ad centrum mundi.*

Altera igitur ratio est quod motus grauium similis est motui magnetis & ferri, quem non negas fieri mutuo consensu: quæ verò ita mouentur cuiuscunque sint magnitudinis ex eadem distantia non celerius ad se accedunt. Ponatur magnes decem librarum in tabula lignea innatans aquis, & similiter tres aut quatuor clauī ferrei diuersæ magnitudinis, quorum maximus sit vnius vnciæ, distantes æqualiter a magnete: si tabulæ lignæ, quibus innatant clauī, sint ita filo alligatæ, vt accedere non possint ad magnetem, omnes tamen ad illum se conuertent & dirigent æquè velociter, si verò filamentum auferatur, tendent omnes ad magnetem, neque celerius accedet ferrum magnum quàm paruum, & quidem initio tardius, mox gradatim celerius mouebuntur. Magnes hic repræsentat Terram, clauī ferrei corpora grauiora, quæ si sint eiusdem speciei, equali velocitate mouentur ad Terram ex eodem loco, quamuis globus vnus plumbeus sit mille librarum, alter duntaxat vnius vnciæ. Quemadmodum etiam si magnes innatans non esset maior ferreo clauo, vterque ad se accederet, & si clauus moueri prohiberetur, magnes tamen ad eum tenderet, ita si daretur altera Terra nostræ æqualis ea distantia qua par est, vtræque ad se moueretur, si verò altera moueri pro-

hibe-



hiberetur, altera tamen ad eam tenderet. Atque hinc vide quomodo Aristoteles excusari possit, qui ut naturam traheret ad illud quod mente confinxerat, nimirum grauia non ferri ad Terram, sed ad centrum mundi, ait corpora eiusdem speciei atque figuræ moueri deorsum aut sursum ea velocitate quæ moli respondet. 4. Phys. 74. *Videmus, inquit, ea que maiorem impetum habent aut grauitatis aut lenitatis, si figura sint similes, citius ferri per æquale spaciū, & secundum rationem quam habent magnitudines ad inuicem.* 1. de Cœlo 88. & 89. iam citato hoc ipsum asserit, idemque repetit 4. de Cœlo 16. & 26. Parum erat si dixisset maius aurum aut plumbum deorsum ferri minore velocius, si nō addidisset ea proportionē qua maius est: fortassis enim suspicari potuisset aliquis maius plumbum delapsū altitudine centum cubitorum contingere terram, quando minus plumbum simul demissum eadem altitudine, distat a terra quatuor digitis, aut vno pede, quod vix sensu deprehendi potest. At iuxta dictum Aristotelis necesse est ut quando globus plumbeus centum librarum descenderit centum cubitis, minor globus plumbeus vnius libræ descendat tantum vno cubito, quos tamen vidimus simul descendere pari velocitate, ut mirum sit Aristotelem vidisse contrarium, sed iam obseruauimus quod (*videmus*) apud ipsum sæpe significat imaginamur, ut quando ait videmus aquam verti in aerem, videmus grauiam ferri recta linea ad medium mundi, videmus quiescente substantia, in ea transmutationem fieri secundum magnitudinem, & alia id genus.

CHAR. Nunquam adducar ut credam Aristotelem sibi nobisque tam urpiter imposuisse, ut dixerit videri hanc proportionem grauium descendentium per medium plenum, ut iam monui ad 4. Phys. Circ. 9. Nam per illud (*secundum rationem quam habent inuicem magnitudines*) non intelligit ut quando maior globus descenderit centum cubitis, minor descendat tantum vno cubito, satis est enim quod exiguo intervallo maior minorem anteuertat.

ARIST. Hanc quoque subterfugendi spem adimere possum vel ex eo quod Aristoteles nihil concludit aduersus antiquos admittentes vacuum, nisi inferat hoc absurdum sequi, nempe globum plumbeum tam magnū quam paruum motum iri per vacuum eodem tempore, cum tamen in pleno tanto velocius moueatur maior, quanto minorem superat mole.

Autem in pleno vterque globus, ut dicis, eadem ferè mouetur velocitate, nec facile sensus obseruat diuersitatem, nihil conficiet aduersus antiquos, etiam si eadem velocitate mouetur in vacuo.

CHAR. Nihil fortasse conficeret, si ex propria sententia loqueretur, sed eos arguit quod iam falsò admitterent maius & minus plumbum moueri secundum rationem, quam habent inuicem magnitudines, & præterea tarditatem motus trouenire tantum a repugnantis mediij diuisione, sequatur vtrumque plumbum pari velocitate ac tempore motum iri per vacuum & plenum.

ARIST. Relicto igitur Aristotele vis ut me conuertam in illos veteres, quos iam satis refellit experientia? Nam si minor globus plumbeus tardius a maiore descenderet, adiunctus ipsi retardaret eius descensum, eoque magis plures globuli adiungerentur, & tamen velocius moueri deberet: omnes enim illi globi efficiunt molem maiorem, quæ secundum Aristotelem fer-

fertur velocius. Sed reuera siue ex mille globis plumbeis fiat vnus siue iungantur simul quocunque modo, motus celerior non euadet, sicut iuncti equi non melius currunt quàm soluti, licet eorum coniunctio iuuet ad cursum fortius trahendum, & coaceruatio multorum ponderum ad trahendam bilancem. Quare si cubus mille laterculorum nullo inter se vinculo coherentium demittatur ex alto, non citius perueniet ad Terram quàm singuli lateres, neque tardius quàm si cubus ille esset vnum corpus ex eadem argilla conflatum. Atque vt certum habeatur experimentum, supra massam plumbeam inferiori parte crassiorem fiant multa foramina diuersæ magnitudinis, in ijsque constituantur globi plumbei magnitudini foraminum respondentes, aut ijdem globi ponantur in tubis plumbeis supra massam ferruminatis. Demittantur omnia ex altissimo loco in subiectam aquam aut lutum, reperientur singuli globi suis in loculamentis: quod fieri non posset si massa plumbea celerius descenderet quàm ipsi globi, aut si alio alio iret velocius. Sed vt ad primam experientiam reuertamur, & manifestus sit eorum error qui non distinguunt ponderans a graui, existimant quod globum plumbeum in bilance ponderantem centum libras grauiorem esse in aere quàm globum plumbeum vnus libræ, & propterea ferri velocius quæro abs te secundùm Aristotelis opinionem, quo intervallo maior ille globus centum librarum minorem globum anteuertit? CHARR. Non potest ad vnguem assignari, nam si minor globus sit ita exiguus, vt vix conspici possit, lentè admodum descendet ob repugnantiam aeris diuidendi, quæ ferè æqualis est eius grauitati, si verò minor globus sit vnus vnciæ, parua est aeris repugnantia respectu grauitatis, quare velociter quidem descendet, maior tamen globus eum anteuertet aliquo intervallo, licet ex quo. Dico exiguo, propterea quòd maior eius superficies maiorem aeris superficiem diuidendam habet, vnde fit vt globus vnus vnciæ facilius diuidat aerem, atque ita descendat eadem ferè celeritate, qua maior globus in vacuo tamen vt rectè contra veteres ait Philosophus, sequeretur vtrumque pari velocitate motum iri, quod est absurdum. ARIST. Ego vix iam ostendi fore vt penitus in vacuo non moueantur, ac ne idem frustra recinam, illud vnum quod apprehendisti, e manibus extorquere volo, nepe videris dicere globum plumbeum centum librarum non descendere ceteris velocius globo vnus libræ, eò quòd iste minorem habeat superficiem qua facilius aer diuiditur: faciamus igitur globum plumbeum vnus libræ intus quidem inanem, magnitudine verò æqualem solido globo centum librarum: quæro iam an dum iste confecerit centum cubitos, ille descenderit tantùm vno cubito? Hoc sequitur ex verbis Aristotelis 1. de Coelo 88. v. non ex sententia veterum, sed propria loquens, ait si in finitum esset grauitatis incrementum, incrementum quoque velocitatis in finitum fore, significat enim vtramque crescere pari proportionem. CHARR. Hic locus intelligi debet non de grauitate molis, sed virtutis, seu vt alij loquuntur non de grauitate extensiva, sed intensiua: quanquam alibi vult quidem crescere grauitate molis crescere velocitatem, sed non, vt ais, æqua proportionem. Quare in globis plumbeis quos conlasti, dico fore vt ille qui est vni-



librae & intus inanis, sequatur maiorem globum centum librarum intervallo paulò longiore, quàm solidus alter vnus librae, ob rationem prius a me allatam, quæ non adeo levis tibi videbitur, si consideres fontium salientes ob aliquid simile, non emittere aquam iuxta rationem magnitudinis quam habent eorum oscula. Sit enim alicuius tubi diameter vnus digiti, & alterius tubi duorum digitorum, quoniam per 2. 12. Elem. Euclidis sese habent oscula tuborum sicut a diametris quadrata, siue in duplicata ratione diametrorum, hoc est in dato exemplo sicut vnum ad quatuor, si fluere aqua proportionem osculorum, dum minor tubus emisit vna hora centum libras aque, maior deberet emisisse quadringentas tantùm, effudit autem longè plures, quoniam superficies interior tubi maioris minor est respectu osculi sui, proinde sua asperitate minus retardat aquam præterlabentem, quàm superficies tubi minoris, quæ maior est respectu osculi sui. Vnde non mediocriter hallucinantur, qui se haurire putant aquam aut vinum iuxta foraminis proportionem. Hinc similiter conficio maiorem superficiem globi descendens plus difficultatis accersere, quàm minorem, proinde globum solidum vnus librae velocius descensurum altero globo inani eiusdem ponderis, & magnitudine æqualis globo centum librarum. ARIST. Propterea constituo superficies æquales in vtroque globo a me descripto, & concludo debere moueri iuxta grauitatis suæ proportionem, ita vt eodem tempore quo ille descendit vno cubito, alter descendat cubitis centum. Nam si, vt ait Aristoteles multis in locis, maior moles terræ, plumbi, & auri causa est maioris velocitatis, necesse est velocitatem crescere secundum molis proportionem, alioqui malè concluderet ex molis incremento, velocitatis incrementum: ita dum ait maiorem ignem sursum ferri velocius, libebit ita argumentari, si magnitudo causa est maioris celeritatis, hanc autem necesse est secundum illius incrementum, atque ita fumum altero centes maiorem ferri sursum centies velocius, quod experientia falsum ostendit. CHAR. Miror quòd non vides fieri posse, vt crescente mole plumbi, crescat eius velocitas, non tamen præcisè secundum rationem molis, licet hoc Aristoteles assumat contra antiquos id malè concedentes. Moles enim suis quæ habent eandem specie grauitatem, seu homogeneam, vt dixi Circulo de vacuo, nihil aliud efficit, quàm impedire medium, ne obturbet motum rectum corporis deorsum labentis, quare vbi globus plumbeus est huiusmodi magnitudinis, quam aer non facilè deflectit a motu recto, etiam si sonatur multò maior, non tamen multò velocius descendet, quia non multò facilius remouet duplex aeris impedimentum, vnum est quòd eius agitato grauita detorquet aliquantulum a motu recto, alterum est quòd ipse sit videndus a magno difficilius quàm a paruo globo. Verùm vbi plumbum sita exiguum vt vix cerni possit, tanta est aeris repugnantia, vt vix descendat, ac fortassis omnino subsisteret, si esset minus. ARIST. Vis opinor et alterum Aristotelis dictum explanare non minus salebrosum, quàm illud de motu grauium, cuius errorem in antiquos totum reieciisti, ac fortasse incidem effices. Quare velim scire, an putas minimam plumbi particulam in ære subsistere, eadem ratione qua Aristoteles 4. de Cælo cap. vlt.

*De innatantibus.*

docet lata ferraamenta & plumbum aquis innatare, alia verò minora & minus graua, si rotunda sint, & longa, vt acus, deorsum ferri, quædam auter propter paruitatem in aere diu subsistere, vt puluerem & tenuissima amenta. CHA R. Quantum ad repugnantiam aeris & aquæ non videtur admodum dispar ratio. A R I S T. Est quidem par ratio eorum quæ hærent in aere & in media aqua, sed non eorum quæ hærent supra aquam, vt tenuis lamina plumbi: nam illa præter aquæ diuidendæ repugnantiam, habet aliam causam efficaciorẽ, siquidem repugnantia crassioris aquæ nihil aliud efficit quàm vt lamella tardius descendat, quemadmodum puluis aquæ turbidæ permixtus lentè descendit ad fundum, sicut etiam eadem aquæ crassitudo non impedit ne trabs innatans stagno quieto lentè trahatur tenui filo, sed prohibet tantum ne citò trahatur. Non negauerim tamen quod dicam in libris de Ortu, tam in aere quàm in aqua corpuscula quædam posse sic attenuari, vt penitus adhærescant ipsis mixtione perfecta, vt imperfecta: huiusmodi sunt vapores in aere, in aqua verò multi liquores & sales. Vbi & exemplum afferam de auro, alijsque metallis quorum solutione tingitur aqua, & quæ mox ad fundum iniecto sale præcipitantur. Quare si bracteola huiusmodi corpusculorum haberetur, nihil prohiberet quin intra aquam quocunque loco consistere posset. Quod autem sol aquæ repugnantia non impediat lamellæ descensum satis patet, quia iam aquam ita peruasit, vt sit ea depressior, & si lamellæ superficies perfundatur aqua, vel intra aquam constituitur, statim petit fundum. Nec dicat aliqui illam aquæ perfusionem addere non nihil ponderis, nam & si ponatur plures guttæ in medio lamellæ siccæ, eam non demergunt, modò non coniungantur aquæ ambiens. Deinde si aqua repugnaret plumbeæ tabellæ ne descendat ob latitudinem, repugnaret etiam alteri tabellæ ligneæ in fundo positæ non ascendat, maximè si est ex eo ligno, aut alia materia, qua globus confectus ascendit per aquam admodum lentè, vt si cera ea qua par est proportionem admisceantur amenta ferrea: nunquam tamen fieri poterit vt si globus illi sursum tendit, eò quoque tabella non tendat. Atque hinc etiam videre licet lamellam plumbeam non sustineri ab aquæ repugnantis crassitudine nam tabella cerea ascendens eandem crassitudinem peruincere debet, immo in aqua salsa velocius ascendit quàm in aqua dulci, & sic mare minus crassum esset quàm aqua dulcis. Fiat præterea globus ex cera, cui addatur tantum ferreæ scobis, vt totus quidem sit immeribilis, ferè tamen demergatur excepta parte exigua supra eminente, quæ si aqua contingitur, incipit labi ad fundum, sed valde lentè, si idem globus postea conformetur in tabellam, & in fundo constituitur, iniecto modico sale in aquam, emerge ex fundo, perinde ac si haberet figuram globi, lentius tamen ascendet quàm globus. Vnde manifestum est figuram solam & aquæ crassitudinem non esse causam cur plumbum innaret, quam causam tamen solam Aristotele videtur asserre his verbis: *Quæ igitur habent latitudinem, quia multum comprehendunt, supra manent, propterea quòd non facile distrahitur quod maius est. Quæ verò contrario modo se habent figuris, quia pauca comprehendunt, feruntur deorsum, propterea quòd diuidunt facile. Et in aere multò magis.* Et paulò post



Si enim excedat virtus gravitatis eam quæ est in continuo ad distractionem & divisionem, per vim feretur deorsum velocius, si autem debilior sit, supernabit. Hæc Aristotelis ratio non soluit allatas difficultates plumbi innatantis, dum causam refert in repugnantiam quam medium habet ad divisionem faciendam a mobili, cum potius comparare debuisset gravitatem mediæ & mobilis, non tamen gravitatem heterogeneam, qua moles inæquales æqualiter ponderant, ut corium & plumbum virumque duarum librarum, sed gravitatem homogeneam, qua moles æquales æqualiter ponderant, ut duo globi æquales uterque duarum librarum, quorum tamen unus esset æreus alter lapideus. Quæ sunt aquis graviora gravitate homogenea, si sint aqua perfusa, nunquam innatant aquis, quamcunque habeant figuram: si vero sint sicca, modò non crassiora quàm par est, possunt innatare, ut lamina plumbea. Præcipua igitur & vera causa est, quòd circa lamellæ siccæ extremitates attollitur aqua, efficiturque cavitas aere plena inftar vasis innatantis: aer autem adhæret lamellæ siccæ tenacius, quàm ut ipse aer ab aqua humida propelli queat. & dum lamellæ latitudo, atque aer contentus in cavitate aquæ circum assurgentis efficiunt corpus ex aere & plumbo compositum minus graue quàm sit aqua æqualis illi composito, tandiu innatat lamella. Sed si lamella ponatur crassior (latitudo enim nihil refert) cum aqua non possit attolli nisi ad certos limites, tunc compositum illud ex plumbo & aere gravius erit quàm aqua ipsi æqualis, & fundum petet, ut optimè demonstrat Galilæus lib. de innatantibus. Cur autem aqua circa lamellæ siccæ extremitates attollatur in modum aggeris, id fit ob aerem lamellæ siccæ firmitus adhærentem, quàm ut exiguus ille agger ipsum expellere possit: non enim tam siccitas lamellæ prohibet aquæ fluxum, quàm ipse aer, nam aqua videtur quodam modo se sustinere ne aeri permisceatur, ut fit in crassioribus guttis pendentibus, illæ enim si digitus admoveatur, statim decidunt, & tamen sustineri deberent si sola partium tenacitate suspenderentur. Nihil est igitur quod earum descensum magis impediat quàm aer ambiens, qui hoc non præstaret, si ut ait Aristoteles, esset summè humidus. Idem efficit ut guttæ rotundentur in pulvere, quoniam pulvis est aere plenus, perinde ac si guttæ crassiores in aere suspendi possent, tunc enim illæ erent rotundiores, quod non accidit supra ferrum quantumvis siccum & leve, quia minus est aeris guttas ambientis. Licet autem aer videatur quam repellere, eam tamen facile combibit in vaporem attenuatam, ut vinum & terebinthina sorbent hydrargyrum in minutissima corpuscula distractum. Nec difficile est eos refellere qui dicunt rotundari guttas, ut totus aquei globi figuram imitentur, sic enim quò maior esset aqua, eò fortior ad eam rotunditatem efficiendam videretur. Aer igitur sequitur lamellæ superficiem siccam, licet aliquantum depressam in aqua, cum ob repugnantiam aeris & aquæ, tum ob consensum ei similem quo aqua paululum attollitur, hæretque suspensa lamellæ elevata extra aquam quarta circiter digiti parte. Hinc multa coniectaria deduci possunt. Nihil ascendit extra aquam, vel aerem naturali motu, nisi ratione minoris gravitatis, quæ levitas appellari potest. Nihil descendit nisi ratione maioris gravitatis,

Nihil consistit nisi ratione æqualis gravitatis. Hinc homo natandi rudis & leuior aqua ob aerem pulmonibus conceptum, quandiu vivit, nunquam in fundo hæreere potest: & si contractis cruribus, expansisque brachijs resupinus os ad cælum converteret, ut sæpe luans expertus sum, non summergeretur. Vbi verò aer ille expulsum est ab aqua inter respirandum attracta iam factus grauior fundum petit, & aliè

*Demersus summatur sum non bullit in unda,*

Nisi quando putrescens intumescit, expirationemque multam concludens, sicut vter rursus emergit. Corpus solidum leuius aqua & grauius aere tantum est ponderis totum in aere, quanti aqua magnitudine æqualis parti corporis ipsius solidi quæ in aquam est immersa: Sic naves & quæcunque vas innatantia etiam plumbea vel lapidea, quorum pars immersa tenet locum aquæ, eiusdem sunt ponderis atque aqua ipsa, quæ occupato loco contineri potest. Propterea nauigium non facilius sustinetur multa quam paucæ aqua, quamuis medio digito distet a terra, & si locus in quo innatat si angustissimus, ad eiusque figuram compositus, paucis aquæ amphoris subleuari potest, & sustineri: quemadmodum ibi aqua sustineretur æquali parti immerse eiusdem nauigij: æqualis enim descensus & immersio fit æquali gravitate, seu ab æqualiter ponderantibus. Corpus verò solidum grauius aqua, tanto minus in aqua quàm in aere ponderat, quantum el pondus aquæ æqualis magnitudine ipsi corpori immerso, seu tantum deperdit in aqua de gravitate, quam habet in aere, quantum aqua æquali acquirit in aere quæ nullam habebat in aqua. Alia huiusmodi plurima deduci possunt, quorum ratio ex dictis satis clara est, sed non video quomodo Aristotelis sententia de innatantibus defendi possit. CHA R. Defensio in eo consistit, quòd Aristoteles dicit quidem latitudinem esse causam cui plumbum innatet, sed non dicit unicam causam: neque negat aerem impedire ne aqua paululum assurgens infundatur superficiei tabellæ siccæ, ac quod multum iuuat latitudo, ut plus aeris ipsi coniungatur ad fluxum aquæ prohibendum: nam & tabellæ iunctus aer expellendus est ac diuidendus, sicut aqua subiecta, priusquam tabella demergatur. Quare si eadem lamella plumbi formatur in globum, non amplius innatat. Fieri quoque potest ex aliqua materia pyramis æquilatera quæ innatabit, si vertex mittatur in aquam, erit enim veluti vas latum ex superficie basis, circa quam assurgit aqua: si verò vasis primùm mittatur in aquam, fundum petet, ei quòd in vertice deest latitudo. Vnde patet figuram conferre aliquid, ut innatet corpus grauius aqua, quod sufficit ut Aristotelis propositio non sit falsa, quanquam non meminit aerem, nec eminentem superficiem corporis natantis, sine quibus tamen figura nihil efficeret, ut manifestum est instrumentis plumbeis atque etiam globulis, quæ sicca natant, & vda merguntur. Sed neque hæc meminit Democritus, qui dicebat innatantia plumbi latam superficiem in aqua sustineri ab igne conferto per aquam ascendente, in aere verò non sustineri, quoniam ignis per aerem ascendere non tendit ad vnum, sed dissipatur. A R I S T. Neuter igitur veritatem assecutus est. Sed de his opinor satis; volo nunc adducere tertiam rationem

*Tertia ratio, quòd*

*nem*



nem ex Aristotele ipso depromptam, ut constet omnia graua ferri non ad centrum mundi, sed ad Terram. Libet autem tria considerare. Cur maior globus plumbeus plus ponderet quàm minor, non tamen descendat velocius. Quomodo elementa grauitatem habeant in proprijs locis. Cur tanto velocius ferantur, quanto sunt medio propinquiora. Hæc tria commodissimè declarantur mutuo consensu quem habent graua cum Terra, sed non cum centro mundi. Ad primum non est opus ut dicamus graua eiusdem speciei deorsum ferri iuxta rationem suæ molis, ut explicemus quomodo plus ponderant in bilance, cum enim per effluuia tam a Terra quàm ab ætheris emissis, fiant veluti totidem brachia, quibus ruunt in mutuos amplexus, bilanz a maiori mole trahitur facilius, uti currus a multis equis, tamen moles illa maior non superat minorem velocitate, sicut centum equi non superant vnum. Explanatur etiam iisdem effluuijs cur elementa grauitatem habeant in proprijs locis, sunt enim illa veluti funes contenti quibus illigantur, nec sine vi separari possunt, ita ut recessus a Terra sit violentus, contra verò accessus sit tanto velocior, quanto propinquior est principio effluuij, vnde vis densior & crebrior diradiatur. Quid autem hæc dicat Aristoteles, libenter audiam. CHARR. Maior globus plumbeus plus ponderat quàm minor, non ob fictitios effluuij radios, quos ad hoc nihilo fortiores arbitror, quàm fila araneoli, sed ob plures partes, quarum singulæ suam grauitatem habent, perinde ac si essent separatæ. Ex ijs fit moles quæ fortius premit bilancem, ea proportionem qua moles ipsa crescit, non tamen eadem proportionem facit motum celeriores. Aliud enim est ponderans, aliud graue: ponderans quodcumque fieri potest adiectis corporibus remissæ grauitatis, ut mille libræ pennularum: at graue homogeneum dicitur quod in omnibus suis partibus eisdem habet numeros grauitatis, qua celeriter aut lentè mouetur: vnde fit ut aurum libra quod octo ferè numeros grauitatis habet, velocius moueatur quàm mille ligni, quod habet duos, aut tres ad summum. Pondus igitur aggrauat & premit bilancem, grauitas verò prout intensa est vel remissa motum efficit velocem aut tardum, & hæc est illius natura. Habenda tamen est ratio medij, quod si grauius est corpore descendente, sistit eius motum, ut videmus in aqua prohibente ligni descensum: si verò medium est leuius, finit corpus moueri tanto velocius quanto corpus: ipsum grauius est medio. Neque aliud intelligit Aristoteles per medij tenuitatem & crassitudinem, quàm ipsius medij leuitatem & grauitatem respectu corporis, quod in eo moueri debet. De figura verò aperte docet eam non esse causam cur res omnino moueatur sursum aut deorsum, sed tantum cur velocius aut tardius moueatur. Ex quibus intelligi potest, quod Aristoteles 4. de Cælo 29. ait lignum centum librarum in aere grauius esse plumbo vnus libra: grauius enim hoc loco significat magis ponderans, non autem id quod habet plus grauitatis homogeneæ qua feratur velocius: alioqui lignum illud celerius descenderet quàm libra plumbi. Ad secundam difficultatem de grauitate elementorum in proprijs locis, quam Aristoteles admittere videtur textu sequenti, dum ait omnia, præter ignem, habere grauitatem in sua regione, ac propterea inflaturum

*grauius non ferantur centrum mundi*

*De grauitate elementorum in proprijs locis.*



rum vitrem grauiorem esse quàm vacuum. Hoc dictum sic intelligi debet ut elementa in suis locis apta sint ad ea moueri, si forte hinc separentur, ag grauando ac premendo corpus a quo prohibentur, quemadmodum aqua premit fundum & latera dolij, quo continetur. Aer igitur conclusus vitre quoniam est a toto aere separatus, grauitatem maiorem exercet. **A R I S T.** Ego vero dixi agendo de vacuo, vitrem inflatum vesicam, aut lagenam vitream grauiorem esse ob compressionem, dum enim aer vi magna intruditur, eijciuntur per meatus partes quædam subtiliores, & minus graues, it ut intus relinquuntur alia quæ maiorem consensum habent cum Terra, a eamque fortius tendunt. Ut si quis ferri scobinam mistam cum adipe magna vi in sacculum immitteret, & per meatus cogendo semper exire ad pretem, sacculum tandem impleret atque distenderet, ille sola ferè scobina plenus reperiretur, ac propterea plus ponderaret, quàm si citra compressionem materia illa permista fuisset impletus. Idem accidit in aere qui multum continet corpora dissimilaria, quibus in vase compressis, intus remanent quæ Terræ sunt magis familiaria, proinde maius efficiunt pondus: Maior me incescit admiratio, quòd vas vitreum apertum ac plenum aere, non compresso plus ponderat, quàm omnia eius fragmenta simul sumpta. Vter vas cuius minus ponderat quàm leuiter inflatus tolle fabrilis. Vas quodcumque plenum aquæ & in aqua ponderatum plus ponderat quàm omnia fragmenta eiusdem vasis, ut sæpe expertus sum, rem accuratè examinando. Aer autem & aqua citra compressionem vase inclusa plus ponderant, eò quo coniungi nequeunt eorum particulae similibus alijs & ijs vniri naturali adhesionem, sed efficiunt quodammodo rem vniam cum vase quo interceptantur. Quoniam ergo vas fertur deorsum, etiam ea quæ includuntur simul descendunt, quanquam sunt eiusdem grauitatis ac spaciū per quod fit descensus: nam interpositione vasis tollitur naturalis adhesionem similium corporum, quod descensus prohibebatur. Cæterum aer inclusus ampulla vitrea quæ sit ordinaria magnitudine, addit illi pondus grani vnus hordeacei, ut videre licet frangendo ampullam, fragmentis omnibus diligenter asseruatis & ponderatis. At idem aer si esset bilanci circumfusus, eam non premeret, sed potius Terram: totus enim aer & quæ in eo continentur velut vnum corpus, Terram amplectuntur, eamque premunt effluuiorum colligatione quam sæpe dixi. Ex quibus sequitur globum cereum, aut aliam materiam, quæ prius erat aliquot vnciarum, eò plus ponderare, quòd vas amplius ex ea conflatur item confici posse vas aqua plenum quod fundum petat, licet eius innata materia. Hoc tamen negat Galilæus, qui rem exactè non erat expertus. **C H A R.** Hæc non militat aduersus Aristotelem, non enim docet elementa pondus & grauitatem exercere in proprijs locis, nisi aliqua conditio ne posita, nempe quòd condensentur vel includantur, nam cum inde fiant grauiora, necesse est aliquam eis inesse grauitatem: vnde probat omnem grauitatem habere præter ignem. Cæterum si liberè relinquuntur, aer in aere & aqua in aqua, nullum habet pondus. **A R I S T.** Non dubitauerim tamen affirmare totum aerem incumbere terris & aquis easque premere, idem dixerim de aqua circumfusa Terræ. Ponderare enim premere, ag




grauare nihil est aliud quàm vi naturalis effluuij siue consensus alterius rei coniunctionem quærere: quare magnes & ferrum se inuicem premunt, eodem modo circumfusa aqua sese applicans Terræ illam premit. Quod si quis dicat vrinatores non sentire pondus aquæ sibi incumbentis, non aduertit quodnam pondus illi sentire debeant, nempe vim aquæ sursum eos eleuantis, non autem deorsum impellentis, quam vim multo magis sentirent, si loco aquæ effer argentum viuum: nam si in eo vi detinerentur propi, sentirent pectus vehementer premi, sed non terga. Quare & si aqua non premit deorsum vrinatores, premit tamen Terram, & ab ea vicissim premitur. Atque hinc etiam conficere licet, expelli sursum ignem a grauioribus, sicut vrinatores ab aqua, & lapides ab argento viuo. CH A R. De his iam satis quæsitum est. Superest tertia difficultas, cur graua tanto velocius ferantur, quanto sunt medio propinquiora 1. de Cælo 88 & 89. quod etiam Aristoteles affirmat de leuib. sursum tendentibus. Huius rei non alia potest assignari causâ quàm natura ipsa grauitatis & leuitatis, quæ si ut ordinat elementa suis locis, ita efficacius ordinat, quò suis locis propinquiora sunt. A R I S T. Melius erat Aristoteli silere de ea re, cuius explanationem, nec experimentum habere potuit. Quæro enim vnde scire potuit hanc grauium & leuium maiorem velocitatem? nisi forte comperebat libram plumbi in altissimo monte consumere plus temporis vt descendat centum cubitis, quàm in valle profundissima: contra verò fumum vel ignem in valle tardius ascendere quàm in monte, quod ridiculum est. Sola igitur ratione ductus hoc affirmauit: sed quænam est hæc ratio? natura, inquis, grauitatis & leuitatis sic comparata est. Hoc nullus intelliget, nisi opus alliciat corpora mutuo consensu effluuiorum. CH A R. Ita veri concitatus ingrediuntur, quò propinquius accedunt ad olida præsepia, vnde grauissimorum sibi odorum effluuia procedunt. A R I S T. Omnis sicut appetitus animalis allicitur a rebus veris, ita naturalis a vero substantiæ effluuiis, non autem ab inani centro, seu puncto individuo allicitur: exemplumque tibi potius a magnete & ferro, quàm a stabulo & veredis accipiendum est, ferrum enim quò propinquius est magneti, eò celerius appetitu naturali ad eum mouetur. CH A R. Considerauimus hæc graua quatenus mouentur eò celerius quò propinquiora sunt centro Terræ, cuius tu causam dicis esse substantias in medio delitescentes, ego verò grauitatem, qua naturaliter feruntur ad centrum: ita vt si duo lapides eisdem virtutis inæqualiter distantes a centro simul descendant vno milliario, minus temporis insumat ille qui milliare conficit vicinius centro. Consideremus nunc cur graua ex quocunque loco descendunt tardius mouentur initio, quàm sub finem, videbis enim referendam esse causam ad grauitatem, vnde concitatur aer & emanat continenter maior ac maior impetus, non autem ad vllam substantiam allicentem graua. Quippe hoc lenocinium pertinere non potest ad inmentem distantiam, ex qua concipimus graua descendere, tam e concauo Lunæ quàm e sphaera octaua, si hæc essent, foret igitur vt ille descensus a grauitate sola procedat. A R I S T. Non a distantia qualibet, vt fingitis, mouentur graua, sed intra certos limites

*De acceleratione motus naturalis in grauibus.*

res, ad quos pertingit vis effluuij. Lapis in sphaera octaua positus non moueretur ad Terram, sed vel ibi consisteret, vel alijs globis propinquiore applicaretur, desperato reditu in patriam, vt supra dicebas. Ita ferrum longius a magnete distans non potest ad eum moueri, nec Luna ad Terram nec Terra ad eam partem sphaerae octauae, ex qua ob nimiam distantiam procedit languidius effluuium, quo illuc dirigi potest, non tamen attrahi. Non verò dicas ea quae sic diriguntur paulatim allici, quando nulla est repugnancia, vt patet in ferro aquis innatante, quod si ad magnetem dirigitur, sensim ad eum accedit ac tandem coniungitur: nam responderi potest huius Terrae motum impediri a Sole ad quem Terra & proximi orbes respectum habent. Quare nihil est quod quis vereatur ne Terra per axem paulatim fluat ad polum borealem, hoc enim prestare non potest nisi eodem tendant Sol & planetae qui circa ipsum conuertuntur & vnā veluti catenam efficiunt. Rectius igitur dubitaretur an Sol habeat *ἰσχυρὸν πρὸς ἡμᾶς* ita vt sensim feratur in orbem, & secum deducat suos planetas, de qua postea suo loco dicendum erit. Nunc quod spectat ad grauium descensum dico eam distantiam posse assignari ex qua graue neque dirigatur ad Terram, neque moueatur: aliam verò ex qua dirigatur solum: aliam quoque ex qua tardissime moueatur longo interuallo: aliam denique ex qua celerissime conficiat spatium æquale ei quod ex longiori distantia tardissime absoluebat. Ex quocunque tamen distantia incipiat motus ille naturalis, tardior est initio quam in medio, & in medio quam sub finem. Tanta est autem initio tarditas, vt nullo gradu definito exprimi possit, quemcumque enim assignaueris gradum mobili, quod ex quiete transit ad descensum naturalem, semper minor assignari potest, vt mox ostendendum est loquendo de grauib. per diuersa plana naturaliter descendentibus. Causam huius celeritatis continenter acceleratę dicis esse aerem qui initio erat immobilis dum graue: incipiebat descendere, postea verò magis ac magis deorsum concitari coepit, atque ita graue celerius fertur per medium impulsū eandem partem quam per quietum, vt patet in nauigijs decurrentibus secundum flumine. Nonnulli præterea adiungunt impetum de specie qualitatis emanantem continenter ab ipso graui descendente. Huiusmodi impetum non puto distingui a motu: & verò si distinctus ille impetus emanat a corporibus naturaliter descendentibus aut ascendentibus, etiam emanat in astris suos circulos per liquida spatia conficientibus, ita vt iam ad infinitam accelerationem peruenissent. Quapropter aerem, seu quodvis aliud spatium liquidum, per quod graue mouetur, dixerim potius esse causam huius tarditatis & celeritatis, cum & ipse aer, siue aliud spatium ex quiete debeat ad motum traduci. Hanc causam habemus communem, differimus tantum quod descensum procedere dicis a qualitate, quam vocamus grauitatem, ego verò ab effluuijs reciprocis substantiarum inuicem conferentium. Hæc effluuia in longis interuallis explanant etiam difficultate accelerationis continuatę, celeriores enim efficiunt motum sub finem, vnde tardiora sunt, tardiores autem initio, vbi rariora: at in exiguis interuallis, per quae videmus moueri graue, locum non habent, quoniam vix vult



De gravitē  
descensu re-  
cto & obli-  
quo.




ures globi æquales & æqualiter inter se distantes in latere A. B. quàm in

N

B.C.

B.C. nimirum in illo sex & in hoc duo, dico fore equilibriū inter sex ex vna parte & duos ex alia, alioqui si pars vna trahit alteram, additis & connexi utrimque a qualibus globis, adhuc erit grauior, puta additis quatuor A.R. & quatuor alijs C.R. erunt decem globi B.A.R. grauiores quā sex globi B.C.R. quod dici non potest. Si enim decem ex vna parte grauiores esset sex globis ex alia, illi attollerent istos, & rursus vbi sex alij in partem B.A. attracti essent, attollerent alios, propter eandem inæqualitatem, atque ita daretur motus perpetuus, quod hīc est absurdum. Idem sequetur si A.B. C.R. sit canalis plenus aqua, vel argento viuo. Nec minus clara & facilis est demonstratio, si triangulum idem inuertatur & concipiatur esse canali aquæ plenus cuius basis sit supra: nam si aqua quæ est in maiori latere pluperponderat, ascendet ea quæ est in minori latere, atque ita rursus poterit relecti in maius latus, vnde sequetur motus perpetuus. Sed obijcies primò si tubus ille qui est triplo longior fieret ita angustus, vt non plus aquæ contineat quā breuior tubus, esset adhuc equilibrium, ergo non est eadem ratio ponderis solidi ad solidum q̃t̃ e fluidi ad fluidum. Respondeo ad demonstrationem sufficere quòd sequatur equilibrium in aquis se habentibus vtriusque latera trianguli. Quòd verò equilibrium sequatur etiam si non plus aquæ contineatur in maiori latere quā in minori, hoc prouenit ex peculiari ratione quam lēnter attingam. Ea tota consistit in motu libero corporis liquidi, cuius fluor est causa motus celerioris in vna parte & tardioris in alia, quod non accidit in solido, nam eius pars vna cogitur sequi circulares alterius motum ex ipsa ratione solidæ continuitatis: in fluidis verò pars vna non sequitur alterius motum, nisi quatenus occupat illius locum. Hinc fit in duobus canalibus descripti trianguli cuiuscunque magnitudinis, 1. & equilibrium aquæ in ijs contentæ, quia propter fluorem corporis liquidi, eadem est proportio celeritatis ad celeritatem quæ magnitudinis ad magnitudinem, sed permutando. Vt si canalis vnus sit quadruplo latior altero, tantundem aquæ fluat eodem tempore ex vno atque ex altero, debet aqua quadruplo velocius fluere per angustiores tubos, quā per latiores. Hinc etiam fit aqua infusa per O. maiori impulsu fundum vasis O.A.B. premit quā si ipsum O. A. B. esset corpus solidum magnitudine & grauitate equale aquæ intus contentæ, hoc est aqua liquida plus premit fundum illius vasis, quā eadem congelata, baculus tamen ferreus altissimus supra manum tanquam fundum, etiam pars qua contingit manum sit latissima, ne premit manum pondere maiori quā in se habet. Sic autem probatur, aqua replens tubum D. tantum premit infra fundum A.B. quantum columna aquæ A. B. N. C. premit supra fundum A.B. vel quantum aqua fusa in canalē O. A. B. ad altitudinem O. premit idem fun-





fundum: alioquin si fundum plus vrgeretur ab vna quam ab alia parte, ascenderet aqua per D. vel per C. O. N. dareturque motus perpetuus. Ergo aqua liquida in canali O. A. B. tantum premit fundum A. B. quantum tota columna A. B. N. C. quæ multo grauior est, siue eadem columna sit aque liquide, siue congelatæ eiusdem ponderis. Quod si aqua canalis A. B. O. esset congelata, licet eiusdem ponderis ac liquida, tamen minus premeret fundum, quam aqua infusa per canalem D. atque ita fundum attolleretur. Nam cum aqua canalis A. B. O. congelata minus premit fundum, quam columna A. B. N. C. similiter congelata, columna verò tantum premit fundum quantum aqua canalis D. sequitur vt aqua solida canalis O. minus premit fundum quam columna solida eiusdem ponderis ac liquida. Cuius rei manifesta ratio peti debet a motu corporis liquidi prout fit maiori vel minori celeritate in angusto vel lato canali, & tota pender ex his principijs. Primum, quando cunque aliud mouetur ad motum alterius, qua proportione motus vnus superat alium celeritate, eadem ratione, sed permutata, vnum, nempe mouens debet habere plus virtutis internæ ad agendum, quam alterum, nempe mobile. Secundum, quotiescunque aliud quiescit propter quietem alterius, in ea ratione debet se habere virtus sustinens vel renitens ad virtutem quæ quiescit & detinetur, in qua se haberet celeritas motus corporis quiescentis ad sustinentis vel renitentis celeritatem, si fieret motus. Tertium vel propter fundum A. B. quiescit aqua columnæ A. B. N. C. vel propter aquam canalis D. illi ex opposita parte resistentem & eiusdem ac columna altitudinis. Quare ea debet esse proportio virtutis vel in fundo A. B. vt sustineat, vel in aqua opposita canalis D. vt retineat, ad virtutem columnæ aqueæ, quæ esset celeritatis ad celeritatem si fieret motus. Quartum, illa proportio celeritatis permutata ita se habet vt sicut pondus columnæ aqueæ descriptæ maius est pondere aqueæ resistentis in canali D. ita celeritas aqueæ D. tanto est maior, quanto plus aqueæ est in columna, ita vt si fundum A. B. sit centuplo maius quam tubus D. columna aqueæ illi insistent centuplo celerius coget aquam ascendere per tubum D. Quibus principijs positis manifestum est dari quietem, cum permutando est eadem ratio virtutis ad virtutem, quæ celeritatis ad celeritatem: si enim non daretur quies, daretur motus aqueæ effluentis ab vno tubo & descendens in alterum tubum, id est motus perpetuus, quia semper esset eadem ratio partis mouentis ad partem mobilem. Crescit autem virtus aqueæ ex duplici capite, nempe ex tubi altitudine, & ex fandi cui insitit amplitudine: nam altitudo illa constituit altitudinem columnæ aqueæ, amplitudo verò quæ basin designat facit amplitudinem eiusdem columnæ: quò autem columna habet maiorem altitudinem & latitudinem, eò grauior est, tubi verò exilitas facit maiorem celeritatem. Denique quod in solidis facit diuersa remotio ponderis a centro libræ, hoc in liquidis facit diuersa tuborum & fundorum magnitudo. Vt si constituatur virga ferrea oblonga super aquam maximæ amplitudinis, potest retineri dupliciter illius descensus, nempe vel manum virgæ supponendo, vel superiorem aquæ superficiem comprimendo, ne villo modo ascendat, neque enim potest virga descendere sine aliquo ascensu





**B. ad C.** ut supra dictum est : Cū igitur reipsa talis sit motus incipiens per **B. C.** qualis esse potest per **B. A.** possit autem per **B. A.** habere tarditatem maiorem quacunq̃ data , sequitur tarditatem motus incipientis per **B. C.** esse maiorem quacunq̃ data . Nec minus admirabilis est experientia , quæ constat globum descendente ex quiete , motu æquabiliter accelerato per latus **B. A.** quocunq̃ tempore determinato conficere spatia quæ sunt inter se in duplicata ratione eiusdem temporis , scilicet quæ sunt ut temporis quadrata , hoc est spatia decursa eodem tempore esse ut 1. 3. 5. 7. 9. 11. & ita consequenter secundū omnes numeros impares , nimirum secundū excessum quo quadrata ab unitate incipiendo se superant . Exempli gratia si globus descendens horæ minuto primo conficit spatium vnus pedis , altero minuto conficiet spatium trium pedum , sequenti minuto spatium quinque pedum & sic consequenter , ita ut spatia decursa sint inter se semper ut temporum quadrata . Oporteret autem tabulam vel trabem qua globus descendit esse tersam ad vnguem & leuiter striatam , ne globus deflectat a recta linea . Galilæus ad mensuram temporis utebatur aqua defluente e situla perforata in vas vitreum , atque hæc aqua ponderabatur & erat instar temporis . Ut autem repetito sæpius experimento compertum est , si globus decurrebat totam trabem certo tempore , puta duobus minutis , dimidia parte eiusdem temporis nempe vno minuto , percurrerebat duntaxat quartam partem trabis . Ergo ut quadratum vnus ad quadratum duorum , hoc est ut vnum ad quatuor , ita quarta pars trabis ad totam trabem , seu vnum ad quatuor . Sicut autem quadratum duorum excedit quadratum vnus tribus unitatibus , ita globus primo minuto conficiebat quartam partem trabis puta passum vnum , sequenti minuto conficiebat spatium trabis quod supererat , nempe tres passus . Denique diuidendo trabem in quotcunq̃ partes & sumendo breuius tempus quo globus conficiebat primam ex illis partibus , altero æquali tempore consequenti percurrerebat tres , tertio quinque , quarto septem & sic ut dictum est secundū omnes numeros impares , qui sunt excessus quo quadrata ab unitate incipiendo seipsa superant : excessus enim quadratorum 1. 4. 9. 16. 25. est 3. 5. 7. 9. & sic consequenter . Idem facilius intelligetur si dicamus globum singulis horæ minutis , vel alio tempore determinato assignare spatia quæ se habent ut quadrata ab unitate incipiendo facta per omnes numeros impares consequentes : ut si globus primo minuto percurrerebat vnum pedem , sequenti minuto præter hunc pedem iam confectum , percurreret tres alios , & ita erunt quatuor , quod est quadratum consequens vnum . Tertio minuto præter quatuor pedes decursos conficiet alios quinque , & sic erunt nouem , quod est quadratum consequens quatuor . Quarto minuto transibit spatium septem pedum præter nouem priores , & sic erunt sexdecim , siue quadratum consequens nouem . Atque ita consequenter singulis minutis assignabit singula quadrata & simul spatium quo quadrata sese inuicem superant . Hæc proportio grauis descendens per latus inclinatum , intelligi debet etiam de graui descendente per lineam perpendicularem , quoniam ex secundo theoremate idem graue per latera **B. A.** & **B. C.** descendit secundū permutatam laterum proportionem . Neque

que refert ad hanc proportionem an graue descendat ex loco viciniore centro Terræ, an remotiori: quanquam enim velocius est principium motus naturalis, quo graue descendit e loco qui viciniore est centro Terræ, transijt tamen per omnes tarditatis gradus secundum excessum omnium quadratorum. Ut autem motus grauium descendentium hanc habere a natura proportionem, eadem debet esse ratio eorum omnium quæ naturali consensu ad se accedunt: quare magnes & ferrum aliaque id genus tardius initio mouentur, deinde velocius eadem omnino proportionem. Hæc breuiter dixisse sufficiat de grauium descensu recto & obliquo, quæ ad leuium ascensum potes, si vis, accommodare, & ad leuem veluti cibum transire iam grauiori obfaturatus. A R I S T. Quæ de leuibus dicuntur ab Aristotele non aures modò exfurdant sed etiam palatum, ut iam satis dixisse videor. Quid verò grauium motus fiat non ab alia qualitate quàm mutuo rerum consensu, tu ipse videris suffragari, dum admittis grauium motum similem esse motui ferri ad magnetem, quem omnes mutuo consensu fieri putant. C H A R. Loquebar de proportionem accelerationis, non autem de principio a quo fit motus. A R I S T. De hoc igitur principio habere ut voles, modò constet omnia quæ iam dixisti de motu grauium recto & obliquo, non incommodè per aeris concitationem ac effluuia meditullij terrestris & corporum ei consentientium declarari. Verùm ut ingenuè fatear, quidquid dictum est de grauium descensu accelerato, secundum proportionem quam assignasti cum Galilæo, mihi valde dubium est: id enim pender ab experientia globi decurrentis exiguo interuallo, ubi ratione aeris concitati contingere potest ea proportio, non potest autem haberi experientia vnus aut plurium milliarium. Quare probabiliter dicat aliquis motum grauis descendens accelerari quidem ea proportionem, sed tantum per illud spatium, quo aer imprimitur impetus æqualis virtuti grauis descendens, ut sic aer nullum afferat impedimentum descendenti. Exempli gratia si descendens habet vim ut sex, mouebitur ea proportionem accelerationis quam dixisti, donec aer habeat motus celeritatem ut sex, qua acquisita, nulla iam erit amplius acceleratio ratione aeris concitati, sed tantum ratione effluuiorum, quæ si nulla essent, descendens post assignatum interuallum, puta vnus milliaris aut duorum, quo aer summè concitari potuit, laberetur æquali motu, eo nimirum qui æqualis est suæ virtuti: si verò dantur effluuia, sequitur alia acceleratio continua descendens vsque ad Terræ meditullium, cuius accelerationis habere non possumus experientiam. Ex his patet quam dubia sit eorum ratio, qui lapidi ex concauo Lunæ descendenti tres aut quatuor horas assignant: primò quia lapis ibi constitutus forte non descenderet defectu terrestris effluuij, deinde ob rationem quam attuli, non seruaret eam proportionem accelerationis. Sed utcumque sit, hac difficultate quæ præcipua erat de centro Terræ superata, velim ut quæ pertinent ad Lunam proxima disputatione persequamur. Cætera quæ sunt supra Terram in Meteorologicis videbuntur. C H A R. Ut libenter audiui quæ ex veterum opinione pertinere dicis ad Terram, ita proximo congressu paratus accedam ad audiendum quæ spectant ad Lunam, & spero fore huiusmodi,



ut ad ea patientes duntaxat aures oporteat accommodare, sed reuincere non sit opus. A R I S T. Non minus patienter audientiam me tibi facturum polliceor, cum Aristotelis doctrinam de coelo tueri voles. C H A R. Id breuissimè saltem faciendum censeo cum Aristone Stoico existimante eam philosophiæ partem esse leuissimam quæ res in aere sublimes inuestigat, & cum Aristotele leuiter attingi debere quæ a sensibus sunt remotiora.

## De Luna.

## C I R C U L V S S E P T I M V S.

## A R I S T Æ V S. C H A R I L A V S.

**A**RIST. Cum Luna pertineat ad Terram, non minus quàm ad Iouem astra Iouialia & Saturnia ad Saturnum, de ea nunc, ut monuisti, paucis agendum est. Eam Xenomanes putauit esse nubem constipatam, Empedocles aeris concreti massam, ferè ut qui hodie dicunt cometas coelestes esse coeli partes radiorum attritu densatas in nodum, Anaxagoras & Democritus molem ignitam ac montuosam. Hanc Pythagorei putarunt ab animalibus habitari, sed defecatis & quæ sint grandiora nobis quinquies & decies, ut videre licet apud Plutarchum De placitis & De facie Lunæ. Non omnino videntur reprehendendi, si nihil aliud volebant quàm esse complurium naturarum concretionem opacam & montuosam, quæ consensum quidem habet cum Terra, ad quam velut ferrum ad magnetem semper obuertitur, sed tamen eum consensum minorem habet, quàm naturæ illæ aeræ quæ Terram ambiunt, vsque ad orbem liquidum, quem illa percurrit & mouetur velut nubes inter iocinam supremamque regionem, ut ouum inter aquam falsam & dulcem, ut lignum inter aquam & aerem. Nam sicut globus ligneus quamuis solidus innatat aquis & partem grauiorem obuertit Terræ, sic Lunæ solidum corpus terrestribus innatat naturis & dirigit ad Terram faciem quæ cum ipsa maiorem consensum habet. Quamobrem Luna non potest abesse longius aut propius a Terra, quàm sit ille orbis, qui si esset circa Terram æquali distantia circumiectus, eandem quoque Luna seruaret a Terra distantiam. Quoniam autem Luna singulis mensibus est in apogeo & perigeo, dicendum est illum orbem non esse Terræ concentricum & in illius parte quæ remotior est a centro Terræ statuendum esse Lunæ apogeu, in propinquiore verò perigeum, quod vos per epicyclum explicatis. Deinde quia visa est Lunæ diuersa distantia in eodem apogei puncto & diuersa ratio celeritatis tarditatisque centro epicycli apogeu tenente excentrici, quod per eccentricum epicyclum declarat Ptolemæus, per eccentricum cum duobus epicyclis Copernicus, per quinque orbis eccentricos Maginus: dicendum est orbem illum aeris

*De orbis li-  
quido per  
quem moue-  
tur Luna.*

ter-

terreni accessione aut decessione modò maiorem fieri, modò minorem, ob consensum aliorum corporum plus vel minus naturæ terrestris allicientium in vna quàm in alia parte, sicut dicitis supremam aeris regionem magis extendi versus polos, vbi multus ex igne generatur aer, quam versus Æquinoctialem vbi multus ex aere generatur ignis. Quòd si quis sine epicyclis hoc capere nequit, assignet Lunæ epicyclum liquidum, circa cuius centrum ipsa conuertatur, perinde ac circa Iouem astra Iouialia, ita tamen vt semper eadem faciem obuertat Terræ & epicyclus ille vnà cum Luna circumeat Terram, vt Iuppiter Solem cum suis quatuor sideribus veluti Lunis. Præterea quoniam compertum est apsidēs, seu ima & summa puncta eccentrici non eidem semper adherere loco, sed contra signorum seriem conuerti, ad quod explicandum confingunt orbem, quo extorqueatur eccentricus deuehens epicyclum: dicendum est orbem aereum continua accessione fieri maiorem ea parte qua dicitur esse apogeeum Lunæ. Dices si Luna mouetur circa illum orbem aereum vt lignum inter aquam & aerem, vagaretur incerto cursu: at constantissimè conficit menstruas vicissitudines, tum congregiē cum Sole, tum digrediē, eiusque cursus determinatus est, ea crescentis & senescentis varietate, vt ab Ecliptica quinque gradibus tantum ex vtraque parte deflectat, ita tamen vt nodi in quibus fiunt eclipses, non in consequentia, sed in antecedentia promoueantur. Respondeo quemadmodum sub lactea via celesti constituitis aliam aeream plenam exhalationibus, ita consensione certorum corporum statui posse viam liquidam eorundem virtute genitam & paulatim in antecedentia procedentem, extra quam Luna non possit ob summam naturæ familiaritatem euagari: quanquam eius cursus non sit adeo rato & immutabili circulo, vt aliquando non recedat ab Ecliptica vltra quinque gradus, iuxta recentiorum observationes. Dices secundò si Luna mouetur per hunc aeris orbem eccentricum, quando peruenerit ad perigeum, erit Terræ propinquior, ibique subsistet, ob consensum quem ante dixi, vel assignandum est principium, quo violenter inde recedat. Respondeo non recedere violenter, sed naturaliter spiritu interno mouente & dirigente Lunam quā iter est per spatium familiare & consentiens, perinde ac animalia beneficio spirituum progrediuntur quā proprio ducuntur appetitu. Dices tertio hanc hypothesim non admittere lineares calculi demonstrationes, nec ostendere posse quomodo ex motibus mediocribus veri inferantur, si Luna fertur per huiusmodi liquidum orbem, ob cuius variantem & incertam magnitudinem, ellipses vel circuli quos ipsa conficiet, variantes erunt & incerti. Respondeo in hoc orbe liquido motum esse eundem qui fieret in solido per eccentricos & epicyclos: illi enim sunt necessarij non vt fiat motus orbium coelestium, sed vt in tabulas referatur per lineares demonstrationes. Si singulæ sphaeræ solidæ seorsum considerantur, vt optimè notat Copernicus, eccentrici & epicycli solidi nihil videntur incommodare, sed si omnium illarum machinarum fiat compages, vt ante vidimus de coelo Martis & Solis, omnia comminui necessum erit. Quare ad demonstrationes astronomicas retinendæ sunt ingeniosa machinationes eccentricorum & epicyclorum,



rum, sed physicè rem ita se habere inficiandum est. Quemadmodum autem circa Terram est orbis liquidus aeris, ita circa Lunam est & suus orbis, qui eius motum sequitur iuxta veteres Pythagoræos, ut quæ in ea viuunt non sentiant agitationem liquidi corporis, in quod alioquin incurrens Luna exturbaret omnia quæ sibi tenacissimè non adhererent. At in orbe illo dicunt animantes velut nauigio conclusas nullam sentire agitationem, quippe motus sibi Lunæque communis non magis percipitur quàm si non esset. Magnam verò agitationem fieri necesse est in spatio quod velut intermundium dirimit liquidum orbem qui Lunam ambit ab orbe liquido qui ambit Terram, quare nihil potest ibi subsistere, ut neque in alijs similibus intermundijs. Ad animantium quoque commodam habitationem oportet Lunam esse corpus solidum, asperum & opacum, quale demonstrat esse montes altissimi, quorum iuga proijciunt densissimas umbras Soli semper oppositas, quod non efficeret moles transparent. Vnde refelluntur qui dicunt Lunæ superficiem esse lauem & tersam ad vnguem, nec ullis lacunis incisam: nam si exactæ esset polituræ, velut a speculo sphaerico luminis repercussus ad nos perueniret, non a tota Luna, sed ab vna particula duntaxat, quare neque ad nos omnino perueniret. Maximè verò partes quæ sunt in ambitu disci lunaris, nihil lucis ad nos remitterent, cum tamen æquè refulgeant atque illæ quæ sunt in medio. Claramontius tamen lib. de Vniuer. conatur ostendere ex Alhazeno & Vitellone multos repercuti radios e polito conuexo sphaerico contra Galilæum, ut patet, inquit, in aqua referente Solis imaginem instar speculi maximi. Quo dicto tria dissimulat, primum est experimentum quod affert Galilæus de speculo sphaerico Soli exposito, vnde nihil repercussi luminis in vicinum parietem deriuatur. Secundum est quod videtur quidem imago Solis in aqua proxima, sed si ea distaret a nostris oculis ut Luna, exiguæ illius imaginis radij disperderentur & nullum efficerent sensum. Tertium est quod ad summum videremus in media Luna Solis imaginem, velut in aqua, sed non totam Lunam. Respondere posset aliquis in Luna quidem esse montes opacos, sed ut nodos in crystallo abditos interius & illis circumiectum esse corpus solidum imprimis laue & translucens ad perfectam rotunditatem absoluendam: hoc enim posito, nihil obstat quia lumen repercutiatur a toto disco & umbræ a montibus proijciantur, perinde ac si aer qui Terram circumdat vsque ad montium vertices, ambitu rotundo concrederet in adamantem. Verùm quàm inane commentum hoc esset in Terra, tam ridiculum in Luna videtur. Ad quid enim natura scabras illas & opacas asperitates pertranslucido corpore circundedisset? an forte ut circa proprium centrum in suo epicyclo conuerteretur? at videmus ipsam non conuerti, sed eandem semper faciem nobis obijcere. Hoc figmentum ad nihil aliud aptum est, quam ad tuendam in astris figuram torno Aristotelis exactè globosam, ut eadem postea sphaeris cœlestibus accommodetur. Refelluntur etiam qui afferunt in eclipsi Solis videri maculas Lunæ clariores cæteris partibus, quoniam maculæ combibunt lumen, vel quia sunt perlucidiores, vel quia rectas habent fistulas, quibus ad nos lumen immittitur, ita ut in cœlis sit etiam

*De montibus Luna.*

*De maculis Luna.*

*famulantis fistula Phœbi.* ut ait Poeta. Oportet autores illos sibi persuadere Lunam esse crystallo nostrisq. nubibus perlucidiores, quoniam nullum est lumen, quod crystallo & nubes crassitudine bis mille milliarium, qualem habet Luna, persuadere posset. Recti verò meatus Lunæ fistulantis nihil luminis ad nos transmitterent, nisi eo puncto, quo Luna existente in iugo, recta linea transfret ab oculo nostro ad Solem per illos meatus, quod fieri non posset in multis Terræ locis, nec toto eo tempore quo durat eclipsis. Referunt tamen Clauij dictum, quod apud ipsum non reperi, in maxima eclipsi Solis, quæ accidit an. 1559. toto tempore quo Luna Soli subiecta fuit maculas eius apparuisse nubilanti quodam fulgore lucidiores, ceteras verò partes nigricantes & veluti picei coloris. Si rem ita vidit Clavius, nec ei similis est de quo Virgil. ait

*Aut videt, aut vidiſſe putat per nubila Lunam.*

non tamen dixerim lumine Solis permeari Lunam, sed inesse potius huic parti nonnihil propriæ lucis a raris ignibus, quales nocte cernuntur in montibus Hetruscis Florentiolum inter & Bononiam, qui interdum exhibent nigriora loca illa glabrentia unde procedunt, nocte verò resplendentia. Sed ita necessarium esset ut eadem maculæ inalbescerent & lucidiores apparerent in Lunæ defectione, quæ fit in umbra Terræ, ubi Luna nihil luminis secundarij recipit a Terra, proinde in obscuritate maiori deberent magis refulgere. Ego quidem cum sæpius in utraque Eclipsi Lunam conspexerim, nunquam obseruare potui hanc macularum interalbificantium lucem maiorem quam aliarum partium, sed tota mihi semper visa est instar orbis ænei ex nigro rubescentis, etiam in maxima eius eclipsi, ubi contra ac cenſet Galilæus, non tota euaneſcit ex oculis, nisi forte densi vapores exiguum hoc lumen intercipiunt. Vos quidem dicitis illud esse quoddam coeleſte lumen intensius in maculis, quam in alijs partibus Lunæ, interdum tamen maculas obscuriores apparere, quia cum sint partes rariores, Solis lumen admittunt faciliè, sed minus reflectunt. Verùm si natura dedisset planetis lucem innatam, ut nocte fulgerent, non adeo exiguam & malignam tribuisset contra doctrinam vestram in parte rariore potius quam densiori: quare vel nullum est huiusmodi macularum lumen, vel iugis deflagratio tenuium quorundam ignium cenſeri debet iuxta Democritum & Anaxagoram. Hoc confirmare videtur obseruatio facta Venetijs 1642. postridie idus Apriles ab Illustrissimo Iulio Iustiniano Patritio Veneto nepote Illustrissimi Nicolai Contareni, qui & ipse spectator aderat cum multis alijs: videbatur enim Luna instar prunarum ardentium, ut audiui ab ipſo, emittere subinde tenue lumen & inæquale, quo partes circum obscuriores collustrabantur. Quod verò ait Scheiner medietatem Lunæ quæ est sub disco Solis in eius defectu, lucidam videri, alteram autem medietatem non videri prorsus, quia non est subiecta Soli, qui per translucidum eius corpus aliquo modo nobis apparet, oportet ut admittat in Luna fistulas, quas supra dixi, & eas quidem ampliores aut crebriores in medio, quam in extremo ambitu disci lunaris, alioquin ambitus ob minorem profunditatem longè clarior esset quam medium, nisi damnum illud fistulis compensaretur. Verùm missis inanibus his

fistu-



fistulis, melius responderi potest hoc accidere, quoniam extrema ora medietatis illius quæ subijcitur Soli, radijs eius secundum multas partes illustratur, nec non ab æthere clarissimo ipsam ambiente, quod non fit in altera medietate, quæ est extra Solem: non enim perueniunt ad nos radij ad eam directi. Id exprimere licet aliquo modo: cum extremum digitum aut globulum opponimus ardenti lucernæ, ambitum enim oppositum flammæ circumspicimus luminosum, non autem oppositas partes eiusdem ambitus. Mente verò circumscribimus & absoluius circulum solaris orbis, atque ita cogitationem defigimus tantum in Lunæ partem Soli subiectam. Ita faciem hominis a pictoribus non integris lineis circumscriptam, sed aliquot punctis in extremis naribus, labris & mento notatam absoluius cogitatione, & mente penitus nobis informamus alios ductus tanquam absolutos. Argumento est quod si qui ignorant Lunam esse subiectam Soli, nihil huiusmodi deprehendunt: unde multos vidi tempore eclipsis quærentes ex me ubinam Sol esset, se enim nihil videre præter Lunam, quippe falcatam Solis faciem pro Luna sumebant. Sed unde est illum lumen ex nigro rufescens, quod cernitur in parte subiecta Soli? dixerim esse partim a clarissimo æthere circumfuso: partim a Terra collustrata Sole, non enim Sol toti Terræ obscuratur vnquam: partim a stellis illustrioribus. Exiguum autem lumen quod tunc Luna mutuatur, ut fit in quibusdam terris ad lucernam subrufescentibus, tetrum illum colorem exhibet, qui tamen non apparet in illustriori, quod habet a Terra post coniunctiones, nec in clarissimo quod habet a Sole. Quare similiter de maculis Lunæ probabilius nihil dici potest, quàm eas apparere periode ac videmus in Terra nostra, cuius e locis albicantibus remittitur lumen illustrius quàm e nigrantibus. Alij tamen suspicantur esse fusiones immensas aquarum: alij loca saltuosa, unde minus luminis deriuatur. Maior est controuersia de lumine secundo aspectabili usque ad nonum circiter diem in Luna crescente & totidem diebus in Luna caua ante coniunctionem: nam præter cornua quæ primario lumine collustrantur, cæteræ partes disci lunaris inalbescentes candore manifeste conspicuæ sunt, præcipuè quando cornua lucidiora occultantur interiectu tecti ab oculis satis remoti. Hoc lumen secundarium non est innatum Lunæ, ut aliqui putant, alioquin in defectu Solis & Lunæ multò manifestius appareret. Non est a circumstantibus stellis, quia cum in Terra lumen producant nocte illumi tam exiguum, quomodo in Luna producent lumen maius illo; quod in Terram profunditur a Luna plena? Maius autem esse probatur, quoniam initio crepusculi serotini lumen plenilunij non facit umbram in Terra, proinde non est aspectabile, secundarium tamen in Luna crescente ac senescente satis conspicuum est eodem initio crepusculi, quare a stellis oriri non potest. Sed neque a Solis lumine totum Lunæ perspicuum corpus trajectante & omnes partes illuminante, primò quidem obuias clarissimè, cæteras verò longè obscurius: ita enim oporteret in defectione Solis collucere totam eo lumine secundo & in ambitu clarius quàm in medio. Deinde perspicuitas illa Lunæ non potest esse admodum insignis, alioquin eius montes nec

*De lumine  
secundario  
Luna.*



proijcerent densas umbras, nec eximium ad nos lumen transmitterent, esset ergo perspicuitas subobscurior, & sic radij non possent trajcere corpus tantæ molis, cum glaciem paucis pedibus crassam non magis penetrarent quam totam Terram. Denique totum illud lumen secundarium non est ab æthere lucido ambiente Lunam, quanquam aliquid lucis in eam transfundit, ut optimè demonstrat Licetus contra Galilæum, qui libro De maculis Solis fatetur partes ætheris circa Solem non minus quàm Venerem resplendere, proinde ipsam non videri. Ita quivis experiri potest circa Solem meridianum interpositu camini occultum, partes aeris ita fulgere, ut oculorum aciem offendant: quod fieri nequit, nisi a corpusculis in aere sparsis radij ad oculos repercutiantur: si enim nihil occurreret a quo directi radij frangerentur, nihil haberemus luminis, nisi ab ipsis radijs directis, quibus priuati in profundis tenebris versaremur. Ob corpuscula in aere volitantia videmus lumen trajectum exiguo foramine per locum obscurum, quod nobis penitus lateret si per vacuum trajceretur. Quare si probari posset circa Lunam volitare plura & crassiora corpuscula, unde luminis repercussus multò maior fieret quàm circa Terram, maius quoque in Luna crepusculum esse probaretur. At purior videtur æther circa Lunam, quàm sit noster circa horizontem: nam quando Luna dimidia est, ultra umbræ confinia cernuntur apices quidam montium lunarium eadem luce conspicui quæ cæteræ partes, quod non accidit verticibus nostrorum montium Sole oriente, vel occidente, propterea quòd radij crassius medium penetrandum habent. Unde consequens est, si tanta lux secundaria in Luna est tota ab æthere, multò maiorem in Terra esse oportere, ita ut semper differenaret citra ullam noctem. Præterea si illustratio illa secundaria ab æthere tota haberetur, in maxima Solis eclipsi qua videntur stellæ, non minus conspicua esset in toto disco lunari, quàm in ea crescente & senescente, quippe Luna perinde circumfunditur æthere lucido, & est in eodem umbrolo cono, cuius ipsa basis est semper æqualis. Nihil hinc video quod satisfaciat: nam quòd ille splendor non appareat in eclipsi Lunæ delitescentis intra umbram Terræ, posset aliquis tergiuersari, dicendo umbram illam esse latiore quàm ut splendor ætheris ad medium pertinere possit. Quæ ratio similiter obtruderetur, cum infertur perpetuum in Terra crepusculum esse debere, si ab æthere tam clarum lumen effulgeret: hoc enim videtur interesse, quòd hemisphærium terrestræ sit lunari maius duodecies, unde tam ingenti spatio lumen difficilius extendi potest. Verùm neque potest diffundi per totam Lunam, quippe dum illa omnino deficit, vltima pars quæ ingreditur umbram, breui tempore cernitur illuminata, mox autem nihilo magis quàm aliæ partes: quod ostendit ab æthere quidem deriuari posse fulgorem satis conspicuum in partes Lunæ sibi vicinas, in remotas verò aut nullum, aut valde exiguum, qualis est æneus ille subobscurus, sed non qualis est splendor quem licet appellamus secundarium, est tamen maiore eo quem Terra recipit a Luna plena. Cum igitur causæ hætenus allatæ non satisfaciant, dicendum est hoc secundarium lumen esse a Terra. Duo tamen dicuntur obstare, vnum quòd Terra non videtur corpus aptum ad tam clarum lumen emittendum, alterum



rum quòd Aristoteles 1. Meteor. c. 4. ait fieri nubium congregationes ubi desinunt iam radij, propterea quòd sparguntur in immensum. Ad primum respondeo Terram esse corpus non minus opacum, solidum & scabrum quàm Lunam ad lumen reperiendum, adeo ut si ab aliquo in tenebris procul existente videri posset, instar alicuius stellæ appareret, quemadmodum ignis lucernæ speciem stellæ refert in tenebris, qui tamen interdum prope parietem illuminatum a Sole non videtur, & qui ibi sulfurato ignem accendunt, non rarò sibi digitos adurunt, sentiuntque flammam quam non vident. Incessit autem plurimos hæc opinio, propterea quòd nunquam videntur Terram illuminatam, nisi & ipsi participes essent eiusdem luminis, ita ut ferre non possint iudicium de eo quod accideret, si ex loco tenebroso viderent ipsam illuminatam. Hoc non ignoravit, sed dissimulavit Claramontius lib. De Univer. ubi defendit non posse reperi lumen a Terra, nisi ipsa sit maximum speculum, disperditque longam demonstrationem opticam, ut ostendat lumen crepusculi visum iri ad tertiam noctis partem, si a Terra repercuteretur. Sed nihil conficit, quoniam non est eadem ratio luminis unde crepusculum oritur, & alterius quod Terra remittit: hoc enim vndeque reflectitur ab aspero solo quod non est regulare speculum, ut postulat eius longa demonstratio, illud verò incidit in aeris corpuscula rara, ubi dissipatur maxima parte. Ad secundum dico Aristotelis mentem non esse ut infra nubes radij Solis omnino desinant, ita ut si quis esset paulò supra nubes, Terram penitus non videret, quod hominis inconsiderati dictum est & incogitantis: nubes enim & altissimi montes plusquam e ducentis milliaribus conspiciuntur, non sine repercussu radiorum, qui ut celerrimè longèque mittuntur, ita resiliunt. Adeo velox est illius ignis communicatio, ut quæ fieri nequit motu directo, fiat reflexo: quare non propriè dicitur luminis repercussio, sed potius eiusdem diffusio ad parem angulum quo incidit in ea quæ prohibent directam communionem. Nunc enim allubescit mihi quod dicebas ad 8. Phys. de motu reflexo, scilicet corpora quæ reperiuntur, ut globuloseburneos, calculos fluviatiles, adamantes ipsos & quoduis aliud durissimum corpus, resilire tantùm compressu partis illius in qua fit contactus, & qua subito redeunte ad priorem statum velut ab arcu partes aliæ reperiuntur. Satis autem constat corpora durissima velut enses una parte comprimi, alia dirarari dum flectuntur: quamobrem globi plumbei & alij qui compressi non redeunt ad priorem figuram, resultare nequeunt. Cùm igitur lumen non constet partibus quæ hoc modo comprimi possint, non reperiuntur propriè, sed interiecto corpore quod nec illud recipere potest nec retinere, communicationis seu missionis amore aliò diffunditur. Non video tamen quid velit Aristoteles dum ait radios ibi desinere, nisi forte per radios intelligit calorem, quo media regio destituitur, quia radij in ea non morantur, nec retinentur, ut fit in Terra, sed tendunt versus cælum Lunæ & longè ulterius. Quare cùm duæ illæ difficultates iam propositæ nihil obstant, rem sic explano. Si quis e Luna videret Terram, ut nos e Terra Lunam videmus, eadem observeret fieri luminis decrementa & incrementa, & sicut in plenilunio Lunæ pars illustrata illuminat Terræ

*De reper-  
cussu lumi-  
nis & alio-  
rum corpo-  
rum.*

par-



partem obscuratam, ita in nouilunio pars Terræ illustrata illuminat partem Lunæ obscuratam, quippe eodem sibi modo obijciuntur: immo cum discus terrestris sit lunari maior duodecies, & Terra dum collustrat Lunam crescentem & senescentem vicinior Soli quam Luna plena dum Terram illuminat, Luna copiosius lumen secundarium accipit a Terra quam Terra a Luna. Confirmatur & ex eo quòd sicut lumen secundarium Terræ proueniens a Luna crescit circa plenilunia, eodem modo crescit secundarium Lunæ circa nouilunia. At circa nonum diem vix apparet, tum quia Terræ pars obiecta Soli non est obuersa parti Lunæ auersæ a Sole, nisi secundum partem vnde non multum luminis eò remittere potest: tum quia Lunæ pars illustrata prohibet suo fulgore ne debile lumen alterius partis cernere possimus, sicut lux Solis aspectum eripit omnium siderum. Ita Moeslinus, quem sequuntur Keplerus, Galileus, Gassendus noster & alij viri astronomiæ peritissimi. Ex quibus conficere licet mutuum Terram inter Lunamque commercium & reciprocas affectionum vicissitudines non luminis modo, sed & aliarum aspirationum, quæ vnà cum lumine vtro citroque deferuntur ad viuentium tam hic quam ibi opportunitates, quod secundum Aristotelis doctrinam fieri non posset. Ceterum Pythagorei illi qui in Luna quidpiam viuere suspicati sunt, deliramenta loqui videntur ijs qui incidunt in maiores ineptias, dum aiunt Lunæ animantes ob eius velocem motum excussum iri, statimque præcipites deorsum ituras. Non intelligunt secundum veteres illos philosophos singulis mundis suum orbem liquidum esse circuoiectum adeo consentientem familiaritate quadam naturæ, vt quamquam Luna celerrimè mouetur, quæ tamen in ea habitant veluti naue conclusa non sentiunt penitus motum communem, neque magis huc cadunt quam nos illuc. Non ineptè tamen negare possunt in Luna plantas & animantes nostris similes reperiri: nam hoc ipsum maximè facit ad vniuersi varietatem insatiabilem, vt singuli mundi suas habeant viuentium species distinctas, quas nullus assequi potest cogitatione. Propterea nullæ sunt in Luna pluuiæ, vt patet ex perpetua serenitate disci lunaris nobis aduersi, in quo nubes nunquam apparent. Quod si quis vapor attolleretur & tenuissimum rorem descenderet, saltem respiraciones illæ crassiores circa Lunæ horizontem apparerent, efficerentque vt vertices montium lunarium ultra confinium vmbre semper eadem luce collucentes quando dimidia est Luna, minus lucidi conspicerentur, quemadmodum accidere dixi nostris montibus, qui minus illustres sunt oriente Sole quam circa meridiem. Præterea nostris viuentibus repugnat æstus qui ibi est intolerabilis, tum ob diem naturalem, qui in Luna est vnus mensis, tum quia summa eius latitudo respectu Eclipticæ est quinque graduum, quare differentia qua Sol ibi attollitur, est decem graduum, cum nobis sit quadraginta septem: vnde necesse esset omnia sub illa Zona siticulosa retorri & regiones tantum ab ea remotas posse habitari. Plura Galileus habet de Luna, cuius maculis tanquam altissimis camporum immentatibus ait esse circuoiectos montes altissimi nos, quorum vertices in Nuncio pag. 13. obseruauit a Sole illustrari, quamuis distarent a confinio vmbre plusquam vigesima diametri lunæ.

*De ijs quæ  
esse possunt  
in Luna.*



naris parte: vnde conficit altiores esse quatuor milliaribus. Sed non placet quod sine demonstratione ibidem ait montes in Terra vix esse vnus milliaris. Galileo tamen alijsque mathematicis insignioribus hanc adeo gratiam habere debemus, quòd suis lucubrationibus indefessis cœlum admo- uerunt oculis nostris vicijs propius quàm Aristoteles, qui si hoc æuo su- peresset, perficeret profectò quod habetur 1. De cœlo 34. certiores necessi- tates quando quis fuerit affecutus, tunc gratiam inuentoribus habere oportet. Illi tamen interdum exilio cum Protagora vel carcere cum Anaxagora multantur ab ijs, quos a suis crassis & plumbeis opinionibus dimouere non oportebat, vt in illis consenescerent, iuxta illud poetæ -- *Sine vniat ineptus*. Ego quidem ijs omnibus qui luculentissimis recentiorum obseruationibus, tam circa Lunam, quàm alios planetas non acquiescunt, occinendas pu- tem ineptias quæ olim de ijsdem circumferebantur. Vt quòd 1 Luna apud Ægyptios haberetur specie virili. Apud Orpheum *Θῆλύς τε καὶ ἄρσεν*, mas & foemina. Quòd apud Carras in Assyria Lunus Deus inuocaretur, ita vt qui Lunæ muliebri supplicaret, vxoris imperio subijci crederetur, qui verò Lunæ virili sacrum faceret, diceretur vxoris dominus. Illi Bassia- nus Antoninus construxit templum in Palatio, vt autor est Herodianus, cùmque esset virili specie, masculum Lunam vocat Tertullianus in Apolo- getico cap. 15. A Seneca vocatur *Sidus post veteres Arcadas editum*: ab Æschy- lo verò *πρέσβυσον ἄστρον*, antiquissimum astrorum, forte quòd 1 inter- mestris Luna dicitur a Græcis *ἐνὶ καὶ νέᾳ*, vetus & noua, seu senescens & crescens: ideo colebatur non modò vt senex, sed veluti iuueni eximia velo- citatis alq̃ tribuebantur ab Eleis teste Pausania & caluum caput veluti seni: vnde Synesius in encomio caluitij senes caluitio laborantes *σέλῳια* vo- cat, id est lunulas. Credant si velint Lunam carminibus cœlo deduci quan- do deficit. Quatiant eam Theſſalis *era auxilantia Luna*. Dicant eam cum nouis populis epotam a vegrandiasino, vela dracone deuoratam, aut sal- tem grauitèr casam cum Hebræis, quorum vox *Licconi* eclipsim significat & percussione. Canes in eam latrare dicant, vt notat Augustinus, quando est plena, eamq; propterea vocent cum Lycophrone *Θεὸν κυνοσφάγον*, canum imprimis voracem Deum. Has enim & maiores ineptias admittere parati sunt antequam fateantur in Luna reperiri campos ac montes, in ijs- que quidquam oriri & interire, licet affirmare non vereantur a Luna maturitates gignendi, grauiditatesque & partus afferri. Cætera quæ pertinent ad puros astronomos non valde excutio, vt Lunæ mediam distantiam a Ter- ræ centro. Eam Tycho ait esse semid. 60. Copernicus in summa remotione putat esse semidiametrorum sexaginta octo, in minima verò semid. 52. & min. 17. Idem ait apparentem diametrum maximam Lunæ esse minuto- rum triginta quinque & triginta quatuor secundorum, at verò Solis esse tantum 33. minorum & 54. secundorum. Ptolemæus lib. 5. cap. 14. Lu- næ apogææ diametro apparenti dat min. 31. sec. 20. & lib. 6. c. 5. dat perigææ min. 35. sec. 21. Tycho lib. 1. c. 7. ait eandem ferè esse proportionem inter solarem & lunarem distantiam, atque inter diametrum Solis & Lunæ, quod

*Dedistan-  
tia Luna a  
Terra.*

videtur admirabile: nam sicut Solis diameter, inquit continet lunarem decies octies ita & distantia Solis lunarem toties continet. Distantia tamen Lunæ iuxta ipsum est, ut dixi, sexaginta circiter semidiametrorum Terræ, distantia verò Solis est mille centum & nonaginta, sicque continet Lunæ distantiam decies novies. De Lunæ magnitudine & aliorum planetarum postea dicetur. Admirabilis quoque fuit ratio Ptolemæi ad inveniendam apparentem diametrum Lunæ & umbræ terrestris. Duas eclipses observavit, in quarum una cum Luna haberet latitudinem quadraginta octo minutorum & 30. secunda suæ diametri parte inobscurata est: in altera cum latitudinem haberet quadraginta minutorum, & quadraginta octo secundis defecit dimidia parte diametri: in utraque erat Luna circa augem & altissimum punctum epicycli. Ex quibus collegit tria subtiliter: primum est umbræ diametrum fuisse 40. minut. & 48. sec. umbra enim in secunda eclipsi pertingebat ad mediam diametrum, idest centrum Lunæ: sed illud distabat ab Ecliptica minutis 40. cum bessel: ergo a centro umbræ, quod est semper in Ecliptica, ad terminum eiusdem hæc minuta & secunda intercipiuntur. Secundò conclusit quartam partem apparentis diametri Lunæ esse septem minutorum & quinquaginta secundis, quæ quater sumpta faciunt totam diametrum minutorum triginta & vnius cum triente seu viginti secundis. Cum enim umbræ terminus pertingeret ad quadraginta minuta cum bessel & Lunæ centrum ad quadraginta octo cum semisse, necessarium est ut a centro Lunæ ad terminum umbræ quarta pars diametri interciperetur, quippe a termino umbræ usque ad extremitatem Lunæ quarta Lunæ pars includebatur: at a termino umbræ usque ad centrum Lunæ, seu a 40. minutis cum bessel usque ad 48. minuta cum semisse intercipiuntur septem minuta & 50. secunda: quare tanta erit longitudo quartæ partis diametri Lunæ. Ex his præterea Ptolemæus ostendit diametrum umbræ ad diametrum Lunæ se habere sicut tredecim ad quinque: Copernicus tamen ait esse paulò maiorem. Idem posuit minimam diametrum umbræ, cum Luna plena est & Sol apogæus 80. minutorum cum tribus quinq. ris, maximam 95. minutorum cum 44. secundis. Hactenus de Luna Terræ nostræ locia ac penè consorte individua dixisse sufficiat hæc pauca, quorum disceptatricem & iudicem habere velim gentem optimam præcellentissimamque ingenuorum philosophorum, sed non genus irritabile servitiorum quorundam ac verè mancipiorum quæ in ergastulis Peripateticis consenescent.

*O curua in terris anima & cœlestium inanes!*

CH A R. Habe si vis præterea gentem opiniosissimam Lunaticorum, quos aliusmodi ac cæteros homines natura finxit. Cum illis liceat pro arbitrio *σελεύσασθαι* & in lunaribus illis latifundijs apicari, in locis montosis ac saluosis meridiari, aut sectari feras in incædua illa Dictynna sylva, quam Anaxagoras esse dicebat in Luna: unde non modò leones Nemei & apri Calydonij, sed feles etiam ad nos descenderunt, aut si vultis arietes pascere candidos & nostris lanosiores, ex eorum stirpe quos Pan Dianæ dono dedit. Peripatetici sterilem Dianam agnoscunt, illam habere foecundam,

ne-



neque illam modò, sed etiam fratrem eius Solem. Quòd si Luna profem-  
nat & nutricatur tot portenta, cras expecto me auditurum in Sole pyrau-  
stas, salamandras, lampyrides & cissolampos oriri ac interire.

## De Sole & cæteris planetis.

C I R C U L U S O C T A V V S.

ARISTÆVS. CHARILAVS.



ARIST. Paulùm stomachosius hesternæ luce inuehebaris in Or-  
phei sectatores, qui existimant planetas esse totidem mundos di-  
uerso genere viuentium illustres. Habuisses quidem in quos vi-  
brates illos aculeos, si dicerent ibi leones, apros, feles, quer-  
cus, aut alia quæ sunt apud nos, oriri & interire: sed asserunt ad pulchri-  
tudinem vniuersi res illas penitus a nostris esse diuersas, nec vlla hominum  
cogitatione posse comprehendi, vt olim canebam peradolescens.

*Hoc erat, o Natura parens, quòd ad æthera vultus  
Ereptos atque os homini sublime dedisti,  
Vt miser in cælum nequidquam ardentia tollas  
Lumina, sidereos sed qua rota concitet orbes,  
Quos populos Sôlis, quos orbita candida Luna  
Et Venus & Veneri propior Cyllenius ignis  
Deuehat, ignarus dubitet, cœlique meatus  
Suspiciat frustra illacrymans, pontumque profundum  
Aspèctet, variosque æstus pelagique labores  
Cernat hians, veluti cunis exemplus aristas  
Spèctat & obtutu desiggit rusticus infans.  
O fatum, o cecis melius damnata tenebris  
Lumina! Quid mentem iuuat excoluisse per artes?  
Mitte puer curas, insanum mitte laborem.  
Nos sorte iniusta grauis inclementia fati  
Non tantùm ignaros sub luminis euocat auras  
Sed viso iubet ignaros absistere cœlo. &c.*

Sapientes de illis Orphei mundis nihil aliud vnquam sciri posse existima-  
runt, quàm res infinitas a nostris diuersas oriri subinde ac interire, qui verò  
quale quidque sit in singulis ariolantur, arioli quidem sibi nomen vindicare  
possunt, sed non philosophi. Post Lunam autem sequitur vt ad Solem tran-  
seamus, circa quem circulos orbesque suos conficiunt Mercurius, Venus,  
Mars, Iuppiter, Saturnus, ita vt quanquam tres priores interdum reperiun-  
tur Terræ propinquiore quàm Sol, nihilominus aliquando Sol Terræ pro-  
pinquior est quàm omnes illi, videturque carcer ille Iouis Pythagoreorum,

P vel

*Sol ignis est  
apud vete-  
res .*

vel potius in medio posita lampas , & principium quo manente necesse est ,  
vt ait Aristoteles, omnia manere quæ cum eo connexionem habent . In eius  
natura declaranda veteres saltem in hoc sunt laude digni , quòd igneum &  
ignis parentem esse dixerunt , magis ingenuè quàm Aristoteles qui hoc ne-  
gauit 1. Meteor. c. 4. eoque dicto apud Ambrosium ita decoxit fidem , vt in  
cæteris non audiat , qui tam splendide , inquit , mentiri ausus est . Cœ-  
lumen enim igneum est apud Sanctos Patres : vnde complures Origenem se-  
cuti dixerunt ante sedes beatorum imensos ignes esse diffusos quibus ani-  
mæ Sanctorum omnium purgarentur : quam opinionem propter celebres  
eius autores non audet damnare Bellarminus . Damnandus erat saltem Hi-  
larius in Psal. 118. sect. Gimel , vbi cùm nullum ab ijs ignibus immunem  
putet , subdit hæc verba : Si in iudicij seueritatem capax illa Dei Virgo  
ventura est , desiderare quis audebit a Deo iudicari ? Thales existimauit  
stellas ignitas , Empedocles accensas eo igne quem æther elidit , Anaxago-  
ras esse lapides adustos , ex quibus eum lapsum dicebat qui sub principe  
Dimylo in fluuium Capræ ceciderat , vt refert Plutarchus de placitis lib. 2.  
Qua re inductus ipsius discipulus Eurypides in Phaetonte Solem auream  
glebam appellauit . Laertius tamen in eius vita ait Solem esse ferrum can-  
dens secundum Anaxagoram , qui ob eas opiniones a Pericle discipulo non  
ita defendi potuit , quin exilio & talentis quinque damnetur . Pythago-  
ras Solem & reliqua sidera Deos esse docuit , quippe in illis calorem supera-  
re , qui sit vitæ autor . Philolaus Pythagoreus dixit quidem Solem esse di-  
scum vitreum , sed tamen qui collectum ignem ad nos retorqueret . Demo-  
critus aiebat Anaxagoram sibi furatum esse opiniones quas de Sole & Luna  
scripserat apud Laert. lib. 9. Epicurus denique Solem esse dixit terram com-  
pactam instar pumicis ab igne accensam . Ita Platonici ac poetæ Græci &  
Latini , imprimis Orpheus , apud quem Sol est *ἄναξ πυρὸς ἀσποχίτων* ,  
rex ignis astris vestitus . Nec minus eleganter apud Virgilium .

*Sol qui terrarum flammis opera omnia lustras !*

Quare dicere possumus cum philosophis antiquis & Sanctis Patribus  
igneum esse Solem , quem siue pumicem adustum appellemus , siue ferrum  
candens , meminisse oportet id dici per quandam similitudinem , quòd ni-  
mirum sit veluti massa pumicosa ex compluribus naturis concreta & in suis  
meatibus continens corpora ex vicinis spatijs collecta quæ in flammam sub-  
inde dissoluuntur . Sol enim , vt ait Plinius , foenerat lumen suum alijs si-  
deribus , puta planetis , illud deinde quasi longo postliminio redit ad fontem  
suum motu perpetuo . Sed inquis quomodo remeat ad Solem id quod iam  
diffusum est & instar iaculi vibratum , vt ait Lucretius .

*Et Solis radios & lucida tela dei .*

Dicendum est lumen siue calorem aut ignem diffusum a Sole consociari va-  
rijs corpusculis singulorum planetarum , ex ijsque fieri quoddam genus ex-  
halationum suapte nutu tendentium ad Solem , ac tandem concrelescere in  
massam quæ rursus in ignes dissoluatur . Ne verò cinis & veluti fex illius  
concretionis in Sole remaneat , existimandum est lumen a Sole dispergi non  
ita purum vt alia multa corpuscula simul non diffundantur : vnde fit vt non

sem-



semper eadem sit natura luminis, sed aliquando salubris, aliquando noxia, qualem omnes esse fatentur cœlestem illam aspirationem, quam influxum vocant. Hoc est illud alimentum Solis quod Cleanthes dicere voluit, non quod illi tribuitur a Tullio 2. de nat. Deor. dum ait eam esse causam cur se Sol referat, nec longius progrediatur solstitiali orbe, itemque brumali, ne scilicet longius discedat a cibo vaporum, quos ad se trahit. Quare & eodem ferè modo putabat refici Solem, quo incendia montis Ætnæ, iam pridem enim essent extincta, nisi loco ignis erumpentis alius continenter accederet permistus materiæ, cuius iterum in ignem fit resolutio. Nec quidquam prohibet quin sicut Ætnæ crateres alti renouatique suo pabulo maiora & clariora interdum fundunt incendia, idem accidat in Sole, ut ostenditur ex eius maculis. Dubium est enim an sint aliquid simile fumo de quo Virgilius.

*Interdumque atram prorumpit ad æthera nubem*

*Turbine fumantem piceo & candente fauilla*

*Attollitque globos flammarum & sidera lambit.*

An verò sint corpora opaca, quæ in Sole comprehendunt ignem, quoniam dum euanescent maculæ, locus earum videtur illustrior quàm vicinæ partes, perinde ac si quidpiam ibi arderet, quod initio crassos vapores, nostrisque similes nubibus emitteret, deinde verò flammam clariorem. Hinc aliqui cum Risnero lib. 2. Optic. Theor. 37. ex principio optico quòd si visibile augetur, videtur propius accedere, aiunt æstiuum Solem non longius abesse a Terra in apogeo, nec hybernium propius in perigeo, sed decrescere & augeri. Nam iuxta Tychonem lib. 1. c. 7. Solis apogei diameter apparsens obseruata per canalem triginta duos pedes longum notata est triginta minutorum esse, perigei verò diameter eodem instrumento spectata est triginta duorum minutorum in aspectabili eius amplitudine, a quo discordant vno aut altero circiter minuto Ptolemæi, Alphonsi & Copernici obseruationes. Melius Fracastorius attribuit orbi Lunam ambienti, quòd ob varias refractiones ipsa videatur maior aut minor, & si nunquam plus distat a Terra, idque de Sole probabilius dicere poterat Risnerus. Sed ex alio capite reuinci potest, vnde nimirum veteres astronomi coacti sunt introducere eccentricos & epycyclos, nempe ex inæqualitate illa qua Sol conficit arcus æquales tempore inæquali iuxta Ptolemæum lib. 3. de Sole: ab Ariete enim ad Libram moratur nouem circiter diebus plusquam a Libra ad Arietem: quod longè ante ipsum & Aristotelem agnouerant Eudoxus & Calippus, qui propterea singulis planetis tribuebant concentricos reuoluentes & deferentes, ut habetur 12. Metaph. tex. 45. & sequentibus. Verùm sicut motus omnes Lunæ sublati eccentricis & epycyclicis solidis iam supra declarati sunt per vias & orbes liquidos, idem in Sole efficiendum est: primum ut intelligatur quomodo solstitiali se ac brumali reuocatione conuertat, hoc est quomodo fiat declinatio Solis ab Æquatore, quæ sicut Lunæ ab Ecliptica modò maior est, modò minor iuxta Copernicum, maxima scilicet 23. grad. 52. min. minima vero gr. 23. min. 28. Secundum est quomodo Sol plures insumat dies ab æquinoctio verno ad autumnale, quàm ab au-

tumnali ad vertum. Tertium est circa Solis ἀπόγειον & περίγειον, de quibus iterum tria quaruntur, nempe quanta sit eorum altitudo vel depressio, seu quanta sit eccentricitas: deinde in quibus cœli partibus utrumque punctum statuatur: denique an illa puncta certo loco affixa semper quiescant, an paulatim in partem alterutram promoueantur. Eccentricitas enim Solis apud Copernicum varia est, nempe Terræ semidiametrorum 37. in mediocri distantia ab apogeo, at in minima Sol aliquando vicinior est Terræ semidiametris 74. Quare lib. 4. c. 19. ait semidiametrum orbis magni, seu mediam distantiam a Sole esse semidiam. 1142. maximum vero 1179. Tycho ad annum 1588. ait eccentricitatem inuentam a se & accuratissimè deprehensam esse duorum gr. & nouem min. qualium assumitur diameter 60. & lib. 1. astronomiæ restauratæ cap. 1. summæ apsidis sedem collocat in medietate sexti gradus Cancrī. Copernicus sedes apogei & perigei mutabiles asserit & quidem ferri motu aliàs incitatore, aliàs tardiore, nec eandem seruari in eadem parte eccentrici motus velocitatem aut tarditatem, quod tamen fieri deberet, si solus eccentrici motus & simplex anomalia poneretur. Hac omnia declarantur per circulum Æquatori obliquum & Terræ eccentricum cum epicycli deuehente. Copernicus lib. 5. c. 4. tribuit omnibus planetis vel eccentrici eccentricum, vel epicycli epicyclum, vel eccentrici epicyclum, sed in hoc potissimè acquiescit. Non est tamen quod quisquam existimet solidos esse cœlos apud Copernicum, has enim machinas admittit tantum ob figuras lineares. Necessè est ergo secundum eius doctrinam circa Solem & alios planetas admittere liquida spatia quæ in Luna iam esse dixi. Quamquam autem omnes planeta circa Solem eccentricos describant, circulos, immo ellipses, est tamen centrum planetarum potius quàm Terra, cui Mars vicinior est interdum octies & Venus sexies. Circa Solem in orbe primo Mercurius aliquando remotior, aliquando duplo vicinior Soli maxima omnium planetarum eccentricitate conuertitur spatio trium circiter mensium: quam ob celeritatem Cyllenius ales appellatur & Ἐρμῆς ὁ πτερόπτερος alatis pedibus. Ea est paruitate ut maculam in Sole aspectabilem facere non possit, ut neque Venus iuxta Ptolemæum, Alpetragium, & seniores alios astronomos. Lycosihenes quidem in ostentis ait anno 808. visam fuisse stellam Mercurij 16. Kal. April. quasi maculam parua. Idem refertur a Scaligero exerc. 72. & a Gassendo epist. ad Scicardum. Scheiner etiam & Keplerus de Mercurio & Venere testantur hoc ipsum aliàs contigisse, sed necesse est eos maculam Solis accepisse pro Mercurio, quoniam dum Venus exiit sub Sole, non fuit macula. Nam ut obseruat Clavius in Sphær. Sacrob. c. 1. Venus nullo modo potest Solem obscurare; etiam si interponatur, non ob lucem sibi innatam, sed ob paruitatem, quoniam vix occultat centesimam solaris diametri partem: quare, inquit, multò minus id efficere poterit Mercurius. Huius erroris illi sunt causa, qui nocte spectando Venerem, cum decies apparet maior quàm interdiu, dixerunt eius diametrum ad solarem esse subdecuplum: si autem illam spectassent clara die, vel cum telescopio, vix subcentuplam esse dix-



xissent. Verùm cum maculæ Solis partem eius aliquam inobscurent, du-  
 bium est an, ut ait Galilæus lib. de maculis Solis, defectio illa octo dierum,  
 quæ dicitur accidisse Soli temporibus Caroli Magni, ortum habuerit a ma-  
 gna macula, an potius a crassis vaporibus, ut ait Scaliger exerc. 79. an ab  
 utrisque, quod certè videtur probabilius. Sicut igitur in Sole tam grandes  
 interdum apparent maculæ, ut nudo oculo conspiciantur, ita fieri potest ut  
 plures simul oriantur, quæ magnam eius partem occultent, adeo ut acce-  
 dentibus crassis vaporibus, penitus deficere ac penè extingui videatur.  
 Anaxagoras fortè simili ratione sibi persuadebat Solis corpus esse massam  
 ardentem, quæ extingueretur aliquando, penitusque dissolueretur cum ijs  
 omnibus quæ ab ipso pendent. Aduertendum est tamen a maculis propter  
 earum propinquitatem occultari posse lumen Solis toti Terræ, sed non a va-  
 pore terrestri, immo neque a Luna, quæ conicas umbras projicit in Terræ  
 discum maiorem duodecies Lunæ disco. In aliqua tamen regione Sol apo-  
 geus omnino deficere potest interpositu Lunæ perigeæ, contra Tychonis  
 opinionem, qui putat extremum eius circulum relinqui semper aspectabi-  
 lem, qualem Keplerus testatur se vidisse Neapoli an. 1605. & Clavius an.  
 1567. Idem Clavius tamen c. 4. in spheram Sacrob. sine hoc circulo ecli-  
 psion horribilem se vidisse ait Conimbricæ an. 1560. ita ut tenebræ maiores  
 essent quàm nocturnæ, clarissimèque in cœlo stellæ apparerent, & aves ex  
 aere in Terram præ horrore tam tetræ obscuritatis deciderent. Sed redea-  
 mus ad Mercurium, qui tam parum recedit a Sole; puta viginti octo circi-  
 ter gradibus, ut rarò obseruari possit, & tantùm circa horizontem. Quæ-  
 re Copernicus se excusat, quòd de eo pauca conscripserit, sed Tycho accu-  
 sabilem ait eius indigentiam, & quantum pertinet ad astronomicas ob-  
 servationes se optimè vidisse testatur. Lucem habet usque adeo viuidam in  
 corpore paruo, ut quanquam falcatus interdum videri deberet non minus  
 quàm Venus, tamen eludat telescopium, nisi nouis obseruationibus Belgi-  
 cis assentiamur, quibus iussu Lunæ crescentis videri dicitur. Astronomi  
 quidam asserunt eum ab Ecliptica magis declinare ad meridiem, quàm ad  
 septentrionem, ac propterea vim eius pertinere dicunt ad meridionales,  
 qui septentrionales ingenio superant. Non minus fidenter asserunt antiqui  
 ea quæ viuunt in eius orbe præstare multùm ijs quæ sunt in remotioribus, ut  
 Saturno. In ipso verò Sole ob nimium calorem vix credibile est aliud vitæ  
 genus esse, quàm quòd fusa nomen appellatone tribuitur primis naturis,  
 ita ut etiam ignis ipse viuat. Cætera verò quæ ad vitam propriè dictam  
 coagmentatione partium opus habent, statim in hac fornace dissolueren-  
 tur, nisi vim obtinerent nobis incognitam. Fuit tamen inter Stoicos ut re-  
 fert Seneca in fragmentis apud Laertium, qui Soli certos populos ascri-  
 bebat, in quem profectò torqueri poterat illud Diogenis aduersus iuue-  
 nem multa confidenter de cœlo tanquam de villa sua referentem, *πρὸς αὐτὸς πᾶσι ἀπὸ τοῦ οὐρανοῦ*; quampridem e cœlo venisti? Pru-  
 dentius Orphei sectatores, licet dixerint singulas stellas esse mundos,  
 quid tamen in quoque rei esset, ut ineptæ vanitatis delirationem omise-  
 runt. Venus ita circumit Solem nouem circiter mensibus, minima or-



nium planetarum eccentricitate, vt summa ab eo distantia sit graduum 47. min. 15. aliàs min. 32. aliàs 33. teste Ptolemæo 10. Alm. c. 1. Cum tendit ad coniunctionem vespertinam proxima est Terræ, videtur falcata & quadragies maior, eiusque diameter apparet vnus minuti, cùm verò tendit ad matutinam coniunctionem, remotissima est, videtur rotunda, quadragies minor, eiusque diameter apparet tantùm decem secundorum. Quamuis autem sub Sole falcata videatur vt Luna crescēs, in ea tamen ob paruitatem & nimium splendorem, nullum lumen secundarium a Terra repercussum apparet ope telescopij, quo radios eius cincinnati abraduntur: Cincinnata enim dicitur a Callimacho ἔλος ἰθείρας, a Sinesio aurea lux χρυσοῦς φάος, & alata ob velocem motum ab Hebræis, qui ab eadem radice GAV volatum, auem & Luciferum deducunt. Nec minus eleganter appellatur respectu Terræ ῥοδοδάκτυλος ἡ ὑπνοδάτηρ, tam in ortu vespertino, quàm matutino. Hi duo planeta sic ambiunt Solem, vt intra proprios circulos Terram non comprehendant, & cùm illa dicatur immobilis, necesse est quemadmodum ante vidimus, immensam magnitudinem spatij, quo includitur Sol, Mercurius & Venus ferri circa Terram, ne dicere cogamur ab ipsa Terra vno anno circuii Solem. Illud incredibile videretur, nisi beneficio telescopij quatuor astra Iouialia conspicerentur ita moueri circa Iouem, vt immensus etiam ille globus quo Iuppiter & ipsa comprehenduntur, circumeat Terram. Cæteri planeta superiores Mars, Iuppiter & Saturnus circulos quoque suos conficiunt circa Solem, sed ita vt comprehendant Terram inter Venerem & Martem positam, sintque semper propinquiore Terræ, cùm eam habent inter se & Solem. Mars rutilus & subrubeus apparet ob naturam propriam, in quam lumen incidens hunc colorem refert, vt dicetur in lib. De anima. Circulum suum absoluit duobus annis, inter quem & Venerem, quæ suum absoluit nouem mensibus, Copernicus motum attribuit Terræ vnus anni, ratus eam proportionem esse magis conuenientem, quàm si Soli tribueretur. Iuppiter cum suis quatuor affeculis circumagitur ferè duodecim annis. Horum se inuentorem ait Simon Marius contra Galilæum lib. de Mundo Iouiali. Tam hi, quàm ille lucem recipiunt a Sole, vt patet ex horum eclipsi, dum in illius vmbra incidunt. In Ioue maculosæ quædam lineolæ sereno cœlo conspiciuntur, sed non semper, quod argumento est ipsum verti circa proprium centrum. Triginta circiter annorum est cursus Saturni, qui vtrunque habet duas stellas ellipticas veluti pueros, vt aiunt, voracis Dei: vnde triplex interdum apparet interdum solus, dum illi latent. Sed quod mirabilius est eorum aspectabilis magnitudo subinde mutatur & inest vtrique macula nigricans. Quid sint autem nihil hæcenus suspicari possumus, quàm procul à Sole massas illas concreuisse cæteris planetis imperfectiores, vnde aspirationes proueniunt minus salutares. Illud etiam cautos reddit philosophos ne facillè sphæricum asserant quidquid eminus sphæricum videtur: nam qui extremum cornu Lunæ videt, ita vt aliæ partes tectæ abscondantur, rotundum atque adeo vnum ex planetis maioribus esse iudicabit. Ita Venus oculo spectata libero rotunda nobis semper apparet, falcata verò telescopio. Lux candelæ



pyramidalis est, eminus tamen videtur orbiculata. Eadem candela lucens per foramen angulosum, exhibet oculo figuram rotundam. Atque ut aliquando planetas absoluiam, astrorum magnitudo colligitur ex eorum distantia & diametro apparente, cuius mensores grauiter reprehendit Plinius lib. 2. c. 23. & verè reprehendendi sunt, qui sicut Arabes Albategnius & Alpharabius, ad minutias vsque descendunt, argumentantes ex proportionem eccentricitatis ad eccentrici & epicycli crassitudinem, vnde certi nihil habetur, melius autem cognoscitur ex eclipsi & paralaxi, præcipuè Lunæ, Solis, atque etiam Martis iuxta Tychohem, apud quem Lunæ distantia est Terræ semidiametrorum circiter 60. Mercurij 115. Veneris 608. Solis 1190. Martis 4584. Iouis 10423. Saturni 15800. in medijs longitudinibus. Octauæ sphaeræ 19000. sed reuera longè maiorem esse ostendam. Terra iuxta ipsum maior est Luna bis & quadragies, Venere tricies & sexta parte, Mercurio decies nouies, minor verò Sole centies & quadragies, Marte ter & decies, Ioue quater & decies, Saturno bis & vigesies, stellis primæ magnitudinis quinquies & quadragies. Aliter quidem, sed minus accuratè Ptolemæus, quem multi sequuntur. Sic habetur planetarum distantia & magnitudo, tamen non omnino certa: patet ex eo quòd astronomi non conueniunt in assignanda paralaxi singulis planetis, quare neque certa distantia constitui potest, idque vitio oculi & instrumenti in minutis rebus deprehendendis: interdum etiam refraçtio non mediocriter obturbat, adeo ut Keplerus in Optica astronomica c. 11. fateatur eadem die visam in diametro Lunæ differentiam duorum & al.às trium minorum. Non tamen propterea ascribendum est Fracastorio assertori homocentricorum, planetas omnes æqualiter distare semper a centro Terræ, & differentiam hanc paralaxis oriri ex diuersa densitate orbis planetam ambientis. Quanquam enim aliquid simile contingere potest præsertim in cœlo liquido, quale iam fatentur penè omnes, tamen variari planetarum distantiam a Terra, satis supra demonstratum est alijs rationibus. In distantia fixarum, de quibus mox agendum erit, grauius erratum est ab ijs qui motum ipsarum esse dixerunt annorum 36000. & tamen carere paralaxi: non potuerunt enim aliunde distantiam illam cõstituere, quàm ex proportionem motus an. 36000. ad planetarum motum, vnde fit ut eas statuere debuissent quinquies remotius. Quod si quis in ijs stellis sperat apparituram aliquando paralaxim exiguam, ut Galilæus, ea profectò minima esse debet, proinde incerta. Si paralaxis dicatur, exempli gratia, vnus tertij, distantia esset semidiametrorum Terræ 1241379. si vnus secundi, 268965. si duorum secundorum, 103448. Hinc manifestum est eos errasse qui dixerunt fixas carere paralaxi, & ipsas a Terra distare semidiametris orbis magni 2160. hoc est semidiametris Terræ 2452400. iuxta positam a Copernico Solis mediam distantiam a Terra 1142. semidiametrorum eiusdem Terræ: errasse quoque Alphraganum dicentem eorum paralaxim esse duorum secundorum & distare tantum semidiametris Terræ 45225. Hæc de planetis, in quibus si quid erratum est, memineris de stellis errantibus fuisse sermonem. CHA R. Hoc mirabilius quòd in tanta Solis, Lunæ, cæterorumque planetarum luce grauius

nus erretur, quàm in rebus tenebricosis . Verissimum est quod Scaliger ait, nos in luce rerum tenui caligare, in mediocri cæcutire, in maiore cæcos esse, & in maxima insanire . Sequuntur inerrantes stellæ de quibus si quid haustum telescopia, vel aliunde conquistum habes, recrastinare oportet, vt proxima luce patienter reponam cum ijs quæ de errantibus a te accepi .

## De stellis inerrantibus .

## C I R C V L V S N O N V S .

## ARISTÆVS. CHARILAVS.



**A**RIST. Ultra Saturnum ad stellæ inerrantes immensum supra quàm credi potest, interuallum patet, in quo suspicari licet esse res quamplurimas inexplicabili ratione gubernatas, ne spatium vllum in natura sit otiosum . Hoc communiter appellant sphæram octauam, in qua Ptolemæus numerat stellæ 1022. quibus Tycho addidit centum a se inuentas: telescopia innumerabiles aliæ cernuntur, quæ earum infinitatem esse demonstrant . De hac sphæra nihil aliud dicendum occurrit quàm eius stellæ eclipsari a planetis & secundum omnes astronomicos a nobis vsque adeo remotas esse, vt quocunque loco vel tempore eas obseruemus, nulla paralaxis differentia reperiatur . Vnde mirum est quomodo earum distantiam & magnitudinem ausi sunt determinare distantiam quidem semidiametris orbis magni bis mille centum & sexaginta, magnitudinem verò videntur ad vnguem ita definire, ac si eas pedibus permensi fuissent: vt cùm dicunt a stellis primæ classis contineri Terræ magnitudinem centies & septies cum sextante, ab vltimæ verò classis decies & octies cum decima parte . Dictum certè inconsideratè & oscitanter, maximè ab ijs qui sciunt has stellæ non esse remotas æqualiter a Terra, nec eidem superficie concavæ affixas laminas igneas, veluti picturas, vt quorundam fuit opinio apud Plutarchum De plac. lib. 2. c. 14. In quam sententiam deducere me conabatur olim Georgius Tromba Lascareus vir perreconditæ theologiæ, affirmans ex literis sacris stellæ esse veluti cœli placentulas, quas ipse vocabat *hetrusco sermone Schiacciatine del cielo*, sicut Pisides easdem appellat *ἑρπυδιὰ γράμματα* cœlestes literas, & Clemens Alexandrinus mysticas chordas, quæ summi artificis laudes concinerent . Mihi verò cùm persuasum esset rationibus supra allatis eas esse totidem Soles diffusos per liquidi spatij immensitates, videbantur aliæ plus, aliæ minus a nobis distare & figuram sphæricam obrinere . Vnde conficiebam definiri certò non posse earum magnitudinem & distantiam: quippe nonnullæ ex ijs quæ videntur minimæ propter longitudinem interualli, forte maiores sunt




sunt propinquioribus, quæ primæ magnitudinis esse creduntur. Hoc vnum demonstrari potest, scilicet ob defectum omnis paralaxis, distantiam stellarum inerrantium a Sole plures semidiametros orbis magni continere, quam distantia Solis a Terra contineat Terræ semidiametros. Quare cum distantia media Solis a Terra iuxta Copernicum lib. 4. c. 19. sit mille centum & quadraginta duarum semidiametrorum eiusdem Terræ, maxima verò mille centum septuaginta nouem, meritò astronomi distantiam fixarum dixerunt esse saltem bis mille centum & sexaginta semidiametrorum orbis magni. Vnde sequitur vt ex Sole minor appareat diuersitas in stellis fixis, quam quæ apparet ex Terra in motu Solis. Quibus positis inquirere libet sub qua magnitudine tam Sol quam orbis magnus nobis appareret, si vterque reponeretur inter stellas fixas. Vtar ad hoc admirabili experimento Galilæi, quo constat stellas primæ magnitudinis abrafo fallaci radiorum cincto, seu capillamento, apparere nobis sub angulo quinque secundorum, & stellas sextæ magnitudinis sub angulo quinquaginta tertiorum. Abraditur autem vel telescopio, vel interiecto funiculo, vt ipse docet, miraturque astronomos tam inconsideratè dixisse stellas primæ magnitudinis videri sub angulo duorum aut trium minutorum, vt habet Tycho in suis literis astronomicis cap. 167. quoniam indetonsæ sic nobis apparent. Accipio præterea diametrum Solis continere vndecim Terræ semidiametros, diametrum verò orbis magni continere bis mille ducentas octoginta quatuor eiusdem Terræ semidiametros. Primum igitur si ponamus fore vt Sol in sphaera octaua videatur vt stella sextæ magnitudinis, nempe 50. tertiorum, ex proportionem diametri solaris ad eiusdem stellæ & orbis magni diametrum, dicemus. Si vndecim, id est diameter Solis se exhibet quinquaginta tertiorum instar minimæ stellæ, certè 2284. id est diameter orbis magni se exhibebit 10381. tertiorum cum nouem vndecimis, hoc est duorum minutorum & 53. secundorum. Quare malè concludunt aliqui contra Copernicum ex eius doctrina magnum orbem in sphaera octaua fore vt stellam magnitudinis sextæ: vt enim sub ea paruitate videretur, deberet remoueri plusquam stellas fixas ducenties septies: quia cum in sphaera octaua Sol cuius diameter continet vndecim Terræ semidiametros, appareat vt stella sextæ magnitudinis, orbis magnus cuius diameter est 2284. semidiametrorum Terræ, sicque continet 11. ducenties septies cum septem vndecimis, vt appareat sicut stella sextæ magnitudinis, debet magis distare a nobis quam stellæ fixæ ducenties septies cum septem vndecimis. Quod si Sol inter fixas videretur vt stella primæ magnitudinis, quæ iuxta Galileum esset quinque secundorum, eadem proportionem orbis magnus ibidem appareret minutorum septendecim cum tribus decimis. At si iuxta Tychonis & cæterorum inconsiderantiam, stella primæ magnitudinis esset duorum aut trium minutorum, & totidem Sol ibi videretur, magnus orbis vel septem vel decem circiter graduum appareret. Probatur autem Solem inter fixas vt stellam sextæ magnitudinis appariturum: quia cum stella sextæ magnitudinis appareat 50. tertiorum & Sol apogeus iuxta Tychonem triginta minutorum, quæ continent centum octo millia tertiorum, hæc verò conti-

*Quæ esset  
Solis magni-  
tudo appa-  
rens inter  
stellas fixas.*



*Ex propor-  
tione qua  
corpus spha-  
ricū ab ocu-  
lo recedit,  
videtur mi-  
nus.*

nent quinquaginta tertia bis millies centies & sexagies: ergo si Sol remoueretur plusquam distat a nobis 2160. hoc est si poneretur inter fixas, vt stella sextæ magnitudinis appareret. Sed omnino fatendum est sciri non posse certò distantiam octauæ sphaeræ, nec proinde qua magnitudine Sol & magnus orbis videretur, si in ea essent. Sufficiat nunc ostendisse quantus appareret vterque iuxta Copernicum, etiam si octaua sphaera non plus a nobis distet quàm astronomi constituerint. Ad has omnes demonstrationes assumimus vt certum ea proportionem qua corpus sphaericum ab oculo recedit, videri minus, vt si duplo magis distet ab oculo, duplo minus appareat: quoniam aspectabilis magnitudo cernitur secundum magnitudinem anguli optici, qui in duplo maiori distantia est duplo minor: angulus enim ad circumferentiam duplo minor est angulo ad centrum ex lib. 3. Eucl. prop. 20. Quod etiam verum est in ijs omnibus quæ ita videntur, vt sint basis trianguli æquicruris respectu vtriusque radij visualis. At si res visa sit perpendicularis alteri radio visuali, non videbitur duplo minor, vt si corpus



I. S. sit perpendicularare radio visuali D. S. non videbitur ex D. duplo minor quàm ex O. Quoniam angulus O. non est duplo maior angulo D. alioquin anguli D. & C. inter se æquales essent: nam angulus O. externus æquiualeat vtrique interno & opposito D. & C. & si duplo maior est vno, est etiam altero. Quod autem anguli D. & C. non sint æquales, probatur: quia latus O.

*Quid sint  
stella fixæ  
apud vete-  
res.*

I. cum subtendatur ab S. angulo maiori, maius est latere O. S. hoc est D. O. proinde triangulum D. O. C. non est isosceles, nec angulus C. æqualis D. Idem multis alijs modis ostendi potest: sed dignus videtur philosopho perquirere, quomodo secundum Pythagoræos stellæ fixæ sunt toridem mundi. Necesse est vt illi veteres arbitrarentur quamlibet stellam inerrantem esse Solem, circa quem orbis alij conuertuntur veluti planetæ, nobis tamen non aspectabiles, sicut e sphaera octaua Sol forte conspicuus esset, sed non planetæ. Secundum quam opinionem immensis vniuersi spacijs ita demerati sunt orbis illi, vt earum infinitas nullam admittat conuersionem, tam circa polos mundi quàm eclipticæ, sed singuli seorsum habeant proprias circuitiones, perinde ac Sol noster & sui planetæ. Hactenus tamen fuit communis opinio tam stellas inerrantes, quàm planetas a Sole collustrari, ab eoque mutuari lumen, quod ex iam dictis falsum ostenditur: si enim Sol in sphaera octaua foret vt stella sextæ magnitudinis, non esset idoneus ad stellas omnes illustrandas tanto splendore radiorum, vt repercussi ad nos peruenirent: ergo neque nunc vbi est collustrare potest easdem stellas, ex quarum distantia vix appareret maior stella magnitudinis vltimæ. Vide porro quàm nihil aut parum tanta paruitas efficere possit: nam aspectabiles stel-



stellę omnes fixę mille ac viginti duę de consę fallacibus radijs & simul iunctę in sphęra octaua, non efficerent discum qui nobis appareret æqualis parti trigesimę disci solaris. Sol igitur planetas suos tam clarę illustrat & tam magnus apparet nobis ob propinquitatem, quare Saturnum longę debilius illuminat quęm Mercurium, & cū a Saturno ad sphęram octauam sit distantia inestimabilis, non potest impertire tantam lucem quantam in stellis fixis intuemur. Altera ratione demonstratur inerrantes stellas esse veros ignes, quia instar ignium quo longiori videntur intervallo, magis scintillant, minus verō scintillant propiores quę lumen acceptum ab alio reperiunt. Hoc fateri coactus est Aristoteles dum scintillantium astrorum causam assignans 2. De cœlo 48. ait planetas non scintillare, quia sunt prope nos, eoque visus facilē peruenit, ad fixas verō tremat propter longitudinem longę porrectus. Voluit dicere radios fixarum tremere, solet enim tribuere visui in xra communem opinionem, quod radijs obiecti corporis lucidi concedendum est: vt cū in lib. Meteor. explicat causas Iridis per spirituum ab oculis emissionem, quam negat in lib. De sensu. Ibi quoque spero me demonstraturum radios esse ignea corpuscula, quę quō longius emittuntur, cō magis tremunt. Fixę igitur maximē scintillant, quia proprium ignem longę emittunt, planetę minus, quoniam acceptum reperiunt non ita longę. Rursus inter fixas celerrimē scintillat cor Scorpionis & Canis maior, parum verō oculus Tauri: quomobrem Simplicius ait scintillationem ex astrorum natura provenire, quorum alia lumen rectā immittunt, alia crispando. Sed quid de planetis ipsis, inter quos Venus magis scintillat quęm Saturnus, idque demonstrat causam solam non esse distantiam, vt rectē ait Tycho contra Vitellonem. Maximē verō Mercurius, qui gręcē *σιλβων* appellatur, id est scintillans, aliena quidem luce resplendet, sed adeo conferta ac si esset ignis. Scintillationem igitur augere potest etiā inæqualis crassitudo spatij multiplicis, per quod lumen ad nos permeat: neque enim credibile est in illa immensitate æqualiter vbique fufum ætherem circa singulos orbes, sed alibi tenuiorem, alibi crassiorem esse: ac propterea planetarum lumen patitur aliquam medij varietatem, sed minorem quęm inerrantium. Neque inficior aliam communem planetis & fixis accedere causam, qua tremulus ille splendor videatur, vt ait Vitello lib. 10. prop. 55. nimirum ex vaporum ascendentium iugi motione, præteream quam patiuntur in suis orbibus. Vnde fit interdum vt auratus globus in apice summo turris alicuius vltro citroque videatur peruolare: similiter ea omnia quę per exhalationes emissas ex ardenti fornace, vel per camini fumum conspiciuntur. Propterea stellę magis scintillant ad horizontem, quęm prope verticem, boreales magis quęm australes, pluuio magis quęm sereno cœlo. Quod autem ait Vitello fixas magis scintillare quęm errantes, quia multō languidius est fixarum quęm errantium lumen, dicendum est esse languidius, non in se, sed propter distantiam. At commentitia est Aguillonij opinio lib. 5. Optic. prop. 81. qui fingit partes inerrantium stellarum inæquali luce conspicuas celerrimē volui circa proprium centrum, atque ex eo circumactu fieri lucis vicissitudinem. Hinc tantum

ostenditur quomodo partes obscuriores aut lucidiores modò centrum occupent, modò partes extremas ambitus, quarum diameter aspectabilis cum sit ad summum, quinque secundorum, afferre non potest eam motus varietatem, qua stella videtur ab vno ad alium locum vibratione reciproca transilire. Qui stellas inerrantes tanquam alios Soles arbitrabantur, non debuerunt eas Aguillonij vertigine ciere, neque velut laminas aureas Georgij Trombæ affigere concavæ superficiei octavæ sphaeræ, sed distribuere per infinita spatia totius vniuersi, vt nihil ad eius speciem ac pulchritudinem desideraretur. Putabant enim in infinito illo circulo Trismegisti nunquam finem, sed aliquid nouum semper & inexpectatum reperiri, si fas esset alicui tota æternitate illud perlustrare: vsque adeo apud ipsos infinitas spatij & innumerabilitas mundorum non modo augustior videbatur, sed tantum probabilius solida illa extrema ora & determinatione vnius mundi, quanto sempiternæ & incomprehensæ naturæ conuenientior est, licet plebeis philosophis incredibilior. Existimabant quoque tam indignum esse vt Terra nostra iactaret conditos esse terrestrium animalium gratia duntaxat illos infinitos orbes, quàm si Athenis tuguriolum aut gurgustium egentissimi ac vilissimi homuncionis dixisset in gratiam sui magnificas omnes ciuitatis edes esse constructas. Nam si ad oblectandos duntaxat hominum oculos astrorum distinctio omnis descripta esset, vt cum Terram nox opacaret, cœlum aspicerent flammis ornatum, longè angustius sufficiebat cœleste illud operimentum, paucaeque stellæ Mercurio minores & exiguo interuallo a Terra disiunctæ idem præstitissent. Quare Plato non cœlum propter oculos sed oculos datos hominibus propter cœlestia corpora spectanda esse dicebat, vt refert Plutarchus de his qui serò puniuntur, & Anaxagoras apud Laertium quærenti cur natus esset, respondit vt inspiciam cœlum: quod ita perfecit teste Plutarcho in vita Periclis, vt huius rei causa prædia reliquerit & vites incultas: iamque pallio obuolutum & fame prope confectum

Pericles discipulus singulari munificentia subleuauit: sed persequamur institutam disceptationem. Superest agendum de

astrorum motu, at cum nihil difficilius sit, nec admi-

rabilius, materiam arbitror esse dignissimam

cuius contemplationi proximam noctem

& disputationi diem crastini dedice-

mus. CHA R. Atque hîc, vt

arbitror, obseruabis quàm

securius sit cum Ari-

stotele, quàm

cum tuis

an-

tiquis philo-

sophari.

\* \*

\*



## De motu astrorum.

C I R C V L V S D E C I M V S.

ARISTÆVS. CHARILAVS.



**A**RIST. De astrorum motu locuturus mitto quæstiones acutas quidem, sed acutis aristis inutiliores, scilicet motum in orbem esse simplicem & expertem contrarij: vbi vestris vos acumini- bus compungitis, nam cum ad simplicitatem motus, non modò lineam simplicem, sed etiam corpus simplex requiratis, nescitis an ex motu simplici cognoscatur corpus simplex, an ex corpore simplici simplex motus: nec facilius dicere potestis cur duo corpora mota ab extremis rectæ lineæ punctis, in medio sese allidunt motu contrario, quàm quæ per lineam circularem in se incurrunt. Veteres qui stellas omnes non minus quàm Terram putant esse compositas, simplicem motum desumunt a sola linea simplici, contrarium verò a maiori vel minori repugnantia, qua motus vnus impedit alterum. Quare non laborant an motus astrorum dicantur simplices, an mixti, an habeant contrarium, an contrario careant, cum circa Solem suum, veluti lampadem, singuli orbes rerum inexplicabilium feraces circulos suos conficiant, non absolutos vbique, sed interdum contortius inflexos, vel potius ellipses, dum per immensos ætheris campos vario motu consensus & repugantiæ concitantur. De principio autem & causâ effe-

*De principio  
quo mouen-  
tur astra.*

ctrice illius motus, cum Theologis primùm vno verbo possumus rem expedire, si dicamus intelligentias vniuerso præesse secundùm præcipuos motus ad locum. Sed etiam nihil verat quin asseramus cum antiquis ad hoc sufficere naturam cuiusque rei: non enim minor est difficultas in explicando quales sint illæ intelligentiæ, quàm si ad rei naturam confugiamus. Atqui videtur omnino philosopho dignius, extra naturam non quærere, quod in ipsa facile & promptum habetur. Quod igitur dicam in lib. Meteor. de principio quo fit reciproca maris æstiuatio, accommodandum est singulis orbibus, prout expostulat eorum natura, vim habens spiritus sibi familiaris, quo nonnulli orbes tam circa se, quàm circa alios conuertuntur. Inquam sententiam meminî dicti sapientis, quod accepi a Ioanne Baptista Ruschio eximij ingenij & doctrinæ viro, dum Pisis eius doctissimas lectiones tam medicinæ quàm anatomes libenter audio, scilicet nihil apud nos exprimere melius astrorum motus irrequietos, quàm admirabilem vim illam spiritus, quo totus sanguis a corde procedens ad cor ipsum redit in circulum. Quod si in microcosmo hæc fieri quotidie videmus, nec tamen satis comprehendimus qua ratione sanguis mouetur in orbem, quanto difficilius est in macrocosmo vim intelligere, qua spiritus agit vnumquemque globum a nobis

remotum tanto intervallo, sed quàm difficile nobis, tam facile esse naturæ arbitrandum est. Ea virtus singulorum orbium qui Solem suum circumeunt, ab ipso dependet & eo intercidente aboletur: nam dum ille circa se vertitur, impertit spiritum suis comitibus, quo ipsius motum imitentur, atque etiam quo eum sequantur, dum aliò tendit. Ita Sol noster quem dixi moveri circa se vno circiter mense a parte occidentali ad orientalem, spiritum communicat suis omnibus planetis, vt similem motum absoluant singulorum distantia, naturæ, ac magnitudini respondentem: Mercurio proximo, calido, & paruo tribus mensibus, Saturno verò remotissimo, frigido, & magno triginta annis, cæteris media quadam proportionem: & si Sol aliò com-  
 meat, vt mox inquiremus, necessum est vt omnes planetæ eum comitentur. Verùm a quocunque tandem principio sit ille motus, consideremus primùm an sphaera octaua tota moueatur supra polos eclipticæ in consequentia, id est secundùm ordinem signorum motu tardissimo, nempe viginti quinque, aut triginta, atque adeo vt vetustiores tradidere, triginta sex milibus annorum. Si per sphaeram octauam intelligamus orbem infinitum, qui iuxta Democritum in vniuerso reperiuntur, illa neque supra eclipticæ, neque supra polos mundi moveri potest, alioqui corpus infinitum absolueret finito tempore motum in orbem. Si verò per sphaeram octauam intelligamus tantùm aspectabiles stellas mille & viginti duas, quoniam comprehendunt finitum spatium, nihil prohibet eam supra polos vtrosque moveri posse, saltem ab angelis Theologorum. Sed omnino nullus est octauæ sphaeræ motus in consequentia (nisi forte apparens) quem primus omnium finxit Hipparchus ex observationibus Aristarchi Samij, Cononis & Timocharis. Timochares observauit stellam inter Pleiades mediam distare ab Æquinoctiali gradibus 14. min. 30. Hipparchus postea grad. 15. m. 30. mox Ptolemæus grad. 16. m. 15. Idem Timochares Spicam constituit in gr. 22. Virginis, Hipparchus in 24. Ptolemæus in gr. 26. m. 30. Fracastorius in gr. 17. Libræ. Hipparchus sicut Timochares non modò Pleiades seu Virgalias observauit, sed etiam caudam Ursæ maioris, Capram, Spicam, humerum Orionis, easdem Ptolemæus processisse vidit post annos 265. sic alij mathematici Agrippa, Menelaus & Albategnius. Ptolemæus stellam quæ est in fronte Scorpionis constituit in gradu 6. m. 20. eiusdem signi, eam Albategnius postea reperit in gr. 17. m. 50. Non obseruarunt autem id quod præcipuum erat, scilicet an omnes stellæ tam boreales quàm australes eundem processum habeant, eundem tamen omnibus tribuunt. At si sphaera octaua est immobilis & processus ille oritur ex motu magni orbis vnâ cum planetis, fieri potest vt cauda Cynosuræ & stellæ vicinæ polo australi nullum processum habeant, exiguum verò quæ ab illis propius absunt, maximum autem quæ sunt in Æquinoctiali. Hinc est quòd quantus sit ille processus, non conuenit inter astronomos, ob motum stellarum inerrantium hæcenus incompertum nobis & inexploratum, inquit Regiomontanus. Illis vnum gradum centenis annis tribuit Ptolemæus, sexagenis Albategnius & Tycho, octuagenis alij, ita vt motu trepidationis ille gradus ad priorem statum referatur. Copernicus sequens aliorum hypothesim, earum motum



facit velocem & tardum, ita ut veloci gradus unus absoluator sexaginta annis, tardo centum annis. Erroris causa fuit, quod Eudoxi tempore æquinoctium vernum committebatur ferè in maxima stella quam habet cornu Arietis, iam verò plusquam 28. gradibus ab ea recessit ad pisces. Cum igitur videret Hipparchus æquinoctia suo ævo promota esse in antecedentia, eò quod essent ab epocha stellæ designatæ remotiora quàm fuerant Eudoxi tempore, ut habet Iosephus Scaliger epist. ad Davidem Riualdum, non dubitavit pronunciare æquinoctia immobilia esse, sphaeram autem inerrantium moveri. Neque solum hoc sibi persuasit, inquit Scaliger, sed & Ptolemæo, Ptolemæus posteritati, tantum valet præiudicata autoritas. Sphaeram etiam solidam innouavit, cuius polus arcticus abesset a cauda Cynosuræ gradibus 12. m. 24. idque maluit sibi persuadere, quàm an ita res haberet, noctu coelum ipsum consulere: quod non possum satis mirari, cum non solum eius ævo, sed etiam ducentis octodecim annis ante illum cauda Cynosuræ non plus abesset a polo mundi quàm hodie abest, ut Eudoxus observauit. Rursus Eratosthenes qui centum viginti octo annis post Eudoxum scripsit, idem de eadem stella pronunciauit: idem pronunciarunt qui sub Augusto scripserunt. Si igitur ante Hipparchum annis 218. cauda Cynosuræ erat ut hodie, quomodo constat ratio Hipparchi, eam abfuisse à polo mundi gr. 12. m. 24. Nam si sphaera inerrantium, ut sanxit Hipparchus, mouetur in succedentia, & illius quo Cauda Cynosuræ aberat a polo gr. 12. m. 24. sequitur ut ævo Eudoxi remotior esset a polo, puta gr. 13. aut 14. hoc enim ratio processus illius postulat: atqui non plus distabat a polo quàm hodie: ergo & sibi ipsi & omnibus qui eum secuti sunt, imposuit Hipparchus. Quod autem de cauda Cynosuræ dictum est, intelligi debet de omnibus stellis quæ sunt circa polum Eclipticæ, maximè verò quæ ab ea remouentur gradibus circiter viginti tribus & medio, quantum ab eodem distat polus mundi, necesse enim esset eas omnes stellas ad polum mundi accessisse iam vel recessisse gradibus viginti & octo, quot nimirum Aries processit in consequentia: at ille accessus & recessus non obseruatur, ut ait Scaliger, ac propterea putat Copernicum primum arguisse motum hunc sphaeræ octauæ, tanquam ridiculum & fabulosum. Vos, inquit Copernicus, putatis sphaeram octauam in consequentia moveri, videte num potius æquinoctia in anteriora processum faciant. Inde vir ille omni laude maior concludit esse *ἰσημερινὸν προήγῃσιν*, non autem *τῆς σφαίρας κίνησιν εἰς τὰ ἐπόμενα*, nam altero dato tolli alterum necesse est: si enim non est motus sphaeræ octauæ in consequentia, omnino est motus æquinoctiorum punctorum in antecedentia. Hæc rectè Copernicus, subdit Scaliger, sed *τὸ καριώτατον* omisit, vel quia non animaduertit, vel quia desperauit posse demonstrari: nam cum æquinoctialia puncta mobilia sint, & circulum maximum qui ad ea describitur per 20. Sphaeric. element. mobilem esse omnino necesse est, & si circulus est mobilis, & polus quoque mobilis: proinde non est idem polus Æquinoctialis & polus mundi: nam polus mundi est immobilis, ille mobilis, & consequenter omnes circuli maximi per illos po-



los transeuntes, id est meridiani sunt mobiles: adeo ut horologia, & scio-  
 terica vasa lineæ meridianæ imposita post aliquot annos decoquant fidem  
 suam, quod linea mota sit a pristina epocha. Si ergo Scaliger Copernicum  
 non intelligens credit se ratione inuenisse processum illius in consequentia  
 & plebeios putat mathematicastros qui secum non sentiunt, neque vident  
 Æquinoctialem circulum non esse rectum ad polos mundi, ut vulgo pingi-  
 tur. Verum ut processum Arietis in consequentia explicetur per processum  
 æquinoctiorum in antecedentia, si mathematicastri concedant Scaligero  
 necessum esse ut axis mundi non transeat per Æquinoctialem ad angulos  
 rectos, siue ut ait, Æquinoctialem circulum non esse rectum ad polos mun-  
 di, nec eundem esse polum mundi & Æquinoctialis, iam ex ea Scaligeri do-  
 ctrina aliud absurdum sequitur: nempe quod gradibus circulus Æquino-  
 ctialis iam recessit a maxima stella Arietis, cui olim ferè committebatur,  
 totidem polus Æquinoctialis a polo mundi recessisse debet: at Æquinoctia-  
 lis a maxima stella Arietis adeo recessit, ut illa parum absit a Tropico, cum  
 tamen polus Æquinoctialis nihil distare videatur a polo mundi, ut quivis  
 obseruare potest: nam si nocte designet lineam meridianam beneficio stella-  
 rum, videbit eandem esse quam ad Solem efficiet sequenti die: non est igitur  
 alius mundi polus & Æquinoctialis. Alio itaque modo Copernicus  
 intelligit, processum æquinoctiorum in antecedentia, nempe 25. circiter  
 millibus annorum mouendo axem Terræ circa polum Eclipticæ, a quo di-  
 stat grad. 23. & medio. Hunc modum Galileus fortè voluit significare  
 Dial. 3. ubi ait axem Terræ inclinatum plano Eclipticæ grad. 23. & medio  
 parallelum semper esse sibi ipsi, dum fertur annuo motu circa Eclipticam,  
 multis tamen annorum millibus in eo mutationem aliquam apparere. Quæ  
 sit autem illa mutatio prudens dissimulat, & sub finem Dialogi quarti no-  
 tat obseruatam fuisse a Cæsare Marsilio tardam quidem, sed tamen conti-  
 nuam lineæ meridianæ declinationem. Hæc meridianæ declinatio, si Sol  
 & stellæ fixæ manent immobiles & axis Terræ non fertur circa polum Ecli-  
 pticæ spat. 0 25. circiter millium annorum, ut docet Copernicus, explicare  
 non potest motum æquinoctiorum in antecedentia, sed tantum ostendit  
 axem Terræ non semper transire per easdem Terræ partes oppositas: vnde  
 fit ut sensim sine sensu aliæ atque aliæ regiones sint sub axe positæ, & populi  
 Zonæ quæ nunc est frigida, referantur ad Æquinoctialem, tandemque lo-  
 cus poli Arctici ad Antarcticum & ortus ad occasum, quod ex sacerdotum  
 Ægyptiorum sacra fide & reconditiore monumentis Herodotus lib. 2.  
 testatur olim bis accidisse. Atque ex ea viri solertissimi obseruatione, cui  
 mathematici deberent impensius curam omnem & studium adhibere, ha-  
 bemus singulare consilium naturæ & admirabilem prouidentiam, ne ea-  
 dem pars Terræ damnaretur tam longo frigori, sed singulæ regiones suo  
 tempore Solis omnes aspectus haberent, quod tamen ob lentitudinem mo-  
 tus & vitam hominum breuissimam, non agnoscitur. Ex ea mutatione  
 axis conficere possumus vim illam, qua Terra se dirigit ad certam partem  
 sphaeræ octauæ transire paulatim ab vno ad alium Terræ locum: vnde mu-  
 tari necesse est regionum climata, urbium latitudines, situsque solariorum,

*Declinatio  
 linea meri-  
 diana.*



rum, quæ lineæ meridianæ imponuntur. Æquinoctialis quoque Terræ cùm axe mutatur & transit ad aliam Terræ partem, sed quoniam est semper axis perpendicularis, si nulla alia fieret mutatio, reperiretur adhuc Æquinoctialis sub stella Arietis, sicut erat tempore Eudoxi, nec puncta æquinoctialia promouerentur in antecedentia. Quare hoc fieri debet ob aliquam aliam axis mutationem, scilicet inclinationem significatam a Galileo, sed non declaratam. Non poterat autem eam explicare ponendo, ut facit, Solem & sphaeram octauam immobilem, nisi axis Terræ respiceret iam partem sphaeræ octauæ diuersam ab ea quam respiciebat tempore Eudoxi. Huius consequentiæ necessitatem melius intelliget, qui in sphaera, vel globo cœlesti artefacto considerabit, quomodo axis Terræ secaret Eclipticam, si per eam ferretur annuo motu sibi semper parallelus & vbique 23. gradibus & medio ad planum Eclipticæ inclinatus. Obseruabit solstitia nihil aliud esse quàm puncta, ubi axis Terræ secare videtur Eclipticam ad angulos rectos. Obseruabit etiam æquinoctia esse puncta, in quibus axis Terræ quàm maxima potest obliquitate secat Eclipticam, quantumvis Ecliptica consideretur ut linea recta. Ut igitur aliquando solstitia contingant in ea parte sphaeræ octauæ, in qua prius æquinoctia fiebant, ita ut solstitia promota sint in antecedentia nonaginta gradibus iuxta Copernicum, necesse est ut axis Terræ eadem obliquitate secet Eclipticam in Cancro & Capricorno, qua secebat prius Arietem & Libram: contra vero ut secet Arietem & Libram ad angulos rectos, ut prius secebat Câcrum & Capricornum tempore Eudoxi. Sed hoc fieri non potest nisi axis Terræ respiciat aliam atque aliam partem sphaeræ octauæ: unde accideret ut Cynosura non semper eodem interuallo distaret a polo, quod consideranti globum cœlestem manifestum erit. Verùm antequam statuatur quem alium motum Copernicus potest tribuere Soli & axi Terræ dum ait: Vos putatis sphaeram octauam in consequentia moueri, videte num potius æquinoctia in anteriora processum faciant, primum considerandum est an processus æquinoctij in anteriora, fiat secundum eandem omnino lineam, quæ Eudoxi tempore pro Ecliptica designabatur. Nam si ita fieret, necesse esset stellas quæ nunc sunt in Ecliptica, ut cor Leonis, ibidem fuisse viuente Eudoxo, licet promotæ sint in consequentia: similiter necesse esset stellas Eclipticæ vicinas eandem latitudinem semper retinere, id est eodem interuallo semper ab ipsa distare: at Tycho contra Copernicum variari putat stellarum latitudines, quod citra mutationem Eclipticæ fieri non potest. Tempore Eudoxi æquinoctium ferè committebatur in maxima stella Arietis, quæ proinde debebat esse ferè in Ecliptica simul & Æquinoctiali, hodie tamen respectu Eclipticæ ea stella latitudinem habet multorum graduum, respectu autem Æquatoris tantam habet declinationem, ut penè tangat Tropicum Cancræ: ergo necesse est mutatam fuisse Eclipticam quæ erat Eudoxi tempore. Quod rursus confirmat nullum dari motum sphaeræ octauæ supra polos Eclipticæ, & fortè omnes illas mutationes petendas esse ab aliquo motu totius magni orbis hæcenus ignoto, quo demonstretur æquinoctia tendere paulatim ad partes australes, nulla habita ratione Eclipticæ: adeo ut cùm æquinoctia peruenerint ad Tro-

*Sol non est immobilis,*

*Mutatio lineæ Eclipticæ.*



*Processus  
equinoct. nō  
fit ex muta-  
tione poli au-  
stralis.*

picum Capricorni, tendant ulterius ad polum Antarcticum, ut singula Terræ loca fruantur vario stellarum aspectu. Considerandum quoque videtur non modò an Terræ polus septentrionalis respicit semper eandem partem sphaeræ octavae, sed similiter polus australis. De Arctico quidem habemus aliqua veterum astronomorum testimonia, quæ affert Scaliger, de altero verò, quoniam fuit ignotus antiquis, ferè nihil extat, nisi quòd Canopus stella primæ magnitudinis nobis occulta, Rhodijs perstringebat horizontem tempore Plinij (ut ipse testatur) quod etiam nunc facit, si credimus nautis. At si processus æquinoctiorum oriretur ex sola mutatione poli australis, maior esset Canopi mutatio quàm Arietis: maior enim esset mutatio poli australis quam Æquinoctialis, proinde Rhodijs non perstringeret amplius horizontem. Quòd si sphaera octava mouetur, ut ait Hipparchus, etiam aliqua differentia Canopi videretur, sed quoniam ea nunc vix accederet ad medium gradum, nec simus an Plinij tempore contingeret ad vnguem punctum horizontis, Clavius putat eo argumento rejci non posse motum ab Hipparcho concessum octavae sphaeræ, quia nautarum rudis indagatio negligit accuratas observationes medijs gradus: Quapropter ait a tempore Hipparchi ad nostrum accessisse Cynosuram ad gradus 3. minut. 30. a distantia graduum 12. minut. 24. quantam Ptolemæus fuisse dicit viuentem Hipparcho. Sic alij affirmant decrescere nunc eam distantiam Cynosura a polo, sed fore ut crescat post ducentos annos. Ex ea Canopi observatione refelli potest, qui diceret axem Terræ ex vna parte veluti affixum esse polo Arctico, ex altera verò solutum a polo australi. Similiter reninceretur, qui assereret motum illum magni orbis fieri circulo ducto circa partem sphaeræ octavae, quam respicit Terra, dum Solem comitatur vnà cum planetis, aut per alium circulum minorem, qui inter vtrumque polum contineretur. In tanta rerum obscuritate suspicari posset aliquis magnum orbem tendere paulatim ad meridiem per circulum adeo magnum, ut pars quam confecit ab Eudoxi tempore non videatur differre a linea recta parallela axi. Sic Ariès apparebit ad septentrionem accessisse, Terræ Æquator respondebit stellis magis australibus & polorum situs non erit mutatus. Quòd autem de magno orbe dictum est, intelligi debet etiam de planetis omnibus & Terra ipsa: nam quia magnus orbis, ut ostendi prius, in sphaera octava vix appareret magnitudine trium minorum & multò minor, si illa remotior est quàm putant astronomi, idem punctum statui potest pro Terra, Sole & magno orbe. Contra hanc hypothesim tamen obijci potest, quòd si absurdum videtur in sententia Copernici de motu Terræ per Eclipticam, nos accedere propius ad quasdam stellas tota diametro magni orbis, a quibusdam verò recedere, nec diuersitatem vllam percipi visu, quanto absurdus erit nos supra quàm dici potest, magis accessisse ad stellas australes citra vllam diuersitatem imaginum, magnitudinis & oppositionum ab antiquis astronomis descriptarum. Respondebit forsan distare sphaeram octavam a Terra eo intervallo quod sufficiat, ne diuersitas imaginum & magnitudinis ad sensum appareat bis mille annis. Qui autem dicit nimiam hanc videri distantiam, si illam non comprehendit, cur nimiam vocat? si comprehendit,

cur



cur immensitatem vniuersi intellectu suo minorem putat? Maior difficultas est oppositionum, nam punctum quod maximæ stellæ Arietis opponebatur tempore Hipparchi, hodie non opponitur amplius, si Terra cum orbe magno processit ad meridiem & ita de alijs. Sed cum non habeamus certas omnium stellarum oppositiones quæ erant viuente Hipparcho, ex ijs aliquid certi vix concludi potest, maximè cum tam lentus sit ille motus, vt priorum imaginum cœlestium, magnitudinum & oppositionum memoria omnes aboleatur, dum per infinita spatia vniuersi perpetuo illo & incomprehenso motu Heracliti omnium siderum ordo mutatur, ita vt quod dixi de nostro orbe magno, idem habendum sit de alijs omnibus: & vel ex eo videre licet, quàm parum de astrorum innumerabilium ordine, motu & magnitudine capere possimus, qui ne Solis quidem nostri cursum agnoscimus. Quod si obseruationes astronomicæ post multas annorum myriades ostendent immutabilem vtrumque polum, easdemque semper imagines stellarum, magnitudines & oppositiones, vt nunc ferè omnes opinantur, hypothesis alia sequenda erit, qua processus æquinoctiorum explicetur. Hæc interim Copernicus acutissimus astronomus non satis declarauit, forte quoniam, vt ait Scaliger, vel non animaduertit, vel desperauit posse demonstrari. Non adeo tamen standum est dictis Scaligeri viri cæteroquin doctissimi, sed in astronomia minus versati, vt propterea contra Ptolemaum, a quo vno habemus veterum omnium astronomorum obseruationes, dicamus Cynosuram æqualiter distare semper a polo mundi. Nam licet ex maiori distantia quam prius habebat, iam remoueat vix tribus gradibus, vt neoterici quidam affirmant, & in ea motus appareat, qualem ait Ptolemaeus, non sequitur tamen moueri sphæram octauam: eius enim processus apparens explicari potest torquendo axem Terræ circa Eclipticæ polum, vt ait Copernicus, ea lentitudine motus qui tribuitur sphæra octauæ, quippe eadem contingent, siue axis Terræ cogitatione productus ad sphæram octauam moueatur per circulum a polo Eclipticæ distantem 23. grad. & medio, siue circulus ille mobilis transeat per extremitatem axis immobilis eò producti. Et certè hæc hypothesis esset omnium facillima, si constaret omnes stellas sphæra octauæ, præcipuè verò Cynosuram eundem omnino habere processum apparentem quem Aries habet. Nam si axis Terræ circa polum Eclipticæ paulatim fertur ab ortu ad occasum, sphæra octaua licet immobilis videbitur tendere ab occasu ad ortum & punctum æquinoctij in antecedentia. Neque propterea opus est alium esse polum Æquinoctialis & polum mundi, vt putat Scaliger, quia non alius est polus mundi, quàm qui designatur ab axe Terræ in sphæra octaua, vbi quanquam axis signat modò hoc modò illud punctum in circulo distante ab Ecliptica viginti tribus gradibus & medio, semper tamen secat Æquinoctialem ad angulos rectos, proinde idem est polus mundi & Æquinoctialis. Sed neque propterea fit mutatio lineæ meridianæ, nisi axis paulatim transeat, vt dixi, per alias atque alias Terræ partes, quem motum Galileus videtur confundere cum præcedente. Mirum est enim, si rectè percepit motum quem Copernicus tribuit axi ab ortu ad occasum, quomodo tam acerbè Clara-



montium habet, velut, ignarum hypotheseos Copernicanæ, eò quod dixisset a Copernico præter motum ab occasu ad ortum, alium ab ortu ad occasum attribui Terræ. Sed forte opinatus est Claramontium loqui de motu diurno Terræ 24. horarum, id autem arbitrari debebat longè alienum a viro tantæ eruditionis: quare veleius gloriam obscurare voluit, vel ipse non aduertit axem Terræ iuxta Copernicum moueri ab ortu ad occasum circa polos Eclipticæ, eo modo quo ipse declarat in figura propria, quæ ob multos sculptoris errores non facilem habet intelligentiam: sed satis clara sunt eius verba. Audire iam velim an aliquis Peripatericus faciliorem modum ex Aristotele depromptum habet, quo importunus ille processus æquinoctiorum intelligatur. CHA R. Iampridem hunc nodum proposui soluendum compluribus philosophis atque astronomis, verùm nec precibus eblandiri, nec importunitate quidquam extundere potui, quo res planior videri possit. Sicut igitur Aristoteles 2. De cœlo 60. Ægyptijs & Babilonijs ait fidem esse habendam in ijs rebus, ita nos memores illius dicti ἔρδοι τις ἢν ἕκαστος εἰδὲν τέχνην, astronomis illud quidquid est negotij remittamus. Ex ijs tamen videre licet, an vere dictum sit a Galilæo, omnes opportunitates in systemate Copernicano reperiri, cùm explicare non possit processum æquinoctiorum, nisi per motum axis circa polum Eclipticæ, vel nisi totus orbis magnus instar vnus globi promoueatur. A R I S T. Duo tantùm breuiter attingam quæ pendere videntur ex motu cœlesti: primum est an detur Platoniorum annus ille magnus, quo vertentes penitus eadem longis referantur interuallis, vt canit Virgilius.

*De anno  
Platonico,  
& astrologia  
iudicaria.*

*Atque iterum ad Troiam magnus mittetur Achilles.*

Alterum est de fide astrologiæ iudicariæ. Ad primum dicendum est in mundorum infinitate id fieri non posse, tum quia corporis infiniti non datur motus vnus in orbem, qui absolui possit, ita vt omnia quæ prius erant, restituantur: tum quia corpuscula simplicia, seu primæ naturæ transeunt vicissim ab vno ad alium mundum, vnde necesse est semper noua generari, & nunquam redire eundem Achillem. Sic natura videtur admirabilior, quàm si veluti Penelope sæpius retexeret eandem telam. In vniuerso autem finito, vbi omnia in orbem referuntur, ita vt posterior motus pendeat ab anteriori, necesse est eadem redire infinitè, saltem iuxta eos qui dicunt generationem fieri per congregationem & secretionem, nam qui putant cum Aristotele eam fieri per formarum educationem, afferunt formam quæ perit, nunquam eandem numero exsuscitari ad alterum de astrologia iudicaria dicendum est multa quidem eius præcepta videri certa, tum ex antiquis prædictionibus, tum ex neotericis, quibus ad vnguem respondet euentus, dummodo fiant accuratè, vt innumeris exemplis non minus admiratione quàm fide dignis confirmare possem, plura tamen inanissima sunt, quæ ne animos impleant superstitione, vt ait Tullius & exhaustiant domos, reijci debent: alijs verò prudenter vtendum ad prouidendas anni tempestates, valetudinem animalium, & frugum opportunitatem. Genethliaci meritò reprehenduntur, quòd nimis addicti sint vni puncto temporis quo infans nascitur, cùm ex naturæ vnde oriri dicunt necessitatem, imprimere possint

vim



vim suam etiam alijs temporibus quę illi negligunt. Verum ex natura non sunt, vt illi arbitrantur, astra sola, sed multò magis elementa quibus constamus, parentes & vniuersa vitę institutio, vnde textitur catena illa adamantina necessitatis, qua veluti Iunonem Homericam, nos e cœlo suspendi volunt. Hęc igitur omnia spectari debent in prædictionibus, vt respondeant ad ea quę vulgo genethliacis obijciuntur: Cur simul nati tam diuersum habent vitę cursum & exitum: Cur eodem prælio vel naufragio sublati natalem habuerunt adeo diuersum: Quomodo vis ea quę imprimitur infanti occidendo, imprimitur etiam interfectori, qui natus est alio tempore. Quomodo & vbi aëtherum aspectus ille qui non est amplius, vim eam conseruat tanto post tempore operaturam. Hęc non minus labefactant eorum artem, quàm quòd, vt ante monui, cœli descriptio non rectè tradita est ab ijs astronomis quos illi sequuntur. CH A R. Mitte obsecro quę pertinent ad puros astronomos & veni ad systēma Copernici Romę damnatum, vt ostendatur, si fieri potest, deesse potius argumenta ad Terram mobilitandam, quàm ad immobilem asserendam & vterque hoc vnum pugnemus.

## De immobilitate Terrę.

### CIRCVLVVS VNDECIMVS.

#### ARISTÆVS. CHARILAVS.



**A**RIST. Copernicus hodie damnatus a multis videri possit, vt quondam Homerus a Platone, qui in lib. De summo bono, eum a republica sua vnguentis quidem delibutum & coronatum, sed tamen dimitti voluit, fortè vt commodius in loco solo sibi ac sapientibus retineret. Sic Copernicuseximia pompa celebratus a Galilæo, procul a rep. hoc est ab ingenijs plebeis relegatur. Expulsum non tam a Platone quàm a rep. Platonis Homerum magnus excepit Alexander & inter spolia Darij, vt refert Plinius, scrinio vnguentorum capto, quod erat auro, gemmisque, ac margaritis preciosum, varios eius vsus amicis demonstrantibus, immo Hercule inquit, librorum Homeri custodię detur, vt pretiosissimum humani animi opus quàm maximè diuiti opere seruaretur. Opus quod Agatareides in Bibliotheca Phocij dicit sub Homeri nomine ab Apolline fuisse conscriptum, adeo vt inquit ibidem Ephestion, Homerum citaturus Apollinem in Iliade citaret. Detrusum a superstitioso Pythagora ad inferos & ex arbore pendentem ob inuentiones poeticas, Ptolemaus Philopater reduxit ad superos & nobilissimo ei templo extructo sedentem collocauit, positus iuxta eius simulacrum cinitatibus, quę sibi illum vindicabant. Ita Copernicum, licet de rupe Tarpeia aut de ponte veluti sc-

nem

nam deiectum in Tiberim in ore maiorum, nec regia munificentia, nec hospitalitas vquam deficiet. Interim ut ostendatur eius systema Romæ fuisse iure damnatum, sufficiunt argumenta quæ petuntur e sacris literis, & si nullis rationibus euidenter demonstrari potest Terram mobilem esse, vel immobilem. Psal. 103. Terra dicitur stabilis & nunquam inclinari. Ecclesi. 1. in æternum stare: contra verò Sol oriri & occidere, gyrare per meridiem & flecti ad aquilonem, currere instar gigantis, stare orante Iosue, retrogredi iubente Isaia. Hæc quidem videri possunt accommodatè dicta ad vulgi captum: nam & si Deus, ut verè potuit, fecisset Terram moveri circa Solem immobilem, perinde vulgus credidisset quiescere Terram & moveri Solem: ita ut si Iosue non Solem sed Terram stare iussisset, Isaia verò retrogredi, eos deliramenta loqui dixisset. Propterea etiam ipse Deus ut verba sua componat ad vulgi mentem se ire ac redire dicit, obliuisci, inquirere, ridere, euomere, irasci, dolere, poenitere. Non debent tamen hæc sacra dicta de Terra immobili sine necessitate, quæ hic nulla est, a germano sensu detorqueri: ut optimè monebat olim Georgius Tromba theologus profundus vulgo appellatus, qui Copernici opinionem usque adeo periculosam esse dicebat, ut ea posita non ollæ modò sursum deorsum, sed etiam omnia sacra subuerterentur. Sol enim, inquiebat, & proinde Deus qui in Sole posuit tabernaculum suum, cum beatis omnibus erit in medio mundi, hoc est in inferno. Quòd si Copernicus infernum esse dicat in medio Terræ, ibi quoque Dei sedes erit, quoniam apud ipsum Terra est loco primi mobilis, cui primus motor insistit: omnes reprobi & cacodæmones cum Terræ facibus simul erunt in inferno atque in cælo, unde tamen isti præcipitarunt tanquam fulgur: nec Copernicus dicere potest cur ceciderunt in Terram potius quàm in aliam stellam. Præterea quod ait de Terræ habitatoribus, existimandum est de alijs stellis, in quibus oportet eos qui ibi vitam agunt, aliam a nostra religionem accepisse, quod videtur abhorrens a sacris literis, unde habemus stellas ipsas e cælo casuras, & sicut cætera omnia propter hominem fabricatas, veluti luminaria nostra, non autem muros, & alia complura quæ ille ex meliori & subtiliori sua theologia deducebat. Quare theologi profundi exemplo eam opinionem exagitemus & incessamus, non ut multi alij *testique lutoque securi quò pes cadat*, sed duplici genere argumentorum, vno a sensu, altero a ratione physica, deinde aduersariorum argumenta ab utroque genere petita soluamus. Primum absurdum est quòd in hypothesi Copernicana sensus videndi perfectus circa obiectum suum, scilicet lumen & motum factum in medio conuenienti & ipsa distantia decipiatur, maximo philosophici criterij damno. Videmus enim Terram non esse vnā ex stellis errantibus, quoniam istæ lucidæ sunt, illa obscura. Videmus nos esse in medio positos, ut secundum Anaxagoram cœlestia omnia contemplerur. Videmus lapides e summa turre demissos cadere secundum muri rectitudinem, non autem obliquè, ut accideret si Terra moueretur. Videmus projecta in altum ad lineam, recidere ad pares angulos in eundem locum. Videmus sagittas aut glandes plumbeas vibratas ad ortum, occasum, meridiem & septentrionem ad destinatum

*Argumenta  
pro immobi-  
litate Terræ  
petita a sen-  
su, & respo-  
sio aduersar.*



punctum tendere, perinde ac si Terra esset immobilis. Videmus nubes aues & pisces sese in aere & aqua sustinere velut immobiles. Videmus nihil exuti a Terra, ut sit in ijs quæ vertigine aguntur. Videmus nihil molestiæ nobis afferri a vento perpetuo quem excitari oporteret a velocissimo Terræ motu tam diurno quàm annuo. Respondent ad primum Terram & planetas obscuros esse, lucidum verò Solem & aspectabiles stellas octauæ sphaeræ. Ad alia respondent eadem omnia accidere ijs qui conclusi nauigio feruntur ab occasu ad ortum motu æquabili. Quare fingunt Terram atque aerem velut vnum corpus circumagi & a nobis inclusis non magis sentiri motum communem, quàm si non esset: neque enim par est ratio eius qui intra nauim, ac illius qui supra nauigat: nam ille non habet auram aduersantem, hic verò sentit contrarium aeris impetum. Iniquior etiam est comparatio natantis aduerso flumine, quia fluminis motum non sequitur aer & Terra, proptereaque natans difficiliter progreditur in vnam partem quàm in aliam, quo l non accideret, si flumen & Terra conspirarent in vnum motum: natans enim eiusdem motus particeps posset æquè facillè comœare in quamcunque partem, addendo scilicet aut subtrahendo aliquid a motu communi. Irrident etiam quòd veremur sensus hallucinari, si non percipitur cuius & qualis sit motus: negant hoc pertinere ad sensum externum, nisi internus adiungatur, qui ex rerum comparatione & æstimatione decernat quid moueatur, quid quiescat, quare non est error sensus externi sed interni. Cuiuscunque verò sit tandem error, natura non tantoperè curauit philosophicum criterium, ut opera sua voluerit ad sensus nostros accommodare potius, quàm ad opera sua sensus nostros: sic euadere conantur vim argumenti contra motum diurnum suis subterfugijs. Addamus igitur aliud ex annuo motu, nimirum quòd si, ut aiunt, axis Terræ feratur per Eclipticam sibi semper parallelus, & concipiatur produci ex vtraque parte vsque ad sphaeram octauam, in ea describet basim cylindroidis, Galilæus ait cylindrum, sed inconsideratè: nam propter obliquitatem Eclipticæ, maior esset distantia parallelarum transeuntium per Arietem & Libram, quàm transeuntium per Cancrum & Capricornum. Axis ergo Terræ non semper designabit idem punctum in sphaera octaua, quo l appellamus cœli polum respondentem polo terrestri, intercedet enim differentia quæ est inter puncta Arietis & Libræ in Ecliptica, hoc est orbis magni diameter. Hanc diametrum antedixi visum iri magnitudine trium ferè minorum in sphaera octaua, cum ageremus de stellis fixis, posita distantia earundem ab orbe magno, quam communiter recipiunt astronomi: nam si ea distantia maior est ut verè esse potest, tunc diameter orbis magni in sphaera octaua longè minor apparebit, ita ut omnino fugiat sensum. Ex qua doctrina sequi videtur illud absurdum, quòd l maior sit proportio semidiametri octauæ sphaeræ ad orbis magni semidiametrum, quàm istius a Terræ semidiametrum: quandoquidem minor videtur diuersitas in stellis fixis ex orbe magno, quàm quæ ex Terra videtur in Sole: proinde inter Saturnum & fixas incredibile spatium continetur: vnde fit inquirunt, ut axis Terræ percurrentes Eclipticam sibi parallelus, videatur dirigi semper ad idem punctum octa-

*Aliud argumentum pro in mobilitate Terræ.*



octauæ sphaeræ, nec vlla ex stellis fixis maior aut minor nobis appareat, cum tamen Sol perigeus cernatur maior quàm apogeus. Sed quod absurdus est secundum eam opinionem, si orbis magnus in sphaera octaua non habet diametrum quæ sub sensum cadat, haud maior est stella sextæ magnitudinis, cuius diameter etiam penè fugit sensum. Quod si dicant minimæ stellæ diametrum esse quinquaginta duntaxat tertiorum, orbem verò magnum iuxta Copernicum ferè trium minorum, hoc non satis congruit Copernici dictis: ipse enim lib. 1. cap. 6. ait nobis existentibus in horizontali plano & respicientibus per dioptram horizontalem, videri idem punctum sphaeræ octauæ quod videretur a centro per aliam parallelam eidem plano horizontali. Si igitur respiciamus toto anno per lineam parallelam axi, semper habebimus idem punctum in sphaera octaua, non autem differentiam trium ferè minorum, ut dicebatur: atque ita magnus orbis positus in sphaera octaua minor stella vltimæ magnitudinis appareret. Nam si respiciamus stellam sextæ magnitudinis, cuius diameter punctum dici nequit, cum sit 50. tertiorum, necesse est extremos ambitus illius stellæ relinquere: non relinquerentur autem in orbe magno existente in sphaera octaua, si per lineam axi parallelam idem orbis, ut ait Copernicus, veluti punctum conspiceretur. Ad hoc aduersarij nihil aliud referre possunt, quàm videri quidem idem punctum non mathematicè, sed physicè sumptum, hoc est exiguam magnitudinem apparentem, quam citra errorem vix metiri possumus, hoc tamen non ob stare, quin magnus orbis sit punctum huiusmodi physicum tanto maius stella sextæ magnitudinis, quanto maior est Sole idem magnus orbis. Venio iam ad rationes physicas: dicimus primò cum Aristotele motum omnem & proinde coelestem fieri debere circa corpus aliquod immobile, qualis est Terra. Illi verò respondent hoc non requiri ad motum efficiendum, sed tantum ad motum cognoscendum: immo putant non esse necessarium ut corpus respectu cuius fit motus, sit immobile, sed ut non moueatur simili motu. Nam qui sunt in naui celeriter acta, cognoscunt se moueri, non tantum quando transeunt prope nauem immobilem, sed etiam prope nauem motam minus celeriter in eandem partem, aut motam æquè celeriter, vel celerius in aliam partem. Secundò dicimus principium illius motus nec internum esse, nec externum, proinde nullum. Respondent esse simile illi quo mouentur atra: nam quidquid dicitur contra motum Terræ, dici potest contra motum Planetarum & sphaeræ octauæ, siue ille ab intelligentia, siue ab alia virtute perficiatur. Tertio dicimus hunc motum fore violentum Terræ: nam si esset naturalis, partes eius omnes similem motum participarent. Respondent omnes partes moueri quidem circa Terram, sed non circa se, sicut maculæ Solis non circa se ipsas, sed circa Solem conuertuntur. Quarto dicimus eundem motum circularem non posse conuenire rebus diuersis, ut Terræ, aquæ, aeri & igni. Respondent conuenire his omnibus, prout efficiunt orbem vnum mistum, non minus quàm conuenit Saturno & Ioui, atque ijs corporibus quæ ipsos ambiunt. Quintò dicimus corpori simplici non conuenire multiplicem motum. Negant Terram esse corpus simplex, proinde dicunt non minus quàm

*Rationes  
physice pro  
immobilitate  
Terræ &  
responsiones  
aduers.*

astra



astra Iouialia & Solem ipsum ferri posse circa se simul & circa aliud. Sic  
 aiunt a corpore animatorum, a magnete & multis alijs oriri multiplicem  
 motum. Hoc modo argumenta omnia vel soluere videntur, vel eludere:  
 nunc eis vicem rependamus. Non minus illi sensu quàm ratione compro-  
 bare nituntur opinionem veterum quorundam Pythagoræorum, Heracli-  
 dis, Philolai, Hicetæ, Cleantis, Aristarchi Samij, fuit enim alter Aristar-  
 chus, qui apud Plutarchum de facie in Luna Cleantem violatę religionis  
 ab Atheniensibus debuisse postulari ait, quòd immoto cœlo Terram circa  
 se & Solem volui probare conatus esset. Theophrastus apud Plutarchum  
 in septima quæst. Platon. testatur Platonem iam senem poenituisse, quòd  
 mundi medium tribuisset Terræ, qui locus est præcellentiſſimus, præstantiſ-  
 ſimoque competere debet. Eam opinionem iam collapsam reuocauit Co-  
 pernicus, quem secuti sunt Origanus, Gilbertus, Steuinus, Keplerus &  
 alij, quorum rationes, præter alias a se inuentas, refert Galilæus Dial. De  
 duobus System. ijsque magis quàm contrarię sententię argumentis fauere  
 videtur. Prima quæ pertinet ad sensum, petitur a Solis maculis, quæ quo-  
 niam circa Solem menstruo ferè circumactū se reuoluunt, & circulorum  
 quos describunt conuexam partem detorquere mox videntur in contra-  
 rium, quàm priore semeltri faciebant, ex eo Terræ mobilitatem vult in-  
 ferre. Multi valde laborant vt his assentiantur experimentis: propterea  
 quòd macularum inconstans aberratio ita certitudinem flexus obturbat, vt  
 prope solus Galilæus semetrem illam varietatem deprehenderit. Procli-  
 ue est autem quam quis Spartam ornandam suscepit, eam imaginibus vel  
 sola cogitatione informatis conuestire. Tamen quia in tam nobili obser-  
 uatione non oportet viro lynceo refragari, nec retusa atque hebetiori men-  
 tis acie cum eius perspicacitate contendere, satius videtur quidquid est rei,  
 ad macularum circa Solem, vel Solis circa centrum proprium conuersio-  
 nem referre, quàm diuerticulum & latebras in Sole quærere. Quòd si absur-  
 dum videtur tam multiplici motu cieri maculas Solis, non minus absur-  
 dum videri possit, Terram posita mobilitate circumagi triplici motu, nem-  
 pe diurno circa se, annuo circa Solem, & alio ad explicandum processum  
 æquinoctiorum in antecedentia. Nodus autem præcipuus in afferenda ra-  
 tione cur vnus ex illis motibus Solis, aut macularum cum annuo placè  
 congruat, communis est nobis cum Galilæo in æstu diurno maris, cur sci-  
 licet etiam si a Luna, vt ipse ait, non dependeat, ad eius tamen se cursum  
 ita componit & accommodat, vt singulis diebus quadraginta octo minutis  
 vnus horæ, hoc est totidem quot Luna minutis tardius oriatur. Quapro-  
 pter qui in ratione assignanda qua maculę illę mouentur, alios inſimulabit  
 ignorantię, eadem ipsi ignorantia in suo maris æstu non minus turpiter al-  
 linetur. Secunda ratio petitur a modo quo fit æstus maris lib Meteor. con-  
 futando. Tertia posita est partim in indagatione declinationis meridianę,  
 de qua iam dictum est, partim in obseruatione singulis sex mensibus facien-  
 da de stellis borealibus, quæ sunt prope polum Eclipticę, vt cùm transeunt  
 per circulum meridianum, videatur an in eodem semper puncto secent me-  
 ridianum. Sed certè propius vero est huius rei experimentum, quo vel vno,

*Argumenta  
 a sensu con-  
 tra immobi-  
 litatem Ter-  
 ra, & re-  
 sponsiones.*

*Rationes  
physica con-  
tra immobi-  
litatem Ter-  
ræ & re-  
sponsiones.*

si caderet ut sperat, Terram mobilem esse conuinceret, viro nihil intentatum relinquenti contra expectationem olim cessisse. Quarta petitur ab aura perpetua, quæ bellè fiat ab oriente ad occidentem, lenior in Mediterraneo, in Oceano vehementior: unde fit ut navigationes multò citius conficiantur ab ortu ad occasum, quàm ab occasu ad ortum. Sed facile est hanc gloriolam ex eorum manibus extorquere, quoniam nec oritur ex motu Terræ ab occasu ad ortum, nec ex cœlestium corporum motu ab ortu ad occasum, sed a propria causa, ut dicam agendo de ventis. Veniamus ad alterum genus rationum, quæ consistunt in dissensione quam systema Ptolemæi habet cum natura, & consensione systematis Copernicani cum eadem. In illo necesse est post Saturni motum triginta annorum ab occasu ad ortum, sequi motum 24. horarum ab ortu ad occasum in sphaera octaua supra polos mundi, & simul alium eiusdem sphaeræ 36000. annorum ab occasu ad ortum super alios polos, nempe polos Eclipticæ, vbi multa videntur secum pugnare. Hoc enim est primum contra orbium proportionem, quæ maior orbis mouetur tardius minore. Secundò motus ille primi mobilis non minus contrarius esset motui planetarum, quàm si fieret per lineam rectam, ut videre licet in ijs quæ mota in orbem sibi impingunt. Tertiò stellæ eiusdem sphaeræ aliæ tardissimè mouentur, ut polares, aliæ celerissimè, ut æquinoctiales: quinetiam dum supra polos Eclipticæ conuertuntur, quædam a veloci motu paulatim transeunt ad tardiores, quædam verò contra. Quartò cum Terra suis momentis librata sit, & inter Venerem ac Martem veluti filo consensus polis illigata, proinde aptissima ad vertiginem concipiendam, inter tot orbium motus ut maneat immobilis, virtute diuina videtur opus. Denique progressus, regressus, institutionesque planetarum per solidos eccentricos & epicyclos consentiunt quidem calculis astronomicis, sed repugnant naturali cœlorum dispositioni. Contra verò apud Copernicum explanantur hæc omnia facillè & mirificè congruunt naturæ rerum, ut videre licet in figuris ad hoc constructis. Lampas in medio est, circa quam planetæ eò tardius feruntur quò maiores conficiunt circulos, idque vno simplici & æquabili motu in orbem ab occasu ad ortum, quo motu si Terra conuertitur per Eclipticam vno anno & 24. horis circa suum centrum, tolletur Solis motus annuus, tolletur etiam diurnus tam Solis quàm planetarum & stellarum inerrantium, eritque solius Terræ quæ ad hunc motum videtur habilior quàm sphaera octaua, sicut ex alta turre volenti circumspicere camporum immensitates, facilius est caput conuertere, quàm ipsos campos circa se mouere. Ut eluctaretur tot difficultatum impedimenta Claramontius De vniuers. proponit hypothesein allatam supra Circ. 5. negatque confidenter astronomicas obseruationes, quas si admisisset, ut certè debebat, fateri cogeatur astra non minus quàm Terram caduca in spatijs liquidis esse dimensa. Atque id omnino dicendum est ei qui reiecto systemate Copernicano querit naturalem vniuersi constitutionem, nec aliud immutandum est in hypothesi Claramontij, ut explicentur planetarum ἀπώγειον, περίγειον, progressus, institutiones & regressus. Hæc enim omnia perfici possunt ab intelligentijs theologorum per helicem ab



ortu ad occasum ductam, cuius spiræ sint aliæ alijs non modo maiores, ut sit in axe, seu fuso, ut vocant, horologij rotati, sed etiam arctiores aut laxiores, cum motu velociori vel tardiori, prout exigit chorus cœlestis. Præterea singulis inerrantibus assignanda est sua intelligentia, quæ vno consensu atque concentu perficiat cum alijs id quod observatur in octaua sphaera. Ita Copernico valere iusso nescimus aliam naturalem hypothesim commodiorem hac cœlesti saltatione ( ut ita dicam cum Claramontio præfultore ) qua vniuersi constitutionem explicemus. Sed vereor ne planetæ omnes, ac præcipuè Iuppiter conqueratur, ut olim in ludis instauratiuis bello Latino apud Plutarchum in Coriolano, exclametque præfultorem sibi non placuisse, & veluti Clisthenes saltatori Hippoclidæ dicat ἀπορχίσασθαι τὸν γάμον τῆς Αστρολογίας. CH A R. Hæc Claramontio viro doctissimo & de astrologia ceteroquin optimè merito non magis sunt curæ quàm Hippoclidæ, iuxta prouerbium Herodoti lib. 6. Tanti esse putauit vir pius viam præcludere periculosis quibusdam opinionibus quæ ex systemate Copernici sequuntur, ut opere de Vniuerso non dubitaret ea destruere quæ aliàs ipse statuerat. Cæterum eius hypothesi, quæ ut ais, accommodari potest etiam liquido cœlo, saluis observationibus astronomicis, & si omnium optima videretur, tamen aliæ sunt forte commodiores, quas nescimus. Nouit Deus structuram operis sui: nostræ infantie sufficit cum Aristotele & Ptolemæo aliquid exhibere, ut perfectam tanto artificio molitionem adumbremus. Nos enim homunciones mirari subit, qui ne apum quidem ac formicarum quas pede terimus, ædificatiunculas animo informare possumus, descriptionem verò cœlestis ædificij tam laxè & magnificè a sapientissimo rerum omnium artifice constructi aut capere, aut destruere velle non veremur. Ego verò nolui quidquam laboriosius tecum pugnare in vltima ea parte quæ spectat ad cœlum, neque refellere quæ contra Aristotelem exercitationis potius quàm impugnationis causa proposuisti, ea qua par est modestia & humanitate, non ut plebei quidam academici ab omni doctrina & comitate imparati, qui Aristotelem conuicijs insectari ac θηριομάχεσθαι videntur potius quàm disputare: digni profectò in quos Memnon aliquis animaduerrat, ut olim in Darij militem non armis, sed dièterijs gloriam Alexandri infringentem: nam, inquit, ἐγὼ σε τρέφω μαχέμενον, ἀλλ' ἔλινδορᾶμενον Αλεξάνδρῳ. Quid iuvat immorari diutius in ijs quæ certò scimus sciri non posse? Sapientius illi qui missis tot quæstionibus superuacaneis, fabricam cœlestem venerantur veluti communem Dei atque hominis domum & diuinæ munificentiae summum beneficium, ut ait Seneca lib. 4. De beneficijs c. 6. Si domus tibi donetur in qua marmoris aliquid resplendeat, non mediocre munus vocabis: ingens tibi domicilium sine vllò incendij, aut ruinæ metu struxit Deus, in quo vides non tenues crustas & ipsa qua secantur lamina graciliores, sed integras lapidis pretiosissimi moles, cuius tu paruula frustra miraris, tectum verò aliter nocte, aliter interdiu fulgens, negas te vllum munus accepisse. Sed Diogenem audire mihi videor olim mathematicos

## 140 De immobilitate Terræ. Circ. XI.

increpantem, quòd sidera cogitatione peruagarentur & quæ ante pedes sunt, negligerent: propiora nimirum ea sunt & ante pedes quæ disputantur in libris De ortu & interitu: ad eos igitur proxima luce nos conferamus.

F I N I S.



CIRCVLVVS PISANVS  
CLAVDII BERIGARDI  
MOLINENSIS

Olim in Pisano , iam in Patauino Lyceo  
Philosophi primi paris

De veteri & Peripatetica Philosophia

*In Aristotelis lib. de Ortu & interitu.*

SERENISSIMO  
LEOPOLDO AB HETRVRIA  
DEDICATVS.



V T I N I, M D C X L I I I.

---

Ex Typographia Nicolai Schiratti. .  
SVPERIORVM PERMISSV.

475701084 2 14 4 90181 572





SERENISSIMO  
LEOPOLDO  
AB HETRVRIA

Claudius Berigardus F. P.



Vm Circulum Pisanum  
de Ortu & interitu de-  
dico Celsitudini tuæ Se-  
renissimæ, ne dubitet  
me ex nominis sui splen-  
dore rebus caducis, de quibus hic ser-  
mo instituitur, gloriam, & immortali-  
tatem quæsiuisse. Ita enim mihi con-

fulendum fuit huic parti philosophiæ  
naturalis, vt quò magis fluxa, & com-  
mutabilia sunt ea corpora, quorum or-  
tum, & occasum persequitur, eò fir-  
mius illi præsidium asciscerem. Quod  
si pro sua in liberales disciplinas pro-  
pensissima voluntate, vt spero, largia-  
tur, nihil caducum, & mortale videbi-  
tur, cui tanti Principis gloria nunquam  
intermoritura vitam impertiet, nihil  
obscurum, quod eius splendor illustra-  
bit, nihil humile, quod a tanto fastigio  
virtutum omnium euehetur. Vale diu-  
que viue decus & præsidium philoso-  
phiæ.

Patauij Kal. Ian. an. salut. CIOIOXLIII.



## PRO IMPRESSIONE.

Videat (pro sua benignitate) Perillustis & Excellentiss.  
D. Lelius Mancinus, & apponat approbationem.

Fr. Antonius Vercellus Inquisitor Generalis Paduæ.

Reuer. Pater S. Legi doctissimum opus Excellentiss.  
Claudij Berigardi, nec quicquam offendi, quod vel Fi-  
dei, vel moribus contrariari videatur.

Obseq. Lelius Mancinus.

*Die 12. Maij 1642.*

**O**pus præsens cui titulus est Circulus Pisanus de Ve-  
teri & Peripatetica Philosophia in Arist. lib. de Or-  
tu & interitu, Excellentiss. D. Claudij Berigardi, cuius  
initium Ea est &c. & finis accingamus, visum & appro-  
batum ab Excellentiss. D. Lelio Mancino, vt in supra-  
scripta attestazione, fuit etiam pro impressione Paduæ  
approbatum, cum nihil contra Fidem, Principes, aut  
bonos mores contineat.

Ita est, Ego F. Antonius Vercellus à Lendenaria  
Inquisitor Generalis Paduæ manu propria.

*Die 10. Aprilis 1643.*

Visis attestationibus superscriptis conceditur licentia  
imprimendi Vtini.

Ita est, F. Ludouicus Syllanus de Gualdo Inquisi-  
tor Generalis Aquileiæ, & Concordiæ.

## *Noi Reformatori dello Studio di Padoua*

**H**Auendo veduto per fede del M. R. P. Inquisitor di Padoua, che nel libro intitolato *Circulus Pisanus Claudij Berigardi De veteri, & Peripatetica Philosophia in Arist. lib. de Ortu & interitu* non si troua cosa alcuna contra la santa Fede Cattolica, e parimente per attestato del Segretario nostro, che non vi sia cosa alcuna contra Prencipi, e buoni costumi, concedemo licenza, che sia stampato, douendosi offeruar quanto per legge in proposito di stampe; con conditione, che non sia venduto se prima non vien portato vno legato per la libreria publica giusta la Parte dell'Eccellentiss. Senato de' 2. Decembre 1622. In quor. fid. &c.

Dat. a' 9. di Settembre 1642.

[ Anzolo Contarini Cau. Proc. Reform.

[ Zuanne Pesaro Cau. Proc. Reform.

Aluise Querini Seg.



<i>Pagina</i>	<i>linea</i>	<i>errores aliquot</i>	<i>sic emendantur.</i>
4	24	Generatio est motus	Generatio & corruptio est motus
5	30	applicato debite ali- mento	applicato alimento
12	17	claris	clarius
17	3	calcanthi	chalcantbi
23	43	contéplationibus Solis	contemplationibus solis
31	5	paruuli,	paruulis
33	14	negari	negari
33	18	ac calore	ad calorem
34	29	re ipsa	re ipsa
36	17	ex tex.	est tex.
36	37	materix	materia
40	14	dispartitione	dispersione
40	41	Cherubin	Cherub
43	39	plenè	planè
49	37	aqua aque	aqua aquæ
55	20	inexplicabiles	inexplicabiles
57 & alibi	23	seorsim	seorsum
70	31	leuiori plaga	grauiori plaga
88	45	ferretur	feretur
96	45	diradiare	diradiare,
107	20	iste	ista
108	15	prohibent	prohibens
112	8	molliatur	moliatur
112	33	dissentiens, dissentaneus	<del>dele</del> dissentaneus
114	31	tantum quantum	tantum quantum
115	12	tantum	tantum
130	45	planæ	planè
135	22	Sed quando	Sic quando
138	1	natura	naturam
148	11	Stoici totis totas	Stoici, totis totæ
148	34	tex. 14.	tex. 5.
150	8	conflant	confluant
152	30	inaccessum,	inaccessum,
156	1	dulconatam	dulcoratam
176	43	Peripateticis	peripatetici

# INDEX CIRCULORVM.

<b>D</b> E subiecto, inscriptione, & diuisione operis. Circulus Primus.	pagina. I.
Vtra opinio veterum, an Aristotelis facilius explicat naturam generationis. Circ. II.	14
De alteratione. Circ. III.	15
De incremento qualitatum. Circ. IV.	18
De accretione, & rarefactione. Circulus V.	25
De distinctione quantitatis a materia. Circ. VI.	45
De indiuiduis continui. Circ. VII.	52
De atomis Democriti. Circ. VIII.	61
De actione iuxta antiquos. Circ. IX.	67
De actione & perpeffione iuxta Arist. Circ. X.	72
De contactu necessario ad actionem. Circ. XI.	74
De actione eiusdem in seipsum. Circ. XII.	80
De actione similis in simile. Circ. XIII.	90
De actione reciproca, seu reactione. Circ. XIV.	95
De qualitibus efficientibus elementorum. Circ. XV.	100
Quomodo calor, & frigus agunt, humor, & siccitas patiuntur. Circ. XVI.	106
De frigore. Circ. XVII.	110
De humido, sicco, liquido, & duro. Circ. XVIII.	114
De duab. qualitib. singulorū elemētōrū. Circ. XIX.	118
De diuersis speciebus primarum qualitū. Circ. XX.	125
De vi effectrice qualitū, & substantiarū. Circ. XXI.	127
De actione & permutatione reciproca elementorum. Circ. XXII.	134
De miftione iuxta Peripateticos. Circ. XXIII.	140
De modo quo elemēta manēt in miftis. Circ. XXIV.	142
De miftione iuxta antiquos. Circ. XXV.	146
De temperamentis. Circ. XXVI.	158
De putredine. Circ. XXVII.	161



# CLAVDII BERIGARDI CIRCVLVS PISANVS

## De veteri & Peripatetica Philosophia In Aristotelis lib. de Ortu & interitu.

**H**æc est librorum de Ortu & interitu inter ceteras partes philosophiæ naturalis utilitas, ut qui eorum affecutus est intelligentiam is verè physicus dici possit, neque hoc longa præfatione demonstrandum, quod ex librorum sola lectione constare potest: quare ne quem morer, teneamque diutius, ut libro octavo Physicorum ad Charilai, & Aristæi congressum omnes remitto.

---

### De subiecto, inscriptione, & diuisione operis.

#### CIRCVLVS PRIMVS.

#### CHARILAVS. ARISTÆVS.

**C**HAR. Si hætenus moræ sunt difficultates, ex quibus videre licet vtra faciliorem habet intelligentiam, Antiquorum, an Aristotelis philosophia, nunc certè ex tertio physiologiæ loco, libris nimirum de ortu & interitu, longè maiores expectandæ sunt. Egit Aristoteles de corpore naturali vniuersè toto opere de physico auditu, de cuius speciebus libris sequentibus tractandum erat, de corporibus simplicibus quatenus simplicia, & æterna sunt in quatuor libris de cœlo, vbi primum de nobilissima specie corporum simplicium, nempe de cœlo, differuit: deinde in tertio, & quarto libro de cæteris hunc mundum constituentibus elementis, supererat iam vt post simplicia ageret de corporibus mixtis quatenus generationi, & corruptioni subijciuntur. Quare argumentum, siue subiectum horum librorum est corpus mixtum, ad cuius naturam declarandam omnia reuocantur, quorum tractatio hic instituitur, etiam de elementis, eorumque qualitatibus. Non immeritò tamen hi libri de generatione, & corruptione inscribuntur, non quòd ea sint subiectum, sed quòd in ijs duabus explicandis, & de corpore mixto, demonstrandis hi libri potissimum occupentur. Quemadmodum enim in octo libris Physicorum dicitur agere de motu, va-

A cuo,



quo, tempore, infinito, & alijs, quæ de corpore naturali, quod eorum est subiectum, demonstrantur, ita etiam dicitur hic agi de ortu, & interitu, quoniam intentio Aristotelis est has duas potissimum affectiones de corporibus mixtis demonstrare. Intentio verò auctoris confundi non debet cum subiecto, illud auctor nunquam demonstrat, sed positum accipit, de eo verò intendit demonstrare affectiones, cuiusmodi sunt generari, corrumpi, crescere, diminui, agere, pati, & misceri, a præcipua autem affectione desumere voluit inscriptionem. Neque refert quòd 2. de anima 117. vocat hos libros de elementis, sicut octo libros Physicorum aliquando vocat de motu, satis enim est Aristoteli, quòd de ijs ibi agatur, licet in gratiam corporis mixti. Diuisio eorum quæ hic explicantur septem habere videtur partes, in prima reiectis veterum opinionibus dicitur quid sit generatio, & quomodo ab alteratione distinguatur: Secunda agitur de accretione, quæ sequitur rei generationem: Tertia de tactu, & actione mutua, sine qua non fit mixtio necessaria ad generationis declarationem, ut inibi demonstratur: Atque his communibus occupatur primus liber. Quarta parte disputatur de primis elementorum qualitatibus, unde ipsis generatio primùm competit, alijs verò ratione elementorum: Cùm autem in libris de coelo de ijs regisset quatenus per mouentes suas qualitates integrum constituunt vniuersum, & sunt corpora æterna, quæ secundùm se tota non corrumpuntur, hic de ijs agit quatenus omnino corrumpuntur, & sunt principia quæ veniunt in mixtorum compositionem. Quinta deinde differitur de mutua elementorum transmutatione. Sexta de mixtione, quæ inde sequitur. Vltima de generationis perpetuitate, & eius causis. Quod pertinet ad primam partem de placitis philosophorum, nihil attingit hic attexere quæ ex physico auditu satis constant: videamus tantùm vtra opinio iam exposita commodius naturam generationis patefaciet, eamque ab alteratione discriminabit. Ac primùm agit hic Aristoteles de generatione prout complectitur omnem & solam substantiæ mutationem factam ab agente naturali, cuius principia primo Physicorum inuestigauit, & 12. Metaph. a tex. 19. ad 29. eamque distinxit ab omnibus speciebus motus lib. 5. Phys. nunc eius essentiam, causas, & modum explicat vsque ad tex. 25. Nihil est autem quòd immoremur in definitionibus, quas alijs locis affert Aristoteles, ut 2. Phys. 14. generatio est via ad naturam, id est transitus, seu mutatio ad formam, quæ est natura & terminus generationis, ita alibi dicitur mutatio ex non ente ad ens, mutatio a substantia potentate ad substantiam actum. Perfectissima verò omnium colligitur ex tex. 23. huius libri: Mutatio totius in totum nullo sensibili remanente, ut subiecto eodem: & licet alijs omnibus idem fermè significetur, hæc tamen videtur exactissima. Dicitur primò mutatio, id est transitus alicuius subiecti ab vno termino in alium, in quo conuenit cum cæteris productionibus, & corruptionibus naturalibus, de diuina enim, & æterna generatione immutabili non est hic sermo, in cuius gratiam theologia aliam definitionem excogitarunt, qua dicitur generatio est processio vnius ab altero in similitudinem naturæ. Rectè tamen definit philosophus generationem nomine mutationis, quia physicus non debet definire nisi generationem, quam lumine naturali

*Quid sit generatio secundum Aristotelem.*



cognoscit, qualis non est illa de qua dicitur, Generationem eius quis errabit? Cum igitur in generatione naturali materia vnam formam abijciat, & aliam recipiat, rectè dicitur esse mutatio. Dicitur secundò esse mutatio totius, id est compositi substantialis. Duobus autem modis posset intelligi generationem esse mutationem totius, primo vt ipsum totum mutetur, & transeat ab vno in alium terminum, sic autem non debet accipi definitio, sola enim materia propriè transit, & est subiectum mutationis. Alio modo potest intelligi generationem esse mutationem totius, ita vt hoc verbum, totius, non importet habitudinem subiecti, sed potius termini a quo, & hoc modo est intelligenda definitio; ita vt sensus sit; Generatio est mutatio totius, id est mutatio & transitus quem facit materia ab vno toto, quod cum forma ante generationem constituebat: In omni enim generatione hoc euenit, vt materia formam abijciat, ac proinde desinat constituere aliquod totum. Dicitur tertio mutatio totius in totum, quia materia formam abijciens, aliam simul accipit, cum qua incipit constituere aliud totum. Et hac explicatione recepta faciliè euitatur error in quem plerique incidunt existimantes sensum definitionis esse talem, vt in generatione totum corrumpatur secundum ambas partes, & aliud nouum omnino generetur, quod tamen nunquam fit naturaliter, immò aliquando neutra pars corrumpitur, & tamen dicitur corrumpi totum, vt in morte hominis, aliquando neutra producit, & tamen dicitur totum produci, vt accideret in mortui alicuius inscriptione. Nomine etiam totius hic intelligi debet compositum solum substantiale, de quo agimus. Dicitur quarto nullo sensili remanente, id est non remanente vlla re, quæ sensibus percipi possit, quia remanet materia sola, quæ ex se non cadit sub sensum, neque requirit vllum accidens sensibile determinatum, sed ad quodlibet est indifferens. Quod si dicas remanere accidentia, quæ prius erant, vt colorem, figuram, & alia, dicimus sensum esse nullam substantiam sensibilem remanere. Dicitur vltinò, vt subiecto eodem, id est vt toto & composito eodem, interdu enim remanet aliqua substantia sensilis, sed non vt idem totum, vt cum moritur homo, cadauer remanet, sed non vt idem totum, quod prius erat. At

verò quando quis ex nigro fit albus, remanet omnino idem totum, ex candore enim adueniente non fit totum aliud nouum substan-

tiale. Sensus igitur integer definitionis est huiusmodi;

Generatio est transitus quem facit materia ab vno  
toto in aliud totum, ita vt ex toto præcedente  
nulla remaneat substantia sensilis, tan-  
quam idem totum quod ante erat.

Hæc definitio habet illud maxi-  
mè requisitum vt ex ea sol-

uantur omnes genera-

tionis naturalis

difficulta-

tes.

Vtra opinio veterum, an Aristotelis facilius  
explicat naturam generationis.

C I R C U L V S S E C V N D V S.

ARISTÆVS. CHARILAVS.



ARIST. Proponam imprimis difficultates, quæ ante alias omnes  
occurrunt, & quas objicit sibi Aristoteles, tum aliquot experien-  
tias & rationes contrarias in medium afferam. Prima est vt ex  
nullis alijs principijs natura generationis possit commodius de-  
clarari, nec vlla sit opinio philosophica quæ id faciliè consequatur, faciliori-  
bus enim est adhærendum, maximè cum humana scientia, vt ait Augustinus  
non tam sit scientia, quàm pulchra quædam opinio, & ille magis ad rem ap-  
positè dixisse videatur, non qui veritatem attigit, sed qui melius hypothe-  
sim tanquam simulacrum aliquod adornauit, qua veritas vtcunque repræ-  
sentetur. Recepta igitur generationis definitio ex antiquorum principijs  
sic explicatur. Generatio est mutatio, id est transitus substantiæ in qua po-  
tissimùm consistit essentia illius rei, qui transitus est omnino motus ad lo-  
cum, sicut & aliæ mutationes. Generatio est motus substantiæ essentialis  
aduenientis, vel abeuntis. Accretio motus substantiæ maioris aduenientis  
alicui extra essentiam: Alteratio motus contingentis substantiæ aduenientis  
alicui, vel ab eo recedentis: motus verò absolutè dictus ad locum, transitus  
quo rei partes successu continuo alterius partibus applicantur. Neque  
nouum videri debet generationem explicari motu ad locum, ad eum enim  
Auerroes 12. Metaph. 18. Anaxagoræ generationem reuocauit, quod antiqui  
omnino tueri debent, qui plura principia constituentes congregatione tan-  
tùm & secretionem generationem fieri putabant, nam qui vno principio con-  
tenti erant (si qui tamen fuerunt) omnia fieri volebant raritate & densita-  
te. Caterum non est necesse ad generationem, & corruptionem vt mutatio  
fiat, & transitus substantiæ essentialis extra corpus, quod generari dicitur,  
aut corrumpi, sed satis est eam transire ad locum, situm, & ordinem suum,  
aut ab eo remoueri & confundi, quemadmodum Papinius ait accidere fos-  
sori qui terra obrutus Indignantem animam proprijs non reddidit astris.  
Quamquam enim substantiæ omnes fossoris inibi concludantur, earum ta-  
men facta est mutatio, seu transitus eiusmodi vt corruptio dici possit, sicut  
eiusdem fieret generatio, si eodem omnes ordine componerentur. Idem ac-  
cidit rebus arte factis, domus enim collapsa, aut confracta statua dicitur non  
esse amplius. Secundò est mutatio totius, ad quod sufficit vt pars essentialis  
subeat mutationem, quam diximus, ita enim totum mutatur. Tertiò dicitur  
mutatio totius in totum, quia accedente, vel abeunte substantia essentiali,  
fit



fit aliud totum. Dicitur vltimò nullo sensibili remanente vt subiecto eodem, id est nulla substantia sensibili remanente saltem vt eodem toto, quod prius erat; abeunte enim vel expulsa, & disturbata anima e sua sede remanet cadauer, quod quidem est substantia sensilis, sed non vt idem totum, quod erat ante. Si quis autem ex nigro fiat albus remanere dicitur idem totum, quia candor, & nigror sunt substantiæ contingentes nomine accidentium significatæ, quæ totius essentiam non variant. Aduertendum est tamen eandem substantiam, quæ nomine accidentis aliquando significatur, vt calorem in manibus, posse esse essentialem alicui mixto cuius natura in calore potissimum consistit, eam enim substantiam essentialem appellant, sine qua res nec esse, nec commodè potest intelligi secundum partes suas physicas, quemadmodum animal absque calore, nam licet ex gradibus metaphysicis satis sit intelligere viuens sentiens, physicè tamen iuxta antiquos non potest haberi vera notitia animalis absque calore, siue ille anima vocetur, siue spiritus: eiusdem autem caloris pars, quæ modo deperditur, modo aduenit citra animalis interitum, dicitur accidens, siquidem eam substantiam appellant contingentem quæ adesse potest, & abesse absque subiecti corruptione. Neque propterea in exclamationem est prorumpendum quòd idem accidens, & substantia dicatur esse: hæc enim sunt pura nomina eidem rei pro diuerso munere ab hominibus imposita, satis est admittere recepta nomina substantiæ, & accidentis, nec tenemur sequi modum Aristotelis. Quare dicent calorem esse animali essentialem, non tamen hunc vel illum numero, eundemque prout ab altero simili adueniente, vocari posse accidens, præcipuè in illis partibus, quibus non est adeo necessarius. Sed ad generationis planiorem intelligentiam reuocandum est in memoriam ex antiquorum doctrina inter substantias simplices quasdam esse, quæ sunt principia seminum, vnde singularum rerum species compositæ procreantur, verbi gratia auri, lapidis, plantæ, animalis. Dicuntur principia seminum, non semina, hæc enim sunt composita, & quodammodo aurum, lapis, planta & animal iam inchoatum, quod applicato debite alimento crescit, donec sibi debitam acquirat perfectionem. Ac propterea semen plantæ dicitur ab Aristotele planta potentia, quia formam atque essentiam plantæ abesse putat, antiqui tamen dixerint esse plantam, quoniam ipsi sola deest partium distinctio maior, & magnitudo, quæ ita gradatim acquiruntur, vt assignare non audeat Aristoteles terminum in seminis fruticantis teneritate, quo semen esse desinit, vt fiat planta. Principia igitur seminum dicunt esse substantias simplices, quibus per consensum naturalem aggregantur substantiæ aliæ simplices, sed specie distinctæ ad compositum illud corpus efficiendum, quod iam semen appellamus. Verbi gratia ad aurum requiritur aliquid quod licet aurum non sit, vocari tamen potest auri conficiendi substantia simplex & præcipua, quæ cæteras ad auri primordia necessarias alliciat, & deuinciat attactu suo, donec compositum illud corpusculum conformetur seminis appellatione nuncupatum: atque ita de lapide, planta, & animali habendum est. Ea verò quæ ab Empedocle, & Aristotele vocantur elementa non sunt semine: terra enim præcipuè innumerabilium videtur substantiarum coaceruatio, & commune



*Quomodo  
generatio ab  
alteratione  
distingua-  
tur.*

receptaculum, deinde aqua, postea aer, ignis verò noster licet multorum concretionem non careat, ad substantias tamen simplices proximè accedit, atque ut sit purissimus, nullo semine opus est ad ipsius generationem, sed sola ab alijs corporibus secretionem, & consimilium partium congregationem, sic ad eius corruptionem nihil aliud requiritur, quàm ut permisceatur alijs substantijs, in ceteris simplicibus eadem est ratio. Ex ijs manifestum est quomodo generatio non minus ex antiquis, quàm Aristotele dicatur mutatio totius in totum nullo sensili remanente, ut subiecto eodem, siue ortus & interitus sit substantiæ compositæ, siue simplicis. Alteram difficultatem afferens philosophus quomodo generatio ab alteratione distinguatur, tex. 6. & 7. dicit opinionem Democriti multis absurdis implicari, nihilominus iuxta eam posse nos generationem ab alteratione distinguere ordine, situ, ac figuris, & rationes esse cogentes nec facile solubiles, quòd rerum ortus, & interitus congregatione fiat, & secretionem. Ipse tamen neque ea absurda clare demonstrat, neque rationibus contrarijs dat suum pondus, neque distinctionem generationis ab alteratione commodiorem affert, quàm antiqui. CHARR. Nonne tex. 23. satis euidenter ostendit ex constitutis principijs primo Phys. tunc fieri generationem vnius, & alterius corruptionem, cum mutatur totum in totum, nullo sensili remanente, ut subiecto eodem, id est dum materia prima dimittens formam substantialem, cum qua totum vnum constituebat, nouam suscipit, & constituit aliud totum. Alterationem verò esse mutationem tantum affectionum, manente eodem subiecto sensili, hoc est dum materia prima retinens eandem formam substantialem, nouas tantum suscipit, vel amittit formas accidentales. ARIST. Et antiqui dicunt vtranque fieri congregatione & secretionem. Generationem quidem & corruptionem, cum substantiæ primæ essentiales alicui rei congregantur, vel segregantur, cum verò accidentales tantum, alterationem, neque hic formis opus est, aut alijs affectionibus, sed solo motu simplicium substantiarum, quæ sunt aliquando rei essentia, aliquando affectiones, ut dictum est de calore in animalibus. Sed Aristoteles qui tam facile distinguit vtranque mutationem, quare non docet modum discernendi an mutatio fiat tantum in affectionibus, an verò etiam in substantia? Antiqui generationem tunc esse dicunt, quando simplicium substantiarum congregatione oritur aliquid cuius proprietates sufficiunt ad speciem corporis naturalis constituendam, corruptionem verò cum ex earundem secretionem dissoluitur. Alterationem esse dicunt quando mutatio non sufficit ad proprietates illas quantum satis est ad speciem immutandam, auferendas. Dixi quantum satis est, quoniam ea mutatio quæ prius dicebatur alteratio, eò deuenire potest ut corruptio sit vnius, & alterius generatio. CHARR. Non erunt ergo diuersæ species mutatio rum generatio & alteratio, quia magis & minus non variant speciem. ARIST. Species propriè reperiuntur in substantijs simplicibus, in compositis improprie: ut tamen in istis specierum nomina retineamus, colligimus eas differre ex eodem capite, quo simplices, nimirum ex diuersis proprietatibus, quas si efficiat maior, aut minor congregatio, & secretio, dicimus speciem variari, sin minus, esse tantum alterationem: proinde axio-



ma illud ab antiquis non admittetur vsquequaque. Fit exigua secretio caloris in animali, ea dicitur alteratio, si maxima, qua fons caloris e corde continenter emanans exhauritur, corruptio est antiquis, non quod vlla pereat forma substantialis a calore distincta, sed quod abolita est caloris illius emanantis continuatio, quæ reduci non potest amplius: Ac propterea dicere possumus diuersam esse speciem atque essentiam generationis, atque alterationis, & hac ratione tantum posse cognosci, nisi Peripatetici qui nihil ignorant velint asserre commodiorem. CHA R. Fatendum est cum Scoto in 4. dist. 11. q. 3. nullum posse asserri discrimen a priori inter alterationem, & generationem, nec proinde inter formam substantialem & accidentalem: nam si queris, inquit, de re vt in se est, nulla est causa nisi quia hæc est forma substantialis, illa accidentalis, sicut nulla est causa quare calidum calefacit, inter causam enim proximam & effectum non datur medium. Si autem queris de re vt a nobis cognoscitur, philosophi distinxerunt inter formam substantialem & accidentalem a posteriori per ista media, habere contrarium, & non habere, recipere magis & minus, & non recipere, posse esse notum & non esse, rem fieri simpliciter, vel secundum quid. Deinde subdit hunc modum cognoscendi, quem dicit optimum, si forma vltima superueniens sit perfectior præcedente, illa erit substantialis, si contra, accidentalis. A R I S T. Nulla sufficit ex his regulis, nam etiam quantitati competit non habere contrarium, non suscipere magis & minus, recipere tamen contraria proximè, vt multi volunt. Item sensibus non percipi conuenit occultis qualitatibus. Nix, grando, ros, pruina dicuntur fieri simpliciter, & tamen multi censent hanc mutationem esse tantum accidentalem. Neque etiam possumus semper cognoscere ab effectum an forma vltima sit perfectior præcedente, sæpe enim omnia indicia non sufficiunt: nam quis discernet dum panis, aut lateres coquuntur, an in massa triticea & argilla consurgat forma nobilior, vt generatio potius fiat quam alteratio? CHA R. Alia quidem a Thomistis regula assignatur de vtraque illa mutatione discernenda, sed quæ obscurior videtur ipso quæsito. Dicunt enim tunc fieri generationem quando datur resolutio vsque ad materiam primam, ita vt nihil planè remaneat ex ijs quæ erant ante: Non forma, quia cum generatio vnus sit corruptio alterius, & in vnoquoque composito sit tantum vna forma, necesse est eam in genito non manere: Non materia, quia cum illa non habeat propriam existentiam, nec sit actu nisi sit forma, abeunte forma abibit quoque materiæ existentia: Non accidentia quia cum inhæreant composito, cum ipso pereunt. A R I S T. Hæc omnia absurda proueniunt ex principijs Aristotelis. Si enim datur materia naturæ adeo versatilis, vt omnia fieri possit, credibile non est eam posse formari simul in plures substantias, quantumuis, vt aiunt, illæ sibi inuicem subordinentur, vt in carnem, in altricem, in sentientem, in rationalem: neque intelligi potest quid sit rem vnā totā pluribus formis substantialibus esse instructā, quare meritò videntur assignare vnā formā vni materiæ: difficultas tamen restat quomodo pluribus formis accidentalibus sit ornata, quod æquè videtur incredibile ac si quis diceret vnum globum habere plures figuras. Dicunt perire cum forma materiæ



existentiam, quia materia Aristotelis vel chimæra est, vel a forma & eius ex-  
 stentia sola ratione distinguitur, vt primo Phys. satis dictum est. Quoniam  
 autem materia quando fit aliud totum mutat existentiam, necesse est quo-  
 que vt accidentia eandem mutant, atque ita noua prioribus simillima vtplu-  
 rimum exoriantur, quod ridiculum planè videtur. **CHARR.** Propterea  
 tutius est dicere formas materiales, quæ ab agente naturali de subiecto edu-  
 cuntur, inhærere soli materiæ, non toti composito, vt illi volunt. Et hoc do-  
 cet Aristoteles hic tex. 43. vbi inquit si non esset omnium communis mate-  
 ria non agerent vicissim nec paterentur, non enim calor, & frigus transmu-  
 tantur in se inuicem, sed subiectum. Et tex. 55. Si esset aliquis calor separa-  
 tus, is nihil vtique pateretur. In sola ergo materia recipiuntur, vt illa dispo-  
 natur ad nouam formam: Quomodo enim in toto composito, quod nihil est  
 aliud quàm partes coniunctæ & simul sumptæ? sic oporteret calorem inhæ-  
 rere animæ rationali. Sed & si totum distingui conceditur a partibus simul  
 sumptis & adunatis, vel spiritale est, vel materiale: non primum, quoniam  
 illi non inhærerent accidentia materialia, non secundum quia anima spirita-  
 lis non potest constituere totum materiale. Neque dicat aliquis esse partim  
 vnum, partim alterum, volunt enim totum illud resultans ex partibus esse  
 aliquid simplex: Deinde accidentia quæ illi inhærebunt dubij erunt generis,  
 nec spiritalia videlicet, nec materialia, siquidem debent imitari naturam sui  
 subiecti. His positis dicendum est remanere aliqua accidentia in genito ex  
 ijs quæ fuerant in corrupto, propterea Aristoteles tex. 24. huius libri docet  
 in transmutatione aquæ in aerem, aut aeris in aquam seruari eandem perspi-  
 cuitatem, & explicans definitionem generationis a se traditam tex. 23. sic  
 habet. In his autem si maneat aliqua affectio contrarietatis in generato &  
 corrupto, vt quando ex aere aqua, si ambo translucida, aut frigida, non opor-  
 tet huius alteram affectionem esse, in quam transmutatur. Et 2. de gen. 25.  
 docet facilius esse transmutare elementum symbolum in suum symbolum,  
 quàm in dissymbolum, quoniam vnam tantum oportet ibi corrumpi quali-  
 tatem, hic verò duas. Neque dicant eandem qualitatem remanere specie,  
 sed non numero. Nam si oportet corrumpi calorem, qui est in aere ad facien-  
 dum ignem, æquè difficile erit ex aere facere ignem, quàm ex aqua. Deinde  
 Aristoteles apertè docet solo humore corrupto fieri terram ex aqua, idque  
 facilius, quia facilius est vnum, quàm multa permutare. At illi volunt etiam  
 corrumpi frigus, ergo repugnant Aristoteli, qui rursus tex. 24. maximè labo-  
 rat quomodo possit remanere eadem qualitas, quæ erat ante, licet non ma-  
 neat idem subiectum sensibile, quod prius erat: At si remaneret tantum eadem  
 specie, facilis omnino erat responsio, posse eandem specie qualitatem inesse  
 pluribus subiectis, licet eadem numero non possit. Verum id maximè de-  
 monstratur iudicio sensuum quibus hac in re stare oportet: videmus enim  
 in cadauere hominis iugulati, vel suffocati, aut alio modo enecti remanere  
 multa accidentia, puta figuram, colorem, duriciem, cicatricem & similia,  
 quæ sensus iudicat planè eadem, quòd si quis neget, eget sensu. Præterea si  
 hæc accidentia sunt numero diuersa, quæro a quo, & in quem finem produ-  
 cta sunt, cum pleraque nihil faciant ad introductionem nouæ formæ, immo



## Explicat naturam generat. Circ. II. 619

potius illam impediunt; cuiusmodi est calor ille qui remanet in cadauere animalis frigore extincti. Dicunt ab aere ambiente productum esse, at ille erat perfrigidus; est igitur idem calor qui ante erat. Quod autem dicunt alij huiusmodi calorem statim pullulare ex materia, quia nondum est oblita prioris status, locum habet potius in concione populari, quam in exedris philosophorum, cum præsertim non possint assignare in quem finem hæc accidentia producantur. **ARIST.** Si incurritur in tot salebras formarum accidentalium, ut ostendatur quomodo fit generatio nullo sensili remanente, scopulos oportet expectare formarum substantialium, quas illi appellant formas partium, ut carnis, nerui, & ossis, a quibus Peripatetici suis principijs tanquam velis illuc delati vix nauigant. Si velint eas negando declinare, in Scyllam incidunt periculosius. Hanc tamen Scyllam & Charybdim voracem temporis quod inaniter in tot quaestionum futilium impedimentis consumitur, euitant antiqui facillime qui carnem, neruum, os & similia non a formis illis, sed a primarum & simplicium substantiarum congregatione fieri putant. **CHARR.** Afferam varias de ea re Peripateticorum opiniones ex quibus videbitur an illi, an antiqui facilius ab hac difficultate se expediant. Spectas illa ad explicationem definitionis quæ dicitur in generatione nullam remanere formam sensilem, licet nemo est qui non existimet carnem mortui bouis eandem esse quæ fuit viui. Controuersia ex eo pendet an in corrupto fuerint plures formæ substantiales, si eniat plures fuerint, nihil videtur impedire quo minus aliqua possit remanere, si minus, non remanebunt. **D. Thomas, Caiet. Gregor. Gabriel** vnus compositi vnā esse formam existimant, ut in viuente animam, quæ virtute contineat formas inferiores carnis, & nerui. Sic vnus rei melius seruari putant vnā essentiam, contra vero timent ne anima adueniens carni & neruo, quæ sunt ens actū, non constituat vnum per se, cum ex 7. Metaph. 49. & 50. ex duobus actū vnum per se, fieri non possit. **Auicembron, Henricus, Paulus Venerus** dicunt tot reperiri formas in composito, quot sunt gradus rerum essentielles, ita ut in lapide, verbi gratia, sit vna forma quæ faciat lapidem, alia mixtum, alia corpus, alia substantiam, quia cum proprietates diuersorum graduum sint distinctæ, formæ a quibus illæ petuntur distinguere debent. **Scorus** ait dari formam quandam vniuersalem quam ipse vocat corporeitatis, seu mixture heterogeneæ quæ proinde debet esse carnis, ossis, & similibus, & sit preparatio necessaria ad animam recipiendam, ita ut in viuente sint tantum duæ illæ formæ. **Ratio Scoti** est, quia anima adueniens requirit gradum corporis neque illum potest communicare. Propterea homo dicitur constare anima ac corpore duabus partibus, & post mortem remanet corpus siue cadaver, cuius forma de integro non fuit producta, alioquin illa esset diuersa pro diuersitate præparationum: At contrarium apparet, nam idem est cadauer siue homo suffocetur, siue frigore intereat, siue iuguletur. Alij ponunt tot formas quot sunt gradus corporum naturalium, scilicet quatuor, nempe corporis, vegetantis, sentientis, & rationalis: Corpora igitur inanima vnā habebunt, vegetantia duas, sentientia tres, rationalia quatuor. Hæc sententia saltem quod ad distinctionem animarum est **Philoponi, & Iandun.**

*Forma partium remanent.*

*N.*

*N.*



Probaturque ex varijs effecttionibus, quæ ab eodem principio prodire ne-  
 queunt. Alij denique putant in quibusdam compositis reperiri plures for-  
 mas, tum in eadem, tum in diuersis partibus materiæ, modo sibi sint inuicem  
 subordinatæ, & vna ad alteram sit apparatus, ac proinde in viuentē præter  
 animam, quæ est communis toti viuenti, dari plures formas partium di-  
 stinctas, puta radicis, corticis, ligni, foliorum, florum, fructus, seminis; in  
 animali verò formam carnis, ossis, nerui, ac proinde in morte viuentis huius-  
 modi formas remanere, neque hoc esse contra definitionem generationis,  
 quia non remanent vt subiectum idem, vel certè, quia sola separatio animæ  
 non est corruptio integra, sed tantum inchoata. Probatur ex Aristotele, qui  
 lib. 2. de partibus animalium docet debere partes animalis esse plures, & di-  
 uersæ naturæ, non possunt autem id habere a sola anima, quæ est vna in om-  
 nibus partibus. Deinde cum abscinditur alicui manus, vel materia prima  
 manus remanet spoliata omni forma substantiali, vel cum formis carnis, &  
 nerui, vel de integro caro & neruus producuntur, quod repugnat iudicio  
 sensus. In quem verò finem introductæ sunt præmunitiones nouæ sufficien-  
 tes ad formas carnis & ossis producendas, & cur illæ non sufficiunt ad con-  
 seruandas, ne tam citò cadauer computrescat: certè nulla ratio afferri po-  
 test, cum plura requirantur ad producendam rem quàm conseruandam. Re-  
 spondet Suares non posse id quidem præstari ab vna anima, sed a pluribus;  
 excogitauit enim in eodem viuentē tot animas, quot sunt partes dissimila-  
 res. In eadem ergo arbore dicit esse animam stirpis, trunci, corticis, fructus  
 & alias diuersæ quidem rationis, sed quæ inter se coniungantur ad facien-  
 dam vnā animam, vt mirum sit cur idem autor non dicat in homine dari  
 plures animas. Hæc coniunctio animarum est mirabilis, si cum hoc ferru-  
 mine intelligi posset vnde anima in frondem, verbi gratia, introducit, sine  
 dubio hæc introductio sit ab anima quæ in ramis est: at illa potest solum ad  
 folia se extendere, non autem producere animam a se diuersam. Thomistæ  
 probabilius asserunt eandem animam constituere posse diuersas partes: sed  
 illud obstat quòd eas constituit tantum ad modum formæ seipsam commu-  
 nicando, ergo eadem cum sit non potest facere diuersas partium essentias.  
 Si enim caro nihil est aliud, quàm materia prima & anima, probo ossa esse  
 carnem, quia in ossibus etiam nihil est aliud præter materiam primam, atque  
 animam. Propterea Bannes ait partes viuentis non distingui essentia, sed  
 tantum accidentibus, & formam ossis ac nerui non dicere nisi hæc tria ma-  
 teriam primam, accidentia diuersa & animam. Sed contra exclamat Sco-  
 tus hoc semel dato tolli criterium omne physicum & rationem corporum  
 distinguendorum. Cur enim pari iure non dicam ferrum ab auro, plum-  
 bum ab argento omnia denique non differre essentia, sed varijs tantum acci-  
 dentibus, atque ita nullas dari formas substantiales. A R I S T. Adde  
 etiam nullas accidentales, sed potius cum antiquis dicendum esse carnem  
 neruum, ossa, radices, cortices, ligna, aurum & plumbum fieri sola prima-  
 rum substantiarum iunctione, diuersas esse natura sua substantias primas os-  
 sis & carnis, easdem omnino in viuo ac mortuo reperiri, mortui tamen equi-  
 nocè dici manum, & oculum ab Aristotele, quia non sunt amplius animæ



## Explicat naturam generat. Circ. II. 11

instrumenta, cuius officij gratia manus, oculus, neruus & caro propriè appellantur. Ita controuersia illa litigiosa de formis partium verbo vno dirimitur ab antiquis, quam nulla ex allatis opinionibus sedare potest. Non Diui Thomæ, qui enim crederet partes adeo diuersas vt carnem & os vnus formæ beneficio constitui, credat vnā esse formam totius mundi. Non Auicembrontis, Scoti, & Philoponi qui formas inuehunt superuacaneas, quarum munus æquè bene, vel potius æquè male forma vnica declaratur. Vltima denique opinio licet communis grauissimis vrgetur incommodis. In homine, inquit, est vna anima quæ dat illi gradum corporis, quo pacto id, si est spiritalis? & si hoc præstat, quare etiam, vt ait D. Thomas, non potest esse pro formis partium? **CH A R.** Non dat anima rationalis esse corporeum, id est extensum, & diuiduum, hoc enim iam habet corpus organicum ante aduentum animæ, suo tamen aduentu anima complet substantiam vnā integram, cui debetur trina dimensio: & hoc satis est vt anima dicatur constituere rem corpoream. Obijci posset similiter gradum vegetantis, & sentientis non posse oriri nisi ab anima extensa, & materiata; sed negatur; hoc ipso enim quod anima spiritalis efficienter producit in corpore potentiam vegetatiuam & sensitiuam quas virtute continet, dicitur communicare corpori vtrunque gradum: non dicuntur tamen similiter communicari formæ partium, quoniam abeunte anima illæ remanent, perit autem gradus vegetatiuus & sensitiuus. **A R I S T.** Quam causam igitur habent formæ partium? **CH A R.** Non aliam quam generans, aut si vis semen, a quo & ipsæ & aliæ præparationes oriuntur. **A R I S T.** At illæ formæ partium, vt aiunt subordinatæ & imperfectæ substantiam completam non constituunt, incompletus proinde erit fœtus in vtero nondum anima informatus, cadauer quoque solis partium formis defungetur, quibus tandem pereuntibus materia cum solis accidentibus remanebit: Si enim potuit ferre damnum omnis formæ substantialis vltimam perfectionem constituentis, leuis erit iactura formarum ignobilium carnis, & ossis, quibus erat adeo male suffulta, vt locum in prædicamento substantiæ non reperiret. Et quis scit an Hebræi cadauer attingere verebantur multò magis quam lepores & animalia imperfecta, quoniam imperfectum est & incompletum, atque ignobilius luto, quod tangere ipsis licebat, quoniam habet vltimum complementum, neque vt cadauer ad prædicamentum substantiæ pedibus indirectè protrahitur, sed recta linea honorificè collocatur. **CH A R.** Quantumuis imperfectas dicamus partium formas, & animæ subordinatas, sunt tamen substantiales, proinde his abeuntibus materia debet aliam substantialem perfectam aut imperfectam adipisci, cum generatio vnus sit alterius corruptio. Quod verò incommodum est diu remanere cadauer aut aliquid aliud incompletum? Non propterea erit luto ignobilius. Philosophi seriem prædicamentorum ordinantes non attenderunt ad aliud, quam ad ea disponenda, quæ vltimam suam habent perfectionem, quanquam alijs eam non habentibus sunt aliquando ignobiliora: formæ enim carnis, & aerui magis honorabile est subordinari animæ, quam formæ luti, aut elementorum completam substantiam constituere, vt nobilius est seruire Regi, quam im-



perate in male materiato tuguriolo. A R I S T. Quid cum anima superuenit formis partium, quas re ipsa iam habet foetus in utero, quomodo ex ijs vnum fieri potest? C H A R. Negat tantum Aristoteles ex duobus re ipsa perfectis fieri vnum. A R I S T. Et anima arborum quam dicitis esse totam homogeneam, cur eadem in partibus heterogeneis reperitur? C H A R. Idem dici posset de rationali, satis est quod virtute sit heterogenea. A R I S T. Certè si partes primæ viuentis os, caro, nervus cõformata sunt absq; anima quid ipsa deinde opus est, eadem enim virtus quod reliquum est perficiet. Sed hæc ad libros de Anima. Nunc demiror Aristotelem cur fusè de illis formis partium non egerit, qui in alijs minutionibus centies inculcandis tot verba perdit. Hoc induxit aliquos, vt crederent eum solas quatuor elementorum formas substantiales admisisse, quæ & ipsorum differentia, & primæ qualitates appellarentur, atque ex earum varia remissione, & intentione per mixtionem temperamentum oriretur, quod esset forma mixti, ita vt mixtum nihil aliud esset quàm elementa quatuor re ipsa quidem remanentia, sed refractis, & castigatis (capiat qui potest) eorum formis, has enim nolunt deperdi omnino, sed refrangi, vt claris dicetur libro sequenti. Hæc sententia quam Peripatetici multi sequuntur parum discrepare videtur ab opinione Empedoclis, qui omnia fieri volebat ex quatuor elementis dominante lite, hoc est eorum vi secernente, & rursus omnia in vnum redigi dominante amicitia, seu virtute congregatrice: nec vnquam perire, aut transmutari inuicem elementa, posse tamen gigni, & interire eorum differentias, quas ab affectionibus non distinguebat, vnde concludit aduersus ipsum Aristoteles hic tex.: cum eius elementa sint prædita differentijs oppositis, quibus & spoliantur, esse apta inuicem permutari, proinde conspicuè Empedoclem secum pugnare. Si autem Empedocles retulisset differentias elementorum dici perire atque gigni hoc ipso tantum quod refranguntur & intenduntur, vt Peripatetici nostri loquuntur de suis primis qualitatibus, forte pudorem imposuisset conuiciatori. Nescimus certè an hæc fuerit eius mens, quam ob metri legem astrictam non potuit exprimere significantius. Vt vt sit, non enim hic proponitur Empedoclis opinio defendenda, sed ea tantum quæ ducta ex varijs antiquorum placitis substantiarum simplicium, ac mixtarum ponit infinitatem, & quæ sublati tot subinsulis, commentarijsque opinionibus de substantialibus, & accidentalibus formis, in quibus declarandis miseri Doctores irraicescunt, obtunduntur, & conficiuntur auditores, ostendit rerum omnium ortum & interitum fieri congregatione, & secretionem substantiarum, quæ nunquam oriuntur, & intereunt, non refranguntur, & intenduntur, sed solo motu sibi inna totam variè inter se commiscuntur, & separantur, vt non modò corporum aspectabilium, sed & mundorum species constituent infinitas, quæ post modum naturali necessitate dissoluantur, & ita habetur ortus, & interitus, a quibus non differt alteratio, nisi quod est earundem substantiarum levis quidam concursus, vel separatio quibus res parum immutatur, sed non quantum satis est ad eas proprietates inducendas, vnde noua species constitui possit, præcipuè vero si mutatio tantum fiat in ijs substantijs, quas vulgo primas, & secundas qualitates ap-



pellamus. Occurrit nunc alia difficultas maximè in hac vltima opinione, quòd in mixto formę elementorum re ipsa maneant, ita enim generatio vnius non est alterius corruptio, vt docet hic philosophus tex. 17. sed sicut elementa manent in mixto, sic ab eo absque corruptione separantur. CHAR. Satis est quòd elementa non remaneant vt subiecta eadem, quemadmodum diximus de cadauere. Qui verò putant corrumpi elementa, & oriri in mixto nouam formam optime etiam explicant quomodo generatio vnius sit alterius corruptio. Cùm enim materia sit expers ortus, & interitus, neque naturaliter spoliari possit omni forma, sequitur vt vna abeunte succedat alia ad generationis perpetuitatem. Atque ita non opus est materia, quæ vel infinita sit, vel quæ semper euadat minor, ac minor. Aduertendum est tamen generationem vnius ita esse alterius corruptionem, vt venenum dicitur mors hominis, id est causa vel conditio quæ adiunctam habet hominis mortem; ita generatio est corruptio quoniam eam semper adiunctam habet. ARIST. Id quoque ab antiquis clarius ostenditur, quàm vt hic diutius sit immorandum: nam cum substantiæ primæ simplices sint æternæ, & infinitæ, motu sibi naturali congregationis, & secretionis melius, & tutius perpetuant generationem, quàm materia prima Aristotelis. Non enim hic timendum est ne materia deficiat aliquando, vel omni forma denudetur, vel tota suscipiat vnicam formam, ignis verbi gratia, si forte vt fieri posset, in se omnia conuerteret, atque ita nihil amplius generaretur. Substantiæ illæ simplices sua commixtione rei alicuius generationem efficiunt, seiunctione corruptionem: nihil ex ijs omnino perijt: mixtorum est ortus & interitus: neque id captu difficilius est, quàm si in æternis quibusdam lapidibus vis ea esset, vt ex eorum aceruo fieret domus, & rursus ex domo aceruus lapidum. CHAR. Tu nunc verè lapides loqueris, vt ait Plautus, quos qui videret in domum nullo adminiculante conformari, non alijs artibus id fieri intelligeret, quàm beneficijs, & cantionibus ita primas illas substantias vltro citroque commearé ad rerum omnium procreationem, absque benefici opera creandi non potest. ARIST. Atqui putabam stultus ego Medeam potius, & Circem sagam triueneficam dicendam esse materiam primam mirabiliorem circulatoribus illis, quorum ab ore fit longę tæniæ vittæ, & mercium quodcunque genus, sed quod subdolè vafri simulatores occultum habent. At ex sinu, & ventre partumero materiæ primæ formæ innumerabiles educuntur, quæ inibi non erant actu, sed potestate, hoc est depromi poterant, quamuis non essent, adeo vt Philopontis iurer ex nihilo eas creari, & infundi gremio materiæ primæ instar Vulcani Coniugis infusi gremio. Quod ille creationi acceptum refert antiquus aliquis tribuerit prestigijs, & proinde dixerit fascinum illud materiæ primæ abigendum porro, abolendum, ac penitus auerruncandum. CHAR. Mittamus hæc iocose magis & falsè dicta quàm philosophicè. Atque vt irridiculè dicam, non est hoc solius materiæ primæ apud theologos, vt educantur ex ea diuersæ formæ: nam & ex substantijs abstractis a materia, vt anima humana, atque angelo volunt educi qualitates, veluti quam dicunt gratiam habitualement, fidem diuinam, charitatem, & alios habitus supernaturales, item sę species impressas atque expressas



fas inter quas annumerant Dei visionem: Hæc omnia e substantijs spiritalibus educi oportet, sicut formas e sinu materiæ primæ. **ARIST.** Quodnam igitur inter eas & materiam erit discrimen? **CHAR.** Ex ijs tantum educi possunt accidentia, ex materia verò accidentia atq; substantiæ. v.g. materia prima ita formari potest vt fiat lepus, substantia vero spiritalis animæ non potest fieri angelus, neq; ille anima, aut aliud quidpiam, sed tantum intelligens, amans, Deo placens & id genus formis accidentalibus conuerti. Alterationes sunt istæ omnes ignotæ quidem Aristoteli, sed tamen iuxta eius doctrinam a theologis receptæ, & argutissimè declaratæ, quas antiqui illi tui qui nihil admittunt præter corpora non possunt a generatione distinguere.

*N.B.*

**ARIST.** Distinguent enim vero commodissimè dicendo animam humanam atque angelos componi ex proprijs sibi substantijs primis nobilissimis, quarum connexio omnibus sit indissolubilis præterquam Deo. His substantijs tanquam essentiæ animarum, angelorumque quid obstat infundi a Deo alias contingentes, quæ decora sint ipsis & ornamenta, ac propterea accidentia, qualitates, atque habitus appellentur. Ita profectò dicendum fuit antiquis patribus, qui philosophia Aristotelis non utebantur, antequam

*N.*

**Carolus Magnus** eam in scholis explanandam proposuisset: Atque etiam nunc nullum puto esse canonem ecclesiasticum quo teneamur credere Aristoteli, atque eius materiæ primæ. Vsus quidem obtinuit vt ipsius utamur principijs tanquam hypothese non necessaria ad ea, quæ diuinitus accepimus declaranda, quemadmodum vt ante dixi, astronomi ad motus cœlestium corporum explicandos adhibent hypothesim cōcentrici, excentrici, & epicycli, neque tamen hypothese suæ fidem obligant. Ita scholæ ferè nunc omnes obsecundant quidem Aristoteli, atque eius principijs tanquam recepta hypothese abutuntur, non prohibent tamen nos indagare an ex antiquorum principijs ab Aristotele non confutatis, possimus euoluere facilius sinus omnes & recessus diuinæ, atque humanæ philosophiæ. Sic igitur theologi ex antiquorum doctrina distinguere possunt vbique generationem ab alteratione, atque etiam exponere ea quæ pertinent ad conuersionem in qua manentibus

*N.*

ijsdem accidentibus substantiæ rei ablatae succedit alia substantia, quæ accidentia illa sustentat. Exemplum sit in pane cuius essentia consistit in substantijs quibusdam aptis ad hominem nutriendum, habet tamen multas alias contingentes quæ nutrimentum ex se nullum afferunt, proinde vocantur accidentia, quoniam accidunt essentiæ panis, quemadmodum odor, sapor, & color, quæ cum sint corpora suam habent dimensionem: Iam si loco substantiæ altricis alia substituatur modo nobis inexplicabili, qua sustentetur ille sapor, odor, & color, ita vt visum habeant sicut prius aspectabilem, panis dicetur conuersus in hanc substantiam. Sed hæc satis sint de distinctione generationis ab alteratione latè sumpta, quæ definiri potest motus ad qualitatem. Nunc speciatim dicamus de alteratione propriè dicta & eius in vtraque opinione difficultates expendamus.



## De alteratione.

C I R C U L U S T E R T I U S.

C H A R I L A V S. A R I S T Æ V S.



**C**H A R. Antiqui, ut ait Aristoteles, qui nihil aut parum dicunt de alteratione, accretione, & actione non laborant admodum in eorum enodatione quæ vix attingunt: At Peripatetici qui nihil relinquunt intentatum, ultro quas peruincant difficultates constantur. Definitio igitur propriè dictæ alterationis (ut vulgatum nomen retineamus affectionis quam alij vocant immutationem) ex tex. 23. sic concinnari potest, ut dicatur mutatio in affectionibus contrarijs manente eodem subiecto sensili. Dicitur in affectionibus contrarijs, ut denotetur alterationem propriè dictam esse tantum ad tertiam speciem qualitatis patibilis, in qua est vera oppositio: in cæteris autem qualitatibus est tantum latissimè sumpta alteratio, quemadmodum in habitibus, facultatibus, figuris, & occultis qualitatibus. Reliqua membra definitionis satis conspicua sunt ex dictis de generatione. **A R I S T.** Alterationem tam latè quàm pressè sumptam declarant antiqui in substantijs, quas pace Aristotelis dicunt esse contrarias, ut Medici etiam fatentur res nonnullas esse contrarias tota substantia, sicut venenum viperæ spiritibus nostris animalibus, ita substantia frigoris contraria est calori, humor siccitati, candor nigrori, & sic de alijs, quæ licet sint substantiæ, nomine tamen accidentium & qualitatum exprimuntur, quod parum refert, dummodo sciamus eas qualitates a substantia distingui solo nomine. Contraria sunt, inquires, quæ sub eodem genere maximè distant, & ab eodem subiecto se se expellunt. Expellunt se ab eadem manu caloris, & frigoris corpuscula motu reciproco accessus & recessus, dum illa igni admoetur, & mox glaciem contrectat: vtraque etiam simul aliqua ex parte in eadem manu commorantur, vnde dicitur calidior, frigidior, aut temperata pro corporum contrariorum exuperatione, vel defectu atque ea possunt esse iuxta se posita, non tamen eodem omnino loco cum sint corpora. Quæ temperamentum naturale efficiunt in mixto perfecto artissimè sibi adhærent, neque faciliè contrariorum incurfu disturbantur, ut apparet in plantis quæ hyeme calorem seruant, alia frequenti concursatione vices alternant, quare manus calidior fieri potest & frigidior, licet de proprio calore & frigore nihil deperdat: Ita secundum antiquos eodem subiecto sensili remanente qualitatum omnis vicissitudo declaratur, quid ad hæc Peripatetici? **C H A R.** Primo dicunt contraria sub eodem genere distare maximè, id est habere veluti latitudinem quandam quæ tota simul acquiri non possit, aut deperdi, secundum quam ita distent & repugnent sibi

*De contrarijs qualitatibus.*

tota



tota natura, vt simul in eadem subiecti parte reperiri nequeat vtrunque in gradu summo, hoc est in toto eo perfectionis incremento, quod naturaliter habere potest, sed tantum in gradu remisso. Secundo vt explanent summum qualitatum omnium incrementum diuidunt exempli gratia in octo gradus, in plures enim vel pauciores diuidi possent, & subiecti habilitatem dicunt esse tantum octo graduum cuiuscunque oppositionis; manum, verbi gratia posse recipere tantum octo gradus caloris, id est calorem summum, sed ea lege vt frigoris nihil habeat, vel octo gradus frigoris sine calore: atque etiam quatuor vtriusque gradus promiscue, aut sex vnus, & alterius duos, aut istius quinque & tres illius, ita vt gradus octo non excedantur, neque repugnat, inquit, hoc modo reperiri in eadem parte manus calorem & frigus, ita enim non habent inter se oppositionem, quia tota petitur a subiecti habilitate, a quo se expellunt tantum quando periculum est ne latitudo octo graduum excedatur. Manus igitur calida vt quinque non potest fieri calida vt sex nisi ex tribus gradibus frigoris quos habet, vnum deperdat, alioqui latitudo octo graduum superaretur. A R I S T. Vidi tamen multos Peripateticos naso suspendentes hanc latitudinem, afferebant enim manum habere posse quinque caloris gradus absque vlllo frigore, quod antiqui vltro admittunt. Hanc doctrinam acceperunt ab Alexandro qui lib. 2. qq. nat. c. 17. & alibi passim ait primas qualitates posse remitti absque contrarij permissione, & sic aerem esse remissè calidum sola frigoris priuatione. Alexandrum sequitur, ac citat Auerroes lib. 2. de Cœlo com. 15. C H A R. Quomodo vsque adeo obliti erant doctrinæ, quam tradit Aristoteles 3. Phys. 19. Magis, inquit, aut minus est, eo quod plus, aut minus contrarij inest: & 2. Cœli tex. 37. docet non remitti motum cœlestem, quia quidquid remittitur contrarium habet, cœlum autem caret contrario. Quomodo non timebant accedere ad luculentum caminum manibus calidis moderatè, veritè tres aut quatuor gradus caloris qui desiderantur ad summum gradum obtinendum, vno momento producerentur ab igne, atque ita manus exardescerent. Nec dicant lenta gradatione productum iri, ratio enim moræ quam patitur calor introducendus petitur tantum a contrarij frigoris impedimento, nam materia ex se prompta est, & ignis agens. Hoc conspicuum est in lumine, & alijs qualitibus contrario carentibus, illa enim omnia vno momento producuntur. A R I S T. Quantumuis antiquos inlecteris & exagites, explodunt hanc subiecti habilitatem, & graduum latitudinem, vnde videbimus quot triciæ sequuntur, inexplicabilesque laquei, quot nodi indissolubiles, quot ambages, quot offuciæ. Oportet materiam primam eadem omnino parte suscipere calorem & frigus, hoc est idem formari simul in calidum & frigidum, penè ac si diceres fieri acutum, & obtusum, rotundum & angulatum, quis hoc capiat? An non longè planius, & magis explicatè rem aperit, qui in occultos meatus corporis dicit irrumpere tenues substantias & vltro citroque commeari. atque ita diffundi & permisceri, vt licet complures sint, singulæ tamen totum occupare videantur? Qui dicunt calorem esse in tota manu, frigus in tota glacie, lumen in toto aere, dicant aurum esse in toto liquore flauo salis ammoniaci quo solutum est, aut in tota massa colle-



Stanea, quæ confecta est ex omnibus metallis colliquefactis: non enim in animum inducere possunt, quod sicut illa massa reperiretur meatibus innumeris plena, & multo leuior, si cæmento regio, aut aquis nitri, atque calcanti omnia metalla præter aurum exederentur, ita sublati ijs omnibus, quæ accidentia vocant, fore ut manus longè quàm ante leuior fistularet, & spongijs assimilis videretur. In auro quidem ubi probè perpurgatur, ut fiat obrysum, conspicui non sunt illi meatus, si leuiter erat subæratum, ubi verò plurimum fuerat æris, pumicosum planè apparet, & fistulosum. In hos meatus sese insinuant substantiæ tenuiores, siue ex qualitates corporatæ, siue alio nomine nuncupentur, atque ibi quo plures sunt recessus & accommodata receptacula, diutius tanquam in tutiori propugnaculo commorantur, donec inde vel depellantur ab alijs subeuntibus, vel aliò propria vi sese promoueant: non enim dicimus recessus illos tenuium substantiarum receptatores vacuos vnquam reperiri iuxta Democritum, sed corpore subtili semper plenos, ut probabile est Anaxagoram, & Empedoclem voluisse, non tamen satis constat de istius mente, inquit Philoponus in tex. 61. huius libri. De Anaxagora sic habet Lucretius lib. 1.

*Nec tamen esse vlla parte idem in rebus inane*

*Concedit, nec corporibus finem esse secandis.*

Hinc facilius ostenditur cur densiora corpora ut lapides & metalla plus caloris accipiant reddantque, quàm aer, & flamma ipsius ignis, in his enim meatibus seu loculamentis constipatur calor, qui in aere perflabili ventilatus dissipatur. At Peripatetici quam rationem afferre possunt cur aer nunquam possit concipere tantum calorem? Habet materiam primam non minus quàm ferrum aptam ad omnium formarum susceptionem, cur igitur aer, palex, lana, & alia id genus non possunt se conuestire tanto calore?

**CH A R.** Corpora tenuissima recipiunt citius summum calorem, quàm densiora, sed ille non sentitur ob raritatem partium quæ minus continent materiæ, ubi verò plurimum est materiæ, partes se adiuuant ad medijs repugnantiam peruincendam, ac proinde fortius agunt: non inficior tamen in meatibus ferri tanquam loculosis quibusdam conceptaculis teneri ignem, & spiritum feruentem, qui ad calefaciendum multum conferunt.

**A R I S T.** Hoc ipsum est quod quærebatur, cur ignis ille, & calidus spiritus in aere vix sentitur, in ferro attactu leuissimo statim perurit, nisi quia in ferri meatibus confertus est, unde exit crebra aspiratione, donec ferrum omnino deferueat. Hoc præstare non potest vlla qualitas quæ sit in partibus materiæ densæ, vel raræ. Quid enim iuuat partium multitudo in materia quæ efficiendi vim nullam habet, nisi a pluribus gradibus, siue partibus qualitatis? quos gradus cum afferre deberetis pro ratione maioris efficientiæ, ad materiæ partes confugitis. Sed hoc satis de mirabili eius habilitate, nunc videamus de graduum illorum latitudine.

## De incremento qualitatum .

## C I R C V L V S Q V A R T V S .

## CHARILAVS. ARISTÆVS.



**C**H A R. Quæritur hic tantum de alteratione propriè dicta, an tota, vel aliqua pars eius fieri possit puncto temporis. Duplex est autem qualitatis incrementum, vnum extensionis, quo qualitas extendi videtur ad diuersas partes corporis, vt calor a manibus ad brachia. Alterum intensiōis, quo qualitas remanens eadem specie, & in eadem omnino parte corporis perficitur, & fit intensior. De hoc vltimo disputamus quod conuenit tantum primæ & tertiæ speciei qualitatis, potentia enim naturalis, & figura non suscipiunt magis & minus. Nec potest peti aliunde ratio, quàm ex natura talium formarum, quarum aliæ totam suam perfectionem simul habere volunt, aliæ minimè propterea quòd in partes infinitas diuiduam habent perfectionem. A R I S T. Vos etiam aliquando ad rerum naturam confugitis, sed hic frustra: commodius enim dixeritis omnes qualitates perfici eodem modo, nimirum additamento plurium partium se in corpora ingerentium, vt fit in lumine, siue calore, vel in meliorem ordinem se conformantium, vt accidit in phantasia: proinde nullam esse qualitatem quæ motum & tempus non requirat. Sed expecto vt vestrum illud incrementum, & si fuerit luminis, nos inuoluat caligine & tenebris obscurissimis. C H A R. Communis opinio est nullam partem qualitatis propriè dictæ produci posse totam simul, sed continuata partium successione. Propterea Aristoteles 5. Phys. 18. eam numerat inter motus propriè dictos, quos vult esse continuos tex. 34. & sepe alibi, ac proinde continuam alterationem. Deinde si puncto temporis pars aliqua qualitatis tota produceretur, daretur in motu primum mutatum esse contra Aristotelem 6. Phys. a tex. 40. ad 60. Nihilominus Sonfinas, Ferrariensis & alij dicunt alterationem non fieri continenter, sed primo momento produci minimum, & indiuiduum gradum, quia verò quodcunque tempus habet infinita momenta, si singulis accederet gradus aliquis, breuissimo tempore qualitas infinita reperiretur, putant identidem cessare causam efficientem, & subinde vices interpolando, interruptam actionem repetere, vnde momenta illa vocant interpolata. A R I S T. Ita illi qui tibias instant identidem reuocant animam & artem habent naturæ inuitatricem. Sonfinas in eam opinionem adductus est ratione satis valida: nisi quòd putat qualitatem introductam repositis vicibus esse formam de genere earum quæ ex vestra materia educuntur, cum dicere potuisset opportunius esse tenuia corpora quæ instar militum irruentium, singulatim aliquando erumpunt, aliquando gregatim,



gatim, modò feruntur vno impetu, modò subsistunt aut retròcedunt. Popularis est quidem hæc doctrina, sed quo, malum, pacto effectum est, ut ea non probetur philosophia nisi quæ litigiosas habet contentiones, obscuros argumentorum sinus, tricas, recessus, ac latebras abditissimas. Quòd ita fiat earum qualitatum accessio & decessio, quam intensiorem & remissionem appellatis, suaderi potest vel ex eo quòd quidquid verè est naturam habet determinatam, neque intelligi potest rem quæ prius non erat incipere, nisi assignari possit totum illud quod primum incipit. CHA R. Nunquam igitur inciperet motus & tempus, quorum nulla pars incipit tota simul, talis enim est natura rerum continua successione fluentium, ut totam suam perfectionem simul acquirere non possint. A R I S T. Resistæ fluentes distinctæ sunt a permanentibus sola ratione, motus enim est corporum aliorum ad alia continua quædam applicatio, de qua applicatione & successione non interrupta quæri non debet, an eius aliqua pars producatut tota simul, ita enim sumeretur tanquam distincta a re cuius est motus. Motus itaque & tempus licet vulgo dicantur fieri, non fiunt tamen, quia corpora a quibus distinguuntur sola ratione, nunquam fiunt eo modo quo dicitis, sed congregatione tantum & secretionē. CHA R. Hoc est quod nemo capiet unquam, rem moveri loco, & eius motum qui prius non erat, ita succedere, ut dicatur fieri, & tamen sit idem ac res, quæ non fit. Sed quidquid sit de motu ostendo non esse absurdum res quasdam fieri, & nullam earum partem incipere totam simul. Quando duæ tabulæ quarum extremitates se contingebant sibi continenter admouentur donec altera alteri supponatur, quæro ut assignes mihi partem certam qua primum superior inferiorem cooperuit, nulla est certè qua minor assignari non possit in infinitum, ita est de motu, temporis, & qualitatum productione. A R I S T. Fateor exemplum esse satis ad rem accommodatum, sed fallaciam in eo esse quòd ais sicut illæ tabulæ applicantur ita producuntur qualitates: Si applicatio tabularum ab ipsis distingueretur, aut tabularum partes infinitæ producerentur, concluderet aliquid argumentum quod est a transitu rei existentis ad productionem non existentis: Rei corporatæ existentis non potest designari pars quæ sit minima, quia æterna eius dimensio diuisionem admittit in infinitum, at ea quæ non existit, si fieri potest, aut tota, aut pars eius certa produci debet, non enim datur productio rei incertæ, licet partis incertæ transitus detur. Eohæc sint dicta secundum communem sententiam, quòd continuum non constet punctis tanquam principiis indiuiduis: nam si constat, ut postea dicam, respondeo duas illas tabulas, & alia id genus contactum inchoare a primo puncto, & alia actu infinita decurrere consequenter eo ordine quo posita sunt: sic enim assigno primum illud quod attingitur, partem autem integram continui non possum, nec debeo, quia constat punctis infinitis, quæ successione perpetua decurruntur. Sic intensio est motus qualitatum alia corpora subeuntium magis ac magis, quæ quia sunt corpora necesse est primum aliquod punctum inferri ratione cuius produci dicuntur. CHA R. Longè aliter sentiunt Peripatetici qui motum distinguunt a subiecto. Audiamus nunc quid respondeant autores nostri. Sol oriens inquit Sosinas



- primò, minimum gradum producit luminis & caloris, aliquo post tempore propius licet accedat, nihil producit, deinde efficit secundum gradum. Sed quomodo Sol agens naturaliter quantum potest, suam actionem interrumpit, quomodo nunc operari incipit & non prius? Confugiunt hic ad naturam qualitatis quæ postulat ita produci. A R I S T. Tutum propugnaculum. C H A R. Sed parum philosophicum, sicut & eorum qui dicunt agens tempore intermedio quiescere, cum ridiculum sit Solem aut magnum ignem producto gradu minimo defatigari, non enim dici potest in quo defatigatio ista consistit, maximè in qualitatibus quæ carent contrario ut lumine & alijs, in quibus tamen Sonfinas ait dari interruptionem & quietem. Propterea dicunt alij ignem omnino non quiescere, sed rem ab eo præparari ad recipiendam qualitatem inducendam. Sed nulla præparatio requiritur ad primas qualitates, quæ sunt aliarum præparationes. Deinde huiusmodi præparatio non potest esse nisi qualitas de qua redibit quæstio in infinitum. Probabilior igitur est illa sententia quæ asserit fieri continenter alterationem propriè dictam, non quòd interrumpi non possit aliquando, deinde repeti, sed quòd, ut dixi, non fiat vlla pars tota simul. A R I S T. Sed lumen contrario carens cur etiam recipit continuam illam accessionem non minus quam contrariæ qualitates calor, & frigus? C H A R. Quia multæ sunt causæ illius continuæ productionis. Prima est latitudo quædam perfectionis luminis & multis alijs qualitatibus naturalis, quæ si absit non poterit produci qualitas, quin tota simul acquiratur. Secunda est distantia agentis a patibili, non enim tantum produci potest in parte remota, quam in propinqua, ita cum paulatim appropinquatione tollitur distantia Solis, paulatim quoque fit accessio ipsi luminis. Tertia est repugnantia rei patibilis ob contrariam præparationem expellendam, ut frigus ligni quod calefit. Lumen quidem caret contrario, proptereaque pars eius aliqua produci potest, sed quoniam habet latitudinem qualitatum, intendi potest, & remitti. Quarta est determinatio agentis ad talem modum operandi, ut non omnes gradus simul, sed continuata successione introducat, & hoc videtur in habitibus: Actus enim licet summè intensus, non producit vnquam habitum summè intensum, sed quod mirum est, ab actu remisso sæpius repetito generatur habitus firmior, & intensior, quam ab vno solo valde intento, ut quotidiana patet experientia, cuius sola ratio est determinatio agentis ad talem modum operandi. A R I S T. Alia forte ratio subiungi potest, quòd mauultis adhærere materiæ primæ Aristotelis, vnde proueniunt hæc incommoda, quam cum antiquis admittere tenuia corpuscula quibus illa penitus remouentur. Sed hoc nihil est ad ea quæ nunc expecto, nimirum in quo consistat intensio illa & remissio qualitatum. C H A R. Intensio qualitatis fit accessione gradus ad gradum, remissio contra decessione. Hoc probari non potest melius quam refutatione aliarum sententiarum: Nam hæc intensio non potest intelligi sine productione alicuius nouæ qualitatis contra Thomistas. Deinde prior qualitas non corrumpitur contra Durandum, ergo superest ut intensio fiat additamento gradus ad gradum, non quod gradus qui additur alicubi prius existerit, sed quod de incre-

*In quosom-*  
*sistat inten-*  
*sio & re-*  
*missio qua-*  
*litatum.*

N.



gro fiat & præcedenti coniungatur. D. Thomæ sectatores putant in intensio-  
 ne nihil produci, sed qualitatem iam productam, puta calorem, veluti stir-  
 pem radicofam, perfectius afficere subiectum, firmitus inherere, altius radi-  
 ces agere. Varij autem sunt modi quibus explicant hoc ænigma. Ægidius  
 dicit eandem qualitatem acquirere perfectiorem existentiam, alij connexio-  
 nem, alij præparationem, alij terminationem, de quibus redit eadem diffi-  
 cultas quomodo fiant perfectiores an gradatim, an alio modo. Durandus  
 cuius palato radices illæ qualitatis sunt amaræ, vt eas eradicet, ait in inten-  
 sione perire formam remissam, & acquiri perfectiorem, vt quando ex calore  
 vnius gradus fit calor duorum graduum perit calor vnius gradus & distin-  
 ctus omnino generatur. **A R I S T.** Miror quòd idem non dixerit primos  
 milites in arcem irrumpentes opprimi a socijs eodem concurrentibus, & pe-  
 rire ingentem nummorum summam vnius vltimi appositione. **C H A R.**  
 Clarius refellitur Durandus, quia forma intensior non est contraria remissio-  
 ri, alioquin oporteret similiter quando ex intenso calore in aqua fit remissus,  
 definire totum calorem intensum qui erat ante, nec dici potest vnde oritur  
 calor ille remissus in aqua qui mox sentitur. Certè non ab aqua, neque a  
 calore intenso qui erat ante, iam enim non est, sed neque a frigore, quia con-  
 trarium a contrario non producitur. Superest igitur vt qualitas fiat acces-  
 sione gradus ad gradum. **A R I S T.** Contortè illi quidem, sed vos non re-  
 ctius. Nam quis intelligat rem vnã simplicem, vt calorem fieri vsquequa-  
 que perfectiorem accessione secundi gradus manente primo. Quid enim  
 primus acquisiuit perfectionis aduentu secundi? Ille non est subiectum, nec  
 ille actus, idem est ac si gutta vna aquæ accessu alterius fieret maior, ambæ  
 enim non efficiunt perfectiorem aquam, sed maiorem: Idem est de vestris  
 gradibus. Propterea melius diceretis intensiorem, & accretionem hoc vno  
 differre, quòd in ista moles ad oculum euadit maior, & ampliorem occupat  
 locum, in illa minimè, quoniam corpuscula quæ qualitates appellantur in-  
 feriunt obuios meatus, & quo plura congeruntur eò vocatur qualitas in-  
 tensior. **C H A R.** Plebeia est isthæc philosophia, enodis quidem, sed  
 quæ iunco enodi non est præstantior. Dicimus gradus illos nullo tempore  
 fuisse distinctos, sed ea actione continua qua producuntur vnum effici, ad  
 quod non requiritur, vt gradus vnus sit potestas, & alter actus: Tribus enim  
 modis docemus vnum fieri, nimirum actum cum potestate, continuum cum  
 continuo, & gradum cum gradu. Neque refert quod primus gradus produ-  
 ctus sit actione vnius ignis, secundus verò actione alterius, vnde dicat ali-  
 quis quæ diuersis actionibus producuntur, sunt distincta, hoc enim verum  
 est nisi subsequens actio ex præcedentibus & aduenientibus gradibus vnum  
 efficiat, quemadmodum efficitur vna aqua ea actione qua gutta guttæ com-  
 miscetur. **A R I S T.** Acquiescent antiqui modò detur gradum cum gra-  
 du fieri vnum eadem ratione penitus qua continuum cum continuo: gutta  
 enim prior aquæ, vel vini quantumuis permisceatur, nunquam fiet altera,  
 vtranque lynceus aliquis oculus discerneret, & separaret: sic dicendum est,  
 gradus caloris vnum fieri posse mixtione sola, substantias igitur corporeas  
 esse oportet. Præterea non video tutam rationem explicandi quomodo pri-  
 mus



mus gradus secundo adueniente remaneat : essentia enim formæ est sicut numerus ita consistens in indiuiduo , vt remitti non possit aut intendi eadem manens, neque intelligo quomodo calor toto tempore quo intenditur non habet certam vllam naturam , nec est propriè , res enim quæ fit propriè non est, sentitur tamen , ac proinde vt moueat sensum , debet esse res certa & singularis. **CH A R.** Essentia tota caloris est in primo gradu , sicut aquæ in vna gutta , & ea est instar numeri , graduum tamen latitudo quam habet calor vt quantitas aquæ diuidi potest . Dum intenditur autem vel remittitur non habet reipsa certum gradum , sed virtute , quatenus in motu continuo possunt assignari varia momenta, quibus si motus sisteret, res quæ fit, aut corrumpitur haberet naturam determinatam , quod sufficit. **A R I S T.** Vobis, sed non antiquis, qui non sunt adeo perspicacis intelligentiæ, vt cogitatione sibi informent rem aliquam oriri, sensu percipi, crescere, decrescere, & interire quæ non reipsa , sed virtute tantùm naturam certam habeat , & singularem. **CH A R.** Non minor est Durandi difficultas ; Nam inquit in omni mutatione terminus a quo abijci debet , vt acquiratur terminus ad quem : Cum igitur intensio qualitatis sit mutatio , cuius terminus a quo est forma remissa, & terminus ad quem forma intensa, debet, corrumpi remissa, vt intensa adueniat . Sed optimè respondet Scotus perire quidem formam remissam, non absolutè vt forma est, sed secundùm priuationem intensificationis quam habebat , eo ferè modo quò dicitur perire materia prima , cum ex priuatione tendit ad formam. **A R I S T.** Superest vt videamus quæ sit inter gradus illos differentia. **CH A R.** Homogenei sunt & planè similes, nec vlla ratio est cur vnus dicatur primus, alter secundus, denique non sunt gradus reipsa, sed potestate diuidui in infinitum, sicut dicitur de continuo . *Homogenei sunt gradus in incrementis.* **Sua-** res tamen exultimat esse heterogeneous, & distinctos, coniungi autem quibusdam indiuiduis , sicut lineæ partes punctis mathematicis . Verùm si in gradibus illis est diuersitas , in hoc consistit quòd octauus gradus sit perfectior septimo, septimus sexto, & sic de alijs . Quæro autem de gradu octauo caloris , si solus in manu reperiretur sublati alijs , eamne calidam efficeret vt vnum , vel vt octo ? Si vt vnum , non est perfectior primo : si vt octo , frustra erunt reliqui gradus . Præterea gradus illi infiniti essent, vel finiti : Non primum ex 3 *Phyl.* Non secundum , si enim sunt finiti , vel vnusquisque gradus est diuiduus , vel indiuiduus : Si indiuiduus alteratio non erit continua , sed singuli gradus singulis momentis producentur : Si diuidui , vel in partes heterogeneous , vel homogeneas : Non homogeneas , quia si hoc dicis de partibus singulorum graduum , idem poteras dicere de tota qualitate : Si verò diuiditur in partes heterogeneous, iterum de illis redibit quæstio in infinitum, sunt igitur omnes homogenei . Aduertendum est tantùm hîc diligenter, quòd gradus octauus si consideretur secundùm se , non est perfectior calore vnus gradus , si verò vt est octauus , & coniunctus cum septem reliquis , est perfectior. **A R I S T.** Velim audire cur ex istis gradibus vnus prius , quàm alter producitur : cùm enim varij gradus caloris ex materia educi possint, qua libertate Sol aut ignis determinantur vt hos educant , & non illos ? Antiqui certè hîc non laborarent , qui nullam substantiam simplicem produci



duci putant, sed tantum congregationis; & secretionis subire motum. CHA R. Hæc difficultas est communis in quocunque effectu singulari: Si enim quaratur cur lumen hodiernum hodie sit productum potius, quam illud, quod die crastini producet, ratio aliunde peti non potest, quam vela Deo determinante, vela concursu omnium causarum, quæ semel tantum coniungi possint naturaliter. A R I S T. Ad quæ aras vobis est confugiendum. Eone etiam vos recipietis, si quis ex gradibus vestris sequi dicat ex calido, vel luminoso vnus gradus calorem & lumen infinitum produci posse. Sit enim vitrum vsquequaque calidum in primo gradu, si calor mediæ partis accedat alteri, erit duplo maior, proinde in secundo gradu, si bifariam iterum diuiditur media pars, & calor vt ante replicatur, iam accedet ad quartum gradum, & ita procedendo ad indiuiduum fiet qualitas infinita, quia tantum est caloris incrementum, quantum decrementum vitri, at illud decreuit sine proportionem, scilicet vsque ad punctum, ergo creuit calor sine proportionem, nempe vsque ad infinitum. CHA R. Perfacilis est responsio, nimirum calorem non esse intensum infinitè, sed tantum infinitè replicatam eandem intensiorem contineri in particula vitri, quæ prius in toto continebatur, atque ita non excedere perfectionem vnus gradus, neque sensu maiorem quam ante calorem deprehendi in particula, quam in toto. Denique si poneretur simul calor eorum omnium, quæ eundem habent gradum, nihilo intensior efficeretur, & totus calor vniuersi simul positus non excederet octauum gradum. A R I S T. Ad hoc refellendum nihil opus est speculis Archimedis, & Procli quibus ignis procul excitabatur: satis est vitrum illud vulgare quo ignis prope accenditur. Faciamus in aere quatuor esse gradus luminis, qui vt dixisti quantumuis replicati, & iuncti simul nunquam efficient lumen vltra quartum gradum: Non negabis tamen interposito illo vitro tantum caloris & luminis produci quantum satis est ad ignem generandum, puta octo gradus, non alia de causa quam quia radij, qui rectè per aerem tendebant, refranguntur & concurrunt in vnum punctum, propterea partes quæ circumstant apparent longè quam prius obscuriores. Si finitus est numerus radorum qui sint corpora tenuissima iuxta antiquos efficient quidem calorem seu lumen maius, sed tamen finitum: Si verò lumen est forma, qualem fingitis, cuius in singulis partibus vitri & aeris sunt quatuor gradus, toties erunt quatuor gradus in puncto concursus, quot assignari possunt partes in vitro; at assignari possunt infinitæ, nec magis ab vna quam ab alia secundum vos procedit lumen, quod antiqui per meatus tantum traduci putant: in concursu igitur gradus infiniti reperientur. Nec refragari potestis experientiæ qua constat ampullis vitreis Soli vel igni oppositis tantum luminis excitari in vna parte, quantum reliquis partibus aeris adimitur: quare vel ex eo dicent antiqui qualitates omnes esse corpora. Neque alienum videatur a philosopho vt crebro experiētis: propterea enim Aristoteles hic tex. 7. reprehendit antiquos, maximè verò Platonem, quod contemplationibus Solis dediti experientias aspernarentur, quæ versantur circa opera, & rationibus quibusdam dialecticis acquiescerent. CHA R. Hæc quidem experientia non nihil videtur obturbare eos, qui dicunt eosdem qua-

## 24 De incremento qualitatum. Circ.IV.

tuor gradus in toto aere existentes coniungi, & sic euadere fortiores, ita enim labuntur in difficultatem quòd primus gradus sapius replicatus efficeret, immò superaret infinitè octauum gradum: nec satis exprimere possunt quid sit illud coniungi, nisi qualitates sint corpora, quæ contra naturam accidentium transeant de subiecto in subiectum. Sed dicerem ego vitrum esse conditionem qua posita Sol qui summum lumen continet reipsa, & virtute summum calorem, plus producit ob figuram vitri in certo puncto, quàm in cæteris partibus aeris circumfusi: & quanquam qualitates in medio productæ graduum diminutionem vt plurimum patiantur ea proportionem qua longius abest causa efficiens, nihil obstat tamen quin alicuius conditionis interuentu maior effectus prodeat in loco remotiori, quàm in propinquo: vt cum vitro interposito sit ignis vbi prius quatuor tantum gradus caloris producebantur, necesse est ibidem a Sole fieri octo ferè caloris gradus ad ignem concipiendum necessarios. **ARIST.** Hoc potius, & quiduis aliud referetis, persequendo miseros antiquos testa que luto que, Securi quò pes cadat, quàm vt fateamini qualitates esse corpora, quibus solis conuenit coniungi, dissolui, refrangi, & reflecti, vt contingere videmus in experientia proposita. Admittitis in loco remoto maius oriri lumen, quàm in propinquo ob interpositionem vitri, cuius opacitas obstare deberet luminis propagationi, nisi per tenues meatus radios transeuntes in vnum punctum cogeret, tantum detrahendo vicinis partibus, quantum accedit vni puncto. Propterea non producit in illo puncto lumen maius interpositu vitri plani, sed conuexi, neque vitri tantum, verum etiam corporis cuiuscunque perlucentis, velut aquæ congelatæ. Scio aliquos respondere id generari a Sole, vel ab igne in vna parte, quod generaretur in multis partibus sublato vitro. Sed ita fatentur plures gradus vt quatuor, qui in omnibus aeris partibus producerentur sublato vitro, iam simul coniunctos in illo puncto efficere septem, vel octo. Atqui id omnino videtur asserendum, quanquam ex eo sequitur qualitates esse corpora quæ coniunguntur, & separantur, alioquin dici non potest quomodo ex pluribus luminosis in primo gradu oriatur maximum lumen, vt si pluribus nitedulis locus aliquis confertus esset, haud dubiè quin deflagrare videretur, neque aliter habendum est de cæteris qualitibus siue primis, siue secundis. **CHAR.** Nullam video tutiorem responsionem, quàm dicere positis quibusdam conditionibus, vt repercussu, in fractione, & virtutis coniunctione fieri hæc omnia quæ dixisti. Satis est quod efficiens causa non dicatur producere plus quàm habet in se, quòd verò plures gradus efficiat in loco remotiori, quàm in propinquo, ab his conditionibus petendum est, vt videbimus commodius

tertia par-

te.



## De accretione, &amp; rarefactione.

## CIRCULVS QVINTVS.

## ARISTÆVS. CHARILÆVS.

**A**RIST. Aggredi possumus secundam partem de accretione, in qua declaranda ne Democritus quidem satisfecit Aristoteli tex. 5. dicendo cum antiquis eam fieri adueniente simili. Fortassis autem præstabant hæc pauca cuius obuia, vnde nemo dubitet dari rerum accretionem, quam multa profundere ex quibus tollenda omnis accretio videatur. Tot enim prima fronte difficultates oboriuntur ex principijs Aristotelis, vt si accessio crescendi eo modo contingeret, idem sit fieri magnitudinem ex nihilo, & crescere. An propterea antiquior opinio explodenda est quod vno verbo declaratur, & non patitur has difficultates? Agimus hic de accretione rerum vniuersæ, siue eæ sint compositæ, siue simplices: hanc antiqui fieri dicunt adueniente simili, quod satis est ad rem exponendam generaliter, si verò speciatim agatur de huius, vel illius accretione, non adeo hebetes fuerunt vt modum generalem alicui non potuerint accommodare singulariter. Quippe omnis accretio fit accessione substantiæ corporeæ ad sibi similem: in simplicibus quidem vt ignis ad ignem alio non opus est, quam proximo contactu partium quocunque modo illæ adueniant extrinsecus: in compositis verò vt in animalibus præter contactum requiritur modus quidam partium intromissarum de quo lib. 2. de Anima, ita vt simili intus suscepto & distributo maior euadat moles sibi tamen semper similis specie & forma exteriori. Si hac sola corporis ad corpus accessione Aristoteles absolui vellet accretionem, non adeo sudarent eius interpretes in altera ratione declaranda, qua nimirum idem corpus sola raritate fit maius, & nouam acquirit quantitatem, volunt enim aerem densari frigore, & calore rareferi nullis recedentibus, aut subeuntibus corpusculis vnde fiat moles minor, aut maior.

**CHAR.** In hoc consistit essentia accretionis propriè dictæ, vt producatuur noua quantitas motu, vt dicimus, rarefactionis, nam adjunctio sola substantiæ ad substantiam in viuentibus est potius nutritio; aut præparatio ad propriam accretionem, in alijs verò est accretio latè sumpta. Fateor maximam esse controuersiam inter philosophos de modo quo producit in materia noua quantitas. Philoponus secutus Stoicos lib. 11. contra Proclum putat materiam primam esse trinam ipsam dimensionem, quæ suscipiat varios terminos, vt sic melius intelligatur cur ex certa aquæ particula non possit generari quauis magna aeris moles. Non placuit Auerroi, & Zabarellæ materiam esse ipsamet dimensiones, ne essentia materiæ ad prædicamentum quantitatis pertineret: quare volunt materiam esse corpus de categoria sub-

stantiæ atque summum ipsius genus & quidem simplex, licet omnia substantiæ genera subalterna sint composita. Hoc autem corpus aiunt esse indefinitum, & nulli rei alligatum, hoc est quod sit quidem corpus, sed non tale corpus perfectum & contractum ad certam formam, proinde dicunt in materia reperiri quantitatem interminatam, non quòd careat aliquando terminis, sed quòd secundum propriam naturam nullos certos terminos sibi vindicet, sicut nullam certam postulat formam, & si absque omni forma esse non possit, a qua termini quos habet quantitas præscribuntur. Hoc difficiliter capi potest, cum materia aquæ recipit aeris formam, mutari tantum terminos quantitatis, nulla enim pars est quæ non magis quam prius extendatur, & hoc per terminos illos admirabiles, a quibus proinde necesse est non tantum materiam extendi, sed etiam priorem quantitatem, quæ secundum illos semper remanet: at effectus quantitatis est extendere, non extendi, ut caloris calidum facere, non calefieri. Neque verò referre possunt ex quantitate interminata & nouis terminis vnum fieri, ut dictum est in alteratione de gradibus qualitatuum, ad hoc enim non opus est quantitate coæua materiæ, sed potius quæ tota corrumpi possit, & generari? Sed quidnam sunt isti termini quantitatis? profectò aliud esse non possunt quam noua quantitas, atque ita coæua illa est superflua, dabiturque penetratio nisi ex duabus fiat vna. Scio mentem Auerrois non esse, ut multi putarunt, materiam habere quantitatem sibi propriam aliquando reipsa interminatam, cuius termini varientur, ipsa autem quantitas non varietur; at hoc mirum est materiam esse corpus quantum secundum se aptum omnia fieri, & ad quamcunque molem extendi, ut granum hordei ad totius vniuersi magnitudinem, certè id quod aptum est sic extendi, non debet esse extensum natura sua. Atque omnino si dicimus materiam habere quantitatem aliquam sibi coæuam, eam non oportet reipsa distinguere a materia; & ita labimur in opinionem antiquorum qui accidentia a proprijs substantijs distinguunt sola ratione. Præterea eodem iure possumus tribuere materiæ formam aliquam substantialem interminatam, quæ sit omnium rerum exordium, ut si quis diceret materiam esse aerem, vel aquam interminatam, quæ omnia fiat, ijsdem enim se rationibus ferè tueri posset. Deinde quando dicunt materiæ conuenire quantitatem interminatam, vel intelligunt de materia in specie, vel de materia in individuo: non primum quia sensus esset vniuersam materiæ essentiam non postulare magis hanc quam illam molem, quod nemo negat: quis enim dubitat fieri potuisse a Deo mundum maiorem & plus materiæ. Sed neque secundum, sequeretur enim, ut dixi, materiam quæ est in in grano hordei toto mundo maiorem fieri posse. Multa sunt etiam D. Thomæ argumenta contra Auerrois opinionem, sed non recto modo intellectam. Primum ex 7. Metaph. 4. Substantia accidentibus est prior natura, cognitione, & tempore: ergo, inquit, non datur quantitas interminata coæua materiæ. Vera responsio est Aristotelem hic modos enumerare quibus substantia prior est accidentibus: non quòd simul his omnibus modis prior sit semper, sed modò vno, modò duobus, modò omnibus, sicut natura dicitur principium motus, & quietis. Secundum petitur ex 5. Phys. Ens actu est subiectum accidentium, materia



igitur cum sit potentia, non erit subiectum quantitatis sibi eorum. Respondere potest Auerroes ens actu esse subiectum accidentium terminatorum, at ens potestate eo modo quo dictum est posse esse subiectum accidentium interminatorum, quia quantitas proximè in materia recipitur. Tertio, inquit, esset prius ens secundum quid a quantitate, quam ens simpliciter a forma substantiali. Respondebit negando hoc sequi, quia nunquam est materia actu informata quantitate interminata, sed forma hac vel illa adueniente terminatur. Quarto sequeretur quantitatem hanc interminatam esse materiam essentialem. Respondebit esse tantum proprietatem materiam, ut sine quantitate esse non possit, & ita dici posse hoc essentiale materiam in secundo modo dicendi per se. Hæc sunt præcipua D. Thomæ argumenta quibus Auerrois sententia non omnino labefactatur, probandum est enim contra Auerroem in accretione quantitatem acquiri omnino nouam, quam tamen Thomistæ dicunt nec acquiri, nec deperdi, sed magis vel minus confirmari, & radicari, quorum opiniones fortasse possent cum Auerroeo conciliari, nisi velint virtute diuina dari posse materiam omni quantitate spoliatam, quod & Auerrois repugnat, & Thomistis, qui dicunt indiuiduam materiam differentiam peti a quantitate, nec materiam sine forma, nec formam sine quantitate reperiri.

**A R I S T.** Pulcherrimi sunt isti nodi quibus vnde quaque doctrina Aristotelis implicatur, videamus alios, qui sequuntur ex productione quantitatis per rarefactionem, in qua dixisti consistere essentiam accretionis propriam dictæ. Antiqui enim negant funditus mutari posse eiusdem substantiæ quantitatem, aut ab ea distingui, & separari, perinde ac si Auerroes dixisset dari materiam eorum quantitatem determinatam.

**C H A R.** Cum essentia accretionis non sit accessio nouæ substantiæ, ut dicam ad secundum de anima, necesse est ut consistat in extensione quæ sit motus continuus, quo res occupat maiorem locum, atque eum motum dico esse rarefactionem quæ partes prius compactæ extenduntur, ut cum aer vnius cubiti extenditur ad decem cubitos.

**A R I S T.** Putabam per rarefactionem acquiri tantum raritatem quæ esset qualitas, nunc verò eodem motu audio tam quantitatem acquiri, quam qualitatem, quasi vno ictu duos lepores. Nec dubitatis dicere motu velocissimo produci calefactionem, ab hac extensionem, ab ista rarefactionem, licet non deur motus ad motum 5. Phys. 10. Sed hæc sunt peripatetica catapodia subamara.

**C H A R.** Amara quidem ignaris, at intelligentibus dulcissima. Scimus vnius motus esse tantum vnum terminum. Motus qui dicitur latio terminatur ad vbi 5. Phys. 9. Cum igitur dicimus motu fieri calefactionem, non est sensus calefactionem esse terminum lationis, sed posita latione in eadem materia emanare actiones calefactionis, extensionis, & rarefactionis, & singulas habere suum terminum.

**A R I S T.** Motus igitur non erit causa caloris, sed ad summum conditio, quæ posita multi alij motus necessariò subsequuntur. Nolite saltem hæc antiquos insectari, quod dicant nihil aliud fieri in vniuerso, quam lationis motus varios, qui se alij alios necessariò comitantur, quemadmodum vestri illi quatuor motus: nec curiosior haberi velim si quæram abs te, vter motus est prior, nimirum extensionis, quo acquiritur noua quantitas, an rarefactionis, quo tan-

tummodo raritas producitur. CHA R. Tempore quidem motus illi omnes sunt simul; sed tamen natura prius induci puto quantitatem, deinde partium subtilitatem, rarefactio enim fit a calore, cuius primus effectus est calefacere, unde sequitur maior dilatatio partium atque extensio, ac tandem subtilitas, siue raritas. In viuentibus quidem postquam beneficio nutritionis repleti sunt omnes pori maiori substantia, quàm commodè capere possint, tunc omnes partes actione caloris vitalis extenduntur, ibique generantur noui pori, quibus iterum repletis fit noua extensio, & sic deinceps. In ijs autem quæ vita carent, vt in aere, posito calore statim fit extensio partium nouæ quantitatis accessione. A R I S T. Volebam ego quarere causam maioris illius quantitatis quæ generatur, docuerat enim iam Aristoteles quantitatem carere contrario a quo corrumpi posset. Sed audio non opus esse causâ alia ad productionem quantitatis, quàm calore quo posito statim emanat ex fecundo sinu materiæ primæ, sicut posito frigore se subducit & contrahit veluti cornua cochlearum. CHA R. Atqui omnino sic habendum est quantitatem aliter produci non posse, quàm actione emanationis. Non enim placet modus accretionis quem Auerroes excogitauit, nimirum in rarefactione non produci quantitatem, sed tantum veterem quæ præerat sub minoribus terminis, extendi ad maiores terminos: Illi enim termini quid aliud sunt quàm noua quantitas, quæ si acquiritur, vetus etiam deperdi potest. Non placet modus Thomistarum, qui dicunt in aere rarefactio quantitatem maiorem non acquiri, sed tantum priorem magis radicari, quod supra dixerant de qualitate, nam radices illæ vel nihil sunt, vel a quantitate non distinguuntur. Quare superest vt affirmemus accretionem fieri vt ait Arist. 1. de gener. tex. 1. Videmus, inquit, quiescente substantia in ea transmutationem fieri secundum magnitudinem, quæ vocatur accretio, & diminutio, id est nulla accedente substantia quantitatem nouam produci, atque ita vt docet philosophus, dari motum ad quantitatem. A R I S T. Hoc est quod antiqui nunquam admittent, scilicet quiescente & manente eadem substantia nouam acquiri quantitatem, aut qualitatem, in eo vehementer hallucinatum dicent Aristotelem, qui non ratione aliqua, sed suo iure violentius quàm par erat arripuit corpus aliquod fieri maius, aut immutari citra alterius corporis accessionem. Illi verò defendent magnitudinis & qualitatis mutationes ab accessu, vel recessu subeuntium quorundam corporum petendas esse. CHA R. Hoc accidere non potest nisi defectu rationis & experientia, rationis quidem, quia quando quis mouetur necesse est aerem quem impellit, comprimi, & condensari, alioqui si absque vlla condensatione hic aer alium pelleret, & ille alium, & sic deinceps, motus tenderet in infinitum atque ad motum formicæ totum vniuersum moueretur, quare deueniendum est ad aliquod corpus quod aliud non impellat, sed condenseretur. Pari modo necesse est aerem qui est a tergo rarefieri, ita vt condensatio & rarefactio semper se mutuo consequantur. A R I S T. Hanc ratiocinationem inanissimam ostendo vno exemplo. Si pisciculus in pulla vitrea aquæ plena conclusus moueatur fortasse motus pertinebit ad totam aquam cuius partes alia altorum locum sensim accipiunt citra vllam rarefactionem.



tionem , non propterea necesse est moueri aerem extra vitrum , nunc verò fingamus vitrum abesse , quare partes eadem aquæ non poterunt idem efficere , sine vlllo prorsus aeris motu ? Sed audiamus experientiam .

CH A R. Hoc accidere, inquam, non potest nisi defectu experientia quam in veteribus philosophis Aristoteles desiderabat 1. Phys. 71. & 1. de gener. 7. Mirum est Heraclitum sedentem in casa furnaria non considerasse castaneas igni appositas magno crepitu dirumpi, quia aer inclusus & calefactus rereficit, & petit maiorem locum, minorem verò densatus frigore, vt patet in vesica plena aere, quæ ad ignem calefacta euadit durissima, & vix amplius comprimari potest, contra verò quando ab igne remouetur. Legendus est tex. 58. tertij de coelo. A R I S T. Non dubito certè Heraclitum, cùm se in casa illa furnaria calefaceret, castaneas, & alia id genus considerasse, sed putabat cum antiquis calorem esse corpus, quod castaneas, & vesicas subiens, eas dirumperet, quemadmodum si plures animantes irrumpant in gurgustium male materiaturum, omnia circumfistentia conuellerent. CH A R. Hebes æquè ac pecus qui hoc credat. Animantes enim vi subeuntes caulam nihil dirumperent, si exitus illis perinde ac aditus liber esset. At verò calor, si est corpus, mille habet meatus parentes quibus exire potest eadem facilitate, qua ingressus est, cur igitur vesicam distendit ac dirumpit ? Cur spiritus terre calefacti in cauernis Circum claustra fremunt, nisi quia necesse est omnino produci nouam quantitatem, quæ penetrationem non admittens, maiorem locum sibi vindicet. A R I S T. Accipe responsionem veram ab hebeti, & retuso quantum voles ingeniolo. Caloris corpuscula vesicam ingrediuntur, & toti aeri illic incluso infunduntur, vt aquæ vinum, crescit proinde spiritus inclusus, neque tam cito potest exire calor, cùm aeri sit exquisitè permixtus, eique sicut cæteris naturaliter adhæreat: Neque etiam ratio vlla est cur exeat nouo calore adueniente, vnde aer ambiens repletur magis, ac magis, atque ita necesse est rumpi vesicam, sicut ab igne in cauernis concepto terram concuti, vel dissilire. CH A R. Nunquam hodie effugies veniam quocunque vocaris, neque experimentum vllum recusabo. Sit lignum non maius pugni magnitudine, ex quo in frustra conciso fiat igniculus in loco angusto, & circum multæ vesicæ non omnino distentæ, vt singulis desit tantum aeris quanta est ipsius pugni magnitudo: videbis eas omnes breui distendi, ac forte dirumpi. Atqui si non datur rarefactio, non potest illud lignum resolutum in suas partes occupare spatium pugno maius: calor igitur si corpus est ab eo emanans non poterit distendere vesicas omnes, & præterea dispergi per totum aerem. A R I S T. Si quemadmodum narras, ita cederet experientia, non propterea dicerem admittendam esse rarefactionem, sed vacuum potius cum Democrito, & Epicuro, quo admissio facilis est ratio maioris aut minoris extensionis. Nunc verò existimo si periculum tot vesicarum facere velis, aut vnus tantum, nihilo magis inflatum iri, immo sæpe minus, quàm sit magnitudo ligni quod comburitur. Videntur enim sæpe distendi vesicæ, contrahuntur tamen siccitate, & minus spatium comprehendunt. Quod si quis ostendat etiam longè amplius dilatari quàm sit moles ligni quo incalescunt, non erit opus ad vacuum confugere, sed re-

spon-


spondebunt antiqui pro Anaxagora quocunque subit calor conuolare etiam alia corpora subtilia nobis incognita vi sympathiæ a proximis quibusque elicitæ, atque hinc vesicas quantum voles, & alia id genus tumescere, mox calore abcedente sese paulatim subducere quæ eò concurrerant, vnde & illæ detumescunt. Sit conclaue aliquod ad cuius caminum luculentissimus ignis excitetur omnibus rimis probè obstructis, vna relinquatur, atque intus charta altera parte conglutinata sic obducatur, vt quemadmodum in follibus aer extrinsecus ingredi possit, sed non egredi. Statim accenso igne sibilus audietur, & tremor vibrantis chartæ a corpusculis intrò se se cateruatim ingredientibus, & tamen si aer sit rarior, necesse erat vt non camino solùm, sed ea rima foras erumperet. Si verò prope ignem caminus sit perforatus, spiritus hinc hauritur continuus, quo ventilatus ignis mirum in modum accenditur: Denique si ad omnes eiuldem conclauis commissuras lucerna, vel manus admoueat, motus aeris ad ignem conuolantis obseruabitur: ad illum igitur naturali propensione multa concurrunt, quæ vnà deinde foras euolant. Hoc veluti fluuium per caminum decurrente conuertuntur rotæ quædam ad carnes assandas; neque illæ voluuntur fumo, vt vulgus credit, nam claro igne accenso e lignis siccis, vel ardentissimo ex carbonibus citra fumum facillè circumferuntur, plurimo verò ac densissimo fumo e paleis excitato non mouentur. Hinc etiam ad multum in dolio apprimè operculato ebulliens multa ab aere ambiente corpuscula confluunt, quibus libenter cederent alia quædam dolio contenta, nisi ipsorum crassitudo meatus angustiores ad exeundum reperiret, perinde igitur atque aqua premit fundum & latera vasis vt naturalem sibi locum vendicer, ita & illa premunt interius latera dolij, & obturamentum, quo operculabatur, atque eo magna vi extruso, aut inuenta rima aliqua & commissura debiliore quàm sit impetus corporum subeuntium, Qua data porta ruunt, neque modò ipsa, sed etiam vini particulæ quibus adhaerent, vnà profiliunt. Eadem est ratio dolij vino veteri ferè pleni quo quiescente nihil est quod sibi viam extra vas molietur, vbi verò plastro vehens diu multumque exagitur, nisi spirationi detur locus, dirupto latere aliquo foras erumpet, propterea quòd attritis paribus separatur multus ignis, siue calor mixtionis ipsis adhaerens, ad quem veluti iam liberum & solutum, vt ante dixi, extrinsecus multa concurrunt. Id si non minus contingere dicis in phiala aquæ semiplena operculo gypsato & pelliculato, quæ si agitur diutissimè, sublato tandem operculo exit halitus sibilans; respondendum est ignem in aere illo & aqua existentem congregatione sua exteriora quædam corpuscula tenuissima & meatus vitri facillè subeuntia prolestant, causam esse cur alia multa interiora quidem sed crassiora meatibus vitri reperto aditu quàm celerrimè loco cedant. Ita citra raritatem vestram & densitatem effectiones istæ naturales & alia id genus explicantur. Difficilius est respondere de vento quo distenditur sicmachus frigidior, & intestina, siue sponte, siue ex usu leguminum, aut aliorum quæ inflationem habent: nihilominus constanter dicendum est ad humores huiusmodi, vel cibos in ea parte malè confectos, accurrere tam ex corpore ipso, quàm extrinsecus ea quæ inflant. **CHAR.** Sed quando in siphonibus lon-



longis deducitur aer inclusus, vel comprimitur, quæ corpuscula ingredi possunt, aut egredi? tam arctè enim lignum interius immissum siphoni committitur, ut nullus aditus patere videatur. A R I S T. Dicendum est omne corpus solidum iuxta Anaxagoram & Empedoclem plurimis meatibus parvuli, tenui corpore plenis esse refertum: præterea aerem non esse corpus simile, sed *πανοπρεπύαν* quandam substantiarum, quarum aliæ alijs sint propemodum infinitè subtiliores, multas verò inter se colligari & ad mixtionem accurrere naturæ consensu mirabili. Quare ubi aer vi magna premitur in siphonibus, extruduntur per occultos meatus subtilissima illa corpuscula quæ amplexum & mixtionem crassiorum expollulant, atque ubi vis cessat per eosdem meatus iterum irrumpunt intrò & se se ut prius alijs admisceant. Hinc est quod siphone obstructo lignum interius immissum, si vi pertrahitur, redit magno impetu ad locum unde auulsum est, ab aere enim exteriori haulta sunt & elicitæ violenter corpuscula tenuia plusquam indigeant partes crassiores, quæ in siphone continentur, quamobrem illa, nisi vi retineantur statim auolant ut cæteris se corporibus æreis æquabiliter admisceant. Similiter ubi lignum idem violenter immittitur in siphonem, redit ad priorem locum, non quod aer prius densatus rarefiat, ut dicitis, sed quod tenuia corpora a crassioribus expulsa per meatus ad mixtionem sibi naturalem reuertantur. Et ita philosophandum est de Heronis instrumentis omnibus pneumaticis, & hydraulicis, ut sicut spongiæ tumescunt, ac detumescunt recepta, vel expulsa aqua, ita aer rarefieri, & condensari videatur. Maximè in globo concauo tenui foramine peruiio, quod ardens conijcitur in aquam, sibilus aquæ ebullientis satis ostendit ignem non condensari, sed abire: Sic de cucurbitulis Medicorum. Maior me inceserat dubitatio de aere illo, qui in calidissimo vaporario, vel etiam in fornace conclusus est vase vitreo, quod statim sigillo Hermetis, ut aiunt, obstruitur, nulla interpiratione relicta, & ne vitrum dissiliat auræ frigidioris occursum, sensim a fornace ad locum temperatum defertur, & ita paulatim ad frigidum ubi constituitur supra mensam, deinde stylo confixum dirumpitur, exsiliet enim e mensa vas magno crepitu, aere nimirum externo valido impetu sese introferente, quemadmodum videmus prolektari, & allici aquam ab instrumentis pneumaticis cauis intus, & tenui foramine peruijs, quando ignita projiciuntur in ipsam aquam. Qui iurarunt in atomos Democriti putant in fornace multum quidem inesse vacui, sed illud esse in multa diuisum, atque ut rem exprimam populariter, veluti distractum in multas paruas ampullas, ubi verò inclusus aer vase vitreo destituitur a corpusculis calidis quibus in fornace permiscebatur, tum ipsum dicunt sese contrahere in vnum locum, & relinquere magnam vacui ampullam, ad quam fracto vitro proximus aer introuocatur. Ita illi: vos hoc explicatis raritate & densitate: ego verò corpusculis quibusdam subtilioribus sese per corporum solidorum meatus insinuantibus, quorum natura est ut alijs certa proportionem permisceantur, ad vacuum tamen prohibendum ita accurrant, ut data facultate ad naturalem sibi mixtionem reuertantur. Illa igitur intra ampullam continebantur, facto aditu aerem proximum ad se pertrahunt, nec minus foras disper-



guntur, solus autem aeris ingressus obseruatur, ob eorum corpusculorum tenuitatem. Ita dicendum videtur de dolio pleno ex quo vix depromitur vini cyathus, cum omnino subsistit, aliquo tamen post tempore alter educitur eodem modo, & alij deinceps, oportet enim ea quæ dixi corpuscula succedere in locum vini. Sed inquis cur vento perflante & multa id genus corpuscula deferente, tanta copia non se infert, & introdat, vt vinum effluat continenter? Dico attractionem illam & retentionem corpusculorum, cum sit præter ipsorum naturam, fieri non posse ad quamcunque magnitudinem, sed pro grauitate vini tendentis foras: cum igitur corpusculorum alium mixtionis modum expostulantium, & proinde aliò commeari nitentium, maior est repugnantia, quàm vini pondus, nihil effluit: sed interea alia minus tenuia quæ, velut pedestres copiarum subleuantur equitatum, paulò tardius dolium subeunt, & quæ minus violenter ibi detinentur quàm tenuiora, remanent alijs auolantibus, atque hoc accidit quoties vinum educitur. Vos verò qui dicitis aerem in dolio rarefieri citra alterius ingressum, asserere causam non potestis, cur post primum cyathum aere rarefacto quantum potest, mora aliqua temporis interiecta, alter cyathus educitur, & alij multi eodem modo. **CHAR.** Dici potest oculis meatibus agrè subire alium aerem, cuius accessu ille qui rarior est effectus ad pristinam naturam paulatim redit, aperto autem subinde epistomio, siue fistula, rarefit iterum totus aer vsque eò dum fiat vini suppressio, atque ita repetitis vicibus idem accidit. An autem in dolio vitreo id contingeret, neque nos, neque alius quod sciam fecit periculum. Sed interea dum recogito optimè rem geris pro Aristotele contra iuniores quosdam qui vacuum dari probant certis experimen-



tis. Sit vas, inquit, vitreum plenum aqua B. A. quando vi trahetur operculum C. fiet vacuum in spatio B. A. alioquin si aer nouus subintraret, vel iam inclusus rarefieret, ille statim ascenderet ad superiorem locum A. qui tamen semper aqua plenus conspicietur, licet C. longo intervallo diuellatur ab aqua B. proinde vacuum dari oportet inter B. & C. Si verò dicant Peripatetici per meatus vitri vitro citroque tenuia corpora permeare, siue illa spiritus, siue exhalationes appellentur, se forsan ab hac importuna experientia liberabunt. **ARIST.** Ne voces experientiam cuius periculum hætenus, vt par est, nemo fecit: faciant, & videbunt ad descensum C. descendere quoque aquam B. & repleti A. tenui corpore aereo per meatus se se insinuante.

**CHAR.** Quid verò si A. remaneat aqua plenum, & C. cernatur distractum ab aqua B. ita vt etiam magno impetu ad ipsam redeat sublato pondere D.?

**ARIST.** Respondendum quidem esset vt prius subingredi corpora tenuia violenter ibi detenta, & toti aquæ permisceri. Hoc experimentum, fateor, si cederet vt illi sibi promittunt, magni esset momenti ad vacuum Democriti comprobandum. **CHAR.** Quid præterea desiderares? **ARIST.** Ve-



sim ut in tubo longo & altera parte obstructo, extraheretur planè virga ferrea, cuius extremitas fundo tubi probè committeretur: Hæc quidem facile abducitur ad unum, aut alterum digitum, & relicta sibi magno impetu fundum verberat, quod ipsis ad vacuum sufficere videtur, sed præterea requiritur ut omnino superata difficultate, quam corpora patiuntur ad vacuum admittendum, post tres aut quatuor digitos iam virga ferrea per totum tubum absque vlla repugnantia moueatur tam versus fundum, quam os tubi, neque ipsa ultro feratur, neque vi opus sit ad eam immittendam ubi nihil est, alioqui suspicio orietur corporis alicuius introgressi. Id si ita cederet, vterer vacuo Democriti ad rarefactionem, & condensationem explicandam, sed quia contrarium accidit, melius est cum Anaxagora & Empedocle admittere quidem meatus in solidis, sed tenui corpore semper plenos. CHA R. Neque hoc satis erit ad explicandam rarefactionem qua fit a pulvere contento in tormentis bellicis. Nagari iam non potest pulverem accensum postulare maiorem locum & propterea magna vi propelli globum obfistentem: nisi forte dicas sicut de vesicis satis ridiculè ad calorem & ignem conceptum in tormentis accurrere multa corpora qua inueniunt ad globi propulsionem. A R I S T. Et si ac calorem, ut dixi, multa se aggregant, vim tamen pulveris attribuo non rarefactioni, sed discessui corporum omnium quibus pulvis componebatur, ab eorum motu celerrimo contendendo fieri globorum iactus. CHA R. Hic mihi tenere videor auribus tuos antiquos, ostendo enim ipso igne clarius vim pulveris consistere in rarefactione, non in solo discessu & disunctione subita corpusculorum. Ignis qui exire videtur ab ore tormenti bellici, & multos in aere cubitos occupat, totus secundum vos restrictus erat cum multis alijs corpusculis in pulvere sex digitorum, an non vocabunt rare fieri id quod a sex digitis, ad sex cubitos extenditur? A R I S T. Non magister terreat antiquos istuc quidquid est argumenti, quam veteranum militem fragor armorum. Dicunt in pulvere sex digitorum esse totum illum ignem re ipsa, qui mox cernitur diffusus ad sex cubitos. Quæris an in pulvere esset densior & foris rarior; respondent si sumis densum, & rarum pro eo cuius particulae magis, vel minus distant, ignem in pulvere esse densiorem, non tamen percipi sensu, quia multis alijs corpusculis est admixtus, neque motu villo leparatur, & fertur ad nostros sensus, foris verò esse rariorem, hoc est singulas eius particulas per aerem diffundi magis, & sentiri quia ab alijs corpusculis eius vim obturbantibus separatur, & ad sensus nostros conuolat. CHA R. Deberet igitur fieri maius illa sex cubitorum minus sentiri, quoniam in aere particulae eius magis distant, & pluribus corpusculis alienis intercepta sunt, quam cum pulveri commiscebantur. A R I S T. Laxius quidem in aere flamma diffunditur, sentitur tamen melius, quia fertur ad sensus, neque corpuscula aerea qua intercipiuntur efficiunt ipsi: in pulvere verò continebatur immobilis, & si quid inde euolabat, admixtum erat corpusculis quæ vim ignis recognosci non patiebantur. CHA R. Nondum intelligo cur ignis ille qui se extricat e pulvere tantam vim habet citra rarefactionem: corpuscula enim omnia quibus pulvis componitur si rarefactione maiorem quantitatem non



acquirunt, possunt separari intra tubum tormenti bellici non occupando maiorem locum, neque globum pellendo, nam totus ignis recipiet se in vnam partem, & corpuscula alia in aliam, ita vt ex tormento nihil exeat. A R I S T. Iam dixi vim globi expultricem peri a celeritate qua corpuscula diffiliunt longè a loco vbi prius admista concludebantur, eorum disturbance non explicatis rarefactione, qua acquiratur noua quantitas, antiqui dicunt esse corporum dissipationem, qua singula locum ampliorem non occupant, sed per aerem diffunduntur incredibili velocitate. Ita nullius corporis fit generatio, sed tantum motus idoneus ad disturbandum quidquid obstat. Vos non potestis exprimere vnde fiat expulsio globi, & sæpe tormenti ipsius disruptio: nam vt ignis id præter secundum vos debet accendi, non potest accendi nisi sit locus, non est locus nisi globo extruso, quomodo igitur ignis qui non est globum extrudit? Antiqui rem facilius absoluunt dicendo ignem non generari, sed cum prius in puluere lateret, a scintillis peruadentibus omnes meatus exsuscitatum, dissolui magno impetu & obuia quæque perrumpere, neque aliunde vim huiusmodi petendam esse quàm a subita corpusculorum dissipatione, in quorum tamen locum succedunt extrinsecus ea quæ sunt tenuissima. C H A R. Non adeo coangustatur puluis in tormento quin sit aliquid loci ad scintillam aliquam ignis generandam, ab ea se rarefaciente dicendum est propelli globum & nouo igni generando locum dari. A R I S T. Ab vna quoque scintilla dicendum est rumpi tormentum æneum, quando nouo igni generando locus aliter dari non potest. Veteres autem dicent alio loco non esse opus, quàm recessibus intra singula pulueris grana relictis, quibus se scintillæ insinuant, & consociatione sua dissolunt ignem, nam si puluis ingeratur ita contusus, vt nulla sint grana, nullique sinus quos permeent scintillæ, lentior fiet dissolutio, velut accidit in igne missili. Vos verò quantumuis scintillæ subeant illos meatus, non potestis explicare quomodo fiat ignis, vbi non est locus, & quomodo machina dirumpatur ab igne, qui omnino non est, vel ita exiguus in scintilla, vt eius raritudo perfringere non possit tormentum æneum. Ille ignis qui rupto ære apparet latè dispersus non confregit æs secundum vos, genitus est enim post tormenti disruptionem, minima igitur scintilla in ipso tormenti spiraculo concepta tantam vim habuit. An non melius est sentire cum antiquis id fieri a toto igne ibi concluso sese ab alijs corpusculis dissolvente, eo impetu qui ad aris propulsionem, & disruptionem sufficit, vbi statim non reperit, quò se dispergat? C H A R. Ita dirumpi fornaces omnes oporteret, in quibus tantum ignis accenditur, vix enim potest se tam citò dispergere, vt lapides obuios impetens non perfringat. Certè res melius intelligitur fieri rarefactione, cuius ea vis est, vt vel penetrationem corporum dari oporteat, quod naturaliter fieri non potest, vel obfistentium propulsione locum ampliorem comparari. A R I S T. Audiamus igitur ex te distinctius ad quid tendat iste motus rarefactionis: iam enim dixisti natura prius quantitatem produci actione emanationis, mox sequi raritatem, quæ qualitas est, & consistit in partium tenuitate, qua in re adeo varius est Aristoteles, vt vix dici possit quid raritudine produci velit. Certè accretio consistere non potest in



raritudine propriè dicta quæ tendit ad qualitatem natura posteriorem productione quantitatis. CHA R. Facile possumus conciliare omnia loca cum Aristotelis, tum Auerrois, qui raritatem ponunt in prædicamento quantitatis, qualitatis, situs, & vbi. Raritas enim propriè dicta, seu partium tenuitas est vera qualitas, quæ quia adiunctam habet maiorem quantitatem, nouum situm, & vbi partium, propterea vocatur aliquando quantitas, situs, & vbi. Raritas verò impropriè dicta, qualis est spongiarum, non est qualitas, sed partium distantia, quæ tamen includit tenue corpus, & maiorem totius dimensionem. Spongia enim laxata dicitur rara, quoniam in omnes eius meatus aqua vel aer introducit, unde sequitur maior partium distantia: contra verò spongia compressa dicitur densa, quia singulæ partes sunt sibi viciniores, cum aqua vel aer excluduntur. Et hæc est impropriè raritudo, quam solam antiqui agnoscebant 4. Phys. 2. tex. 83. ad 86. adhuc tamen in ea explicanda differebant a nobis: dicimus enim huiusmodi raritudinem fieri per introductionem corporis subtilioris intra meatus rei quæ rarefit, & densitatem per eiusdem corporis exclusionem: illi verò per introductionem vacui, aut pleni raritatem, vel densitatem faciebant. Hanc Aristoteles negat esse qualitatem. Rarum & densum, inquit, asperum, & laue aliena putantur a diuisione, quæ circa quale est, quandam enim positionem magis videntur significare: spissum enim dicitur eo quod partes sibi propinquæ sunt, rarum verò eo quod distent a se inuicem. Vbi, vt vides, optimam reddit rationem Aristoteles cur rarum & densum non sint qualitates, quia nimirum posita partium vicinitate, aut distantia, satis intelligitur raritas, & densitas absque alia qualitate: distantia autem & vicinitas dicunt situm, & positionem. A R I S T. Quare ergo ibi non meminit illius raritatis, & densitatis propriè dictæ, vt inter species qualitatis repererentur, quandoquidem 7. Phys. tex. 11. & 2. de part. an. c. 1. numerantur inter qualitates, quæ cadunt sub sensum tactus? forte quia ibi rudem tradebat singularum qualitatum cognitionem. CHA R. Ita est omnino, nam 4. Phys. tex. 84. ostenditur præterea dari raritatem, quæ sit tenuitas quædam & subtilitas substantiæ, qualis cernitur in aere, dari similiter densitatem, siue substantiæ crassitudinem. Quia verò ad hanc raritatem necessariò sequitur, vt res illa quæ dicitur tenuis, minus habeat materiæ, quam ea quæ dicitur crassa sub æqualibus dimensionibus, hinc fit vt huiusmodi raritas & densitas dicantur qualitates, quæ vbi sunt in subiecto, dant illi vt sub his dimensionibus plus, vel minus materiæ habeat: ita vt rarum sit illud quod parum materiæ sub multa quantitate continet, densum verò quod sub parua quantitate multum continet materiæ. Quòd verò ait ibidem condensationem fieri ex magnitudine in paruitatem, contra verò raritatem ex paruitate in magnitudinem, non vult istos motus tendere ad quantitatem tanquam ad terminum sibi proprium, verum ad qualitatem, quæ tamen motum ad quantitatem annexum habeat. A R I S T. Placent argutiæ quæ fitæ ad conciliandum Aristotelem sibi ipsi. Velim etiam ostenderes quomodo sibi nimium non sumit contra antiquos tex. illo 84. vbi incumberebat illi probandum rare fieri, & condensari aliquid nullius substantiæ accessu vel abscessu, & ait id manifestum



esse in aere & aqua quæ magna, & parua fiunt, nulla substantia accedente, vel abscedente, sed quoniam materia facta est actu id quod prius erat potentia, quemadmodum enim, inquit, res calida fit calidior absque ingressu corporis calidi, ita etiam rarum & densum fiunt absque ingressu corporis rari. Hæc videtur petitio principij manifesta, contendunt enim antiqui rem fieri calidiorē appulsu corporum calidorum, & rariorem distantia partium, siue illæ per aliud corpus dispergantur, ut cum aqua per aerem diffusa dicitur vapor rarus, siue aliud corpus ipsas ingrediatur, & separet,

*Magno veluti cum flamma sonore*

*Virgea suggeritur costis undantis aheni*

*Exultantque astu latices, furit intus aqua vis,*

*Fumidus atque altè spumis exuberat amnis*

Cum enim ignis aquam subit, partes seiungit, atque eius interpositu aqua maior apparet, & rarior dicitur. Aristoteles autem sumit tanquam manifestum id quod queritur, nimirum absque corporis ullius interpositu, interiectuque cultum re ipsa, & rarum fieri, quod prius erat tantum potentia.

CHAR. Mens Aristotelis ex tex. illo 84. ostendere quod promiserat 1. Phyl. 50. nimirum melius assignare rationem effectuum naturalium ex suis principijs iam admissis, quam ex principijs antiquorum, idcirco demonstrat facilius intelligi quomodo fiat idem rarum, & densum, posita materia vna contrariorum, quæ eadem manens suscipiat raritatem, & densitatem, quam si inane antiquorum, aut alia quævis hypothesis admittatur.

ARIST. Non potest igitur probari nisi receptis principijs Aristotelis rarum esse quod habet parum materiæ & multum extensionis, hoc enim dici non potest, nisi postuletis concedi vobis eandem materiam nullo alio corpore intercurrente eundem raram & densam. Alioquin ostendite, si potestis, minus esse materiæ in aere, quam in auro eiusdem magnitudinis: Democritus quidem id concedet, & optimè rari naturam explicabit per vacuum & atomorum mobilitatem. Illi qui nullum vacuum admittunt, dicent corpora omnia eiusdem molis habere tantundem materiæ, quoniam materia & magnitudo sola ratione distinguuntur, sed accipienda est moles integra, non verò aliqua tantum corpuscula quæ in ea volitant, ita enim concedent fumum in illo aere minus habere materiæ quam aurum æquale fumo, & aeri, si verò sumantur ea omnia quæ in aere illo continentur, materia æqualis erit utrobique. Neque satis Aristotelem mirari possum, qui raritatem, & densitatem explicat per solam materiam, & extensionem, ita enim nihil opus est qualitate illa, quam vocatis partium tenuitatem: nam si materiæ vnus mali punici ad terræ magnitudinem extenderetur, hoc ipso esset corpus maximè rarum, iam verò si huic magnitudini intelligatur subijci alia, atque alia materia, an propterea illud malum punicum fiet densius? certè fiet, habebit enim plus materiæ sub eadem dimensione. Sed o rem perridiculam, a materia sola neque quali, neque quanta fieri aliqui densius, quod est effectus solius formæ, an etiam a materia oriri vultis affectiones? CHAR. Optimè cautum est huic loco, quando diximus præter materiam, & quantitatem requiri tenuitatem partium, hoc est qualitatem, in cuius productione consistit essentia



raritudinis, sicut accretionis essentia posita est in quantitatis productione. Præterea aduertendum est quamcunque materiæ partem, verbi gratia, eam quæ est in malo punico, non esse habilem cuiuscunque magnæ extensionis, nec totam vniuersi materiam minimæ cuiuscunque, propterea necesse est prout multum, vel parum materiæ subministratur, sequi partium tenuitatem, vel spissitudinem intra certos terminos maximæ, & minimæ extensionis, quam materia data potest obtinere. A R I S T. Conceditis saltem in ea dem materia mali punici posse induci plus vel minus tenuitatis & extensionis; iam si tenuitas differt ab extensione, poterit Deus secundum vos manente eadem extensione, eademque materia auferre tenuitatem & inducere spissitudinem, atque ita corpus eodem modo extensum nulla subtrahita materia erit rarum & densum. C H A R. Licet tenuitas & extensio non sint idem, se tamen necessariò consequuntur: quare Deus non potest facere totum aerem densiorem nisi plus materiæ sufficiens extensioni, aut extensionem materiæ detrahendo. A R I S T. Oportet certè materiam vestram esse quantitatem ipsam trium dimensionum, vt ait Philoponus vel saltem habere quantitatem Auerrois interminatam, quandoquidem eius solo interuentu res tenuis aut spissa dicitur: si enim nullam includeret quantitatem, perinde esset ingerere plus minusve materiæ, ac plures intelligentias in eodem cœlo collocare. Præterea dicitis tantum materiæ posse suscipere tantum extensionis ad summum & non plus. Vnde verò habet vt sit tantum materiæ, nisi materia & quantitas sint res vna? sublata omni quantitate, vnde materiæ portio maior, aut minor accipi potest? in quo consistit illa partium multitudo? Vides esse redeundum ad opinionem antiquorum substantias esse simplices, & tales sua natura, neque ab ijs affectiones esse separandas. C H A R. Hæc omnia eludimus dicendo quantitatem non esse materiæ ipsius essentiam, sed proprietatem quæ eam necessariò consequitur, quemadmodum grauitas & leuitas sequuntur formam; quoniam ortum habent a densitate, & raritate, propterea Aristoteles vltimis verbis textus illius 84. ait densum esse graue, rarum autem leue. A R I S T. Et tamen in cœlis quantitas non sequitur materiam, neque stellæ densæ graues sunt, & raræ leues. Deinde quomodo formam sequitur densitas & raritas, quæ emanant hoc ipso quòd materia suggeritur, vel detrahatur aeri, remanente eadem forma? C H A R. Substantia cœlorum licet simplex, est tamen instar materiæ primæ, & sic quantitas eam sequitur. Partes verò cœi densæ vel raræ non sunt graues aut leues, quoniam grauitas & leuitas non oriuntur a quacunque densitate & raritate, sed ab ea tantum quæ fit ex primis qualitatibus, propterea videntur multis specie differre. A R I S T. Quid faciunt primæ qualitates vt eadem specie raritas non emanet, vbi est eadem partium tenuitas, quæ prouenit tantum ex eo quòd sit parum materiæ sub magna dimensione? Commodius explicare posses cœlorum raritatem & densitatem per theologicum illud vbi, quo dicebas ad octauum Physicorum animam humanam & aliam quamcunque substantiam a materia separatam modò maiori, modò minori spatio esse præsentem. Quis enim scit an cœli partes ita se habeant, atque etiam hæc nostra elementa? Certè si Deus illud

ubi daret aeri quo præsens esset spatio æquali toti mundo, tam rarus apparet, ac si veltram raritatem illi dedisset. CH A R. Non est naturale illud ubi, quo citra raritatem partes quantumvis exiguæ præsentem sunt maximo spatio, & quo singulæ partes a proximis non disiunguntur, sunt tamen præsentem singulæ toti spatio, ad physicum igitur non pertinet. Quod verò dixisti eadem forma aeris remanente, hoc ipso quod Deus materiam adderet, vel demeret, ortum iri densitatem & raritatem, ut propterea non formam sequi videantur, sed materiam, ita soluendum est, ut dicantur sequi formam, ac proinde esse qualitates, hoc ipso quod forma eas exegit tanquam sibi necessarias instructiones: quod autem intendatur, & remittantur dempta, aut addita materia, nihil refert. Sed tu expone nobis modum quo antiqui hæc omnia, veluti nodum gordium, si non dissoluunt, saltem concidunt.

*Quid sit  
raritas, &  
densitas an-  
tiquorum.* A R I S T. Afferunt illi substantias ratione tantum distingui ab affectionibus quas ipsis attribuimus, veluti quantitatem, gravitatem, levitatem, densitatem, & raritatem, proinde tales esse natura sua, ut nullam aliam subeant mutationem, præter eam qua totum, aut partes loco moventur. Cum ergo ab ijs quaeritur quid sit rarus, considerant corpora quibus rari nomen impositum est, verbi gratia spongiam atque aerem, & vident rarus accipi duobus modis, in spongia quidem & substantijs consimilibus dicunt esse distantiam partium solidarum ob confertos meatus apparentes, & tenui corpore plenos, in aere verò esse mobilitatem qua partes rei levis & continuæ inter se faciliè permiscuntur. Et quoniam res melius declarantur exemplis familiaribus, non aberrabit qui diuidet rarus in spongiosum, & aereum, ut qui diceret humidum esse id quod est natura aqueæ. Cæterum natura illa aerea in tribus videtur consistere, primò quod levitatem includat, deinde continuationem partium & mobilitatem, qua faciliè inter se permiscuntur, ita enim levitate distinguitur ab hydrargyro, continuatione a pulvere, mobilitate a spongia, & leuibus alijs quæ partium habent tenacitatem. Quid iam, inquires, si aer ita obrigesceret, ut eadem levitate permanente, partes eius amitterent eam mobilitatem qua commiscuntur, ut neque iam aer aerem intra se admitteret, sed neque ignem & alia corpora tenuissima. Antiqui recepta si luberet, hypothesi, responderent illud corpus non fore rarus amplius, nec peruium lumini, calori, frigori, & alijs id genus, proinde fore omnium corporum maximè densum & opacum, nullos enim omnino meatus habebit ad tenuia corpuscula recipiēda, si quidem & aer ipse & aerea omnia quæ continebat, obriguerunt, si igitur accedat gravitas nihil ad summam densitatem & opacitatem desideratur. Ex quibus etiam confici posse videtur multum aut parum materiae nihil facere ad densitatem & raritatem, moles enim æquales & plenæ tantundem substantiæ comprehendunt, neque refert quod vna propter maiorem cum terra nostra amicitiam, ad ipsam feratur concitatus, & ægrius inde reuellatur, hoc enim gravitatem arguit ad summum, non autem, ut dicitis, plus substantiæ: plus & minus a sola quantitate peti debet. Propterea antiqui concedunt rarus & densum spongiosum fieri posse plurimum substantiarum simplicium concretione, substantias autem simplices dicunt fieri rariores aut densiores, quando aliarum vicinia, vel




vel permissione partes ipsarum omnes fiunt mobiliiores, vel tardiores, ad hoc vt simul permisceantur. Quemadmodum enim cera, vitrum, & metalla liquefacta igne præsente redduntur fluida, & frigore rursus obdurefcunt, ita de primis & simplicibus substantijs habendum est, alias ad aliarum præsentiam liquidiiores fieri, vel rigidiiores, hoc est partium omnium maiorem aut minorem mobilitatem suscipere, verùm id non accidit nisi fiat perfecta mixtio, qua se inuicem diuidant in minutissimas particulas. Propterea totus aer, aut magna eius portio non potest indurefcere solo contactu cuiuscunque tandem corporis, non enim silti potest mobilitas tot partium interiorum ob attactum solum exteriorem, vbi verò minutatim omnia sunt permista obrigescente superficie minima qua se contingunt, illud exiguum quod intus clauditur in singulis particulis non potest amplius fluctuare. Ita dum aqua corpusculis siccis probè commista ob innatam sibi vim adhærendi fluere nequit, durissima massa concrefcit. Absque hac partium exquisita permissione non videntur silti posse substantiæ primæ naturaliter fluctuantes, eo modo quo Echeneis, si credere fas est, moratur naues, & Lunaria herba communicat hydrargyro soliditatem. Illud autem mirum tibi videbitur quòd cum omnes substantiæ simplices sua natura sint liquidæ, molles, tenues, fluidæ, raræ (idem enim ferè ijs & similibus verbis significatur) aliæ tamen magis, aliæ minus tenues habentur, atque ea tenuitas quæ consistit, vt diximus, in partium maiori vel minori mobilitate, crescit vel minuitur pro varia substantiarum commistione, vnde fit, vt corpus, quod ex ijs coagmentatur, sit durissimum, nec vllam habere videatur partium fluctuantium mobilitatem, licet omnes substantiæ, ex quibus componitur, consideratæ seorsum sint liquidæ. Hoc miratione dignum putas, & non miraris æs sonorum permissione stanni atque argenti confectum, stanno & argento videri longè durius, quippe fluxus ille comprimitur, vel siltitur omnino consensu particularum, dissensu crescit. Vides quomodo absque productione quantitatis antiqui declarant naturam rari, & densi? Eam adhuc faciliorem reddet Democritus, qui præter partium mobilitatem, adiunget vacuum maius, aut minus, & in his duobus tantum positam dicet. C H A R. Pro eo quantum potui capere non video quemodo citra quantitatis incrementum ex olei vncia prodeat ignis ad replendam totam Italiam. Quoties accenditur lucerna, diffunditur lumen, quod ignem esse dicitis, ad multa miliaria circumcirca: atqui toties extingui potest & accendi, vt si poneretur totum simul, spatium impleret prorsus immensum. Quis iam dicat totum hunc ignem coniunctum, & continuum, seclusis nimirum corporibus per quæ diffusus est, non occupaturum plus loci, immo longè minus, quàm exiguum illud olei ex quo emerfit? A R I S T. Fidenter hoc dicent antiqui, & quicunque paulo altioris erit intelligentiæ. Corpora diuidua sunt in partes infinite semper minores, vsque ad atomos siue puncta, nec quicquam prohibet ignem in huiusmodi oleo delitescentem in tot particulas diuidi, vt per totam Italiam disseminetur. Si ad conferendos agros accipiantur sen in diuersa magnitudinis eadem mensura, extendetur frumentum latius hordeo, milium frumento, papauer milio, & quo minutiora erunt semina eò maio-

rem agrum occupabunt: Inter res autem aspectabiles nihil videtur igne magis dissipabile, quare immensus aer particulis ignis exigui conspergi potest veluti punctis, quæ se inuicem non contingant, sed aliquid aeris semper habeant intermedium; quemadmodum si vnciola auri centum argenti libris sit admitta, vix assignari potest pars vlla minima, cui aurum non sit permixtum, nec tamen se auri particulæ proximè tangunt. Cyathus vini in puteum effusi ita commiscetur aquæ, vt tota nescio quem referat vini saporem. Odor qui afflatur e floribus, vel alijs rebus spiritus est quidam tenuis sparsus in aere. Feratur malum medicum, aut cydonium singulis horis ex vno conclauui in aliud, omnia inodorabit, & vix tantulum post aliquot menses videbitur imminutum. Dic igitur similiter & illos odores, & omnes qui spirant ex nartecijs toto anno, si iungerentur simul, fore myrothecijs suis longè maiores: antiqui verò dicent esse corpuscula per immensum quidem aerem dissipata, sed quæ nihil magnitudinis acquirant ex ea dispartitione, ita vt simul iuncta iisdem quibus ante spatijs concluderentur. CHA R. Vt hoc de odoribus & de igne per aerem diffuso vtrunque tueri possint, quid dicent tan tem de ipsa flamma, quæ est veluti fluuius ignis continuus plenus, & totus ab oleo manans? collectæ omnes illæ flammulæ an non corpus efficerent oleo maius? A R I S T. Flamma quam emittit lucerna non tota, vt dicis, ab oleo manat, est enim aer magna ex parte quem incurrunt ignea corpuscula continuo motu, ac propterea videtur vnus ignis, quemadmodum accensus carbo circumactus nobis apparet instar circuli: Hinc illa corpuscula diffunduntur in radios per totum aerem, vt ante dixi, neque efficiunt eam magnitudinem quam tibi fingis. CHA R. Et si totius flammæ pars millesima tantum est ignis, tamen omnes illæ partes coniunctæ efficerent corpus oleo maius. Non inficior quidem in illa flamma aliquid aeris esse permixtum, sed profecto negandum non videtur, quod patet sensibus, nimirum in flamma plus ignis, quam aliorum corporum contineri: neque propterea negari debet dari rarum aliquem & continuum ignem, qualem esse dicit Aristoteles in sphaera sua; dari etiam densum in ferro candente conspicuum est, alioqui tantæ efficacitatis esse non posset. A R I S T. Efficacitas ex eo prouenit quòd in ferro candente plus est ignis, quam in maxima flamma per aerem circumfusa, ferri enim meatus innumerabiles pleni sunt igne qui non dispergitur statim vt flamma, propterea quòd ibi conclusus & minus perflabilis est: non sentiretur tamen nisi paulatim inde erumpens in sensus nostros incurreret. Quid verò si non modo in meatibus, sed etiam substantiæ ipsius ferreæ loco contineretur alius ignis, ita vt continuatione vnus esset, omni alio corpore excluso, sicque ferretur ad nostros sensus, certè quouis ferro candente longè potentior videretur. Hoc si Rabbini perspectum fuisset, haudquaquam dixissent ex alia materiâ conflatum esse gladium illum versatilem quo Cherubin aditum Paradisi primis parentibus intercludebat. CHA R. Si tam claras experientias de raritate propriè dicta in sententiam antiquorum detorquetis, quid de alijs expectandum est? Dicam tamen veritatis tuendæ causa virgam ferream rectam in circulum flecti non posse, quin pars exterior rarefiat, & interior condensetur. Sonare non potest scyphus.



phus vitreus, aut aneum tintinnabulum, cuius tremunt singulae partes, nisi in quibusdam raritas, in alijs densitas producat. A R I S T. In istis omnibus satis est improprie dicta raritas, qua meatus tenui corpore pleni laxiores fiunt, aut arctiores. C H A R. Etiam opinor floccifacietis demonstrationem mathematicam, qua ostenditur fieri posse ut quavis parua superficies cuicunque maximae adaequetur, quod fieri nequit absque raritate proprie dicta. Intelligatur rota B. cuius diameter sit eadem si lubet ac vltimi



coeli, ipsius autem axis siue modiolus A. sit diameter vnus digiti, eo tempore quo rota B. supra planum B. D. absoluet vnā conuersionem axis quoque A. vnā absoluet in plano O. C. ita ut si ambitus rotæ suam relinqueret superficiem in plano B. D. axis similiter suam relinqueret in plano O. C. quod est æquale ipsi B. D. æquali igitur spatio axis atque rotæ superficies adæquantur. Diceret aliquis rotam quidem volui continua conuersione, sed axem trahi, ita ut idem punctum O. verbi gratia tangat lineam O. C. longo spatio, deinde punctum I. similiter, & sic de alijs. Sed facile refellitur, quia cum lineæ a centro ad ambitum sint rectæ nunquam O. tangit planum O. C. nisi quando B. tangit B. D. hoc est in vno puncto, ita dicendum est de I. & E. atque alijs omnibus punctis axis, & rotæ. Hoc quidem argumentum probat non minori spatio respondere axem, quam rotam, sed successione tactus non autem simul, fortassis enim non posset axis superficies relinqui affixa plano O. C. ne cogamur dicere minimum corpus posse rarefieri & extendi ad quamcunque magnitudinem, nam partes axis non possunt adæquari illi plano nisi ultra modum rarefiant. A R I S T. Etiam si ambitus axis circumuoluti paulatim adhæresceret plano O. C. & ita illi adæquaretur, nihil est opus vestra raritudine, sed tantum ea partium explicatione qua aurum in tenuissimas bracteolas distrahitur. Si igitur corpus illius axis sit eius naturæ quæ tantam patitur distractionem, concedent antiqui posse adæquari spatio O. C. vel cui voles. Nec quicquam magis illuminatè dici poterat ad ostendendum totum ignem qui manat ab oleo, & odorem a malo medico, si fiat vnus corpus, longè minus spatij occupaturum quam oleum ac malum, eo planè modo quo aurum non rarius effectum, sed diductum, licet incredibiliter distrahatur, ad exiguam tamen molem reduci potest. Audiui hæc-




aus ea quæ copiosè protulisti ad ostendendam quantitatis productionem, nunc par est ut æqui bonique consulas quæ contra pro antiquis afferuntur. Querunt illi primò causam a qua producitur, & destruitur quantitas carens contrariò. Emanat, inquis calore posito. O fecundam materiam cuius venter calefactus tam faciliè distenditur. Ita nihil opus est tot agentibus, sed calore solo quo facta materia de potentia ut dicitis, ad quemvis actum se reducet. Vultis in siphonibus compressione densati aeris perdi aliquid de quantitate, distractione verò acquiri quantitatem cum raritate, tractavi ego sæpius ferreos tubos in quibus aer diducebatur ad summam, ut dicitis, raritatem, nec maiorem in ijs calorem deprehendi, unde igituroriebatur illa raritas? mox ita vidi comprimi aerem, ut glandes plumbeas torqueret quàm celerrimè, neque frigus vllum persensit: oportebat tamen utrunque sentiri acriter, si æquo passu calor & frigus raritatem & densitatem consequuntur: ad aliam igitur causam confugiendum est. **CHAR.** Nimirum ad motum compressionis & distractionis quo in aere posito absque frigoris aut caloris opera quantitas emanat minor, aut maior, ut plurimum tamen id frigori & calori videtur esse tribuendum. **ARIST.** Non igitur semper ad condensationem aeris aut aquæ sequitur frigus, ut multi autumant, maximè ij qui glaciem fieri volunt aqua restricta, & halitum compresso ore ob densitatem, videri frigidior, quam ore aperto. Id verò falsum deprehenditur si quis vel calamo, vel ore quantumvis presso, sed distantia transuersi vnguis, halitum immiserit in manum, animam enim ille calidam sentiet: frigus autem quod sentitur quando longius distabat manus, non provenit ab aere misso e pulmonibus, ille enim exigua parte manum vix feriebat, at non solus, sed cum aere circumstante quem identidem quasi flabello ventilans efficit ut alius atque alius succedat eò crebrius, quò violentius immittitur: & quod caput est suo impetu deturbat non modò aerem, sed conclusas etiam in meatibus corporis fuligines. Cum autem aer pellitur ore diducto, si paulo longius distat manus, nihil sentitur; si parum distat sentitur calidus, quia quidquid caloris est fertur simul, nec impetu continuo ea discutit quæ iam extra & intra cutem ipsam incaluerunt: Aer propterea minus frigidus, sed qui ad nos fertur contentius, magis refrigerat alio cæteroquin frigidior. Denique ut ad institutum me referam, quantitati non datum est a natura ut certo patre nasceretur, sed vel frigore, vel calore, vel motu, vel si quid aliud est quo materia in maius vel minus spatium diffunditur, ut venenum quo caro intumescit vel contrahitur, & fermentum quo massa triticea dilatatur. Sed ecce aliud portentum simile, motu fit calor, calore raritas, motu tamen quo aer comprimitur in tubo ferreo neque calor, neque raritas, sed densitas potius generatur. Hic secundo pro antiquis quæram libenter an quantitas adueniens aeri densato vel attenuato priorem expellat: certè positis ijs quæ de alteratione dixisti, nimirum ex noua & veteri qualitate fieri vnâ, ita nunc congruenter dicere debes cum Scoto in rarefactione quantitatem addi nouam priori, in condensatione verò non deperdi totam, & aliam de integro emergere, sed perire partim, partim remanere, quod absurdissimum esse demonstrabo. Si dicas cum Godifredo citato apud Scotum in 4. dist. 12. q. 3.



totam quantitatem priorem perire & aduenire nouam, vt Durandus aiebat de gradibus qualitatū ad subterfugiendam difficultatem, oportebit in compressione aeris destrui præcedentem totam extensionem, & nouam perpetuò succedere, quod adeo in alteratione reformidabas. CHA R. Quamquam Durandi, & Godisfredi opinio fortasse probabiliter defendi potest, malim tamen hîc tueri communio rem Scoti sententiam. A R I S T. Oportet ergo responſionem habeas obuiam, & facilem ad ea quæ contradicuntur. Si totus aer factus est maior ob nouam quantitatem priori additam, accipio partem aliquam quæ veteri quantitate afficiebatur, & quæro an simul nouam receperit; si recepit, habet duas quantitates quæ se penetrant, sin minus, quælibet pars non est effecta magis rara. CHA R. Immo effecta est, idque ob nouam quantitatem, neque tamen duplicem habet, quoniam ex veteri & noua facta est vna, sicut ex varijs gradibus caloris fit vnus calor. Illa quantitas non penetrat aliam, & si enim est duplo maior, extendit tamen materiam ad locum duplo maiorem. A R I S T. Miraculum opinor in eo consistit quod ex veteri, & noua quantitate fiat vna, idque in eadem parte materiæ. Hîc fide opus est Pythagorica: nam quantitas vetus tota remanet, ita vt oculo lynceo a noua discerni possit, quemadmodum si aqua aque permiscetur, vtriusque quantitas seorsim manet, neque a partibus suæ substantiæ ad alias transit, licet continuatione fiat vna: Hîc verò tam vetus, quàm noua quantitas in eadem parte materiæ reperitur. CHA R. Idem dixi neque veterem esse, neque nouam, sed vnam ex vtraque, non ea ratione qua duæ aquæ sunt vna, in ijs enim non fit quantitas maior, aut minor in eadem parte materiæ, quemadmodum in rarefactis, & condensatis, vbi in eadem omnino parte quantitas fit maior, aut minor, quare duo sunt modi diuersi quibus quantitas vna fieri potest. A R I S T. Fit igitur intensior, & remissior, quando enim aeris extensioni ad vnum palmum accedit noua quantitas, ex vtraque fit gradus aliquis perfectior, & si quid decedit dum comprimitur aer, fit imperfectior, atque ita suscipit magis, & minus, contra Aristotelem cap. de quanto. CHA R. Intensio fit in eadem parte materiæ non magis, aut minus extensa, hîc vero singulæ partes magis, aut minus extenduntur. A R I S T. Hoc tantum ostendit illud esse qualis, illud quanti intensiorem, quid enim refert extendi partem in qua perfectior quantitas reperitur? quantitatis effectus est extendere, sicut caloris reddere partem calidiorē. Sed neque hîc capere possum quomodo non pereat prior quantitas, quando ex veteri & noua fit vna tertia, tam secundum communem sententiam, quàm iuxta opinionem Auerrois. Ex materia semper emanat extensio, qua aliud atque aliud spatium occupat, ad singula requiritur sua quantitas plenè diuersa, ad quid igitur prior asseruaretur, maximè cum materia satis fecunda sit ad nouam omnino parturiendam? Vtunque sit inficiari non potes quin toto eo tempore quo aer fit rarus, aut densus, mutetur quantitas infinitè infedata & turbulenta varietate, ita vt quemadmodum dixi de qualitate, res aliqua sub sensum cadens non sit effecta, sed semper fiat. Hoc si nihil habet incommodi, accipe aliud. Non possunt singulæ partes aeris rarefacti fieri maiores, nisi incipiant distare a se inuicem magis quàm ante,



at id accidere non potest, nisi diuidantur, quia singulae sunt proximè sibi coniunctae, ut neque propinquiores sint vnquam, nisi se penetrent, neque remotiores nisi corpus aliquod interponatur. Quomodo vis ergo eandem materiam fieri maiorem, cuius singulae partes a se inuicem non magis distant? C H A R. Non magis quidem reipsa distant partes quae proximè sibi iunguntur, nisi interponatur aliquod corpus; at continuum de quo agimus non habet partes vllas reipsa, nullae igitur distant magis a se inuicem, nihilominus noua quantitate totum sit maius, ac proinde magis distant singulae partes, quas assignabis, utpote quae potentia tantum reperiuntur. A R I S T. Diuerticulum est totum illud de partibus actu vel potestate, nam si ex ijs infinitis potentia quae se tangebant, nihil est quod non sit sibi propinquum eodem modo, nulla noua quantitas adueniens potest efficere ut totum vel partes occupent maiorem locum, nisi alicuius corporis interpositu. Idem est enim ac si continuum constaret solis punctis, illa enim non possent magis distare nisi rei alicuius interpositione. Quod autem continuum est vnum reipsa, nec habet partes separatas, non minus propterea sibi iunguntur omnia quae in continuo reperiuntur. Sit exempli gratia cubus magnus aquae qui diuidatur in octo paruos aut plures ad arbitrium, Cubus paruus A. si in-



telligitur separari a toto, iam est pars actu, & superficies suas omnes habet, si applicatur iterum suo loco, fit vnum ut prius, neque tamen quicquam productum, aut corruptum est, eodem ergo modo iunguntur ante, & post disunctionem, neque enim perijt quantitas illa quae dicebatur superficies actu, sed alteri iuncta est ut erat prius, quare ab ea non potest magis distare, nisi aliquid interijciatur: de ceteris partibus quae auferri possunt eadem est ratio. Non videtur igitur quomodo substantia aeris eadem manens possit extendi ma-

gis aut minus, licet Aristoteles id manifestè videri dicat 1. de Gen. 1. & 4. Phys. 84. Plus aliquid addam videri potius non modo quod aiunt Auerroes & Zabarella coruam inesse materiae quantitatem aut quod Philoponus putat, materiam esse trinam ipsam dimensionem, sed ut docent antiqui substantias differre a quantitate sua sola ratione, sic enim diuiduae sunt vsquequaque, vsquequaque habent puncta lineas, superficies, quae in substantijs iisdem specie, hoc ipso quod sibi iunguntur, vnum efficiunt, atque illae substantiae vbique diuidi possunt quoniam sunt vbique puncta lineae ac superficies. His positis non potest substantia eadem manens fieri maior. C H A R. Video necessarium esse ut paulò altius referamus ea quae passim ab Aristotele dicuntur de quantitate, maximè cum ipse nos monuerit hic tex. 7. ad rectè iudicandum quomodo fiat generatio, principium esse vtrum dentur indiuiduae magnitudines, ita enim quando loquemur de mixtione, videbimus an ea sufficiat ad rerum ortum & interitum. Quantum & quantitas eandem habent definitionem 5. Metaph. c. 13. nimirum quod est diuiduum in ea quae insunt, quorum vtrumque vnum aliquid aptum est esse, id est quod habet partes potentia tantum & diuidi potest in partes actu. Quan-

*Quid sit  
quantum.*

titas




ritas hoc habet ex se, quantum verò non nisi ratione quantitatis: ex quo recte colligit Scotus essentiam quantitatis consistere in potestate ad diuisionem, quandoquidem ex diuersis diuisionibus diuersæ species quantitatis desumuntur, lineæ secundum vnā dimensionem, superficiem secundum duas, corporis secundum tres: neque dicat aliquis rem esse prius extensam, quā diuiduam, idem enim est esse extensum, & posse diuidi, aut quid sit aliud ipse declarat. Hinc demonstrare non possumus quantitatem esse diuiduam, quoniam in eo consistit eius essentia, demonstramus tamen cum Aristotele 6. Phys. esse diuiduam infinitè tanquam eius affectionem.

## De distinctione quantitatis a materia.

### CIRCVLVS SEXTVS.

#### ARISTÆVS. CHARILAVS.

 **ARIST.** Velim tantum probari contra antiquos quantitatem iam definitam re ipsa distingui a substantia, dico quantitatem permanentem, nam de altera quæ consistit in successione non disputamus. **CHAR.** Id ostendit Aristoteles 1. Phys. 14. contra Parmenidem & Melissum: si erunt, inquit, substantia & quale & quantum, siue separata, siue non, hoc ipso multa sunt; ubi vult res distinctas prædicamento diuersas esse, non ratione tantum, sed re ipsa, alioqui nil concluderet. **ARIST.** Satis est si concludit dari plures substantias diuersas inter se quantitate & qualitate licet ex quantitates & qualitates a substantijs quibus dicuntur conuenire, sola ratione distinguantur: Ita differunt aurum & aer, non est tamen necesse affectiones auri ab auro, & aeris ab aere alio modo distingui quā ratione, sicut categoriæ actionis & perpeffionis, & quæ sequuntur. **CHAR.** Ostendi etiam potest ex ijs locis, ubi quantitatem mutari dicit eadem substantia remanente. Theologi verò docent abeunte substantia remanere eandem quantitatem. **ARIST.** Iam responsum est locis illis maxime 4. Phys. 84. theologis verò satis est, vt supra insinuauimus, quod remaneat quantitas eorum quæ appellantur accidentia, coloris scilicet, odoris, saporis, & aliorum. Neque id temerarium videri debet: nam Ochamus, Gabriel, Adamus, Aureolus & alij theologi magni nominis docent substantiam & quoduis accidens a sua quantitate distingui sola ratione, si enim, inquirunt, substantia secundum se consideretur, vocatur substantia, si secundum locum, cui extenditur, vocatur quantitas. Secundò dicunt tot esse in vnaquaque re quantitates, quot in illa sunt accidentia, præter substantiæ ipsius quantitatem, ita vt substantia simul & quantitate panis abeunte remaneat quantitas accidentium. Tertiò penetrationem quantitatum non repugnare, nisi duobus modis: primus est cum ex rebus quantis vna  
non



non est forma, nec altera materia: ut duo lapides: quocirca dicunt quantitates materiae formae & accidentium se penetrare: alter modus est cum accidentia ex diuersis substantijs sunt educta. Hac illi longè contortius quàm si dixissent cum antiquis colores, odores, sapores, calorem & frigus esse substantias contingentes nomine accidentium significatas, quibus substantia panis referta est citra vllam formae atque materiae penetrationem, quae non minus absurda est quàm duorum lapidum, si materia & forma sunt quantitates, siquidem repugnantia penetrationis oritur tantum a quantitate secundum Aristotelem non a substantia, forma enim est in materia & intelligentiae sunt in coelis: vnde 2. de anima 72. probat animam non esse corpus, ut volebant Stoici, quia penetratio sequeretur, & eadem ratione tēx. 69. ostendit lumen non esse corpus: Sic 4. Phys. 8. contra antiquos de vacuo eodem modo philosophatur. Miror igitur cur illi autores non dicant potius in quolibet corpore non esse nisi vnam quantitatem quae tam materia, quàm forma & accidentia extendantur, hanc autem esse materiam ipsam, quae ex se, quanta sit, reliqua vero non alia ratione esse quanta, nisi quia in quantitate materiae recipiuntur, & quae de accidentibus panis dicuntur, id miraculo tribuendum esse. Hoc videtur dicere Ioannes Grammaticus, quoniam inquit sola materia in rebus inferioribus aeterna est, aeterna autem est natura corporis, lequitur nihil aliud esse materiam primam, quàm corpus ipsum, ad quam opinionem proximè accedit Auerroës, qui materiae coeuiam ascribit quantitatem absque terminis, & Zabarella qui vult eam esse corpus quod est summum genus in substantiae categoria, alioqui non videtur, inquit, quomodo compositum sit corpus cuius neutra pars corpus est, neque quomodo id quod constat materia & forma sit diuiduum, non enim fit diuiduum ex indiuiduis 6. Phys. 2. & nihil est diuiduum nisi quantum 5. Metaph. 18. CHAR. Longè probabilior est opinio D. Thomae, Scoti, Durandi, Suarez & recentiorum communiter affirmantium quantitatem permanentem re ipsa distingui ab eo cuius est quantitas. Quod enim dicunt aduersarij compositum non fore corpus si materia ex se non est quanta, propterea quod putant gradum corporis non posse haberi a forma quae non habet tres dimensiones, soluitur breui distinctione: forma non dat gradum corporis, id est non dat trinam dimensionem, neque efficit ut aliquid sit extensum & pertineat ad categoriam quantitatis, conceditur: forma non constituit, & complet substantiam corpoream, cui debetur trina dimensio, & quae pertinet ad substantiae categoriam, negatur. Hoc autem satis est ut forma dicatur constituere corpus suo aduentu, quod nimirum adueniens quanto illud complere, & perficere intelligitur. ARLST. Quomodo vocas sententiam illam probabiliorē quae autores suos compungit innumeris difficultatum acuminibus. Ac primum si quantitas distinguitur a re quanta, vel aliquid erit extensum sine quantitate, vel mutabit locum sine motu. Auferrat enim Deus, inquit Gabriel & Ochamus, quantitatem a Socrate, vel partes substantiae remanebunt cum priori extensione, & in eodem loco & situ quo ante, vel non: Si remanent, erunt extensa sine quantitate, sin minus, mutarunt locum, & omnes simul absque motu confluxerunt in vnum punctum.



**CHAR.** Thomistæ fortassis hypothesim non admitterent, quia sumunt a quantitate indiuiduam materiæ differentiam, alij verò dicerent id fieri non posse, propterea quòd nulla virtute fieri putant vt materia sine forma, & forma sine quantitate reperiatur. Qui contra sentiunt, respondere possunt duobus modis, primo ablata quantitate remansuram extensionem quandam substantiæ sed penetrabilem, & quæ redigi posset ad punctum. Secundo partes omnes substantiæ hoc ipso statim ad punctum redactum iri, neque fore amplius in loco quem occupabant, id verò fiet non motu vllò, sed amissione sola prioris loci: & optimè declaratur exemplo animæ nostræ, quæ in membro amputato esse desinit absque motu, & tota in membris alijs reperitur. **ARIST.** Hoc est quod monebam 8. Phys. vos facere intelligentias materiæ motum illis attribuendo & iterum facere materiam parem intelligentijs, concedendo illum reduci ad punctum, & partium omnium penetrationem. Velim autem scire sublata quantitate totius terræ, ad quod tandem punctum centri an ambitus reduceretur. **CHAR.** Quoniam sunt infinita puncta, spectabit ad Deum determinatio. **ARIST.** Quid si diceret volo auferre, quantitatem & nihil aliud determinare. **CHAR.** Alij respondebunt terram nullam futuram, alij quantitatem non posse auferri, nisi Deo omnia determinante sine quibus istud esse non potest. Alijs placet sententia Scoti, Suaris, & Fonseca, nimirum ablata quantitate substantiam remansuram adhuc extensam; dicunt enim aliam esse materiæ, aliam quantitatis extensionem: hac res habet vt possit loco circumscribi, & ab eo aliam expellere, illa verò vt vna eius pars non sit alia; hæc autem duo valde differunt, fieri enim potest vt aliqua non sint idem, quemadmodum materia & forma, vnum tamen sit intra aliud. Præcisa igitur quantitate habet substantia suas partes quia sicut vnumquodque seipso est ens ita est vnum. Quod si substantia, vt aiunt Thomistæ differentiam suam indiuiduam delumeret a quantitate, non fieret ex ijs vnum per se, inquit Scotus, includeret enim ea quæ sunt diuersi generis, substantiam scilicet & quantitatem: nec posset Deus ablata quantitate conseruare duas partes materiæ loco distinctas, sicut conseruat accidentia sine materia; & tamen accidentia plus pendent a substantia, quàm substantia ab accidentibus. Deinde cur natura communis materiæ potius a quantitate, quàm ab alio accidente sit singularis, & cur id non potest ex se ipsa sicut quantitas? neque enim illa ab alio sit singularis, alioqui processus est infinitus. Quæ etiam posset vnde animæ humanæ, & omnes formæ, vnde intelligentiæ sunt singulares, nisi seipsis? idem igitur de singulis materiæ partibus sentiendum est, neque id in quantitatem Thomistarum, neque in Scoti hæcitatem opiniosissimam, neque in formam specificam Zabarellæ refundi debet. Et sanè nisi dicamus sublata quantitate plures remanere partes substantiæ, si Deus omnia in nihilum reduxisset præter granum hordei, posset in substantia illius grani repone quantitatē totius mundi, & educere formas omnes ex illius materia prima: propterea, si meministi, dicebam supra cum Aristotele rarum esse quod sub magna quantitate paucas habet substantiæ partes, & densum contra, proinde non haberi partium multitudinem a quantitate, alioquin vbi



illa maior esset, plures inibi partes reperirentur. **ARIST.** Nunc enim *verò* cernere potes *Video meliora, proboque, Deteriora sequor.* Vides necessitatem afferendi substantiam ex se habere partes, quarum vna nunquam est alia, ut in cubo magno supra diuiso, cubus A. nunquam erit cubus B. quantumvis aqua permisceatur. Vides hanc partium distinctionem non haberi a quantitate distincta Thomistarum, a Scoti hæcitate, a forma specifica Zabarellæ, quæ det actu singulis partibus existentiam, de ijs enim omnibus quæ distinctionem præbent, eodem iurè quæri debet vnde ipsa habeant hanc distinctionem. Cum igitur videas ipsi substantiæ partes inesse præcisa quantitate, quid ea opus est? Si partes materiæ quam habebat Socrates eadem numero supersunt hodie, licet dispersæ, non ratione vllius quantitatis, sed quia tales sunt natura sua, nonne etiam possunt habere naturâ suâ ut neque se, neque alia corpora penetrent, sed loco conuenienter extendantur? Commentitium planè videtur, & contra Aristotelem substantiam ex se habere partes quæ possint se penetrare, 5. Metaph. 13. essentia quanti est ut sit diuiduum in ea quæ insunt, similiter habetur a quantitate quod aliquid dicatur æquale, vel inæquale in Prædic. cap. de quanto: Substantia igitur non distinguitur a quanto si habet partes, ratione quarum sit alteri æqualis, vel inæqualis. **CHAR.** Intelligendus est Aristoteles de partibus, & æqualitate propriè dictis. **ARIST.** Quod igitur partes illæ sublata quantitate possent se penetrare, dicis neque propriè partes esse, neque alias alijs æquales: certè dum extenduntur æquali spatio non video quid illis ad hoc deesse possit. Sed quæro hîc an omnes illæ partes iunctæ simul vnum efficiant, si vnum, qua ratione? non continuatione, hoc enim est proprium quantitati, & tamen non minus videntur continuæ quàm si haberent quantitatem, eam igitur habent, & non habent. **CHAR.** Distinguendum est diligenter: vel enim sermo est de partibus substantiæ similis, vel dissimilis: Illæ facerent vnum per se, verbi gratia partes omnes aquæ simul iunctæ facerent vnâ aquam sine quantitate continuam quidem, sed impropriè. Si autem sermo sit de toto dissimilari, vel illud totum prius erat vnum per se antequam spoliaretur quantitate, vel non: si erat, adhuc eodem modo manet vnum, si minus, neque postea erit vnum, nisi ut aceruus lapidum, congregatione, atque ita sine quantitate similaria sunt continua, & dissimilaria contigua tantum, habentque extrema saltem impropriè, quæ vel sunt vnum, vel sunt simul: continuum enim definitur ab Aristotele 6. Phys. cuius extrema sunt vnum, quorum autem extrema sunt simul, illa contigua tantum appellantur, licet vtraque sepe confundantur a philosophis. **ARIST.** Videor mihi videre hominem spoliatum quantitate primùm eo modo quo ante consistentem, mox ex grandiori fieri compactilem, atque ita fingi & comprimi ut iuglandis putaminibus concludi possit, veluti condita in pyxide lyde. Quid si hoc chymicus aliquis reperiret? **CHAR.** Præstaret refellere, quàm irridere. **ARIST.** Dic igitur serio, si Intelligentiæ seipsis sunt indiuiduæ Aristoteli absque forma vlla superaddita, cur materia hominis illius indiget quantitate a se distincta qua diuidua sit, & extendatur, non modo ipsa sed & formæ & accidentia omnia quæ in ea sunt? An etiam candor




lactis frigus in lacte candidum reddit? CHARR. Ad vtriusque substantiæ naturam recurrendum est, perinde ac si quæreres cur calor calidum facit. Intelligentiæ habent a se vt diuidua nulla ratione fieri possint, materia vero vt diuidua reddatur quantitate. Est etiam natura quantitatis vt recepta in materia sit ratio qua & ipsa & omnia quæ ex ea sunt educta sint diuidua & partes habeant extra partes; hoc verò non habet candor respectu frigoris & aliorum accidentium, vt ea candida reddat, licet in eodem corpore reperiantur. ARIST. Gratulabuntur hic vobis antiqui, & quotiescunque ad rerum naturam confugietis. Est etiam opinor natura materiæ primæ, vt absque quantitate continuas habeat partes, aut contiguas cum lineis, superficiibus & punctis impropriè dictis, atque id etiam, concedere potestis animæ humanæ, & ipsis, quando lubebit, intelligentijs, ita vt illæ constent partibus quarum vna non est alia, possunt tamen se penetrare, & sic habebitis corpus quod neque aspectabile, neque tractabile erit omnino. Nunc videamus quomodo partes illæ corporis vnum efficiunt continuum, an contiguum, & vtra opinio vestra scilicet, an antiquorum rem exponit enuclearius. Vniuersum antiqui dicunt esse vnum, & infinitum multis substantijs simplicibus compositum, an autem partes eius continuæ dici debeant, an contiguæ penderet a nominum intelligentia: iuxta acceptionem quam attulisti, simplices substantiæ similes sunt continuæ, dissimiles verò contiguæ tantum, hoc vtrique sententiæ commune est. Ita contiguæ sunt partes animalium, & massæ ex pluribus metallis conflatae, aut vini aqua diluti, item rami partim virentis, partim sicci, nec minus vniuersum videtur vnum quam vnus homo. Difficultas autem est in assignanda ratione secundum eos qui distinguunt quantitatem a materia, cur aquæ, ac vini & aliorum quæ dixi, quantitas simul iuncta, cum ipsa sit accidens simile, non efficit vnum continuum, perinde ac si aqua æque coniungeretur. Nihil ad rem facit quod aquæ & vini substantiæ sint diuersæ, continuatio enim est effectus solius quantitatis, quæ est eiusdem rationis in vtroque. Præterea dicitis esse vnā materiam totius mundi, addita igitur quantitate homogenea, non potest formarum diuersitas impedire ne vniuersum sit continuum, multò magis autem videbitur continuum plumbum auro permixtum, cum adeo tenaciter ei adhæreat, veluti etiam pix, aut cera vitro: In cubo diuiso in octo partes, sit cubus paruus A ex vino, reliqui ex aqua, dicis superficiem vini & aque non esse vnum, sed simul tantum, quæro abs te quid præterea requiritur vt sint vnum, certè non aliud nisi vt mutetur forma vini in formam aquæ, at hæc inepta est ad continuationem efficiendam, eius enim effectus est facere vinum, non continuum, omnia igitur dici debent quantitate vnum, diuersa formis. Si verò iam parui cubi aquei vicissim loco mutantur, dicis eorum superficiem non tantum esse simul, sed fieri vnum: hoc dictum inconsiderantæ plenissimum est: iam enim dixisti partem vnā substantiæ sitæ materiæ talem esse seipsa etiam sublata quantitate, vt nunquam alia fieri

*De vno, continuo, & contiguo.*

*N.*

*N.*



siderantæ plenissimum est: iam enim dixisti partem vnā substantiæ sitæ materiæ talem esse seipsa etiam sublata quantitate, vt nunquam alia fieri

G possit,



possit, quo multò magis conuenire debet quantitati, utpote a qua secundum Thomistas petitur indiuidua rei differentia, nunquam igitur una quantitas alteri iuncta vnum efficit, sed vtraque remanet eadem quæ fuit ante, ut quemadmodum duæ partes materiæ proximè iunctæ non fiunt vnum, ita neque earum quantitates, siue eadem sit forma substantialis, siue diuersa. At verò illi qui quantitatem a primis substantijs non distinguunt, facilius superant difficultatem: dicunt enim ea quorum extrema sunt simul, siue inter quæ nihil est medium, neque esse potest, dum sic iunguntur, si homogenea sint dici continua, si heterogenea, dici contigua, eorum autem extrema nunquam esse vnum. CHA R. Nihil igitur erit continuum, si partes illæ aquæ remanent eadem diuisæ & iunctæ. A R I S T. Ita dico, donec assignaueris quæ sit illa mutatio, qua ex pluribus fiunt una, ego enim aliam non reperiò præter motum, quo tantum efficitur ut iunctæ fuerint, cum prius essent separatæ, cæterum coniunctio illa non efficit, ut superficies vtriusque cubi fiat una, istud motu non acquiritur ex Aristotele, sed tantum locus. Quare necesse est, ut dicebas de calore, quantitate, & raritate, posito motu formam aliquam emanare, qua ex duabus superficiibus fiat una, quemadmodum in accretione ex veteri, & noua quantitate fit una quantitas, & ex varijs gradibus caloris fit vnus calor. CHA R. Scotus subtiliter suo modo excogitauit formam, seu modum quendam substantialem, quem vocat hæceitatem, hoc est differentiam indiuiduam, qua res dicitur hæc, & non alia, in cubo igitur tuo maiori integro inest quædam heceitas, sublato A. nascitur altera, quo reposito alia emanat, permutato A in B. rursus alia, & quotiescunque accedit particula, vel decedit, vel transponitur non est amplius eadem aqua numero. Admissa igitur qui volet, huiusmodi hæceitate facillè respondebit ex duabus superficiibus fieri vnā, vtraque enim priorem amittit hæceitatem & communem nouam acquirit. A R I S T. Subtilius id quidem arista, sed non fortius. Tu ipse secundo Phyl. dixisti commentum esse, non ad soluendam, sed ad fugiendam difficultatem: nam cum hæc hæceitas sit diuersitas, idem est ac si diceret, rem esse diuersam diuersitate. Centies iungantur & separentur duæ superficies, tot oportet fruticari nouas hæceitates, non modò absque causa efficiente, sed absque vlla necessitate. Quæ enim necessitas afferri potest ut ex duabus fiat una? nonne satis est ita poni simul ut inter vtranque nihil sit medium? CHA R. Si Scoti hæceitas videtur tibi rancidula, admitte saltem duas quantitates aquæ seipsas vnā fieri. A R I S T. Fient quidem vnum aggregatum continuatione, sed distinctæ ut prius remanebunt, pars enim A. nunquam erit B. siue quantitatem spectes, siue substantiam, nec audiam quæ lo aliquem dicentem esse distinctas post assignationem, antequam enim assignarentur, quidquid est in A. nihil fuit, nec erit vnquam vllum ex ijs quæ sunt in B. coniunctio igitur nunquam efficere potest ut sint vnum alio modo, quam congregatione: propterea & Aristoteles & quicunque docent in continuo nullam esse partium distinctionem, si intelligunt disiunctionem, verum docent, sed nihil dignum philosopho, si intelligunt partes continui suam amisisse distinctionem & differentiam eo ipso quod coniunguntur, falsum est, & excogitatum.

*De infinitate & distinctione partium in continuo.*



duntaxat ad declinationem difficultatis, qua continuum videtur habere partes actu, infinitis constare indiuiduis, & in ea resolui posse. Hoc Aristoteles aliud agens fateri coactus est 7. Metaph. 49. & 50. vbi docet non posse fieri substantiam vnā ex duabus substantijs actu, quæ enim duo, inquit, sic actu sunt, nunquam vnum actu sunt, cum igitur aquæ B. & A. sint actu duæ substantiæ, nunquam ex ijs duabus fiet vna. CHA R. Hic est locus quem cum in circulo philosophico Pisis Doctor Gallus collega suo viro docto simul, & facetolo ter obiecisset, inculcando illud, Quæ duo sunt actu, nunquam actu vnum sunt, & ille toties respondisset hoc esse fallum, atque ad vltimum iocosè subiecisset, Gallus cantat, non infacetè Gallus statim retulit, cantat, quia iam ter negasti Aristotelem, qui poterat dicere tibi, Priusquam Gallus cantet, ter me negabis. Quæ responsione audita necopinatò, cachinnus iuuenum sublatu est, vtriusque ille dictus ab Homero γέλως ἄσβεστος obortus in conuiuio Deorum ex Vulcani claudicatione. Inficiandum non erat illud Aristotelis dictum, sed ita exponendum, vt quæ duo sunt actu, nunquam actu vnum sint, quandiu retinent suam differentiam indiuiduam, at duæ aquæ dum coniunguntur eam amittunt, & ita ex duabus fit vna tantum. Propterea Aristoteles ostendit ibi Platonis vniuersalia non existere in singularibus, quia cum hæc & illa distinctionem suam nunquam amittant, quantumvis coniungantur, non facient vnum. A R I S T. Et si centies ille negasset Aristotelem hoc dicentem, nihil tamen erat quod cantaret Gallus, Quis enim non dicat aut malè affirmari ex duabus aquis fieri vnā, aut malè negari ex vniuersalibus Platonis & singularibus vnum fieri: dicere amitti distinctionem in illis, non in istis, id ipsum est quod ambigitur: immo in duabus aquis videtur remanere distinctio eadem quæ fuit ante, nisi cum Scoto somniamus, veteres perire & aduenire nouas hæcitates quoties aquæ iunguntur aquis, non enim sola coniunctione distinctio perit: verum similiter dici poterit in coniunctione vniuersalium cum singularibus nouam hæcitatē emanare. Maxime verò aquas quocunque modo permixtas non esse vnum ostendit illud dictum Aristotelis 7. Topic. cap. 1. loco 10. Si alterum interimitur, alterum verò non, profectò non sunt idem; at ita fieri constat in aquis iunctis; illa igitur iuncta non magis sunt idem, quàm separata. CHA R. Illa coniuncta distinguuntur, quorum vnum post disunctionem remanet idem quod erat ante, sed aqua pars separata non remanet eadem quæ erat antequam separaretur, prius enim cum alijs vnum constitutebat, nunc autem sola vnum facit. A R I S T. Nihil aliud audio quàm coniuncta non distingui, distingui verò separata, quæ est principij petitio manifesta, afferenda enim esset ratio cur duæ aquæ vnum efficiunt, non autem vinum, & aqua, aut as corinthium, atque adeo totum vniuersum. CHA R. Vide quàm non iniqui rerum altimatores sint Peripatetici, vident quidem perdifficile esse duo corpora coniunctione sola fieri vnum, sed quid agant? ex duobus malis minus est eligendum: nisi enim hoc dicunt, fateri coguntur, vt aduertisti, in continuo partes esse re ipsa distinctas, ac proinde aut Democriti atomos, aut infinita puncta mathematica. A R I S T. Minus malum est istud apud Greg. Gabriel. Suarem & alios qui probant



partes illes esse reipsa distinctas, quia continuum est totum reipsa cuius partes copulantur communi termino, & a quantitate habet ut alia sint extra alias, ita ut una non sit altera. CHA R. Soluitur facile dicendo totum, partes, atque terminos esse in continuo virtute tantum. ARIST. Iam esse dixi eo modo quo pars una neque fuit, neque unquam erit altera, quid aliud est esse reipsa distinctum? Melius Aristotelem exponeretis dicentem partes esse in continuo tantum potestate si intelligeretis partes quidem esse distinctas, non tamen a se inuicem separatas. CHA R. At ex eo sequitur infinitum reipsa, cum enim diuiduum sit in partes infinitas, si illae distinguantur reipsa, erunt profecto infinitae, & quod peius est continuum constabit solis indiuiduis, quia si nulla pars continui est quae non distinguatur ab omnibus alijs, ergo nec ulla est amplius diuidua, ut enim aliqua sit, assignetur, nam vel illa non erit una, sed plures simul, vel certe si est una tantum, partes in quas diuidua est non distinguuntur.

## De indiuiduis continui.

### CIRCULVS SEPTIMVS.

ARISTÆVS. CHARILAVS.

**A**RIST. Satis esse debet Aristoteli quod non detur corpus infinitum, nec eius doctrinae quidquam officit dari multitudinem indiuiduorum, quibus tantum efficitur finitum corpus. Si contendit insuper repugnare infinitum ratione numeri, negandum est in finitum esse numerum, nomine enim numeri intelligit id ex quo semper accipiendo deueniri potest ad finem. Verum antiqui, ut vidimus, qui vniuersum faciunt infinitum, congruenter etiam volunt singula corpora totius rationem quodammodo participare, ut sicut vniuersum mundis infinitis conspicuum est, unde resultat vnum infinitum usquequaque, ita nulla sit pars vniuersi quae in finitis non constet saltem indiuiduis: sed de hoc satis tertio Physicorum. Nunc videamus quid sit incommodi ex resolutione continui in Platonis, aut Democriti indiuidua. Licet Aristoteles hic Democritum Platoni praeferat, huius tamen opinione nunc uti libet ad declarandam doctrinam antiquorum qui vacuum non admittebant. Intelligi potest autem duobus modis, primo quidem ut corpus quodlibet constet infinitis reipsa punctis siue indiuiduis, & in ipsa resolui possit, ita ut punctum vnum ab omnibus alijs separetur, aut omnia a se inuicem, similiter lineae ac superficies. Secundo ut punctum nullum auferri possit, nisi infinita simul accipiantur. Hic secundus modus non videtur contrarius Aristoteli, & ab omnibus Peripateticis defendendus est, qui dicunt planum a sphaera tangi in puncto, & admittunt in continuo puncta, lineas, & superficies saltem virtute. Ad cuius rei



rei explanationem nonnulla notatione digna præmittenda sunt: primum est vim infiniti eam esse ut nulla cogitatione humana satis comprehendatur, proinde & si punctum cuius nulla pars est additum puncto, aut centies mille punctorum myriadibus non facit corpus, punctorum tamen infinitate nihil prohibet fieri corpus; Valedicendum est hinc fictis imaginibus phantasiæ, & rationi tantum inhærendum. Secundò notandum occurrit, cum dicitur in continuo esse partes actu infinitas, improprie sumi nomen partis, pars enim est magnitudo magnitudinis minor maioris, qua minor sæpius repetita æquat, vel superat maiorem, atque hoc modo punctum non est pars continui, est tamen prout pars dicitur aliquid inseruiens ad totius corporis compositionem. Tertiò observandum est punctis id tribui non debere, quod de solis dicitur corporibus, nimirum quòd secundum totum, aut partem se tangent vel se penetrent. Quartò considerandum venit, quòd & si punctum non est corpus, est tamen aliquid corporis, & verum eius principium. Non enim oportet principium esse id cuius principium est, ne & ipsum alijs principijs indigeat; unde principium corporis non est corpus, nec diuiduum diuidui, nec magnitudo magnitudinis. Neque etiam illud quòd proprie dicitur principium subsistere debet seorsim, sed duntaxat in re composita; propterea punctum nunquam reperiri debet ab omnibus alijs separatim, licet cum nullo necessariam habeat connexionem. Quare hallucinantur illi qui dicunt punctum nihil esse, propterea quòd non est magis extensum quam chimæra, & sicut ex infinitis chimæris nihil maius efficeretur, ita neque ex punctis. His positis nihil ob stare videtur quominus dicamus continuum corpus licet diuiduum, constare tamen solis indiuiduis. Suares disp. 40. sect. 8. in hanc ferè sententiam multos adducit, atque inter ceteros D. Thomam opusc. 36. c. 2. dicentem dari in continuo infinita puncta reipsa diuisa. Ratio iam allata est, nimirum in continuo esse partes infinitas, siue quantitatem consideres, siue substantiam, quarum partium vna non est alia, etiam ante ullam assignationem: hæc autem non possunt esse nisi puncta, diuiduum igitur componitur quidem ex diuiduis, ut ait Aristoteles, quoniam puncta singula non sunt partes, illæ enim fiunt ex punctis infinite replicatis, non tamen vlla diminutione ad vltimum punctum deuenitur. Hæc non adeo absurdè dici videre potes ex interpretibus Aristotelis & Democriti. D. Thomas in 2. dist. 2. q. 9. cum multis alijs, quanquam tueretur doctrinam philosophi de diuisione continui in infinitum, id est quòd nunquam deueniri possit ad finem ratione materiæ corporeæ, ratione tamen formæ cuius est dare terminos, docet tam inanima homogenea, quàm animata habere minimum aliquem terminum paruitatis, ut si quis diceret non posse dari minorem aquam ijs corpusculis quæ conspiciamus ad Solem volitare. Democritus verò putat in diuisione corporum sistendum esse quando ad atomos deuenitur. Nunc considero aliquam atomum Democriti, aut minimum aliquod corpusculum D. Thomæ, & quo iure illi affirmant non procedere ultra diuisionem, ita dico corpus ex indiuiduis compositum diuidi non posse ad punctum vltimum: hoc D. Thomas ait haberi a forma, Democritus & alij a rei natura. Denique videbimus argumentis contrarijs non probari non esse puncta a se



distincta, sed tantum non posse separari a quantitate. Altera ratio affertur a mathematicis, sed quæ a priori parum differt, & rem absoluit omnino geometricè. Sphæra tangit planum in puncto, & si inibi tota æternitate circumuoluatur, nihil unquam tanget præter aliud atque aliud punctum, atqui certò non tangit in eo quod non est, puncta igitur distincta in corporibus sunt infinita, ac proinde lineæ, & superficies. CHA R. Istud argumenti spinosum mihi visum est semper. Audiui tamen Pisis philosophum bene barbatum dicentem hypothesim negandam esse, propterea quod nullum corpus naturale dari potest perfectè planum, aut sphericum.

N. D. A R I S T. Audistin' quid de eo prædicaret orator Pisanus: iste vir, inquebat, nihil habet philosophi præter barbam, demis barbam, demis philosophiam. Urgebatur ille quod & si forte nulla datur perfecta sphæra, nec corpus totum perfectè planum, nihil obstat tamen quin reperiatur pars aliqua plani vel sphærae, negabat. Premebatur ultra quod non solius esset sphærae & plani se tangere in puncto, sed cuiuscunque curui, quod non tantum alterum curuum connexum tangit in puncto, sed etiam concavum, si curuitatem diuersam habet. Primum hic negabat dari corpus perfectè curuum, sed ad summas redactus fuit angustias ubi audiuit illud quod non est perfectè rectum, hoc ipso esse perfectè curuum, & contra, ita ut curuitas rectitudinis & rectitudo curuitatis negatio esse videatur. Deinde respondit & si curuum aliquid esset, aut desinens in acumen coni, vel pyramidis, non tamen tangere corpus aliud in puncto, sed in parte aliqua diuidua. Ostensum est curuum non posse contingere plani partem diuiduam, nisi pars illa plani curua esset; demonstratum est de cono & pyramide, si puncto terminantur, tangere puncto, si verò in punctum non desinunt, ergo vel in curuum, vel in planum, quorum contactum in puncto fieri iam probatum est. Libenter dixisset omne corpus esse curuum, nisi audiuisset curua se tangere in puncto: dixisset omnia esse plana, nisi audiuisset plana illa punctis, vel lineis curuis aut rectis terminari: Tandem ad eas ineptias deuolutus est ut ad omnia sibi proposita nihil aliud referret, quam mathematicè concedo, physicè nego.

*Barbatum hoc crede Magistrum Dicere.* CHA R. Quid de Gregorio? negat enim omnino sphæram tangere planum quantumuis propinquum, quoniam, inquit, inter utrunque medius est aer, qui rarior sit dum separantur, alioquin ut dixi ad octauum physicorum, corpora solida non possent distrahi a se inuicem, nisi detur vacuum, vel motus ad locum puncto temporis.

A R I S T. Non est audiendus hic Gregorius, propterea quod aer ille medius si diuiduus est, sphæra non est maximè propinqua plano, sed potest magis descendere tota æternitate; si indiuiduus, non facit ut sphæra distet a plano. Neque vero opus est raritate aeris interpositi ad corporum solidorum separationem, siue in puncto, siue in parte diuidua se se tangant, per meatus enim tenuia corpora facillè accurrunt, quantum satis ad eorum disunctionem. CHA R. Quid si dicat aliquis huiusmodi corpora quantumuis solida leuissimo quocunque actu sese comprimere & iam amissa curuitate in parte diuidua sese tangere. A R I S T. Dicet ille quod ferè semper accidit, sed nihil ad rem: antequam enim se se comprimant, necesse

fuit



fuit ut vno puncto se contingerent. Immo non est necesse ut reipsa se vtrquam tangerent, sed sufficit illa hypothesis, si sublati omnibus impedimentis se se tangerent, hoc fieret in vno puncto. CHA R. Accipe igitur nunc veram Peripateticorum responsionem. Fatendum est in puncto fieri contactum, sed negandum est punctum illud a partibus continui esse distinctum, non enim est reipsa, sed virtute: dari autem punctum virtute nihil aliud est quam continuum ipsum posse fungi vice puncti exhibendo se ad contactum perinde ac si reipsa esset individuum. Neque id mirabilius videri debet quam animam humanam indivisibilem aptari corpori diuiduo: ita nihil opus est punctis reipsa, sed virtute. A R I S T. Quidquid de anima sentiant antiqui, contactus in puncto fieri posse non videtur, nisi illud existat ab omnibus alijs reipsa distinctum: viget enim ratio qua ostenditur id quo se tangunt planum, & sphaera nunquam fuisse, nec fore aliquid ceterorum, quæ in utroque corpore reperiuntur, ita ut conuersa sphaera semper tangat planum in nouis punctis, quæ propterea necesse est esse distincta, ita continuum aliud non exhibet tangendum sphaera, quam punctum reipsa neque enim alio modo prestare potest officium puncti, sicut punctum prestare nequit officium continui nisi infinitis alijs adiungatur. CHA R. Hanc continui virtutem malim admittere, licet difficilem habeat enodationem, quam tot indiuiduorum farraginem qua in explicabiles laquei contexuntur. Primum enim soluendum est tibi quomodo indiuiduum additum indiuiduo facit aliquid maius quantumvis sit multiplicatum, si id ab infinitate profectum putas, afferenda est tibi ratio cur infinitæ animæ non idem faciunt? A R I S T. Si anima est corpus, aut principium corporis indiuiduum, idem efficiet, quare respondendum videtur non a sola infinitate, sed etiam a ratione principij corporei sequi ut infinita indiuidua diuiduum corpus efficiant. CHA R. Tu qui putas oportere ut principium corporis non sit corpus, nec diuidui diuiduum, an vis etiam puncta non esse substantias, & corporis substantiam constare ex non substantijs? A R I S T. Ne ambigatur nunc quid sit substantia, quidve accidens, dicamus puncta esse principium substantiarum quas corpora appellamus, an autem & ipsa nominari debeant substantiæ, parum refert, satis est scire ea esse res veras generationi, & corruptioni nulli subiectas. CHA R. Præterea facis omnia corpora constare punctis, & vis ea corpora non tantum raritate & densitate, sed etiam differre natura ipsa: quomodo id puncta prestare possunt, quæ cum sint indiuidua eodem modo, nihil efficient vnquam rarius, aut densius. Multo minus autem constituent res specie diuersas, alioquin oporteret puncta aqua specie differre a punctis terræ, & sic de alijs, atque ita punctorum species esse distinctas. A R I S T. Raritas & densitas non oritur proximè ab ipsis punctis quatenus sunt indiuidua eodem modo, sed prout specie differunt, & ita varijs inter se modis commiscuntur, ut diuersam partium efficiant mobilitatem, in qua dixi consistere raritatem & densitatem. CHA R. Assignandus est præterea eorum ordo, vel enim sunt continua, vel contigua, vel deinceps: At duo prima dici non possunt, quia puncta non habent extrema quæ vel vnum, vel simul esse dicantur, neque vltimum, quoniam illa sunt dein-



deinceps inter quæ nihil est medium eiusdem generis : vel igitur inter quæ  
 N. bet duo puncta medium est aliquid, vel nihil, si nihil, ergo sunt contigua,  
 quod dici non potest, si aliquid, illud non poterit esse nisi punctum, at si sit  
 punctum, iam illa duo non erant deinceps. Quanquam autem admonuisti  
 in huiusmodi indiuiduis admittendos non esse terminos contactus, penetra-  
 tionis, continuationis & alios qui solis corporibus conueniunt, certè debent  
 habere ordinem aliquem inter se ratione cuius dicantur esse in continuo hoc  
 primum, illud secundum & ita deinceps, vt sic alia alijs proximè coniun-  
 gantur. Cur igitur recipere non vis quæstionem Aristotelis an se tangant  
 secundum se tota, & sic vnum sit intra aliud, an se tangant secundum partem  
 & sic non sint amplius puncta. Denique si quis auferat primum punctum,  
 nonne secundum statim occurret, & sic de alijs? A R I S T. Responden-  
 dum est a linea neque duo, neque tria, neque finita puncta accipi posse, siqui-  
 dem ea magnitudinem non efficiunt, ea ratione qua D. Thomas minimum  
 aliquod statuit quod a corporibus auferri potest, ne ad puncta deueniatur.  
 Difficultas vtrique sententiæ communis est: sphaera tangat planum in pun-  
 cto, si quærerem abs te vt auferretur id in quo fit ille contactus, diceres fieri  
 non posse nisi ablata simul parte diuidua, quoniam punctorum distinctio-  
 nem non admittis, alius verò dicit hoc non esse possibile propterea quòd ta-  
 lis est corporum compages, vt cum sint partes vniuersi infiniti, infinitis &  
 ipsa constare debent indiuiduis, ne reducantur ad vltimum punctum, sed  
 totius naturam retinere quodammodo videantur. Quod quæsiisti de ordi-  
 ne, admittitur in linea primum punctum, ea verò quæ consequuntur seriè in-  
 finita sic collocantur, vt nullum ex ijs continuum contiguum, aut deinceps  
 dici possit, proinde nec secundum, nec tertium eo ordine quo corpora di-  
 sponuntur, sed omnia confertim posita multitudine incomprehensa.  
 C H A R. Miror cur nolis vnum aut alterum punctum duntaxat auferri  
 posse, qui singula facis distincta, nos verò qui dicimus neque inter se distin-  
 gui, neque a continuo, congruenter asserimus nihil a corpore auferri posse  
 præter corpus. Si auri granum solis constat indiuiduis, & in aqua acerrima  
 salis ammoniaci dissoluitur, necesse est reduci ad sola puncta, vel ad  
 atomos Democriti: quæro enim quousque tandem aqua illa comminuit au-  
 rum, maximè si multum sit aquæ & parum auri, cur non ad vltimum indiui-  
 duum? nam si vim habuit dissoluendi totius, multò maiorem in partes te-  
 nuissimas obtinebit. Dices non posse reperiri finem infiniti, ita quidem sed a  
 finito; at verò nihil prohibet punctis infinitis aquæ simul infinita auri pun-  
 cta separari, satis enim est infinito quòd eius puncta singillatim vnum post  
 aliud non disiungantur. Quare non debes inficiari quin aurum resoluatur  
 in sua puncta, & similiter vinum aqua dilutum. Nam si respondes deueniri  
 ad aliquam particulam, tam exilem, vt minima sit qua possit conseruari vini  
 vel aquæ species, quemadmodum ait D. Thomas & quidem rectè, sed tu fru-  
 stra hoc dicis, qui neque generationem, neque corruptionem admittis, per-  
 inde enim est tibi siue aurum in corpuscula, siue in puncta dissoluatur,  
 quandoquidem vtraque corruptioni non sunt obnoxia. Præterea accipio  
 minimam aquæ particulam quam dicis ultra minui non posse, & quæro an  
 quem-



quemadmodum conformari potest in sphaerulam, ita etiam possit diduci mi-  
ra tenuitate in longum, atque etiam in lineam mathematicam, nulla est ra-  
tio cur id neges; atqui hoc posito quis credat tenuissimam aquae lineolam  
non posse frangi? Denique considero eandem aquae minimam particulam,  
& quæro an omnia puncta quibus componitur tota æternitate fuerunt si-  
mul, hoc dici non potest, sicut enim puncta particulæ illius fluidæ inter se  
perturbantur, ita & admiscuntur alijs corporibus; quare nulla est diuisio &  
disiunctio possibilis quæ iam olim facta non fuerit: si quæ enim est, assigne-  
tur, & de illa iterum quæro an illius puncta tota æternitate fuerint simul.  
Certè nullum omnino videtur punctum quod ab ijs quibuscum iam est non  
fuerit olim separatum, ita ut duo non reperiās quæ semper fuerint simul, ne-  
que enim æternitati deest tempus ad quamcunque diuisionem efficiendam,  
ac propterea nullum est punctum quod cum alio æternam & necessariam ha-  
beat connexionem, ut tu etiam supra monebas, sed omnia possunt aut singil-  
latim, aut cum alijs finitis, vel infinitis separari, primum a secundo, secun-  
dum a tertio, & sic deinceps. Iam verò separatum punctum non est immobile,  
ostendit enim Aristoteles 6. Phys. 32. & 87. quicquid loco mouetur esse diui-  
dum, & partim in termino a quo, partim in termino ad quem reperiri.  
A R I S T. Velim primum ut istis omnibus argumentis vtereris ad Demo-  
criti atomos, vel puncta saltem stabilienda, gratulor tamen quòd in ijs refe-  
rendis non exiguo labore me subleuasti. Replica ea paululum attenta men-  
te, & videbis probari continuum componi ex indiuiduis, & in illa tandem  
resolui. Quod verò ais demonstrari vnum aut duo puncta seorsim accipi  
posse; ac tandem omnia separari a se inuicem, si id rationibus illis euinci pu-  
tas, vltro conceditur, quod a me non aliam ob causam negabatur, quàm  
quia magis conuenienter dictum videtur, ut partes vniuersi infiniti retineant  
aliquo modo infinitatem, & quod a corpore deciditur sit semper corpus: id  
si parum referre putas, propterea quòd punctum vni ablatum alteri copula-  
tur, neque vnquam ab vniuerso quod semper vnum est, seiungitur, dicere  
possem imprimis species corporum nunquam redigi posse ad vnum pun-  
ctum, sed singula ea lege separari a se inuicem ut semper infinita supersint ad  
speciem corporis conseruandam, proinde non posse fieri corpus ex infinitis  
punctis quæ omnia inter se specie differant, id enim videtur tendere ad spe-  
cierum destructionem, & multa incommoda secum afferre. Quòd si vis li-  
quido sale ammoniaco aurum in puncta solutum esse vsquequaque & sepa-  
ratum, rursusque veluti dispersas ouiculas congregari, quemadmodum ac-  
cidere dices aqua euanescente qua prius dissiungebantur, & si aliter se res ha-  
beat, disputationis tamen gratia de ijs omnino habere ut voles, per me licet.  
De argumento autem Aristotelis quod solum diuiduum moueatur, susque  
deque; punctum enim nunquam ab vno separatur, quin coniungatur alteri,  
atque ita saltem ratione totius corporis cui copulatur, erit mobile. Si ve-  
rò demus puncta separari alia ab alijs virtute propria, atque coniungi, non  
magis istis rationibus perficiet in puncta, quàm Thomistæ aduersus Scoti in-  
telligentias. C H A R. Vnà igitur cum puncto, in quo sphaera contin-  
git planum intelligamus proximorum punctorum myriadem esse ablatam,

- quis dicat ibi non relinqui cauum ? & si in principio lineæ hoc fiat , quis eam non putet breuiorem ? si in medio , quis interruptam non existimet ?
- A R I S T. Neque cauum fit aliquid , neque decurratum aut interruptum nisi ablata magnitudine , quam non vna , neque mille , sed infinitæ myriades efficiunt . Nihil refert aliquid a continuo esse ablatum , satis est si magnitudo non aufertur .
- C H A R. At sphaera non tanget amplius ea puncta quæ sunt ablata , si igitur res consistant eodem modo , quid tanget ? An inter ipsam & planum aliquid vacui remanebit ? An sublatis tot punctis , tanget nihilominus ea quæ consequuntur ? omnia igitur illa se penetrabant .
- A R I S T. Tanget quidem adhuc ut prius , non in eo quod ablatum est , sed in simili , perinde ac si nihil abesset , sine penetratione , sine vacuo , hæc enim solis corporibus attribuuntur . Denique si ab antiquo Belo hucusque singulis horis punctorum , linearum , & superficierum myriades ex grano papaueris detractæ fuissent , nihilo iam leuius esset , nihilo minus .
- C H A R. Quandoquidem hoc vnum habes emplastrum quod adhibeas his vulneribus quæ accidunt ex continuo physici solutione , antequam ad alia curanda nos accingamus audire velim , an ex auri verbi gratia punctis infinitis naturaliter constitui possit linea , & superficies , quæ in alio corpore , puta vino , vel aqua reperiatur ab omni aureo corpore separata .
- A R I S T. Iam dixi hoc videri satis improbabile , natura enim tendit non ad lineam aut superficiem , sed ad perfectum corpus efficiendum ad hoc igitur non ad illas coagmentandas in finita puncta coaceruantur . Sed istud etiam indulgeatur disputationi . Quid inde ?
- C H A R. An hæc linea si vbique vi æquali adhibita distraheretur , abiret in infinita puncta , superficies in lineas infinitas , corpus denique in infinitas Platonis superficies ?
- A R I S T. Vobis hic nodus soluendus est , quo penè ad indiuidua fatenda constringimini , neque aliud habetis , quàm aut vim illam æqualem non posse adhiberi , aut si adhibeatur non modò filum rumpi non posse , sed neque lineam mathematicam , ne in infinita puncta , quod tantopere veremini , dissoluatur : nos verò nihil istorum reformidamus .
- C H A R. Nec quod grauius est veremini dicere infinitum aliud aliomaius esse vel æquale , vel minus corpus enim minimum plura continet puncta quàm superficies vltimicalis , licet in vtraque sint infinita : dua lineæ æquales totidem punctis constare debent , & duplo maior duplo pluribus .
- A R I S T. Nonne iam satis inculcatum est 3. Phyl ad rationem infiniti satis esse ut successionem continua aliquid ex eo accipieretibus semper aliud atque aliud superet accipiendum . Solum vniuersum omnia comprehendens dicitur ab antiquis infinitum vsquequaque , cætera videntur quædam ipsius participatio , neque mirum est duo , aut plura huiusmodi infinita simul poni , atque ita accessionem alicuius fieri aut decessionem : hoc rationi participantis infiniti nihil obest , quod tamen vniuersi destrueret infinitatem . Nil il agit qui cætera ostendit alia alijs esse maiora , hinc enim conficitur ad summam in vno aliquid esse quod in alio non reperitur : hoc autem non efficit ut magis vel minus ad finem deueniatur , in quo tota ratio infiniti constituta est .
- C H A R. Atqui iam ostendo repugnare vnum infinitum esse maius altero & tamen non constare pluribus punctis .



Sit magnus aliquis circulus concentricum minimum comprehendens a singulis circuli maioris punctis lineæ ducuntur ad centrum, & per totidem puncta minimi transeunt, vterque igitur est æqualis. Eodem modo concludetur contra Euclidem lineam mediam quadrati commensurabilem esse suo lateri, & æqualem: Ducantur enim ab vno latere ad aliud omnes lineæ quæ duci possunt, a singulis nempe punctis vnus ad singula puncta alterius, sine dubio illæ lineæ interfecabunt diametrum, & nullum punctum relinquent, per quod non transeant, ergo totidem erunt puncta in diametro, quot in costa, & sic diameter æqualis costæ. Quod si dicas lineas ductas ab vno latere ad aliud non transire per omnia puncta diametri, assignetur aliquod punctum, & ab isto ducatur linea parallela lineis iam ductis ad latus quadrati, vel igitur desinet in aliquod punctum a quo nulla linea ducta fuerit, vel a quo iam fuerit ducta: primum est contra hypothesim, qua posuimus nullum esse punctum in costa a quo non sit ducta linea ad aliam costam: secundum admittit contra Euclidem duas lineas parallelas incidere in idem punctum. **A R I S T.** Multa hinc assumis tibi nimis fidenter. Mathematici nunquam postulant sibi concedi vt ab infinitis punctis circuli simul ad centrum ducantur lineæ, vel ab vno quadrati latere ad aliud, neque si id postularent, concedendum est, quippe hoc facit puncta in lineis continua vel contigua ita vt se tangant corporum more, & similiter facit lineas, quæ ab ijs ducuntur, parallelas, vnde fieret vt infinite lineæ a circulo ad centrum ductæ essent parallele & tamen concurrerent in idem punctum. Satis est mathematicis ab assignato quocunque puncto lineam duci, ita enim nunquam assumuntur duo sibi proxima, sed ea inter quæ alia infinita posita sunt, quæque inter se semper ad centrum a circulo magis accedunt, & ab vno quadrati latere ad aliud lineæ parallele duci possunt. Dicendum est itaque corpus infinitis constare punctis non magis compactis prope centrum quàm in circulo, neque in costa quàm in diametro, non esse tamen, vt vis, ordine corporum disposita, vt lineæ ab ijs productæ veluti in quicuncem & parallele sibi producantur, vel a circulo ad centrum veluti telæ araneorum protendantur. **C H A R.** Mihi videris sepiarum more effuso atramento turbare aquam, vt linea piscatoris eludatur. Concedis ab assignato quolibet puncto quas diximus lineas duci posse, cur non ab omnibus simul? ostendo vel nullam esse actum, vel infinitas: nam si vna est actum a circulo ad centrum, cuius puncta sint ita rectè disposita vt extra ipsam non excurrant, nec ad aliam pertineant, idem sentiendum est de alijs circuli punctis omnibus, nimirum a singulis sua puncta ad centrum per lineas rectas protendi eodem modo absque confusione aut permixtione cum vllis alijs. Si quod est autem cui sua linea distincta actum non respondeat, assignetur, & simul ratio cur vni potius quam alteri, & finitis potius quàm infinitis id tribuatur. Res igitur clarè sic demonstratur, nullum est punctum in circulo a quo ad centrum recta linea distincta actum ab omnibus alijs non pertineat, sed puncta in circulo sunt infinita, ergo ab eo ad centrum infinitæ actum rectæ lineæ protendantur. Tuum est iam videre an eas parallelas velis, an accedere inter se magis ac magis donec concurrant ad idem punctum.

*N* A R I S T. Facile est in rebus adeo minutis turbari mente: propterea admonueram cum agitur de infinito, reiectis sensuum imaginibus adhærendum esse soli rationi. Ac primum quod ratio iam coegit admittendum est continuum solis constare punctis inter se distinctis, & infinitis atque ita confertim positis, ut linea ubique possit designari, quoniam tamen lineæ a punctis infinitis in longitudinem solam disseminatis non distinguuntur, hinc est quod repugnat ab omnibus punctis circuli rectas esse lineas, ut si quis, ad centrum ductas, quoniam puncta non habent eam rectitudinem & ordinem quem arbitraris; propter eorum quidem infinitatem dicere possumus si mente ducatur linea ab assignato quocunque circuli puncto ad centrum, quod sufficit mathematicis, fore ut transeat per certa puncta, per quæ altera non transibit quæ ab altero puncto ducetur, sed ista duo puncta in circulo, ut admonui, habebunt alia inter se infinita.

A punctis hoc modo sumptis singillatim non est ad omnia simul transeundum. Quare videtur negandum id in quo consistit tota vis tui argumenti, nimirum nullum esse circuli punctum a quo ad centrum recta linea distincta actu ab omnibus alijs non pertineat, quod verò postulat ut assignetur, fieri non potest, quia infinitæ illius multitudinis ordinationem non comprehendimus. Hoc autem quoniam videtur ad excogitandum perdifficile, respondent alij in infinito non esse absurdum a singulis punctis maioris circuli ad singula minoris concentrici duci lineas, atque idem de diametro & colta habendum esse, & hanc videri infiniti proprietatem.

C H A R. Vides nunc iple, ut arbitror, in quos difficultatum meandros incidisti, hoc ipso tantum quod admisisti continui partes reipsa distingui, quas si dixisses potentia tantum esse distinctas, & si reipsa separentur, rursus coniunctas efficere vnum seipsis, facilius ab his lineis & punctis te expedires. Quoniam autem hæcenus vidimus in quas salebras incurrunt ij qui solis punctis continuum constare putant, audirem nunc libenter cur non potius opinionem Democriti proposuisti, nempe continuum infinitis atomis esse compositum, sunt enim illa quidem indiuidua,

sed tamen corpuscula

varijs prædita figuris, & singulis in

re-

bus certo numero definita, sic

planiora omnia reddidisses

quæ de circuli, &

quadrati punctis

obijciuntur.



## . De atomis Democriti.

CIRCULVS OCTAVVS.

ARISTÆVS. CHARILAVS.



**A**RIST. Animaduertere potuisti me ex antiquorum opinionibus vnā duntaxat expressisse, quā doctrinæ Aristotelis opponerem, vt ex vtriusque collatione intelligamus, si fieri potest, ex quibus principijs, vt primo Physicorum admonemur, rationem commodius ad omnes difficultates assignamus. Hactenus ab hypothēsi proposita non recessi, neque eam vllis argumentis vidi subuersam: quod si hæc vltima cæteris videntur efficaciora, memineris nihil aliud confici, quàm continuum habere partes potestate tantum, hoc autem in vtraque opinione æque commodè defendi potest: hinc igitur nullo modo proposita a me sententia labefactatur. Quod verò Democriti opinionem de atomis defendendam initio non attuli, consilium meum fuit vnā afferre quæ minus ab Aristotelis principijs discreparet, plerique enim offenduntur statim initio dari figuratum aliquod corpus indiuiduum, quod & si maximè angulatum sit, nulla vi tamen eius anguli retundi possint, aut defringi: stomachosiores præterea sunt in vacuum omnes ferè, & indignum putant in vniuerso perfectissimo tantum esse nihili, quantum substantiæ. Si qua autem experientia sufficienti saltem vacuum comprobaretur (nam quas hactenus vidi satis efficaces non existimo) tunc Democriti atomos materiæ primæ Aristotelis opposuissem. Nunc, quoniam ita vis, inuestigamus an corpuscula atoma punctis mathematicis præferenda sint. Non respicio iam quid de ijs senserit Democritus, Leucippus, Mnesitheus, Epicurus, Asclepiades Bithynius, Heraclides Ponticus, & Lucretius, sed quid de ijs conuenienter sentiri debet, atque vt minus differat hæc altera hypothēsis a præcedenti, facio infinitas atomorum species tota substantia inter se distinctas, & rursus in vnaquaque specie atomos infinitas. Omnibus do figuram sphericam, alijs tamen maiorem, alijs minorem, quippe hæc figura est omnium perfectissima, & æternis corporibus congruentior quàm angulata. Nihil opus est diuersitate tot figurarum, si cum Anaxagora facimus atomorum distinctas species. Quod etiam placet Aristoteli hic tex. 71. vbi magis laudat specierum, quàm figurarum diuersitatem. Hæc corpuscula quoniam solida sunt tangunt se in puncto, ac propterea relinquunt vacuum, maius, aut minus, vel pro atomorum magnitudine, vel pro maiori a se inuicem disunctione. Ita in tubo, vel instrumento vitreo supra allato aliqui putant fieri posse multum vacui, non quod corpusculum aliquod separatum ab omnibus alijs relict in vacuo, sed quod etiam si semper veluti catena quædam sibi iungantur, in medio sui tamen

instar ampullæ relinquunt spatium. Hoc autem vacuum maius, minusve videtur commodum, vt subintrent alia corpuscula, eò facilius, quò tenuiora reperientur. Quomodo autem ex his atomis con crescere possint corpora alia solida & dura, alia mollia & rara, non est maior difficultas, quam in sententia Anaxagoræ, vt videbimus in mixtione. Nunc verò quod pertinet ad continui diuisionem, consideremus. Contendit Democritus tex. 8 dari magnitudines indiuiduas, quoniam, inquit, si corpus infinitè diuiduum est, faciamus esse diuisum, illa in quæ resoluetur vel erunt puncta quorum infinitate nihil putat fieri maius, vel erunt indiuiduæ magnitudines, siue atomi quas ipse mauult. Aristoteles arbitratur se soluere difficultatem dicendo corpus esse diuiduum infinitè, non actu, sed potestate, id est sic infinitè diuidi posse, vt nunquam ad finem deueniatur: quare Democritus videtur destruere positionem, dum ait, diuidatur simul in omnes partes possibiles, hanc enim potentiam non habet corpus, sed contrariam potius, nimirum vt diuisioni nullus sit finis. Nihil habet aliud Aristoteles, qui vult guttam aquæ coniectam in dolium vini fieri vinum non autem solui in puncta, vel in atomos, metalla verò simul liquefacta & permixta frangi quidem in partes tenuissimas, sed non omnino indiuiduas: credo idem dixisset de auro soluto vñ aquæ ammoniacæ, licet maximè laborasset in afferenda ratione, cur massa integra dissoluitur in particulas, ipsæ verò particulae debiliores non amplius vi maioris aquæ dissolui possunt. CHA R. Fortasse volebat etiam in similaribus dari minimos rerum terminos præscriptos a forma, ita vt species quælibet sub minoribus stare non possit: vniuersè enim protulit 2. de Anima 41. omnium natura constantium definitam esse molem in maximo, & minimo: de mente tamen Aristotelis non satis constat. A R I S T. Si nescimus igitur quid senserit, saltem quid sentire debuit videamus. Docet continuum infinitè diuiduum esse, ergo saltem ratione materiæ & quantitatis diuisioni nullus est finis: quod verò aiunt ratione formæ particulam non posse diuidi amplius, id diligenter expendendum est: nam si volunt materiam quidem diuidi, sed tunc perire formam, materia remanet planè informis, neque enim partes diuisæ suscipere possunt aliam formam, quoniam accepimus minimam materiam, in qua stare potest forma quæcunque substantialis. Nec dicant hanc materiam coniungi alteri & suscipere eiusdem formam, intelligamus enim impediri ne coniungatur, veluti si reperiretur in vacuo, tunc materia naturaliter remanebit absque forma. Atque etiam si demus adiungi particulam minimam aquæ verbi gratia magno igni, necesse est ex eadem fieri ignis generationem & ad hanc dispositiones introduci, vnde redit prior difficultas, quomodo particula illa diuisa non potest retinere formam aquæ, suscipere tamen potest formam ignis. Si verò dicunt particulam illam ratione formæ nulla virtute posse diuidi, vt multi volunt, ipsam admittunt, magnitudines indiuiduas, siue atomos Democriti, siue eas quas dicebam de partibus Anaxagorici continui actu distinctis & infinitis, cuius tamen nullum indiuiduum seorsim accipi potest licet diuisioni non detur finis. Illi putant hoc accidere non ratione materiæ, sed formæ, quæ vltiorem non admittit diuisionem, isti ratione naturæ totius, quæ simplex



in omnibus substantijs primis statuitur. Hoc verò ferri non potest quod admittunt minimum aquæ nulla certa figura præditum, & quod proinde in longitudinem distendi potest, atque ita facile infringi. Ego admittebam cum Anaxagora infinitas esse partes repleta distinctas & infinite posse diuidi, ad indiuidua tamen speciem aliquam substantiæ compositæ nunquam resolui. Democritus sua corpuscula facit solida, ac penitus indiuidua, & sic minus laborat in enodanda difficultate, quæ reperitur in continui diuisione.

CHARR. Accipiatur vnum ex corpusculis eius sphericis & cum alio fiat contactus in puncto, deinde circa aliud conuertatur, perinde demonstrabis constare ex solis punctis, ac quoduis aliud corpus iuxta principia Anaxagoræ aut Aristotelis: dices enim nullum punctum ex ijs in quo tangitur atomus esse alterum, & Deum saltem videre partes omnes illius substantiæ indiuiduæ inter se distinctas, utpote quarum vna non est altera, licet non possint separari; nam videt mediam vnā partem atomi sphericæ non esse alteram, ita de quarta, octaua, & alijs partibus infinitis. ARIST. Habet hoc saltem Democritus, quod licet probetur atomum constare punctis, nulla vi tamen ea puncta sunt separabilia: hoc autem Anaxagoras & Aristoteles, ut vidimus, longè difficiliter tueri possunt, quandoquidem nullum est signum in quo possibile non sit diuidi corpus. Tu vero quomodo soluis illud, quod tibi de Dei cognitione obiecisti?

CHARR. Nulla quidem est pars corporis separabilis quam non videat Deus actu, cognitione quæ est tota simul, ipse tamen videt has omnes partes potestate distinctas, sed simul separatas esse non posse. ARIST. Nimirum quia daretur infinitum actu quod abhorretis; hoc iam non disputo: quæro tantum si nulla pars est separabilis, quam non videt Deus, quomodo videt vnāquamque? non diuiduam, alioqui non videret omnes, ergo indiuiduam, & sic reuera tales sunt actu, quales ipsas agnoscit Deus. Vide quomodo tuis te compungis acuminibus. CHARR. Non debes in gratiam Democriti qui Deum non distinguit ab vniuerso, uti diuina cognitione ad indiuiduorum comprobationem. ARIST. Vtāmur saltem in causa Anaxagoræ, qui quoniam docebat Deum esse mentem vniuersi, propterea Νους est cognominatus.

CHARR. Omnino dicendum est nullam esse partem separabilem quam non videat, indiuiduam tamen nullam videri, quia diuidua sunt omnes natura sua, præterea cognitionem ipsius esse totam simul: verum illud quod ea cognitione repræsentatur iudicari totum simul poni non posse, licet totum simul diuino intellectui obijciatur. ARIST. Mirum est quod hæc responsio tibi satisfaciatur, videri partes omnes separabiles, & nullam esse quæ diuidua non videatur, oportet enim tales esse partes visas, ut ab ijs nulla sit amplius separabilis, alioqui non viderentur omnes scorsim, proinde necesse est Deum vel sola videre puncta, vel nihil. Sed de his satis cum egimus de infinito. Nunc consideremus alias opportunitates atomorum. Præter diuisionem continui grauis est imprimis difficultas de vacuo, de raritate, de densitate, de actione quæ positis atomis peraccommodatè declarantur. Quin etiam aliqui putant atomos demoueri vel ipso sensu, quem propter rationem apparentem deferere Aristoteles 8. Phys. 22. & 26. vocat infirmi-  
in-

intellectus. In vase vitreo purissimus aer inclusus, nec a vento aut alio quod sciatur impulsus, tamen ad Solem ita expositus ut radij non totum collustrant, sed per foramen clausa fenestra, ut saepe fit, medium pertranseant, oberrare videntur & ultro citroque concurrere multa corpuscula, non tantum in aere externo, ubi puluerem volaticum suspicaberis, sed etiam in eo qui multis annis vitro concluditur, & cuius pulvis, si quis est, iam pridem fundum petere debuit. Atqui omnino nisi volitarent tenuia multa corpuscula, radio per duo foramina conclavis obscuri transeunte, nullus fieret luminis percussus & si quis ibi conclusus oculos quam maximè intenderet in eum radium, nihil tamen intueretur: At verò propius obtutum defigenti semper aliquid conspicitur, quod aliud esse non potest, quam atomi, ad quas lumen impingens minima ex parte ad nos deflectitur, ferè enim totum inter atomorum vacuitates rectà procedit. Nonnihil etiam ex corporibus solidis deduci potest ad atomorum comprobationem maximè quod neque calib, neque adamas aut aliud corpus ad tam exquisitum leuorem perducitur, ut nihil scabri reperiatur, quod argumento est totum coagmentari ex solidis corpusculis fugientibus quidem sensus nostros, sed non muscarum, quæ crystallum quantumvis tersum, & utcumque positum pedibus decurrunt, non adhæsione tenacis & lenti cuiusdam humoris, alioquin & mortuæ eidem crytallo suspenderentur, sed tenuiculis pedum fibris sese ad inæquabiles particulas infigentibus, aut saltem ad meatus tota superficie disseminatos, quales reperiri necesse est in nummis aureis cæmento, ut aiunt, regio perpurpatis. Vtroque hoc experimento plausibili, & euidentiori quam Aristotelis materia prima, si quis adducatur ut credat omnia corpora constare atomis, dignam ingenio philosopho sectari opinionem videatur.

C H A R. Fortassis ita sentirem, si argumenta ab Aristotele, & alijs coniecta in turbulentam illam atomorum concursionem, tam facillè soluere posses, quam irridere. Mitto quæ de vacuo & diuisione continui iam dicta sunt, quæ autem nunc in medium afferam ex Aristotele deprompta, pleraque non minus in puncta, quam in atomos vim obtinebunt. Quærit philosophus an illa indiuidua sint vnum natura, ut partes aeris, an natura differant ut terra & ignis: si primum, frustra in tot particulas fit diuisio, cuius nulla causa potest afferri: si secundum, iam nihil opus est tot figuris, sed neque tot speciebus superuacaneis.

A R I S T. Infinita sunt corpuscula eiusdem naturæ, solo distincta numero sicut dictum est, nec alia causa distinctionis huius quæri debet, præter differentiam cuiusque propriam & indiuiduam, qua sola dicimus particulam vnâ aquæ non esse aliam: continuatio autem singulorum in eo consistit, ut nunquam vllum ex ijs ab omnibus alijs separatum sit, siue punctum, siue atomus, & si ab vnoquoque seorsim disungi possit, quare licet detur vacuum, nihil est tamen in illo vacuo, quod toti vniuerso non sit continens. Infinita præterea sunt indiuidua specie distincta, quod accipimus ab Anaxagora potius, quam a Democrito, ac propterea omnibus figuram sphæricam tribuimus, luculentius enim naturæ opera declarantur specierum, quam figurarum diuersitate: neque species illæ infinitæ superuacaneæ censeri debent, utpote quibus vniuersum infinitum vsque-

qua-



quaque constituitur. Non deest tamen quod pro figurarum diuersitate possit afferri, illud præcipuè quod videmus quædam corpora licet inanima certis tamen figuris circumscribi. Cur crystallus nascatur sexangulis lateribus, non facilis ratio reperiri potest, & cur ita absolutus laterum laeuer, inquit Plinius lib. 37. c. 2. Idem in sale liquefacto & mox in portiones exædrias concrecente videri potest; quod suspicionem iniecit quibusdam philosophis huiusmodi corpora constriui atomis sexangulis, & exædriis totumque esse simile suis principijs. Huic doctrinæ tamen obstat quod non videtur necessarium vt totum se ad figuram partium accommodet, alioqui nasci deberent corpora tetraedra, octaedra, dodecaedra, icosaedra quæ in similes partes resolverentur, id verò Aristoteles 3. coeli 73. perinde absurdum reputat, ac si quis dicat spheram in sphaeras, & gladium in gladios diuidi posse: quare tam in crystallo, quàm in sale rationem potius petere oportet, ex peculiari modo adhesionis qua partes veluti in superficies planas distribuuntur, & non minus quàm viuientia certa figura conformantur. CHAR. Indiuia, vt dicis, sicut non habent formam substantialem a se distinctam, an etiam non habent qualitatem? hoc si admittis compositum ex ipsis erit expers qualitatis, quod maximè sensibus aduersatur. Si verò habent vnā aut plures a se distinctas, iam admittitur compositio ex materia, & qualitate, cur non & ex forma substantiali? ARIST. Illa sunt vna substantia simplex, a qua vis agendi, & actio ipsa distinguitur ratione tantum: neque repugnat virtutem illam vocari formam aut qualitatem: nam si præter figuram sphericam atomus habebit frigus, & grauitatem, atomus erit ipsa figura, frigus, & grauitas, quoniam ab his omnibus non est reipta separabilis, neque distincta. Sic apud Plut. de placitis phil. c. 3. Epicurus præter atomi figuram & magnitudinem adiunxit pondus quo moueantur: Democritus etiam, vt refert Aristoteles, ex atomis quasdam graues, & quasdam leues existimauit illæ quæ ad totum terræ globum fortius tendunt, dicuntur graues, quæ minimè omnium tendunt, dicuntur leues, frigida etiam si ab ipsis imprimatur sensus frigoris; an autem illud sit qualitas, an substantia, non pertinet ad sensum, sed ad rationem diiudicare. Quapropter corpora quæ pluribus atomis vel punctis frigidis, & grauibus sunt composita frigidiora sunt & grauiora, & sic de omnibus alijs qualitatibus haberi debet. CHAR. Ostendit Aristoteles indiuidua illa simplicia neque moueri a se, alioquin idem esset motum & mouens, neque ab alio, quia patibilia esse non possunt. ARIST. Illud iam satis exagitatum est, & ostensum nihil obflare quominus illa possint & ab alijs moueri, & a seipsis. Vnus est motus ad locum rerum omnium opifex necessarius, quo vario consensu dissensuque cientur vltro citroque, quemadmodum magnetes accessu suo & recessu non magis mouent, quàm mouentur. Denique cum moueri in indiuiduis nihil sit aliud, quàm ad mixtionem accedere, aut ab ea se subducere, necesse fuit vt prima rerum principia essent vis ipsa se se mouendi, nec vlla ad id forma aut qualitate superaddita indigerent. Plus aliquid dicam nullum in corporibus mixtis inanimis aut animatis esse motum, siue consensionis ille fuerit, siue dissensionis (veluti quo viri se feminas amant, aut aueritantur) qui ab ea

Nota.

N. vi mouente non oriatur, immò qui non sit harmonia motuum, quos singu-  
 lorum indiuiduorum proprios esse diximus. CHARR. Vt indiuidua vi-  
 cissim moueantur, necesse est vicissim pati: at ex Aristotele indiuidua De-  
 mocriti pati non possunt, utpote solida quæ vacuo carent; cum igitur velit  
 actionem fieri per vacuum, quod inter atomos quidem est, sed in atomis ip-  
 sis non reperitur, nihil in eas moliri potest; itaque nec patibiles sunt, nec  
 mobiles, sicut & corpus quod ex ipsis coagmentatur. Eodè tendit ratio  
 Galeni lib. 1. de Sem. c. 2. nimirum animalia sic composita habere non pos-  
 se doloris sensum, quoniam sensu carent atomi: siue enim dolorem statuas  
 in qualitate, qualitatem ipsæ nullam admittunt, siue in continui diuisione,  
 nullum sensum doloris inferre potest acus, quæ atomum nullam vulnerat,  
 sed disiungit, peræque ac si digitos coniunctos dissociaret. ARIST. Con-  
 cludis tantum non pati corpus eo modo quo volunt Aristoteles & Galenus,  
 recipiendo aliquam in se qualitatem eductam e potestate materiæ, patitur  
 tamen tum accessu & recessu corpusculorum, tum varia ipsorum conforma-  
 tione. Quinetiam indiuidua pati quodammodo dicemus hoc ipso quod ac-  
 cedunt ad se naturaliter, vel recedunt, neque opus est ut acu configantur, &  
 doleant ad hoc ut corpus ex ijs constans dolorem sentiat sicut vestra qua-  
 tuor elementa non tentantur dolore, sed corpora quæ ex ipsis componuntur:  
 multa conueniunt toti, non partibus, ut loqui & ambulare homini, sed non  
 animæ. Ita solidæ sunt atomi, corpus tamen ex ijs conflatum molle est in-  
 terdum, interdum durum. Disiunctis digitis non sentitur dolor, quia natu-  
 raliter non sunt coniuncti, sicut indiuidua illa, quorum disiectio, aut violen-  
 ta incurso, perturbatiove est dolor ipse addita eius imagine in phantasia.  
 Hæ omnes Aristotelis rationes habuere tam parum ponderis apud Scotum  
 in 2. dist. 2. q. 9. ut ostendat indiuidua moueri posse ex motu spheræ supra  
 planum, & ex motu proiecti cubi cuius superficies & primum punctum  
 continuatione quadam mouetur, quod perinde faceret separatum, atque  
 idem de anima dicendum putat, proinde inania esse quæcunque ab Aristotele  
 contradicuntur, ut 8. Phys. primum se mouens constare necessariò ex duo-  
 bus; & 6. Phys. 86. indiuiduum posse moueri tantum ex accidenti, ut par-  
 tem totius motu, nam si moueretur, inquit, tex. sequenti, vel esset in termi-  
 no a quo, vel ad quem, vel partim in vno, partim in altero; & tex. 89. opor-  
 tere ut quidquid mouetur transeat prius locum se minorem, quàm æqualem:  
 indiuiduum autem non posse minorem, ergo æqualem, vnde consequens est  
 totum spatium constare punctis, atque etiam tempus, & motum, quoniam  
 semper in ipso nunc mutatum esset. Et 1. de anima post cont. 38. omne  
 quod mouetur esse in loco, propterea non posse moueri incorporeum: præ-  
 terquam quod, inquit, neque naturaliter, neque præter naturam moueri po-  
 test. Hæc inquam omnia autore Scoto tam liberè negari possunt, quàm fa-  
 cilè ab Aristotele pronunciantur.



## De actione iuxta antiquos.

C I R C V L V S N O N V S.

CHARILAVS. ARISTÆVS.



H A R. Multa sunt præterea Ciceronis, Senecæ, Galeni, & aliorum argumenta, quibus ostenditur ab indiuiduis nullam posse actionem provenire, nullam mixtionem aliam quàm acervalem, nullam animæ functionem; quæ quoniam commodius singulis locis tractabuntur, ideo nunc de actione nobis agendum censeo. Obijcit Seneca nullum, aut exiguum fore impulsus venti, quem cum Stoicis putat esse aerem commotum, si solis atomis aer constaret, sparsus enim esset, inquit, nec collectas haberet vires, propterea neque impressio vocum explanata, & clara fieret, prout aer se concitavit. A R I S T. Nunquam obiecisset hoc Seneca, si secum reputasset hunc atomorum acervum licet dissipabilem, & cedentem, non esse tamen sicut arenas nulla adhæsiōe naturali sibi coniunctas, habet enim nexum & consociationem, perinde ac si quis diceret omnes atomos esse continuas, ut apud Aristotelem partes aquæ; neque opus est alio inter se coniunctionis glutino ferruminari: verum & si perflabilem haberet naturam instar pulveris, nonne & pulvis proiectus impulsus habet, & eo plenus vter tractanti & concutienti reluctatur? Ad hoc igitur necesse non est esse continuum: multò minus autem ad voces, quas Lucretius putat absque vacuo ferri non posse.

*Inter septa meant voces & clausa domorum*

*Transuolitant, rigidum permanat frigus ad ossa.*

*Quod nisi inania sint, qua possent corpora quaque*

*Transire? haud ulla fieri ratione videres.*

Sed quoniam de actione nunc sermo incidit, investigemus diligenter quis modus sit eius intelligendæ planissimus. Antiqui omnia actionum genera ac species referunt ad diuersos motus ad locum, quibus corpora varijs inter se modis commiscuntur, ita ut totum agere & pati motione corpusculorum absoluantur: nullæ hîc sunt argutiæ actionis emanantis, immanentis & transeuntis. Quærat exempli gratia Galenus ab Asclepiadis sectatoribus, qui sit ut si solum digitum in frigidam immittamus, illico totius corporis immutatio consequitur, id solo motu spirituum fieri dicunt: quod autem sit adeo celer ut cogitationem ipsam superare videatur, hoc nihil est, nam & ipsam cogitationem iisdem spiritibus fieri volunt. Atque ut in re velocissima statuamus exemplum potius, quàm in omnibus alijs, accipiamus motum luminis, quod vos produci vultis puncto temporis, illi verò mora aliqua, sed

*De luminis  
actione.*

breuissima, ij qui vacuum admittunt, dicent inane necessarium fuisse ad corpusculorum transmissionem velocissimam, facile enim transir, cui non obstititur: qui negant inane, traiectionem luminis rerum omnium affectabilium celerrimam per aerem fieri dicent, perinde atque halitus odoriferi propagationem: ille dicitur ita diffusus, vt nulla sit pars quæ careat odore, non est tamen continuus, sed veluti disseminatus, alioquin duo corpora se penetrarent: Sic de lumine sentiendum est, licet enim totus aer dicatur illuminatus, id fit cum propter celerem motum, tum propter admirabilem tenuissimarum partium dispersionem. Sic aqua vbi parum auri solutum est, aut aliquis color dilutus, tota videtur eiusdemmodi, quanquam aureis conspersa sit tantum veluti punctis. In his Aristoteles iudicem adhibet sensum, in cuius locum rationem sufficere melius erat.

**CHAR.** Non facile persuadebis a Sole ad Saturnum & hinc ad nos odorum more diffundi lumen, quod oculos ferit eo momento quo Sol apparet, vt videmus etiam quando interposito interiectuque Lunæ deficiit, statim enim atque emergit, conspicitur. **ARIST.** Vides te quoque vti sensu, vbi ratione opuserat. Quid scis an lumen quod tunc oculos ferit multis ante minutis a Sole fuerit emissum? vsqueadeone accuratas arbitraris Ephemerides, vt non possint aberrare multis minutis? Omnes ferè pro comperto habent lumen eodem momento videri noctu quo in pharo accenditur, vel in nubibus discessu cœli, nemo tamen id comprobauit certa ratione, fieri enim potest vt breuissimum aliquod tempus, quod sensu non deprehendatur intercedat, vt fit in sagittis immixtis, in tormenti bellici globis, in fulminibus. An propterea quia tardos habemus mentium motus, nihil in rerum vniuersitate velox erit, quod non debeat ad nostram tarditatem accommodari? Nihil celerius cursoribus arbitraremur, nisi alia multò velociora conspexissemus, ita vt in natura sit aliquid fortè celerius ipso lumine quod ignoramus, & illud quidem si mente præditum esset, non minus tarditatem nostram demiraretur, quam nos ipsius velocitatem. An autem ignis videatur eodem momento quo accenditur, pharus aut turris vna non sufficit, sed duas saltem esse oportet multis milliarijs inter se disclusas, ignem verò imprimis clarissimum, qui fenestra ad id accommoda, quam celerrimè fieri potest, occludatur. In vtraque turri sint obseruatores qui ita conuenerint inter se, vt quando vnus videt alterius ignem, suum illico referet, ita enim fiet vt facile animaduertant an videatur ignis eo momento quo retegitur vt pateat. Sed quanquam a viginti milliarijs res eodem puncto temporis fieri crederetur, ob discriminis exiguitatem, e cœlo tamen, si possibile esset, longè aliter obseruaretur.

**CHAR.** Est igitur luminis impetus tam rapidus, vt dici possit & ventis & fulminis occyralis. Hoc mihi videtur supra omnem fidem, radijs corporeis tanto impetu vibratis tenuissima corpora in aere suspensa ne minimùm quidem commoueri, non pennulas, non telas ipsas araneorum: fulminis tamen halitu subtilissimo arbores proceras, atque adeo turres fortissimas deturbari.

**ARIST.**



ARIST. Hoc totum efficit subtilitas luminis cuius corpuscula tanto ceteris sunt minora, quanto facilius omnia permeant citra ullam offensionem. Petitus aliquis hordei grano parum sentit, papaueris minus, pulueris nihil, eaque potest intelligi corpusculi ferientis diminutio, ut quocunque tandem conciterur impetu, vix commoueat corpus, cui permiscetur, ita lumen quanquam velocissimum sese omnibus adeo suauiter insinuat, ut non vi permeare, sed vltro imbibi ab alijs corporibus videatur. Ea porro mixtio rei tenuissimæ maximè quæ naturæ consensu perficitur, non fit quidem absque partium crassiorum commotunculis, hoc tamen accidit sine sensu: alioquin etiam scire expeto, cur grauis odor qui celeriter peruadit aerem, neque araneolas commouet, neque pennulas? cur sonus omnis fit motu aeris, voces tamen procul auritæ non mouent pennas? Lumen igitur ob suam tenuitatem non commouet res aspectabiles, quoniam licet grauius feriat quò velocius, ita leuius ferit, quo tenuius, maior est autem tenuitas luminis respectu eorum quæ cernimus, quàm velocitas qua ipsa ferit. Luculentum hic argumentum nalicui fortasse videatur ad demonstrandum lumen esse corpus & loco ferri, quòd immissum a Sole meridiano supra caminos, fumum repellit, atque intrò cogit remeare. Verùm hoc non prouenit ex aliqua percussione: cum enim fumus pennas, immo & rotam circumducatur, oporteret luminis pulsatione multò velocius eadem circumferri. Causa igitur est potius, quòd ad confertum ibi lumen, cū directum, tum reflexum complura corpuscula fumo permixta natura cognatione sese aggregent, & alia sibi implicata diu detineant, ac morentur. Optimè verò luaderi potest emissio luminis ex molo, quo a corpore luminoso propagatur. Falsò creduntur luminosa nihil deperdere profundendo suos radios: ignes nobis exploratissimi sensim illuminando dissipantur, nec quidquam est apud nos lucidum, quod radios non emittat & ea proportionem qua emittit non euanescat, nisi forte viuatur, ut niteola, quarum lux alterius accessione reficitur. Si quis autem lapillus habuit unquam lucem innatam, pleraque enim in eo genere fabulosa sunt, eam ab aere trahit, ut aquam spongia, ac rursus emittit, Solis omnino imaginacula, ad quem tendit longè lateque dispersum lumen, atque iterum motu perpetuo profunditur. Hoc autem accidit quoniam calor qui a lumine non distinguitur nisi motu, ad lapillos huiusmodi, si qui sint, confluit tam noctu quàm interdiu, atque inde rursus lapillorum vi propria emittitur ea celeritate qua lumen iterum appellatur. Quare si nihil a rebus igneis, aut odoriferis foras exiret, non sentirentur: propterea contrectando arbores non sentimus ignem, nec grauem odorem multorum quæ non mouentur. Sed consideremus diligentius modum, quo lumen fertur. Res ad lucernam prope admota clarè videtur ob densos & confertos radios in orbem emissos, debiliores semper & inter se disiunctiores, quò longius tendunt: quod igitur procul, & obliquè suscipit lumen, longè minus illustratur, quàm quòd prope est, & ad lucernam: hoc enim plures & fortius immisos habet radios.





rum aerem, nec ullam eius esse particulam expertem luminis, dicatis oportet ab infinitis punctis corporis B. D. ductos radios ad A. non esse plures quam qui ducuntur ab infinitis punctis obliqui B. C. ac proinde vtrunque æqualiter illuminari. Exclamatis hanc esse vim lineæ perpendicularis, sed nullam huius rei rationem nisi inanem afferetis, aut id ipsum quod positum est in quæstione. Modus ille etiam quo lumen refringitur, & coit in punctum, vt supra dicebant de intensione, ostendit esse corpus emissum; vel dicite cur punctum H. interposito vitri conuexi S. V. clarius illuminatur, quam propinquius O. nisi quia plures radij concurrunt in H. ac propterea loca M. N. destituta radijs manent obscuriora. Idem quoque demonstratur percussu radiorum in vitrum purum incidentium, ibi enim videmus nostram imaginem, sed valde debilem, non tantum quia radij complures a corporibus ultra vitrum positis immittuntur, & visum obturbant, sed etiam quia radij a nobis ad vitrum directi non omnes reflectuntur, multi enim transeunt per vitri meatus, qui verò incidunt in solidas particulas ad nos redeunt. Iam verò si loco vitri puri ponatur speculum, duplex ad oculum nostrum redit imago, prima eadem debilis quæ e vitri puri superficie qua parte solida est resiliebat, altera expressa & viua, sed paulo minor vtpote quæ ex fundo vitri qua contingit hydrargyrum, reflectitur. Vtriusque imaginis argumento est umbra veluti quædam circum marginem capitis, & pilei, quæ nihil aliud est, quam pars, qua maior figura debilis minorem superat, cæterum in alijs partibus a viuo colore minoris offunditur; in hac enim radij qui prioris vitri meatus peruehebant, repelluntur ab hydrargyro. Est & aliud obseruandum in luminis emissione, quæ si fit per aerem nullo corpore solido intercurrente, quemadmodum dicebam accidere in conclaui obscuro, per cuius aduersa duo foramina transit lumen, aer intrò quantumvis illustratus non fundit in orbem radios vllos, nisi forte qui a corpusculis volitantibus reflectuntur. Cur ignis & alia sphæricè agunt, & iste aer tantum recta linea? certè non alia est ratio, quam quia lumen non est ipse, sed rectà transit, vnde neque splendor ullus, neque calor ad nos peruenit, vbi verò moratur & consistit, vtrunque sentitur:

atque hinc est quòd media regio aeris non est calida, eam enim totus calor peruadit quidem sed non consistit.

Alia multa prudens omitto, quoniam lib. 2. de

Anima alter erit de lumine tractandi locus.

Ex his satis videtur quid de alijs actio-

nibus dicendum sit, quibus vel

qualitas vel aliud quidpiam

produci dicitur: nam

cùm illuminatio

fit motus,

quo

lumen ab vno loco fertur in

aliud, eadem est ratio

de cæteris.

## . De actione &amp; perpeffione iuxta Aristotelem.

## C I R C U L V S D E C I M V S.

## CHARILAVS. ARISTÆVS.



**H A R.** Omnes de lumine dubitationes Peripaterici facile soluent, vt videbis, dicendo hanc illius esse naturam, vt licet sit qualitas, tamen instar emissi corporis diffundatur. Errat autem vulgus cum antiquis existimando actionem, & eius terminum esse aliquid, quod ab efficiente transeat ad id, quod pati dicitur: nulla enim forma transit hoc modo, alioqui de subiecto migraret in subiectum: cum audis ergo actionem immitti, puta translatione quadam verborum id esse dictum: nam ignis illuminans, calefaciens, & comburens lignum, nihil emittit sui luminis, caloris, & formæ substantialis in lignum, vel in aerem, sed tantum similem producit, nihil omnino deperdendo. Hoc autem fit ratione materiæ primæ, quæ est substantia potens omnia fieri, seu formari omnibus modis. Materia igitur ligni verbi gratia, & aeris intermediæ efficientia & actione ignis applicati iuxta distantia primò formatur in calidum, siccum, leue, tenue, quæ sunt ignis præparationes, deinde suscipit formam ignis. Actio igitur est via qua efficiens tribuit esse effectui, seu id quo dependet effectus ab efficiente: perpeffio verò est via qua effectus ab efficiente procedit, seu receptio formæ in materia. De hac Aristoteles 3. Phys. a. tex. 18. ad 23. vbi docet actionem & perpeffionem ratione differre, & re ipsa esse eundem actum vt spatium vnus ad duo & duorum ad vnum, & accliuus & decliuus, aut viam qua Thebis itur Athenas, & Athenis Thebas. Quomodo autem actio non sit in eo quod agit, sed quod patitur, & quomodo ab effectui distinguitur, iam diximus. Hic modus agendi & patiendi videtur longè accommodatior ad soluendas philosophorum contentiones litigiosas, quam emissio corpusculorum. **A R I S T.** Et ego non dubitanter dixerim modum illum esse causam inexplicabilium difficultatum, & offusiarum, quibus tenetur nunc philosophia. Sit ignis efficiens calorem in ligno, calefactio prout e via, qua calor productus pendet ab igne, vocatur actio, quatenus verò est via qua in ligno receptum habet, dicitur perpeffio. Hoc non est declarare, sed obscurare modum, quo fit calor: ille oritur in ligno prope ignem, a quo nihil transfunditur; dubitatio vna erat de calore, quomodo ab igne procedat, nondum illum non dissoluis, sed efficis triplicem, dum ais calorem illum fieri actione, qua pendet ab igne, & perpeffione, qua recipitur in ligno: iam ergo multò magis addubitat, quomodo ab igne oriantur calor, actio, & perpeffio quæ in igne nunquam fuerunt. Multa quidem audio verba, sed quibus nihil aliud significatur, quàm materiam quandam esse in ligno, quæ omni



fit præsente caussa, a qua tamen nihil accipit. Is modus non videtur minus admirabilis, quàm si aliquis opibus affluens mendiculò affideret, & misellum compellans diceret, volo te opulentissimum efficere, sed caue dicas mihi, Nunc & de cespite viuo Frange aliquid, largire inopi ne pictus oberret Cærulea in tabula: ego enim nihil mearum facultatum erogabo: præsentia mea satis est vt diteris; nam cum sis mendicus potens fieri diues, non minus dtaberis me præsente, quàm lignum illustratur & incalescit præsente igne. Næ misellus iste referret cum Martiale, Quid prodest, nescit sacculus ista meus. Materia Aristotelis formarum inops fit calida, sicca levis, ac tandem ignis, cumulatur his perfectionibus ab igne nihil sui communicante & transfundente: satis est ipsum esse præsentem, vt ea tanquam palma foemina grauidata dicatur & foeta tantummodo maris præsentia. Si potens est omnia fieri, fiat igitur omnia seipsa, neque opus sit igne determinante, aut assignetur in quo consistit ista determinatio in igne, qui se habet eodem modo, ac si nihil determinasset. Hinc philosophi quidam Mauri dixerunt res creatas nihil efficere, sed Deum solum ad earum tamen præsentiam, quod omnino ex sententia Aristotelis sequi videtur. Quid enim scit materia ligni adesse ignem, vt nihil ab eo recipiendo formis similibus conuestiatur? saltem profer aliquam rationem, cur similiter non fit aurum præsente auro? CHA R. Hic est vbi maximè constringimus Auicembrontem & Mauros, qui rationem afferre nequeunt, cur non sit æquè conforme naturæ auri, vt Deus ad eius præsentiam aurum producat, quam ignem præsente igne. Nos verò dicimus præsentiam esse tantum conditionem, necessarium autem esse præterea vt in efficiente sint qualitates effectrices, quibus materia disponatur ad formam eius suscipiendam: qualitates autem ad aurum efficiendum non sunt in auro, sicut præmunitiones ad ignem sunt in igne, sed dependent ab alijs caussis, puta a Sole, & multis corporibus subterraneis. At tuum argumentum nihil aliud ponit ad actionem quàm præsentiam, cum tamen efficientia qualitatum necessaria sit vt quàm maximè, alioqui non tantum aurum ab auro, sed etiam a lapide produci posset. A R I S T. O quantum est in rebus inane. Nonne vides eandem esse difficultatem quomodo disponatur materia præsente disponente a quo nihil accipit, quàm quomodo forma vltima perficiatur. Certè auri instructiones & appparationes omnes iam sunt in auro; cur igitur lignum præsens eas non suscipit æquè facile, atque calorem, & lumen Solis & ignis? nimirum quia aurum nihil sui transfundit in lignum, quo tantillum imminuatur, Sol autem & ignis multa emittunt, tandemque deficerent, nisi aliunde repararentur. CHA R. Qualitates illæ quæ sunt in auro non sufficiunt ad expellendas contrarias ligni præparationes, vtpote refractæ nimis & suppressæ, propterea lignum non potest conuerti in aurum: Deinde qualitates auri sunt secundæ, quæ non sunt aliarum effectrices, hoc enim munus a natura primis qualitatibus denardatum est. A R I S T. Accipitis hac omnia pro vestro iure hanc esse rerum naturam, vt detur materia quæ applicata quibuscumque, fit eis similis, alijs nimirum, præsens calido fiat calida, præsens duro non fiat dura. Calor idem manens statim ac subodoratur materiam, eam permutat, & nihil sui communi-

cando ex eius inopia suscitatur opes, non aliunde quàm ab egestate accersitas : duritas verò quantumvis incumbat materiæ gremio, semper eam sterilem experitur. Hoc inducit animum ut credam materiam vestram non ab efficiente conformari, sed seipsa rerum perfectiones quas potissimum appetit, assimilare: qua vi præditam fuisse oportet virginem illam quæ Gratianopoli paucis ab hinc annis ne trajecto quidem in balneo Auerrois virili semine, sed sola formosi cuiusdam iuuenis præsentia gravidata, filium enixa est, & materiam peripateticam pulchrè expressit. *CHAR. Nesutus sis & sicut licet, sis denique nasus, Quantum non valeat ferre rogatus Atlas, haud tamen vnquam exterebrabis ut materia seipsa aliquid molitur, etiam si a causa effectrice nihil traiciatur in eius sinum: quidquid in ea, vel ex ea fit, totum in virtutem efficientis refundi debet.*

## De contactu necessario ad actionem.

C I R C V L V S X I.

ARISTÆVS. CHARILAVS.



**ARIST.** Libet hic examinare cum Aristotele tex. 43. cur eorum quæ agunt & patiuntur tantopere sit necessarius contactus, non quidem proximus, sed saltem aliquo corpore intermedio, ita ut vacuo, si fieri posset interiecto penitus actio tolleretur: propterea enim 1. Meteor. c. 1. mundum hunc ait necessariò quodammodo continuum esse superis conuersionibus, ut omnis ipsius virtus inde gubernetur. Neque modo requiritur ille contactus, & corporum continuatio, sed etiam determinatio certæ distantiae, ultra quam efficientis actio non pertinet. Vtriusque rationem optimam reddunt antiqui: Ac primum necesse est vacuo actionem interrumpi, si huiusmodi esset, ut eius occursum corpora mota non reperirent amplius alia quibus cognatione naturali ad motum perpetuandum coniungerentur: cum enim motus sit applicatio continua corporis ad corpus, interiectu vacui motum interrumpi necesse esset: atque etiam sublato huiusmodi interposito propagari non potest infinitè, multa etenim incurrunt impedimenta, cum obsistentium contrariorum, um sæpe corpusculi ipsius moti dispersio talis, & diminutio, ut oblanguescat paulatim adhærescatque omnibus ijs quibuscum cognationem, & consensum aliquem habet, quod in lumine disperso longè latèque fieri ut plurimum arbitrandum est. His rationibus uti potestis in motu ad locum, sed nequaquam in motibus ad quantitatem, aut qualitatem, nec in mutatione ad substantiam. Quinimmo ut materia vestra calida fiat, vel luminosa, perinde est ipsam inter & Solem vacuum aut distantiam infinitam intercipi, atque etiam obijci aethereos bis mille muros, cum enim tota immutatio sit in materia, & quidquid



quid accedit ipsi, non a Sole traiectum, sed ex ipsius sinu fuerit educum, nihil iuuat Solem esse praesentem quoniam vix somnari potest in quo consistit istius praesentiae efficacia. Hinc theologi non dubitanter affirmant non a Deo solo, sed ab igne inferni remotissimo cruciari daemones, qui sunt in aere, & alia mira perfici ab absentibus, ita vt ad actionem supra naturam non modo non sit opus quidquam immittere, sed neque medium immutare. Quod si ignis id perficere potest quocunque modo, potius dici debet esse praeter ipsius naturam a Deo impeditam, quod omnes animantes & plantas non incendat, siquidem agere secundum vos est tantum materiam immutare, nihil per medium traieciendo: haec autem immutatio praesentiam, & propinquitatem nullam requirit. CHA R. Capreolus in 1. dist. 37. hanc affert praesentiae necessitatem in materia, & efficiente naturali, quod vnum sit veluti potestas, alterum actus; oportet autem actum & potestatem simul esse naturaliter. A R I S T. Maxime si actus ille in potestatem quidpiam immittit, aut seipsum illi communicat: sin minus, idem efficiet in materiam absentem, quod ignis inferni in daemones. Sed vnde libet tandem oriatur necessitas illa praesentiae, qui sit vt oporteat minorem ignem propius abesse, & maiorem longius, ad hoc vt lignum aequaliter illuminent & calefaciant? nonne id commodè declaratur per radios supra descriptos? plures enim suscipit corpus propinquius, quam remotius. CHA R. Dicendum est potius in igne minori minorem esse vim effectricem immutandae materiae, quam in maiori. A R I S T. Scotus in 1. dist. 37. ostendere videtur praesentiam nihil facere: vult enim Solem suo lumine afficere caelum, & aerem; forma verò sua, qua nihil egit in medio, producere in terra metalla, stirpes, & animantes. CHA R. Propterea tueri debemus contrariam opinionem D. Thomae, scilicet Solis, & aliorum virtutem, qua fit aliquid in terra, simul esse in corporibus intermedijs: alioqui perinde esset ac si Sol ageret vacuo interposito: nam actio qua aerem illuminaret, esset alterius generis, & nihil omnino conferret ad actionem in terra exercendam. Ita fit in vaporarijs, & fornacibus obstructis lamina ferrea, qua lumen impeditur, sed non calor: actio qua ignis ultra laminam fundit calorem, non sufficit vt fundat lumen, sed requiritur illuminatio. A R I S T. Quando quis igitur in conclauis fenestris oclusis non illuminatur a Sole, sed calefit, qua actione producit iste calor? non illuminatione quae ibi non est, ergo calefactione distincta quam Sol non exercet in coelum ex Aristotele, proinde quando nos calefacit, id est ac si calorem hic produceret citra illuminationem aeris. Per genium tuum obsecro, quomodo materia illius qui conclauis abditur, calorem a Sole recipit, & non lumen? CHA R. Satis est continenter a Sole produci aliquid, quod virtute continet multos effectus secundum materiae habilitatem: lumen est istiusmodi, quo Sol in coelo nihil generat, sed in aere saltem calorem parit, in aqua verò & terra caloris beneficio omnia procreat. A R I S T. Quanquam in fenestra illuminata calor emanet, in aere tamen conclauis nullum est lumen, quod materiam foecundet ad caloris emanationem. CHA R. Fenestra a Sole calefacta aerem intrò concalefacit, atque ita semper est a Sole conclauis calor. Sed tu qui lumen, calorem,

& ignem confundis, & a Sole corporum more profundi putas, quomodo vis per fenestram ligneam transire in conclauē solum calorem, per vitream verò transire lumen? A R I S T. Cū de lumine sermo erit, dicam lignum, & alia corpora opaca non habere satis rectos meatus illos tenui corpore plenos, per quos lumen innato sibi impetu trajecti debet: neque enim iuuat laxitas meatuum in ligno maior, quā in vitro, nisi simul accedat rectitudo: nam si particulæ solidæ transuersæ radijs ita sese opponant, vt v eos detineant implicatos, vel morentur, & nimis lentè transmitti sinant, eadem radiorum substantia quæ visum feriens tam celeriter dicebatur lumen, nunc vocatur calor impetu represso, quoniam alio modo sensum afficit. At in vitro, & alijs solidis corporibus perlucidis partim quidem impeditur radiorum transmissio, vt ex duplici repercussu qui fit in speculo supra probaui, maxima tamen ex parte radij tam citò ad visum permeant, vt efficiant sensum luminis. Hic perfacilis est modus intelligendi quomodo non detur actio in distans: tu si commodiorem habes libenter audiam. CHAR. Dico imprimis; nullum efficiens naturaliter afficere potest id quòd non tangit proximè, vel saltem aliquo corpore intermedio: medium tamen non agit vice primarij efficientis tanquam instrumentum separatum: sed vel est tantum conditio necessaria, vel certè ad summum vt instrumentum coniunctum agit. Tribus his modis intelligi potest actio in distans, Lunæ exempli gratia tres aeris regiones illuminantis. Primò enim dici posset solam regionem primam collucere a Luna, secundam a prima, tertiam a secunda. Secundò dicat aliquis a Luna proximè illustrari supremam partem, deinde cum illa vt causa coniuncta mediam, & cum media infimam. Tertiò contingere posset, vt suprema regio postquam a Luna lumen accepit, omnino non afficiat mediam, sed tantum sit conditio sine qua Luna afficere non potest remotum, quia nimirum talis est natura actionis transeuntis vt continuatione fieri debeat. Prima igitur pars qua dico nullum agens naturaliter afficere posse id quòd non tangit proximè, vel aliquo intermedio, probatur inductione, qua videmus nullam materiam immutari, nisi prius in medio facta fuerit immutatio, eoque fortius aut debilius, quòd efficiens propius, aut longius abest a materia. Hoc Aristoteles demonstrat varijs exemplis 7 Phys. a tex. 10. ad 13. Maximè verò suadetur hac ratione, quòd si affici posset distans non affecto medio, pertineret actio ad quamcunque distantiam non debilior in remotum, quā in propinquum: contrarium tamen habemus experientia: nihil est enim quòd non habeat sphaeram efficientiæ suæ determinatam, quoniam plus virtutis requiritur vt actio diffundatur per spatium maius, quā per minus. Hinc est etiam quòd natura tantopere vacuum abhorret propterea quòd actiones impedirentur. Accipe nunc rationem secundæ partis, qua dixi solum medium non agere tanquam instrumentum separatum: nam alioquin dici non posset cur medium æqualiter non afficiat ea quæ sunt æqualiter sibi propinqua. Vt cum manus directò applicatur ad os fornacis etiam eminus, plus calefit, quā cum admonetur propius ad latera: at si aer calefactus posset agere sine primario calefaciente, qui est intra fornacem, nihil attineret ad mouere manum recta linea ad os fornacis. Non



negamus tamen medium ex se aliquid agere posse, licet non semper, aer enim calefactus calefacit semper sibi vicina, non autem semper illuminat illuminatus. Vnde probatur tertia pars, quod nimirum aliquando satis fit medium esse conditionem solam, sine qua efficiens nihil ageret, vt in tuo exemplo sæpius inculcato de lumine per duo opposita foramina conclauis obscurissimi transeunte, quo nihil intus illustratur, nisi lumini directo opponatur corpus opacum: atque ita dicendum de cæteris rerum imaginibus, quas vocamus species intentionales, nam lumen species est lucis, quæ proximè a solo corpore luminoso, non autem a medio fieri debet: actio enim satis continua est per medium, si ponamus efficiens primarium semper prius afficere vicinius, quàm remotum, etiam si vicinius illud nullo modo afficiat renotum, quare non est necessaria actio medij, sed satis est esse conditionem quam diximus. **A R I S T.** Quo plura congeris ad vestrum illum modum agendi adornandum, eò mihi videtur deformior, adeo omnia conspirant potius ad ostendendum actionem consistere in substantiæ alicuius transmissione. Maximè verò istud vltimum de lumine mirum est quàm clarè hoc demonstrat, nisi philosophi iam pridem viderentur clausisse oculos. Ad eludendam vim argumenti de lumine per duo foramina conclauis obscuri transmissio, dicis lumen ipsum esse speciem seu imaginem lucis, proinde neque a medio produci, neque a speculo reflectente, sed a solo corpore luminoso: vnde sic licet ratiocinari; in actione reflexa Sol producit maius lumen in remoto speculo, quàm in aere sibi propinquiori, ergo afficit distans: nam si aer vicinus speculo habet septem gradus, & aer remotus a speculo versus Solem habet tantum quatuor, sequitur necessariò tres gradus fuisse productos in remoto, & nihil ipsorum in propinquo. **C H A R.** Adde si lubet speculum illud esse concauum, & radijs ad punctum reflexis non septem tantum, sed octo gradus, atque adeo ignem esse productum, dico speculum, aut aliud opacum esse conditionem, qua Sol plus in remoto producit, quàm in propinquo ob naturam actionis reflexæ, vel refractæ; satis est nullam esse medij partem, in qua non reperiatur virtus effectrix, quod verò plus, minusve fiat, hoc prouenit ex modo operandi, & materiæ habilitate. **A R I S T.** Dispeream nisi putem id a te dici ore tenus, ne videaris causæ præuaricari, fateri nihilominus tacitè verisimilitudinis nihil esse, vt actio fiat alio modo, quàm substantiæ alicuius traiectione. Vnde enim ad infimam aeris regionem tantus calor transmissus coaceruatur? nam si nihil esset in ipsa præter radios directos & reflexos, qui non consisterent, ad summum duplo calidior media regione sentiretur. Qui fit igitur vt æstate sit decies calidior? Si autem non sufficit ratio luminis, considera odorum propagationem: replica memoria quod diximus de corporibus densis, quæ plus calefaciunt, quàm tenuia, quia in illorum meatibus confertis plurimus est ignis, qui paulatim ad sensus nostros transmittitur, in istis vero dispersus est, nec consistere potest vno loco, quoniam ab aqua vel aere sursum protruditur, at non a ferro, vitro aut lapidibus, hinc tamen etiam depellitur tardius, non ab aere qui vitrum ingredi non potest, sed ab alijs corpusculis tenuissimis quæ cum vitro & lapidibus maiorem consensum habent. Vide  
etiam

etiam ut caloris exaggeratio sit in densis corporibus nigris, potius quam albis. Hinc est quod chartam albam non prius speculo igneo combures, quam alio colore infeceris. Et si laterem media parte nigrum, altera candidum Soli æstiuo obieceris, qua albus est parum incalescet; qua autem niger est, vehementer: quare oportet ut nigrum in suis meatibus maiori consensu radios imbibat & detineat, quam album, quod vos exprimitis per congregare visum & dissipare, neque consideratis ex nigro pauciores ad oculum radios peruenire, quam ex albo. Contemplator item aquam in aheno subiectis ignibus calefactam, nisi calefactio esset motus ignis, siue caloris alterum & aquam penitus subeuntis, quomodo partes aquæ superiores initio calidiores essent, quam fundum vasis? CHA R. Abunde respondet Arist. probl. 8. sect. 24. cum quo dicimus partes superiores aquæ non esse factas calidiores in suprema parte, sed in fundo, unde iam redditæ leuiiores & rariores summa petunt, frigida verò grauiiores descendunt ad fundum: nam quod ait ibi Aristoteles calorem initio intus comprimi, deinde verò tota aqua concalefacta ascendere, id non est intelligendum de ipso calore seorsim sumpto, sed de materia, cui inest calor. A R I S T. Vide ne melius dicat Aristoteles ut verba sonant, nam si particulae omnes aquæ rariores fiunt & leuiiores, oportet minus ponderare totam aquam concalefactam: at ego sæpius expertus sum in vase vitreo, cuius collum erat duorum pedum, ne quid exhalaret ebulliendo, eandem aquam calidissimam non minus ponderare quam gelidam, ferrum candens quam frigidum, animal viuens, quam demortuum. CHA R. Quandoquidem id explorare cognouisti, dicendum est particulas frigida quæ sunt in fundo tam parum leuitatis assumere, ut ad sensum quidem ponderanti non cognoscatur, sufficere tamen ad motum sursum efficiendum. A R I S T. An non magis est verisimile particulas ignis ingredi aquam, cuius pondere pelluntur sursum, donec æqualiter conspersa sit igne per omnes eius partes disseminato, atque ita tumescere incipiat & ebullire ob ignis, & aeris admixtionem, quam vos rarefactionem appellatis. Perplacet autem quod dixisti aquam calefactam non videri leuiorem ponderanti, dummodo distinguamus in quo medio sit ponderanda, contendo enim sub aquis aquam calefactam esse minus ponderosam ad sensum, ut ex eius motu sursum patebit, ita de ferro candenti, & animali viuo, si periculum fieri potest; propterea quod ignis inclusus validius expellitur ab aqua, quam ab aere, ut videmus in igneis exhalationibus quæ celerrimè feruntur per aquam, tardissimè verò per aerem: cum igitur paruus sit virtutis excessus quo aer ignem superat, & se fortius aquæ & terræ applicat ad efficiendum vnum globum; hinc fit ut illa quæ dixi ob ignem quem in se conceptum habent, in aqua plus ponderent ad sensum, non in aere, absolute tamen fatendum est ferrum frigidum etiam in aere tanto esse grauius calido, quanto corpuscula aerea quæ in eo sunt igneis habentur grauiora. Consideremus etiam caloris appulsus in sensus nostros, an fiat egressu corporum igneorum, an immutatione sola materiae, non dicam iam ignem diminui, quò magis illuminat, & calefacit, licet argumento sit diminutionem illam fieri rei alicuius transmissione: sed quæro cur frigida manus admota igni non sentit initio totum calorem externum?



Zabarella in digress. Auer. 3. de Anima tex. 4. ait manum frigidam momento recipere speciem caloris & sentire, licet momento non calefiat : Sed hoc ostendit tantum non produci simul totum calorem, unde verò probat non posse sentiri totum, cuius species habetur tota simul? Reiectis autem speciebus & gradatione qualitaturn, res melius intelligitur per emissionem corpusculorum, quæ sentiuntur ea proportionem qua nostris sensibus applicantur. CHA R. Non omnes sentiunt cum Zabarella; alij dicent speciem qualitaturn primarum ea gradatione produci, qua & ipsas qualitates, & speciei naturam, licet non habeat contrarium, talem esse. ARIST. Repellentur vel ex eo quod species lucis, hoc est lumen, produci tur tota simul, licet calor gradatim introferatur, & ita de speciebus aliarum qualitaturn sentiendum est: quod rursus ostendit magnum calorem esse coaceruationem multæ substantiæ, quæ a luce, lumine, & igne sola motus velocitate distinguuntur. CHA R. Species sequuntur naturam rei cuius sunt species, lumen autem non est imago caloris, sed lucis tantum. ARIST. Dicamus etiam aliquid de qualitatibus vestris occultis, ut verus agendi modus hinc quoque magis elucescat: instar omnium sit ferri & magnetis mutuus amplexus, non enim magis a magnete trahitur ferrum, quam magnes a ferro, ut videmus si vtrunque separatim imponatur ligno innatanti, obuersis enim ad se punctis amicis mutuo concurrunt, auersis verò discedunt. Ferrum etiam ferro adhæret, ubi quis clauum manu sustinens in aere ad perpendiculum supra magnetem, alterum clauum priori admouet. Ferrum quoque diu terra defossum virtutem magnetis induit, & aquæ, ut dixi prius, impositum vertitur ad septentrionem. Hæc & alia plurima satis commodè declarantur, ut quidam aiunt, ex consociatione mirabili terræ cum cœli plaga septentrionali, ita ut vltro citroque videatur halitus quidam commeari, quo non modo terræ globus huic plagæ semper obuertatur, sed etiam partes eius quæ hunc halitum magis imbiberunt. Ille est qui varius efflans e magnete, & ferro ipsa coniungit, aut separat, non secus ac si duo polypi cirris suis implicati se mutuo attraherent, vel repellerent, neque aliter intelligi potest huiusmodi corporum motus, ut luculenter ostendit ingeniosissimus Fracastorius. Porro halitus illi, siue spiritus non indigent alia virtute admouendum, ut nec aliæ infinitæ substantiæ simplices, sunt enim primæ causæ omnium motuum, ipsæ necessariò se mouent, atque ordinant, inquirunt antiqui, in mundos, in genios, in animalia, & si alia causa ponatur mille instructa qualitatibus, redibit maior difficultas, quomodo qualitates id efficiant, quod substantiæ præstare nequeunt. Et certè seueriores estis in substantias, quibus non vultis saltem a quæ faciliè magnetis & ferri perfici motum mutui accessus & recessus, ac beneficio grauitatis, & leuitatis motum ad medium, & a medio, cum non maior sit difficultas in vno, quam altero intelligendo. CHA R. Nolumus ab Herculeo lapide substantiam, sed qualitatem diffundi per medium quæ ferro imprimatur instar impetus, atque ita attrahatur, non autem medium, cum quo lapis non habet eam naturæ necessitudinem & sympathiam. ARIST. Non vultis id facere naturam, quod tamen facit vobis inuitis, nimirum magnetem a ferro trahi:

*De qualitatibus occultis.*

pro-

propterea Ludouicus Buccaferreus post Alexandrum vult lapidem sideritum, & alios id genus instar spiritus agere, sed nihil pati, dictum non ab simile ijs quæ de alio, & Machometis sepulcro circumferuntur. Quare non miror si vultis a natura diffundi qualitatem, sed non substantiam: date nobis tamen hanc veniam, vt saltem cogitemus substantiam profundi more radiorum vsque ad ferrum, & a ferro similiter ad magnetem, atque etiam vt intelligamus vtrunque esse tale natura sua quale vultis esse postquam imbibit qualitatem, faciliè iam animo informabimus quomodo fiat accessus, & recessus per substantiæ illius radios, plures enim & densiores reperiuntur, quibus se applicent accedendo, si amicitia est, sin minus, rariores inueniuntur recedendo. Nihil est quod loquamur hic de torpedine & alijs, quorum est omnino eadem ratio: solùm dicam vim & actionem phantasiæ satis intelligi ex varijs imaginibus corporeis in ipsa fabricatis, quibus consentientes spiritus animales obeunt officia non minus necessaria, quàm magnetis & ferri motus. Qui verò hæc omnia qualitatibus quibusdam perfici volunt, verbis quidem multa, reuera autem nihil dicunt. CHARR. Ita fortasse illi qui fingunt species aliquas transmitti a phantasia ad appetitum in corde residentem, aut vtrunque esse in corde, ne actio in distans admittatur. Dicendum est autem appetitum non moueri efficienter a phantasia, sed iuxta ordinem facultatum quæ sunt in eadem anima, mota vna moueri aliam, vnde fit vt posita notitia in phantasia statim sequatur motus in appetitu, absque speciei transmissione.

## De actione eiusdem in seipsum.

### C I R C U L V S XII.

#### A R I S T Æ V S. C H A R I L A V S.



**A**RIST. Hoc quod vltro conceditis facultatibus, vt seipsis moueantur aliæ ad aliarum motum, non vultis concedere substantijs primis, vt moueant simul & moueantur, veriti illud Aristotelis ne idem sit actu & potestate, quemadmodum 8. Phys. satis vidimus, sed quoniam rursus hic tex. 46. negat actionem eiusdem in seipsum, & in simile, vnde contentiones vsque adeo litigiosæ inter Peripateticos excitantur, vt rediuius Aristoteles vix eas dirimere posse videatur, ostendere volo quàm solidiora sint antiquorum principia, ex quibus eæ dubitationes non oriuntur. Certum est ab Aristotele 8. Phys. vt nos deduceret ad cognitionem primi motoris iactum fuisse hoc fundamentum, omne quod mouetur moueri ab alio re distincto, quare idem numero non potest se mouere per se vllò genere motus, sine distinctione partis mouentis, & motæ, propterea Scotus, Gregorius Arim. & Gandauensis euertunt hoc fundamentum, dum

aiunt



aiunt Aristotelem negare tantum agens vniuocum posse seipsum mouere, vt calidum se calefacere, non autem æquiuocum, quemadmodum animalia efficiunt, & recipiunt in se accretionem, sensum intelligentiam, graua, & leuia motum sibi naturalem, aqua calida frigus innatum. Rationem asserunt ex 8. Phys. 40. quoniam absurdum est idem relatum ad seipsum eodem modo esse actu & potestate, cum actus & potentia sint differentiarum oppositarum ex principijs distinctis prouenientes non putant autem esse absurdum idem moueri a se vario modo, & esse actu per virtutem producendi formam, potestate verò ad ipsam recipiendam. Hæc tamen doctrina manifestè repugnat Aristoteli, ita enim dicat aliquis cælum moueri a seipso absque motoris, & mobilis distinctione, quod philosophus hic tex. 73. in atomis Democriti putat absurdum: propterea 5. Metaph. 17. & 9. Metaph. 2. definit potentiam agentem principium permutandi aliud, quatenus aliud, patientem verò principium quo aliquid permutatur ab altero, vt alterum est. Vt igitur perspiciamus ordinatim in quas Aristoteles nos conijcit difficultates, auspicabor a ratione Gandauensis, qua probat motorem æquiuocum exere-re posse vires in seipsum. Ex accidenti potest aliquid se mouere (vt cum anima mouet se mouendo corpus ex quo pendet) ergo non repugnat idem includere facultatem producendi, & recipiendi, quæcunque enim pugnant iungi non possunt, etiam ex accidenti; si autem non pugnant, poterit aliquid se afficere, & se mouere. Antiqui non admodum hic laborant dicendo substantias simplices se mouere simul, & moueri, atque hoc modo afficere seipsas, non autem aliquid in se permutatione materiæ producendo. In hac enim sola permutatione idem numero non potest esse simul actu & potestate.

**C H A R.** Quod se afficit, & mouetur ex accidenti, non sequitur ex principijs Aristotelis vt per se primo seipsum moueat: quod enim se mouet ex accidenti alterum efficiendi, alterum patiendi principium habet, vt cum anima mouet se mouendo corpus: at si per se primo moueret seipsam, vt volebat Plato, hæc distinctio principiorum non seruaretur. **A R I S T.** Seruaretur distinctio saltem ratione, neque maiorem antiqui requirunt in atomis suis. Deinde si quis diceret cælum esse animal immortale, quod seipso moueretur, facilè negaret Aristoteli esse caducum quidquid mouetur ex accidenti, proinde alium a cælo non esse querendum primum motorem. Sed ijs omiſſis videamus quàm sit inextricabilis Aristoteli modus actionis, & perpeſſionis. Veretur ipse fateri 8. Phys. 20. animalia propriè moueri a se, quandoquidem docet oportere vt ab alio, prius quàm a se moueantur, nam a rebus externis prius excitatur eorum sensus & appetitus, postea verò seipsa mouent, vsque adeo timet materiam primam esse artificem sui ipsius, vt habetur 12. Metaph. 30. non enim ipsa materia seipsam mouebit, verùm opifex virtus, neque menstrua, neque terra, verùm semina. Neque modo timet pro materia prima, sed etiam pro quacunque re materiæ vices subeunte: 3. de Anima 17. ponit intellectum agentem distinctum a patiente, ne concedat idem agere in seipsum, sed amplius Zabarella de mente agente cap. 14. contra D. Thomam ait intellectum agentem non esse facultatem efficiatricem, sed Deum ipsum, alioqui quomodo potest, inquit, idem esse lumine plures &

illuminans, ac simul omni lumine & omni cognitione carere & illuminari a semetipso. Idem nihilominus Zabarella qui tantopere cum Aristotele reformidat ne quidquam afficiat semetipsum, De facultatibus animæ cap. 4. admittit aliqua fieri per emanationem ex doctrina 9. Metaph. 16. ubi actio diuiditur in transeuntem, & immanentem, hoc est quæ manet in agente, ut visio in vidente, & speculatio in speculante, & vita in anima, quibus actionibus idem videtur afficere seipsum. Ait igitur facultates animæ non ab externo efficiente, sed ab anima ipsa emanare, hoc est profectò animam seipsa formari & fieri potentem. Scire enim, inquit, oportet tales potentias non posse habere causam effectricem propriè dictam, quæ est per transmutationem, & cum repugnantia patientis, sed per solam emanationem: emanatio enim dicitur, quando absque vlla repugnantia patientis, & sine vlllo efficientis conatu effectus ipsum insequitur, quasi sponte sua sicut umbra corpus. Deinde subdit. Postremò notandum est potentias prouenire quidem ab anima, ut a principio, & origine, non tamen in ea recipi, ut in subiecto, sed in corpore animato. Quod dictum sic intelligendum est, ut facultates quidem primò recipiantur in anima tanquam principio, deinde in corpore velut subiecto, alioqui secum ipse pugnaret, cum non minus recipi debeant in anima facultates, quàm in sensuum actiones, nam de sensu agente cap. 10. Anima, inquit, est sensationis causa effectrix per emanationem, & hæc operatio emanat ab anima recipitur autem tum in ipsamet anima, tum in toto oculo animato. Similem huic actioni animæ docet esse illam qua elementum mouetur a seipso. Actione huiusmodi per emanationem poterat Aristoteles dicere moueri cælum, neque alium inquirere primum motorem, eadem ratione qua Zabarella docet moueri sensus & elementa. Nos, inquit, dicentes sensum per solam emanationem efficere sensationem, omne dubium tollimus: agens enim per emanationem non agit in aliud, sed necessariò in seipsum, emanat enim in illo operatio, & in ipsomet remanet, ideo talis agentis actio nunquam est transiens, sed semper immanens, veri autem agentis actio semper est transiens, quoniam tali actione nihil potest agere in seipsum, sed solum in aliud extra se, & in hoc distinguitur actio immanens a transeunte. Nunc quid obstat quominus dicant antiqui substantias primas mouere seipsas non actione transeunte, sed immanente? CHA R. Obstat illud imprimis quòd in actione per emanationem debent reperiri duo principia distincta, quæ agendi & patiendi sint origines, ut patet in exemplis quæ attulisti de anima, & elementis se mouentibus, atque etiam si vis de aqua & alijs se ad nativas qualitates reducentibus, in his enim omnibus est forma, quæ ut forma mouet, & est principium agendi, mouetur autem ut est in materia, inquit Auerroes, quoniam principium patiendi est materia. Hoc autem habet locum non modo in elementis, sed etiam in anima quatenus existit in corpore, mouet enim & mouetur ex accidenti. Quòd verò intelligendo sola seipsam mouere videatur, hoc omnino negat Aristoteles, sed excitari vult a simulacris, & non sine ijs, at intellectu agente distincto perfici intellectionem: extra corpus verò si intelligere putauit, eadem est ratio ac de intelligentijs quarum actiones ab ipsis non distinguuntur. At verò in tuis



substantijs primis simplicibus nescis assignare hanc duorum principiorum distinctionem , propterea neque per se , neque ex accidenti moueri possunt .

A R I S T. Quidquid senserit Aristoteles de modo quo fit intellectio , communis est sententia quam sequitur D. Thomas & eius asseclæ , scilicet animam vt formatam specie obiecti producere iudicium , ex se autem illud recipere , & ita citra alterius opem intelligere : vnde datur emanatio in anima absque duobus illis principijs , quidni & in antiquorum substantijs primis ?

C H A R. Immo reperitur facultas & anima , quarum illa loco formæ , ista verò loco materiæ censi debet , ita vt anima agat per facultatem iudicando , & secundum D. Thomam iudicium recipiat in seipsa . Verum ad tertium de anima dicam iuxta Aristotelem actiones animæ intelligentis non recipi in mente , sed in phantasia . Quare in anima sentiente efficacius est argumentum .

A R I S T. Hic igitur aqua hærebit omnibus illis qui facultates ab anima distinguunt sola ratione , iam enim nihil erit quod materiæ , & formæ teneat locum , perinde ac in aliorum substantijs primis .

C H A R. Summi ab illis debet hinc argumentum de distinguendis ab anima facultatibus .

A R I S T. Satis arbitror tamen te perspicere quàm sit obscurius , & contortius loqui cum Aristotele , quàm cum antiquis : quippe cum illo debemus dicere rem aliquam ita moueri seipsa , vt suscipiat aliud a se distinctum non aliunde petatum quàm a seipsa , in qua tamen non erat prius . Ad hoc autem nihil iuuat esse duo principia distincta , vt aliquid per emanationem seipsum moueat : nam siue sit vnum principium , siue plura , hoc semper remanet , produci aliquid in materia a propria forma , quod neque in hac erat ante , neque in illa , & sic formam veluti causam effectricem afficere suam materiam , vel materiam seipsa producere tales effectus , quales esse dixisti grauium & leuium , aquæ calidæ se refrigerantis , animalis sentientis , intelligentis , aut se mouentis , atque etiam solidorum corporum motu vehementi incallescendum . At verò in antiquorum opinione nihil sequitur huiusmodi , quantumvis enim primæ substantiæ moueant seipsas , nullam tamen formam suscipiunt a se distinctam , nec perficiuntur ipsæ , sed efficiunt aliquod mixtum perfectius vno motu , congregationis & secretionis , quo natura quidem mixtorum immutatur , sed non simplicium . In his nihil absurdi est idem esse ferens & latum , docens & addiscens , calefactum & calefaciens , & alia infinita quæ perficiuntur eo motu , quo dixi primas substantias seipsis coniungi , & separari .

C H A R. Certum est grauissimas esse difficultates quomodo idem afficere possit seipsum , sed non vt ais indissolubiles . Controversia est autem præcipua an qualitas existens in gradu depresso intendere & perficere seipsam possit . Concedunt aliqui hoc fieri posse antiperistasi & repercussu : contra tamen sentiendum est ob rationem qua nihil seipsi mouere potest inductione facta per omnes motus . In latatione mobile , & mouens distinguuntur , in accretione id quod auget , & quod augetur : eadem autem est ratio de qualitate , alioquin etiam sine antiperistasi , & repercussu paruum frigus seipso infinitè crescere posset , atque ita breui qualitates omnes fierent summæ : qualitas autem vel est alicui naturalis , vt frigus aquæ , & illa non intenditur a se , sed a forma , vel non est naturalis & destruitur ab

De necessi-  
tate emana-  
tionis.

eo cui inhæret. Quare superest ut aliquid per solam emanationem se afficiat. Hæc actio videtur adeo necessaria, ut nisi admittatur non modo in aqua calefacta se ad innatum frigus reducens, sed etiam in alijs corporibus tam simplicibus, quam mixtis, iam pridem omnes qualitates in nihilum redactæ essent. **ARIST.** Sitienter audire expeto quæ sit ea ratio quam non viderint Averroes, Paulus Venetus, Bursius, Ægidius, Foroliviensis, Piccolominius, & alij viri docti, qui negant frigus adueniens aquæ calidæ per emanationem produci ab ipsa aqua, ne aliquid de potestate ad actum se reducat, atque ita contra Aristotelem 8. *Physic.* non sit opus motore externo. **CHARR.** Quod sit pondus rationis quam afferam, videris ipse; exemplum statuam in aqua, de cæteris tamen sic habendum est. Aquæ omnes summè frigida si amittunt unum gradum frigoris, nisi is per emanationem restituatur, non poterunt amplius esse summè frigida, ita etiam res summè calidæ octavo gradu deperdito nunquam poterunt illum recuperare, unde cum calida semper pugnent cum frigidis, nec ullum sit quod damnum aliquod a contrario non patiatur, sublato unico modo quo res propriæ naturæ se restitunt tandem omnes qualitates evanuisse. Dices aquam recuperatorio quodam iure ab alia aqua summè frigida recepturam gradum illum quem perdidit; Sed contra est id quod audies mox de actione reciproca, aqua summè frigida non potest aliam minus frigidam perducere ad summum frigus, nec summè calidum ad summum calorem, nam efficiens huiusmodi semper in alio producit minus, quam habet in se: alioqui minimus ignis si calefaceret summè proximum aerem, & ille iam non minus calidus quam ignis ipse vicinum quoque aerem calefaceret, & iste alium, pertineret calor infinitè, & iam pridem uniuersum deflagrasset. Ignis igitur, & aqua facti debiliores, & reducti ad septimum gradum, spe omni abscissa recuperandi gradus octavi, pugnando iterum amitterent septimum, de cuius recuperatione subit eadem difficultas, unde tandem se planè interiment qualitates, quoniam nulla est quæ a contrario oppugnata irreparabilem aliquam non fuerit passa decessionem. Occurres iterum respondendo aquam, & ignem nova generatione produci cum qualitatibus summè intensis. Sed ratio evincit sublata qualitatuum reductione, quæ sit a propria forma per emanationem, nullam posse substantiam generari, propterea quod non poterit introduci summus calor, qui est preparatio ad ignem necessaria, nec alia ad alia generanda præmunitiones. **ARIST.** Illud quidem argumenti videtur efficax, & cogens illos qui Aristotelis recipiunt formas & materiam primam, negant tamen quidquam in seipsum agere per emanationem, sed longè efficacius centeri debet ad funditus subvertenda principia Aristotelis ex quibus in tot rerum salebras incurritur. Maxime cum dicis generatione produci ignem ab igne æquè perfectum, non posse autem qualitatem a qualitate propter absurdum quod intulisti. An non explicatius diceres iuxta antiquos ignem quem gigni putas ex scintilla esse æquè perfectum, propterea quod sit congregatione particularum, qualitatem verò minus perfectam, quoniam fit secretionem partium, quæ dispersione paulatim imminuuntur: ita quod prius ignis appellabatur genitus in lucerna accensa, diffusum



iam dicitur lumen & calor quæ motu communicando se, videntur semper producere minus ac minus. Sed vos qui creditis tam calorem a calore nasci, quàm ignem ab igne, dicite per genium Aristotelis quo iure substantia producit substantiam æquè perfectam, non autem qualitas qualitatem? Vobis, vt video, rei naturæ acquiescendum est. Quare nunc potius inuestigemus an illi qui negant aquæ reductionem ad proprium frigus fieri ab ipsa aqua per emanationem in se agente, propius accedant ad veritatem, quàm Auicenna qui lib. 1. Suffic. c. 5. hanc reductionem a forma sola fieri dicit.

**C H A R.** Huiusmodi formam vocant aliqui frigus virtuale, quo frigus accidens, etiam si totum pereat, reparetur. Alij ponunt in aqua duplex frigus, & sic omnes qualitates erunt duplices, subterfugium omnino malè tutum. Auerroes putat aquam refrigerari a vaporibus sibi coniunctis & calefactis ab igne, quo ablato aqua refrigerat ipsos vapores, & sic ad priorem statum reducitur. Non est hoc scribere commentarios, sed commenta opinionum: nam ferrum, marmor, & alia non minus se reducant ad suum frigus absque vaporibus illis commentitijs. Deinde tota aqua partes habet similes, & vbique frigoris receptorices, igne igitur remoto poterunt seipsas refrigerare. Eodem ferè recidit opinio Iacobi Foroliuiensis scilicet remanere partes in aqua minus calidas, a quibus postea calidiores ad frigus innatum reducuntur. Sed quo iure remanent aliquæ minus calidæ, aut qua vi plus frigoris producant in alijs, quàm habent in se? Ægidius dicit aquam corrumpere calorem sibi contrarium, & sic refrigerari ex accidenti. Verùm in qualitatibus contrarijs quantum perit vnius, tantum alterius producitur, alioquin, vt antemonui, remanere posset manus absque vlllo frigore cum tribus aut quatuor caloris gradibus, & quando igni admoueretur, summus calor ignis non reperiens contrarium expellendum sese puncto temporis introferret, atque eam concremaret. Nec melius philosophatur Paulus Venetus qui credit aquam calefactam seipsam postea condensare atque ita refrigerari, cum tamen frigus sit causa ipsius densitatis. Burlaus, quem plerique nunc sequuntur, ait id fieri ab aere circumstante, quod vt clarissime refellatur ponamus in vaporario bene occluso cale fieri quàm maximè aquam, marmor, ferrum, lignum, linum & lanam, deinde hæc omnia ab igne remota sibi relinqui, exuent quidem illum calorem, sed non æqualiter: si quis enim manum singulis admoveat, sentiet lanam esse lino calidiorē, linum ferro, & ferrum aqua: nec dici potest hoc ab aere provenire, non enim plus caloris vni quàm alteri communicaret, neque a corporum raritate aut densitate qua fit vt frigus in aqua magis quàm in aere sentiatur: mirari satis non possum hoc dici a viris ingeniosis non aduertentibus, quòd si totum frigus illorum corporum est ab aere, qui minus aqua sentitur frigidus, quia rarior, oportere quoque ferrum videri frigidius aqua, & lignum lino. Deinde quæro vnde frigus illud in aere natura calido, & ab igne tum mopere inflammato, itaque cum non minus in corpore denso sentiatur calor, quàm frigus, deberet in densiori corpore foueri calor, ita vt aqua, marmor, & ferrum lana sentirentur calidiora. Ex quibus omnino colligi potest dari formam aliquam substantialem tam in corporibus mixtis, quàm simplicibus, quæ sit natura & principium

*De reductione aquæ ad frigus.*

pium motus interni, quo illa per emanationem agunt in seipsa, ut ad statum naturalem sese reducant. A R I S T. Sit ita dicendum omnibus illis qui melioribus principijs non innituntur: antiquis autem longè aliter, nimirum ignem solum esse calorem, & illud calidius, cui plus est ignis. Ille duobus modis reperitur in corporibus, vel insitus per mixtionem quam generationem appellamus, vel aduentitius ex accidenti; primus tenacior est & firmiter habet adhæsiorem, alter faciliè depellitur a rebus quas permeauit. In hypocaulto igitur cum res se habeat ut narraſti, dicendum est in lana & ligno reperiri magis copiosum ignem mixtionis, quàm in cæteris, eumque destruso aduentitio permanere, ac propterea calidiora verè sentiri. Vide nunc an emanatio debeat intelligi alio modo, vel ediffere obsecro quisnam sit ille.

C H A R. Dicimus res ex forma & materia prima concretas, atque etiam simplices, quæ abſtrahunt quidem ab hac materia, constant tamen substantia & accidente, sicut anima suis instructa facultatibus, propria vi & principio naturali actiones immanentes profundere, quibus emanat aliqua perfectio sibi debita, non quòd propria forma, ut aliqui putant, agat in suam materiam, sed quòd a tota substantia ratione tamen formæ, aut virtutis alicuius procedat actio naturaliter, qua producitur gradus alicuius qualitatis, unde necessariò gradus qualitatis oppositæ destruitur secundum rei habilitatem.

A R I S T. Nescio quando ferrum ferro violenter atteritur, quomodo naturaliter emanet calor, & sit perfectio ferro debita, nec quomodo calor, aut alia qualitas iam admixta in sinum materiæ, veluti circumuenta domesticis insidijs opprimatur. C H A R. Et si calor non est qualitas debita ferro quatenus ferrum est, debetur tamen ferro quatenus materiato, duro, & attrito, destruitur autem postea a contrario frigore ex ferri potentia naturaliter emergente. A R I S T. Si Aristoteles optimè agnouisset vim emanationis, nihil erat quòd poneret aliam actionem transeuntem, cum nec ipsa, nec quidquam efficientis transeat aliò, satis erat statuere materiam, quæ per emanationem omnia fieret. Sed de his satis. Velim nunc scire an similis etiam sit emanatio, quando res per antiperistasi inualeſcunt, ut cum dicitis ventriculos hyeme calidiores, item aquas fontium, & puteorum, atque adeo loca omnia subterranea.


*De antiperistasi.*

C H A R. Non omnia quæ temere effutuntur de antiperistasi sunt admittenda: imprimis autem negandum est qualitatem intendi a se ipsa, vel a contrario, duobus autem alijs modis augeri potest: primo quia contrarium vnum vndique obſiſtens aliud contrarium cogit & congregat: ita frigus hybernium conſtringendo terræ superficiem impedit ne exhalent calidi spiritus qui sunt in terra, unde fit ut illi postea fontium & puteorum aquas calefaciant. Altero modo iuuat antiperistasis contraria permixta segregando, ut cum ambiens calor terræ incumbit & sinum eius penetrat, aqua contrarium fugiens seipsam colligit, extruditque calidas exhalationes. A R I S T. Quare illas potius non refrigerabat, immo cur illæ non perfrigerabantur seipsis per emanationem in loco frigido, cum ipsæ sint naturæ terræ, & calore tantum aduentitio perfundantur? C H A R. Reducerent sese profectò ad pristinum frigus, si ut multi putant, retinerent in se formam terræ, quòd verò reductio illa non sequatur, argumento est exhalationes



riones & terram distingui forma . Auolant autem ab aqua facilè , quia sunt subtiliores, neque amplius ab ambiente frigore constringuntur : hoc autem posito aqua se reducit ad pristinum frigus , idque non per frigus quod iam habet in se , sed per suam formam substantialem . Et hæc est ratio cur aqua ex puteo extracta, si statim ponatur ad Solem calidum , ibique tantisper relinquatur , frigidior euadit , quia nimirum exhalationes calidæ concedunt aliò, & ipsa aqua in se producit frigus . A R I S T . Mirum est quo sensu id experti sint philosophi qui dixerunt rem ita esse , certè non alio puto quàm auditu : tactu enim visu , gustu , odoratuque deprehendi non potest an aqua ex puteoeducta & illico Soli obiecta paululum frigidior euaserit , restat igitur vt sola auditione & fama hoc & pleraque id genus bellissimè dicta alij ab alijs acceperint , primi autem inuentores voluerint omnino naturam ita facere vel ingratis ne tam pulchra ratio de exhalationibus se ab aquis ad Solem positis subducentibus , frustra cadere videretur . Propterea quæ de antiperistasi supra dixisti velim vt non tam ad rationum quendam illustrem aspectum,quàm ad experientiæ cotem consideremus . C H A R . Reuocas in dubium antiperistasin , qui ex antiquorum opinione omnia consensu , ac dissensu vario moueri facis . A R I S T . Hoc antiperistaseos genus non inficior , quo vnum alteri se confociat naturaliter , & alterum fugit ; hoc satis constat vel ex lapidis Herculei punctis oppositis , ex appulsu & recessu calidorum & frigidorum corpusculorum tam æstate atque hyeme in magno mundo , quàm febre lipyria , aut alia huiusmodi peste sæuiente in mundo paruo . Non inficior dari sub terra tutos receptus calidis , frigidisque , & alijs propemodum infinitis spiritibus quorum naturam ignoramus . C H A R . Dubios ea de re velim deduci Costosam oppidulum prope Vincentiam octo circiter milliarijs . Illic summa æstate in aula grandi , & pro tempore calida cum amicis rei conscijs accumbebam , mihi verò sicut in frigidario tremor paulatim cœpit obrepere , vnde meipsum colligens alios circumspectabam , an frigutirent , at illi ex composito capita nudabant ac pectus , & de calorum molestia vehementer conquerebantur ; videbam aliunde per specularia vt Sole clarissimo differenabat , & suspicionem obortam mihi de cœli mutatione deposui , sed veni in deteriorem , scilicet hanc esse periculosa febris tentationem , hærebam igitur anceps , & *stricto pane tacebam* , vt parasiti Iuuenalis ; tandem Deum orans vt illis prandium melius fortunaret , veniam abeundi petij , meque febris commotiuncula tentari dixi . Qua re audita cachinnum omnes sustulerunt , & ne corpore fortassis non minus quàm animo laborarem , mihi rem totam aperuerunt . Domus illa & aliæ complures positæ sunt ad radices excelsi montis penitus caui , vnde fenestræ de industria compositæ in singulas domos frigidam auram inuehunt , non tantum ad frangendos vtcunque calores æstiuos , sed etiam ad concitandum horrorem vi frigorifica , si diutius apertæ detineantur . Nihilominus est in eodem monte aliud antrum expers refrigeratoriæ virtutis , & illud quidem immensum , vt pote quod multis milliarijs subiuius rusticanis hominibus faces accensas præferentibus , vbi & duos lacus vidimus vnum aquæ dulcis , alterum subamaræ , nec cauernæ illius finis reperitur ,

tur, finē tamen de ea dicendi faciam, nam hinc satis confici puto loca subterranea per antiperistasin estate reddi frigidiora. **ARIST.** Et si non dubito loca subterranea alia frigida esse, alia calida penēs spiritus, qui eò se recipiūt, siue metu contrarij, siue aliam ob causam, fieri tamen puto, vt quę estate frigida sunt, hyeme sint frigidiora, quę verò hyeme calida, sint etiā estate calidiora, longè aliter, quàm vulgus estimat. Loquor hīc de locis omnibus cognitis, fieri enim potest, vt quemadmodum dicūtur esse quidam fontes interdū frididi, calidi noctu, non ob antiperistasin communem omnibus aquis, sed potius ob vim ignis alicuius subterranei, ita etiam reperiantur aliqua loca quę omnino calidiora sint hyeme, quàm estate. De fontibus autem nostris, puteis, caueis, & cellis vinarijs quę sit opinio vulgi non ignoras. **CHAR.** Ita ne vulgi, quod **Arist.** disertè docet, nimirum calorem internum ob frigus ambiens rendere ad centrū, estate verò ad simile sibi conuolare, & dissipari: propterea **Hippoc.** 1. Aphor. 15. ait ventres hyeme, & vere calidissimos, quod etiā **Gal.** & omnes Medici sua autoritate confirmarunt. **ARIST.** Galenus tamen 3. de simpl. medic. facult. c. 8. dicit aquam puteorū hyberno tempore videri quidē nobis tepidam, id tamen procedere ab aeris, & corporis nostri frigida constitutione, cui minus frigus est loco teporis. **CHAR.** Saltem quod factis est a l. mentem Hippocratis, & Aristotelis non negat illam esse aliquantulum calidiorem hyberno tempore, quàm æstiuo, solū existimat decipi sensum, qui ipsam calidiorem iudicat, quàm reuera sit. **ARIST.** Tactus igitur non est huius rei iudex legitimus, quoniam manus habens sex gradus caloris, si tangat aliquid quod habet quatuor, sentiet frigidum, eadem mox habens duos tantū, calidum sentiet quod prius frigidum percipiebat. **CHAR.** Oporteret aliquem habere, qui aeris externi vicissitudines non sentiret, sed multis annis abdito loco sub terra concluderetur. **ARIST.** Hunc testem audiui quem exposcis, & alios duos adeo veraces, vt nefas sit



eis refragari, sed hoc miserum est quòd fari nesciunt. Primum audiui Molinis virum nobilem natu grandem, qui aliquot annos vitam duxerat, si hoc viuere est, in carcere recondito, defosque penitus sub aquis stagnantibus castello regio circumfusus, quòd aeri non patet aditus, nisi eò cum pane deferatur, egressus tandem inde narrabat non eas esse opportunitates in abditis illis locis, quas multi autumāt: se quidem estate satis bellè a calorum molestijs defensum, & leuidentia fuisse contentum, hyeme verò frigoris causa sibi quidquid habebat vestium iniecisse, nec se vllam tot aquarum antiperistasi gratiam habere. Nunc vt duo alia testimonia petamus a rebus mutis, instrumentum vitreum satis vulgare ad caloris, & frigoris gradus deprehendendos, feratur in cellam vinariam, vbi sint etiā olei vasa: istud primum hyeme crassum obseruabitur, & expissatum estate liquidum, aqua verò in instrumento summa hyeme non ascendet ad A. estate autem accedente ferretur gradatim per A. C. D. E. F. secundū gradus



caloris, qui subeuntes aerem A. inclusum vitro, cogunt aquam B. in altum niti, quod verò aer propterea non fiat rarior, iam satis dixi. Hæc certe testimonia videbis etiam Cordosæ esse veracia, nec minus in Allobrogum montibus, ubi aquam mense Iulio sensi adeo frigidam, ut vix digitis contingi posset absque horrore, contendo enim in his omnibus locis regnare maius frigus hyeme, quam æstate. Cautionem quoque, si vis, aliam adhibe: viro æstuanti in hypocausto per hyemem, ut in Germania obseruavi, detur aqua recens hausta ex fonte, qui videtur fumos edere, non minus frigida iudicabitur, quam cum eam sitienter hauriebat media æstate. Fumus igitur manans e fontibus non proficiscitur a maiori calore interno, nec etiam halitus ille quem ab ore animalium efflari videmus hyeme certis temporibus: vterque enim conspicitur cum aer ita temperatus est, ut spiritus ille celeriter diffundi nequeat, proptereaque ad nos lumen reflectit. Cæterum aqua semper exhalat aliquid æstate, sed non videtur ob contrariam aeris temperaturam. Dubitant adhuc aliqui de scypho vitreo, in quem æstate coniectum vinum, vel aqua ex loco profundo recens educta nubeculam efficiunt extrinsecus, quæ hyeme non conspicitur, licet infundatur aqua gelida, quod argumento est id a frigore solo non proficisci, requiritur enim non modò siccitas, & munditia vitri exterioris (quippe humidum foris, & sordidatum nihil efficit) sed etiam calor aeris vel æstiuus, vel conclusi hypocausto, ut expertus sum, nam vapores subtilissimi & alij spiritus permitti simul implicantur ac naturæ consensu veluti pruina quædam inalgescens vitro frigido adhærescunt, quod fit etiam in specularibus conclauis calidi brumæ temporibus, ubi & glacies intus apparet. De Hippocrate verò credendum est nihil aliud voluisse senem sapientissimum, quam ob prohibitam interpirationem per meatus frigore oclusos, ventres esse calidiores hyeme, & vere, non quocunque calore, sed suauis, moderato, & ad concoquendum aptissimo, nam qui æstate regnat immoderatus, officit potius digestionem. Hanc interpretationem sumo ex ipsomet Hippocrate, qui libro de natura foetus ait pluuijs hybernis densari terræ partes externas, & ob interpirationem impeditam internas remanere calidiores, puta quàm essent si meatus reclusi manerent tota hyeme: nam prohibita spiratione retinetur aliquo modo calor iam acquisitus, qui cæteroquin auolaret. Quod verò æstate ventribus exsuperet calor immoderatus, & aduentitijs suaderi potest cum a causâ manifesta caloris æstiuus loca quantumuis abdita peruadentis, tum ab effectu; æstate siquidem lactucam habemus in delicijs, & refrigerationem potus arte quasitam, hyeme verò vina cretica, cibos calidos, & aromata, quin etiam complures ut stomachi calorem foueant, illum panno coccineo, aut pellium mollitudine suffulciunt: quod ostendit hyeme frigoris, æstate verò aduentitijs caloris exsuperantiam. CH A R. Quidquid sit de controuersia an calor sit maior in illis locis hyberno tempore quàm æstiuo, satis est ad antiperitastin quædam reddi calida, quædam frigida eo quo dixi modo, ad quem emanatio multum conducit.

## De actione similis in simile.

## C I R C U L U S XIII.

## A R I S T Æ V S. C H A R I L A V S.



**A**RIST. Dicamus nunc an cū idem seipsum propriè non afficiat, saltem afficiat simile, siue vt schola loquitur, simile agat in simile. Hinc etiam opinor videre licebit, quā minus laborent ij qui ex principijs antiquorum philosophantur; nam vno verbo dicent idem afficere seipsum & simile hoc vno modò, quòd rerum particulæ seipsis commeant vtro citroque, ita vt calidum ab æquè calido accipere possit aliquid caloris, atque etiam a minus calido. **CHAR.** Nos verò dicimus quotiescunque duo sunt perfectè similia in forma, & gradu, fieri non posse vt vnum afficiat alterum secundū illam formam & gradum quibus conueniunt. Ita Arist. tex. 46. qui etiam asserit hunc fuisse vnanimem antiquorum consensum, propterea quod non est potior ratio cur alterum agat, quā patiatur, proinde opus esse dissimilitudine ad actionem contra Democritum quem arguit tex. sequenti, propterea quod aliter omnino senserit prope solus. At, inquit, si a simili pati aliquid possibile est, & idem a seipso patietur, & nihil erit immobile & incorruptum. **A R I S T.** Immobile quidem nihil erit; at incorruptæ erunt substantiæ primæ, compositæ verò secretionem sola corrumpuntur. **CHAR.** Necis sublato fine tolli actionem, & finem actionis in eo consistere vt efficiens reddat materiam sibi similem: atqui in similibus deest hic finis, nulla igitur actio sequi potest. **A R I S T.** Antiqui in substantijs primis non admittunt hunc agendi finem, sed bonum vniuersi quod appetunt motu variij consensus & dissensus. Putatis ignem accensum producere sibi similem, ipse tamen ligno prius inclusus dissoluitur tantū & per aerem dissipatur. Viuentia quidem & aliæ multæ substantiæ compositæ videntur appetere generationem sibi similiū, sed de illis non disputamus. Fateor ex vestris principijs nihil afficere seipsum, aut simile, vt rectè probas. **CHAR.** Nam alioqui duo leuiter calida ad quartum gradum possent vicissim communicando sibi calorem, illum augere ad octauum. Præterea causæ efficientes vniuersæ, cuiusmodi sunt omnia similia, nunquā tantū producunt in alio, quantum habent in se, vt iam monui, ergo afficere non possunt simile, darent enim & plusquam habent, & quod non habent. **A R I S T.** Illa duo leuiter calida secundū antiquos si conferant in vnum vires suas, efficiunt duplo calidius, & si centum centuplo, incrementum enim graduum fit substantiæ ipsius additamento, quo nihil planius dici potest. Videris prunas, & fauillas ardentes quòd plures congeruntur, eò longius & ardentius calefcere, lucernas quoque complures & nitidas



dulas longius splendorem effundere . Hæretis hîc miratione defixi , & verè vt ait Tertullianus miriones, vnde fiat vt cùm singulæ nihil luminis, & calor ferè profundant, ex ijs tamen simul iunctis magna deflagratio consequatur, ita vt simile videatur augere simile . Hoc vnum vobis proponitis, sequendum esse Aristotelem, non absimiles ei qui defensitans causam aiebat, Quid acceperim scio, quid dicam nescio : scitis accepisse vos ab Aristotele, nihil immitti calor & luminis in materiam a causa externa, sed totum illud educi de sinu materiæ, non plus tamen quàm sit in efficiente, ne idem afficiat simile & seipsum . Ab his principijs odeducti in difficultates inextricabiles, quomodo plura calida & lucida simul posita plus educunt de materiæ gremio, quàm singula possideant separatim, non vultis agnoscere lumen, calorem & alia quæ qualitates appellatis esse substantias simplices, quarum transmissione tantus accedit cumulus receptatori, quanta sit decessio profundenti, nisi aliunde reficiatur . Torrentes qui ex montibus præcipitant opplent aquis vallem subiectam, & conclusam altis aggeribus, in accliu autem & deuexa parie non hærent, ita opinor lumen & calor profluens nisi rei solidæ meatibus detineatur, aut ab ea reflexum in aere coaceruetur, solo transitu defungitur, & vix vllum efficit sensum . Sed hæc antiquorum repuerascentium insubidæ delirationes vobis videntur, aut saltem popularis quædam, & veruecina philosophia . Tu profer aliquid eruditius,

*Et veteres auias mihi de pulmone reuella .*

CH A R. Cogis me igitur vt dicam tibi,

*Disce, seu ira cadat naso, rugosaque fanna !*

Quòd a pluribus lucidis similibus oriatur lumen singulis maius, duplici responsione potest satisfieri . Prima est lumen in aere productum ab vna lucerna, accessu alterius non augeri, sed tantùm in eodem aere multiplicari diuersa lumina distincta inter se, vt patet ex varijs vmbis, quas efficiunt, & colorum imaginibus : lumen enim est imago lucis, & vt ait Aristoteles præsentia lucidi, quàm varia igitur est lux in aere tam mutiplex lumen censerì debet, nec plura vnquam efficiunt vnum : nam quod ait D. Thomas non posse plura accidentia solo numero differentia in eadem materia reperiri, sed oportere vt efficiant vnum, id de accidentibus materiatis, non autem de spiritalibus, quale est lumen, accipiendum est . Hæc omnia lumina non vnum quidem, sed instar vnius efficientis sese iuuant cùm ad maiorem calorem, tum ad clariorem visionem producendam quàm fieret ab vnoquoque illorum seorsim sumpto . A R I S T. Hæc prima responsio nihil docet, quarebam quomodo plura calida possint reddere calidius aliquid quàm sint ipsa seorsim sumpta, respondes autem id a multis luminibus fieri posse, sed infelicitèr hîc versuram facis : nam singulæ imagines lucis, non ce bent alterius quàm suæ lucis visionem efficere, cùm sint, vt dicis, in aere omnes distinctæ, non sunt igitur causa cur alia perfectius videantur, multò minus autem vt vehementius calefiant ; neque si essent centum Soles plus manaret calor quàm ab vno, propterea quòd quemadmodum singula lura in quantumuis alijs coniuncta singulos tantùm Soles repræsentarent, ita cum alijs non plus calor producerent, quàm seorsim . Expecto ecquid clarius eluceat secun-

da ratio. **CHAR.** Memineris hic agi de lumine, nam de calore actutum erit sermo. Altera igitur responsio est, quod etiam si iuxta **D. Thomæ** opinionem ex omnibus luminibus fiat vnum, posse tamen lumen ab vna lucerna productum augeri ab alia æquali, absque actione similis in simile. Hoc autem contingere potest, si ponamus in aula duas faces, octo luminis gradus habentes, ita tamen ut primum accensa produxerit tantum sex gradus, tunc enim altera adueniens eundem poterit aerem illuminare, neque tamen fax vna similis afficiet aliam, sed ambæ aerem iunctis viribus, in quo iam producant ferè octo gradus ubi prius non poterant propter distantiam, distantia autem impedimentum tollitur accessu alterius facis, quæ tamen si haberet tantum gradum vnum luminis, nihil efficeret; & si non desunt qui velint hoc modo dari actionem similis in simile: ut si lucidum vnus gradus agat cum luminoso octo graduum, vtriusque efficientiam communem putant ad aerem magis illuminandum, quoniam ex ambobus fit vnum efficiens: ad hoc autem ut simile non dicatur propriè agens in simile dicunt satis esse si totum id quod agit, perfectius sit eo quod patitur. Propterea aliter solvunt difficultatem percussus, nempe lumen quod est in pariete licet non sit maius lumine aeris, producere tamen percussu lumen intensius, quia ex efficiente primario, nempe Sole, & ex pariete fit vnum efficiens, parietem enim ob densitatem induere vim illuminandi, aerem verò minimè, quia nihil efficit lumen nisi in materia densa recipiatur. Alij ex eadem doctrina paulo aliter ratiocinantur, scilicet aerem vicinum parieti coniunctum cum privatio efficiente augere lumen parietis, qui rursus actione reflexa illustret aerem a quo prius fuerat illuminatus. Quod si quæras quomodo lumen aeris Soli coniunctum plus effundat in parietem, quàm sit in ipso aere, causam esse aiunt, quia subiectum est magis idoneum. **ARIST.** Ex tot pulchris responsionibus nullam audiui, qua fiat satis dubitationi de nitedulis, ex quarum coniunctione emittitur maximus splendor: dicitis ipsas habere lumen exile, ita tamen ut coniuncta magno numero splendorem inmensum emitterent, quia nimirum sese iuvarent ad medium pervincendum, ut ovium multitudo ad lupum debellandum; nam quid, amal'o, est illud quod medium superant, nisi quia singula conferunt aliquid suæ substantia ignea, unde magnus oritur cumulus qui toto aere diffunditur: plebis multitudo iuvat ad regis ætarium locupletandum, si omnes sigillatim conferant aliquid tuarum copularum tributi nomine. Certè infinita multitudo nitedularum, aut lucernarum, si illa nihil transmittunt in aerem, non magis eum iuvabit sua præsentia, quàm vires liberae imperatorem, cui videntur capitulari verbo tenus, sed suarum facultatum nihil erogant. **CHAR.** Declarandum est igitur mihi unde fiat ut magnitudine, densitate, propinquitate, & alijs id genus instructionibus crescat virtus effectrix, non tamen ut producat plus quàm habet in se: id patet in igne vasto, in ferro candenti, in magno lapide: Quanam sit autem huius rei ratio non ita convenit apud omnes, triplex tamen afferri potest: prima quam immeritò fioccfica'iserat, quoniam ex multis partibus fit vnum efficiens longè tortius; parvum autem corroboratio in eo consistit, cum ut vna pars refarciat quod altera deperdidit, aut impe-



diat ne deperdatur; tum quod actio vnus ab alia ita dependet vt illam non tam perfectè obire possit sola, quàm coniuncta alijs. Et hæc est ratio cur densiora corpora sint fortiora, quia nimirum in re densa sunt veluti plures causæ efficientes magis coniunctæ ac proinde validiores. Altera ratio est quòd efficiens magnæ molis secundùm multas sui partes nihil patitur a contrario, proptereaue fortius agit, & velocius. Tertia demum ratio est quoniam saltem in calidis & odoriferis vt plurimum fit transmissio exhalationum, plures autem a magno, quàm a paruo corpore egredi possunt. Non dico tamen res calefieri hoc modo solum, nam & a Sole & a multis alijs calefimus citra vllas exhalationes, dico tantùm ipsas multùm iuuare.

**A R I S T.** Triplex ille rationum funiculus non dissoluit propositam difficultatem, sed distringit, maximè verò quòd fateris calida & odorifera prædita maiori mole longius exhalationes emittere, quod etiam præstant corpora densa, in quorum meatibus plures substantiæ tenues coguntur & diutius conferuantur, vt mirum non sit si ferrum candens fortius vrat, vbi tantum ignis circumclusum est. Considero similiter calcem ex fornaceeductam & ardentissimam intueor, eidem iam frigida subijcio lucernam multis horis, recalescit quidem, sed valde leuiter; vnde hoc, cum ignis suppositus non minus habeat octo gradus caloris, quàm fornax ipsa? Est parvus, inquis, & tenuiculus. Quid inde? educat nihilominus ex materia calcis tot gradus caloris quot prius habebat calx in fornace, materia enim idonea est, & flammæ nihil deest aliud quàm densitas & magnitudo quæ non sunt caloris effectrices. Hic omnis ratio vos deficit: antiqui verò dicunt flammam lucernæ non suppeditare multò plura corpuscula ad calcis meatus inferciendos, quàm quot expirant continenter, & euanescent, a fornace verò longè plura subministrari. Obseruatis etiam manum quæ statim a fornace, vel Sole accipit summum lumen, non simul accipere summum calorem, sed dicitis contrarium prius esse detrudendum: at illi etiam nullo obfistente contrario, ostendunt requiri plus temporis, vt calor manum ingrediatur, quàm vt feriat. Neque hic verendum ne efficiens producat plusquam habet in se, non enim producit ignis aut aliud quidpiam simplex, sed profunditur. Vobis verò superest difficultas inexplicabilis, quomodo corpus magnum, vel densum, vltra suum gradum non operetur, multa enim ex ijs habent paucos gradus luminis, quæ coniuncta simul efficient maius lumen, quàm sit in singulis, vt conspicuum est non modo in nireculis, sed etiam in speculis radios ad punctum vnum refragentibus, de ijs autem iam audiri quid sentiat.

**C H A R.** An etiam audisti Marsilium & latinos complures, qui docent finem efficientis esse vt reddat materiam sibi similem non tantùm in gradu, sed etiam in actione, ac propterea Solem vt pore corpus magnum & densum, postquam sibi similem fecit aerem in gradu luminis, agere nihilominus vltra, vt eum sibi similem faciat in actione, quod assequitur saltem aliquo modo, dum aer in fractione radiorum excitat ignem, ad quem necesse est tot ab aere produci gradus, quot ab ipso Sole produci possunt. Non placet autem hæc opinio, tum quia solum corpus lucidum est causa luminis, aer autem & corpus solidum vbi fit infractio, sunt tantummodo conditiones, vt ante di-

xi, licet alij aliter sentiant: tum etiam quia finis efficientis est educere ex materia formam sibi similem, quod verò illa forma maiorem aut minorem obtineat efficacitatem, hoc dependet a magnitudine, & densitate, fortior enim est in ligno genitus ignis a paleis accensis, quàm genitus in paleis a ligno accenso, quoniam ubi est multum materia, ibi etiam multum formæ reperitur.

**A R I S T.** Nihil iuvat esse multum formæ extensæ, nisi plures sint eiusdem gradus, ynde oritur tota efficacia: maximè verò nugatorium id demonstratur in flamma, & ferro candenti, nam licet flamma sit magis extensa, minus tamen calefacit. Quòd si vtrunque accipiatur æqualis magnitudinis, non intelligo quidem facilè quomodo in ferro sit plus materia, sed ignoro penitus quomodo plus formæ esse possit: non enim plus est secundum gradus, neque secundum extensionem, vide an alius modus tibi supersit. **CHAR.** Superest, nimirum ille quo plus minusve materia est sub maiori, vel minori extensione, vt diximus de accretione, ubi enim multum materia parua dimensionem continetur, ibi necesse est esse plurimum formæ, ne materia absque forma reperiatur. **A R I S T.** Vtrunque non minus inscienter & insulsè dictum videri potest: nam hoc pacto maior erit vis effectrix a magnitudine & densitate, quàm a gradibus, ita vt plus efficiant quatuor gradus in corpore magno & denso, quàm octo in paruo, & raro. Accedit præterea quòd ea proportionem qua corpus fit maius & densius, eadem crescit virtus effectrix, quod optimè intelligitur si actionem consistere dicamus in emissionem corpusculorum, non autem in materia substantiali permutatione: vt si quis quaerat cur magnus & densus ignis multum calefacit, magnus autem & densus lapis nihil siccatur, facilè responderetur illinc multum caloris trajici ad nos, hinc verò siccitatis nihil omnino. Vos autem hærebis in somnio quòd calor

efficientis materiam immutet, sed non siccitas, loque non ob aliquam

rationem, sed quia Peripateticis sic placitum est. Atque vt id

magis perspectum fiat quàm inanis sit motus agendi vestri,

& patiendi, veniamus ad illud genus effecttionis reci-

proæ, quam reactionem appellatis, ea enim vel

vna sufficit vt aliquis nuncium remittat

principijs vestris quæ veritatis perspi-

cientiam obscurant potius, quàm

illustrant. Res tota fusè vi-

deri potest apud Pe-

trum Pompona-

tium, ynde

breui-

ter

illud delibandum est, quod

ad nostrum institu-

tum accommo-

datur.



## De actione reciproca, seu reactione.

C I R C V L V S X I V.

C H A R I L A V S. A R I S T Æ V S.



**C**HAR. Reactionis nomine intelligitur reciproca quædam mutatio efficientis & patientis: verum in mutatione ad substantiam & quantitatem mutua hæc effectio, & perpeffio non reperitur, sed ferè tantum in qualitatibus primis, & motu ad locum: ita quod premit premitur, ferrum candens quod calefacit aquam frigidam refrigeratur. Hic diligenter obseruandum est aliud esse resistere efficienti, aliud vicissim reponere, seu reagere, vt vulgo dicimus: resistere enim nihil aliud est, quàm non pati, seu non admittere actionem, vt cum paries resistit pilæ, resistere itaque consistit in negatione, non in actione aliqua, quam Pomponatius exprimere voluit per impedire, sed non declarat quid sit illud impedimentum, nec vidit esse priuationem. Dupliciter autem aliquid resistit alteri, vel quia omnino actionem non admittit, vt de pila dictum est, vel quia non facile patitur, vt marmor dicitur resistere malleo aut ferræ, quia difficile frangitur, aut secatur. Hæc autem potentia resistendi est vis naturalis rei alicuius ad agendum, ex qua sequitur vt res ipsa sit inepta & inhabilis ad patiendum, vnde patet resistendi principium esse a forma, quemadmodum patiendi est a materia. At verò vicissim sese afficere non est solum resistere hoc modo, sed potius fit quando patiens ex materia efficientis educit qualitatem contrariam illi, quam efficiens ex materia patientis ipsius eduxerat. Exemplo sit magnus lapis qui dicitur habere potentiam vt resistat trahenti fursum, hæc potentia est grauitas lapidis, quæ nihil producit in trahente, sed causa est ne lapis moueri possit. At verò ignis dicitur pati ab aqua, & aqua vicissim ignem afficere, non propterea quod aqua non calefit, sed quia in ignem frigus inducit. His positis dicendum est vbicunque contraria inuicem agunt, dari reciprocam actionem eodem tempore, eadem parte, atque eadem qualitatis contrarietate. Ita Arist. 4. de gen. anim. c. 3. vbi causam afferens cur motus soluatur, ait omne efficiens a patiente vicissim pati, vt quod calefacit refrigeratur. Rationem autem effectiois reciprocæ habemus 3. Phys. 8. quoniam eadem quæ sunt potestate, sunt etiam actu, agent proinde quatenus habent formam, quæ est actus, quatenus verò habent materiam, patientur, atque ita calidum simul refrigerabitur, & calefaciet. Monet autem hic Aristoteles tex. 53. ad hoc necessariam esse communem materiam, alioquin alterum quidem aget, sed nihil patietur, vt ars medicandi nihil patitur ab eo qui sanatur, at verò cibus refrigerat stomachum, a quo calefit. Idem probat Auer. 4. Metaph. com. 10 & 11. Si non daretur, inquit,

actio

actio reciproca, non daretur mixtio, ea enim postulat ut elementa misceantur inuicem, & minutatim diuidantur, deinde agant effectione reciproca, ita ut singulorum qualitates castigentur, & refrangantur: at si dum ignis vim exerit in aquam nihil ab illa patitur, aget cum victoria, atque eam in se conuertet, ambo autem in mixtum non conuertentur. Dices fieri posse ut alterum nihil patiatur, & tamen agat, quoniam & si ignis est potestate frigidus, ita resistet aquæ, ut non lædatur. Verum stat contra ratio, quia nimirum vel resistit calefaciendo, vel simpliciter actionem aquæ non admittendo: non calefaciendo, quia hoc modo resistit tantum quatenus corrumpit qualitatem contrariam, eam autem corrumpit paulatim, tunc ergo priusquam tota perierit, calidum afficere potest. Sed neque resistit non admittendo actionem, tum quia hoc est petere principium, tum quia potestate frigidus est, ita ut licet habeat vim maiorem agendi ratione formæ, minorem tamen habeat resistendi ratione materiæ, unde fit, ut patiatur aliquantulum. His probè perceptis nulla est difficultas, quæ indissolubilis videri possit. **ARIST.** Actionem quoque reciprocam admittunt antiqui, sed illa est aliusmodi quam putatis, nam eam quam inter qualitates fieri dicitis, perfici putant mutua corpusculorum traiectione, puta frigidorum in calida, & calidorum in frigida, quæ verò contingit in motibus, ut cum magnes trahitur trahendo ferrum, aut depellendo propellitur, solo naturæ consensu fieri dicunt. Quoniam autem magnetis memini, vide quàm ille demonstret clare modum quo fit actio reciproca: ferrum quod a valido magnete summam vim accepit dirigendi se ad septentrionem, ob exiguum & debilem magnetem contrariæ virtutis illam amittit, non ramen subito, & primo attactu, sed si diu ipsi adhæreat, quod argumento est ab exiguo illo magnete toto illo tempore plura transfundi in ferrum corpuscula contraria septentrionali directioni, quàm a valido magnete fuere impressa, quippe abest iam ille magnus, parvus verò licet virtute minor, instat tamen, & tandem superat. Sic animal mediocriter calidum incubans marmori frigidissimo, tandem illud concalefacit, plus enim immittit spiritus calidi, quàm frigidi sit in lapide, qui secundum vos ne leuiter quidem deberet calefieri, sed potius animalis extinguere totum calorem. Ita tota res exprimitur vno verbo, & nihil est omnino quod opponatis. At exijs quæ ipse apud Pomponatium & alios perlegisti multas reperis tenebras, & nihil lucis. Testor imprimis ignem ipsum, quem omnes adducitis pro exemplo corporis alicuius refrigerati, aliquando frigidior ignis reperiatur, id enim maximè contingere deberet hyeme prope glaciem, at huius rei immemores ad tuendam vestram antiperistasin, dicitis esse calidior. Cur igitur alicubi non reperitur ignis tepidus ad quem calefaciendum sit opus alio igne? An quia continenter auolat & dissipatur, non refrigerat, posset autem refrigerari si consisteret, quemadmodum ille quem sub orbe Lunæ constituitis? sed inueniendi sunt alij quos istis somnijs infatuetis. Neque enim videtur minus inscitè dictum, ignem esse refrigeratum, quam frigus esse calefactum. Cernitur flamma lucerna perpetuo fluens hoc tantum aspectabilis quoniam in oculos nostros incurrit, cogitemus illam esse immobilem, nec se amplius diradiare iam desinet cale-



calefacere, non tamen propterea a glacie refrigerabitur, alioqui calor fieret frigus: si verò frigus ipsum flammam ita consistentem permearet, ut ex ambobus fieret aliquid maius, tunc dici posset flamma tepida, eodem modo quo aqua tepida, non quòd ignis fiat frigidior, sed quoniam ex frigore & igne sentitur tepor. Si videre possetis frigus densum, ut esse dixi corpus quod in auram frigidissimam resolvitur, illud putaretis prope ignem calefieri, peræque ac creditis ignem refrigerari. **CH A R.** Si per frigus intelligeres exhalationem frigidam, concedi posset illam calefieri: Ignem verò paululùm refrigerari nihil obstat, non tamen ad illum gradum quo tepidus vocari possit, nam credibile est ignem corrumpi, antequam tantopere concidat calor, & deferuescat. **A R I S T.** Non videtur vobis absurdum in eadem materia ignis refrigerati, simul calorem & frigus reperiri, & materiam eandem formari modis contrarijs, perinde ac si cubica & sphaerica fieret simul, unde licebit eam dicere calidam & non calidam. **CH A R.** Videbimus postea non esse absurdum in eodem reperiri contrarias formas, modò tota latitudo utriusque contrarij simul sumpta non excedat octo gradus, itaque gradus unus frigoris non est contrarius septem gradibus caloris. Contradiceret quidem sibi si quis diceret materiam esse calidam & non esse calidam, non autem qui calorem & frigus habere dicit. De figura cubica & sphaerica dispar est ratio, una quippe negationem alterius includit, quod non faciunt calor & frigus. **A R I S T.** Si hæc responsio tibi satisfacit, tanto magis expeditè solves argumentum Burlæi 3. Phys. tex. 17. Vel agens & patiens, inquit, sunt æqualis virtutis, vel inæqualis: si æqualis, neutrum aget, quia ut dicitis omnis actio fit a proportionem maioris inæqualitatis, id est ab inæquali prævalente: si verò agens & patiens sunt inæqualia, id quod est maius aget quidem, sed non patietur, quia nimirum patiens non habet inæqualitatem illam prævalentem. **CH A R.** Facile negatur quod ait Burlæus, si agens & patiens sint virtutis inæqualis fore actionem absque reciproca perpeffione: etenim ut iam supra tetigi, fieri potest ut efficiens habeat quidem tantam vim agendi, ut possit debellare patiens & victoriam obtinere sub finem actionis, non tamen sit præditum ea vi resistendi, ut ab omni eius impetu se tueatur, aliud enim est pugnando vincere, aliud ne leuiter quidem vulnerari. Fieri igitur potest ut aliquid habeat vim maiorem tam efficiendo, quam resistendo, atque ita ab altero vinci non possit, sed non tantam, ut omnino lædi non possit, & ita enenit ut plurimum in effectione reciproca: calor enim naturalis superat cibum, sed interea non ita sibi cauet, quin paululùm debilitetur, unde tandem aliquando planè deficit. Tota ratio ex illo principio diligenter notando desumitur, scilicet idem esse reipsa, & potestate secundum diuersas qualitates, ut ignis est reipsa calidus, potestate frigidus, unde comparatus ad aquam potest agere prout est reipsa, pati verò ut est potestate, quoniam agendi radix est forma, patiendi materia: & hoc totius effectioneis reciproce fundamentum est. Illius autem pronuntiati, actio est a proportionem maioris inæqualitatis, sensus est, efficiens debet plus habere de forma communicanda, quam habeat patiens, non autem quòd debeat esse fortius agendo, vel resistendo: quamobrem etiam a gutta



aquæ in fornacem coniectæ erit actio quædam reciproca , sed perpusilla , & ita tenuis vt instar nihili habeatur. A R I S T. Ponamus ignem summè calidum applicari aquæ summè frigidæ , statim aqua refrigerabit partem ignis sibi proximam , sed non alias remotiores , proinde cùm illæ sint summè calidæ debent calefacere quidquid est minus calidum : calefacient igitur partem illam eodem tempore quo ab aqua refrigeratur : neque enim est vlla ratio cur aqua efficiat aliquid in illa parte , & ignis nihil : non potest autem pars illa calefieri , nisi pereat frigus illud idem quod ab aqua productum est , ergo idem numero gradus frigoris simul producetur & corrumpetur , atque eadem pars mouebitur motibus contrarijs , non modò specie , sed etiam numero , itaque erit & non erit . Hæc est tota vis argumenti quod affert Calculator tract. 7. de react. destruens funditus modum agendi quem attulisti , & principia simul vnde sequitur , tanto magis autem confirmans antiquorum philosophiam quanto facilius est ex eorum principijs huic dubitationi satisfacere , quid enim difficultatis est vltro citroque mitti spiritus , vnde calefieri dicatur frigidum , & calidum refrigerari ? At plerique Peripatetici deterri argumentum Calculatoris , in tot latibula se coniecerunt , vt vix ad stationem reuocentur . M. Ant. Zimara ait partes ignis remotiores non posse calefacere partem illam , quæ proximè ab aqua refrigeratur , quoniam , inquit , pars vna continui non afficit aliam ; sed hoc refragatur experientiæ , neque dici potest de fundo aheni intermedio , idem enim quod calet ab igne , friget ab aqua . Pomponatius enumerat ad quatuordecim responsiones plane inanes , & tandem ait partem illam non calefieri ab alijs partibus summè calidis , sed tantùm ipsius calorem confortari , quæ sit autem huiusmodi fraternæ confortatio non explicat . Flaminius Nobilius ait nihil ob stare quominus in eadem parte sit frigus productum ab aqua cum toto calore ignis , quoniam , inquit , frigus nondum sibi illius materiæ principatum vindicauit , sed est quasi hospes & aduena , vt rectè Themistius dicebat . Fingit autem ille autor contraria initio simul reperiri absque pugna , donec vbi seriò agitur de subdenda sibi materia , iam incipiunt digladiari : prius autem , inquit , erant sicut colores & aliæ qualitates spirituales , quæ & si contrariæ sunt , tamen insident materiæ non tanquam propriæ , sed veluti hospes & aduena ; ea tamen est differentia , quòd primæ qualitates in aere diutius insidentes , ex spiritualibus euadunt reales , quoniam aptæ sunt alrè infigi illi subiecto , minimè autem colores , soni , & odores ; quoniam aer suapte natura non est huiusmodi , in quo tanquam in propria materia versari queant . Hæc ille . Ad quas ineptias non descenditur pro ijs temere defensitandis quorum summa imbecillitas in ipsa principia refundi debet . Augustinus Suesanus rei difficultate consternatus mutauit sententiam , & effectiorem reciprocā omnem negauit , propterea quod inquit , si agens potest contrarium superare , ab eo quoque se tueri potest ne offendatur . Ad experientiam de aqua , quæ calescit dum refrigerat ferrum candens , ait aquam feruentem non esse calidam , sed videri propter vapores , paratus idem dicere de aere , & de alijs potius quàm inuestigare quibus principijs itur in tot sententias eumentes . Sed mirari satis non possum Iacobum Zabarellam qui postquam omnes aliorum



responsiones improbavit, ait argumentum Calculatoris esse leuissimum & nihil habere difficultatis, quia, inquit, etiam si ignis & aqua proximè agant, & pars aquæ igni proxima calefiat, ille calor remittetur aliquantum a frigore partis remotioris, & eadem pars habebit calorem ab igne & frigus ab alijs aquæ partibus summè frigidis; non tamen ut duas qualitates contrarias, & distinctas, sed ut vnam mediocrem ex vtrisque prouenientem: unde videtur Zabarella aut dissimulasse, aut non percepisse vim argumenti quod allatum est: cum enim materia non sit receptrix nisi octo graduum cuiuscunque contrarij, nec possit expelli gradus aliquis, nisi alterius introductione, & præterea eodem tempore quo vnum agit, vicissim ab altero patitur, necesse est omnino ut pereat primum illud frigus, & calor eodem momento, quo vicissim in ignem & aquam introducuntur, ad quod Zabarella nihil respondet.

CHA R. Respondebo igitur cum Paulo Veneto negando fore, ut partes ignis ab aqua remotiores statim afficiant partem refrigeratam, sed dico expectaturas aliquandiu, donec sit corruptus vnus aut duo gradus caloris, postea verò quando incipient agere, producent nouum gradum caloris, aqua verò destruet vnum ex ijs quæ ante erant. Tota iam difficultas est in assignanda ratione, cur non statim agant, & quandiu præcisè debeant expectare. Rationem esse dico, quia nullum efficiens physicum alteratione propriè dicta tantum producit in altero, quantum habet in se ne quemadmodum iam bis admonui, vis efficientis extendatur infinitè, ut si summè calidum in parte sibi vicina produceret octo gradus, illa similiter posset in proxima, & sic deinceps: ratio autem metaphysica est, quia plus ad actionem quàm ad essentiam requiritur. Quandiu verò sit expectandum, responde donec sit iusta proportio efficientis, & patientis.

A R I S T. Ad reconcinandum vtcunque modum vicissim agendi non tam a vobis inuenta, quàm vi fabricata videntur duo illa quæ nunc memoras, nimirum magnum ignem paululum ab aqua refrigeratum expectare tantisper, & similiter aquam concalefactam, puerorum more, ut faciant vicibus, & ad hanc commentitiam machinationem astruendam adiungitur nihil posse in alio producere qualitatem tot graduum, quot habet in se, ne principia vestra quidquam detrimenti accipiant. Quomodo igitur ignis generat ignem ad cuius dispositiones requiruntur octo gradus caloris?

CHA R. Non est necesse ut quando forma ignis aduenit materiæ, reperiat octo gradus caloris, satis est esse circiter septem, quandoquidem dicimus inter ignem & aquam dari reciprocam perpeffionem, non tamen vtrunque statim interire: ubi verò iam est succensus ignis, emanat octauus ille gradus qui ad complementum desideratur.

A R I S T. Absolui iam potest vno verbo quid sentiendum sit de ijs quæ mouendo se loco reciprocantur: nam 4. de gen. anim. c. 3. Aristoteles vniuersè pronunciat omne efficiens pati etiam a patiente, ut quod secatur, inquit, habetur, & rationem hanc esse docet cur soluantur tandem motus omnes, eo excepto quem efficit proximè supremus motor. Contra verò antiqui hanc vnam putant esse causam cur variorum motuum perpetuitas est in vniuerso, quoniam omnia quæ mouent mouentur etiam naturæ consensu vel dissensu: nam magnes, electrum, adamas & alia quæ trahunt, trahuntur simul,

& cum nullum alium admittant motum, facile declarant communem omnibus agendi modum & patiendi. Non laborant illi in comminiscenda ratione qua inter se depugnat efficiens magnum & forte cum paruo & debili, quomodo se iuuent multa exilia ad vincendum medium, quomodo contraria se interimant, quomodo qualitates spiritales ferantur per aerem, ac materię superficie tenus adhærescant, & alia quæ non sani esse hominis non sanus iuret Orestes. CHAR. Immo vir sanæ mentis in reciproco motu rerum omnium corruptibilium malit pauculas quas vidimus difficultates exorbere, quàm cum antiquis parabilem quidem, sed insulsam & insubidam philosophiam consecrari. Multa nunc sub finem huius libri disputanda nobis essent de communi rerum omnium permixtione, sed breuitatis causa satius esse duco primùm agere de qualitatibus elementorum, & alijs ad faciliorem eius intelligentiam opportunis, ne sæpius idem decantandum nobis occurrat.

## IN LIB. II. DE ORTV ET INTERITV.

## De qualitatibus efficientibus elementorum.

C I R C V L V S X V.

CHARILAVS. ARISTÆVS.



Um in libris de coelo disputatum fuerit de elementis, quatenus sunt corpora æterna, quæ secundum se tota non corrumpuntur, & mouentibus suis qualitatibus integrum constituunt vniuersum, de ijs nunc agendum est, vt monuimus initio libri præcedentis, quatenus omnino corrumpuntur, & veniunt in mixtorum compositionem; Huc etiam compendiosæ breuitatis causa reuocare poterimus multa quæ dicuntur ab Aristotele libro quarto Meteor. Agimus autem hic meritò de elementis, nam ob principes qualitates eis generatio primùm competit, cæteris verò ratione ipsorum: his itaque probè perspectis ad reliqua paratiores accedemus. ARIST. Videamus igitur in hac quarta parte quid pro Aristotele faciat, quid pro antiquis. Si rectè probarit quatuor esse qualitates omnium principes, & eas certa definitione circumscripserit, magnum accedet momentum ad principia quæ ipse posuit stabilienda, sin verò contrarium omnino deprehendimus, id fundamentis inanibus ascribendum est. CHAR. Sicut nomine principiorum ea intelligimus quæ non sunt ab alijs, neque ex alterutris, & ex ijs omnia, ita & nunc loquimur de primis qualitatibus, primis inquam, non absolute, sed inter corporeas, sensiles, & elementarias, vt excludantur spiritales, occultæ, & communes quemadmodum



dum figura, & lumen. Has autem esse quatuor omnino, scilicet calorem, frigus, humorem, & siccitatem in confesso est apud omnes, pauculis exceptis opinantibus frigus, & siccitatem esse meras priuationes, quia putant solo caloris atque humoris abscessu corpora refrigerari & exarescere, quasi verò de substantijs loquerentur & non de qualitatibus contrarijs, quarum alijs decedentibus succedentes aliæ, vt ante dixi, recipiuntur. Aristoteles quidem vocat ipsas interdum priuationes, non simpliciter tamen, sed comparatè, frigus enim & siccitas respectu caloris & humoris non videntur tam ornare corpus, quam ipsum ornamentis insignioribus defraudare, vt lib. 2. de Ortu anim. c. 4. & 1. Meteor. c. 4. vbi defectu motus coelestis ait duo elementa manere frigida. Quod verò non sint priuationes puræ satis ostendit assignando vtrique propriam effectiorem & perpeffionem congregationis nimirum & terminationis. Neque modò frigus congregat ea quæ sunt similitum partium, & siccitas terminat humidum, sed etiam sentiuntur tactu ipso, quod non conuenit priuationi, alioqui vacuum maximè frigidum sentiretur. A R I S T. Frustra hæc omnia posita sunt apud antiquos qui putant qualitates omnes quas vocatis esse substantias tenuissimas, quæ quoniam alijs accidunt sunt accidentia: quòd autem ex sint dignitate quatuor primæ, parum refert, modò aliæ ab ipsis non generentur. Neque temere creduntur esse substantiæ sempiternæ, alioquin ex aliarum in alias decertatione fieri non posset vt longissimi temporis inclinatione non intercideret omnino frigus, aut calor, humor, aut siccitas, tantas enim contrarium vnum ex alterius depressione lumeret vires, vt tandem illud tota vniuersitate depelleret. C H A R. Prouidit natura sagacissimè huic periculo, cùm formas vnicuique tribuens, quarum beneficio qualitates sibi proprias pugna iam retusas, & habetiores opportuna emanatione profunderet, instauraretque, tum etiam quatuor elementa ea temperatione circumfundens, vt quantum deperit vni ex illis, tantum alterius damno resarciat. A R I S T. At tandem tandem, licet pugnent æquis viribus, veluti quatuor equites, aut aleatores, aut sepulcrum Machometi, quod aliqui somniarunt positum ad quatuor angulos lapidibus Herculeis in aere libratum, & suspensum esse, necesse est sortem mutari ac elementum vnum alijs oppressis superesse: vnum equitem, vnum aleatorem, sepulcrum quoque ipsum æquilibrata violata præcipitare. Ita iam pridem calor ignis, aut aquæ frigus omnia in suam naturam conuertissent, si qualitates illæ essent accidentia, quæ oriri possent, & interire; sunt igitur potius substantiæ tenues & æternæ, quæ suo accessu, & recessu vobis dederunt occasionem suspicandi eas vicissitudini ortus & obitus esse subiectas. C H A R. Nulla est fors in elementis aleatoria, sed inestimabilis proportio substantiarum, quæ tamen nec sentiuntur per se, nec habent contrarium, proinde qualitates esse non possunt. A R I S T. Dicamus potius Aristoteles non vult vt sentiuntur, & contrarium habeant, sed id muneris planè delegat accidentibus. Ratiunculam saltem afferret, cur ferri substantias necesse est, & otiosi, ita vt ad sensuum fores non pulsant vnquam, nisi ministerio alicuius apparitoris. Certè nihil obstat quominus substantia feriens sensus nostros tam sentiatur, quàm accidens, ac similiter aliam

*An qualitates sine substantia.*



aliam contrariam habeat, & dissidentem, quòd illi tacitè fateri coguntur, qui dicunt venenum viperæ tota substantia nostris spiritibus infestum esse. Sensus non est æquus arbiter istius rei, percipit enim appulsum calidi, sed ignorat accidens an substantia dici debeat, intellectus verò qui nullam rationem afferre potest, plus nimio sumit sibi, dum ab ordine omnium quæ sentiuntur substantiæ dignitatem abiudicat. Quid vetat, obsecro, qualitates omnes esse substantias eodem iure, quo Aristoteles vocat quatuor primas qualitates differentias elementorum, ex quibus conficit eorum diuersitatem, & numerum, differentias inquam rei essentiam constituentes, eo sensu quo in prædicamentis eas appellauit qualitates. Propterea Græci interpretes Alexander, Ammonius, Philoponus & alij cum Galeno dicunt primas qualitates esse formas elementorum. CHA R. Quid inde? Græcis enim vehementer contradicunt Latini omnes, & si quis intelligentior Græcos benignè velit interpretari cum Auicenna, oportet dicat ipsos singulis elementis attribuisse qualitatem vnā, quæ sit eorum forma substantialis, & alteram eiusdem nominis, quæ sit accidens: igni verbi gratia duos calores, vnum qui forma, alterum qui est eius accidens, vtrunque eiusdem nominis, quoniam propria nomina non sunt imposita formis elementorum. Nisi quis ita Græcorum honori velificetur, sequatur alios. A R I S T. Non video hîc quidquam græcæ, & reconditæ eruditionis, sed nouam duntaxat appellationem, qua Græci calorem vocent substantialem, quod Latini formam nuncupant, vt propterea verear Græcos ingeniosos non admisisse duos calores, sed potius vnicum substantialem, qui tamen modò fieret intensior, modò re-  
 fusior, ita vt intensio illa atque refractio accidentis loco esse videatur. CHA R. Volumus eiusdem esse speciei calorem ignis & aeris, sicque non posse dici eorum formam: præterea substantiam non suscipere magis & minus, sicut qualitates elementorum; ignem quoque & terram, hoc est substantiam quamcunque nihil agere vel pati, nisi quatenus instructa est contrarijs qualitatibus, vt ait Aristoteles de sensu & sen. c. 4. quas proinde non oportet esse substantias. Si quis verò dicat accidentia in elementis esse loco formarum, arguitur ab Aristotele hîc tex. 54. propterea quod aufert principem causam, & nimium concedit instrumentis, quare eum comparat imperito qui absolute diceret ferram esse causam secandi, non autem instrumentum quo secans secat. Deinde necesse esset materiam primam elementorum esse spoliata omni forma substantiali. Et omnino qui dicit qualitates primas esse formas elementorum, dicat eodem iure mixtorum formas non esse aliud quam temperamentum quoddam primarum, & secundarum qualitarum, atque ita omnem formam substantialem de medio tollat. A R I S T. Hæc inter Peripateticos sunt agitanda, ne materiæ, & formæ compages ceu ruinosa maceriæ vel parietinæ fatiscentes sublabatur: qua de re antiqui parum solliciti corpora omnia esse contendunt quæcunque vocatis accidentia, formas, vel qualitates. Satis est in vno aut altero rem ostendere, vt quid habendum sit de cæteris conficiamus. Si calor non esset corpus, cum aerem subit confertus aut aquam, nulla esset ratio cur illa tantopere distraherentur, nec cur castaneæ & vesicæ tuæ mediæ discederent; maximè verò ea quæ ebulliunt



liunt nonne demonstrant calorem affatim peruadere singulas partes, qui si esset accidens, ut dicitur, quod non migrat ab una in aliam partem, calefieret aqua, non ebulliret. Quid igitur causæ est quod mouetur sursum deorsum?

*Exsultantque æstu latices, furit intus aqua vis,*

*Fumidus atque altè spumis exuberat amnis.*

**CHAR.** Iam dictum est vi caloris emanare raritatem, quam necessario sequitur maior distantia partium, hæc autem absque commotione fieri non potest. **ARIST.** Hoc quidem audiri, sed stomachosius, esse accidens absque corpore, quod suo ingressu tot Salios exsultantes habeat in aqua, & alijs liquidis, in lapidibus autem & metallis ne vnum quidem presultorem, nisi forte & illa calore vehementi colliquefiant. An non verisimilius tibi videtur propterea liquari metalla, quod corpuscula ignea permeant & ipsa diuidunt in particulas innumerabiles, quarum coniunctionem suo interuentu prohibent & tripudium excitant, abscedendo autem coire sinunt, & mole angustiori coalescere quæ prius interiectu ignis intumescebant. Quod vero id molietur calor accidens, cedo vel tenuissimam rationis umbram.

*Dic aliquem fodes, dic Quintilianæ colorem.*

Idem opinor fateris quod Zabarella de calore cœlesti cap. 10. Quoniam, inquit ille, dictum est magnum lumen calfacere per attritionem quia attenuat aerem, si quis rationem querat cur extenuet, nulla (ut mihi videtur) afferri potest, nisi quod ea est luminis natura, ut tenuem ac subtilem aerem reddat, effectus enim a sua causa immediatè prodeuntis nulla alia afferri ratio potest. Vnde concludit. Non est mihi verecundum confiteri me illud ignorare, qui me nihil, aut pauca scire profiteor, cum sapientissimus quoque philosophus Aristoteles se id nescire tacitè confessus sit. Hæc Zabarella modestissimè, sed incautius, non aduertens se in mala causa versari, quæ solis cauationibus adornatur. At si cum antiquis dixisset ignem, lumen, atque calorem vnum esse corpus, quod aerem, & alia subiret, & suo interposito distraheret, facile perspexisset quid sit aquam, vel aerem attenuari. Si hoc parum tibi videtur ad probandum calorem esse substantiam, sumamus frigus, quod nisi esset corpus aquam penitus ingrediens & lapides, non efficeret illam tumidiorem, neque istos omnino dirumperet, maximè vobis autoribus corpora frigore coangustari: videmus tamen aquam in phiala congelatam altius confurgere & se in maius spatium effundere. An etiam Zabarella dicet hanc esse naturam frigoris ut reddat aquam tenuem atque subtilem, & a contrarijs eundem effectum procedere? **CHAR.** Nimis cordatus est, quam ut hoc asserat: Sed primum statuendum est aquam frigore constipari, quoniam tamen non congelat, nisi ingressu, & permissione complurium exhalationum, quæ sunt corpora, ijs conclusis necesse est eam tumescere, dum constringitur. **ARIST.** Sed ego vidi in phiala conclusa sigillo Hermetis idem fieri, quod, ut arbitror, non dicetis permeare corporeas exhalationes. **CHAR.** Quidni per vitri meatus eodem iure quo dicis calorem & frigus corporeum introferri. **ARIST.** Perpugnax es defensor Aristotelis, qui maus exhalationes subire vitrum, & exire soluta glacie, quam fateri eas esse frigus. Sic igitur dicas oportet ventum qui apud Ari-

stotelem est exhalatio, permeare phialas omnes, quod etiam aeri permittendum est: sed qui hoc conceder, nã ille Hyperphialus Peripateticis videri possit. **CHAR.** Dicemus subtiliores exhalationum partes introduci non minus commodè quàm vestrum frigus, deinde omnia concretione neci, & contineri. **ARIST.** Sic effugium tibi honestius quãsuisti, quàm alij, qui iurant frangi omnia vasa vitrea obstructa, dum aqua in eis congelat, ipsamque glaciem concretam dicunt minori spatio, quàm ubi soluta est, comprehendì. Franguntur quidem ut plurimum vasa, atque etiam lapides, non tamen semper, eò quòd plura corpuscula, quàm locus capiat, introferuntur, non quòd astringantur, ut illi putant, ita enim non dissilirent, sed magis in unum compingerentur. **CHAR.** Oportet igitur fingere rursus corpuscula quæ lapidibus, & aquis se intromittant maiori impetu naturalis amicitia, quàm sit lapidum & vasorum durities ad fissionem impediendam, ut ante dicebas ad calorem ignis conclusi multa forinsecus aduolare, quæ vesicas, castaneas, dolia, & terram ipsam dirumperent: quasi verò non sit maior vis in corporibus ad huiusmodi turbulentos hospites non admittendos, quàm istorum ad violentam irruptionem. **ARIST.** Tenuitas forte tanta est, ut vincere nequeat lapidum duritatem? Tenues certè fateberis esse vapores qui sunt in aere, ubi tamen austro flante subeunt rudentem, cui lapis mille librarum, si vis, appensus est, rudens contrahitur, tumidior quidem, sed breuior, ac proinde lapis attollitur, idque a vaporibus tenuissimis, quod, puto, non minus operosum est, quàm vitrum aut vesicam dirumpere. Proposueram mihi demonstrandum solum calorem, & frigus esse substantias, ut palam esset quid de alijs qualitatibus opinari debeamus, sed quia de vaporibus humidis sermo incidit, adiungam etiam humorem, & siccitatem. Nullam esse qualitatem quæ substantia non sit, hoc argumento communi suaderi potest, quòd sibi similem non producant absque corporis cui inhaerent diminutione, cum tamen ex vestro modo agendi materia formetur citra efficientis, ut ita dicam, deformationem. Sic ignes nostri diffunduntur quoquoersum materia collabente ea proportionem qua calefaciunt & illuminant. Neque Solem mihi asserri velim qui nisi reuocatione perpetua luminis se reficeret, non minus, quàm nitedula deficeret. De frigore quo non tantum aqua congelata intumescit, sed etiam manus, non minus esset conspicuum si oculis videri posset. Sed de humore & siccitate ita clarum est, ut nihil omnino videatur humectari absque corporis humidi receptione, nihil ficcari absque eiusdem expulsionem. Habe si vis ampullam aqua plenam iuxta puluerem, & corpora quæ humorem maximè trahunt, decimo post anno nihil reperies ficciorem aquam, aut puluerem humidiorum. **CHAR.** Ne dicas nihilo, sed potius valde parum; habent enim hæ duæ qualitates parum efficientia, unde patiendi vim tribuit eis Aristoteles potius, quàm agendi, agunt nihilominus sed remississimè. Patet in salibus concretis quos in ampulla vitrea diligenter occlusa, & ad caminum appensa chirurgi asseruant, nam in locis humidis colliquescent, quod indicio est extrinsecus affici qualitate illa & vi humectandi, neque enim facile credam humidum corpus illuc ingredi. **ARIST.** Quid opus est vobis ingressu corporis humidi, quibus



bus aer humidus est in summo gradu? Antiqui verò dicunt in corporibus aereis inesse vapores aqueos, unde fit ut sal remotus ab igne cuius permistione concreuerat, suscipiat per vitri meatus alia corpuscula quæ non prohibent eius a vaporibus dissolutionem. Quod fieri etiam credibile est in puluisculo quo utimur ad horas dimetiendas, adhærescit enim subinde humido coelo, quoniam tunc vis maior est vaporum ad puluerem conglutinandum, quam caloris ad separandum, maximè verò si puluis ille non est crebris aquis ablutus & exsiccatus, ut salis portio quantum fieri potest auferatur, ne humescens multa pulueris grana secum annectat. Sed vos adornate saltem aliquod rationis simulacrum quo satisfiat quærentibus cur aer summè humidus desiccet ea quæ suspenduntur, nec vnquam humectat nisi vaporibus aqueis sit refertus? CHA R. Desiccet ob exhalationes terreas, non humectat ob tenuitatem. A R I S T. Videamus primùm de tenuitate; aeri non officit tenuitas ad refrigerandam aquam, ita ut in glaciem concreascet, non potest ergo prohibere quin humectet. CHA R. Refrigerat ob vapores alienos quos in se habet, tenuitas autem est ipsi propria. A R I S T. Considerabimus alibi an vapores possint esse in aere natura sua calido frigidiores, quam sit aqua in proprio loco; studeo tantùm ex te audire cur tenuitas impedit aerem ne tenuiter saltem humectet, non impedit autem vapores qui non minus videntur tenues ipso aere? CHA R. Sunt tamen, & si non videntur, ac propterea corporibus melius adhærent, ut ante dicebas de ru-dente, qui turgescit a vaporibus quos combibit. A R I S T. Sed hoc demonstrat humorem quem qualitatem appellatis esse substantiam, quia nunquam corpus afficit nisi substantiæ alicuius adhæsiōe. Audi confessionem Aristotelis 2. de anima tex. 113. Humidum, inquit, non est sine corpore, neque vñum, sed necesse est aquam esse, aut habere aquam. Quod confirmat probl. 3. 25. sect. vbi docet aerem propterea non humectari; quia non miscetur aquæ, sed super eam extat, ut pote leuior: facit igitur aquam humidiorē ipso aere: & ne dicas ibi sermonem non esse de forma, sed de vi humectandi efficienter, quam aer habet a vaporibus, audi illum rursus hoc 2. lib. de gen. t. 49. vbi definitionem humidi ostendit conuenire aquæ, non autem aeri, dum ait aquam inter simplicia corpora esse solam faciliè terminabilem, nec terram absque humido posse consistere, sed decidere instar pulueris. CHA R. Loquitur ibi de humido tenaci & ad mixtionem idoneo, quod aeris tenuitati non conuenit, aqua verò, quoniam adhæret, aptior est ad humectandum, & connectendum. A R I S T. Sit ita, dum id quod humectat agnoscamus semper esse substantiam corporibus adhærentem. Quòd verò dixisti aerem exsiccare ob terreas exhalationes, consideremus nunc modum quo id perficitur. Madidæ vestes explicatæ ad ventum aquilonarem exsiccantur, non quòd exhalationes quidquam siccitatis ibi producant, sed quòd penitus auferant aquam, qua ablata siue a vento, siue ab igne, hoc ipso vestes dicuntur sicca: siccitas ergo nihil est aliud quàm priuatio humoris, humor autem est ipsa aqua, vel aliquid referens naturam aquæ. Neque verò exhalationes illæ siccitatem in corpus humidum inducere possunt alio modo, quàm lapis, aut puluis siccissimus: at illi si centum annis sint prope

O

aquam,

aquam, non reddent illam ficciorem, nec ipsa totidem annis ebulliens in ampulla vitrea collo duobus circiter pedibus oblongo & aperto tantulum exsiccabitur, aut minuetur. Certè huiusmodi ampullam vidi aqua semiple. nam quæ post decem & octo menses ipsos remota ab igne erat omnino sic prima hora qua posita est, ignis enim permeat aquam sed non remanet, nec eam exsiccat: si verò lapis minutatim contusus, aut puluis multus iniicitur, non exsiccat quidem aquam, sed eam imbibit, atque ita permiscetur ut sæpe in vnam massam concreascit, cumque nihil aquæ cernatur amplius ea vulgo creditur esse siccata. Ita ergo tuæ exhalationes non aliter exsiccant corpus humidum, quàm aut deportando secum humorem expressum a vasis, aut se aquis vnà cum frigore sic permiscendo, ut inde glacies coalescat. Vnde omnino si vis reperire quatuor veras qualitates primas a philosophis vulgo receptas, ita ut siccitas non sit sola priuatio humoris, nec frigus caloris, dicendum est siccitatem esse terream ipsam quam vocatis exhalationem, humorem aquam, frigus spiritum tenuem huius nominis, & calorem ab igne non distingui: sic cæteras qualitates esse substantias, ut satis videtur in sapore, sono, atque odore.

## Quomodo calor, & frigus agunt, humor, & siccitas patiuntur.

.C I R C V L V S X V I.

C H A R I L A V S. A R I S T Æ V S.

**C**H A R. Tota hæc contentio dirimitur breuissima responsione, qua dicimus cum Aristotele humorem, & siccitatem adeo remissam obtinere vim effectricem, ut propterea pati dicantur potius, quàm agere hoc 2. de Gen. tex. 8. & 4. Meteor. c. 4. Porro qualitatum primarum effectio duplex est vniuoca scilicet, & æquiuoca: si de vniuoca sermo est qua producunt sibi consimiles, nulla est, quæ vim efficiendi non habeat, etiam humor atque siccitas, ut pote contraria quæ mutuò agunt & patiuntur 1. de Gen. 5 1. & hoc lib. a tex. 24. ad 26. elementa symbola facilius inuicem permutantur: ignis igitur aerem in se conuertens exsiccat humidum, non calore, cum vterque sit calidus, vnde consequens est ut sola siccitate id molliatur: similiter ignem humectat aer. Nec mireris quòd siccitas ignis ràm citò debellet aeris humidum, siccitas autem magni lapidis non exsiccet facile humorem aquæ, quam longo tempore conclusam habet, etenim hoc referendum est in aquæ crassitudinem & aeris tenuitatem. Iam si agamus de actione qualitatum æquiuoca, calor & frigus agunt quidem, sed non patiuntur, contra verò humor & siccitas, istas enim afficiunt illæ, non ut contrarias, sed ut materiam, vel potius corpus calidum & frigidum afficit seip.



## Humor, & siccitas patiuntur. Circ. XVI. 107

seipsum, quatenus est humidum & siccum, actione tamen æquiuoca: nam in misti generatione calor concoquendo, & digerendo educit partes subtiliores, & inutiles ad permissionem, frigus verò cogit, & quodammodo coagulat partes siccas cum humidis, atque illis præbet vim consistendi, ita ut tenaciter adhærescant. Humor igitur, & siccitas funguntur vice materiæ hos, & illos terminos accipiendo duritiem, mollitudinem, tenacitatem, & alias qualitates secundas a frigore, & calore productas in humido & sicco. Quoniam autem ex definitione primarum qualitatum quæ hic habetur *De qualitatibus primarum definitione.* 8. & initio 4. Meteor. clarissimè videmus duas agere, & duas pati, operæ pretium est ut eas nunc consideremus. Calor dicitur qualitas congregans ea quæ sunt similium partium, secernens vero quæ dissimilium. Frigus qualitas connectens tam ea quæ sunt similium partium, quàm dissimilium. Humor qualitas qua res difficiliter contiretur terminis proprijs, facilè alienis. Siccitas contra: Congregare autem & secernere sonat actionem, terminari verò perpeffionem: agunt igitur duæ primæ, & ultimæ duæ patiuntur. Ex quibus videre licet, ut rectè observauit Auerroes, has esse qualitatum primarum descriptiones non prout insunt elementis absolutè & secundum se consideratis, sed solùm prout veniunt ad mitionem, propterea non dixit Aristoteles calor est id quod calefacit, frigus id quod refrigerat, quoniam primæ sunt iste qualitatum effectiones, quas non minus edunt in simplicibus quàm in mistis, idcirco voluit eas definire per secundas effectiones, quæ solùm in mixtis exercentur. Ita Pomponatius 4. Meteor. & Zabar. lib. 1. de qual. elem. c. 7. Ad mitionem, inquit, requiritur calor, qui congreget partes similes elementorum, deinde frigus quod omnia connectat simul, postea humor, ut mistum terminetur, denique siccitas, ut retineat suos terminos. Sunt quidem aliæ effectiones caloris & frigoris ad mitionem necessaria, calorem enim terminat, indurat, emollit, liquefacit, extenuat, sed illæ vel sunt communes calori & frigori, vel saltem non sunt ita propriæ, ut quas attulit Aristoteles. A R I S T. Quatuor illarum qualitatum propugnacula tam male materiata videri possint, ut antiqui non dubitent ostendi sibi totidem veluti loca parum munita & propemodum ruinosa, quibus ad Peripateticam arcem expugnandam patent aditus. Maxima debilitatis indicium est qualitates illas ab Aristotele rectè definiri non potuisse, ut suspicio cuius suboriatur id esse factum, quoniam vult eas esse accidentia ex materia sua mirabiliter educta, potius quàm corpuscula tenuissima quæ tot portenta difficultatum inextricabilium auerruncarent. Auerroes hoc lib. contex. 9. ut ab ijs se expediret, dicit non esse descriptiones veras qualitatum, sed nominis explicationes: verùm oportebat, ut alio loco melius ab Aristotele definirentur, & alibi ijsdem descriptionibus non vteretur, maximè initio quarti Meteor. Ac primum quod attribuit calori congregare & secernere partes similes & dissimiles, hoc in mistis tantùm locum habet, ac verius dici poterat liquefacere pingua & indurare limosa, cum Virgilio,

*Limus ut hic durefcit, & hæc ut cera liquefcit*

*Vno eodemque igni.*

CHAR. Non tam vniuersè caloris vim & efficientiam comprehendisset.

O 2 A R I S T.



## 108 Quomodo calor, & frigus agunt,

ARIST. Quid si dixisset id quod inducit tenuitatem, & raritatem, &  
 CHARR. Non ita perfectè demonstrasset vim caloris ad mixtorum genera-  
 tionem, prius enim calore res fiunt tenues, & raræ, deinde congregantur, &  
 dirimuntur, quod ita propinquum est generationi, vt ipsam antiqui nihil  
 aliud esse dicerent. ARIST. Ijdem etiam dixerunt generationem fieri  
 raritate, & densitate. Sed vide nunc dum vis vniuersè caloris effectus com-  
 prehendere, quàm vehementer hallucinaris. Putas calore congregari si-  
 milia, secerni verò dissimilia per se, & non ex accidenti: hoc ad summum  
 in igne reperitur, non enim quicumque calor in ligno productus efficit hanc  
 congregationem, & secretionem, sed ignis tantum & quidem non in omni-  
 bus, verum in ijs quæ separata vim propriam habent vt in vnum, vel alium  
 locum deferantur. Hoc peraccommodatè declarant antiqui dum aiunt  
 ignem siue caloris exuperantiam esse vim dissoluendi valentissimam: etenim  
 ille, cum sit tenuissimus, peruens corpora, ea diuidit in particulas, qua-  
 rum coniunctionem prohibent suo interiectu, efficit primum, vt fluctuent  
 quemadmodum cernimus in aqua ebulliente, in metallis, & alijs rebus col-  
 liquefactis, deinde a grauioribus sursum depulsus leuiora quæque sibi adhæ-  
 rentia puta vapores, exhalationes & alia id genus diu comitatur, donec alia  
 deferat in media regione, alia in suprema ac tandem ad Solem euadit paucis  
 admodum corpusculis implicatus. Particulæ autem quæ ob crassitudinem  
 & grauitatem abeunti igni ita facilè non adhærent, maxima parte relin-  
 quuntur tendere quò volunt natura sua. Hinc est quòd omnibus metallis,  
 etiam auro semper aliquid decedit dum liquefiunt, ea verò proportionem qua  
 ignis abscedit particulæ seiunctæ redeunt ad eundem amplexum & concre-  
 tionem. Sic explanant antiqui quomodo ad dissolutionem non sufficit qui-  
 cumque calor, sed is qui rei particulas ita separat, vt singulæ quodam modo  
 relinquuntur suo iuri. Calori igitur attribui potest, quòd separet per se, quòd  
 verò congreget non ipsi conuenit, sed virtuti qua singulæ partes feruntur  
 huc atque illuc: si igitur partes dissimiles calore solutæ vim habent conue-  
 niendi in vnum locum, certè calor non magis congregat per se partes similes  
 quàm dissimiles: sic in tetrapharmaco seuum, pix, cera, resina colliquefacta  
 confluunt in vnum & permiscuntur, vt olim metalla collectanea in deflagra-  
 tione Corinthia. Inanissimum est quod dicitis hoc fieri ex accidenti, ita  
 enim dum lignum comburitur dicam fortuitum esse respectu caloris quòd  
 aliò cinis & aqua, aliò concedunt fumus & ignis, quæ profectò si haberent  
 causam qua in eundem locum compellerentur, bona venia caloris non mi-  
 nus eodè tenderent, quàm species tetrapharmaci. Sed præterea videte  
 quaso quàm eodè contendunt, & congregantur fumus & ignis qui toto  
 aere disperguntur. Atque vt rem conficiam alio clarissimo exemplo, subij-  
 ce ignem contusis lateribus, cineri, terræ quam chymici damnatam appel-  
 lant, & alijs id genus, calor quidem omnia permeabit, non congregabit ta-  
 men, nec secernet, quoniam nec ipse, nec illa vim habent qua in vnum locum  
 coaceruentur, si separata, aut qua aliò tendant si permista sint. Iam ille calor  
 qui in cineres & alia nihil potuit, subiectus luto, cui ferrum, lignum, lapides  
 & quæcunque vis admiscuntur, omnia congregat & indurat, quod frigori  
 pro-




proprium dicebatur : quare prouidentius dixeritis cum antiquis calorem esse substantiam alias omnes validissimè separantem. CHAR. Ob huiusmodi ferè difficultates Buccaferreus, & Pomponatius putant illud congregare, & secernere non semper conuenire calori, sed vt plurimum, quod satis est ad veritatem definitionis comprobendam : magis tamen consideratè dictum videtur oriri hæc omnia impedimenta ex accidenti. Neque tui antiqui leuioribus argumentis incessentur dum caloris naturam definiunt partium validissimam separatricem, quippe illi lateres contusi & cineres longè citius aqua, vel oleo diluentur & secernentur, quàm vlllo igne. A R I S T. Immo separabuntur in partes tanto crassiores, quanto igne crassiora sunt oleum, & aqua. CHAR. Vellem vt antiqui antiquo more, nimirum tractatione ferri candentis, fidem facerent calorem & ignem esse vnum, antequam me in suam sententiam pertraherent. Equidem non negauerim in meatibus ferri candentis subesse ignem, oculis enim ipsis conspicuus est : verùm enim vero postquam aliò concessit ille fulgor qui cernebatur, contendendo remanere solum calorem : nam si calor & ignis idem sunt, plus ignis in ferro huiusmodi videri deberet, quàm in lucerna, vel nitedula. A R I S T. Admirabile planè & diuinum est naturæ opus in molitione illius ignis, qui flamma dicitur. Fit autem concursu igneorum corpusculorum, quæ dum amisto separantur coeunt in vnâ pyramidem, & quoquouersum incomprehensa velocitate diffunduntur in radios siue lumen, quod fieri necesse est quotiescunque flamma apparet. In ferro autem vbi candens esse desinit, non formatur amplius illa pyramis, ob multitudinem aliorum corpusculorum ipso iam igne confertiorum, ac proinde interiectu suo pyramidis coitum prohibentium, quemadmodum videmus flammam impediri a fumo, & absque flamma comburi ligna : neque refert quòd fumum cernamus, non autem tenuès alias substantias quæ a corporibus solidis exeunt, exire enim argumento est tum ferri ac lapidum & aliorum igne ardentium diminutio, tum varij colores apparentes in ipsorum flammis, quæ si essent puræ non iam rubræ, cæruleæ, virides, sed potius instar Solis conspicerentur. Vt & aliud experimentum quo suaderi possit calorem esse ignem, qui sensus ferit. Aspicere clara luce cineres calidissimos carbonibus iam planè consumptis, senties quidem calidos, nec tamen eos mouendo videbis ignem, at si eosdem moues in tenebris, ignis erit conspicuus, vt reuera est qui prius calor dicebatur. Quòd miraris ardere nitedulas & non consumi, neque sentiri calorem vllum ab ijs quæ similiter noctu collucent, verisimile est vel esse lumen specie distinctum, vel vnâ cum igne tenui, raroque manare frigus quibus tactus æqualiter affectus neutrum discernit, ob ignis verò tenuitatem parum collabi lucidum corpus, vt videmus in odoriferis ; præterquam quòd saltem in viuentibus igniculus ille potest instaurari aliquo modo. Ita dicendo calorem, flammam, & lumen esse eandem substantiam ignis, licet modis aliquibus discriminatam, ostendi videtur cur aliqua impendiò calida minimè luceant, alia verò luceant absque calore, & cur multa exeuntia a ferro calido impediunt sensum luminis, in nitedulis verò non impediunt.

## De frigore.

C I R C V L V S X V I I .

C H A R I L A V S . A R I S T Æ V S .



**H** A R. Vobis hæ rationes solidæ, alijs videntur delirationes. Proinde habete vobis Platonis ignem flammam, ignem lumen, ignem carbonem. Non equidem inuideo, miror magis. Veniamus ac frigus quod congregat tam ea quæ sunt similium partium, quàm dissimilium, id est quod omnia constipat, connectitque tam similia, quàm dissimilia, ut patet in aqua permista lapillis, folijs & alijs rebus, hæc enim omnia constringit frigus. **A R I S T.** Multa hîc sub acumen acrioris iudicij reuocanda sunt, quòd frigus constringat, quòd constringat omnia, quòd sit qualitas. Ac primum illud quod astringitur iuxta modum vestrum condensationis deberet occupare minorem locum citra vllius substantiæ accessionem aut decessionem: cum igitur supra concesseris in rebus congelatis exhalationes terreas accedere quibus intumescat aqua, & altius assurgat in glaciem concreta, quàm soluta, non potes dicere aquam congelatam magis constringi, quàm cum in eam coniecto puluere sit argilla densior, aut farina conspersa panis efficitur: hoc autem non est compingi in arctiorem locum, ut fingitis, sed potius conglutinari, nam singulæ partes non minus occupant loci coniunctæ inuicem, quàm diremptæ, verùm hoc habent quòd permista minutatim humidæ siccis inuicem adhærescunt tenacissimè. Porro hæc tenacitas magis ab humore procedit, quàm a frigore: videmus enim humorem cum diuersis substantijs concreescere, frigus vero cum solo humore. Sint, ut ante dixi, cineres, sal, puluis, & alia sicca, nunquam ea frigus absque humore simul connectet, tota igitur vis congregandi quam frigori attribuitis, est humidis rebus permisceri, & concreescere simul in vnam massam, quod tamen in humorem magis quàm in calorem, aut frigus refundi debet.

**C H A R.** Humoris quidem est necere, sed tanquam glutinis, cui propterea tribuimus vim patiendi, calori verò, & frigori efficiendi. **A R I S T.** Videte porro quàm nulla sit efficientia caloris & frigoris in concretione siccæ cum humido: puluis humori permistus concreescit, & glutinatur in loco calido vbi nihil est frigoris, & in frigido vbi nihil caloris, neutrum igitur ad concretionem est necessarium. Dices alterutrum saltem requiri: quid si abesset omnino calor & frigus, a farina, gypso, calce, arena, putas si aquæ commisceantur non compactum iri in massam solidam? eam tamen videmus fieri ex omnibus his rebus teporatis, quod perinde est atque si abesset calor & frigus, nam ille secundum vos secernit dissimilia, & sic prohibet coniunctionem gypsi, & aquæ, hoc verò congregat similia ac dissimilia, sicque



que molitur connexionem aquæ, & gypsi, neutrum igitur vincet æquis viribus depugnando, & nisi valde calefiant, aut refrigerentur gypsum & aqua; nunquam concreſcent, o præclara philoſophiæ veſtræ experimenta. !

**C H A R.** Non eſt ea difficultas quam tibi fingis, ſiquidem etiam ex temperie caloris & frigoris oriri poteſt actio, qua in materia humida & ſicca producantur ſecundæ qualitates ad eam concretionem neceſſariæ. Quod verò probas exemplo pulueris atque cinerum nihil conſtringi frigore & calore abſque humido, id maximè conſentaneum eſt doctrinæ noſtræ, qua dicimus humidum & ſiccum eſſe materiam in quam calidum & frigidum actione æquiudca ſecundas inducunt qualitates duritiam ſcilicet aut mollitudinem, vt mirum non ſit defectu materiæ humidæ nihil produci. **A R I S T.** Oportuit igitur dicere frigus eſſe id quod congregat omnia modò non deſit humoris glutinamentum, & oſtendere ſiccum & humidum non poſſe concreſcere ſine frigore, denique frigus ipſum eſſe qualitatem, non autem ſubſtantiam tenuem, vt docent antiqui, cuius interuentu concreſcit aqua perinde ac quando ex illa & gypſo fit vna maſſa. Ex ipſorum principijs habemus ſubſtantias primas & ſimplices omnes eſſe liquidas, vt ex ſingularum mobilitate facilè veniatur ad permiſſionem; quanquam autem ſunt omnes liquidæ natura ſua, non repugnat alias eſſe humidas, vel potius humorem ipſum, alias ſiccas, aut ſi mauis dicere ſiccitatem, modò ſicci nomine non intelligas lurum & ſolidum, ſed tantum id quod opponitur humori licet humore non it minus liquidum, ſicuti videmus ſales liquidos exſiccandi vim magnam habere, fluere tamen inſtar humoris; non quò putem ſales iſtos eſſe omnino ſimplices & abſque humore, ſed exempli cauſſa ponere volui, quia ad ſiccitatem primam maximè accedunt. Ita dicendum eſt alias eſſe calidas, hoc eſt ignem ipſum, ſiue calorem, alias frigidas, quas nihil prohibet vocari frigidas. Has quatuor ſubſtantias ne communi modo loquendi repugnemus, appellare poſſumus qualitates: ſed quemadmodum ipſis ſenſibus aduerſareur qui eas omnino negaret, ita temerariuſ videri poſſit, quicumque immenſam vniuerſitatem ſuis ſenſibus metiri volens, ipſas omnium primas ſic eſſe utat, vt cæteræ ab ijs deriuentur. Sapientius antiqui cum præter quinque ſenſus cognitos non dubitent alios innumerabiles nobis latere, ſic arbitrantur infinitas eſſe ſubſtantias quæ alios ſenſus afficiant modis planè diuerſis. Quinetiam extra dubitationem videri debet ſenſibus noſtris non vnum eſſe calorem & vnum frigus, non vnum humorem, & ſiccitatem, ſed multa repetiri ſpecie diuerſa, quæ eadem videntur ſenſibus noſtris. Quam multa non ſunt ignis, quæ quoniam incurrunt in ſenſum ferè eodem modo, pro igne habentur; ita venena quædam calorem imitantur, alia frigus. Senſus non eſt legitimus arbiter & æquus iudex, an omnia quibus afficitur ſimiliter ſint eodem ſpecie. Vidi adoleſcentem nudum a ſocijs vi correptum atque immiſſum in dolium tenuiſſimis reſertum plumis, eiulantem quòd ſe aquis immerſum crederet, ita vt inde poſtea eductus linteis ſe magno omnium riſu abſorgeret. Alter glande plumbea ſclopæ militaris appetitus trabem ſibi in ameros decidiffe arbitrabatur, frigida ioculariter perſuſus, ferri veluti frigore conſternatus, ac planè exanimatus occubuit. Quanto magis ergo alia

ſub.

substantiæ diuersæ quidem, sed virtutibus sibi affines multa sensibus nostris ementiuntur. Atque ut ad frigus tandem reuertar illud quod verè sentimus, est substantia tenuis & liquida rebus solidis quoquouersum per meatus sese insinuans, liquidis verò eo modo quo alia liquida permiscentur. Ad definitionem frigoris & aliarum qualitatū nihil attinet adiungere ea omnia quæ ponit Aristoteles: siue enim velis definire qualitates secundum se, cum nihil sit notius ipso sensu quem efficiunt, satis est dicere calorem esse substantiam simplicem efficientem sensum rei calidæ, frigus frigidæ, & sic de alijs siue eas definire velis quatenus sunt principia permissionis, circumscribenda sunt per effectus quosque notissimos, ut si dicas calorem esse principium rerum violenter dissoluendarum potentissimum: nihil est enim quod citius igne res peruadat, & diuidat in particulas tenuissimas, quod verò diuisa congregentur aut separentur, iam hoc ad calorem non pertinet, ut ostendimus clavis exemplis. Quare verius dixeris calorem esse id quod limum indurat, liquat autem ea quæ frigore concreuerunt, puta glaciem, ceram, metalla, ut etiam notat Aristoteles: frigus verò esse id quod affatim permistum aquis sic eas indurat ut perluceant & calore modico dissoluantur.

CHARR. Satis est nobis non posse melius describi, quam habemus ab Aristotele, & qui aliter senserit difficilioribus laqueis irretiri. Dicant alii frigus esse substantiam qua congelant aquæ & contenti sint hoc vno effectū, quæritur an frigus solum id efficiat? si solum, frustra alia corpuscula sic ca excogitantur, si cum alijs assignare oportet quænam, & vnde ea sint.

ARIST. Vix ullam ex primis & simplicibus substantijs credibile est vnam quam seorsim ferri, sed semper aliam habere sibi adiunctam & adhaerentem alioquin in ignibus tot colores non videremus, nec nos modis tam diuersi morderet frigus. Hoc igitur nisi permistum siccis exhalationibus subire aquam, frigidam efficeret, non glaciatam. De causis autem satis sit in præsentia dixisse si quis antiperistasin tueri velit, appulsu caloris æstiuæ concedendum esse frigori ad plagas remotiores a solstitijs, cum enim copiosus ignis tunc affluat nulla substantia commodius potest se subducere, quam quæ tenuis est & contraria: recedit igitur pars aliqua frigoris, quæ sub hyemem longo quasi postliminio inde remigrans vi præcipue ventorum diffunditur. Et verò si alicui non probatur accessus ille & recessus, dicat idem frigus absente calore videri acrius, & vento quidem septentrionali spiritur deferri per frigidum, nihilominus eundem ventum esse qui glaciatur aquar hyeme, & leuiter æstate nos refrigerat.

CHARR. Multa alia vobis præterea somnanda sunt, quomodo tenuissima substantia frigoris permiscetur aquis grauioribus. Supra referebas problema Aristotelis, aerem ab aqua non humectari, quia leuior est, ac proinde non immergitur, quanto magis in frigori conuenit, si substantia est. Fingite vi aliqua detrudi sub aquas, longè velocius quam aer propelleretur, ita ut in aquis stagnantibus quæ altissimi omnium congelant, superficies summa quæ frigore contingitur sola con crescat. Neque solum ab aqua verum etiam ab aere crassiori sursum pellitur frigus & quod dixisti de reditu caloris ad Solem, idem comminisci debet de regressu frigoris ad Iudæum qui est in Luna.

ARIST. Non recede



rem a sententia iuniorum quorundam Peripateticorum qui cum a magistro non acceperint unde sit ut aer aquam glaciet, cum sit natura calidus, nec quidquam habeat frigoris nisi ab aqua, frigus illud aeris influere volunt a coelo. Quanquam ego a stellis una cum lumine dixerim multorum ad nos appulsum fieri corpusculorum, probabilius tamen puto frigus esse proprium huic globo terrestri, & consistere posse in aere, terra, & aqua. Est quidem longe tenuius, nihilominus propter cognationem, & consensum quem habet cum multis substantiis, maxime vero cum aqua, ubique illa reperitur, facile adhaereat, torique corpori circumfunditur tam arcte, ut non nisi multo calore subeunte se subtrahat. Hoc videri non debet admirabilius, quam salem aqua grauiorem ipsi tamen aequabiliter permisceri. Cum igitur aqua sit in terra & in aere multi vapores, hinc est quod frigus in hac omnia loca decumbit, in corpora vero solida se per meatus insinuat quos etiam fatendum est in glacie fieri, alioqui lumen non posset eam permeare. Ijs admissis vos quoque potestis commodius explicare, cur aquam maiorem locum occupat glaciat, quam soluta, & cur glacies aquis innatat, nimirum ob tenues spiritus una cum frigore subeuntas. Quomodo autem frigus se aquae commisceat, praeter causam iam allatam adiungi potest aquae mobilitas, qua singulae partes sine sensu locum permutant, & tenuissimas qualitates substantias secum deportant quod maxime necesse est interuenire quando radijs corporis lucidi percutiuntur, ut in aere concluso demonstrauimus. Hinc ratio petenda est cur fundum aquae altioris, quod se pisces recipiunt hyeme sit minus frigidum, atque ut vno verbo dicamus ablatis ijs substantiis quas primas qualitates nuncupatis, nihil erit amplius calidum, frigidum, humidum, siccum. Si huiusmodi haberetur aqua vel terra, minus calida non sentiret eam frigidam, neque frigida calidam, sed vix accideret potest ut alterum absit contrarium. Si confertus sit calor absque frigore vocatur summus, temperatus vero potest esse duobus modis, primo si minus sit confertus & absque frigore, altero si multus quidem, sed cum frigore equali reperitur; ceterarum qualitatum eadem est ratio. Probabiliter hic aliquis tueri posset dari tantummodo calidum, atque humidum, reliquas substantias priuatione sola frigidas aut siccas appellari, idque magis ut minus pro calore, & humore quem habent in se. Quod intelligendum est ea ratione, ut quaedam substantia simplex sit calida tantum; proinde sic priuatione humidi, alia humida tantum, & sic frigida priuatione calidi, alia calida simul atque humida, sed tamen natura simplex, virtute multiplex, alia denique nec calida, nec humida, sed vtriusque priuatione frigida & sicca. Rursus diuersae species istarum omnium tam simplicium, quam compositarum, ut qui diceret calores ignis & arsenici esse substantias simplices calidas & siccas specie diuersas, spiritus autem quosdam simplices esse calores humidos & distinctae speciei, calores vero qui ex his, & similibus varie permixtis oriuntur, esse compositos, & inde fieri quas vocatis qualitates secundas, aut virtuales, aut occultas innumerabiles. Si quare aliquis vnde aequilo sentitur vere frigidus, cum frigus nihil aliud sit quam substantia caloris expers; respondent vehementer refrigerescere quidquid afflatur ab illo



spiritu, quoniam rei, quam permeat calorem longè depellit: unde etiam con-  
tactu sentitur glaciès frigidissima, eò quòd immittens affatim spiritus  
huiusmodi, calorem aufert, cuius abscessus & penuria efficit in animalibu  
sensum frigoris. Hanc contrariorum viam compendiosam tenere non pe-  
restis, propter qualitates quas gradatim acquiri vultis: verebaris enim sup-  
ne si frigus esset sola priuatio, summus calor repentè manum adoriretur, i  
qua nihil contrarij sibi frigoris reperiret. In antiquos verò non cadit ha-  
reformatio, calorem enim & humor cum sint substantiæ, quantumuis ab-  
verum contrarium, non tamen puncto temporis recedunt a corpore, aut  
illud introferuntur, sed mora aliqua opus habent. Ex quo etiam videre li-  
cet quam ad omnia sit opportunior & accommodatior antiquorum philo-  
sophia, ex cuius principijs appulsus ille contrariarum qualitatum inexplic-  
abilis eurtatur; quòd si eas quatuor propter communem sensum, cui pluri-  
tum concedendum est, recipiamus, modò illæ sint substantiæ, vidisti quàm  
explicatius omnes difficultates enodantur: sic enim dicemus aquam, mat-  
mor, aut aliud corpus caloris expers sentiri frigidum, eò quòd aliquid ex  
profundit quod caloris expulsi locum occupat, at vbi substantia veri frigoris  
adiungitur aquæ, aut matmori, sensus afficitur longè vehementius, vtpot  
caloris abscessu & priuatione, deinde ipsius frigoris acerbitate.

## De humido, sicco, liquido, & duro.

CIRCVLVVS XVIII.

CHARILAVS. ARISTÆVS.



**H**AR. Si quid haberes hic quòd liqueret, non is sum qui stantem  
ad ostium non admitterem vltro veritatem, nunc autem video  
potius dubitationum fluctibus agitatam, quàm certi aliquid de  
qualitatibus primis demonstrantem: sed quanquam fastidiosum  
reieceris calidi, & frigidi definitiones, audire habeo quid sentias de hum-  
do, quod caret terminis proprijs, aptum terminari alienis, quid de sicco  
quod contrariam habet omnino terminationem. Nolle hic apponen-  
subrancidum nescio quid de igne, qui facile suscipit omnes terminos, cum  
tamen sit expers humoris: neque placet Philoponus, Buccaferrens, & Pon-  
ponatius qui dicunt ignem habere pyramidis terminos proprios, & propt-  
erea non facile se ad fornacem accommodare: nam hæc pyramis non mag-  
conuenit igni sursum nitenti, quàm aquæ deorsum proiectæ, vtrunque i  
pyramidem terminatur ex accidenti, per se enim elementa nullam postula-  
certam figuram. Optima est responsio communis, ignem non vt siccum  
sed vt tenuem alienis facile claudi terminis, propterea enim tenue reducit  
ad humidum hic tex. 10. ARIST. Non video igitur cur magis definitur



ur humor, quàm tenuitas, qua non modò ignis, sed etiam terrestres exhalatio nihil habens humoris ad omnium rerum terminos se accommodat, quod non minus præstaret substantia coelestis si tenuis esset. Reducere autem reue ad humidum, est fateri vtrique convenire definitionem humidi & siccip, & proinde vitiosam esse. Deinde quomodo siccum facile proprijs terminis circumscribitur, tex. 49. terra inquit, consistere non potest sine humido quod partes continet: nam si auferatur ab illa humidum, statim decideret, ac propterea docet ibidem aquam omnium corporum simplicium facillimam habere terminationem, obliis hoc convenire potius aeri summe humido.

**H A R.** Tu verò memineris obliuionum non fuisse Aristotelem, dum hanc facillimam terminationem ascribit aquæ prout miscetur siccis ad terminatam aliquam concretionem efficiendam, non autem prout aqua secundum se & citra mitionem consideratur. Quare si non satisfacit tibi prior responsio, hanc accipe, quæ est Averrois initio Epitomes in 4. Meteor. describi qualitates ab Aristotele non ut competunt elementis secundum se consideratis, sed prout veniunt in mitionem, ita enim loquetur tantum de humido quoque, ut videtur tex. illo 49. quoniam illud solum est quod sicco adhaerens terminatur, id verò non præstat humor aeris licet summus, neque tenuitas ignis & terrestrium exhalationum. Similiter siccum terreum erit illud de quo loquitur hic Aristoteles tanquam maxime necessario ad mitionem, nam in eodem humido facile consistit proprijs limitibus, quæ stabilitas ab ipso ortus oritur, quàm ab humido, cuius natura planè fluctuans est & instabilis.

**A R I S T.** Sustinebam me iamdudum & præstolabar tuo Averrois, ut ab ipso audiremus Aristotelem nusquam definiisse qualitates primas universè, quod philosopho tamen præstandum erat, si fieri potuit. Sed unde hoc oriri putamus ut aliter definire non potuerit humidum & siccum, nisi quoniam humor ab humido non distinguitur, & siccitas ab eo quod dicitur siccum, ita ut non querenda sit alia causa cur aqua connectit res siccas, quàm via est aqua. Quod verò idem possit esse liquidum & siccum iuxta antiquos, qui dicunt omnes substantias primas esse liquidas, ostendi potest etiam confessione Aristotelis, dum illo tex. 49. ait fore ut terra statim decideret absque humido. Consideremus substantiam aliquam simplicem humoris penitus expertem, quæ sit in sphaeram conformata, quæro quousque decideret, respondebis fore tandem instar cineris; sed istius pulveris accipio particulam, quæ cum humore nullo contineatur, decidere debet, atque ita infirè decidendo frangetur vsque ad puncta planè individua, ex punctis ergo siccum non minus quàm humidum componebatur, ac proinde non erit minus liquidum, quod etiam in igne sicco videre licet: nam liquidum est corpus cuius principia tenaciter sibi inuicem non adhaerent, unde fit ut singule partes facile fluant, & vltro citroque reciprocentur. Ex quibus facile est intelligere cineres atque pulverem tenuissimum humore mitionis non continere quo particule colligantur, alioqui perinde ac aer, & aqua fluctuarent partes ac miscerentur. Sed quanquam tenacitas particularum, ex qua ducties oritur maior, aut minor, provenit ex humore aqueo, nemo est tanquam non videat peres diversas species substantiarum humore tinctarum fieri



concretiones longè diuersas, atque ita non sufficere siccum terreum & igneum, vt cum humido aqueo & aereo innumerabiles efficiant rerum naturas, sed longè pluribus substantijs simplicibus opus esse. Alia est tenacitas pinguium, alia lapidum, alia metallorum, quare videtur consentaneum vt humido aqueo adiungantur plura simplicia corpora quæ carnem, oleum, lignum & alia innumera coagmentent. Hoc tantum Aristoteli concedi potest ex humore aqueo permixto igni & corpusculis alijs infinitis procedentibus omnes quas appellatis qualitates enumeratas hic tex. 9. & 4. Meteor. c. 8. sed tamen præter hunc humorem aqueum necesse est dari multos alios humores simplices specie diuersos. Consideratione porro philosophica dignissimum est vnde fit vt cum ab aqua variè substantiæ adamantis, ferri, silicis tam tenacem ac pene indissolubilem habeant particularum adhesionem, ipsius tamen aquæ partes inter se tam parum tenaciter adhærescant. Hoc certè referendum est in rei naturam quæ seipsa talis est, vt eius principia minus inter se cohareant, quàm cum alijs, vt videmus ex stanno molli & argento simul liquatis concrefcere massam longè durissimam. Vnde mirari subit cur Aristoteles non vult vt terræ puræ partes sibi adhæreant aliquo modo, vt fit in aqua, sapè non est verisimile eam a philosopho negari terræ adhesionem alioquin, vt dixi in puncta mathematica suo pondere resolveretur, sed vel tantum absque interuentu humidi aquæ in multis nullam obtineri soliditatem. Hic audirem libenter a Peripateticis quid sit continuum, nec referam velim illud esse cuius est vna quantitas, maiorem enim incessit me dubitationem quid sibi velit vna quantitas, profectò non est tenacior quarumcunque partium adhesio, alioqui pix crystallo, ramus ficcus trunco viridi, & aurum cum argento colliquefactum essent continua: non est habere eandem formam substantialem, nemo enim dicat ossa ac carnem animalis esse continua nisi sentiat idem de toto mundo: sed nullus eò dementiae progressus est, in quiebat Aristoteles superiore libro tex. 59. vt ignem vnum esse existimet & glaciem, quod philosophi dictum tam secundum quantitatem, quàm substantiam accipiendum est: oportet tamen esse magnum discrimen inter continuum & contiguum, quod afferre vix potuissis vbi agebamus de accretione, at ex antiquorum doctrina facili negotio responderetur solas simplices substantias eiusdem speciei, quarum partes aliæ alijs adhærent aqua bilite esse continuas inter se, si propriè loqui velimus, ceteras verò specie diuersas esse contiguas, quantumvis tenacius sibi adhæreant. CH A R. De his satis disceptatum est secunda parte: nunc verò nihil aliud reponam ijs omnibus quæ de humido & sicco protulisti, nisi vt constantia memineris, mox enim videris admittere frigidum & siccum esse veras qualitates, modò solas priuationes: Deinde calorem ignis, & humorem aqueum sufficere, rursum alia calida atque humida nobis obtrudis: aliquando meministi corpusculorum ita vt assæcla videaris opinionis Democriteæ, nunc eadem vocas substantias primas simplices ac liquidas, vt quid tibi defendendum proposueris non facile perspiciatur, & vel ex eo considei possit veritatis esse parum vbi periculum est similitudinis. A R I S T. Non tibi opinor inconstantia nominis suspectus essem, si memoria replicares non aliò pertinere nostram hanc inage-

*Quid sit continuum.*



nuam, & liberam disputationem, nisi ut videamus an ex omnium antiquorum placitis aliquod doctrinæ præsidium confici possit, quod Aristoteles non infirmet ac labefactet. Quare ut a communi sensu minus recederem, admisi quatuor genera substantiarum quæ qualitatibus munere defungerentur, licet ad calidum & humidum reduci possint, nam quod de frigido & sicco dices, totum ascribetur priuationi, ita ut nihil aliud sint quàm substantiæ calido vel humido destitutæ. Quod verò plures calidi & humidi dentur species, fateri debent qui rerum admittunt infinitatem, vix enim credibile est vniuersitatem nihil aliud habere, quo sensum efficiat calidi & humidi præter ignem hunc & aquam quibus utimur, quin potius dicant alium omnino esse calorem atque humorem, quo viuant & constent ex substantiæ quæ ab antiquis dæmones nuncupabantur, siue constent atomis Democriteis, siue corporibus continuis absque vacuo, iuxta hypothesim quam primò assumpsi, & a qua non recedo, nisi ut ostendam interdum Aristotelem non magis sapere, quàm Democritum. Solùm videndum est quid congruenter dicendum sit de frigido & sicco, si nihil aliud sunt, quàm priuationes. Imprimis solo caloris abscessu fiet refrigeratio, quæ tamen ad aquam congelandam non sufficiet, nisi accedat permixtio terrestrium exhalationum, sic enim libet vocare corpus humoris & caloris experts, cuius species sunt innumerabiles. Ad alias concretiones efficiendas non est necessarium ut absit calor, sed satis est humidis misceri sicca, ut gypsum aquæ. Sicca verò reddentur omnia duobus modis, nempe vel huiusmodi terrestribus corpusculis affatim humorem permeantibus, quo sensu Aristoteles hic tex. 13. siccum esse ait quod congelatur: vel ipsius humoris abscessione, ita ut remaneant solæ substantiæ quæ nihil aliud sunt quàm ipsa siccitas. Ex quibus tandem conficio rectè Auerroem intellexisse definitiones humidi & sicci, ut humidum sit id quod connectit, siccum verò quod connectitur, sed malè quod vtrunque negat esse substantiam. Conficio præterea cæteras qualitates distingui debere a substantijs sola ratione, neque aliter fieri a quatuor primis, quàm quia ad istarum mutationem illæ ut plurimum aliter sensum afficiunt, & verè si propius rem introspiciamus, videbimus qualitates esse substantias hominibus quibusdam significatas: grauem & leuem, quæ natura sua magis aut minus fortiter ad terram fertur, asperam & lauem, cuius partes inæqualiter fixæ sunt, vel æqualiter; duram & mollem cuius individua principia arctissimè hærent inuicem, vel parum firmè; lubricam, & aridam, quæ reduci possunt ad speciem humidi, & sicci, & sic de alijs quæ pertinent ad alios sensus, cuiusmodi sunt odor, sapor, color, & sonus. CH A R. Ita quidem subterfugitis difficultatem de causis primarum qualitatibus afferendis, dum eas dicitis esse substantias æternas coniunctioni, & separationi tantum subiectas, non est tamen ea difficultas ut propterea detrectare certamen velle videamur. A R I S T. Congredere igitur quantum voles ad ea defendenda, quæ affert Aristoteles 1. Meteor. sum. 1. c. 4. illa enim apud me multò videntur desperatiora, quàm quæ de qualitatibus definitionibus iam attulimus. Quam enim interpretatior em recipiet, quod ait vniuersam hanc inferioris mundi materiam esse potestate & calidam, & frigidam, & humidam,

&amp; sic.

*De causis  
primarum  
qualitatū.*



& siccam, actu verò a motu, & immobilitate talem fieri? **CHAR.** Fateor explodendam esse Græcorum interpretationem, qui id non de motu cœli intelligunt, sed de motu proprio quo elementa fiunt talia, vt sensus sit ex frigido aliquid fieri calidum ea mutatione, qua acquirit calorem: sed hæc doctrina ridicula est, & indigna Aristotele, qui comparat hic totam mundi materiam cum cœlo efficiente a cuius motu in circulum & ab eiusdem priuatione omnium deducit ortum & interitum. Nec magis audiendi sunt qui comminiscuntur duas in elementis qualitates, vnā propriam & naturalem, alteram aduentitiā quæ cœlesti motu communicatur. Nam vt legenti conspicuum est Aristoteles nullam ibi qualitatem agnoscit in elementis nisi quam recipiunt a cœli motu, & ab eius priuatione. Propius veritatem collineauit Ioan. Pic. Mirand. lib. 3. contra Altr. c. 4. vbi docet cœlum esse proximā causā per se folius caloris, cæterarum verò qualitatū esse causā vniuersalem: quod accipiendum est eo sensu, vt cœlum motu & calore sit causā totius ordinis, & pulchritudinis, quæ cernitur in hoc orbe inferiori, tam in ortu rerum quā interitu; quare si ignis calefacit, si aqua refrigerat, id cœlo acceptum referendum est: similiter & quod desiccet, atque humectet, id efficit ob formā, quam a cœlo expressit diuersā prout a motu illo in orbem, vel eius priuatione variè afficitur. Ita non repugnat easdem qualitates elementis naturales esse a cœlo, vt pote sic congruentes eorum formis, vt si actione contrarij reuiores sint, eo amoto rursus emanent ab elementis. Qui aliter explanant locum illum Aristotelis, edisserant ipsi quomodo humidum, & siccum in elementis producantur a cœlo motu in orbem. **ARIST.** Si mirifica illa emanatione qualitates suppressæ rursus emergunt ab elementis, fiunt ab ipsorum formis, & non a cœlo, inanis finem proinde censeretur debet, quod ait hunc mundum inferiorem esse materiam, & potentiam ad qualitates. **CHAR.** Satis est formas, quarum virtute qualitates emanant ab elementis esse a cœlo.

## De duabus qualitatibus singulorum elementorum.

C I R C V L V S X I X.

A R I S T Æ V S. C H A R I L A V S.



**ARIST.** Consideremus igitur aliud, nimirum dictum illud Aristotelis tex. 23. Vnius vnumquodque est. Terra sicci magis quā frigidi, aqua frigidi magis, quā humidi, aer humidi magis, quā calidi, ignis calidi magis, quā sicci. Quæ turbulenta dissidia inter vos oriantur ex istis verbis non ignoro, dum vnicuique elemento propriæ qualitates assignandæ sunt, non minus litigiosa concertatione, quā si  
de



de interuersa hereditate, de re agraria, de visceratione contenderetis: quas turbas omnes inde proficisci putandum est, quod mundum inferiorem quatuor duntaxat naturis simplicibus constare vultis, earumque virtutes a naturis ipsis reapse distinguitis. Antiqui verò qui rerum admittunt infinitatem, quarum vnaquæque est sua virtus, recipiunt illi quidem ea quatuor aspectabilia corpora quibus hic mundus integratur, ignem, aerem, aquam, & terram, sed ea non distinguunt ab ijs affectionibus quæ calor, humor, frigus, & siccitas vulgo dicuntur. Ignem opinantur esse calorem expertem omnis humoris, cuius priuatione non solus ipse, sed multa alia corpora vocantur sicca. Ignis ille prout varijs corpusculis implicatur, varium exhibere potest non calorem modo, sed & colorem. Si quem apud nos locum habet, maxima est eius copia in terræ visceribus, vbi licet non sit omnino purus, ita tamen confertus est, vt verè ignis dici possit: a Sole vero, vti fonte proprio permanat quoquoersum longè purior. Quidquid calidum sentitur hoc habet a permissione ignis aut alterius naturæ quæ similem aliquo modo sensum efficit. Ita frigidum dicitur vel absentia ignis, vel præsentia aliquorum quæ ultra priuationem ignis quam habent in se, eum afferunt sensum quem frigoris omnes appellant: atque ita verè dici potest ignem esse calidum magis quàm siccum. Aer autem non est humidus magis quàm calidus, nisi sumatur pro natura illa spirabili quatenus est permixtio multarum rerum, maximè verò ignis, & vaporis aquei, vnde plus humoris contrahit quàm caloris. Cætera illius seminarij corpuscula alia frigida, alia sicca vocari debent, præcipuè si sunt spiritus terrei, qui non priuatione tantum humoris, sed etiam dissidio peculiari repugnant aquæ, simul tamen iuncta facile terminantur, & arctissimam efficiunt concretionem. Quod verò aer magis siccus quàm humidus appellandus sit, manifestum est ex effectis, non modo quia siccatur res humida, sed quoniam eius attractu aqua & alia humida sese conglobant: nec alia est ratio, cur guttæ suspensæ non cadunt nisi quod aerem siccum habent circumfusum: quamuis enim partium adhesio possit aliquid, ea tamen non est vera causa cur hæreant suspensæ, nam si guttis subijciatur aliud corpus humidum, statim labuntur, nec ea colligatio quidquam obstat. Ob eandem causam circa bacillum siccum in aquam immersum aqua depressior est, apparetque cavitatis quædam, at tantillum subleuato bacillo humido sequitur aqua, & in ambitu tumorem efficit ob aeris contrariam siccitatem. Aqua non rectè dicitur magis frigida, quàm humida, cum sit humor ipse cuius accessione corpora multa sunt humida, frigida verò non est nisi vt reliqua, nimirum ignis priuatione, & maiori consensu cum tenuibus illis substantijs quæ efficiunt sensum frigoris, inter quæ fortassis ipsamet aqua destituta omni calore, sine sit crassior, siue in vaporem attenuata non minorem imprimit frigoris morsum. Denique quod terra sit magis sicca quàm frigida, verè dicitur, si terre nomine naturas illas intelligamus, quæ expertes omnis humoris, eius permissione statim concrescunt: sed illæ sunt specie innumerabiles in vasto corpore quod terræ *παρατερυία* appellabant, propterea neque terra hæc, neque aer aut aqua sunt vnum principium, sed totidem quot sunt ibi naturæ specie diuersæ.

ipsum



*De summis  
qualitatib.  
elementorū.*

ipſius nihil loquor, quid enim de eo ſentiendum ſit, iam ſatis conſtat. CHA R. Diſſenſio interpretum in explanando textu viceſimo tertio nihil officit clariffimis luminibus peripateticæ veritatis, habeamus modò delectum & quale quidque ſit expendamus. Imprimis vna manet omnium penè ſirma conſenſio vnicuique elemento naturaliter conſtituto deberi ſaltem vnā qualitatem, quæ ſummum impleat gradum ſui generis. Quoniam ſingulis qualitatibus ſua perfectio debetur in aliquo corpore naturali, quam cū obtinere non poſſint in incorruptis, quale eſt cœlum, neque in mixtis vbi reſuſæ ſunt omnes, neceſſe eſt vt eam habeant in elementis. Atque ita ſeruat pulcherrima illa diſtributio, qua numerus qualitarum reſpondet numero elementorum, dum vnicuique aſſignatur ſua peculiaris, qua a cæteriſ diſcriminetur, igni ſummus calor, humor aeri, frigus aquæ, terræ ſiccitas. A R I S T. Deformat igitur, & inquinat hanc pulchritudinem Zabarella lib. 2. de qual. elem. c. 1. nam aquæ & aeri tribuit humorem ſummum, ductuſe eo argumento, quòd humor & ſiccitas in puris elementis non poſſint eſſe reſuſiores, non enim remittitur ſiccitas niſi permiſſione aquæ, neque humor niſi recepta portione terræ, in puris igitur elementis qualitates illæ non augeſcunt, nec remittuntur, ac proinde ſumma remanent. CHA R. Vt mur Zabarella iniquiore induas illas qualitates, propterea quod non putat aquam ſiccari poſſe, neque terram humectari, niſi vtriuſque permiſſione nec tamen ei latebat mens Ariſtotelis aſſerentis elementa ſymbola facilius inuicem permutari, quoniam manet altera qualitas, altera verò a contrariis ſuperatur, ita vt dum mutatur aer in ignem oporteat humidum aeris a ſiccò vinci, & dum ignis in aerem, ſiccum ignis ab aeris humido vinci. Quapropter fatetur Zabarella ob ſolam Ariſt. autoritatem ſiccò & humido concedendam eſſe vim aliquam agendi mutuo, ſed adeo debilem ac tardam vt a remiſſionem efficiendam non ſit apta. Verū quid ait non fieri remiſſionem Aer in ignem verti non potèſt niſi humidum a ſiccò debilitetur, neque ignis in aerem, niſi ſiccum ab humido obtundatur, ac tandem omnino intercida neſcio quid ſit remitti qualitatem ſi hoc non eſt. Obturbat præterea conſtitutum ordinem, dum ait cum D. Thomâ aquam non eſſe ſummè frigidam ſed terram quæ plus diſtat a motu cœli principio & fonte caloris, ac propterea inquit denſiſſima eſt, & grauiffima. Hoc aſſerit quia proximè deriuat cœlo totum calorem; nos verò dicimus calorem fieri a cœlo etiam formaſum interuentu, vnde per emanationem procedit non modò calor, ſed & aliæ qualitates vnicuique naturæ conuenientes. Difficilius eſt quòd ait Ariſtoteles ſummam leuitatem ignis ſequi ex ſummo calore, vnde videtur ex terra excellenti grauitate frigus excellens argui poſſe, quoniam eadem eſt ratio oppoſitorum. Sed negandum eſt leuitatem ignis oriri ex ſola caloris exſuperantia; ſit enim etiam ab alijs qualitatibus quæ ſunt in igne, ita grauitas atque denſitas ſit ab ijs omnibus quæ ſunt in terra. A R I S T. Quid verò habetis in igne quod non ſit in terra præter calorem; ſiccitatis ſi quæ eſt diſferentia tam exigua eſt, vt impedire non poſſit, quin ſicut calor efficit in igne tenuitatem, & leuitatem, ita frigus in terra denſitatem efficiat, & grauitatem. Longè tutius eſt dicere cum antiquis aerem, aquam, & terram ſola pri-



uatione ignis esse frigida. Argumenti satis habemus, quod profundum aquæ sub hyemem minus frigidum est, quam superficies, atque ibi commodius habent pisces, oportebat tamen esse longè frigidius cum ob contactum terræ frigida, tum ob formam aquæ, cuius ea vis est, ut remotis impedimentis ab ea statim emanet frigus. Nam si putatis vapores in aere natura calido sponte reduci ad natium frigus, quantumvis attenuati sint & calefacti, & mox aquam ipsam crassiolem, & in loco proprio existentem impediò refrigerari ab ipsis, ac glaciari, quanto magis aqua profundior & ipsa terra referre se deberent ad summum frigus, ut neque illa piscibus opportuna, neque ista condendis suo sinu, & ab acerbitate brumæ defendendis animantibus commoda esset. Vnicum vobis est perfugium si cum ipsis ad ignem subterraneum confugiatis: sed neque sic euaderis omnino difficultatem, nam in aquis etiam suspensis, quemadmodum erant pensiles horti semiramidis, si profunditatem aliquam habent, pisces in fundo commorabuntur, quamquam superficies in glaciem concreuit solidissimam. Atqui in fundo illo nullæ sunt exhalationes, nullus ignis subterraneus, sed area sublimis solido marmore pauimentata: non habent igitur ex se terra & aqua frigus summum, sed frigida sunt vel sola ignis priuatione, vel permissione tenuium corporum, quibus innatum est efficere sensum frigoris. Præterea non debere aquæ summum frigus, sed pleniorē potius humorem, satis conficitur ex eo quod iste non potest auferri ab aqua quantumvis igni & lapidibus siccis imponatur, illud verò non minùs faciliè quàm calor deponitur, ita ut aqua non frigore, sed humore intercidente perire, vel potius aliò abire videatur, quod clarè demonstrat aquam esse humorem ipsum, sicut dicimus ignem esse calorem, quia non potest refrigerari. Non ita conspicuum est quidnam sit frigus atque siccitas, nisi similiter dicamus esse substantiam simplicem supra descriptam, quæ calefieri non potest, & humectari. Occidit miseros crambe repetita magistros, cum dicitis humorem & siccitatem auferri difficilius ab elementis, quia sunt qualitates materiam consequentes, ideoque fortius resistunt & remissius operantur: contra verò calor & frigus sequuntur formam, resistunt debilius, & fortius agunt. Oportebat reddere rationem cur duæ illæ qualitates sequuntur materiam, quæ ad omnes formas est indifferens. Satiùs esset referre talem esse rerum naturam, & Peripateticis ita placere, quàm pro argumento illud obtrudere quod quærebamus. Magis ingenuè dicunt antiqui aquam esse humorem, quem calor, & frigus permeant, & veluti res aduentitiæ non difficiliter aliò auolant. Vno verbo naturæ simplices non immutantur alio modo, quàm permissione, & secretionē.

CH A R. Cum nihil habeas & ipse quod apponas, præter illam tuam crambem permissionis & secretionis, Tecum habita, & noris quàm sit tibi curta suppellex, nec iniquus index in eos elto, qui de omnibus in procinctu non inueniunt demonstrationes. A R I S T. Saltem esset aliquid quo fieret satis D. Thomæ, qui in huius lib. contex. 23. docet aquam esse aere humidiorē, atque ita destruit rationem qua summam vnam qualitatem singulis elementis elargiendo, ex quaternario numero qualitatum colligitis numerum elementorum. Aer neutram habebit qualitatem excellentem, non calorem quo



ad respirationem esset ineptus, non humorem, cum in aqua sit excellentior, ut ostenditur. **CHAR.** Quo argumento? Quoniam aqua magis humectat? sed hoc accidit ob densitatem, crassiolemque ac fluxam substantiam, quæ in vias, recessusque corporum se se inferens diutius consistit & madorem quendam efficit, quod perflabilis, & tenuis aer præstare nequit. Pluvia quidem dicitur aerem humectare, sed falsò, sunt enim vapores pluuij qui non aerem, sed res alias madefaciunt. Ita ventosæ exhalationes easdem siccant, sed non aer purus, nisi calore id molliatur, veluti ignis, qui non siccior est terra propterea quòd ex accidenti, nimirum caloris interuentu magis exsiccat, dum exhaurit, & euocat totum humorem. Falsum est deinde quod aiunt Lunam corporibus humidis dominari, sic enim aeri imperaret, præest igitur tantum aqueis. Ad tex. 49. vbi Aristoteles docet aquam omnium facillimè terminari, iam dictum est non intelligi de quacunque terminatione, sed de ea quæ fit in mistis, aquæ enim partes humidæ terreo sicco perfusæ accipiunt terminos, ita ut concreascut lutum, quod aeris permistione non cogeretur. Hæc satis sint de summis elementorum qualitatibus, nunc de suppressis. Maximè placet eorum sententia, qui retusorem siccitatem in igne ponunt, calorem in aere, humorem in aqua, frigus in terra, ita ut nullum elementum ambas qualitates habeat in summo gradu. Neque aliter intelligi potest illud Aristotelis tex. 23. Ignem esse magis calidi, quàm sicci: Zabarella nihilominus putat ab Aristotele doceri tantum igni magis affinem esse calorem, quàm siccitatem, propterea quod non dixit ignem esse magis calidum quàm siccum, sed magis calidi. Verum quæ est hæc maior affinitas? Si calorem maiorem intelligat, hoc ipsum est quod intendimus, si calorem minus superabilem, non effugitur difficultas, nam eadem ratione cum Aristoteles dicat aquam esse magis frigidi, quàm humidi, sensus erit aquam posse minus separari a frigore, quàm ab humore, quod absurdum est, facile enim calefcit, & vix siccatur. Aer verò si esset natura calidissimus, adeo non inferuaret respirationi, ut omnia celerius igne calefaceret ac combureret, si terra esset frigidissima vehementissimè refrigeraret ob densitatem, & inhabitabilis redderetur: Ita maximè elucet ordo, & dispositio diuinæ providentiæ, qua factum est ut elementa sibi discordi quadam concordia coniungerentur: ignis aeri affinis est calore, siccitate verò dissentiens, dissentaneus eadem in cæteris est harmonia, quæ procul dubio commendat artificem illum maximum: si enim aquam proximè iunxisset igni, aut terram aeri, sese elementa peremissent: si terram igni, ratio dignitatis non seruaretur. Quare philosophi non immeritò ex hac tam præstanti symmetria arguunt dari aliquem summum opificem qui naturas adeo pugnantes tanta inter se concordia ligauerit. **ARIST.** Absit ut tam male consultum sit vniuerso, ut ille reperiatur ordo quem sola cogitatione tanquam pulcherrimum informastis; nihil opus est ut antiquorum argumentis illum incessam, fatis est audire Peripateticos, Auerroem imprimis qui igni modo summam tribuit siccitatem modo remissam, similiter humorem summum, & remissum aquæ, & aeri. Nam 1. cantic. com. 15. aer inquit, est humidior aqua, terra siccior igne, contrarium tamen dicit initio suæ epitom. in 4. Meteor. & com. 67. tertij de

*De qualita-  
tibus remis-  
sis elemen-  
torum.*

cælo.



coelo. Et com. 15. secundi de coelo ad difficultatem qua dici posset qualitates retusas elementorum debere sarciri contrariæ qualitatis permistione, ita ut ignis remissè siccus sit parum humidus, aer frigidus, aqua sicca, terra calida, & sic tribus constans vnumquodque qualitatibus mistum potius quàm simplex esse videatur: docet non omnem qualitatis remissionem fieri contrarij permistione, citatque Alexandrum, qui lib. 2. qq. natur. c. 17. idem affirmat, & quod deest ad summum gradum retusioribus illis elementorum qualitatibus, non vult impleri. CHA R. Huic dubitationi videor satisfecisse prima parte, cum ageremus de qualitatum contrariarum intensione. Breuiter dico remissam qualitatem habere contrariam sibi admistam, nec illud officere elementorum simplicitati quæ non pendet ex qualitatum similitudine, cum vnumquodque duas habeat, sed petitur ex eo quod singulis lebetur prima vna qualitas summè intensa, quæ non conuenit vlli misto. Habet igitur ignis non nihil humidi, & aqua sicci natura sua, sed adeo parum, ut appellationem eam non tribuat qua ignis humidus, & aqua sicca lenominetur, neque propterea efficiat ut omnia elementa dicantur symbolica. A R I S T. Putas aliquid humoris existere posse cum summo calore ignis, & summa terræ siccitate? Hoc intolerabile videtur Zabarella, qui rationem affert Alberti & D. Thomæ, quoniam summus calor totum humorem absorbit, summum autem frigus cum maximè constringat, exprimit & expellit omnem humorem. Illud verò addit de suo calorem & frigus ab humido sic obtundi, ut cum summo calore & frigore, ne tantillum quidem subsit humoris. CHA R. Non possum istis omnibus assentiri, maximè cum fateatur ignem & terram non posse agere in seipsa proprium humorem expellendo; quoniam tamen, inquit, videmus in mistis humorem depelli summo calore, debemus colligere simile quidpiam accidere in simplicibus, quæ mistorum principia sunt, quomodo autem id fiat non meminit. Hoc certe dixit ut opinionem suam adornaret, quod humor & siccitas summæ reperiuntur in elementis. Cæterum obseruare potuit etiam in mistis, ut in oleo bulliente, & plumbo liquefacto vtriusque calorem summum non adeo vehementer obtundi, ut ipse fingit: similiter ebulliens aqua parum deperdit sui humoris, quanquam ille calor est aduentitius. At in igne oportet humorem proprium remanere, vel expelli a forma, quæ in eadem materia recipitur, hoc est idem agere in seipsum. Quare nec terra calidum, nec ignis absorbent exiguum illud humidum quod in se habent. A R I S T. Qui dicit ignem esse calorem ipsum, & ita de cæteris simplicibus substantijs philosophatur, huiusmodi pedicorum implicatione non tenetur illaqueatus, maximè verò quod si tres sint cuiusque corporis simplicis qualitates, non poterit ex earum coniugatione confici quaternarius numerus elementorum, longè enim plures copulationes instituentur. CHA R. Minimè verò hoc accidet, modò vnaquæque qualitas semel tantum accipiat in summo gradu. A R I S T. Componite sortes ut volueritis, nunquam tamen aeri debetur naturaliter tantum caloris quantum dicitis, idque tam pertinaciter, ut videamini depugnare pro aris, & focus. Sed agite obsecro si nullus esset vapor qui aerem refrigeraret, qualem futurum existimatis? an non tam vehementer



ter calidum noctu & interdiu, vt ad respirationem esset ineptus? Hoc certe vobis admittendum est, propterea quòd & si calor eius non sit omnino summus, crassitudine tamen qua ignem superat, defectus iste compensatur, ita vt igne sentiretur longè calidior. Cur igitur non est ardentior flamma in arenosis illis Libya locis, vbi nihil aut parum vaporis esse videtur: etenim vt sit aliquid, vel in aerem facessit secundum vos, atque ita vapor illiusdem est naturæ atque ipse aer, vel si remanet adhuc idem halitus qui erat ante, tam attenuata, tamque exigua est portio respectu aeris circumfusi, vt ad frigus, si quod est innatum sibi, reducere se nequaquam possit, quod sic ostendo. Aer natura sua plus habet caloris, quàm cinis tepidus, in quo si tepor ille permaneret naturaliter, hoc cinere defossum vas aquæ tepidæ ad frigus sese nunquam referret, quanto minus igitur vapor subtilis refrigeraretur in aere calidissimo. Quid quòd in altissimis locis non videmini concedere locum vaporibus: nam cum ex Aristotele venti non transcendunt altos montes, multò difficilior transcendet vapor: atqui hæc loca dicuntur frigida etiam a vobis: aer igitur sentitur frigidus non a vaporibus, sed sola ignis priuatione. Subuerebar ne diceres cum Zabarella aeris calorem humore obtundi, ac proinde non videri impendiò calidum, sed nemini te id refutasse exemplo olei bullientis, & plumbi colliquefacti, quibus addere poteras nitrum specie salis: illud enim non videtur minus humidum alijs rebus quæ igne liquantur, tamen sex ipsius vnciæ permixta dualis sulfuris, cum tribus salignæ, vel quernæ scobis, flammam excitant adeo aerem, vt omnia metalla sibi imposita, ipsumque vitrum penitus liquefaciant: Si verò commisceas, simulque teras pulueris pyrij partes sex, nitri quatuor, sulfuris vnam, eaque mixtura cannam aut tubum ferreum infercias, atque accendas, nullius aqua iniectu potest extinguere, & sub aquis ardet perinde atque in aere, quo argumento videris probare contra Zabarellam summum calorem posse humoris esse participem. CHAR. Eò tantum pertinebat exemplum a me allatum, vt ostenderem aliquid humoris stare posse cum calore summo non ignis modò, sed etiam corporis misti, approbo tamen quod vulgo dicitur siccitatem esse limam caloris, qua tantum ille acuitur, quantum humore hebetatur, vnde aer valde calidus sentitur tamen vnde veluti quidam halitus, in quo propterea vapores densantur faciliè & frigore sibi innato peruincunt eius tenuitatem tam in Libya quàm in altissimis quibusque locis, nam incredibile est illuc vapores non euadere, quòd homines eniti possunt. A R I S T. Vnum illud est, vt video diuerticulum, quòd calor humore debilitetur. Sed cur hoc? vnumquodque enim infringitur tantum a suo contrario; ita ratio nulla est quare potius id fiat ab humore quàm a nigrore, sed neque hoc videmus accidere in oleis, resinis, & alijs humidis quæ conceptum calorem impensè fouent. Quod de lima siccitatis vulgò iactatur fieri non potest, cum siccitas summa coniunctior sit frigori, quàm calori, terræ exemplo. Tot verò errorum caput illud esse arbitror, quòd non tam intenti naturæ rerum, quàm conimodè qualitatum vestrarum distributioni, humorem conceditis aeri, atque calorem, potius quàm vtriusque priuationem, nec aduertitis spirabilem illam, & per omnia mirabilem naturam permissionem esse multarum rerum



leniſſimarum temperatam, veluti potum quem duceremus continenter ad  
ritam diutiſſimè ſuſtinendam, ita vt igne & vaporibus, ſi fieri poſſet, ab eo  
exemptis, neq; calidus eſſet, neq; humidus. Huius rei fertur experimentum,  
cuius fides ſit penes autores, quòd qui editiſſima loca conſcendunt, ſpon-  
giam aquæ plenam ori admouent, propter defectum vaporum, quibus ma-  
ximè perficitur mirabilis illa potus animalis temperatura, humida ſimul at-  
que calida moderatè. Ille eſt humor quem aeri debebatis tantùm attribue-  
re, nam quem ei datis, vt ex definitione ſupra vidimus, non eſt humor, ſed  
tenuitas, quæ non obtundit eius calorem, alioquin ignis, qui tenuior eſt, lon-  
gè haberet obtuſiorem. Sed mittamus tandem illam qualitatum distribu-  
tionem non minus odioſam quàm vectigalium: ſicut enim vel maximè retre-  
ſtantibus tantùm aris imponitur ex ſumma in vniuerſos diſpertita, ſic om-  
nino repugnantibus elementis ex ſumma qualitatum recipienda eſt ea diſtri-  
butio, non quæ naturæ placet, ſed quæ a Peripateticis imperatur.

## De diuerſis ſpeciebus primarum qualitatum.

### C I R C V L V S X X.

#### C H A R I L A V S. A R I S T Æ V S.



**C**HAR. Acerbiores oppidò diſtributores ſunt veſtri antiqui non  
contenti quatuor primis rerum initijs, nam virtutes exigunt infi-  
nitas, & tot rerum ſpecies, vt natura non ſit ſoluendo. Nos verò  
dicimus reiecta hac inani ſupelleſtile quatuor ſatis eſſe qualita-  
tes ad rerum omnium generationem, proinde non diſferre ſpecie calorem  
ignis atque aeris & ſic de alijs: nam alioquin iam eſſent octo, ſi vnumquod-  
que elementum duas habet ſpecie diſtinctas; nec facilior eſſet tranſitus ignis  
in aerem, quàm in aquam: hic tamen Ariſtoteles mutari docet ambas quali-  
tates, ibi verò vnā duntaxat, & vbicunq; ſymbole ſunt elementa. Deni-  
que ignis non poſſet conuèrtere aquam in aerem, vt vult Ariſtoteles hic  
tex. 27. communicabit quidem calorem ſuum, ſed fruſtra ſi alium requirit  
aer. Humor verò vnde habebitur? ab aqua manat humor aqueus, non ae-  
reus, ab igne autem nullus omnino. Præcipuum tamen argumentum eſt,  
quòd videmus vnā ex his qualitatibus intendi ab alia, calorem aeris calo-  
re ignis, frigus aquæ frigore terræ; virtutes autem quæ ſe mutuo intendunt  
efficiunt vnā, quare non poſſunt eſſe ſpecie diuerſæ. **A R I S T.** Hoc ar-  
gumento potius conficitur qualitates omnes eſſe ſubſtantias, ſic enim tolli-  
tur omnis difficultas quòd plura lumina diuerſa efficiant aliquid maius, ſi-  
militer plures humores, vel frigora, vel ſiccitates. Sic optimè intelligitur  
quomodo ſub veſperum lumen exiguum Solis, lucernæ, ac nitedulæ ſimul



replender plusquam seorsim: non affirmo hæc tria lumina differre specie, solum dico cum antiquis esse substantias, quæ etiam si essent specie distinctæ, tamen ob similitudinem virtutis dicerentur efficere lumen intensius. Nihil obstat igitur quibus calores diuersi generis, cum sint substantiæ permisceantur, & sensum vehementius afficiant ita coniuncti, quam separati, veluti calor bilis, vini, piperis, Solis, & ignis, sic frigus pituitæ, cicutæ, niuis, hydragryi: humor aquæ, ceræ, olei, nitri, sulfuris, plumbi: siccitas cineris, salis, lapidis, exhalationis. Hæc omnia si sunt formæ illæ vestræ, quæ rebus accidunt inanissima viam habent multò impeditiorem, siue enim vultis eas esse formas elementorum, siue proprietates, specie different, quomodo igitur sese intendunt? CHA R. Seorsim sumptæ neque sunt formæ, neque proprietates elementorum, earum tamen coniugationes rationem quandam habent proprietatis: calor enim nec est forma ignis, nec proprietas, sed calor & siccitas simul sunt instar alicuius proprietatis. A R I S T. Si res ab effectis, vt debet, expendatur valde differunt, humor aquæ etiam bullientis extinguit ignem, aeris verò ipsum conseruat: siccitas terræ requirit frigus excellens, ignis siccitas summum calorem. Hoc in multis manifestius videre licet, nam aliud est calor piperis, aliud hominis, aliud naturalis, aliud febrilis & aduentitius quo abundante ille intercidit & extinguitur. CHA R. De aqua certum est ignem extingui a crassitudine, non ab humore, cum & affuso largius oleo idem accidat: verum vt vt sit, actio diuersa potest oriri ab eadem forma quæ sit instrumentum efficientibus specie diuersis, propterea licet in metallis, plantis, & animalibus sit idem specie calor, & humor, tamen longè diuersos edunt effectus. Calor febris hoc tantum differt a naturali, quod vehementior est, & nimis accensus; vnde febris definitur accensio caloris natiui in calorem igneum: extincto autem calore naturali extinguitur etiam febris, nec remanet vnus calor, extincto alio. A R I S T. Longè exploratius est quod accepimus ab antiquis, nimirum esse varium calorem pro varijs substantijs quibus iungitur, vix enim vnquam id quod calorem appellamus, est aliquid simplex, sed permissio ignis & aliorum. Ignis siue calor simplex nunquam sentiretur diuerso modo, mistus autem varijs rebus vt aliqui volunt, modo dicitur calor piperis, modò vini, modò fulminis, quoniam ex varijs substantijs quibus coniungitur vix credibile est quam multa præstat. Clarissimè id obseruatur in flamma quæ fit ex nitro: nam si quis immitat ferrum candens in nitrum etiam liquefactum & calidissimum consumitur quidem, & ebullit, sed non accenditur, quin potius ignem ferri extinguit: si verò admouetur carbonis ardens tandiu flammam emittit quandiu contingitur a carbone, eodem remoto subito cessat; nimirum ad hanc flammam efficiendam nitrum non sufficit, sed opus est vel scobe ligni, vel carbone ligneo qui scobem illam in se continet, ita vt nitrum non tam videatur ardere, quam ardenti scobi; carboni, & sulfuri substantiam suam accommodare ad flammam acriorem excitandam. Verisimile est idem contingere in fulminibus, & alijs omnibus quæ ignis ope conficiuntur: atque idem de humore, frigore, & siccitate sentiendum est, videntur omnium istorum mutari species propter rerum aliarum permissionem, licet illud simplex quod propriè est calor,



tor, humor, frigus, & siccitas in se penitus non immutetur. Hoc in confesso est apud antiquos qui tametsi quatuor illa sufficere videantur vni mundo ad qualitatum omnium distinctionem, tamen propter varietatem infinitam quæ reperiri debet in vniuerso, non putant satis esse calorem vnum simplicem, humorem, frigus, & siccitatem, sed dari alia plurimæ specie distincta, quæ ob effectuum similitudinem iisdem nominibus vocari possunt, veluti ignem illum qui effulget in nitedulis & alijs multis quæ nocte lucent. Quoniam autem dixisti qualitates istas esse instrumenta, quibus substantiæ ad varias vtuntur operationes, pergratum mihi feceris si demonstres quæ sit earum vis effectrix, ita enim commodius veniemus ad quintam partem, vbi de permutationibus elementorum differendum est.

## De vi effectrice qualitatum, & substantiarum.

### C I R C V L V S . X X I .

#### C H A R I L A V S . A R I S T A Æ V S .

**H**A R. Grauis est inter Peripateticos controuersia de vi effectrice qualitatum, & substantiarum. Primum quidem vocari non debet in controuersiam, quin actione immanente substantia possit aliquid in se efficere: nam alioquin in accidentium productione daretur processus infinitus, nisi ad aliquod proximè emanans a substantia deueniatur: sic ab anima procedit intellectus, frigus ab aqua, calor ab igne. Nulla tamen substantia efficit proximè aliam substantiam, licet Scotus & Ochamus aliter sentiant, sed magis placet opinio D. Thomæ qui contrarium omnino docet, probatque ex 1. de gen. 50. & 51. vbi Aristoteles vult earum quæ agunt & patiuntur esse contraria, maximè verò de sensu & sen. c. 4. his verbis. Quæ igitur ignis & quæ terra nihil natum est agere, vel pati, nec quidem quam aliud facere, quæ autem contraria sunt, hæc omnia agunt, & patiuntur. Vides Aristotelem qualitibus contrarijs totam actionem concedere, nihil substantiæ. **A R I S T .** Ea lis inter Scotum & D. Thomam dirimi potest, si dicatis qualitates primas esse substantias, & simul formas elementorum, quæ Græcorum fuit sententia. **C H A R .** Et si hoc dicatur, non tamen elementa vtuntur ijs formis, sed alijs accidentibus ad operandum: sic enim erit in igne calor substantia, calor accidens, hoc vtetur ad calefaciendum & comburendum, non autem illo. Deinde vt tu ipse supra iam aduertisti, hæc opinio nihil habet aliud, nisi quòd appellat calorem substantialem id quod vulgo dicimus formam ignis, calorem verò accidentalem, id quod vocamus simpliciter calorem ignis, atque ita philosophatur nomine tenus. **A R I S T .** Vultis omnino ab his tendiculis vos expedire, dicite qualitates illas omnes esse



esse substantias simplices sibi contrarias, eo modo quo dicunt antiqui, nec aliud efficere præter motum permissionis & secretionis. CHARR. Præclarius est & tutius asserere qualitates illas esse perfectiones additas substantiæ ad operandum, cum ipsa actione transeunte nihil efficere proximè possit. Nec deest optimæ rationis conuenientia, quod scilicet rei naturam sequatur modus operandi: cum igitur substantia creata sit media inter accidentia & primam formam, ita videlicet ut a prima forma, quæ est Deus, excedatur perfectione, excedat etiam accidentia: sic etiam medio quodam modo se habet ad operandum. In hoc enim superat accidentia quod agit semper tanquam causa principalis, accidentia verò nunquam: contra verò in hoc deficit a simplicitate primæ causæ, quod indiget semper aliquo sibi superaddito ad operandum. ARIST. Ista appositè dicta videri possunt ad populum concionarium, quid iam reliqua, & unde oritur ut substantia vestra proximè nihil efficiant? non ex perfectione, alioqui Deus nihil produceret: non ex imperfectione, ut videtur in accidente. CHARR. Id neque ex perfectione omnino, neque ex imperfectione prouenit, sed ex utraque: oritur enim ex perfectione substantiæ creatæ ut habeat instrumenta, quibus tanquam causa principalis suas operationes obire possit: quod verò proximè id præstare nequit, & sine ministerio accidentium, hoc ex eius imperfectione proficiscitur. ARIST. Hæc non minus oratoria mihi videntur, quàm præcedentia. CHARR. Inductione, si vis, probare poteris omnes substantias creatas indigere qualitate sibi adiuncta ad operandum nam elementa præter quatuor primas habent grauitatem, & leuitatem, quibus mouentur. Cælum operatur lumine, & motu: missa verò accidentibus intermedijs, veluti lapis Hercules, qui & aliquando virtute deperdit manet integer. Anima quoque ipsa instructa est varijs potentijs, & eadem est ratio de intelligentijs apud theologos penè omnes. Denique omni ratione maior experientia demonstrat substantiam a solis accidentibus proximè fieri: videmus enim ex putri materia sæpe produci formas substantiales ranæ, vel muris, & si nulla substantia existit a qua procedant, non elementa cum sint inanimata, & simplicia; neque hoc dici potest villo modo quando ex aqua & igne pugnantibus generatur aer, non enim sunt instrumentum aeris, ille igitur fit ab accidentibus ignis & aquæ. ARIST. Hanc ego de generatione ranarum opinionem audiui olim a Metaphysicis Pisanis tantum clamorè, & pertinaciter agitatam, ut ab omnibus digna ranis disputatio iudicaretur. Eò delapsi erant, quoniam, ut dixisti, oportet omnibus substantijs, etiam intelligentijs superaddi potentias accidentales, quibus ademptis nihil efficere, quippe vis proxima agendi tota est in accidentibus, nulla in substantijs, exemplo ranarum ad quarum generationem natura nullam substantiam ordinauit, sed vilia duntaxat accidentia, quæ de re fortassis olim conquestæ sunt,

*Et veterem in limo rana cecinere querelam.*

Ut non minus naturæ, quàm ranarum honori consuleret alter, respondit cæli substantiam esse causam principalem eorum omnium quorum ortus in accidentia refunditur, qualitates tamen ab ea productas motu & lumine esse



Instrumenta quibus proximè res ageretur. Si quid caducum & male munitum est in arce Peripatetica, hoc sanè imprimis videri debet, quòd sola accidentia sint causæ proximæ substantiarum. CHA R. Sed non est hìc dissimulandum quòd eruditè Metaphysici subiunxerunt, e dignitate substantiarum videri quòd accidentia semper agant vt ipsarum instrumenta, nunquam verò vt causa principalis, & quemadmodù seruus quidquid agit non sibi sed domino agit, ita accidentia quæ sunt appendices & additamenta quædam substantiæ, quidquid producant substantiæ virtuti ascribi debet. ARIST. Virtus igitur substantiæ quæ tota est in accidentibus persimilis est doctrinæ, & viribus Caluissij Sabini, qui cum nihil haberet comprehensi, inquit Seneca epist. 27. nihilominus eruditus volebat videri seruorum doctrina: magna enim summa emit seruos, vnum qui Homerum teneret, alterum qui Hesiodum, nouem præterea lyricis singulos assignauit. Satellius illum hortari cœpit vt luctaretur, hominem ægrum, pallidum, gracilem: cùm Sabinus respondisset, & quomodo possum? vix viuo: noli obsecro te, inquit, istud dicere, non vides quàm multos seruos valentissimos habeas? CHA R. Si eodem planè modò quo accidens est substantiæ virtus & instrumentum, seruus esset domini sui, quicumque seruos haberet fortes & doctos, robustus haberetur, & eruditus. Dicam igitur quæ sit conditio veri instrumenti, nimirum vt natura sua sit ordinatum ad actionem causæ principalis, nec tamen sit eius essentia, an autem sit effectu nobilius, vel ignobilius, nihil refert, vt patet in lumine, atque calore. At causa principalis nunquam est complementum ad alterius actionem ordinatum, nec est ignobilior effectu suo, sed perfectior, aut æquè perfectæ. Accidentia sunt huiusmodi instrumenta naturalia & virtus substantiæ ad rerum omnium productionem, neque opus est vt aliam virtutem accipiant, qua eleuentur, illa enim esset substantia, vel accidens, non substantia, quoniam non minus indigeret qualitatibus ad operandum, non accidens, quia redibit eadem quaestio, quomodo substantiam producat, cùm sit accidens. Deinde quid acciperent a substantia quæ sæpe abest, vt patet in ranarum generatione, & si nulla rana existat in vniuerso, aut cùm aqua manum calefacit extincto igne. ARIST. *Et contum & stygioranas in gurgite nigras*

*Nec pueri credunt, nisi qui nondum ære lauantur:*

ita neque sibi persuaferint ijdem pueri substantiam animæ ab accidentibus ortum habere: nam a quibus obsecro? certè non nisi ab ijs quæ sunt præparationes iam receptæ in materia luti quæ rana, vel mus fieri debet. At hoc modo materies formabit seipsam contra Aristotelem: non enim amplius ab efficiente externo inanimato quidquam accipit, accidentia verò quæ iam recepit, sunt ipsius: si quam ergo nouam formam induit illorum ope, ipsa se format, perinde ac si hydrargyrum sese in aurum commutaret. CHA R. Nul-  
um est corpus, quod si præditum esset accidentibus ad aliquam formam requisitis, eam statim non indueret, propterea quod vt ait Aristoteles 8. Metaph. tex. vlt. materia vltima & forma idem est, vbi per materiam vltimam intelligit, quæ est disposita & instructa accidentibus ad educationem formæ necessarijs, & quibus positis, forma ponitur efficienter, vt idcirco ab

Aristotele dicantur vnum. Neque hoc est formari a seipso, nam accidentia licet recepta in materia, non sunt ipsius instrumenta, sed substantiæ completæ cuius ipsa formam induit, proinde illa est formatrix, & efficiens.

**A R I S T.** Quid si illa, vt dixisti de ranis, non est in mundo? **C H A R.** Nilominus accidentia quæ ipsi debentur sunt virtus & instrumentum eius essentiæ quantumuis actu non existentis, quod sufficit vt causa principali haberi possit: eius veluti nomine, ac virtute non tantum ipsi materiæ se communicant instar formæ, ita vt calor calidam faciat, frigus frigidam, sec etiam efficienter ipsam immutant in quamlibet speciem, licet ea specie actu non existat in vniuerso. Ex quo confici potest contra Scotum nullam esse actionem substantiæ præsentis ad substantiæ alterius productionem quandoquidem illa absente non minus efficitur ab instrumentis: quare superest vt sola actione immanente profundat aliquod accidens ex se & in se vt cum aqua calefacta se refrigerat, cum anima producit suas potentias, aut substantia proprietates sibi debitas.

**A R I S T.** Hoc quoque substantia denegaretis, si effectus illi in qualitatem occultam reijci possent. An non id perridiculum videtur vobis? aquæ substantiam posse suscitare in se frigus, aut humorem, non posse in alio: animam effundere suas potentias, sed neutrumquam operationes, ac propterea theologos complures contra doctrinam Aristotelis allinere distinctas quasdam potentias intelligentijs, atque adeo separare inter se Dei virtutes. His cauillationibus nugatorijs antiquorum doctrina non est obnoxia, qua dicunt substantias efficere proximè solum per missionis & secretionis motum, atque inde oriri omnia & interire absque farragine tot qualitatum, & inanium instrumentorum. Nam quod ranas, mures & alia creditis generari ab accidentibus ex putri materia, nullius substantiæ efficientis interiectu, Platonici non concedent vobis intermori planè speciem vllam, vt semina in quibus viuit quodammodo non supersint. Quare ex sententia antiquorum, quam impugnandam tibi proposui, dicte specierum omnium esse semina, quorum principium est peculiaris quædam substantia simplex, cui virtute consensus naturalis illigantur aliæ, ad viuum semen speciei alicuius efficiendum: ita vt ad semen auri, verbi gratia, necessarium sit primum principium simplex quod non est aurum, accessu tamen & coniunctione certorum corporum sit auri semen, quod neque aurum ab vlllo iudicaretur, donec suscepto nutrimento formatur corpus quale omnes aurum appellant, & illud quidem conflatum ex varijs substantijs, licet simile existimeretur. Atque ita de ranis vestris & muribus, cæterisque tam animatis, quàm inanimis sentiendum est: nimirum reperiri ferè vbique dispersa innumerabilium rerum semina viua, quæ quia vel loco naturali carent, vel alimento, ad iustam magnitudinem non perducuntur. Sed irrides hæc omnia tanquam fabellas penè aniles, agedum veniamus ad alias qualitatum principum effectiones.

**C H A R.** Eas oportet petamus ex lib. 4 Meteor. cuius doctrina huc commodissimè transferri potest, cum de eius loco maxima sit inter autores altercatio. Summa i. c. 3. postquam explicuit effectiones qualitatum primarum, quatenus vniuersè concurrunt ad rerum procreationem, & interitum, declarat sigillatim singularum efficientias, & calori quidem

*De rerum  
semine.*



tribuit concoctionem, frigori verò cruditatem. Concoctio est perfectio facta a naturali calore in oppositis qualitatibus humore nimirum, & siccitate. Ostea subdit duplicem esse concoctionem, vnam quæ tendit ad formam substantialem, vt cum alimentum vertitur in carnem, alteram quæ ad qualitatem, sic pus tuberculorum, vrina, & alui feces concocta dicuntur. Vnde paret quid sit cruditas scilicet effectio calidi tendens ad imperfectum ob caloris debilitatem. Propriè dicta concoctio fit a calore naturali, at accepta latius etiam ab alieno calore, quare inter species concoctionis cap. 4. reñset non modò maturationem quæ est concoctio alimenti in fructibus existentis, sed etiam affationem & elixationem quæ arte fiunt, imitatur enim, inquit, ars naturam, quoniam & alimenti in corpore concoctio similis est elixationi. **A R I S T.** Hæc omnia veteres vltro concedent calori quæ sit substantia, vt ipsius ope fiat concoctio, modò ille sit coniunctus alijs substantijs quarum opera forte magis necessaria est ad concoctionem alimenti in ventriculo: nam cum in animalibus frigidioris temperamenti non videatur sufficere calor ad res digerendas, quæ vix igne conficerentur, dicendum est ex substantia ventriculi aliquid emanare præter calorem, quo alimentum liqueat & in chylum emolliatur, vt sic partibus nutricandis reddatur prius. In cæteris autem concoctionibus videtur sufficere calor naturalis, ut alienus: tunc enim vniuersè res concocta dicitur, quando calor dominatur materiæ, & eam redigit ad debitam proportionem humidum exhalando, quòd verò reliquum est crassius & siccius efficiendo. Hoc calor naturalis præstat in noxijs humoribus & excrementis animalium: calor autem tam proprius, quàm alienus molitur fructuū maturitatem superfluum humorem absorbendo: alienus verò in assis & elixis soluit firmiorem partium adhesionem, & glutinamentum, naturam imitans, quæ alimentum eliquat, & dissoluit in ventriculo. **C H A R.** Philosophus deinde sum. 2. persequitur effectus humoris & siccitatis nempe duritiem, molitiem, concretionem, liquationem, incrassationem, & attenuationem, humectationem & desiccationem. **A R I S T.** Harum quoque naturam non assequitur, nisi qui sentit cum veteribus, vt fusius dicemus vbi sermo erit de mitione. Observabis interim valde laborare Aristotelem in huiusmodi functionum declaratione, nisi quando de qualitatibus loquitur perinde ac si essent substantiæ quæ inter se permiscerentur & segregantur varijs modis. Quis autem intelligat quod ibi docet, aquam elixari, & exsiccari, solam inter humida corpora non incrassari; mox oleum humidum non elixari, sed incrassari, nam sum. 3. sub finem ait: Propter hoc oleum non elixatur, neque incrassatur, quia exhalabile est, sed non vaporabile, aqua autem non exhalabilis, sed vaporabilis. Quibus verbis videtur inferri posse aquam incrassari cum sit vaporabilis, vel non propterea oleum non incrassari, quia non est vaporabile. Deinde ex eo quod dixit sum. 2. cap. 3. oleum incrassari igne & tempore, propterea quòd marcescente calido ex aere fit aqua: nam si dum aer fit aqua crassior euadit, cur aqua dum mutatur in terram non incrassatur, sed exsiccatur tantummodo? Ad hæc & alia scio non deesse varias interpretum expositiones adeo subtiles, & acuminatas, vt planæ fugiant mentis aciem. Palam est au-



tem his effectiones declarari longè explicatius antiquo, & vulgari modo congregationis & secretionis, non cuiuscunque humidi & ficci sed proprii, non quocunque modo, sed proprio; alia requiruntur ad duritiem adamantis, alia ad vnionis, alia ad chalybis, quæ omnia inter se idonea ratione aptari debent: alia similiter ad mollietatem picis & ceræ, quæ lentescunt ad digitos, & minus firmam habent partium adhæSIONem, ita vt pressæ recedant in se, ac subsideant. Sic de ijs quæ concreuerunt, quæque non alio modo colliquefcunt, quàm dum infertis quibusdam contrarijs eorum copulationi, impeditur partium amplexus, qui mox ijsdem abscedentibus aliquando arte, aliquando naturaliter instauratur. Ignis hac ratione dissoluit glaciem, & metalla, acetum margaritas, aqua pura sales concretos, aliæ quædam æs, aliæ aurum. Incrassari autem & attenuari quidpiam non intelliges, nisi substantiæ alicuius accessu, vel recessu, ad fluendum reddatur difficilior, vel facilius. Si oleo accedit aqua bene permixta fit hydrelæum, quemadmodum hyeme etiam in cellis vinarijs ob frigus & vapores oleum expissatur, deinde attenuatur modico igne quo frigus & vapores expelluntur: at vbi proprium humidum iam exhalat necesse est vt fiat crassius, quod de aqua pura dici non potest in qua humidi & ficci segregationem non aduertimus. Idem habendum est de ijs quæ humescunt & exsiccantur substantiæ nimirum alicuius accessione, vel decessione. CH A R. Quando contentus es expositione tam tenui ac parabili, absoluiamus breuiter corporum simularium qualitates, quas enumerat Aristoteles sum. 3. & a primis ortas esse demonstrat: nam secundæ quæ ab ipsis habent originem aliæ dicuntur efficientes, eò quòd sensum mouere possunt, vt candidum, dulce, sonorum, aliæ patientes, quibus res aliquid pati significatur, & illæ reducuntur ad capita decem & octo, vt flexile, fissile, fragile, & alia id genus. A R I S T. De vniuersis qualitibus hoc dici potest esse nomina proprietatibus substantiarum imposita, quas philosophi complures hoc ipso se putant intelligere, quòd nominum magis, quàm rerum cognitione sunt contenti: veteres hæc omnia dicunt esse proprietates quæ ab ipsis substantijs non distinguuntur: nam si candor est qualitas a primis orta, quomodo inter rosas eiusdem temperamenti aliæ sunt candidæ, aliæ purpureæ, contra verò multa sunt eiusdem coloris, aut saporis, & diuersi temperamenti? Hoc certè melius petitur ab ipsa rerum substantia, quàm a primis qualitibus. Illud igitur concrescit cuius humidum permixtum sicco iusta proportionem firmam habet adhæSIONem, liquatur autem, vt dixi subeunte contraria substantia quæ partium soluat copulationem, siue illa sit ignis, siue aqua. Mollescit os, cornu, & similia quorum humidum dissoluitur, sed non exhalat. Tingitur & humectatur similiter quod duris & amplis meatibus humorem combibit, neque præterea dissoluitur. Flectitur id cuius meatus possunt magis minusque deduci absque integra disunctione, vt cum flectitur ensis parte conuexa necesse est diduci meatus, & alieno corpore repleti, concaua verò coangustari atque expelli corpus alienum. Frangitur id quod diuidi potest in magnas partes, quod verò in minutissimas est friabile, pro ratione meatuum quibus constant. Impressionem recipit tam durum quàm molle quod cedit in profundum: formatur



natur verò id quod retinet impressionem & ferè idem est quod subigitur, si autem non retinet, ita vt superficies intrò cedat, redeatque veluti spongia, premi dicitur. Trahitur id cuius partes possunt extensione mutare locum, eò quòd partes quasdam habeat firmas & contextas instar retis, quæ continent alias molliores ad quamcunque figuram accommodatas, vt in corio videre licet. Ductile est quod eadem percussione & in profundum deprimatur, & ad latera extenditur, vt metalla, id autem prouenit ex humido peculiari permisto æquabiliter cum sicco. Fissile est quod ampliolem diuisionem subire potest, quàm quæ fit a diuidente propter meatus quos habet porrectos in longitudinem. Sectile quod neque comminuitur, neque diuisionem anticipat, vt lignum in longum scinditur, in latum secatur. Tenax seu viscosum cuius partes a se disiunctæ quocunque modo applicatæ alijs adhærent, ita vt difficile separentur, ad quod palam est non sufficere quoduis humidum & siccum. Combuitur quod in se continet multum ignis facillè congregabilis. Exhalat denique id cuius humidum non emittitur nisi virtute ignis, veluti lignum, cera, & seuum. Ad has omnes rerum proprietates intelligendas satis est admittere calidi, frigidi, humidi, & sicci diuersas species nomine tenus distinctas ab ipsa corporum substantia, neque obstant veteres quin primæ qualitates denominentur: proprietates verò quæ ex earum permissione deriuantur, secundæ qualitates vocari possunt, quarum aliqua sensus mouent, vt color, odor, sapor, & sonus, aliarum vis magis recondita per suos effectus cognoscitur, vt virtus magnetis & torpedinis. Quanquam si rei magis quàm nominis volumus esse indagatores vis magnetis & omnes quæ dicuntur qualitates occultæ, nisi respectus habeatur ad sensus nostros, perinde sunt primæ qualitates ac calor ignis, omnes enim sunt ipsa rei substantia cuius effectus notior est nobis, vel obscurior. Quærenti cur pæonia mascula sanat morbum comitalem, si respondeas quia est pæonia, rideberis opinor, sed si dicas id moliri qualitate occulta, eris iam magnus Apollo, & tamen iuxta Galenum qualitas illa occulta est tota substantia pæoniæ. Quærenti similiter cur ignis calefacit, æquè doctè respondeas quia est ignis, ac si dixeris quia est calidus, siquidem calor nomine tantum distinguitur ab ipso igne: quod autem sit nobis manifestior, quàm vis magnetis, pæoniæ & aliorum, hoc præstare non potest vt ille sit qualitas prima, cætera verò ab ipso deriuantur. Vetus est hæc philosophia nullis inanum nominum ampullis turgida, nullis cauillationum technis implicata, rerum substantias esse virtutes ipsas siue primæ, siue secundæ, siue actuales, siue potentiales appellentur: vna cognitio proprietatum in pretio habenda est, vtendum alijs tantum nominibus: obseruandum impendiò, si fieri potest, vnde & quæ sint res deleteriæ, pestilentes, contagiosæ, venenatæ totius substantiæ dissidio vitæ nostræ primordia demolientes: item quæ alexiteriæ & antidoti selectæ præcipuè aduersus popularium morborum curationem, & eorum qui cæca vi corpus adoriuntur, & contaminant; deinde quæ singulis partibus medentur cordi, capiti, stomacho, hepati, oculis, quæ vulnerariæ, quæ bilem attrahentes, aut pituitam, quæ anodynæ, quæ sanguinem supprimentes: denique alia quæ sympathia quauis, aut antipathia mirabiles edunt effectus,

## 134 De actione & permutatione reciproca

in quorum contemplatione melius est ut a Tertulliano miriones appellemur, quàm ut ex primis qualitatibus eorum omnium causas, aut potius rationum anilium figmenta deriuemus, quæ quoniam pendent ex elementorum aliorum in alia commutatione, videamus iam quæ sit ea conuersio, ut in illis Vertumnalibus speni saltem aliquod alleuamentum mihi comparem.

### . De actione & permutatione reciproca elementorum.

C I R C V L V S XXII.

CHARILAVS. ARISTÆVS.



**H**AR. Videbis nihil esse quod Democritus ipse ridere possit in actione, & permutatione reciproca elementorum, quæ quoniam omnino conducit ad missionis, atque adeo veræ generationis cognitionem, accuratè tractatur ab Aristotele: tanti enim est momenti, ut ea recepta veterum opiniones de generatione explodendæ sint, ea verò reiecta sint admittendæ. Quare tex. 24. posita doctrina de communi rerum omnium materia, quæ totius mutationis principium est, ait manifestum esse dari mutuam elementorum permutationem non tantum ratione, sed etiam sensu: ratione quidem quoniam generatio est a contrarijs & in contraria, qualia sunt simplicia quatuor rerum initia ob differentias quas in se habent: sensu vero, ut ait de igne tex. 28. atque alibi passim de aqua manifestum esse utrumque verti in aerem, & sic de alijs. Cum igitur sensu notum sit dari generationem elementorum, Aristoteles existimauit utendum sibi non esse alijs rationibus ad id probandum. **ARIST.** Adde quod & si maximè quæsiuisset alias rationes, tantum dialecticas reperisset: una est illa materia prima contrarijs affectionibus subiecta, unde colligitis generationem elementorum. Nunc quoniam de ipsa suo loco satis actum est, considerabo illud tam sæpe inculcatum ab Aristotele, manifestum esse sensibus ipsis ex aqua fieri aerem, ex aere ignem & alia id genus. Verum & si ipse quasi testis oculatus utatur sæpius verbo (videmus) nihil tamen aliud vidisse potuit, quàm aeris vapores cogi in aquam, & aquam in vapores attenuari, quod quidem videtur indicare mutuam viriusque commutationem, sed rem accuratè perpendentibus nihil aliud est quam secretio & congregatio, ita ut potiori iure quàm Aristoteles dicere possint videmus aquam in aerem non permutari. Experimentum a me iam propositum est de vnciola aquæ in vase vitreo, quod si vis capax sit viginti librarum, collo duobus circiter pedibus longo, & crassitudine digiti tubulato, quantum vis supra cineres calidos tepesacta in vaporem abeat multis annis, concrescit in guttas, & ad fundum relabitur continenter: atque vbi refrigescet idem pondus ac



mensura deprehenderetur, neque leuior erit effecta, neque sicciore: vnde clarissime demonstratur nullam eius particulam in aerem esse conuersam: ille enim cum liberum habeat exitum aperto collo foras abiret, atque ita tota aqua consumeretur breui tempore, quemadmodum accidit vbi collum est duorum tantum aut trium digitorum, ita vt vapor exire possit. Ego saepe numero deprehendi guttulas quasdam ad medium collum, sed non vltra, quoniam vapor alius non ferebatur: si autem calor acerrimus excitaretur, vel totum vas æqualiter calefieret, fortassis halitus foras erumperet & ita nimio, sed si pars inferior duntaxat modicè caleat igne, vel Sole nihil est periculi, vt Peripateticus aliquis dicat videmus aquam verti in aerem. Quid si vas esset decuplo maius, aut centuplo, aut ipsi terræ globo æquale? idem omnino accideret. Media regio aeris est instar vasis illius, quò elata ab aquis expirationes, fideliter restituuntur. Possem afferre aliud experimentum quod quidem fit in mixto corpore, ostendit tamen quid accadat in elementis. Carbo phiala vitrea vndique conclusus quandiu in igne est ardet, nec consumitur vllò tempore: oporteret tamen aliquam partem illius materiae conuersam in ignem abire, nam & ignis abit a carbone statim atque phialam a fornace remouemus: quippe ille ignis in carbonis meatibus continebatur, efficiebatque vt rubens maximè in tenebris appareret, quoniam & si niger est (quod patet ducendo nigras lineas ignito carbone, aut eum ad Solem intuendo) tamen lux ignis occupat visum, nec sensum efficit alia lux minor a partibus nigris reflexa. Sed quando multa lux collecta lentis magnitudine transmittitur per vitrum conuexum in carbonem, pars ea carbonis videtur candida, quæ remota luce illa eximia statim nigra conspicitur. O si haberetis tam euidentem experientiam de aliqua elementorum permutatione, quàm clarè & magnificè nostras aures personaretis. CHA R. Et si quodammodo suspicor fore vt aqua tali vitro conclusa non multo tempore euanescat, malo tamen dicere tantam esse illius colli longitudinem, vt perinde sit ac si aliquis aquam circularet in vase probè occluso, vbi certè aqua in aerem verti non potest defectu loci, sed solo motu ascensus & descensus recipiatur: sic opinor in tuo vase antequam vapor euadere possit in locum liberum, vbi in aerem conuertatur, concrevit in collo frigidior, atque ita ad fundum reuoluitur. A R I S T. Dic ergo cur in medio vasis amplissimi aqua calida, ac rara non fiat aer, ad cuius generationem nihil aliud requirit Aristoteles, quàm vt frigus aquæ vertatur in calorem eodem humore permanente; quòd si iam fit aer decuplo rarior, cur aperto collo non exit foras, & cedit loco, donec tota aqua sic permutetur? CHA R. Nihil aliud euincis quàm parum admodum aquæ verti in aerem, vaporem verò remanere tenuem, atque ita diffusum, vt ab omnibus credatur aer, frustra igitur hic ampullaris. A R I S T. Non sum artifex ampullarius, tamen hoc mihi videtur incredibile in ea ampulla non multum aquæ verti in aerem, vbi nullæ desunt præparaciones ad aeris generationem, calor, humor, tenuitas, locus. Quomodo iam veritati consonat extrema illa clausula octauæ Metaph. materia vltima & forma sunt idem? Verius profectò dixeris ne minimam quidem aquæ particulam aerem fieri, atque ita perappositè respondebis, cur in

chy-



## 136 De actione & permutatione reciproca

chymicorum stillicidijs, vbi rosæ clauduntur, aut aliquid istiusmodi, vapor ad summum delatus statim coit in guttas, & si fastigium illud est valde calidum, proinde ad aquæ generationem ineptissimum: dices enim vaporem nimis densum atque confertum tandem concreescere. Idem in media aeris regione fateri debes, vbi vapores densantur in pluuiam absque frigore illo, quod dicitis præparationem necessariam ad formam aquæ, teste Zabarella de region. aeris cap. 8. nam cum in ascensu montis Veneris mediam aeris regionem æstiuo tempore transiisset, quanquam circa medium montem orta fuisset pluuiæ copiosa, vix tamen infimæ ac mediæ regionis differentiam vllam persensit. Quod argumento est aerem ibi non verti in aquam, sed aquam in vapores attenuatam coire rursus; quare idem sentiendum est de igne, & terra, cæterisque omnibus quæ inuicem commutari falsò creduntur. Scimus iam aquam fusam per aerem non euanescere, ita vt omnino esse desinat, & fiat aer: cur ergo dicemus ignem statim diffusum fieri aerem? nulla est ratio cur non possit dispergi, & coire rursus in aliqua parte aeris, aut sub terra, si vaporibus hoc conceditur, & terreis exhalationibus; & sicut illa non cernuntur amplius, sed sentitur aer humidior, aut siccior, ita neque cernitur ignis dissipatus, sed sentitur calor, qui nihil est aliud quàm diffusus ignis absque motu illo velocissimo, quo in aciem nostram incurrens vocatur lumen. Ostendo præterea vnum elementum non fieri ex alio: quoniam si aqua in ignem, aut ignis in aquam longo tempore conuerteretur, tandem euaderet frigidus ignis & aquosus, aqua verò calida atque ignea, nec vnquam ad temperationem sibi propriam referri possent. CHA R. Risum de nostro quærebas ante, sed certè de tuo profusum & abundantem inuenisti. Viqueadeone excidit tibi, quantumuis aquæ in ignem concedat, procreari ignem alium atque alium nulla ex parte deteriore, dummodo ignis victor euadat & generatione quam Aristoteles definiuit, totam aquam in se conuertat, immo quò plus absomit, vires assumit. A R I S T. Licet igitur nunc non modò ridere, sed etiam profusè bibere, postea verò videbitur cuius impensis. Dices in generatione propriè dicta quidquid conuertitur in substantiam efficientis, hoc ipso fieri eiusdem naturæ, vt pote particeps eiusdem formæ, nec deterius quidquam ea ratione progenerari: quod quia respondere debet tam in simplicibus, quàm compositis, volo nunc vt citra vllas impensas haurire possit vnusquisque merum ex dolio, quod non deficiat. Quæraturn proportio qua tantum vini depromatur guttatim, quantum aquæ in vinum conuerti potest, & ne spiritus vini foras erumpat, sint duæ epistomia versatilia, vnum quo stillabit vinum, alterum quo aqua introfertur, fiet hoc modo fons perpetuus vini cretici, aut cuius volueris, eo ingeniosior quo Midas olim cepit Silenum. Susplicari posses nulla ratione conuertri aquam in vinum: sed cum in vitibus hoc admittas, in dolio multo magis concedendum est. Hoc in sacris libationibus a theologis ratum habetur, quorum prudentissimi quique suadent aspergendam esse vino leuem guttulam, vt citius in vinum conuertatur. Sed cur aqua in vinum non mutaretur, cum ex Aristotele mutetur vinum in aquam, par enim ratio videtur alterutrinque si verum est quod supra dixit, reciprocum esse agere & pati. Audiamus



mus verba libri superioris tex. 88. Gutta vini decies mille congijs aqua non permiscetur, soluitur enim forma & in vniuersam mutatur aquam. CHA R. Velim esse ex primis qui meracius ex tuo dolio vinum depro-  
mant, vereor enim ne sequentes bibant paulò dilutius, vltimi dilutissimum  
ac tandem aquam. Concedit quidem Aristoteles guttam vnā mutari pos-  
se, sed si innumerabiles ingerantur, vinum semper aliquid deperdet sui spiri-  
tus, atque ita non amplius in se conuerteret aquam. A R I S T. Nihil mi-  
nus. Prima gutta fit merum, vt dicis, fuge crescere dolium, nihil euanesce-  
re spiritus, non ingredi guttam vllam, nisi prior in vinum versa fuerit, credis  
ita dolium mero plenum infinitè diduci posse? CHA R. Si cautiones eæ  
quas dicis seruari possent; omnino res accideret, vt narras, quippe sicut ignis  
vbi frustum ligni in se conuertit, non fit deterior, sed paratior ad alia omnia  
permutanda eodem modo, ita planè fieret in vino guttatim aucto. Nunc ve-  
rò in dolijs quibus vtimur, aqua non potest introferri, nec vinum elabi quin  
longè plures spiritus exeant, quàm tarda illa vini generatione suscitentur ac  
reparentur. A R I S T. Hæc tua ratio dilutior est eo vino quod reiecasti:  
cur enim ea proportionē qua vinum fluit e vase, non poterit industria aliquo  
opere illabi tantundem aquæ, vt non alius abeat spiritus, quàm qui permi-  
stus est guttis cadentibus & alterius generatione reficitur. Sed habeo te  
mihi, nisi vehementer hallucinor, assensorem, quomodocunque vinum &  
aqua commisceantur, neutrum in alterius naturam permutari. Quàm ve-  
rius diceret hîc Aristoteles, videmus guttam vini in aquam verti non posse.  
Plures sunt scyphi aquæ in puteo magno, quàm guttæ vini in scypho pleno,  
si tamen vini scyphus in puteum effunditur, ipsum inquinat, & ingrato sa-  
pore afficit, non vno die, sed multis annis, donec aqua penitus exhauriatur:  
satis argumenti est vt dicamus non conuertere vinum in aquam, quod quia si-  
militer de igne dici potest, si in aquam permutaretur, non video cur de meo  
rideri debeat. CHA R. At saltem gutta vna aut altera mutari potest,  
nec quidquam saporis communicabit. A R I S T. Immo, sed tam parum,  
vt sensum fugiat, quod vt certa comprobes experientia, infunde puteo vnā  
vini guttam singulis diebus, nec quidquam haurias longo tempore, senties  
tandem aquam vinosam, & in confessio erit etiam apud te guttam vini non  
posse in aquam commutari. Vides me non vti cauillationibus, vt ille qui ex  
vna gutta fugiente sensum, arguit substantiarum permutationem. Cur  
exemplum non affert de gutta olei, quæ in ampulla aquæ conclusa videtur  
eadem ad multos annos. De mica salis quæ coniecta in aquam pluuiam  
omnium minimè falsam, vt cum Catullo dici possit,

*Nulla in tam magno est corpore mica salis,*

inuenitur tamen eadem mica, & aliquid amplius, pro natura aque, postquam  
tota in fumum euanuerit; certè ea debuit longo tempore in aquam verti,  
non minus quàm illa vini gutta. Sed quid de mica salis conquerimur, quan-  
do quidem nec gutta aquæ sale permixta & optimè clausa vase vitreo in sa-  
lem vertitur, illam enim chymicus post decem annos statim extrahet. Pote-  
rat etiam ferri exemplum de sale fixo, de cineribus qui neque ignescunt, ne-  
que in aliud permutantur. De particula æris aut stanni quæ simul cum auro

## 138 De actione & permutatione reciproca

colliquefacta, in auri tamen natura nunquam facessit. Vinum, aqua, argentum viuum dicuntur vi ignis in aerem verti, at si fumus eorum excipiat, singula propriam substantiam retinebunt, alioqui per aerem dissipabuntur, sed propterea non fient aer. Innumerabilia sunt alia exempla, quibus ostendi potest apertissimè non aliam fieri substantiarum commutationem quàm congregatione, & secretione. Sed quod caput est non sunt experimenta quæ fugiant sensus, vt ea, quæ de igne, & aqua ab Aristotele proferuntur. Atqui hæc omnia confirmari possunt ea ratione quàm attuli, vt ostenderem quatuor primas qualitates esse substantias immutabiles: nimirum si elementum vnum in aliud conuerteretur, vt aqua in aerem, aer in ignem, iam pridem in vnum elementum cessissent omnia; non enim symmetria talis seruari potest, vt certis temporibus vnum ex quatuor non fiat cæteris longè validius; atque ita cùm plus in eius substantiam verratur, quàm depereat, eadem ratione qua validius effectum est permanente (quid enim prohibet diu manere) reliqua elementa, ac tandem vniuersum naturaliter absumptum esset. **CHARR.** Iam respondi satis cautum esse huic periculo ob singularem harmoniam elementorum. Sed neque si ignis nimio plus inualesceret, posset absumere cætera omnia; deesset enim ipsi locus ob raritatem quam expostulat eius natura: quare tandem suffocaretur & in alia elementa rursus abiret. Sic neque terra vel aqua conuertere possunt in se totum aerem atque ignem, ijs enim ita compactis daretur vacuum. Duo igitur saltem oporteret exsuperare puta ignem & aquam, vel aerem & terram, ex quorum mutuo congressu rursus alia generarentur adminiculante motu cœlesti. **ARIST.** Ita quidem si mundus extrema ora, & ambitu solidæ testudinis incrustaretur, sed in spatij liquidi infinitate non videtur deesse locus. **CHARR.** Accedit diuina prouidentia, ad quam pertinet his incommodi obuiam ire. **ARIST.** Aristoteles qui ignorabat hanc prouidentiam, esse tueri non potest, quare consultò dictum videtur immutabilia sic esse rerum initia, vt mutux permutationi non sint subiecta, sed ei tantùm quàm prædiximus. Hoc ex principijs Aristotelis ostendi potest 8. Phys. 56. & 2. de gen 59. Quod melius est, inquit, semper arbitrandum in vniuerso reperiri, si fieri potest. Melius est autem singulas vniuersi partes esse æternas, cùm æternitas sit bonum aliquod diuinum 2. de anima 34. & Dei opus 2. cœli 17. interitus autem euerfio boni, & vltimum terribilium: Debit igitur cum Anaxagora, Democrito, & Empedocle agnoscere partes vniuersi incorruptas. Maximè verò cùm principium sit æternum & necessarium, indignum videtur alias æternas esse, alias ortui subiectas, & interitui, materiæ substantiam permanere, formarum substantiam interire. Quàm suauius natura dicitur confecisse rerum exortus atque obitus, vt nihil horrendum in concrectione & dissolutione videatur, dum animantium singulæ partes vnde acceptæ fuerant secundùm obitum referuntur: calor innatus ad ignem reuolat, humor ad aquam, cætera ad substantias sibi similes, vt magno Hippocrati visum fuit. Ita mors adeo terribilis dici non debet, si nihil aliud est quàm partium ei quibus vnumquodque consistit in propriam naturam discessus: vnde fit vt verè nihil pereat in vniuerso, sed omnia concrescant in aliam atque aliam

*Mors apud antiquos minus horrenda*



compositionem. Mortem horremus quia credimus eam esse id quod non est, aliquid tamen quod verè mors est desideramus. Vt qui animam Socratis permutare cum sua vellet, deinde corpus cum Alcibiade, aut si quis ex senes uuenis fieri cuperet, quid aliud esset quàm partes ipsius aliò cedere, nouamque fieri concretionem nihil aut parum ad illum pertinentem, & hoc est mori. Neque opus est vt id optemus, sit enim nobis etiam inuitis, quoties morimur, & meliores alij nascuntur. At ille ortus & occasus elementorum, qui formarum interitum secum inducit obturbat omnia, dum æternam facit generationem, simul & corruptionem, æternum esse, & non esse, æternam causam, & effectum, denique optimæ partis extinctione teterrimorum omnium teterrimam mortem deformat. Vt verò liquidius hoc perspiciatur, ediffere quæso præcipua capita ab Aristotele tradita de permutatione elementorum. C H A R. Eò libentius morem geram quòd ea doctrina puerum omnes, quas adducis ambages, dissolui posse. Tria docet hìc Aristoteles, elementorum similium facilem esse transitum ex vno in aliud, vt ignis in aerem, contra dissimilium, vt ignis in aquam: denique ex duobus elementis contrarijs pugnantibus oriri tertium, vt aerem ex igne & aqua. Quòd similia facilius inuicem mutantur quàm dissimilia, ratio affertur tex. 25. quoniam facilius est vnum vincere, quàm duo, vt ex igne, inquit, erit aer, si vincatur siccum ab humido, at verò vt ex igne fiat aqua duo vincenda sunt, nempe calidum & siccum a frigido & humido. Vnde conficimus quoduis elementum in quodlibet posse mutari etiam proximè. Facile soluuntur dubitationes: vt si quis opponat cum ignis applicatur aquæ fore vt prius corrumpat frigus, quàm humorem; remanebit igitur materia aquæ calida & humida, eritque aer. Sic aer prius calefaciet terram, quàm humectet, proinde materia terræ remanebit calida & sicca, hoc est ignis. Similiter aqua prius refrigerabit ignem, quàm humectet, & sic erit materia ignis frigida & sicca, fietque terra; vnde non videtur elementum proximè in suum contrarium posse conuerti. Tota difficultas oritur ex eo quòd humor & siccitas difficiliter agunt & patiuntur: fieri tamen potest vt ex pugna cum alio redigantur ad idoneam proportionem, vt si terræ siccitas iam retusior effecta ab humore alicuius aquæ, accessu alterius aquæ vincatur omnino, atque ita in aquam conuertatur. Argumentum igitur solùm euincit elementum proximè non mutari in suum contrarium ab ea parte quæ primum pugnare coepit, sed ab alijs. Altera difficultas est quòd si proximè fieret ignis ex aqua, posset aqua remanere magis rara, leuis, & calida, quàm aer, nam vt perueniat ad summum gradum istarum qualitatum qui est in igne, debet superare gradum illum qui est in aere. Ratio tamen cur huiusmodi aqua conuertitur potius in ignem quàm in aerem, & si adsint calor, leuitas, & raritas a quales & postea maiores ijs quæ sunt in aere, peti debet ex defectu humoris qui simul cum alijs præparationibus non reperitur, quòd si adesset, certè illa aqua fieret aer. Alij opponunt quòd æquè facile est duobus vincere duo, quàm vni vnum, proinde non esse difficiliorem elementorum dissimilium permutationem, vbi duæ qualitates pugnant in duas. Sed respondendum est duo æquè facile vincere duo cæteris paribus: at omnia in elementis contrarijs

non sunt paria, quia qualitas elementi similis minus resistit, quàm dissimilis: siccitas enim ignis facilè debellat humorem aeris: ob raritatem, difficilè eam quæ est in aqua, ob densitatem: item aqua suo frigore facilè vincit calorem aeris, quem humoris coniunctio minorem facit, at verò calor ignis siccitati consociatus longè maior est. A R I S T. Mallem dirimeres aliud, quo pugnatur nullam omnino dari generationem elementorum: quoniam vnum non vertit aliud in suam, aut alterius elementi substantiam absque conflictu, in quo necesse est vt qualitates contrariæ sese retundant, vtrinque igitur euadent adeo depressæ, vt elemento generando non sint idoneæ præparationes. C H A R. Propterea non generabitur elementum, vt iam monebam, donec accedat pars elementi quæ pugnando non fuerit debilitata, vt negotium penè confectum tandem absoluat. Vides nihil aliud dubij superesse, quàm de humore & siccitate, quomodo tam celeriter intendantur, & remittantur ad elementorum generationem, vt cum ignis abit in aerem, quomodo siccitas in humorem tam citò vertitur. Verùm non est necesse vt dicamus ignem extinctum fieri statim aerem, potest enim remanere spiritus quidam calidus, & siccus, qui paulatim cùm ab aere, tum a vaporibus humefcat quantum satis est vt fiat aer, & sic de alijs. Cauendum est autem ne in errorem Alexandri incidamus, existimauit enim contrarijs elementis pugnantibus, perire duas qualitates, nec alias in earum locum suffici, vt in congressu ignis & aque, superesse solum calorem absque humore, & siccitate in ignis materia, in aqua verò solum humorem sine calore & frigore. Sed ita non potest fieri aer ex duabus materijs vna sicca, altera humida, nisi accidentia migrare dicat, vnde merito reprehenditur a Philopono in contex. 27. huius libri, vbi ostendit nihil aliud esse qualitatum interitum, quàm contrariarum productionem. A R I S T. Iam si naturam elementorum satis reconcinnasse tibi videris, vt veniant in mistorum compositionem, agere possumus de mistione, sed velim tantùm id attingamus quæ ad controuersiam nostram pertinent, reliqua enim apud alios fusissimè conscripta videri possunt.

## De mistione iuxta Peripateticos.

C I R C V L V S XXIII.

C H A R I L A V S. A R I S T Æ V S.



H A R. Quandoquidem non ambigitur inter nos dari mistionem, sed de modo controuertitur, primùm excutiemus modum quo Peripatetici docent fieri mistionem, atque adeo misti ipsius generationem, qui si videbitur tibi minus commodus, audiam libenter an aliquid opportunius ex veterum doctrina proferri possit. Missis acce-

ptio-



ptionibus improprijis quibus misceri ea dicimus quæ in vnum confundun-  
 tur quocunque modo, dicam de propria mistione, ea est miscibilium altera-  
 torum vnitio, i. de gen. contex. vlt. qua nihil aliud intelligitur, quàm coniu-  
 nctio elementorum ad temperaturam misti alicuius reuocatorum. Nomine  
 enim vnitionis significatur productio formæ, quæ continet in se elementa;  
 proinde dici potest coniunctio elementorum. Miscibilia illa sunt elementa  
 quæ quidem rarè proximè iunguntur ad misti generationem, cùm impura  
 vti plurimum, aut corrupta sint, sæpius autem id fit alijs corporibus interme-  
 dijs, vt quando mistum generatur ex alio, quod genitum est ab elementis,  
 aut ex alio ab ijs deducto, non enim infinitè procedi potest, sed ad prima  
 corpora deueniendum est. Hæc miscibilia licet corrupta vocat Aristoteles  
 alterata, seu immutata, quia corrumpi apud Aristotelem dicitur, quod om-  
 nino superatur ab altero, atque in illud permutatur, vt aqua in aerem: at  
 quando fit mistum ex elementis, vnum elementum non vertitur in alterum,  
 sed ex omnibus oritur diuersum corpus, in quo virtus ipsorum ita remanet,  
 vt in ea facillè dissolui possit. Mistio, & misti generatio reipsa sunt idem, ra-  
 tione differunt: quippe mistio est productio formæ quæ continet virtutes  
 elementorum, eadem est misti generatio, quæ 4. Meteor. cap. 1. definitur per-  
 mutatio facta a virtutibus efficientibus, cùm rationem habuerint ex subie-  
 cta materia vnicuique naturæ. Mutatio tenet locum generis: virtutes effi-  
 cientes sunt calor, & frigus, subiecta materia est humor & siccitas qualitates  
 patientes ad quas efficientes eam habent rationem, seu proportionem quæ  
 requiritur ad naturam cuiusque misti. Qualitates autem illæ efficientes  
 sunt internæ, eidemque subiecto inhærent cum patientibus: nam si quid ob-  
 staret, maximè quia idem non agit in seipsum; at id locum habet duntaxat  
 in causâ vniuoca, falsum de actione emanante, qualis est aquæ ad frigus in-  
 natum se reducentis. Itaque qualitates efficientes iam productæ in subie-  
 cto afficiunt patientes vt materiam, non calefaciendo & refrigerando, sed  
 extenuando, coniungendo, & terminando, sicut videmus emanare ex plum-  
 bo liquefactionem calore inducto. Sed hic tria diligentissimè sunt aduertenda:  
 primum est cùm dicimus ab illis virtutibus affici istas, sensum esse, subie-  
 ctum vt virtutibus præditum efficientibus afficere seipsum vt virtutibus in-  
 structum patientibus. Alterum est hanc actionem non esse contrarij in con-  
 trarium, sed artificis in materiam: talis autem actio potest esse immanens: in  
 hoc enim differt natura ab arte ex 2. phys. quòd in arte artifex non est infusus  
 materiæ, at in natura est: in semine enim humano inest natura humana velut  
 artifex, scilicet virtus informatrix. Tertium est, dominationem qualitatium  
 efficientium in patientes non esse intelligendam de intensiōe, quæ in vtra-  
 que oppositione simul sumpta maior esse non potest, sed de virtute afficien-  
 di subiectum patientibus instructum qualitatibus, & educendi ex illis for-  
 mam misti: Sic dominatus est non vnius, sed vtriusque qualitatis efficien-  
 tis. Neque dicat aliquis satis esse dominari calorem, quo potissimùm om-  
 nia gignuntur: vnde Auicenna prima primi doct. 6. c. 3. ait frigidum non in-  
 gredi opera naturæ tanquam agens, sed omnem effectiōem naturæ perfici  
 a calido, propterea quòd frigus efficit priuationem motus quo omnia gi-  
 gnun-

## 142 De modo quo elementa manent

gnuntur. Nam contra est illud Aristotelis 4. Meteor. c. 1. Generant calidum & frigidum dominantia materiae, ubi dominationem vtriusque disertè docet. Iam consideremus quomodo elementa omnia & sola sint propria mixtionis principia, quod declarat hic Aristoteles tex. 49. & 50. & maximè patet ex conditionibus ab ipso traditis, nimirum ut sint inter se contraria, se nimium non superent, in tenues, exiguasque portiones facillè dirimantur, ac terminos suscipiant: quæ omnia conueniunt mistis corporibus ratione elementorum. Ex his colligere duo possumus, primum quòd & si necesse est ut ad cuiusvis misti generationem concurrant quatuor virtutes elementorum, sufficere tamen interdum materiam vnius elementi, ut in multis quæ in mari & terra gignuntur tam longè ab alijs ut vix credibile sit eò permeare ignem & aerem: vnde Scotus in 2. dist. 15. q. 1. ex loco illo 1. de gen. c. 1. ubi animalia quædam ex aquis, quædam ex terra nata dicuntur, colligit non esse necessarium ut ad misti constitutionem plura elementa concurrant instar materiae. Alterum est quòd licet sæpe ex duobus mistis simul iunctis, & inter se actione contraria pugnantibus, generetur aliquod mistum, tamen principia mixtionis sunt elementa, quoniam illis debita sunt qualitates quibus priora duo mista pugnant: ex accidenti est quòd ad gignendum illud mistum debeant elementa mutari prius in alia mista: nam hoc idcirco fit quia debitum rei temperamentum humani corporis exempli causa, haberi non potest nisi intermedijs talibus mistis, puta semine.

## De modo quo elementa manent in mistis.

C I R C V L V S XXIV.

ARISTÆVS. CHARILAVS.



**A**RIST. Nihil agitur tot obseruationum ambagibus, nisi statuat dilucidius quomodo ex quatuor simplicibus rerum primordijs oriantur innumerabiles corporum species, siue enim ea manent re ipsa in mistis, siue potestate, non videntur sufficere ad ornatum tam multiplicem rerum aspectabilium. Tanta super ea re fuit Aristoteli ambiguitas, ut quid ipse senserit hætenus venari non potuerint perspicacissimi eius interpretes, nec fortasse minus ingeniosi, quàm ipse fuit, cuius re causam considerandam tibi relinquo, an ea sit quam quiuis suspicari facillè potest, ex vacillantibus principijs nihil magnopere firmum, & constans deduci posse. Auicenna 1. suffic. c. 10. putat in misto secundum Aristotelem integras remanere formas elementorum, qualitates verò retundi. Eum reprehendit Auerroes 3. cæli com. 67. aitque remanere quidem formas, sed refractas & depresso, quantum postulat natura cuiusque misti. Hanc Auerrois sententiam eò deducere conatur Zabarella de mixt. ut formæ elementorum



um intendantur , & remittantur , non tamen suscipiendo magis & minus , sed transeundo in aliam speciem , dum ex ijs ab exsuperantia sua repressis , & ad moderationem mediocritatemque reuocatis fit misti forma , quæ nihil aliud est , quàm formarum huiusmodi temperatio , sicut etiam ex qualitativis eorundem retusis , inquit , fit vna qualitas media quæ appellatur misti cuiusque temperatura . Scotus in 2. dist. 15. q. vnica putat nec formas elementorum remanere nec qualitates , sed formam vnā substantialem , & qualitatem , ne res absque necessitate multiplicentur . At D. Thomæ , Ægidij , Marsilij , Buccaferrei , & Latinorum sententia communis est elementa non manere quidem secundum formas , in quo conveniunt cum Scoto , plerique tamen dicunt manere secundum qualitates remissas , & refractas . Ex his tam varijs interpretationibus Aristotelis nullam video quam quis tueri possit , quoniam tamen ad communem Latinorum ferri videris , audire habeo cur Auicennæ & Auerrois posthabita opinione iuniorum sententiæ adhærescis .

CH A R. Contra Auicennam dicentem in misto remanere formas integras est perillustis ille locus 2. de part. c. 1. Prima compositio , inquit , statui potest ea quæ ex primordijs conficitur ijs quæ nonnulli elementa appellant , terram dico , aquam , aerem , & ignem , sed melius fortasse dici potest ex virtutibus confici elementorum , ijsque non omnibus , sed vt ante expositum est : humor enim , siccitas , calor , & frigus materia sunt corporum compositorum . Clarus est etiam textus 84. 1. de ortu , vbi postquam docuit apertè elementa non esse actu ingenito ex ipsis , sed potestate , subdit : neque permanent igitur actu , vt corpus & album , neque corrumpuntur , neque alterum , neque ambo , nam saluatur eorum virtus . Vides elementa non manere cum forma misti , eo modo quo candor in corpore , nimirum re ipsa , ob quam causam tex. 83. dixerat accidentia non misceri subiecto , nec subiectum accidentibus , propterea quod vtrunque manet : secundum autem , inquit , eundem modum nec possibile est corpori nutrimentum , nec figuram mistam ceræ formare molem , neque omnino affectiones & habitus rebus esse permista , saluata enim videntur : sed neque album & disciplinam contingit misceri , nec aliud non separabilem , idest accidentium : oportet enim existere separabile vtrunque mistorum , affectionum autem nulla separabilis . Hi duo loci rem euincunt præsertim contra eos qui putant , cum Aristoteles dicit elementa non esse actu , intelligi non separata , & in hac responsione arcem suæ causæ collocant , quæ omnino ruinosæ est : nam Aristoteles ait corpus , & album esse actu , elementa verò non sic esse actu in misto : at certum est album & corpus non esse separatum secundum Aristotelem : ergo esse actu apud ipsum non est idem ac separatum .

A R I S T. Saltem nihil inde conficitur contra Auerroem : nam formæ elementorum remissæ & in vnā speciem totius misti coalescentes videntur non tam remanere actu , quam potestate . Quin etiam iuxta Auicennam licet in singulis elementorum portionibus implicitis manent integræ formæ , quoniam tamen inditas sibi vires expromere non valent ob suppressas qualitatum exsuperantias ad quas misto dissoluto redibunt iterum , non propriè sunt re ipsa , sed quodammodo potestate . Quandiu autem vincitæ , & quasi interceptæ tenentur , dignio-

gniori formæ subternuntur, unde mistum vnum constituitur; at non ita se habent corpus, album, & disciplina, ex quibus vnum non conficitur. **CHAR.** De Auerroemox, interim videamus de Auicenna. Modus quo vult elementa manere in misto perabsurdus est: ea namq; putat vnum in locum congregata se se inuicem dirimere in portiones exiguas, non tamen minimas, sed vt nihil sensu notari possit, quod non constet ex illis quatuor: vult deinde in singulis portionibus ita distractis & confusis vnus elementi tantum manere formam, sicque dari minutam partem materiæ quæ formam ignis habeat sub forma misti, aliam aquæ, aliam terræ, aliam aeris: quod fieri non posse sic demonstro. Nam si qualitates æquabiliter sunt fusæ per totius corporis molem & redactæ ad simile quodam genus temperamentum non est potior ratio cur hic adsit forma ignis, quàm forma aquæ, neque credibile videtur aquæ & ignis essentiam hære in materiæ portionibus affectis eodem modo: sic enim vnum elementum nunquam alterum in se conuerteret, nam & si præparauit satis eius materiam, vt suam formam introducat, altera tamen non cedit, quoniam ab ea præparatione non abhorrebit. Si verò non est in tota materia qualitatum permistio consummata, nec temperamentum æquabiliter toti conspersum, iam forma misti non erit vna: nam quæ informat portionem ignis non informabit portionem aquæ, propterea quod forma misti similis in toto suo subiecto requirit eandem præparationes, unde fit vt mistum simile dici non possit. **ARIST.** Quam luculenter ostendisti non remanere formas integras elementorum in corpore quod ex eorum temperatione innouatur, si tam dilucidè rationibus alijs confici possit eas formas non euanescere, palam erit ambiguitatem illam ortum habere ex principijs quibus statuitur formas quasdam, & qualitates distinctas in subiectam materiam commigrare: nam siue illæ maneant integre, siue decedant, vtrinque lapsus est in ambages tenebricosas. Aristotelem produxisti contra formarum integritatem, non ignoras tamen 3. cœl 33. In aqua & igne non inesse carnem, quia non segregatur ex illis caro, contra verò in carne, & ligno potestate inesse ignem ac terram, quia ex carne, & ligno segregantur: vult igitur elementa manere reipsa, nam si virtute tantum inessent, non minus dici poterat carnem ex igne segregari, cum ex omnibus elementis caro gignatur. **CHAR.** Ratio cur in mistis elementis dicantur esse & segregari, peti debet a forma ipsius misti quæ continet omnes virtutes elementorum licet obtusas, elementum verò non continet qualitates omnes misto debitas. **ARIST.** Textu quoque 88. lib. primi ea quæ miscentur & segregantur corrumpi negat, propterea inquit, gutta vini decem millibus congijs aquæ non permiscetur, soluitur enim forma, & in vniuersam aquam mutatur: & hinc est quod misionem definiendo dixit effusionem elementorum non quæ corrupta sed quæ virtutibus retulissent. **CHAR.** Negat tantum ea misceri quæ vertuntur in suum contrarium, non autem ea quæ vnà cum suo contrario in mistum aliquod transmutantur. **ARIST.** Sit ea sanè mens Aristotelis quam volueris, non efficies tamen vt quisquam intelligat elementa secerni posse ab eo, cui non insunt reipsa, sed imaginaria quadam potestate. Ignis dum aliquid accendit,



dit, illud calefacit tantum & exsiccatur, a quo igitur producitur humor aeris & aqua, ac frigus terræ? Neque disputo iam an sint pura illa elementa quæ segregantur, tantum quæro si occiderunt in misto formæ omnes elementorum, & in vnam coaluerunt speciem diuersam, quæ ratio est cur iterum in eadem elementa resoluantur, potius quam in quoduis aliud: sicut ignis ex aqua genitus non propterea redit in aquam, nec caro in panem. CHAR. Id fit quoniam forma misti virtute continet formas omnes elementorum, alias tamen magis, alias minus: at non ita est de forma ignis respectu aquæ, ut iam admonui. ARIST. Sed si in misto est vna forma simplex, ea non magis confert ad elementorum generationem, quam ad alterius cuiusvis misti, nam & ipsa perire debet, ita ut quod generatur non a forma misti ex quo fit, sed ab efficiente speciemumat. CHA R. Perit illa quidem, sed tamen ob virtutes elementorum; quas in materia sua relinquit, ad eadem potius quam alia suscitanda, videtur esse apta quædam præparatio: nec contrariæ rationes aliud faciunt, quam sæpe generari mistum ex misto, sed omnia tandem resolui in elementa. Expendamus iam opinionem Auerrois quantumvis adornatam a Zabarella. Si remanent in misto formæ elementorum remissæ per transitum in aliam speciem hoc est in formam ipsius misti, cur etiam quando qualitates intenduntur & remittuntur non transeunt in aliam speciem: nam ex ijs fit vna qualitas media, quæ cuiusque misti temperatura appellatur, ut ipse ait cap. 9. de mitione, vnde consequens est substantiam & qualitatem eodem modo suscipere magis & minus. Sed ipse præterea pugnantia videtur dicere: nam hic & in libris de misti generatione docet ex calore & frigore remisso fieri vnam qualitatem mediam: hoc autem stare non potest cum ijs quæ nunc dicit, nimirum calorem intra eandem speciem remitti, necesse est enim qualitatem illam mediam a calore, & frigore distinguere specie. Commentitium autem est & prope somnio simile, quod ait substantiam elementorum esse mediam inter substantiam propriè dictam & accidentia, cum Aristoteles 3. cœli 1. inter proprias substantias annumeret primo loco simplicia corpora ignem & terram. Huius opinionis leuitas satis refutari videtur ex eo quod formæ elementorum ita refractæ nunquam possent se reuocare ad insitam perfectionem, quemadmodum in aqua fieri videmus, quæ ab igne calefacta suo se frigori restituit: at si forma eius esset retusior non posset seipsam intendere, hoc enim nulli formæ conceditur, proinde frigus innatum ab aquæ materia non emanaret. Quod si formæ omnes elementorum pugnando, ut fit, inter se remitterentur, nunquam ad priorem statum reduci possent. Dicit quidem remanere semper integras maxima ex parte formas elementorum a quibus aliæ suppressæ restituentur, inanissima tamen est hæc responsio; quia vapores aliunde refrigerari non possunt, quam a seipsis, quod secus fieret, si tam forma, quam frigus aquæ remitteretur. Denique eodem iure dici poterit nullas mistorum formas interire, sed tantum intendi, ac remitti, & ex diuersis interdum nouam componi, tandem in propriam quamque naturam facessere, atque ita seruari species æternas omnium rerum, quarum inchoata primordia non ita abolentur, ut omnino intercidant: quod si quæras vnde illæ formæ inchoatæ perficiuntur,

non erit maior difficultas, quàm in formis elementorum. Non placet etiam opinio Scoti, quòd in misto sit tantùm vna qualitas respondens omnibus, quæ reperiuntur in elementis, sunt enim eadem vtroque, quia generatur mistum congressu mutuo elementorum, in illa autem pugna non prorsus intereunt qualitates, sed remittuntur. Confutatis igitur alijs opinionibus superest vt formæ elementorum remaneant in misto facultate tantùm, siue potentia: quod præcipuè colligitur ex Aristotele supra citato tex. 83. & 84. vbi antiquos mixtionem negantes ait mendosè argumentari, dum enumerarent modos, quibus elementa possunt esse in misto: sic enim colligebant, vel ambo corrumpuntur, vel ambo remanent, vel vnum tantùm corrumpitur, & vnum remanet, vnde mistio fieri non potest. Respondet Aristoteles superesse aliud membrum, nempe quòd remanent ambo, non re ipsa, sed virtute, & potestate, quatenus forma misti vi & efficientia continet formas elementorum, & qualitates illi debitæ eadem sunt quæ fuerant in elementis. Atque vt vno verbo absoluam hæc forma misti simplex est natura, virtutem tamen composita, non concrevens ex formis refractis elementorum, sed noua omnino ex potestate materiæ suscitata, cuius productio dicitur mistio, in hoc distincta a simplici generatione, quòd ista non magis tendit ad formam misti, quàm elementi. Cæteras de forma misti opiniones Alexandri, Simplicij, Philoponi, & aliorum sciens omitto, quia longius desciscunt a veritate

## De mistione iuxta antiquos.

C I R C V L V S XXV.

ARISTÆVS. CHARILAVS.



**A**RIST. Aristotelis atque eius interpretum omnium incertitudine saltem hoc consequemur, vt non temere & inconsultò quæ possit, an ex veterum placitis aliquid opportunius inueniamus. Vidimus hætenus incommoda quæ sequuntur, siue integræ maneat in misto formæ elementorum, siue remissæ, nunc missis formis & qualitatibus, earum loco naturas antiquorum simplices substituamus. Occurrit imprimis Empedocles, qui quatuor elementa iudicauit esse simplicia, & ex ijs censuit gigni carnem, ossa, & alia mista sola partium copulatione, rursumque separari citra vllius portionis corruptionem. Quòd si Empedocles non negaret transmutationem elementi vnus in aliud, parum differret a Aristotelis interpretibus qui volunt ex elementis re ipsa permanentibus fieri misti concretionem. Verum ex quatuor tantùm corporibus, quæcunque tandem fiat complexio substantiarum, & qualitatum, non videntur oriri posse tot species, non dicam quæ ad infinitatem vniuersi pertinent, sed quæ in hoc orbe nostro conspiciuntur. Ex quatuor primis, vt aiunt, coloribus no-

adeo



adeo multi exsurgunt specie diuersi ad aspectum: sed neque tot essent, nisi illi quos vocant colores primos, & simplices, constarent ignota nobis variorum corporum permittione, & præterea lumine in eos incidente, nihilominus non ita differunt a primis coloribus, vt oleum, sulfur, aurum, vnio, adamas ab elementis. Commisce ignem, aerem, aquam & terram, & subige diu, multumque ea proportione qua volueris, retunde qualitates multiplici temperatione, nullius tamen rei speciem conflabis, nisi propriam materiam sumas in qua sint semina speciei cuius molitionem aggredieris. Multò minus satisfaciet illud Cardani qui lib. de miltione ait miltum non constare igne, & ære, sed terra, aqua, & coelesti calore. Vnde enim fieret aurum grauius terra si grauitas oritur ex frigore solius aquæ & terræ. Non habemus, inquiunt terram puram, quæ grauior est quolibet misto. Difficile est hic patientes aures accommodare: etenim si nostra ista impura minus grauis est, hoc fit ratione ignis, aquæ, & aeris. Sed coniiciatur terræ puluis tenuissimus in aquam, paulatim abibunt aer, & ignis: faciamus esse partes æquales terræ, & aquæ, tota nihilominus massa non ponderabit quantum portio auri, cuius magnitudo sit tantum quarta pars totius molis. Quid si haberemus ex terra, quæ est in centro, & quæ instar pulueris ob humoris defectum, vt ait Aristoteles, resolveretur? sed hæc loca plena sunt ignibus subterraneis: nusquam igitur est illa terra, & de eo quod nunquam fuit, disputatur. Considera deinde venena, & pestiferos halitus, an eorum vim referre possis in qualitates elementorum, & videbis quam difficile sit etiam fingere ex ijs solis fieri cicutam, arsenicum, argentum viuum. C H A R. Hæc incommoda & maiora si vis oriantur ex opinione Empedoclis apud quem generatio nihil aliud erat quam permittio, & fœdus quatuor elementorum

——— φύσις ἐδενός ἐστιν,

Ἀλλὰ μόνον μίξις τε διάλλαξις τε μιγέντων.

Verum ex quatuor corporum copulatione citra vllam mutationem formæ, & qualitatum prodire non possunt illi effectus, quos adduxisti: at ex sententia Aristotelis ea est primarum, & secundarum qualitatum temperatio, quæ his omnibus satisfaciat. A R I S T. Tametsi satisfaciat illis omnibus, quos dicunt Aristotelis ἀνδράποδα καλὰ κ' ἀγαθὰ, tamen cæteris non videtur omnino satisfacere. Ita comparata est mens humana, vt quod vni graue dictum & sapiens est, alteri leue, & insulsum appareat, vnde extat illud Luciani.

Οὐδὲν ἐν ἀνθρώποισι διακρίδόν ἐστι νόημα,

Ἀλλ' ὃ σὺ θαυμάζεις τῷ ἑτέρωισι γέλος.

Dabis hanc veniam rudioribus illis ingenijs, quibus ad rerum naturalium intelligentiam non sufficit Aristotelis ὕλη, nec Empedoclis ἐλοφύες, vt ad πανσπερίαν Anaximandri, Democriti, vel Anaxagoræ confugiant, atque inde liceat depromere quod facit ad hypothesim quam proposui. Placet illud seminarium sic accipere, vt quatenus sumitur pro vniuerso comprehendat species infinitas æternarum substantiarum, quatenus verò restringi-

tur ad singulos mundos, circumscribatur finito numero earum rerum quæ illius mundi naturæ conueniunt. Omnes illæ primæ substantiæ sunt simplices, omnes liquidæ, sed aliæ magis, aliæ minus pro naturali partium adhesionem: nec vlla pars est propriè dicta quæ non sit corpus, vt ante dixi, cuius principia indiuidua sunt sola puncta, seorsim quidem non subsistentia, corpus tamen instruentia congestu suo. Ex portionibus simplicium substantiarum aliarum cum alijs copulatione, mutuoque complexu fiunt semina specierum compositarum, quæ suscepto paulatim incremento perficiuntur, itavt corporum mistorum ortus, & obitus sola simplicium substantiarum congregatione & secretionem absoluatur. Ex porro substantiæ primæ cum sint corpora non possunt, vt fingeant Stoici totis totas permisceri, & subire quoquouersum, ita vt se mutuò penetrent: putabant enim lanam, verbi gratia, perfusam aqua permadere totam, nec vllam esse portionem quam humor non peruaderet, similiter & sudores è cute nostra emanare, ipsamque omnino penetrare. Ab his non longè absunt theologi qui docent hoc saltem diuina virtute fieri posse, immo corporum omnium replicationem videri possibile vt totum vniuersum simul ponatur in vno puncto, quod est supra caput cogitationis & totam conturbat atque inquinat philosophiam. Ego sic veterum opinionem accipio vt innumerabiles quidem substantiæ specie diuersæ sint in singulis mundis, sed tamen finitæ, & in exiguas portiones ita diremptæ & inter se permixtæ citra vllam penetrationem, vt defendi possit illud dictum Anaxagoræ 1. Phys. 37. ex quolibet quodlibet segregatur, non quòd ex minima portione substantiæ simplicis possit alia substantia segregari, id enim meritò reprehendit Aristoteles, si Anaxagoras ita sentiebat, sed quòd in substantijs compositis ob inexplicabilem rerum complexionem, tam multa latent, vt quodammodo dici possit in quolibet esse quodlibet, eo sensu quo Hippocrates in lib. de natura pueri ait omnia in terra reperiri, quanquam in quibusdam portionibus fieri potest vt ne atomus quidem insit complurium substantiarum, in omnibus autem longè plus vnius, quam alterius, vnde dicebant veteres cui plus inest alicuius substantiæ, ab ea vt plurimum sortiri nomen. Neque verò in terra tantum putauit Hippocrates omnia esse, idem enim de aere, & aqua dicendum fuit, vt non multum discrepet ab Anaxagoræ sententia sano modo intellecta, dum lib. de natura humana tex. 14. hæc habet, Necesse est secedere singula in suam ipsorum naturam hominem moriente, humidum nimirum ad humidum, siccum ad siccum, calidum ad calidum, frigidum ad frigidum. Quibus nominibus potius vsus est sapiens senex, quam ignis, aeris, aqua, & terra, ne videretur omnia resolueri in quatuor hæc sola corpora, quæ multi simplicia credunt, sed potius in calidum, frigidum, humidum, & siccum, ad quæ commodius reducuntur ea quæ sensum tactus afficiunt, quam ad vulgata quatuor elementa. Melius dicitur multas species esse calidi, quam ignis, sic enim datur vna substantia quæ verè est ignis, & pertinet ad genus calidi, sicut aliæ innumerabiles eodem ferè modo sensum afficientes: aliæ verò reuocantur ad frigidum, humidum, & siccum quarum infinitas differentias non agnoscimus. Atqui illæ sic inter se confertæ ac disseminatæ reperiuntur, vt non aqua sit omnium ubi-



que comprehensio, sed ut ad bonum vniuersi fert vnumquodq; vis necessaria suæ naturæ, ita confluat & cæteris admisceatur. Ad cuius rei intelligentiam operæ pretium videtur breuiter replicare quod dictum est de principio motus ad locum, nempe mista quæ coalescunt ex simplicibus in sui concretione hoc habere, ut continenter ex se quoquouersum effundant aliquid, vos appellatis qualitatem, veteres nomen accipient, modò qualitas illa sit substantia tenuis, ceu spiritus, aut lumen per aerem disseminatum. Illi spiritus tam varijs e rebus emissi non se penetrant, nec consistunt eodem loco, sed sicut innumerabilium seminum copia longè lateque disperguntur, densiores singuli in principijs vnde prodeunt, laxiores verò quò longius ab ipsis remouentur, eo planè modo quo lumen diradiatur a pictoribus. Hanc vim in omnibus mistis agnoscunt veteres deriuatam a primis substantijs, vnde fit ut quemadmodum illa multos spiritus ex se profundunt, sic ab alijs emissos hauriant, omnia tamen non vno modo: nam magnes contrarios duos spiritus effundit duobus polis, quasi contrarijs duabus portis, & licet minutatim concisus, eisdem semper sibi munit aditus, quædam alia pluribus locis plures emittunt, quædam eundem semper & vndecunque. Hac siue qualitatum, siue spirituum effluentia sese mista contingunt, implicant, sequuntur aut fugiunt: nam cum illi spiritus sint ipsa mouendi se virtus, si consensum habent cum alijs quibus implicantur, tendunt ad principium amici effluxus tanquam ad suum bonum, eò fortius quò principium illud densius est, & conuenientiam habet ac consensum amiciorem naturæ suæ, contra verò si dissentiant: hinc fit ut corpora ipsa quæ sunt fontes effluuij interdum accedant inter se, vel recedant, vbi rerum virtus ita postulat. Hæc est illa forte apud Heraclitum motus perpetuitas, quæ ut omnis permissionis, ita & omnis ortus, & interitus causa censi debet. Omnium igitur virtus sunt ipsæ substantiæ simplices seipsis mobiles & mouentes: vos quidem per grauitatem & leuitatem intelligitis principia distincta mouendi se ad suum locum, at veteres putant substantias simplices esse virtutes ipsas sese mouendi, nec difficilius est proximè ab illis manare motum iuxta antiquos, quam secundum vos potentias ab anima, frigus ab aqua, denique motum non distingui re ipsa a corporibus non magis est supra captum nostræ cogitationis, quam substantias abstractas esse suam actionem, ut ait Aristoteles 12. Metaph. 30. Mirum est tamen Peripateticos vsque adeo substantijs corporatis inter se esse, ut sine virtute aliqua ab ijs distincta nihil ipsas moliri velint, quibus tamen referre possumus talem esse earum naturam, ut sint ipsæ virtutes ad omnia, nec aliud præterea inquirendum. Ita Aristoteles in multis nullam aliam rationem affert, quàm rei naturam: ut enim ait 7. Metaph. 59. Quærere propter quid ipsum est ipsum, nihil est quærere. Sic 8. Phys. 32. ait leuia ferri sursum, grauia deorsum, quia talis est ipsorum natura, quod affert pro vera ratione & nihil aliud: quare videtur iniquior in Empedoclem & Anaxagoram tex. 14. vbi pro ratione afferunt talem esse rerum naturam, & hoc esse primum principium: ad hoc enim principium & Aristoteles & ipsius interpretes saepe confugiunt: Scotus in 4. dist. 11. q. 3. quærentibus rationem discriminis, quod est inter substantiam & accidens, ait talem ex se videri rerum

naturam. Zabarella de cœlesti calore c. 10. cur lumen efficit aerem tenuem & calidum, rationem affert naturam luminis, fateturque nec se, nec Aristotelem aliā habere. Quaratur ab aliquo cur primus actus fortitudinis, exempli causa, quem miles exercet in bello, licet valde intensus, non ingenerat intensum habitum, quem tamen produciunt crebri actus remissiores, nihil aliud dicit, quā hanc esse naturam actus & habitus. Quare nemo succensere debet antiquis, quod putent huiusmodi naturam esse simplicium substantiarum, ut seipsis ultro conflant ad coagmentandos diuersos mundos, perinde atque elementa vestra conspirant ad globum vnum conformandum, similiter quod se accommodent, ut apta fiat adhæsiō mutuaque complexio ad mistorum corporum generationem, cuius gratia in exiguas portiones dirimuntur inter se distrahunturque. Id videri non debet incredibilius in substantijs infinitis respectu totius vniuersi infiniti quā in quatuor illis vestris vnius mundi comparatione. Vi propria concurrunt omnes ad miftionem, nec difficilius mundos construunt, quā lapides, plantas, & animalia coniunctione & secretionē, ad quod asserendum rationes videntur cogentes, nec facile dissolubiles, ut fatetur Aristoteles 1. de ortu 6. non quod sint cauillationes quæ ut ait Plato in Hipparcho cogunt quidem sæpe, sed non persuadent, verū quod propius absint a veritate, quā quibus vtimini in exsuscitatione formarum e materia. Quod si Anaxagoras tex. 1. dicitur propriam vocem ignorasse, hoc est ex suis principijs cum posset rem explicare luculentius, id non fecit, eius ignorantia, aut indiligentia officere non debet ipsis principijs quibus vniuersum dicitur esse totum, cuius simplices partes seipsis mouentur ad mistarum compositionem, adhærent mutuò, coalescunt in semen, appositione similium adaugeſcunt. In hoc igitur orbe nostro secretis ab vniuersi infinitate substantijs conflato & tandem aliquando dissoluendo, ut mistorum corporum generationem ex veterum sententia declaremus, naturæ simplices non ita seorsim consistunt, ut credidit Aristoteles sub orbe Lunæ fustum ignem latè exporrigi, sed in exiguas non tamen minimas & atomas portiones se distrahunt, alijsque diuersi generis cohærescunt. Hoc primo congressu fit inchoata quædam concretio omnium seminum, prout miftionis fert necessitas, ut ad semen quercus datur aliqua natura simplex, cuius portio incidens in alias sibi congruentes, dominatur tanquam principium illius compositionis, cui cæteræ ad eam veluti iuuandam sunt illigatæ, ut illud semen viuum iam dici possit quercus compactilis sentum fugiens, neque enim glans tota semen est, sed particula miræ exiguitatis, ad cuius perfectionem requiritur locus & alimentum, quod de inanimis perinde atque animaris arbitrandum est. Aurum, & alia id genus dicitis esse partium consimilium, quoniam sensibus ita apparet, veteres autem putant constare naturis dissimilibus, quarum tamen complexione videatur concretum corpus vnum *ὁμοιομενές*. Naturæ simplices liquidæ sunt omnes & fluctuantes, continua verò fractione, comminutioneque facta inter se vsque ad eo tenaciter adhærescunt ut singularum sistatur motus, neque alio glutino ferrum inantur, quā propria cuiusque natura. Hæc efficit ut stannum & æs arctius sibi iungantur, quā æs æri, aut stannum stanno: alia remissius, ut mi-

*De ortu seminis.*

*De adhæſione partium ad solidorum generationem.*



mistura argenti, & eris, qua vtrunque ferruminatur, quoniam soluitur igne  
 longè facilius: alia nullo modo, vt plumbum liquatum manibus lotio per-  
 fusis, & oleum ebulliens iisdem imbutis caparum succo: qua arte circula-  
 tores, vt vendibilia reddant vnguenta sua, demergi se iubent in vasa fer-  
 uentis olei, parasiti verò frixos e sartagine pisces impune rapiunt: alia deni-  
 que non modo sibi non adhærent, sed quoad fieri potest se subterfugiunt,  
 quorum innumera sunt exempla apud scriptores de consensu & dissensu re-  
 rum. Superuacaneum est hic confingere particulas quasdam minimas, quas  
 recentiores quidam appellant anguillares, ab anguillarum vel anguium spi-  
 ris omnia ligandi, atque implicandi facilitate: nam anguilla illæ si liquidæ  
 sunt, mutant figuras, neque earum mollis amplexus quantumvis tortuosus  
 videtur causa tenacitatis: si verò solidæ dicantur, flecti oportet cum rarita-  
 te & densitate supra reiecta, ac sæpe frangi res tam aculeatas, & afferenda  
 ratio qua fragmenta coeant rursus, præterquam quòd antræctus illi & meandri  
 absque vacuo fieri nequeunt: quare mittatur hoc genus adhæisionis non  
 commentitium modò, sed ægroti veteris somnio non absimile. Dices non  
 minus videri portentosum, quòd cum singulæ portiones simplicium natura-  
 rum etiam post commissionem sint liquidæ, quoniam iuxta veteres nullius  
 naturæ virtus intercidit, tamen ex earum copulatione fit corpus solidum.  
 Sed iam admonui cur exigua illæ portiones non sint liberæ & sui iuris ad flu-  
 ctuandum, nam ea paruitas est singularum, vt cum ea superficies, quibus se  
 contingunt tenaciter inuicem adhærescant, illud exiguum substantiæ, quod  
 includunt fluctuare non possit amplius, sed implicitum, vinctum & quasi in-  
 terceptum habeatur. Quod si portiones sint maiusculæ, iam id quod intus  
 est substantiæ liquidæ non satis continetur, nec motus partium interio-  
 rum sisti potest. Hoc videre licet cum humida siccis, aut pinguibus copu-  
 lantur, vt aqua pulueri, hydrargyrum seuo, grandiores enim guttæ defluunt,  
 elabunturque, tenuiculæ verò manent implicitæ & comprehensæ. Inter-  
 dum verò sicci & humidi natura ita diffidet, vt adhæsiō partium impedia-  
 tur. Hoc mirabile est in camphora, quam ad varios vsus, ignium præcipuè  
 missilium, complures in puluerem redigere quærunt, sed frustra ob tenacita-  
 tem, nisi prius marmor, vbi teritur, leuiter perungant oleo iuglandium,  
 quòd & si humidum est, tamen efficit vt camphora in puluerem abeat. Ratio  
 igitur cur humida siccis exquisitè permixta concrecant in solidam molem  
 alia non est, quàm natura rerum ipsarum simplicium, quarum partes non  
 habent tam tenacem, & firmam adhæsiōem cum sibi similibus, quam cum  
 quibusdam alijs diuersæ speciei: non enim firmiter aqua adheret aquæ, si-  
 cut calci, & arenæ, postquam omnia in exiguas portiones sunt comminuta.  
 Neque sunt audiendi qui dicunt in illa concretionē non remanere calcem &  
 aquam, sed mutari in aliud corpus, quia nimirum fateri nolunt particulas  
 huiusmodi seipsis coalescere, & remanere, vt lynceus aliquis eas discernat,  
 neque capere possunt quomodo ea quæ separata fluunt sola copulatione ri-  
 geant, & obdurentur. Non satis est illis exemplum pulueris, & aquæ, vnde  
 lateres conficiuntur, vix admittunt in argilla molli subesse aquam, multo mi-  
 nus igitur in lateribus recoctis, lapidibus, metallis, & alijs rebus solidis, ta-  
 men


men in istis omnibus nihil afferri potest a partibus distinctum, quod sit vera causa adhesionis. Stannum molle, & æs quod inciditur simul liquata & probe mixta concrescunt in duritatem æris campani, cui nihil omnino insculpi potest, quippe vtriusque particulæ tenacius alteri adherent, quàm sibi. Aristoteles putat stannum evanescere, & balbutire ut ait contextu ultimo primi de ortu *ῥελλίζεται, καὶ ἐπαυροτερίζει ἐν τῷ ὄντων*. Balbutiunt, inquit, nonnulla inter se, & ancipitis sunt naturæ, ac propterea docet stannum æri colliquefactum pene evanescere & solum colorem relinquere, quod risum mouet ijs qui metalla quantumvis permixta exciunt ac separant alia ab alijs. Non minus hærent inter se portiones æris & stanni, quàm in glacie seipsis copulantur humor aqueus, atque alia corpuscula frigida & sicca, immo complexionem ineunt longè firmiorem, quippe non nisi multo calore partium consociationem interiectu suo prohibente disiunguntur, eoque moderato coalescunt. Vnde concludi potest corporum solidorum non esse partes similes, sic enim comparata est natura rerum, ut similes sint liquidæ & mobiles vbique, ac separabiles ad permissionis facilitatem, dissimiles verò interdum liquidæ, interdum solidæ, prout humida siccis commiscentur. Quod liquidum est hoc ipso fit solidum quòd partium omnium iactatio & fluxus sic impeditur, ut confectiones faciliè iam fieri non possint, quâ detur transitus, sed totum corpus quodammodo fit inaccessum, nisi quæ meatibus tenui alio corpore plenis peruium est. Substantiæ enim simplices dum aliæ alijs adhærescunt, relinquunt exigua quædam spatia plena corpusculis alijs ad concrescendum inutilibus, quos meatus poros appellant, conspicuos quidem in multis, in plerisque verò ob exiguitatem occultos. Hoc perinde fieri censendum est ac dum bracteolæ auri subtilissimæ calido permiscuntur hydrargyro, & fit ea concretio quam vocant amalgama, ubi partes hydrargyri non copulatæ refluunt intus, & ijs expulsis succedit aer. Ita nullum corpus solidum meatibus caret, alioqui transitum lumini non cederet crystallum, & ea quæ vos translucida, veteres autem porosa vocant nullum autem est corpus solidum tam opacum, quod si in tenuem lamellam ducatur, aditum lumini non præbeat. Atqui eos meatus in læuore crystalli vel auri nobis latentes reperiunt muscæ & alia quæ pedibus speculum globosum decurrunt quoquouersum. An autem pix, viscum aut alius humor lentus & tenax his meatibus insertum detineatur, dicendum est potius hoc accidere ex natura rei viscosæ, quæ corpori quantumvis terio & pleno tenaciter hæret etiam absque meatibus, quemadmodum eiusdem rei viscosæ partes citra huiusmodi implicationem copulantur. Hæc omnia demonstrant non vna, sed diuersis specie substantijs fieri poros, & firmam partium solidarum connexionem. Si iunguntur duæ laminæ aureæ adeo politæ, & sibi proximè quoad eius fieri potest applicatæ, ut per læue seueros effundat iunctura ungues, non tamen corpus vnum instruunt implexu mutuo, sed faciliè disiunguntur, donec ijs colliquefactis & suo iuri redditis portiones dissimiles ita se collocant, disponuntque, ut arctissimè colligentur, longè alio ordine partium, quàm quo prius duæ illæ laminæ inter se componebantur propterea rerum solidarum fragmenta absque glutinamento, & ferrumin

De poris.

non



non coeunt, nisi naturæ suæ reddantur, cuius libero motu naturalem sibi coniunctionem moliuntur, ea sublata quantumvis iunctæ sint laminæ non habent firmam illam adhæSIONem, sed facile deglutinantur, quod argumento est partes iunctas esse dissimilares nec obtinere eum copulationis modum quem naturaliter expostulant, similes enim utcumque iunctæ statim adhærent quantum fert natura rei simplicis. Hinc manifestum est liberam partium fluctuationem causam esse cur liquefacta coniungantur, & sibi agglutinentur arctissimè, dum eo modo quo esse volunt naturaliter, inuicem sese applicant, quod assequi non possunt quantumvis læuigentur. Perfectam huiusmodi corporum adhæSIONem accuratius ostendunt illi, qui tormentis æneis intus vitatis partem ferra adimunt, & aliam absolutam ijs adiungunt, vel qui canales plumbeos absque ferruminatione producunt ut liber.



Intelligamus H. I. esse typum, seu formam cauam ex terra, & A. eius, ut aiunt, animam ad fundendum metallum per spatium B. Sit H. E. plenum intus ea parte tormenti ænei, vel tubi plumbei cui aliam volumus adiungere, imponaturque pars typi D. I. & anima A. fiantque duo foramina in typo, E. quidem quod peruadat ad æs, D. verò ad animam terream, fundaturque metallum per spatium B. quod sinatur fluere per D. donec colliquefacta paulatim subiecta parte, metallum incipiet fluere per E. quod statim obstruetur, & D. similiter, implebiturque spatium usque ad B. & si quis canalem producere velit infinitè, attollat typum terreum D. I. & utatur duobus, ut dictum est, foraminibus, ita enim habebitur moles integra perinde ac si vna fusione conflata esset. Rursus auri naturam altius inuestigamus, ut ex ea constet alia corpora quæ videntur impuriora non constare partibus homogeneis, quas similes appellamus. Hydrargyri substantiam, multiplicem esse nullus ambigit, qui varios eius effectus expertus est, cum vrendo, tum refrigerando, illud tamen exiguo puluere iniecto videtur aurum sola vtriusque permissione. Scio quidem vos aut rem omnino negaturos, aut saltem dicturos id fieri generatione, qua materia relinquens hydrargyri formam, assumit auri. Sed primum quod nemo inficiabitur accipio fieri saltem aliquid simile auro, non minus simila-

*De chryso-  
pœa.*

re, quàm aurum ipsum si testes sensus adhibeamus: quinimò æs campanum, corinthium, & alia collectanea, nisi sint secretio, iudicantur esse similium partium: cum igitur idem in auro fieri possit, & ipsum compositum videri debet. Ex auro Spagirici non generant, ut putatis, sed separant hydrargyrum, sulfur, terram, & multa quibus constat, non tamen omnia, quoniam hoc

humanam industriam longè superat. Præterea ex sulfure Paracellus nonnulla separat, quæ quodammodo respondent vulgaris quatuor elementis unde vas vitreum conficitur in cuius fundo apparet aliquid simile terræ, cui innatat aqua, deinde aer, & supra ignis, ita ut agitato vase hæc omnia confundantur, mox in eundem ordinem se referant. Colores, inquit Paracellus apparent puri ut aer flauus, aqua spissi lactis instar, ut a lacte vix dignoscatur, ignis ut rubinus ardens cum transparentia, & omnibus igneis inditijs, terra verò nigra prorsus & adusta. Quibus verbis ea quæ similia vulgarè creduntur, ostendit habere partes valde diuersas. Sed & ea a quibus arspagirica nihil amplius separare potest, proptereaque vocantur terra daminata, non idcirco simplicia aut similia censeri debent, sed potius eam habere partium colligationem quæ facile non possit igne dissolui. Negant veteres illud esse simplex ex quo ignis educi potest, ut apparet in auro fulminante, atque etiam in ære, nec non in sulfure, & alijs elementis Paracellus Referam tibi fideliter quod olim mihi contigit, cum vehementer ambigerem an aurum ex hydrargyro fieri posset, accepi a viro industrio, qui hunc mihi scrupulum auferre voluit, drachmam pulueris colore non absimili flori papaueris siluestris, odore verò sal marinum adustum referentis, atque ut abesset omnis suspicio iocose fraudis vasculum e multis venalibus vnum accepi, carbonem, & hydrargyrum quibus nihil auri occultè, ut sit a circulatoribus subiectum esset. Decem mistis drachmis puluerem inieci subiecto igne satis valido, statimque omnia exiguo intertrimento in decem ferè drachmas auri optimæ notæ coaluerunt, quippe quod aurificum iudicio nullam non subiit tentationem. Hoc nisi in loco solo, & remoto ab arbitris comprobassem, suspicarer aliquid subesse fraudis: nunc fidenter testari possum rem ita esse, quanquam fieri potest ut nihil aut parum sit emolumenti in huiusmodi puluere conficiendo, propterea quod non fit nisi longo tempore multo labore, magnis impensis, nec ea copia qua quisque vellet, idque e angustiis Alchimistarum fortunis deprehenditur, quorum nullus ab eo tempore quo huic rei inanissimæ dant operam, regnum aliquod occupauit, hostes suis amicis insensos debellauit, aut saltem ornauit patriam magnifici operibus & monumentis Hermere dignis. Ex ea tamen industria non omnino inutiles nonnulla confectionaria deduci possunt ex veterum philosophia primum est in auro & alijs concretis partes esse dissimiles, alterum est earum partium copulationem non facile dissungi posse. Ad aurum enim conficiendum ex hydrargyro, verbi gratia, duo sunt necessaria, scilicet partes quasdam effectum auri prohibentes depellere, deinde alias consociare quæ ad auri complementum desiderantur. Tam hæc quam illæ sunt admodum paucae, si cum alijs quæ sunt in hydrargyro conferantur, quæque non modo ad aurum, sed etiam ad argentum & æs faciendum sunt idoneæ quod facile credet, qui eliminatam ferri scobem permittam aquæ ubi solutum fuerit chalcanthum, in æs subito conuerti viderit, & illud quod vulgus cinabrium vocat, inuolutum argenti scobina in vase terreo probè lutato, paucis horis circumfuso igne, ut par est fieri argentum, sed scobem aduri. Hi tamen aliquis suspicabitur attractum potius, quam factum fuisse argentum

sed



sed mirum quòd remanet in ipso figura cinnabrij, siue sphaerica ea fuerit, siue cubica, nec multò difficilior liquefcit, quàm stannum, donec omnino purgatum fit, & pustulatum. Verum aliae sunt metalli conficiendi rationes multò certiores, sed longiores, quas praetermitto. Quando igitur pulueris illius fit proiectio in decem drachmas hydrargyri, inter ea quae exhalant & abeunt in fumum credibile est esse quidpiam repugnans auro formando, quo depulso puluis quoquo uersum diffunditur, & concrefcit in massam auream, in qua nulla potest assignari portio quae non sit aurum, hoc est corpus concretum vna parte pulueris, & nouem circiter diuersarum omnino substantiarum, quae tamen complexione mutua flauo illius metalli speciem contruunt, idem in argento effecturae, si puluis ad hoc idoneus proijciatur. Hoc uero mirabile in primis videri possit, quòd aurum argentumue hoc, vel alio modo confectum, si in aquam dissoluendo cuique metallo accommodatam conijcitur, in partes quidem exiguas resoluitur, sed tamen quae sigillatim sunt aurum vel argentum. Suspiciari enim posset aliquis aurum in aqua salis ammoniaci resolui in portiones argenti viui & pulueris vnde coaleuit, & cum aqua in fumum euanescere, vt solitum est argento viuo: sed dicendum est tenuissimas illas partes dispersas quibus tota aqua flaua videtur, ea esse paruitate, vt nunquam fundum petant, sicut plurima corpuscula aquae innatantia ac tandem subsidentia, ac propterea maior est tenacitas partium exiguas auri portiones concludentium, quàm vis auri ad descendendum: tamen infusa guttatim aqua falsa, vel oleo tartari, subsidet quodvis metallum aqua solutum: quod sanè mirum est, sal enim liquefactum per totam aquam diffunditur, similiter oleum tartari, mutua tamen implicatione metallum in puluerem collectum fundum petit, qui puluis mox exsiccat, ignem concipit instar fulminis: Atqui ex partes exiguae metalli aqua soluti, quas innatae iam diximus, non modò non sunt, nec esse possunt puncta mathematica, quemadmodum inferebas, cum sermo esset de atomis, & indiuiduis, sed singulae constant parte vna substantiae illius quam semen auri merito voces, & nouem partibus aliarum. Concretionem uero illam non facile solui igne vel aqua fateberis, si cogites stannum igni impositum paucis horis abire in cineres, vbi uero argento vel auro permiscetur, ita tenaciter adhæret vt vim cinerum ignis eludat, nec magis in fumum cedat quàm aurum ipsum. Quod etiam videre licet in ære, cui leuiter stannum inducitur instar tectorij, neque nimis liquatur igne, quemadmodum aliud, quod æri non adhærescit. Proinde consequens est maiorem esse cognationem aureae illius concretionis inter se, quàm cum igne, vel aqua quibus tentatur, alioquin solueretur in primas simplices suas substantias & continuò euanesceret. Hoc tamen accidere credendum est quando sal, vel aurum & argentum fit volatile; salem enim in cineribus humidis solutum si cum auro vel argento calcinato, vt vocant & oleo tartari abluto admisceas in ampulla vitrea collo longiore, eique decem & octo menses ignem admoueas, hæc omnia habebis volatilia, dulcia, & concreta in massam rubram, aut candidam. Qua arte vidi huiusmodi argentum cuiusquam fixum redderetur in fumum abire, & argenteum colorem obuijs pedibus allinere, perinde ac si quis eos in argentasset. Aquam illam falsam

iam craffiore factam, & dulconatam linguæ admoui, nec quidquam repe-  
 falſi & acris: vnde confici poteſt non minus ſalem marinum, quàm aurum  
 atque argentum habere partes diſſimilares quæ aliqua tandem induſtria di-  
 ſociantur. Hic quoque diligenter obſeruandum eſt diſſunctionem huiusmo-  
 di naturarum, quam vulgo attribuimus acrimoniæ rei diſſoluentis, aſcribe-  
 dam potius eſſe cognationi ſubſtantiarum quæ ſe permeant & amplectun-  
 tur: vidi enim aquam acerrimam vbi argenti lamella non ſoluebatur, pau-  
 guttis aquæ pluuiæ inſtillatis, quibus paululùm temperaretur, ſtatim lame-  
 llam diſſoluiſſe, vt ex eo crediderim non corrodi metallum aquarum huius-  
 modi vi ſola, & acrimonia, ſed potius tam aquæ, quàm metalli naturam i-  
 conſentire, vt ſemutud in portiones comminuant perexiguas, neque magis  
 aqua metallum, quàm metallum aquam peruadat: nam ſi fieret ſecus, qui  
 acrior eſſet aqua, eò deberet validius ſoluere, quòd tamen non facit, niſi  
 moderationem reuocetur. Deinde cur ſi in eandem aquam coniſciunt  
 ſtannum, plumbum, argentum, æs, & hydrargyrum, primùm in calcem di-  
 ſoluta ſtannum, & plumbum perunt fundum, reliqua videntur in aquam co-  
 labi, cui ſi a rea lamina immittitur, velut farina conſperſa candicans ſtati-  
 apparet, quoniam argentum ab alijs ſeparatur, & ipſi adhæret, eò mirabi-  
 liori conſenſione, quòd æs non idem facit, ſed remanet diſſolutum, don-  
 iniecta aqua falſa, vel oleo tartari, cum hydrargyro præcipitatur. Atque  
 hinc commoda ratio deduci poteſt a veteribus, qua probent omnia fieri in  
 turarum conſenſu mutuo, atque diſſenſu. Marmora Meſſalæ findit capri-  
 cus inquit Martialis: multi id accidere putant vi plantæ paulatim lapide  
 impellente: ſed certè ridiculum eſt ramum tenerum, & penè lacteum id m-  
 liri ſolo nixu, quin potius credibile eſt cuiusdam ſubſtantix tenuis affla-  
 perfundi totum lapidem, atque ita ſponte diſſindi, viamque præbere capri-  
 co. Idem efficit terra durior ſpiritu ſeminum afflata, rumpitur enim ea pa-  
 te qua debilior eſt, vt propterea plantarum ſemina terræ mandata non ta-  
 tùm ſurſum nitantur, vnde vitalem trahant calorem, ſed etiam quâ facili-  
 terra diſcedit, & vt cum Poeta dicam, *Parturit almus ager*. Nam ſicut m-  
 lieris foetum enixæ in ipſo partu diuelluntur præcipuè oſſa pubis arcè con-  
 miſſa, non impulſu foetus tenerioris, ſed halitu quodam, & ſpiritu, quo pa-  
 tes obuix diducuntur; ſic terra lapides, ligna, & alia pro conſenſu, diſſen-  
 ſu, quem habent cum huiusmodi ſpiritu, præbent exitum facilem ſemi-  
 bus, & foetus teneritati. Id accidere neceſſe eſt vbi maximè ſuſcitatur ha-  
 tus, qui prius quodammodo interquieſcebat in ipſo ſemine, vel foetu con-  
 prehenuſus: ita cùm videmus non calore ignis, ſed nutu ſuo & veluti ſpon-  
 aperiri nucem pineam ad ſeminum emiſſionem, arbitrandum eſt copioſius  
 quodam ſpiritu maturi ſeminis nucem diuelli. Hoc admirabili conſen-  
 partes vniuerſi ſingulæ conſpirantes non poſſunt non efficere pulchrum a-  
 quid, & diuinum, tam in ſolidis corporibus, quàm in liquidis. Ex ijs a-  
 tem quæ dicta ſunt de ſolidorum concretione, facile poteſt intelligi qu-  
 ſentiendum ſit de generatione liquidorum. Liquida enim alia conſtant p-  
 ribus ſubſtantijs, vt oleum, vinum, mel, & ſimilia quorum generatio ſic  
 & ſolidorum ſit ſola partium congregatione, hoc tantùm differens quòd i-

De liquido-  
 rum ortu.



non habent inter se tam tenacem, & firmam adhæſionem. Alia quæ verè ac propriè liquida dicuntur ab antiquis, sunt primæ species & substantiæ rerum omnium, æternæ & infinitæ ac proinde non generantur aliter quàm secretionem a compositis, & congregationem ad alias eiusdem speciei. Quæ ratio ortus, & interitus est adeo facilis & perspicua, vt mirum sit Aristotelem ea neglecta formarum, ac materiæ primæ tenebriſas obscuritates inducere, non tam vt veritati quæ lucem amat, quàm vt fumosæ ambitioni velificetur. Exemplum in igne statui potest, ex quo cætera intelligentur, quæ tamen, vt arbitror, non minus quàm auem incendiariam inominatam, & inauspicatam vestris principijs auersaberis. Ignis ille noster & alius quicumque quam non est omnino purus, sed variorum corpusculorum adhæſione permixtus, hic tamen accipitur a nobis pro prima substantia corporibus inserta magis aut minus, tanquam pars physica perfectius quibusdam, alijs imperfectius copulata, & ab ijs quantum est ex se separabilis. Quàm perfectè autem admisceatur videre licet in auro, & in ijs plantis quæ sub glacie viuunt, quibus nisi calor insitus esset substantia cuiusdam ignis, & non accidens, interiret profectò summo frigore, neque etiam satis est dicere calorem illum esse substantiam, nisi addamus adeo perfectam illius cum cæteris permixtionem, vt a repugnantibus non facilè dissolui possit. Hunc ignem multi reipsa esse non putant, nisi videatur, veteres autem omnibus esse permixtum, non sentiri tamen nisi separetur, & feriat sensus, præcipuè verò non videri, nisi concepto in flamma impetu diffundatur. Ignis itaque qui generari vobis videtur, sit secretionem, quæ tribus potissimùm modis accidit: primo cum partes ignis imperfectius alijs admixtæ facilè coeunt inter se: secundò cum attritu frequenti dissoluitur partium copulatio, ita vt singulæ quodammodo remaneant sui iuris, vt liberè quò natura fert abire possint. Sicque portiones ignis segregati conueniunt in vnum, & vehementius calefaciunt. Neque est quod Cardanus dicat filicis partes in ignem verti, Scaliger verò non filicem incendi, sed aerem, neutro enim modo extunditur ignis ille, qui cum esset abstrusus in venis filicis, vt sapientius dixit Poeta, siue ab ignibus subterraneis, siue a Sole communicatus, excuditur inde solo attritu, copiosè vbi copiosus delitescit, vt in quibusdam filicibus, parcè vbi parcius, minimè verò vbi parum admodum, aut nihil subest: quare glacies non incalescit vlla frictione, neque aer aut aqua quantumvis acriter diuerberentur: in glacie enim ferè nihil est ignis, in aqua verò atque aere pulsu & fricatu non magis congregatur aut segregatur, nam citra motum huiusmodi in corporibus liquidis perinde solutus est & sui iuris: in solidis verò compluribus tenetur quasi vinctus & interceptus, quare igniarium facimus, inquit Plinius lib. 16. c. 40. non tantùm ex filice, verùm etiam ex lauro, hedera, & moro simul attritis; ita generari creditur ignis, vbi primùm liber foras erumpit. Tertiò autem dicitur fieri alterius ignis admotione ad materiam igne refertam, & solubilem, vt ille qui excudit scintillam,

*Suscepitque ignem folijs, atque arida circum*

*Nutrimenta dedit, rapuitque in fomite flammam.*

Etenim scintilla in arida folia decidens, ea peruadit, & subitam efficiens par-


*De ignis generatione.*

partium dissolutionem ignem ibi contentum sibi adiungit, quo præsidio validior redditur, eoque citius vicinæ partes dissoluuntur, nouisque copijs semper flamma prodit instructior ad reliquarum disunctionem. Sic vbi ciues prius in officio continebantur, si factiosus aliquis accesserit, concordiam illam labefactat, ac primum facilem & obuium quemque sibi adiungit, quibus alij atque alij succedunt eò copiosius quò maior est numerus seditiosorum, donec violentia discordiæ ciuilis omnia concidunt. Verùm enim verò sicut tam arctis seuerisque legibus ciuitas aliqua teneri potest, vt nullus huiusmodi dissidijs supersit locus, sic multa corpora naturalia ignem & alias partes quibus conitant adeo firma copulatione coniunctas habent, & comprehensas, vt quæ sunt similares in vnum facile cogi non possint. Propterea non elicitur ignis ex auro, nisi prius reducitur in puluerem fulminantem, vt dictum est, neque ex ijs vbi longè copiosior reperitur, ob peculiarem modum permissionis: in calce enim fortasse plus est ignis, quàm in multis rebus quæ accenduntur, secretio tamen ad flammam necessaria fieri non potest. Ex ea generatione patet non aliter extinguere ignem, quàm quia secretio ipsius impeditur, vel iam secretus in medium diffunditur. Superesset vt quæ hæcenus declaravi iuxta hypothesin Anaxagoræ, ostenderem non minus congruere atomis, nec verendum esse quod ait Irenæus ἐξ ἁμικχοινία πλέκειν, ex arena funes contexere, ita vt atomi non satis firma adhesionem cohæreant ad chalybem, & adamantem conficiendum. Sed ex ijs quæ iam dixi, nemo non videt excepto vacuo de ipsis esse philosophandum, vt de substantijs primis Anaxagoræ. Hæc igitur de vniuersa permissionis atque adeo generationis natura iuxta veteres dicta sufficiant, vbi si quid verbosius videatur, humanitati tuæ ac nimix facilitati ascribas velim, qui mihi putidè pro antiquorum opinione differenti tam patienter aures accommodasti, nec cursum longiusculæ orationis interrupisti, nunc paratus sum audientiam vicissim præbere tibi contradicenti vt videbitur.

## . De temperamentis.

C I R C V L V S XXVI.

CHARILAVS. ARISTÆVS.



**H** A R. Nihil est etiam nunc quòd contradicam, quæ enim pro veteribus attulisti sunt eius naturæ, vt delectare magis possint auditores, quàm persuadere. Videamus tantum vtra mistio Aristotelis an antiquorum melius declaret rerum omnium temperamenta.

**A** R I S T. Rectè id quidem, quoniam ex permissione deriuatur proprietas temperamenti, quam tu obsecro nobis ediffere primum ex principijs Aristotelis, nam quid ex veterum doctrina deducendum sit, per hæc quæ dixi pa-



palam, & apertum satis arbitror. CHARR. Nomine temperamenti principum qualitatum harmoniam, & concentum intelligimus, qua simplicia quatuor rerum initia ad eam moderationem reuocantur, quæ cuiusque naturæ conuenit: est enim primarum qualitatum proportio quædam, non autem corpusculorum sola permissio iuxta antiquos. ARIST. Non negant temperamentum esse qualitatum proportionem, modò hæc a mixtione corporum sola ratione disiungatur, veluti concentus resultans ex simplicium corporum perfusione. CHARR. At saltem inficiari non possunt corporis alicuius temperamentum reipsa non esse vnum, cum enim singule portiones, quibus construitur virtute differant, non erit harmonia illa sed confusio ei similis, qua quis eminus contuens agrum varijs floribus & herbis ornatum, colorem omnibus vnum affingit. ARIST. Sit etiam ei, si vis, qua ex interuallis numerorum imparibus in cantu, ac fidibus graua cum acutis, acuta cum grauibus, inflexa cum vtrisque tanta consensione, & modulatione componuntur, vt ex sonis illis pro rata proportionem distinctis incredibilis suauitas existat, & dulcitus. Quid refert an harmonia sit vna qualitas reipsa, an ratione? Si nihil aliud incommodat, potes libenter alia persequi, nant veteres id flagitium non existimant. CHARR. Hinc ortum habet ipsorum error, quod autumant nullum dari mixtum simile, sed elementa, vt sunt, ipsi permiscet, aquam igni, terram aeri summa rerum omnium confusione, neque formas aut qualitates ad mediocre quiddam reprimi, retundique putant in concretione, vt sic vnum corpus aliquo modo, & vnum habeatur temperamentum. ARIST. Vsq; adeo corporis vnus similis amatores vos video, vt penè naturam incusetis, quod nos similes non produxerit, neque aduertitis harmoniam non existere nisi partes quæ congruenter, conuenienterque copulantur, distinctæ sint. Sed vix dici potest quàm inani labore retunditis qualitates, vt ex earum depressione consurgat vnum temperamentum. Potest aliquid esse tam iustitia quàm pondere temperatum constans primis antiquorum substantijs, quæ vt dictum est sunt ipsum Hippocratis calidum, frigidum, humidum, & siccum. Earum acumina & exsuperantia hebetantur permissione qua summas vires suas exerere prohibentur, non minus quàm remissione apud neotericos per vulgata, quod ita ostendo. Cum sensus sit arbiter & iudex cuiuscunque temperamenti siue iustitia, siue pondere definiti, non est ipsius discernere in illud oriatur ex qualitatibus eo quo dicitis modo repressis, an ex permissione calidi, frigidi, humidi, & sicci, quæ diuersa ratione modò substantiæ dicantur, modò qualitates, nunquam tamen retusiores secundum se, licet id sensum aliquando videantur depressiores. Intelligamus ignem & glaciem posse misceri qualitatibus integris quæ nec se vicissim demoliantur, nec ab illo possint obliterari, quid vetat ex vtriusque portionibus mixtum fieri quod tangenti tepidum esse videatur, peraque ac si ex calore vestro quatuor gradibus definito, & frigore totidem numeris ab extremo recedente constitueretur. Tepor nihil aliud est quàm calidi frigidique confusio, qua sentiantur vtriusque vires æquales, nec ad id refert an frigus & calor maiori, minore recessu distent a summo gradu, vt videmus in aqua perfrigida, & fer-

mentissima quæ si permisceantur æqualiter, non aliter tepescunt, quàm si e magis temperatis fieret mistio. Propterea Galeni opinio est summas elementorum qualitates coire in permissione temperamenti, quoniam ex Aristotele media extremorum copulatione coalescunt, nec probabile est summa frigidum & calidum in prima mitione qua sentitur tepor puncto tempera dimidia parte aboleri, quin potius verisimile est summas qualitates nullo modo repressas esse, sed contrariorum perfusione singularum vires minime sentiri, atque ita retusas videri exsuperantias. Hunc temperationis modum qui ad veterum opinionem planè accedit dum erroris insinuat Auerroes, in maiorem ipse prolabitur, portentosam inducens formarum & qualitatum remissionem, ex qua tandem Zabarella videtur quintam qualitatem simplicem introducere, quam olim Auicenna dixit emergere ex mutua primarum congressione, & in ea consistere temperamentum, vt mirum sit quomodo simplices illæ naturæ dum corpus dissoluitur memores esse possint prioris status, vt ei se longo postliminio restituant. At illi qui dicunt substantias simplices esse virtutes ipsas numeris extremis definitas, quarum varia permissione oritur concentus omnis temperamenti, nihil addubitant quin dissolutione corporum, omnia reddantur suæ naturæ, & in priorem formam recurrant. Vt autem aliquid sit pondere, vt aiunt temperatum, id est ad vnguem obtinens exactam æqualitatem calidi, frigidi, humidi, & sic iudicio sensuum, quo pares videntur omnium vires, non est opus vt modici sint pares primarum substantiarum portiones, sed viribus, ad hoc enim tepidum sentiatur, forte sufficit duplo minus calidæ substantiæ, quàm frigidæ, propterea quòd hac permissionis proportionem sensus temperationis a maior percipit calidi, & frigidi vires æquales, si dicamus a calido sensui excitari duplo magis, quàm a frigido. Quòd si quis contendat frigus esse solam caloris priuationem, non erit operosum demonstrare quomodo ex varijs substantijs plus vel minus calidi continentibus diuersæ confurgant temperaturæ. Cum igitur ex earum multiplici affusione tam facilè paritum omnium commoderatio, & temperamentum ostendatur, nihil est quòd excutemus qualitates, quæ seipsas demoliantur, & remissione graduum ad modicioritatem deducantur, quandoquidem eadem erit proportio, idemque sensus, siue in misto maneant integræ, siue earum duntaxat medietates; de confici potest quàm male instructi acceditis ad doctrinam veterum laborandam. C H A R. Id perpendendum alijs relinquo ex ijs quæ de remissione, & intensione qualitatum supra diximus. Hoc vnum addam posse aliter intelligi cur pondere temperatum corpus haberi non possit, cum quodam qualitates tam efficientes quàm mouentes: neque enim licet videtur corpus calido, frigido, humido, & sicco temperatum æqualiter, simule grauitate ac leuitate: nam cutis humana, cui perfectissimam temperaturam tribuit Galenus lib. 1. compl. c. 9. & lib. 2. c. 1. habet plus grauitatis, quàm leuitatis: nos huius rei possumus adducere rationem luculentam ex qualitatibus secundarum a primis effectione, nimirum quòd tres gradus frigoris Leone calidioris temperamenti plus grauitatis producant, quàm quinque caloris: ergo multo magis id fiet ex qua tuor gradibus eiusdem oppositio



proinde nunquam reperietur æquale huiusmodi temperamentum. ARIST. Semper hærebitis huic luto affixi, quòd a frigore fiat gravitas, cum vtrunque iuxta veteres sit æternum. Esto, demus frigida calidis esse grauiora, corpus aliquod fiet graue sola accessione frigidorum quæ simul graua sunt, idem enim quod sensum mouens dicitur frigidum, quatenus consensum maiorem cum terra habet, & ad ipsam fertur celerius; vocatur graue. Res autem calidi temperamenti, quæ nobis videtur grauis, longè minus habet ignis, quàm aliarum substantiarum, quarum aliæ sunt frigus sensum simul & gravitas, aliæ verò propter variam consensionem & conuenientiam cum globo terrestri, magis, vel minus graues dici possunt, sed non frigida, nisi sola ignis seu caloris priuatione. Hinc Leo calidus est, & grauis atque terrestris, quoniam ea portio ignis qua incalcescit, & si maximè sensu percipitur, deprimitur tamen ab alijs, quibus mole, ac vi tendendi ad terram est longè inferior, siue mixtione perfecta coniungatur, sicut in carne, siue imperfecta, quemadmodum in ferro candenti. Aliæ præterea sunt substantiæ quæ neque frigida sunt propriè, neque graues quales plurimæ ab alijs orbibus maximè appulsu luminis huc perferuntur. Illæ nullum habent pondus & impetum naturalem quo ferantur ad terram, sed lumini duntaxat adhærentes postquam ab eo separantur, faciliè a nostris elementis terra globum appetentibus, sursum vnde prodierant, detruduntur, atque ita videntur leues, quemadmodum nostra elementa in alijs orbibus collocata leuium more propellerentur. Quibus positis nihil videtur repugnare quin sit aliud corpus quanquam nobis ignotum quod aqualiter sit particeps tam frigidi & calidi, quàm grauis & leuis; ex siquidem portiones omnium possunt esse, quibus aliquid temperatum a quo pondere construatur. Vos verò qui qualitates educitis ex materia, & alias ex alijs derivatis, vt ex frigore gravitatem, operosis admodum nexibus implicamini, cum a vobis quaeritur, ut potius ex perfecto, & ex quo temperamento gravitas oritur, quàm leuitas, & cur plumbum licet grauius terra, minus tamen habet frigoris, a quo procedit summa gravitas. Ad hæc non sunt aliæ, quàm plumbeæ responsiones, quibus ne iterum obtundamur, autor sum vt quando hæctenus egimus de mixtione, nunc breuiter de mixti dissolutione verba faciamus.

## . De putredine.

C I R C V L V S X X V I I.

C H A R I L A V S. A R I S T Æ V S.

CHAR. Breuiter sanè vobis de mixti interitu differendum est: quippe nihil aliud habetis, quàm illud rancidulum, omnia dissolui congregatione vel secretionem naturarum simplicium, & æternarum quæ seipsis mouentur ad mixtorum compositionem: ex quibus obscurissimus est rerum

interitus. Quam luculenter autem is habeatur ex principijs Aristotelis videre licet ex 4. Meteor. c. 2. vbi assignat duo genera corruptionis, scilicet violentæ & naturalis, & quidem naturalem ait esse marcorem, seu putredinem violentæ verò exemplum affert adustionem non negat tamen aliam dari corruptionem violentam, nam mista pleraque lapidescunt solo frigore, vt inter ceteros scripsit Bodinus 2. theatri se vidisse lignum dimidio lapidem factum, qua nimirum parte fluitarat in fonte montis aurei nomine Tiretati apud Aruernos: præterea ligni frustula & quisquillas se inspectante lapidescunt se spatio trium horarum in riuo Aliacenfi Riomensium. Idem de alijs aquis hanc eandem vim habentibus plerique referunt. Vnde constat non sola adustione violentum afferri rebus interitus, sed etiam frigore quo ferè totus humor exprimitur. A R I S T. Vel ex eo videre potes quam immeriti rancidam vocas congregationem & secretionem, sine qua non lapidescere ea quæ dixisti: certè non solo frigore humorem exprimente, nam ibi maximè abundat humor, & frigus est longè minus quàm in glacie, vbi tamen non lapidescunt, neque in alijs aquis frigidioribus. Hoc igitur accidit potius quoniam ex illis fontibus in rerum meatus insinuant se substantiæ tenues vultu lapidum semina, quæ omnia inferciunt, & quibusdam partibus deputatis adeo tenaciter adherent cæteris, vt fiat concretio massæ lapideæ non abominabilis. In corporibus verò animalium lapides sæpenumero generantur neque frigore, neque calore, sed ipsa partis constitutione quæ talis est, vt in eis sint ipsi complura corpora, a quibus semina lapidum ex vniuersis humoribus prolestantur, eo ferè modo quo in terræ visceribus coalescunt, vbi nihil fit, nisi propria cuiusque substantia consentiat, & conspiret. C H A R. Nunc quoque non inficiamur opus esse materia secunda, hoc est idoneè præparata sed eam præparationem fieri dicimus a contrarijs qualitatibus. Nunc nostrum institutum satis est non sola adustione, sed etiam frigore & alijs modis multa violenter interire. Corruptio naturalis mistorum ea est quæ opponitur violentæ, quando nimirum rei quæ corrumpitur non affertur interitus maturus & nimis acceleratus interitus insigni aliqua violentia, sed ita leniter & sensim, vt quamuis fiat a principio externo, rei tamen naturam sequi videatur, natura enim fieri dicimus quorum causa externa nobis euidenter non apparet. Nihilominus & si huiusmodi corruptio gradatim facta dicitur naturalis tam respectu rei corruptæ quæ paulatim interit & absque violentia, quàm naturæ vniuersalis cuius est ortus, & occasus rerum moliri, tamen violenta est aliquo modo, quatenus fit a principio externo contra inclinationem formæ, vel compositi, quod corrumpitur. Naturalis igitur corruptio vocatur ab Aristotele, quæ fit iuxta leges a natura vniuersali rebus præscriptas, quæ sunt vt omnia orta occidant, etiam nulla violentia extraordinaria ipsis adhibita: & hæc non est alia quàm marcor, siue putredo, quæ paulatim & citra vim vllam in sua primordia resoluuntur, vt longa senectute defessa reuiuiscant aliquo modo. Ita senibus facilem obitum natura dedit: Bassius Aufidius, inquit Seneca epist. 30. non dubitare se dicebat quod senilis anima in primis labris esset, nec magna vi distraheretur a corporis. Ignis qui valentem materiam occupauit aqua & interdum ruina extinguendus.

*De interitu  
naturalis fortiter ferendo.*



us est, ille qui alimentis deficitur, sua sponte subsidit. Hanc mortem Socrates comparat somno qui eò iucundior est quo altior, nempe consanguineus Lethi sopor, ut eum appellat Virgilius post Homerum, a quo dicitur *χασίγητος θανάτοιο*, & mors *χάλκειος ὕπνος*. Idcirco cum impijs sententijs damnatus esset, æquissimo animo se dixit mori, neque enim domo egredienti, neque illud suggestum in quo caussam dixerat ascendenti signum sibi vllum quod consueuisset a Deo quasi mali alicuius impendentis datum: in carcere verò somniavit se audire a pulchritudinis eximia foemina home-ricum hunc versum

*ἡματί κεν τριτάτῳ φθίλω εἰβωλον ἴκοιο,*

ut refert Laertius lib. 2. vbi per Phthiam Achillis patriam, quò tendebat, significatur putredo ad quam omnia mista naturæ necessitate reuocantur. Præclare igitur ille dicenti *θάνατόν σε κατέγνωσαν Αθηνῶνιοι*, respondit *καὶ κείνων ἡ φύσις*, ostendens non minus Athenienses a natura, quàm se ab Atheniensibus morte damnari. Diogenes moriturus dormiebat, excitatus a medico querente quid grauius accidisset, ait, *εἶδέν, ὁ γὰρ ἀδελφὸς τὸν ἀδελφὸν προλαμβάνει, ὁ ὕπνος τὸν θάνατον*, quod forte meminerat ille qui postea cecinit, *Et tu dormitor somne laborum Frater gelida languide mor- tis*. De hoc interitu naturali loquens Plutarchus in consol. ad Apoll. ostendit nihil esse aliud quam rei dissolutionem paulatim factam in suas partes, nec vlli molestè ferendam esse: *τὶ γὰρ θάυμασόν ἐστι τὸ τμητὸν τέτμηται, εἰ τὸ τηκτὸν τέτμηται, εἰ τὸ καυσὸν κέκαυται, εἰ τὸ φθαρτὸν ἔφθαρται.*

A R I S T. Videris paulatim eò delabi, ut ex principijs Aristotelis natura-lem interitum haud magnopere reformidandum esse demonstras, quod certè longè illustrius præstare potest qui veterum doctrinam consecratur. Nam quantum vis dicat Aristoteles omnia secundum obitum referri in ea prima- rerum initia, quibus ipsa construebantur, inficiari tamen non potest quin dis- spereant omnes formæ substantiales optima ac præstantissima pars composi- ti, nec scio an iactura magis acerba ac luctuosa naturæ videri debeat, tot pul- cherrimas gemmarum, metallorum, plantarum, animaliumque formas in- terire, & saltem ut dicitis in nihilum sui abire. Tenue omnino est & exi- guum illud doloris alleuamentum quòd alia formæ non minus pulchræ ex nihilo sui educantur: nam animæ plantarum, & animalium quæ pereunt quotidie non redeunt eadem numero secundum doctrinam Aristotelis 2. de gen. tex. ultimo, sed aliæ duntaxat eis similes quæ ad pereuntes nihil perti- nent: quare si illæ cognoscerent se penitus in nihilum redactum iri, inconsolabili dolore afficerentur. Non ita est de primis substantijs antiquorum quæ dissoluntur quidem, sed non intereunt, nec multum interest an ad hoc, vel illud mistum coagmentandum promoueantur, cum talis sit omnium necessi- tas, ut non conspirent vnquam nisi ad vniuersi bonum & decus. Nihil atti- net ad calculos, cum in subducendis rationibus vno vel alio loco constituuntur, nec magis interest ignis, & aquæ ad silicem ne copulentur, an ad sangui-

nem. Singulis momentis e corpore nostro partes aliò auolant, nec multi anni præterlabuntur, quin nouum corpus instauretur, nulli tamen curæ et quo singulæ partes concedunt, an ex illis bruchus infelix, an lapis sordidus coagmentetur, quod videretur horribile, si subito fieret, verum quia paulatim mutamur, non aduertimus nos quotidie mori, & ipsam quam vocamus mortem terribiliorem esse tantum, quia personam imponimus illi magis horrendam. Si quis diuinitus moneretur se non fore amplius decursu seipsum annorum, grauius ferret, non dolet tamen, immo nec aduertit id accidisse postquam factum est. Cum illo vellemus oculos permutare, cum istas manus, cum alijs alia, quin etiam, si fieri posset intellectum, memoriam, & voluntatem, dummodo id paulatim fieret, ut ijdem aliquo modo tanquam nauis Salamina appareremus, quod nihil aliud est, quam nos desinere, & alium nasci, ut sit quotidie. Videmur curare ut vitæ harmonia quæ cum nobis continetur, siue ex his, siue ex illis constet partibus, quasi ad nos illæ non pertinerent, & quod propriè nostrum est nihil aliud esset quam harmoniæ illius continuatio, quam interrumpi timemus, non variari. Quare nihil est quod tanto opere mortem reformidemus, prouidit enim natura varietatem motus perpetui, quo vniuersæ partes inter se permiscuntur, ut quantum vi harmonia illa varietur, nunquam tamen penitus aboleatur, & intercidat.

**CH A R.** Hac ratione non magis dolendus veniret occasus violentus, quam naturalis, quod etiam in Aristotelis sententia defendi potest: nam quid cui a sapientibus dicitur de contemptione, despectuque vitæ ac mortis, id ab solutè prolatum est, siue pereant formæ, siue tantum rei compages dissoluatur, & nihil pereat. Socrates apud Platonem probat iudicibus siue animus extinguatur, siue supersit, se beatum, & nihil habere se inimicis quod succerseat, nisi quod sibi nocere crediderint: ita Cicero Tusc. qq. lib. 1. ubi etiam addit, si supremus ille dies non extinctionem, sed commutationem affert leci, quid optabilius? si autem perit ac delet omnino, quid melius quam in medijs vitæ laboribus obdormiscere, & ita conuiuentem somno consopiri seipsum in eterno? Sed instar omnium sit Seneca epist. 54. Mors est non esse id quod ante fuit, sed quale sit iam scio: hoc erit post me quod ante me fuit. Si qui in hac re tormenti est, necesse est & fuisse antequam prodiremus in lucem atqui nullam sensimus tunc vexationem. Rogo non stultissimum dicas, quis existimet lucernæ peius esse cum extincta est, quam antequam accenderetur: nos quoque accendimur, & extinguimur: medio illo tempore aliqui patimur, utrinque verò alta securitas est. In hoc enim, mi Lucili, ni fallor erramus quod mortem iudicamus sequi, cum illa & præcesserit, & secutura sit. Quidquid ante nos fuit, mors est, quid enim refert utrum non incipias an desinas? vtriusque rei hic est effectus, non esse. Epist. 65. mors quid est aut finis, aut transitus. nec desinere timeo, idem enim est quod non coepisse, nec transire, quia nusquam tam angustè ero. Et 77. Nonne tibi videbitur stultissimus omnium, qui fleuerit quod ante annos mille non vixerat, æquè stultus est, qui flet quod post annos mille non viuet: hæc paria sunt, non eris nec fuisti. De consolatione verò ad Marciam, Si mortuorum aliquis misereatur, & non natorum misereatur, Cetera ferè in hanc sententiam a philo-



sophis, & poetis dicta reperies, ac videbis sufficere materiam & formam Aristotelis, ut ea quæ oriuntur, & occidunt haud grauius ferant desinere, quam non incipere. Verum ne ad alia forte præter rem oratione longiuscula diuertamus, referamus gradum ad putredinem, cuius definitio habetur 4. Meteor. c. 2. nimirum corruptio naturalis, & proprii caloris existentis in vnoquoque humido a calore ambiente facta. Qui non sentiunt cum Aristotele futiles afferant neesse est, & alienas a putredinis natura definitiones, ut singulas excutiendo particulas obseruabimus. Dicitur corruptio, quia quod putrescit tendit ad interitum, siue ea sit putredo perfecta, qua mistum resoluitur in elementa, siue imperfecta, & ut Aristoteles ait secundum partem, qua incipit dissolui humidum a sicco, nec refert an pereat forma substantialis, an remaneat, modò non fiat resolutio in elementa. ARIST. Iam impingitis in ipso limine: nam putredo debet esse talis corruptio quæ opponatur simplici & naturali generationi, ut ibidem docet Aristoteles: ergo sicut in generatione forma producitur, sic in opposita putredine perire debet: quare hæc definitio non comprehendit putredinem imperfectam & secundum partem quæ interdum nihil est aliud quam alteratio, vnde compescitur interdum medicamenti ex Galeno de arte med. cap. de com. inten. CHAR. Non est ita strictè accipienda, ut sit corruptio solius formæ, sed prout significatur totus processus, quo humidum a sicco dissoluitur, siue ea dissolutio sistat antequam pereat forma, siue non sistat: atque ita putredo sumpta pro toto progressu satis habet vnde opponatur generationi sumptæ similiter pro termino qui est formæ substantialis introductio, & pro tota praua alteratione. Propterea non dicitur ab Aristotele corruptio formæ nisi, sed caloris, ut totus ille processus comprehendatur, quo defectu caloris proprii tandem perit forma, & mistum resoluitur in elementa. Dicitur ergo corruptio caloris proprii, quia quandiu viget calidum naturale iusta proportionem continet qualitates patibiles in officio, & humida siccis copulat, eo verò dissoluto separantur, vnde sequitur corruptio totius misti. ARIST. Ita putredo componitur mutationibus specie diuersis nempe caloris, formæ, elementorum, & nihilominus dicitur tantum corruptio caloris proprii. Calor, inquis, continet humidum, & siccum, quo pacto istud, cum calor, humor, & siccitas sint qualitates eidem subiecto inhærentes? illæ non sibi ipsis copulantur, ut partes misti, nec vlla ratio est cur humidum, & siccum a calore potius quam calor ab humido, & sicco contineatur. Nescio qua vi Aristoteles aliud cogitans videtur fateri quatuor primas qualitates esse substantias quæ permisceantur, remaneant tamen re ipsa distinctæ, & sic ad hæsiōem mutua firmissimè comprehendantur, ut videmus aquam, arenam, calcem, & gypsum: nam si calor, humor, & siccitas sunt in eadem parte subiecti, iam sicca ab humidis propriè non separantur, sed si perit humor corpus remanet siccum, si verò siccitas remanet humidum, ut autem separarentur eo modo quo vult Aristoteles, oporteret vtrumque non tantum dirimi, sed permanere. Intellegamus exempli gratia corpus aliquod qualitatum primarum æquo pondere temperatum & simile; ut putrescat, inquis, exire debet calor naturalis, & humidum dissolui a sicco; verum si qualitates omnes sunt æquabiliter in-



fusa toti subiecto, etiam si calor intenditur, vel remittitur non est necesse fieri dissolutionem siccæ ab humido, ut patet in lignis, lapidibus, & metallis, quæ plus refrigerantur, vel calefiunt absque putredine, quam dum putrescunt, quoniam in multis nihil aut parum admodum efficit calor, ut sicca humidis copulentur: illa etenim seipsis adhærescunt; quod fateri rursus coactus est Aristoteles 4. Meteor. ubi laudat Empedoclem dicentem utrumque utrique fieri veluti gluten, & simile aliquid obsonio, ac condimentis. Oportet igitur siccum & humidum esse corpuscula locis dirempta, & seipsis adherentia, quæ soluta naturali copulatione interiectu alterius substantiæ permaneant simul aliquandiu, uti videmus in carne, & pomis putrescentibus, postea verò leuiores paulatim auolent & ferè semper ingrato odore nares conspurcent. At si corpus illud simile perfusum est æqualiter quatuor primis qualitatibus, non propterea quidquam dissoluitur, ac putrescit, quantumvis lentè siccius euadat, & frigidius, immo videtur impediri putredo caloris, & humoris diminutione. CHA R. Difficultas tua potissimum est in multis similaribus, ea verò dicemus corrupto calore naturali fieri dissimilaria, atque ita portiones humidiores & leuiores exhalare, quod quia præsentia caloris impediabatur, propterea dicitur continere ceteras qualitates in officio. ARIST. Quid si daretur mistum aliquod caloris expers, concretum ex aqua frigida, & humida atque ex puluere frigido, & sicco, an neq; illud coalesceret, nec putresceret defectu caloris cetera in officio contineris? CHA R. Imperfectum esset mistum huiusmodi, quod & si forte concreset, putrescere tamen non posset, quin prius humidum ipsius extrinsecus concalefactum a sicco tandem auocaretur. Sed si loquimur de mistis perfectis, in eorum humido existit calor proprius, ut habetur in putredinis definitione. Verum quoniam Aristoteles initio 4 Meteor. docet omnia putrescere præter ignem, etiam elementa hæc nostra impura, & omnia mista imperfecta non eximimus a putredine: cum enim ea sit corruptio caloris natui in vnoquoque humido existentis a calore externo facta, & omnia præter ignem habeant saltem modicum calorem proprium, vel aduentitium in humido similiter proprio, vel aduentitio, potest huiusmodi calor vinci paulatim ab ambiente, quod de igne non est dicendum. ARIST. Quoniam ita placet Aristoteli, qui cum doceat omnia elementa non modò agere, & pati, sed etiam inuicem permutari, necesse est ignis substantiam aliquando refrigerari, & humescere, nec minus quam aerem, terram, & aquam perfundi corporibus alienis cuiuscunque temperamenti: quare ut alia putrescunt elementa, sic impurus ignis minus calidus ab igne puro vincetur & fracescet. CHA R. Fortassis ita accideret aliquando, nisi prius ignis extingueretur, quam putredinis moram perferat: neque enim solum a contrario, sed etiam a seipso marcescit ignis 3. coeli 52. id est non tantum a contrario manifesto opprimitur, puta ab aqua, sed præterea tam celeriter per aerem diffunditur & in aliam naturam transit, ut a seipso marcescere videatur. Non languet igitur, ut multi dicunt, defectu pabuli, quod non inseruit igni accenso, sed accendendo. ARIST. Fieri non potest ut cum relanguescere videtur ignis, mutetur in aerem humidum tam repente, ut diu non retineat propriam formam, licet



licet oculis non conspicuam, & sic poterit putrefieri: nec aliud probare potest Aristoteles quàm illud oculis non videri putrescere, quod statim apparet, & evanescit. Sed perge quæso ad alias partes definitionis. **CH A R.** Dicitur secundò caloris existentis in humido, quoniam in ijs quæ putrescunt dominatur humor siue proprius, siue alienus, unde fit vt sicciora putredine rarò tententur. Dicitur de nũm facta a calore ambiente paulatim euocante calorem internum, & separante humidum a sicco ad modum lentè: non sicut fit in carnibus assis, aut elixis, a quibus & si euocatur calor & humor, non putrescunt tamen, propterea quòd eductione violenta euocatur prius humidum quod sequitur calor internus: at in putrefactis sensim & absque violentia calorem prius elicitum sequitur humor. Ita videmus in pomis quæ fracescunt, multum hanc rem colligi ad partes externas illuc euocatum a calore ambiente, deinde paulatim exsiccari ac corrugari, postremò id quod remanet absumpto calido atque humido esse veluti finum, & terram. **Æstare** propterea multa putrescunt, & in locis calidioribus: non tamen ea quæ caloris aut frigoris insignem habent exsuperantiam, vt piper & marmor, hanc enim vix demoliri potest calor ambiens. **A R I S T.** Hic tam multa sese aceruatim mihi obtrudunt in hac definitione discutienda, vt omnino statuendum sit defungi singulis quoad breuissimè fieri potest. Ac primũ gratis illud dictum videtur, putredinem esse corruptionem caloris potius quàm humoris in quo existit, & in putrescentibus euocari prius calorem, quem sequatur humor, in assis verò & elixis fieri secus. Calor & humor vobis sunt qualitates quæ absque substantiæ vehiculo ferri non possunt. Si calor prius corrumpitur, quæro an sola frigoris introductione, vt quæ in glaciem coniunguntur, an substantiæ calidæ expiratione utroque modo remanebit humor frigidus, nec iam poterit exhalare. Deinde substantia illa tenuis quæ prius auolat in aqua putrescente non minus humida est, quàm calida, quo iure igitur calor ante humorem canit receptui? cur iste ab illo trahi dicitur, cùm in corporibus humidis quæ calidum vaporem emittunt multi dicant ab humido trahi calorem? **CH A R.** Habet quidem Aristoteles cap. 2. exeunte proprio calido humorem trahi, non placent tamen qui putant calorem exire prius tempore etiam in aqua putrescente, neque enim video quomodo non migraret absque subiecto: nam quod ait Zabarella partem tenuiorem exhalare, & propterea pannosam fecem in aqua summa con crescere, rectè notasti tenue illud non minus humidum, quàm calidum dici debere. Aliter ergo debemus Aristotelem interpretari, nimirum vt calor externus vehementior corrumpat internum, non absolutè, sed efficiendo ne sit amplius naturalis, hoc ipso quòd extulit ad gradum exsuperantiæ. Postquam ita processit calor attenuat humidum & siccum, & partes efficit dissimilares, ac separatas a se inuicem, unde sequitur missi dissolutio: nam calor internus qui iam naturalis esse desiit, non amplius continet humidum & siccum, tandemque abscedit & sic omnino corrumpitur; non abit tamen ille seorsim ante humidum, licet dicatur ab Aristotele quodammodo prius exire, puta natura, quoniam ipse cùm esset causa totius coniunctionis, humidum quod tempore simul exhalat, trahi videtur. **A R I S T.** Quid dicat



de putredine quæ fit in abscessum moschi, eamne vocabis caloris corruptionem? at remanet maximus calor, qui ex odore deprehenditur: hæc igitur putredo & aliæ similes sunt potius corruptio humoris. Sic ex lactuca & frigidis herbis putrescentibus fit lætamen, quod neq; Medici, neq; rustici frigidum dicant. CHARR. Calor ille qui remanet in moscho, & lætamine non est ille naturalis qui existerat in humido, abiit enim, & corruptio eius est putredo: nihil prohibet autem superesse alium calorem ad multi corrupti naturam non pertinentem, sed ad aliam formam introductam. ARIST. Nihil est cur putredo dicatur corruptio calidi potius, quam humidi, nisi quia ut ais, calor humidum sicco coniungit; quod cum sit inanissimum (nam credibilius est calorem teneri glutine humidi & sicci iuxta Empedoclem) rectius vocaretur dissolutio humidi & sicci, quam corruptio caloris, qui sæpe non est naturalis putrescentibus. CHARR. Non est opus ut omnibus quæ putrescunt calor sit naturalis, ut fit in aqua, neque etiam humor, quemadmodum patet in terra & rebus alijs impendit siccis, quæ nihilominus tam calore, quam humore aduentitio perfusæ computrescunt: quamobrem Zabarella cum quibusdam neotericis optimè defendit putredinem in aqua & terra esse corruptionem caloris existentis in humido, nam & si qualitates illæ non sint naturales, & intrinsecæ, sunt tamen, inquit, intrinsecatæ. ARIST. Sine certè, si voluerit, incucullatæ, non efficiet tamen uteductio caloris aduentitij ab aqua, & caloris eiusdem atque humoris a terra sit putredo, quin potius utriusque abiectione naturæ suæ restituuntur. Neque est hic locus ullus canillationi, quemadmodum in lignis siccis, quæ si perfunduntur aqua, paulatim humidum naturale dissolvitur, eoque abscedente remanet pulvis: terra eò purior est quò sicciior, aqua verò quò frigidior. Ipsa tamen aqua insulsius, & frigidius est quòd dicit Zabarella, nimirum calore illo intrinsecato euocari partes aquæ humidiores & sic pannosam superficiem coalescere, ipsamque aquam non omnino, sed tamen aliquo modo exsiccari. Quod si fieret maximè certè quando calore multo aqua quæ erat in vase vitreo tota exhalat, at tunc eius ultimæ guttæ stillantes non sunt primis minus humidæ, minusque dulces. Reperitur quidem in fundo semper aliquid salis, sed illud dici non debet pars aquæ sicciior, cum sit corpus distinctum, non minus quam si auri ramenta inuenirentur. Propterea nunquam probare potui eorum consilium qui coquunt aquam ad auferendam cruditatem, nam quò plus excoquent non video quid aliud referre possit, præterquam plus salis, & forte fumi. Aqua cruda dici non potest, quia non incrassatur elixata, inquit Aristoteles 4. Meteor. sum. 1. c. 4. Miror tamen quòd dicat ipsam exsiccari sum. 2. c. 2. Exsiccantur, inquit, quæcunque sunt aqua, & aquæ species aut habent aquam, siue superinductam, velut in lana, siue innatam, velut in lacte. Sed obseruasti opinor quomodo Aristoteles probet aquam siccare, nimirum frigore quo fiat concretio, quæ ut ait sum. 2. c. 3. est quædam exsiccatio. Verùm hac ratione non exsiccatur aqua, sed tenetur contricta ab alijs corporibus ne diffuat & adhærescens proximis quibusque humorem inferat: veteres enim contendunt frigus esse corpus, quo aqua veluti gypso aut farina cohibetur: neque verò fit illa sicciior in glacie, pane, lateribus, lignis



gnis & alijs mittis, sed prohibetur vis humectandi, quemadmodum si vase conclusa detineretur. Hoc agnouisse videtur Zabarella lib. 2. de qual. elem. cap. 3 vbi ait summum humorem esse in aqua, siccitatem in terra, & vtriusque qualitatis actionem videri vsque adeo tardam ac debilem, vt non remittantur, nisi per corporum admissionem, hoc est in aquæ & farinæ commistione, illam siccare, hanc humectari. Et certè quis credat aquam tam citò exsiccari dum in glaciem concreuit, & rursus humectari, dum liquitur soluta glacies, aut vbi rebus alijs siccis admiscetur, & extrahitur, igni verò impositam & vase vitreo conclusam exsiccari non posse bis mille annis. Videte igitur ne vobis imposuerit Aristoteles, cuius principijs inducti & delusi tam arduam experimini rerum faciliū intelligentiam: nam cū aquæ putredo fieri non possit per aduentitij caloris euocationem & interitum, neque per humidum a sicco secretionem, non rectè videtur definiri corruptio caloris in vnoquoque humido existentis. CHAR. Hæc omnia planiora redduntur vltimis verbis definitionis, vbi euocatio caloris interni, & secretio humidum a sicco ab externo calore fieri dicitur, quod sic accipiendum est, vt si corpus quod putrescere debet est simile, siue illud simplex, vt aqua & aer, siue mistum sit, vt aurum, & lapis, oporteat prius vi caloris illius ambientis reddi omnino dissimulare, vt partes humidæ separari possint a siccis. ARIST. Si nihil est præter calorem, omnes partes calefient æquabiliter, & semper remanebunt similes, proinde nō erit potior ratio cur hæc potius quam alia separetur. CHAR. Nequaquam istud, quoniam calor externus æqualiter non applicatur corpori simili corrumpendo, sed quasdam partes magis attenuat, quæ præter modum calefactæ separantur ab alijs & foras auolant. Rem ita se habere ex eo percipi potest quod quæ putrescunt initio sunt calidiora, tum paulatim refrigerantur, vt patet in vino, sed maximè in letamine in quo putrescente fouetur oua, sic in aceruo tritici & similibus, immo pælearia, & foenilia humidiora tape accenduntur. ARIST. Hæc omnia exempla declarant aliquo modo putredinem misti dissimilis, sed non simplicis, aut misti, si vtrunque est simile. CHAR. Certè quādiu erit huiusmodi non putrescet, sed quousque tandem vis vt occentem a calore externo destrui corporis similis temperamentum, antequam soluatur in putredinem, ac primum calorem naturalem, vel aduentitium euadere penitus immoderatum, & ita exhalando trahere secum humorem naturalem vel aduentitium? Atque hinc intelligimus dictum Arist. initio 4. Meteor. vbi ait mistum pati interitum secundum indigentiam calidi, & frigore proprio, & calore alieno. Nimirum quia calor externus euocat calorem internum, atque humorem, & ita remanet mistum veluti puluis, aut cinis frigidus. Dices frigus proprium nihil conferre ad putredinem, proinde non rectè dici ab Arist. causam ipsius: vt enim esset causa deberet calorem expellere, at frigus proprium calorem in eodem subiecto existentem nunquā expellit. Quare respondendum est esse causam improprie, quia nimirum calor erat ille qui cōiungebat humidum sicco, calore perempto sequitur frigus, quod quia non continet illa coniuncta, dicitur separare, eo modo quo gubernator absens nauem submergit. Frigus autem ambiens non potest dici causa putredinis, etenim si remissum est nihil corrūpet, si vehemens, erit corruptio

violenta; at putredo non est quicumque caloris interitus, sed is duntaxat quod calor paulatim exhalans trahit humidum. ARIST. Sunt hæc magis subtiliter, quàm verè dicta. Nam imprimis non omnem putredinem fieri a calore externo satis ostendunt venena frigida, quibus partes contactæ statim putrescunt; non animantes modò, sed etiam plantæ certis aculeis punctæ subita putredine inficiuntur, quod demonstrat naturalem partium cõplexionem solui ab alijs quàm a calore. CHAR. Ita fit, quoniam venenis pars statim emoritur veluti affecta pestilenti cõtatione, & cùm sit imbuta malignis qualitatibus calorem externum adiuuantibus, iam spiritu ac vita carens citò resoluitur in putredinem. ARIST. Quid si hoc contingit per hyemem in locis frigidis vbi tam exiguus est calor aeris, vt a calore interno superetur, ibi tamen computrescunt caro, lac, herbæ etiam absque veneno. Non potes vti responsione Zabarellæ, qui rationem afferens lib. 3. de mist. gen. c. 5. cur tandem omnia putrescant in aere, aqua & terra, cùm in ijs fit parum caloris, necessè est, inquit, vt ex diuturna & incessante actione tandem diminuaturs seu calor seu frigus misti, & redigatur ad similem caloris gradum, atq; putrescat: longa enim & perseverans actio, & nunquam debilitata, licet intensio fit debilis, & sensim fiat, tamen extensione est maxima, ac si tota simul consideretur validissima: quare necesse est vt mista omnia dissoluantur tandem atque putrescant, quò effugere nequeant actionem ambientis vniuersalis, nimirum elementorum, præsertim aeris. Sed si ita est vt ea quæ putrescere debent reducuntur ad similem caloris gradum qui est in aqua, terra, vel aere, nulla est iam ratio cur vnum ab altero corrumpatur. Tu verò qui docuisti non posse parum quidquam, nisi ab eo quod habet plures gradus formæ recipiendæ, ad aliam oportet aram te recipias. CHAR. Immo non recedam a Zabarellæ responsione, modò intelligat ob immensam aquæ, terre, & aeris extensionem paulatim deferri exhalationes etiã hyeme calidiores ipso corpore quod putrescit. Sed addo præterea exhalationes huiusmodi calidas in misto concludi sæpius quæ cùm afflari non possint, illud vndique putrefaciunt, etiam si in vacuo poneretur, aut centro terræ. Ita fit putredo in animalium humoribus, quando propter obstructionem non emittunt vapores suos & fuligines. Similiter feces putrescunt in intestinis, & lætamen ab exhalationum calidarum multitudine, nam quæ hoc modo efflari debent, retenta diutius caloris externi vel potius extranei rationem habent. Vnde tandem videri possit hanc esse optimam putredinis definitionem, & quæ a Galeno, aut alijs afferuntur, vel idem dicere, vel omnino vitio non carere. ARIST. Non puto fuisse mentem Galeni aliam afferre putredinis definitionem, sed allatâ ab Arist. descriptione quadam apposita declarare 11. Methodi cap. 8. vbi dicit esse mutationem ad corruptelam totius substantiæ putrescentis a calore externo: tamen iuxta veterum doctrinam non puto eam consistere in caloris proprii corruptione ab externo calore facta, sed in dissolutione humidæ & siccæ proprii misti, ob contrariæ substantiæ permissionem naturalem. In confesso est apud omnes nihil obnoxium esse putredini, nisi quod permissionem habet humidæ, & siccæ. Propterea cùm Arist. docet omnia putrescere præter ignem, dicitis aurum, & gemmas habere naturalem huiusmodi permissionem, aerem autem aquam,

& ter-



& terram non putrescere, nisi postquam eam habuerint saltem aduentitiam. Antiqui putant humidum, siccum, calidum, & frigidum seipsis copulari, ita tamen ut humidum, & siccum præcipuam obtineant vim sibi & alijs adhærescendi, quare in eorum disjunctione naturali consistere debet ratio putredinis, potius quàm in caloris aut frigoris abscessione. Habes hic tria quæ requiruntur ad accidentis definitionem, nempe genus, subiectum, & causam. Dissolutio humidi & sicci tenet locum generis, mistum quod eorum adhæensione constituitur est loco subiecti: causa exprimitur per substantiæ contrariæ permissionem naturalem. Cum autem putredo sit vna via ad interitum, varijs tamen distincta gradibus, quibus aliquid putrescit magis, aut minus, non potest id declarari melius, quàm per dissolutionem, quæ initio tam exigua est ut prohiberi possit ne ultra serpat, & hic vocari debet primus gradus: alter cum eò procedit ut res amittat formam suæ speciei, verbi gratia dum aliquis moritur febre putrida; ultimus & maximè proprius, quo non tantum perit copulatio naturalis humidi & sicci, sed iam humidum solutum paulatim exhalat, donec fex quædam sicca remaneat. Neque opus est ad putredinem ut exspiratio illa sit foetida, quod patet in abscessu moschi, ex quo afflatur odor suauissimus quibusdam, alijs ingratus. Quoniam autem omnia quæ sunt in misto consociata, ratione humidi & sicci copulantur, ad hæc duo reuocari possunt innumera corpuscula, quibus mistum constituitur, quæq; non fuit opus enumerare in descriptione putredinis: Calor enim alius ad humidum, alius ad siccum reduci potest, atque etiam frigus, nam illud quod multi volunt esse substantiam ab aqua distinctam, ad siccum pertinet, frigus verò quod alij putant non differre ab aqua, & similibus substantijs destitutis omni calore, ad humidum reducetur, atq; ita de reliquis dicendum erit. CHAR. Audiebam prius ex te cum ageremus de primis qualitatibus, omnes ad calidum & humidum reduci posse, quomodo igitur nunc ad humidum & siccum easdem trahis? ARIST. Prius non affirmabam, sed innuebam dici posse substantias quasdam simplices sola calidi ac humidi priuatione frigidas & siccas esse, quod non impedit quin in mistorum concretionem calidum & frigidum ad humidum vel siccum reduci possint. Hinc proprio calido pereunte res ut plurimum computrescunt, in quibus eadem substantia calor erat simul, & siccitas humorem terminans, quæ exhalante redundat, & diffluit aqueus humor non amplius a sicco coercitus & temperatus: vnde patet mistum dissolui magis defectu sicci, quàm calidi. Redeo ad putredinis descriptionem. Non frustra positum est (humidi & sicci proprii) aduentitium enim citra putredinem auferri potest, ut cum lana madidior exsiccat, aut ab aqua separatur pulvis iniectus. Dicitur (proprii misto) quoniam vera putredo reperitur in solis mistis, quippe in ijs tantum humida siccis naturaliter consociantur. Quòd verò putrescere dicitur substantia simplex qualem esse putatis aquam & aerem, id fit ob quandam similitudinem: cum enim non detur corpus simplex siccum & humidum, permissione tamen potest fieri aliquid quod misti putredinem æmuletur. Huiusmodi ferè sunt liquores missione imperfecta confusi potius quàm coniuncti: illi faciliè redeunt ad puritatem secretionem quarundam partium, ita ut putredo videatur prohiberi, quod modò fit

N. 3

sponte a rebus ipsis, modò arte, præcipuè in aqua & vino: nam aqua foetida in dolijs sibi relicta sepe euadit dulcis & clara, quod vt citius fiat a nautis ingeruntur scirpi & calculi fluuiatiles. Vinum turbidum instar vappæ tetri saporis eductis e cella vinaria in locum apricum dolijs, reuulsoq; obturamento cùm aliquot dies noctesq; sub dio relitum mansisset, repertum est a me postea clarũ & saporis suauissimi. Idem alij præstât ouorum albumine; Alij trãsfuso in aliud dolium vino subiiciunt patinam grandẽ plenã salis, intromittũt autem decem aut duodecim mala aurea cocta sub cineribus filo traiecta, ac suspensa cum tribus vncijs argenti viui, cuius circiter libræ quatuor ad angulos stabuli appensæ etiam scabiem arcent ab equis. Hoc modo quidquid in vappa concreuit putridæ labis separatur ac fundum petit. Idem perfici arbitrandum est in venis animalium a medicamentis putredinem prohibentibus. Causa igitur putredinis apud antiquos est naturalis permistio substantiæ cõtrariæ. Non satis est dicere calorem internum trahi ab externo, cùm etiam si calor remaneat, tamen hoc ipso quòd humidum a sicco separatum naturaliter exhalat, mistum censetur putrescere. A quo verò separentur petendum est ex ipsorum natura corporum, quæ talis est vt postquam mutuo complexu sibi adhæserunt, & aliquam speciem cõstituerunt misti perfecti, aliorum passim volitantium concurlione priorem deserant cõplexionem, si ab illis maiori virtute prolectentur, atque ita velex ipso chalybe, & adamante aliquid absumitur, donec cõpage naturali distracta totum omnino dissoluitur. Quod si tam varius non esset corpusculorum vltro citroque concursantium appulsus, nec vario partium motu turbaretur ordo iam perfectæ concretionis, ea quæ semel essent coniuncta nulla putredine dissoluerentur. Eam autem accidere necesse est in animatis, & inanimis: nã in illis præter ea quæ extrinsecus accidunt, interiori motu multa turbantur, in istis verò saltem extrinsecus, maximè si animata prius fuerint. Ita foenilia incalescũt, & accenduntur: etenim ignis attractus ab herbis vnà cum alimento, in ijs iam emoruis & temere coniectis non continetur, vt ferebat eius natura, quare vbi cõplures eius particule in vnum coierunt, si humore multo perfunduntur abeunt in fumum, si verò ab humore & alijs quibus implicantur se se expediunt, tum demum in flammam profiliunt, ad quam alijs itidem concurrentibus, incendium longè latèq; diffunditur: quòd si calor esset qualitas, vt dicitis, nulla videtur ratio cur a se res huiusmodi inalescerent. Quæ cum ita sint dicunt veteres dissolutionem humidi, & sicci non fieri a solo calore externo, sed a quacunque substantia cõtraria, vt dixi de venenis, quæ sorte nihil habent caloris vestri, neq; frigoris, sed tota ipsorũ substantia dicitur contraria concretioni alicuius misti, quoniã penitus ipsum destruit, quod accidere potest duobus modis, primo quando contingens partes ob naturale dissidium eas diuidit ac cõturbat, vt spiritum animale, & carnẽ ipsam echidnæ virus: secundò cùm partes misti a seipsis discedunt ob maiore consentum, quem habet cum acuentitia illa substantia, quàm inter se, propterea non dicitur contraria respectu partium, quæ cum ipsa tam celeriter permiscetur, sed respectu totius misti, quod destruit, dum aliam efficit cum eius partibus complexionem. Omnino accidit, vt substantia, quæ dicitur aliam dissoluere ob dissidentiam, vt multi putant, ha-



habeat tamen maximā cum eius partibus consensionem, vt dicebam ante de qua metallum dissoluēte, quam cum acerrimam adnouissem, nihil perfecit, ubi verò iniectis aliquot guttis dulcis aquæ téperavi eius acrimoniā, statim dissoluit. Idem comprobaui in aceto, nam illud primum debile quod vi ignis lefluit e chymico stillicidio facilè dissoluit vniones & alia multa, postremū verò quod vi summa ignis extrahitur longè acrius ac coloratius, nihil dissoluit; vt velex eo quiuis intelligat dissolutiones huiusmodi perfici naturali partium consensione, quæ tamen ad prioris misti ruinam tendit. Talis est alimenti dissolutio in animalium ventriculo a substantia ipsi propria, cuius portio-  
ne incidente in alimētum fit vtriusq; permistio illa mirabilis, quæ concoctio appellatur, definiturque ab Arist. 1. Meteor. sum. 1. c. 3. perfectio a naturali & proprio calido in oppositis patibilibus, nimirū humore & siccitate, vbi docet principiū huius perfectionis ex proprio calore procedere, veteres autē ex propria substantia stomachi succum aliquem dissoluētem in alimentū exprimentis, neq; ille calor vocari debet, nā etiā si caloris alicuius est particeps eius tamē ope præcipua non molitur concoctionē. Calor non potest ita conficere es durissimas, quæ in animalium ventriculo digerūtur, ligna, lapillos, ossa, ipsū lenique ferrum. Neq; verò credas vētriculū fornacem esse, in plerisq; .n. animalibus vix caloris aliquid percipitur, maximè verò in serpentibus, ac piscibus, qui tamē ea cōcoquūt quæ stomachus humanus nūquam conficeret. Vētriculo pisciū viuaciorum vidi quosdā digitum immittentes, quem dicebant inibi potius refrigerari. Hoc accidere puto ob torporē sensus hebescentis, vt expertus est qui diutius ita perstitit; neq; dubito si vis ea piscis potuisset pertare, quin tandē digitus cōputruisset, concoctionē .n. quæ fit in vētriculo veteres non indoctè vocabāt putrefactionē secūdi gradus, qua perit forma alimentī cōuersi in substantiā viuētis, antequā ad gradū vltimū procedatur. Talis igitur fit alimentī dissolutio vt eā nescio an vlla vis ignis assequi possit, siue assando, siue elixādo, atque ita singulæ portiones liberæ facilius cōcedunt in totius corporis nutrimentū, quo refectus & ipse vētricus ad aliā cōcoctionē fit idoneus. Quid sit autem illud, quod ab ipso in alimentū digerendū profunditur, aliudē cognosci nō potest, quā ex effectu, vt neq; dictū facile est quid emittatur a vitro coniecto in ollā in aqua cōquūtur carnes, tamē sæpius vidi carnibus admisceri tres aut quatuor pedes scyphi vitrei, & tūc eas coqui multò facilius. Nec prōptius aliquis dixerit quid sit illud quod emittitur ab instrumēto quo calefacto fabri stannū colliquāt: nā si chalybe crassiore, ac ardētore stannū attingis, nō ita liquabitur, & diducetur, vt modico illo ere calido mediocriter, ex quo spiritus aliquis effusus atq; permistus stannō causa est huiusmodi dissolutionis. Deniq; causa putredinis dicitur contrariæ substantiæ permistio, non quæcūq; sed naturalis, vt excludatur ea quæ fit arte, vel violētia. Arte quidē vt cūm a rosis aqua extrahitur etiā calore lēto, & humidū a sicco separatur. Violētia verò si id accadat vehemēti calore adhibito, aut alia substantia dissoluēte aliter quā naturæ legibus fieri solet: sic excluditur assa & elixa clarius, quā dicēdo in ijs humidū ante calidū euocari, calidū verò ante humidū in putrescētibus. CHAR. Cūm nec putredo, nec quiuis interitus apud veteres tuos sit verū accidens, non miror si in eius definitione minus

*De concoctione.*

*N. B.*

minus accuratè causſam assignaſti. Non exprimis quæ ſit ea ſubſtantia cōtraria cuius perfuſio priorem deſtruit miſtionē; idem eſt igitur ac ſi diceres fieri putredinē admittione nescio cuius. A R I S T. Melius eſt cauſſam assignare generaliter, quàm velle ſpeciatiim vnā aliquā ementiri, vbi ea nō eſt. Si veteres admittant cauſſam illam eſſe ſolum calorē externum, non minus nugari poſſunt quàm omnes, ij, qui nullā aliā cauſſā afferunt putredinis quæ ſit in aqua

*De aceto.*

in aere, in corporibus ex afflatu peſtilē-i, & venenato, atq; etiā in vino, quod coaceſcit, ad quorū tamen intelligentiā recurrendū eſt ad permiſſionē priori cōtrariā. C H A R. Videris mihi Annibalis more etiā acetū adhibere in ruinā aduerſariorū. Hic montē rupit aceto, inquit Poeta, tu verò quid perfecturus ſis, nō video. Galenus ait vinum putreſcens coaceſcere, ſed hoc accipiendū eſt de putredine minus propria, qua nō corrūpitur calor miſtionis cōtinens humidū cum ſicco, ſed vitalis, qui vino a planta viuente fuit cōmunicatus: licet enim vinū careat vita, retinet tamen aliquid de calore vitali plantæ, quandiu ille durat, eſt vinū, eo perempto ſit acetū. Quemadmodum itaque in homine ſunt duo calores, vnus animalis, qui in morte extinguitur, alter miſtionis qui cadauere putreſcente corrūpitur, ita in vino ſunt duo calores in duabus ſubſtantijs valde diuerſis, alter vitalis qui dum vinum aceſcit extinguitur, alter miſtionis, qui paulatim intercudit quando vinum ſit vappa turbida ac tandē verè putreſcit. Huic dicto chymicos habebimus aſtipulatores, qui ex vappa modò non teterima extrahunt vini ſpiritum, ex aceto vero ſolum acetum. A R I S T. Sit ita igitur, acetum quod putredini reſiſtit ortum non habeat a vera putredine, quomodo iam perit ille calor vitalis? non auolat profeſſo ſine ſubieſto, at neque illud expirare dicetis in vaſe vitreo bene obſtructo, vbi tamen vinum coacuit. C H A R. Antiquis hic nodus eſt indiſſolubilis, qui volunt calorem omnem eſſe ſubſtantiam, cū verò nobis ſit accidens ſubieſto remanēte frigido perire poteſt. A R I S T. Vide quàm nō inopes ſint reſpōſionū. Calor qui reſidet in vini ſpiritu ſubſtantia eſt pertenuis, ac proinde vbi ſeparatur facilem habet exitum per vitri meatus, & remanet vinum frigidius, tãquam animal ſpiritu deſpoliatum: ſuper eſt tamen alijs calor qui inſidet alijs vini partibus, eò copioſior quò vinum eſt generoſius. Quin etiā ſuſtineri poteſt cū ſit acetum non exhalare calorem ſpiritus, ſed noua miſtionē tam arctè copulari toti ſubſtantiæ vini, vt ſeparari non poſſit amplius, ac propterea ſentiri frigidum, quoniā & ſi totus calor ineſt qui prius erat, tamen exire non poteſt, vt feriat ſenſum percipientem tantū qualitates foras exeuntes, ſiue illæ ſint actū, vt ligni calor qui non ſentitur, niſi ligno combuſto liber auolet, ſiue ſint virtute tantū, ſicut calor piperis iam ſolutus humore linguæ, vel ventriculi. Quod igitur chymici extrahere nequeant ex aceto ſpiritum vini, ne dixeris propterea nullum eſſe, ſed arte minimè ſeparabilem, quemadmodum audiuiſti de auri ſemine quod argento viuo permiſtum efficit vt neutrū ab altero ſeiungi poſſit. Hæc pro veteribus probabiliter referri poſſunt. Vos autem dicendo putredinem conſiſtere in ſola corruptione proprij caloris qui eſt accidens, vel ponitis duos calores ſolo numero diuerſos in eadem materia totius vini, quorum ille qui vitalis eſt perit, & miſtionis ſolus remanet: vel ſi vultis in ſpiritu vini duntaxat eſſe calorem vitalem, ille idem debet eſſe calor



missionis spiritui cui infidet, ne vna materia spiritus habeat duo accidentia distincta solo numero: pereūte igitur eo calore qui simul est vitalis & missionis, remanebit materia spiritus verè putrida, atq; ita vini pars aliqua saltem propria putredine, vt ait Galenus, fiet acetum, nisi iam dicatis cum veteribus per vitri meatus materiam quoque spiritus expirare, aut si non possit, fore vt vinum clausum sigillo Hermetis nunquam acefcat. CHAR. Nihil habemus opus his subterfugijs, quid enim aliud sequitur quàm in spiritu vini amisso calore inchoatam esse putredinem, quam Arist. vocat secundum partem, impediri autem ne vltius procedat a calido & humido cæterarum partium? ARIST. At ego hebetioris intelligentiæ non video cur vinum acefcat, nisi aliquid substantiæ depereat, vel accedat, vel alia ratione commisceatur, vt fit cum ad eam rem immittuntur in vas aceti frusta mespili ac sorbi & nonnihil ex quinta essentia piperis & caryophyllorum instillatur. Quid nunc de putredine venenata ac pestilenti, an ea etià est corruptio caloris proprii ab alieno? CHAR. In his quoq; eadem est essentia putredinis, sed vis deleteria veneni, ac pestilentia addit malignam qualitatem, quæ accelerat dissolutionem humidi a sicco, nō est tamen necesse vt a putredine semper habeat originem, sed a primarum qualitatum complexione nobis occulta, tam in corporibus animalium, quàm extra ipsa. ARIST. Galenus verò cum antiquis lib. 5. de simpl. medic. facul. & alibi passim docet vim medicamentorum purgantium, attrahentium, alexiteriorum, venenorum, & rerum pestilentium non a primis qualitibus, sed a tota substantia proficisci, *κατὰ τὰς ὅλας ἑσίας*. propterea, inquit in expirationibus, quæ proprietate totius substantiæ, magis quàm qualitate corpora offendunt, rectè curationē tradit Hippocrates in duplicē redigēs scopū loci mutationē & exiguæ respirationis vium. Has substantias utpote plenas admirationis τὸ Θεῖον appellauit sapiens senex more veterū, iubens obseruari si quid in morbis diuinū inest. Vide nunc an verisimile videri debeat vim huiusmodi esse qualitatem occultam ortam a primis, an totius substantiæ proprietatem. Nā si ab illis oritur, retundi debet a contraria cōstitutione, pestilentia autem interdū grassatur immaniter hyeme non minus quam æstate, in calidis atq; frigidis, in humidis perinde ac siccis regionibus, nulla exsuperante tēporū ut aeris intēperie, deniq; absq; causis manifestis & initium habet & soluitur, neq; cepit interuū serena hyeme, recedit æstate vel autumno intēperato, hoc etiā accidit in morbis epidemijs, cōtagiosis, & venenatis, qui sicut a substantijs quibusdam ortū habēt, ita non calido aut frigido curantur, sed substantijs alexiterijs, vt clarè cōstet causā nō esse qualitatum primarū exsuperantiā. Præipue vero inanis est eorū labor q̄ variā cōmīniscuntur putredinis rationē ortā ab illarū excessu, vt sic causas afferāt morborū epidemiorū, & pestilentium, uorū inquinamenta solis interdum hominibus sunt infensa, modo quibuscū intum animantibus, modo omnibus. Verū cum eadē sit difficultas in venenis, & alexiterijs, quorū naturā non attinget, qui se primis qualitibus alligabit, satius est cū veteribus recurrere ad necessariam permissionē propriarū substantiarū, quæ certis locis & tēporibus tā ex hoc orbe, quàm ex alijs delectæ, aliquid efficiunt, quod accedente alia cōmissione dissoluitur. Ita fit vt non detur alius motus, quàm cōgregationis, & secretionis, vnde procedit or-

N

De putredine venenata.

N

*De perpetuitate generationis eiusq; causis.*

tus & interitus mistorū omniū, neq; alia quæreda est caussa cōtinuatæ successionis, quā cernimus in vniuerso, & de qua nobis agēdū erat vltima parte. De perpetuitate igitur generationis, eiusq; causis dicamus aliquid, aut si putatis constare quid sentiēdū sit, omittamus. CHAR. Quæ de ea docet Arist. tex. 51. ad finem libri referri possunt ad motorē & mobile utrūq; æternū, deinde ad formā atq; materiā. In his cōsistit necessitas illius continuationis. Præterea motor est principiū efficiēs & mouens a se, & in se quatenus finis rerum omnium: ab eo procedit motus in orbem primi mobilis, sequiturq; conuersio planetarū, quorū accessus, & recessus ortū, atq; interiū perpetuat, adducto vt ipse ait, & abducto generatore, scilicet Sole: vnde fit vt in æterna materia prima ortus vnus sit alterius interitus, & vice versa, idq; ratione formæ, quæ & ipsa æterna est saltē secundū speciē. Hinc illa mistorū, elementorumq; reciprocantium continuata redintegratio, imitātur. n. inquit tex. 59. cœlestis cōuersionem, & cū ex aqua aer generetur, ex aere ignis, ex igne aqua circulo dicimus reuertisse generationem, quia rursus reflectitur: quocirca & redlatio imitās circularē continua est: hanc autem differentiā affert tex. vltimū quod substantiæ incorruptæ quæ mouentur, redeūt eadē numero, corruptæ vero vt aqua & aer nō numero, sed specie reuertūtur, atq; ita generatio necessaria est & sempiterna, quoniā vt dixit tex. 68. necessariū & sempiternum recipiatur. ARIST. Vt multa paucis comprehenditti, sic ego iā ad finē deuei disputationē non sinam longius procurrere, vt demonstrem quā luculēti veteres tueantur perpetuitatem generationū. Sit pro vestro motore primo vultis, longē nobilior mens Anaxagoræ; primo mobili non est opus in mundorū infinitate, cū & ipsum cœlū nostrum quod dicitis, ortum habuerit, ipse tener mundi concreuerit orbis, idem aliquando occasurus. Locū efficientis, ac materiæ, & formæ tenēt infinitæ substantiæ primæ, quarū innata vis se cōgregādi, ac separādi efficit motū vniuersæ permissionis, cuius ipsæ sūt materia æterna, & incorrupta, concretio tamen quæ inde prodit, sicut alium non habet ortū, quā earum congregationē, ita nec alium habet occasum, præter earumdem dissolutionē. Vnde metuendū nō est vt deficiāt aliquando generationes, vbi principium æternum & necessarium vnum est finis, efficiens, materia, & forma: neq; verendum est vt contrariū vnū alias vniuersi partes omnes in se conuertat, & absumat, neque vt formæ ex nihilo ortæ, mox in nihilū sui recidāt: quin potius constans & perpetua sequitur mistorum omnium reciprocantium reciprocatio, qua nihil verē deperit in vniuerso, sed locum mutat. Dic obsecro si quis rebus ipsis cōsulare veller, an opportuniorē quæreret ortū & interitum? & si ille est optimus, an arbitrandum est alium esse in natura quæ optimum, si possibile est semper amplectitur, vt fatetur Arist. 8. Phys. 5 & hoc lib. 59. Tandē vt lōgæ disceptationi colophonem constituamus, ex ceteris hoc tutò videtur posse confici non melius ex doctrina Aristotelis intelligi rationem vniuersam ortus & interitus, quā ex veterum philosophiarum. CHAR. Id quidem forte dixeris, si ex conatus mei tenuitate rē expendas, si nō dubito quin ex cōgressu Peripateticis subtilioris aliquādo tibi satisfaciā interim ad contēplationē rerū quas Græci *μετέωρα* vocāt nos accingamur.



CIRCVLVVS PISANVS  
CLAVDII BERIGARDI  
MOLINENSIS

*Olim in Pisano , iam in Lyceo Patauino  
Philosophi primi paris*

De veteri & Peripatetica Philosophia  
In Arist. libros Meteorologicos

SERENISSIMO  
LAVRENTIO  
AB HETRURIA  
Dedicatus.



VTINI, Ex Typographia Nicolai Schiratti. M DC XLVII  
SUPERIORVM PERMISSV.

THE NEW YORK PUBLIC LIBRARY

ASTOR LENOX TILDEN FOUNDATION

1898

THE NEW YORK PUBLIC LIBRARY

ASTOR LENOX TILDEN FOUNDATION

1898

THE NEW YORK PUBLIC LIBRARY

ASTOR LENOX TILDEN FOUNDATION

1898



THE NEW YORK PUBLIC LIBRARY





SERENISSIMO  
LAURENTIO

AB HETRVRIA

Claudius Berigardus F. P.



Apienter monebat Parisatis  
eum qui Principem alloque-  
retur, vti debere byssinis ver-  
bis, idest loqui de rebus ipsi  
gratis atque iucundis. Hoc  
ipsum præstare velim dum Se-  
renissimæ tuæ Celsitudini de-

dico hanc partem philosophiæ naturalis, quam  
acceptissimam illi esse scio. Nam memini etiam  
dum aduersâ valetudine medicorum opem ex-  
periretur, quàm longos sermones mecum ha-

buerit de locis subterraneis, de aquarum cor-  
cretionem, de vi halitus tam calidi & humidus  
quàm frigidi & sicci, deque ijs omnibus quæ  
hinc ortum habent. Videre mihi videbar Posi-  
donium dicentem, NIHIL AGIS DOLOR  
& ex eius ore mirabar ea me audire quæ graui-  
ssimi Philosophi vix obseruauerunt. Hæc eadem  
nunc enixè rogo in clientelam nominis sui ve-  
nire patiatur, ut quam ab obscuritate meâ com-  
mendationem habere non possunt, eam a splen-  
dore Serenissimæ tuæ Celsitudinis adipiscantur  
Vale.

Patavij Kal. Ian. MDCLXIII.



## PRO IMPRESSIONE.

**O**pus de veteri, ac Peripatetica Philosophia in Libros Meteorologicos Excellentiss. D. Claudij Berigardi Ego infra scriptus perlegi; in quo digna inuenta animaduerti, atque egregias eruditiones, omniaque & Fidei, ac moribus consona affirmo.

Dat. Patavij die 29. Decembris 1646.

Ego F. Franciscus Bettoti Bononiensis in Gymnasio Patavino olim primæ Sedis Logicus, nunc Met. professor.

---

**N**os F. Iulius Missinus Vrbenetanus Ordinis S. Francisci Minorum Conventualium Artium, & Sacræ Theologiæ Doctor in Ciuitatibus, & Diœcesibus Aquileiæ & Concordiæ Inquisitor Generalis à Sancta Sede Apostolica contra Hæreticam prauitatem specialiter delegatus, libenter annuimus ut typis demandetur Liber inscriptus Circulus Pisanus ab Excellentiss. D. Claudio Berigardo elaboratus, cum nihil in eo repertum sit vel contra Fidem, vel contra bonos mores. In quorum fidem, &c.

Datum in Ciuitate Vtinensi apud Aedes Sanctissimæ Inquisitionis, infra septa Monasterij S. Francisci interioris, hac die 17. Aprilis 1647.

Ita est F. Iulius Missinus Inquisitor qui supra manu propria.

§ Pietro Sagredo Procurator, Reformator.

§ Bertucci Valier Cauallier, Reformator.


Aluise Querini Secretario.

<i>Pagina</i>	<i>Linea</i>	<i>Errata</i>	<i>Emendata</i>
1	37	ditullium	meditullium
3	24	recreate	recrearet
4	24	permanere	permanare
6	35	bulis	bullis
7	12	hauriendum, sit	hauriendum sit,
7	14	salior	falsior
8	45	certis	certi
14	11	nullam adeo	nullam, vel adeo
18	11	efficit	effici
27	29	colligit	colligi
32	39	philosophus	philosophos



# IN LIBROS METEOROLOGICOS

## . P R O O E M I V M .



*S*ocrates olim secutus vulgare dictum, quæ supra nos sunt nihil ad nos attinere, philosophiam adduxit ad vitam communem, eamque, ut ait Varro apud Ciceronem, a rebus occultis & a natura ipsa inuolutis auocauit, disputans de natura virtutum & vitiorum, posthabitis quæstionibus alijs de nubibus, imbre & grandine, quas inutiles arbitrabatur, licet ut venator tantum huiusmodi rerum in Nebulis Aristophanis immeritissimus exagitetur, ut videre licet ex libro primo Commentariorum Xenophontis. Nihil est tamen quod exemplo Socratis quisquam deterreatur a sublimium contemplatione, nam si ea rectè, ut decet, utimur, etiam ad vitam probè instituendam non inutilem experiemur. Nec magnopere curandum est illud Diogenis & Pacuij dictum. Quod ante pedes est nemo spectat, cœli scrutantur plagas: nec æstimandi sales Luciani inducentis Menippum, qui e philosophia se hunc fructum accepisse commemorat, ut multò quàm venerat, reuerteretur indoctior, & didicisse tantum ab ijs qui se omnia scire profiterentur, qua ratione de corporatis aspectabilibus, deque aquarum aspiratione & ijs quæ ex elementorum conflictu generantur, dubitaret. Nam ut demus haud aliud haberi ex earum rerum indagatione, quàm dubitationem: est tamen viri sapientis prudenter de ijs dubitare, ad quorum intuitum natura crexit hominem: atque ut ait Aristoteles, satis est ad hypothesim possibilem ea reducere & rationis aliquod simulacrum adornare. Sic Diogenes ipse querenti cur nihil sciens philosopharetur, si philosophiam

phiam, inquit, simulo, hoc ipsum est philosophari. Sed quamquam hæc pars Philosophiæ quæ Meteorologia, idest rerum sublimium consideratio nuncupatur, despiciatui duceretur cum irrisione ab ijs, qui olim per contemptum appellabant physicos meteoroleschas: tamen eximium decus, magnificum nomen & singularem gloriam suis autoribus conciliauit. Thales prolapsum in fossam derisus est quidem a muliercula, sed quam laudem non reportauit? cùm primus Solis & Lunæ defectum prædixit, vel cùm ut obiurgatores conuinceret, philosophiam, si ei commodum esset, pecuniam facere posse, emit omnem oleam in agro Milesio, antequam florere cepisset. Quid Anaximander physicus? cùm monuit Lacedæmonios ut in agris armati excubarent ob terræmotum, quo Sparta tota corruit. Quid Phercydes magister Pythagoræ? qui similiter terræmotum instare dixit tertio die, cùm haustam vidisset aquam ex puteo turbidiorem, ut Callisthenes ex ignea nube in columnæ speciem. Quid Empedocles dictus Ἐμπεδοκλής? cùm ventos pestilentes inhibuit & salubres induxit aspirationes. Quid omnes illi, qui similiter ex Meteorologia, tanquam ex magia naturali mira prædixerunt? Atque ut aliquis Cynicus hanc partem philosophiæ non adeo utilem esse contendat, honestam certè ac iucundam non inficiabitur & vel hoc nomine dignissimam quam viri nobiles amplectantur, ne ea cognitione destituti πρόβατα χρυσόμαλλα Diogenis videantur, aut similes sint statuis heroicis intus plumbo & terra plenis, inquiebat Plutarchus ad Principem indoctum. Ad hanc porro cognitionem adipiscendam cùm extent libri complures docti, & copiosi, qui ab Aristotelis doctrina ne transuersum quidem unguem discedunt, ea tantùm breuiter afferre volui ex antiquorum penu deprompta, quæ pauculis viris doctissimis (ijs enim solùm placere studeo) non iniuncunda fore putavi.



# In Libros Meteorologicos.

.CIRCVLVS VNICVS.

A R I S T Æ V S. C H A R I L A V S.

**A**RIST. Ecce me accinctum, vt dixisti, ad res meteorologicas inuestigandas. CHAR. Transigerem libenter Meteorologiam sicut vltimam partem librorum de coelo, vbi cum fuerim auditor tantum, satis reposui in libris De ortu, eandem nunc audientiam



tibi facere velim, vt ante libros De anima nihil reponam. ARIST. Cum in omnibus tibi morem gerere cupiam vehementer, tum maxime in ijs libris, qui tot luculentos habent interpretes, vt satis sit adducere precipuas quasdam opiniones ab Aristotelis sententia diffidentes. Ac primum dabis mihi hanc veniam, vt non ter ear sequi ipsius ordinem: nam cum in libris De coelo non absoluerimus quæ pertinent ad Terram, præstat nunc ea persequamur eo ordine, vt quæ sunt propinquiora centro Terræ, prius attingamus, & consequenter assurgamus ad altiora. CHAR. Vt igitur ab-

*De Terra.*

soluamus ea quæ spectant ad Terram, profer ipse veterum opinionem, quam propius abesse putas a veritate: Sic enim arbitror fore manifestam eius inanitatem, vt nullis argumentis refelli debeat. Hoc commentitijs omnibus doctrinis accidere solet, vt in eas quidquam dicere sit supernuacaneum, quippe legendo ipsas vel audiendo, satis reuincuntur. ARIST. Utinam non essent hodie complures huiusmodi libri, quos non possumus impugnare melius, quam proferendo distinctè eorum sententias: nam qui a natura comparatum habent ingenium ad veritatem querendam indaganter, statim huiusmodi commenta respuunt, citra vllam farraginem commentariorum: qui verò sectarij veruecis ingenium nacti sunt, nullis rationum momentis decedent a commentis librorum, quos a somniosis magistris acceperunt. Habe igitur de Terra veterum opiniones, quas vt inanes nebulas arbitraris sua lenitate dissoluendas. Terra non est corpus simplex, vt ait Aristoteles. Ratio qua id probat, iam reiecta est in lib. De coelo, nempe quia simplex est eius motus ad centrum mundi: nam si nullum datur huiusmodi centrum, & omnia terrena eo quem dixi consentiunt ad Terræ diculum, veluti ferrum ad magnetem, id argumenti nullum habet robur. Deinde in libris De ortu satis ostendi ex corpore simplici extremè sicco & frigido non posse concreescere solidum globum, sed spontè dissolui & collabi in atomos indiuiduas, ita vt nihil foret liquidius. Terra naturali Aristotelis, quam propterea obduci crassa solidissima necesse esset, ne tota moles dissolueretur. Adde tam insatiabilem rerum, quæ in Terræ gremio continentur, varietatem, quatuor diutaxat corporibus simplicibus oriri non posse. Vnde sequitur Terram esse compagem naturarum omnium primarum, quæ ad multorum generationem sunt necessariae. Eas

*Terra non est corpus simplex.*

*Quid sit Terra.*



veteres putant æternas, Terram verò, sicut & alios orbes, subijci ortui & interitui, eamque dissolui tandem & aliud quidpiam oriri ex eius dissolutione, quod ubi concrefcit, necesse est aliquod eius præcipuum esse rudimentum, siue medium illud appelles, siue centrum, quò reliqua omnia confluunt ac conglobantur. Hanc verò conformationem non fieri semper vniufmodi postulat naturæ varietas incredibilis qua sicut ad diuersarum rerum semina atque primordia solent aggregari quæcunque faciunt ad earum perfectionem, ita ad mundi exorientis rudimentum nouum & veluti semen confluunt ea quæ ipsum perficiunt: natura enim quæ prouidit solertissimè plantarum & animalium perpetuitati, non minus solers videri debet in exortu mundi. Quoniam autem in intimo Terræ sinu aliqua substantiæ conclusæ latent, quibus facile non est inde extricari, nisi totius globi fiat dissolutio, hinc accidit vt non semper eadem sit Terræ facies respectu montium & aquarum, nec eadem species plantarum & animalium, quorum alia reperiuntur in nouo Terræ exortu, alia minimè, donec naturæ ad eorum conformationem necessariæ foras erumpant. Quinetiam secundum antiquos hominum & animalium perfectorum productio tunc fieri potest alia ratione, quàm ex concubitu maris & foeminæ, vt videbimus in lib. de Anima Circ. de generatione viuientium. Ex quibus iam initio conficere licet materiam rerum meteorologicarum non esse solum halitum calidum humidum cum calido sicco, quibus Albertus adiungit duos alios, scilicet frigidum humidum cum frigido sicco, vt tot sint halituum species quot sunt elementa. Nam sicut dixi quatuor elementa non sufficere ad mistorum omnium generationem, ita neque quatuor eorum exspirationes ad tot rerum sublimium diuersitatem. Sed illi vehementius hallucinantur, qui non aliam materiam constituunt, quàm vaporem aqueum calidum & humidum cum exhalatione seu spiritu terrestri calido & sicco, ita vt retineat vterque naturam & formam elementi sui. Quod si ita esset, exhalatio terrestris in locis frigidis se reduceret ad frigus innatum Terræ, vt aiunt accidere vaporibus in media aeris regione. Cum igitur materia rerum sublimium non habeat solam formam quatuor elementorum, sed etiam aliorum corporum, vnde exspirauit, puta sulfuris, nitri, bituminis, plumbi, stibij, arsenici, minij, non video quomodo ex simplici aqua & terra tantam rerum varietatem fieri volunt. Sed reuertor ad Terræ compagem: in ea, quouis modo fiat, opus est vnà cum alijs naturis concludi præcipuè magnam vim ignis subterranei ad omnem generationem pernecessarij, qui tamen obrui non potest aliorum mole & adhæsu, vt contingit pluribus naturis, quæ forte non possunt sese expedire, nisi orbe dissoluto: nam vis eius peruatit omnia & sæpius illuc redit vnde emerferat, nouæ mitionis necessitate. Ignis subterraneus pars est illius globi quem incolimus: iungitur familiaribus sibi naturis oleosis, nec reperitur perfectè mistus, nisi vbi est aliquid olei, non quòd eam substantiam depascit & consumat, sed quòd dum ab ea separatur, videtur generari, ipsa verò penitus disperdi & interire. In Terræ visceribus multa est huiusmodi substantia oleosa, nuncupata tamen varijs nominibus: neque enim credibile est ibi

*De materia  
meteororum.*

*De igne  
subterraneo.*



atere tantum oleosa illa quæ cognoscimus, sulfur, bitumen, camphoram, sed quædam præcipua nobis incognita, quibus ignis maximè familiaris est & ad mutuam permissionem spontè contendit, dissoluitur verò alterius naturæ accessu & permissione priori contraria. Argumento est quòd ars hymica ex quacunque terra frugifera educit oleum tam diuersi generis, quàm ex viuientibus. Nolim hic ostendere fufius ignem esse globo terre- tri familiarem, id enim abunde præstitit eruditissimus Ioannes Nardius philosophus summus & medicus opere præclaro, quod scripsit de igne sub- terraneo, pauca tamen leuiter attingam. Ac primùm quod ignis ille, qui tam in nostro, quàm in nouo orbe innumera habet spiracula, nisi esset natu- alis, tandem excederet. Hoc ipsum demonstrant aquæ thermæ, qua- um calorem malè Democritus referebat in cinerem & calcem, cum potius firmare deberet esse causam cineris & calcis. Demonstrat attritus sili- um & ex recenti fossione terra fumans, plantæ quoque perennantes in lo- is frigidis, quas etiam cum flore & fructu nonnulli educunt vi ignis, qui non præstaret, si ad viuientium procreationem esset inutilis. Demon- rat fossilium omnium & metallorum procreatio, ad quam Solis calor non sufficiens. Demonstrant & pisces sub glacie viuentes, hirundines aquis nmersæ & præcipuè animalia, quæ cuniculos in hyemem sibi altissimè odiunt. Demonstrat hoc ipsum firmitudo, quam Terra ne facillè dissol- atur, habet ab igne, & alij mirabiles naturæ effectus, qui refundi non pos- unt nisi in ignem subterraneum. Propterea Pythagorici apud Simpli- um comment. in tex. 42. lib. 2. de Cælo, ignem in medio Terræ positum iixerunt, vt partes frigidas recreare, vocaruntque Iouis turrem ac Iouis astodiam: & Fast. 6.

*Vesta eadem est & Terra, subest vigil ignis utriusque.*  
referam vnum duntaxat ex his effectibus admirandis: nempe quòd partes australes ad caput bonæ spei & alibi multò frigidiores sunt quàm Septen- tionales, quæ totidem gradibus distant ab Equatore. Inanis est ratio, uæ hoc refert in pauciores stellas australis cæli, vt enim dixi in libris De cælo, quanquam ab ijs aliquid luminis & caloris in Terram deriuatur, il- d est adeo exiguum, vt tantam differentiam caloris & frigoris efficere queat. Quid quòd inter Septentrionales plagas eiusdem climatis aliæ ijs sunt frigidiores, vt Canadenses Gallicis. Rectè Virgilius 2. Georg. cognoscendam Terræ naturam cum afferret varia experimenta, sub- ngit:

*sceleratum exquirere frigus*

*Difficile est, picea tantum, taxiq; nocentes*

*Interdum, aut hedera pandunt vestigia nigra.*

Difficile est certè huius frigoris causam afferre, nisi dicamus ad hæc loca m ignis subterranei minus pertinere, quàm ad alia. Addi etiam posset ignis singularem habere consensum cum natura illius soli, vt maiorem bet cum aqua & marmore, quàm cum ligno, ac propterea ijs corporibus utociatur & tenacius adhærescit. Verum si ignis pars est huius globi terrestis, mirum videatur alicui quòd ab eo recedat ac sursum tendat: sed



huic dubitationi iam satisfeci, nempe quod facta dissolutione corporum quibus permixtus erat, sursum protrudatur a corporibus, quæ cum Terra maiorem consensum habent, eodemque reuertatur emissus a Sole & stellis fixis, quarum lumen purus est ignis, quem Terra accipit redditque. Neque verò ut vulgus arbitrat, tota flamma quæ cernitur acuminari & tendere sursum, semper ascendit, donec ad fictitiam ignis sphaeram perueniat: statim enim ignis collectus in flammam dispergitur vndecunque, non modo sursum, sed etiam deorsum, & omnibus se communicat quoad fieri potest. Sola flamma quæ collecta fatigatur, propelliturque ab alijs fortius a Terram se applicantibus, sursum ire videtur: at lumen & calor, qui sunt ipsius ignis, mistionis amore tendit etiam deorsum: quanquam paulatim exueitur ignis a globo Terræ, nisi a Sole & stellis inerrantibus restitueretur. Cuius igitur diffusio ignis quocunque permeet, nihil obstat quin ad Terram lubinde reuocetur. An verò reuocatio illa & reciproca emissio si-

*De aquis  
falsis &  
dulcibus.*

*M.*

caussa æstus maritimi, dicetur postea. Nunc persequamur ea, quæ spectant ad aquas falsas & dulces. Id quod aquam vulgò appellamus adeo non est corpus simplex, ut potius salis, immò rerum innumerabilium sit vehiculum. Secundum veteres quoties ex orbe nostro dissoluto concrescit nouus, vora ginibus, spiraculis, & montibus alijs exortis, dulces aquæ permiscuntur falsis, his verò perlabentibus inter arenosa loca, exiit omnis falsugo, fiuntque scaturigines aquæ dulcis, ut videre licet in puteo Genuensi, cuius aqua dulcis intumefcente mari simul intumescit. Ita fontes, fluij, & lacus postmodum exoriuntur, & dulcem aquam accipiunt partim a pluuij & niuib, quas vbi montes combiberunt, permanere necesse est in vena Terræ: partim a vaporibus, quos ignis subterraneus excitat ex quacunque aqua: partim ab aere sub Terra incluso humentibus locis, non quod illi vertatur in aerem, ut Aristoteles ait videri a nobis, sed quod vapores ab eis separentur, & in guttas concreti fluant, quadam veluti pluuiam continentem ita ut necesse sit alium atque alium aerem illuc subire ac replere locum aquæ fluentis. His tribus modis potissimum origo fontium intelligi potest. Sed præcipua difficultas est vnde oriatur aquarum falsugo: de qua Empedoclis opinio, quod mare sit Terræ sudor, licet poetica videatur, Aristotelis sententiæ præferri debet: ille enim nihil aliud intelligit, quam sudorem esse falsum, quia vehit liquefactum salem corporis quod peruat: at is vult ab exhalationibus adustis fieri salem. Quam sit autem id insulsum vel ex eo videri potest, quod cinis & aqua ex quibus sal omnis detractus est si decem annis recoquantur in phiala vitrea, quam expressimus agendo & transmutatione elementorum in libris de Ortu, vel etiam si ponantur in loco aperto Solis & ignis exhalationibus, ne micam quidem salis acquirunt quoniam sal concreiscere, & dissolui potest, sed non generari, atque corrumpi eo modo quo putat Aristoteles. Rectius ergo dixisset amarorem aquæ marinæ prouenire a fuliginibus adustis, quibus ablatis postquam tota aqua abiit in vaporem, superest sal sine amarore. Vidi quidem salem, ut alibi dixi tractando de chrytopœia, qui aliorum corporum permissione vi ignis continui acrimoniæ omnem exuerat, sed non propterea perierant prim

*M.*

illa



Hæ naturæ quibus componitur, & fortassis opera artificis alicuius industrij  
 rursus in salem redire poterant, licet hoc negent alchimistæ. In sale porro  
 distinguuntur duæ naturæ, vna est spiritus, seu liquor acidus, altera quæ ter-  
 ra sicca, vel caput mortuum appellatur. Si excoquitur aqua marina, reperi-  
 tur in fundo vasis sal albus, qui igne vehementi liquefcit, velut metallum  
 fusile, iamque vt vocant, decrepitus, si in ignem proijcitur, non crepitat  
 amplius, quippe crepitus illi oriuntur a particulis aquæ salis permistæ. Ni-  
 hilominus si sal ille decrepitus exponitur aeri, vel aqua diluitur, iterumque  
 vt fieri solet, siccatur, tunc exprimitur vi multa ignis spiritus acidus, qui di-  
 ci potest essentia salis: an autem illa sit simplex, an ex alijs naturis compo-  
 sita, non disputo: sed si opera repetita totus spiritus educitur, nihil omnino  
 salis remanebit, sed terra duntaxat insulsa, quam si centum annis excoquas,  
 non efficies salsam: efficies autem restituendo illi spiritum acidum quem  
 expresseras. Verum adeo tenaciter spiritus adhæret suæ terræ, vt in aqua  
 solui non possit, sed tantum igne acerrimo: nam in aqua sal quidem lique-  
 fcit, sed non soluitur in partes simplices & primas: quare postquam id quod  
 dulce est in aqua vaporauit, reperitur idem pondus salis: non aliter ergo  
 sal generatur, quam ex permissione spiritus acidi. Hinc reperiri dicuntur  
 montes salis, sicut sal fossilis qui nondum aqua liquefactus est: vniuersa  
 enim aqua permanat in venas Terræ, vbi soluit quidquid salis obuium ha-  
 bet, sed non quantum potest, vnde possumus iniecto sale reddere libram  
 aquæ marinæ multò salsiorem. Est tamen certa salis mensura ultra quam  
 libra illa neminem quidem dissoluere potest, ita vt sal in fundo remaneat  
 conspicuus, nec diluatur vlllo tempore, nisi infusa maiori aquæ copia: &  
 hoc habendum est non tantum de sale marino, sed de omni alio. Inanis est  
 timor imperitorum quorundam medicorum, qui licet præscripserint vnam  
 aut alteram vnciam liquoris dissoluentis, verentur ne nimia sit dosi anti-  
 monij, senæ, aut alterius pharmaci in eo infusi, non quidem vt parcant  
 sumptibus, sed quod putant liquorem illum exiguum plus salis educere ab  
 vna vncia quam a tribus drachmis. Quibus positis, dicendum est mare fie-  
 ri salsum a sale dissoluto, amarum ab adultis fuliginibus. Optimè no-  
 uerat hoc Galenus, dum lib. 4. De simpl. medic. facult. cap. 20. ita loquitur  
 de aqua lacus Iudaici. Salsugini meræ similis est, in quam si salem iniicias,  
 ne liquari quidem etiam possit. Et paulò post. Inanem, inquit, esse diui-  
 tis cuiusdam ambitionem ostendi, qui tantam in Italiam maris Mortui  
 aquam deuexit, quæ cisternam implere posset: nam id ipsum expeditè præ-  
 stiti, sale plurimo in aquam potabilem coniecto. Hæc rectè Galenus: sed  
 aduertere debebat animalia viua quæ fluitare dicit in Asphaltite ligatis pe-  
 dibus, similiter in suam illam aquam coniecta fluitare debuisse vt in illo la-  
 cu: nihilominus tam ipse quam Iosephus, Tacitus, Plinius, Albertus,  
 Sueffanus, Vicomercatus & alij complures hoc admirantur in lacu Iudæo,  
 perinde ac si in alia aqua fieri non posset. Ipse quidem Galenus ibidem do-  
 cet modum aquæ conficiendæ similis stagno Palæstina: nimirum, inquit, si  
 quamplurimum salis liquatum sub Canis exortum, vbi potissimum æstus  
 iam fuerit valentissimus, torreretur, haud aliter quam in stagno bitu-  
 mi-



minoso, sic enim hæc aqua perinde vt illa grauis efficietur: ac si ligatum hominem aut aliud animal in ipsam conieceris, instar nauis super aquam feretur. His Galeni dictis refragatur duplex experientia, prima qua vidi sæpius aquam non magis incrassari a sale adusto quam non adusto: illa quidem ad Solem vel ignem aliquid exhalat, sed remanet sal in fundo, nec propterea falsior euadit aqua, vel crassior: altera est quam mox afferam de suo in falsugine suffocato. Admiratio tantorum virorum fortè procedit ex eo quod credunt hominem manibus pedibusque vinctum & proiectum in flumen ita petere fundum vt non emergat, cum tamen ille vinctus, & si maxime velit fundum subire non possit, nisi prius aqua pulmones & ventriculum implens expulerit aerem quo velut vire subleuabatur, & quo expulso mergitur etiam in Asphaltite. Quin immo vinctus ille, si sit natandi peritus, potest ad cœli verticem os ita conuertere, vt immotus super aqua fluitet quantum voluerit: nam expertus sum ita constitutus os summum, nares & oculos saltem extare summa aqua, dum expirando redditur aer, totam verò faciem vsque ad aures eminere, dum attrahitur aer respirando: ita vt placidè velut in molli lectulo quiuies consistere possit immotus facie ad cœlum obuersa & paulum collectis cruribus, nisi præ metu sese iactaret imperitè & aquam sorberet. Animal itaque viuum aut mortuum, cui nares & os tuerint obstructa ne sorbeat aquam, non mergetur in aqua dulci, multo minus in Asphaltite. Vt igitur res sit admiratione digna, necesse est hominem in hunc lacum proiectum & suffocatum postquam intrò multum aquæ traxit, in summa aqua semper fluitare, nam si animam urinatorum more contineret, nunquam inuitus demergeretur. Aristoteles lib. 2. Meteor. cap. de maris falsugine, id fabulosum vocat. Fabulantur, inquit, in Palæstina tale esse stagnum, in quod si quis immiserit obligatum hominem aut iumentum, supernatat & non submergitur. Huius opinioni fauet experimentum quo succidia & proinde sus ipse vi submersus & suffocatus hæret in fundo meræ falsuginis, vbi recens ouum innatat, quippe confecta est tanto sale quantum dissolui potuit ab aqua ei persimili quam fecit Galenus. Hæsisset igitur idem animal in imo Asphaltite, nisi aliud obstat quàm falsugo, vel crassitudo bituminis, vt ait Albertus, qui non considerauit bitumen esse leuius aqua, proinde facilius in eo submergi animal quàm in aqua. Propterea forte Strabo in hoc Palæstinæ lacu, quem vocat Serbonem, ait bitumen emergere cum bulis e fundo vi feruentis aquæ & proiectum animal non innatare, nec immergi posse, sed attolli. Verùm hoc de toto lacu dici non potest: nam teste Iosepho lib. 5. de bello Iudaico c. 5. quibusdam in locis tantum vomit nigras bituminis glebas, quæ super vndas & habitu & magnitudine tauris sine capitibus affimiles natant. Quare si quod animal, vt aiunt, fluitat hæc suffocatum, id fieri potius dicendum est ea parte lacus, vbi est bitumen, quo fauces animalis proiecti statim obstruuntur, ita vt aquam sorbere non possit. Hoc autem bitumen innatans vi feruentis aquæ, vt ait Strabo, debet esse liquidum, viscosum, & tenax: nam si solidum est, vt illud quod ad nos affertur, hæc ratio non valet. Sed de hoc lacu satis. Putei, fontes, fluuij, lacus vt plurimum non sunt falsi,



re amari, quoniam eorum aqua salem & amaras fuligines deposuit, ut au-  
dixi. Incredibile tamen videri possit, quod tota salugo Ponti Euxini  
imprudens exhausta non est a tot fluuijs per ipsum illabentibus in Propon-  
dem, nunquam refluxo mari: sed de illo & alijs id genus dicendum est. *N.*  
er subterraneos meatus suggeri ab oceano aquam salam, intumescere  
erò accessu fluminum, ac propterea fluere continenter in Ægæum, & Me-  
iterraneum quod ipso salius est, atque etiam salius in fundo, quam in  
superficie ob eandem causam: & hoc de vniuerso mari Bodinus affirmat  
ontra Aristotelem: credibile tamen est ob aquarum permistionem esse  
qualiter salum, nisi forte in tranquillis aquis salforum fontium, unde qui  
lem ignibus coquunt, prius e superficie hauriunt aquas dulces, aut mi-  
us salas, atque ut plenius intelligant quantum hauriendum, sit ouum  
rudum in aquam demittunt, quod quidem mergitur, nec tamen fundum  
etit, sed ibi consistit pensile, ubi aqua salior esse incipit: ex quo satis ap-  
aret aquam salam, utpote grauiorem, consistere potius in fundo quam  
superficie. Meatibus etiam occultis quidam fontes & lacus falsi origi-  
em habent a mari: quod si nonnulli videntur eo altiores permeare debent  
ilem fossilem, qui licet perpetuo deradatur, non deficit tamen, quoniam  
ccessione noui spiritus acidi ad suam terram alius atque alius aggeneratur  
uibisdam in locis, sicut metalla. Luculentum huius rei habemus exem-  
lum in terra, ex qua quidquid erat nitri fuit expressum, illa etenim diu-  
elicta in aere pleno varijs spiritibus, inde rursus elicit spiritum nitrosum  
bi familiarem, ita ut artifices ab eadem terra diligenter ad hoc asseruata  
itrum aliud atque aliud semper educant: quod etiam accidit decrepito sa-  
marino, ex quo vi ignis separatus est spiritus, quantum fieri potuit, ut  
nte dictum est. Stillicidio quoque pictores exprimunt ab ærugine salem  
dmirandæ viriditatis instar smaragdi, tuncque remanet terra quadam  
allidior, ex qua nullo igne quidquam æris elici potest: at si sal ille resti-  
atur suæ terræ, iam æs educitur sicut ab ærugine educi poterat. Alij fon-  
es diuersam naturam induunt iuxta locorum substantiam per quam de-  
uunt, veluti sulfuream, nitrosam, aluminosam. Frigidi e frigidis, calidi e  
alidis locis oriuntur: non autem incalescunt vehementi motu, ut somniat  
odinus, alioquin omnes fluuij rapaces essent alijs calidiores. Hinc acci-  
it duos fontes aut puteos sibi vicinos esse dissimiles in qualitatibus pri-  
nis & secundis, ratione suæ originis & decursus per varia loca. Accidere  
otest etiam ut nonnulli sint reipsa paulò calidiores hyeme, quam æstate,  
t si qui apud nos originem habent e regionibus positis sub Tropico Ca-  
ricorni, ubi dum est hyems, nobis est æstas & contra, quare & aquæ refer-  
e possunt hanc temporum vicissitudinem, si decurrunt per meatus, qui ab  
gnibus subterraneis non incalescunt. Quæ autem habent insignem calo-  
em aut frigus, necesse est ut transeant eo tempore per similia loca. Quod  
erò cæteræ aquæ e Terra haustæ frigidiores videantur æstate quam hye-  
ne, ut & loca subterranea, id accidit errore sensus, ut dixi in libris de Or-  
u, ubi etiam rationem attuli cur eorum vapor & oris halitus cernatur hye-  
ne. Excipio semper tam hæc quam alibi fontes, puteos, lacus & alia quæ-  
dam



dam singularia loca, quæ veluti ludibria sibi nobis miracula fecisse videntur natura, ut ait Plinius, quæ si quis fide carere arbitratur, discat, inquit, in nulla parte naturæ maiora esse miracula. Hæc igitur excipio loca, quippe seu calorem, seu frigus insigne concipiunt alienis temporibus, id referri non potest in ullam antiperistatim, alioqui longè pluribus locis idem accideret. Exemplo sit in Gallijs fons admirabilis tribus circiter a milibus Como miliaribus, non longè ab oppido Claromontano: huius aqua luvius & Augusto mense vehementer astringitur gelu, minimè verò hyeme. Ne propterea dixerim absolutè fontium aquas æstate quam hyeme frigidiores, sed potius huius glaciei causam esse referendam in spiritus frigidos & cæcos eo tempore per occultos meatus e locis Septentrionalibus confertim permeantes ad illum fontem. Curenim aliæ aquæ non longè scaturientes, vel eò delatæ non congelant, nisi quia non habent admissos spiritus coactioni necessarios. Eadem est ratio de locis calidis ad quæ certis temporibus pertinet spiritus igneus: omnes tamen ferè recurrunt ad locorum antiperistatim, cuius virtutem in multis non improba verim, sed non in quod dicitur de reciproco caloris & frigoris recessu sub terras, id enim vix go ita sentienti donandum videtur, sed non philosopho, qui caloris causam in illis locis refundere debet potius in vim ignis subterranei, qui calidus per hyemem Terræ spiraculis minus exhalat. Causam quoque frigoris quod ibi creditur æstate quam hyeme maius, rejicere debet in errorem falsum, & si non nego paucos halitus frigidos se eò recipere per æstatem & calidos per hyemem, contendo tamen loca subterranea esse hyeme frigidiora & æstate calidiora, paucis, ut dixi exceptis, quæ naturæ miraculo celebrantur. Solent hic qui superstitiosè fontium originem per cæcos meatus deducunt e mari, recurrere vel ad influentem quandam vim coelestem, vel ad fugam vacui: nam eo modo quo panis liquorem aliquem contingens insuccatur altius uno aut altero digito quàm sit ille liquor, ita inquit per punctuosa fistulasque terræ fungositate attolluntur aquæ ad montium vertices, unde fontes gelida perennitate iugiter manant. Sed si hoc esse aqua ultra tres aut quatuor digitos non eleuaretur, ut apparet in canaliculis vitreis, ubi aqua vel vinum ad eam altitudinem euehitur, si aciculæ crassitudinem non excedant, eò verò minus quò sunt crassiores. Hoc autem accidere putem quòd dum aer per stabilis aliò com meat, aqua utpote fluidum corpus, illi oblectuntur aliquatenus, tamen cùm laxior est canali proprio pondere vincitur, & valde parum se attollit. Non multum ab hoc errore eorum sententia qui dicunt aquam contentam in magnis Terræ canalibus impellere sursum aliam, quæ in minoribus continetur, nec avertunt inde sequi eodem modo fieri posse a nobis motum perpetuum: nam si ex canali maiore impellitur aqua per minorem, eadem relabi potest maiorem motu perpetuo. Mitto id quod ibidem explosum est de aere converso in aquam & reliquas opiniones de origine fontium, cùm veritas dictis satis pateat. Superest iam æstus maris præcipuum aquæ miraculum eoque maius quò minus scitur unde procedit. Verùm & si ut ait Plinius hæc omnia in maiestate naturæ videntur abdita, nec aliquid certis statuerim dum



# Circulus Vnicus.

9

lum putem, dixerim tamen fieri potius a spiritu terrestri Stoicorum, *Et a multis N. B.*  
 quam ab alijs causis. Atque vt hypothesis idonea concinneretur, dici po- *tudine spi-*  
 est vi consensus confluere multiplicem spiritum, hoc est tenuia corpora *ritus terre-*  
 diuersi generis, tam per vias patentes, quarum profunditas missa bolide *fris.*  
 non reperitur, quam per caca quædam spiracula ad Terræ meditullium,  
 quædam celerius, quædam tardius, secundum maiorem, vel minorem co-  
 gnationem, atque inde sursum extrudi aquam in locis illis existentem.  
 Spiritus qui velocius eò concurrunt, hærent quidem ibi affinitate natu-  
 ræ coniuncti, sed eorum societas dissoluitur accessione tardiorum super-  
 uenientium, & huic congregationi repugnantium, quemadmodum fit in  
 ventis ac pluuijs, & sensu ipso patet in metallis solutis in aqua chalcanti,  
 vel salis ammoniaci, quæ iniecto spiritu tartari, vel aqua falsa, statim in-  
 puluerem præcipitant ac fundum perunt. Id autem conspicitur illumina-  
 tius in ampulla vitrea spagiritarum liquore plena, in quam immissa parti-  
 cula cuiusdam salis, vidi paulatim aquam ex alba & frigida ita rubere &  
 incallescere, vt tractari non posset, tum in ea nubes excitari densas & opa-  
 cas, mox quidpiam ad fundum cadere veluti pluuiam, niuem, & grand-  
 nem. Immittitur aliquid simile, sed nobis ignotum tam a Terra, quam a  
 Sole, Luna & alijs stellis, quod dum subit halituosos spiritus, aut vapores  
 paruos in aere, eos dissoluit in ventos & pluuias. Similis est fulminantis  
 Solis Martisque id est auri & ferri ratio, nec alio modo fiunt cætera disso-  
 lutiones, seu mortui animalis, seu rei combustæ, dum ignis incidit in con-  
 cipientem comprehendentemque naturam, sequitur enim partium secretio,  
 quam corruptionem appellatis. Hæc spirabilis naturæ sub Terra congre-  
 gatio & dissolutio nuncupata est respiratio & exspiratio a Stoicis dicenti-  
 bus Terram esse animal trahens ac reddens aerem, quasi animam recipro-  
 cans. Eadem ferè Platonis opinio fuit, aquam enim e Tartaro vi spiritus  
 emitti dixit & recipi. Platonem velut edoctum a Mose sequuntur com-  
 plures e Sanctis Patribus, vt Isidorus 3. Etym. cap. 20. & Basiliius hom. 4.  
 exclamans, quis aquam hanc exilire cogit e medijs Terræ visceribus? Hoc  
 dicto viri sapientes nihil aliud intelligebant, nisi quemadmodum aer aspi-  
 ratione ductus ad pulmones conuenit cordi & citra incommodationem ibi  
 commorari potest, donec accessu fuliginum redditur insensus, eòque de-  
 pulso alter admittitur: ita fieri simile quidpiam in Terræ visceribus, eo  
 discrimine, quod animalium respirationi deferuiunt muscoli pectoris, hæc  
 autem respiratio Terræ si nihil habet intus quod vices gerit musculorum,  
 fit sola conuenientis spiritus congregatione, eiusdemque iam immutati &  
 repugnantis dissolutione statis temporibus. Quare discrimen est inter eam  
 quæ fit in Terræ meditullio, & ventorum ac nubium aliarumque rerum  
 dissolutiones, quod istæ non videntur accidere quotidie, nec certis tem-  
 poribus, illa verò fit singulis diebus & statis horis, cuius rei causa referenda  
 est in ipsam corporum naturam. Necessè est præterea hanc spirituum in  
 Terra dissolutionem accidere non vno in loco, sed in compluribus, vt red-  
 datur ratio diuersi ætus: non enim sufficit locorum situs ad Eurypi recur-  
 sus & alios admirabiles explicandos, sed requiritur diuersa concursio spi-



ritus. Itaque dum ille varijs locis subit Terræ medium, ex eius visceribus aquam, cuius occupat locum, magna vi attollit, eiecit ac fluere compellit & æstare varijs modis. Refluxus autem fit ab ipso pondere aquarum sponte remeantium ad proprium locum, spiritu dissoluto iam recedente. Et quoniam semper est aliqua spiritus & aquæ luctatio circa locum occupandum, motus aquæ non est continuus, accessum enim aliquem & recessum habet tam in fluxu quam in refluxu. Quod autem videtur æstus sequi motum Lunæ & maximus esse circa nouilunium ac plenilunium, atque etiam circa æquinoctia, facile responderi potest tunc a Luna & Sole transmitti quidpiam ad Terram, unde fit spiritus maior congregatio & dissolutio, atque etiam maiori impetu, ac proinde quibusdam temporibus maior aquæ reciprocatio. Sed cur æstum non patiuntur magni lacus & mare Hircanum? Ratio esse potest quod e medio Terræ ad ea non pertinent magna aquarum receptacula, quæ ipsis afferant incrementum, dum aquæ a spiritu illic congregato foras protruduntur, si quæ sunt tamen huiusmodi receptacula, necesse est aquas intumescere eo loco & reciprocari. Hinc fit etiam ut non omnes maris partes æstum eundem habeant, sed prout ratione spiritus ac spiraculorum eò pertinentium, cernatur in æstu varietas temporis & magnitudinis: non enim ubique sex horas habet fluxus & totidem refluxus, sed quibusdam in locis sapius in die reciprocatur, alibi pluribus horis fluit quam refluit, alibi contra, hic vehementius, hic languidius: nam sub Zona torrida & versus Americam australem, ut quidam aiunt, vix ullus est æstus. Secundum hanc hypothesim non est necesse aquas intumescere disfrari & attenuari in fluxu, in refluxu verò demum intumescere condensari, ut aliqui comminiscuntur, satis est enim quod Terra eiecit & resorbeat aquam. Non est necesse aquas Oceani ad æstum maris Mediterranei concitandum, per columnas Herculis sex horas deferri velocius aquila volante usque ad æstuaria Tyri & Sidonis: fieret enim reciprocatio Mediterranei, etiam si Oceano non coniungeretur, propter spiracula propria, quibus eiectatum mare e Terræ visceribus attollitur & continenter impellit consequentes aquas, ita ut non sit opus eandem aquam brevi tempore sex horarum deferri ab oriente in occidentem, quod alij coguntur fateri. Propterea mare vix attolli cernitur in medio, multum vero in oris extremis, ad quas pertinet æstus: ut videre licet in æstuarijs Venetis, in quibus, vno aut altero cubito magis aut minus attollitur aqua, se non ita in Sardinia, Corsica & mari Hetrusco: nam continuus impulsus aquæ e suis spiraculis sublata & aliam adurgentis maiorem molem congregat ad oras extremas. Ad præcipuam etiam difficultatem quod fluxus & refluxus maximè fiat ad orientem & occidentem, non est necessarium recurrere ad motum Terræ diurnum & annum, nec ad Lunæ vim occurrant aquas attrahentem versus occasum, quæ deinde suo pondere resurgat ad partem exortiuam. Sufficiunt obliqua spiracula ad ortum, vel occasum, vel alio directæ: quod enim dirigitur mare impulsus, oritur fluxus eiusque regressus naturalis est refluxus: si quæ aliò pertinent, æstus aliò tendit, ut accidit in mari Rubro. Si cui verò commentitium videatur excog-



tare hunc concursum spiritus ortum ex naturarum in media Terra congregatione & dissolutione, consideret vniuersa naturæ vim in eo potissimum esse positam, vt statis temporibus omnia congregentur ac dissoluantur, tam viuientia, quàm inanima. Qui vim incredibilem spiritus ignorat, difficulter animum inducet posse tenuem spiritus naturam permeare tantam molem aquarum, eamque e suo loco deturbare ac tam immensum pondus sustinere, postea verò dissolui, paulatimque cedere loco, nec tamen in ea dissolutione sentiri quotidie flatum vehementem dum refluit mare. Hanc tamen energiam spiritus optimè cognouit Aristoteles dum ea accommodat ad terramotum lib. 2. Meteor. cap. de Terramotu. Fatetur enim ibi a Sole & igne subterraneo multum in Terra generari spiritum, cuius vim imensam ait æstiman tam non tantum ex ijs quæ fiunt in magno mundo, sed etiam in paruo, hoc est in corpore animalium, in quibus spiritus tam vehementes interdum tentiones facit & conuulsiones, vt multi simul non possint cohibere motum ægotantis. Ac propterea docet ibi non aquam, non terram, sed spiritum esse causam motus, dum ipse continuus in viscera Terra fluit totus, aliquando extra, aut partim intra, partim verò extra. Vis ea spiritus satis celebrata est in libris de Ortu Circ. de Rarefactione, vbi ostendi mirabiles effectus rarefactionis fieri nouo spiritu illuc accurrente. Quibus positis si Aristoteles quidpiam scripsisset de æstu maris, certè eius causam in aliud referre non poterat melius, quàm in spiritus reciprocationem. Et quidem Coelius Rhodiginus scribit huius quæstionis radio Aristotelem fuisse confectum: vnde manauit in vulgus tristis illa fama sine capite, Aristotelem in Eurypum se dedisse præcipitem: sed prolixè refellitur ab ijs qui vitam, & obitum Philosophi conscripserunt: quare A. Gellius lib. 10. cap. 5. & Nazianzenus Orat. contra Iulian. dicunt Aristotelem super ea re multa scribentem senio fessum e vita cessisse. Tam ad id quod obijciabatur, sentiri debere flatum vehementem a spiritu recedente e Terræ medietullo, dum refluit mare, dicendum est spiritum quidem loco cedere, sed dispergi suauiter per vniuersa Terræ meatus citra violentiam. Quòd si multus erumperet spiraculo vno aut altero, tunc procellas, aut ventos excitaret vehementes, vt fieri dicam in surda procella: concursu tamen caussarum omnium potest spiritus abundantior occupare penitus intimos Terræ meatus, ita vt aqua inde eiectata circumluuione diuturna regiones multas operiat, qua ratione fieri potuit diluuium sub Deucalione. Hæc opinio de maris æstu secundum Stoicos non paucas habet difficultates, pauciores tamen quàm ea quæ rem aliter explicat. Ac primùm ostendo non fieri ab igne subterraneo: nam si tanta esset ignis reciprocatio, quanta necessaria est ad æstum maris, intumescerentibus aquis Terræ superficies euaderet multò frigidior, & iisdem subsidentibus multò calidior: quin etiam tunc erumperet e suis receptaculis copiosior ignis. Ostendo præterea non fieri a Lunæ dominio in corpus humidum, vt sicut ostreas, cerebrum animalium, & lapidem selenitem varijs afficit modis, ita vi quadam incomprehensa cieat mare. Hanc vim dicunt esse qualitatem a Luna sub diuerso Solis aspectu productam, qua rapitur mare ab oriente in occidentem, donec impingens in altiora que-

*Aristoteles  
agnouit a-  
stum fieri a  
spiritu.*

*Æstus ma-  
ris non fit  
ab igne sub-  
terraneo,  
neque a Lu-  
na sola.*



dam loca suo pondere relabitur unde discesserat: non trahi tamen lacus fluuios, & mare Hircanum, quòd vel ob proprietatem naturæ, vel aquarum paucitatem, vel locorum impedimenta, non sit materia disposita ad hunc motum. Quemadmodum enim non valet consequentia, magnes trahi ferrum graue, ergo & paleas leuiiores, sic neque ista, Luna mouet aquam marinam, ergo & fluuialem. Addunt insuper circumduci aerem inferiorem, qui cum mari sibi commisso sympathiam, seu cognationem, consentumque naturæ maiorem habet, ac volui continenter & iugis auræ perennitatem excitare, quòd patentem apertumq. habeat æquoris campum, maria verò recurrere, propterea quòd dum incumbunt in occidentis alta & eminentia loca, tantam aquarum molem aggerant, vt cum iam sustinere si nequeat, reciprocando moueatur. Atque hinc rationem petunt cur non si usquequaque certa fluxus æquabilitas, vt quòd in littore Guineæ quaterni horis accedit, recedit cœtionis, ad fauces verò Garumnæ fluuij Aquitanicæ septenis fluit, quinis regreditur. Hæc ratio est loci cliuosi tergum, vnde procliuior est lapsus, quòd ascensus difficilior. Ad æstum annuum atque menstruum reponunt qualitatem, quæ a certo Solis & Lunæ respectu magis aut minus inualescit. At sub noctem silente Luna & vtroque sidere per multas horas delitescente, confugiunt ad qualitatem, non quæ aduerso cœlo puncto, vt quidam aiunt, inuratur, sed quæ instar soni etiam per obliquam lineam se extendat. Nihil habet hæc opinio plausibilis, quam mutatio nem æstus tam ordinatam, tamque motui Lunæ consentientem, vt sicut Luna quotidie tardius oritur quatuor quintis vnus horæ, seu 48. minutis, ita marinus æstus totidem tardior videatur: vnde fit vt spatio circiter 29. die rum, quo absoluitur Lunæ cursus, iterum cum Luna noua redintegretur. Et hic est nodus Gordius, qui concidi quidem potest, sed non dissolui atq. ijs, qui affirmant æstum nihil ad Lunam pertinere, sed dissolubilis est ijs, qui dicunt spiritum terrestrem esse causam æstus, alterari tamen immis sione aliorum spirituum a Luna, & Sole. Prior sententia reiici debet vel ob vnum insigne figmentum, quò dicitur aquas aggerari ad occiden tem & inde suo pondere refluentes reciprocari. Primum enim assignan da essent loca prærupta, vbi cum Pythea Massiliensi quidam aiunt aquam octogenis cubitis intumescere, quæ nusquam gentium reperiuntur. Quis porius Oceanus iuxta Columbum ita circumiectus est toti Terræ, vt libe rum iter præbeat aquis in quamcunque partem: quare si mare rapere tur a Luna, non reciprocaretur, sed circumiret Terram. Deinde si quæ esset aquarum moles huiusmodi, nunquam reflueret, sed eadem vi per manente qua cumulata est, semper consisteret. Nec minus exploduntur aliorum commenta, qui volunt mare supra Terram altius intumescere, nec efficere cum ipsa globum vnum, & ex eo monte aquarum subsidere quoti die partem proprio pondere ad fluxum, deinde vi quadam Lunæ reuocari rursus in montem. Sed certè eadem vi qua tumor ille excitatus est, deberet semper conseruari, nisi dicant hanc vim esse spiritum immissum a Luna, qui ab alio contrario dissoluatur. Deinde si quis huiusmodi tumor esset in aqua, cereretur eius vmbra in eclipsi Lunæ, paues illuc non ascenderent.



cognosceretur a nauigantibus, æstus fieret in orbem vndecunque, veluti torrentes qui ex alto monte præcipitant. Quare caussa æstuationis constitui debet potius intra quàm extra Terram, nec quidquam probabilius asseri potest, quàm spiritus terrestris congregatio & dissolutio. Paulùm operosius est amoliri nouam hypothesim Galilæi, qua nulla artificiosior videri potest: vtque e vestigio Herculis impresso terræ, corporis magnitudo reperta est, & ex digito colossi Rhodij Constantinus Porphyrogenitus totam molem facilè comprehendit, ita vel ex hac vna inuentione quàm excelsum fuerit ingenium Galilæi, omnis posteritas animaduertet. Ille constanter asserit æstum maris necessariò sequi posito Terræ duplici motu, eoque sublato fieri non posse. Assertionis principium constat experientia qua videmus aquam linitibus vectam, si ab æquali motu transit ad incitatiorem, aut repressiorem, aut ad repentinam quietem, illico totam concitari in vnam partem, & inde relabi in contrariam. Quo posito rem sic adornat: Terræ globus, qui veluti linter continet aquam, si motu annuo duntaxat per Eclipticam, aut solo diurno circa proprium centrum ageretur, is motus esset æquabilis & vniuersi modi, nec vlla maris æstuatio sequeretur: at ex duplici motu fit inæqualitas, vnde necesse est aquam æstuarè. Hæc autem inæqualitas ita demonstratur: cùm motus Terræ tam annuus, quàm diurnus sit ab occidente in orientem, eius quidem centrum fertur semper æquali motu, at inæquali superficies, quæ 24. horis circa centrum illud conuertitur: pars enim quæ a Sole remotissima est vltra motum centri, habet etiam proprium versus orientem, pars verò Soli proxima contrarium habet ad occidentem, ergo illa mouetur ad orientem velocius quàm ista, quoniam eodem tempore plus conficit spatij versus illam partem, licet vtraque circa Terræ centrum æquabiliter moueatur. Hoc verissimum est, nec satis mirari possum quàm improspere Claramontius vt confuteret hoc Galilæi dictum, ait hunc quidem motum superficiei terrestris, sicut & epicyclosum cœlestium inæqualem videri respectu illius qui ipsum intuetur, in se tamen esse æqualem. Hoc asserit contra commune principium, quo dicimus duo moueri inæqualiter ad orientem, quorum vnum eodem tempore plus spatij conficit quàm alterum versus eam partem. Ego verò concessa hac motus inæqualitate, primum nego secuturam aquarum reciprocationem, deinde subiungo ex ea motus terrestris inæqualitate si quis æstus oriretur, eum a nostro fore diuersum: vnde consequens est nostrum illum non prouenire ex Terræ motu. Quod vt demonstrarem explicariis, principium statuo desumptum ex dubitationibus olim editis in eius systema. Aquarum vase mobili contentarum reciprocatio oritur quidem ex motus inæqualitate facta repentinò, sed non ex ea quæ fit suauiter transeundo per omnes gradus intermedios. Hoc satis comprobatur experimento: nam si linter vehens aquam dulcem a quiete transit ad motum sensim acceleratum, & eadem proportionè gradatim reprimatur, nulla est aquæ reciprocatio: non enim quæuis linterium incitatio & repressio aquam effundit, sed vel repentina, vel quæ huic propinqua est: ita non quiuis incitatio aut repressio Terræ motus ad orientem & occidentem mare concitat, sed ille tantùm qui a priori repente dissidet. At

*Æstus maris non fit a motu Terræ annuo, & diurno.*

*Æstus diurnus non fit a motu Terræ.*



duplex Terræ motus non efficit repentinam inæqualitatem, sed lentissimam & sine sensu : nam in puncto Terræ quod a Sole remotissimum est, velocissimus existit motus ad orientem & tardissimus in puncto illi opposito & Soli proximo, in intermedijs verò punctis ita sensim reprimitur vel incitatur motus, ut aqua paulatim afluescat & faciliè se accomodet ad lentam huiusmodi mutationem, nec ullus inde sequitur æstus. Et verò si lenta motus inæqualitas illa quidquam posset, dicat Galilæus solo terræ annuo motu eflum similiter excitari : nam aqua dum ab vpa Eclipticæ medietate deflectit in oppositam, quod facit singulis momentis, conciperet impetum contrarium : vnde aquarum omnium æstus sequi deberet. Si referat nullam adeo parvam esse quotidie huius motus diuersitatem, ut aqua ad illum se suauiter accomodet, sic ad eius hypothesim responderi potest. Quamquam autem mihi de ea remecum animo reputanti ita statuendum videatur, quoniam tamen is sum qui existimem omnes veritatis indagatores liberaliter habendos esse, ne rationes eius infuscare videar, detur ex illo Terræ motu æstum Oceani secuturum, nunc enim verò occidet plarè & multò magis calamitosus ac lamentabilis ex ea concessione iacebit. Demonstratio enim nostrum iam maris æstum diurnum, menstruum atque annuum longè diuersum ab eo qui ex Terræ mobilitate sequeretur vnde consequens est aliunde causam motus quàm ex motibus Terræ petendam esse. Faciamus enim, ut liberæ sunt cogitationes nostræ, tanquam exquisitè globoso mariori oceanum esse circumfusum Terræ : cum ex punctis supra signatis remotissimum & Soli proximum plus conferant ad æstum maris, quàm intermedia, necesse est hunc fluxum ita esse ordinatum, ut eadem diei hora recurrat, non autem tardius, ut sit, quatuor quintis vnus horæ : eadem enim puncta ijsdem 24. horarum momentis eodem quotidie referuntur : perridiculum quippe esset æstum hunc a vento singulis diebus prohiberi, cum iste raro & quidem ad paucos gradus, ille noctu & interdiu ad plurimos extendatur. Iam autem ex Terræ asperitate quæcunque sequitur deformitas non potest hanc quam experimur æstus diuersitatem generare : ambit enim Terram vniuersam Oceanus, & licet alicubi intercapedine contractior, aut profundior videatur, hoc tamen ad eius immensitatem nihil est, quo minus eadem hora quotidie in punctis fortioribus eundem impetum non concipiat, eodemque tempore moueatur. Sed obstat profunditas, obstant locorum angustia vel magnitudo, id quidem ad maris peculiarem tractum, non verò ad totum Oceanum pertineret. Atque ut hoc aliquid in Oceanum posset, vbique tamen non efficeret mutationem tam ordinatam, tamque morui Lunæ consentientem. Hactenus de æstu diurno, nunc de menstruo perspectemus, quæ sint insidiæ, quæ tendiculæ & captiones, & quæ manifesta falsitati ratio obtendatur. Noua ac plena Luna maiores, inquit, æstus obtingunt, quia cum Luna circumbeat Terram per Eclipticæ spatia decurrentem, licet æquales forte circa Terram describat circulos, circa Solem tamen longè maioris circuli partem plena quàm noua delineat, ex quo fit ut cum in maiori tardius ingrediatur quàm in minori, Terra quæ ob naturæ consensum citra Lunæ societatem nunquam incedit, cogatur ad eius

*Æstus mens-  
struus non  
fit a motu  
Terræ.*



le modum conformare & sic modò incitatus feratur, modò remissius, vnde fit noua motus inæqualitas, quæ menstruos æstus maiores efficit. Quæ ratiocinatio propterea tanto viro incessit, quòd viderit appensum quidpiam ex funiculo decem pedum, vibrationes suas absolvere longiori tempore, quàm si funiculus ex quo dependet subita retractione fiat breuior: eadem quippe virtus applicata corpori mouendo per maximum circulum, si demum illud mouendum habeat per minorem, tanto id velocius perficiet, quanto circulus ille minor erit. Sed aduertere noluit vir perspicacissimus, quanquam hæc de appenso illo corpore sint verissima, tamen ad Lunæ motum nihil attinere: nam hæc quæ vidit, appenso contingebant, eò quòd motus illi sit impressus, vt circa centrum cui funiculus inhærescit, certo ambitu moueretur, quo funiculo breuiori facto, celerius agitari necesse est, iuxta proportionem virtutis, celeritatis & spatij ab Aristotele traditam in Mechanicis. Et sicut ad hunc motum nihil attineret, si clauus cui committitur ille funis, simul intelligatur circa Terræ centrum maiores aut minores circulos describere, res enim tota vertitur circa clauum: sic omnino Lunæ conceptus est motus, vt circumbeat Terram vbivisnam reperiatur. Vnde ei fortuitò cecidit, quòd ex inira cum Terra societate Solem quoque debeat circumire, ad hoc enim præstandum nullam ei natura virtutem dedit: quòd igitur a Luna maioris aut minoris pars ambitus circa aliud centrum ad rem nihil pertinens sit ducenda, neque Lunam, neque Terram magis quàm clauum illum retardabit. Nunc tamen si prima hac tentatione æstus ille adhærescere videatur, alia duo sequuntur quæ ne argutia quidem omnis ipsa & cauillatio declinabit. Si Terra per Eclipticam modò velocius mouetur, modò tardius, secundum Lunæ velocitatem & tarditatem, ille verus motus Terræ referretur a nobis in Solis motum apparentem, atque ita Sol Luna plena pauciores Eclipticæ gradus videretur decurrere quàm Luna noua, & tamen ex comparatione dierum contrarium vt plurimum deprehenditur. Nec iuuat dicere hunc Solis motum nondum ab astronomis esse quæsitum: non enim disputo iam de vno minuto, quod subducentis summam eludat, nec requiro quot præcisè minuta Sol ipso die plenæ ac nouæ Lunæ conficiat, ne quis in re minima dicat errorem obrepere, quemadmodum accidit Cleombroto Lacedæmonio, qui dicebat se vidisse apud Ammonem in Ægypto lucernam perpetuo ardentem, quæ alio ex alio anno minus olei consumeret, hinc ab ijs deprehensam antiorum inæqualitatem, quasi ex re minuta inepti homines, inquit Plutarchus de Orac. def. vellent disciplinas mathematicas euerrere: Sed confero quatuordecim dies, quorum medium obtinet Luna noua, cum totidem alijs sequentibus, inter quos media sit Luna plena, & quæro ex tabulis quot gradus ac minuta Sol ijsdem diebus confecerit, ac reperio sæpe plures confecisse ijs quatuordecim Lunæ plenæ, quàm totidem diebus Lunæ nouæ, & tamen contrarium accidere debet. Superest vt respondeat locum verum Solis obseruari non posse, nec haberi ex tabulis præcisè in quo signorum gradu ac minuto reperiatur. Sed hoc malè tutum est subterfugium: nam Astronomia tradit modum quo planetarum veri motus dignoscantur ex mediocribus, vt Eu-



doxus, Calippus, Hipparchus, Ptolemæus & alij complures obseruauerunt. Viqueadeone oscitanter relatum est ab astronomis in tabulas quo signorum gradu Sol quotidie appareat, vt ex collatione dierum quatuordecim cum totidem alijs dici non possit vbi tardior, vbi Sol velocior appareat? Næ ergo vehementer hallucinatus est Tycho, qui tanto instrumentorum apparatu ac diligentia reperit apogæum Solis in sexti gradus Cancræ medietate, si vbi Sol habeat, ignoretur. Quid omnes astronomi a quibus conscriptum est quo tempore Sol velox quo tardus appareat, an non id supra dictis diebus, aut saltem non contrarium accidisset? concerpere luberet omnes tabulas, nisi hoc ex illis haberetur. Sed iterum insufurratur quatuor anni puncta & initia signorum forte paululùm accuratius, reliqua verò potius fortuita partitione, quàm castigata ad vnguem fuisse scripta: quod & si non obstat quin ex quatuordecim diebus id quod dixi deprehendatur, argumentum tamen alterum subiicio. Si ob minimum illum excessum, quo Terra per Eclipticam aliàs remissius, aliàs incitatus circumfertur, eo maximè tempore quo motus tarditas, aut velocitas conspicua est, hoc est noua ac plena Luna mare vehementius æstuet, septem ante coniunctionem & oppositionem diebus mare deberet quotidie paulatim iracundius inualescere, atque alijs postea septem feruorem illum remittere: Nam cum maioris æstus causa sit incrementum aut diminutio circulorum, quos Luna conficit circa Solem, atque illorum varietas fiat sensim, eadem proportionem crescere ac minui debet æstus noua & plena Luna, quod tamen non accidit: commentitia ergo est ista licet ingeniosissima machinatio. Compertum est enim non ea proportionem, nec eo puncto, quo maximus esse deberet, sed postea, vt ait Plinius lib. 2 c. 97. hoc est tribus ferè ab oppositione diebus ex recentiorum obseruatione, vehementissimum illum æstum incumbere. Hoc & Luna in iugo existente videre licet: nam teste Plinio æstus in coitu Solis pares planè, cum tamen si prouenirent ex Terræ motu, minores noua quàm plena fieri deberent, vt rem. expendenti patet. Noua enim Luna moueatur centrum Terræ in Ecliptica, verbi gratia sex gradibus velocitatis, plena verò quatuor, quibus addantur vel detrahantur duo gradus respectu superficiei terrestri, quæ mouetur contrarijs motibus, aqua in superficie existens ex vna parte moueatur ad orientem octo gradibus & ex opposita quatuor tantùm in cōiunctione, at in oppositione sex vbi prius octo, & duobus vbi quatuor: tunc ergo ex maiori proportionem celeritatis ad celeritatem maiores æstus excitarentur. Quod si quis rem adeo minutam esse dicat, vt notabilis inde non sit illorum æstuum differentia, addat similiter probabilius esse ne vllam quidem motus reciprocationem ex motu Terræ secururam, ea enim est vis argumenti, qua non solùm æstus mensiuus, verùm & annuus planè concidat, sed huius artificium iam videamus. Cum Terra, inquit, feratur per Eclipticam axe sibi vsquequaque parallelo, necesse est vt æquinoctiorum circulus in Terra descriptus tempore vtriusque solstitij ipsam Eclipticam vel potius tangentem Eclipticæ in eodem plano existentem motu diurno tota sua diametro metiatur, atque illi accommodetur quodammodo staretque quàm maximè Terræ ingre-

*Æstus annuus non fit a motu Terra.*

diendi



dienti ad orientem : contra verò tempore æquinoctij idem æquinoctiorum in Terra circulus quàm maximè potest a tangente recedat & minus conferrat ad motum illum orientalem : Sicque ex incitatione & repressione motus in solstitijs & æquinoctijs diuersi æstus oriantur . Actum esset si vt ista perbellè sonant , ita inter se consentirent , nunc omnino dissociata sunt : nam licet ex duplici motu Terræ inæquali quidem sed gradatim facto nullum maris æstum existimem secuturum , deur tamen acuminè subtilissimæ inuentionis quantum videtur efflagitare : quæro iam quo tempore maximi & minimi æstus contingent , & quantum durare debebunt ? An non sicut dies solstitiales plusquam viginti a ðsensum æquales sunt illi quo Sol describit Tropicum , propterea quòd his omnibus Ecliptica tam exiguo intervallo recedit a Tropico , vt ipsi adhærere per longum spatium videatur : vt de & antiquis incessit error per mensem integrum non exire Solem a Tropiciis , iuxta illud Manilij :

*Statque uno natura loco .*

Ita planè cùm circulus æquinoctiorum in solstitijs totidem diebus se habeat ad Eclipticam , vt dictum est , insanos illos æstus toto illo tempore fieri oportet , quorum maximus sit ille quo Terra in Tropiciis reperitur , cæteri verò hinc atque hinc tanto euadant minores , quanto ab illis punctis remouetur ? An non etiam tempore æquinoctij idem licet disparili euentu dici debet ? Quæ omnia cùm ex motu Terræ consequi necesse sit , longè tamen aliter res habeat , ad aliam causam refugiendum est : non modò enim illi maximi æstus ea decessionis & accessionis proportionem non consentiunt , sed ita paucis diebus intumescunt , vt olim incautos exercitus oppræsserint : & quod caput est non ipso die solstitij aut æquinoctij , sed post aliquot dies obueniunt . Quod Plinius obseruat dum ait : Duobus æquinoctijs maximè tumentes & autumnali amplius quàm verno , inanes verò bruma & magis solstitio : nec tamen ipsis quos dixi temporum articulis , sed paucis post diebus , sicuti neque in plena aut nouissima , sed postea . Ita Plinius , apud quem mensis integer sunt pauci dies : memini enim quo tempore Rupella obsidione cingebatur , factiosorum spem positam fuisse in naualibus copiis , quas secundante maximo æstu æquinoctij autumnalis opperiebantur , sed ille non accessit nisi altero mense , quo iam vrbs venerat in deditiorem . Præterea si æstus proueniret ex Terræ motu , pares æstus semper haberemus ipso die brumæ & solstitij eosque totius anni maximos , ytroque verò æquinoctio pares quidem inter se , sed prioribus multò minores . Vt enim rem breuiter absoluam , quemadmodum admissa Copernici opinione , si Terræ æquinoctialis secaret Eclipticam ad angulos rectos , nullus omnino daretur æstus , si verò in eodem esset plano , solus annuus tolleretur , ita ex declinatione graduum 23. circiter & dimidij succedere id quod dixi necesse est , ob diurnæ vertiginis incrementa & decrementa tempore vtriusque Solstitij maiora quàm tempore æquinoctij . Si enim centrum Terræ moueatur per Eclipticam celeritate graduum sex , exempli gratia , & incrementum maximum vertiginis diurnæ ex vna parte duos addat gradus , ex altera detrahat : Terræ superficies vno in loco mouebitur versus orientem

octo gradibus, in altero verò opposito quatuor tantum. *Æquinoctijs* autem incrementum illud & decrementum sit gradus vnus, centrum quidem *Terræ* mouebitur vt ante sex gradibus, sed superficie pars vna septem, altera verò quinque. Ex aquarum igitur maxima incitatione & repressions solstitia maximos ætus excitarent, ex minore verò minores æquinoctia. Et mirum est huius rei acutissimum inuentorem ne strictim quidem attigisse, sed semper vbi res postulabat, fugitando quasi consultò suppressisse quinam iuxta hypothesim Copernici plena & noua Luna, quinam solstitijs & æquinoctijs ætus essent. Nec tamen putem ex eo quòd maior aut minor pars lineæ tangentis *Eclipticam* intercipiatur perpendicularibus ab *Æquinoctiali* terrestri ad ipsam ductis, eam celeritatis mutationem efficere, ex qua maiores aut minores ætus oriantur, sed ostendere volui etiam recepta liberaliter hypothesi, quòd si tam diuersè & tanto post tempore contingunt ætus, quos ratio positionis sub ipsum punctum solstitij & æquinoctij reuocabat, aliam causam habere quàm motum *Terræ*. Mirò quòd nullam rationem afferre potest, cur aliqua maria semper æstuent, alia semel tantum aut bis in mense, alia nunquam: item cur alia versus septentrionem, alia versus austrum. Occurrit enim paulò hebetior hoc loco viri lyncei perspicientia, qui cùm n̄ perfaceret dixisset non primùm a natura hominis cerebrum atque mentem esse fabricatam, ad cuius captum & intelligentiam cæteras deinde res a se creatas accommodaret, quin potius naturam a molitione rerum omnium auspicatam, tum demum a intellectu hominis creandum transiisse, eumque habilem ad particulam aliquam suorum operum licet difficillimè capientiam reddidisse: philosophos tamen reperiri qui sapientis naturæ manum violenter ad sui ingenij criterium pertrahere conarentur, quique inter differendum quasi trabali clauo primùm conclusionem menti suæ penitus configerent, vel quia propria, vel quia fauorabilis est & popularis, tum cætera quantumvis insulsè & præposterè ad eam stabiliendam componerent, sicque non ex assumptis conclusionem, sed assumpta ex conclusione deriuarent: ipse tamen non modò naturam prensare, sed eam aduersantem etiam & insensantem ad systema Copernici prorahere mihi videtur. Ex motu siquidem *Terræ* diurno atque annuo ita vult maris æstum ab oriente in occidentem & contra reciprocari, vt in angustis illis oceani tractibus, qui a septentrione ad meridiem producuntur, nullus ad sensum sit ætus notabilis & insignis, quare & fidenter asseuerat in mari Rubro non reperiri, propterea quòd *Terra* per *Eclipticam* ab occidente in orientem, non autem a septentrione ad austrum conuertitur. At obsecro quid est naturam ad opiniones suas detorquere, hoc non est? Nam vt mittam alios sinus meridianos & maria quæ a septentrione mouentur ad austrum, prope insulam Sancti Thomæ in mari Rubro tam vehemens incumbit ætus, vt quemadmodum referunt Mercator & Scaliger, quidam affirmarint Mosem cum populo Hebræo illum alueum siccu n̄ tempore refluxus transiisse. Dictum impietatis atque inconsiderantiæ plenum: tum quia vt habetur Exodi 14. mare ex viraque parte litoris erat quasi murus, dum illi per medium alueum incederent: tum qui

non



non potuit eò pertingere refluxus : nam in ultimo recessu maris est Suez oppidum : at Hebræi multò inferius , scilicet ad 40. circiter milliaria procul ab vrbe Suez transferunt : tum denique quia sex horarum spatio Moses tanto itinere totum exercitum mouere non potuisset . Hæc aduersus hypothese[m] Galilæi dicta sint veritatis indaganda causa , vnde nullam fieri velim decessionem gloriæ , quam vir tantus sibi comparauit tot præclaris operibus ac monimentis cedro dignis : quin potius ob res diuinè excogitatas summi atque amplissimi honoris accedere commendationem , quam nulla obscurer posteritatis obliuio , tantoque maiorem gloriam adipisci , quanto præstantius est toti Terræ locum in cœlo vendicasse , quàm Hetruriam Terræ particulam *εἰς τὰ ἐτέρα ὄρεα* iuxta etymon promouisse . Sed fortasse tot incertarum opinionum loco melius fuisset piè credere cum Basilio Seleuc. aureis characteribus inscriptum esse littoribus maris . H V C V S Q V E V E N I E S : & hoc a solo oceano non minus legi quàm obseruari . Vndecunque tamen oriatur motus tam admirabilis , ita prouidisse videtur natura salubritati aquarum quibus Terra circumfusa est , non solum ne impurescerent , sed etiam vt deferrent huc & illuc semina rerum , per quæ assidue reciprocantur . Ab aquis transeamus ad fossilia & metalla , quorum origo non parum torquet philosophos . Concreescere tamen videntur in suis fodinis ferè eo modo quo dixi salem . Ad hoc præter locum idoneum necessarius est suus spiritus , veluti proprium semen & sua terra , quibus sœpè nutu accedunt alia , quæ eorum naturam perficiunt , vt dixi in libris De ortu agendo de Chrysostoma . Sic in quibusdam corporis humani partibus multa generantur quæ referunt naturam lapidum & metallorum quibus ablatis alia succrescunt , vt fit in ijs quæ Terra fouet veluti nutritio & materno sinu . Huic rei maximè sunt opportuni montes fiticulosi , qui ob fungositate[m] gibberi sui & cliuosi dorso meatibus vnde quaque fistulantis , facilius recipiunt rerum expirationes & admittunt aquas , vt vehicula seminum omnium , cum illas quæ ab ignibus subterraneis tolluntur in vaporem attenuatæ , tum quæ illabuntur in Terræ sinum a niuib[us] solutis & pluuijs hybernis , hyems enim cæteris anni tempestatibus est aquatior . Vnde sequitur ad hunc naturæ finem iuga montium intra mediam aeris regionem contineri . Quæ sit autem eorum altitudo summa , Plinius & Solinus scribunt Casium montem Syriæ illustrari quarta vigilia a Sole oriente . Caucasi verticem Aristoteles 1. Meteor. ait recipere lumen a Sole ad tertiam vsque partem noctis , puta summa æstate , vt sphaera ratio minus repugnet . Snellius in suo Eratosthene altitudinem insulæ Tenariffæ inter Fortunatas altissimæ & semper ardentis colligit esse nouem milliarium cum dimidio , eò quòd e mari quatuor graduum intervallo conspicitur , & montis Ætnæ quinque milliarium , propterea quòd a ducentis milliariis videri potest . Iosephus Acosta montes Peruvianos describit adeo excelsos , vt præ illis Alpes humiles videantur , eosq; conscendens penè extinctus sit , ob aerem ineptum respirationi . Ex ea altitudine refractione quidem prope horizontem multum deducit , Galilæus tamen nimis detrahendum putat , dum ait montem altissimum in Terra vnus esse milliariis ,

*De fossilibus  
& metallis.*

*De montibus.*

in Luna verò quatuor milliarum. Cùm enim mons *Ætna* teste *Maurolyco* videatur ex ducentis milliaribus, altior est certè quàm putat, vt ostendit *Snellius*. Sunt & alij montes excelsiores quàm ipse credit, vt *Olympus*, in quo *Solinus* ait peractis anniuersario die sacrificijs, vsque ad sacrificia sequentis anni cineres immotos remansisse: idem *Olympiodorus* de *Artho* refert. Quod tamen non obstat quin aliquando niues & pluuia fieri possint in eius vertice, licet secundùm *Aristotelem* venti non transcendant altos montes, puta vt plurimum: nam altissima montium iuga videntur obfita niuib, quod ostendit ea quoque ventis perflari posse. A *Plinio* celebrantur quidam *Alpium* vertices tanquam altissimi: A *Sigismondo Libero* mons dictus *Stolo*, idest columna apud *Moscouitas*, quem dux *Simeon* septemdecim diebus (forte quòd sint loca prærupta) vix conscendit: A *Marco Polo* montes *Balaxiani*, ad quorum verticem ægrè peruenitur integro die: A *Petro Martyre* historico *Indiarum* montes *Peragux* tantæ altitudinis esse dicuntur, vt *Christophorus Columbus* quinquaginta milliarum esse putauerit, quod incredibile est. Antiqui duobus modis oriri montes existimant: primùm quando ad noui mundi exortum *Terra* dissiliente concresebat alius orbis, ita in sese nutibus suis conglobatus, vt quædam asperitates emerent, quæ tamen physicæ eius rotunditati non magis incommodant, quàm *sphæræ* eburneæ puluis exiguus: Sed præterea dixerunt planicies quasdam & alia *Terræ* loca, quæ prius in miram altitudinem desederant, in tumorem paulatim eleuari, veluti gibbum in corporibus animalium, præcipuè ob lapidum & metallorum procreationem, qua intumescunt & grauidantur, non secus ac vterus proprio foetu. Id autem cùm accadat longissima temporum inclinatione, non magis obseruari potest ab hominibus, quàm commutationes illæ maris, vrbium, gentium & regionum, quas fieri dicit *Aristoteles* sub finem primi *Meteor.* Hinc tamen non refellitur argumentum, quo demonstramus mundum nostrum non esse æternum, oportet enim aliam afferre rationem cur ante *Olympiades* perierint artes & historia, ita vt ten pus illud vocent *ἀδύλον καὶ μυθώδη* ignotum & fabulosum. Nam quantum vis montes sensim desidant, vel eleuentur, regionum quidem verus descriptio, quæ paulatim immutatur, tandem oblitescere potest, sed non propterea occidunt artes, ita vt penitus obsoleseat earum memoria. Concepti quoque spiritus in *Terra* antequam erumpunt, eam in gibbum euehunt aliquando: quod cùm *Aristoteles* lib. 1. *Meteor.* accidisse dicat in *Sacra* insula, non omnino fabulosus videri debet mons ille, quem 15. *Metam.* *Ouidius* refert ortum prope *Træzenem* in planicie, quasi vesicam aut sufflationem bullantium aquarum, vt loquitur *Plinius*. Idem spiritus cùm iam dissoluantur, si conclusi sunt violenter, moliuntur exitum, & qua parte grauius impingunt citra discessum, excitant terræmotus, qua verò exeunt, cient ventos. Id eleganter expressit *Papinius Theb.* 7.

*Sive laborantes concepto flamine terra*

*Ventorum rabiem & clausum eiecere furorem.*

Et *Claudianus* 1. *De raptu.*

*De Terra-*  
*motu.*

*Sive*



*Sive quod obicibus discurrrens venens operis*

*Offenso per saxa furit rimosa meatu.*

Hi motus quos Plinius ait potius debere dici Terræ miracula quàm scelera naturæ, ut plurimum incurrunt nocte, præcipuè circa diluculum silentibus ventis, ut quando sub Tiberio duodecim Asiæ vrbes celebres nocturno terræmotu collapsæ sunt, ex Tacito lib. 2. Ratio esse potest quòd eo tempore facilius obstruuntur ab humido complures meatus, per quos spiritus exire debet & interim accumulatur, unde fit ut residente flatu venti ponant, cadatque murmur omne spirantis auræ, conclusa scilicet eorum materia, quæ dum consensu mutuo partium continetur, neque terræmotus oritur, neque ventus: sed ubi accessu rei alterius perit ille consensus, sequitur dissolutio, quæ prout tarda est aut velox, ita conformes effectus habet. Non alia est ratio magne illius dissolutionis, quæ dixere Rabbini quidam Terram aliquando dissilire prorsus & in nouum orbem coagmentari, simulque deleri vniuersum genus humanum, quod alij tribuunt pestilentia, siccitati, incendijs & aliquando aquarum eluuii. Ex quibus conficere licet ventos longè aliter fieri, quàm opinatus sit Aristoteles. Ac primùm falsum est eorum materiam esse simplicem exhalationem, cuius species seu forma non differat a natura simplicis terræ, oporteret enim ut exhalationes conclusæ locis frigidis, quales sunt nubes & cauernæ, sese reducerent ad frigus proprium simplici terræ, quoniam haberent formam seu principium internum, unde frigus emanare debet, hinc tamen magis incalescunt. Quòd si principium illud esset caloris efficiens, obtrudi forte posset antiperistasis, vi cuius exhalationes illæ concalescerent, sed hoc loco non est admittenda, nisi dicant aquam calidam prope glaciem magis cale fieri. Verùm utcumque sit de illo principio, falsum est ex terra simplici frigida & sicca prodire tot exhalationes, quantum vis calefiat, ut patet in terra mortua spagiritarum, unde vix quidquam exhalat. Si dicat aliquis aspirationem ventosam non prodire ex simplici elemento Terræ, verùm ex corporibus mistis, rectè id quidem, sed habebimus saltem exhalationem specie multiplicem, non autem eiusdem ac Terram naturæ, ut aiunt ferè omnes Peripatetici: proinde ventos tam intra, quàm extra Terram fieri posse subita spirituum illorum dissolutione. Velint nolint Peripatetici destertant oportet somnium, quo sibi fingunt excitari a Sole exhalationes impingentes in mediam regionem frigidam resilire magno impetu & hoc esse ventum. Sol quidem multos spiritus e Terra suscitatur, sed non sufficit Terræ superficies, nisi ab intimis quoque partibus euocentur, quare plures ortum habent ab ignibus subterraneis, ideoque contra ac fieri deberet, venti sæpius & validius spirant nocte atque hyeme, quando vis ignis maior est & minor Solis. Verùm a quocumque illæ excitentur, in eo præcipuè consistit somnium, quòd eas resilire volunt ob contrarium frigus regionis, in quam impingunt. Nam exhalationes e Terra ascendunt ad lineam perpendicularem, ad pares igitur angulos ventus e nubibus in caput nostrum semper reflecti deberet. Deinde cum earum ascensus sit adeo lentus, ut sensu non deprehendatur ab ijs, qui stant in editis locis, si tam subito resilirent, plus materiæ resiliret, quàm ascenderet,

*De ventis:*

*N.*

*N.*

ret,



ret, vel expectandus esset ille refultus, donec magna fieret copia exhalationum. Sed in eo est alius error, quod putant illas refugere ad Terram ob frigus mediae regionis, cum saepe ventus sit ea frigidior: astate enim frigidus interdum excitatur ventus, & si ea regio non est ad sensum frigida, ut affirmant complures, qui aestiuo tempore per altissimos montes iter habuerunt.

*N* Antiqui verò dicunt exhalationum copiam non resiliire, sed dissolui magno impetu, licet non totam simul, eoque ventum esse vehementiorem, quod velocior est dissolutio perflabilis rei, quae fertur longo intervallo una cum aere. Ventus igitur nihil est aliud quam spiritus illius dissoluti motus: congregationis autem causa petenda est ab ipsa natura spirituum, immo rerum omnium, quarum una mouetur ad motum alterius. Dissoluuntur ut caetera omnia, scilicet accessione naturae alterius repugnantis eorum congregationi: quae natura saepe quidem a Terra, non raro tamen ab astris deriuatur: hinc astrologi praedicunt ventos, eorumque signa tam a Terra, quam a caelo petunt. Nec existimandum est cum Aristotele spiritum hunc e Terra duntaxat suscitari, sed potius ut ait Plinius lib. 2. cap. 45. esse generabilem rerum naturae spiritum huc illuc tanquam in viro aliquo vagum, & disparili siderum ictu, radiorumque multiformi iactu flagellari. Quamuis autem huiusmodi spirituum magna sit in aere copia, non est tamen aspectabilis veluti nubes, nam ob summam perspicuitatem translucescit penitus, & undequaque lumen admittit, nisi forte sit nubium genus, quod plurimum in se continet spiritum ventosum, in quem dissoluitur. Et ne rem adeo tenuem tanto tempore dissolui mireris, non est dubitandum quin ad flatus diuturnos incrementum subinde accedat, alioqui citius residerent. Quod autem venti non in aere duntaxat, sed etiam in Terra concipiantur, ostendit surda procella, qua aere quieto mare concitatur, erumpentibus scilicet ventis e spiraculis & meatibus amplis, quos violenter dirupta terra sibi fecerunt. De hac Scaliger Exerc. 58. Ad litus Bascum, inquit, quod haud procul Baiona Britannicum mare summoet, locus est, quem vocant incolae Capherton: ibi aliquando mare sine ullis ventis adeo turgescit, ut iam iam litus ipsum obrutum iri videatur, deinde subsidet: quod ab alia causa quam a subeunte vento proficisci nequit. Idem ferè accidit in lacu Lemano, ubi ventus subterraneus excitat tempestatem improvisam, quam propterea Geneenses Sagam appellant. Similis interdum oritur in lacu Benaco, de quo Virgilius 2. Georg.

*Pluctibus & fremitu assurgens Benace marino.*

Ostendit hoc & in quibusdam locis aqua turbidior cum strepitu semper ebulliens, quamuis sit frigida, qualis est in voragine magna prope Pientiam. Idem ostendunt venti multis e caernis prodeuntes flatibus validis, qualem obstruxit Empedocles, ut refert Plutarchus De curiosis. inhibens, & comprimens Aultrum inde perflantem & pestifera aspiratione infestum ciuitati, quam hac ratione salubrem reddidit, ac propterea dictus est *πωλυσανέμας* ex Timaeo lib. 10. Historiarum. Immo sunt regiones, quae praecipuos ventos habent a Terra, sicut Comitatus Auenionensis, in cuius monte nomine *Mouentour*, ut didici a viro docto eiusdem loci, visitur magnum



grum antrum, quod emitit ventos penè omnes qui infestant eam regionem, quod cum aliquando crassissimo pariete occlusum fuisset, magna pestilentia totum Comitatum inuasit: vnde accingentibus se se accolis ad eius disturbancem, dissipatus est, partim eorum opera, partim violentia ventorum inde erumpentium. Aliud antrum simile videtur in antiquis ædibus Couolorum inter Patavium & Vincentiam. Quapropter & ipse affirmabat ventos modò in antris, modò in aere procreari. Quòd verò etiam in aere generentur venti, patet vel ex eo qui Typhon dicitur, ille enim turbinis instar & vorticis ex alto fertur ad Terram, ita vt naues ad se trahere, frangere, & quasi sorbere videatur: fit autem vortex ab impetu, quem materia dissoluta concipit intra nubium sinus. Nec minus est admirabilis aura illa perpetua, qua nauigamus ab ortu ad occasum celerius, quàm ab occasu ad ortum. Hanc alij excitari credunt motu diurno cœli ab oriente in occidentem, alij motu diurno Terræ ab occasu ad ortum, vnde fit vt in locis apertis sentiat aer, qui non recipit ibi impetum æqualem motui Terræ, vel cœli. Sed ex neutro motu oritur, alioquin afflaret hæc aura multò vehementior in montium verticibus, vbi nullis anfractibus coercetur: at venti non sentiuntur in locis altissimis, saltem vt plurimum, si verum est quod de cineribus sacrificij retert Olymiodorus & Solinus. Quòd si quis etiam in Atho, Olympo, & alijs iugis excelsis, vt consequens est, sentiri dicat auram perpetuam, videat ne obligando vulnus inflictum suæ opinioni, splendidum importat mendacium, quod in Anthologia Græca malorum emplastrum appellatur. Neesse est ergo spiritum illum non esse aerem, sed congregari in aere marino inferiori montibus, & contrarij alterius accessu dissolui versus occidentem, quò probabiliter diriguntur spiracula, vnde spiritum e Terræ visceribus efflari dixi. Quare ad quaestionem an iuxta Stoicos solus aer agitur dici possit ventus, vt ille qui flabello excitatur: respondendum est si physicè rem inquirimus, non quamcunque aeris concitationem esse ventum, sed eam quæ fit ab huiusmodi spiritus congregati dissolutione. Vnum libet hic examinare, vnde venti quidam sunt adeo gelidi, vt ab ijs proueniat acerrimum frigus, quod in aere sentitur & in aqua. Ne dicat Aristoteles a media regione, quæ totum frigus habet a vaporibus, nam illi sunt vaporibus frigidiores. Vnde conficio frigus aquæ esse aduentitium, sicut aeris calorem, alioqui reperiri deberet aqua non congelata quæ hyberno Aquilone frigidior esset, ob natium frigus ad quod se reducit secundum vos, & ob crassitudinem, qua fortius agere debet, quàm ventus subtilis. Quòd si propterea dicitis penetrabile frigus venti, quia subtilis est, reconcitate, si potestis, vestrum aliud dictum de aere ventilato, qui cum sit calidus insigniter natura sua, vt quidem dicitis, sentitur parum calidus ob tenuitatem, frigus tamen venti subtilioris & minus frigidi mordet acerbius, quàm frigus aquæ crassioris & frigidioris. Incessit etiam plurimos ingens dubitatio, cur ferè omnis ventus sentitur frigidus, atque adeo ipse aer astituius, quò vehementius exagitur. Sed ad hoc sufficiat id quod ante dictum est, nempe motu illo depelli fuligines calidas e meatibus cutis, simulque aerem cuti proximum & iam calefactum & succedere ventum vel aerem



minus calidum quam sint illæ fulgines. Cùm autem ex Arist. ventus sit ex-  
piratio terre, non quidem puræ & simplicis, sed mistæ & impuræ, hoc est cor-  
poris misti, necesse est exhalationem illam esse participem naturæ a qua pro-  
cedit, proinde calidam a calida & frigidam sequi ex frigida. Nam si omnis  
exhalatio haberet in se naturam frigidæ Terræ, facile deponeret calorem  
aduentitium quem habet a Sole; præsertim, ut ante monui in locis frigi-  
dis, sicut aqua calida in iisdem locis non magis incalescit per antiperista-  
sim, sed subito calorem exuit. Ventus igitur est diuersæ naturæ, calidus,

*De rore,  
melle, sac-  
charo, &  
manna.*

frigidus, humidus, siccus pro ratione spiritus quò constituitur. Idem exi-  
stimandum est de omnibus quæ fieri dicuntur a vapore & exhalatione, cu-  
iusmodi est ros, eiusque species mel, saccharum & manna; non enim ros  
est vniuersi, sed varius admodum pro diuersa corporum respiratione:  
proinde non ex omni rore fit mel, saccharum & manna, sed ex eo tantum  
qui continet exhalationem ad hoc idoneam. De his videatur doctissimus  
liber Ioannis Nardij quouis melle, saccharo & manna suauioris. Cate-  
rum Peripatetici in hac regione decutiant humorem ex folijs rorulentis,  
eumque decoquant ad Solem vel ignem quantum voluerint, nunquam eum  
cogent in mel aut saccharum. Frustra expectant a suis qualitatibus primis  
omnium rerum conformationem: nihil agitur, nisi subsit propria materia,  
quæ nullam aliam patitur mutationem, quam congregationis & secretio-  
nis. Id quod cedit in nutrimentum stirpium & animalium non amittit spe-  
ciem, ut illi autumant, sed eius particula confusæ separantur aliæ ab alijs  
& sibi consentientibus apponuntur. Idcirco non omnis fert omnia tellus, &  
si forte semina conferuntur alieno solo, non exeunt in lucem, vel retorrída  
nascuntur. Usque adeo necessaria est sua cuique substantia prima, ut ea  
deficiente tabescant animantes, plantæ retorrescant, nec vlla ope qualita-

*De meteoris  
igneis infi-  
ma regionis*

tum primarum succurri possit. Ignea sunt alia quædam meteora infimæ  
regionis, & hæc vulgò quatuor recensentur, nempe Castor & Pollux, ignis  
fatuus, faces ardentes sepulcrorum, & ignis lambens. Castor & Pollux  
est halitus pinguis in se continens ignem admodum rarum, qui sæpe adhæ-  
ret malis & antennis nauium, paulatimque dissoluitur, ut fit in nitedulis,  
putridis piscibus, lignis & carnibus, quorum radij sunt adeo pauci, ut no-  
cte tantum moueant, visum, tactum verò nunquam. Si geminus est ignis,  
appellatur Castor & Pollux: si vna est flamma, dicitur Helena, quam mi-  
sera superstitione nautis timendam fecit. Ita Thebaid. 7.

*Stat peritura ratis, cùm iam damnata sororis*

*Ignem Terapnæi liquerunt carbasa fratres.*

Razimirus tamen Poloniæ princeps in itinere suo Hierosolymitano, sicut  
Eurypides in Oreste, vocat Helenam prosperam, Castorem & Pollucem  
infaultos, idque se obseruasse sæpius affirmat: quod huius augurij inani-  
tatem satis ostendit. Vocatur ab Hispanis Sanctus Telmus, ab alijs non  
minus superstitione Sanctus Hermes, vel Sanctus Germanus. Ignis fatuus  
est ferè similis halitus sequens aeris motum, ideoque sæpe comitatur viato-  
res nocte iter agentes & fatuos ad inuia loca deducit. Faces sepulcrorum  
fiunt ex halitu qui spirat e locis cadauerosis. Ignis verò lambens ex eo qui

ori-



oritur e viuis corporibus, semper quidem in nonnullis, vt nouissima foemina Veronenſi, quibusdam verò noctu fricando capillos aut vettes, præcipuè ſericas prius calefactas, quod ſæpe expertus ſum explicando in tenebris faſcias crurum, ex quibus crebræ ſcintillæ abſiſtebant. Hoc Æneid. 2. licet fabuloſè dictum, verè tamen accidere potuit.

*Ecce leuis ſummo de vertice viſus Iuli*

*Fur dare lumen apex, taſtūque innoxia molli*

*Lambere flamma tomas & circum tempora paſci.*

Et lib. 7.

-- *Lauinia Virgo*

*Viſa, nefas, longis comprehendere criminibus ignem.*

Nunc vt cætera peragam quæ ſunt ſupra Terram & paulo altius, operæ pretium eſt inueſtigare qualis ſit aeris media regio, reſpectu infimæ & ſupremæ. Mittamus primùm ſuperſtitioſam opinionem, quæ recipit aliquot gradus frigoris huic regioni fuiſſe aſperſos a Deo, ſicut & ſalſuginem mari, eorum more qui parco ſale ſuillam contingunt, ne verminet. Mittamus & aliam opinionem eorum, qui dicunt hanc regionem eſſe frigidam per antiperiſtaſim infimæ ſupremæque regionis calidæ: nam vel nulla eſt antiperiſtaſis, vel ſi qua eſt, fieri debet a contrario ambiente: volunt tamen aerem eſſe natura calidum, cui calidæ regiones non ſunt contrariæ. Zabarella lib. de regionibus aeris c. 6. 7. & 8. putat eam eſſe frigidam eò quòd nec motus cœli, nec radij Solis reperiſſi ad ipſam perueniant. Quærentibus autem cauſſam illius frigoris, reſpondet calorem quidem habere cauſſam a qua producat, frigori verò ſufficere priuationem luminis aut caloris a Sole producti: ſublato enim motu & lumine ait omnia corpora quæ ſunt ſub Luna, etiam ipſum ignem eſſe habilem ad frigus in ſe producendum, iuxta Ariſtotelem c. 4. lib. 1. Meteor. vbi ait: Quæcunque ſunt poteſtate calida, frigida, ſicca & humida, hæc habere a motu & immobilitate. Quibus poſitis concludit Zabarella c. 6. ſi non daretur motus cœleſtis, elementa neque calida fore, neque frigida. Hæc doctrina inaniffima eſt aquod veteres, penès quos ignis ſeu calor ſemper eſt ignis & calidum efficit corpus in quo eſt, ſimiliter frigus & quæcunque mouent alia ratione ſenſus noſtros, nec eorum efficientia, ſed ordo tantùm & optima diſpoſitio pendet ab aſtrorum motu. Sed quæro vnde fit vt dato motu cœleſti qui ad Terram non peruenit, ipſa tamen hyeme perfrigeratur: nam hic motus ita ſe habet ad Terram ac ſi omnino non foret. Si igitur cœleſti motu non exiſtente, Terra nec calida nec frigida eſſet, etiam nunc nec calida nec frigida erit, exiſtente motu qui ad eam non peruenit. De media aeris regione ſimiliter exiſtimandum eſt. Superſt reſellenda communis quidem, ſed tamen nonnihil ementiens opinio, quòd totum frigus huius regionis procedat a vaporibus ſeſe per exploſam toties emanationem reducentibus ad natium frigus. Quæ vt reuincatur, vna ſufficit experientia, nimirum quòd aqua contenta prægrandibus vaſis, atque adeo lapideis vel ligneis piſcinis, quas ſuſtinent columnæ procul a Terra, nunquam ſe reducit in fundo ad ſummum frigus, quale Ariſtoteles attribuit aquæ: oportebat tamen vt ibi exereret ſi quam habet vim frigorificam, quandoquidem fun-

*De media regione aeris & ijs quæ in ea ſunt.*



dum illud procul abest ob omni contrario calore, non tantum ignis subterranei, sed etiam aeris externi. Cur igitur sponte non perfrigeratur potius quàm superficies, quæ flatu Aquilonis inalgescit & in glaciem per solidatur? Vnde fit ut tunc pisciculi quærant locum profundiorum? Neque hoc procedere dicas ab exhalationibus calidis ibi sepultis: nam si ut existimatis, sunt naturæ terrestris, oportet illas instar aquæ sponte reduci ad proprium frigus, vel ob leuitatem sese ab aqua subducere & in altum ferri. Hinc conficere licet aquam naturæ suæ neque frigidam esse neque calidam, videri tamen spiritui frigidum magis familiarem quàm calori. Non potest igitur aqua frigus illud quod a se non habet, communicare mediæ regioni, & multò minus illi vento, a quo ipsa perfrigeratur. Spiritus ergo frigidus, hoc est frigus ipsum, quod verè substantia est & vim habet frigorificam, sicut spiritus calidus, qui est ipse ignis obtinet vires concalfactorias, spiritus inquam ille mediæ regionem efficit veluti naturæ frigidarium, siue hic solus dominetur, siue vaporibus huc elatis sese infundat & permisceat. Hoc sensu dicere possumus locum illum a vaporibus refrigerari, scilicet vi spiritus frigidi, non autem proprio vaporum frigore, ad quod suapte natura reduci finguntur ab Aristotele, nam etiam omni remoto vapore, refrigerari potest a solo spiritu. Cum autem frigus sit stabilis & spirabilis quædam substantia prima, ut perquisitius & diligentius explicatum est in lib. De ortu, nihil est hic quod ostendam illud non esse accidens eductum de potestate materiæ primæ. Neque operæ pretium est declarare longius, quomodo produci videatur & interire; nam hoc illi commune est cum alijs omnibus naturis, quæ dum fusæ & extenuatæ non sentiuntur, dicuntur perire, cum verò congregantur, ita ut sub sensu cadant, produci dicuntur. Spiritus igitur frigidus qui infusus est Terræ, aquæ & aeri, quando calori permiscetur, si calor multum exsuperat, creditur perire, quia non ferit sensus: sic ubi densatur absente calore, nasci videtur quod prius non erat. Neque verò frigus spirat tantum ab hoc orbe nostro; nam sicut aliunde transmittitur lumen, sic ab alio orbe non nihil frigoris alteriusve spiritus noxij vel salutaris accedere potest, iuxta illud Virgilij.

*Frigida Saturni sese quæ Stella receptet.*

Regnat autem præsertim in mediæ regione, quoniam illa non retinet Solis radios, siquidem radij qui a Sole procedunt, vel combibuntur a Terra, vel repercussi resiliunt & disperguntur ultra cælum Lunæ, ut ex eius lumine secundario manifestum est. Non tamen frigus æquabiliter circumfusum est toti illi regioni, sed sicut vapores & nubes, magis coactum vno quàm alio loco prout exigit natura rerum quibus miscetur. Hinc oritur glacies, pruina, nix & grando. Ad glaciei concretionem non sufficit ut aqua permisceatur plurimus spiritus frigidus, nisi vnà sicca accedat. Propterea citius congelat aqua multo igne concalfacta, quippe quæ plurima contraxit corpuscula sicca non minus ei necessaria quàm coagulum lacti coacto. Calefactam exposui sæpius hyberno frigori, aliamque simul non calefactam seorsum, in vasis tamen æqualibus: tam citò illa congelabat, ut eximerem ab ea crustam vnā aut alteram, antequam non calefacta vel le-

uissimè

*De glacie,  
pruina, ni-  
ue, & gran-  
dine.*

M



uissimè concreuisset. Nec dicas hoc fieri propter aquæ calidæ raritatem, quam frigus penetrat facilius, vt ait Piccolomineus; nam aqua frigida dummodo prius efferbuerit, citius congeliat, quàm illa quæ igni non fuit admota. Hinc fortassis euenit quòd in plenilunio facilius & altius aqua congeliat. Vnde Medici conijcient ijs quos humectare volunt, aquam vt vocant coctam, vel sufferuefactam, aut teporatam non conueni-  
 re. Glacies innatat aquæ, quia leuior est, ob spiritus frigidos & siccos, quorum vim maximam habet, non autem ob latitudinem, alioquin in fundo constituta nunquam emergeret. Aqua salè creditur constringi & percoarctari, itavt minorem locum occupet, dum fit gelicidium, similiter exprimi lacrymas, lapidesque frangi gelatione. Reuincet hoc experientia, qua videbis aquam in vase congelatam intumescere, regelatam verò quasi tabescentem ac fusam occupare minorem locum. Frigus igitur aquam non comprimit, sed per-solidat, non restringit, sed potius disrarat, tum ingressu spirituum necessariorum ad concretionem, tum exortu nouorum meatuum, quibus efficitur glacies pertranslucida. Nam vt dicam agendo de lumine, dum aqua liquida est, recipit lumen instar liquoris, dum autem concreuit in gelu, lumen admittit instar vitri per meatus tantum, ac propterea perlucidior est liquida quàm congelata. Quæ igitur exprimi videntur & rumpi frigore, non constringuntur, nam coarctatione firmarentur magis ac solidarentur: sed fit ille discessus ingressu plurium spirituum quàm capere possint. Quàm sint autem ad glaciem necessarij spiritus ficci, vel ex eo patet, quòd ars naturæ imitatrix, in conficiendo gelu per æstatem, vas aquæ plenum circumdat niuib. multo sale conspersis, sine quo vis frigorifica niuis hoc non efficeret. Hac ratione fructus flores & animalcula, veluti serpens & musca martialis, in glacie translucida iucundè spectantur, & complures cyathi ex glacie, adhibitis idoneis typis, ad mensarum delicias efformantur. Iam omnibus notum est ex glacie conformata in figuram lentis, sicut e vitro, vel phialis aquæ plenis colligit radios Solis & ignem elici: sed paucis notum est cur intra glaciem cernuntur interdum multiformes stirpium imagines in ampullis vitreis aquæ superficie tenus congelatæ plenis. Hoc autem fit iniectio in phialas sale diuersarum stirpium, nam vbi erit sal alicuius plantæ, vt Artemisia in sua aqua, glacies adhærens vitro referet eius folia laciniata, similiter in alia phiala videbuntur folia plantæ, cuius sal in suam aquam fuerit iniectus: & ne quis hoc fortuitò cadere putet, in aqua sæpius soluta & congelata eadem imagines semper occurrent, vt vel ex eo dixeris multiplicem spiritum salis in principijs naturalibus esse ponendum. Denique vis exhalationum colligitur ex aqua regelata, præcipuè grandinis & niuis, quæ turbida semper apparet & impura, quamobrem & aqua pluuiæ non est clara. Ex ijs rationem habemus cur mare non est ingelabile, vt multis videtur, sal enim adiuuat gelationem, vt patet in æstuarijs Venetis, vbi glacies sæpe detinet scaphas: vehementi tamen agitatione prohibetur vt plurimum ne congeliet. Prui-na non multum differt a glacie, est enim vapor in infima regione vi frigoris nocturni coactus in glaciem. Nix verò est nubes vi spiritus frigidi & ficci

prius congelata, quàm solvatur in aquam: ideo vocatur eleganter ab Horatio *tacitarum vellus aquarum*:

Sed falsò dicitur a Papinio:

*longis niuib. crystallæ gelari*:

nam illa propriam originem habent in Terra. Ne dixeris niuem inutilem & infœcundam, multos enim in se continet spiritus, quibus fœcundantur agri, dum ipsa tabescens paulatim liquitur. Neq; dixeris omnino pinguedinis & caloris expertem, in qua nonnunquam, ut ait Aristoteles, generantur rubei vermes & perennant herbae. Nivis tractatione manus incalescunt, non ob eius calorem, sed eò quòd occlusis meatibus cutis, spiritus calidus qui tendit ad manus exercitatas, exspirare nequit. Quòd spectat ad grandinem, eam rectè Aristoteles ait esse pluuiam in aere congelatam, sed non rectè causam affert illius gelationis: nam reprehendens Anaxagoram, qui existimabat concreescere grandinem incidentibus guttis in aerem frigidum, ait esse dicendum potius aerem calidum, in quem illabentes guttae frigidae per antiperistasis sese condensant & percoarctant. Hanc antiperistasis simul & Aristotelis densitatem ac raritatem pluribus impugnaui in libris De ortu: interim satis sit dicere aerem compressum in siphonibus videri quidem occupare minorem locum, quoniam spiritus subtiliores per siphonum meatus vltro citroque comitant, at aqua in iisdem tubis compressa nulla vi reduci potest ad minorem locum: sed quamvis aliquando reduceretur, id accideret pressu, sicut in aere, non aurem ob frigus quo tumidiora redduntur ea quae inalgescunt. Deinde si grando sit incidentibus guttis frigidis in aerem calidum, cuius occursum condensantur, hyeme dum guttae sunt frigidiores, copiosior esset grando, saltem diebus quibus infima regio satis calida est: arte quoque fieri posset, sufficeret enim frigidas guttas soluti gelicidij transmittere per aerem calidum, aut guttas aquae teporatae per aerem frigidum terrestribus refertum exhalationibus: arte tamen fieri glaciem videmus, sed nunquam grandinem. Concrescit igitur grando non partium compressione, sed quorundam corpusculorum cum guttis frigidis admittance: non enim exhalationes quaecunque sufficiunt, alioqui longè saepius accideret grando, sed expirationes quaedam malignae & stirpibus aduersae requiruntur, quales ut plurimum excitat intempestas coeli circa autumnum, maturitati frugum pestilentes. Propterea grandinis ictus ob malignam aspirationem plus nocet stirpibus quàm lapidatio, ut iisdem plus nocet capri morsus quàm ferrum, aut frigus hyemis, ut ait Virgilius 2. Georg.

*Frigora nec tantum cana concreta pruina*

*Aut grauis incumbens scopulis aërentibus aëtas.*

*Quantum illi nocuere greges, durique venenum*

*Dentis & admorso signata in stirpe cicatrix.*

Præter eam malignitatem habere videntur exhalationes illæ vim frigorificam haud absimilem ei quæ latet in nitro, quo utuntur aliqui per estatem nauigantes ad vina refrigeranda. Nam si circa vitream ampullam vini plenam congerantur tres, aut quatuor librae salis nitri, eaque subinde moueatur, vi-



num euadit longè frigidius, quàm erat ante, nimirum spiritu frigido subeunte vitrum. Idem accidet, si nitrum in aquam conijciatur, in eaque diu agitetur ampulla vini: nam eo motu refrigeratur, quo Aristoteles ait omnia fieri calidiora. Illud quoque demonstrat has exhalationes esse diuersas ab illis, quibus nix & glacies conficitur, quòd scilicet grando statim colliquescit, at nix & glacies diu seruat: quodque grando, vt ait Aristoteles fit in temperatioribus locis, nix verò in frigidioribus. Vitramque tamen inscitè confudit Papinius dum ait Theb. 8.

*Aerem Rhodopen solida nix verberat Arctos.*

quasi vtriusque eadem esset materia. Rotunda grandinis figura provenit ex eo præcipuè quòd guttae omnes quantum fieri potest, rotundantur ob aerem siccum ambientem, sicut ante dixi, non autem ad imitandum totius terræ & aquæ globum, vt quidam somniant. Aristoteles non affert aliam rationem, quàm quòd grando circumfrangitur ex alto decedens: at si generatur prope Terram, inquit, maior est & non rotunda. Allidi tamen grandinem inter se non facillè admitto, nisi fortè ventis agitetur: cum ante dixerim fragmenta maiora cuiusvis corporis similis non cadere citius quàm minora. Quare parum refert siue fiat altè, siue prope Terram, cum eius figura & magnitudo pendeat ab aqua tantùm ac spiritu, quo ipsa concreuit. Denique quòd grando fiat mistione cuiusdam spiritus & aquæ pluuiæ citra vllam antiperistasis, demonstrant illæ pluuiæ quæ vulgò creduntur prodigiosæ, cum decidit quidpiam simile lapidibus, adipi, carni, vel sanguini: tunc enim de coelo lapidat, aut sanguinat, quando pluuijs aquis miscentur spiritus illi terrestres, qui lapidum, sanguinisve concretionem possunt assimilare: quemadmodum chymici mistione olei & sulfuris, quod eximiam rigendi vim habet, parenchyma iecoris æmulantur, aut candorem lactis instillato in aquam oleo benigniori. Nullus est tam hebes in philosophia, qui per antiperistasis hoc fieri dicat, quare neque in grandine illud dicendum est. Sequitur vt perstringam paucis ea quæ spectant ad nubes: ac primùm quomodo aqua grauior aere in altum effertur. Accreditum est Aristoteli hoc fieri solo calore, quo vt ait aqua destituta statim relabitur. Verùm si aquæ particula solo calore sursum attollitur, tota feruens aqua simul attolli deberet. Si dicat opus esse raritate, quam sequitur leuitas, præterquam quòd in libris De ortu ostendi non dari hanc raritatem, iam motus sursum tribuetur raritati potius quàm calori. Cur igitur dicit aquam calore destitutam deorsum relabi? satis erat dicere aquam calore disraratam attolli & in aere suspensam permanere, quoniam frigidae nubes in aere diu consistunt. Si respondeat quandiu nubes in aere libratur, inesse calorem, eo verò deficiente deficere pariter raritatem & tunc nubes in aquam cogi, sequeretur densitatem aquæ oriri a solo frigore, cumque nubes sint frigidiores aqua sufferuescunt, ea quoque densiores essent, nec quidquam consisteret in aere sine calore, non vapor frigidus, non nubes, non venti frigidi, qui & ipsi eò densiores esse deberent quòd frigidiores. Alia igitur est ratio cur in altum feratur non aqua modo, sed & aliud quodcunque corpus: nempe quòd particula cuiusvis corporis grauis postquam dissi-


*De nubibus  
& pluuijs.*

*N.*



et sunt a suo toto, quod cum Terra præcipuum habebat consensum, hoc  
 est gravitatem, si connectuntur acriter spiritibus minoris consensus, quam  
 sit in aere nostro, tunc ab aere fortius ad Terram se applicante sursum im-  
 pulsæ cedunt fortiori, donec eò deuenierint, ubi æqualis est connexorum  
 corpusculorum & aeris cum Terra consensus. Ita lutum & arena quah-  
 quam aqua grauiorēs, si adhærescant ceræ vel ligno, sursum emergunt.  
 Quæ ratione stolidi quidam Indiarum populi nanigia demersa penitus ex-  
 trahunt ab aquis: nam genus quoddam habent ligni leuissimi, cuius alia  
 atque alia fragmenta sub aquas ab vrinatoribus vi detruduntur, alligan-  
 turque nauigio, donec fiat moles quæ iam videtur sponte subleuari. Fateor  
 quidem spiritum qui validissimè disiungit aquæ particulas, esse calorem,  
 sed cum antiquis dico eum esse substantiam ignis, qui secum multos alios  
 habet spiritus annexos corporibus sursum elatis: quare non ille solus, sed  
 alij etiam euehunt particulas corporum, quæ grauias dicuntur, ac propterea  
 nubes in aere librantur, quamuis absit calor ferè omnis, quod Aristoteles  
 non concedit. Si quis dicat particulas corporis similis eandem habere  
 gravitatem specie ac totum corpus, proinde particulas aquæ, nisi calor &  
 raritas adsit, debere per aerem paulatim descendere, sicut puluis in aqua  
 turbida paulatim descendit. Dux sunt responsiones prima est particulas  
 corporis grauis esse adeo exiguas, vt maior sit vis adhesionis, qua illigan-  
 tur corpori vndique ipsas ambient, quam sit grauitas qua deorsum ten-  
 dunt: quemadmodum sales & metalla soluta permiscuntur & suspendun-  
 tur in suis aquis. Altera responsio est aquam, plumbum, aurum, & alia cor-  
 pora quæ vulgo similia dicuntur, esse mista & composita ex varijs natu-  
 ris simplicibus, quæ simul vnita constituunt corpus, quod Terræ magis con-  
 sentit quam aer, licet seorsum acceptæ minus consentiant. Cum itaque ca-  
 lor aut alius spiritus disiungit alias particulas aquæ, vel plumbi, illæ resti-  
 tuuntur suæ naturæ, quæ cum Terra consensum habet minorem quam aer,  
 & sic ab eo sursum pelli videntur, quod præstare non poterat aer, dum illæ  
 constituebant corpus aquæ vel plumbi. Nullum est ergo corpus adeo graue,  
 cuius particula soluta veluti spiritus & substantiæ primæ ac simplices aliò  
 non possint auolare. Hoc certè rerum omnium permissionem melius explicat  
 quam Aristotelis raritas, quæ sine calore fieri non potest: at sic habemus,  
 etiam sine calore, quomodo in aqua & aere consistere possunt naturæ cuius-  
 que generis, ad effectus mirabiles quos cernimus, producendos. Simpli-  
 ces igitur naturæ quæ constituunt aquam, solutæ feruntur sursum & ex ijs  
 atque alijs innumeris effectæ nubes in rorem, pluuiam, niues, grandines,  
 ventos, fulgetra & alia resoluuntur, pro natura rerum quibus sunt veluti  
 foetæ & grauidatæ. Causa verò dissolutionis est spiritus aliquis ad hoc  
 idoneus, qui incidens in materiem congregatam, eam resoluit: perinde ac  
 spiritus tartari infusus phialæ in qua metalla soluta sunt, ea præcipitat &  
 separat ab aqua. Non possum hîc omittere vitream ampullam quam at-  
 ti lib. De ortu Circ. 22. & cuius experimentum a me primo obseruatum  
 tam insignia habet consuetaria, vt ex ijs refelli possit quidquid dicitur de  
 permutatione reciproca elementorum, hoc est tota Aristotelis philosophia.





In hac ampulla si feruet aqua toto anno, non diminuitur, vt expertus sum, & cum habeat locum satis amplum & aptissimum vt vertatur in aerem, qui statim exire posset aperto collo, tamen non vertitur, sed quidquid exhalat humidi consistit circa medium colli frigidioris & ad fundum relabitur ac propterea nulla fit aquæ diminutio. Velim porro scire cur intra capacitatem illius ampullæ quantumvis amplæ ne gutta quidem aquæ vertitur in aerem multis annis, & cur potius ex aqua fit aer in alijs locis, vbi præmunitiones ad generationem aeris non sunt ita aptæ. An non iam fidenter dicere possumus vapores & alios spiritus fundi per aerem, sed tamen in eum minimè verti? Afferenda tantum est ratio cur vapores ab alijs aquis feruentibus ascendunt ad mediam aeris regionem, non ascendunt autem ultra medium collum in ea ampulla, cuius os semper apertum est: nam si clausum esset, suspicari posset aliquis defectu loci non posse conuertere aquam in aerem, vt fieri putas in vasis chynicorum ad liquores circulandos occlusis vndique, sed hic patet aditus aeri facto. Et ne conqueraris de loci angustijs, fac ampullæ ventrem ea qua voles magnitudine, modò collum sit, vt dixi, longum & angustum, tamen ex vnciola feruentis aquæ toto anno nihil omnino vertetur in aerem, quippe semper erit eadem aquæ mensura. Leue id quidem inuentum dicitur a multis instar ampullæ, sed fortassis alicuius philosophi synceri iudicio videbitur ad veritatem eruendam vtilius quàm propter quod olim Pythagoras Hecatombem fecit.

Dicendum igitur arbitror tam hic quam alibi nullam aquæ particulam in aerem verti, nam alioquin rarus aer maiorem occupans locum exiret tubo ampullæ & locum daret aeri nouo generando. Spiritus quidem ignei exeunt ab ampulla, sed non vapores, quia colliguntur & stipantur in angustijs colli, vnde fit vt adhæreant partibus vitri mibus calidis ac tandem recidant: quod non accidit in mari, fluminibus, & alijs vasis e quibus sublatus vapor per aerem diffundi potest nullis angustijs coarctatus, relabitur tamen in pluuiam aut rorem, quando colligitur. Cum aer ergo confertus est multis vaporibus, si spiritus accedat aptus ad resoluendam hanc missionem, rursus vapores coeunt in vnum & cum aqueo spiritu sibi familiari labuntur in Terram, quibus si iunguntur aliæ naturæ, quæ requiruntur ad pluuias prodigiosas, decedit aliquid simile lapidi, carni, lacti, sanguini, adipi, tritico, immo & ranis ac piscibus, vt multi testantur: nisi fortè generantur in terra, quæ ad eorum procreationem præparatur tam celeriter, vt ex alto labi videantur. Alius incidens in aerem plenum exhalationibus metallorum, sulfuris, arsenici, bituminis, nitri, camphoræ, stibij & complurium id genus, horrendos tonitruui fragores excitat, ob celerem dissolutionem quàm sit pulueris pyrii, cuius eadem fere est materia, sulfur, & nitrum. Hinc sonus ille terribilis, quo apud Virgilium,

*De tonitru,  
fulgure, &  
fulmine.*

-- *mortalia corda*

*Per gentes humilis franit pavor.*

De quo impiè Capaneus in Thebaide Papinij.

*Primus in orbe Deos fecit timor.*

Affines sunt enim voces  $\delta\epsilon\omicron\varsigma$  &  $\theta\epsilon\omicron\varsigma$ . Sed hæc & alia nequiora vociferans ictus est fulmine, atque ut ait Poeta,

-- *paulum si tardius artus*

*Cessissent, potuit fulmen meruisse secundum.*

Hic excitari velim quosdam a somnio, quo sibi fingunt sonitum fieri ab exhalatione inclusa & contundente latera nubis, dum rimatur exitum, perinde ac miles tumultuosus. Id si fieri volunt citra ullam exhalationum dissolutionem, qua nubes & aer subito discessu fragores edant & crepitus ingentes, quos olim vocabant risus Vulcani & Vesta, nihil inanius dici potest, nisi forte illud quod aiunt nubes ipsas inter se allisas sonum efficere. Non cogitant profectò nubes esse corpora rariora quàm ut allidi possint, alioquin & fumo fumus allisus sonum excitaret & quotidie nubes agitata ventis aduersis idem efficerent. Hanc insulsam philosophiam accepisse videntur a veteribus Thuscis, qui applodebant fulgetris, dicebantque collidi nubes, ut fulmina emitterentur, quasi quia significatura sunt, fiant, inquit Seneca. Sed quid dicent de fulminibus, quæ accidunt sereno cœlo? An illa omnia superstitiosè referent ad prodigia diuina, ut Plinius lib. 2. cap. 51. & Virgilius 1. Georg.

*Non aliàs cœlo ceciderunt plura sereno*

*Fulgura.*

Sic Lucanus lib. 1.

-- *sacrum sine nubibus ullis*

*Fulmen.*

Ita cum die qui D. Petro sacer est, cœlo sereno fulmen euertisset turrim arcis Mediolanensis, Pontifex in senus Francisco Primo Galliarum Regi iactabat id non naturaliter, sed diuinitus accidisse. Hoc dictum nihil habet philosophiæ, dissulant enim aliquando terribiles fulminum crepitus, cum usquequaque differenat, licet id rarò: nam tonitruum materia quæ ut dixi est exhalatio præcipuè sulfurea & nitrosa, elicit nubes suo tumultu, non tamen earum densitas, cavitates, aut alia figura dici debet causa tonitruum, sed signum duntaxat, quemadmodum color earundem aliquando denunciat tempestates turbulentissimas. Quare si in aere solo sine nubibus reperiretur materia unde tonitrus oritur, efficeret eosdem sonitus, quod patet ex tonitruo qui auditur antequam cogantur nubes: ut mirum sit philosophus id tribuere cavitati & figure nubium, quod debebant materiæ fulminari, neque vidisse nubes ineptas esse ad sonum edendum aut repercutiendum, ut experiuntur illi qui per montes obritos nubibus & nebulis iter faciunt. Quod si dicunt oriri sonum ex nubium violenta dissolutione possunt idem affirmare de sola aeris diuisione. Fit igitur tonitrus perinde ac sonus ferri vel auri fulminantis, diuiso violenter aere, non collisione nubium, sed subita partium secretionem, quæ si nihil habet ignis, vocatur toni-



nitrus : si multum ignis habet , sed qui vsque ad Terram emitti non possit , dicitur fulgur , fulmen verò si confertus ignis ad nos perueniat . Prout autem ignis emissus vehit secum diuersas materias quas comprehendit , diuersa fulminum genera procreantur , vt accidit in igne missili , qui cum nitro , bitumine , sulfure , camphora longè alius est , quàm cum ligno & palea . Ex ea naturarum diuersitate , non ex tenuitate duntaxat , aut densitate , peti debent mirabiles fulminum effectus : fit enim huiusmodi mistio qua dissoluitur metallum illæso ligno vel cera , quibus includitur : quemadmodum spiritu chalcanti , vel salis ammoniaci , vel aqua cuiusdam fontis circa Tempe in Thessalia ferrum & æs corroditur , non autem cera . Interdum ob aliam misionem modò ligna dolij vino pleni sola corrumpuntur , modò vinum , modò vtrumque , siue tenuis sit exhalatio , siue densa . Quinetiam concreescere potest quidpiam solidum instar ferri , vel lapidis adusti molis exiguæ , sed non vt lapis Anaxagoræ , aut vitulus Auicennæ & Cardani , quos probabilius est ventorum turbine deuectos fuisse : nec vt sagittæ fulmineæ circulatorum , quæ non in aere generantur , sed in Terra , & meritò vocantur lithoglossa . Quòd si ignis est extra materiam fulminantem , ex eius secretionem fit tantum coeli coruscans ardor siue coruscatio citra sonum , sicut incensa stupa relucet tantum , metalla fulminant . Si idem ignis intra duas nubes interceptus refert speciem draconis , appellatur Draco volans . Cur autem vt plurimum iactus fulminum sunt obliqui , tenduntque versus Terram potius quàm coelum , & sic

*Ferunt altos fulmina montes .*

*Humili tecto contenta domus*

*Raros patitur fulminis ictus .*

Ratio est quoniam metallorum materia , quam in se fulmina plurimam habent , singulari consensu fertur ad Terram , vt videre licet in metallis fulminantibus , quæ perrumpunt tabulas & lapides sibi subiectos , ea verò quæ supra stant , minus offendunt , atque instar fulminis sulfureum odorem relinquunt . Quod autem Aristoteles ait fulmina deorsum ferri , quoniam superior pars nubis ob caloris defectum , densior est contra verò inferior : facile refellitur ex fulminibus , quæ non minus sereno coelo , quàm obnubilo deorsum tendunt . Nec mirum est obliquè ferri , cum ex infinitis lineis vna sit perpendicularis , quam rarissimè sequi potest vis impressa fulmini , præsertim ab igne materiam dissolutam huc & illuc exagitante . Quod si hoc , vt multi dicunt , procederet a duobus contrarijs motibus , videlicet iactus tendentis deorsum & ignis sursum , vnde medium quendam motum obliquum oriri putant , oporteret nihil posse sursum vibrari ad pares angulos , sed obliquè tantum , quoniam similiter a iactu & grauitate procederet motus obliquus . Verum in vtroque casu nihil aliud est , nisi quòd vis contraria vna retardat aliam : si igitur fulmen deorsum tenderet linea perpendiculari , ad summum leuitas ignis eius impetum moraretur , sed non obliquaret , sicut grauitas plumbi sursum ad lineam vibrati retardat illud , sed non detorquet . Alia complura fiunt in nubibus quæ fulmen imitantur , vt ventus Presther , Typhon & Ecnephas . Inter fulmen & Prestherem ,

cui

*De Preste-* cui græcè nomen est ab incendendo, latinè procella ardens, igneus turbo,  
*re, Typhone* flagellum Dei, discrimin est, quodd iste continet multum flatus, parum  
*et Ecnephia.* ignis, illud contra. At Typhon ab vrendo similiter dictus tortuosus est &  
 calidus quidem, sed non inflammat. Ecnephias verò a nube dicitur, vnde  
 exhalatio densior calida & sicca tandem exilit & recta fertur. Hi venti  
 breuissimi sunt, sed violentissimi, itavt naues ipsas attollere dicantur in  
 mari. Alia meteora fiunt in nubibus a lumine tantum Solis vel Lunæ scili-  
*De Iride.* cet Iris, Parelij, area & virgæ. Iris a poetis dicta Thaumantias quasi ad-  
 mirationis filia, ob cuius admirabilem pulchritudinem cum Turno eam  
 meritò compellare possis: *Iri decus cæli.* est arcus multicolor apparens in  
 nube rosca & opaca ex radijs Solis oppositi percussis. Tota quidem  
 nubes est illuminata, sed arcus duntaxat apparet, quoniam ad oculum e  
 nube concava non perueniunt alij radij, quam qui habent dispositionem  
 circularem. Hinc fit vt omnes oculi Iridem propriam intueantur: vt qui  
 magis a nube remouentur videant maiorem circulum: vt Iris sequentem  
 fugere & fugientem sequi videatur: vt omnes videant Iridem sub eodem  
 angulo, quia radij incidunt in totam nubem secundum angulos physicè  
 æquales, seu quorum inæqualitas sensu deprehendi nequit, quare & secun-  
 dum æquales angulos reperiuntur, proinde secundum lineas physicè pa-  
 rallelas, quæ eisdem semper angulos efficiunt cum linea horizontali, eas-  
 demque altitudines semper demonstrant. Maurolycus Diaphan. lib. 2.  
 Theor. 25. dicit experimento se comprobasse angulum esse 45. graduum,  
 qui fit a Solis radio reflexo & linea centrorum, nimirum illa in qua est cen-  
 trum Solis, oculi, & Iridis: vnde fit vt nobis existentibus in plano hori-  
 zontali Iris nunquam semicirculo maior apparere possit, nec vnquam ad  
 meridiem, immo neque ad septentrionem, nisi vbi Sol meridianus paucis  
 gradibus eleuatur. Aliquis tamen in edito monte constitutus semicirculo  
 maiorem aliquantò videre potest. Mitto cætèra quæ ab opticis fusè tra-  
 ctantur: de coloribus tamen illud admonere velim, non fieri, vt multi  
 putant, ex simplici radiorum percussu e superficie nubis: necesse est enim  
 vt penetrent paululum nubem cum refractione, vt aiunt, & reflexione si-  
 cut in speculis, vbi non tantum ab extrema superficie vitri, sed etiam ab in-  
 timo fundo radij reperiuntur. Tres præcipui colores Iridis sunt citri-  
 nus, viridis & purpureus: licet enim colorum est summa varietas iuxta il-  
 lud Virgilij:

*Mille trahens varios aduerso Sole colores:*

omnes tamen facile reducuntur ad tres istos. Hæc ratio colorum esse vide-  
 tur, quod ea pars nubis quæ est nobis & Soli propinquior, maiori luce  
 perfunditur, apparetque color citrinus in maiori arcu: color quidem citri-  
 nus, quia multum lucis & parum opaci hunc colorem refert: maior vero  
 circulus, non quod reuera sit maior, sed quia videtur sub maiori angulo,  
 cum sit propinquior. Secunda pars nubis quæ priori tegitur & minori lu-  
 ce collustratur, circulum exhibet viridem & minorem ambitu quam pri-  
 ma: viridem quia lux cum mediocri opaco videtur viridis: minorem quia  
 videtur sub minori angulo. Tertia demum pars quæ profundior est, expri-  
 mit



mit circulum purpureum alijs minorem ob exiguam lucem in multo opaco & minorem angulum. Ita si tres circuli æquales, & æqualiter inter se distantes ea ratione disponantur, vt linea visus transeat ad rectos angulos per eorum centra, secundus videbitur intra primum, tertius intra secundum, & qui remotior, eò minor. Dux Irides sæpe cernuntur, quarum altera alteram ambit, habentque eosdem colores, sed contrario modo dispositos, quando nubes satis diffunditur, vt admittat duplicem repercussum. Nam cum in guttas tota penè sit resoluta, luminis repercussio quæ fit ab inferiori parte guttarum, rectà tendit ad oculum, illa verò quæ fit a superiori parte guttarum, fertur ad nubem altiore, vnde peruenit ad oculum post secundam repercussionem. Ita debiliores & inuersi colores apparent. Atque vt paucis alia perstringamus: Parelius est imago Solis, quæ a nube instar speculi terminata & æquabili ad oculum repercutitur. Hæc imago Solis multiplex interdum apparet, sed rarò Lunæ ob radios debiliores, diciturque Parafelene. Halo id est area, quæ etiam corona vocatur, est refractio circularis radiorum, quæ fit a nube posita inter oculum & aliquod astrum in formam areæ. Virgæ sunt radij Solis nubem partibus inæqualibus constantem penetrantes & Terram versus instar virgarum e nube appensarum vergentes. Cætera quæ fiunt in nubibus ex ijs intelligi facillè possunt: sic etiam ignitæ omnes impressiones regionis supremæ, quarum aliæ sunt in materia quæ citò dissoluitur, aliæ in materia tenaciori, aliæ ignem habent rarum instar nitedulæ, aliæ densiorem & præterea varias figuras, vnde sortiuntur appellationem. Ignis perpendicularis habet formam pyramidis. Trabs seu titio ardet instar obliquæ trabis accensæ. Clypeus flagrans refert figuram clypei. Candela ardens instar flammæ quæ ex candela prodit. Lampas ardens instar Solis resplendet: interdum velut immobilis breui consumitur, interdum moueri videtur. Sidus cadens est halitus, qui a superiori parte ad inferiorem soluitur in ignem, veluti fumus in candela accensus. Capræ saltantes sunt multi halitus, quorum vnus ab alio accenditur. Stipula ardens est incensio halitus in minutissimas partes dissipati. Ardor cœli est halitus latè diffusus, qui totus accenditur ita vt calum ardere videatur. Ex his quædam fiunt in alijs etiam regionibus aeris, sed potissimum in suprema, in qua præterea apparent imagines, quas Græci Phasmata vocant, seu Emphases, scilicet halitus ab incidente lumine colorati, inter quos foueæ, hiatus & sanguinei colores ab Aristotele numerantur. De cometis dictum est in libris De cœlo cum Mæssino, Rothmanno, Keplero, & Licero, alios esse elementares, alios cœlestes. Illud adiungi potest, ex ijs paucos ignem habere, eumque instar Castoris & Pollucis admodum rarum, cæteros verò præcipuè cœlestes lumine solo collustrari, vt imagines quas Græci phasmata vocant, aut Virgilij nubem, quæ

*De Parelia  
Area, Vir-  
gis.*

*De meteoris  
suprema re-  
gionis.*

*Solis inardescit radijs, longèq. refulget.*

Eorum ortus est non solùm a Terra, quæ vt ait Scaliger tantam vim exhalationum sufficere non potest ( præcipuè si esset ad pabulum ignis sæpe maioris quàm sit ipsa Terra ) sed etiam ab alijs orbibus circumfusis, vnde ea quæ subinde exspirant, varijs modis coeunt & dissoluuntur, mouen-

turque iuxta consensum quem habent cum certis orbibus, quibus tandem postquam dissoluti sunt, aggregantur. Id genus est apud Aristotelem coma ad coxam Canis, coma Veneris anno 1618. Arcturi coma anno 1624. apud Fromondum. Inter eos quidam apparent admirandę magnitudinis, ut ille quem Haly Ben Rhodoan astronomus Arabicus apud Snellium testatur se vidisse triplo maiorem Venere, tanta claritate quantam emittit dimidia Luna. Sed mirabilior, si tamen verus est, de quo Iustinus lib. 46. Quo anno, inquit, natus est Mithridates & quo primũ regnare cœpit, stella cometes septuaginta diebus luxit, ita ut cœlum omne conflagrare videretur, quartam partem cœli occupabat, Solis fulgorem vincebat, & cùm oriretur occumberetque quatuor horarum spatium consumebat: melius dixisset sex horarum: quare & ille & qui ab historicis dicuntur immobiles quibusdam locis diu impendisse, ut Hierosolymis, non sunt veri comete, sed alię impressionis igitur non longę a Terra. Quid sit via lactea iam certò scimus ex telescopio, quoprehenditur infinita multitudo stellarum nudis oculis candorem solum exhibentium. Sic nebulosa quę apparet in Cancro tanquam nubecula inter duos Asellos, nodus est quadraginta stellarum & amplius. In capite Orionis nebulosa est vnus & viginti stellarum. Pleiades apparent distinctę & ex viridi cœruleum quendam colorem referunt. Idem arbitrandum est de duabus nubeculis candicantibus, quę vertuntur circa polum antarcticum. Ut tamen Aristotelis opinio defendatur, dicitis præter viam lacteam cœlestem, dari aliam elementarem ipsi subiectam, cuius paralaxis non sit manifesta, ac semper ardentem & plus materię quàm centrum Terrę sufficere possint, absumentem: ut mirum non sit quòd etiam defenditis sphæram ignis, qui attritu pistrini cœlestis excitatur & conseruatur. Sed de his rebus meteorologicis nihil habeo quod a multis alijs non sit vulgatum: quare ne forte & nos meteoroleschę appellemur, dum moramur in nebulis ut Socrates ille fectus ab Aristophane, iam ad libros de Anima transeamus.

*De via lactea.*

F I N I S.



CIRCVLVVS PISANVS  
CLAVDII BERIGARDI  
MOLINENSIS

Olim in Pisano, iam in Lyceo Patauino  
Philosophi primi paris

De veteri & Peripatetica Philosophia

*In tres libros Aristotelis de Anima.*

SERENISSIMO ET REVERENDISSIMO

CAROLO CARDINALI

AB HETRURIA

dedicatus.



V T I N I, MDCXLIII.

---

Ex Typographia Nicolai Schiratti.

SVPERIORVM PERMISSV.







SERENISSIMO

ET REVERENDISSIMO

CAROLO CARDINALI

AB HETRURIA

Claudius Berigardus F. P.



*Præclarum existimavit magnus Plato loquendo de humana mente Chaldaeos veteres theologos habere duces, eorumque præcipuam auctoritatem rationibus suis adiungere. Mihi verò de anima natura & perfectionibus acturo, ut quod minus ratione firma-*

ri potest, summa alicuius dignitate, atque aucto-  
ritate fulciretur, praeclarius visum est ex Sere-  
nissima stirpe Medicea in hoc philosophico cir-  
culo, qui de anima est, ducem habere, atque  
praesidem Chaldaeis omnibus potio-rem, et no-  
mine NOTΣ Anaxagora ipso digniorem. Sta-  
tim. verò occurrit Serenissima tua Celsitudo  
cuius & incredibilis humanitas ad se invita-  
ret, & Eminentia extra invidiae tela colloca-  
ret. Hoc quidem fateor exiguum est mea erga  
tantam Celsitudinem observantiae monimen-  
tum, et donarium exilius, quàm ut dignitati  
tam venerandae consecratur; sed pro eximia  
sua, ac prope singulari in clientes benignitate,  
quantuluncunque est, ut minimum videatur,  
non iniucundum tamen fore confido.  
Vale NOTΣ Hetruria.

Patauij Kal. Jan. CIOIO CXLIII.



PRO IMPRESSIONE.

Il M. R. P. Maestro Salice Teologo & Lettore publico  
di Logica . Si compiacerà vedere la presente opera,  
& vista metterui la sua approbatione .

Fr. Antonio Vercelli da Lendenara Inquisitor  
Generale di Padoua.

*Adi 18. Marzo 1643. In Padoua.*

**H**O' veduto io D. Gio: Battista Salice sudetto il pre-  
sente libro, che comincia, Claudij Berigardi, e fini-  
sce, Exemplo Socratis, diuertamus; nel quale attesto  
non esserui cosa alcuna contro la Fede Cattolica, con-  
tro buoni costumi, e contro Prencipi . In fede di che  
l'hò sottoscritto .

D. Gio: Battista sudetto.

*Die 18. Martij 1643.*

**P**Ræsens opus cui titulus Circulus Pisanus Excellen-  
tiss. D. Claudij Berigardi Molinensis, cuius initium,  
Ex alijs partibus &c. & finis diuertamus: stante supra-  
scripta attestatione fuit pro impressione Paduæ appro-  
batum supradicta die 18. Martij 1643.

Ita est, Ego F. Antonius Vercellus à Lendenaria  
Inquisitor Generalis Paduæ manu propria.

*Die 28. Maij 1643.*

Visis attestationibus superscriptis conceditur licentia  
imprimendi Vtini .

Ita est, F. Ludouicus Syllanus de Gualdo Inquisi-  
tor Generalis Aquileiæ, & Concordiæ .

*Noi Reformatori dello Studio di Padoua*

**H**Auendo veduto per fede del M. R. P. Inquisitor di Padoua, che nel libro intitolato *Circulus Pisanus Claudij Berigardi De veteri, & Peripatetica Philosophia in tres libros Arist. de Anima*, non si troua cosa alcuna contra la santa Fede Cattolica, e parimente per attestato del Segretario nostro, che non vi sia cosa alcuna contra Principi, e buoni costumi, concedemo licenza, che sia stampato, douendosi offeruar quanto per legge in proposito di stampe; con conditione, che non sia venduto se prima non vien portato vno legato per la libreria publica giusta la Parte dell'Eccellentiss. Senato de' 2. Dicembre 1622. In quor.fid. &c.

Dat. a' 4. Aprile 1643.

[ Angelo Contarini Cau.Proc.Reform.

[ Aluise Valareffo Cau.Proc.Reform.

Aluise Querini Seg.



13	& alibi	8	seorsum	seorsum
31		2	admittitur	admittitur
36		8	an singulas	ad singulas
36		38	tantundem vix	tantundem viæ
40		24	Non vita	Nam vita
40		30	molitur	molitur
43		36	nihil parum	nihil aut parum
45		3	in ista reperitur	in ista reperitur
47		45	operteret	oporteret
50		1	contra Stoicos. Sed	contra Stoicos, sed
59		43	iste	istæ
64		28	hebate	hepate
65		25	infcita	infita
69		4	feriendi	fentiendi
73		32	impresse	impressa
76		33	aliquid	aliqui
82		26	at quid	ad quid
87		21	isocetes	isosceles
95		45	cernant	cernunt
97		28	inesplicabilis	inexplicabilis
99		45	ex percussio	ex percussu
109		39	sensus externo	sensu externo
103		17	tenuis spiritus	tenues spiritus
120		29	musculos	musculos
126		8	ariolare	ariolari
127		45	mente	mentem
130		35	ab occaso	ab occasu
139		16	operitur	opperitur

# I N D E X

## C I R C V L O R V M.

<b>D</b> E anima secundum antiquos. Circulus I.	pag. 2
De methodo qua Aristoteles inuestigat animæ definitionem. Circ. II.	8
De secunda animæ definitione. Circulus III.	12
De sede animæ naturalis & sentientis. Circ. IV.	15
De animæ facultatibus, siue potentijs. Circ. V.	22
De anima naturali, seu vegetante. Circ. VI.	29
De nutritione. Circ. VII.	33
De ijs quæ nutriuntur. Circ. VIII.	38
De accretione. Circ. IX.	45
De generatione viuientium. Circ. X.	49
De anima seminis & vi conformatrice. Circ. XI.	61
De anima sentiente. Circ. XII.	68
De obiecto sensus. Circ. XIII.	77
De visu, ac primùm de eius obiecto. Circ. XIV.	79
De auditu. Circulus XV.	97
De odoratu. Circulus XVI.	101
De gustu. Circ. XVII.	104
De tactu. Circ. XVIII.	105
De sensibus internis. Circ. XIX.	109
De mente humana. Circ. XX.	121






# CLAVDII BERIGARDI CIRCVLVS PISANVS

De veteri & Peripatetica Philosophia  
In tres libros Aristotelis de Anima

P R O O E M I V M.



**I**n alijs partibus philosophiæ naturalis, in quibus ha-  
ctenus versati sumus, ea quæ extra nos posita sunt  
cognoscere licet, ex hac autem quæ de corpore ani-  
mato est, habet homo unde seipsum noscat, & ex  
duobus quidem primis libris intelligit id quod acce-  
pit commune cum cæteris animantibus, ex tertio  
verò quod sibi proprium est, & singulare. Hinc

se videbit, ut inquit Seneca, corpus imbecillum & fragile, nudum,  
suapte natura inerme, cuiuslibet feræ pabulum, ut verè dictum sit ab  
Homero ἔδ' ἐν ἀνιδρότερον γαῖα τρέφει ἀνθρώπου, & a Pindaro  
αἰχῆς ὄναρ ἀνθρώπου. Inde videbit se vnum ex animantibus saga-  
cem, multiplicem, acutum, memorem, plenum rationis, & consilij,  
spectatorem superarum rerum, atque cælestium, sui exemplum auto-  
ris atque immortale diuinæ sapientiæ simulacrum, cui a natura dari  
non potuit quidquid negatum est. Vtraque contemplatio homini vi-  
detur necessaria: prima ne mortalitatis suæ immemor supra humanum  
fastigium sese efferat insolentius, altera ne ignarus suæ nobilitatis, ne-  
glectis cælestibus ad quæ erigi debet, ad res humiles totum se abijciat,  
ut circulis sequentibus videri potest.



## IN LIB. I. DE ANIMA.

## De anima secundum antiquos.

## CIRCULVS PRIMVS.

## CHARILAVS. ARISTÆVS.



**H A R.** Nisi me nomen constantiæ philosophicæ non minus quàm officij in te mei recordatio permouisset, vt me huc sisterem tecum de corpore animato disputaturum, periculum erat ne eorum motui qui vadimonium deserunt, ad alia omnia me conferrem: cum enim ex nostris disceptationibus, quas sperabam frugiferas, non aliam hactenus quàm multarum dubitationum messem confecerimus, vix aliam ex hac vltima parte sperare possum, quàm vt videamus non modò nos nihil scire, sed etiam scire nihil posse, quandiu erimus inclusi compagibus huius caducæ mortalitatis. Quoniam tamen superest præcipua pars naturalis philosophiæ nobis excutienda, quæ subiecti, cognitionisque dignitate, & ad vitam probè instituendam, animique ac corporis salutem procurandam vtilitate, in primarum scientiarum numero, vt ait Aristoteles, reponenda est, ecce iterum in eandem arenam descendo, vbi postquam, vt spero, satis constabit Aristotelem multò luculentius quàm veteres declarare naturam animæ, deponam castus philosophicos. **A R I S T.** Vtinam dicere possis cum Entello,

----- *Hic victor castus, artemq. repono.*

haberem claram perspectamque ex victoria tua, quam sequerer, & amplecterer veritatem, quod certè mihi non minus iucundum accideret quàm victor Philoctetæ Herculem sequi. **C H A R.** Vtrius sit tandem victoria, ea sanè veritati tota ascribatur, mihi satis est eius triumphis allaborare. Priusquam autem seriò rem aggredior, perstringam breuiter ea quæ in præludijs ad libros de anima disputantur. Postquam Aristoteles in libris Meteor. absoluit quæ dicenda erant de corpore misto simili inanimato, tam imperfecto, quàm perfecto, incipit agere de dissimilari animato constante diuersis partibus, & instrumentis, quod vt præstet ordine compositionis, quem postulat hîc facilioris doctrinæ ratio, inchoandum fuit ab eius organis tanquam materia, quæ probè cognita reddit cognitionem animæ planiorem, vt ipse quæ per corpus organicum definitur. Ordo doctrinæ, quem sequitur Aristoteles postulat hîc, vt prius de materia partium nobis notiorum differatur, quàm de anima, contra verò primo Physicorum vt prius de forma, quia nobis notior est quàm materia prima: quare præmissa historia animalium veluti certa quadam experientia, tractat de partibus cum omnibus, tum præcipuè ad incrementum necessarijs, postea de anima: nihil autem dixit prius de partibus

plan-

*De ordine  
subiecto &  
partitione  
lib. de ani-  
ma.*



plantarum, sed tantum in duobus libris sequentibus, quoniam ea quæ sunt animalium sufficiunt ad intelligendam communis animæ definitionem. Trium autem librorum, qui inscribuntur de anima subiectum ab ipsa inscriptione non petitur, sed ab eo cuius hæc quærentur principia, species, & affectiones, atque illud est corpus animatum: Anima enim quæ hæc dicitur considerari secundum seipsam ad distinctionem illius contemplationis, qua consideratur in libro de sensu propter functiones cognoscendas, verè spectatur tanquam principium corporis animati; nam de quo tractare intendit auctor, id tractatur secundum seipsum, licet ut subiecti principium consideretur. Corpus igitur animatum cum ab Aristotele non consideretur alio loco, subiectum huius contemplationis esse debet, sicut & eorum omnium quæ de animalibus dicuntur, & de plantis, quorum distinctio habetur a diuersa intentione auctoris, qui de eo subiecto multis in libris multa demonstrat. Quod spectat ad partitionem & distributionem librorum de anima, libro primo refert ac refutat sententias antiquorum, secundo tradit definitionem animæ, eiusque quatuor gradus seu partes affert & duas primas explicat, scilicet naturalem, & sentientem, tertio verò duas alias, nempe intelligentem atque mouentem. Initium libri primi ferè occupatur in exaggerandis difficultatibus huius contemplationis, non quod eas omnes hæc excutere sit necessarium, sed excitat animos erectos & perspicaces, qui quò res est magis ardua, eò vehementius contendunt, & enituntur, segniores autem atque plumbeos longè auerit.

*Ignauum fucos pecus a præsepibus arcens,*

deinde veterum opiniones ita refellit, ut mirum sit aliquid superesse quod tueri velis. A R I S T. Memineris quæso in ipso limine nihil aliud hæc disputari, nisi an ex veterum opinionibus de anima quidpiam afferri possit, quod Aristoteles suis incessans argumentis non labefactet, neque iam quarimus an aliquis antiquorum rem ut afferam intellexerit, sed cum ex suis principijs sic intelligere potuisset, quid contra afferret Aristoteles. C H A R. Hoc primum quod habetur tex. 74. neque definitionem, neque functiones animæ ex veterum doctrina colligi posse. A R I S T. Nullus est antiquorum qui non dixerit animam esse actum primum corporis organici potestate vitam habentis, quo viuimus, sentimus, mouemur, & intelligimus, modò nomen actus non sumatur pressè pro forma ex potentia materiæeducta, sed latius quatenus significat perfectionem, ut & ipse Aristoteles debet accipere, tex. 7. lib. 2. ubi definit animam vniuersè: intellectus enim apud ipsum si est separabilis, non potest aliud esse quàm forma assistens, iuxta Philoponum, Auerroem, & Themistium, quare dicent antiqui omnem quidem animam esse actum, sed latè sumptum: de cæteris partibus definitionis cum Aristotele planè conuenient. Hoc satis clarum est ex eo quòd variæ illæ de anima opiniones ad duas potissimum reuocantur: alij enim considerantes animam prout opponitur organis corporeis, & terreo veluti crassamento dixerunt esse substantiam tenuem, ut aquam, aerem, ignem, eumque actum seu perfectionem terreæ concretioni attribuerunt: alij æstimantes essentiam animæ peti debere ex partibus simul coniunctis a quibus sola ratione distin-

*De antiquorum opinionibus quid sit anima.*



gueretur dixerunt esse rationem mistionis, temperamentum, harmoniam  
 numerum, hoc est perfectionem ex partium apta coniunctione prodeuntem  
 quod fortasse longè aliter accipiebant, quàm verba ipsa præ se ferunt, ita  
 argumenta quæ Aristoteles affert sint irrita, si veterum opinio sano modo in-  
 telligatur, scilicet non pro numero & harmonia propriè dicta, sed per qua-  
 dam similitudinem. CHAR. Vter modus videtur aptior, aut potius mi-  
 nus ineptus ad essentiam animæ declarandam? ARIST. Hoc pendet  
 ratione considerandi, nam qui viuentis partes solerti mentis agitatione con-  
 templatur, videt alias esse crassiores, quas omnes ferè moueri potius arb-  
 trantur, quàm mouere, alias verò non dubitat esse subtilissimas, quarum ab-  
 sentia quoniam omnis vitæ motus intercidit, earundem præsentia vitæ  
 ascribitur, ac proinde anima dicitur spiritus aliquis in corpore crassiori mo-  
 tus effector. Qui verò rem propius inuestigans putat non magis spiritui tri-  
 buendum esse motum viuentis, quàm ipsi corpori, animam vocat harmo-  
 niam, aut rationem mistionis, aut aliud id genus. CHAR. Non est hoc  
 propius rem inuestigare, nisi valde retusa mentis acie, quæ propinqua forte  
 non intuetur. Ostendit Arist. tex. 55. animam non esse harmoniam, quoniam  
 mouere non est harmoniæ, anima autem mouet corpus. ARIST. Nil  
 esset illa harmonia, viuens non moueretur, quod satis est vt dicatur mouere  
 corpus, non vt ignis missilis agit tubum quo includitur, hunc enim mouendi  
 modum Aristoteles non tribuit animæ, immo nec vllam functionem pro-  
 priam tex. 64. sed toti viuenti: nam cum animam sentientem & naturalem  
 dicat esse formam, siue perfectionem a corpore non separabilem, illa non ma-  
 gis videtur mouere corpus, quàm harmonia, siue ratio qua mouetur viuens.  
 Atque vt ab intricatissimæ quæstionis ambagibus expediatur in examinan-  
 dis veterum opinionibus, expendamus modò quid sit in viuente, & quàm sa-  
 pienter quisque animam definierit, planum fiet. Sed ante omnia determi-  
 nandum quid sit viuens, de quo hîc loquimur: non enim sermo est de vita  
 vniuersè accepta, quæ conuenit etiam menti humanæ, atque diuinæ, nam  
 actio intellectus vita est 12. Metaph. 29. Dicimus itaque Deum sempiternum  
 optimumque viuens esse: quare vita & æuum continuum & æternum Deo  
 inest, hoc enim est Deus, inquit philosophus. Viuens autem de quo agimus  
 est corpus quod habet in se principium interni motus, neque enim si cælum  
 terræ miscueris, reperies aliud quid sit viuere, quam propria vi se mouere,  
 atqui eam vim mouendi se cum habeant omnia corpora, iuxta antiquos, tam  
 simplicia, quàm composita nihil est in vniuerso quod non sit viuens, & diui-  
 num illud vitæ munus non participet. CHAR. Latius accipis nomen viuen-  
 tis, quod habet principium internum motus, siue naturam, vt verò sit pro-  
 priè viuens non satis est cuiuscunque motus esse principium, sed illius qui  
 communiter tribuitur animæ nutrienti, ac sentienti, scilicet nutrire, crescere,  
 procreare, se loco mouere, & sentire. ARIST. At nullum est corpus  
 quod munus aliquod ex istis non exerceat. Substantiæ simplices quæ vete-  
 ribus sunt rerum, primordia consensu, dissensuque mutuo ita se mouent, vt  
 nulla animalia vi propria magis se prosequantur aut refugiant; ac propius  
 vero est motum omnem mistum quem cernimus in animalibus esse compositi-  
 tionem



tionem motuum simplicium qui a primis substantijs oriuntur. Non est dicendum ut scribunt ferè omnes ab immobili magnete trahi ferrum, neque magnetem a ferro prolectari, quod perinde vanum est atque illud quod aiunt, amitti hanc virtutem affrictu alij, vel appposito adamante. Dummodo res ita consentientes se mole non excedant nimio opere, non magis vna mouetur, quam altera, ut si esset alia terra nostræ æqualis, efficeret utraque mediam partem motus, qui ad earum coniunctionem requireretur, si multò maior, nostra ad eam contenderet, si minor, ferretur ad nostram instar lapidum, ut sæpe dictum est, propterea Thales dixit animam in esse magneti tanquam insitum principium motus proprii. Ab his motibus corporum simplicium tam accessus, quam recessus cum omnis motus plantarum, & animalium proficiscatur, quid causæ est cur primus ille motus planè diuinus & parens cæterorum minus habeat vitæ quàm alij omnes? Motus similiter nutritionis, accretionisque primis substantijs non est negandus, nam licet fiat partium appositione non susceptione interiori, hoc tantum arguit modum viuendi peculiarem, quid enim refert ad vitam intus, an extra posito alimento res adaugescat, dummodo sibi illud applicet motu proprio? Appetitus quoque naturalis quo ad se feruntur, sibi que adhærent arctissime, sensus aliquo modo vocari potest, vnde Plato vocat aliquando stirpes animantes, ex cuius consultijs multi putarunt dari sensum naturalem rebus omnibus quo salutaria a noxijs dijudicent, illa amplectantur, ista deuient, illis gaudeant, his contristentur, nec id fieri posse absque virtute discernendi suauia, & ab insuauibus internoscendi. Hæc cum in simplicibus naturis reperiantur, multò luculentius in mistis conspicua sunt, quorum alia alijs perfectiores edunt vitæ functiones, ita gradatim & tam exiguis incrementis, ut a quibus principium vitæ sit auspicandum non facile deprehendatur. Cur vita tribuatur potius coralijs, quàm marmoribus & alijs lapidibus in quibus distinctio venarum cernitur? sub terra viuunt tubera absque caule & radicibus, vixque scitur cur eis potius vita conueniat, quàm metallis. Tam imperfecta est vita fungis, musco, cuscute, epithymo, ut dubium sit apud aliquos sicut de pilis, & vnguibus, an verè viuant. Non leuis est etiam dubitatio de ijs quæ fruges & semina simul dicuntur: atqui velex eo manifestum est tam multos esse vitæ gradus, ut aliquis negari non debeat primis naturis, quarum diuersa permissione dimanent alij atque alij perfectiores: ipsæ sibi sunt anima & vita simplex, at compositæ eò nobiliorem vitam participant, quò spiritu constant & harmonia præstantiori: substantiæ enim simplices principia sunt omnium seminum, quibus nullum viuens procrearetur, nisi ipsæ forent vitæ participes. Adequum exempli causa, generandum requiritur peculiaris natura simplex, cui aliæ multiplices copulantur necessitate consensus mutui ad semen equi perficiendum, in eoque sunt omnes illius animalis præcipuæ partes, sed confusæ, compæctiles, & tam exiguæ ut comprehendi nequeant sensuum æstimatione, est tamen quidpiam instar illius seminis, decidens ex arboribus, quo in Scotia nasci dicuntur anaticulæ. Hoc semen in loco opportuno, vnde alimentum sibi conueniens trahere possit, conformatur, nutritur, adaugescit, & perfectionem sibi debitam adipiscitur, sin minus



paulatim occidit, dum in sua principia dissoluitur. Quare anima continetur in semine & totum viuens, ut a nobis proditum est in lib. de gen. At in semine nihil aliud est quam prima substantia cuiusque viuentis principium, & alia simplices ei naturaliter ad hoc consentientes, ita ut multae simplices vitae in vnam compositam coalescant: si quae igitur pars sibi vindicare debet nomen animae: profecto illa est prima natura quae potissimum ceteras allicit & determinat ad hanc missionis speciem, ex qua deinde sequitur nutritio, accretio, & similium sibi procreatio, ceteraque functiones animae naturalis, vel sentientis. Sic anima principium est conformationis, neque ut ait Aristoteles aduenit organis iam instructis, sed interuentu suo inchoat organa, cum alijs corporibus idoneis, ea perficit & conseruat quandiu manet. Hae substantia insita perfectis omnibus mistis parum refert qua appellatione nuncupetur, non immerito tamen a veteribus dicitur ignis, siue calor innatus, cuius tot sunt species, quot diuersa specie mista reperiuntur, atque imprimis ea quae omnium consensione viuentia dicuntur hunc calorem habent multiplicem, quod forte significabat Heraclitus cum aiebat lumen siccum optimam esse animam, contra verò illud quod crassius est instar vaporis esse deterrimam. Hanc Democritus vocabat igneam compagem, Xenocrates numerum seipsum mouentem, Stoici spiritum igneum, vnde viuere dicitur το ζῆν: nam qui animam a frigore ψυχρὴ dici voluerunt 1. de anima 35. non de substantia animae, sed de respiratione loquebantur. Sic Galenus lib. de tremore, rigore, & palpitat. nihil aliud est, inquit, vel natura, vel anima quam ipse calor, non aliunde ascitus, sed insitus ab ipso statim principio, quem si esse substantiam per se mobilem intelligas, non errabis: & lib. de carn. ostendit Hippocratis hanc fuisse mentem dicentis, profecto enim mihi videtur id quod calidum dicimus esse quidpiam non mortale, atque inde viuentibus coelestem facit originem uti Virgilius,

*Ignis est illis vigor, & coelestis origo  
Seminibus.*

Ille tam varius ignis pro ratione viuentium non minus habet varium humidum cui copulatur, quodque verè balsamum primigenium vocare possis; atque in illis duobus consistit tam calor innatus, quam humidum, quod vulgò dicitur radicale, suntque duae substantiae, quarum vna ab altera separatur, ut patet in mortuo pipere, & animali extircto morte violenta, a quibus cum ab sit ille calor insitus, siue anima, balsamum tamen extrahitur affectum alio calore. Sic igitur anima potest dici aliquid igni respondens, vnde & vocatur ab antiquis ignis, sed ditior illo quo utimur, atque eo quem partes proprio temperamento adipiscuntur, ut ostendit Auerroes Collectaneorum sect. 1. licebit etiam vocare spiritum qui proportionem responderet flammæ, aut elemento stellarum, ut ait Aristoteles 2. de gen. anim. c. 3. Dicitur etiam lib. de mundo secunda quaedam substantia, tum in plantis & animalibus, tum per omnia commeans, hoc est, ut ait Plato, mundi anima: & ille quidem vnus est, inquit Tullius diuinus, & continuatus, quod intelligendum est ordinatione, eius enim natura differt prout animae nobiliores sunt inter se vel obscuriores. A Platonicis vocitatur corpus perlucidum, & athereum, quod nihil



nihil est aliud quàm diuinus calor, quo vno vita continetur, vt fateri coactus est Aristoteles, cum mortem caloris extinctionem definiuit. Quod si rectè appellatur corpus æthereum, cur etiam aer dici non poterit a Diogene? talem enim subire videtur appellationem quidquid sua tenuitate fugit obtutum. Alij animam dixerunt esse genituram in animalibus, vt Hippon, alij sanguinem, vt Critias, quos probabile est opinari non totam illam substantiam esse animam, sed puriorem eius aliquam partem, quæ calor, si spiritus, aut aer vocari possit. Vnde Moses cum populo Hebræo religioni duceret edere sanguinem Leuit. 17. non dixit animam esse sanguinem, sed in sanguine. Ex quibus habes secundum antiquos quid sit anima sumpta pro nobilissima, & præcipua parte viuientis. Si quis autem nolit vni parti tantum ascribere, quia putat præter calorem insitum alias esse substantias, quæ non minus sibi vindicare possunt animæ nomen, dicat animam esse omnium partium harmoniam, cum Dicearcho, seu cum Empedocle rationem missionis non cuiuscunque, sed illius qua viuimus, sentimus, atque mouemur. Hanc opinionem Galenus etiam sequi videtur, dum ait animam esse temperaturam, ita vt non repugnet asserere animam esse vel spiritum, vel harmoniam, potest enim considerari tanquam pars præcipua viuientis, vel tanquam ratio quædam omnium partium; propterea dicebam satis esse veteribus assignare quæ sint partes viuientis, inde enim apertum est quid sit anima. CHAR. Perinde mihi videris operam ludere in adornanda veterum philosophia, ac qui in anicula concinnâda studium omne & industriam collocat, quantumuis enim genas, ac frontem rugis proscissam impleat gypso & fuce illirat, tamen ef-

fœti corporis decoloratio sese prodit non minus ridicula, quàm fa-

cies olida ad præsepia picta. Hoc vnum laudo quod animam intel-

ligentem eximis ab hac immunda contagione, & solam na-

turalem ac sentientem comprehendis. Possem ego hic

vti rationibus ijsdem, quibus Aristoteles refellit

hanc opinionem commentitiam, sed quo-

niam libro secundo singulis locis op-

portunior eius refutandæ videtur.

locus, arbitror nos facturos

operæ pretium, si mis-

so hoc priori libro

ad secundum

deuenia-

mus.

ARIST. Hoc aga-

mus saltem vt bre-

uitati aliquo

modo con-

sulatur.

## IN LIB. II. DE ANIMA.

De methodo qua Aristoteles inuestigat  
animæ definitionem.

## C I R C V L V S S E C V N D V S.

## C H A R I L A V S. A R I S T Æ V S.



**C H A R.** Confutatis veterum sententijs monet Aristoteles iterum  
tanquam a principio considerandum quæ sit animæ ratio commu-  
nissima omnem penitus animam comprehendens, deinde quæ sim-  
ipius partes, seu species: quod vt perficiat statim tex. 2. accipit  
animam esse substantiam, hoc enim notum est omnibus saltem confusè, cla-  
rè verò demonstrabitur tex. 8. Postea vtitur diuisione substantiæ in mate-  
riam, formam, & compositum, cumque anima nec sit materia, nec compo-  
situm, necesse est, inquit tex. 4. vt sit forma corporis naturalis cuius effectus  
est constituere viuens & distinguere a non viuentibus, quare methodus que  
nos ducit ad animæ definitionem est demonstratio ab effectu, ad quam effi-  
ciendam vsus est diuisione. **A R I S T.** Hoc verissimè dixit Aristoteles  
iterum tanquam a principio redeamus, si sensus est, nihil aliud habeo con-  
tra veteres, quàm dari meam materiam primam, formam & compositum  
hoc meum principium est, quo admissio sequitur animam esse formam, quo-  
niam neque potest esse materia, neque compositum: nihil aliud dicendum  
erat toto libro primo contra antiquos: verum illi non admittunt hoc princi-  
pium, & contendunt animam vel esse tenue corpus simplex quod sua permi-  
ssione constituat viuens, vel accidens resultans ex ea permissione, siue is nu-  
merus & harmonia, siue ratio missionis vocetur. **C H A R.** Vtrunque  
refellit Aristoteles tex. 4. primum quidem, docens construere hunc syllo-  
gismum, Corpus non est in subiecto, anima est in subiecto, ergo anima  
non est corpus: secundum verò quoniam vt dixit tex. 3. si corpus naturale  
viuens est substantia, multò magis ipsa vita, hoc est anima, qua constituitur  
in specie viuentis, & distinguitur a non viuentibus, erit substantia vt ipsius  
corporis viuentis forma. **A R I S T.** Rursus ad idem principium deuolu-  
mur, quod detur materia prima subiectum, in quo sit anima eo modo que  
vult Aristoteles; probandum erat animam non esse corpus simplex, quod  
sua permissione faceret viuens, siue anima sit in corpore, siue potius dicen-  
dum sit, vt ait Plotinus lib. 3. quartæ Enneadis, corpus esse in anima, ani-  
ma enim tanquam domina corpus complectitur, qua in re sensus nos decipit  
corpus enim videmus, animam non videmus, ob id credimus animam esse in



corpore, at si animam quoque videremus, corpus in anima esse cognoscere-  
mus. His verbis Plotinus satis ostendit quam sit leue argumentum Aristote-  
lis, quo probat animam non esse corpus, propterea quod est in subiecto.  
CHARR. Alia ratione demonstratum est animam non esse corpus tenue  
b. i. tex. 82. & 90. quoniam viuens huiusmodi permissione conflatum non  
esset vnum. ARIST. Non esset eo modo quo vult Aristoteles, sed alio  
probabiliore, nimirum consensu & harmonia. CHARR. Neque se mo-  
ueret, quia cum anima esset corpus, deberet prius seipsum mouere, quod re-  
pugnat corpori physico, de quo dictum est, quidquid mouetur ab alio moue-  
tur. ARIST. Responsum est simplicia corpora moueri seipsis motu  
consensus & dissensus, vnde mistorum oriuntur omnes alij motus compo-  
si, neque id ab Aristotele refelli posse: sed rem proseguere, & si potes, asser-  
aliquid præstabilius. CHARR. Postquam Aristoteles ostendit animam  
esse formam viuentis, vt definitionem eius colligat tex. 5. mutat nomen  
ἐνέργεια quod formam significat absolutam in ἐντέλεια siue actum ha-  
bentem respectum ad aliud cuius est perfectio. Deinde actum distinguit in  
primum & secundum, quos comparat scientiæ, & contemplationi, probat-  
que animam esse actum primum vt scientiam, quia potest esse anima sine  
actione, vt scientia sine contemplatione. Definitur itaque tex. 6. Actus pri-  
mus corporis naturalis organici potestate vitam habentis. Dicitur actus  
primus græcè ἐντέλεια, quod iuxta Themistium idem est ac τελείωσις  
complementum & perfectio alterius, qualis est forma rei materiata, quare  
forma abstracta vocari non potest ἐντέλεια nisi improprie, vt duo-  
decimo Metaphys. 49. sed alibi dicitur semper ἐνέργεια, quæ vox in  
rebus materiatis significat actionem, in abstractis verò formam separatam,  
quæ non est primus actus, neque secundus, abstractorum enim eadem est  
substantia & actio. Anima est actus primus non respectu materiæ, sed sua-  
rum perfunctionum, quibus ipsa prior est saltem natura, vt pote principium  
permanens instar scientiæ siue habitus a quo oriuntur illæ, ac proinde sunt  
actus secundus. Neque rectè dixit Auerroes per actum primum intelligi  
formam non operantem, per secundum verò operantem, alioquin animal  
actu operatur non haberet animam, si illa tantum sumi debet pro for-  
ma non operante. Definitur ergo per hoc tantum quod materiam informat  
& speciem constituit aptam ad operandum, siue operetur, siue non opere-  
tur. Dicitur actus primus corporis naturalis, id est qui corporis naturalis  
speciem constituit, non qui aduenit corpori naturali iam constituto, alio-  
quin sibi ipsi iam adueniret. Sed neque hic corpus intelligitur seclusa ani-  
ma, vt putat Simplicius, qui propterea verba illa, potestate vitam habentis,  
interpretatur potestate habentis animam, patet vel ex eo quod Aristoteles  
ex. 9. docet membra inanimata non esse amplius corpora organica nisi æqui-  
uocè: Melius igitur Alexander & Themistius dicunt animam definiri per  
totum corpus organicum animatum & compositum quod ipsa constituit,  
ita vt sit sensus anima est actus constituens corpus organicum cuius potestas  
ad vitam sit ad actionem, non ad animam. Dicitur corporis naturalis, non

N.

M.

De prima  
animæ defi-  
nitione.

cuiuscunque sed organici, id est præditi varijs partibus vt instrumentis differentiam rei inanimatæ, non quòd quælibet pars animata v.g. neru.

N. constare debeat diuersis organis, sed sensus est animam esse actum tot corporis habentis diuersa organa ad omnes vitæ functiones exercenda: quod exprimitur vltimis verbis, potestate vitam habentis, id est potest obire actiones vitæ, quæ verba omittuntur tex. 7. propterea quod nomine lo organici comprehenduntur. Cum autem nomen vitæ sumatur modò anima, modò pro eius effectione, hoc loco sumitur secunda acceptione, corpus enim organicum habet animam actu, non potestate. Quin etiam potestatis nomen accipiendum est, vt monui, non prout sonat actus priuatione sed respectum, vt sensus sit animam esse actum corporis organici quod exercere potest vitæ functiones, siue illas exerceat actu, siue non, idque declarat Aristoteles luculenter tex. 10. vbi per corpus potens viuere docet se non intelligere corpus illud quod est vita priuatum, sed quod habet; vnde constat potestatem hinc esse habilitatem ad operandum, quæ a corpore animato non est separabilis. Aristoteles ita colligit animam esse substantiam vt forma corporis naturalis viuientis, quod vbi animæ conuenire demonstrauit, intel.

N. lectui fit per se notum hanc esse eius definitionem, quoniam illud cum animæ recipiatur: rei enim definitio demonstrari non potest absq; principij petitione, vt docet lib. 2. Poster. Hinc tandem habemus animam non esse corpus sed formam corporis, non esse accidens, sed substantiam, nam tex. 7. dicitur esse manifestum quomodo ex anima & corpore tanquam ex actu & potestate fiat vnum: at verò si anima esset corpus quantumuis simplex non faceret cum alijs vnum, nisi forte aceruum imaginaria consensione tanquam glutino colligatum. Deinde tex. 8. non contentus cognitione illa confusa qua habebatur animam esse substantiam, hoc distinctè probat, quoniam anima est ratio & essentia corporis viuientis, quòd cum sit substantia, multò magis ipsius actus qui est anima, neque enim substantia componitur ex non substantijs 1. Phys. 52. Anima igitur non est accidens cuiusmodi est numerus & harmonia, nam anima forma viuientis est quæ non perit, sed permanet eadem etiam si corpus grauissimas suscipiat offensiones, & mutationem temperamenti, harmonia verò statim dissoluitur concentu rerum consonantium dissoluto: nemo proinde formam harmoniam esse dixerit, nisi qui vocis ipsius etymon non intelligit? A R I S T. Non est hic sermo de numero & harmonia symphonix quæ vitatur quauis mutatione, sed de harmonia latius dicta prout est perfectio quædam resultans ex partibus viuientis conuenienter aptis inter se & compositis nullo alio nexu, quàm mutuo consensu naturalium, neque est quòd Aristoteles alium expostulet, cum inter actum & potestatem non minus ab antiquis exigi possit. Quòd autem tex. 7. ait non esse querendum si vnum est anima & corpus, sicut neque ceram & figuram, hoc quidem modo anima & corpus erunt vnum, sed distinctū sola ratione, quemadmodum cera & figura, & sic omnino dicere debet omnem formam esse modum quo materia se habet alia ratione, hunc veteres explicant commodè.

N. motu ad locum, cuius beneficio substantiæ diuersæ permiscuntur, vnde videtur oriri noua forma: at verò quomodo materia Aristotelis conformetur



omniari quidem potest, sed non percipi: nam si materia & forma re ipsa non distinguitur, est quidem vnum, sed hæc forma sola mutatione loci fieri debet, vt figura ceræ: quod si distinguitur, iam incommodorum consequutio multò maior est quomodo actus ille & potestas vnum efficiant, quàm corpora inter se permitta naturali consensione, vt iam satis declaratum est.

H A R. Ostende nunc an eadem methodo veteres animæ suæ corporeæ definitionem venari possint. A R I S T. Eodem iure quo Aristoteles substantiam diuidit in materiam, formam, & compositum, veteres diuident in corpus simplex, & compositum, dicentque ex speciebus simplicium infinitis, esse quasdam nomine spiritus ignei significatas, quæ alijs sibi consentientibus sic permiscetur, vt constituent corpus viuens organicum, illisque conueniat, vt dixi, allata ab Aristotele definitio, quemadmodum & harmonia quæ prouenit ex omnium partium coniunctione. Difficultas tantum esse potest in voce, actus græcè *ἐντελέχεια*, quam forte dicetis vsurpari tantum ab Aristotele pro forma quæ materiam afficit eo modo quo vobis placet, sed quidquid sit de proprietate huius vocis quam primus Aristoteles excogitauit, veteres dicent animam esse perfectionem corporis siue ea dicatur *ἐντελέχεια*, siue *τελείωσις*: sed omnino probabilius est actum sumi atissimè, nimirum pro actu tam informante, quàm assistente, vt sic definitio conueniat omni animæ, quemadmodum dicitur tex. 7.

C H A R. Analogum est nomen animæ, vt habetur tex. 30. & 31. nec propterea potest habere inuocam definitionem, quia partes animæ rationem habent prioris & posterioris, non autem quod actus hic communis sit ad informantem & assistentem: nam Aristoteles loquitur in ea definitione de actu quem dixerat tex. 2. esse formam constituentem hoc aliquid, qualis non est forma abstracta, quod etiam Auerroes fateri videtur com. 21. & 22. atque ita excludendum putat ab hac definitione intellectum, & homini attribuit animam quæ sit forma informans ac sub genere animali constituat hominis speciem, eamque vocat cogitantem, quam multi Auerroistæ volunt esse phantasiam multò perfectiorem ea quæ est in brutis, atque illi superuenire dicunt animam intelligentem, non quæ mutet humanam speciem, sed quæ tribuat ipsi summam nobilitatem, itaque Auerrois imaginatiua est sicut in naui figura nauis, hoc est forma speciem constituens, intelligens autem anima sicut nauta adueniens naui iam constitutæ: illam putat esse intellectum patibilem Aristotelis, hanc verò agentem: & hæc etiam Themistij fuit opinio, nimirum intellectum agentem non esse formam hominis, sed patientem vnum numero & communem toti speciei. Hoc tamen non ostendit eos in animæ definitione accepisse actum communem ad informantem, & assistentem. Scio magnas esse circa textum vndecimum altercationes ea de re, maximè vbi Aristoteles ait nihil prohibere quasdam animæ partes separari, propterea quod nullius corporis sunt actus. Sed hic Alexander rectè obseruat id non dici asseueranter, sed quod adhuc dubium videretur, an si datur anima, quæ nullius corporis sit actus, illa propterea dicetur separabilis. Quod si actus in animæ definitione sumptus esset communiter, primò malè Aristoteles hic ne-

- N.* garet intellectum dici corporis actum, esset enim saltem assistens. Deinde malè colligeret animam non esse separabilem hoc ipso quòd est actus, nulli facta ipsius actus distinctione in assistentem & informantem. Ita quod a eodem textu nondum esse manifestum an anima sit actus ut nauta nauis. Simplicius docet hìc non significari dubium esse an sit aliqua anima quæ non informet, sed an omnis anima regat corpus per cognitionem, ut nauta nautim, quod certè non conuenit animæ naturali, sed intelligenti & sentienti de quibus adhuc nihil dictum est, nisi quòd 8. Phys. 28. etiam animam sentientem dixit esse similem nautæ. At tex. 21. ubi ait de intellectu autem & speculatrice: facultate nihil adhuc manifestum est, sed videtur aliud genus animæ esse, intelligit nihil adhuc liquere de intellectu agente an sit vera forma, an animæ facultas, an substantia abstracta non contenta sub animæ definitione: quæ responsio potest etiam alijs locis accommodari, ita ut Aristoteles tacitè voluerit significare intellectum agentem, siue mentem non esse veram hominis formam, sed aliam nempe cogitantem, seu phantasiam. Neque propterea sequetur animam rationalem non comprehendi sub hac definitione, si per animam rationalem intelligitur phantasia, cui mens coniuncta est naturaliter. A R I S T. Pugnes licet, & de suscepta semel opinione nihil remittas, non perficies tamen ut actus non accipiatur communiter in animæ definitione, si non ab Aristotele, saltem ab antiquis, & significet τελείωσις siue perfectionem. Quare anima utrouis modo accepta vel pro spiritu ceteras partes viuentis continente, vel pro harmonia est perfectio prima corporis organici. Videamus quid habendum sit de secunda definitione.

## De secunda animæ definitione.

### CIRCVLVS TERTIVS.

#### CHARILÆVS. ARISTÆVS.



**C**HAR. Non est ut multi putant alia animæ definitio tex. 24 sed ea de explicatior, & absolutior, ut apparet ex ijs quæ habentur tex. 12. Nam quoniam anima est commune quoddam analogum, siue conceptus cui natura vna non responderet, sed plures quæ sola similitudine & proportionem conueniunt, alius enim est actus qui dicitur de forma hominis, alius de forma plantæ, propterea necessum est descendere ad omnes animæ gradus, ut ijs cognitis definitio sit accuratior. Scire animam esse actum primum corporis organici est habere cognitionem animæ ut analogum est, quod inquit Aristoteles tex. 8. libri primi aut nihil est, aut posterius quasi dicat aut non est vna natura, aut posterior suis speciebus. Definitio igitur iam allata posterior est & natura obscurior, notior tamen nobis, quibus confusa notiora sunt, ab eaque tanquam a nobis notiore debemus progredi



gredi ad notio rem natura definitionem, qualis est ea qua tex. 24. declarantur animæ gradus, vt egregiè notat Auerroes. Non vult autem Aristoteles, vt multi putant priorem definitionem per posteriorem demonstrare, hoc enim esset petitio principij, vt ipse docet lib. 2. Poster. vbi ostenditur non posse demonstrari rei essentiam, vt quòd anima sit actus primus viuents, nec enim potest afferri causa cur ita sit: nam quòd dicunt demonstrari per actiones animæ tanquam per finem, hoc nihil est, anima enim non est propter suas functiones seorsim sumptas sed potius propter se ornandam ac perficiendam suis functionibus, hoc est propter seipsam operantem, nec aliud vult Aristoteles 9. Metaph. 15. & 2. cœli 17. vbi videtur dicere vnumquodque esse gratia operis sui. Neque ostenditur, vt putant tex. 12. posteriorem definitionem animæ esse principium demonstrationis quo prior demonstratur vt conclusio, hoc enim tantum verum est de accidentibus, quæ per causam demonstrantur, vnde Auerroes notat hoc loco verba Aristotelis accommodanda esse animæ per similitudinem tantum & proportionem, nimirum quòd definitio animæ communis comparatione illius in qua exprimuntur partes singulæ, haud absimilis est accidentis definitioni, quæ est conclusio rem obscure declarans respectu definitionis quæ eiusdem accidentis causam exprimit, & est principium demonstrationis, vt patet in exemplo allato de tetragonismo, quod probamus esse quadranguli quadrationem, quoniam est inuentio mediæ lineæ: & ita definitio quatenus est enuntiatio dicit causam & propter quid, non tamen vt est definitio, sic enim non dicit rem esse, vel non esse, sed solum quid sit. Cum igitur mens Aristotelis sit afferre definitionem elaboratam quæ non modò sit communis omni animæ, sed etiam exprimat omnes animæ gradus, ait vitam dici multifariam, vt ostendat esse analogam, cum rei vniuoca sit vna ratio, deinde ipsam diuidit in quatuor gradus, siue partes, totidem quot sunt viuents differentia, scilicet naturale, sentiens, loco mouens, & intelligens: vbi obseruandum est ab Aristotele poni quatuor animatorum genera petita a functionibus iam allatis, animarum verò tria tantum, penes triplicem modum operandi, quorum primus est absque organo proprius intelligenti, alter cum organo quidem, sed per qualitates minus crassas, quas vocat formas sine materia, tertius cum organo simul & qualitatibus crassis ac corporeis. Aliter tamen diuidi potuit anima scilicet in cognoscentem, & non cognoscentem, vel in rationalem & brutam, quæ partitio alibi ab Aristotele usurpata est. Item animata potuerunt diuidi in tria membra naturale, sentiens, & intelligens, cum omne animal aliquo modo se loco moueat, nam quæ *ζώοντα* dicuntur & a quibusdam plantanimes non carent omni planè motu ad locum, in spongijs enim ostreis & conchylijs obseruatur motus contractiuncula si compunguntur, eadem verò latorum occursum sese diffundunt, atque ita non plura viuents genera quàm animarum statuentur: verum Aristoteles vt clarior appareret definitio, voluit eam applicare omnibus animatis, quæ quatuor his functionibus distinguerentur, in quibus & ipse obseruabit ordinem prioris & posterioris: gradus enim naturalis reperiri potest solitariè, sentiens sine naturali esse non potest, loco mouens sine naturali & sentiente, intelligens sine his tribus.

Hac

Hæc distinctione graduum allata, singulis vitæ partibus applicat priorem definitionem tex. 24. dicitque animam esse id quo viuimus, sentimus, mouemur, & intelligimus primò: id est animam esse formam seu actum primum constituentem corpus organicum in specie viuentis naturalis, sentientis, loco mouentis se, & intelligentis, cum enim prius ostendisset tex 6. ab anima constitui viuens communiter acceptum, nunc ostendit ab eadem constitui distinctum in quatuor gradus: itaque illud quo viuimus, sentimus &c. ponitur ad rationem significandam qua vnumquodque viuens in sua specie constituitur, vt sensus sit animam esse id quo dicimur viuentes & sentientes, nec ita refertur ad actiones, vt dicere velit animam esse id quo fit in nobis vita & sensus, quasi demonstraret eam esse formam viuentis quoniam est principium operationum. Hoc declarat exemplum Aristotelis cum ait animam esse sicut id quo scimus, hoc est scientes sumus, non dicit autem esse sicut id quo speculamur, ita sumit hæc animam vt formam qua dicitur viuens, non vt causam functionum efficientem. Nihil est quod in ea definitione aliud obferuem, nisi verbum, viuimus, accipi hoc loco pro gradu vitæ, quem vulgo appellant vegetantem seu naturalem, non autem vt omnes vitæ gradus includit. Ex quibus satis conspicuum est quàm scitè Aristoteles declaret essentiam animæ, & quàm imperitè veteres eam confundant. A R I S T. Sit hæc ab Aristotele præclarè excogitata definitio, eadem possunt vti sectatores philosophiæ vetustioris, modò per actum primum intelligant substantiam simplicem, quæ perficiat & constituat corpus animatum naturale, sentiens, loco semouens, & intelligens. Multò enim incredibilius est (nisi forte illis qui ceruices dederunt peripateticæ seruituti) dari actum illum de potestate materiæ eductum, quàm spiritum igneum, quo vita omnis contineatur. Tripartitam autem aut quadripartitam illam vitæ diuisionem vltro admittent, si sermo sit de ijs tantum, quæ vulgus in hoc nostro mundo viuere putat, ad hæc enim genera reuocari possunt aliquo modo: ceterum dicunt vitæ gradus esse infinitos, tum quia nulla est substantia simplex quæ non habeat peculiare principium motus, ac proinde vitam, tum quod ex ijs simplicibus componuntur infinitæ aliæ alijs perfectiores, & a nostris plantis, animantibus, & hominibus adeo diuerstæ, vt non magis eas cogitatione possimus comprehendere, quàm mundorum vbi habitant constructionem. Infimum & omnibus necessarium ordinem viuendi tribuitis animæ nutrienti, quam vultis more plantarum per fibras paulatim trahere alimentum, vt ab initijs admodum exiguis ad iustam molem perueniatur: Illi admittunt alia viuentia, quæ primo suo ortu perfecta euadunt, & debita magnitudinis, nulla indigent nutritione, tandemque subita contrariorum permissione repentinum habent occasum, & ortui suo respondentem, ita legimus apud Plutarchum lucernarum more quosdam genios extinguere, quos par est in vitâ eodem modo succedere. Magnetem non putatis viuere propterea quod non alitur instar plantarum: hoc autem demonstrat tantum non participare idem viuendi genus, sed aliud penitus diuersum, quod in lapidicinis suis ita expressit, vt alio non indigeat, quàm ferri consociatione, ad vim suam hoc est animam retinendam, quæ tamen dissoluitur statim igne vehementi. Quorundam lapidum



virtutem & conformationem eam videmus, vt vel ipsos vitæ participes fieri oporteat, vel a plantis omnem vitæ rationem abiudicare. Metalla, lapides, & multa alia præclaras obeunt functiones, quas dicitis ab anima non proficisci quia diuersæ sunt a functionibus animæ quæ est in plantis & animalibus: at tam ipsi lapides, quam cornua & ligna fossilia, lithophyta, lithozoa, & zoophyta, si loqui possent, eodem iure dicerent plantas nostrates, & animalia non viuere, quia non habent principium eiusdem motus; quanto magis autem alia infinita perfectiora quæ non cadunt sub sensus nostros? ita fit transitus a vita simplici primarum substantiarum ad infinitas alias ab hominibus incomprehensas, quasque nefas est tribus, aut quatuor gradibus coangustare, cum nos ipsi definire non possimus vitam eorum quæ ob oculos sæpe habemus fungorum, tuberum, coralliorum, spongiarum. Usque adeo diuersæ sunt vitæ functiones, vt genera illa ad quæ communiter referuntur, non videantur sufficere, ijs tamen etiam receptis, non magis operosum est veteribus quam Aristoteli ostendere quomodo anima sit actus primus corporis potentis exercere functiones vitæ naturalis, sentientis, intelligentis, quod antequam excutiamus sigillatim, consideremus prius quamnam sit sedes animæ naturalis & sentientis.

## De sede animæ naturalis & sentientis.

### CIRCULVS QVARTVS.

#### CHARILAVS. ARISTÆVS.

**H**AR. Facile est Aristoteli locum animæ naturali, & sentienti reperire, minimè verò antiquis. Ac primum tex. 19. & 20. quasi reprehendens Platonem, qui intelligentem animam constituebat in cerebro, sentientem in corde, naturalem in hepate, sic ait. Vtrum autem vnumquodq; eorum est anima an pars animæ, id est facultas, & si pars vtrum sit separabilis ratione solum, an etiam loco, de quibusdam quidem horum non est difficile videre, quædam autem habent dubitationem, sicut enim in plantis quædam diuisæ videntur viuere, & separata ab inuicem tanquam existente in his anima, actu quidem vna in vnaquaque planta, potestate verò pluribus, sic videmus & circa alias differentias animæ accidere in his, quæ inciduntur in insectis, etenim sensum vtraque partium habet & motum secundum locum. Quibus verbis patet ab Aristotele tam in plantis, quam insectis animalibus vnā animam constitui, eamque extensam per totum viuens, ac proinde non in vna tantum parte residentem, & ex eo probat, quia si plantæ vel insecta diuidantur, adhuc retinent vitam, saltem ad aliquod tempus, anima igitur non est tantum in vna corporis parte, cum sit actus corporis organici, id est habentis partes dissimilares, quod explicans tex. 6.

aut plantam esse corpus organicum, quia habet folia, fructus, radices, quibus videtur ad diuersas functiones, & illæ cum sint in multis partibus, ibi quoque necesse est animam reperiri. Albertus tamen putat esse tantum in præcipua parte viuentis, scilicet corde si animalia sint perfecta, si autem imperfecta, in alijs partibus, quæ proportionem quadam cordi respondeant, cæteras verò partes esse animas per virtutes, seu facultates animæ cō transmissas. Sed si ita esset illæ dici non possent verè animatæ, facultates enim sunt accidentia quæ non possunt substantiam constituere, maximè cū anima secundum Albertum non sit forma assistens, sed informans, quam proinde necesse est ubicunque operatur, esse præsentem. D. Thomas fatetur quidem animam sentientem & naturalem esse in toto corpore, quæ in re discrepat ab Alberto, conuenit autem aliquo modo quatenus putat in perfectis animalibus indiuiduam esse animam totam in toto, & rursus totam in singulis partibus, in imperfectis verò diuiduam esse & extensam iuxta materiæ extensionem, nam Albertus in ea parte vbi est anima tam in plantis, quàm animalibus cuiusquomodi vult eam esse plane indiuiduam & totam in singulis partibus vbi residet, vt punctum in linea. Hoc sanè videtur ab Aristotelis philosophia valde alienum formam ex potestate materiæ eductam, & quæ eam verè informat, indiuiduam tamen, & in singulis partibus esse totam instar alicuius intelligentiæ, nam si hoc conuenit animæ equi, eadem erit ratio de candore & cæteris accidentibus, quorum essentia non minus est tota in subiecto, quàm anima equi. Sic nullius roboris est argumentum quo 8. Phys. 78. vt ostendat primum motorem esse formam a materia seiunctam, hoc iacit fundamentum omnem formam materiata diuidi ad materiæ diuisionem, quod rueret omnino si hæc tota in toto, & tota in singulis partibus indiuidua reperiretur: neque iuuat dicere animam in partibus separatis non seruari diu: nam aliquis eludens vim argumenti facilè respondebit primum motorem esse formam materiata, sed quæ vt anima perfectiorum animalium in partibus separatis non conseruetur. Zabarella considerans has difficultates lib. de accret. c. 15. dixit animam esse quidem in toto viuentem, vni tamen præcipuæ parti insidere, quod ipse appellat radicari, puta in corde, aut in alia parte, quæ cordi proportionem quadam responderet tam in plantis, quàm insectis animalibus, inde vero ad cæteras partes diffundi: in omni autem viuentem vnā penitus & eandem numero ab ortu ad finem vitæ incorruptam & illasam, tam secundum se totam, quàm secundum partes seruari, proinde cum corporis particulis fluentibus partes animæ non fluere, propterea, inquit, in corde anima fit tota semel, & quando adnatis cordi cæteris membris innascentur in eis anima, hoc fit non amplius per educationem de materia, sed per deriuationem a corde, & per influxum ab illo principio ad alia omnia, quod etiam dicendum est de nutritione, nulla enim pars animæ producit, quæ prius non fuerit, sed potius noua materiæ particula quæ prius non erat, animæ iam præexistenti subgeneratur. Quoniam autem durum videtur formam transire de subiecto in subiectum, respondet migrationem quæ damnatur a philosophis esse illam tantum, quæ forma totum suum subiectum derelinquit, & eadem numero ad aliud transit, quod non accidat animæ, cuius subie-



rum paulatim defluit, instar navis Salaminia, atque inde probabiliorem reddit animæ intelligentis immortalitatem, cum multo minus dependeat corpore, quam sentiens, & naturalis. Quærentibus verò quomodo anima transire potest ab vna parte ad aliam, ne solus irrideatur, citat Ioannem Baconium, qui ait id non fieri motu, sed modo quodam alio nobis occulto, fateamur enim, inquit, velimus, nolimus, necesse est plura fieri in natura, quorum rationem & modum non intelligimus. Deinde laudat dictum Pomponatij ad tex. 41. primi de ortu, nimirum quod anima dicatur ibi ab Aristotele immaterialis, quatenus transit secundum partes eiusdem corporis ad aliam itque aliam materiam informandam, materialis verò quatenus de materiaeducta est, nec sine ea potest existere. Hæc opinio metu leuiorum difficultatum in grauissimas incidit, dum formæ ex materiaeductæ planè destruit rationem, quæ in eo consistit vt sit eius perfectio, tota totius, & pars partis, quare ablata parte materiæ necesse est auferri partem formæ, alioqui pars illa formæ vel retrocederet ad aliam materiæ partem iam informatam, vel citra informationem consisteret aliquandiu, deinde succedenti alimento infunderetur. Sic anima quercus quæ tota est in exigua parte glandis sese extenderet ad immensam ramorum proceritatem, quod præsentia angelorum theologi vix concedunt; nec satisfacit illud Zabarellæ animam illam verè effundi, licet quis & qualis sit ille transitus ignoremus. Dicendum est igitur animam naturalem & sentientem esse in toto viuentem extensam & diuiduam iuxta materiæ extensionem & diuisionem, cuius aliqua parte ablata ipsius etiam animæ pars aufertur. Quamquam autem est in toto viuentem, tamen primùm educitur ex vna parte præcipua, quale est cor in animalibus, & in cæteris aliquid cordi respondens vbi residet tanquam in radice, atque eius præsidio & opera in alijs partibus producit. Iuxta hanc interpretationem melius exponitur Aristoteles, quod in animalibus cor sit præcipuum membrum, vbi anima sedet tanquam princeps, non quod absit ab alijs partibus, sicut princeps a multis suis ciuitatibus, sed in eo tantum vim habet comparatio, quod sicut princeps in vna potissimum vrbe consistens, cæteras regit & dominatur, sic anima dominans in aliquo præcipuo membro, vires suas in alia exercet: propterea lib. de motu anim. c. 7. non oportet, inquit, in vnoquoque esse animam, id est in vnoquoque membro imperij sedem obtinere, sed in quodam principio corporis, quod ipse arcem cordis esse ostendit, nam vt ait sub finem cap. 2. frigefactis cæteris partibus, vita remanet, corde autem frigefacto, aut eo quod est loco cordis, amittitur, quoniam hinc principium caloris atque anima dependet omnibus. **A R I S T.** Miror ego te qui aliorum reijcis interpretationes, illi tandem acquiescere, quæ Aristotelem dicentem, non oportet in vnoquoque membro esse animam, exponis, non oportet in vnoquoque membro esse animæ sedem præcipuam, & imperium: quis enim dubitat hanc expositionem esse extortam, ne Aristoteles videatur sibi contradicere, qui cum Platonem reprehendisset ob animam vni membro affixam, ipse in eandem sententiam delabatur comparando animal ciuitati, vbi inquit non oportere principem adesse singulis quæ fiunt, cum vnusquisque ciuis faciat quæ sua sunt, atque idem accidere in partibus ani-

malium propter naturam. Non arbitror tamen vos ita principatum tribu-  
 re cordi, ut eo exulcerato, atque etiam auulso, statim oporteat a cæteris  
 membris animam *ἀπὸ τοῦ ζῶσθαι* quasi radicitus auulsam separari: in ce-  
 re enim perfectorum animalium vlcera satis caua reperta sunt, nec prop-  
 rea anima reuelleretur. Aristoteles quoque lib. de Iuuent. & Sen. c. 1. qu-  
 dam animalia ablatis visceribus & testudines corde ablato viuere doce-  
 re idem tradit Alexander 1. de ani. c. ult. de Chamæleonte, quod quisque in  
 scibus, & alijs quotidie videre potest. Ita quod ait Galenus lib. 6. de Hi-  
 pocratidis & Platonis decretis, cor inter omnia viscera solum, si eximatur,  
 seruare naturalem suam functionem, ostendit quidem contra id quod ipse  
 sentit, cor esse membrum princeps a nullo alio pendens, hinc tamen intelli-  
 gitur nequit iuxta doctrinam Aristotelis, quomodo anima ex eo primùm edu-  
 citur, deinde in cæteras partes deriuetur, aut transfundatur absque motu. Quod  
 difficultas non prouenit aliunde, quàm quia vult animam esse formam qua-  
 dam materiæ suæ, quod si eam cum antiquis diceret esse spiritum igneum,  
 iam optimè intelligeretur quæ sit præcipua illius sedes, nimirum cor, aut a  
 quid cordi respondens, & quomodo peruat ad alias partes, quæ eo auul-  
 si viuunt quidem aliquandiu, sed beneficio spiritus ab eo accepti tanquam  
 fonte, ita ut principium sit omnium functionum siue illæ in cerebro, siue  
 in iecore, siue alibi perficiantur. Hæc igitur animæ sedes iuxta veteres sic de-  
 claratur: cum ipsa anima sit tenuis spiritus, primùm inseritur semini ad rudi-  
 menti alicuius conformationem, in quo statim delineatur id quod præci-  
 puum est & vnde cæteris vita dependet, cuiusmodi cor est in animalibus; i-  
 affluentior est spiritus ex cuius vberiori copia & accuratiori permistione  
 conficitur officina augendi ac reparandi eiusdem spiritus ut transmittatur  
 ad alias partes, & sufficiat non modò ut cor ab ijs animatum mistione perfec-  
 ta coagmentetur, sed etiam ut extra partes solidas affluens totius vitæ opifex  
 efficiatur: eo proinde solida cordis substantia referta est & exquisita misti-  
 one longè instructior quam alia membra, præsertim dextra eius auris primùm  
 viuens, & vltimum moriens, deinde sinus habet tanquam fontes iugis cuius-  
 dam perennitatis in totum corpus, quæ non deficit nisi morbo continuus ei  
 motus planè intercidat, vel ob vitium quod contrahitur in eo instaurando  
 longa senectute aboleatur. Ex principijs huius philosophiæ facile est  
 respondere tam Platonis & Galeni, quàm aliorum argumentis: quod enim a-  
 anima videtur esse in cerebro, corde, & hepate, est quidem idem spiritus, sed  
 in cerebro permistus frigidioribus corpusculis ad temperiem efficiendam  
 quoniam ut ait Arist. 2. de part. c. 2. sanguis calidior plus habet roboris, sed  
 frigidior vi maiore sentiendi atque adeo intelligendi præditus est, proinde  
 sunt ingeniosiora quæ sanguinem habent frigidiorē, ac tenuiorem, & c. 1.  
 sanguinis calidioris agitatio refringit sensum, sic apud Galenum lib. de ocu-  
 lis, cerebrum calidius minus est aptum ad contemplationem. In hepate v-  
 tò spiritus ille permiscetur alijs substantijs ad sanguinis præparationem  
 conducentibus, sicut in ventriculo quibusdam alijs, ut dixi, ad alimen-  
 ti concoctionem: at in ipso corde calidior est ubi paucioribus frigidis adm-  
 scetur. Nihil opus est igitur cum Galeno spiritum in cerebro confingere  
 uersum.



ersum ab eo qui est in corde, vt propterea cum Platone dicamus ibi diuer-  
 sis animas insidere, non enim spiritus ille permissione sola naturam mutat,  
 sed principium efficitur plurium functionum, nec magis necesse est differre  
 animam cordis, & cerebri ob diuersa eorum munia, quam ventriculi, mam-  
 marum, & testium. Haud difficilior est ea diluere quæ obijcit Albertus, vt  
 probet animæ sedem esse in corde solo, nam quod primum ait fore vt tota  
 anima auelleretur auulso oculo, si illic esset, idem dici posset de corde aut  
 parte cordis, contra id quod dicitur a medicis, & Aristotele. Deinde nihil  
 illud efficit contra veteres, quibus anima diuidua est in præcipua aliqua par-  
 te, vnde cæteræ dependent, affluentior; has igitur necesse est si ab illa seiun-  
 gantur, intermori, subito quidem si tenuissimus, & perflabilis est spiritus,  
 quo ad vitam indigeant continenter, lentè verò si crassior, & partibus insi-  
 dens tenaciter: Hinc videmus statim interire membra abscissa perfectis ani-  
 malibus insectis verò & plantis partes recisas diu viuere. Neque propterea  
 quælibet pars animalis animal est, & plantæ planta, ad hoc enim requiritur  
 tota anima in suis partibus aptè coniunctis. Præterea non parui momenti  
 censeretur debet, quod hæc veterum opinio non tenetur animam ponere totam  
 in qualibet parte cordis, aut alterius membri præcipui, vnde absurda sequun-  
 tur quæ intulisti: quin potius dicunt animæ sedem, siue cor, siue aliud esse  
 instar vasis imbuti penitus, ac balsamo pleni, vt enim balsamum combibitur  
 & admiscetur partibus vasis citra corporis penetrationem, sic anima sub-  
 stantiæ cordis, sed mixture longè perfectiori, quæ tamen non prohibet, vt in  
 alias partes deriuetur. Inde vis maior & robur inest paruis quibusdam ani-  
 malibus, ob spirituum affluentiam vberiore, sicut naturæ, & ingenij diuer-  
 sitas a spirituum siue animarum diuersitate proficiscitur. Non laborant  
 etiam veteres, vt ij qui dicunt animam esse totam vbique, vnde sequitur sin-  
 gulas eius facultates odorandi, videndi, audiendi esse in digitis; nam illi re-  
 spondent istas habilitates non esse animæ solius, sed organorum, & ab ijs  
 distingui ratione tantum. Habemus etiam ad dirimendas graues contro-  
 uersias partem illam omnem esse viuentem quam anima peruadit, atque ita  
 viuere sanguinem, adipem, semen, nervos, cutem, dentes, & ossa ad vitam  
 enim satis est habere animam vt principium alicuius effectiōis, qualis est  
 nutritio, neque in omnibus opus est sensu, sicut enim anima est principium  
 visus in oculo, & non auditus, ita in osse est principium nutritionis, & nul-  
 lius sensus, in sanguine verò motionis in orbem, in semine procreationis &  
 sic de alijs. In ijs autem quæ ab aliquibus inter excrementa recensentur, vt  
 pili, & vngues, si constat illos ab obitu excrecere, postquam anima iam  
 omnes particulæ aliò cesserunt, nihil vetat etiam viuere, sed alia anima  
 ignobiliore, velut plantulas alijs adnascentes cuscutam, epithymum, poly-  
 podium, aut

*Quale solet filuis brumali frigore viscum*

*Fronde virere noua, quod non sua seminat arbor.*

Quod obijciunt de sanguine misso extra venas, quem anima sequeretur, ni-  
 hil absurdum est apud antiquos animam sentientem comitari sanguinem &  
 semen quibus inest, licet hoc fortasse repugnet formæ Aristotelis, quæ ma-

*M*

*De partibus  
viuentibus*

*De multi-* teriæ non permiscetur instar spiritus, sed vt figura ceræ, & acies securi. M  
*tudine ani-* ximè verò planum fit quod vobis imprimis arduum est & perdifficile, nim  
*marum in* rum an in vno viuente sint plures animæ. Veteres in singulis, homine exc  
*eodem vi-* pto, vnam esse dicent: naturalem quidem in ijs omnibus quæ propriè cre  
*uente,* scunt, augentur, & generant, eamque specie distinctam pro specierum diue  
 sitate, alium scilicet esse spiritum qui est principium quercus, alium papau  
 ris, alium cicutæ; ita philosophandum de sentiente respectu leonis, equi, &  
 canis, singulas illorum animas esse principium omnium actionum quæ an  
 mæ naturali & sentienti attribuuntur, proinde leonem per eandem animam  
 nutrirî, atque sentire, quod explicatu per facile est veteribus, qui dicur  
 actiones illas omnes nihil aliud esse quàm diuersos motus organorum qui  
 fiunt substantiæ totius proprietate. In animalibus eadem anima sentiens est  
 & naturalis, sed diuersa secundum species, nec difficilius est vnum esse prin  
 cipium motus nutriendi & sentiendi, quàm nutriendi, crescendi, & generan  
 di, vt illi volunt qui re ipsa facultates ab anima non distinguunt. CH A R  
 Latini possunt respondere eodem modo, dicunt enim frustra poni plures ani  
 mas in eodem viuente, cùm sufficiat vna quæ sit virtute multiplex, nam, in  
 quunt, anima humana continet in se vim naturalis & sentientis, proind  
 eorum munera obire potest: quod etiam docere videtur Aristoteles hoc lib  
 tex. 31. vbi dicit naturale contineri in sentiente, vt triangulum in quadran  
 gulo, hoc est virtute non autem actu. Verùm quia iam admisimus plure  
 formas partium, carnis, nerui, ossis & alias animæ subijci & ad eam reci  
 piendam ordinari, ob eandem rationem probabilius videtur plures animas  
 in eodem viuente reperiri, quarum vna sit ad alteram instructio, & præpara  
 tio, naturalis quidem sentienti, vtraque verò intelligenti, quemadmodum  
 forma carnis est quædam præmunitio ad animam introducendam. Nec de  
 sunt rationes Auerroistis ad tuendam hanc opinionem. Primùm quòd non  
 videtur satis esse vna anima ad constituendum viuens, animal, & hominem,  
 sicut vna facultas non sufficit ad obeunda omnia munera, quæ reperiuntur  
 in viuente: & tamen anima humana deberet esse principium tam nutritioni  
 & sensus, quàm ratiocinationis, ad quod præstandum non minus indige  
 formis aut facultatibus inter se distinctis, quàm ad intelligendum, & volen  
 dum: quare dum Latini dicunt vnam animam hæc omnia efficere per plures  
 gradus, oportet illos gradus vel nihil esse, vel ceteri formas natura inter se  
 distinctas, licet re ipsa non separabiles. Qui autem putant in homine ratio  
 nalem sentientem & naturalem esse tres facultates vnius & eiusdem formæ,  
 non autem tres formas, coguntur fateri dari facultatem facultatis, siquidem  
 anima naturalis quæ iuxta ipsos est potestas, habet potestatem altricem &  
 alias, ita sentiens habet facultatem audiendi, rationalis intelligendi, quod  
 ostendit illas esse tres formas in homine, non autem gradus animæ fictitios  
 aut facultates. Nec difficile est retellere quod aiunt ipsi, vt fiat homo fore  
 prius plantam, deinde beluam, postea hominem, nam anima naturalis non  
 facit plantam, sed viuens, & anima sentiens non constituit beluam, sed ani  
 mal. Solum obijci posset quòd præter hanc formam viuents, quæ est in  
 star generis requiritur forma speciei, quæ plantam faciat, & sic de anima



sentiente, vnde consequens est existere formam generis extra omnes species : Sed negandum est hanc esse formam generis veri & perfecti, nam illa anima naturalis & sentiens est imperfecta, vtpote ordinata ac determinata certis accidentibus ad vltiorem animam quercus, velequi, vel hominis, ita vt diu absque forma speciei alicuius esse non possit. Quòd deinde alij dicunt triplicem fore interitum in homine, duplicem in brutis animantibus, vnum in plantis penes numerum animarum; respondetur mortem oriri a destructione animæ naturalis, qua sublata neque sentiens, neque rationalis stare valeat. Frustra nituntur alij canone 2. octauæ Synodi generalis, vbi damnatur error asserentium duas in hominibus esse animas: optimè enim respondet Ochamus, & Zabarella reijci tantum duas mentes, vt habere dicitur fabulosus quidam Herilus apud Virgilium,

*Nascenti cui tres animas Feronia mater*

*Horrendum visu dederat, terna arma mouenda,*

*Ter letho sternendus erat.*

Ad exemplum Aristotelis quòd anima naturalis contineatur in sentiente, vt triangulum in quadrangulo, respondendum est non negari ipsas distingui, sed ostendi illam esse tanquam partem & materiam istius, Aristoteles enim solet animarum collectionem in eodem viuentem appellare animam totam, & singulas illarum vocat partem animæ, vt statim initio libri tertij, De parte autem, inquit animæ, qua & cognoscit anima, & sapit. Hæc animarum distinctio explicat optimè cur in nobis sæpenumero pugnent sensus & ratio, quo argumento Plato 4. de Rep. probat tres animæ partes locis diremptas, eumque sequitur Galenus lib. 5. de Hippocr. & Platonis decretis: At veteres nihil habent vnde subueniant his incommodis. A R I S T. Vestris

certè, non antiquorum, qui non premuntur istis difficultatibus, vt

Latini, & Auerrois sectatores. Non sufficit viuentibus vna

forma, plures sunt superflua, itaque formis valere ius-

sis, admittatur modò spiritus ille multiplex & va-

rius specie, quem animam esse prædicant,

vnus in vnoquoque, suo interuentu con-

stituens organa, & efficiens cor-

pus animatum, nihil aliud

supererit quàm osten-

dere quomodo ab

vno spiritu

tam di-

uer-

sæ functiones oriantur, quod ab antiquis

fieri non posse dixit Aristoteles lib. 1.

idque vt opportunè persequa-

mur, agamus nunc de

animæ facul-

tatibus,

## De animæ facultatibus, siue potentijs.

## C I R C V L V S Q V I N T V S.

## CHARILAVS. ARISTÆVS.



**H** A R. Dari quasdam animæ vires & facultates vel potentias **vt** vulgo dicitur, quibus illa se fundit atque ostentat, nullus ambigit, sed dubitatur tantum de earum distinctione & speciebus. De potentia tractat Aristoteles 5. Metaph. c. 12. & lib. 9. **f**usissimè, eamque communiter sumptam ita diuidit. Vna est secundum quam aliquid dicitur possibile, & hanc philosophi vocant obiectiuam, quæ nihil aliud est quam res ipsa possibilis, quatenus potest terminare actionem agentis. Secunda dicitur potentia actiua, quæ est principium transmutandi aliud, prout aliud. Tertia potentia passiuæ receptrix transmutationis ab alio factæ. Potentia communiter sumpta definiri potest aptitudo quædam ad aliud. Hic autem pressius accipi debet pro secunda specie qualitatis, hoc est accidente adiuncto rei, quæ potens denominatur, diciturque facultas naturalis, quia naturæ adiungitur ad suas functiones obeundas. Illa solum efficiens est, nunquam patiens, etsi aliquando dicitur resistens, hoc fit agendo in contrarium instar frigoris, quo calor frangitur, vel eius impressionem non admittendo, sicut duricies parietis resistit pilæ. Præterea naturalis est semper aut præter naturam respectu subiecti nec vlla videtur esse potentia neutra, quæ videlicet non sit naturalis, aut præter naturam, qualem Auicenna, Scotus, & Rubius, dicunt esse ignis ad recipiendum motum circularem, materiæ ad hanc vel illam numero formam, ceræ & aliorum corporum ad figuras, cum tamen Aristoteles in libris de cælo nihil magis inculcet, quam id esse præter naturam quod non est alicui naturale. Sed ijs omissis videamus quid sentiendum sit de distinctione facultatum ab anima. Ochamus, Gregorius Ariminensis, Gabriel, Thomas Garbius, Bonauentura, Parisienses, & complures neoterici dicunt animæ facultates esse ipsammet eius essentiam, quæ prout varijs in organis obit varia munera, ipsa quoque diuersis facultatum appellationibus nuncupetur. Contra D. Thomas, Ægidius, & alij volunt esse qualitates secundæ speciei manantes ab animæ substantia, ac proinde ab ea distinctas: nam respectus ad varias functiones non satis declarat quid sit facultas, quia respectus ille vel nihil est ab anima distinctum, & sic nullum erit discrimen facultatum tam ab anima, quam inter se, vel si est aliquid, non aliud certè præter qualitatem secundæ speciei, vt patet discurrenti per omnes categorias. Horum igitur opinio videtur esse probabilior vel ex eo quod vt dictum est ad libros de Gener. nulla substantia creata est principium proximum suæ actionis, sed indiget aliquo veluti facultatum additamento.

A R I S T.



A R I S T. Hæc male confuta additamenta & inanes appendiculae cunctae reij-  
 ciuntur a philosophis Peripateticæ doctrinae fautoribus, vide quid expectan-  
 dum est a veteribus qui omnes animæ functiones positas esse dicunt in solo  
 motu organorum, ita ut visio sit motus quidam nervi optici factus a lumine, *N.*  
 auditus membranae cuiusdam ab aere percussæ, & sic de alijs, quibus cum  
 infideat anima penitus infusa, iam singula organa ob rationem harmonicam  
 cientur suis motibus, nec vlla opus est facultate ab ijs distincta. Præter ra-  
 tiones autem quibus summam alibi contendebatur nullam formam reipsa  
 distingui a substantia cuius est forma, præcipue quædam speciatim viden-  
 tur conficere facultates animæ non esse distinctas ab eius essentia. Facultas  
 agens 9. Metaph. definitur, principium transmutandi aliud quatenus est  
 aliud: at talis est anima, ut pote forma & rei natura, cuius e sinu cum facul-  
 tates ipsæ proximè fundantur, functiones quoque & omnes alios effectus  
 proximæ a substantia proficisci nihil vetat. Quid autem ad hoc inanius re-  
 ferri potest, quam quod ait Zabarella facultates esse tantum habilitates  
 quasdam & conditiones sine quibus substantia nihil agere potest, non tamen  
 esse medium quo ipsa agat, omnis quippe actio emanat a substantia, ita ta-  
 men si est instructa debitis qualitatibus, propterea, inquit, gravitas & levi-  
 tas non est effectrix motus ullius, sed tantum propensio ad proprium locum:  
 Verum si facultas, aut quævis alia qualitas est duntaxat ratio & conditio  
 qua substantia agit, non autem instrumentum agens vicem causæ interme-  
 diæ, non minus eadem substantia ad fundendas ex se potentias, ratione ali-  
 qua & conditione indigeret, dareturque processus rerum infinitus. Sed  
 obsecro cur forma ad actionem indigentior est, quam materia ad perfectio-  
 nem, hæc enim proximè recipit formas, nec vlllo opus est accidente, quod sit  
 potestas recipiendi, alioquin & ipsum altero indigeret, ut igitur proximè  
 patitur materia, sic forma agit. Propterea etiam natura dicitur principium  
 motus, ut forma ignis, secundum vos calorem profundit ex se, & in se, nulla  
 alia potestate intermedia, multò magis ergo debet anima per se ipsam obire  
 sua munia, neque enim ascribendum est eius imperfectioni, quod indigeat  
 distinctis facultatibus, siquidem calor ijs non indiget, sed neque perfectio-  
 ni, ut patet in Deo, a quo vis agendi non distinguitur. Memini me audiuisse  
 hoc procedere ex perfectione iuncta imperfectioni, quæ est in substantia  
 creata, non autem in Deo, aut accidente, sed hoc semper remanet diluendum,  
 quòd cum facultates ipsæ proximè manent ab anima, id ceteris animæ effe-  
 ctibus non sit negandum, nec ratio vlla est cur a facultatibus potius quam ab *N.*  
 anima functiones proximè pendeant. Hoc considerans Galenus libro de  
 facultatum substantia, & libro primo de causis pulsuum, ait facultatem esse  
 rei cuiusque causam effectricem, quæ secundum comparationem & respec-  
 tum ad varios effectus diversa nomina sortiatur, atque ita eandem substan-  
 tiam aloes quoniam potest purgare, stomachum roborare, vulnera glutina-  
 re, ulcera cicatrice inducere, humentes oculos exsiccare, dicimus totidem fa-  
 cultatibus esse præditam, quasi nihil intersit aloem purgare posse, an purgan-  
 di facultatem habere: at libro de præfagitione ex pulsibus tandem conclu-  
 dit essentiam facultatum nihil esse præter temperamentum proprietatem, hoc  
 est *N. B.*

est totius rei naturam; quare non sunt audiendi qui rem per se facilem multis difficultatum nodis implicant perinde sentiunt de facultatibus, ac si quid habitet in anima, vt milites in excubijs, neque vident animam diuersas organorum substantias infidentem, atque ea perfusione sui constituentem hæc omnia præstare posse. Facultas igitur quæ animæ debet ascribi est habilitas ipsius, qua apta est substantijs quibusdam permisceri, & constituere corpus organicum, cuius variæ partes appulsu rerum exteriorum ob naturalem consensum, vel dissensum miris motionibus afficiantur. Quare illæ opportunitates licet animæ tribuantur tanquam principio, sunt tamen totius corporis animati; neque enim anima seorsim audit, aut videt, sed auris, & oculus animatus, ipsa verò secundum se nullum habet aliud principium motus, quàm vt cum alijs substantijs permisceatur, & si idoneas nacta fuerit, alicuius viuentis semen efficiat. Ex quibus tandem colligitur idem esse animam posse aliquid, & habere facultatem ad hoc faciendum: at nihil obstat animam posse aliquid per seipsam; frustra igitur potestas quædam ab ea distincta confingitur, & contra mentem Aristotelis qui facultates passim pro anima sumit, easque appellat partes animæ. CH'AR. His rationibus tuis quæ satis refelluntur ex dictis ad lib. de Gen. præponderat vel illud vnum, quòd remanente anima videmus aliquas facultates deperire. ARIST. Si hoc alicuius momenti apud eos, qui facultates attribuunt animæ soli, nihil tamen conficit apud antiquos, qui organa animata dicunt esse ipsam agendi potestatem, proinde aliquo ex ijs vitiato, aut vehementer immutato potestatem intercidere: dixi immutato, non autem abscisso, constat enim vim augescendi post ætatem annis confirmatam & corroboratam exolescere atque aboleri, non modo superstitie animæ essentia, sed etiam integris & vegetis omnibus organis, quod accidere videtur non ex alio vitio, quàm quia successu temporis organa fiunt duriora, & minus apta vt extendantur, gliscente videlicet in dies siccitate, ita vt tunc nulla alia facultas aboleatur, quàm humor, & partium iuuenilis teneritas, ac mollitudo. Itaque cum probare contendis facultates huiusmodi esse qualitates ab animæ essentia manantes, & ab ea re ipsa distinctas, memineris te nihil efficere contra antiquos. CH'AR. Videant cuius intererit, interim ferè omnes philosophi dicunt facultates illas esse qualitates ab anima fluentes, licet defendi possit aliquo modo eandem animam prout est apta fungi diuersis muneribus, illa obire per seipsam, quemadmodum Deus est omnipotens prout est principium omnium possibilium, & misericors prout subleuat nostram miseriam. Aliter autem est philosophandum de potentijs organicis, & inorganicis: istæ sunt in anima, siue ab ea distinctæ, siue non, illæ duobus modis possunt considerari, primò pro sola facultate, secundò pro conflatò ex organo, & facultate: si sumantur primo modo, Ochamus, & eius asseclæ dicunt esse solam animam, alij esse qualitatem ipsi animæ inhaerentem, ego verò esse qualitatem ab anima fluentem, & organo inhaerentem: si autem sumantur pro conflatò ex facultate, & organo, haud dubiè distinguuntur ab anima seorsim sumpta, propterea illi qui student rerum compendio, dicunt nihil aliud esse quàm animam, & organum, sed hoc non sufficit absque vitali facultate, quæ ani-



nam determinet ad certam aliquam functionem, & ipsum organum efficiat principium vitalis actionis. Quare sicut facultates ab anima distinguuntur, ita & inter se; nam earum opera debet anima determinari ad diuersa genera functionum, at si daretur tantum vna facultas, illa esset æquè indifferens, atque anima; plures igitur esse oportet, non modò ab anima, sed etiam inter se distinctas. Præterea necesse est facultates animæ naturalis & sentientis recipi in solo corpore, quoniam earum actiones sunt corporeæ, indigentque certis organis, vt nutritio, accretio, attractio, expulsio, quæ certè in anima humana recipi nequeunt, sed in facultate & corpore tanquam principio proximo: atque hoc satis est vt dicantur immanentes ab Aristotele 9. Metaph. 16. non enim requiritur vt recipiantur in suo principio remoto, scilicet anima: corpus itaque earum est subiectum, vt vocant inhæsionis, denominationis verò totum viuens, cui functiones attribuuntur: vnde Aristoteles c. 1. de Iuuent. & Senect. ait nec animam, nec corpus, sed animam per corpus operari. Non tamen singulæ animæ facultates sunt in toto corpore animato, quia sunt effectus emanantes ab ipsa anima, proinde satis est eas produci in certis organis, vbi debent operari, vt auditus in aure, visus in oculo, & sic de alijs quæ frustra per vniuersum corpus diffunderentur. A R I S T. His omnibus nihil aliud referendum esse arbitror, quàm quòd Ochami sectatores ita interpretantur Aristotelem, vt secundum eius doctrinam egregiè tueantur facultates nihil aliud esse, quàm organum animatum, quare multò expeditius id præstare possunt antiqui illi qui nullis formarum inuolucris præpediti, omnia tribuunt substantiarum permissioni. C H A R. Male profectò Aristotelem & se tuentur, qui solis nominibus consistentem philosophiam introduxerunt, vnde & Nominales vocitantur. Inter illos Aureolus non modo facultates ab anima non distinguit, sed ne actiones quidem vitales, vt neque tempus a motu, motum a mobili, actionem a termino: itaque dicunt visionem nihil esse aliud, quàm facultatem videndi connotantem hunc vel illum colorem, sed quid sit illud connotare, nemo intelligit. Verum vt dilucidius appareat quæ sit distinctio facultatum, consideremus vnde speciem sumant, nimirum ab actibus & obiectis, quoniam ita sunt institutæ naturaliter propter actus eliciendos circa obiecta, vt si actus, & obiecta non essent possibilia, neque illæ essent possibiles; propterea facultates per actus & obiecta definiuntur, vt visus potentia videndi coloris: proximè autem facultas ab actu speciem habet, actus verò ab obiecto circa quod fertur, obiecto inquam proprio, non communi, circa quod plures versari possunt facultates, vt circa alimentum visus & gustus. Fateor inexplicabilem esse rationem in assignando unicuique facultati proprio obiecto: nam intellectus v.g. est vna facultas secundum communem sapientum opinionem, & tamen alio modo percipit principia prima, alio conclusiones demonstratas, alio modo fertur in obiectum credibile, alio inopinabile, alio modo apprehendit, alio enunciat, alio ratiocinatur. Cur igitur non erunt plures facultates intelligendi, apprehendens, enuncians, ratiocinans? Pari modo voluntas amat, optat, fruitur, refugit, odit, tristatur. Quòd si dicas omnes actiones intellectus conuenire in aliquam rationem vnā, scilicet obiectum percipiendū.



di per species & formas absque materia : referam eodem iure non esse plures sensus specie distinctos in homine, sed vnum solum, quia functiones omnes sensus conueniunt in hoc, quod per species materiata obiectum sensibile percipitur. Deinde dici posset intellectum & voluntatem esse vnam duntaxat facultatem, quia conueniunt in hoc quod possunt versari circa suum obiectum etiam absens. Dices fortassis in sensibus colligi distinctionem ex diuersis organis, aliud est enim organum visus, aliud auditus : verum tactus est vna facultas & tamen pluribus organis perficitur. Vt ab his laqueis si expediret Iandunus 2. de anima q. 8. dixit tot esse facultates specie distinctas, quot sunt actus specie diuersi, sed ab omnibus reijcitur hic modus philosophandi, quia sequeretur in materia prima esse facultates actu infinitas in homine infinitos intellectus, & voluntates, in animalibus tot videndi facultates, quot sunt visiones specie distinctæ. Duæ tamen afferri possunt regulæ, licet non omnino certæ ad assignandum cuiuscunque facultatis proprium obiectum. Prima est quod cum aliquis priuatus vno actu priuatus etiam alijs propter idem impedimentum, debemus dicere omnes illos actus ad vnam facultatem pertinere, & proinde obiecta omnium illorum actuum efficere vnum obiectum, vt quia constat illum qui colorem vnum non percipit, nullum planè percipere, hinc inferimus omnes visiones ab vna facultate profluxisse, & omnia visibilia constituere vnum obiectum. Contra verò quoniam ille qui nullum percipit colorem, percipit adhuc sonum, rectè concludimus sonum, & colorem pertinere ad diuersas facultates. Hæc regula patitur suas difficultates; nam aliqui semper, aut sæpe delirant circa vnum obiectum, non circa aliud, & tamen est vna facultas intellectus. Altera regula est, facultates eas distingui, quæ vtuntur diuersis organis, atque ita non est generalis, sed neque videtur certa, propter difficultatem de tactu qui pluribus vtitur organis. Res igitur est perdifficilis, in qua exigendæ non sunt accuratæ demonstrationes. **A R I S T.** Omnino debetis cum Ianduno admittere tot facultates, quot sunt actus specie diuersi; nam si plures actus specie distincti possunt oriri ab eadem facultate, cur non ab eadem anima, quæ sit ipsa facultas, & virtus multiplex? Neque iam valebit ratio, quæ probabas animam indigere varijs facultatibus, quibus ad varias functiones determinetur, dicit enim Iandunus facultatem ad actus specie diuersos non minus esse determinandam. Expeditissima ratio videtur reiectis qualitatibus inanibus impedimentis a substantia distinctis, dicere facultates non distinguui ab organis ipsis animatis, quæ vt sunt diuersa, ita functiones diuersas edunt. His quidem non acquiescet eorum fastus, qui vniuersam rationem, qua anima agit & patitur, hoc ipso se callere putant, quod facultatum nomina tenent. Sed quam id vanum sit, ac futile, videbimus ex ipsarum diuisione, de qua grauis est philosophos inter, & medicos disceptatio inde profecta, quod autumant alii esse facultatem, aliud organum animatum. Quæ mens, obsecro, fuit Aristotelis statuentis animarum tria genera, quatuor viuentium, & quinque facultatum? cur non plura, vel pauciora?

*De diuisione facultatum.* **C H A R.** Consilium Aristotelis fuit enumerare solum facultates, quæ manifestè separantur a se inuicem, non autem tradere exactam omnium parti-



ionem: sic enim habet tex. 27. huius libri. Potentiarum autem animæ quæ  
 liætæ sunt, alijs quidem insunt omnes, alijs verò quædam, quibusdam vna  
 ola. Deinde subdit: Potentias autem diximus, vegetatiuum, sensitium,  
 appetitiuum, loco motiuum, cogitatiuum. Vbi, vt vides, indicat hanc di-  
 uisionem non esse aliam ab ea, quam prius tradiderat tex. 18. vbi dixerat ani-  
 mam definitam esse vegetatiuo, sensitiuo, cogitatiuo, & motu. Ratio au-  
 tem cur tex. 27. recensuerit appetitum, quem tex. 18. omiserat, cum genera-  
 tiorum numeraret, fuit vt ostenderet appetitum quidem esse faculta-  
 tem distinctam, non autem animam, vt volebat Plato. Quod verò illæ om-  
 nes inter se distinguantur, ex eorum varijs organis, obiectis, & functioni-  
 bus satis patet. **A R I S T.** Hanc diuisionem attulit Aristoteles valde  
 oscitanter, in qua nec omnes medias species, nec infimas enumerauit, non  
 medias, quia facultas sentiendi, & cogitandi reuocari potuit ad vim cogno-  
 scendi, non infimas, quoniam naturalis continet sub se altricem, auatricem,  
 procreatricem: similiter sentiens diuiditur in multas species. Medici cum  
 Platone commodius partiuntur facultates in naturalem, vitalem, & anima-  
 lem, quarum prima sedem habens in iecore per venas funditur, altera in cor-  
 de per arterias, tertia in cerebro per nervos, quod non impedit quominus  
 principatus inter membra cordi tribuatur, tanquam caloris hoc est vitæ to-  
 tius fonti: & sic habendum est, vt anima fusa per corpus tot diuersas efficiat  
 potestates, quot organa varia constituit, sed illæ ab Aristotele ad quinque  
 species, a medicis verò ad tres reuocantur. **C H A R.** Aristotelis partiti-  
 o minus vitiosa est, siquidem vnum membrum non includit aliud. Si quis di-  
 cat vim sentiendi, appetendi, loco mouendi, & cogitandi referri potuisse ad  
 animalem, atque ita relinqui tres facultates, naturalem, vitalem, & ani-  
 malem, dicat idem relinqui duas tantum, nempe naturalem & animalem,  
 siquidem vitalis continetur sub naturali, propterea Aristoteles eam nunc al-  
 tricem vocat, nunc vitalem, nunc naturalem. Rationem petere oportet ab  
 Auerroe, quod nimirum sicut virtus altrix alimentum crassius attrahit, &  
 expellit superuacanea, ita facultas vitalis, cum dilatantur cor & arteria, du-  
 cit alimentum aereum, deinde extrudit fuligines, vt sic non minus nutrian-  
 tur spiritus, quam partes solidæ, iuxta Galenum qui ait pulsu & respiratio-  
 ne ignem & aerem reparari in animalibus, vt terram cibo, & aquam potu:  
 quare virtus illa vitalis, qua cor ad basim se retrahens, & arteria pulsant eo-  
 dem tempore, videtur esse species altricis. Neque obstat quod a Diuo Tho-  
 ma lib. de motu cordis, id fieri dicitur non ab vlla ex quinque facultatibus,  
 sed ab anima sola, vt coeli conuersio a sua forma, proptereaque comparatur  
 motui coelesti; hoc enim dictum videtur tantum ad accommodandam ho-  
 minis cum mundo comparisonem. Caterum cum anima sit forma, non po-  
 test proximè mouere corpus, vt nauta nauem. Quod si tam coeli, quam ani-  
 malis sit forma informans & principium proximum motus, sicut anima  
 absque facultate efficit se sola motum cordis, ita & omnes alios nempe nu-  
 tritionem, sensum, motum ad locum, & appetitum, nec vlla opus est quali-  
 tate quæ sit animæ potestas, vt ipse voluit. Sed neque placet opinio Ludo-  
 uici Mercati referentis pulsationem cordis, & arteriarum ad potestatem



- sentientem, etenim pulsus non est propter sensum, sed ducendi spiritus gratia, quare citra pulsationem sensus in multis reperitur: Dices etiam vim altricem, ad quam monui vitalem pertinere, reperiri sine pulsu, ut videre licet in plantis: at saltem quibus inest vitalis facultas, ea est propter haustus spirabilis alimenti, non propter sensum, unde planum fit ad naturalem spectari potius quam ad sentientem. Ad animale autem reduci nequit, propterea quod istius motio ad arbitrium interquiescit, cordis verò & arteriarum pulsus non subijcitur arbitrio, sed assiduitate perpetua continuatur. Causam verò huius agitationis non interruptæ cum Aristoteles retulit in refrigerationis necessitatem, finem potius aliquem indicare voluit, quam veram causam efficientem, scilicet vim animæ in corde don inanis vitalem simul, & naturalem, ut pote spirituum procreatricem atque altricem; ut alibi docet.
- A R I S T.** Nemo mentem antiquorum propius assecutus est quam Diuus Thomas, cum dixit animam nullius facultatis interuentu, sed seipsa ciere cordis & arteriarum motionem, hoc vnum, ut obseruasti, conuenienter dicendum erat, ceteras facultates nihil aliud esse, quam ipsum organum animatum. Id certè minus arduum capto videtur, quam cœlos moueri a propria forma, ut Peripatetici complures asserunt. Sic enim debemus animo informare substantiam cordis & arteriarum, tanquam corpus a què aptum per se ad spiritum aereum accipiendum, reddendumque motu proprio, ac cœlum ipsum ad diurnam conuersionem. Vno motu pulsanr cor & arteriæ, quemadmodum apponenti manum vnâ thoraci, & alteram carpo facile constat, inquit Galenus in Erasistratum, quem secutus Auicenna docuit motum cordis & arteriarum esse contrarium, ita ut illo concidente illa attollerentur, & sublato deprimerentur. Hinc variæ inter medicos contentiones, quas dirimunt Guilielmus Harueius, & Ioannes Vualaus ostendendo pulsus cordis, & arteriarum fieri simul non in diastole, sed in systole, qua cordis apex ad basim reuocatur proprijs fibris: quare ab Hippocrate lib. de Corde, vocatur musculus. Manus igitur admota pectori tenit cordis contractilatus sublatum, quo feritur pectus in systole, tum quoque sanguis emittitur a corde per arteriam magnam, simul fuligines expelluntur, dilatantur, & pulsanr arteriæ, ut oculis, & tactui conspicuum est nudato corde & arteria magna, qua etiam resecta videtur exire sanguis tantum in systole, uti & resecto cordis apice. Quam obrem reprehendi non debet Erasistratus, & eius asseclæ, nisi dixerint cordis & arteriarum pulsus non fieri eodem tempore.
- N.B.** An verò principium motus sit in toto corde, iidem docent cordis aures primum formari, priusquam reliquum appareat, & motum præstet, præcipuè dexteram, cuius tanta vis est, ut sola centies interdum pulset, alijs partibus immotis, quæ tamen deinde motum recuperant. In multis autem frigidis animalibus, quæ per hyemem sub terra latent, cor enim non moueri cessat, ut in exsanguibus, cochleis, limacibus, conchis, gananis, atque etiam vespis, & crabronibus, nam & in istis ope microscopij cor deprehenditur prope caudam, licet alio modo conformatum, nempe pulsans vesicula quadam instar puncti rubri, vel albi: in animalibus verè naturalibus, ut piscibus, serpentibus, laceris, testudinibus, ranis, & alijs id genus, cordi vesicula pro-




ture, & ventriculus vnus concessus est. Ex quibus patet irrequerum dici  
cordis motum, non quòd non hæreat aliquando, sed quòd sublati quibus-  
dam impedimentis, vt frigore, vel humore noxio, exluscitur de integro, *N*  
donec igneus ille spiritus, in quo consistit vita, dissipatur, & eius ad motum  
vitalem habilitas ita destruitur, vt amplius redire non possit. Porro sicut  
organum illud seipso habile est ad ciendum pulsum, ita septum transversum  
non indiget vllius distinctæ facultatis adminiculo, verum ad aeris aspiratio- *N*  
nem, qua animal sustinetur, deorsum vergit, intenditurque, in expiratione  
verò sursum contrahitur, vt in apertis animalium pectoribus videri potest.  
Idem sentiendum est de thorace cuius motionem sequitur pulmo tam na-  
turaliter, quam ossa musculos, vt aiunt medici, qui cum negant moue-  
ri virtute propria contra Auerroem. Denique consentaneum est cæteris  
organis animatis in quibus aliquem motum peculiarem obseruamus, hoc  
concedere, vt facultate ab ijs distincta non sit opus; siue tres eas dicamus  
cum medicis, siue quinque cum Aristotele: quod vt luculentius demonstre-  
tur, consideremus singulas animæ partes.

## De anima naturali, seu vegetante.

### C I R C V L V S S E X T V S.

#### CHARILAVS. ARISTÆVS.

 **H A R.** Anima quæ prima dicitur, & naturalis, quoniam in viuens  
tribus fundamentum est totius naturæ, non constituit plantam, sed  
viuens, vt iam notauimus: nam ad quercum requiritur præter animam  
naturalem anima quercus, ad equum, vel hominem præter natura-  
lem, & sentientem anima equi, vel hominis, siue ea sit mens, siue phantasia  
secundum Aristotelem. Illa tribus facultatibus vires suas expromit, & ex-  
luscitat, altrice nimirum, auctrice, & procreatrice. Quoniam autem, inquit  
Aristoteles tex. 49 ex fine appellare omnia iustum est, finis autem est genera-  
re quale quicque est, erit vtrique prima anima qua viuens potest generare sibi  
simile. Scimus quidem esse species viventium, quæ non generant, & tamen  
habent animam naturalem; ad quam dubitationem, missa eorum responsio-  
ne qui dicunt ijs omnibus inesse potestatem gerendi, sed prædicit in va-  
ijs impedimentis, puto sic esse accipiendam definitionem, vt anima natura-  
lis sit ea, qua simile procreatur, non tantum integrum, sed etiam secundum  
partes; In hoc enim differt anima naturalis a formis inanimatarum, quòd  
beneficio alimenti in semen conuersi procreare potest aliud viuens priori si-  
mile, vel saltem per alimentum intra se receptum potest conseruare idem nu-  
mero viuens, ipsum producendo, non quidem absolute, sed partes duntaxat, *N*  
per agglutinationem nutrimenti. Huius animæ est lacerare partes viventis  
quoad



quoad eius fieri potest, ita vt in animantibus vbi vlcera caua replentur carne, non modo carnem, sed etiam nouas venulas, arterias, & neruos procreet. Hanc definitionem Aristotelis sic intelligendam esse docet contextus 34. vbi cum dixisset nihil esse magis naturale viuentibus, quam generare sibi simile vt animali animal, & plantæ plantam, excipit tria genera viuentium imperfecta, vt sunt pueri, mutilata, vt eunuchi, & sponte genita vt pleraque conchyliorum, & quæcunque ex putri suscitantur: prima igitur anima procreatrix est ratione feminis, & alimenti. Verba tamen Aristotelis ita sunt audienda, vt præcipuum munus illius animæ saltem in perfectis viuentibus sit progenerare aliud viuens integrum priori simile, si fieri potest, vt participet æternitatem, quam omnia appetunt, & agunt illius causâ naturaliter, vti quoniam nihil caducum permanet semper idem numero, species saltem si immortalis. Quare hoc etiam homini naturale est vt quàm maximè, putat, quatenus anima naturali informatur, nam vt rationis est particeps, eius proprium opus 1. Ethic. est contemplatio. Cum autem dicimus procreationem sui similis esse præcipuum opus animæ naturalis, obseruandum est hoc fieri decidendo aliquid de propria substantia viuentis, quod enim etiam res inanimata, vt ignis ignem generet, & aer aerem, est alius modus, de quo egimus in lib. de Gener. nimirum ex materia sibi externa. Sic habemus absolutam primæ animæ definitionem. **ARIST.** Quanquam in triplici illa animæ partitione non consentiunt veteres, apud quos animarum sicut & mundorum species sunt infinitæ, si tamen omnes possunt ad hæc tria genera reuocari, non definiunt primam animam id quo viuens generat sibi simile, propterea quod vis feminis conficiendi non minus conuenit animæ sentienti, quàm naturali, vt iam sæpius declaratum est, atque iterum ostendi poterit, vbi agitur de vi procreatrice. Dicent potius animam naturalem esse eam qua res sensus expertes viuunt alimento intus suscepto, augescunt, & generant sibi similes, eo tamen modo quo ipsi explicant: atque ita non per vnâ, sed per tres facultates, præcipuè altricem omnium minimè separabilem, essentiam primæ animæ declarabunt. De singulis ergo nunc differamus. **CHARR.** Tres illius animæ facultates sunt altrix, auctrix, & procreatrix inter se distinctæ: nam cum ad gestionem suorum munerum viuens indigeat calore quo humidum paulatim absumitur, opus fuit vi quadam altrice, vt per immutationem alimenti id quod deperditum est instauraretur. Quoniam vero deterius euadit corpus & siccius, tandemque deficit ob reciprocam actionem alimenti; idcirco viuentis conseruationi consulendum fuit alia via, scilicet per generationem, qua viuens non iam per partes, instar veteris instrumenti resarciatur, sed nouum planè, & a veteri omnino separatum, ad quod opus fuit vi procreatrice. Sed quia viuens principio sui ortus debuit esse valde pusillum, vtpote ex substantia decisa profeminatum, auctricem habuisse potestatem, vt incrementum capefferet partium omnium porrectione, & prolatione quoquouersum, obtinens semper integram formæ suæ absolutiorem. Has autem facultates esse distinctas satis patet ex diuersis earum functionibus, & instrumentis: nam virtus procreatrix occupatur in elaboranda semine, tribuendo illi vim conformatricem, & certis vtendo instrumentis

*De facultate altrice, auctrice, & procreatrice.*



altrix verò funditur per totum corpus & alimentum ipsi agglutinare atque assimilare admittitur: altrix denique partes solidas, dum sequacem aliquam habent teneritatem, secundum triplicem dimensionem profert, ac porrigit quoquouersum. Neque modò palam est eas dissidere plurimum operibus, & instrumentis, sed etiam quòd vna ex ijs impedita, vel abolita, aliæ nihilominus ad suum opus exsuscitantur. Cùm virtus altrix in adolescentibus alimenti defectu, vel morbi diuturni tentatione non apponit tantum alimenti; quantum assiduo fluore dissipatur, tamen interdum facultas altrix eo tempore quo propriæ substantiæ fit decessio, partes solidas corporis macie retorridi fundit in miram proceritatem, vnde constat præter virtutem, qua in multis nutritio fit appulsu plenioris, atque vberioris alimenti citra vllam accretionem, dari vim aliam auctricem, quæ corpus adhuc tenerum, & sequax in ampliorem molem proferat, ac diducat. Ita facultas procreatrix quæ in senibus exolescit, in pueris nondum apparet, in quibusdam viuentibus nunquam cernitur, & si corpus vberimè saginatur, atque augetur, luculenter demonstrat quantum a duabus alijs dissideat. Quòd autem tres istæ facultates eadem appellatione designentur, atque anima naturalis, quam ostendimus ab ijs dissidere, id certè nominum inopiæ tribuendum est, vnde fit vt & illæ dicantur naturales, quoniam insident ab initio naturæ seminis. Tribus his facultatibus accedunt auxiliariæ quatuor, & administræ, scilicet attrahens, continens, concoquens, & expellens, non quòd facultatum sint facultates, omnes etenim sunt animæ, sed quòd ab anima sic emanant quatuor istæ vt adminiculentur tribus præcipuis, functionumque sociæ sint atque consortes. Imprimis necessaria fuit attrahrix, quæ alimenti benignitatem prolectaret, & tam sursum, quàm deorsum alliceret id quod cuique parti familiare est, ac conueniens: illud autem non finit elabi virtus continens, donec concoctricis ope penitus immutatum partim cedit in nutrimentum, partim ab expultrice deturbatur. Ad gestionem multiplicis huius officij dati sunt a natura villi diuersi, ceu staminum textus, recti quidem ad attractionem, obliqui ad retentionem, transversi ad expulsionem, quod de publicis naturalium instrumentorum muneribus intelligendum est, puta gulæ, ventriculi, intestinorum, vteri, vesicæ, atque venarum, dum quidpiam attrahendum obuenit, aut profligandum, at singulæ partes dum sibi consulunt alimentum proliciendo, aut superuacanea depellendo, villorum operam non adhibent vt prius, sed vt tecum loquar, id præstare videntur sola substantiarum conuenientia, vel dissidio. Frustra hîc aliqui facultatem aliam admittunt secernentem ac separantem, cuius officium sit salutaria a pestiferis discriminare. Præstat hoc abundanter vis attrahendi, quæ dum allectat ea quæ sibi iucunda sunt, & amica, excernit inutilia, atque expultrici relinquit exturbanda. Multò minus approbanda est vis appetendi quædam a Platone concessa stirpibus, quas animantes interdum vocat, quasi sensu aliquo incitata suauia ab iniucundis internoscerent, ac discernent, salutarium voluptate perfunderentur, dolorem ex noxijs contraherent. Ad hæc omnia sufficit appetitus ille naturalis, quem Aristoteles tribuit corporibus cunctis naturalibus vt citra vllam sensus excitantis cognitionem, ferantur

in id quod sibi familiare est, & iucundum, grauiā & leuiā ad suum locum frutices ad alimentum sibi amicum & salutare. A R I S T. Quam faci-  
 reijcis potestatem illam secernentem, agnoscisque tam res inanimas, quā  
 viuentes substantiā similitudine, vel discrepantiā eas allicere, quā sunt si  
 suauēs, contra vero exigere, ac depellere dissidentes, atque ad opus tam m-  
 rabile perficiendum fateris ipsas non vti villis rectis, transuersis, obliqui-  
 sed solo naturarum consensu, vel dissidio: an non potes eodem modo rei-  
 ctis tot facultatum impedimentis potius, quā subsidijs ab animā substa-  
 tia diuersis, dicere virtutes illas omnes ab organis animatis appellatione  
 tantū discludi, sicut docet antiquior philosophia? Illa vim agnoscit  
 viuentibus, qua alantur, augeant, progredient, attrahant, retineant  
 concoquant, expellant, sed negat esse formas adiunctas animā, vel corp-  
 ri, cū vtrūque coniunctum sit per se potens ad hoc munus. Ita prim-  
 substantia quercus statim atque sui fusione, ac permissione cum alijs o-  
 portunis effecit illam seminis particulam mirabilem, quā est in glande, h-  
 ipso constituit rem animatam, & per se habilem, vt in loco conuenienti li-  
 gat alimenti benignitatem, eo reficiatur, conformeturque distinctius par-  
 latim fruticando, trahat, retineat, digerat, extrudat, ac tandem vbi pe-  
 uenit ad iustam molem, minimē sequaci partium siccitate, ac robore se-  
 sim inolito consistat absque incrementi prolatione. Inde postquam sibi r-  
 bur, firmitatemque conciliauit, cum vi primā illius substantiā materi-  
 in ampliorem molem fundi non possit, abundantis eiusdem substantiā n-  
 cessitate conformatur aliud semen, glandis mollitudine comprehensum, v-  
 de tenerum germen trahat primum alimentum, atque diutius conseruetur.  
 Quoniam igitur viuens hāc omnia praeſtare potest, dicitur habere tot fa-  
 cultates, quā reuera nihil sunt aliud, quā ipsum varijs muneribus defu-

gi posse, ita vt inibi sit potestas, vbi reperitur organum potens. Altrix

est potestas quando partes alit & nutritur, eadem est auctrix

quando procurat incrementum, & procreatrix cū semen

efficit, atque elaborat: eadem attrahit substantiam sibi

familiarem, retinet, concoquit, discrepantem aliam

expellit. At vos inutiliter tot facultates reip-

sa discluditis tam inter se, quā ab ani-

ma: nam vis alendi, atque auge-

scendi est partium effectrix,

& ratione tantū, ac

nominis ap-

PELLA-

tionem distinguere debet a procreatrice, vt-

pote quā totius & partium est effi-

ciens, vt fateberis, declarando

quid sit nutritio, ac-

cretio, & pro-

creatio.



## De nutritione.

## CIRCULVS SEPTIMVS.

CHARILAVS. ARISTÆVS.



**H**A R. Quandoquidem vocamur nunc ad functiones, quæ suis facultatibus cohærent indissolubili connexionem, a nutritione auspicandum est, & iuxta tex. 74. lib. 1. de hac & alijs inuestigandum an rectè ex doctrina veterum colligi possint. Ea rectè definitur a Galeno lib. 1. natur. facult. c. 8. Assimilatio eius, quod nutrit, id est actio, qua alimentum assimilatur rei quæ nutritur. Alimentum autem ex Auerroë est id quod attractum a viuenti instaurat ipsius partes deperditas: ac primum requiritur vt sit mistum; rationem affert Aristoteles, quod iisdem nutrimur quibus constamus. Deinde oportet vt viuenti dissimile sit aliquo modo, ad hoc vt ei assimiletur, & rursus alio modo sit ei simile, scilicet vt constet materia eiusdem rationis, nec multum dissideat ab ipsius temperamento, alioqui non magis quam lapides, & metalla calore naturali mitigaretur. Porro alimenti in substantiam viuentis conuersionem non vna mutatio antecedit tam in plantis, quam animantibus. In plantis quidem minori opus est præparatione, statim enim atque vi attractrice prolicitura radicibus, distribuitur vsquequaque, & citra aliam concoctionem, quam qua fit in singulis partibus, assimilatur. In animantibus verò præter motum attractionis, quocibus in os ingeritur, demittitur in ventriculum, ibi concoquitur, donec sit conuersum in chylum substantiam albam, liquidam, & tenacem instar pulvis, aut cremoris ptisanæ, quæ detrusa ad intestinorum flexuosas circuitiones trahitur ad portas iecoris, non mesaraicis, vt credidit tota antiquitas, sed venis quibusdam minutissimis, quas neoterici lacteas vocant, eo quod incisæ reddunt succum lacteum. Illæ per mesenterium dispersæ quamplurimos immittunt ramos in pancreas, & inde ad hepar, alios etiam in mammæ foeminarum ad lac ex simili materia generandum. Per eas obseruatus est fieri motus chyli perpetuus ad hepar, ita vt compressæ digito inaniantur ex parte iecoris, at versus intestina, vnde chylus prouenit, intumescant, sublatoque digito rursus impleantur. Medicis quidem in hepate verus est sanguis Peripateticis autem nondum est sanguis, sed ichor, seu mistura quædam rubra, ex qua secernuntur quatuor humores, & in suum quisque locum amandatur: flaua bilis ad vesiculam, humor melancholicus ad lienem, quod reliquum est succi purioris fertur ad cor vt elaborationem accipiat sanguinis & perfectam absolutionem, inde per arteriam Aortam in venas & rursus ad cor motu in orbem. Iam verò a pertenuium venarum osculis, atque meatibus exsudans sanguis in substantiam quandam vertitur rori non absimilem,

tandemque parti apponitur, agglutinatur, assimilatur. Atque in hac vltima assimilatione consistit nutritio, reliqua enim videntur tantum præparationes. Quis ad hæc omnia diuersa opera non dicat opus esse diuersis quatuor ijs facultatibus quas administras & auxilias appellauimus, altricemque re ipsa distingui ab auatrice & procreatrice, quarum alias omnino functiones esse dicemus? A R I S T. Videmini vobis opinor luculenter philosophari, cum in ventriculo, iecore, & corde præter substantiam istarum partium fingitis famulas quasdam cura ancillari laborem exantlare in trahendo, coquendo, agglutinando, assimilando: quasi verò partes alimentum attraherent velut aliquid obluētans, ac renitens. Veteres docent non minus appetentia ferri alimentum, vt se adiungat partibus viuētis, quam attrahatur ab ipso viuente, & communi consensu vtriusque fieri coniunctionem, proinde non aliam in vtroque facultatem debere statui, quam ipsorum naturam facili inter se conuenientem. Hinc multa substantiæ tenuioris, vt vinum album citissimam habent distributionem in totum corpus. Venerunt quoque & complura medicamenta citò permeant, propterea quòd vt obsequiaui de permissione, ac concoctione, & si discordiam, atque odium insitum exercent cum animante, quatenus animans est, consensum tamen habent occultum cum quibusdam eius partibus ad aliam permissionem efficiendam vitæ functionibus aduersantem & pestiferam. Hinc medicorum consensus firmatum est certis medicamentis certos humores prolektari, quæ protectio necessum est fundi prius toto corpore, vt simul iuncta ab alijs partibus quibus officiunt, deturbentur. Iam de chylosi, seu concoctione quæ perficitur in ventriculo, quas ineptias audio, eius opificem esse calorem solum ministrum facultatis concoctricis. Imprimis non esse calorem solum ibidem ostendi auium exemplo, quæ res conceptas stomacho vel ipsis flammis indomitæ, exterunt penitus & emolliunt, gallinæ arenas, ferrum struthiocamelus, quæ si quis inficiatur, videat quas radices, quas stirpes conficiant, ac egerant aliæ animantes, fateaturque quòd feruentibus aquis subigi nequit multò minus posse ventriculi calore solo mitigari. Hic verò nobis obtrudere facultatem videtur potius asyllum ignorantia cuiusdam arrogantis quam ingenuæ philosophiæ, quippe dum ait a facultate fieri concoctionem nihil aliud docet, quam fieri coctionem, propterea quòd fieri potest. Quia nulla est alia facultas ventriculi, præter substantiæ totius proprietatem, cuius substantiæ numero calor quidem reponendus est, sed tamen solus nihil istiusmodi moliretur; argumento est, quòd & si remissus admodum existat & debilis in frigidis animantibus, ea nihilominus digerit, quæ magno calore vinci non possent. Talibus naturis coagmentatus est ventriculus, vt cum inanēs sunt eius sinus interiores qui alimenti benignitate perfundi gaudent molesta conuellantur, & distrahantur agitatione, irritenturque magis magis portione illa humoris melancholici subaciduli, qui in os ipsius illabatur. In hac motione consistit fames animalis, seu appetentia non cuiuscunque humidi & sicci, sed alimentarij, quòd indigentia ventriculi respondet ad sedandam importunitatem illius morus: atque vbi ille tantum cibi comprehendit, quantum satis est ad recessus omnes inferciendos, primam agitionis



ionis molestia interquiescit, dum infuccatus humore sibi perfamiliari in il-  
 um vicissim fundit portionem suæ substantiæ sanè multiplicis, sicut in coi-  
 tu medici semen vtrique resolui dicunt, qua permissione alimentum cate-  
 roquin prædurum & indomitum mitigatur, & appetitu naturali nouæ con-  
 sociationis in sua primordia sponte dissoluitur, non calore solo perfusum &  
 forum insulsæ facultatis incubatione, sed mutuo consensu tum ipsius ali-  
 menti, tum substantiæ transfusæ a ventriculo. Ita quibusdam aquis salis  
 ammoniaci, vel chalcanti metalla soluuntur vltro, non tam acrimonia salis  
 distrahentis partes a partibus, quàm naturarum ad nouam missionem fa-  
 ciendam consensione, cuius rei afferebam hoc indicium, quòd si spiritus ille  
 est acrior, quàm par sit, non soluit metallum, at aqua dulci factus tempera-  
 tior, hoc est naturæ metalli magis conueniens, statim dissoluit, & sicut ip-  
 sum penitus subit, ita ab eo permeatur. Inter portiones autem substantiæ,  
 quæ a ventriculo in alimentum effunduntur, referri possunt tenues fibræ, quæ  
 primùm a stomachi membranis in chylum dispersæ, mox in sanguinem tra-  
 ductæ efficiunt vt ille extra venas coalescat, etiam ceruinus, quem dum Ari-  
 stoteles negat concreescere, intelligendum est non cogi tam faciliè, quàm alius  
 sanguis coalescit. Manat præterea aliquid a venis nobis incognitum, quod  
 dum earum ambitu sanguis concipitur, prohibet eius concretionem, etiam  
 post mortem in cadaueribus iam perfrigidis, ne quis hoc calori ferat acce-  
 ptum; quòd verò coralliorum instar aliquando repertus est concretus in ve-  
 nis ipsis, hoc meritò Fernelius ascribit morbo occulto. At in viuentibus  
 vbi iam per venarum meatus in capacitates proximas allapsus sanguis hoc  
 præsidio destituitur, ob eas fibras cogitur faciliè & partibus agglutinatur.  
 Cæterum & si dixerim famem animalem sedari, dum ventriculus grato sibi  
 humore exhaustus eum reparat chyli affluentia, non tamen dixi famem eius  
 naturalem, seu alimenti proprii indigentiam sedari chylo, sed sanguine, quo  
 maximè constat ipsum nutriri, dum foetus vtero comprehenditur. Postquam  
 autem cibi suauitate potius quàm nutrimento expletus conquiescit chylum  
 iam sibi grauem & inutilem laxato pyloro deturbat ad intestina, vnde  
 quemadmodum dixisti, fertur ad iecur. Atque hìc citra opem alterius facul-  
 tatis, quàm totius substantiæ, qua constat iecur, chylus eò rursus influens  
 visceris illius contagione combibit aliquid, vnde vel sanguis, vel sanguinis  
 rudimentum dicitur. Hoc certè perficere non potest solus calor, curenim  
 album in stomacho redderet, in iecore rubrum, nisi transfusa substantia  
 quadam visceris vtriusque, quod similiter habendum est de lacte in mammis,  
 de semine in testibus, & alijs omnibus, vbi concoctio compleri dicitur. In  
 primis coctionibus inchoatis tantùm & imperfectis pars concoquens ali-  
 quid immittit suæ substantiæ in alimentum, vnde quodammodo fit ei simile,  
 post multas autem præparationes, cum iam ad partem nutriendam euasit per  
 angustias meatuū nihil in ipsam illabatur, nisi quod est eiusdem substantiæ, ac  
 propterea statim agglutinatione perfecta coniungitur, nec aliud quidquam  
 est assimilatio, siue nutritio. Fingitis a parte nutrita formam eiusdem sub-  
 stantiæ introduci debere in alimentum. Veteres putant singulas substantias  
 simplices esse æternas, nec earum formas mutari posse, proinde in alimento



permittas, & sibi arctius adhaerentes, prima concoctione acquirere, ut soluta ab eo nexu & redditæ quodammodo suo iuri, trahi ac tendere possint quoquoersum; secunda concoctione defæcari magis, ac præparari, ut nutritionis impedimenta remoueantur, & ad singulas partes alimentum affluat abundantius. Est itaque, ut aiebat Anaxagoras in pane, caro, os, neruus, sed opus est multiplici præparatione, ut hæc ab alijs substantijs separentur & eiusdem naturæ partibus conuenienter adiungantur. Quomodo autem feratur alimentum an singulas partes viuientis, mirum est Peripateticos cogi veteribus assentiri vel inuitos. Certè Alexander fatetur id fieri per amicitiam, & Auerroes perinde ferri atque elementa ad suum locum, & ferrum ad magnetem, ob similitudinem qualitatis, quæ inest tam parti, quàm alimento, cuius propterea motus est naturalis, quoniam ab interno principio deriuatur, siue illud sursum tendat, siue deorsum, quippe maior est vis amicitia qua peruidit ad partes quoquoersum, quàm grauitatis ad terram deprimentis. Scio Ludonicum Buccaferreum & alios dicere motum illum facultati quidem a qua fit esse naturalem, ipsi verò alimento præter naturam, ut pote graui, & per villos attracto vi quadam in omnes partes. Sed iam eorum opinionem refellisti dicendo gulam, ventriculum, intestina, venas, vterum, vesicam prædita esse villis rectis, obliquis, & transuersis ad attrahendum, retinendum, & expellendum quantum pertinet ad publica munera huiusmodi instrumentorum, quorum fibræ rectæ dum contrahuntur abductæ spiritu animali, attrahunt pariter & abducunt, transuersæ sua compressione spatium angustius efficiunt, & sic expellunt, obliquæ rectas & transuersas obfirmando materiem conceptam retinent: quod profectò de singularum partium nutritione credendum non est: nam cum & ipsi villi nutriantur, oportet in transuersis inesse rectos ad attrahendum, in rectis transuersos ad expellendum, & sic infinitam staminum textrinam instituere. Deinde si fibræ cognitionis expertes hoc habent natura sua, ut attrahere possint, cur non & alimentum idem habebit ut illuc confluat natura sua? Villorum quidem dispositio multum confert ad alimenti transmissionem, sed sola non sufficit, oportet enim vtrinque existere debitam præparationem, ut pars alimentum non minus appetat, quàm alimentum partem ipsam: quod fit in omnibus quæ se inuicem coniungunt per amicitiam, & si forte eorum alterum mole sua, aut alio impedimento præpediatur, quominus efficiat partem motus ad coniunctionem necessarij, alterum nihilominus se sistit, & motum absoluit, ut cum pars exigua ferri tendit ad crassum magnetem, aut parua magnetis portio ad grande ferrum, nam alioquin vtrunque pari mole & citra motus impedimentum tantundem vix conficit ad mutuam copulationem. At partes viuientis ad alimentum ferri non possunt, nisi forte quatenus aliquid suæ substantiæ tenuioris in ipsum emittunt, qua perfusum, & iam conuenienter præparatum necesse est ut moueatur ad partes tanquam principium, vnde substantia illa tenuis in ipsum influit, sicut de omnibus quæ mouentur per amicitiam sæpe dictum est. Atque in hoc posita sunt omnes facultates a philosophis excogitatae, ut tenuibus corpusculis vltro citroque transmissis ad rerum permissionem deueniatur. Sic intelligimus cur anima



ia quædam ijs uiuant, quæ alijs sunt pestifera, dum omnia appetunt quod si-  
bi familiare est & amicum. Cur aliqui paulatim venenis affluentes, ita na-  
turam eius combiberunt, vt ab illius vsu quotidiano nihil acciperent detri-  
menti. Cur ventriculus prauis quibusdam rebus infectus, prauas appetit,  
& a communi more abhorrentes. Hanc alimenti migrationem explicant ali-  
qui spongiæ vel panis exemplo, qui licet attingat leuiter aliquem liquorem,  
eum tamen altè combibit meatibus planè insuccatis, aut cum tubus vitreus  
angustissimus instar aciculæ prius aqua perfusus admouetur summæ aquæ,  
vino, aut aceto, liquor enim maximè coloris rubri obscurioris conspicitur  
efferri ad duos, aut tres digitos, qua arte sunt auiculæ collo inflexo, quæ vbi  
scypho rostrum admouent, paulatim totum exhauriunt. Inane est dicere in  
illis meatibus vaporem aeris cogi in aquam, quippe idem de vino, & aceto  
dicendum esset. De pane & spongijs probabile est humorem illuc contende-  
re ob naturalem conuenientiam & affinitatem cum illis corporibus, a qui-  
bus vi caloris ignei fuit expulsus, quod etiam tubulo vitreo potest accom-  
modari. Sed doctior videtur responsio ex aeris continua motione ad loca  
præcipuè subterranea, in huiusmodi meatibus iam humidis attolli aquam,  
propterea quòd maiori amicitie impetu contendit aer in alium locum, quam  
ad aquæ superficiem; tantum igitur necesse est aquam attolli, aut aliud hu-  
midum quantum vis aeris recedentis maior est aquæ repugnantia, quæ quia  
in angustissimo canaliculo perexigua est, idcirco multum attollitur, quod in  
amplo tubo non efficeret, nec aeri liceret retrocedere, vt luculentius in me-  
teoris declaratum est. Missis igitur exemplis istis, sententia Alexandri &  
Auerrois quòd alimentum vi non attrahatur, satis patet, vel ex eo quòd nul-  
la particula est, quæ non nutriatur, cum tamen non sint vbique villi directi.  
Sed neque necesse est in animalibus vbique reperiri venarum oscula, quibus  
sanguis effluat ad vicinæ partis nutritionem, nam Aristoteles lib. 2. de ge-  
ner. anim. c. 4. docet per omnes venarum meatus in vicinas partes illabi san-  
guinem, atque combibi. Verum antiqui putant lapsu multiplici & erratico  
siue ex sanguine, siue ex alio quouis alimento in omnia viuentis spatia tan-  
tum influere & proximè agglutinari id quod est eiusdem naturæ ac particu-  
la cui adhærescit, atque ita sanguinem non esse corpus simile, sed semina-  
rium tot substantiarum, quot idoneum est nutriri, vt Anaxagoras aiebat  
de elementis: hinc quoque petendam esse rationem cur elementa vel lapides,  
& alia multa nihil, aut parum nutrire videntur animalia, sed potius stirpes,  
quoniam in ipsis perexiguum est eorum quæ sunt in animali, plus autem il-  
lius substantiæ quæ plantis est familiaris: ac propterea caro commanducata  
præbet vberius alimentum, quam villæ stirpes. E terra succum multiplem  
hauriunt plantæ, aliæ dulcem, aliæ amarum, quem nisi pro sua quæque natu-  
ra prolificere valeant, extrahunt. In illo succo nec sic est colligi multum  
substantiæ illius variæ, qua partes animalis instaurantur, cum planta in ci-  
bum adhibetur, sed plus in fructibus, & seminibus, vnde sumitur plenus  
alimentum, quàm ab herbis: atque vbi depulsis semper superuacaneis, quid-  
quid vtile est alendo corpori peruasit in venas, fit illud sanguinis, vt dixi, se-  
minarium, in quo partium omnium materies continetur, quam liquidus hu-  
mor



mor & sequax facillè deuehit per omnes meatus, eaque iam ad similem substantiam agglutinata, serum & si quid aliud inutile est, quasi vehiculi munere defunctum tandem facessit in vaporem. Hæc cum absque villis attrahentibus satis plana, ac manifesta videantur, consideremus nunc an præter stirpes & animalia sit aliquid aliud quod nutriatur.

## De ijs quæ nutriuntur.

CIRCULVS OCTAVVS.

CHARILAVS. ARISTÆVS.



**H A R.** Aristoteles hîc tex. 46. docet sola viuentia, quæ sunt stirpes, & animalia, nutriri propriè, quia sola susceptum intra se alimentum concoquunt, ac distributum æquabiliter in omnes partes conuertunt in suam substantiam. Insulsè Cardanus lib. 5. de subtil. lapides & metalla viuere dixit, immò, inquit, omnia mista vel viuere, vel vixisse necessarium est, quia nutriuntur. Abutitur nomine nutritionis, eam accipiendo, quæ fit per externam materiæ appositionem, quare debebat etiam dicere ignem nutriri, quando lignis apposis maior euadit.

**A R I S T.** Nutritio triplex est apud veteres, prima fit per externam substantiæ speciè similis appositionem, secunda per internam, tertia utroque modo. Prima conuenit omnibus substantijs simplicibus, quæ quia sibi naturaliter adiunguntur, & adaugescunt, videntur nutriri; conuenit etiam quibusdam mistis, vt lapillis, qui appulsu tantùm materiæ extrinsecus inductæ sensim incrustantur. Altera eorum est quæ propriè viuentia appellatis, sed angustius ea contrahitis ad solas stirpes, & animalia, exclusis non modò lapidibus, atque metallis, sed ijs omnibus quæ veteres hîc & in alijs mundis viuere opinantur, nisi quis velit omnia illa comprehendere nomine stirpium, & animalium. Vltima denique, ne quis modus nutriendi naturæ deesse videatur, competit metallis & lapidibus quamplurimis, atque alijs id genus viuentibus minus perfectis, quibus alimentum apponitur intra & extra: neque propterea dicendum est ea carere vita & nutritione, est enim vitæ potius diuersum genus. Lapidum igitur, metallorum, similiumque mistorum suum est semen, & rudimentum, non minus, quàm stirpium & animalium. Neque est quodd cum Aristotele ea similia esse fingatis, quæ chymici naturæ venatores sagacissimi demonstrant coagmentari multiplici substantiarum, quas separant, concretionem: Sed neque deesse meatus quibus alantur arbitrandum est, ijs enim vsquequaue referta diximus corpora solida. Præcipuè verò cernere licet in lapidibus, ac metallis multiuges venarum ductus, vt qui eos contemplatur in lapidinis suis, ac fodinis miretur produções varias, & ramorum veluti propagines, tum radices latè diffusas, vnde prole-

ctatur



statur alimentum familiare per transitus initio laxiores, deinde paulatim angustiores, quò purius euadit nutrimentum & tandem per tenues, occultos, que nobis meatus permeat halitus. Ac quemadmodum sanguis ad extremas corporis venulas sursum deorsum, non vt aqua per riuulos impetu prolabitur, sed sponte permanat, nec minori appetitu a partibus exhaustis attrahitur, & a iecore atque alijs locis vbi exsuperat, propellitur, sic per angusta lapidum, metallorumque foramina influit substantia quædam alimentaria respondens sanguini, vnde singulæ partes proprijs ductibus hauriunt, quòd suæ naturæ conueniens est, atque iucundum. Hoc alimentum in ipsis terræ visceribus magis conspicuum est ijs qui præcipuas venas scrutantur, inde enim aliquid elabi cernitur, quòd & si sapius obtutum fugit, semper tamen grauis halitus sentitur animalibus inimicus, vt ait Plinius, non præparcè affluens, sed tam abundanter, vt sufficiat ad incrementum. Quòd si alimentum inibi minus conspicitur, quàm in ventriculo, ac venis animalium, meminerit qui hoc exigit a natura non multò magis apparere in stirpibus alimentum a partibus distinctum, quàm in lapidibus & metallis. Si dicat aliquis inesse plantis certas figuras, trunci, ramorum, frondium, florum, fructuum, seminum, in his quoque videre licet hæc omnia, sed diuerso modo, cùm enim nec ipsæ plantæ eadem ratione fruticentur, quid mirum est ea quæ sub terra propagantur aliam nancisci vitæ rationem. Qui argyrodendrum, qui lithoglossum vnquam, qui lapillos innumerabiles varijs figuris conspicuos obseruauerit adnasci quibusdam locis, nihil est cur eos credat minus fuisse vitæ participes, quàm animalium dentes, & ossa. Verùm hoc moratur nonnullos, quòd per tam dura corpora, tamque tenues meatus nec alimento, nec incremento locus esse videatur: quis enim lapidum, ac metallorum moles vastissimas nutrirī credat instar ossium, & auferescere? quæ visatrix indomitam illam duritiem emollire, ac diducere potest? Quid verò est hic admirabile, quod in dentibus animalium non videamus? illi duriores sunt plerisque lapidibus, & metallis; per tenues tamen & cæcos ductus hauriunt alimentum, crescunt secundum quamcunque dimensionem, atque vt nouæ substantiæ recipiant additamentum, necesse est singulas partes tam firmiter sibi compactas discedere, & in ampliorem molem effundi, quod perinde fieret si dens esset monti aqualis. Hoc in ossibus & truncis arborum durissimis non demiramur, cur in metallis & lapidibus videtur portento simile? Illud certè plerosque trahit in errorem, quòd arbitrantur vi alimenti non posse laxari partium soliditatem, sed vehementer hallucinantur, quoniam credunt partes obsistere, cùm potius alimentum pelliciant, & eius aduentu diuarentur, tam naturaliter, quàm familiari substantiæ copulantur. Sic olim dixi magnorum lapidum fieri discessum, vbi *quæ semel in tus Innata est rupto iecore exierit caprificus*, inquit Persius, non graui aliquo nixu plantula herbescentis, sed halitu, quo marmor afflatum compagem vltro dissoluit, quemadmodum terra viam præbet teneris herbis sursum nitentibus, & diuelli sentiuntur ossa pubis in puerperio, sicut aperitur nux pinea, occulto spiritu permissionem efficiente, qua partes aliquæ quantumuis solidæ distrahuntur: quippe diuersa rerum permissio causa est cur alia coniungantur



arctissimè, alia dissoluantur, alia crescant, alia minuantur, non modò in metallis, & lapidibus, sed etiam in alijs mistis perfectis, quæ Cardanus aut viuere dixit, aut vixisse. Cùm autem terra referta sit ijs corporibus quæ nutriuntur, & adaugescunt, eam dixerunt Stoici viuere, nam ei tribuendo altricem animam melius admirabiles eius effectus intelliguntur, vt æstus maris tanquam humoris alimentarij reciprocantis impulsu spiritus varias illuc substantias deferentis, & vbi suo munere defunctus est recedentis, vnde partium concussus interdum sequitur & dissolutio. Præcipuè verò tot rerum in ipsius sinu procreationes arguere videntur principium vitæ, non minus quàm plantæ, & animalia, ita vt Stoicis non sit magnopere succensendum si dixerint terram esse animatam, atque vnā animam tam vastæ moli esse communem, aliam verò propriam singulis partibus specie distinctis, & sic de alijs mundis existimandum. Hanc autem animam terræ nostræ si quis dixerit esse ignem subterraneum toto globo disseminatum & per spiracula quædam exluperantem, forsan aberit vero propius, quàm elementum simplex cum Aristotele confingendo. CHAR. *Χθροβατέϊς* mi Aristæ, non dicam iam *ἀεροβατέϊς* neque enim aerem, sed terram peruadis incitatus quàm ferat duritia tam vastæ molis. An non satis conspicuum est his omnibus procreandis atque alendis corporibus longè præstare formam quam Aristoteles illis attribuit? Verùm sit vt voles, ostendamus modò conuenire nutritionem omni viuenti, quandiu viuit. Hoc testatur Aristoteles 1. de gener. 41. nutritur, inquit, quousque saluum fuerit: quod repetit tex. 47. huius libri. Et de somno & vigilia cap. 1. docet animam altricem non dormire, sed opus suum obire tum maximè cùm animal dormit. Non vita conseruari non potest absque calore & humore, at hunc ille absomit continenter, vt oleum lucerna, ne igitur penitus intercizat, atque eius defectu extinguatur calor, necesse est ipsum alimento instaurari, non quòd nutritio consistens in assimilatione, semper fiat, sed quòd alrix anima vix vnquam cesseret ab omnibus suis functionibus, vt enim perpetuò non assimilat alimentum, ita ferè aliquid molitur attrahendo, concoquendo, vel expellendo ad viuentis conseruationem. Nolim tamen inficiari quædam animalia diu viuere absque cibo, non modo de vrsis & gliribus vt ait Arist. 6. & 8. de hist. aut de aue in Brasilia, quæ sex integros menses rostro ex arbore suspenso ieiuna degit, sed etiam de ipsis hominibus, vt foemina illa, quæ annis 18. a Petro Aponensi vixisse fertur, & alijs compluribus extra fraudis suspicionem. Respondent ferè omnes vim altricem non feriri, sed admodum lentè pituitosum quendam humorem a calore naturali, licet tunc valdè obtuso, præparari, concoqui, ac in substantiam viuentis conuerteri sine sensu, ita vt hoc humore alimentario deficiente, necesse sit animal vel nutriri, vel interire, propterea quod calor breui absumeret totum humorem primigenium. Quamuis ferè semper ita rem se habere non diffiteor, interdum tamen otari potest facultas alrix, cùm scilicet calor æquabiliter diffusus est, atque eundem numerum seruat tam in alimento pituitoso, quod coqui debet, quàm in partibus ipsum concoquentibus. Nam si ille sit retusior quàm oportet ad conco-



ionem, nunquam ita præparabitur alimentum, ut viuenti possit assimilari secundum formam, ut enim ea introducatur, intensiorem exigit gradum caloris, quam tunc sit in viuentem, & alimento. Præterea quoniam similis in simile non datur actio, calor partium nihil molietur in hoc alimentum pituitosum, utpote omnino simile partibus temperamento, quare illud neque qualitate commutabitur, neque accipiet formam viuentis. Quemadmodum autem calor ille nihil absumit alimenti, ita cum sit valde remissus & in humido primigenio quidem, tenaciori tamen effecto, non potest illud attenuare, nec efficere ut auolent partes eius subtiliores, & sic permanente diu calido & humido vita producit; adeo ut si aer esset eiusdem planè temperaturæ, ne quid substantiæ decederet, illa diutissime conseruaretur. Sed vix fieri potest, ut aer ambiens præcipue calidior non absumat paulatim partes quantumvis pituitosas & tenaces, unde illi qui absque cibo permanent paulatim exsiccantur & contabescunt, tandiu verò fortasse viuunt, quoniam & si aer corpus exhaurit, aliquid interim humidi trahunt ab aere, quod eorum contagione fit similiter crassum & tenax. Atque id magis locum habet in animalibus quæ sub terra degunt, ubi aer minus est perflabilis & ab eorum natura parum discrepans, quare & abundantius saginantur verso in adipem humore illo pituitoso. At in alijs animalibus calor naturalis ultra debitum gradum intensus a calore spirituum vitalium qui animati non sunt, existens in humido primigenio, illud attenuat, efficitque ut exhalent partes eius subtiliores, quæ nisi instaurentur, tandem animal intabescit, ad quod exsiccandum non parum conferunt aer ambiens, labores, & vniuersa viuendi ratio. Non sequitur hinc tamen viros calidiores minus longæuos esse foeminis, & otiosos exercitatos: nam calor vegetus multum alimenti conficiendo abunde reparat humidum quod deperditur, ac totius corporis reficit vires, & nisi debilitaretur errore victus, & aliorum quæ temperiem labefactant, cuiusmodi sunt illa sex quæ medici vocant præter naturam viuentia consequi possent aternitatem. A R I S T. Minus laboriosum est antiquis edisserere quomodo multa diu viuant absque alimento. Calor ille vester naturalis cum sit accidens non potest intendi secundum vos, quin humidum eius subiectum tenuius euadat, ac prouide lenius, & sic tandem exhalet, intendi autem necesse est occurratione rerum calidiorum, unde continenter alimento videtur opus. At veteribus calor innatus substantia est ipsius animæ, cuius interdu ea permissio fieri potest cum substantia humidi primigenij, ut eorum occurru quibus in alijs corporibus dissipatur, non exhalet. Mistio est quæ facit substantias magis aut minus cedentes, ac dissipabiles, nec quidquam repugnat calidum cum humido in quibusdam commisceri adeo tenaciter, ut facile non possint separari, quod in permissione metallorum satis ostendi. Atqui oportet interuentu cuiusdam humoris tenacioris & glutinosi oriri permissionem istiusmodi, qua diu citra alimenti suppeditationem, calidior & humidi naturalis nihil decedit: Neque id incredibilius videri debet, quam stannum igni iniectum abire in fumos, at æri inductum, vel simul fustum non exhalare. Inde fit ut interdum, nihil acquiratur substantiæ, nihil deperiat, & sic cesset nutritio, atque omnis alimenti præparatio longo tempore:

- Plus aliquid addunt philosophi vetustiores nimirum sicut inter ea viuentia quæ cognoscimus, vix alitrix aliquando feriat, sic inter alia nobis ignota nulla omnino datur nutritio, sed perfecta statim oriuntur, & huiusmodi partium sortiuntur commistionem, qua nihil dissoluitur, nisi cum occurreret causa ortui suo planè contraria, subita partium secretionem intereunt. Denique alia naturaliter certo tempore nutriuntur, alio minimè, idque modis penitus diuersis ab eo quem hic videmus. Vt enim plantæ capeunt alimentum non alio ore, quàm radicibus, atque ita dispensant, vt nullas eius emitant reliquias, quid vetat hic, vel in alijs mundis animalia reperiri, quæ corpore circumiecto vbi viuunt, & mouentur, alimentum trahant per tenues quosdam meatus, idque distribuunt absque fecibus, vt quidam suspicati sunt de ijs quæ sunt in Luna, non alia ratione ducti, quàm quia naturæ omnipotentis omnia possibilis tribuenda sunt, vt dicebam cum de genijs disputaremus.

*De modo quo viuens manet idem tota vita.* CHARR. Quæ tu viuentia nobis informas soliuaga cogitatione sunt eius generis, vt spectra potius, & larvæ, quàm animalia vera dici possint quibus si vulnus inferatur a Diomede, ichor supprimi nequeat, aut cicatrix obduci subsidio nutrimenti; quo substantiæ deperditæ loco quidpiam accedat. Alia verò quæ cæcis ductibus vndequeque proliciunt alimentum, quicquid aliud sunt quàm spogiæ inanes in medijs aquis nutritæ quibus omisissimis melius tempori consulamus, quærendo de nostris viuentibus quomodo manere dicuntur eadem numero quandiu viuunt, nam 1. de gen. 33. id quod augeatur aut minuitur idem permanet. Tripliciter autem potest aliquid idem dici quod fuit ante, vel quia remanet idem omnino, vt intelligentiæ, vel secundum partem præcipuam, puta animam, vt fit in homine, vel paulatim, & sine sensu, sicut Bucephalus est idem hodie qui fuit heri, quia licet mutatur corpus & anima, id tamen a nobis non percipitur. Quare dicendum est tota vita non remanere viuens idem omnino non modo secundum corpus, sed etiam animam, homine excepto. Nam vt contra Zabarellam & alios dixi supra de sede animæ naturalis & sentientis, illæ educuntur ex materia, ad cuius proinde extensionem, ac diuisionem extensæ sunt, atque diuiduæ, & cum ea pariter adueniunt, receduntque: alioqui si ponamus totam materiam priorem alicuius viuentis esse deperditam, manebit anima tota in materia, ex qua penitus non esteducta, nec proinde ab ea pendet, quod principia physica prorsus evertit, nisi quis fingat illas eiusdem ac animam humanam esse substantiæ, quæ portione corporis recisa, non redit in rugam se retrahendo, sed manens in alijs partibus definit abscissam informare; id verò de naturali & sentiente dici non debet, sed necesse est vel redire in rugam, vel perire. Sed neque potest anima habere in se raritatem & densitatem, qua maiorem, vel minorem locum occupet: vt pars illa animæ quæ inducitur in alimenti portionem, si est eadem quæ erat in alia parte, vel extenditur effecta rarior, vel est tota in hac & illa parte, non minus quàm anima humana: at hoc esse non potest, oportet igitur ipsam produci in alimento, & perire parte ablata, ne dicatur etiam in arbore ramis abscissis totam animam in trunco remanere. Duo tantum Aristotelis loca sunt exponenda, quibus videtur significare tota vita conseruari eandem animam: nam 1. de gen. 36. loquens de accretio-



ne docet augeri viuens secundum quamcunque partem formæ, non autem materiae, propterea quod ista dilabitur, velut aqua in virem effusa, vter enim aqua adueniente fit maior, non verò aqua, quoniam alia alij succedit. Sic forma videtur eadem manere modò maior, modò minor, proinde sola propriè augetur: quod enim capeffit incrementum debet idem manens fieri maius. Hæc tamen ratio dum nititur explanare quomodo viuens idem permanet secundum animam, incidit in difficultates, vt dictum est inextricabiles. Quod ergo ab Aristotele dicitur remanere idem secundum formam potius, quàm materiam respondendum est cum D. Thoma nomine formæ eo loco intelligi speciem, seu figuram, aut formam externam, non autem animam, cum ibi sermo sit de cuiuscunque corporis accretione, quemadmodum ergo si aureus circulus minuatur, vel augeatur, dicitur idem non materia, vel magnitudine, sed figura, ita viuens est idem semper forma externa. Hinc declaratur alter locus eiusdem lib. tex. 41. vbi animam naturalem vocat formam sine materia, non quod velut anima humana sine sui extensione nunc maiorem informet materiam, nunc minorem, sed quod minus pendeat a materia quàm formæ inanimatorum, quorū species externa necessariò sequitur materiam, viuens autem animæ beneficio, absque hac, vel illa materia conseruat vsquequaque speciem externam. A R I S T. Video maximam ambiguitatem apud interpretes Aristotelis, quomodo viuens permaneat idem numero Alexander enim, Philoponus, & Auerroes ad hoc velle videntur vt non tantum permaneat eadem anima, sed etiam pars aliqua materiae primigenia, ne forma videatur tota simul separabilis a materia ex quaeducta est. Zabarella putat & si perpetua successione depereat tota materia, & alia succedat, non sequi tamen animam totam posse subsistere, si tota simul materia subtraheretur, quoniam illa ferre potest materiam paulatim subduci, sed non simul totam renouari, propterea licet in viuente partes aliqua primigeniæ remaneant, non tamen, inquit, hoc necessarium est ad animæ conseruationem, vt fert argumentum quod Alexandro tribuit Auerroes, sed satis est animam sensim transire ab vna in aliam, modo quodam nobis inexplicabili. Non poterat fateri melius indissolubiles esse nodos, quibus hærent illaqueati sectatores Aristotelis. Dicant ingenuè cum antiquis viuentia permanere eo modo quo naus Salaminia perseuerabat. Quid enim potest ex calido & humido quod erat in semine quercus, aut elephanti superesse post tot annos, aut diffundi ad tantam molem, cum neque pars solidior ossis alimento toties intruso permanere posse videatur? Nam & si mortuorum ossa nihil parum mutantur longo tempore, quia tamen in viuente constat ea nutriri, hoc fieri nequit absque partium fluxu, alioqui crescerent infinitè, cumque omnes ferè eodem modo possint interciderè, vix vlla est quæ ad extremam senectutem perseueret. Nihilominus corpora fiunt magis arida ac dura, propterea quod in alimento particulae sunt ad totius corporis nutrimentum valde diuersæ, aliæ molliores, duriores aliæ, & cum vtræque ad corpus coagmentandum pro natura membri agglutinentur, facilius depereunt molliores, vnde longa successione, quanquam & ipsæ quoque duræ labuntur, maior tamen fit molliorum decessio, & amplior prouentus duriorum: ossa igitur & aliæ

partes quæ falsò nobis videntur similes, partim teneris, partim duris natura sua substantijs constant, & prioribus illis maiori proportionem pereuntibus tandem euadunt sicciores, quàm ut alimento perfundi possint. Causa porro cur molliora potius defluant, & sic omnia fiant sicciora, petitur ab ipsa corpusculorum partes intimas subeuntium concursatione, qua aliquic elabi atque auferri necesse est, maximè verò motu caloris secum humidum deferentis alimentarium, & superfluum, atque etiam primigenium. Hac partium molliorum expiratione indurescunt alia magis, ac magis, tam in animalibus, quàm in plantis, donec viuens exsiccatum plus nimio tabescit deficiente consensu mutuo partium, & alimenti. Vos quoque dicitis calorem esse causam istorum omnium, sed nodum soluitis laboriosius, immo implicatis, dum asseritis calorem esse accidens, quomodo enim destruere potest suum subiectum, & seipsum? an ut ignis absorbit oleum? minimè verò, quoniam secundum vos ignis in se conuertit oleum tanquam efficiens extraneum, at calor existens in humido, nisi sit substantia, non potest illud in se conuertere, vel secum auferre. Exspirat, inquis, humidum calore suo attenuatum, atque ita simul decedit calor. Hoc subterfugium est, nam si humidum calore sibi naturali perfusum accedit viuenti, & alijs partibus quodammodo agglutinatur, cur deinde auolat? *An idco venerat, ut abiret?* A spiritibus dicebas nimium incallescere, dic igitur illos esse calorem innatum. Oportet certè non igneos esse, sed ignem ipsum, non calidos, sed calorem, ut cum mouentur, ac dissipantur semper aliquid humidi secum auferant: neque præterea querendus est alius calor innatus, aut anima sentiens, nam ipse spiritus quemadmodum interuentu suo causa est vitæ, sic vltima abscissione, qua nequit amplius reparari, causa est mortis. Multi quidem fateri coguntur calorem innatum esse substantiam, sed illum a spiritibus frustra distinguunt. Præterea siue sit accidens, siue substantia, humidum depasci non potest, & illud in se conuertere, ut ignis oleum: primum enim iam satis exagitata sunt huiusmodi conuersiones lib. 2. de gen. Deinde ijs admissis nulla est ratio cur viuentia semper euadant sicciora ac frigidiora: nam calidum & humidum naturale tam exiguum est initio vitæ ob paruitatem foetus, ut ab alimento aliud atque aliud exprimendum sit, & si quid initio exprimitur, ita toto vitæ decursu fieri debet. Iam verò si plus acquiritur initio, quàm perditur, ubi non deficit alimentum, multo maior fieri debet prouentus calidi & humidi quò plus viuatur, quippe eadem ratione qua alimentum in se conuerterunt, accessione fieri debent robustiora, more cuiusdam deflagrationis, cur igitur principio auctiora euadunt, mox diminuuntur, ac tandem deficient? certè nulla interna aut externa causa sufficiens afferri potest. Venter autem qui motum nutrimenti solo consensu fieri putant, dicunt initio vitæ plus acquiri calidi & humidi quàm deperditur, corpus tamen euadere siccius, quia partes siccae faciliè remanent, molles effluunt; cum igitur viuens acquirendo calidi & humidi maiorem copiam, sicci quoque fiat particeps, istud remanet, & paulatim sic inualefcit, ut tollatur ille consensus, quo perfusio fiebat alimenti, pluribus nimirum quam par sit, siccis partibus corporis habitum occupantibus, ita ut iam minus ac minus calidum & humidum



in alimento existens eò feratur. Ex ea consensione fit vt vis altrix videatur minor in infantia, quàm adoleſcentia, in illa enim non est ea proportio ſicci & humidi, quæ in iſta reperitur ad maximam copiam alimenti prolicien- dam, ſed nimis abundat humidum, donec ſenſim ad iuſtam temperiem deue- niatur, in qua maximè viget augendi virtus, quæ deinde ſiccis praualentibus diminuitur. Accedunt ad hoc multa vitia partium contracta ab vſu alimenti, vnde fieri nequit vt aliquid ſecis non colligatur, & conſenſus ille in quo vis altrix conſiſtit, impediatur. Paulatim etiam labefaſtatur a varijs rebus externis, quæ viuents harmoniam demoliuntur, vt apud vos in con- feſſo eſt. Atque hinc vt opinor confici poteſt inter tot viciffitudines nullam particulam primigeniam aut ſeminalem ſuperreſſe ad vltimum ex ijs quæ erant initio vitæ, videri tamen idem viuens, quia mutatur ſenſim, & ſine ſen- ſu. Pauca iam ſuperſunt perſequenda nobis de accretione viuents, nam de communi iam diſceptatum eſt lib. 1. de gen. quare licet iam perſtringere paucis quid de ea iuxta Ariſtotelem ſentiendum ſit.

## De accretione.

### C I R C U L V S N O N V S.

#### CHARILAVS. ARISTÆVS.



**H** A R. Cùm in accretione propriè dicta oſtenderim produci de- bere quantitatem, dicendum eſt illam conſiſtere in huiusmodi productione, quæ eſt extenſio partium viuents, vt videri poteſt apud Burlaum & Zimaram, idque ſatis declarat Ariſtoteles dum ait 1. de gen. 25. quod augetur eſſe vt illud quod extenditur. Huiusmodi autem extenſio fit in hunc modum. Poſtquam per nutritionem repleti ſunt omnes meatus maiori ſubſtantia, quàm commodè capere poſſint, illa calore vitali extenditur, rurfusque oriuntur alij meatus, & ſic deinceps. Hac ſola ratione declaratur, quomodo accretio ſit motus continuus ad quantitatem, diſtinctus ab omnibus alijs: nam ſi quis dicat cum Marſilio illam conſiſtere in nutritione, quatenus eſt conuerſio plurium partium, quàm ſint deperdita, talis additio non eſt continua, cùm momento fieri poſſit. Deinde poſt ac- cretionem viuens debet occupare maiorem locum 1. de gen. 25. quod non fit per ſolam conuerſionem plurium partium, nam hac poſita, niſi extenderetur viuens, non diceretur fieri maius, licet plus ſubſtantia contineret, inſtar va- ſis, quod augeri nemo dixerit, eò quòd plus, vel minus aqua contineat. Si quis autem addiderit cum Zabarella accretionem conſiſtere in nutritione & extenſione partium ſimul ſumptis, iam accretio non erit motus propriè di- ctus, includet enim duas mutationes diuerſi generis ſubſtantialem, & acci- dentalem, quarum illa ſæpe iſtam tempore antecedit, ita vt vnus motus ex

ijs fieri non possit. Aristoteles quidem ait accretionem esse alimenti addi-  
 tamentum, sed vult duntaxat illud primum requiri, vt viuens adaugeat,  
 non autem quòd in eo consistat natura accretionis, sed in sola extensione  
 substantiæ receptæ intra meatus. A R I S T. In eo consistere vultis accre-  
 tionem, quod tantopere contendebam 1. de Gen. non posse fieri, nimirum vt  
 aliquid nulla accedente substantia maius euadat, acquirendo simul quanti-  
 tatem maiorem & raritatem. Hoc vnum addo, viuentia quo magis crescunt  
 modo illo vestro rariora fieri debere, non densiora, siquidem per vos substan-  
 tia meatibus concepta, qua viuens crescit, fit semper rarior, & plus aduenit,  
 quàm deperditur. Antiqui verò mutationes omnes explicando per motum  
 ad locum, conuenienter asserunt accretionem esse motum continuum quo  
 alimenti proximi plus apponitur singulis partibus, quàm substantiæ viuen-  
 tis deperditur. Quibus verbis duo quæ maximè vultis comprehenduntur,  
 scilicet motus continuatio, & extensio maior. Motum enim propriè dictum  
 Aristoteles 3. Phys. 1. vult esse continuum, & 5. Phys. 18. accretionem nu-  
 merat inter motus propriè dictos. Intelligitur optimè continuatio per suc-  
 cessionem alimenti, quod non simul applicatur, sed aliud ab alio partibus vi-  
 uentis adiungitur: extensio verò est ipsa adiunctio, simile enim additum si-  
 mili apud veteres facit maius. Eodem motu quo alimenti particula locum  
 acquirunt, fit earum additione maior quantitas, non per nouam, vt dicitis  
 emanationem, sed partium coniunctionem, quod satis est antiquis ad distin-  
 ctionem vtriusque motus. Neque aliud Aristoteles videtur velle 1. de Gen. 41.  
 vbi ait alimentum prout caro est nutrit, auget autem prout est caro quanta,  
 sic enim nutritio & accretio ratione differunt. Hic non docet produci quan-  
 titatem carnis, sed adiungi, nec si doceret, quidquam efficeret contra veteres,  
 qui substantiam ratione sola distinguunt a quantitate. Respondendum est  
 tamen ad id quòd videmus interdum adolescentes vel cibi penuria, vel mor-  
 bis longis, dum vix aluntur quantum satis est ad viuendum, macie suprema  
 confectos, & attenuatos, in miram tamen fundi proceritatem, vnde conse-  
 quens videtur contra Auicennam, & antiquos accretionem esse distinctam  
 ab vberiori & pleniori nutritione. Dicent ergo animalium incrementum  
 spectari potissimum in ossibus, reliquæ enim partes molliores sunt & sequa-  
 ces ad ossium porrectionem. Hinc est quòd vbi in ossibus est illa proportio  
 humidi & sicci ad accretionem eximiam necessaria, si adolescens eo tempore  
 febre diuturna prematur, aut laboret victus inopia, fieri potest vt ad ossium  
 incrementum satis alimenti proliciatur vndecunque, deficiat verò cæteras  
 partes, ossa enim magis parabilem materiam postulant, & quæ minus diffi-  
 patur, quàm quæ mollis est, nec illa possunt incrementum capeffere, nisi ali-  
 menti fiat maior accessio, quàm decessio propriæ substantiæ, atque in hoc  
 eadem est ratio carnis & ossium. Postquam verò ossa duriora & ficciora  
 euaserunt, nutriuntur tantum reparando id quod delabatur: at cæteræ partes  
 molliores prolatione ossium destitutæ non vt prius in longum porriguntur,  
 sed contendunt ad alias dimensiones appulsu vberioris alimenti, quo defi-  
 ciente nihil augetur. In accretionis autem genere nescio an aliud videri pos-  
 sit admirabilius quàm eiusdem figuræ conseruatio. De hac agens Franciscus  
 Pic-



Piccolo nibeus c. 11. de accret. Dum queritur quomodo natura id efficiat, respondendum ait, quia natura est, neque aliud docent Alexander, Philoponus, & Auerroes: Hanc naturam agnoscunt veteres tam in viuentis, quam alimento eamque dicunt esse vtriusque vim mutuam ad coniunctionem efficiendam, vnde fit vt sicut primæ substantiæ viuentis, quarum princeps est calor innatus, concurrerunt ad seminis conformationem, sic aliæ proleſcuntur, & sponte confluant ad eius perfectionem & incrementum neque plus adiungatur singulis partibus, quam postulat ratio partium, & alimenti, quæ quia molitur vtrorumque coniunctionem, certam quoque proportionem, vnde figura resultat, seruare potest citra aliam cognitionem, quam ipsius rei naturam. Non leuis est etiam dubitatio de gigantibus quomodo in tantam molem diffundantur, oportet enim vt eorum partes solidæ præcipuè ossa insignem habeant temperaturam ad extensionem necessariam, & longè vberior alimenti fiat accessio, quam in cæteris: neque opus est ad hoc vt gigas a gigante procreetur: nam fieri potest vt ab homuncione progeneretur monstrosus foetus, cuius ossa prædita sint eo quod dixi temperamento, ac propterea gigas euadat eiusque filij rursus sint homunculi. Ita credibile est aliquando fore gigantes, & olim fuisse, eorumque originem acceptam ab hominibus cuiusquemodi, non autem ex stirpe quæ perseueret: quemadmodum enim ex grandioribus nasci videmus pumiliones, & ex homulis, quos nanos vocant, grandioris staturæ viros oriri, nihil prohibet interdum monstrosos edi gigantum partus quibuscunque tandem parentibus profeminatos, nec initio maiores alijs infantibus, sed qui, vt dicitur de crocodilo, substantiam habeant ita sequacem, vt quotidie in ampliorem molem fundatur. Non tamen excedere possunt terminos staturæ humanæ infinita proceritate, & si vim auſtricem habeant infinitam, cùm enim ad certam magnitudinem peruentum est, necessariò partes fatiscunt victæ pondere suo, quo soluiuntur compages tam vasti corporis. Non potest homo coagmentatus eadem membrorum proportionem qua nos sumus, ad abietum aut montium altitudinem excrescere, quales ait Virgilius

*Abietibus inuenies patrijs, & montibus æquos.*

Ratio est, quoniam ossa & quæcunque partes solidæ non accipiunt firmitatem, & robur ea proportionem, qua crescunt, vt patet in columnis breuioribus, quæ si iaceant suspensæ medio, vel vtraque duntaxat extrema ora, non dirumpuntur, maximæ verò quanquam eiusdem materiæ, & proportionis geometricæ, dissiliunt, & confringuntur, instar immanis illius columnæ, quæ cùm Florentiæ iaceret humi, medio & extremitatibus subnixa, vno ex fulcris deficiente perrupta est. Idem profectò contingeret ossibus gigantum illorum qui *Ter sunt conati imponere Pelion Ossa, Scilicet atque Ossa frondosum inuoluere Olympum*; quippe ea est ossium moles, vt columna Florentina longè debilior videatur, ob immane pondus, quod vincit, ac dissoluit partium colligationem: Atqui vt illa non frangerentur, maior esse deberet adhæsiō particularum, quam vis ponderis. Quoniam igitur adhæsiō semper eadem manet, & accedente noua mole crescit pondus, eò tandem deuenitur, vbi necesse est solui compagem, vel operteret siue ossa, siue columnas compingere ex

cor-

*De gigantum accretione.*

*M.*

corpusculis, quorum tenacior, ac firmitior esset connexio quàm ut villo ponderetur solueretur. Hic opportunus videtur locus ut dicendi finem faciens audiam abs te, an aliquis tam in viventibus, quàm in alijs rebus sit terminus magnitudinis, & paruitatis. CHARR. Est omnino in viventibus, ut iam probasti, idque ostendit Aristoteles 2. de an. 41. & causam ait esse ani-

*De termino  
magnitudi-  
nis & par-  
uitatis.*

*M.*

man, non verò ignem contra Empedoclem. Idem 7. Polit. c. 4. Est quædam, inquit, mensura magnitudinis civitatis, quemadmodum & aliorum omnium animalium, plantarum, & instrumentorum. Hoc demonstrat exemplo navis quæ nimia paruitate, vel magnitudine fit inutilis. Et quidem de viventium magnitudine iam palam est calorem, qui est instrumentum accretionis, exsiccare partes viventis, quas extendit, & efficere duriores, ita ut tandem amplius augeri nequeant. Sed neque idem calor in minima quacunque materia conformare potest organorum multitudinem & varietatem, quæ in perfectis animalibus reperiuntur, nec si essent descripta, tanta esset humorum tenuitas, ut ea permearet, nisi species humorum, animaliumque mutaretur. Iam de inanimatis, ut igne, clara est Aristotelis sententia tex. 41. non habere terminum magnitudinis definitum, illa enim non propriè nutriuntur, aut crescunt suscepto intus alimento, sed externa tantùm materiæ applicatione. De termino autem paruitatis non est ita clara eius opinio: nam quod ait 1. Phys. 38. de minima carne, ex sententia Anaxagoræ dictum videtur. Quare alij censent, ut 1. de Gener. observavimus, res inanimas nullum habere terminum paruitatis, quia corpus diuiduum infinitè ad tam exilem particulam reduci nequit, ut nullius sit formæ particeps. Alij tamen respondent per se quidem esse diuiduum ratione quantitatis, ratione tamen formæ substantialis, quæ postulat certam dimensionem, re ipsa non posse diuidi ultra limitem constitutum. Alij posse quidem, sed eo ipso momento quo diuiditur oportere particulam illam minorem quàm ut formam seorsim habere possit, alteri coniungi, atque eius forma conuestiri. Non videtur tamen vlla ratio conficere, quin formæ rerum inanimatarum consistant quavis exigua dimensione: cum enim efficiens naturale, v. g. ignis ea successione continua materiam præparat ad formam suam, ut non detur prima pars subiecti, quæ fuerit præparata tota simul, ergo neque fuit vlla, quæ tota potuerit habere formam, sed data quacunque parte verum est eius medietatem prius fuisse præparatam, & sic deinceps: ergo neque datur vlla pars formæ substantialis, cuius medietas non fuerit producta prius, ac proinde substantia fuit minor assignata quacunque parte: non datur igitur minima pars sub qua possit esse forma rei inanimatæ, sub minori verò esse non possit. Ne quis autem idem asserat de viventibus, dicendum est animam requirere præparationem qualitatis, & quantitatis, quoniam hæc forma est ordinis superioris, & ad sui introductionem plura requirit. ARIST. Idem illi planè de omnibus formis dicere possunt, atque ita corpus non posse solui usque ad puncta, sed in minima aliqua parte sistendum esse: quod assereram lib. 1. de Gener. ut ostenderem etiam iuxta Peripateticos, & si puncta sint principia corporis, non tamen resolui posse corpus in sola puncta. Veteres apud quos nullus est huiusmodi formarum ortus, & interitus non premuntur istis




ngustijs, nec verentur ne materia concisa minutatim omni forma spolie-  
ur: nam si mistum aliquod caret necessaria sibi magnitudine dissoluitur sta-  
m in substantias simplices, quæ sunt primæ rerum formæ, atque naturæ nul- M. B.  
i certæ magnitudini illigatæ. Extricantur etiam ab inanibus terminorum  
aptiunculis, an illi rebus externi sint, an verò interni, quos eleganter qui-  
dam appellant maximum, & minimum quod sic, & quod non: & alia  
quæ nugatoriæ sunt artis potius, quàm philosophicæ contemplationis.  
CH A R. Rerum omnium terminos tam permanentium, quàm transeun-  
tium internos esse oportet, ut hominem v. g. non minorem vno pede, nec  
maiores viginti pedibus, cuius vita similiter principium & finem habet sibi  
internum, momentum scilicet, quod copulat hominis esse, & non esse, datur  
enim vita quæ toto tempore præcedenti duravit, & non ultra, sic datur ca-  
daver, quod proximè post vitam incipit, & non prius. Neque obstat ratio  
Aristotelis 6. Phys 47. & 49. in motu dari ultimum mutatum esse, non pri-  
mum: primum enim dari non potest, quia de ratione mutati esse est ut præ-  
cedat motus, in cuius fine verum sit rem mutatam esse. Licet igitur initio  
motus sit momentum, hoc tamen dici non potest mutatum esse, sed potius  
initium motus. Quemadmodum enim linea terminatur duobus punctis  
sibi internis, ita & motus: verum utraque lineæ extremitas vocatur pun-  
ctum, utraque motus extremitas non vocatur mutatum esse. A R I S T.  
Ne replicemus quæso veteres tricas, satis laqueorum est in vnius animæ  
facultatibus.

## De generatione viventium.

### CIRCULVS DECIMVS.

#### CHARILAVS. ARISTÆVS.

H A R. Dicam nunc de viventium procreatione, quæ vltima &  
perfectissima est animæ naturalis perfunctio: opus omnium maxi-  
mè consentaneum naturæ, quo viventia immortalitatem partici-  
pant aliquo modo, & cum non possint numero, saltem eadem spe-  
cie permanent, inquit philosophus tex. 35. Definatur autem lib. de Iuvent.  
& Sen. c. 14. prima participatio altricis animæ cum calido: quoniam altrix  
anima, ut ante dixi, est ea qua viuens constituitur, non tamen in aliqua certa  
specie, nisi accedat forma plantæ alicuius, aut animalis. Hæc prima parti-  
cipatio altricis animæ cum sit preparatio ad animam perfectiorem, non  
potest seorsim reperiri, ita ut sit viuens quod neque planta, neque animal  
esse videatur, veluti genus extra species, sed aliam animam semper infiram  
habet, puta querquus, aut equi, cuius est tanquam basis & fundamentum,  
quo intercidente & illa perit. Addidit autem Aristoteles cum calido, ut

G      osten-

*De semine  
secundum  
antiquos.*

ostenderet calidum innatum non esse animam, contra Stoicos. Sed animi instrumentum adeo necessarium, ut eo ablato sequatur mors, quam propria calidi extinctionem appellare non dubitavit. Porro definitio allata communis est procreationi omnium viventium, quæ vel ex semine vel ex materia putri generantur, atque ea luculenter declarat opus facultatis procreatricis non consistere in seminis conformatione, sed in animæ naturalis educatione, quæ fit vel ope seminis, vel qualitatum efficientium vice seminis substantiæ, cuius sunt virtutes, ita ut ab ijs quemadmodum aiebant olim Pisani Metaphysici, rana gignatur, aut aliud quod prius in universo non exstebat. Quare dicendum est qualitates illas vicem agere facultatis procreatricis, quæ inest semini viventium perfectorum, & ex subiecta materia educit animam altricem. At seminis confectio quanquam est a potestate procreatrice, tamen dici non potest generatio viventis hic definita, quoniam ipsum semen non est vivens actu, sed potestate, ac proinde non est particeps animæ altricis. A R I S T. Omnia ut ferunt placita vestra quibus curare Ioue Olympico quæ non probatis, soletis confirmare per *Sic placitum*. Venter accipiunt allatam generationis definitionem, sed animam illam altricem dicunt esse calidum innatum principium seminis sine quo nihil gignitur. Hoc quamvis sæpius inculcauerim, tamen expostulat locus, ut quæ si viventium procreatio iuxta veteres explanetur. Cum autem tam simplicia quam mista vivant, sed valde diverso genere vitæ, ut res ad sensum populi accomodetur, sermo hic erit tantum de perfectiorum mistorum vitæ quæ etiam triplex admittitur, naturalis, sentiens, & rationalis. Nullum enim his viventibus ortum habet absque semine iuxta antiquos, neque tamen necesse est rerum semina, ut aiunt Platonici, esse æterna, nam cum illa sint composita frustra fingerentur æterna, quæ partium coagmentatione construi debent & dissolui, quando suscipiunt nutrimentum, & maiorem in molem sese extendunt. Hoc demonstrat variarum specierum permissiones, quæ non aliunde oriuntur, quam ex seminum permissione, & quoniam semen unum fit ex pluribus, singula quoque seorsim ex simplicibus substantijs coalescentibus oriri possunt. Certè hoc naturæ facilius est, quam viventia suscitare ex putri materia siue illa ut ait Scotus a coelo fieri dicantur, siue a qualitatibus, quæ sint absentis substantiæ virtus, & instrumentum, ut alijs placet. Sciamus antiquos res erit planior etiam rudioribus. Inter simplices essentias corporeas dictum est caloris, siue spiritus ignei species esse diversas, & ab ijs constitui totidem species animarum, quæ tamen omnes ad altricem & sentientem, si ita vultis, reuocentur: Humoris etiam quem balsamum & oleum vitæ quidam appellant species existeri innumerabiles, uti frigoris, & siccitatis. Hæc omnia cum cieantur æterno, ac necessario motu consensus atque dissensus, variè oportet inter se permisceri. Præcipua verò & planè diuina est illa permissio, qua in particulas defringuntur minutissimas, & quantum satis est ad componendum semen misti alicuius, aptissimè coagmentantur, ut non maius quam par est, neque minus illud efficiant, quippe sunt naturæ ad hoc opus determinatæ. Si quis autem miretur quòd substantijs illis primis affluentibus longè abundantius, quam ad singula rerum se-



ina necesse sit, tamen ea producantur eiusdem ferè magnitudinis, nec repe-  
atur aliquando semen quercus æquale capiti humano: respondeat idem cur  
irpium semina & animalium, vbi materia satis abundat, maiora tamen, aut  
minora quàm par est, non oriuntur? nimirum, inquiet, est virtus illa confor-  
atrix altricis animæ, quæ toti, & singulis partibus præscribit modum: at  
eteres id referent potiori iure de primis substantijs, quas dicent esse virtu-  
tis ipsas conformatrices, & absolvere seipsis quod commentitio potestatis  
ibi adiunctæ penicillo perfici nequit. Ita mistorum omnium fiunt semina  
non modò in ea parte plantarum & animalium quæ ad colligendum semen  
estinata videtur a natura, sed in aqua, in terra, in materia quacunque etiam  
utri. Hinc videmus passim enasci stirpes a nullo fatas, vt siluas ingentes, vt  
aspiditum in Africa prius incognitum, & post magnos imbres seminum ve-  
tores copiosè natum, teste Plinio: alias verò stirpes medijs e lapidibus  
erumpere, vbi sanè oportet earum confici semen, atque exeunti lapidem vl-  
tro discedere, sic animantes quasdam prodire olim incognitas, alias verò in  
desertis locis, & insulis a continente procul diuisis, quas haud credibile est a  
nostris fuisse profeminatas. Propterea veteres crediderunt nullum esse ani-  
mal cuius in terra semen non concreveret. Democritus & Epicurus pri-  
mam omnium animalium procreationem faciunt e terra, verùm non quouis  
tempore, nec quocunq; modo præparata, sed apta prius & accommoda con-  
gruo aspectu aliorum orbium, vnde fiat rerum appulsus ad instauranda ex  
ipso terræ sinu omnia viuentia necessarius, Empedocles addit mares e terra  
natos ferè ad meridiem, foeminas ad septentrionem. Quod ni ita esset pos-  
sent interire species nobilissimæ, nec ijs reparandis subesset locus; quare pu-  
tant oportere sicut omnia soluuntur in putredinem, sic ex putredine omnium  
semina coalescere. Lucretius lib. 3. ait hanc terræ foecunditatem olim in-  
tercidisse

*Iamque adeo effœta est atas, effœtaque tellus;*

*Vix animalia parua creat.*

Verùm vt nunc propter defectum antiquæ illius dispositionis animalia per-  
fectiora non amplius e terra generantur, ita rursus ordine priori succedente  
procreabuntur. Etenim si remansit ea terræ foecunditas, qua imperfectiora  
animalia sponte prodeunt, cur non & aliquando talis esse poterit, qua perfe-  
ctiora sponte pullulabunt? Ad hoc affirmant non deesse seminis effectiorem  
in ipsa terra, sed opportunitatem alimenti, quod tenero foetui, vt primùm in  
lucem venit suppeditetur, cuius tamen magna copia est in illa fatali muta-  
tione, de qua Marsilius Ficinus argumento in Menexenem, scito, inquit Pla-  
tonicam esse sententiam post vastas terræ inundationes ex abundanti humo-  
re atque calore, terram adeo foecundam reddi, vt ex ea non animalia solum  
pusilla, qualia nunc, sed grandia etiam, atque ipsi homines vltro nascantur.  
Ita Diodorus Siculus prodidit hominem ex terra genitum, quod fieri posse  
confirmant Auicenna, Cardanus, & Pomponatius cum Arabibus, & Ægy-  
ptijs, qui ex inundantis Nili foecunditate hoc colligebant, vt sicut ab ea mu-  
tatione animalia multa nascuntur ignobilia, sic a maiori quadam homo no-  
bilissimum animal sit terræ foetus. Modum autem assignare, quo id accidit,

temerarium est, ut quod ait Anaximander, apud Plut. de placitis 19. prim animalia in humore nata corticibus contenta spinosis, aut qui ex arborum truncis, aut lapidibus asseuerant ortum habuisse tam fidenter, ac si natur parturienti obstetricis munere perfuncti essent. Vel denique quod alij susp cati sunt, eam incumbere curam Genijs rectoribus cuiusque mundi, ut sem nibus sponte concretis alimentum conueniens prouiderent. Sapientes nihil aliud dicent, quam ex primis substantijs sponte formari semina mistorum omnium, ita ut si nulla amplius eorum species superesset, instaurari posset iterum, tuncque animalium semina longè diuersam haberent rationem nutritionis, ea enim oporteret inseri plantis, aut alijs quibusdam rebus alimentarijs, unde traherent succum umbilico, vel certè ore, ut aiebat Democritus & Epicurus, ac propterea natum infantem statim mammas appetere, quod etiam testantur multi anatomici recentiores: vel instar spongiæ toto corpore, ut volebat Alcmaeon apud Plut. de placitis 17. Postquam vero complures ortæ sunt species perfectorum animantium, cessante iam ea nutritionis opportunitate, quæ certè rara est, superest ut in seipsis producant semen, & animal animali conferatur, ne deficiat. Sed ne quis autemet hanc opiniosissimorum hominum esse delirationem, videat Aristotelem 2. de Rep. non abhorreere ab hac sententia. Putandum est, inquit, priscos homines siue ex terra geniti fuerint, siue ex corruptione aliqua seruati, ignaros fuisse & imprudentes. 3. de gener. anim. sub finem ostendit generari animalia & stirpes in terra & aqua, quod in terra quidem sit humor, in aqua spiritus, in eo autem toto calor animabilis, ut animæ quodammodo plena sint omnia. Et probl. 15. lib. 10. hæc habet: Qui de natura differunt, animantia principia orta esse dicunt ingenti aliqua mundi, vniuersique mutatione: deinde probl. 64. docet imperfectioribus ijs, quæ ex cœnosa colluie exoriuntur, sufficere leuem aliquam temporis vicissitudinem, ac commutationem, perfectioribus autem raram admodum & insolentem desiderari: hoc est minutulis apibus, atque locustis satis esse tempestatum solitas varietates, sed leonibus, equis, hominibus e terra sponte procreandis ingentem oportere concursione, permutationeque siderum varietatem, quoniam, ut ait, rei maioris maius quoque principium esse conuenit. Neque obstat quod 4. de gener. anim. c. ultimo probat non dari primum hominem, nihil enim aliud intendit quam ostendere mundum esse æternum & si species hominum, vel aliorum animantium sæpe deleatur, posse iterum ducere vim animabilem ac spirabilem: sic enim soluitur grauis dubitatio, cur si mundus æternus est, historiæ & artes non sunt æternæ, nimirum quia vicissitudine temporum commutabili species hominum aboletur, sæpius & reparatur. Quod si res ita se habet iuxta mentem Aristotelis, palam est ea quæ ex materia putri sponte sua gigni creduntur, vel ex semine, non habere diuersam speciem: namque

*Gens hominum truncis, & duro robore nata,*

ut ait Virgilius, non differt ab ijs qui nunc maris & foeminæ coitu procreantur. Habet tamen Aristoteles 1. de gener. anim. c. 1. quæ non ex coitu, sed ex putri colluie generantur, ea quidem procreare, sed genere diuersum, quodque gignitur nec marem esse, nec foeminam: quod certè de omnibus non est intel-

intel-



intelligendum, sed de quibusdam ab ipso ortu imperfectis, quorum semen melius in re putri, quàm in ipsismet conficitur, ac propterea minus imperfecta prodeunt e coeno, quàm e coitu. Non ita est de ijs animantibus, quæ mirabili illa rerum conuersione generantur absque coitu suis omnibus numeris absoluta, semine in materia alimentosa sponte sua coalescente, ac fruticante, deinde adulta formant in se proprium semen, quo non minus perfecta suam propagant speciem, donec alia rerum vicissitudine rursus aboleatur. Vtro igitur modo profeminentur animantia nulla ratio videtur cogere quòd propterea specie differant: nam habere vim procreatricem in se, vel in alio non mutat speciem cæteroquin iisdem præditam facultatibus, & qui contrariam sententiam tenent, accipiunt oriri absque semine quæcunque ex putri materia gigni dicuntur, atque ea putant fieri casu, proptereaque Academicos dixisse genitorum ex putri non dari ideas. Contra verò contendunt alij insectorum quoque dari semina licet occulta, quæ quia parabilia sunt in quacunque materia putri, non fuit opus vt semen perfectum intra eadem insecta conficeretur. Idem arbitrandum est de plantis quæ citra constitutionem e terra pullulant, omnium videlicet in terra confingi semen, cuius rationem habent stirpium illarum partes, quæ terræ mandata, vndecunque surculi defringantur, emittunt radices, vt de oleis etiam siccis ait Virgilius 2. Georg.

*Quin & candicibus sectis, mirabile dictu,*

*Truditur e sicco radix oleagina ligno.*

Sic claua Herculis, hasta Romuli, & spina ex humano corporèeducta progerminauit. Nimirum latent in tota planta inchoata quædam seminaria eiusdem stirpis, cui natura non dedit vt aliarum more semen efficeret, hoc fortunatior, quòd tota semen est. Hinc chymici promittunt paulò confidentius ex sale plantarum easdem de integro plantas atque flores se confecturos, quod etiam de animalibus quidam affirmant. Vtunque sit, mixtorum species omnino non intercidunt: nam licet aliquando videantur aboleri in quibusdam locis, alibi tamen, & alio tempore dispersæ seminum partes rursus in vnum coeunt, vt credibile est de balsamo, lino asbestino, citro arbore, & alijs stirpibus, quas perijisse vulgus existimat. Ne verò laboremus in quærenda seminis definitione, sit certè, vt ait Aristoteles, id ex quo primo oriuntur ea, quæ secundum naturam constituuntur. Hoc primum veteres pugnant semen non esse substantiam quandam similem, potestate tantum viuentem, non re ipsa: est enim, vt aiunt, primum viuentis rudimentum partibus solidis ac spiritu, siue anima instructum, quod accessu conuenientis alimentis repletis inanibus spatijs in perfectam sese formam extendit. Quippe varius ille spiritus igneus cuique mistorum speciei proprius sponte sua incidens in balsamum eidem proprium, cum alijs substantijs partim siccis, partim frigidis sic permiscetur, vt non alia vi conformatrice, quàm natura substantiarum rudimentum viuentis delineetur mole quidem supra quàm credi potest tenuiculus, cæterum vt aliquorum est sententia, tam scitè & conuenienter suis omnibus filis araneorum subtilioribus intertextum, vt oculo lynceo perspicienti grandiori iam & adulto viuenti admirabilius vide-

deretur. Itaque putant in semine naturam auspicari a tam exili adumbratione corpusculi compactilis, in quo staminum est omnium textura, quam monstrosè procera quercus, immania cete, & moles elephantorum comprehenduntur. At inquiet aliquis, nihil opus est in semine reperiri absolutam partium omnium conformationem: quanquam enim, ut aiunt medici de animantibus, tres bullæ tantum cerebri, cordis & hepatis principio fingerentur, ceu rudis quædam adumbratio conformanda perfectioribus lineamentis, tamen alimenti accessione ad exactam speciem perueniretur: & hoc fortasse malint qui infinita propemodum viventium instrumenta vno quasi puncto concludi non intelligunt. Verum admirabilius alijs videtur, ac proinde credibilius naturæ apud veteres omnipotentis artificium, tam exiguo spatio tantam rerum varietatem comprehendi. Nihil est, inquiunt, paruum naturæ, nihil magnum, cui facilia perinde sunt magna aut parua. An pulex carebit oculis, si cetus, aut elephas a tam exiguo corpusculo videndi omnem rationem abiudicet? An illi philosophi qui dicunt coelum esse animal, negabunt formiculae tenuium membrorum descriptionem, eò quod illa respectu coeli nihil videantur? hæc si non negant, neque semini formicæ rudimentum omnium partium inficientur, quasi stamen suis villis intextum, quodque mox inuitans familiaris alimenti benignitatem, ea continenter perfunditur & adaugescit. Hoc dici potest de semine respectu viventis iam grandioris & adipati, quod siccus nescio quis ait apud Persium:

----- *mibi trama figura.*

*Sit reliqua, ast illi tremat omento popæ venter?*

partium enim solidarum textura nisi nutrimentum accedat, meritò trama videri possit. A natura verò sapienter comparatum est, quod semini substantia quædam circumfunditur, Aristoteli τὸ ὀρώπων γαλακτώδες, in fructibus pericarpium, in alijs simile quidpiam appellatione propria carens. Id quod verè semen est fortasse vix totius est pars millesima, reliquum est loco alimenti suauioris, ne partes tenuiculæ cogantur longè petere nutrimentum parum conueniens. Quærunt hîc aliqui an in seminis copia quæ vno iactu emittitur ab animali, contineatur duntaxat vnum animal, an verò plura. Certè plura demonstrant esse quæ vno coitu gravidatæ, tamen edunt complures foetus; in alijs autem quæ vnum edunt, ille robustior cæteris ad se trahendo quidquid vtile est, debilioribus perniciem affert, ut in fructibus fieri videmus. Sunt tamen qui ex antiquorum doctrina nolunt in semine priusquam aruo suo genitali, ut ait Virgilius, concludatur, delineatas esse partes viventis, ob earum incredibilem paruitatem, sed dicunt in toto semine permixtas & confusas esse primas substantias, quæ viventis illius sunt principia, ita ut postquam in vtero, vel alio suo loco concluduntur, moueri incipiant, nouæ substantiæ appulsu, atque inibi sponte conformentur, & coalescant in illud viuens, cuius semen appellabantur. Hæc autem noua substantia in animantibus non tantum est ea quæ ab vtero in semen profunditur, ut dictum est de concoctione, quæ fit in stomacho, sed intelligitur alterum semen maris vel foeminæ: solum enim semen maris in vtero non magis generat, quàm in testibus, sic etiam foeminæ: quoniam alterum seorsim sum-

prum



prum non habet omnes particulas ad foetus conformationem necessarias, sed vtrunque simul coniunctum in loco proprio habet omnia quæ ad eius absolutionem requiruntur. In plantarum verò seminibus, quæ vt ait Aristoteles vim habent maris & foeminæ, insunt ea omnia, sed nisi contagione naturarum quæ sunt in terra soluatur nexus, quo inter se confusa agglutinantur, distingui non possunt, nec coire in exactam viuentis speciem. At in ijs quæ vulgo absque semine gigni dicuntur, vt insecta, multæque stirpes, propriæ eorum naturæ simplices per se conueniunt, & primum aliquid adumbrant instar seminis, mox accipiunt vt alia formam viuentis. Hæc vltima veterum sententia videtur alijs probabilior, quæ vel semina faciunt æterna, vel orta quidem, sed compactili quadam specie viuentis distincta suis fibris, ac delineata longè antequam aspectabilem & absolutam formam induant. Cum ergo quaeritur an in semine partes viuentis sint actu distinctæ & conformatæ, id omnino videtur inficiandum. Nam si viuens in semine habet omnium partium distinctionem, ex mare & foemina præsertim specie diuersis non generaretur vnum animal, sed duplex, vt ex lupo, & cane foemina, ex asino & equa, ex homine item & equa, teste Plutarcho in conuiuio 7. sapient. vbi, inquit, cum pastor attulisset Periandro vagientem Hippocentaurum, atque ille turbaretur omine, respondit Thales, aut remoue ab equabus tuis pastores, aut da eis vxores. Quare oportet vtriusque semen in vtero formam induere, qua prius carebat. Et omnino formam illam frustra haberet tam exili spatio conclusam, cum satis sit continere substantias in se, quæ ad perfectam conformationem sufficiunt, vbi erit loci opportunitas, & concursus alterius seminis: siquidem in animalibus semen maris aut foeminæ seorsim acceptum non habet omnia quæ requiruntur ad exactam conformationem, sed opus est vt in loco conuenienti permisceantur, atque ita rudimentum corpusculi viuentis delineetur. Nihil obstat autem quin & semen dicatur vitæ particeps, & animatum iuxta veteres, quoniam in se comprehendit animam confusam quidem cum alijs substantijs, sua tamen, & loci genitalis virtute singulis partibus rectè dispositis infundendam. Propterea cum semine animam naturalem & sentientem duci a parentibus affirmandum est, quibus postea, si Deo placet, extrinsecus accedat rationalis, mortali & caducæ concretioni decus & ornamentum immortale, vt docere videtur Aristoteles 1. & 2. de gener. anim. c. 3. vnde ait prius fieri animal, deinde hominem.

CH A R. Consideremus nunc in semine animalis perfectissimi (cuius natura probè intellecta facile erit iudicare quid de stirpibus, & alijs sentiendum sit) Aristotelisne, an veterum opinio propius accedat ad veritatem. Ille contra Polybium rectè ostendit semen non esse quiddam sola concubitus agitatione colliquefactum, & secretum a toto corpore, quod in testibus non subsisteret, nec ibi perfectionem vllam subiret. Videmus ijs dissectis reperiri copiam seminis, quod a minima quaque corporis particula decidi nequit, alioqui totum corpus vno concubitu diffunderet. A principibus tamen partibus demitti oportet, velut cerebro, corde, & iecore, quibus aliquo modo labefactis aut semen redditur infœcundum, aut foetus obnoxius ijsdem morbis: Plato aiebat a medulla spinæ proficisci, Alemans

*De semine  
secundum  
Aristotelē.*



esse partem cerebri, Epicurus particulam a corpore, & anima reuulsam; Hippon ossa a viro, carnes a foemina, vt refert Plut. de placitis. Videtur autem docere Aristoteles ex partibus similaribus secerni semen, ita vt quod ab osse, neruo, vel membrana quadam defluit, vtile sit ad cuiuscunque ossis, nerui, & membranæ conformationem: propterea enim ait esse excrementum, intelligi tamen non debet illud inutile, quo qui maximè abundat infœcundus est, sed potius pars illa alimenti proximi sola copia superfluentis, quod quia in reliquijs habetur, excrementum vtile vocari potest. Cùm ergo sola copia impedimento sit quominus singulis partibus assimiletur, a singulis exprimit vim eiusdem substantiæ conformatricem, non a testibus, qui 1. de gener. animal. c. 4. ad meliorem vsum duntaxat esse dicuntur, vt tanquam pondera textorum distendant vasa, quibus semen moueri debet, ita vt ijs exsecutis, vel attritis vasa simul exsecentur & atterantur, ac propterea tantùm castratis pereat vis procreandi, quòd semen toto corpore progeneratum viam non habet, qua profundatur. Caterum testes ad seminis confectionem non esse necessarios ipse demonstrat exemplo piscium & insectorum, quæ cùm ijs careant, generant tamen emisso semine, quòd vbi foemina profudit, mas tenuissimum aliud in ipsum spargit, cuius contactu accipit vitam, alioquin vt ouum subuentaneum contabescit. Hæc Aristotelis doctrina, quòd semen non a testibus, sed a partibus singulis, quarum est proximum alimentum redundans, vim accipiat procreatricem saltem in perfectis animalibus, funditus euertit somnium antiquorum de hominibus ortis absque semine, id enim philosophus non approbat, sed affert vt ab alijs dictum. Minor hîc quòd ad commentum illud stabiliendum non vsus es Aristotelis opinione 1. de Gen. c. 2. 18. 20. & lib. 2. c. 4. & 5. lib. 7. Metaph. 3 1. & lib. 8. tex. 12. nimirum quòd in solo maris semine resideat virtus conformatrix, ita enim tutius fingi poterat in eo latere viuentia punctis paulo maiora, suis tamen partium omnium lineamentis absoluta, vt cùm inciderent in terram, in arborum truncos spinosos, in foeminæ semen, alimentum inde duntaxat traherent, quo staminum textilium inanes capacitates refecissent, & capefferent incrementum. Si formæ vis est in solo mare vereri non debes ne duplicia prodeant membra, quare saltem in hoc non oportet Aristotelem insectari. Primum quia sexuum distinctio, si non in plantis, saltem in perfectis animalibus vtriusque officium efficientis nimirum, & patientis satis ostendit. Foemina, inquit c. 4. iam citato, semper materiam præbet, mas vim creandi, corpus igitur ex foemina est, anima ex mare. Auicenna, Auerroes, Albertus, D. Thomas, & Caietanus in hanc sententiam concesserunt, assentiunturque foeminis honestissimis quæ perhibent se vterum tulisse citra feminis effusionem. Quòd si vim efficientis obtineret, posset eius virtus tantùm augeri, vt foemina quæ aliunde materiam continet, absque maris congressu foetum conciperet, ab ea tamen Hippocrates, Aristoteles, Galenus, & alij complures huius rei intelligentes contra Schenchium, ne molam quidem citra coitum posse concipi prodiderunt. Quòd verò non sit satis copiosum, crassum, calidum, & ea qua par est spirituum copia perfusum, id Aristoteles arguit ex menstruis, quæ alioqui non procederent, si semen elabora-



borationem perfectam accepisset. Hinc Auicenna conficit esse paucum, tenue, frigidum, & infœcundum. Matribus igitur nasci similes filios non procedit a vi effectrice materni seminis, sed a fingendi, cogitandique potestate, cuius tanta vis est, vt suo impulsu quippiam immittat, imprimatque tenero foetui, qui sæpe rei a matre vehementer apprehensæ, vel concupitæ speciem inultam refert. Sic pauones posito ante oculos incubantium candido velo, fiunt candidi, non gemmantes, & pulli gallinacci discolors. Quin & gallina metuens accipitrem dum coiret, peperit pullum habentem collum accipitris, inquit Albertus, & Auicenna. Sic filios albos a nigris matribus, & nigros a candidis ortos audimus. Nec vero semen foemineum propterea quod infœcundum est, inutile censeretur debet, quippe nisi foeminas excitaret ad exercenda veneris studia, periculum esset præcipuè inter brutas animantes ne multæ species interci-derent, & penitus abolerentur. Alterum Aristotelis dictum de semine 2. de gen. an. c. 3. magis dubium est, scilicet an maris semen incidens in sanguinem menstruum, tanquam artifex materiam, illud conformet, nihil ad hoc conferente matris semine, postquam autem officio delineandi, atque fingendi perfunctum est, dissoluatur, atque in spumam euanescat, non ab simili munere quo fermentum subigit massam triticeam, & coagulum lac concretum premit: sic enim sanguis menstruus a semine cogi videtur in rudem massam, quam virtus conformatrix a philosopho dicta coelestis & diuina semini insidens, paulatim delineat, atque effingit in varia membra. Credibile est tamen nihil aliud Aristotelem velle, quàm semen constare calido spiritu, & parte crassa: illum in spiritum viuentis faceffere, hanc verò cedere in solidarum partium substantiam, quæ a puro sanguine matris, quem etiam menstruum vocat nutritionem suscipit, & incrementum. Ex menstruo autem impuro, ac pene contagioso hominem fingi, indignum est quod inter Aristotelis decreta connumeretur: nam & eo repurgatæ foeminæ melius concipiunt, & nonnullæ etiam, vt fama est, quibus menstrua nunquam fluxerunt. Quod igitur ait semen euanescere, est spumofum quippiam, & inutile motione spiritus calidi fuscitatum, nam quod crassius est inseruit spermaticis partibus delineandis, idque appellat seminis excrementum, quo gignuntur nerui, & ossa. At spiritus qui est opifex, & veluti anima seminis non habet rationem subiectæ materiæ, proinde vt artifex pars operis constituti dici non debuit. Sic Aristoteles absque fabulis originem seminis, & omnem efficientiam complectitur. A R I S T. An non fabulosum videri possit alimentum proximum redundans singulis partibus, & superfluens ab ijs exprimere virtutem fingendi totius corporis. Nam si saltem allapsum in testes, aut alias glandulas, inde formam aliquam substantialem piscaretur, ex qua manaret facultas delineandi, possetis illi formæ tribuere vim omnem procreatricem: nunc verò si a partibus illa proficiscitur, totidem erunt seminis particulæ specie distinctæ, quot sunt diuersæ corporis partes, cumque sint instructæ contrarijs qualitatibus, vna seminis particula alteram in se commutabit, caro neruum destruet, & neruus carnem, ita vt nisi detur forma communis totius seminis, non modò nihil generabit, sed intestino bello seipsum petet, & disperdet.



At neque dici potest inesse semini formam communem : hanc enim oportet esse animam , non autem formam misti similis , quoniam semen non est vniuersum : si verò animatum est , vnde hausit illam animam ? non a partibus viuentis , propterea quòd alimentum proximum earum ex quo fit semen nondum fuit ipsis partibus assimilatum . Superest ergo vt animam testibus acceptam ferat , quos certè ad seminis confectionem , & generis custodiam principatum obtinere non negaremus , si testiculi vena vlla paterni viueret i nobis , aut si memores essemus olim fuisse veritum Deuter. 23 . ingredi templum Dei , quibus ij vel exsecti erant , vel attriti . Nimirum quoniam illi sunt ad generis conseruationem , quæ maximè Deo curæ est , necessarij : illi animam naturalem & sentientem elicitam ex toto corpore subinde excipiunt atque ad foetum procreandum transfundunt diuina veluti munificentia , quorbatus a diuinis mysterijs , & sacris adytis est prohibendus . Quapropter veteres censent hanc vim ingenitam esse testiculis , vt prolestant e toto corpore primas omnes substantias procreationi viuentis conuenientes . Illa quidem sunt alimentum proximum partium , sed non quod subeat trāsmutationem substantiæ , nisi quatenus ab alijs separatur & sibi familiaribus adhærescit . Quare ex illis omnibus collectis in vnum & permixtis conficitur seminis corpus dissimulare , cuius particulæ non destruuntur aliarum in alia commutatione , sed virtute testiculorum fouentur , ac conseruantur . Hanc autem ipsis vim inesse non ad vnā , sed ad omnes viuentis substantias primas alliciendas , nihil est quod mirere magis , quàm lienis esse naturam , vt humorem melancholicum , & renum vt vrinam ad se inuitent : quòd enim aliquid omnia trahat , ostendit naturam ex multis , ac diuersis coagmentatam , qualem esse conuenit testiculorum . Præcipuè verò multus spiritus igneus ad eos confluit , qui humido permixtus turgidam efficit spumam , vnde vasa pleniora ad expulsionem sollicitantur . Cæterum quàm præstans sit testium vsus ad seminis confectionem , vel ex eo satis apparet , quòd ijs interperie , aut morbo aliquo laborantibus , & si reliquum corpus integra sanitate perfruatur , tamen quidquid inde emanat est infœcundum . Neque modò semen est imperfectum , sed vniuersum corpus deflorescit , non idem est animus virilis , non formæ dignitas , non vox , non color , inuersoque temperamento emollidæ partes effœminantur . Hæc ademptæ virilitatis incommoda clarè demonstrant quæ sit testiculorum ad perfectius , & salubrius viuendum opportunitas . Quare existimandum est ab ijs sicut a corde , & cerebro quippiam proprii spiritus in vniuersum corpus effundi , quo masculinum robur efflorescit : ille est qui semini largitur fœcunditatem , tametsi semen non permeat substantiam testiculorum , sed elaboratur in vasis proximis , ad quæ feruntur primæ substantiæ procreatrices , vt cogantur simul affluentia spiritus vberioris inde manantis tanquam a proprio fonte , non quòd eò illapsus ex toto corpore velut a speculo reflectatur , cur enim ijs exsectis , aut attritis ab alia parte magis compacta , puta calcaneo , vel osse sacro non refunditur , nisi quoniam substantiæ testium innatus est & familiaris ? Illum igitur ex vniuerso corpore alliciunt quidem , & excipiunt , non reflectunt autem instar speculi , vt multi putant , sed eo potius modo , quo halitus a rebus odoriferis



afflari solet. Quod si Aristotelis decreto rite sancitum est animam naturalem & sentientem a patre duci, nihil est quod melius obire possit animæ mutuum, quàm genitalis ille spiritus pro varia specie viuentium & ipse, vt dictum est, specie diuersus. Proinde censeretur autor vitæ, atque effector, quod quia nihil significantius exprimit prolem futuram, Abrahamus seruum filio coniugem quæsiturum iussit vicissim subijcere manus femoribus, atque, vt omnes Patres interpretantur iurare per semen suum, sicut mos erat autore Iosepho lib. 1. antiq. c. 15. subditis, inquit, alter alteri manibus sub femora, Deum ita testem inuocabant eorum, quæ destinauerant. Habemus igitur in semine vitalem spiritum, siue animam de maris testibus emanantem. De foeminæ verò testiculis credibile est profluere spiritum aliquem, debiliorem, necessarium tamen, vt masculo copulatus temperiem efficiat procreationi conuenientem. Non meretur ille nomen animæ, vt masculus robustior, cui nihilominus mutua substantiæ affinitate & amicitia coniungitur. Neuter spiritus insidens semini separatim impertit illi foecunditatem, coniunctus tribuit vim progignendi: ita natura voluit sibi marem & foeminam opulari, quemadmodum si olim coniuncti, nunc a se diuisi, vt fabulatur Plato, rursus appeterent coniunctionem. Dicendum est tamen iuxta veteres vtriusque spiritui non vnā esse substantiam, sed diuersam, vt vtriusque copulatione præstantius aliquid efficeretur, atque in animalibus perfectis quæ loco mouentur, vt mutua consociatio quæteretur, a natura fuisse separatum, coniunctum verò in multis animalibus imperfectis, atque stirpibus (palma forte excepta) quibus societas est inutilis. Mirum est igitur Aristotelem dixisse vtriusque sexum in plantis a natura fuisse permistum, propterea quòd masculæ virtuti non satis erat vberem a terra materiam subministrari, sed necesse fuit coniungi foeminæ vires, vt aliquid ex ambobus foecundum progigneretur: in animalibus verò quæ ardent amore societatis, progignendi vim omnem mari tribuisse, cum in ijs maximè necesse fuerit amborum vires copulari, atque confundi, vt earum coniunctione vnus spiritus integer, integrum vnum, ac foecundum semen iuxta Empedoclem & Hippocratem conficeretur. Quòd si duo spiritus in vnā animam conueniunt, multò magis id de humido primigenio arbitrandum est, & alijs substantijs quæ sunt in semine ad stabiliendas partes solidas, vt sic viuens in se quodammodo concludat vtrunque sexum, mas tamen dicatur, aut foemina prout mascula, vel foeminæ partes dominantur, efficiuntque distinctionem aliquam sexus, sed non speciei. Et sic exploditur monstrosa sententia Aristotelis 4. de gen. anim. c. 3. dicentis foeminam quantumuis pulchram esse monstrum: confirmaturque quod a Plinio lib. 7. c. 4. & alijs probatissimis autoribus accepimus foeminas interdum mutari in mares, gigni vtriusque sexus hermaproditos, ex permissione seminis humani cum ferino ea produci quæ, vt ait Plinius, ludibria sibi, nobis miracula ingeniosa fecit natura. Si plures sunt masculæ partes, hoc ipso fit maris conformatio, foeminæ verò si foeminæ. Atqui iste omnes in semine foemineo concludebantur, non igitur in foecundum censeretur debet, sed neque adeo paucum, & tenue, vt aiebas siquidem in foeminis quæ diu vberem intermittunt, copiosum & crassum reperitur.



menstruis naturaliter procedentibus : Quod autem masculo sit frigidius, sic a natura comparatum est ad alterius temperationem. Non desunt illi tamen sui spiritus transmissi a testibus, qui non nihil roboris impertiunt etiam foeminae, nec dubium quin ijs exsectis, vt porcae castrantur, longè euaderet effoeminatior, & inhabilis ad procreandum. Reliqua abs te allata sunt huiusmodi, vt facili negotio dissolui possint. Sexuum distinctio tantum ostendit foeminam pati, semen in se maris recipiendo, non autem quod suum illi non adiungat, & quidem foecundum, alioquin cum optimi concubitus sint illi qui vtrunque resoluunt, deberent tamen esse deterrimi, quoniam permistum masculo multum officeret, vtrunque enim trahit vterus :

*Cervinus gelidum sorbet sic halitus anguem.*

Mirabilius est viros emunctae naris credulos esse mulierculis deierantibus se citra feminis effusionem concepisse, quanquam hoc nihil est credentibus gravidari foeminam lauante in balneis vbi virile semen fuit emissum. Verum illae si quam facile vtero concipiunt, ita mente conciperent semen motu venereo colliquefactum emitti posse sine sensu, non tam asseueranter hoc affirmarent. Vel si intelligerent duplices se habere ductus mittendi feminis, vnum in cauitatem vteri, quo forte semen absque sensu manare potest, alterum in ceruicem vteri, quo propter longitudinem sine magna titillatione profundi nequit. Hoc etiam ignorans Auicenna nesciuit foeminas gravidas in coitu maiori voluptate frui, putauitque semen omnino non emittere. Accidit viris crebra tentigine laborantibus stillare sensim partem feminis tenuiorem multo spiritu perfusam, atque ita tandem pruritu venereo liberari, & forte nihil aliud profundunt illi qui puellas a se subactas, nullo suo semine, gravidatas fuisse dicunt, quod vix credibile est. Sed minor fides habenda foeminis quantumuis pijs, quibus licet vterus sentiat humore perfusus, non primo, sed secundo, vel tertio coitu, viro nihil emittente, perinde iurant se incorruptas, & illibatas. *Credat Iudaeus apella, non philosophus,* namque videbis plerasque id genus postquam *subando tenta cubilia, testaque rumpunt*, inquit Horatius, asseuerare nulla se vel minima voluptatis titillatione commoueri : dicerent potius se tam malè vesicae imperare, vt quid inde stiller non aduertant. Verebaris etiam ne si muliebri semen foecundum esset, sine masculo foetus ederet, quod iam negavi, quoniam vnum sit ex vtroque, & neutrum seorsim ad procreationem idoneum est. Filios verò matribus similes profeminari, fateor refundi posse in virtutem imaginandi, cuius imperio subiiciuntur ea omnia quae concurrunt ad signum aliquod foetui imprimendum, inter haec autem nihil aptius videri potest, quam semen ipsum, vt ex eo materna species in tenera prole delineetur, quemadmodum sit de patris semine. Ac propterea ex Galeno foetus effigies magis refert matrem, quam patrem : ex vulpe, & cane foemina sit canis pelle vulpina, ex oue & hirco nascitur ouis hirsuta lana, ex capra vero & ariete capra molliore pilo progignitur. Ita Stratonicus physicus apud Galenum 2. de Sem. c. 5. censuit foeminam ex foemina, marem ex inualecente maris semine procreari; vnde, Galenus inquit, melius fortasse erit si dicamus non ex feminis praedominio, sed ex diuersarum partium praeminentia marem, & foeminam



minam procreari : quæ ratio non minus conficit inde peti similitudinem filiorum vnde habetur sexuum differentia . Denique hinc non hermaphroditum modò , sed & omnigenum monstrorum fit procreatio, dum aut vis imaginandi peruersa comprehensione turbat partium conformationem , aut illi vitiosum semen materiam præbet . An non hæc satis conspicuè tibi videntur dicta iuxta veterum opinionem , cum inter vos nihil constet de mente Aristotelis , cuius sententiam de menstruo sanguine , quòd sit sola materia foetus , quòdque maris semen vniuersum in spumam abeat , non detorsisti , sed detortam potius aliquo modo direxisti , & meritò . Quis enim credat , inquit Galenus, ex sanguine iam concreto, vtpote extra vasa, formari foetum in vtero accessu seminis , aut semine iam intus recepto fingi animal accessu sanguinis . An non potius sicut in ouo pullus coagmentatur albumine , nutritur luteo , autore ipsomet Aristotele 3. de gener. an. c. 1. sic in vtero foetus ex semine constituitur , sanguine nutritur & adaugescit . Planta quæque fit ex semine solo, aliunde habet nutrimentum . Saltem audiamus aliquid certi de forma seminis & de virtute vestra conformatrice .

## De anima seminis & vi conformatrice .

### C I R C V L V S X I .

#### C H A R I L A V S . A R I S T Æ V S .



**C**H A R . Aliud de semine plantarum, aliud de animantium sentiendum est : illud quatenus fructus participat animam plantæ , non quatenus semen : istud verò & si passim Aristoteles dicit habere animam , vt 2. de gener. an. c. 2. & 3. ibidem tamen declarat hoc non esse intelligendum actu, sed potestate . Illa igitur potestas animæ est forma seminis orta ex temperamento vltimi alimenti , aut vtilis, vt dictum est, excrementi superfluentis , & ad vasa spermatica sensim illapsi . Ab hac forma virtus emanat, qua singulæ partes delineantur ex ipso semine, quòd cum defluat a varijs partibus , quibus simillimum est temperamento , simile & vnuiusmodi apud Aristotelem esse non potest . Suam quoque perfectionem acceptam refert partibus vnde dimanat, non a testibus, aut vasis illis, qua locum præbent accommodum , vt particula omnes futuri seminis eò deductæ permisceantur, & quanquam diuersæ sint, emanet tamen ex ipsis forma communis, quæ est anima potestate, vt pote principium totius conformationis, qua absoluta sequitureductio ipsius animæ . Ita loquendum est , si tueri volumus hoc modo semen esse reliquias alimenti , sin minus, oportet dicere reliquias illas esse sanguinem magis elaboratum ad corporis nutritionem , qui non in testibus, sed in vasis spermaticis semen efficitur simile eodem modo quo lac in mammis, & tandem in actus suos erumpit . Vis autem conformatrix

*De parte pri-  
mum con-  
formata.*

trix est qualitas secundæ speciei dimanans a forma seminis, qua totum & partes conuenienter delineantur, & quidem simul accipiunt aliquod rudimentum, ac paulatim accuratius distinguuntur. Cor autem dicitur primum viuens, vltimum moriens, non quod neglectis alijs partibus illud solum effingatur, sed quod absolutum prius participet animam reliquis omnibus eius interuentu communicatam, vt ante dixi, quia nullum membrum vt docent Aristoteles, & Auicenna quidquam potest absque spiritu vitali, cuius cor est primum principium. Comparatio igitur pistoris 2. de gen. anim. c. 4. eò pertinet tantum, vt sicut ille a rudibus lineamentis auspicatur, mox ex- polit, atque informat, suisque coloribus omnia conuestit, ita virtus seminis a rudimentis inchoans tandem absoluit quod obscuris lineis adumbrarat: non vt ait Vallesius, quod sicut in arte factis pars aliqua est, cuius effectiorem ante reliquas omnes molitur artifex, ita natura cor absoluat cæteris partibus nondum inchoatis. Non progreditur natura particulatim in opere delineando, quod potest adumbrare totum simul, ars verò non potest, neque in arte necessitas est vt in natura, vbi membra omnia sibi mutuam præstant operam, proinde simul fieri debent. Si autem pars aliqua requirit ante alias absolutionem, ea cor est potius quam hepar vt videtur Empedocli, Hippocrati, atque Galeno, & manifestum est ipsis oculis, inquit Harueius de motu cordis c. 16. Vnde etiam in prima foetus conformatione iecur posterius fieri contingit: & nos etiam in foetu humano obseruauimus perfectè delineata omnia membra, immo genitalia distincta, nondum tamen iecoris posita penè rudimenta. Et sanè quousque membra omnia (vt & cor ipsum initio) alba apparent, & præterquam in venis, ruborem non habent, nihil præter rudem quasi extra venas sanguinis collectionem loco iecoris videbis, quam contusionem quandam, vel ruptam venam existimares. Quæ cum ita sint, addit cap. 17. Nec minus Aristoteli de principatu cordis assentiendum, an a cerebro motum & sensum accipiat, an a iecore sanguinem, an sit principium venarum, & sanguinis, & huiusmodi? Cùm qui ipsum redarguere conantur, illud principale argumentum omittant, aut non intelligant, quod cor primum subsistens sit, & habeat in se sanguinem, vitam, sensum, motum, antequam aut cerebrum, aut iecur facta erant, vel planè distincta apparuerant, vel saltem vllam functionem edere potuerant. Ex suis proprijs organis ad motum fabricatis cor, tanquam animal quoddam internum, diutius consistit: quo primo facto, ab ipso postea fieri, nutriri, conseruari, perfici totum animal, tanquam huius opus & domicilium, natura voluit, adeo vt cor esset tanquam in republica princeps, penes quem primum, & summum imperium sit vbique gubernandi, a quo tanquam ab origine & fundamento omnis in animali potestas dependeat, ac deriuetur. Hæc Harueius amator ingenuus veritatis. Quod igitur aiunt necessarium prius esse iecur & vmbilicum ad cordis ipsius nutritionem, nihil aliud conficit ad summum quam inter partes constructas ex vtriusque parentis semine illum esse ordinem, vt cor prius absolutum impertiat alijs spiritum vitalem quo exsuscitata maternum sanguinem vnà cum corde proluciant ad nutrimentum. Neque dicendum est initio iecur esse veluti plantam, quæ spiritum a corde non efflagitat, nisi

post-



postquam euasit maiusculum, quamuis enim ad suam ex semine conformationem corde non egeat, tamen ut obeat functionem aliquam vitæ, nutritionis, accretionisve, spiritum exigit necessario, nec aliunde potest, quam a corde, nam qui semini permixtus est in partium descriptione consumitur. At cernebatur, inquiunt, iecur, & umbilicus, non autem cor in abortu salutaricula, de qua Hippocrates: Verum iecur eo tempore iam satis creuerat, & videbatur ob colorem rubrum inter reliquas partes candidas, umbilicus autem ob longitudinem apparebat, cor verò ob exiguitatem cerni non potuit a sene, cuius acies fortassis erat obtusior. Efformationem omnium partium tanquam præparationem necessariam sequitureductio animæ naturalis ac sentientis, quæ circa sextum, ac tricesimum diem a medicis fieri dicitur. Si quis autem putet naturalem prius educi quam sentientem etiam in corde, atque ijs accedere postea rationalem, habebit Aristotelem sibi fauentem 2. de gen. an. c. 3. ubi ait non idem simul animal & hominem fieri, sed prius quidem animal, deinde verò hominem. Non propterea tamen consequens est hominem fuisse prius plantam, aut beluam, quoniam, ut iam adueri, anima naturalis & sentiens quæ antecessit, neque plantæ ullius, neque brutæ fuit animantis, sed quædam ad rationalem præmunitio nullam viventis speciem constituens. Quare etiam in omnibus plantis prius educitur altrix anima, quam forma propria: ex glande prius est aliquid viuens, quam quercus, ex equi semine prius est aliquid viuens, ac sentiens, quam equus, & sic ex homine. Neque illud quod præest dici debet forma generis extra species, quia non est forma perfecta, sed præparatio potius ordinata ad educationem, & receptum animæ perfectioris. Iam si aliquo tempore non est alia in corde anima præter altricem, dubitari potest an tunc alijs partibus infundat spiritus ad omnes vitæ functiones necessarios: hoc enim medicis non videtur posse fieri, nisi per vitalem facultatem motus effectricem, quæ ut aiunt, cum anima sentiente tantum accedit. Hunc tamen facultatis usum in tenero fœtus rudimento supplere potest calor productus ab ipso corde, inquiunt illi qui putant initio nullam vitalem facultatem inesse cordi. Sed non habet vim apud nos hæc difficultas, cum supra dixerimus hanc facultatem esse speciem altricis, non autem sentientis contra medicos. Cum igitur ab anima illa naturali, quæ præparatio est ad sentientem sit motus cordis post membrorum efformationem, cor incipit statim motum diastoles, atque systoles, ut tanquam primum viuens transmissio spiritu & calore in alias partes, eas animæ naturalis socias efficiat & consortes, seque & ipsas præmuniat ad sentientem recipiendam. Vitalis est illa verè facultas in animalibus, hoc est principium totius vitæ dum spiritibus atque sanguini motum imprimit quodammodo circularem, & amulum perpetuæ conuersioni, quam in cœlo tantopere demiramur. Id verò perficitur motu cordis irrequieto, quo totus sanguis in circulum ab ita corde ad venas, a venis ad cor, ut a præstantissimis anatomicis obseruatum est. Hinc ab Harueio petitur optima ratio, cur medicus sanguinem e brachio, vel alia parte missurus, vinculum inijcit, ut venæ intumescant: nam dum per arterias interiores, quæ vinculo non comprimuntur, sanguis fertur ad extremas corporis partes, & ab arterijs per anastomoses

*De ordine  
animæ natu-  
ralis &  
sentientis.*

*De motu  
sanguinis in  
circulum.*

moles transiit ad venas, obice illo vinculi reperto venam distendit, ut ultra consueta via progrediatur. Ad hoc famulantur valvulae sigmoides, quae non in arterijs, sed in venis prope diuisiones reperiuntur, & sicut viam praebent sanguini ad cor redeunti, ita praeccludunt contrariam partem. Id videre licet altero digito comprimendo venam quae in brachio excurrit versus pollicem, vel inter digitos medium & anularem, altero vero sanguinem versus cubitum exprimendo, remanet enim canalis vacuus, qui sublato priori digito statim impletur. Hic multa occurrunt dignissima contemplatione. Primum dextra cordis auricula sanguinem exorbet e vena caua, eumque reuomit in dextrum sinum, cum sit diastole circiter ad drachmam unam singulis pulsibus, secundum alios ad semunciam. Ille motu systoles e dextro sinu per venam arteriosam fertur ad pulmones, ubi percolatus una cum aere excipitur ab arteria venosa, & tendit ad sinistrum cordis ventriculum; hoc indicio, quod si arteria illa comprimatur in viventibus, pars quae pulmones spectat, intumescit, quae vero cordi vicina est, inanitur. Id autem intelligendum est de grandioribus: nam in embryone, (cuius cor non caret motu, ut vulgo creditur) duo sunt alij ductus sanguinis, unus a vena caua ad arteriam venosam, alter a vena arteriosa ad principium arteriae magnae, qui canales paulatim in grandioribus uti vena umbilicalis, inarescunt. Sanguis autem contentus in sinistro cordis sinu eadem systole emittitur in arteriam magnam, atque hinc in venas, quae ligatae tenduntur ea parte, qua sanguis influit, altera flaccescunt: sic tandem vniuersus ad cauam, & cor ipsum spatio circiter vnus horae reuertitur tam impulsus, quam natura sua commeans ad partium omnium alimentum: cum enim continenter hauriatur ex vena caua, & per arteriam magnam idem emittatur, sed calidior, nec retroferri possit propter valvulas cordis, & alias sigmoides, redire debet in circulum, alioquin dirumperentur venae, quae abuti nequeunt tanta copia sanguinis ad nutrimentum, nec tantum ab hebate generari potest, (praesertim tempore longioris inediae) quantum in cor deriuatur a vena caua. Haec quoque praebet nobis argumentum non leue quod res ita fiat, nam digitis compressa in animali viuo dissecto, ut dictum est de arteria venosa, apparet vacua prope cor flaccescens, & inanitum, altera vero parte tenditur, & laxata rursus tota impletur. Atque hinc diuersorum morborum circuitu redeuntium perenda est ratio pro varia humorum missione tardius, aut citius imitante motum sanguinis. Hoc idem demonstrant anastomoses, seu ductus multiplices, quibus arteriae venis coniunguntur, ut nulla sit pars sanguinis, quae identidem officinam cordis non subeat, ibique si in partibus extremis alterata est, vel si labem accepit aliena contagione, refarciatur, maxime vero prohibeatur putredo sanguini infesta, quam inuehunt obstructions motum impediennes, ut accidit aquis in lacuna putrescentibus, non autem ijs quae cursu, vel aestu reciproco exercentur. Sicut autem in animalibus perfectis cor est vitae principium, sic in plantis, & imperfectissimis animantibus, ut lumbricis, est aliquid cordi respondens, cui radicitus infidet anima, ibique nata formam partis, & idoneum temperamentum incipit obire functiones suas, atque illud calidum innatum, & humidum primigenium quod ab ortu accepit



cepit, non modo fouere nritur, sed etiam augere, ac reddere vegetius, & ab-  
solutius. Humidum illud est substantia balsamo similis & subiecta materia *De calido*  
caloris innati, qui dicitur ipsam depasci, non quòd forma destruat per se ma- *& humido*  
teriem suam, sed quia dum est causa raritatis, efficit ut humidum attenua- *naturali.*  
tum cum ipso exhalet. Hæc substantia primigenia humida simul atque ca-

lida specie quidem differt ab elementis, qualitates tamen vnde dicitur cali-  
da, & humida non differunt ab humore, & calore elementorum. Ad intel-  
ligendam enim vitam, senectutem, & mortem viuentium frustra fingitur  
alius humor, & calor, qui si specie, ut aiunt quidam, diuersus esset, actione  
elementorum, nec posset intendi, nec remitti. Quare satis est a natura cor-  
dis manare perpetuum calorem, qui quamuis eiusdem est speciei ac calor  
ignis, insidens tamen substantiæ humidi primigenij functionum omnium vi-  
talium causa dicitur; inde verò siccitas oritur ex accidenti, tandemque se-  
nectus, & interitus ob humidi expirationem, quod instauratur quidem, &  
auctius fit aliquandiu sicut & calor, partibus tamen siccis, ut ante dixisti,  
prævalentibus, id quod reponitur per alimentum paulatim fit siccius, & de-  
terius. Nec dubium est præterea quin ex tanta alimenti copia per viuentis  
corpus defluente, semper aliquid vitij colligatur, & excrementi, ut notat  
Aristoteles de long. vit. c. 2. Hinc infringitur calor naturalis, & cor ipsum  
siccius euadit, ac frigidius, principium senectutis, & tandem mortis.

**ARIST.** Quàm breuiori ambitu, & longè magis circumscripto hæc omnia  
potuisti comprehendere cum antiquis, a quibus tamen non valde discedis,  
nisi quatenus obtrudis seminis, & cordis nescio quas inanes formas, ac fa-  
cultates. Quid est aliud seminis partes dissimilares delineari a virtute con-  
formatrice ipsis inscita, quàm substantias omnes primas, quæ sunt in semine  
vi propria coire ad rudimentum viuentis alicuius adumbrandum. Vos au-  
tem fingitis vim illam a substantia partium esse distinctam, quasi pictoris pe-  
nicillum. Quòd si partes seminis sunt dissimilares, oportebit vnique  
suam virtutem insidere; neque enim vis particulæ ad effigendum os idoneæ  
neruum construet. Vnumquodque igitur formatur a virtute, quam habet in  
se, & sui ipsius est artifex. Vnam verò seminis formam in particulis dissimi-  
laribus constituendo, aut vnam in illis omnibus facultatem, quæ ex materia  
quadam faciat os, ex alia neruum, non effugitis difficultatem, quin vnaquæ-  
que materia seipsam formet, namque rem fingi a seipsa, aut a qualitate sibi  
insita, certè idem est. Nec tutius hinc enauigarit, qui dicet similes esse  
partes seminis, quippe illæ subiectæ sunt virtuti qua conformantur, quare &  
illæ seipsas fingunt. Antiqui melius illas omnes particulas substantias simul  
& facultates esse dicunt, quæ suapte natura conueniunt ad corpus viuens  
constituendum. Quod attulisti de cordis ante cæteras partes absolute, &  
ac deriuatione spiritus ab eo fonte, rectè id quidem nisi vehementer obtur-  
baret facultas vitalis, cuius efficientia longè post animæ naturalis perfun-  
ctiones deprehenditur, ut propterea non ad eam, sed ad sentientem pertinere  
videatur. De vtraque hac anima veteres alia ratione philosophantur: non  
enim plantis tribuunt duas animas, neque tres animantibus brutis, & homi-  
nibus, quasi verò anima quercus absque alia naturali sibi substrata stare non

posset, nec anima equi, nisi suffulta stramento duplici naturalis, ac sentientis mollissimè stabularetur. Singulis speciebus viuientium, vt dictum est, sufficit species vna simplex ignei spiritus, qui suo balsamo proprio infusus, siue anima, siue calidum innatum appelletur, principium est totius vitæ. Vna est anima rationalis, quæ vt extrinsecus adueniat, requirit corpus iam præmunitum spiritu sentiente qui in animalibus idem sentiens est & naturalis, cum pro diuersis muneribus vtrunque nomen sortiatur, sed de rationali iam non agimus. CH A R. Non possum hîc quin te per medios veteris philosophiæ campos antiquorum canthelijs vehentem transuersus incurram, ac demonstrem animam quam vocas spiritum igneum diuersum iuxta diuersas viuientium species, nihil aliud esse quàm ignem ipsum elementarem, & illum vnum, vnam quoque animam dici debere. Vides oleum, siue humorem primigenium tam in plantis, quàm animantibus igni iniectis cedere in flammam, quæ iuxta veterum opinionem fit secretionem, quare oportuit flammam illam prius ibi congregatam fuisse animam, eò præstantiorem, inquebat Heraclitus, quò sicciorem: nec tamen arbitror aliam ignis speciem olim fuisse siue porcus combureretur, siue Epicurus. Vnde igitur tot species ignium, & animarum? A R I S T. Non potes a canthelijs nostris aliud expectare præter calcem, quo excitatus animaduerras humido primigenio infusum esse duplicem ignem, vitalem scilicet, & elementarem. Hoc conspicuum euadit in animali demortuo, quippe statim obitamorte, vitalis ignis tenuis & æthereus excessit totus: at quantumuis animal illud in glacie sit enectum violenter, ignis elementaris seiungi nequit ab eius humido primigenio, nisi succendatur, & si alio modo separatur, secretio non est manifesta. Sic inflammatur facillè quidquid olei cuiusdam est particeps, quod verò nihil pingue & oleosum in se continet non est idoneum inflammationi. Constat autem in viuentibus tam plantis, quàm animantibus nullam esse partem ex qua oleum elici non possit arte chymica, ac proinde quæ non sit apta flammam alere. Verum quoniam præter illum succum pinguem, quem Aristoteles laudat in viuentibus lib. de long. vit. c. 3. eò quòd nec facile refrigeratur, nec inarescit, datur alius aqueus qui vel partes agglutinat, vel alimento vehiculum est, vnde parte aliqua viuentis in ignem coniecta, aqueus ille primùm exsudat, deinde oleosus in flammam abit, eoque depaſto, si ignis erit acerrimus dissipat etiam illum humorem, quo tenaciter partes cohærebant, donec concretionem soluta tandem in puluerem omnes defluunt. Hoc in ossibus & lignis igni admotis facillimè deprehenditur, nam cum ea vel caries inuasit, vel aliud quippiam humorem penitus omnem exhaustit, neque cohærere possunt amplius, neque succendi. Vt igitur diuersus est humor in viuentibus, ita & ignis. Aqueus præcipuè connectit partes, oleosus etiam hoc idem præstat, sed maximè videtur opitulari ad retinendum tenaci suo complexu vitalem ignem, & alium quem vocamus elementarem. Vitalis ab elementari sese habente mediocriter, multùm iuuatur, ab intemperato grauem accipit offensionem: nam cum ille primùm oleosæ substantiæ cordis a semine infusus, inde in cæteras partes deriuatus omnium functionum sit artifex, quasi socium & consortem laboris habet elementarem, nec leuem experitur

eius



eius operam in arcendo frigore vitæ inimico, vt videre licet in ijs animantibus quæ torpent hyeme, & sub æstatem apparent veluti rediuiuæ: si tamen elementaris calor æstuans sese effundit immoderatè velut incendium omnia populatur, atque disperdit. Si quis autem contentiosè defenderet vnam duntaxat esse speciem ignis simplicis, & illam prout admiscetur varijs rebus vocari flammam, calorem, lumen, spiritum, animam, difficilè fortassis reuinci posset: dicet enim talem esse permissionem ignis & aliorum, quibus constat natura cordis, vt organum efficiatur aptum per se fundere spiritum vitalem in alia membra, atque aliam haurire substantiam, vnde secernitur idem spiritus ad eum qui emittitur instaurandum. Vnà cum corde pulsant simul omnes arteriæ, sanguine in eas compulso. Hanc perpetuitatem motus admirabilem, sicut & sanguinis in cor assiduam conuersionem cœlesti similem esse dixisti, maximè verò refert naturam Solis secundum opinionem Anaxagoræ, qui liberali sui luminis profusione collustrat orbis circumfusus, idemque prouida ignis a se missi reuocatione semper habet quod largiatur. In hac perpetua ignis in corde circuitione vita consistit, atque in alijs viuentibus sine corde respondet aliquid proportionem, & si vna duntaxat existeret species ignis, fortasse posset ob variam cum alijs naturis permissionem diuersa genera viuentium constituere, ita vt mori nihil esset aliud, quam penitus abruptum perpetuam illius ignis conuersionem, qua destructa non amplius ignis attrahitur, & immittitur quoquoersum, hinc dicitur extinctus, & oppressus frigore paulatim in eius locum succedente. In humido tamen pinguiori remanet ignis mistionis, qui non frigore, sed inflammatione separatur, & consumere, ac depasce videtur humidum, propterea quod secum per aerem illud dispergit. Qui multas ignis species non vult admittere poterit ita philosophari, & obseruare quàm facilè ad omnes experientias naturales doctrina veterum accommodatur. Verùm quoniam vitalis calor omnium ferè iudicio in obitu viuentium deperditur, & alter remanet in humido primigenio, eos secutus sum qui faciunt vtriusque diuersam speciem, qua non contenti veteres in mundorum infinitate infinitas alias ignis species esse contendunt. Multa de viuentium procreatione superessent nobis examinanda, sed si vel leuissimè singulis defungeremur dies herculea nocte longior quærendus esset, quare priusquam iste ad oculum vergens nos deficiat,

cætera quæ ex dictis  
colligi possunt,  
dimittamus,  
& ad animæ  
sentientis contemplationem  
lucem proximam  
destinemus.

## De anima sentiente.

C I R C U L V S X I I.

C H A R I L A V S . A R I S T Æ V S .



**H A R.** Post tractationem de anima naturali philosophus tex. 51. gradum facit ad sentientem illa nobiliorem, ut potius minus illigatam suis obiectis, unde fit ut res percipiat etiam distantes, & functiones intermitrat, ac deinde repetat. Ut autem naturali præstantior, sic obscurior est intelligente, quippe illa percipit res solas materiatas, præsentis, & singulares per species a rebus ad ipsam traductas, hæc verò sese extendit etiam ad abiunctas a materia, futuras, præteritas, vniuersales, & seipsam in actum deducit. Sed quoniam rei naturam ostendit princeps eius effectio, debet anima sentiens definiri per cognitionem, quam sequitur appetitus, vel odium rei cognitæ, ac tandem motus loci ad eam prosequendam, vel fugiendam. Ex his maximè sensus elucet, in zoophytis enim obscurissimus est appetitus, & motus ad locum, hinc Aristoteles de sen. & sen. c. 1. & initio libri de som. & vig. sensu definit animal, ac proinde eius anima non appetens, aut loco mouens dici debet, sed potius sentiens qua cognoscitur obiectum materia constans, præsens, & singulare per species in sensum ab ipso traductas. De hac anima sentiente quidquid effutiunt veteres adeo insulsum videri possit, ut vel ex eo palam fiat Aristotelis decreto standum esse.

**A R I S T.** Standum, an potius lubrico fallente vestigio prolabendum, ubi Peripatetici vix consistunt. Primùm hoc fundamento niti volunt sentire esse quoddam pati, sed quàm titubanter & instabili gradu vacillant quis non videt. Alij dicunt hanc perpeffionem nihil aliud esse quàm facultatem sensus obiecto suo rectè applicatam, nec quidquam ab ipso transfusum in ea recipi, quoniam hoc ipso quòd facultas exhibetur obiecto suo dicitur pati, ita visio nihil est præter oculum apertum, & obiectum illi colorem. Alij putant actum sentiendi consistere in sola speciei cuiusdam receptione, ex quo sequitur obiectum cuius est effectio nobilius esse sensu, cui conuenit sola perpeffio. Alij propterea censent in organo quidem recipi speciem, sed animam ipsam seu facultatem erumpere in actum sentiendi, contra Aristotelem, qui lib. de som. & vig. c. 1. docet sentire nec solius animæ, nec corporis, sed totius esse coniuncti. Alij verò arbitrantur animam, & speciem in organo receptam esse causam sensus efficientem, facultatem verò patientem, & actionis receptricem, cum tamen animæ facilius sit pati, quàm efficere. Quare alij docent sentiendi facultatem esse duplicem, scilicet efficientem & patientem, ut intellectum; quanquam longè dispar est ratio: nam Aristoteles admittit intellectum agentem, ut imprimat speciem obiecti in patientem, qui est



est phantasia, at obiectum imprimit species in sensum, igitur non est opus sensu agente, nec de illo Aristoteles mentionem facit. Alij denique affirmant sentiendi facultatem esse simul efficientem & patientem. CHARR. Hoc scilicet decretum est Aristotelis, qui, licet sentiendi facultas eadem sit agens, & patiens, dixit tamen tex. 5. sentire esse pati, quoniam patitur duplici modo recipiendo speciem obiecti, & actum ipsum quem produxit, agit verò tantum vna ratione, producendo actum sentiendi, cuius anima dicitur causa efficiens tex. 37. & 9. Metaph. 16. Quorum, inquit, non est aliud quoddam opus præter actionem, in ipsismet actio est, ut visio in vidente, & speculatio in speculante, & vita in anima. Vbi affirmat philosophus visionem & esse actionem viuentis & recipi in viuentem, quoniam actio vitalis recipitur in eodem principio a quo emanat, nec quidquam prohibet idem agere in seipsum per emanationem, quæ si negetur, nulla erit amplius actio immanens. Queniam admodum ergo forma elementi mouet, ut est forma, mouetur ut est in materia, inquit Auerroes, sic anima non tantum mouet, sed etiam mouetur, & sentire quidem rectè dicitur pati ab Aristotele, idem tamen dixit esse agere, ac propterea aerem qui recipit odores, & sonos, non odorari, nec audire, quia non iudicat, neque potest in omnia fingi, sicut sensus, & intellectus, qui lib. 3. tex. 8. fieri dicuntur ea quæ sentiunt, & intelligunt, hoc verò aer præstare posset, si recipere speciem esset sentire. Dicendum est igitur vim sentiendi non consistere in sola perpeffione, sed etiam actione, qua anima sentiens dum est intenta rei alicui, & sit quodam modo res quam percipit, vix aliud sentit, quanquam recipit illius speciem, quia non potest simul in multa verti, multa simul perfectè videndo, vel audiendo. ARIST. Video apud vos eam esse necessitatem actionis immanentis, ut ipsa continenter indigeatis ad fulciendam Aristotelis substructionem, cui tamen vehementer incommodat: nec scio an aliud eius fundamenta magis labefacter, quam dicere idem formari a seipso. Nihil obstat, inquis, actione immanente: quid ergo velles idem agere in seipsum actione transeunte? nonne hoc est manifestæ fraudis diuerticulum, ut cum dicatis quicquid mouetur ab alio moueri, statim eximatis id quod mouetur a seipso per emanationem: Quod si verum est, actione transeunte non indigetis, facite enim materiam vestram effectricem, & ab ipsa per emanationem formas procedere, ita ut illud quod vocatis agens sit tantum conditio, qua materia determinatur, exempli gratia præsentia ignis nihil aliud efficiat, nisi ut actione immanente materia suscitetur in se formam ignis. Certè vix dici potest vtra sit insultior actio immanens, an verò transiens. Libet hinc tamen de emanatione quadam notare. Animæ facultates ab ipsa emanant, & in corpore solo recipiuntur, saltem illæ, quæ sunt corporeæ, puta videndi, audiendi, nutriendi, generandi, attrahendi, expellendi, actio igitur qua facultates illæ prodeunt ab anima non est immanens, quandoquidem in anima non recipitur: sed neque actio videndi, nutriendi, aut expellendi in anima saltem humana recipi debet, verum in organo, & facultate corporea vnde procedit, atque ita respectu animæ non est immanens. Quod si (ut ait Zabarella contra D. Thomam) actus vitales non a facultatibus procedant, sed ab anima, quoniam, inquit, illæ sunt

*De actione  
sensu im-  
manente.*

sunt tantum propensiones quibus anima inclinatur ad illos actus, ipsæ verò nullam habent efficientiam; hoc inuentum videtur planè schoenobaticum, ut sicut funambuli tyrones ad varios saltus indigent ponderibus & plumbeis quibusdam libramētis, sic anima facultatibus, quæ si non actionis, sed propensionis tantum sunt effectrices, habentur frustra, nam anima satis ab organis determinatur, ac propendet: si verò ab ipsis etiam facultatibus, ut alij dicunt, procedit actio, & in iisdem recipitur, vix dici potest quàm putida emanatione, qua non materia (id enim videretur tolerabilius) sed forma formæ seipsa formatur. Quippe materies suscipiens animam formatur in viuens, anima fundens ac recipiens facultatem instar materiæ formam acquirit, qua fit potens: rursus facultas informatur specie obiecti sui, & erumpit in actum vitalem, eumque recipit, & sic a seipsa formatur facultas, quæ est forma formæ. At hoc nihil est inquis, formam esse sui ipsius informatricem, modò non sit causa effectrix propriè dicta per transmutationem cum repugnantia patientis, sed per solam emanationem: emanatio enim, ait Zabarella de facult. an. c. 4. dicitur quando absque vlla repugnantia patientis, & sine vllò efficientis conatu effectus ipsum insequitur, quasi sponte sua, sicut umbra corpus. Ecce quàm aureus, & suavis est partus emanationis, quàm graue puerperium efficientis propriè dicti. Nemo credat ineptum rhetoricum, si dixerit Ciceronem, quem sine dolore peperit mater, per emanationem prodijisse. C H A R. Audiemus postea an vetula tua faciliorem Lucinam experiatur in parienda ratione, qua sensus operantur. Interim ad tuendam emanationem satis esse puto quod ante monui, scilicet actionem immanentem recipi in suo principio proximo, quod est facultas, quanquam in remoto, nimirum anima, non recipitur; propterea quòd tam anima, quàm facultas sunt in eadem subiecta materia, & illa est sola quæ informatur, suscipiendo quidquid tribuitur animæ, vel facultati: quare non est dicendum formari formam, cum enim ais actionem vitalem recipi in facultate, non est sensus facultatem esse materiam actionis, sed rationem qua subiectum ex quo emanat, ipsam suscipit: hoc autem planum fiet si ostenderimus illuminatius quid facultas & obiectum conferant ad actum sentiendi. Iam notasti sententiam Gregorij Arim. Gabrielis, Ochami, Durandi, asserentium sufficere sensui obiectum rectè applicatum, cum tamen Aristoteles clarissimè doceat necessarias esse rerum species seu imagines, quæ sunt qualitates ab obiectis productæ in medio vsque ad organum, in quo receptæ simul cum facultate eliciunt actum sentiendi. Nam obiectum non potest alio modo esse sensibus intimè præsens nisi per speciem, quam in medium profundit, non instar aque motu dispersæ in orbem, neque enim cum sit qualitas migrare potest de subiecto alio in aliud, sed ipsam educit de potestate mediij, & organi puncto temporis, si vtrunque tamen ad eius susceptionem idoneum est. Huius speciei per medium effusionem exprimit optimè natura luminis, quippe exhibet & repræsentat corpus vnde promanat: pendet continenter ab efficiente magis quàm a materia, proptereaque ab Aristotele vocatur forma sine materia: a quouis puncto obiecti ad quodlibet mediij punctum rectà producit, & quidem debilius quòd remotius: contrario caret, atque adeo momen-



mento existit : denique sicut plura lumina solo numero distincta in eodem medio esse possunt , ita & species rerum licet contrariarum , vt albi , & nigri , quorum imagines non sunt contrariæ . Hoc autem imprimis est admirabile , cum a quacunque obiecti parte in quocunque mediij puncto continua successione producatu diuersa species , nulla est mediij particula , quæ non habeat obiecti totam imaginem ex pluribus diuersarum partium imaginuculis coagmentatam , adeo vt difficile sit determinare , an illa species sit verè vna numero , quàm producunt tot distinctæ partes quot assignari possunt in obiecto , nulla enim videtur esse , quæ non immittat propriam sui , & non aliarum imaginem . Quod vt ita sit , sequitur species illas esse infinitas , non actu , sed potestate , quemadmodum partes obiecti ex quo procedunt , atque ita pendunt , vt continenter fiant aliæ , atque aliæ , sicut lumen , nec vlllo tempore vel breuissimo permaneant . Alterum in his speciebus non minus est dignum admiratione , quòd ipsæ non sentiuntur vlllo modo , tamen efficiunt , vt eæ qualitates , quarum sunt imagines sub sensum cadant : nam quòd aliqui dicunt per angustum foramen admissas & corpore candido exceptas rerum externarum species cerni in loco obscuro , respondendum est non videri species , sed colores diuersos , quorum illæ sunt imagines , ac propterea lucem videmus , non autem lumen eius imaginem . Multi existimant species istas esse nobiliores qualitatibus vnde promanant , vtpote spirituales , & a materia penitus abiunctas , proinde subiecto non inhærere , sed per medium ferri more spiritus , qui verò negant nobilius ab obscuriori genere produci posse , dicunt vt Buccaferreus cœlum esse causam huiusmodi specierum , vel Deum , vt Sueflanus opinatur . Alij putant species istas ad visum duntaxat pertinere , a cæteris verò sensibus proximè percipi qualitates sibi subiectas nullo specierum interuentu . At contra Aristoteles tex. 121. vniuersè , inquit , sic habendum est sensum esse receptatorem formarum sine materia , & 124. ait idcirco plantas non sentire , quoniam suscipere nequeunt huiusmodi formas . Hoc igitur sensibus commune est inquit tex. 75. manifestius tamen in visu , de quo tex. 74. arguens Democritum dicentem dato vacuo vel formicam in cœlo positam videri posse , ait nihil omnino visum iri , quoniam ad videndum necesse est sensum aliquid pati , non a colore , inquit , qui videtur ergo a medio , quod propterea tex. 71. volebat esse coloris experts , vt omnes reciperet , id est omnium imagines . Id quoque suadet ratio multiplex : ac primum si obiectum non producit aliquid in medio , quo sensum afficiat , dici non potest cur in tenebris , aut interuallo quocunque rem non videmus , sicut eam imaginamur & intelligimus . Cur in speculo se videt oculus , si nihil inde reflectitur , aut cur ea quæ sunt remotiora magis apparent ultra speculum , & modò contracta videntur cogi , modò in longum exporrigi : conspecta verò per vitrum , vel aquam miris modis mutare locum , figuram , ordinem , quæ omnia per species refractas intelliguntur , ijs sublati ne rationis quidem umbra lupereit ad varios illos effectus explicandos . Quòd autem non ad visum modò , sed etiam ad tactum & alios sensus species sint necessaria , probatur vel ex eo quòd manus frigida percipit maximum calorem , cuius tamen vix suscepit vnum , aut alterum gradum , oportet ergo vt totius caloris

speciem acceperit, quandoquidem percipit totum calorem externum, non autem illum quem in se habet. Deinde res dura quæ tangitur molli manu, in ea non producit duriciem, ergo speciem tantum duricie, & sic alia communia subiecta sensibus. Quomodo verò species dicantur spirituales & formæ absque materia satis dictum est, propterea negamus speciem coloris esse colore nobiliorem. Iam videamus quod sit huiusmodi specierum munus: scilicet ut cum organo, & facultate efficienter eliciant actum sentiendi, non verò ut se habeant tantum instar alicuius conditionis, quænam enim esset illa conditio dici non potest, forte ut reddat obiectum præsens sensibus? sed hoc fit speciei duntaxat interuentu, superest igitur ut vel illa sit inutilis, vel cum organo, & facultate producat actum sentiendi: Facultas ad hoc sine specie non est sufficiens, sed neque species facultatis nixu destituta, constat enim sæpe recepta specie nihil sentiri, ut apertis oculis luce palam nihil videri, non percipi sonum, non odorem, saporemve, aut res tractabiles, interdum verò rem habentem se eodem modo sentiri magis, interdum minus: at hoc non prouenit ab ipsa specie, quæ ut causa naturalis semper efficit quantum potest, id igitur in facultatem referendum est, quæ modò maiorem conatum adhibet, modò minorem. Hac ratione sensus agit & patitur, atque eius actus immanens est, quoniam elicitur a specie, organo, & facultate, eodemque recipitur organo, quo species atque facultas, & hoc sufficit ad actionem immanentem. Cæterum ipsa sentiendi actio, qua nullum aliud opus producit, ut ait Aristoteles 9. Metaph. 16. eadem inhærens principio ex quo emanat, est qualitas, nam quatenus fit vocatur actio, ut verò est expressa imago rei, quæ comprehenditur, qualitatis sortitur appellationem.

A R I S T. Hæc igitur est summa doctrinæ tuæ, mediæ, atque organi materiam ab obiectis continenter formari modis prope infinitis, nam aer, & manus tam calore, quam caloris imagine informantur: immo minima aeris particula eodem momento fit omnia, ut dicitis, quorum habet species perpetua successione fluentes citra ullam confusionem. Hac imago recepta in organo non est actus sentiendi, sed oportet organum formari rursus in aliam speciem expressam, quæ est ipse sentiendi actus. Primum illud fateri videbare speciem productam in aere ab obiecto quantumvis similari, puta charta, vel aqua non esse vnam, quia singulæ partes edunt sui imaginem & non alterius: si autem non est vna, quæro quot sunt: ne dicas esse infinitas potestate, ac totidem quot sunt partes obiecti, ita enim in quavis aeris particula daretur vna species totius obiecti, quæ virtute solum multiplex esset, & eadem ratione dici posset esse vnam omnium obiectorum: si verò non est vna hoc modo, sequitur actu esse infinitas, quoniam nulla est chartæ particula, quæ non producat sui imaginem. Considero præterea speciem, quam emit tit granum tritici, & quæro cur illa non possit longè propagari, nec mouere sensum, quemadmodum facit aceruus tritici: nam si singula acerui grana non valent extendere sui speciem, neque ipse totus illud poterit, quoniam singula grana producant tantum sui imaginem, ad alterius autem prope emittendam nihil conferunt, quare non video quid profint ut ea extendatur ad longius intervallum, nec quomodo se inuicem iuuare possint. Hoc tamen per-



facile est si dicamus species illas esse corpuscula, veluti lumen, quod incidens in granum solum, repercutitur quidem, sed ad oculum distantem non pervenit; vel enim dispersum interiectis corporibus adhærescit, vel tam exile est, ut sentum non moveat. Ita scintilla non longè, sed prope videtur, ubi radios fundit densiores, illi enim aerem facillè pervadunt, rariores autem sunt velut rivuli qui sicco solo combibuntur, & ad mare non perveniunt. Denique speciem illam esse fluentem imaginem rei permanentis, & vocari formam sine materia propterea quod pendet magis ab obiecto, quàm a materia, refragari videtur experientiæ, qua obtutum diutissimè defigenti in partem aliquam specularium, quæ sunt in fenestra Sole illustrata, atque inde oculos ad murum transferenti, videtur fenestra eadem maior, aut minor, prout longius a muro, vel propius oculos habet, quod si accidit a speciebus, necessum est eas diu servari. De actione autem sentiendi quam simul esse dicis speciem expressam de genere qualitatis, nulla est ratio cur ipsa sit potius sentiendi actus, quàm species impressa ab obiecto, modò dicamus ad impressæ educationem requiri non tantum obiecti, sed etiam organi & facultatis efficientiam, ac propterea respondeamus Aristoteli aerem non videre, quia se habet duntaxat instar subiecti patientis, at verò organum prædium facultate conferre actionem aliquam ad huiusmodi speciem exprimentam, & quanquam nullam conferret effectiorem, tamen speciem recipiendo, hoc ipso, quod est organum, vocari sentiens, non autem aerem. Hoc præterea mirandum subit, medium & organum recipere species impressas ab obiectis innumerabiles citra ullam confusionem, non posse tamen elici simul totidem actus sentiendi nisi confusè. Cur aer, aut organum sensus tam facillè sit equus, arbor, mons, omnia denique species omnium recipiendo, non potest tamen omnia simul fieri speciem expressam omnium formando, & si distinctè sentit vnum, vix sentit aliud? quoniam, inquit hic agit, ibi patitur tantum, unde conficis distinguere speciem expressam ab impressa, & vitamque fluentem esse continenter, sed impressam videri mortuam imaginem ut picturam in tabella, expressam autem veluti vivam atque spirantem. Melius opinor diceres neutram esse actum sentiendi, nam si actio qua produciuntur impressæ non est sentire, neque alia actio qua elicitur expressa sentire est. Actio enim & species illa distinguuntur sola ratione cum ergo speciem habere non sit sentire, sic neque effectio speciei sentire est. Qui dicunt in sensibus aliquandiu permanere rerum imagines, volunt in ipsis sentum consistere, sed in earum productione, quoniam sentire est agere & pati, at illæ imagines permanent etiam in somnis; cum nihil sentitur; huiusmodi ergo imaginum effectio, quæ, secundum vos, ab ipsis distinguitur sola ratione non erit actus sentiendi, etiam si dicatis species expressas esse fluentes, quoniam minus hoc tribuendum videtur effectiioni rei fluentis, quàm permanentis: Itaque non satis apparet quid sit sentire posita specie impressa, atque expressa, quæ cum sint imagines, vel imaginum efformationes tumultuariæ, videntur potius obiecta sensus, quàm ipsum sentire. Dixi tumultuarias, neque enim possum intelligere quomodo citra confusionem, ac tumultum idem organum eodem tempore fingitur ab obiectis in formas innumerabiles sibi im-

*De sensibus  
iuxta anti-  
ques.*

pressas, atque idem simul sese conformat in alias expressas, ut cum bouem videt, & hominem fit bos, & homo impressus atque expressus, perinde ac si ex eadem cera bouis, & hominis simulacrum simul fieret: quare nihil desperatius videri potest, quam per huiusmodi species intelligere rationem sentiendi. Volo nunc experiri num veteres luculentius explicent quid sit sentiendi. Conueniunt imprimis cum Aristotele sentiendi actum esse perpeffionem organi factam ab obiectis aliquid in ipsum transfundentibus, sed in eo discrepant, quod cum aliam mutationem non agnoscant, nisi eam qua res mouentur loco, hanc quoque sensus perpeffionem dicunt esse motum organi factum non a speciebus imaginarijs, sed corporibus totidem quasi citharæ chordas contrectantibus, hac enim sæpius vtar comparatione, quam afferebat Plato ad explicandos animi motus, ut ait Plurarchus in Pericle, & tractat de virt. moral. Pythagoras inquit, animi perturbationes lyra componebat, quod etiam refertur a Seneca lib. 3. de ira c. 9. Diogenes quoque apud Laertium lib. 6. eos obiurgabat qui lyrae chordas aptarent animi mores negligerent. Nec dubitauit Clemens Alex. ad Gentes hominem vocare viuens organum. *Καλὸν ὁ κύριος ὄργανον ἐμπνέει τὸν ἄνθρωπον ἐξεργάσατο κατ' εἰκόνα τῶ ἐαυτοῦ.* Chordam argenteam appellat Sapiens medullam per spinæ fistulam in extremum sacri ossis progredientem, & conuexitam duobus inuolucris, quæ a cerebri meningibus proferuntur, & quæ eundem ac meninges vsum præstant; sic totidem chordæ naturales vocari possunt omnes neruorum productiones, quæ a cerebro deriuatæ tanquam a centro ad totius corporis ambitum diffunduntur. Illi nerui anima sentiente eo quod ante dictum est modo, informati, sunt organa sensus multiplicis hoc ipso quod sunt chordæ concinnius, & artificiosius cuiusvis citharæ fidibus contextæ, atque dispositæ, & pluribus longè motibus, ac diuinioribus cieri possunt, dum tanguntur appulsu innumerabilium corpusculorum. Duo enim sunt præcipuè quæ varietatem motionum in neruis efficiunt pene infinitam, primum textura neruorum, quæ pluribus constat villis, quam si filis araneorum componeretur: Obseruarunt enim Hieronymus Fabricius ab Aquapendente, Laurentius, & alij celebres anatomici medullam spinæ, quam vetustiores multi simplicem existimabant, contextam esse ijs omnibus neruis, qui e vertebrarum foraminibus proferuntur, ita ut illi omnes a cerebro delapsi, & ab ortu suo distincti medullæ funem argenteum cor ficiant ad vulgum quidem sensum vniuersum, doctorum verò obseruatione multiplicem. Quemadmodum autem singulæ coniugationes dum exeunt e vertebris non tanquam rami de caudicis nodo fruticantur, sed ab ipso cerebro prodeunt integre, sic cum in alios minores neruulos distribuuntur, arbitrandum est nullum esse filum, quod a cerebro perpetuo ductu non producat, vnde singulorum tenuitatem vix mente possumus comprehendere. Alterum quod ad variam motionem pertinet est multitudo, ac diuersitas corpusculorum rerum tangentium, cui veteres idem tribuunt, quod vos specierum varietati, ut enim dicitis recepta in neruo specie caloris, siue imagine impressa, moueri neruum ad formam speciei expressæ fuscitandam in se, ac recipiendam, & hunc



& hunc esse sensum caloris : sic illi putant calorem esse tenue corpus , quod feriens neruum efficit ut moueatur ratione longè diuersa , quàm si frigore , vel humore contingeretur : & ille quidem nerui motus est duntaxat e loco ad locum , sed adeo varius , pro fibrarum mobilium , & corpusculorum appellationum diuersitate , ut quanquam oculis non sit conspicuus , sufficiat tamen ad actus omnium sensuum distinguendos . Ita cithara varios edit concentus , non tantùm quia varijs constat partibus , sed etiam quia tangitur diuersis modis ; & sicut ea omnia quibus construitur sunt propter chordas , sic in animali cæteræ partes circumiectæ neruis eorum duntaxat gratia consistunt . Solùm difficultas est qua ratione neruorum ille multiplex motus potest animantibus imprimere rerum notiones : hanc in perfectis animalibus quæ cerebrum habent examinabo , in alijs enim est aliquid respondens cerebro , sed nobis obscurius . Attingam autem breuiter quæ ad rem faciunt . Duæ meninges quæ cerebri substantiam ambiunt , ipsumque diuidunt in plures sinus , eandem substantiam ad tenuissima neruorum fila ducenda propagatam conuestiunt , ita ut ex utraque fiat neruus organum sensus & motus , libet enim hic iuxta communem loquendi modum distinguere sensum a motu illo , quo manifestè videntur partes mutare locum . Ex meningibus autem ea cui præmatri nomen inditum est non tantùm præcipuos , & conspicuos cerebri sinus , sed singulas quasque particulas ambit atque complectitur , ut cum inde funditur in varias neruorum propaggines , singulorum motus ad totum cerebrum pertineat tanquam ad centrum . Has neruorum productiones quibus organa sensuum constituuntur plena spiritu , siue anima ex cerebri ventriculis influente cogitemus esse veluti cochlearum cornicula , quæ prætenduntur , ut multifariam mota rerum omnium occursum , referant quid noxium sit , quid iucundum , aut certè baculos , quibus cæci prætentant viam & eorundem motu diuerso significatur adesse lutum , aquam , lapides , lanam , arbores , & alia innumera , quæ ipsi percipiunt ex sola motus differentia sibi quotidiano usu exercitatis notissima , nobis verò ignota , ac incredibili . Quanto magis ergo cerebrum assuetum uti neruis tanquam bacillis naturalibus eorum varia motione percipiet ea quibus mouentur . Quid autem sit illud quod in cerebro dijudicat & internoscit singulos motus , veteres respondébunt conuenienter , initio vitæ nihil esse præter spiritum , cerebri substantiam , & meninges , quibus adhuc nihil fuit impressum , proinde veluti tabulam rasam , ita ut nihil sit intus quod promat iudicium de primis neruorum motionibus , unde fit ut sensus illarum non sit completus , & absolutus , interiori motu deficiente . Idem ferè accidit cum nobis ad alia intentis mouetur sensus exterior interiori non respondente . Vbi primùm igitur organa sensuum mouentur appulsu rerum extrarum sibi naturaliter subiectarum , ob neruorum cum cerebro continuationem , eò pertinet omnis motus , virtute cuius ex tenui meninge , substantia cerebri , & spiritibus firgitur simulacrum referens causam illius motus , non quod sit omnino simile suæ causæ ( quis enim credat viso equo , in capite picturam equi delineari ) sed quoniam est signum naturale , quod vi interna consensus mutui peculiari quodam motu ciatur ad contactum illius causæ . Non magis necessarium est si-

gnum illud esse rei simile, quàm atramentum charta inductum simile est homini, vel arbori, quorum tamen imago dicitur. His spectris & simulacris variarum rerum paulatim efformatis in cerebro, non enim subito perfecta prodire possunt ob nimium humorem, & teneritatem, sensus est absolutior, quippe ad varios motus organorum mouentur spectra, quæ illis respondent, ut ad appulsum igneorum corpusculorum, mouetur ignis simulacrum, quod prius occursum similium corporum nervos mouentium fuerat genitum, & ita de alijs, quod nunc satis sit ad declarandas functiones sensuum exteriorum, ratione saltem faciliori, quàm a vobis excogitata. Vobis quippe ad actum cuiusque sensus necessaria esteductio specierum impressarum ex materia medijs, & organi patientis, simulque eiusdem organi efficientia produci debent aliæ species expressæ, ibidem receptæ, tum a sensu interiore necessum est alias fabricari. Quid porro facit tot specierum supellex ad comprehensionem rerum, quibus illæ sunt minus similes, quàm simulacra nunc a me dicta. Ut verò dicitis non speciem expressam, sed illius effectum esse actum sensus, ita veteres putant non rei simulacrum, sed illius & organi motum esse veram sensus actionem. Quid habet productio vestræ speciei, ut sit ratio sentiendi potius, quàm ille motus? & cum sentire apud Aristotelem sit pati, quid planius dici potest, quàm in organo recipi motum a corporibus varijs sibi impressum? Miraris forsitan tot colorum visiones nihil aliud esse quàm diuerfos motus nerui optici, soni tam multiplicis auditiones referri ad vnus membranae motionem, & ita de alijs sensibus. Sed credis opinor nerui optici motus peculiare ad pulsum luminis ortos non magis ad visionem pertinere quàm motum digiti. Cogitandum est corpus animalis ut musicum instrumentum, cuius ad omnem concentum dispositæ chorda multiuges referunt infinitam sonorum varietatem: quod si ars id præstat in sonis motu solo, putamus naturam non potuisse conuenientius aptare sensuum chordas, ut sola motione non tantum sonos sed colores, odores, & alia perfectè repræsentarent. Dic obsecro, varijs colores, & ignium collucentium imagines, quæ obuersantur post grauem plagam inflictam oculis, aut elisas fauces, aut vehementem capitis percussione, quid aliud sunt quàm motio fortuita nerui optici eadem ratione, ac si lumine externo ad hæc omnia exhibenda commoueretur. Quodenim aliquid referunt ex spiritibus accensis hoc prouenire, non satisfacit experientiæ, qua colores isti cernuntur oculis clausis: ignis autem videri non potest nisi extrinsecus oculos percellat, ut qui ab ijs emicat noctu conspicitur, propterea quod eodem redit. Quare nihil repugnat videri tales imagines etiam a cæcis, modò neruus opticus siue plaga, siue humoris acerbitate, siue aliunde motionem subeat, quam illi imprimerent res luminosæ si oculus esset suis omnibus numeris absolutus. Hinc est quod cæci narrant aliquando se mira comprehendere interno sensu, quæ & ipsi colores vocant, sed quoniam eorum nomina, ac distinctionem nec discere possunt, nec ostendere, propterea dicuntur non posse indicium ferre de coloribus, possunt tamen ijs quæ vident nomen imponere, ut quod rubrum vocamus, album appellare, & de singulis ita differere, ut se solis intelligantur. Sed dicendum restat quid sit illud vnum quod



proprie sentit; an anima, an substantia cerebri, an tenuis eius membrana, an simulacrum? Respondent ex istis omnibus fieri vnum, cuius motus est actus sentiendi, vt Aristoteles tex. 64. ait non animam addiscere, aut cogitare, sed hominem. Quemadmodum igitur cum homo videt, putatis speciem expressam visionis recipi in oculo tantum, quia tamen anima sentiens, quæ in oculo est funditur etiam per totum corpus, totus homo dicitur videns, ita veteres docent motionem quæ est functio sensus, organo recipi, pertinere tamen ad totum hominem, quoniam spiritus, siue anima sentiens, substantia cerebri, atque eius membrana tenuis textum vnum faciunt, quod pro- tenditur per totum corpus: si cui tamen potissimum attribuenda videtur absoluta perfunctio sensus, id certè videtur simulacrum illud, quod nisi mo- neatur, vt ante dixi, actio sensus imperfecta est. Dices hominem cursu, aut armorum tractatione se exercentem commoueri toto corpore etiam in te- nebris, non percipere tamen vllum colorem, sonum, odorem & alia, quæ motus organorum debet offerre. Sed quis est hic motus hominis exagitan- tis sese huc illuc, certè non ille peculiaris quo organa moueri debent, vt ci- thara rudis impulsus & inconditus non est ille qui harmoniam reddit emo- dulatam; ita multa sæpius incurrunt in organa naturalia, velut in fides con- tentas numeris, quæ propriam modulationem sensus, vt ita dicam, non ex- tundunt. Scio tamen vestras species videri vobis illustriores ad explican- dos actus omnium sensuum, videamus igitur quid de eorum obiectis sen- tiendum est.

## De obiecto sensus.

## CIRCVLVS XIII.

## CHARILAVS. ARISTÆV.



**C**HAR. Duplex obiectum sensus assignatur tex. 63. scilicet sensibi- le per se, & ex accidenti. Illud est quod reuera sensum mouet spe- cie alicuius interuentu, vt color, figura, istud verò quod sentitur tantum ratione alterius cui adiunctum est, vt musicus, & gram- maticus. Rursus illud diuiditur in proprium & commune. Proprium est quod vno solo sensu percipitur, cuius species sunt quinque, color, sonus, sa- por, odor, & qualitas tractabilis. Commune est quod percipitur saltem duobus sensibus, diuiditurque in motum, quietem, numerum, figuram, & magnitudinem, ad hæc enim omnia reuocantur quæ pertinent ad plures sen- sus. Dicuntur autem tex. 64. & 133. sensibilia communia sentiri per se, non ex accidenti, quia sensus non tantum debet percipere obiectum proprium, sed etiam condiciones sensibiles talis obiecti, non enim videtur color a ma- teria seiugatus, sed cum tali figura & magnitudine: sensus ergo ab ijs per se

mouetur, hoc est verè excitatur ad sentiendum, non quòd seorsim a proprijs illa percipiat, vt figuram absque colore, neque etiam quòd propriam speciem mittant in sensum; nam quando videtur album triangulum, aliam speciem album, aliam triangulum non immittit, vna est species vtriusque, & illa quidem imprimitur efficienter a solo candore, figura tamen trianguli conditio est cur illa species sit diuersa ab ea quæ producitur a candore circulari: sensibilia enim communia sunt tantùm conditiones cur species alio atque alio modo a proprijs sensibilibus oriuntur, ac propterea videntur earũ causa. Verùm quæ species a numero solo produci posset? certè ne fingi quidem potest. Quies verò negatio motus non potest emittere veram speciem, sed neque ipse motus cuius terminus est solum vbi. Sola igitur obiecta propria producant species quæ & ipsa & conditiones quas habent repræsentant, proinde sensibilia communia per propria comprehenduntur. ARIST. Hoc quidem minus incommodè dici videtur, sed tamen non reuellit animo dubitationem quomodo species emissã in sensum a colore immoto, variatur motu coloris. Nam si motus aut aliud commune non habet vllam efficientiam, non potest modum adiungere ad speciem priorem immutandam. Vel enim modum adhibere est aliquid efficere, vel nihil; si aliquid, assignandum est: si nihil, non potest igitur esse diuersa species, & sic color motus vel immotus apparebit eodem modo. Superest vt confugiatis ad aram emanationis, dicatisque motum & alia sensibilia communia esse conditionem, qua posita statim diuersa species ab eodem colore pullulat. Veteres reiectis speciebus dicunt sensibilia propria addito motu, quiete, numero, figura, & magnitudine incurrere in organa diuersis modis, sicque varium in ipsis fieri motum, ac proinde sensum, vt de singulis mox dicetur. CHARR. Nihil habetis præter diuersos motus organorum, quibus & si quocunque modo declaratis communium quinque sensibilium perceptionem, ipse tamen actus sentiendi qui secundum vos est motus organi ab aliquo percipi debet, animantes enim non tantùm sentiunt, sed etiam cognoscunt se sentire: at nullum ponitis sensum interiorem ad quem pertineat actus exterioris, oportet igitur eundem organi motum esse actum sentiendi, & sui ipsius cognitionem, quod dici non potest. Optimè verò Aristoteles ostendit nullum sensum percipere suos actus: nam vt inquit tex. 137. Visus non videt nisi colorem, aut coloratum, at visio non est color nec coloratum, ergo visus non videt visionem. Et 146. probat sensum quò differentias plurium obiectorum discernimus, a quinque exterioribus esse distinctum hoc pacto. Si sensus quò discernimus differentias plurium obiectorum est vnus e quinque exterioribus, vel est vnus tantùm, vel plures. Si vnus, maximè tactus, at hoc repugnat, quia differentiam vocis a colore sine tactu discernimus; neque plures, alioqui perinde accideret ac si duo homines essent, quorum vnus cognosceret dulce tantùm, alius album tantùm, tunc enim neuter posset discernere vnum ab alio. Præterea si visus videt suam visionem, vel hanc videt eodem actu, quo videt obiectum, vel diuerso. Non eodem, quia sæpe aliquid video, nec tamen video me videre, aduerto autem postea, ac proinde per alium actum. Sed neque visus videt suam visionem per aliquem actum reflexum, alioquin etiam aliorum

*An actus  
sentiendi  
sentiatur.*



rum visiones videre posset. A R I S T. Veteres quoque non negant sensum interiorem, sed ratione longè diuersa, dicunt enim esse simulacrum quoddam commune ortum ex varijs motibus omnium sensuum, ita vt ad actum sensus alicuius, verbi gratia visionem, quæ est peculiaris motus nerui optici moueatur illud simulacrum commune, & hoc est percipere actum sensus exterioris, aut eius priuationem prout simulacrum mouetur, vel quiescit. Verùm priusquam agamus de sensu interiore, de quinque externis sigillatim determinemus.

## De visu, ac primùm de eius obiecto.

### C I R C V L V S X I V.

#### C H A R I L A V S. A R I S T Æ V S.



H A R. Postquam de sensu & sensibili generaliter dixit Aristoteles accedit tex. 66. ad singulorum sensuum tractationem a visu auspiciatus vtpote omnium prastantissimo ratione obiecti, scilicet lucis & coloris, agendi velocitate ac latitudine qua se ad caelestia corpora extendit, iucunditate simul, atque vtilitate ad scientiarum & artium inuentionem. Quoniam autem species lucis & coloris recipiuntur in perspicuo, de eo nunc considerandum est quo sensu ab Aristotele dicatur visibile non secundum se, sed propter externum colorem. Placet Philoponi interpretatio perspicuum esse visibile per colorem corporis opaci terminantis. Ita, inquit, si lucerna ponitur in olla profunda quæ os tantum habeat apertum & satis angustum, videbitur lumen in tabulato superiori, non in aere intermedio, quanquam illuminato. Item guttas pluuiæ cadentes non percipimus nisi corpus aliquod opacum sit retro positum. Quare crystallum, cornu & alia corpora quæ videntur ad aliquam profunditatem, non sunt purè & perfectè perspicua, sed habent aliquid intus opaci, quod coloris externi rationem habet: at quidquid est purè perspicuum externo colore tantum videtur, quamobrem ab Aristotele dicitur inuisibile tex. 71. quia videri non potest nisi condensetur, & fiat opacum, vel certè nisi opponatur corpori opaco. Sic definitur perspicuum respectu visus, absolute verò est illud quod aptum est recipere lumen intra totam suam profunditatem, quoniam habet qualitatem in se, quam vocamus perspicuitatem luminis amicum: contra verò opacum contrariam habet opacitatem, qua lumen repellit. A R I S T. Et ita vobis videmini dixisse *Grande aliquid, quod pulmo animæ pvalargus anhelet*. cum tamen nihil ieiunius afferri possit. Cur crystallum, aer, & coelum admittunt lumen intra suam profunditatem, non autem ferrum, lac & Luna satis est vobis dixisse quoniam illa perspicuitatem habent, hæc verò opacitatem, hoc est quia vim habent luminis admittendi, vel exclu-

*Deturssi-  
cio.*

videndi, id ipsum planè quod quærebatur. Absurdius est tamen dicere perspicuum videri per colorem externum, nam siue per colorem intelligatis cum D. Thoma lumen, siue cum Philopono colorem oppositi corporis opaci ostenditis quidem videri illud lumen & colorem, sed non perspicuum, nisi forte dicatis ab ipso emitti propriam speciem, quod frustra fingitur, quandoquidem omnia intelligi possunt per solum lumen ad oculos nostros percussum. Quid enim haurimus præter lumen ab illo tabulato Philoponi? An propterea credit videri aerem, quia repellitur lumen a tabulato? De guttis autem pluuijs, quæ non videntur nisi opposito corpore opaco, dictum est longè inscitius: idem enim lumen incidens in illas guttas redit ad oculos nostros quocunque modo, sed illud non est sensibile, nisi opposito corpore opaco impediatur maius lumen affulgens ab alijs corporibus, quod visum offundebat, ita vt aliud minus non sentiretur: non sunt igitur guttæ visibiles per aliquid quod accipiant ab opaco, sed propter aliquid, quod ab opaco prohibetur. Ita cum aliquis per angustum foramen intuens, clarius videt, id non fit, vt vulgo creditur, quod virtus collecta sit fortior, neque enim dici potest in quo consistat illa collectio, sed quod multa lumina, quæ oculum varijs motibus afficiebant, excluduntur, & illud solum in quod acies dirigitur motum efficit. Nobis imponit Aristoteles dum ait perspicuum videri per externum colorem: ignis perspicuus per quem colorem conspicitur? Si corpus est purè perspicuum, nihil videtur præter corpus externum coloratum, vt in exemplo Philoponi non videmus aerem, sed tabulatum: quod si non est purè perspicuum, videtur quidem, sed quatenus opacum est, & remittit lumen quibusdam partibus, alijs verò quibus non remittit, haudquaquam videri potest. Vix autem accidit perspicuum esse tam pellucens, quin plurimæ particulae reperiunt lumen, & illud feriens oculos causa est cur dicatur videri perspicuum, cum tamen illæ particulae opacæ solæ videantur. Aquam clarissimam in fonte, vel vase existentem non videremus, nisi a multis corpusculis opacis quæ in ea sunt sensibile lumen ad oculos nostros refliret: quod pictores exprimunt optimè, dum fontes & alia perspicua nobis adumbrant. Denique perspicui partes a quibus nullus ad nos radius repercutitur, non magis videntur, quàm vacuum si lumine collustraretur. Quare magis placet quod dixisti perspicuum esse quod facile lumen admittit, opacum verò quod repellit. CHA R. Videtur perspicuum actu hoc ipso quod lumen eius forma subit oculos: est enim lumen, vt dicitur tex. 69. actus perspicui, vt perspicuum est, id est qualitas & forma qua perspicuum constituitur, tu verò probas non videri perspicuum potestate, quatenus aptum est lumen recipere. Verùm vt de lumine & perspicuo aliquid certi habeamus, aduertendum est distingui lucem, & lumen. Lux est qualitas permanens in subiecto opaco & terminato, quare necesse est ignem habere aliquid opacitatis, cui lux permixta efficit colorem quo ipse videtur, alioqui purè perspicuus visum fugeret: idem sentiendum est de omnibus stellis quæ coloratæ nobis apparent. Lumen verò est imago & species, quæ non videtur, sed qua videtur lux, sicut enim non videtur imago candoris, sed candor, nec sensu percipitur vlla species, sed res ipsa cuius est vicaria, sic cum putamus

*De luce, &  
lumine se-  
cundum A-  
ristotelem.*



nos videre lumen, lucem videmus, & quidem si radij Solis eodem modo perueniant ad nos quo immittuntur, habetur perfecta eius imago, si verò radij nullo or line dispergantur, vt fit cū n incident in terram aut nubes, videtur Sol, sed imperfectè. Multi tamen dicunt videri lumen, quoniam in subiecto opaco induit rationem lucis, verū hęc opinio frustra hoc lumini tribuit, & contra Aristotelem ponit sensibile supra sensum. ARIST. Veteres non tenentur distinguere lumen a luce, nisi velint dicere lucem esse ipsum ignem in corpore lucido existente n, lumen verò esse eundem ignem, sed profusum, quod vt videtur non indiget villo colore externo, aut interno. Itane verò arbitratur Aristoteles non visum iri lumen, si a vacuo, aut ab alio, quod esset coloris expers ad oculos repelleretur? at illi putant lumen esse colorem ipsum, vt mox aperiam cū declaraueris quid sit color. CHAR. Duas nobis coloris definitiones reliquit Aristoteles, vnā hoc lib. tex. 67. nimirum id quod aptum est mouere perspicuum actū, id est qualitas cuius natura est imprimere sui speciem in perspicuo illuminato, lux verò ipsum perspicuum illuminat, & quod erat potestate facit actū perspicuum. Alteram definitionem habemus lib. de sen. & sen. c. 3. Color est extremitas perspicui terminati, id est qualitas quæ prout visibilis est, habetur in superficie tanquam subiecto, tamen esse potest in tota profunditate: vt cum partes electri profundiores videntur, rationem habent superficiiei coloratæ, quæ per alias perspicuas conspicitur, haud secus, quam musca intus conclusa. Colorem sic definitum reipsa distinguere a luce & lumine, probat Auerroes contra Auempacem, & Auicennam, eò quòd diuersam habeat definitionem: vnde Aristoteles ait colorem non esse visibilem sine lumine. Quis autem credat Sole occidente, aut extincto igne perire candorem, nigrorem & alios colores fixos & stables, nisi credat simul eosdem perire clausis oculis? Oriuntur illi permissione quidem primarum & secundarum qualitatum perspicuitatis præcipuè, & opacitatis, videri tamen non possunt sine lumine, quod intellectui agenti comparatur 3. de anima 17. sicut enim corporea rerum spectra quæ sunt in phantasia producere non possunt sui speciem absque opera intellectus agentis, ita colores sine lumine, quo prius non ipsi modo, sed etiam medium, & organum illustrari debent, vt producantur, & conuenienter recipiantur eorum species, quam vocat Aristoteles formam sine materia. Quamobrem multi existimant tam lumen, quàm species colorum ex potestate materiæ non educi, vt alia accidentia, sed induci, ceu animam humanam corpori extrinsecus aduenientem; præstat tamen dicere cum Herueo educi sicut alias formas, alioqui ex nihilo fieri viderentur, nam si ex materia non educuntur, neque efficiens quidquam sui confert, necesse est illas prodire ex nihilo, & in infinitum propagari, neque enim difficilius erit hoc modo eas in remotum corpus induci, quàm in propinquum, si inducentis intima præsentia non requiritur. Propterea theologi dicunt Dei inducentis animam in corpus necessariam esse præsentiam intimam quæ corporeis obiectis sui speciem producentibus non conceditur. Quòd si lumini & alijs speciebus hoc conceditur, idem dici poterit de cæteris omnibus formis: nec iam erit opus materia prima, ex qua illæ educantur, sufficiet quodcunque corpus, in quod

*De colore se-  
cūdm Ari-  
stotelem.*

inducantur instar animæ rationalis. Si quis obijcit calorem, frigus & alias qualitates subiecto firmitus inhærentes educi debere ex materia, nihil conficiet: quod enim qualitas firmitus inhæreat non arguit ipsius e materia educationem alioquin anima rationalis quæ materiæ coniungitur arctius, quàm multæ aliæ formæ, ex ipsa materia educeretur. Quare sustineri poterit contra doctrinam Aristotelis omnes formas esse assistentes, & quod aliqua magis inhæreant respondebitur, ut quidam aiunt de lumine, firmiorem habere adhæSIONem: non enim dubitarunt neoterici ad experientiam, qua videmus lapidem coniectum e loco ubi Sol lucet, ad obscurum, deuehere secum radios sequaces, respondere lumen in corpore fluido esse formam purè assistentem, at in duro magis radicari, & esse velut formam informantem. Quæ doctrina admissa nihil obstat quin omnes formæ sint assistentes. Lumen autem, & colorum species non formas assistentes, sed educatas ac verè informantibus esse dicimus spirituales tamen vocamus, & sine materia, quoniam ab obiectis ita dependent, ut nihil a materia sumere videantur, non enim habent statum permanentem, ut aliæ qualitates, nec vlllo tempore consistunt, sed perpetua est earum productio, uti rerum fluentium motus, & temporis, unde meritò vocantur intentiones, quibus nimirum tenditur in obiecta. Cum ergo species illæ sic dependeant a suis obiectis, non dubitauit Aristoteles tex. 69. & 70. vocare lumen præsentiam lucidi, quia lucido absente illico perit, eoque præsentem producit puncto temporis, propterea quod contrario caret, ob cuius repugnantiam opus est tempore in alijs qualitatibus educendis. Quod si tam lumen quàm aliæ species tempore indigerent ad sui productionem obiecto præsentem, dicendum esset quid agit illud obiectum præsens, antequam speciem emittat: non enim aliquam præparationem inducit, neque contrariam qualitatem remouet: at quid igitur opus est mora quadam breuissima, ut quidam volunt. Præter colores veros & permanentes a lumine & luce distinctos, dantur alij, quos apparentes vulgo nominant, a luce tamen & veris coloribus non distinguuntur, cum enim lux sui speciem scilicet lumen immittit in collum columbæ, nubes, guttas roris, crystallum trigonum, lumen illud variè permiscetur speciebus opaci corporis, vel perspicui habentis tamen aliquam opacitatem, ac proinde verum colorem: permistio illa specierum exhibet colorem, qui neque pura lux, neque purus color apparet, sed aliquid particeps vtriusque, & quoniam diuerso situ fit varia permistio, propterea conspicitur colorum tanta diuersitas. Ad huius autem rei declarationem, non dico lumen induere rationem lucis, ut ait Zabarella lib. 1. de visu, sufficit illa permistio, ut quanquam lumen non magis videatur, quàm aliarum rerum imagines, inde tamen oriatur aspectus coloris, & lucis, qui propter specierum confusionem vnus apparet. Alij putant lumen habere duplicem naturam, rei scilicet, & imaginis, quatenus est res, inquiunt illi, calefacit, & videtur, quatenus imago lucis, ipsam tantum repræsentat; hoc certè est excogitatum ad eludendam vim argumenti, quo probat Aristoteles sensibile supra sensum non sentiri. Sic dicere possem caloris naturam duplicem esse, rei, & imaginis, atque ita non minus quàm lumen absque alia specie percipi posse, quod de sono, odore, sapore,

& alijs

*De coloribus apparentibus.*



& alijs similiter dici deberet . Certum est rem valde illuminatam caleferi , incertum est autem , an lumen actione propria calorem eliciat e subiecto , an verò sit tantum conditio , qua posita lumen e subiecto apto per emanationem exsuscitetur , ita enim motus est causa caloris , hoc ipso quod posito motu emanat calor , alioqui daretur motus ad motum . Quod si lumen , vt vero proprius est , habet tantum rationem conditionis vt emanet calor , perinde est an sit res ipsa , an imago rei , vtrovis enim modo reperiatur in subiecto , calor emanat . Hinc rei sciendum videtur quod alij dicunt lumen calefacere atterendo aerem reflexione , quasi verò aer a lumine quod est accidens , diuideretur , sicque fieret siccior , & calidior . Atterere aerem corporis est , non qualitatatis , alioqui tot rerum species , quæ in aere cum exiguo lumine reperiuntur , ipsum vehementius attererent , & calefacerent . Quare illud Aristotelis 2. coeli 42. calorem a coelo produci in aere attrito , sic accipi debet vt posito motu & lumine velut conditione ad calorem excitandum per emanationem , oriatur e subiecto raritas , & calor , vt in libris de Gener. declaratum est , non quod solo lumine diuidatur aer , sed quod tenuior euadat & rarior , perinde ac si attereretur . Cæterum quod lumen adiunctum lumini non faciat propriè lumen intensius , sed distinctum permaneat , hoc præcipuè demonstrat naturam eius esse speciei & imaginis , cuius munus est rem a qua producitur , repræsentare : singula lumina sunt suæ lucis imagines , quam non perfectè exhiberent , si ita permiscerentur vt vnâ qualitatem efficerent intensiorem : sunt igitur simul vt species colorum in eadem materia distinctæ , quod pluribus accensis lucernis ostenditur , singulæ enim suam habent vmbra , & si lumina transeant per foramen , hoc adhuc distinctius apparebit in pariete ad quem singulæ lucernæ per foramen radios emittunt . Illud mirum est , quod licet singulæ species sint imagines particulæ illius , qua producuntur , nec ad aliam exhibendam iuuare possint , omnes tamen se inuicem iuant vt longius propagentur , quam si singulatim sui obiecti particulam referrent . Exigua flammula ab vno milliario non videtur , multæ tamen a multis conspicuæ sunt , ita lapillus solus tam longè non emitit sui speciem , quàm alijs iunctus . Hoc tantum præstat plurium confociatio vt ad maius interuallum singula plus efficiant coniunctim , quàm separatim . Instant multi dicendo plura accidentia solo numero distincta in eodem subiecto esse non posse , Aristoteles enim 5. Metaph. 12. docet illa esse vnum numero , quorum vna numero materia est : verum id non est intelligendum de speciebus istis , sed de alijs formis , quæ non continenter dependent ab efficiente , sed a subiecto , vti calor , & frigus . Age nunc vicissim profer aliquid de colore , si quid a veteribus habes illuminatus . A R I S T . Cum lux , lumen , & color apud veteres ratione sola distinguantur , breuiter dicam . Lux est substantia quædam tenuis e corpore cui permixta est in vnum collecta , & inde dispersa velocissimè . Lumen est eadem substantia , sed iam per medium diffusa ea qua solet velocitate . Color nihil addit lumini præter varios motus , quibus emissum a corpore lucido contorquetur , vnde fit vt in neruum opticum incidens varios in ipso cieat motus , hoc est colorum visiones . Imprimis ostendendum est lumen esse corpus tenuissimum : hoc non modo Empedocles , Democritus ,

*De lumina  
& colore se-  
cundum an-  
tiquos.*

Epicurei, & Platonici agnouerunt, sed etiam complures neoterici doctrinæ celeberrimi, quorum alij palam quid sentirent professi sunt, vt Clarissimu Galileus; alij cœca obedientia potius quàm rationibus Aristotelis præpediti, obscurius id significarunt, vt Aguillonius, & Cabæus. Rationes Aristotelis duæ sunt, scilicet non posse corpus ab oriente in occidentem ita diffundi, præterea futuram corporum penetrationem. Ad utranque iam responsum est lib. 1. de Gener. cùm ageremus de actione. Non enim veteres momento diffundi lumen, sed breuissimo tempore putant, quod etiam placet quibusdam Peripateticis, quos refutasti. Penetratio verò non est timenda, si lumen non est in toto medio, sed permixtum, vt sal, & vinum aquæ, vel aurum liquori quo dissoluitur, aut quemadmodum halitus odoriferi dicuntur occupare totum aerem, quia nulla pars eius sensibilis caret odore, licet minimum sit illud quod occupat odor. Afferam nonnulla experimenta quibus planè conficitur lumen esse corpus, & incipiam ab eo quod affert Aristoteles ipse 15. sect. probl. 12. vbi quærit cur Solis umbra extrema videatur tremere, atque id fieri corpusculorum concursione, aut fortè quòd Solis motus sit incertus. Vnde putarunt aliqui Peripatetici tam umbram, quàm lumen corpusculis volatilibus, veluti Pegasis insidens declinare tantillum a linea recta motu tremulo, neque hoc repugnare formæ assistenti, qualem esse dicunt umbram, & lumen, verum quoniam eorum sententiam non recipis, audire expeto quid respondeas. CHA R. Quòd umbra sit qualitas, id ingeniosè omnino, sed frustra excogitatur, cùm per maioris, aut minoris luminis priuationem intelligatur umbra longè commodius. Lumen verò ne transuersum quidem vnguem defleuit a linea recta, eo modo quò illi fingunt, nempe deuectum dorso corpusculorum in locum opacum, ad quem recta linea a corpore lucido duci non potest, ita enim lumen ab Aristotele malè diceretur præsentia corporis lucidi. Dico igitur potius umbram illam extremam videri tremere, ob lumen non quidem euectum, sed reflexum a corpusculis concursantibus, atque ita cum circa terminum umbræ multa lumen reflexum accipiant, & amittant, tremere umbram existimamus. A R I S T. Id quidem magis consentaneum est doctrinæ Aristotelis, non soluit tamen rationem, quam ipse affert, cur stellæ fixæ scintillent, videtur enim admittere ob nimiam a nobis distantiam radium emissum sub finem vacillare, & a recto tramite deflectere: nam cùm lumen tantum iter emensum non amplius eo feratur impetu, quo initio rapiebatur, facilius potest detorqueri, & sic est corpus, nisi dicatis ferri posse aliquantulum saltem ad motum subiecti. CHA R. Hoc quoque luculenter explicatur per diuersas fractiones: nam lumen fixarum transit per plura media, quàm errantium: quare dicendum est ex diuersa coeli alicuius superioris opacitate, per quod illarum lumen diffunditur, frangi continenter radios, vt sit cùm per vapores ascendentes Solem tremulum intuemur, & sic non est necesse vt dicamus moueri lumen ad motum subiecti, quod recentiores quidam admisserunt, vt istis experimentis lausfacerent. A R I S T. Melius adhuc si admitterent lumen esse corpus: quanquam enim motus ille referri possit aliquo modo ad luminis repercussionem & inflexionem, vt dicitis, nihilominus quia repercu-



ri, inflectique propriè corporis est, non qualitatis imaginariæ, sic veteribus omnia sunt multò planiora. Quòd si lumen non moueretur, nec moueret alia corpuscula, non cerneremus in vase vitreo bene obturato longo tempore (ne quis dicat introferri puluerem) volitare ad Solem minuta quadam corpora, quæ profectò radijs per vas immixtis agitantur, cur enim tanto tempore non subsiderent, & vasis fundum peterent, nisi quia motu luminis huc atque illuc dispellantur? Sicut autem odor per totum aerem diffusus non visu, aut tactu, sed odoratu solo deprehenditur, ita percipitur visu motus a lumine factus, non autem tactu, nam ob tenuitatem adeo suauiter se omnibus insinuat, & admiscet, vt appulsu suo nihil commouere ac disturbare videatur. Si quis dicat lumen longè maioris esse velocitatis quàm odorem, proinde plagam illaturum grauius fulmine, si esset corpus; secum reputet tanto esse subtilius odore, quanto velocius, & sic omnia corpora permeare, vt tenuis aqua per arenarum, & lapidum moles elabatur. Dixeris illud a rebus ipsis conibibi sitienter, & non minus attrahi, quàm immitti: Ex hoc enim principio oritur luminis velocitas, quòd nimirum est natura seipsam valde communicans, & cuius participationem omnia appetunt. Hinc radiorum motus est adeo celer, vt validissimo vento non auferatur a recto limite, saltem quantum sensu possumus deprehendere; ac propterea Empedocles indomitos vocabat radios, Philoponus verò putauit non esse qualitatem, sed actionem a corpore lucido demissam: necesse est tamen radios leuiter flecti, sed vt plurimum sine sensu: nam si dum lumen ab oriente in occidentem efficit centum passus, ventus a septentrione ad meridiem vix decurrit transuersum vnguem, sit quidem, sed agnosci non potest inflexio radij. Hæc tamen interdum esse sensibilem præteritam illata probant radij qui per foramen angulatum emissi procul in muro accedunt ac figuram circulem, coeuntibus scilicet radijs, qui sunt in angulis ac alios in medio positos natura consensu, vt credunt veteres. CHARR. Malim dicere paucos illos radios, qui sunt in angulis ob longum intervallum nudi a foramine sensibiles non esse, ac propterea percipi tantum aliorum exsuperantiam, quòd non accideret si murus parum distat a foramine, tunc enim lumen figuram angulatam retinebit. ARIST. Effugium est, magis tamen peripateticum, quàm qui respondent moueri lumen ex accidenti ad motum perspicui: cur enim aer illuminatus potius in figuram circulem, quàm in aliam se se conformat? Melius fortasse defendi posset lumen sequi motum perspicui sui subiecti, quando lapis coniectus e loco quem illustrat Sol clarissimus ad obscurum, videtur quasi fax ardens, aut cum auis illac transuolans aliquandiu refulget in tenebris, aut cum lapis Bononiensis, quem meritò Galileus vocauit spongia luminis retinet in tenebris vnus circiter minuti spatium lumen, quod hausit a Sole, vel ab igne. Sed tamen hæc omnia luculentius intelliguntur si lumen est corpus, quod incidens in auem, vel lapidem, ipsum conuellit, atque ita peruadit, vt hinc quoque emittatur breui tempore, & in tenebris maximè appareat. Præcipuè verò ille qui dicitur spongia luminis igne recoctus & præparatus potest imbibere plus luminis, & paulatim illud emittere: sic enim aliqua reperiuntur quæ odorem melius concipiunt, ac diffundunt. Hoc cla-

rum videtur, si lumen est corpus, si qualitas, nihil obscurius. **CHAR.** Ad hæc omnia experimenta respondendum est tam lucem, quam lumen esse qualitatem. Quemadmodum autem dixi, recepto lumine in subiecto apto, emanare calorem, ita dicendum est emanare lucem exiguam, quæ in tenebris aliud ex se lumen effundat, nempe sui speciem & imaginem. Sic non incurritur in laqueos, quibus irretiuntur illi qui dicunt ad motum subiecti lumen transferri aliquantum extra præsentiam corporis lucidi, non enim lumen, sed lux defertur, & quidem maior ac paulum diuturnior concipitur in lapide Bononiensi, quæ si permaneret, non alia eius esset ratio ac nitedulæ, ligni, piscis, aut carnis Monspeliensis, & aliorum nocte lucentium hæc enim omnia habent lucem sibi insitam, quæ continenter effundit lumen. In cæteris corporibus solidis ad Solem, vel ignem emanat tam parum lucis, ut mora breuissima euanescat: apparet tamen in loco obscuro, & strictim percellit oculos in lapidibus illis, & auibis, quæ ex lumine subito transeunt ad tenebras: idem etiam dici potest de corpusculis collucentibus, quæ lucem conceptam, non autem lumen deuenire possunt, & ita præter reflexionem supra dictam, efficiunt ut extrema umbra tremere videatur. Ad id verò quod aliquis reclamare posset, lumen non esse qualitatem lucis efficientem, iam respondi non produci actione transeunte, sed immanente, & veluti calorem posito motu, vel lumine, ex subiecto statim emergere. **ARIST.** Nescio quid hoc aliud sit, quam odisse lucem, amare tenebras: ea enim est obscuritas illius emanationis, ea claritas philosophiæ vetustioris, ut comprobetur hic quod a viris sapientibus dictum accepimus, nihil lumine clarius esse, nihil obscurius. Quid enim magis tenebricosum dici potest, quam lapidem hoc ipso quod recipit imaginem lucis, suscitare in se aliam lucem, & eius imaginem statim profundere? Quid causæ est cur lapides eam lucem diu non seruant, ut nitedulæ? nam remanet idem temperamentum in lapidibus ablato lumine, nec ea lux a contrario interimitur, nec a seipsa. At si dicimus lumen esse corpus, quod a lapidibus & alijs combibitur, ea quæ magis idonea sunt ad illud recipiendum, plus hauriunt, & plus effundunt, nec illud diu retinent, quoniam aliunde non reficitur, ut in putridis quæ nocte lucent, effunditur autem continenter, dum fit partium dissolutio, alioqui non videretur. Non dixerim tamen nitedulas, & alia id genus habere in se lumen eiusdem rationis ac Solis & ignis, ad pulchritudinem enim vniuersi volunt antiqui multa reperiri, quæ ignis in lumen diffusi actionem ementiuntur, qualia debent esse ea corpuscula, quæ a nocte lucentibus emittuntur, atque ita mouent neruum opticum, ut lumen ignis existimentur. Posset aliquis ad probandum lumen esse corpus aliam adducere experientiam, quam affert Alhazen lib. 1. c. 1. nempe diu in lumine viuido fixos oculos retinere tantisper imaginem rei visæ, quod etiam fatetur Aristoteles 2. de anima 138. Aut saltem qui dicit imaginem illam non esse corpus, necesse est quoque ut dicat esse formam citra materiem, quæ ab obiecti præsentia non dependeat. Antiqui tamen respondebunt, hoc nihil aliud esse, quam motum vehementem, & diuturnum nerui optici factum a lumine viuido, proinde sublato obiecto aliquantulum perseverantem. **CHAR.**



Probabilius est imaginationi tantum tribui debere visionem illam apparentem, non autem oculo, multa enim imaginamur nos videre, vel audire, quæ solo interiori sensu finguntur, maxime cum ea sensus exterior altè impressit. Ita cum ex aprico loco maxime lucido Solem intuentes oculos conuertimus in rem obscuram, Solem non secus ac si haberemus præsentem imaginamur: & cum ardens carbo circumuoluitur, apparet ignis circulus, crinemque volantia sidera ducunt, & longo limite sulcus dat lucem, quoniam ob moræ breuitatem cum imaginatio non possit distinguere singula loca corporis lucidi, illud in toto tractu fingit existere. **ARIST.** Non vis dicere cum Vasque species ablatis carbonis remanere superstites aliquantulum in oculo, ne illæ corpus esse videantur. Est tamen alia ratio luculentior, quam insinuauimus dum ageremus de actione, nimirum luminis diminutionem non posse rectè intelligi, nisi dicamus ipsum esse corpus. Cum lucernæ lumen ad centum pedes plus media parte diminuatur, ut patet legendo librum ad lucernam, si lumen est qualitas, quæ producat, ut dicitis, non video cur post alios centum pedes altera pars media non extinguatur, cum sit eadem ratio, quæ prioris. At constat ad longè maius interuallum videri lucernam: quare melius est dicere radios esse corpora tenuissima, quæ quò longius feruntur, eò magis inter se distant: atque inde fit ut si linea directè obiecta lucernæ interuallo pedis vnus accipit centum radios, post alterum pedem non accipit nisi quinquaginta, quoniam angulus isocles habens eandem lineam pro basi duplo interuallo est duplo minor, cum alter sit ad centrum, alter ad circuli circumferentiam, & sic continet tantum dimidium radiorum. Sic angulus diminuetur semper eadem proportionem lineam, vel librum a lucerna remouendo, ita ut tandem quatuor, tres, duo, denique vnus radius ad eam lineam duceretur, alij transirent supra, & infra, nisi prius exhausti fuerint omnes a corporibus intermedijs. At vos qui dicitis totum aerem impleri lumine, principio quidem magis viuido, postea verò languidiore, assignare non potestis cur, & ubi deficiat, immo propagari deberet infinitè, quia contrario caret. At veteres qui asserunt esse corpus diffusum, facile ostendunt eius diminutionem. **CHAR.** Satis est nobis lumen esse qualitatem quæ diminuitur proportionem ferè geometrica perinde ac si esset corpus. Nam si ad centum pedes intercidit media parte, altero simili interuallo deficiet non altera media parte, ita enim periret omnino, sed dimidio illius mediæ partis, & ita deinceps. Non tamen propagabitur infinitè, quia sub finem seruari non potest ea proportio, ob defectum causæ naturalis, cuius vis finita limites habet. Quòd verò lumen contrario careat non propterea caret terminis, opacitas enim subiecti sicut de intensiōe, sic aliquid diminuit de diffusionem, & quo maior est, eò plus officit. Quid si corpus esset purè perspicuum, an propterea lumen infinitè diffunderetur? Respondent aliqui terminum esse lumini, cum ad tam remissum gradum ventum est, ut solus in subiecto stare non possit. Sed hoc non impediret, quin in conclauis speculis intus conuestiato & clarissimo lumine perfuso, lucernæ alicuius exiguum lumen infinitas faciat in illis speculis reflexiones, nunquam enim in subiecto solus erit gradus ille nimium remissus, ut illi timent, sed cum alijs semper reperietur.

Quare

Quare præstat dicere hanc esse naturam causæ finitæ, ut effectum non extendat infinitè. **ARIST.** Melius antiqui respondent motum luminis impediri hoc ipso quod lumen a corpusculis vel repercutitur, vel dispersum exhauritur ac tandem illis adhærescit. Dispergi autem radios potius, quàm remitti, ut dicitis, probant vitra, quæ radios congregant, remissa enim & quasi enoïens qualitas non potest vitris exsuscitari, at radij dispersi possunt ita congregari, ut videantur lucidum corpus, ex quo procedunt. Superesset igitur ut ex fractione, & repercussu luminis ostenderetur esse corpus, quod & in lib. 1. de Gen. iam ostensum est facere tamen non possum, quin iterum inculcem non esse qualitatis frangi, & repercuti, sed corporis. Radij per vitream phialam aqua plenam, per vitrum, aut glaciem conuexam transeuntes franguntur, coeunt, ac rursus disperguntur, in puncto coitus ignis est, circum obscuritas defectu radiorum. Speculum verò concavum quoniam radij non peruadunt, omnes ferè repercutiuntur, & ubi coeunt sentitur ignis acrior, quàm qui fit radijs per corpus conuexum, & perspicuum transeuntibus, propterea quòd, ut sepe monui, non omnes radij qui incidunt in aquam, aut aliud corpus perspicuum illud permeant, multi enim repelluntur, quod ostendi in guttis pluuijs, quæ videntur tantum corpore opaco retro posito: aut cum quis vitrum opponens loco umbroso, in eo se intuetur, non autem si vitrum opponit loco claro; non quòd radij ut prius a vitro non resiliant partim, partim penetrent, sed quòd fortiores illi absunt, qui transmittebantur e loco claro. Cum igitur in vitris quantumvis perspicuis pauciores radij transeant, quàm resultant e speculis cauis, copiosius est lumen repercussum a concavo, quàm transmissum a conuexo, utrinque tamen ostenditur radios esse corpus. Neque verò arbitrandum est e speculis cauis, vel corporibus opacis, qualis est terra reijci omnes radios, multi enim retinentur, quorum illi qui remanent permisti, & absque impetu flammæ paulatim exeunt, vocantur calor: alij verò qui eodem impetu exeunt, quo inciderunt, vocantur lumen. Si omnes ita resiliarent, glacies, nix, cera ad ignem, aut Solem non liquefcerent, neque speculum, neque terra concalesceret ad Solis radios, nisi illi morarentur in terra, & aere ipsam ambiente, sed perinde frigida essent atque media regio, quam neque radij a Sole directi in terram, neque a terra repercussi vsque ad Lunam calefaciunt, quia non permanent. Vanum est enim quod dicitis ad eam radios reflexos non peruenire, ut probatum est de lumine secundo Lunæ nouæ & veteris: nam si quis e Luna terram a Sole illuminatam, & ut ita dicam, plenam intueretur, maius ex ea lumen reciperet, quàm nos e Luna, radijs nimirum ultro citroque per mediam regionem transeuntibus; quare & inanius est dicere non calefieri, quia radij soli reflexi atterunt aerem, & calefaciunt, sed ad mediam regionem non perueniunt. Nemo sanus dixerit pilam esse qualitatem, sed corpus, vel ea sola ratione quòd in corpus durum vibrata repercutitur ad pares angulos, si ex tenuiori in densius, ut ex aere in aquam frangitur ad perpendicularem si contra, ut ex aqua in aerem, frangitur a perpendiculari: quod illi non ignorant, qui pisces appetunt glandibus plumbeis, non enim lineam sequuntur quæ recta tendit ab oculo ad piscem, sed paulum superiorem, ut fracta ad perpendicularem piscem



piscem feriat. Nullam perspectiui rationem magis verisimilem afferre possunt, quàm quia pila, utpote corpus, ex tenuiori medio incidens in densius, ab eo contra obliuctante propellitur versus eam partem, qua vis maior densioris medij maiorem obtinet victoriam motus in se directi, vrgendo illum versus perpendicularem, veluti iugum, ut illi aiunt. Ex medio autem densiori in tenuius, pila liberior recedit a medij profunditate: cum enim obliquè ferretur, in duas partes contendebat, ad alteram tamen accedit magis, vel minus pro medij tenuitate, vel crassitudine. Sed quæcunque tandem sit causa vtriusque fractionis in pila, vel alio corpore, certum est in radijs idem accidere, ut patet ex dioptricis, & catoptricis: si igitur pilam corpus esse dicimus, cur non & radios? Cur lumen si qualitas est inducta subiecto, vel educta postulat sic infringi, & reperi, non modò per media liquida, sed etiam solida, nam pro varijs figuris solidorum corporum varijs modis frangitur, & reperiuntur? **CHAR.** Neque perspectiui omnes, neque vos hactenus afferre potuistis rationem validam, cur etiam si lumen sit corpus, ita frangatur. Quod enim illi dicunt vrgeri ad perpendicularem tanquam ad iugum, aut inde euadere more pulli equini libertoris, solutiorisque, nihil est præter verborum phaleras populo vendibiles, non philosophis. Fatendum est potius hanc esse qualitatis illius naturam nobis incognitam, atque ita, ut ait Ficinus, lumen dici veluti numen non enarrabile, cuius vis talis est ut diuersi corporis interpositu diuersos edat effectus, modò enim colligi videtur in vnum, modò dispergi, nunc ire rectà, nunc inflecti. Neque propterea corpus est quòd motum corporis imitatur, nisi simulata pro veris accipiamus. Sufficit nobis lumen peruadere tam celeriter omnia corpora perspicua, siue liquida ea sint, siue solida, ut dicamus ipsum non esse corpus, sed qualitatem. **ARIST.** At veteres quibus hoc non sufficit, suadentur alatis experimentis lumen esse corpus tenuissimum, non quatenus quiescit, aut lentè fertur, sed quatenus mouetur velocissimè, ita ut ab aliquibus vocetur motus ipse corporis, non autem corpus. Neque difficile est respondere quæstionibus contra oblati. Dicunt enim aliqui si lumen est corpus, quomodo potest coelum solidissimum, & crystallum totum peruadere? Iam explosa est coeli soliditas, crystallum meatibus plenum esse dicimus, quibus continentur tenuia corpora, quæ cedunt lumini: & quidem si meatus rectà procedunt, radij quoque rectà transmittuntur, ut videmus fieri per specularia plana æquabiliter, nam si asperiora sint, ut quæ lapidibus affricantur, recipiunt lumen, sed dispergunt huc, atque illuc, ita ut a multis credantur non admittere Solem, quoniam eius radij non colliguntur vno loco. Quærunt deinde cur lumen si corpus est per telam, & chartam, cera, oleo, perunctam melius transeant, cum tamen videantur obstrui meatus: at verò, inquirunt facile est dicentibus esse qualitatem, respondere ceram, & oleum esse materiam subiectam qualitati recipiendæ magis idoneam, quemadmodum videmus pisces profunditatem aquarum inspecturos, infundere oleum, ita enim rimantur pisces altis gurgitibus delitescentes. Nihilominus antiqui referre possunt telam & chartam meatus habere non directos, & æquales, sed tortuosos, quibus magna parte radij præpediti non transmittuntur.

at verò accessu ceræ, vel olei meatus occupantis & dilatantis coguntur fila telæ, atque chartæ, ita vt iam lumen facilius per meatus laxiores, quos occu-  
pat cera & oleum, transmittatur, perinde ac si haberetur pellicula cera atque  
oleo confecta, fila verò quæ remanent afferunt quidem aliquod impedimen-  
tum, sed minus quàm ante, propterea quòd coacta sunt, & satis loci relin-  
quunt radijs, vt transeant per meatus refertos cera tenui, & perspicua. De  
oleo aquis infuso longè alia est ratio, quàm ipsi fingunt, nihil enim aliud ef-  
ficit oleum, quàm vt superficies aquæ tremula, qua radij e fundo percussii  
dissipabantur, sistat motum illum, & ita sinat vt ipsi subeant oculos, & dete-  
gant quid sit in fundo, vbi verò non tremit aqua summa, conspicua sunt om-  
nia, nec oleo opus est. Quibus positis, non difficile est, ostendere lumen a  
coloribus non distingui. Corpora illa tenuissima, quæ a flamma Solis &  
ignis nostri, vel a nitedulis & alijs nocte lucentibus emittuntur quamuis ef-  
se possint primæ substantiæ simplices specie diuersæ, habent tamen tenuita-  
tem & motum ferè similem, vnde fit vt incidendo in fila nerui optici, simi-  
lem quoque motum efficiant, & ille est ipsa visio coloris. Non explico hic  
quod in Sole iam considerauimus, quomodo corpora luminosa quædam to-  
tam lucem effundunt breui tempore, nec illam reparant, vt ea quæ combu-  
runtur, alia verò continenter illam instaurant, vt Sol, nitedulæ & alia pluri-  
ma: quod videri non debet admirabilius, quàm animalium respiratio, qua  
aerem reddunt, & accipiunt. Dico tantum, effusum lumen syncerum, si per  
aerem purum illabitur ad oculos, motum concipit imprimique in neruo  
optico, quo lumen purum & candicans videre dicimur, si transit, aut incidit  
in varia corpora, quæ illi nouum motum imprimant, nouum quoque facit in  
oculo, & sic exhibet alium colorem. Duo sunt autem quæ lumini possunt  
imprimere diuersum motum ab eo quem accepit a corpore lucido, vnde pro-  
cedit: primum est ipsa rei substantia, ad quam frangitur, aut repercutitur,  
nam pro diuerso consensu potest variare motum luminis in se directi, non  
tantum illum frangendo simpliciter, aut propellendo, sed etiam adhibendo  
peculiarem modum in illa fractione, & propulsatione. Quemadmodum  
enim corpora quædam vario motu ferri dicimus, recto, crispo, vndoso, spira-  
li, tortili, tremulo, vibranti, & alijs id genus, ita credendum est lumen inci-  
dens in quasdam substantias varietatem motus accipere, qua feriens neruum  
opticum ciet in illo motum peculiarem, vt ante dixi: sic visio albi alius est  
motus, alius nigri, alius viridis, flauï, cærulei. Alterum quod variare po-  
test luminis motum est non iam substantia, sed figura, situsque corpusculo-  
rum in quæ lumen incidit, vt patet in collo columbæ, in folijs rorulentis, in  
iride, in vitro trigono, vbi diuersi colores apparent pro diuerso motu lumi-  
nis: atque illi sunt inconstantes, quoniam figura, vel situs sæpe variatur, at  
vbi remanet, eandem ac cæteri constantiam seruant. Hoc modo distinguun-  
tur colores veri, & apparentes, tum inter se, tum a lumine. Substantia te-  
nuium corpusculorum si non emittitur a lucidis velocissimè, non est lumen;  
quare ipsa quatenus celerrimè mota, aut certè eius motus lumen dici debet,  
simalque color varius prout est varius motus. Sunt quibus placet præter  
motum luminis ad diuersos colores efficiendos accedere alia corpuscula,  
quæ



quæ lumen deradit & sibi adiungit, vt si cùm incidit in smaragdum, aut carbunculum corpuscula continenter inde auferret, quorum comitatu feriens oculos, motum efficeret viridis & rubri. Istud quidem aliquando fieri posset, sed credibile non est lumen perimeans exilem carbunculum mille annis auferre secum inde tot corpuscula, quæ ad perpetuum colorem rubrum exhibendum sufficerent, nisi quis dicat carbunculum loco corpusculorum quæ a se exeunt, alia sibi contrahere, quemadmodum dictum est de nitedulis. Itaque cùm ad omnes colores sufficiat varius luminis motus frustra alia excogitantur. Multò verò insulsius est quod dicitis colores oriri ex primarum qualitatum temperamento, quasi verò alia sit albæ rosæ, alia rubræ temperatura. Nec melius videtur quod ais colores ab opacitate diuersa procedere, quæ enim opacitatis est diuersitas in illis rosis, aut quid aliud præstare potest, quàm vt lumen varijs modis intringatur, & resiliat? Vis tandem experientia comprobare colorem non esse qualitatem, sed substantiam. Si charta alba inficiatur atramento, non qualitatis mutatione, sed substantiæ remotione pristino candori restituitur. Nihil proficies calefaciendo chartam, aut refrigerando: vbi verò penicillum intingendo spiritu sulfuris, eam perfuderis, & deinde spongiam, aut linteum aqua dulci imbutum sepius appresseris ad sulfuris simul acerbitem, & substantiam atramenti auferendam, habebis chartam vt prius candidam, quam si, vt par est, extenderis & compresseris, scribi poterit perinde ac si nulla macula, aut alia nota fuerit impressa. Idem spiritus sulfuris auferet tibi atramenti nigrorem ex lanea, aut linea veste: Ita colores in tenebris non videntur esse qualitas, sed diuersa corporum substantia, & figura, prout apta sunt frangere varijs modis, ac repercutere lumen in se incidens. Quod album dicitur præter modum singularem mittendi luminis, illud ferè totum a se repellit, vnde res candida visum dissipat, & ad Solem parum incalescit: nigrum verò ferè totum lumen combibit, & in se retinet, proptereaque dicitur congregare visum, quem nimia luce non perfundit, atque ita si quis laterculum candido, & nigro colore tinctum Soli obijciat, partem nigram sentiet longè calidiorem, quam obrè charta speculis vrentibus non accenditur, nisi prius maculis impositis candorem perdit. Nigrum igitur inter colores annumeratur, non quod peculiari modo remittat lumen, sed quod omnino non remittat, atque hoc ipso quòd non videtur, dicitur videri. Nigri, inquit Zabarella lib. 2. de visu c. 5. vel nulla, vel parua est actio, quia nigrum tanquam priuatio albi est, ita vt nigrum videre sit nihil videre, vt apertè ait Aristoteles 3. Meteor. c. de Iride. Cæteri colores diuersi habentur, prout diuerso motu remittunt lumen magis & minus. Quæ sit autem ea diuersitas motus, vnde species colorum deſumuntur, relinquo alijs examinandum. Dicamus iam quis sit modus videri omnium aptissimus. Prius tamen aliquid obseruandum est de oculi constructione, & temperamento. Verùm ijs omissis quæ fusè apud alios videri possunt, dico non aliud esse præcipuum munus humori in qui sunt in oculo, quàm vt lumen colligant, & ad neruum opticum transmittant, quippe ille positus est in fundo oculi, nec eò peruenire potest sufficiens lumen nisi conuenienti fractione colligatur: vt patet si ab oculi fundo per pupillam

*De modo  
videndi iux-  
ta antiquos.*

ducantur duæ lineæ rectæ ad res externas, illæ enim minus spatium comprehendunt, quàm quod videtur. Quare ut imagines toto illo spatio comprehensæ peruenirent ad fundum oculi fractione opus fuit ad id accommoda, quæ ut aprior adhuc redderetur, datum est oculo ut contrahi possit, in contrahendis rebus longè positis, protendi verò, & quasi exire suis sedibus, quando aliquid propinquius videri debet: pupillæ verò concessum est ad elarius lumen coangustari, ad exiguum verò dilatari. Hoc etiam indicant vitra conuexa quæ adhibent senes ad videndum, ut quoniam humor oculorum ob siccitatem multum de conuexo amisit, illud vitro compensetur ne radij longius procurrant, sed ad finem nerui optici colligantur. Ijs verò qui res paulùm remotiores non satis vident, admouentur vitra concaua, ut radij quos humor nimis conuexus non sinit, vti par est, peruenire vsque ad neruum, adhibito vitro concauo facilius eò ferantur. Vnde fit ut quidam mutatione ætatum perfectius videant, & conformato melius humore nullis amplius vtantur conspicijs. Cum autem per varios humores oculi fiat visio perinde ac per diuersa vitra, sequitur res videri semper in loco alieno magis, aut minus, pro humorum figura, siue humor crySTALLINUS sit centrum corneæ, siue non, quoniam ille non est organum visus, sed neruus opticus, ad quem lumen peruenit semper infractum, tamen citra confusionem, quia seruetur quædam proportio, & rerum ordo, ut patet in ijs qui tota vita ferunt conspicijs. Ut autem lumen ita collectum in oculi fundo recipiatur, nec inde resiliat confusè vario repercussu, interior oculi pars nigra effecta est, sic enim radij non disperguntur, aut temere incurrunt, sed distinctè, & vno impetu feruntur in neruum opticum. Vinea tamen tunica extrinsecus habet varios colores iuxta cuiusque temperamentum, nam satis est intus esse nigram. Ex quo inferri potest fieri visionem in neruo optico, alioqui frustra radij ad fundum oculi colligerentur, sufficeret enim peruenire ad centrum humoris crySTALLINI, si ille est organum visus. Radios autem duci ad fundum oculi comprobatur experientia qua reuulso oculo bonis & exsecta pellicula opaca quæ est in fundo, si luci pupilla obuertatur, & charta pone oculum collocetur, excipiuntur radij transmissi ad illam chartam, qui profectò inciderent in fila nerui optici inde reuulsi, atque ea variè commoverent. Quare si fieri posset ut sublatis omnibus membranis & humoribus, fila illa aptarentur vitro lumen eodem modo recipienti, perinde videretur sicut prius. Visionem ergo non fieri in membranis, & humoribus hoc maximè argumento est, quod lumen in ijs non consistit, sed pertransit, vti dicimus non esse calorem in media aeris regione, sed in infima, ad quam radij colliguntur. Dicat aliquis radios non penetrare oculi membranam, in qua vnusquisque videt suam imaginem, quam *νόπλῳ* Græci appellant, quæ vox & virginem significat, & oculi pupulam; vnde Plutarchus de vitioso pudore, impudens, inquit, non habet in oculis virgines, sed meretrices. Aristoteles etiam attribuit Democrito, & Empedocli quòd dixerint in hac imagine consistere visionem, eosque refutat de sensu & sen. c. 3. quoniam alioquin omnia specula perinde viderent, atque oculus. Respondendum est & si radij illi qui exhibent imaginem in oculo, reperiuntur, plures tamen peruenire ad neruum opticum, propter hu-



humorum, & membranarum perspicuitatem, quemadmodum dixi de vitro opposito locis vmbrosis, in quo aliquis videt suam imaginem, quæ tamen perinde resultat a vitro siue claro loco apponatur, siue vmbroso. Vt igitur illud vitrum ra dij quidam penetrant, quidam resiliunt, ita ab oculi membrana alij qui referunt nostram imaginem, reperiuntur, alij peruadunt ad fila nerui optici, & visionis motum excitant, ita vt sit opus solo lumine illuc penetrante, non autem speciebus, quæ si, vt dicitis, in oculo reciperentur alios in oculis oculos esse oporteret ad eas species contuendas. Sufficit ille fluuius lucis, qui aut a corpore lucido in oculos recta influit, & sic exhibet eius speciem, vt cum Solem, vel flammam intuemur, aut in alia corpora impingens varijs modis reperiuntur pro eorum motu, quiete, numero, figura, & magnitudine, quod sufficit vt eorum omnium speciem referat. Denique visionem perfici solo motu nerui optici impulsu non ab alia specie quam ipso lumine confirmatur eorum exemplo, qui si diu in tenebris iaceant, excæcantur, quia fila nerui optici longa motus intermissione torpescunt, ita vt postea non sint omnino idonea ad sequendum luminis motum, quem etiam sequuntur difficiliter, vbi nocte vna e tenebris ad lucem prodeunt. Quod si visio fieret recipiendo atque educendo speciem expressam, vt dicitis, quo magis quiesceret oculus esset habilior ad ipsam exprimendam, nec vlla esset ratio cur lux paulò vehementior officeret oculis nostris, si est qualitas, nisi forte eos adurat, quod certè non facit; at verò maximè nocent corpuscula lucis, dum vehementius incitant & perturbant fila illius nerui, quæ propterea oportet alia ratione se habere in animalibus, quæ Solem oculo sustinent irretorto, nec offensionem vllam capiunt a niuib, vti milites Xenophontis, & Alexandri, quoniam neruorum fila sustinere possunt impetum illius motus. Vobis verò satis est dixisse visum congregari nigro, albo dissipari, nec dubitabitis affirmare crystallinum humorem ledi nimia luce, potius quam neruum opticum, cum tamen humor ille non sit capax doloris, qui tunc sentitur. Quoniam autem neruus opticus decussatus est, quidam putarunt in eius concursu fieri visionem, ne res appareant geminæ, quod tamen falsum est, tum quia vox hausta vtraque aure non congeminatur, tum quia, vt aduertit Laurentius, ille neruus in exortu suo vnus est, qui in duos postea diuiditur, & in nonnullis hominibus non decussantur, quales se reperisse testatur Vesalius lib. 4. anat. c. 4. fit igitur visio filis rectis ad originem suam morum ferentibus, potius quam in illo concursu. Ex quo etiam idem Laurentius refellit rationem quam afferunt Galenus, & Auicenna cum Aristotele sect. 31. probl. q. 7. cur oculi ambo simul mouentur ad eundem terminum, nimirum ob coitum nerui optici: ipse verò putat id fieri potius propterea quòd in exortu suo nerui optici coniuui sunt & vnicum neruum constituunt. Verum neque sic necesse est, vt credit Laurentius, vtrunque oculum simul moueri, licet id fiat vt plurimum; cum enim aliquis oculo sinistro positas in eadem recta linea videt duas lucernas, primam ad decem pedes, alteram ad centum, vt easdem videat vnā post alteram oculo dextro, non est necesse moueri sinistrum oculum, sed tantum dextrum. Quod igitur simul moueantur, probabilius est

*De modo  
videndi cir-  
ca obiectum  
commune  
iuxta anti-  
ques.*

est hoc accidere usu repetito, quo fit ut alio modo videre sit violentum: cum enim melius utroque oculo in unum conspirante videamus, & velimus semper bene videre, fit ut oculus uterque eodem feratur, ex quo oritur consuetudo altera natura. Ad eiusdem nerui siccitatem aliqui referunt quod senes non possint intueri distinctè res propius adnotas, ut faciunt pueri, quorum nerui optici molles ita flectuntur, ut axes efficiant angulum rectum, prout autem siccantur processu ætatis magis ac magis acutus fit ille angulus, & ita non possunt ambobus oculis senes intueri distinctè propinquiora, præter rationem quæ de humoribus oculorum iam allata est. Hæc de modo videndi circa lumen & colorem obiectum proprium, nunc circa obiectum commune motum, quietem, numerum, figuram & magnitudinem, res haudquam difficilius est antiquis, quam Aristoteli. Ut enim omnia reuocemus ad ea quinque, dicendum est non alia ratione videri motum, quam quia corpus continua successione respondens diuersis locis ex alia atque alia parte ad oculum remittit lumen, ubi verò ex vno tantum loco fit ille luminis re-percussus, tunc quiescere videtur ut prius dicebatur moueri. Quod igitur pertinet ad oculum, est recipere lumen hoc vel illo modo, unde sensus interior motum apprehendit, vel quietem. Et licet visus dicatur percipere motum, non tamen percipere potest quid moueatur. Hinc dubia mens consistit aliquando de mobili, quæ de motu certa est, unde fit ut non videamus utrum cælum an terra moueatur, & qui lintribus stagnum peruagantur dubitent sui, an aliorum lintres incedunt. At si ut fingunt aliqui videretur motus, certè discerneretur etiam eius subiectum, neque enim sub aspectum cadunt formæ abstractæ: non aliud ergo percipit oculus, quam lumen succedens ex diuersis partibus spatij, cui respondet id quod mouetur, vel quiescit, quare si spatium minimum apparet, licet alioqui sit maximum, res non videntur nobis moueri, cognoscimus tamen esse motas, ut patet in Sole, & stellis: si verò & spatium minimum sit, & tardus motus, ille multo minus videtur, quia differentia spatij non discernitur, cuius comparisonem facere spectat ad sensum interiorem, sicut haurire lumen ad oculum, ad utrumque igitur pertinet motus & quies. Numerus ad quem reuocatur vnum, continuum, discretum, paucitas, multitudo, visu cognoscitur prout lumen ex vno, vel diuersis locis oculum subit. Figuram lumen ab ea transmissum refert. Ad magnitudinem reduci potest locus, distantia, situs, & alia quæ oculus percipit, sed non solus, requiritur enim quædam rerum inter se comparatio quæ pertinet ad sensum interiorem. Magnitudo non cognoscitur sine distantia, distantiam verò non percipit oculus absque sensu interiori, ut mox ostendam. Quod de magnitudine spectat ad oculum, est angulus, sub quo lumen ab obiecto ad ipsum peruenit: at idem potest esse angulus, siue basis sit formica, siue elephante, unde ex angulo solo non potest cognosci rei magnitudo, sed colligenda est ex angulo simul & interuallo. Ostendamus iam distantiam ab oculis non percipi absque opera sensus interioris. Primum ea definiri non potest vno oculo, quoniam ille non comprehendit longitudinem radij a se ad obiectum producti, hæc enim longitudo est in medio, quod non apparet: nam licet hinc ad cælum maximum spatium interponatur, ta-

men



men ea corpora non sunt interposita, quorum magnitudo possit apprehendi, sic interapedinem siderum non cognoscimus, ut neque prospiciendo per se-  
 nestram definire possumus rei distantiam, cum inter nos & ipsam est solus  
 aer: neque digito transuerso facile est contingere tenue filum, aut illud traj-  
 cere per foramen acus, quod nobis non obuerteretur, sed sit a latere. Ambo-  
 bus oculis eam distantiam cognosci posse ex angulis axium coalescentium,  
 ait Aguillonius lib. 3. prop. 4. nempe quo minores fuerint anguli, eò maio-  
 rem esse distantiam, & quo maiores minorem. Alij ex optidorum axium  
 longitudine eam posse cognosci arbitrantur. Vtrunque falsum est: primum  
 quidem quoniam oculus definire non potest magnitudinem anguli, qui sit in  
 axibus coeuntibus. Deinde fingatur duci circulus per amborum oculorum  
 centra, & obiectum statuatur in quacunque parte circumferentiæ, videbitur  
 illud sub eodem semper angulo per 21. tertij Elem. & tamen erit diuersa di-  
 stantia. Secundum verò, quia ut dictum est oculus non cognoscit radij sui  
 longitudinem, quam si non potest definire vterque oculus seorsim acceptus,  
 certè nec vterque coniunctim sumptus, nam quo sensu afferunt illam cogno-  
 sci utroque oculo ex axium optidorum concursu, & longitudine, eodem asse-  
 rere licet ex axis vnus longitudine. Proinde si distantia cognoscitur id fit ex  
 comparatione corporum interiectorum, ad quæ videnda oculus recipit lu-  
 men ad se transmissum, sensus autem interior ex illa comparatione distan-  
 tiam colligit. Cætera quæ pertinent ad opticos prudens omitto. Satis est  
 ea insinuasse ex quibus veteres modum visionis iuxta suam doctrinam tueri  
 possunt. Nihil est quod diu immorer in aliorum sententijs examinandis,  
 maximè Alexandri & Simplicij dicentium visionem fieri in corde. Aliæ  
 opiniones labefactantur vel vna experientia, qua per angustum foramen  
 transmissa lux in chartam obscurissimo loco conclusam exhibet imagines re-  
 rum foris existentium. Ruit sententia Plotini lib. 5. Ennead. c. 4. qui solam  
 sympathiam obiectum inter & oculum agnoscit, ad hoc ut cernendi facultas  
 ad propriam functionem excitetur, ad hunc modum, quo vno oscitante alter  
 oscitat, & cerebro dolente dolet ventriculus. Nominalium, qui vnam obie-  
 cti præsentiam intra definitos limites positam requirunt, ut oculus illius no-  
 tiones seipso formet, & exprimat. Alhazeni lib. 1. num. 24. afferentis ad cer-  
 tum spatium ab oculo emitti aliquid, & item aliquid ab obiecto. Hipparchi  
 de spiritibus ab oculo effusis, quibus oportet impleri totum orbem, ut tan-  
 quam manibus res apprehendantur. Cum, ut ante dixi, lumen ab oculis  
 admittatur, frustra radij illi siue Galeni, siue aliorum modo profundantur.  
 Melius Pythagoras vocauit oculos *ἡλὶς πύλας* Solis ianuas, eò quòd lu-  
 men eius admitterent ad videndum: nam si quis spiritus igneus exit a non-  
 nullis hominibus, & plurimis animantibus, cuius opera vident in tenebris,  
 ille non exit a centro oculi, sed ab vnea membrana, siue iride, ut patet in ocu-  
 lis felium, in quibus noctu apparet orbis igneus, cuius medium, nempe pu-  
 pillam, est obscurissimum. Nec ille spiritus alio modo videre facit quàm si  
 aternam haberent, cuius radij incidentes in res circumiectas ad oculum re-  
 nearent, easque redderent aspectabiles, ita nisi lumen illud emissum remeat  
 ad oculos felium, nihil vident, ac propterea longius ac melius cernant die,  
 quàm

quàm nocte, quia non sufficit lumen proprium nocte ad tantum spatium col-  
lustrandum. Propterea Galenus putauit coniungi spiritus illos lumini diur-  
no, certè parùm consideratè, sic enim visio fieret extra oculum, vel si in ipso  
fit, oportet spiritus, & lumen externum rursus ad oculos remigrare. Non  
negant veteres ad visionem necessarios esse spiritus, vt scilicet fila nerui opti-  
ci moueantur a lumine conuenienter, alioquin organum ijs destitutum ca-  
reret anima, proinde quantumuis reciperet lumen, non ederet alium motum  
quàm emortua chorda citharæ: at ijs spiritibus animatum hoc habet vt ac-  
luminis appulsu peculiari quadam ratione moueatur, & partem cerebri  
vnde oritur, ac spectra interius sibi connexa in contentum trahat, atque ita  
fiat perfecta visio. Nihil hic disputo an oculus sit naturæ igneæ, vt voluerunt  
Plato, & Empedocles, an aqueæ, vt Democritus quem propterea laudat Ari-  
stoteles lib. de sen. & sen. c. 2. Quippe spiritus igneus exiens ab oculo non est  
id quod videt, sed ipse visibilis est, vt alius ignis. Humores etiam aquei, qui  
sunt in oculo non inferuiunt nisi vt transfusum lumen colligant ad neruum  
opticum, quare superest vt ille sit proprium organum vitus. Quid habet  
contra Aristoteles? CHARR. Auicenna, Albertus, & D. Thomas asse-  
runt etiam visionem fieri in neruo optico, eorum tamen rationes, quibus  
alioqui fore dicunt vt omnia videantur duplicia, nihil faciunt, quoniam  
in multis, vt dictum est, nerui optici non decussantur, nec propterea color  
vnus oculis apparet duplex magis, quàm auribus sonus. Præterea neruus ad  
recipiendas species coloris, & lucis non est subiectum idoneum, quod per-  
spicuum esse debet, vti crystallinus humor: de quo loquens Aristoteles ait  
tex. 10. huius libri, sicut oculus est pupilla & visus, sic anima, & corpus sunt  
animal, vbi comparat pupillam ad visum sicut corpus ad animam, & tex.  
130. asserit hanc pupillam, quæ est organum visus, esse aquæ, vt auditum æ-  
ris, vult igitur in ea fieri visionem quæ nihil aliud est quàm productio spe-  
ciei expressæ ab organo animato interuentu facultatis, & speciei impres-  
sæ: ad visionem enim eliciendam hæc omnia concurrunt efficienter. Cum  
autem hæc species expressa rei visæ recipiatur in humore crystallino, nec in-  
de transire possit ad sensum communem, aut phantasiam, dicendum est ibi  
aliam oriri, atque ad eius productionem conferre aliquid sensum exter-  
num, vt propterea vulgo dicatur species ferri ab externo sensu ad  
interiorem, cum tamen alia sit multo perfectior. Ita sensus, &  
intellectus dicuntur omnia fieri omnium in se imagines  
recipiendo. At dicere res omnes videri hoc ipso quòd  
neruus opticus appulsu luminis variè mouetur,  
vt cæci baculus, aut cornicula cochlea-  
rum, cæcis & cochleis iudicandum  
illud remitto. ARIST. Dum  
igitur illi iudicium ferent,  
persequamur ea quæ  
pertinent ad au-  
ditum.



## De auditu .

## C I R C V L V S X V .

## C H A R I L A V S . A R I S T Æ V S .



**C** H A R . De sono circa quem versatur facultas , & actus audiendi prius aliquid observandum est . Definitur ab Aristotele tex. 85. *De sono & auditu iuxta Aristotelem.*

motus resilientis aeris ex percussione solidorum corporum , & latium : non quod sonus sit ipse motus , sed qualitas orta ex motu aeris resilientis , quemadmodum lumen dicitur esse presentia corporis lucidi . Hoc patet vel ex eo quod sub aquis auditur sonus a piscibus , nec tamen illuc pervenit motus aeris . Audiuntur lapilli intra vas æneum bene conclusi , nec inde potest exire conclusus aer . Qui carcere clauditur rimis quantumvis obturatis percipit fragores tempestatum nullo aere extrinsecus illuc subeunte : unde palam est sonum esse qualitatem , quæ motu producitur eo modo quo calor , vt dictum est lib. 2. de Gen. nimirum corpora illisa sunt causa soni quatenus aerem comprimunt ita vt dissiliat , quo motu posito sonus emanat , veluti calor . Neque modò sonus in aere recipitur , sed etiam in corporibus solidis , quatenus aerem in se continent actu , vel potestate , sicut æs & vitrum . Sic in aqua non est probabile fieri sonum , nisi quatenus aerem inclusum habet in quo alliso sonus excitatur , nam in lapillis sub aqua sonum edentibus continetur aer , qui alliditur & atteritur . Ita facilis est ratio alioquin inesplicabilis , cur scilicet corpora quædam solida magis sonent , quia multum continent aeris compressi , & agitati dum colliduntur : unde sequitur ille tremor partium a se penè dissilientium , qui si impediatur manu admota , sonare desinunt , & sæpe franguntur , maximè si fuerit vitrum , vel æs campanum , quoniam pars illa quæ contingitur , prohibetur sequi motum aliarum partium , & sic aliæ ab alijs diuelluntur . Quod autem Aristoteles tex. 81. vocat aerem audiendi dominum , vult quidem in eo fieri sonum , non negat tamen oriri etiam in ijs , quæ aeris naturam participant , vt sunt metalla , quin etiam in ipso igne sonus edi posset , quoniam æquiparat aerem raritate , verum Aristoteles loquitur tantum de sono , qui fit apud nos . Tota difficultas est quomodo sonus perveniat ad auditum . Putat Avicenna eandem aeris portionem , quæ a corporibus percutientibus comprimitur moveri , & sonum suum deferre vsque ad auditum . Sed ita non posset audiri sonus in orbem , contenderet enim tantum cum portione illa aeris in vnam partem . Præterea aer inclusus vase vitreo , vel æreo sonat , & tamen foras non erumpit : qua experientia rejicitur etiam Simplicius existimans simul moveri tum particulam aeris elisi a corporibus solidis , tum illam quæ ipsi proximè connectitur vsque ad auditum , & Albertus dicens aerem a corporibus

collis resiliens percutere in orbem vicinum sibi aerem, & hunc alium usque ad auditum, percutiendo autem producere sonum ei similem quem in se habet non secus ac euenit in aquæ circulis coniecto lapillo excitatis. Quare dicendum quidem videtur sonum multiplicari per circulos & repetitas percussiones, sed ad hoc ut audiatur non est necesse ut talis multiplicatio ad aures usque perueniat, immo neque ad magnam distantiam, species verò soni est illa quæ producitur per totum spatium quo auditur sonus, ille enim absque specie sensum non faceret, iuxta doctrinam communem Aristotelis oportere sensum omnem imbui formis sine materia. Deinde uti dixi sonus a corporibus solidis excitatus non est in solo aere, sed etiam in ipsis, alioqui non perciperetur distantia corporis sonantis: hoc autem fieri non potest absque speciebus soni productis usque ad organum, ut earum interuentu obiectum coniungatur facultati, cui per se ipsum non potest. In Echo species illæ soni incidentes in corpus solidum & cauum resiliunt, & vocem iam auditam ad aures referunt multiplici interdum repercussu, perinde ac colorum imagines e speculis reflecti solent. Eadem species per arundinem longam, aut trabis meatus facilius ad aures perueniunt, quàm in aere aperto, ubi dissipantur, at in illis meatibus sonus conclusus producit in longitudinem quod fecisset in latitudinem, neque ad id opus est ut aer feratur usque ad aures, sufficit speciem soni produci per aerem etiam immotum. Illud vnum occurrit paulò difficilius, quòd si daretur species illa distincta a sono, & motu aeris, non minus careret contrario, quàm lumen, & species colorum, proinde non magis impediri deberet motu aeris, videmus tamen æque benè, sed non audimus vento flante. Dicendum est hanc esse naturam illarum specierum, ut imitentur naturam soni unde procedunt, & quoniam sonus non totus simul sed continua successione producitur, sic eius species licet contrario careant, similiter produci debent. Organum auditus in quo recipiuntur est aer auribus innatus, animatusque sicut pupilla, ut clarissimè docet Aristoteles text. 82. Sanguis quidem animatus non est, propterea quòd non concluditur ut ille aer immobilis certo loco, sed vniuerso corpore circumfunditur. Neque aliud organum aptius dici potest ad audiendum, quàm aer qui maximè idoneus est ad sonum recipiendum, ac propterea ab Aristotele audiendi dominus appellatur. A R I S T. Et si Aristoteles dixerit aerem ita esse audiendi dominum, ut eius motus sit sonus, veteres tamen putant non tantum aeris motum esse sonum, sed etiam aquæ, & cuiuscunque corporis pulsantis nervum auditus, ita ut omnium sensuum sit eadem ratio, ut quando nervus a natura destinatus alicui sensui mouetur impulsu certo cuiusdam corporis, hoc sit ipsum sentire. Dictum est lumen esse motum tenuissimæ substantiæ nervum opticum impellentis, sic arbitrandum est sonum nihil aliud esse, quàm motum aeris, aquæ, vel alterius corporis, a quo similiter impelli potest auris membrana. Dubium esse potest de corporibus solidis, an eorum motus dici debeat sonus, quoniam ipsa proximè non impellunt aurem: sed hoc parum refert modò satis liqueat quæ sit causa auditus. Corpora solida, ut dictum est de missione, meatus habent innumerabiles tenuibus alijs corporibus refertos, quare dum illa percutiuntur & partes omnes tremunt, necesse est

meatus

De sono &  
auditu iux-  
ta antiquos.



meatus alios coarctari, alios diduci, & sic resilire tenuia corpora concepta ijs meatibus, ipsumque aerem externum vibrari per circulos multiplices, ut sit in aqua coniecto lapillo. Si sonum duntaxat appellemus motum illius corporis quo percuti possunt aures, certum est corpus solidum in se non habere sonum, sed causam soni, quoniam illius motus excitat in aere, vel aqua motum alium ad aures peruenientem. Neque difficilius est explicare differentias soni, quam colorum: ut enim lumen tendens ad oculos diuerso motu parit illam colorum varietatem, sic in auribus aer & aqua sonos efficit. Motus illi quidem in aere non sunt conspicui, ut in aqua, facilius tamen imprimuntur ob corporis tenuitatem, eorumque diuersitas argui potest ex illis qui fiunt in aqua, non dicam iam lapidibus iactis, sed in pluribus scyphis ubi sit tantum aquæ quantum satis est ad excitandos varios sonos, quando singulorum extrema ora percurritur digito, nam videre licet circulos priores intersectari ab alijs tenuioribus exortis statim atque sonus intenditur ad diapason, siue octauam, idque in aere fieri similiter arbitrandum est, sed non videri. Quod autem in scypho accidit commune est omnibus aquis, ut circulos edant, quorum impulsu piscium aures percussæ sonent, ob motus & aurium proportionem, quæ in illis reperitur a nostris longè diuersa, vnde fit ut aquis demersi nihil audiamus. Non quicunque motus aquæ, vel aeris aptus est ad mouendam auris membranam ea ratione, qua par est ad audiendum, sed ille tantum, qui per circulos oritur ex percussione. Ea porro varietas est in illis circulis quæ sufficit ad sonorum omnium differentias, in quibus est illud obseruatione dignissimum, quando fides citharæ mota similem mouet in altera cithara sibi obuersa, oportere fidem vtranque similiter esse contentam, aptamque moueri ab ijs circulis qui in aere concitantur, ita ut sublata ea proportionem ijsdem circuli incurrentes in chordas nihil efficiant. Ventus quidem paulum validior incidens in fides testudinis scitè contentas ciet harmoniam admirabilem, sed ob aliam rationem, nimirum quia simul omnes chordas tremere facit a minimo motu exordiens ac paulatim eum intendens, mox remittens, seruata semper proportionem, prout flatus est vehemens, vel languidior, atque ita decurri videmus continenter omnes numeros. Hoc igitur efficit ventus, siue aeris motus absque circulis sonoris, ut ita dicam: ipsorum verò circulorum vis est mirabilior, eò quod leues pennulas in aere suspensas non videntur commouere, mouent tamen grauiores chordas certa proportionem contentas, ut vel hinc omnia moueri consensu mutuo intelligamus. Sic auris membranam vehementer percellit sonus acutus tibiæ, vel litui, qui ne leuiter quidem agitat pendentes telas araneorum, quoniam hic motus conuenientem non habet cum ipsis proportionem. Porro vero simile videtur quod si quis laminam aneam lauiatam citharo radat, stridoremque efficiat, variæ lineæ in ea exarantur, non ubi culter laminam tangit, sed in alia parte; si autem radendo sonus æris diapente, vel diapason efficiat tunc lineæ parallelæ conspiciuntur, ea proportionem, quam exigit numerus harmoniæ. Illæ verò exarari non possunt alia vi, quam circulorum qui fiunt in aere, & æs pariter, ac membranam auris afficiunt, eam grata proportionem percutiendo, qua deficiente stridor apparet ex percussione inaquabili & iniu-

cundo. Cum igitur hæc sit virtus corporum, vt mota moueant, facile declaratur in exemplis, quæ attulisti, quomodo sonus percipiatur absque speciebus: nam æs aut vitrum sonans motu suo fundit aerem in circulos ille percutiens aquam idem efficit, quod licet non videamus, sufficit tamen percipibus ad audiendum. Ita lapilli sub aqua, vel in vase æneo concussi movent quod proximè tangunt, & inde aerem vsque ad aures: nec incredibile videri debet muros quoque turrium commoueri, & sic ab ijs qui includuntur audiri tonitrum, aut alium sonum vehementem: nisi quis dicere malit subtilia quadam corpora motu aeris per corporum solidorum meatus sese insinuare, aquas autem subire penitus eo modo quo dixi de lumine. Hoc certè rationi magis consentaneum est quàm somniare speciem nescio quam, & imaginem soni diffusam continenter & peruadentem, quò sonus ipse & motus aeris non potest. Vsque adeo tenaces estis illius dicti, quòd in omni sensu requiruntur formæ sine materia, vt alterius sitis immemores, quòd omnis mora effectiōis oritur a contrario, proinde si datur species soni contrario carens illa deberet fundi per aerem puncto temporis. Nec iuuat exemplum de qualitate proiectis impressa, vt pote quæ pertinet ad idem somnium. Quare superest vt dicatis moram effectiōis oriri non a contrario, sed a rei natura, vel fateamini motum, & sonum idem esse. Iuxta quam opinionem organum auditus, sicut & aliorum omnium sensuum, nervus est: nam e quinta coniugatione nervus diffunditur per auris membranam, & omnes eius motus recipit, aer autem conceptus intra aurem ad aliud non inferuit, quàm vt membrana quæ inum auris recessum succingit & obducit, nervusque per eam explicatus facilius excipere possint omnes aeris inuecti motiones: nam si parti solidæ adherescerent motus impediretur, vt videre licet in tympanis, quæ manu iniecta tremere, & sonare statim desirunt. Quidam putant ossicula propterea membranae auris appensa esse, vt a continentis motu eam reprehenderent, quod in quibusdam instrumentis musicis fieri videmus, vbi iniecto repagulo fides tremere diutius prohibentur, vt facilius alium sonum excipiant. Cæteris in rebus, quæ ad auditum pertinent, non aliter sentiendum est quàm de visu: sicut enim varia lumina simul mouent plures fibras nerui optici, vnde videmus simul plures colores, sic varias motiones suscipit membrana auditus, easque communicat fibris nerui per ipsam effusi, & ita plures sonos simul percipimus. Vtque lumen diuersos recipit motus pro varietate corporum in quæ incidit, sic aer alios atque alios circulos edit pro diuersitate corporum quæ alliduntur. Et ita res habet de cæteris sensuum instrumentis, ita vt pluribus de ijs agere superuacaneum videatur.



## De odoratu .

## C I R C V L V S X V I .

## C H A R I L A V S . A R I S T Æ V S .



**H**A R. Defungamur igitur quàm breuissimè in ijs obseruandis quæ pertinent ad alios sensus. Aristoteles lib. de sen. & sen. c. 5. explicat naturam odoris prout deferri potest per aerem, & per aquam instar rei alicuius lauatione detergæ, & abrasæ, vt indicaret odorem quem sentimus non esse in aqua, & aere veluti subiecta materia, sed tanquam id quod apparet in aqua post rei coloratæ lauationem, & sic ostendit odorè non ferri citrà exhalationem odoriferam. Reuera tamen odor non est exhalatio, sed qualitas passibilis orta ex cõmissione sicci cum humido actione calidi, & frigidi in humidum, & siccum, ita tamen vt siccum dominetur. Innuit hoc Aristoteles tex. 100. Est autem, inquit, odor sicci, sicut sapor humidi. Dicitur passibilis qualitas, quoniam est per se sensibilis. Orta ex permissione sicci cum humido, cuius defectu elementa sunt inodora. Siccum verò dominari patet ex regionibus maximè siccis, quæ propterea sunt odorum feracissimæ: quæ verò imbuuntur humore nimio statim odorem amittunt; instrumentum quoque odoratus grauedinosus obtunditur. Demum Aristoteles de sen. & sen. c. 5. docet idcirco cerebrum odoribus corroborari, quia cùm sit nimis humidum & frigidum, ab odore sicco, & calido temperatur. Quòd tamen adesse debeat aliquis humor, patet ex eo quòd res odoriferæ, si nimis exsiccantur, odorem amittunt, vt ligni cineres, & terra sicciore quæ sub initium pluuiæ recepto humore mediocri statim olere incipit. Denique hoc fieri actione calidi & frigidi clarum est ex alibi dictis de effectione qualitatũ: præcipuè verò vis calidi conspicua est in odoribus; nam quæcunque semina bene olent calida sunt, teste Aristotele test. 12. probl. 12. Neque obstat quòd odor sit corporis sicci, & sapor humidi, hoc enim probat tantũ idem corpus habere saporem & odorem secundũ diuersas sui partes, saporem quidem in crassioribus, & humidis, odorem verò in subtilioribus, & siccioribus. Propterea quædam habent saporem optimũ, nullum tamen odorem, vel certè ingratum, vt ficus, & peporum diuersæ species. De modo quo odor fertur ad odoratum, dicendum est primũ in aere aut aqua non produci odorem ab alio odore, quoniam secunda qualitas sui similem non progenerat, maximè verò in aere corpore simplici, & humido, cùm potius mistum, & siccum requiratur. Atque etiam si odor hoc modo esset in aere, sentiri tamen non posset, vt sæpe dictum est absque specie. Fertur igitur odor vna cùm exhalatione odorifera per aerem, & aquam, tamen necesse non est vt exhalatio perueniat ad instrumentum odo-

rationis, sufficit illius speciem cō deferri: vix enim credibile est exhalationes a cadaueribus diffundi ad multa milliaria, ita vt ab auibz percipiantur, oporteret res odoriferas multūm diminui in emittendis exhalationibus longē, latēque toto eo spatio quo sentiuntur: quamuis ergo illæ profundantur ad aliquod interuallum, veluti sonus, habent tamen speciem, non modò qua longius sentiuntur, sed etiā qua proximē moueant sensum odorationis, neque enim odor id per se potest, sed indiget forma citra materiem. Sic intelligimus quomodo pisces sub aquis sentiunt odorem rei quæ est in aere, illuc enim peruenire non possunt exhalationes, quin subitò extinguantur, euadantque elutiores. Quod autem odoremur respirando quasi aliquod corpus attrahentes, non excludit specierum impressionem: primūm enim non quacūque odorantur, respirant, vt patet ex Aristotele tum hic, tum cap. citato de sen. & sen. vbi ait quædam habere organum odoratus semper apertum, sicut ea animalia quæ rigentes, & quasi corneolos habent oculos absque genis, vt ait Plinius. Deinde ratio cur homo, & pleraque animalia non nisi respirando odorent, est quia habent instrumentum odoratus operculo tectum, vt ipse docet. Porro illud operculum est caro quædam compressa spongiæ assimilis, quæ respiratione dilatatur ad species traijciendas tam in aqua, quā in aere. Instrumentum odorationis Galenus putat esse cerebri ventriculos, Auerroes nasi cartilaginem, Auicenna processus mammillares siue cerebri duas productiones digiti fere longitudine conformatas & distinctas instar nerui mollioris extremitate sua papillam mammarum referentis. Et omnino ita sentiendum est, quia cū cerebrum multūm afficiatur ab exhalationibus odoriferis, necesse fuit antequam illuc peruenirent, eas incurrere in vim odorandi, vt si noxiæ forent, statim reijcerentur: ipsa verò cerebri substantia videtur expers omnis sensus. Propterea Aristoteles lib. de sen. c. 2. ait instrumentum odoratus esse circa cerebrum, & 2. de gen. an. c. 4. eius originem esse a cerebro: atqui illi processus inibi sunt, vbi olfacere nos experimur, neque apparent in quem alium finem sint instituti. Quod si odoraremur vel cartilagine, vel alijs neruis, qui sunt in naso, non esset opus respiratione ad odorandum. Quare statuendum est speciebus odorum illuc delatis elici a facultate quæ est in processibus actum odorationis. A R I S T. Veteres odorem, sicut alia omnia subiecta sensibus, putant esse corpus quod per se mouet neruum odoratus absque vllō specierum interuentu, neque aliter posse definiri. Probarem esse corpus, eò quòd nutrit, vt non Democritus modò expertus est, sed et qui ipsi quotidie sentiunt: verū respondetis hoc prouenire non ab odore, sed ab exhalatione odorifera, cuius substantia cedit in nutrimentum, qualitas autem odoris ipsi inhærens sui speciem diffundit per aerem, & aquam, citra vllam exhalationem. Sed quā hoc diuerticulum sit inane, probat experientia, qua constat odoratu nihil percipi, nisi vnde exhalat aliquid cuius abscessu paulatim flaccescit. Cur ea, quæ vitro arctissimè conclusa sunt quantumuis odorifera non odoramus? certè vitrum non prohibet quin producat species odoris, vti nec lucis, nec soni. Cur odor thuris non percipitur cū eius fumus circum nares oberrat, ipsas verò non ingreditur, & cur non immittit sui speciem iuncto



temporis, sed sicut sonus indiget aliqua mora? nimirum odor a corpore ipso non distinguitur. Porro ostendit canum in odorando mira sagacitas ab animalibus præcipuè effari continenter tenue quidpiam, quod internosci possit acerrima vi odorandi. Canis dominum suum alieno equo vehementem, & clam se multo ante tempore profectum odoratur, naresque modò in terram, modò in aerem obuertit, quippe ab homine per aerem aliquid transmissum est in terram, quam non attingit, atque ipsi adhæret, ita ut canibus sufficiat ad res quaslibet inuestigandas. Expirationes illæ demonstrant concreta utcumque corpora diminui alia citius, alia verò tardius, quæ minus exhalant, idque rerum mutuo consensu, vel dissensu fieri potest ut plus vel minus expirent. Camphora sensim euanescit, appositis verò sex aut septem granis piperis, minus diminuitur. Vnde conspicuum est cur naphtha dicatur trahere ignem apud Plinium lib. 2. c. 105. nimirum quòd accendantur expirationes illæ quas emittit, neque alius odor præterea quærendus est. Non admittunt etiam veteres quòd Aristoteles docet odorem esse sicci, potius quàm humidi, & oriri præcipuè a calido; dicunt enim odores esse posse tam simplices substantias, quàm compositas: si simplices fuerint, non generantur, sed sunt æternæ, & ita calor nihil aliud efficit quàm ut soluto nilto facilius auolent, & sensum feriant: si compositæ, concedi potest calorem aliquid efficere sui & aliorum permissione, non autem ea quam illi tribuit efficientia. Chymici vobis ostendent liquores quorum gutta odore complebit heminam aquæ. An Aristoteles dicet illos liquores esse siccos, aut saltem in se continere corpora sicca, in quibus tota vis odoris posita sit? At nulla ratione valida id confirmat: nec minori iure veteres contendunt quædam humida sensum odoris afficere, sicut & sicca. Quod autem instrumentum afficiat odor, ex omnibus nervis non alij possunt assignari, quàm processus mammillares, nec vereri debemus eos appellare nervos propterea quòd sint substantiæ mollioris, sic enim magis elucet industria natura in instrumentorum varietate. Cæterum eorum conformatio oblonga & distincta ab alijs cerebri partibus, ac munus insigne, quo funguntur, satis ostendit esse nervos. Quippe odorum appulsu ita mouentur, ut in ijs motionibus consistat sensus orationis, ut dixi de visu, & auditu. Atque inde fit ut idem odor quibusdam sit ingratus, alijs suavis, alijs neuter, prout nervus illo odore affectus cietur motu sibi conueniente, vel contrario, vel indifferente: quidam enim motus per se videntur conseruare, & quasi mulcere partes, alij conturbare & exasperare, alij nihil afferre præter simplicem sensum, quod credibile est accidere bestiis quæ ferè nullis odoribus offenduntur. Neque verò existimandum est odores, & alia, quæ proprijs sensibus percipiuntur, ut ait Lucretius, ferri potius ad instrumenta sensuum mutuo quodam consensu, quàm ad alias partes: neque enim videmus fumum odoriferum contendere magis ad nares, quàm oculos, aut lumen ad oculos potius, quàm aures. Consensus ergo ille est rei sensibilis, & instrumenti conspiratio ad ciendum motum peculiarem, quo res illa ab alijs internoscitur. Nunc de sapore, & gustu quid dicemus?

## De gustu.

## C I R C V L V S X V I I .

## C H A R I L A V S . A R I S T Æ V S .



**H A R.** Nihil aliud, vt video, afferre possumus de natura saporis, quod iam de odore non sit dictum. Aristoteles lib. de sen. & sen. c. 4. primùm opinionem Empedoclis dicentis in aqua contineri saporis omnes reijcit exemplo fructuum, quos videmus ex acerbis fieri dulces nullo accedente humido, sed potius calido, & sicco. Aqua verò, inquit, non potest sola fieri crassior, vt necesse est ad saporem, opus est enim sicco terreo, vt sit in aquis labentibus sub terras, & saporem inde contrahentibus, eo modo quo recipiunt colores a rebus lautis. Inde concludit saporem esse passionem, id est qualitatem patibilem, cuius natura est commutare gustum, eumque de potestate ad actum reducere. Eius causa efficiens est calor, & frigus, instar materiae est humor & siccitas, ita tamen vt humor dominetur. Quòd autem cineres, sales, & aromata sicca saporem habent, respondet Aristoteles tex. 102. nihil facere saporis sensum sine humore actu, vel potestate. Illa igitur habent saporem tantum potestate, qui ad actum reducitur ab humore linguae: quanquam dici potest suum quoque huiusmodi corporibus inesse humidum. Saporis species videri possunt apud Aristotelem loco citato. Verum quòd ipse ait tex. 94. gustum esse quendam tactum, ac propterea nos habere hunc sensum certior, responderi potest tactum communiter sumptum esse veluti genus, quod diuiditur in duas species, nempe in tactum propriè dictum, & gustum, reuera tamen sunt duo sensus, quia distinguuntur materia subiecta, & instrumento. De gustus autem instrumentis nihil dico. **A R I S T.** Neque ego quidquam addo pro veteribus, quomodo nerui, qui sunt in lingua, & palato moueantur interuentu saporum, quorum alij sunt simplices, alij misti, quemadmodum dixi de odoribus, & qui dulces vni videntur, alteri amari sunt, prout nervos mouent conuenienter, vel contra naturam animalis, ita vt nihil simpliciter, sed tantum comparatè dici possit dulce, aut amarum. Existimabam teterrimum omnibus videri saporem vini mucidi, reperi tamen placere Mantuanis: nam cum rem gratam amico Mantuano me facturum arbitrarer, si pestem mucoris auferrem ab eius vino, ac dolio, quod mephitim illam exhalabat, primùm quidquid erat vini mucidi in vas optimum transfundi iussi, raphanumque quadrisidum in medio suspensum reliqui vno, aut altero die, donec saporem illum exueret, nam qui a raphano est paulatim abit primo mense. Vino percurato, vt mederer dolio, curauì in illud immitti folia recens detracta ex cerasis



rafis illis, quas vulgus appellat amarascas; mensura corbis cubitalis, & supra multam feruentem aquam, doliumque diligenter operculatum diu versari hinc atque illinc, & sic triduo relinqui; mox aquam effundi, & auferri tollas, tum ablui vino nouo, ne foliorum odor superesset. Idem fermè erat si summos iupiperi ramos, & baccas adhibuisseni. Vino demum impletum est dolium, quod cum ille degustasset sapius, nec mutescere videret vllò modo, grauitèr stomachabatur de ablato sibi iucundissimo vini sapore, vt ille apud Horatium, qui curatus ex amentia, qua credebat Argis audire se miras tragœdias,

*Pol me occidisti amici,*

*Non seruastis ait, cui sic extorta voluptas,*

*Et ille per vim mentis gratissimus error.*

Alius qui suauiter potabat non mucidum modò, sed etiam acidum, monitus est a me vt suspenderet in dollo malum citreum, cum multis lardi fructis subtilibus funiculo traiectis: similiter ad vappam quod dixi lib. 2. de Ortu, loquendo de putredine, nec vnquam adduci potuit vt mali, vel raphani faceret experimentum, sed adhuc

*Pannosam fecem morientis sorbet aceti*

dignissimus hoc ipso *papauis* & *sabae*. Angustus autem sit species tactus ad veteres parum referre puto, modò statuatur in quo consistat ratio sentienti. Sensus omnes, si vis, ad tactum referantur, quatenus necesse est vt id quod sentitur, tangat aliquem neruum, eoque contactu neruus moueatur, vt clarius videbimus agendo de tactu.

## De tactu.

### CIRCULVS XVIII.

#### CHARILAVS: A R I S T Æ V S.



H A R. Discrepant plerique philosophi in assignanda materia subiecta tactui. Auicenna ponit duas primas qualitatum oppositiones, calidum scilicet, & frigidum, humidum & siccum, ac proinde duos sensus tactus. Auerroes præter istos tertium ad percipiendum graue, & leue, quartum ad famem, & sitim, quintum ad titillationem, & veneream voluptatem. Alij sextum addunt ad dolorem, & voluptatem. Alij totidem, quot sunt qualitates tractabiles. In tanta opinionum varietate licet probabiliter defendi possit plures esse tactus, tamen Aristoteles contrarium sentire videtur: nam hic postquam dubitationem sibi proposuit an tactus sit vnus, eò quòd versetur circa plura contraria, responderet id non esse mirum, cum etiam in alijs sensibus reperiatur. Difficultas summa est in assignando modo vno, quo omnia obiecta tractabilia seorsum immutant, vt sic detur vnus specie tactus. Hic modus est vt res tractabiles



immutet temperaturam primarum qualitatum in parte tangente, unde tactus dicitur esse sensus temperamentum. At dices durum, molle, asperum, leue, graue & leue tactu sentiri, nec tamen ab ijs immutari temperamentum. Respondent aliqui non immutari nisi a primario obiecto tactus, scilicet primis qualitatibus, & hoc satis esse. Dicit tamen potest qualitates primas esse obiectum tactus adæquatum, & cum percipitur durum & molle, percipi tantum primas qualitates sic temperatas, ijsque ablatis, si fieri posset, a lapide duro, non posse a nobis sentiri lapidis duritatem, sed tantum manum nostram non ultra tendere, perinde ac si vacuum, vel coeli substantia opponeretur. Vrgent alij, & inquirunt fames ac sitis, voluptas, gaudium, titillatione magis distant a re tractabili, quam sapores constituentes sensum distinctum, cur igitur & illa ad speciem aliam tactus non pertinebunt? Ad enodationem huius difficultatis aduertendum est, famem, & sitim tria importare: fames enim dicit motum quendam ventriculi nimium sese constringentis defectu alimenti, deinde perceptionem talis motus, denique appetitum alimenti conuenientis, idcirco fames dicitur appetitus calidi, & sicci. Pari modo insiti adest faucium calor & siccitas, eorum perceptio, deinde appetitus frigidi, & humidum. Similiter in voluptate & titillatione corporea adsunt spiritus accurrentes ad partem titillatam, & prurientem, qui quatenus calidi sunt, percipiuntur ut proprium sensibile, quatenus verò habent quantitatem, ut sensibile commune: ex tali autem perceptione nascitur voluptas, quæ est actus appetitus sensitui: quod si nimij sint spiritus, nascitur quædam fuga, ac propterea horremus titillationem. Item quando vulneramur, aut percussimur tactu percipimus non diuisionem continui, quæ nihil est, utpote negatio continuationis, sed qualitatem ortam ex continui diuisione, cuius præsentia dolet appetitus. Ad argumentum igitur respondendum est dolorem, voluptatem, titillationem, & alia id genus non esse sensibilia, sed esse actus appetitus sensitui, cum ergo dicimur ea percipere intellige qualitates ab ijs ortas. **ARIST.** Dilucidius ostenditur vnum esse tactum, si dicamus cum veteribus nervos e cerebro per totum corpus disseminatos occursum rerum tractabilium subire diversos motus, qui sunt ipse sentiendi actus. Ventriculi fibræ inopia cibi, vel potus motum edunt, quem appellamus famem, & sitim, eumque sedant esculenta, & potulenta. Titillatione oritur alius motus siue molestus, siue iucundus. At natura doloris intelligitur hoc ipso quòd in fibris excitatur motus peculiari modo viuenti repugnans: atque ita le oriri potest tam occursum corporis sibi insensum, quam solutione continui: cum enim dolor, aut doloris sensus nihil aliud sit, quam ipse motus, non tergiuersantur antiqui ut Galenus, qui lib. de Semine c. 2. ad doloris sensum requirit qualitatem sensui aduersantem, aliquando verò dicit fieri ab ijs quæ soluunt continuationem. Verum neutro modo dolor sentiri potest, si distinguitur a motu, quem veteres dicunt esse dolorem ipsum: nam sola continui solutio ut dixisti, sentiri nequit, quia nihil est. Quòd verò neque sentiatur qualitas ab ea producta, patet, quia ex nihilo non producitur vera qualitas. Immo, inquis, tanquam posita conditione pullulat, emergit, emanat e subiecto. Dic igitur quæ sit ea qualitas orta ex simplici nervi diuisione



ram acerba, vt nulla prima talem vnquam possit inurere, sed neque secunda, nisi forte somniare velis nescio quam qualitatem infestam suo subiecto, illudque foedantem, ac deturpantem etiam animas ipsas. At si sensum doloris dicamus esse motum fibræ viuenti aduersum, doctrinam habemus longè planiorem. In omnes partes sentientes sese inferunt nerui, qui constant substantia cerebri conuoluta duobus inuolucris, quæ meninges præbent, sic ab exortu in tenuissima fila diuisi, & tam cerebri substantiæ quàm meningibus connexi motus omnes perferunt ad suum principium, nec quicquam aliud est sensus, nisi eorum motus, vnde consequens est nullam partem sentire, quæ non est neruus, aut meninx. CH A R. Varij admodum hac in re sunt philosophi, ac medici, neque sibi constans videtur Aristoteles: nam lib. de sen. & sen. c. 2. lib. de inuent. & sen. c. 2. tactus instrumentum ait esse iuxta cor. Primo de part. c. 4. & 2. de part. c. 13. & 15. ait esse carnem: capite verò supra explicato docet esse aliquid interius carne, nempe neruum, vt explicat Auerroes com. 108. & 116. in lib. 2. de anima, dicitque hanc esse veram Aristotelis sententiam. Quòd autem alibi docuit esse carnem, ait id dictum a philosopho, quia nondum in anatome inspexerat sub carne latentes nervos. Nos igitur etiam dicere possumus solum neruum esse instrumentum tactus, non ea ratione qua dixisti, sed quòd in neruo recepta specie rerum tractabilium eliciatur a facultate actus tangendi: nam etiam in tactu species est necessaria, quoniam nullum sensibile sentitur ab ea parte quam insedit, sed opus est vt sui speciem producat in proxima parte. Propterea Aristoteles requirit medium ad sensus omnis effectiorem, vt species sensibilis obiecti produci possit, quando ipsum præsens adesse non potest, atque etiam si præsens adsit, vult tamen speciem esse id quo res sensibilis percipitur a proxima parte. Controuersia autem præcipua est inter philosophos an necessarium sit medium externum, vt aliquid sentiat. Requirit putat Auerroes com. 115. citatque Aristotelem, qui tex. 113. & 114. docet duo corpora solida siue in aere, siue aqua non tangere se proximè, sed interponi semper aerem vel aquam. Rationem quidam afferunt, quia cum duo solida iunguntur, datur momentum quo dici potest, nunc tangunt se penitus, proximè verò non se tangebant secundùm vllam sui partem: vel igitur totus aer exijt proximè ante, vel non, si non exijt corpora non se tangent, si exijt, oportet vt aeris illius exeuntis partes vltimæ, & mediæ simul exierint, atque ita fuerit motus puncto temporis: quod ne accadat dicunt remanere semper aliquid aeris intermedij. Non placet tamen hæc sententia, quia falsum videtur non posse duo solida sese proximè tangere. Sit enim aqua liquida quæ tangat lignum, congeletur & fiat solida, tanger enim vero proximè, sicut omnia quæ coagulantur. Atque vt illud detur, nihil aliud inde confici posset, quàm solida sentiri per medium externum, quia proximè coniungi nequeunt. Ad autoritatem Aristotelis respondet Philoponus ita sensisse philosophum, sed illi non esse credendum, experientia refragante. Malo tamen dicere cum Themistio hæc omnia disputationis tantum gratia ab Aristotele fuisse prolata, qui rationes a se adductas non soluit, quia contempsit. Ad illud autem quòd aer intermedius subtrahi deberet puncto temporis, vt duo solida iungerentur, vel diuelle-



ratur, nodus est perdifficilis, neque video quid responderi possit probabili-  
 lis, quam aerem illum exiguum, aut aquam intermediam momento con-  
 uerti in corpora solida, quæ se tangere debent, vela se disungi. Vos verò  
 qui conuersionem illam substantiæ non admittitis, habere necesse est in illis  
 salebris, aut saltem vacuum admittere. **A R I S T.** In ea opinione, quam  
 suscepi declarandam nullæ sunt salebræ. Vniuersum enim infinitum constat  
 substantijs simplicibus, & secundum se liquidis, quarum concrectionem, &  
 soliditatem dixi fieri per missionem quæ motus liber partium aliquarum  
 prohibetur. Ad contactum illam quem requiris nihil est quod liquidum  
 fieri non possit. Si omnia essent aer non dubitares quin singula partes iungi,  
 ac distrahi possent inuicem, nunc idem tibi cogitandum est de corporibus so-  
 lidis, siquidem ut concreuerunt possunt liquefcere. Non est tamen necesse  
 hoc tam saepe accidere, quam reris, nam inter corpora solida, quæ coniu-  
 gantur, intercidit ferè semper aliquid liquidum, ut rectè cum Aristotele sen-  
 tit Auerroës, atque illud in motu sequax est, & diducitur, simulque succe-  
 dunt aliæ substantiæ liquidæ, quæ vel in meatibus solidorum, vel in proxi-  
 mis corporibus continebantur. Verùm, si aduertis, dubitari posset etiam in  
 liquidis quomodo punctum puncto coniungitur, nam id quod est inter  
 utrumque debet prius recedere. Dicendum est tamen longè disparem esse  
 rationem liquidorum & solidorum: liquidæ enim habent indiuidua sua om-  
 nia libera ad motum, quo alia alijs coniungi, ac dissolui possunt, nullo ex-  
 pulso corpore intermedio: solida verò eadem habent, sed vincta, quare su-  
 perficies plana tota simul coniungi nequit alteri planæ superficiei, quoniam  
 corpus intermedium totum simul expelli non potest, ob rationem quam at-  
 tulliti. Hinc palam est principia corporum esse indiuidua, quibus sublati  
 tollitur motus. **C H A R.** Non tollitur, modò admittamus substantiam  
 vnam conuerti in aliam. Sed ijs omiſſis, dicimus qualitatem existentem in  
 aliqua parte, licet in ea producat sui speciem, ab ea tamen non percipi, sed  
 ab alia proxima quæ habet eiusdem speciem, quoniam ut ait Aristoteles tex.  
 116. instrumentum tactus non sentit quando tangitur, id est non percipit id  
 quod in se habet: verbi gratia pars nerui, quæ est calida gradu sexto non  
 sentit suum illum calorem, sed alia ipsi vicina: sensus enim percipere debet  
 aliorum excessus, atque extuperantias, & ab alijs patiendò reduci ad actum:  
 nihil autem sese exsuperat, aut patitur a seipso: sed neque pars illa nerui sen-  
 tit sex gradus caloris in alio, quia totidem habet, ita cum nihil sentiat si-  
 mile multo minus seipsum sentiet. Aliquid ergo debet interponi obiectum  
 sensibile inter & partem sentientem, non est tamen necesse ut illud sit medium  
 externum, quidquid dicat Auerroës: quia cum duo corpora diuersa sese  
 tangunt, alterum potest habere qualitarum primarum extuperantias, ergo  
 si vtrum ex ijs sit animal sentiet alterum: si enim aer, aut vapor qui est in aere  
 lapidem refrigerat, cur non etiam manum? & si ego nihil patior ab aere, quia  
 tantum habeo caloris, aliud animal quod minus habebit, patietur. Ad id  
 quod ait Auerroës nullum animal sentire suum locum naturalem, ponamus  
 pilles in aere, aues in aqua, sentient illi aerem, & isti aquam. Cum igitur  
 ad corpora liquida tangenda non requiratur medium externum, neque ad  
 soli-



solida sequiri debet. A R I S T. Mihi certè videtur expeditior modus, quo veteres dicunt pulsatis proximè nervis varios oriri motus, in quibus consistit perfunctio tactus: sed tandem ad sensus internos transeamus.

## De sensibus internis.

### C I R C U L U S X I X.

C H A R I L A V S. A R I S T Æ V S.



H A R. Hactenus egimus de sensibus externis quos natura tribuit nobis non ut fabulatur Lucianus in Amoris tanquam proditores ad hoc unum intentos, ut animam dedant suis hostibus turpitudini, atque inopia, sed potius ut ait Cicero 1. de leg. Hominem natura non solum celeritate mentis ornauit, sed etiam sensus tanquam satellites attribuit, ac nuncios, & rerum plurimarum obscuras, & necessarias intelligentias enudauit. Protagoras quidem dicebat animam nihil aliud esse præter sensus, ut Plato refert in Theæteto. Hoc & Diogenes visus est dicere dum abiecta ratiocinatione solis sensibus adhærebat, probanti se habere cornua caput tractabat, coram negantibus dari motum, ambulabat, dicebatque Platoni videre se non cyathisationem, sed cyathum, cui Plato falsè suo more: Quoniam, inquit, oculos habes quibus videtur cyathus, sed mentem non habes, qua cernitur cyathisatio. Verùm quanquam utimur sensibus externis ad capiendam rerum circumiectarum cognitionem, hoc tamen non fit absque interuentu sensus interni iudicis eorum omnium quæ internuncij sui retulerunt: Hi quidem circa obiectum proprium ab alijs dignoscendum nunquam errant, tamen in multis alijs quæ circa illud accidunt, hallucinantur, & eo rectore, ac moderatore opus habent. Nihil ergo certius est quam dari aliquem sensum internum, quo externis feriantibus animantes somniant, imaginantur, reminiscuntur, percipiunt obiectorum suorum priuationes, amicitiam, inimicitiam, & alia quæ non pertinent ad sensum externum: tamen vix quidquam obscurius est, quam natura, numerus, & ratio operandi sensuum interiorum. Omnes fatentur dari principem in animalibus facultatem ferentem iudicium de ijs, quæ extrinsecus percipiuntur: verùm alij quintuplicem illam faciunt, ut Auicenna, & Albertus: nempe sensum communem, qui proximè recipiat species a sensu externo, cum illo semper operetur, nunquam sine illo, eoque sensuum actiones, & differentia obiectorum internoscantur. Secundò imaginationem, quæ species sensus communis retinet, & absentibus obiectis, sensuque exteriori, & communi nihil agentibus, percipit res absentes. Tercio vim æstimatricem, cuius officium est agnoscere nonnulla, quæ non cadunt sub sensum exteriorem, ut ferre iudicium de re utili, vel inutili, amicitia, vel inimicitia. Quarto phantasiam, cuius mu-

nus



nus dicitur esse species rerum coniungere, ut cum canis fustem videt, & una percipit plagam, ac fugit. Quinto denique memoriam conseruatricem eorum quæ a phantasia cognoscuntur. Auerroes & D. Thomas non distinguunt imaginationem a phantasia. Alij meritò reiiciunt memoriam, quoniam reminisci est actus imaginationis, quæ vtens speciebus asseruatis in se rerum absentium reminiscitur, memoria verò non est sensus, sed virtus specierum conseruatricis, hoc est ipsa phantasia quatenus dicitur *φανόντων στάσις* veluti statio simulacrorum. Quare omnes illi sensus ad tres reduci possunt, immo seclusa auctoritate Aristotelis ad vnum tantum, cuius munus sit functiones sensuum exteriorum eorumque priuationes percipere, rerum diuersarum species componere, sicque tam absentia, quam presentia internoscere ac distinguere, etiam ea quæ non subiiciuntur sensui externo, ut amor, & odium. Fauet Aristoteles sub finem libri secundi de anima, vbi omnes sensus interiores reducit ad duos, phantasiam, & sensum communem, cumque tex. penultimo phantasia dicatur motus qui fit a sensu operante, patet remanere tantum sensum communem, qui quatenus operatur est phantasia. Alia loca vbi videtur plures sensus internos distinguere, non difficiliter solui possunt: si dicamus sensum illum primatem esse qualitatem ab anima procedentem, quæ in cerebro ob diuersa munia sortitur multiplicis sensus appellationem. Hæc vna est facultas animæ sentientis ad omnia internoscenda pro ratione organorum quibus vtitur in rerum speciebus efformandis. Locum autem habet in prioribus cerebri partibus, unde emanat vis omnis sentiendi, tanquam a fonte, ita ut quinque sensus externi sint veluti riuus primariæ illius facultatis, & quodammodo sensum vnum constituent. Propterea non est opus ut species quæ vulgo traduci dicitur a sensu exteriori ad interiorum sit specie diuersa, est enim eadem, quæ per instrumentorum ductus continuos simul producit: immo nulla species propriè traducitur, nam imagines rerum exteriorum, quæ sunt species impressæ producuntur tantum in sensu externo, neque permeant ad interiorum, verum cum sensus exterior atque interior, ut dixi, efficiant vnum sensum perfectum, ab utroque simul elicitur species expressa, siue sentiendi actus v.g. lumen ab oculo non transit ad phantasiam, vbi tamen in oculo recipitur lumen, si phantasia non occupatur aliunde, ab ipsa & oculo simul fit species expressa visionis: accidit autem non rarò, ut sensus externi recipient rerum imagines, nullus tamen sequatur sentiendi actus, præpedita nimirum phantasia. Illa sensibus externis vtitur tanquam manibus, quibus cum rerum simulacra apprehendit, earum speciem in se exprimendo, asseruandoque citra opem alterius memoriæ, varia spectra quæ ipsa concepit, inter se componit, & circa illa occupatur, etiam dum feriantur externi sensus, ut patet in somnis, vbi princeps sensus vtitur speciebus iam fabricatis ad multa fingenda, licet minus perfectè, eò quòd spiritus in suos sinus se receperint, neque ut par est phantasiæ deseruiant. Porro duplex est phantasia, imperfecta vna quæ conuenit etiam insectis 2. de anima 20. vbi phantasia & appetitus iisdem competere dicitur quibus & sensus: altera perfecta de qua omnino loquitur Aristoteles tex. 32. & 156. vbi negat phantasiam inesse omnibus,



ut vermibus, api, formicæ : quod de appetitu, & memoria similiter arbitrandum est, videlicet homini tantum conuenire memoriam illam quæ ob existimiam vim cor animæ dicta est ab Homero, & ab antiquis Dea Mnemosinè, cui Musæ lactentes traditæ sunt, ut eas sinu foueret, ac nutricaretur. Hic explodenda est inanis quædam opinio ex Arabum secta quasi per manus huc usque traducta, quæ sensus interni suis quique cellulis discluiuntur, sufficit vnus communis phantasiæ fusus per cerebri priores sinus, medius enim & posterior deseruiunt spiritibus concludendis, & ad motus absolutionem per neruorum propagines distribuendis. Si quis autem vno illo sensu non sit contentus, propter auctoritatem Aristotelis, ponat triplicem, ut ante monui, nimirum vim æstimandi, fingendi, & sensum communem, ita tamen ut singulæ non loco disiunctæ, sed simul priores cerebri sinus infideant. Hac sententiam interiorum distinctione quidam arbitrantur facilius solui posse, cur interdum vna ex facultatibus intercitat alijs integris, ut cum aliquis æger male iudicat, omnia tamen rectè internoscit, ac fingit cogitatione, aut contra perperam res fingit, & rectè iudicat: nam si sunt tres distinctæ facultates, vna ex illis videtur posse seorsum oblationem aliquam pati, vel interire. Illud tamen non obstat, quin vnus facultatis diuersa munia offensionem aliquam capiant, perinde ac si essent tres facultates, siquidem deesse possunt nonnulla quæ requiruntur ad vnā functionem, & non ad aliam, licet vtræque proficiscatur ab vno principio, quod eodem vtens instrumento, dissimiliter tamen illud adhibet, ac diuersos promit effectus. Non attinet hic plura dicere de gestionibus illius sensus communis, satis sit digitum ad fontem intendisse. A R I S T. Præstat omnino summam agere de ea re, quam alij fusissimè persequentes, nihil fermè afferunt præter speciosas verborum translationes, dum aiunt species quasdam impressas externis sensibus ad communem deportari, qui tanquam princeps e suggesto contemplatur imagines a ministris suis extrinsecus allatas, ac de illis suum profert iudicium, & illud sublati rebus externis exculptum remanet, efficiturque certa effigies cerebro impressa, quæ facultatem fingendi exstimulat, illa verò obiecta sibi spectra apprehendit & concipit vel distinctè, vel permittè, atque eorum notiones in se conseruat, & quodammodo vim imitatur rationalem. Hæc omnia faciunt animam & eius facultates esse veluti materiam primam quæ suscipit rerum formas, hoc discrimine quod materia prima fit res ipsa, anima fit tantum imago rei: ut anima quæ est in oculo præsentem equo fit imago equi, rursus eadem anima in cerebro velut alijs oculis intuens illam imaginem, in aliud equi simulacrum conformatur, atque adeo in plura iuxta numerum facultatum quibus ille equus apprehenditur: ita ut si sit anima rationalis, præter quàm quod facta est equus per phantasiam, rursus debet fieri equus per intellectum, & si plura simul intelligit fit ea omnia, neque imago equi inductam hominis imaginem confundit ac perturbat. Qui aures assuetas & patientes affert his verbis credit se intelligere rationem agendi sensuum internorum, & verba accipit pro rebus ipsis: at qui expendit probè difficultates hæcenus allatas contra huiusmodi formarum inuolucra, minus succensebit antiquis, quod sensus omnis actionem motu corporearum imagi-



num comprehenderunt. Principiò animal ita conformatum est, ut ab eius capite deriuentur nerui, qui extrinsecus impulsu varijs modis, ad suum principium motum perferunt, hoc verò principium sic natura sua comparatum est, ut eo impulsu, velut harmonia mirabili concitatum, qua parte neruus motus habet originem, fingat ex spiritu animali, & varijs substantijs, quæ sunt in cerebro, veluti compendio vniuersi, conformetque spectrum aliquod repræsentans rem, & modum, quo neruus mouetur, non quod sit ipsi rei simile, ut statua Cæsaris Cæsari, sed quòd illius spectri motus interior harmonicè respondeat motui, quem res exterior neruo impressit. Quo crebrius cietur neruus eadem motione, eò magis hoc simulacrum fingitur, ac perficitur, quod apud vos dicitur intendi, vel radicari, veteres dicunt abso- lutionem huiusmodi imaginum fieri motu simili, quo ortæ sunt, ijsdemque corpusculis coagmentari. Animal principi sui ortus nullas habet, sed breui fit earum proventus ingens, quæ ubi iam in capite consistunt frequentes, suo motu procreant alias plurium simul naturam participantes, ut spectrum auri, & montis agitaturn, effingit simulacrum montis aurei, & alia id genus, rursusque ex ijs aliæ atque aliæ figuræ multiuges oriuntur, quarum motus proprii sunt actus sensuum omnium interiorum. Peculiaris motio simplicis spectri, quod impulsu rei alicuius excitantis sensus externos conformatum est, oriri potest duobus modis: primùm quando sensus ipsi pulsantur extrinsecus simili motu, quo spectrum ortum est, deinde quando interna imaginum agitatione, quarum alia aliam commouet, spectrum illud excitatur: ita enim fit ut necessariò quadam imagines sese nobis obijciant, quas non modo non aduocamus, sed pertinaciter depellimus. Ille interior motus simulacrorum non amplius pertinet ad sensum externum, sed ad communem, siue phantasiam. Quando verò agitantur simulacra ex priorum motionibus exorta, multò magis hoc fit a phantasia, quæ nihil aliud est, quàm habilitas huiusmodi simulacrorum ad certos motus tam necessarios, & suo se ordine consequentes quàm videntur ceteri effectus naturales. Ut enim Solis accessu vapores efferuntur, coguntur in pluuiam, terra irrigatur, nascuntur her- bæ, sic pulsatis sensuum organis variæ imagines aliæ ex alijs fruticantur, ob- insitas capiti substantias, quæ se vltro accommodant ad motum organi: nisi forte cùm somno cohibetur spiritus animalis, cuius penuria, aut inordinata distributione spectrorum motio perperam accidit. Imagines tamen in som- nis exortæ pro rebus ipsis veris accipiuntur, apparent enim illustriores, quia sunt solæ, nec alias habemus potentiores haustas a sensibus externis qui tunc feriantur; somniorum deinde meminimus si illæ remanent & moueantur, earumque falsitas ex alijs clarioribus quas fabricamus vigilando, deprehen- ditur. Vnde memoria in animantibus est huiusmodi simulacrorum coacerua- tio. Multa hic in dubitationem vocari possunt, vnde fit ut rerum innume- rabiliū spectra corporata quorum vnumquodque certum sibi locum depo- scit, angustijs cerebri contineantur? quomodo ea quæ a principio neruorum abiuncta sunt moueri possint? quis sit ille motus rectus, circularis, an mixtus? quæ sit illa princeps imago ad cuius nutum non modo ceteræ imagines, sed etiam membra ipsa moueantur? Prore obscurissima breuiter responden- dum



dum est, & si in cerebro neque simulacra conspiciantur, nec vllum eorum vestigium, id accidere propter summam tenuitatem & naturam perslabilem, quæ secundum obitum citò dissolvitur, quod incredibile non videbitur reputanti secum venas lacteas, quibus referta sunt intestina, & tenuissimos villos parencephalidis a paucis hæcenus deprehendi. Cæterum huiusmodi spectrorum molem corpoream satis conficimus, vel ex eo quod multa cogitatione complectendo, vnum exturbat aliud, veluti loco deficiente. Quare homo propter cerebri amplitudinem rerum innumerabilium simulacra capere potest, non tamen omnium, cætera verò animalia pro cerebri conformatione, & capacitate, plus vel minus comprehendunt, & respondentes suis spectris habent rerum notiones. Quibus imagines illæ perfectius finguntur, ordinantur & asseruantur, res omnes melius percipiunt; neque aliunde ratio petenda est cur animalia quædam sint ingeniosiora. Mollitudinem carnis laudat Aristoteles, quem Plinius reprehendit lib. 11. c. 38. adducens hippopotamum, qui sibi medetur, & elephantum, qui cum sit præduræ carnis, & pellis asperæ, est tamen docilis, memor, & prudens: quare putat causam esse potius referendam in sanguinis tenuitatem, vnde tenuis spiritus oriuntur. Sed ita cerui pecus hebes non haberent tenuem sanguinem, aut fatendum est requiri tenuitatem, quæ simulacra rerum in cerebro facile conformentur, & moveantur. Ad hoc necesse est, vt omnia continuatione quadam coniuncta sint principio nervorum, quod fieri potest filis tenuissimis, vt quæ ab illo principio distant, perinde moveantur, ac si essent ipsi affixa, inter se quoque quibusdam alijs consocientur veluti corporis membra. Qualis sit autem motus, quem illa obeunt, dicendum est adeo varium esse, vt nihil magis in natura videatur, ac proinde inexplicabilem nobis, qui ne aduertimus quidem discrimina chordarum in cithara vibrantium, vnde aer percutitur tam varijs modis. Sed quicumque sit tandem ille motus, inquires, non potest magis vocari cognitio rei, quam si quis simulacrum aliquod aureum agitare: immo quia cognitio non est quicumque motus, nec cuiuscunque signi aurei, vel argentei, sed animati & principio nervorum vitali harmonia coniuncti. Tu verò dic nobis cur cognitio sit productio speciei expressæ, non autem ipsa species expressa, productio enim motus est, species verò veluti signum aliquod animæ insculptum. Cur hic potius quam ille motus erit cognitio? Neque vero referat alius ad cognitionem tam multiplicem, loquor de ea quæ fit tantum ope phantasiæ, opus esse anima distincta a simulacris aut facultate quapiam, quæ veluti *circumspectatrix cum oculis emissis* ea defigat: immo neque opus est imagine quadam principe ad cuius nutum cæteræ moveantur, eadem enim rediret difficultas quomodo ipsa excitatur & alias excitat. Quare dicendum est ad rerum notiones exprimendas sola esse spectra inter se mirabiliter ordinata, quæ sicut necessariò acquiruntur, ita & moventur, frustra que fingimus internam aliquam facultatem, quæ incumbat in cogitationem quandiu vult, mox ad aliam sese transferat, etenim illæ omnes sunt simulacrorum motus, qui se necessariò consequuntur. Motionis initium habetur ab ijs quæ pulsant sensus externos, mox alij motus pro rei natura varias ineunt recursiones, quas inchoare, vel impedire non est in potestate ani-



mantis. Elephas exempli gratia postquam sensuum opera simulacra sibi finxit saltationis, hordei, blandimentorum, cessationis, verberum, instigationis eorum motu fabricat alia composita quibus saltatio coniuncta præmijs exhibet se ut bonum conueniens, & prosequendum, cessatio verò poenis annexa malum fugiendum, proinde motus huiusmodi spectris, hoc ipso feruntur spiritus ad saltandum etiam nocte, ut agebat ille, qui cum alij Romæ docerentur gyros mirabiles, & difficiles, castigatus quod minus bene disceret, visus est ad Lunam se exercens. Tandiu verò ad simulacrum illius saltationis parent spiritus, donec ex defatigationis, vel alterius rei imagine mista spectrum saltationis non est amplius conueniens, atque ita necessario cessant spiritus, & elephas se dat quieti, aut aliud quidpiam aggreditur, pro imagine cuius motum sequantur spiritus consensu naturali, quo fit ut illa posita isti moueantur. Vos verò posita specie frustra requiritis facultatem, quæ in eam incumbit perspeculans, & spiritibus imperans pro suo iure, nam quomodo speculetur, & imperet, nemo ex vobis quidquam attulit, præter verba. CHA R. At ea quæ ex te audio multò magis verba videbuntur, immo spectra inania atque portenta. Si aliquod simulacrum exhibet se ut bonum conueniens, & prosequendum, debet aliud esse, cui se tale exhibeat, nimirum facultas æstimandi, vel imaginandi: quid enim possunt spiritus iudicare de bono conueniente? Deinde potest esse idem simulacrum, nec spiritus tamen accurrunt, ut cum aliquis imaginatur sibi leonem præsentem absque metu: propterea quod datur facultas quædam superior quæ simulacra considerat duobus modis, interdum ut rerum imagines, & ita non magis mouetur quam a leone picto, interdum ut res ipsas, quarum sunt vicariæ, atque ita ut par est commouetur, varia in spiritus imperia exercendo. A R I S T. Seipsis moueri possunt spiritus præsentem certo simulacro, perinde atque si esset ipsa facultas, nec minus audientes sunt dicto simulacri quam facultatis: aut narra quid sit illud imperium præter actum facultatis, & spiritus illos accurrentes. Quod verò non quodcunque leonis spectrum metum excitat, hoc non pendet ab vlla facultate, sed ab ipso spectro, quod non habet omnia requisita ad terrorem mouendum, nec dicas esse idem simulacrum quod terret, & non terret: illud enim habet aliquid etiam in somnis quo fingitur imago leonis veri, & præsentis, alterum autem leonis ficti, velut præsentis, quanquam difficile est assignare illud quo apparet verum, vel fictum tam in antiquorum sententia, quam in vestra. Videamus nunc an aliquid rationis sit in phantasiæ simulacris. CHA R. Quanquam hic phantasiam accipimus etiam pro facultate æstimatrice, tamen dicendum est brutas animantes, non perfectè iudicare, affirmando, vel negando per compositionem & diuisionem, quia nulla est huiusmodi propositio in qua terminus aliquis vniuersalis non sit cogitatione præcipiendus & a singulari distinguendus: at illæ non cognoscunt perfectè vniuersalia, sed simpliciter res apprehendendo naturali instinctu feruntur in opus, 2. Phys. 80. Proinde non tantum in brutis, sed etiam hominibus nulla facultas sentiens est ratiocinatrix, nam si vis æstimatrix nullam potest formare propositionem, multò minus ratiocinari. Propterea Aristoteles hinc tex. 157. Bestiarum, inquit, qui-

*De ratione  
qua est in  
phantasia.*

bus.



busdam est imaginatio, ratio verò non: unde docet bestiis nihil posse persuaderi. Et lib. de memoria c. ult. dicit solum hominem reminisci: causa autem est, inquit, quia ipsum reminisci est vt syllogismus quidam. Bonitas verò conclusionis in syllogismo percipi non potest, nisi aduertatur in ea feruari dictum de omni, vel de nullo, quod præstare non possunt brutæ animantes, nec ipse homo vtens sola vi æstimatrice. A R I S T. Hoc vltimum de hominis æstimatrice est contra Auicennam, Auerroem, Albertum, D. Thomam, & plerosque viros doctos, qui vocant hanc facultatem vim cogitandi, a qua putant propositiones singulares formari posse: quod si id verum est in homine, etiam in alijs animalibus admitti debet, quorum discipulos in multis Democritus nos esse dixit, teste Plutarcho de solertia animalium, vbi refert Thraces flumen glaciatum transiuros vulpem præmittere, quæ admota aure, si audiat aquam subterfluentem, reuertitur, & omnino, inquit, argumentatur, quod sonat mouetur, quod mouetur non est glaciatum. Propterea veteres phantasia a mente non secernebant, & intellectum tribuebant omnibus animalibus, vt dicitur de Anaxagora 1. de anima 24. quia phantasia fungitur officio mentis, qua duce fiunt opera quæ a mente perfecta videntur Plutarcho, Porphyrio, Galeno, & multis alijs sapientibus, inter quos Pythagoras & Plato teste Laertio dicebant animas etiam brutorum esse rationales, & solum corporis defectum obstare rationi. Cur verò phantasia non cognosceret vniuersalia, cui Auerroes com. 20. 22. & alibi tribuit compositionem, & Aristoteles ipse rationem 3. de anima 57. An non componunt, & diuidunt pueri ac delirantes, & varia configunt pro facultate cogitandi? Hanc qui habet perfectiorem, etiam perfectius fingit imaginem rerum vniuersalium, quæ in eo consistit, vt natura ipsa cogitetur, nihil de singularibus cogitando: ita cum equus esuriens fœnum imaginatur, non alio modo fœnum apprehendit, quàm vniuersè. Da quodlibet nomen volueris his phantasiæ functionibus, negari non potest ab ea fingi simulacra tam rei conuenientis & prosequenda, quàm contraria, & fugienda atque etiam modi quo quidque perfici debet, vbi animalium solertia apparet planè admirabilis. Odoratur canis vestigia domini sui in biuio paulisper harena, mox alteram viam ingreditur: sectans leporem multa callidè agit. Sed, inquis, nescit dictum de omni & dictum de nullo, proinde non argumentatur: verùm & si in cynica schola non docentur illi termini logici, satis bellè argumentatur, qui rei sibi faciendæ simulacrum fingit, cuius motum, vt par est, sequuntur spiritus. Quot pueri, quot senes decrepiti solius phantasiæ opera multa perficiunt, quæ rationi attribuiamus, sunt tamen ijs inferiora quæ eiusdem phantasiæ ministerio præstant brutæ animantes? An quia illæ non loquuntur, nihil agunt cum ratione? Sed hoc tantùm ostendit hominem loquendo posse vocum & verborum simulacra fingere, quæ illæ non possunt, atque ita phantasia hominis esse longè perfectiorem secundùm se, neque enim hic de ea loquimur, prout coniuncta est menti humanæ immortalis, & intelligenti, modo quodam sublimiore, ad quem nulla vis phantasiæ mortalis potest accedere. Quare illud dictum a viris sapientibus maius esse discrimen hominis ab homine, quàm beviæ ab homine, accipi tantùm debet de phantasia quæ in qui-



busdam beluis solertissimis considerata magis accedit ad hominis industriam phantasiam, quam phantasia complurium hominum pecudibus ipsis hebetiorum. Quod si vir ille industrius præpeditam diuinitus haberet mentem, ita ut ad cogitandum solam phantasiam adhiberet, ut fieri putant in somnis naturaliter, an non argumentaretur ingeniosè & plerosque tardos homines antecelleret? Fingamus iam dari naturaliter animal huiusmodi non alia prædictum mente, quam phantasia, rationis particeps esse dicetur, si illa est imaginum in cerebro existentium concinna & congrua motio, quæ quoniam in plantis, lapidibus & alijs non reperitur, propterea ab illis hunc rationis usum abiudicamus. Agendum nobis esset de organo sensuum interiorum, nisi satis pateret eos a corde quidem oriri tanquam a principio generali, non tamen in corde; sed in cerebro functiones suas obire. Aristoteli concedi potest cor omnium facultatum esse principium, quatenus ab eo manat calor omnis & spiritus, qui veteribus est anima ipsa. Sanguis a vitali calore cordis habet ultimam suam absolutionem, & motum in circulum, unde procedit nutritio, accretio, & procreatio: ab eodem est pulsus arteriarum & respiratio, item sensus omnis & motus, non tamen propterea sequitur nervos omnes a corde duci, licet ab illo oriatur vena cava, & arteria magna, satis est ipsum esse Solis instar diffudentis spiritus veluti radios, & omnibus vitalem motum impertientis. Ita planum sit quid sentiendum sit de appetitu sentiente, & eius sede. Hanc Plato posuit in hepate, sicut vim irascendi in corde, cognoscendi verò in cerebro. Aristoteles harum omnium facultatum sedem in corde statuit, sed cum 3. de anima 29. vim sentiendi & appetendi distinguat sola ratione, illa quatenus iudicat sentiens est, ut verò fugit, vel prosequitur quod iudicauit, est appetens. Atqui iudicium & appetitionem neque in corde, neque in iecore fieri, sed in cerebro potius ex doctrina veterum arbitrandum est. Quod intelligens Plotinus ait cor & iecur apud Platonem non esse sedem primariam in qua facultates loco seiungantur, sed membra ubi præcipuè illarum fomenta conspicua sunt. Iecur alimenta suppeditans videtur fouere cupiditatem, cor bilem, & iram, tamen res ita se habet, ut nulla sit opus qualitate, quæ sit facultas appetendi, & irascendi, sed tantum partibus quæ ad recipiendas impressiones affectionum ortarum a cerebro materiem habeant præparatam. In cerebro igitur fiunt, ut dictum est, rerum simulacra, eorumque proprii motus sunt cogitationes, quibus aliquid apprehenditur fugiendum, vel prosequendum, & in ijs consistit actus intimi sensus, qui diuersa ratione dici potest iudicium, & appetitus. Tunc verò præcipuè refert nomen appetitionis, cum ad motionem simulacri naturali contentione fertur spiritus ad partem aliquam corporis incitandam ubi seminaria continentur illecebrarum, in pudendis quidem venereæ titillationis, in ore ventriculi cupediarum, in corde exandescentiæ. Inde fit ut cum aliquid princeps sensus annunciauerit, fiat accessus vel recessus spirituum, qui in ore ventriculi motum absoluant liguritionis & cupediæ partem illam conuellendo peculiari quodam incitamento, cor afluat iræ vel ambitionis commotione, libidinis aculeo stimulantur partes obscenæ, cætera quoque sequentes impetum spiritus a simulacro concitati varios cient motus, &

actio.

De organo  
sensuum interi-  
oris.

De appetitu  
sentiente.



actiones etiam progressionis, cuius causas proximas non affert alias Aristoteles in animalibus præter cognitionem & appetitum, quæ ratione differunt, reapse idem sunt, vt ante dixit. Quare nihil mirum est si nullam mouendi facultatem constituit distinctam ab appetitu hoc est vi sentiente: quemadmodum enim exsurgente spectro rei iucundæ & voluptuariæ spiritus fusi e prioribus cerebri ventriculis accurrunt ad appetitus absolutionem citra facultatis alterius adminiculum, idque per nervos ad sensum & appetitionem destinatos, sic alij spiritus eiusdem spectri motu concitati media, ac posteriore cerebri parte per alios nervos musculis impertiunt vim motus effectricem. Frustra igitur in corde facultas appetendi collocatur, cum ad progressionem sufficiat apprehensæ rei simulacrum, spiritus, & instrumentum. Velea saltem in capite statuenda esset, ne ventriculus, & pudenda suam quoque vim appetendi vindicarent. Non enim solum cor exultat in latitia, contrahiturque in moerore, sed idem præstat cerebrum agitatum continuo motu, atque ex eius appetitione sequuntur cordis & aliarum partium affectus. Obseruauit Athenæus in calce lib. 2. hanc fuisse veterum philosophorum opinionem, ac propterea esum cerebri vetuisse, quod esset sensuum omnium sedes. Apollodorus Atheniensis ait ne vnum quidem antiquorum ausum fuisse cerebrum appellare proprio nomine *ἐγκέφαλον*: vnde Pindarus de Licha proiecto ab Hercule in Trachinijs vocat albam medullam, *λευκὸν μυελόν*, declinans quod religione vocari fas non erat. Hinc caput antiquis sacrum habebatur, ac per illud iureiurando se obstringebant:

*Per caput hoc iuro per quod pater ante solebat.*

Primus Hippocrates tegendum censuit veluti dignum veneratione, vt referunt quidam apud Glycam anal. 3. parte. Præter hunc appetitum sentientem seu animale alius dicitur naturalis, qui est habilitas, & propensio cuiusque rei citra cognitionem ad declinandum quod contrarium est, & quod sibi conuenit prosequendum naturali prorsus necessitate: alius rationalis, cui alij duo subiiciuntur, quatenus anima nostra ratione, ac rerum cognitione prædita fertur ad honesta potius, quàm ad iucunda & vtilia, quæ licet suauiter allecant sensus, imago tamen virtutis mente concepta, & honestatis species alijs omnibus præponderatur. Hinc oriuntur diuersæ pugnæ appetitionum, quæ iuxta veteres aliunde non oriuntur, quàm ex simulacris ortis in mente, vel phantasia. Consurgit pugna vbi plurium rationum species ita finguntur & adornantur, vt omnes æqualiter imperium sibi vindicent, nec habent spiritus quò accurrant & quam potissimum sequantur relictis alijs, donec vna ex omnibus sic instructa est & perfecta vt cæteræ illi concedant. Sic complures videmus prius ambiguos & instabiles quid agerent tandem perfecto rationis alicuius simulacro acquiescere, & ad eius motum, si res ita ferebat, sequi actionem. Hoc etiam in animantibus sola phantasia videntibus videre licet, vt cum equus hæret dubius edat, an coeat, ex duabus vtram ineat, ex cane & latrone vtrum calcibus appetat, dominum feriat, an se contineat: quæ pugnæ non prius sedantur, nec ante procedit actio, quàm in phantasia consurgat spectrum satis illustre, & accommodum,



ut spiritus sequatur eius imperium. Porro si quis vestrum eludens confessionem illam simulatorum & spirituum quærat an sponte ferantur spiritus, quò postulat natura spectrorum, an alia vi compellantur, meminerit hunc nodum esse soluendum tam Peripateticis quam veteribus. Quippe dicitis orta efficaci appetitione, cuiuscunque tandem facultatis illa sit actus, ferri spiritus eius imperio planè subiectos: quod omnino est moveri naturali confessione nullam a se distinctam facultatem exigente. Vnde consequens est affectiones appetitus sentientis, utpote necessarias, nullam in se habere moralem bonitatem, aut prauitatem, & si in hominibus non daretur alter rationalis, cui sentiens subijceretur, nullas esse pœnas æternas, nihil ob stare tamen quin ad bonum publicum, cui priuatum cedere debet pœnæ sanciantur etiam mortis ob ea opera, quæ ex alicuius appetitu sentiente in communem perniciem deriuantur: quod in apum, formicarum, & aliorum republica naturali tradunt fastidiari. Nunc paulo exquisitius declarandum est vim eam quæ mouet esse sentientis animæ facultatem, sed ratione sola distinctam a spiritu ipso animali, & imaginibus phantasiæ. Spiritus ille vitalis in corde dicitur, vbi plus vitæ suæ animæ in se continet quàm naturalis, habet tamen secum permixtum aliud genus caloris quod quidem vtile est ad animæ altricis functiones, exsuperat tamen ad muria sentientis, atque ita spiritus eadem substantia quatenus illi calori coniungitur est anima naturalis, suæ altrix, ut verò sese ab illo exiit in cerebro fit anima sentiens. Nam dum a corde per carotides arterias fertur ad anfractus admirabilis contextus, inde in contextum choroidem, peruenit tandem ad cerebri ventriculos expurgatus,

----- purumque relinquit

*Æthereum sensum, atque auræ simplicis ignem,*

ut ait Virgilius, hoc est substantiam quæ comparètur non calori nostro & igni, sed æthereo, per quem volumus exprimere quidpiam purissimum suauiter calidum, atque ita aptum ad functiones omnes animales. Hoc spiritum cerebri sinus referciuntur, animal sentit, & mouetur, vbi verò confraeto cerebro per vulnus euacuatur, concidit statim veluti mortuum: at postquam occluso vulnere, nouus denuo collectus est, reuiviscit, & sensum, ac motum recuperat. Quo argumento Galenus lib. 7. de placitis Hippocratis & Platonis concludit spiritum non esse substantiam animæ, sed eius instrumentum primarium, alioquin eo dissipato animal simul interijssset. Hoc tamen nihil est apud antiquos, qui putant animam sentientem esse corpus æthereum, cuius aliæ partes auolant, alijs remanentibus, si efficitur cerebro superesse quantum satis est functionibus obeundis, donec insitiat quod deperijt. Vnus idemque spiritus est ad sensum & ad motum, discrimen tantum est in instrumentis, quæ quidem in sensu influentem habent spiritum, præcipuè tamen impelluntur a rebus externis, vnde sensus recepta affectione & perpeffione obiri dicitur. In motu verò qui annixi & roboris contentione perficitur solus influens spiritus causa est citra appulsum rei externæ. Deinde quidam nerui potissimum destinati sunt ad sensum, alijs ad motum, non quod nervus aliquis mouens sit sensus expers, constat enim nullum esse, qui compunctus non excitet dolorem acerbissimum. Qui verò inserviunt

sen-



sensui possent etiam cedere motum, si musculo alicui infererentur: nunc verò  
 aliter se res habet, nerui enim sentientes ex priori parte cerebri deriuantur,  
 fundunturque in viscera & cutem, sed non in musculos, contra illi qui a pa-  
 rencephalide per spinæ medullam velut caudicem ortum habent musculis  
 infiti eò copiosum deuehunt spiritum. Hinc fit vt aliquando tactus abolea-  
 tur atque etiam interiores animæ functiones grauiter laxantur illa so motu,  
 vt patet in furiosis aut delirantibus quibus incessus nonnunquam est firmis-  
 simus: contra verò motus pereat tactu incolumi, & alijs sensibus saluis,  
 quando accidit tantum neruorum mouentium resolutio, quod fit vbi spiri-  
 tus interclusum ad hos, vel illos neruos reperit aditum. Cerebrum enim  
 spiritu illo animatum mouetur ex se continenter instar cordis, & dum se in  
 amplum diffundit occupando spatium quod a meningibus ad hoc relinqui-  
 tur, spiritum a contextibus ducit, aerem verò a naribus, occlusa tunc via  
 quæ a postremo ventriculo ad medium pertinet verme inter glutia prolaben-  
 te: dum autem se contrahit sinubus coangustatis, & sublato verme patet  
 aditus inter glutia, spiritum ex prioribus ventriculis profundit per medium  
 in postremum, & simul in omnia sensus organa non interclusa; quod si vel  
 sentientes, vel mouentes nerui qui ex ortu suo insignem habent cavitatem in  
 grandioribus beluis satis conspicuam, obstructi sint, sensus aut motus inter-  
 cidit, quantumuis insurgat voluntas sese mouendi, velut in graui torpore  
 membrorum, vel paralyfi. Non est autem necesse vt cavitates illa neruorum  
 sit conspicua, nam cum eorum alimentum peruadat fibras tenuissimas, quan-  
 to magis influet quoquoersum spiritus pertenuis & æthereus, immo extra  
 neruos quoque profunditur & labore diuturno, ac lucubrationibus consu-  
 mitur per vniuersum etiam corpus excurrens iterum sanguini permiscetur,  
 & a corde denuo susceptus per carotides circulando cerebrum petit. Iam  
 quod alij nerui ad sensum, alij ad motum accommodentur non prouenit ab  
 ipsorum mollitudine, vel duitie, nam qui mouent oculos e secunda coniu-  
 gatione molliores sunt ijs qui e sexta prodeuntes tactum efficiunt: qui verò  
 e spinæ medulla profecti motui deseruiunt cæteris sentientibus sunt durio-  
 res. Neque omnino soluit difficultatem, qui ait sentientes plus substantiæ  
 suæ ducere a meningibus exquisitissimo tactu præditis, sed immobilibus,  
 quam a cerebro mobili quidem, sed sensus experte, contra verò neruos mo-  
 uentes plurimum a cerebro, minimum verò a meningibus. At non desunt  
 qui respondent a cerebro & si nullo tangendi sensu sit præditum oriri non  
 modo neruos, sed etiam meninges ad efficiendum contextum vnum instru-  
 mentum sensus, & motus, nec minorem doloris sensum afferri la sis mouenti-  
 bus neruis, quàm alijs tactus autoribus, qui ex sexta coniugatione deriuant-  
 tur. Quod igitur aliqui vim tangendi præbeant, id fit quoniam ipsorum  
 extremæ fibræ diffunduntur in cutem, ad quam extrinsecus appellant res  
 externæ, vnde prouenit affectio tactus, moto videlicet neruo quadam ratio-  
 ne peculiari: non promouent autem partes animalis ad incessum, aut alium  
 motum, quia per musculum non distribuuntur vti mouentes, qui in tendo-  
 nem collecti, vel in os, vel in membranam intruduntur, paucis ramulis per  
 summam cutem disseminatis, atque ita motus potius quàm tactus sunt auto-  
 res:



res : nam spiritus in eos influens interdum solam efficit partis firmitudinem, interdum motum prout sequitur agitationem simulacri suscitati in phantasia & modo a principio suo abducitur, modo versus ipsum contendit tam naturali & facili consensione, ut complures motus voluntarij non videantur præcipi a phantasia, adeo versatilis est spiritus, & promptus ad sequendam eius motionem, ut cum palpebræ atque oculi mouentur, gestiunt manus, corpus huc & illuciactatur; hi atque alij similes motus absque spectri cuius in phantasia mutatione fieri non possunt, sed illa est adeo tenuis, & obscura, ut nobis plerunque lateat. Vbi verò simulacra fiunt illustria; & longo usu confirmantur tenent locum qualitatum quas vulgo vocatis habitus naturales ortos ab actibus repetitis, quos admittitis in hominibus, sed non in bestiis, quanquam ille condocefactæ sapius acquirunt etiam agendi facilitatem, ut dicitur de elephantis & auibus res miras longa consuetudine perficientibus. Positis autem in phantasia perfectis illis imaginibus, & spirituum natura volubili, organa paulatim recipiunt absolutionem necessariam omnibus obeundis, ad quæ vos habituum farraginem mille quæstionculis inanibus impeditam excogitatis. Sed ut ad vim mouentem redeamus, si natura struxisset solum neruorum contextum absque musculis, vel alio quopiam musculorum vicem gerente, an propterea sensus esset absque vlllo motu voluntario? Ita omnino statuendum videtur autore Galeno, sed non semper musculi requirendi sunt, vbi aliud a natura statuitur ipsorum loco: nam quis in culice musculos exigat ad tam varios motus, vbi satis est neruulos alligari membranulis quibusdam, aut alijs quæ musculorum officio defungantur. An non vterus, aut saltem ventriculus grandiorum animalium habere videtur motum aliquem voluntarium, cum tamen sit musculis destitutus? Nonnullos vidi sponte euomentes id quod biberant, & si ventriculum potio non irritaret, quin & esculentorum diuersi generis portionem quam vellent emittentes, quod argumento est ad ciendum motum aliquem voluntarium musculos non esse semper necesarios. Ex his tandem colligi potest appetitum, quem Aristoteles lib. 3. de ani. tex. 29. ratione sola distinxit a vi sentiente, meritò statui ab ipso causam, quæ animal mouet, nec aliam insuper mouendi facultatem introductam, propterea tex. 48. non aliam affert vim mouentem, quàm intellectum, & appetitum, voluntas enim, inquit tex. 50. appetitus est. Denique tex. 39. videtur dubitare an intellectus sit aliquid distinctum a phantasia: primæ, inquit, intellectiones quo differunt ut non phantasmata sunt? An neque hæ phantasmata sunt, sed non sine phantasmatibus? CH A R. De hoc videbitur lib. 3. interim præterire non possum dissimulanter quod ais ab Aristotele non aliam statui vim mouentem, quàm intellectum & appetitum sit ita sanè modò loquaris de vi dirigente & impellente: nam intellectus & phantasia in homine est virtus dirigens voluntas & appetitus animalis est virtus impellens: in cæteris autem animalibus sola phantasia dirigens est, & appetitus est impellens. At præter has duas facultates est alia exsequens & effectrix progressionis, atque illa propriè est virtus mouens actione physica, priorum enim actio est tantum moralis & in eo consistit quòd licet vna facultas alteri nihil imprimat,




tamen posito actu vnius sequitur actus alterius, propterea quod sunt subordinatæ naturali consensione, & sympathia. Hanc vim exsequentem re ipsa differre a duabus primis iam satis docuerat Aristoteles 2. de anima 27. vbi distinguens in animali quinque facultates enumerat inter ipsas vim loco mouentem, quæ communi consensu philosophorum, & medicorum continetur in musculo, vnde procedit motio pulsus, & tractus, trahit enim dum constringitur, & cum se dilatat, pellit, adhibendo tendonem tanquam habendam. Ita Galenus lib. de causis respirationis vim mouentem comparat equiti, musculum equo, chordam habentem, quanquam alibi non videtur agnoscere facultatem aliam mouentem, quam a cerebro transfusam continenti spirituum illapsu & aspiratione. Verum hoc satis refellitur, quod cum spiritus omnes sint eiusdem speciei, cur alij sensum, alij motum efficerent? certè non potest reddi alia ratio, nisi quoniam alij inserviunt vni facultati, alij alteri: quod enim affers pro veteribus, spiritus satis determinari ab organo, & phantasia, eandemque redire questionem, cur nimirum facultas in musculo residens his potius quam illis spiritibus vratur ad motum, non videtur hæc ratio satisfacere difficultati, quoniam motus animalium cum sit effectus physicus, expostulat causam physicam, qualis non est phantasia, cuius actio, vt dixi, non alia est quam moralis. ARIST. Et quia per actionem moralem intelligis sympathiam, siue consensum naturalem, in quo posita est omnis actio iuxta veteres, nulla erit alia actio, quam moralis, vnde sicut Socrates ac Plato spreta naturali philosophia moralem amplexi sunt, ita nos desperatis rebus physicis ad morum disciplinam nos conferemus. Sed ante aliquid ex libro tertio de anima delibandum est, vt constet an Aristoteles ad animæ immortalitatem asserendam melius sentiat, quam antiqui.

## IN LIB. III. DE ANIMA.

### De mente humana.

#### CIRCVLVS XX.

#### CHARILAVS. ARISTÆVS.

 H A R. Præstantissima est, & homine digna consideratio de mente humana, ea enim est in qua agitur de re nostra, immo de rerumstrarum summa, cum tota hominis excellentia in eo communiter consistere dicatur a sapientibus, vt seipsum nouerit, ita namque vitæ actiones ad vltimum suum scopum facile refert, quod præstare non potest ille, *Qui notus licet omnibus Ignotus moritur sibi*, inquit Seneca. Sed imprimis hanc mihi veniam dari peruelim, quam tu sapius pro antiquis po-



stulasti, vt non tam id quod Aristoteles dixisse fertur, inspiciamus, quàm quod reuera dicere debuit : nam vt apud veteres non reperis vllum cuius placitis adhærescas vsquequaque, sed ex huius atque illius dictis, atq; etiam ex ijs quæ nunquam somniarunt, conaris caduca philosophiæ membra coagumentare, sic mihi Aristotelis super ea re dicta examinanti liceat ostendere ex eius potius quàm ex antiquorum doctrina conspicuam esse animæ immortalitatem. Qui animam corpoream esse dixerunt eandem faciunt caducam & dissolubilem, vt Thales Milesius, Democritus, Empedocles, Anaxagoras, Heraclitus, Dicearchus, Protagoras, Cynici, Epicurei, qui sicut nullum corpusculum perire dicunt in vniuerso, sic animam dissolui quidem putant, sed eius omnes particulas remanere. Quare Demonax apud Lucianum quærenti num anima videretur immortalis; omnino, inquit, immortalis, sed sicut reliqua, *ἀθάνατος ἀλλ' ὡς πάντα*. Hoc ex eorum principijs ita sequitur, vt qui ijs insistant, tollendo substantias a materia abstractas, simul immortalitatem animæ tollant. Nec aliud video cur Hippocrates, & Galenus putauerint eam esse mortalem, quàm quia in multis corporatam illam secuti sunt philosophiam. Qui enim animam a materia seiunctam existimarunt, dixerunt eam immortalem: ita Pythagoras, & Plato sentiunt de parte animæ ratione prædita, brutam enim alteram & corpoream mortalem vocant: Stoici verò qui putabant animam esse spiritum calidum, censuerunt imbecilliores animas ineruditorum statim interire, sed permanere diu sapientum valentiores, vnum esse Genium æternum, mortales cæteros, & congruenter loquendo vt ait Cicero lib. 1. Tusc. vsuram nobis largiuntur tanquam cornicibus, diu mansuros aiunt animos, semper negant, Tertullianus peior Stoicis Deum atque animam corpoream fecit, & parentum semine progeneratam de qua agens c. 9. etiam colorem & figuram humanam ei tributam dicit a Montanistis. Hac doctrina instructus quàm turpiter lapsus sit, videri potest apud August. de hæres. 86. vbi ait ipsum docuisse pessimas animas in dæmones secundum obitum commutari. Patres cæteri qui repudiata philosophia Aristotelis vetustiore secuti sunt, animam quidem dixerunt immortalem, sed non natura sua, verum perpetuo Dei conseruantis adminiculo. Eorum autem sententia damnata non est, quanquam habetur iam periculosa, propterea quòd viam sternit doctrinæ Saduceorum de animorum mortalitate non minus hinc deprompta, quàm ex falsa ratiocinatione: nimirum apud Moysen nusquam fieri mentionem de immortalitate animorum, ita vt Christus optimum Moisis locum citans, ostenderit animas permanere, ob illud dictum: Ego sum Deus Abrahami: non enim, inquit, hoc dici potuit, nisi anima superstes esset: Nam quòd Scipio dicebatur victor Carthaginis post ipsius excisionem, & Alexander domitor Bucephali post eius mortem, hoc minus propriè dictum censendum est. Cur autem Moyses tam multus fuerit in corporeis bonis exaggerandis, alia verò attigerit tam parcè & leuiter, vt opus sit diuina indagatione ad reperiendum aliquem locum pro immortalitate animorum fauorabilem, multorum responsio est Moysen filuisse de bonis alterius vitæ, ad quæ via ante Christi aduentum præclusa erat. Alij respondent nihil dixisse de ijs, quæ in confesso erant

apud



apud omnes. Vsq̃ue adeo errori ac prolapsioni obnoxium est nihil agnosce-  
re nisi corporeum, vt qui ita senserunt vel omnino caducam animam esse di-  
xerint, aut saltem vehementer dubitauerint, vel perpetuo opus esse miraculo  
ne intereat, existimarint. Hinc apud Salomonem Ecclesiastem c. 3. vox im-  
piorum: Dixi in corde meo de filijs hominum, vt probaret eos Deus, &  
ostenderet similes esse bestijs. Idcirco vnus interitus est hominis & iumen-  
torum, similiter spirant omnia, & nihil habet homo iumento amplius. Quis  
nouit si spiritus filiorum Adam ascendat sursum, & spiritus iumentorum de-  
scendat deorsum? Omnis homo, qui comedit, & bibit, & videt bonum de  
labore suo, hoc donum Dei est. Vox, inquam, illa est impiorum, non Salo-  
monis, vt putauit Theodorus Mopsuestenus, qui propterea librum abiecit,  
& fanaticam scriptionem appellauit, deceptus his verbis, Dixi in corde  
meo, quasi Salomon suo potius, quàm ore alicuius impij loqueretur. Non  
dissentit Cardanus lib. de animæ immortalitate, vbi cum Anaxagora bestijs  
& hominibus eandem animam tribuit, vnde cap. 2. Videamus, inquit, an for-  
san ad bene beateque viuendum animæ immortalitatem credere plurimum  
conferat, deinde concludit: Atque vt video, nec in hoc utilis est hæc opinio,  
aitque contrariam sequendam esse, vtpote quæ magis virtuti fauet: Stoicis  
meliores fuisse Epicureos, Saduceos Phariseis, Plinium Seneca. Addat ali-  
quis Cardanum eiusdem videri probitatis, ac Vaninum, qui ob similem do-  
ctrinam lib. de arcanis naturæ, reginæque mortalium, flammis Tholosa fuit  
addictus. Cerrè si Plinius Seneca probius vixit, id potius ascribendum est  
bonæ indoli, quàm impiæ doctrinæ, qua lib. 7. c. 55. Omnibus, inquit, a su-  
prema die eadem quæ ante primum, nec magis a morte sensus vllus aut cor-  
pori, aut animæ, quàm ante natalem. Similis & de asseruandis corporibus  
hominum, ac reuiuiscendi promissa Democrito vanitas, qui non reuixit ipse.  
Perdit profectò ista credulitas præcipuum animæ bonum, mortem. Nec ma-  
gis pius videtur Seneca, vtpote Stoicus, nisi magis pium est animas cornices  
efficere, quàm sues, & earum immortalitatem credere potius per somnium,  
quàm quærere, vt ait epist. 102. Quomodo molestus est incundum somnium  
videnti qui excitat, aufert enim voluptatem, etiam si falsam, effectum tamen  
verè habentem, sic epistola tua mihi fecit iniuriam, reuocauit enim me co-  
gitationi aptæ traditum, & iturum, si licuisset, vterius. Iuuabat de anima-  
rum immortalitate quærere, immo mehercule credere; credebam enim faci-  
le opinionibus magnorum virorum rem gratissimam promittentium magis,  
quàm probantium. Prudentius loqui videtur Plato in Timæo, qui sequens  
theologos & sacerdotes Ægyptios ait ipsis etiam sine ratione loquentibus  
dandam esse fidem, vt & ijs quæ de dæmonibus Socrates accepisset a fatidica  
muliere Diotima, quibus in Gorgia & in conuiuio de amore dicit esse cre-  
dendum potius, quàm rationibus naturali inuestigatione comparatis. Nec  
miror Platonem tam parum tribuisse contemplationi, cùm ex eius sententia  
non satis constet an anima sit penitus incorporea. Cerrè tam animas, quàm  
dæmones alligauit corporeis quibusdam vehiculis vel curribus, vt in Phæ-  
dro ea nuncupat, primo quidem æthereo quo anima nequit absolui, sed per  
illud audit harmoniam coeli, videt dæmones, & ea quæ distant longissimè;



altero aereo quod anima contrahit descendens in hunc caducum orbem per Cancrum, & illud exiit in coelum rediens per Capricornum motu heliciis æmulo circuli, atque eius ope vagatur per aerem, per sepulcrata, voces, & sonitus edit, interdumque conspicitur, quando id genus vehiculi crassius est: tertio denique terreo, siue ut vocant ostraceo, quod est corpus humanum, & si quæ sunt alia, ut anima pluribus integumentis obuoluta sit, quam castanea. De his agens Galenus 7. de Placitis Hippocratis & Platonis c. 7. ait ex eorum sententia qui vehiculum introduxerunt, animam esse fulgidum hoc & quasi æthereum corpus, velleo uti commercij causa: nam cum tota vis eius ab hoc vehiculo æthereo esse videatur, perinde est ac si cum Stoicis dixissent animam esse portionem corporis lucidi, tenuis & ætherei. Adde quod animas in Timæo facit permissione quadam, quæ corporum propria est, a Deo veluti medicamentum temperatas. Hæc fatus, inquit, in eodem rursus cratere in quo mundi totius animam permiscens temperauerat, superioris temperationis reliquias miscendo perfudit modo quodam eodem, non tamen perfectas similiter, sed a secundo & tertio gradu a primis deficientes. Denique cum vniuersum constituisset, astris parem numerum distribuit animarum, singulis singulas adhibens, eisque tanquam vehiculo impositis monstrauit naturam vniuersi. An autem hic Plato per craterem illum ideam intellexerit, aut alia quæ Aristoteles vocat teretismata, parum refert cum hæc potius digna sint quæ credenda, ut ipse ait, proponantur populo concionario, quam ut a philosophis minutè examinentur. Quare superest ut ex Aristotelis doctrina comprobetur animæ immortalitas, missis rationibus Platonis & aliorum, quæ minoris sunt momenti quam ipsorum autoritas. Impri-

*Mens hu-* mis illud statuendum est mentem humanam, quæcunque illa sit, apud Ari-  
*mana im-* stotelem, esse seiunctam a materia, proinde immortalem, ut patebit ex locis  
*mortalis* vbi de ipsa loquitur ex professo. An verò corpus informet, an assistat tan-  
*Aristoteli.* tum, an vna sit, an plures in tota specie, si in eo non rectè sensit, utpote fidei  
 lumine destitutus, obesse non debet principio, quod duce natura cognouit,  
 ex quo animæ deducitur immortalitas. Primo de partibus animalium ait  
 animam naturalem, & sentientem esse negotij physici, quia naturæ sunt, id  
 est veræ formæ, mentem verò ad metaphysicum pertinere, non ad physicum.  
 Primo de anima 49. Melius est menti cum corpore non esse. tex. 65. senium  
 non patitur. lib. 2. t. 11. & 21. potest separari. lib. 3. omnia intelligit etiam  
 abstracta ab omni materia & vniuersalia, ut ostendit contex. 9. & 10. vnde  
 tex. 19. docet hunc intellectum esse immixtum & substantiam actû, hoc est  
 actum purum mixtionis expertem, & a corpore separatum. Propterea mens  
 perfectè potest se intelligere hoc est in se conuerti, quod sensus efficiunt im-  
 perfectè, & quidquid extensum est per materiam. Sola anima rationalis,  
 inquit Simplicius, agnoscit ipsa se, ipsa est quærens, ipsa quæsita, ipsa co-  
 gnoscens, ipsa cognita, ipsa inueniens, ipsa inuenta. Probatur denique ex  
 vltimo fine, & libertate, quam libris de moribus ipsi attribuit. Mitto alia  
 plurima loca quæ videri possunt, maxime illum 2. de gen. anim. c. 3. vbi cum  
 ait extrinsecus mentem aduenire, hoc disputando videtur dicere, non affir-  
 mando. Hanc esse Aristotelis sententiam ostendunt eius interpretes, quo-  
 rum



rum pauci tribuunt illi, quod senserit mentem hominis esse mortalem: & quidem ad hoc asserendum ea ratione adducuntur, quod formam qua singuli homines constituuntur, nempe phantasiam, caducam esse iudicauit, mentem vero omnibus communem, qua singuli constituuntur intelligentes, immortalem. Sed hoc nihil est aliud quam errasse Aristotelem circa numerum animarum, non circa naturam earum incorruptam, neque hoc sufficit ut aliquis dicat animam qua & cognoscit homo, & sapit, esse mortalem, ut Aristoteli imponunt Alexander, Auempaces, Alpharabius, Iandunus, Pomponatius, Portius, Caietanus, Vincentius Madius, Scotus, & alij nonnulli, sed ceteri contra, inter quos Philoponus in tex. 65. & 66. Calumniantur, inquit, Aristotelem, quicumque eum rationalem animam mortalem, dicere, supicantur, & dementes vocat qui id asserunt. Maximè verò dementiæ plenum videatur illud Pomponatij, & eorum qui dicunt animam rationalem secundum fidem esse immortalem, sed mortalem secundum philosophiam: quibus immeritò quidam ascribunt Scotum in 4. dist. 43. q. 2. tantum enim habet non posse demonstrari eius immortalitatem, quod de exacta demonstratione concedi potest. Recte enim monet Aristoteles 1. Ethic. c. 3. accuratas demonstrationes non simili modo in vnoquoque genere querendas esse. Est enim, inquit, eruditi eatenus exactam in vnoquoque genere explicationem requirere, quatenus pati rei ipsius natura potest: nam & mathematicum suasionibus vrentem approbare, & ab oratore demonstrationes exigere, simile vitium est. Verum quod spectat ad modum loquendi Pomponatij certum est eum esse damnatum in Concil. Later. sub Leone X. sess. 8. Neque enim potest vlla res esse vera secundum fidem & falsa secundum naturæ lumen, quod nihil aliud est quam participatio diuini luminis. Potest aliquid esse certum fide diuina, quod humana ratio non demonstrat, sed non potest vlla ratio humana demonstrare id esse falsum, quod lumen fidei ut verum proponit, quia verum vero contrarium non est. Et sanè extremæ dementiæ est in homine præsertim Christiano dicere animam secundum philosophiam esse mortalem quam tot philosophi immortalem vel solo lumine naturali agnouerunt. Vnde D. Paulus putans id posse naturali ratione persuaderi 1. ad Corinth. 15. ita scribit. Si in hac vita tantum spem habemus, omnium hominum sumus miserrimi: at hoc repugnat diuinæ prouidentiae: ergo datur alia vita præter istam; nec pugnat hoc dogma fidei cum ratione, qua iuxta doctrinam Aristotelis dicimus mentem humanam esse incorpoream, & immortalem: incorpoream quidem propterea quod res incorporeas a materia separatas, & ens ipsum vniuersim acceptum nullis sensibus obuium intelligendo comprehendit, licet ad modum rei corporeæ, ut enim res abstrahat a materia, satis est quod iudicat illas carere omni mole corporea. Cum igitur substantia cognoscatur ex suis effectis, rectè Aristoteles mentem humanam res abstractas intelligentem annumerat inter abstractas a materia intelligentias, proinde asserit immortalem, nam cum ex potestate materiæ non siteducta, neque si ab ea dissoluatur, interibit: omnis siquidem forma perit dum separatur a materia, quoniam ab illa sustentabatur. Hinc Aristoteles 12. Metaphys. colligit intelligentias æternas esse, quia



quia materia carent, & 8. Phys. primum motorem carere materia, quia æternus est. Præterea cum sit incorporea contrariam non habet ullam qualitatem corpoream quæ eius interitum molitur. Sed neque deest causa conservans scilicet Deus. Nihil igitur prohibet mentem humanam incorpoream esse & immortalem. Cæteras rationes petitas a vaticinio, religione, libertate, desiderio immortalitatis ut minus efficaces hic prætermisit Aristoteles, quin ipsam intellectus humani naturam paucis admodum persecutus est, ne in rebus obscurissimis ariolare videretur. Maximè verò definire singulis hominibus tribueretur, an ut actus informans, an ut assistens, sed illud ex suis principijs colligendum nobis reliquit, quod si ipse voluisset exprimere, certè dixisset unam esse mentem seu intelligentiam æternam in tota specie humana singulos præcedentem, & permanentem post singulos, quæ dum coniuncta est phantasiæ, non ut forma, sed ut motor suo mobili unà cum ipsa rerum notiones exprimit, quas sola phantasia nunquam posset: hanc verò mentem non esse primam intelligentiam, ut putavit Alexander, Averroes, & Zabarella, sed potius infimam ut Auicenna, eamque appellari intellectum agentem immortalem, phantasiæ verò intellectum patibilem & mortalem. Simplicius non multum discrepat ab Averroë, & Themistio, dum Platonis sententiam de anima satis obscuram eò deducit, ut sit omnium hominum anima una manens in se, licet multiplex ut progressa in corpus, id est quatenus coniuncta variorum hominum phantasiæ plures quodammodo constituit animas rationales; quam opinionem etiam Averroes, & Algazel tribuunt Platoni. Eandem ferè sequuntur Mirandulanus, & Achilinus, nisi quod putant animam illam esse formam. Dubitatur etiam de Anaxagora an iuxta Platonem unam mentem in se manentem esse sentiat, quæ progrediens fiat multiplex opere ipso & functione, ac propterea tantopere eum collaudat Aristoteles, reprehendit tamen quatenus tribuit cunctis animantibus intellectum, quem ipse ne omnibus quidem hominibus inesse dicit, puta infantibus, aut insanis, & si quibus mens ob vitium phantasiæ coniungi non potest. Nam secundum Aristotelem homo constituitur animal rationale per phantasiæ propriam formam quatenus menti connectitur, ita ut citra hanc connexionem homo a bestiis non distinguatur, mens verò non constituit hominem formando corpus, sed communicando & coniungendo se phantasiæ per naturam, & actionem, ut ait Philoponus in 2. de ani. tex. 1. quæ connexio perfectior est quam formæ ipsius cum sua materia, quia mens tota est ubicunque est, & dat homini ut verè sit rationalis, non seorsim tantum, sed cum phantasiæ, hac parte homo mortalis est, illa immortalis, ut clarè ostendit 10. Nicomach. c. 7. Si mens, inquit, cum homine comparata divinum quiddam est, vita quoque menti consentanea divina sit necesse est, si cum humana comparatur. Neque verò nos oportet humana sapere, & sentire, ut quidam monent, cum simus homines, neque mortalia cum mortales, sed nos ipsos quoad eius fieri potest a mortalitate vindicare, atque omnia facere ut ei nostræ parti quæ in nobis est optima convenienter vivamus. Hanc partem non esse formam corporis satis declarat ex eo quod mens e materia

non



non est eduſta, nec finis generationis, etenim ſuis ille natura eſt 2. *Phyſ.* 14. ſcilicet forma, in qua conſiſtit generantis, & geniti ſimilitudo, quando homo generat hominem *tex.* 13. & 26. eamque formam dicit ad phyſicum pertinere, ac proinde non eſſe mentem, cuius contemplatio metaphyſica eſt, utpote formæ ſeparabilis immiſtæ, & extrinſecus aduenientis. Cum igitur *tex.* 7. dicit eſſe commune omni animæ ut ſit actus primus corporis organi, non loquitur niſi de formis phyſicis, qualis eſt humana phantaſia menti coniuncta quæ propterea mens appellatur 3. de anima 57. atque ut particeps rationis, etiam vocatur anima rationalis. Ita ſumpſit animæ quartum gradum *cont.* 13. lib. 2. quando diuiſit animam latè ſumptam in quatuor partes, naturalem, ſentientem, loco mouentem & intelligentem, ut ſi quis dicat animam eſſe diuiſam quæ definita erat vera corporis forma, & ſic mentem eſſe veram formam, reſponſio ſit hic animam intelligentem eſſe phantaſiam menti coniunctam. At ſi ſermo ſit de mente ſola, ſemper Ariſtoteles indicauit eam non eſſe formam phyſicam, nec contineri ſub tradita animæ definitione, præcipuè *tex.* 11. & 21. ſecundi libri. Porro tam naturalis eſt connexio mentis cum phantaſia, ut quanquam ea non ſit forma, tamen eius beneficio dicatur homini competere ſummum bonum, & munus intelligendi: quod enim ait D. Thomas contra Auerroem nauem non intelligere quantumuis homo, qui eam dirigit, intelligat, longè diſpar eſt ratio; etenim nauis non connectitur naui per naturam, nec cum naue producit intellectionem quæ in ipſa recipiatur eo modo quo mens & phantaſia ſimul iunctæ producunt rerum notionem, vel potius homo præditus mente, & phantaſia, ita tamen ut in diſciplinis comparandis mutatio nulla fiat in mente, ſed tantum in ſenſu, quod 7. *Phyſ.* *tex.* 20. pulchrè demonſtrat. Sed contra urget Zabarel. 1. *tex.* 38. huius libri, intellectum dici formam formarum, ſicut ſenſus eſt forma ſenſilium, atque inde conſicit intellectum eſſe formam, quæ recipiat omnes formas. At non videt hic accipi latius nomen formæ prout extrinſecus adueniens phantaſiæ conſtituit hominem intelligentem, eique connexa per naturam ſimul cauſa eſt efficiens intellectionum, ſive formarum, quas ſola phantaſia ſuo lumine deſtituta non produceret, atque ita mens dicitur forma formarum. Et quanquam Ariſtoteles 9. *Metaph.* 16. ait intellectionem recipi in intelligente, non eſt tamen neceſſe ut recipiatur ſemper in mente ipſa, ſeu intellectu: In ijs quidem quæ phantaſiæ non coniunguntur, ut ſunt motores orbium ita recipi debet intellectio, utpote quæ ab ipſis non diſtinguitur, ac hominis intellectio longè alia eſt ab intellectu ſecundum Ariſtotelem, videtur enim eſſe quoddam illuſtre ſimulacrum productum in phantaſia menti connexa, proinde in ipſa receptum, & non in mente, quam paribilem eſſe negat *tex.* 20. Hoc indicat vltimis verbis contextus 39. huius libri. Primæ intellectiones, inquit, quo differunt ut non phantaſmata ſunt? an neque hæc phantaſmata ſunt, ſed non ſine phantaſmatibus? Sic intellectio dicitur actio immanens, quia recipitur in homine intelligente. An autem mens in ſe manens, nec progreſſa in corpus quidquam intelligat, id quidem conſentire videtur doctrinæ Platonis, nec repugnat Ariſtotelei, ut mox offendam. Si quis autem quærit ut ſaltem exprimat quid ſit mente coniungi phantaſiam



tasque secundum naturam, & quod discrimen sit inter coniungi, & informa-  
 re, dicet materiam informari nihil aliud esse quam ornari ab eo actu, qui de  
 eius potestate eductus est, tanquam perfectio ab ea non magis separabilis,  
 quam figura ceræ: at mens, quæ extrinsecus aduenit materiæ, eam quidem  
 ornat, ac perficit, sed ut res distincta, & separabilis, hominemque iam per  
 propriam formam phantasie constitutum, in eminentiori gradu collocat.  
 Cæterum quia connexio materiæ & formæ, quæcunque ea sit, nihil est di-  
 stinctum a partibus, quæ coniunguntur, propterea totum discrimen conne-  
 xionis petendum est ab ipsis partibus, nimirum quia phantasia & corpus  
 humanum natura sua faciunt vnum hominem, mens autem phantasie super-  
 ueniens vnum hominem intelligentem: at cæteræ mentes assistunt quidem  
 extrinsecus suis orbibus, sed tam differenti connexionem, quam ipsæ & orbes  
 a partibus humanis distinguuntur. Iam cum viderimus corpus a mente non  
 informari, sequitur ut Aristoteles dicat vnam esse in tota specie humana, vel  
 tot species quot sunt homines, alioqui materiam includeret, nam quæcun-  
 que sunt multa numero, id est multa indiuidua sub eadem specie, materiam  
 habent, inquit 12. Metaph. 49. unde probat vnum esse primum motorem,  
 qui conseruatur citra multiplicationem, cum sit æternus, & expers materiæ:  
 quæ verò non sunt æterna ut formæ physicæ 2. de anima 35. dicuntur opus  
 habere materia ad perpetuam generationum successionem, quæ finis est  
 huiusmodi multitudinis. At mentem putauit materiæ exsortem, & æter-  
 nam, nec eius ortum ex nihilo, nec statum extra corpus vllum agnouit, ut  
 Plato, & Pythagoras quibus animarum numerus est definitus, & facultas  
 remigrandi sæpius ad stellam unde haustæ sunt & delibatæ: vnam igitur  
 censuit esse mentem humanam. Denique si plures essent mentes humanæ, iam  
 infinitæ haberentur; at verò, inquit 3. Phys. 41. neque numerus sic est ut se-  
 paratus & infinitus, numerabile enim est numerus, aut habens numerum, si  
 ergo numerabile potest numerari, & pertransire utique possibile erit infini-  
 tum. Quæ ratio valet etiam in rebus incorporeis nullum locum occupan-  
 tibus, quibus tamen D. Thomas 2. contra gentes c. 81. ait numerum infini-  
 tum non repugnare: at ipse sibi repugnat, nam 2. sent. distinct. 1. probat  
 mundum non esse æternum, quia daretur iam numerus animarum infinitus  
 contra Aristotelem 3. Phys. Neque obstat quod ibidem tex. 39. dixerat quæ-  
 stionem esse de infinito in rebus sensui subiectis, non de mathematicis, &  
 abstractis ab omni materia, nam eius ratio vniuersè concludit in omni nu-  
 mero. Nihilominus, ut obseruavi 3. Phys. cum ageremus de infinito, multi  
 putant Aristotelem nihil statuisse de numero rerum incorporearum, ac pro-  
 pterea tex. sequenti rationem qua dicitur non dari numerum infinitum logi-  
 cam ab ipso vocari, hoc est probabilem. Multò minus audiendi sunt qui re-  
 spondent Aristotelem quidem vidisse hanc difficultatem, sed quia soluere  
 non potuit, dissimulasse. Hic facile cuiquam mirari subeat si Aristoteles exi-  
 stimauit talem esse mentem humanam, ut ad metaphysicam pertineret, cur  
 ibi de ea nihil dixit, & cur intelligentias recensendo totum negotium remi-  
 sit ad astrologos quibus tamen non incumbit cura definiendi an mens hu-  
 mana sit prima an infima intelligentia. Certè Aristoteles ut iam dixi in his



rebus fuit breuissimus, & quoniam mens humana præter id quod cum alijs intelligentijs commune habet, phantasia coniungitur ad intelligendum, de hoc munere ad physicum spectante lib. 3. de anima paucis locutus est. Non nihil etiam 12. Metaph. 17. & 51. nam cætera quæ pertinent ad eius essentiam satis patent ex ijs quæ dicuntur de motoribus. Illam verò inter intelligentias non numerauit 12. Metaph. quoniam ibi numerum recensabat earum mentium a quibus pendet motus æternus. De loco verò mentis humanæ difficile est quidquam apud Aristotelem reperire, cum de loco primi motoris vix ad finem octauæ Phys. locutus sit, si tamen singulæ mentes singulis orbibus suis præsentem sunt, dicere debuit mentem humanam præsentem esse toti illi spatio, quod est intra concavum Lunæ, extra quod si quis fingat hominem rapi necesse est mente destitui. Hanc difficultatem tangere visus est Aristoteles 1. de anima 92. cum dixit ne fingendo quidem esse facile ut quisquam in humano corpore locum intellectus reperiatur, insinuando mentem illam non claudi angustijs humani corporis, ut nos credimus, sed orbi præsentem esse multo maiori. Sententia Aristotelis sic explicata facile soluit quidquid in alias eius interpretationes obijci potest & inter se conciliat omnia loca quibus anima dicitur modò mortalis, modò immortalis, ut patebit singula diligenter excutienti. Solum illud dolendum venit, quòd ipse ex principijs unde deduxit mentem humanam incorpoream esse, & immortalem, non agnouit singulas mentes ex nihilo creari a Deo & singulis hominibus simul infundi. Quòd autem intellectus nō informet corpus ut aliæ formæ ex materia eductæ, parum interest dummodo sit forma assistens, & adueniat homini iam instructo phantasiæ forma, quæ sit præparatio ad formam mentis nobiliorem, quemadmodum diximus animam altricem esse præmunitionem quandam ad sentientem, & hanc ad formam peculiarem phantasiæ humanæ: Hoc verò debemus Aristoteli plusquam alijs philosophis quod ex eius doctrina rectè sentire possumus de natura mentis humanæ, cum antiquorum opiniones, quas ipse reiicit, vix possint accommodari sacris dogmatibus, ut palam fiet respondendo ijs quæ Aristoteli & veteribus obijciuntur. Ac primum dicat aliquis, mens humana quouis modo sumpta si nullam functionem propriam habet, non est separabilis, ut dicitur 1. de anima 13. si quam autem haberet esset intellectio, at hæc non fit sine phantasia 3. de anima 30. & 39. proinde non est propria, quare mens illa dici non debet separabilis. Respondendum est iuxta Aristotelem animam in se manentem habere propriam intellectionem, ut cæteras intelligentias quæ mouent orbes, & ab ijs non possunt separari quarum intellectionum non magis sumus participes quàm coelum ipsum: ita credibile est sensisse Philosophum, animam verò progressam in corpus & phantasiæ coniunctam nullam habere functionem propriam, hoc est hominem nihil intelligere sine mente, & phantasia simul connexis, & operantibus ad exprimendas humano modo rerum notiones. Mens tamen non utitur phantasia ut instrumento, sed ut consorte & socia ad conformandam intellectionem. Quod si vteretur tanquam instrumento sine quo nihil moliri posset tam progressa in corpus, quam in se manens, certè non esset separabilis, alioquin in rerum natura frustra haberetur

*De loco mentis humanæ.*

*Ex opinione Aristotelis falsa habetur veritas.*

*Dubitatio de anima immortalitate quòd mens nihil intelligit sine phantasia.*



id cuius nulla est propria vis & affectio. Verum utcumque Aristoteles senserit de anima in se manente, detur ipsam nihil operari sine phantasia, & carere proprijs affectionibus, non propterea sequetur animam esse mortalem, sed tantum non esse separabilem eo modo quo volebant Plato & Pythagoras

----- alia panduntur inanes

*Suspensa ad ventos, alijs sub gurgite vasto*

*Infectum eluitur scelus aut exuritur igni.*

Non putauit ipse mentem ita superfluum esse, & separatam, ut poenas expendat eorum quæ operata est cum phantasia, nec illi quidquam inuri posse cui cogitationes humanæ non inhaerent: posuit enim mundum æternum, & mentem ab hac quidem, & illa phantasia separabilem non tamen ab omni, sed alicui semper connexam, ne otiosa videatur, ut mens illa Anaxagoræ: unde tex. 20. tertij de anima dixit mentem esse separatam, puta ab hac & illa phantasia quamuis citra eius consortium humano modo nihil intelligat. Et verò si mens intelligeret quidquam humanitus absque phantasia, quodcumque tandem fingatur gluten coniunctionis ipsam inter, & corpus, non magis prohiberetur morbis, & senectute a sui & aliorum cognitione, quam anis inclusa cauea, vel hærens visco, & tamen dum corporis compagibus detinetur, senectute, morbo, vel ictu graui sæpe destituit hominem memoria omnis, & intellectio, quod argumento est tunc ipsam sine corpore nihil operari, alioqui semper seipsam nosceret, nec se immortalem esse negaret. In morte verò ut habemus tex. 20. pereunt omnes habitus, quod non accideret si in mente reciperentur. Hinc aliqui docent post excessum nisi Deus infunderet illi nouas rerum notiones, fore ut neque se, neque quidquam eorum quæ gessit, intelligeret. Contra verò quidam volunt inhaerere menti tam bonos, quam prauos habitus, ut ab interitu sit aliquid quod ad poenam vel premium iudicetur; sed frustra, cum etiam apud nos iudicium ferri possit de ijs quæ aliquis gessit, quanquam ipse non recordatur: ita non iniuste in ipsam animaduertitur, si actiones eius liberae fuerint, & poena dignæ. At in eorum sententia hoc remanet perdifficile, quomodo mens instructa suis notionibus, postquam peruersa est phantasia, nec se, nec quidquam valet intelligere, cum tamen, ut aiunt, operari possit absque corpore, quando a sensibus species rerum expressit. Eadem verò est ratio in abolita phantasia atque in morte, ut docet vigesimo illo contextu. Non reminiscimur, inquit, ab oculo quoniam intellectus agens non est patibilis, id est non recipit imagines, quas exprimit ipse, sed phantasia, quæ tunc extinguitur, sicut monuerat cont. 66. lib. 1. intelligere & speculari marcescere quodam interius corrupto, nempe phantasia, ipsam verò mentem nihil pati. Cogitare inquit, & amare, aut odisse non sunt mentis affectiones, sed continentis, hoc est illius quod eas recipit: quare & hoc corrupto neque meminit, neque amat, non enim erant mentis sed communis sensus id est phantasiæ, quæ quidem destructa est: intellectus autem fortassis est aliquid diuinius, & impatibile. Ex quibus verbis colligitur in ipso neque species, neque intellectio remanere, alioqui memoria in eodem reperiretur, quod negat lib. de memoria & reminisc. cap. 1. vult enim memoriam esse facultatem animæ sentientis inser-



uientem intellectui ratione simulacrorum, quæ sunt in phantasia. Si autem in se species haberet, illæ abiunctæ essent a materia, quod verò tale est tex. 15. non modo intelligi potest, sed est actu intellectum, immo ipsamet intellectio, mens igitur species illas necessario ac semper intelligeret, nec vllio amplius indigeret simulacro, sed multa eodem momento cognosceret citra defatigationem, ac laborem. Præterea species illæ præcederent intellectionem ad quam eliciendam sunt ordinatæ: at contra Aristoteles cont. 5. docet intellectum nihil esse actu eorum quæ sunt antequam intelligat, mens igitur in se non habet species, sed intellectus patiens siue phantasia quæ omnia fit per simulacra, quibus in suo exortu penitus nuda est, & quorum effectio ab ipsa & mente procedens est intellectio: Hoc certè magis est ad mentem Aristotelis, quàm quod ait Zabarella speciem impressam, expressam & intellectionem idem esse, atque recipi in substantia animæ, sed non permanere, utpote actionem, atque ita mentem in obitu nudam remanere, corrupta scilicet phantasia in qua est memoriæ sedes, hoc est omnium simulacrorum, sine quibus nihil intelligitur: quippe necessarium est, inquit tex. 39. ut intelligens simulacrum aliquod speculetur, non quod intellectus contempletur simulacra velut obiectum, sed quod absque phantasia nunquam operatur, quanquam illa functiones suas obire potest sine intellectu, & sensu externo. Quæ porro causa afferri potest tam duræ necessitatis, nisi quod, ut dixit Aristoteles, cogitatio non est affectio quæ in mente recipiatur, sed in phantasia, propterea mens vel nihil cogitat humanitus, vel illud præstat cum phantasia. Scotus in 1. dist. 3. q. 3. oblitus suæ subtilitatis dicit huius rei causam referendam esse in culpam primorum parentum. Alij hoc vtuntur argumento, ut probent mentem humanam non distingui penitus a phantasia. At iuxta interpretationem quam attuli facile soluitur difficultas, etenim videtur naturæ humanæ consentaneum, ut mens iuncta corpori sola non intelligat, alioqui non homo, sed ipsa esset intelligens, cum tamen necesse sit per mentem simul, & phantasiam hominem fieri intelligentem. Dicat aliquis fortasse si res ita se habet, fore ut mens non intelligat, quia non habet in se intellectionem, cuius est effectrix. Responderet Aristoteles cont. 64. libri primi mentem non intelligere humano modo, sed hominem, nihil prohibet tamen quin mens in se manens intelligat veluti cæteræ quæ mouent cælum, a quibus intellectio non distinguitur, sed huius intellectionis nihil in hominem deriuatur. Neque illud Sapientis, corpus quod corrumpitur aggrauat animam, probat mentem, dum corpus habitat, quidquam seorsim intelligere, sed potius abijci ad res vilissimas, & inanibus curis occupari. Sic apud Virgilium;

----- noxia corpora tardant,

*Terrenique hebetant artus, moribundaque membra:*

hoc est corpus potest eo vitio laborare quo mentis functiones peruertantur, ut cum bene habet causa est etiam cur rectè fiant, sed non propterea mens progressa in corpus quidquam velle potest aut intelligere sine corpore, nisi forte diuinitus id concedatur. Denique quod dicitur 1. de anima 49. melius habere animam sine corpore, ut consuetum est dici & multis placet, ad summum ostendit animam in se manentem sicut intelligentias, felicius vivere



*Alia dubi-  
tationes cir-  
ca anima  
immortali-  
tatem.*

quàm progressam in corpus, ubi debet operari cum phantasia in qua habi-  
tus recipiuntur, ac propterea ab Aristotele & Alexandro hæc mortalis dici-  
tur, illa immortalis. Multa præterea congeri possunt quibus aliqui contem-  
dunt nihil esse in homine nisi caducum. Æternum æterno aptatur, nec po-  
test secus se habere 1. cœl. 22. Verùm hoc dicitur de ijs quæ æterna sunt vs-  
quequaque, qualis non est mens humana progressa in corpus. Sic dum ait  
æterna non egere sensu, nec ut sint, nec ut bene sint, loquitur de ijs, quæ non  
sunt apta coniungi huius mortalitatis concretioni: quanquam omnino mens  
in se manens non eget sensu. At inquis si melius operatur sine corpore, ra-  
tioni consentaneum erat ut in se maneret, ne violenter corpori coniungeretur,  
ita enim sufficeret hominibus sua phantasia, quæ cum res miras opere-  
tur in beluis, & infantibus, maiora potest in viris perfectis. At infinitè  
maiora præstare deberet anima immortalis, nam cùm mortale, & immortale  
infinitè distent, oportet ut inter perfectissimas actiones hominum & belua-  
rum interuallum esset infinitum, quod non videtur, immo nonnulli perspecta  
quarundam bestiarum solertia, & aliquorum hominum stupiditate, asserere  
non dubitarunt hominem interdum ab homine plus differre, quàm homi-  
nem a belua. Iam respondi ex Aristotele mentem in se manentem ut intelli-  
gentias operari, phantasia verò esse necessariam ad res abstractas, vniuersa-  
les, & alia multa intelligenda, ad quæ requiritur substantia non infinitè  
perfectior, hæc enim Deus est; sed tantum ordinis superioris, ut mens huma-  
na. Neque propterea quod immortalis est coniungitur corpori violenter,  
sed connexionem naturali, proinde seiunctio est quodammodo violenta men-  
ti progressæ in corpus, eidem verò naturalis in se manenti; quanquam Ari-  
stoteles nihil violentum esse diceret ei quæ nihil patitur in corpore, nec extra  
corpus, quæque per se necitur cum humana specie, a qua nunquam separa-  
tur, sed tantum ab hoc, & illo homine, proinde non menti, sed homini po-  
tius aduersa est illa disiunctio, qua vtriusque partis consensus pulcherrimus  
dissociatur, illam timer homo, mens nihil curat. Hoc Lucretius non intel-  
ligens inconditè cecinit lib. 3.

*Quèd si immortalis nostra foret mens*

*Non ita se moriens dissolui conquereretur,*

*Sed magis ire foras, vestemque relinquere ut anguis*

*Gauderet, prælonga senex aut cornua ceruus.*

Aristoteli quidem 3. Nicom. mors est vltimum terribilium, & vita sancto ni-  
hil boni, vel mali contingere potest, quid enim accideret homini qui non est  
amplius? nec propterea putauit mentem esse mortalem, sed alium eius sta-  
tum non agnouit, quàm ut beata in se maneret, & coniungeretur phantasiæ  
progressa in corpus. Melius Seneca, si illud tam ex animo quàm ad pom-  
pam dixisset epist. 102. Intrepidus horam illam decretoriam prospice, non  
est animo suprema, sed corpori. Dies iste quem tanquam extremum refor-  
midas æterni natalis est. Sed vrget Lucretius.

*Nec sibi quisquam moriens sentire videtur*

*Ire foras animam incolumem de corpore toto.*

An non inscitè putat nos sentire quando desinimus? Ita Canius Iulius vic-  
impri-



imprimis magnus, apud Senecam de tranq. c. 14. a Caio duci iussus, flentibus amicis, quid moesti estis, inquit, quæritis an immortales animæ sint, ego iam sciam, obseruare proposui illo velocissimo momento an sensurus sit animus exire se, promisitque si quid explorasset circuiturum amicos, & indicaturum quis esset animarum status. Verum hoc Deus non concessit viro fortissimo, qui mortem adibat ludibundus, quod permisisse dicitur nostris temporibus Marsilio Ficino Philosopho Platonico, apparuit enim amico Michaeli Mercato, quemadmodum inter se conuenerant, ac vera esse dixit quæ de anima fides docebat. Nec aliquis refractariolus ista referat in sensus humanos ad omnia fingenda & credenda paratos, nam & Augustinus epist. 100. ad Euodium ait in somnis doctum fuisse Gennadium rerum naturalium scientissimum de immortalitate animæ dubitantem instar Cyri apud Xenoph. Cyrop. 1. 8. dum ambobus filiis pacem commendans aiebat, si anima superest, timete animam meam, sin minus, saltem Deos immortales. Sed ad physica redeamus. Aristoteles cont. 61. primi de an. ait animam non aliter posse mouere seipsam, quam ex accidenti ad motum corporis, quod ipsa promouet: atqui motum huiusmodi docet conuenire tantum rebus caducis, & mortalibus 8. Phys. 52. non tamen hinc conficitur mentem humanam esse mortalem. Primum enim dici potest ex eius sententia mentem esse tantum causam intellectiōis, non motus ad locum. Nam quod tex. 48. & 49. huius libri intellectus & appetitus dicitur causa mouens secundum locum, intelligitur causa dirigens, non autem effectrix illa, quam sentientis animæ facultatem esse probat Galenus, licet ergo mens ex accidenti moueretur ut quidam coelorum orbis, non esset caduca, quia non mouet corpus efficienter: nec moueri potest ad motum corporis, utpote quæ occupat totum hunc orbem inferiorem, vnde sequetur tantum animam sentientem esse mortalem. Sed quamuis sua mens insit singulis hominibus, eaque moueatur ad motum corporis, sequetur duntaxat hominem esse mortalem: hunc enim motum ex accidenti dicit inesse tantum rebus caducis, qualis est homo, quem anima non potest mouere æterno tempore, sed non asserit id omne quod mouetur ex accidenti esse caducum. Ultra non potuit Aristoteles ad animæ cognitionem assurgere. Noluit singulis hominibus attribuere suam mentem distinctam, ne illæ vel mortales, vel infinitæ viderentur, aut multa confingenda essent cum Platone, & Pythagora de earum statu extra corpus, maximè de origine animarum quæ non modò ipsi, sed Sanctis Patribus olim fuit incognita. Origenes ipsas cum angelis peccasse aiebat, & in pœnam detrudi in corpora, secutus commenta veterum, sed hoc reiectum est in 6. Synodo gen. Videri potest de ea re Augustini epist. 7. & Hieronymi 82. Augustinus enim per literas de animarum origine rogat Hieronymum, ille se excusat, quòd non liceat sibi per tempus, sed omnino ob difficultatem. Gregorius Nazianzenus dictus Theologus carmine de anima nihil audet de finire, & rem ait Deo relinquendam. Gregorij Magni Papæ temporibus non erat decisa, neque ipse audet proferre suam sententiam 7. epist. 53. Paulatim multi inclinauerunt in sententiam Hieronymi, quam indicat epist. 82. ad Marcellinum, nimirum ex nihilo creari simul & infundi. Hanc licet initio vereba-



tur sequi Augustinus epist. 28. ad Hier. tamen postea secutus est 2. retract. 56, & de origine animarum: cumque Vincentius Victor in Africa docere coepisset animas non ex nihilo, sed ex diuina substantia creatas, libris Augustini de ea re scriptis se conuictum fassus opinionem retractauit, ut ibidem testatur Augustinus. Eadem fuit opinio Philonis Iudaei, Manichaeorum, & Gnosticorum damnata duobus Concilijs Brac. & Tolet. quia Deum facit mutabilem. Tertulliani quoque dicentis animam produci semine parentum damnatus est error, ut scribit D. Tho. 2. contra gent. c. 86. Non enim parentes animam ex nihilo creare possunt, ergo vel ex Dei substantia, quae proinde mutabilis est, vel ex sua quae erit diuidua & mortalis. Tantorum virorum dubitationes antequam de ea re quidquam in Concilijs definiretur, excusant aliquo modo Aristotelem, quod de animarum numero, & origine non recte senserit. Non putauit quidquam interesse ad hominum beatitudinem vna an plures essent animae, ut enim si plures forent statim ab obitu felices, earum felicitate homo qui non est amplius nihilo beator haberetur, ita cum vna sit, idem eueniet; & si credidisset demortuos aliquando reuiuiscere, non tamen plures animas statuisset, siquidem difficultatem posuit in corporibus ad vitae munia praeparandis, non in ipsa mente, quam in se manentem ait semper beatam, neque poenis ullis obnoxiam ob ea, quae in corpore gessit. Habemus tamen ex eius doctrina id quod praecipue quaerebamus mentem esse incorpoream, & immortalem, ex veterum autem sententia tu videris.

*De mente corporea & immortali.* A R I S T. Utinam ad id comprobandum ex Aristotelis penu deprompsisses centum illas demonstrationes, quas cum philosophus quidam Patavinus doctus, ac pius fidenter polliceretur patritio Veneto, modeste respondit vir sapiens, parceret voci, sibi satis esse vel vnam audire. Ego vero quas attulisti ad mentis immortalitatem defendendam libens omnes admitto, sed agnoscas velim eas non peti ab eo principio, quod tam magnifice vendidisti, scilicet mentem esse incorpoream, quanquam enim oportet ipsam esse se iunctam ab impura materia, qualem excogitauit Aristoteles, ut sit immortalis, tamen nulla ratio cogit quin dicatur corpus aethereum purius coelis ipsis peripateticis, adeo ut corporum mortalium comparatione vocetur spiritus expers terreae concretionis, qui a Deo creatus ex nihilo, & singulis hominibus infusus ab ipso solo destrui potest, ac propterea in sexta Synodo generali dicitur tantum immortalis Dei dono, quam locutionem usurpant S. Iustinus, Irenaeus, Ambrosius, Hieronymus, Augustinus, & alij scriptores ecclesiastici imitati Platonem in Timaeo, qui Deum introducit sic alloquentem stellas, & daemones quos creauerat. Quanquam omne colligatum solui potest, est tamen certe mali velle dissoluere quod conuenienti, & bona cohaeret harmonia. Quare cum orti sitis immortales, certe quidem ex toto non estis, nec indissolubiles, nec tamen vnquam dissoluemini, nec mortis fatum subibitis: nam mea voluntas maius, potentiusque vobis est vinculum ad perpetuitatem vestram, quam illa quibus estis colligati. Valeat apud vos illa consequentia, anima rationalis est substantia incorporea, ergo immortalis, contraria tamen valere non debet, est corporea ergo mortalis: nam coelum, & materia vestra corporea non est apud vos corruptibilis. Immo Tertullianus



lib. de anima c. 2. Origenes 2. de principiis c. 8. Paschasius Diaconus lib. 2. de Spir. sanct. Cassianus collat. 7. c. 13. Faustus Episcopus Galliarum, & alij plerique e Sanctis Patribus existimauerunt non solum animam rationalem, sed etiam intelligentias esse corpora quædam subtilia instar venti spirantis, & idcirco vocari spiritus, sed spiritus immortales, quorum dogma secutus est Caietanus, & Bodinus 5. Theatri, vbi docet fore vt animæ in coelo tanquam stellæ rotundæ colluceant. Concilium quidem Lateranense sub Innoc. III. c. Firmiter, dicit humanam naturam constare ex spiritu, & corpore, sed non definit quid per spiritum intelligi debeat, an corpus illud æthereum, quo spirare nos affirmabant Sancti Patres, an substantia quædam absoluta & abstracta ab omni materie, ac corporea dimensione, quod certè non magis sanxit, quàm dari materiam, & formam Aristotelis. Ego quanquam hanc opinionem sectari nolim, propterea quòd plerique nunc aliter sentiunt, nostra tamen disputatio postulabat, vt ostenderem illam sacris conciliorum decretis non aduersari. Cauendum tamen est ne dicamus animam immortalem eo modo quo Democritus, Epicurus, & Empedocles putabant esse omnia corpora prima, quorum nullus est ortus, & interitus, sed permistio; ita enim anima non magis esset immortalis quàm ignis, & aqua natura cedens, & dissipabilis; at ipsa talis est vt a solo Deo dissolui possit. Hoc si est contrarium doctrinæ veterum, non minus erit explicationi quam attulisti ad Aristotelis opinionem sacris legibus accommodandam. Est enim veteres dixerint mentem humanam esse particulam magnæ illius animæ mundi, quam a Deo non distinguebant, quid aliud sequetur quàm quòd ait Virgilius,

*Hinc pecudes armenta, viros, genus omne ferarum*

*Quemque sibi tenues nascentem arcessere vitas;*

*Scilicet huc reddi deinde, ac resoluta referri*

*Omnia, nec morti esse locum, sed vincta volare*

*Sideris in numerum, atque alto succedere cælo.*

Hinc saltem potest vnicuique sua inesse anima; at Aristoteli secus accidit, quem si vis emendare quasi nescientem vti suis principiis, eò quòd dixerit ea quæ sunt incorporea non posse numero multiplicari sub eadem specie, vnde sequitur vnam in tota specie humana inesse animam, vel totidem animarum species, quot sunt homines: cum potius agnoscere debuisset Dei potentiam infinitam, & libertatem, quæ potest ex nihilo creare, & multiplicare species & indiuidua rerum tam corporearum, quàm spiritualium; ita referri potest antiquos male sensisse, eò quòd apud ipsos Deus est anima mundi, &

*ille Spiritus intus alit, totamque infusa per artus*

*Mens agit at molem, ac magno se corpore miscet;*

*Inde hominum, pecudumque genus, vitæque volantum,*

*Et quæ marmoreo fert monstra sub æquore pontus.*

Quod significat Deum esse substantiam quandam ætheream per infinita vniuersi spatia diffusam veluti lumen, cuius communicatione omnia viuerent am multiplici genere viuendi, quàm varijs modis, varijsque rebus permiceretur. Hoc autem aduersatur doctrinæ sacræ, ita enim Deus diuiduus esset in plures viuentium species, & perfectius aliquid efficeret coniunctus alijs,



alijs, quàm in se manens, utpote cuius natura esset substantia expers sensus, & intellectus, apta tamen cum alijs efficere sensum, & intellectum. Cæterum hæc doctrina corrigi potest iuxta censuram Sanctorum Patrum, quorum dogma de anima corporea non est damnatum. Sic illa dicitur forma assistens iuncta phantasie humanæ tanquam causa princeps intellectuum, perinde ac si esset incorporea, & cum phantasia in capite sedem haberet certior, quàm mens Aristotelis, de qua ne fingi quidem potest, inquit, quam partem occupet. Reliqua sequuntur eodem modo, ut videbis agendo de functionibus intellectus.

*De intellectu agente, & patiente.*

CH A R. Dicam igitur primum secundum mentem Aristotelis quid sit intellectus agens & patiens, mox videbimus de ratione intelligendi. Breuitas qua egit de utroque hoc lib. 3. non videtur eam habere obscuritatem, qua cogantur interpretes abire in tot sententias discrepantes, sed ex paucis illis certo colligi potest distingui re ipsa utrumque intellectum, & hunc quidem esse animam immortalem, illum verò humanam phantasiam caducam & mortalem. Distinctionem probat tex. 17. & 18. eò quòd in tota natura videmus semper agens distinctum a patiente. Et ne quis dicat non re ipsa differre sed ratione, attulit utriusque intellectus differentias, nam tex. 5. dixit non aliam esse naturam patientis, nisi ut sit pura potestas, non quòd reuera nihil sit actu, sed quòd in se nullum includat simulacrum, veluti tabula rasa, ut dicitur tex. 14. vel organa ipsa sensuum exteriorum quæ nudata debent esse formis quas recipiant, aut saltem eas habere adeo remissas ut non officiant recipiendis. Tex. 6. eum appellat locum formarum. Tex. 8. eundem intellectum in habitu vocat omnia factum ut scientem, eumque dicit non semper esse actu intelligentem, sed aliquando potestate. Denique omnem mutationem in ipsum coniicit, tum alias ut tex. 66. lib. 1. tum hic præcipue tex. 20. ubi affirmat esse mortalem, & ex eius interitu sequi rerum omnium obliuionem. At contra tex. 19. & 20. intellectum agentem ait esse velut artificem respectu materiæ, ac magis honorabilem patiente, actum purum qui idem est cum sua actione, non subinde, sed continenter intelligentem, separabilem, immixtum, impatibilem, & immortalem. Tex. quidem 18. dicitur esse ut habitus quidam, quale est lumen, non quòd verè sit habitus, aut in se habeat vllum habitum sicut patibilis, sed quia veluti lumen extrinsecus adueniens coloribus efficit ut illi conferant aliquid actu ad visionem, cuius habebant tantum potestatem, sic ille phantasie simulacris accedens causa est ut phantasia simul cum ipso, & simulacris insurgat ad producendam intellectum. Obseruandum est etiam ab Aristot. quædam attribui patienti intelligentiæ tex. 3. & sequentibus, quæ 19. dicuntur agenti conuenire, sed diuerso sensu: nam ibi patiens intellectus dicitur *ἀπαθής* hoc est carens affectionibus, non quòd non sit patibilis, ea enim est eius natura, sed quia secundum se antequam intelligat ut tabula rasa nullam habet propriam affectionem, ut scilicet omnes recipere possit. Dicitur etiam immixtus cum corpore, propterea quòd ita consideratus nullum habet simulacrum corporeum sibi naturale, licet ipse sit facultas quædam corporea. At verò intellectus agens longè alio sensu dicitur immixtus & impatibilis, nimirum quia abstractus est ab omni materia, substantia actu existens, separabi-

lis



lis & immortalis. Multi tamen existimant contex. 4. Aristotelem non loqui de phantasia quoniam intellectum illum vocat immixtum iuxta opinionem Anaxagoræ afferentis mentem supremam a corpore secretam, & expertem omnis materiæ, vt chaos in ordinem redigat, & intelligendo, dominetur ex Cratilo Platonis, & apud Aristotelem locis compluribus. Verùm ne in dictis philosophi sit discrepantia, eò quod manifestè docuit cogitationes, amorem, & odium non recipi in mente, sed in phantasia, dicendum est a contextu 2. vsque ad 9. accipi phantasiam pro intellectu patiente, neque exemplum Anaxagoræ ad aliud pertinere quàm vt ostendat phantasiam secundum se nudatam esse debere omnibus formis corporeis & organo aspectabili, maximè verò qualitaturn tractabilium exsuperantia, sicut Anaxagoras aiebat mentem suam esse separatam ab omni corpore: non tamen exemplum hoc debet in omnibus accommodari, vt ostendat intellectum patientem esse substantiam ipsam mentis abstractam ab omni materia, nam & Anaxagorei putarunt intellectum inesse cunctis animantibus 1. de anima 24. & animam esse corpus aeræ naturæ apud Plut. lib. 4. de Plac. c. 3. Hinc satis confutantur qui censent vtrunque intellectum distingui sola ratione. Qui verò dicunt intellectum hinc non esse substantiam animæ, sed duas eius facultates agendi, & patiendi, reijciuntur hoc ipso, quòd animæ facultati & aptitudini non conueniunt ea quæ tribuuntur intellectui, vt pati, recipere, esse locum specierum, intelligendo fieri omnia, & alia quæ iam attuli tam de patiente, quàm de agente. Quare apud Aristotelem ille non est aliud quàm phantasia, hic verò mens est, seu intelligentia quædam immortalis, tamen non omnium prima, vt putauit Alexander, Auerroes, & Zabarella: nam cum illa sit Deus, non rectè diceretur mens humana textu 17. vbi ait in anima existere differentias agentis & patientis, de quibus differentijs agendum proposuerat tex. 1. nempe de parte qua anima cognoscit & sapit, cuius partibus, & differentiæ nomen non videtur Deo conuenire, sed alteri intelligentiæ: nam si Deus est causa communis omnium effectuum, intellectio verò effectus singularis qui postulat causam propriam, & singularem, certè intellectio ab alia intelligentia fieri debet. Sed & Deus apud Aristotelem teste Alexandro in hoc infimo orbe tantum agit per motum, lumen, & causas secundas, nihil proximè; non vult igitur philosophus proximam causam intellectionis esse Deum, verum intelligentiam omnium infimam. Nos verò credimus esse spiritum immortalem singulis hominibus in ipso exortu eodem puncto temporis a Deo creatum, & infusum, & si Aristoteles ita sensisset fidentius poterat asseuerare patientem intellectum nihil aliud esse quàm phantasiam, siquidem in homine satis est reperiri animam vnā immortalem, quæ intelligat, & velit efficienter, licet actus illi non recipiantur in ipsa, sed in phantasia, vt patebit discutiendo quodnam sit intellectus agentis munus & officium in speculandis, & illuminandis simulacris. Imprimis accipio secundum Aristotelem phantasiam humanam citra operam intellectus posse naturaliter effingere quasdam imagines, vt fit in brutis animantibus, non tamen alias illustriores in quibus consistit intellectio, quippe ad hoc



opus est agente intelligentia, quæ per naturam intimè coniuncta phantasiæ, eiusque simulacris rudioribus, eis assistat ut causa princeps, ita ut simul efficienter producant imaginem corpoream quidem, utpote receptam in phantasia, sed tamen ijs quas phantasia sola fabricat insigniorem adeo ut intellectiōis nomen mereatur. Mens eius effectrix intelligens est hoc ipso tantum quod velut causa principalis eam producit: phantasia & eius simulacra quatenus coniuncta menti, atque ad opus præstantius eleuata cum ipsa operantur ad formandam & recipiendam intellectiōem, intelligendi quoque munus participant: quanquam neque mens, ut ante dixi, neque phantasia, sed vtriusque beneficio homo intelligit. Hic est modus omnium facillimus quo iuxta doctrinam Aristotelis simulacra dicuntur illuminari & de potestate ad actum traduci: nam qui dicunt patientem intellectum non esse phantasiam, sed mentis facultatem, vel eius substantiam, fateri coguntur ab agente intellectu, & simulacris corporeis simul coniunctis & illuminatis aliquid imprimi substantiæ mentis, quod vel sit intellectiō, vel proximum semen intellectiōis, cumq. illud esse debeat incorporeum, sequitur aliquid incorporeum produci naturaliter a re corporea, nobilius ab obscuriori. Contra verò Aristoteles secutus ordinem naturæ verisimilius existimauit a perfectiori imperfectius oriri posse, atque ita cogitationes nostras omnes esse corporeas, procedere tamen a mente incorporea, quemadmodum illi qui aliam in homine formam non agnoscunt, quam animam rationalem, dicunt omnes vitæ functiones quantumuis corporeas ab ea manare, procreationem, accretionem, nutritionem, non tamen in ipsa recipi, sed in corpore. Argumento est quod mens ipsa, se, Deum, & omnia non comprehendit nisi instar rei corporeæ, at si proprias notiones in se haberet, non modo integra valetudine, sed etiam in quocunque corporis morbo res abstractas a materia melius intelligeret, & earum cognitio absolutior semper illi præsens obuersaretur. Obijciunt phantasiam fore nobiliorem mente si ipsa sit forma constituens hominis speciem, & quæ non tantum efficiat intellectiōes, sed ipsas etiam in se recipiat. Refertur pro Aristotele mentem videri longè præstantiorem, cum phantasia sola nullam habeat functionem, qua homo distinguatur a beluis alio modo, quam simia a boue, quod autem causa est intelligendi, hoc præstat ut ministra dominæ suæ adminiculans, mens verò ut causa princeps, vnde vis præcipua deriuatur, & quæ in se manens corporeis non indiget adiumentis, ex quo abunde compensatur illud quod iuncta corpori sine phantasia nec intelligere quidquam, nec velle potest. Ut igitur absoluam breuiter functiones vtriusque intellectus, paucis dicam de speciebus impressis & expressis ad intellectiōem pertinentibus. Quoniam, ut docemur cont. 3. eodem modo se habent sensus & intellectus ad sua obiecta, necesse est vtriusque species quasdam, seu rerum imagines obuersari. Qui dicunt sufficere respectum nescio quem facultatis ad obiectum præsens, inficiari non possunt lumen esse speciem ad lucidum corpus intuentum, ita spectra quædam remanere in phantasia, quorum ope recordamur rerum præteritarum, quas nemo præsentis alio modo, quam per suam ima-

*De speciebus impressis & expressis intellectus.*



ginem, esse dixerit. Quare dubium tantum esse potest quarum specierum interuentu fiat intellectio. Qui intellectum patientem putant esse substantiam mentis, aut eius facultatem, dicunt ipsi speciem imprimi ab intellectu agente, & simulacro quod existit in phantasia, ac propterea vocant illam speciem impressam distinctam ab expressa, eaque priorem, & post ipsam permanentem: est enim inquit, veluti semen ad producendam intellectiōnem quæ vocatur species expressa, quoniam intellectus eam non recipit extrinsecus, sed in se exprimit, & conformat. Solus Zabarella putat impressam & expressam distingui sola ratione. Vtraque opinio repugnat doctrinæ Aristotelis, qua iam ostendi intellectiōnem non recipi in mente, sed in phantasia, & hoc commune habet, quod menti incorporea speciem incorpoream a simulacro corporeo imprimi docet, ac prior quidem asserens species expressas in intellectu manere post intellectiōnem, extricare se non potest a difficultate saepe inculcata, cur mens in delirio non vitur speciebus acquisitis ad conuenienter intelligendum, sed præstolatur phantasiæ, qua tamen instructior est & ornatio ad excogitandum, ipsa verò phantasia non operitur sensus externos, nec ipsis feriantibus otatur? unde dubitarunt quidam an mens distinguebatur a phantasia. Altera opinio Zabarellæ non leuioribus incessitur argumentis; nam cum species impressa proximè fiat a simulacro corporeo, & intellectu agente, qui Deus est apud ipsum, si species illa expressa non distinguitur ab expressa seu intellectiōne, consequens est intellectiōnem incorpoream a corporeo simulacro proximè fieri, & a Deo, atque ita mentem esse subiectum patiens, non autem causam efficientem intellectiōnis, cum tamen nobilius sit agere, quàm pati. Neque hoc argumentum rectè soluitur a Zabarella libro de mente agente c. 7. dum ait intellectiōnem duo includere, nempe speciei receptum, & iudicationem, atque in hac præcipuè consistere intellectiōnem: quæro enim quid non ine iudicationis intelligat, si actum aliquem a solo intellectu elicitum, certè cum hic actus non sit ipsa species, nec speciei receptus, distinguetur a specie, sin verò hac iudicatio nihil est distinctum a speciei receptu, cum talis impressio tota fiat a corporeo simulacro, verum erit ab eo fieri totum id quod est in intellectiōne, quod ipsemet Zabarella per absurdum esse iudicat, quoniam intellectus non efficeret, sed reciperet ab alio factam intellectiōnem. His accuratè pensatis videtur in Aristotelis expositione minus incommodi si quis dicat cum Alexandro intellectum humanum magis declarari per agere, quàm per pati, propterea non alia opus esse specie impressa, quàm simulacro corporeo existente in phantasia, quod intellectus agens hoc est mens ipsa illuminat, & corroborat sua præsentia ita vt iam mens, & simulacrum illud intellectiōnem eliciant, quæ recipitur in phantasia. An autem id fiat proximè per substantiam mentis, an per facultatem ab ea distinctam, quæ appetetur intellectus, similiter an intellectio sit effectio sola imaginis illius, quam esse dixi simulacrum ijs quæ a sola phantasia producuntur multò illustrius, an verò sit ipsa imago, an vtrunque, discutiendum alijs relinquo, contentus ostendisse sequi minus absurdi ex hac interpretatione, quàm ex alijs,



maximè verò quibus dicitur mentem esse veluti simiam quæ perficit seipsa quidquid effectum videt a phantasia naturali quadam actionis consecutione, cum dicere præstet mentem esse causam principem quæ cum phantasia sua ministra efficienter producit intellectionem . Ex qua doctrina multa corollaria facile deduci possunt scilicet humanitus omnia intelligi quorum simulacrum aliquod a mente simul operante cum phantasia effingi potest modo corporeo, atq; ita primo cognosci singularia seu indiuidua, deinde vniuersalia, quorum notitia in eo consistit, vt simulacrum aliquod exhibeat rei naturam & nihil de indiuiduis cogitetur, adeo vt difficile sit asserere causam cur a sola phantasia non habetur cognitio naturæ vniuersalis, vt dicebas: cum enim lupo viso sæpius hoc & illo homine expertus est omnes esse sibi infensos, nocte in siluis audito strepitu, cur non sibi fingat hominem intare, nihil cogitando de ijs quos prius vidit? atque illud est habere rudem quandam notitiam naturæ vniuersalis, quæ a mente acquiritur longè perfectior. Ita quod ait Aristoteles intellectum postquam omnia factus est seipsum intelligere, cum hoc fieri non possit nisi corporei simulacri interuentu, quo exprimit tam se, quam res omnes a materie seiugatas, id etiam aliquo modo fit a phantasia, dum brutæ animantes sicut in aqua se vident, ita sese imaginantur, suasque cogitationes percipiunt, & nisi hebetior est vis imaginandi ipsa se phantasia potest imaginari: etenim arbitramur nos intelligere lignum aut quidpiam aliud, vbi sensu intimo expressimus signum aliquod quo afficimur modo peculiari, signum autem illud procedit a qualitatibus nobis impressis ab ipso ligno: sic phantasia dum operatur, suis functionibus vti potest, vt inde formetur spectrum siue signum, quo excitetur ratione quadam singulari, atqui hæc motio est suiipsius excogitatio, non minus quam quæ a ligni qualitatibus procedebat, cogitatio de ligno nuncupabatur. Præterea colligimus habitus omnes naturales intellectus nihil aliud esse quam imagines impressas phantasiæ, quæ dum exprimuntur ab ipsa & mente vocantur intellectiones, habitus verò dicuntur cum iam diu in hærent memoriæ quæ est phantasiæ virtus receptrix & conseruatrix. Quoniam autem illa coniuncta menti dicitur ab Aristotele intellectus patiens, & intellectus in habitu, nihil est quod alij habitus naturales in mente ponantur: etenim mens facilius operatur hoc ipso quod in phantasia reperit habitus illos, vnde & ipsa dicitur esse habilior, quam eos in se non habet. Denique confici potest actus voluntatis non magis recipi in mente quam intellectiones, si actus illi a mente reipsa distinguuntur, vt amor, & odium, quæ vt dixit Aristoteles, non sunt affectiones mentis, sed communis sensus. Si verò per actum voluntatis intelligatur libera propensio, & vt dicunt, quoddam pondus, quo mens seipsa fertur in hanc vel illam partem, actus ille distinguitur sola ratione a substantia mentis, atque ita nihil prohibet quin dicatur in ipsa recipi. Sed de hoc ad octauum Phisic. satis quæsitum est. Cætera verò quæ hic magnis alterationibus disceptantur, alia satis patent ex dictis, alia plenius declarata apud innumeros autores videri possunt. Atque hæc de mente humana iux-



ta doctrinam Aristotelis satis sit in medium attulisse, vt quid reuera sentiendum sit, videant qui acutiori præditi sunt intelligentia, quippe illis non ista modò, sed & alia omnia libens summitto. ARIST. Eidem & ego censuræ subijcio quæcunque pro veteribus afferuntur, ex quibus hoc vnum mihi dicendum superest, ea quæ de modo intelligendi protulisti non satis conuenire substantiæ penitus incorporeæ: in omnium enim sententia vitari non potest graue incommodum, nempe vel corpoream intellectionem fieri a mente incorporea, vel a corporeis simulacris intellectionem incorpoream. Quod non sequitur in eorum sententia qui dicunt mentem esse corpus æthereum, vt Sancti Patres: ita enim spiritus corporeus quidem, sed naturæ cuiusdam indissolubilis, ac planè diuinæ conuenienter iungitur huic nostro corpori, velut ostraceæ concretioni iuxta Platonicos, neque substantiæ sunt adeo dispariles, vt ex ijs videatur vnum fieri non posse. Hæc igitur mens necessaria ad intellectionem, non autem ad munia viliora, sedem tantum habere debet in phantasia, vt nimirum eius simulacris coniuncta per naturam & actionem, ea vt ait Aristoteles speculetur, id est aptet & componat ad elicienda cum ipsis alia simulacra diuiniora, quorum motus admirabiles penitus & singulares sunt actus intelligendi, sicut dictum est de phantasia, & alijs sensibus. Nec minus voluntas libera dici poterit ipsa natura mentis quatenus veluti pondus aliquod suo pte nutu fertur ad prosequendum, fugiendum, vel cessandum omnino ab actione. De memoria, de habitibus, & alijs quæ hîc disputantur, maximè verò de eius statu, & modo intelligendi post excessum non est maior difficultas, quàm in contraria opinione. De diuersis autem speciebus animarum in singulis hominibus, quas admittere tenentur, qui tueri volunt contex. 49. lib. 12. Metaph: non difficilius est ex veterum sententia respondere, siue sint omnes eiusdem speciei, vt iam creditur, siue diuersæ iuxta dictum Persij,

*Mille hominum species, & rerum discolor usus,*

& vt Aristippi, qui ob turbulentam maris tempestatem metu exalbescens, irridenti nauiculario & se nihil timere iactanti, non de eadem anima metum esse respondit: antiqui enim non modò species rerum infinitas, sed etiam indiuidua singularum infinita constituerunt, ego verò ne infinitè disputationem hanc producamus, hîc dicendi finem constituam. CHAR. At aliquantò citius quàm exoptabam, præstolabar enim tibi libenter ex antiquorum promptuarijs inuecturo nobis vim vberem demonstrationum, quibus ostenderes illud ab Aristotele promissum statim in protæmio, nempe scientiam de anima rei excellentia, & rationum certitudine inter primas esse ponendam, verum, vt quod pace veterum tuorum dictum sit, ingenuè fatear, non magis ab ijs didici quid esset anima, quàm ab antiquo illo Lacone, qui frustra conatibus cadauer rectum constituere, dixisse fertur, *ὢν δ' ἄνθρωπον τὶ εἶναι θεῖν*, per Iouem oportet intus aliquid esse, quid verò illud sit, nihil hæcenus accepi ab ipsis, quòd magnopere leuaret sitim philosophicam. ARIST. Neque ego ab Aristotele, quod sedaret famem. Quare nobis accidisse videtur, vt duobus parasitis, qui cùm ientaculo con-

condixissent, ea lege, ut alter potulenta, alter esculenta secum afferret, spe fretus uterque se loci copiosis genio facturum satis, postquam hic pulmentum alterius occupasset, & vicissim ille lagenam, hæc quidem inanis reperta est, illud verò pictura simulatum, unde necesse fuit ut aliunde sibi cupedias prouiderent. Ita nos defraudato vicissim genio, ad locupletiores cellam penariam, non fictis, sed veris cibis instructam, nempe moralem philosophiam, exemplo Socratis, diuertamus.

**F I N I S**

















F D F

7276



